

SC. 4. PL. 5.



HAG 1028






STEPHANI-FRANCISCI

G E O F F R O Y

D E

MATERIA MEDICA

Tomi Tres.



TRACTATUS

DE

MATERIA MEDICA

SIVE DE

MEDICAMENTORUM SIMPLICIUM

Historia, virtute, delectu, & usu;

Auctore **STEPHANO-FRANCISCO GEOFFROY,**

Doctore Medico Parisiensi &c. &c.

Editio novissima locupletior, aliisque emendatior, Sup-


plemento **PARTIS SECUNDÆ SECTIONIS SECUNDÆ**

Anonymi Professoris nunc primum aucta, ex Gallica in Linguam Latinam eleganter redacta.

TOMUS PRIMUS.

DE FOSSILIBUS, &

DE VEGETABILIBUS EXOTICIS.



VENETIIS,

Apud **NICOLAUM PEZZANA.**

M DCC LVI.

SUPERIORUM PERMISSU, AC PRIVILEGIO.

RECEIVED AT

AMERICAN AIR FORCE

RECEIVED AT

AMERICAN AIR FORCE

RECEIVED AT

AMERICAN AIR FORCE

RECEIVED AT

EDITORIS PRÆLOQUIUM.



Onebat olim Galenus (*Lib. 1. de Antidoto, cap. 15.*)
ut omnium fossilium, stirpium, & animalium peritiam
Medicus haberet: sin minus, plurimorum saltem, quorum
frequens est usus; & quidem recte. Ex hoc enim tri-
plici fonte instrumenta depromit ars medendi, quibus
labefactam mortalium valerudinem restituat, & mor-
bos depellat, quæis misere afficiantur. Hunc sibi scopum propo-
nit Medicus, quem non attinget, imo in gravissimos, hominum-
que salutem nocentissimos errores impingat necesse est, qui, Materie
Medicæ peritia neglecta, morbos debellare suscepit armis, quorum
virtus & efficacia prius ipsi perspectæ non fuerint. Incumbit ergo
artis salutaris tyroni, ut artem exercere non prius aggrediatur,
quam medicamentorum, tum simplicium, tum præparatorum scien-
tiam, sine qua (ut ait Oribasius) nemo rite medicari potest, asse-
cutus sit. Nec latius est cum nosse, hoc vel illud medicamentum,
hac vel illa virtute pollere, huic illive morbo esse idoneum, hac
vel illa dosi usurpari: necesse est præterea, ut medicamina inter se
distinguere, legitima a spuris discernere, vieta & effeta rejicere,
recentia & integra seligere norit; ne imperitorum herbolariorum,
seplasiariorumve inscitia, ne dicam fraude, deceptus (quod Mare-
riz Medicæ parum gnaris non raro contingit) toxicum pro phar-
maco ægris suis propinet.

Quot & quanta ex hujus scientiæ neglectu in hominum perniciem
sedundarent mala, probe sciens vir clarissimus D. Stephanus Fran-
ciscus Geoffroy, ut mortalium salutem, & Medicinæ tyronum utilita-
ti consulere, hunc, qui nunc editur, Tractatum conscripsit, in quo
non modo singula medicamina graphice, & ex melioris notæ Au-
thoribus describit, varias quibus a veteribus recentioribusque insi-
gnita fuere, denominationes recenset, quoniam eorum delectus ha-
bendus indicæ: verum etiam vires illorum, tum longo usu in Me-
dicina comprobata, tum ab auctoribus fide dignis recensitas, tum
propria experientia confirmatas persequitur; nonnumquam etiam
effectibus causarum adjungit, singulorum analysim chymicam subnectit,

legitima a spuris fecernit, varias quorundam seplasiariorum fraudes detegit, quibus in morbis, quæ dosi, quibusve cautionibus adhibenda, quibus indigeant præparationibus, & quando inutilia noxiave sint, sedulus monet: denique nihil ut desiderari posset, illorum præscribendorum specimina ad artis regulas exacta apponit; ita ut optimo jure dici possit neminem qui de eodem argumento hæcenus scripserit, ipsi esse æquiparandum.

At dicendum quod res est. Omnia ei large suppetebant, sive naturæ, sive doctrinæ præsidia ad id operis necessaria. In paterna domo a teneris educatus, præter humaniorum studium litterarum quas non vulgariter excoluit, impetu quodam naturæ ferebatur ad omnia quæ vel Physicam, vel rerum naturalium historiam, vel Medicinam spectabant.

Grandiori factus nihil eorum prætermisit, quæ perito Medico informando conducere: Medicaminum historiam, delectum, usum, & præparationes a patre in his cognitionibus versatissimo discibat: eodem duce, sese in Chymia exercebat, quam postea summa cum laude, & maxima auditorum frequentia per viginti duos annos in Horto Regio docuit. Medicinæ in Schola Parisiensi omnium celeberrima operam dedit, cujus ipse deinceps insigne decus fuit & ornamentum. Anno 1709 designatus a Rege Christianissimo, aut Professorium munus in Regio Franciæ Collegio exerceret, hanc artis medendi partem sibi legendam assumpsit, quæ de Medicaminibus agit. Eo, quem diximus, doctrinæ apparatu instructus, demandata sibi provincia ita functus est, ut nominis celebritas non apud indigenas tantum, sed & apud externos brevi spargeretur, lingensque fieret ad eum undique auditorum concursus; qui Parisios quotannis advolabant, quæcumque de Materia Medica discitaret, avidè scriptis & auribus excepturi.

Hanc Materię Medicę tractationem in tres partes distribuerat, quarum prima Fossilia comprehendit, altera de Vegetabilibus agit; in tertia denique de Medicaminibus ex animalium regno petitis disserere decreverat.

Vegetabilia in duas sectiones partitus erat, quarum prior Vegetabilia exotica continet, altera indigena. Priorem adamussim perfecturus est, posteriorem vero morte immatura impeditus ad exitum non perduxit; animale regnum omnino non attigit.

Nostrium hoc vulnus, noster dolor! Si egregium opus ad finem deducere Cl. Auctori licuisset, præstantissimo ac cumulatiflimo Tractatu locupletatam se Medicina gloriaretur. Nunc tamen incepto operi extremam manum addere non potuit, quod confectum est ita

1709 T. I. nunc.

EDITORIS PRÆLOQUIUM.

numeris omnibus absolutum viris in arte medendi peritissimis & æquius æstimatoribus visum est, ut rem Medicis non ingratam se præstaturum censeret Bibliopola boni publici consulentissimus, si ex ipsius Auctoris autographo hunc Tractatum ederet.

Nunc jam quid in hocce Tractatu edendo prælitum sit, superest dicendum. Primum omnium curatum est ut nitidis typis excudetur; deinde ut Auctoris autographum integrum, & incorruptum redderetur, paucis quibusdam exceptis, quæ vel addere summo viro & in universa naturali historia versatissimo D. Bernardo De Jussieu R. S. A. Parisiensis & Londinensis Socio, vel emendare visum est. Cum enim vir clarissimus secundum hujusce Tractatus tomum, qui Vegetabilia exotica continet, integrum recognoscere operæ pretium esse duxerit; nonnulla animadvertit, quæ Auctorem nostrum, ut in opere longo, effugerant, alia post ejus mortem accuratius cognita vel descripta. Eo igitur duce & auspice, quæ viri doctissimi memoriam fefellerant, explevi, quæ nova essent addidi, & pauca a recentioribus accuratius descripta emendavi. Ut vero Auctori non tribueretur, si quid a me peccatum est; quæ mea sunt uncinis () includenda curavi.



IN.

INDEX CAPITUM.

INTRODUCTIO.

Ad Materiam Medicam.

Cap. I.	DE Medicamentorum definitione & divisione. Pag. 1	
Cap. II.	DE Corporum principijs	3
Cap. III.	DE Corporum principijs sigillatim.	6
Art. I.	DE igne elementari, primo Corporum principio.	ib.
Art. II.	DE Aqua elementari seu Phlegmate, altero Corporum principio.	7
Art. III.	DE Terra elementari, tertio Corporum principio.	8
Art. IV.	DE Sale, quarto Corporum principio.	ib.
	DE Sale acido.	9
	DE Sale acris seu alcali.	ib.
	DE Sale falso.	11
Art. V.	DE Oleo seu Sulphure, quinto Corporum principio.	ib.
Cap. IV.	DE elementorum mixtione.	14
Cap. V.	DE dignoscendis Medicamentorum viribus.	17

MATERIÆ MEDICÆ

Pars Prima.

DE FOSSILIBUS.

Seçt. I.	DE Aquis.	27
Cap. I.	DE Aquis simplicioribus.	ib.
Cap. II.	DE Aquis mineralibus medicatis.	30
Art. I.	DE Aquis mineralibus, quaterveis partibus reposita sunt.	31
Art. II.	DE Aquis, quæ salibus sunt impregnata.	ib.
Art. III.	DE Aquis sulphureis.	34
Art. IV.	DE Aquis mineralibus quæ metallis participant.	35
Seçt. II.	DE Terreis.	36
Cap. I.	DE Argillis.	ib.
Art. I.	DE Terra Lemnia.	ib.
Art. II.	DE Terra Melitenfis.	38
Art. III.	DE quibusdam Terris sigillatim Germanicis.	39
Cap. II.	DE Margis.	ib.
Cap. III.	DE Bolis.	40
Cap. IV.	DE Cretis.	41
Seçt. III.	DE Lapidibus.	42
Cap. I.	DE Lapide calcario, & de Calce viva.	ib.

Cap. II.	DE Talca.	43
Cap. III.	DE Astita.	44
Cap. IV.	DE Lapide Bernardico fossili.	45
Cap. V.	DE quibusdam Lapidibus figuratis.	46
Art. I.	DE Bolomire seu Lapide Lyncis.	ib.
Art. II.	DE Lapide Indico.	ib.
Cap. IV.	DE quibusdam lapidescentibus substantiis.	47
Art. I.	DE Glossopetris.	ib.
Art. II.	DE Unicornis fossili.	48
Cap. VII.	DE quibusdam lapidibus pretiosis opacis.	49
Art. I.	DE Lapide Lazuli.	ib.
Art. II.	DE Lapide Armeno.	50
Cap. VIII.	DE quibusdam lapidibus pretiosis pellucidis seu Gemmis.	ib.
Art. I.	DE Cryſtalla.	ib.
Art. II.	DE quinque fragmentis pretiosis.	51
Art. III.	DE aliis quibusdam Gemmis, quæ rarius in usum Medicum veniunt.	54
Seçt. IV.	DE Salibus.	56
Cap. I.	DE Sale cibario.	ib.
Art. I.	DE Sale cibario fossili, & gemmeo.	ib.
Art. II.	DE Sale cibario artificiali, & præsertim marino.	57
Cap. II.	DE Nitro seu Nitro antiquorum, & Nitro recentiorum, seu sale petra.	63
Cap. III.	DE Vitriolo.	69
Cap. IV.	DE Alumine.	74
Cap. V.	DE Sale ammoniac.	80
Cap. VI.	DE Chrysocolle, & Borace.	84
Seçt. V.	DE Succis bituminosis.	67
Cap. I.	DE bituminibus liquidis.	ib.
Art. I.	DE Naptha, seu Petroleo.	ib.
Art. II.	DE Pissasphaltis.	88
Cap. II.	DE solidis bituminibus.	89
Art. I.	DE Bitumine judaico.	ib.
Art. II.	DE Ambaro cinereo.	90
Art. III.	DE Succino.	92
Art. IV.	DE Gagare, & Carbone fossili.	95
Cap. III.	DE Sulphure.	96
Cap. IV.	DE Succis Arsenicalibus.	102
Art. I.	DE Auripigmento.	103
Art. II.	DE Realgar.	104
Art. III.	DE Arsenico propria diff.	106

Seçt. VI.

I N D E X C A P I T U M

Seç. VI.	De Fossilibus metallicis .	109	Art. V.	Clematitid. & Aristol tenui .	183
Cap. I.	De Fossilibus metallicis ,			De Behen albo & rubro .	186
	qua veri metalli par-		Art. VI.	De Butua .	188
	tem aliquam conti-		Art. VII.	De Carlina .	190
	nent .	ibid.	Art. VIII.	De Caccummunar .	191
Art. I.	De Hamatite .	ibid.	Art. IX.	De China radice .	193
Art. II.	De Smyride , Magnete ,		Art. X.	De Contrayerua .	196
	Magnesia , & Lapide		Art. XI.	De Costis .	198
	Petracorio .	112	Art. XII.	De Curcuma , seu Terra	
Art. III.	De Cadmia , Lapide Ca-			merita .	201
	laminari , Tuthia ,		Art. XIII.	De Cyperolongo & rotun-	
	Pompholige & Spo-			do .	203
	dio .	114	Art. XIV.	De Diſſamno albo , seu	
Art. IV.	De Chalcitide , Miſy ,			Fraxinella radice .	204
	Sory , & Melantheria .		Art. XV.	De Doronico .	206
		119	Art. XVI.	De Galanga minore &	
Cap. II.	De Fossilibus metallicis ,			major .	208
	qua ſunt peculiariſſima na-		Art. XVII.	De Gentiana .	210
	tura & metalla ſpuria		Art. XVIII.	De Glycyrrhiza .	212
	vel ſemi-metalla a qui-		Art. XIX.	De Helleboro albo & ni-	
	buſdam dicuntur .	120		gro .	213
Art. I.	De Stribo , ſeu Antimo-		Art. XX.	De Hermodactylis .	210
	nio .	ibid.	Art. XXI.	De Jalapa .	221
Art. II.	De Biſmutho .	133	Art. XXII.	De Imperatoria .	224
Art. III.	De Zincho .	134	Art. XXIII.	De Iſpecacuanha ,	226
Art. IV.	De Cinnabari , & Hydrar-		Art. XXIV.	De Iride Florem. & no-	
	gyro .	136		ſtrate .	230
Seç. VII.	De Metallis .	149	Art. XXV.	De Mechoacanna .	232
Cap. I.	De Metallis imperfectis .		Art. XXVI.	De Mco Athamanſico .	234
		150	Art. XXVII.	De Nardis .	235
Art. I.	De Plumbo , & ejus recre-		Art. XXVIII.	De Nintzin , & Gln-eng .	238
	mentis .	ibid.	Art. XXIX.	De Pyretero .	242
Art. II.	De Stanno .	156	Art. XXX.	De Rhabbaro , & Rha-	
Art. III.	De Ferro .	158		pontico .	244
Art. IV.	De Ere .	165	Art. XXXI.	De Saſſaparilla .	249
Cap. II.	De Metallis perfectis .	169	Art. XXXII.	De Seneka .	252
Art. I.	De Argento .	ibid.	Art. XXXIII.	De Serpentaria Virginia-	
Art. II.	De Auro .	173		na .	254

P A R S S E C U N D A

D E V E G E T A B I L I B U S E X O T I C I S .

Seç. I.	De Medicamentis Exoti-		Art. XXXIV.	De Turpetho .	256
	cis .	278	Art. XXXV.	De Zedoaria ; & Zerum-	
Cap. I.	De Radicibus .	ibid.		beth .	259
Art. I.	De Acoro vero , Acoro In-		Art. XXXVI.	De Zingibere .	262
	dico , & Pſeudo-Acoro .		Cap. II.	De Corticibus .	265
	ibid.		Art. I.	De Cinnamomo .	ibid.
Art. II.	De Angelica .	180	Art. II.	De Caſſia lignea .	272
Art. III.	De Anthora .	181	Art. III.	De Caſſia Caryophyllata .	
Art. IV.	De Ariſtolochia rotunda ,				272
	Ariſtolochia longa , Ariſtolo-		Art. IV.	De Camella alba .	ibid.
	ch .		Art. V.	De Cortice VVinterano .	
					274
			Art. VI.	De Cortice Peruviano Ki-	
				na-Kina dicto , & Ca-	
				ſearilla .	275
			Art. VII.	De Cedaga-pala .	291
			Art. VIII.	De Simarouba .	292
			Cap. III.	De Lignis .	293

Art. I.

INDEX CAPITUM.

Art. I.	De Agallecho, seu Ligno Aloe.	405
Art. II.	De Aspalatho, & Ligno Rhodio.	405
Art. III.	De Guaiaco.	406
Art. IV.	De Ligno Nephritico.	412
Art. V.	De Santalo Citrino, & albo & rubro.	415
Art. VI.	De Ligno Sassafras.	421
Cap. IV.	De Plantis quibusdam maritimis.	421
Art. I.	De Corallis, & Madrepora.	428
Art. II.	De Corallina.	431
Cap. V.	De Surculis quibusdam, Foliis & Floribus.	432
Art. I.	De Calamo aromatico vero.	434
Art. II.	De Schœnantho, seu Funco odorato.	435
Art. III.	De Malabathro, seu Folio Indo.	439
Art. IV.	De Senna.	441
Art. V.	De Dihamno Cretico.	444
Art. VI.	De foliis Theæ.	445
Art. VII.	De Stœchade.	447
Art. VIII.	De Croco.	447
Cap. VI.	De Fructibus & Seminibus.	447
Art. I.	De Palmulis, seu Dactylis.	447
Art. II.	De Jujubis.	447
Art. III.	De Sebesten, seu Myxis.	447
Art. IV.	De Uvis passis, seu Passulis.	447
Art. V.	De Caricis, seu Ficubus passis.	447
Art. VI.	De Mirobalanis.	447
Art. VII.	De Colocynthide.	447
Art. VIII.	De Cassia solutiva.	447
Art. IX.	De I amarindis.	447
Art. X.	De Vanilla, seu Araco aromatico.	447
Art. XI.	De Cardamomo, ejusque speciebus.	447
Art. XII.	De Amomo racemoso.	447
Art. XIII.	De Cubebis.	447
Art. XIV.	De Pipere, & speciebus ejus.	447
Art. XV.	De Caryophyllis aromaticis, Antophyllis, & Caryophyllo regio.	447
Art. XVI.	De Anacarditis.	447
Art. XVII.	De Nuce Cajons vel Acajous dicta.	447
Art. XVIII.	De Nuce Ben.	447
Art. XIX.	De Casao.	447
Art. XX.	De Pistaciis.	447
Art. XXI.	De Nucleis pineis.	447
Art. XXII.	De Ricinis & Ricinoidis nucleis purgantibus.	447
Art. XXIII.	De Semine Caffæ.	447
Art. XXIV.	De Nuce Moschata, & Maci.	447
Art. XXV.	De Nuce Vomica, Ligno Colubrina, & Faba S. Ignatii.	447
Art. XXVI.	De Carthami seu Cnici semine.	447
Art. XXVII.	De Semine contra vermes.	447
Art. XXVIII.	De Aniso Indico stellato, Badian dicto.	447
Cap. VII.	De Plantarum succis liquidis & concretis.	447
Art. I.	De Resinis liquidis.	447
Art. II.	De Opobalsamo, seu Balsamo Judaico.	447
Art. III.	De Balsamo Peruviano, albo & fusco.	447
Art. IV.	De Balsamo Toluzano.	447
Art. V.	De Balsamo Copaiwa, seu Brasiliensi.	447
Art. VI.	De Liquidambaro.	447
Art. VII.	De Styrace liquido.	447
Art. VIII.	De Terebenthina, varietate ejus speciebus ac productis.	447
Art. IX.	De Resinis solidis.	447
Art. I.	De Anime, & Copal.	447
Art. II.	De Benzoino.	447
Art. III.	De Camphora.	447
Art. IV.	De Caranna.	447
Art. V.	De Elemi.	447
Art. VI.	De Lacryma, vulgo Gummi Hedera dicta.	447
Art. VII.	De Ladano.	447
Art. VIII.	De Mastiche.	447
Art. IX.	De Olbano, vel Thure.	447
Art. X.	De Sandaracha.	447
Art. XI.	De Sanguine Draconis.	447
Art. XII.	De Styrace solido.	447
Art. XIII.	De Tacamahaca.	447
Art. I.	De Succis gummosis.	447
Art. II.	De Gummi Arabico, Seneca, & nostrate.	447
Art. III.	De Gummi Tragacantho.	447
Art. IV.	De Manna solutiva.	447
Art. V.	De Gummi-resinis.	447
Art. VI.	De Ammoniaco.	447

Art. II.

I N D E X C A P I T U M :

Art. II.	<i>De Asa foetida.</i>	508	Art. VII.	<i>De Catechu, & Lycio ve-</i>	
Art. III.	<i>De Bdellio.</i>	517		<i>terum.</i>	571
Art. IV.	<i>De Euphorbio.</i>	519	Art. VIII.	<i>De Succo Glycyrrhizæ.</i>	
Art. V.	<i>De Galbano.</i>	522			575
Art. VI.	<i>De Myrrha.</i>	524	Art. IX.	<i>De Saccharo.</i>	576
Art. VII.	<i>De Opopanace.</i>	527	Art. X.	<i>De Tartaro ejusque pra-</i>	
Art. VIII.	<i>De Sagapeno.</i>	528		<i>parationibus.</i>	590
Art. IX.	<i>De Sarcocolla.</i>	530	Cap. IX.	<i>De Tuberibus, Fungis, &</i>	
Cap. VIII.	<i>De Succis arte quadam e</i>			<i>adnatæ quibusdam ve-</i>	
	<i>plantis extractis.</i>	531		<i>getabilibus.</i>	595
Art. I.	<i>De Succo Aloes.</i>	ibid.	Art. I.	<i>De Tuberibus cervinis.</i>	
Art. II.	<i>De Scammonio.</i>	540		<i>ibidem.</i>	
Art. III.	<i>De Gummi gutta.</i>	548	Art. II.	<i>De Fungo Sambucino.</i>	596
Art. IV.	<i>De Opio.</i>	552	Art. III.	<i>De Agarico.</i>	ibid.
Art. V.	<i>De Acacia vera, & Aca-</i>		Art. IV.	<i>De Gallis.</i>	600
	<i>cia nostrate.</i>	567	Art. V.	<i>De Cravo Kermes, &</i>	
Art. VI.	<i>De Hypocistide.</i>	570		<i>Coccinella.</i>	692



PONDERA ET MENSURÆ

C U M N O T I S.

gr. Granum quod æquat pondus grani Hordei modice crassi.

℥. Scrupulus	} continet {	grana xxiv.
℥. Drachma		scrupulos iij.
℥. Uncia		drachmas viij.
℔. Libra		uncias xvj.

℥. Semis, five pars mensuræ dimidia.

N. Numerus par vel impar.

Pug. Pugillus, quantum tribus digitis capi potest.

Man. vel M. quantum manus tota complectitur.

Fasc. Fasciculus, quantum brachio complicato capi potest, continens.

Pint. Pinta continens libras duas.

Cyathus, qui circiter sesqui-unciam capit.

Cochl. Cochlearium, quod pro semi-uncia habetur.

gutt. Gutta, quæ minima liquidorum mensura & grano æquiparatur.

Ana, singulorum prius recensitorum quantitatem sequentem sumendam esse significat.

p. æ. partes æquales.

q. v. Quantum vis.

q. l. Quantum libet.

q. s. Quantum sufficit.

pp. Præparatum.

M. Misce.

℞. Recipe.


F. Fiat.

f. a. Secundum artem.

B. A. Balneum Arenæ.

B. M. Balneum Mariæ.

alkool. alkoolizatum.



TRACTATUS

DE

MATERIA MEDICA

SIVE DE

MEDICAMENTORUM SIMPLICIUM :

Historia, virtute, delectu, & usu.

INTRODUCTIO

AD MATERIAM MEDICAM.

CAPUT PRIMUM.

De Medicamentorum definitione & divisione.



Utrumque ad sanitatem tuendam, morbosque profligandos adhibentur auxilia, ex triplici fonte desumuntur; vel ex Diæta, quæ rectam & appositam vivendi rationem instituit; vel ex Chirurgia, quæ malis debellandis auxiliatricem manum, aut nudam, aut ferro & igne armatam, admoveat; vel etiam ex Pharmacia, quæ variis ægitudinibus convenientia medicamenta suppeditat. Harum Medicinæ partium ediscendarum par Medico necessitas: illius vero quæ de medicamentis agit, cognitionis acquirendæ summa difficultas, tum ob illius immensitatem, tum propter difficilem virium, quæ medicamentis insunt, perquisitionem.

Geoffroy Tom. I.

A

Medi-

Medicamenta dicuntur, quæ depravatam corporis constitutionem mutant & ad meliorem adducunt. Unde liquet, ea ab alimentis & venenis differre ab his, quod corporis naturam non destruant; ab illis vero quod bonum corporis habitum non servent, sed malefatum restituant. Quædam tamen alimentosa dicuntur medicamenta, quæ nutriendo bonam valetudinem tuentur, & labantem firmant. Verum si nonnisi corporis deterioramento in ejusdem partes agant, vehementiora dicuntur & deleteria.

Medicamenta alia simplicia, alia composita. Simplicia appellamus quæ sponte, soliusque naturæ beneficio emerlerunt; cuiusmodi sunt Rosa, Absinthium. Composita, quæ arte & industria ex multorum simplicium permixtione constat: talia sunt Theriaca, Panacea Mercurialis, &c.

Hic agemus tantummodo de simplicibus medicamentis, quorum congeries pene immensa Materię Medicæ nomine nuncupatur.

Præcipua medicamentorum simplicium tam nostratum, quam exoticorum discrimina, vel ab eorum materia, vel ab eorum facultatibus desumuntur. Ex materia, cum triplex sit, triplex quoque in genere statuitur medicamentorum differentia: vel enim ex mineralibus sumuntur, vel ex plantis, vel ex animalibus; unde totidem Classēs, Regna seu Familiæ exsurgunt. Cum medicamentum quodlibet naturam corporis mutet, vim suam, vel in solidas, vel in fluidas ejus partes exerit.

Si in fluidas, vel vacuando, vel alterando; unde vacuantia dicuntur, vel alterantia. Vacuantia adhuc, vel per alvum humores subducunt, quæ purgantia appellantur; vel per vomitum, quæ emetica; vel per urinæ vias, cutis poros, os uteri, nares, &c. quæ diuretica, sudorifera, emmenagoga, apophlegmatifantia, &c. Quædam hos vel illos humores vacuant; hinc cholagoga, quæ flavam bilem; melanagoga, quæ nigram; phlegmagoga, quæ pituitam. Alterantia vero medicamenta, vel æstuantes humores compescunt, & refrigerantium nomen sortiuntur; vel lentos ac tardos humores attenuant & cient, qualia sunt calefacientia; vel cuidam ægritudini proprie conveniunt, qualia sunt febrifuga, antipleuritica, antiepileptica, antidyenterica, traumatica, &c. vel cuiusdam partis affectus sublevare existimantur; unde cephalica, ophthalmica, bechica seu pectoralia, cardiaca, stomachica, hepatica, splenica, hysterica, &c. Si medicamenta in solidas partes agant, eas afficiunt, vel laxando, ut emollientia; vel adstringendo, ut styptica; vel erodendo, ut cathartica: quæ quidem medicamentorum differentię in infinitum protrahi possent. Verum cum longe simplicior sit ea, quæ ab ipsa materia derivatur, hunc ordinem utpote naturæ magis consentaneum, in hoc tractatu servabimus. Itaque in tres partes hanc Materię Medicæ tractationem distinguemus.

Prima pars fossilia seu quæ e terræ visceribus eruuntur, Aquas scilicet Minerales, Terras, Lapidēs, Sales, Sulphura, & Bitumina, Metallica concreta, atque Metalla comprehendet.

Secunda, Vegetabilia, Radices nempe, Cortices, Ligna, Folia, & Germina, Flores, Fructus, Semina, Succos, tum liquidos, tum concretos, & cætera e plantis nata continebit.

Tertia de Animalibus, Insectis nimirum, Piscibus, Avibus, Quadrupedibus, Homine, eorumque partibus, vel excrementis usui Medico accommodatis, differet.

Verum

Verum ad accuratam ac diligentem Materiæ Medicæ tractationem instituendam, remediî cuiusque historiam & virtutes a Medicis recensitas exponere non sufficit; sed etiam multa insuper consideranda sunt ac perpendenda. In iis enim, quæ nobis veteres de Materia Medica reliquere, summa est obcuritas & confusio. Sæpe eadem medicamenta variis nominibus, varia vero eodem nomine, insigniuntur; quædam nomine tantum indicantur, prætermisiss descriptionibus; unde horum medicaminum proprietates aliæ aliis confuse tribuuntur.

Hanc autem confusionem explicare & elucidare opus est in Medicina perutile, sed summæ difficultatis. Præterea tot ac tanta de singulis remediis prædicare solent auctores, ut unumquodque, si ipsorum verbis fides habeatur, tanquam Panacea aut Pharmacum universale foret existimandum. Cum autem rôt præclaræ dotes, remediis assignatæ, sæpius commentitiæ deprehendantur; verum a falso, quantum fieri potest, extricandum est & distinguendum. Tandem quantumvis progressa jam fuerit Materiæ Medicæ scientia, longe adhuc plura detegenda supersunt, tum ad eam novis remediis specificis locupletandam, tum ad medicamentorum agendi rationem perscrutandam, tum etiam ad tutiorem eorum administrationem.

Itaque cuiusque medicamenti variam, tum apud veteres, tum apud recentiores denominationem diligenter inquiremus: ejusdem deinde descriptionem, historiam, & delectum exponemus; postea chymicam analysim, seu principiorum resolutionem & earum partium, a quibus virtus illorum præcipua pendet, physicam subnectemus disquisitionem: vires quoque, tum longo usu in Medicina comprobatas, tum ab auctoribus fide dignis recensitas, tum propria experientia confirmatas, prosequemur; nonnunquam etiam de ejusdem remediî agendi ratione peritiorum sententias adjungemus, ne empiricorum more unicam experientiam omni ratione destitutam profiteri videamur, ac tandem quibus cautionibus utendum sit in ejus administratione, quibus præparationibus indigeat, & quando inutile vel noxium sit, quam fieri potest, diligentissime perscrutabimur & enarrabimus.

Sed priusquam opus illud aggrediamur, nonnulla de corporum principiis præmittenda sunt, quædam etiam de medicamentorum viribus dignoscendis exponenda.

CAPUT SECUNDUM.

De Corporum Principiis.

Quemadmodum machinam generatim exploratam habere non possumus, nisi in suas partes ea dissolvatur; ita quæ sint corporum virtutes & qua ratione diversæ naturæ mixta se habeant ad corpus humanum, sive ad ejus œconomiam æquabilem servandam, sive ad eamdem perturbatam restituendam, vel etiam ad eam perturbandam & destruendam, perspectum nobis esse non potest, nisi principia, ex quibus constant, dignoscantur, & horum principiorum inter se commixtio ac

Proportio, a quibus præcipue pendet mixtorum vis & energia, explorata fuerint & manifesta. Quapropter variis, quas nobis exponit Chymica; corporum resolutionibus sedulo perpenſis, ſubſtantiis ſimpliciores, in quas omnia corpora ultimo reſolvuntur, & ex quibus etiam componi videntur, tanquam vera & genuina rerum principia conſtituemus.

Cum in corporum reſolutione quinque ſubſtantias, Spiritum nempe ſeu Mercurium, Sulphur, Salẽm, Aquam, & Terram elicerent Chymici veteres; totidem rerum principia assignaverunt, quæ in vini reſolutione obſervare licet.

Si vinum, alambicis ope, ignis calore diſtilletur, primum aqua ardens ſeu ſpiritus prodibit: hunc excipit aqua inſipida, quam Phlegmatis nomine iis placuit designare. Cum autem in fundo alambicis, phlegmate magna ex parte exhausto, nihil remaneat præter materiam viſcoſam & craſſam, hac utique in aliud vas, quod retorta dici ſolet, translata & vehementiori igni admota, primo nonnihil phlegmatis, tum liquor acidus, quem adhuc Spiritum vel Mercurium nuncupant; tandem viſcoſus, pinguis, & oleoſus humor egreditur, quem olei aut ſulphuris nomine inſiſgniant. Quod ſupereſt jam valde exſiccatum, igne comburunt, tum in vas terreum conſciunt, cui aqua ſervida affunditur. Hæc ſale imprægnatur; tum philerata, ſeu per chartam bibulam aut panni lacinias trajecta, & calore exhalata, ſalem in fundo vaſis deponit. Quod remanet ex cineribus, terra eſt aut caput mortuum.

Ex hac quintuplici ſubſtancia, duo ſunt principia, quæ a Chymicis dicuntur inertia & oſioſa elementa, Aqua ſcilicet, & Terra: tria vero actuoſa vocantur, a quibus omnem miſti vim & energiam pendere exiſtimant, Spiritus nempe, Sal, & Sulphur. In hac autem vini reſolutione Spiritus ſeu Mercurius duplex eſt; pinguis unus & inflammabilis, quique leni calore primus egreditur, iſque vini Spiritus dicitur; alter penetrans & acidus, quique in aceto plurimus eſt. Alia præterea reſeſetur apud Chymiſtos Spiritus ſpecies, penetrantis nempe, volatilis, & urinoſi; qui ex animalium partibus educitur, ut Spiritus urinæ, Cornu Cervi, aut ſanguinis.

Verumtamen recentiores Chymici ex principiorum ſeu elementorum numero Spiritum rejecerunt, utpote qui nihil aliud eſt quam Sal vel Sulphur aqua ſolutum: eſt enim Spiritus vel Sal acidus, ut Spiritus Nitri aut Spiritus aceti; vel Sal alcali volatilis, ut Spiritus urinæ, Cornu Cervi; vel eſt Oleum ſeu Sulphur æthereum aut attenuatum, ut Spiritus vini, Spiritus Terebenthinæ. Non igitur elementi vel ſimpliciſſimæ ſubſtantiæ nomen ſortiri debet.

Quidam vero e neotericis elementi ſtrictiori ſignificatione ſumpti ſeu ſimpliciſſimæ ſubſtantiæ titulum Sali & Sulphuri denegarunt, quibus & nos aſſentimur. Sulphur enim diligenti analyſi ſubactum, in Salem, Aquam, & Terram convertitur: quod patet ſi olea diſtillata fœtida cum Calco multoties diſtillantur; magnam enim talis volatilis copiam phlegmate dilutam, cum capite mortuo, abundanter præbent. Olea vero ætherea, ut Spiritus vini, nihil aliud ſunt quam Oleum pingue & craſſum, ſcüt Olivæ oleum, ſalibus quibuſdam attenuatum, & in aqua diſſolutum. Quod duplici experientia conſirmari poteſt: primo, ſi Oleum Olivæ aut aliud quodcumque liquori fermenteſcenti amiſceatur, totum in Spiritum

rum ardentem abit. Secundo si Spiritus vini lbij. aquæ communis duodecim libris diluantur, & libero aeri exponantur, salibus volatilibus exhalatis, oleosæ partes in superficie aquæ congregantur, guttarum instar supernatantes, Olei Olivarum vel Amygdalarum specie & gustu prorsus similes.

Salem pariter ex elementorum numero rejiciendum censemus, quippe qui in Terram & Aquam post quosdam labores reducitur. Hujus rei exemplum sit Nitrum, quod si distilletur, fere totum in spiritum acidum abit; & e contra, si cum Tartaro vel carbonum pulvere comburatur, sal alcali evadit, qui Nitri fixati vel alcalizati nomen accipit; qui quidem si postea per se liquecat, & per chartam bibulam coletur, magnam terræ copiam in colatorio deponet. Percolatus vero liquor per alambitem, ad siccitatem usque distillatur; unde prodit aqua insipida. Sal vero residuus exsiccat & magna sui parte diminutus reperitur. Quem operandi modum ad finem usque si repetas, sal fere omnis in terram converteretur: quæ deest vero portio, in aquam inspidam immutatam fuisse vero simile est. Præterea quid est alcalium salium vitrificatio, nisi eorumdem in terream substantiam immutatio, cum vitrum nullas habeat proprietates a terræ virtutibus diversas.

Quod autem per analysim probavimus, illud idem plurimis circa corporum ortum & formationem experimentis facile demonstratur, præcipue vero insigni Helmontii de Salice experimento ab aliis sæpius repetito.

Ducenas fere libras terræ, in clibano exsiccata, vase conclusit, addito operculo ferreo variis foraminibus pertuso, ne quid extrinsecus accederet; ramum Salicis quinque circiter librarum pondere huic terræ infixit, qui radices in terram subjectam egit, & in arborem adolevit. Quinto post anno Salicem extraxit, quæ centum & sexaginta libras & amplius pendere visa est, cum vix subjecta terra aliquot unciarum pondere esset imminuta. Sola aqua pluviali irrigata fuerat terra. Magno quidem argumento ex aqua & exigua terræ portione hanc arborem adolevisse; cæterasque, ex quibus componebatur, substantias, sales nempe & sulphura, ex duobus illis elementis fuisse compositas. Nec minoris sunt momenti illustissimi Boylei experimenta longe accuratiora. Menthæ, Majoranæ, Pulegii, Melissæ ramusculos in ampullis aqua limpida repletis disposuit, & ramusculi trium drachmarum vel semiuncie pondere ad uncis sex & amplius creverunt, qui postea distillati non minorem principiorum copiam exhibuerunt quam rami plantarum terræ pingui insitarum. Unde satis liquet sales & olea ex his plantis elicita, ex aqua & terra coaluisse.

Verum præter has duas substantias, aliam tertiam ad corpora mixta producenda necessariam esse facile demonstratur. Aqua enim & terra substantiæ sunt: per se inertes & minime actuosæ, quæ aliud supponunt principium a quo motum suum, omnemque agendi potestatem mutuuntur. Terra per se omnis motus prorsus experta est; aqua vero, nisi ab alieno principio moveatur, in corpus solidum, glaciem nempe, concrevit. Deinde ignis seu flamma quæ ex omnibus æthere corporibus elicitur, principium summe mobile in iisdem supponit, quod fixiores partes perniciosi motu concitando, flammam exciter. Tandem cum partes quorundam mixtorum volatilitate, subtilitate & mobilitate vigeant, illud principium

renue esse & summe mobile demonstratur. Licet igitur sensibus minus obvia videatur hæc substantia, eam tamen cum aqua & terra ad mixtorum corporum compositionem concurrere manifestum est. Nequicquam enim terra & aqua simul confusæ variis modis conjungerentur, semper inertia jacerent absque ulla virtute & energia, nisi ab alio principio motum, vim, & agendi potestatem acciperent: unde pro varia mixtionis ratione, pro diverso motus gradu, variæ mixti corporis proprietates exsurgunt.

Illud itaque principium subtilissimum ac summe mobile censeas elementum ignis Peripateticorum, materiam subtilem Cartesii, idem perinde est.

Tres igitur simpliciores substantias agnoscimus, quas elementi nomine insignire non dubitamus; actuosam unam, quam Ignem dicemus; passivas duas, aquam, & terram. Ex igne, aqua, & terra inter se diverso modo conjunctis, sal exsurgit primigenius, qui prima est trium elementorum copula & simplicior connexio. Sal deinde cum igne, aqua, & terra junctus & connexus, sulphur seu oleum constituit, quod alterum est e mixtis minus compositis seu quintum ex principiis corporum. Nunc de iis sigillatim.

C A P U T T E R T I U M.

De Corporum Principiis sigillatim.

A R T I C U L U S P R I M U S.

De Igne elementari, primo Corporum principio.

Ignem elementarem, utpote: solam actuosam substantiam, a qua ceteræ omnes motum suum accipiunt, primum etiam inter principia recognoscimus.

Corpus est simplex, subtilissimum, pernici motu agitatam, quod omnium corporum poros replet & facile permeat, dummodo nihil ejus motui resistat; sed magno impetu omnia dirumpit, si sufficienti copia in eorum poris turgeat, & si solidiora corpuscula ejus motui opponantur. Hanc substantiam subtilissimam dico, cum omnia naturæ corpora penetret; nulla enim est materia igni impervia. Pernici motu agitur: tanta enim est ignis celeritas & violentia, ut omnium corporum partes rapidissimo motu secum abripiat. Major vel minor est ejus actio pro majori vel minori copia, qua in corporibus turget. Perniciosissimus & violentissimus est ejus motus in Sole, qui immensa nobis videtur hujus substantiæ congeries. Non tanta est in nostris ignibus ejusdem vehementia. Minus vividum est hoc elementum in spirituosiss & volatilibus liquoribus; & adeo debile in oleosis corporibus deprehenditur, ut nisi dum incenditur corpus, viz: ignem hæc substantia percipi possit.

Cum autem omnis corporum motus ab hoc elemento profisciscatur, sic
ab

ab eodem pendet calor omnis, qui nihil aliud est, quam inordinatus & perturbatus partium insensibilium motus.

Adeo subtilis est & actiosa hæc substantia, ut in analysibus chymicis fere semper avolet, nec unquam obtineri possit nisi cum aqua & terra in salibus & sulphuribus confociata. At vero quantumvis volatilis & fugax deprehendatur, nihilominus tamen tanta copia in quibusdam corporibus coacervatur & figitur, ut eorum pondus multum augeat: quod in Plumbi, Antimonii, & Mercurii calcinatione observare licet. Dum enim flamma vel Solis radiis calcinantur, eorum pondus vel quinta sui parte crescit & augetur.

ARTICULUS SECUNDUS.

De Aqua elementari, seu Phlegmate, altero Corporum principio.

Aqua elementaris substantia est simplicissima, liquida, insipida, inodora, pellucida, quæ ab ignis elemento fluiditatem habet; ab eo vehementius concitata, in tenuissimas partes dividitur, & in vapores abit: necnon in corpus solidum, glaciem nempe, facile concrevit, si ab actuoso illo principio deferatur.

Elementum illud, quod a Chymicis phlegma dicitur, constat ex particulis exilibus, non anguillaribus, non flexilibus, sed rigidis, oblongis, teretibus, quæ ad figuram ovatam accedunt.

Aquæ partes exiles sunt, cum omnium fere corporum poros subeant. Leves nobis videntur, teretes & ovatæ, quæ scilicet pores aquæ fluxilitati & motui maxime conveniunt. Non sphericas censemus aquæ moleculas; vix enim globulorum congeries tantam consequi posset soliditatem quæ in glacie deprehenditur, cum nimis exiguus foret ipsorum contactus, ut in Hydragyro percipitur. Nec anguillares, nec flexibiles sunt moleculæ aquæ: qui enim concipi possit anguillares, & flexibiles moleculæ corporum dissolutionem promovere, siquidem molles & flexibiles moleculæ salium poros difficillime subirent ac penetrarent, nec intra eos intrusæ pororum latera disjungerent. Econtra vero ovatæ partes, cuneorum instar, parte sua acuminata poros subeunt, illos deinde latiore sui parte dilatant, moleculasque corporum ab invicem disjungunt.

Nullum saporis vel odoris sensum excitant aquæ partes, quod non omnino aculeatæ sint, sed obtusæ; & præterea adeo tenues, ut linguæ vel narium papillæ vellicare vel confodere nequeant.

Quæ in aqua deprehenditur fluiditas, oritur tum ex partium suarum exiguitate, levitate, & figura, tum etiam ex earum motu insensibili, ab igneo fluido intercurrente. Quid ad fluiditatem conferant partium aquearum exiguitas, levitas, & ovata figura, nullus non videt. Exiguitate & levitate promptiores fiunt ad motum, & igneæ materiæ incursum facilius dividuntur; ad quod etiam confert ovoidis figura, qua nempe partium minor est inter se contactus, qui facillime dissolvi possit. Træcipua autem fluiditatis causa est ignis elementum, quo fluidum aqueum penetratur, dividitur, & movetur. Quod si quacumque de causa ignis elementum ab aqueo liquore recedat, aut saltem minori copia illum pervadat; aqua statim fluiditatem amittit, & in corpus solidum immutatur;

tur; quod ejus partes omnino quiescant, sese immediate tangerent, & fere nulla incurrente materia dirimantur. Quemadmodum autem, recedente igneo principio, corpus fluidum in solidum concret; sic eodem uberius affluente fluidi aquei partes, magis ac magis ab invicem disjunctæ in vapores primo sensibiles, fumi ad instar, deinde vix sensibiles, rarescunt & expanduntur. Aquæ pelluciditas a recto luminis per poros aquæ satis patentes transitu proficitur.

ARTICULUS TERTIUS.

De Terra elementari, tertio Corporum principio.

QUOD Chymici Terram damnatam; Caput mortuum nuncupant, illud Terram elementarem dicimus. Tertium est corporum elementum, seu substantia simplex, friabilis, porosa, insipida, & inodora, cujus moleculæ nulla regulari figura donantur, & ad motum prorsus ineptæ sunt.

Cum irregulares sint terræ moleculæ, multos inter se poros relinquunt; hinc friabilis est earum compages, quod per suos tantum angulos sæpius inter se cohæreant. Nec etiam ullum per se saporis vel odoris sensum excitare valent, quod obtusæ sint, & ad motum inhabiles.

In corporum resolutione ultimum superest illud principium, & in eorundem compositione, reliquorum miscibilium veluti basis & fundamentum reputatur. Ab eo corporum, in quibus abundat siccitas, soliditas & durities magna ex parte ducitur.

Ex terræ, aquæ, & ignis moleculis certo quodam ordine dispositis, & inter se commixtis, prima & simplicior exsurgit elementorum compositio, quæ salis nomine insignitur, & cui quartum inter corporum principia locum concedimus.

ARTICULUS QUARTUS.

De Sale, quarto Corporum principio.

SAL, licet corpus mixtum, a nobis tamen inter corporum principia recensetur; quod hæc substantia per analyses vulgares e corporibus mixtis integra eliciatur, nec nisi exquisita & accuratiori analysi ad sua reducatur principia seu elementa; deinde quod ab ea corporum sapores, odores, & plurimæ aliæ proprietates pendeant.

Sal itaque est trium elementorum, ignis nempe, aquæ, & terræ concretio in corpus solidum, rigidum, durum, in aqua solubile & in igne fusile, quod partibus duris & solidis solo superficierum planarum contactu sibi cohærentibus constat. Sal non friabilis est, ut terra; sed si conteratur in frustula, cum fragore ad instar vitri dissilit; quod nonnisi magna vi ejus moleculæ a se invicem dimoveantur. Aqua tamen facile dissolvitur, quod aquæ partes pernici motu agitatæ salinas moleculas huc & il-

& illuc secundum planas suas superficies propellant, ab invicem disjungant, & secum tandem abripiant. Saporum & odorum est causa vel principium, quod aculeis suis linguæ narium membranas nerveas vellicare valeat.

Verum ut salis natura clarius elucescat, eum in acidum, acrem, & falsum distinguemus.

De Sale acido.

Sal acidus congeries est partium rigidarum, solidarum, oblongarum, utrimque fusorum ad instar acuminatarum.

Salis acidi partes rigidas & duras esse demonstrat vis, qua solidiora corpora dissolvit, eorumque moleculas dividit: easdem acutas esse ac pungentes sufficienter probat sapor, quod linguam & palatum pungunt, non vero abradunt, ut sal acris. Aqua facile solvuntur, & eundem cum ipsa fluidi motum servant: unde liquet primo eas cum aquæ moleculis ejusdem fere ponderis esse: deinde talem esse illarum connexionem, ut, licet valida & tenax, facile tamen aquearum partium motu solvatur. Cum autem solidæ sint, rigidæ, aculeatæ ad fusorum instar, mirum non est si omnium fere corporum poros subire, eorum partes, tanquam cunei, dirimere, mixtorumque dissolutionem promovere valeant. Verum ut rationem, qua ex igne, aqua, & terra acidæ salis moleculæ componuntur, conjectura, quantum fieri potest, assequamur; supponere licet plures aquæ partes in unam moleculam congestas sibi invicem agglutinari ope terrearum & ignearum quarundam particularum, quibus aquosarum partium interstitia replentur. Eas vero moleculas in duplicis pyramidis aut fusi formam adaptari putamus, cum tribus, quatuorve aquæ partibus juxta se invicem dispositis, ut triangularis vel quadrati corporis formam efficiant, altera aquæ particula iis superimponitur, altera vero infra accommodatur. Diversa est autem fusorum salinorum seu acidarum molecularum configuratio pro varia aquearum partium dispositione; quæ ad tres classes reduci possunt, nimirum ad acidum nitrosum, ad acidum muriaticum, & ad acidum vitriolicum, de quibus postea.

Ex iis moleculis acidis cum terra & igne permixtis, sal acris seu alcali conficitur, cuius natura evolvenda.

De Sale acris seu alcali.

Alcali vox a plantæ Kali nomine originem duxit: nam ex hujus plantæ cineribus sal elicitur, ad vitrum conficiendum, qui ab Arabibus *Alkali* dictus fuit; deinde eadem vox usurpata est pro salibus, qui e plantarum cineribus eliciuntur, & tandem pro salibus aut substantiis quibuscunque, quæ cum acidis salibus fermentationem concipiunt.

Sal acris seu alcali congeries est partium sphericarum & hispidarum.

Ex corrosivo & urente hujus salis sapore concludere possumus, ipsius partes celerissimo motu facillime donari; quod sphericæ figuræ maxime convenit. Judicamus quoque eas sphericulas aculeis circumquaque armatas esse; ita

ita ut, dum supra nervas linguae papillas convolvuntur, eas limæ ad instar abrasant; in quo, sal alcali ab acido, qui linguam tantummodo pungit, discrepare nobis videtur.

Sal acris per se vel lenissimo calore evahitur, quod hæ sphaerulæ aculeis veluti totidem pinnis armatæ majorem pro sua mole superficiem igneo principio offerant, ac proinde ipsius motui facillime cedant.

Quod ad hujus salis formationem attinet; ex certa quadam acidarum & terrearum molecularum copula & aggregatione oriri videtur: siquidem variis Chymicorum operationibus, sales acidi cum terra permixti, in salem acrem convertuntur, ut in Nitri fixi præparatione & urinæ fermentatione videre est. Nitrum enim quod distillatum fere totum in acidum spiritum effunditur, si cum carbonum pulvere calcinetur, in salem alcali redigitur. Idem etiam observare licet in urinæ fermentatione: recens enim urina distillata salem salum fixum relinquit, salum marino analogum, ex quo acidus liquor accuratiori distillatione extrahi potest; nulum vero salem volatilem præbet. Eadem vero fermentata, & distillata, nihil aut parum salis fixi, sed magnam salis alcali volatilis copiam supeditat: unde hujus salis formatio satis liquet. Cum enim fermentatione aut calcinatione accuratior fiat acidarum & terrearum particularum mixtio, plures acidæ partes unicæ terreæ molecule occurrentes, eam unde quaque aggrediuntur, & in ejus poros alte penetrant; tuncque moleculam constituunt, cujus centrum densum est ac firmum, ex quo spiculorum acidorum portio quædam prominet & echinatam superficiem efficit. Hæ sunt alcalium salium volatilium partes, quæ, si plurimæ simul conjungantur, ita inter se invicem aculeorum ope coherant, ut majores & irregularis figuræ constituent moleculas. Dum autem hispidi illi globuli agglomerantur, quamplures inter se poros relinquunt, quibus aquæ, terreæ, sulphureæ & acidæ molecule facile recipiuntur & absorbentur, quapropter sal acris raro sincerus deprehenditur. Sæpe terreis moleculis adimplentur ejus pori; & tunc igne vel ardentissimo elevari non potest, sed potius funditur: unde fixus dicitur, ut sal fixus Tartari, aut sales qui e plantarum cineribus eliciuntur, & idcirco lixivii vocantur sales. Nonnunquam sulphureis partibus tantum permiscetur, & volatiles sunt, seu lenissimo ignis calore avolant, ut sales volatiles urinæ, Cornu Cervi, & alii ex animali profapia.

Humido aere facile colliquefcunt sales acres, quippe qui aqueis particulis in aere contentis, intra innumeros suos poros facilem aditum præbent. Sales fixi sic liquati, sunt veluti lixivium, quæ olea improprie dicuntur ut oleum Tartari per deliquium. Volatiles vero sales aqueis partibus diluti, spiritus volatiles urinofos constituunt, quales sunt spiritus volatiles urinæ, sanguinis, Cornu Cervi, &c.

Sæpe etiam salium acrium pori acidis particulis repleti sunt. Quæ autem ex hac salium acidorum & acrium copula exurgit salina compositio, tertia salis species est, quæ salis falsi nomine distinguitur, ut Sal Ammoniacus, & ceteri sales hujuscemodi, quorum compositio & indoles consideranda venit.

De Sale falso.

Sal falsus ex acidis & acrisbus moleculis simul conjunctis componitur. Compositi hujus salis moleculæ ab acido sale suam figuram potissimum mutantur. Quem in linguam excitant saporis sensus magis hebes est, quam qui ab acido aut ab acri excitatur; quia ex horum salium copula crassiores formantur moleculæ, ac proinde ad motum minus aptæ. Licet vero major sit in his moleculis aculeorum copia, attamen corrodens eorum vis longe minor est; quod tanta sit spiculorum densitas, ut nec cutis poros alte penetrare valeant, neque nerveas ejus papillas æque fortiter vellicare, ac cum expedita erant & disjuncta. Sapor qui ab eo excitatur, falsus dicitur; cujus mira varietas pro acidorum aut acrium salium differentia, pro varia horum spirituum salinorum densitate vel raritate, pro majori vel minori horum vel illorum copia, pro diversis etiam, quæ cum illis immiscentur partibus.

Ex acidorum & acrium salium aggregatione & miscela oriri salem falsum eo confidentius asserimus, quod acidorum & acrium confusione, hujusmodi salem falsum Chymici sæpius componant, & quod ex sale falso ambos hos sales separare noverint. Sic acidum spiritum Nitri v. g. Salis marini, vel Vitrioli in Tartari salem affundendo, Sal falsus efficitur, qui Nitri, Salis marini, vel Vitrioli naturam apprime refert; & per salium essentialium plantarum; aut salis Ammoniaci, aut cæterorum salforum salium analysim, sales acidi & sales acres, tum volatiles, tum fixi secernuntur.

ARTICULUS QUINTUS:

De Oleo seu Sulphure, quinto Corporum principio.

QUOD sulphuris & olei nomine intelligunt Chymici, illud nos inter corporum principia quinto loco assignamus. Non simplex est corpus, sed compositum ex prioribus quatuor principiis, igne, aqua, terra, & sale, in quæ facile resolvi potest. Ideo tamen illud inter corporum principia recensemus; quod ex mixtis naturæ corporibus integrum facile eliciatur, difficilius vero in simpliciora elementa dividatur; quod sit ignis elementaris veluti receptaculum & fomes, ac proinde ad illud plurimæ mixtorum qualitates, ut inflammabilitas, colores, odores, metallorum ductilitas & malleabilitas, & aliæ corporum virtutes referantur.

Sulphur itaque seu Oleum generice sumptum, ignis, aquæ, terræ, & salis concretio est in corpus fluidum, lentum, inflammabile, pellucidum & per se insipidum & inodorum, licet a diversis ejus cum sale mixtionibus colores, odores, & sapes pendeant. Congeries est flocculorum plurimis & flexuosis filis compactorum.

Subti-

Subtilissima sulphurum filamenta ex quadam salinarum, aquearum, terrarum, & ignearum molecularum aggregatione, tum in terræ visceribus; tum etiam in vegetantium & animantium corporibus fermentationis ope, componuntur: quod quidem plantarum aromaticarum aquæ immerfarum accretione satis evidenter demonstratur. Nunquam enim ex illa aqua oleum quod distillatione ex his plantis elicitor extra hi potuisset: præterquamquod in salem, aquam, & terram, olea quæcumque diligenti analysi resolvantur, ut jam diximus.

Ex his filamentis diversimode confectis, flocculi exsurgunt plus minusve densi, intra quorum poros ignis elementum abunde reconditur, unde sulphuris levitas & inflammabilitas. Præter igneam substantiam, quæ his poris continetur, uberrimi sunt hujus materię oleosos flocculos intercurrentis rivuli, quibus a se invicem disjunguntur & seorsim moventur motu perturbato, qui ad fluiditatem requiritur. Nihilominus tamen quamdam inter se connexionem & intricaturam servant tortuosa hæc filamenta, unde fluidi lentor pendet.

Ex supra recensitis salis alcali natura, & sulphurum quam mox exposui figura & structura, facile concipi potest, qua ratione sulphur quodcumque ab alcali sale dissolvatur. Cum enim sphaericæ & echinatæ supponantur alcali salis moleculæ, intra floccos filamentosos sulphuris moveri non possunt, quin quædam ex filis secum abripiant, & flocculos paulatim dividant ac discerpant. Econtra vero densæ, rigidæ & aculeatæ acidorum salium moleculæ intra sulphurum flocculos copiose intrusæ eorum texturam densiorem & firmiorem efficiunt: unde etiam sulphurum varia genera; nam pro varia, tum sulphurum, tum acidorum spiculorum tenuitate aut crassitie, pro diversa eorundem quantitate, diversa quoque composita oleosa, vel sulphurea exsurgent, consistentia, tenuitate & volatilitate varie inter se discrepantia.

Nam quæ in terræ visceribus oritur sulphurea concretio ex ignis, salis acidi, aquæ, & terræ tenuissimæ consortio, bituminis vel pinguedinis terræ nomen obtrinet. Deinde bituminosa hæc pinguedo magna partium aquearum copia soluta, oleum minerale constituit, quod Petroleum dicitur. Si vero terræ & sali permisceatur, solidiora bitumina producit, pura vel impura pro terræ copia, vel crassitie, vel pro mixtionis diverso gradu: inde Carbo fossilis, Gagates, Succinum, Bitumina, & terræ bituminosa. Si vero minor sit terræ, major vero salis acidi copia, ex hæc mixtura exsurget Sulphur minerale vulgare seu inflammabile. Si tandem illud bitumen terræ occurrat fusibili & vitrescibili, formam metallicam illi tribuet, nempe metalli splendorem, molliem, ductilitatem, & maleabilitatem, quæ quidem variis experimentis probantur. Nam mixtura olei acidi Vitrioli & olei Terebinthinæ, partibus æqualibus, post lenem, sed diurnam digestionem, per retortam distillata, liquorem effundit primo flavescentem, deinde croceum, ad Petroleum odore & consistentia proxime accedentem. Quod in retorta superest, primo in bitumen molle inspissatur, ac tandem in massam nigram & solidam concrevit & induratur; quæ flamma admota facile accenditur; & dum comburitur, odorem spargit, carbonis fossilis odori prorsus similem. Quod si pergatur distillatio ex materia superstitie prodit liquor albicans & acidus, in quo subsidet pulvis gilvus, sulphur nempe flammæ concipiendæ capax; & præterea ad
retor-

retortæ collum elevatur sulphur flavum & combustibile, quod a sulphure vulgari non discrepat. Ultimum vero in retorta remanet quædam substantia nigra, splendens, levis & foliacea aut talcosa, in qua ferreæ particulae magnetis ope deteguntur.

Nec sola artificialis horum bituminum compositio, sed etiam eorum quæ e terræ visceribus eruuntur resolutio arte Chymica, eadem principia nobis detegit.

Métalla vero nihil aliud esse, quam bitumina diuturno digestionis calore cocta, & ad certum fixitatis gradum adducta satis demonstrat Chymica eorum analysis, quæ metalla saltem imperfecta in cineres & vitra reducit, sulphureum quo turgent principium auferendo. Si enim igne diuturniori vel radiis solaribus vitreæ lentis ope congestis calcinentur imperfecta metalla, sulphureum principium avolat, & in calcem aut cineres reducuntur, quæ tandem igne vehementiori in vitra convertuntur. Si vero hisce vitris metallicis sulphureum principium restituatur, denuo metallicam formam induunt.

Quæ in animali & vegetabili regno occurrunt flammæ capaces substantiæ, sulphureo principio & acido sale nova combinatione permixtis componuntur. In his enim principium sulphureum seu oleum, ut in minerali regno, ex salis acidi & ignis elementaris permixtione cum aqua & terræ modica portione ortum ducit. Deinde vero oleum cum acri sale mucagines & gummata constituit; cum acidis tenuibus & nova ignea substantia interperla olea essentialia & ardentis spiritus producit; acidis vero crassioribus & terræ quantitati sufficienti confociatum, resinas efficit. Sic arte Chymica artificiale gummi componimus aut saponacea concreta plus minusve crassa, salium acrium & oleorum tenuiorum aut crassiorum mixtione. Sic spiritus vini & spiritus volatilis urinæ simul mixti, tenues gummi seu mucilaginosum concretum efficiunt; oleum vero olivarum & sal fixus Tartari liquatus, saponem seu crassioris gummi speciem componunt. At spiritus vini & oleum Vitrioli confusa & diuturniori calore digesta, distillatione oleum inflammabile, subtile, grati odoris, & essentialibus plantarum oleis haud absumile fundunt, ac tandem veram resinam in retorta relinquunt.

Idem principium oleosum in animalibus axungiam efficit, & gluten aut gelatinosam substantiam quæ in partium nutrimentum cedit. Hæc enim gelatinosa substantia salibus acris volatilibus & oleo componitur, quod analysi satis manifestum est. Axungia vero ex oleo & sale acido constat. Si enim oleum olivarum & acidus spiritus quicumque, sive Nitri, sive Vitrioli, confundantur & digerantur, sebum vel axungia inde emerget animalium pinguedini similis.

Flamina quam sulphurea vel oleosa corpora concipiunt, est motus primi nostri elementi in foculorum oleosorum poris latentis; quod carceres, quibus detinebatur, successive dirumpit, & acidi salis spicula secum abripit, quorum ope corporis accendi moleculas, cujuscumque generis sint, dividit ac destruit.

Sulphurea concreta, vel volatilia, vel fixa, in corporibus deprehenduntur. Fixiora vel solida sunt, ut axungia, resina, & bitumina; vel fluida, ut olea: volatilia vero calore levissimo avolant, & olei consistentiam servant, ut olea essentialia Juniperi, Thymi, &c. vel aqueam formam habent.

habent, & spiritus ardentres dicuntur, ut spiritus vini, & fructuum spiritus ardentres.

C A P U T Q U A R T U M.

De Elementorum mixtione.

EX quinque supra recensitis principiis corpora quæque constare oportet. Hæc principia, ut diversa ratione miscentur, diversa itidem efficiunt composita. At vero quænam sint varæ mixtionis rationes in diversis, quæ inde exsurgunt compositis, nobis considerandum est.

Principiorum mixtio fit ope motus, qui totus ab ignis elemento pendet; vel lentus est ac tardus, ut in fructuum maturitate; vel vividus, ac promptus, ut in multæ fermentatione; vel vehementissimus, ut in corporum deflagratione. Omnes illi motus donantur nomine fermentationis, quæ si ad compositi destructionem tendat, corruptio nuncupatur.

Simplicior principiorum mixtio, seu minus composita, ea est quæ saltem constituit, intima nempe & stricta aquæ & terræ copula; deinde sulphur quod ex ignis, terræ, & salis consortio exsurgit; tandem sales acres, volatiles vel fixi, sales essentielles plantarum, & sulphura tum solida, tum liquida.

Quænam sint illæ mixtionis rationes, & quænam sint ejusdem mutationum series in triplici regno, variis exemplis observare licet.

Et primo quidem exemplo sit vitis. Ejus uvæ adhuc immaturæ & vix notatæ saporem insipidum aut herbidum tantummodo referunt. Prout crescunt, aciditas quædam in iis sensim evolvitur: unde primo austerus percipitur earum succus, postea acerbus, & tum Omphacium dicitur; quod si distillationi subjiçatur, magnam phlegmatis copiam largiturum est, nonnihil acidi liquoris, sulphuris seu olei portionem exiguam, & in vase magnam terræ copiam relinquet.

Hoc in succo moleculæ terræ salium rudimentis veluti fetæ, primo austero gustu percipiuntur: deinde vero acerbæ sapore extremi salium aculei e terreis moleculis jam erumpentes, sed suis involucribus nondum omnino liberati, manifestos se præbent.

Verum cum ad perfectam maturitatem perveniunt uvæ, austerus earum sapor in dulcem convertitur. Tunc ignis elemento uberius penetratur succus, rarior fit ac tenuior; concitatiore motu agitantur ejus partes, sales acidi terreæ sua involucria exuunt, & ex nova salium, ignis, aquæ, & terræ consociatione nascuntur sulphura. Si qui vero acidi sales sulphurum compositionem non subeunt, ab iisdem sulphureis irretiuntur, ita ut summis tantum acuminibus inter sulphurea filamenta prominentibus, linguæ papillas vellicent, & gratum saporem excitent. Tunc musti nomen obtinet, quod distillatione copiosum phlegma exhibet.

bet, deinde liquoris acidi non mediocrem quantitatem, aliquam salis volatilis acris seu urinosi portionem, & oleum crassum longe uberius quam in priori distillatione; tandem ex materia in vasibus superflite sal fixus aeris elicitur, qui a terra separatur.

In hoc uvarum maturarum succo, sive musto, sales & sulphura ad summum tenuitatis gradum nondum evecta fuere, vel terreis crassioribus partibus adhuc involvuntur, quibus eorum actio multum retunditur.

Si vero ille magna succus copia fermentationi committatur, tunc ignea materia, qua abundat, novum & majorem fermentationis motum excitat, qui non quiescit, quin partes crassiores attenuatae fuerint, aut e liquoris sinu remota, quin sales & sulphura e terreis partibus liberata, exacte mixta & subacta fuerint: tunc liquor vinum dicitur. Crassiores vero partes e centro ad circumferentiam propulsae, in fundo subsident saecum nomine. Vividus autem & maxime penetrans videtur liquor ob magnam ignei elementi copiam, quae intra sulphureorum flocculorum filamenta nidulatur. Distillationi subiectus ille liquor, non mediocrem spiritus ardentis copiam primo largiturus est, deinde phlegma uberimum praebit; postea liquorem acidum cum aliqua oleosi spiritus portione, tandem olei crassi aliquantulum tribuet. Exigua admodum remanet capitis mortui portio, quae salis acris fixi paululum lotione exhibebit. Sic in vini distillatione longe minor est acidi liquoris proventus quam in musti analysi: sed ex vino magna spiritus ardentis copia extrahitur, nulla vero ex musto.

Verum si vini faeces probe siccatae distillantur, magna salis volatilis acris seu urinosi quantitas elicietur, quod acidi sales sulphureis & terreis moleculis irretiti, tum vi fermentationis, tum etiam ignis calore in salem volatilem convertuntur.

Alia quoque variarum salis acidi metamorphoseon, tum in spiritum ardentem, tum in salem volatilem, exempla videre est in Fabarum & Pisorum distillatione. Si enim Fabae aut Pisi recentia & adhuc virentia ex retorta distillantur, acidum spiritum copiosum, praeter magnam phlegmatis quantitatem, & nonnihil olei praebent. Si vero haec semina tempore convenienti in aqua vulgari fermentescunt, copiosum spiritum ardentem largiuntur. Si tandem absque ulla sensibili fermentatione per aliquot menses in loco arido servantur, spiritum alcali urinosum distillatione exhibebunt, nihil vero aut parum acidi liquoris. Unde liquet, salem acidum fermentatione cum caeteris principiis consociatum, in sulphur converti; aut sui ipsius cum terreis & sulphureis moleculis coalescentia, in salem alcali volatilem abire, sicuti calcinatione in salem alcali fixum immutatur, si vi ignis in crassiores terrae moleculas intromittatur, ut in lixiviosorum salium praeparatione.

Verum hic observandum incumbit, omnes sales e regno vegetabili oriundos, non esse inter se prorsus similes. Nam inter se discrepant non solum ratione compositionis pro majori vel minori copia sulphuris, aquae, aut terrae cum sale acido conjuncta; sed etiam multum inter eos intercedit discriminis, ratione salis acidi primigenii, a quo ortum ducunt. Sal enim primigenius, acidus nempe, non unus & simplex est; sed pro variis typis.

typis in quibus formantur, diversi sales acidi emergunt; quorum tria tantum genera cognoscimus, scilicet muriaticum, salem nitrosum; & salem vitriolicum. Sal muriaticus, qualis est gemmeus vel marinus: crystallizatione cubicam figuram suscipit: ejus partes integrantes quasi ex duplici pyramide quadrata per basin junctis formatæ mihi videntur. Nitri crystalli prismaticam figuram exhaedram repræsentant: & ex duplici pyramide triangulari integrantes ejus partes formatas supponimus. Vitrioli vero partes integrantes ex duplici pyramide exagona efficitur existimamus, ob figuram, quam sal fixus Vitrioli omni parte metallica, quantum fieri potest, purgatus solet suscipere.

Sales illi primigenii cum aliis substantiis conjuncti, sales compositos constituunt diversæ figuræ & energię, quorum numerus pene infinitus est. Sic in regno vegetabili acetorum varia occurrunt genera, quæ nihil aliud sunt quam sales acidi primigenii aliqua phlegmatis copia soluti. Sales essentielles absque igne præparantur, qui tamen sunt acidi cum moleculis terreis & cæteri principis aggregati; sales Ammoniâci, qui ex acidorum & acrium volatilium copula exsurgunt: acres fixi, cum acidis spiculis terræ moleculæ crassiore hirsutæ sunt; volatiles vero seu urinosi, cum tenues admodum sunt moleculæ terræ, ita ut globulos hirsutos constituent.

Pariter eadem salis acidi primigenii genera, quæ in minerali regno observantur, in regno quoque vegetabili deprehenduntur. Exempli gratia, sal essentialis Paricetariæ nitrosus est; & carbonibus accensis impositus, ad instar Nitri fulgurat. Sales fixi Cardui Benedicti, herbæ Kali, spongix, sali marino congenes sunt. Eorum crystalli cubica figura donantur, & inter accensos carbones crepitant. Tartari crystalli vitriolici crystallos repræsentant: & eandem esse acidi in Tartaro deliquescentis naturam cum acido vitriolico facile demonstratur ex sulphureo odore quem sæpius spargit Tartarum certo modo calcinatum.

Præter salina composita, sunt & aliæ mixtiones, quæ in plantis producuntur, ut Gummi, Resinæ, & mellei liquores.

Gummi est substantia media inter acidum & oleum, vel est sal acidus qui cum terreis moleculis ita conjungitur, ut major ejus portio in salem alcali jam immutata sit, dum altera in oleum convertitur; ita ut mixtum inde exsurgat salino-oleosum, qualia apud Chymicos videre licet concreta saponacea ex oleo olivarum & lixivio Tartari, aut mucilaginosæ ex spiritu vini & spiritu volatili urinæ. Unde semina fere omnia quæ in maturitatis statu oleo turgent, nihil aliud sunt in principio quam mucagines seu olea immatura.

Resinæ ex acido & oleo componuntur, qualis est mixtura olei Vitrioli & spiritus vini, vel spiritus Terebenthinæ. Sunt vel solidæ vel liquidæ, quæ nisi partium terrearum interventu inter se non differunt.

Mellei succi qui ex plantis vel sponte exsudant ut Manna, vel arte eliciuntur ut Saccharum, sales sunt essentielles ex acido & alcali sale constantes cum oleosis partibus quamplurimis permixtis.

Quamplurima diversarum, quibus principia inter se misceri possunt, sive natura, sive arte, rationum exempla observare licet in regno minerali.

Lapis Calcareus & Gypsum ita sunt disposita, ut in iis; si igne calcinentur, ab ignea materia innumeris aperiantur poruli, quibus aquæ moleculæ facile reci

recipiuntur, non tamen sine quadam earum, & ignei principii ini-
bi inclusi collisione. In his poris diutius affervatæ aquæ partes tan-
dem in moleculas nitrosas convertuntur. Ex muris enim antiquis ex cal-
ce aut gypso extructis Nitrum temporis decursu efflorescit, vel etiam ar-
te extrahi potest. Idem Nitrum distillatum pro majori sui parte in spiri-
tum acidum effunditur; contra vero cum Carbonibus calcinatum, se-
re totum in salem alcali convertitur; & fortasse Natrum antiquorum seu
sal alcali mineralis, qui in Ægypto, & in aliis regionibus e terra ef-
foditur, aut ex plerisque mineralium fontium aquis elicatur, nihil aliud
est, quam Nitrum calore terræ calcinatum, quod in salem alcali fixum
mutatum est.

Sal acidus vitriolicus cum metallis Vitriolorum varia genera constituit:
tum terra adstringente alumen efficit, ac tandem cum igneo principio sul-
phur vulgare, & combustibile. Sulphur enim vulgare flavum, deflagra-
tum, & igneo principio exhalato in acidum liquorem totum convertitur;
& rursus acidum illud vitriolicum igneo principio coadunatum, in sulphur
concrescit.

Eadem principiorum mixtiones in animali regno deprehenduntur. Chy-
lus, & lac salem acidum occultum continent, qui quadam putrefactio-
ne facile evolvitur: facile enim acefcunt. Cum verò debita fermenta-
tione subigitur sal ille acidus, in salem alcali volatilem commutatur,
qui copiosius ex liquoribus e chylo prognatis, sanguine scilicet, sero,
bile, urina, &c. elicatur. Verum in debita corporis dispositione sal
acidus in salem alcalinum non omnino mutatur; sed salem salinum seu
Ammoniacum constituit cum terreis, & oleosis partibus commixtum,
Ex hac autem salis Ammoniaci cum oleosis partibus unione, gelati-
nosa feri, & sanguinis substantia oritur, quæ putrefactione vel cal-
cinatione indiget, ut sal in ea contentus, in salem alcalinum con-
vertatur; ut videre licet in urina, sanguine, aut cæteris corporis hu-
mani succis, ex quibus sal alcali extrahi nequit nisi prævia putrefa-
ctione aut calcinatione.

Hæ sunt præcipuæ principiorum mixtiones, quæ in corporibus naturali-
bus occurrunt, ex quibus cæteræ, quæ ex his fieri possunt composi-
tiones, facile deducuntur.

CAPUT QUINTUM.

De dignoscendis Medicaminum viribus.

Nihil sane Medicis optabilius, ægris quoque salubrius contingeret,
quam si mixtorum omnium, quæ natura passim profert, vires ad
immutandum corpus humanum probe dignoscerentur.

Quod enim accuratè observatum fuisset de singulis mixtorum effecti-
bus, Medico veluti norma foret, ad quam tuto temper praxim medicam
accomodaret; nec alio præterea indigeret adjumento, nisi iudicio quodam

ad remedia opportune juxta varios morbi casus exhibenda: sed cum nobis desint maxima ex parte ejusmodi rerum naturæ observationes, ad alia confugere oportuit.

Quidam se operæ pretium facturos duxerunt, si ex rerum naturalium figura, colore, aliisque externis qualitatibus, quamdam inter earum vires & certas corporis humani partes aut certos morbos connexionem augurarentur. Ita ut hac methodo investigare conati sint, quidquid singulis partibus utile, noxiumve futurum esset. Si quamdam sibi finxerunt analogiam inter Nucem moschatam & caput, inter Afari folia, & renes, inter Anacardii fructus & cor, Dentariam, & dentes, semen Fraxini, Glossopetram & linguam; inter lapidem Aëritem, & foetum in utero, lapidem variolarum & variolas; inter lapidem Hæmatitem, aut Jaspidem maculis rubris distinctum & sanguinem; inter lapidem Cancrorum, lapidem Judaicum & calculum vesicæ; inter Carduum benedictum, Carduum Beatæ Mariæ, dentes Aperi, aut mandibulas Lucii piscis & pleuritidis dolorem punctorium, inter radices Scrophulariæ vel Cardui hæmorrhoidalis nodos & hæmorrhoidas; inter Rhæbarbarum vel Chelidonium & bilem vel icterum. Sed præterquamquod non bene cessit talis virium inquirendarum ratio, nullus est rerum physicarum ita rudis, qui statim non agnoscat quam sit inutilis, & absurda. His itaque exterioribus signis utendum quidem ad distinguendas inter se res naturales, non vero ad earum vires detegendas.

Ab intimis mixtorum qualitatibus Galenus, & ejusdem affectu eorum virtutes cognoscere tentaverunt: & recte quidem, si veras introspectissent eorum qualitates, non vero vanas finxissent eorum judicio primarias, calidum scilicet, frigidum, siccum, & humidum. Neque enim ipsis suppetebat alia dijudicandi ratio, quam ex odore & sapore; quod quidem ad suas qualitates instituendas non sufficiebat, licet ad certa quædam indicia non sit inutile. Etenim ex gusto amaro satis tuto judicamus, plantas esse stomacho proficuas, & alimentis recte coquendis aptas; ex gustu acido, eas esse immodico sanguinis aut bilis motui cohibendo peritiles; ex odore aromatico, illas nervis ac spiritibus adjumento esse. Non itaque ista negligenda sunt, sed ad rectum usum convertenda.

Postea vero recentiores Physici, ad rerum naturalium vires investigandas, duplicem adhibuere methodum. Altera nempe rerum principia, altera vero earumdem effectus cognoscere tentarunt. Utramque viam insunt celeberrima illæ in Gallia, Anglia, & Germania doctorum virorum societates. Chymicis resolutionibus intima mixtorum principia multo labore scrutati sunt; eoque pervenere, ut principia mixtorum separata, aut substantias iisdem similes simul jungendo, eadem composita, unde elicita fuerant, denuo composuerint. Sic non minus facile quam perfecte ad nutum destrui aut restitui possunt sal marinus; Nitrum, Vitriolum, Alumen, Sulphur, Bitumina, & Mineralia pleraque. Unde spes illucescit iis, quæ jam comperantur, & quæ in dies ea de re comperiuntur; mixtorum compositionem ex tenebris, quibus involvitur, tandem erui posse.

Multum laborem insumpsit Regia Scientiarum Academia in analysibus

ses plantarum perficiendas, quas scilicet distillandas curavit, sive recentes, sive jam fermentatas. Sed quam pauca inter eas, quæ ex tot diversis plantis extrahuntur, substantias, reperiuntur discrimina.

Ex his phlegma insipidum, idque copiosum plerumque ante omnia distillari solet; tum spiritus acidi, sales alcalini seu urinosi, vel soluti, vel concreti; liquores mixti, qui nempe acidorum, & alcalium effectus exerunt; & olea fœtida & nigra extrahuntur: tandem sal aut lixivialis aut salis e cineribus elicitur; ille lixivii saporem præferret, & humido aëre resolvitur, ut sal Tartari; hic salem salsum gustum refert, ut sal Leucoii lutei vulgo *Keiry*.

Præter has substantias, quæ ex omnibus fere plantis educuntur, quædam aliæ adhuc ex quibusdam plantis eliciuntur. Sic ex plantis aromaticis oleum subtile & fragrans, quod essenziale vocant, plerumque primum egreditur, ut ex Lavandula, Thymo, Salvia, &c. In paucis plantis, ut in Elleboro, Elleborasto Croco, Veronica, Nasturtio, &c. spiritus acerrimus, seu oleum tenuissimum, & sapore acerrimo donatum, primo caloris gradu erumpit. At præhabita plantæ fermentatione, eadem quoque, sed mutato ordine, depromuntur. Nullus exit liquor saporis sensibilis expers. Interdum primo ignis gradu profuit humor, vel acidus, vel urinosus; nonnumquam etiam spiritus ardens & summe volatilis. Verumtamen pauca hæc elementa, quæ ex plantis exstillantur, multum adhuc a se invicem discrepare conjicere licet; quod aliquid sit discriminis inter sales fixos ex earum cineribus elictos. Cum enim sint acidorum fœtus, tot supponunt acidorum genera, quot ipsorum discriminaprehenduntur. Si vero qui e plantis extrahuntur spiritus acidi, diversi sint generis, non minus dissimiles inter se erunt sales urinosi volatiles. Perinde olea se habent, cum nempe ab acidis ortum ducant, ut experimentis probatur. Oleum enim essenziale Thymi cum spiritu salis Ammoniaci digestum, colore violaceo vel purpureo inficitur, quod illi cum oleo Succini commune est; nec tamen idem præstant cætera olea essentialia. Sed nondum hæc discrimina satis fuere perspecta.

Ex animalibus vero, & eorum partibus distillatis multum spiritus & salis volatilis urinosis elicitur, nec mediocris portio olei crassi, parum vero salis fixi, & nihil aut perparum acidisalis. Verum si in aqua communi decoquantur, ex iisdem partibus mucilago vel gelatina quædam se prodit, quæ cætera quibus constat, elementa includit, unde per distillationem facile evolvuntur.

Si nondum omnibus numeris absoluta est mixtorum cognitio, quam docti viri hac priori methodo assequi conati sunt; saltem eo progressa est, ut tum ex principiorum resolutione, tum ex earundem in plantis compositione, certæ quædam regulæ deduci possint ad eorum virtutes indagandas. Fatendum tamen est, peculiare esse quorundam mixtorum specificas, ut vocant, virtutes, quæ fortasse a materia adeo subtili pendent, ut hæcenus analyses effugerit; quin etiam verisimile est, hanc specificam virtutem a partium dispositione proficisci quoque posse, quæ nondum explorari potuit. Non itaque nobis innotescit unde Antimonium sit emericum, Kinakina cortex sit febrifugus, Opium narcoticum, Cantharides vesicam corrodescentes, Arsenium ve-

nenosum, & nervis ita noxium. Sed non desperandum est fore; ut experimenta congerendo, hæc omnia palam fiant, aliaque pariter incognita.

Altera methodo, ab effectibus mixtorum proprietates eruere conatur. Hæc autem, licet diuturniore egeat tempore, suum tamen quoque percipit incrementum. Dura itaque hac arte res naturales explorantur; tum ipsæ, tum earumdem principia resoluta cum variis miscentur intermediis jam cognitis, ut inde effectus comperiantur, quibus postea earum rerum indoles innotescat. Observatum est quoque, quonam modo agerent res eandem cum sanguine, aliisve corporis liquoribus permixtæ, aut in animalium venas injectæ, aut per os intrusæ; & inde quædam conjecerunt ad earum virtutes detegendas perutilia.

His potissimum utuntur in experiundo intermediis seu criteriis, nempe tinctura Heliotropii triccoci, vulgo *Tournesol*, tinctura Violarum vel Symplicis violaceo, tinctura Rosarum, tinctura florum Malvæ, solutione Sublimati corrosivi, solutione salis Saturni, solutione salis Tartari, aqua Calceis vivæ, infusione gallarum, spiritibus acidis Nitri, salis marini, vel Vitrioli, spiritu vini, &c.

Corpora, quæ salibus acidis scatent, cæruleæ Heliotropii tincturæ colorem rubrum, sed varie intensum a purpureo ad igneum, vel ad sanguinis bovini colorem pro variis aciditatis gradibus conciliant: rubro quoque colore inficiunt tincturas Violarum, Rosarum, & florum Malvæ. Præterea eadem acida cum solutione salis Tartari tumultuantur. Mixta quibus inficitur sal acris seu alcali, tincturas Violarum, Rosarum, & florum Malvæ virides efficiunt: si admodum debilis sit, aliquot in spiritu salis bullas æreas excitant; majorem agitationem, & fremitum quemdam, si fortiori sale donantur: sed si volatili hoc sale abundant, cum spiritu salis statim & vehementer effervescent.

Præterea sal volatilis urinosus admodum debilis, sæpe non statim, sed interjecto tempore, Sublimati corrosivi solutioni Opali colorem inducit: si paulo uberius, pallidum ei impertit colorem; ac tandem lacteum, si fortior sit; atque sensim præcipitat. Ubi multum viget sal urinosus, tum repentinam invehit præcipitationem, aut solutionem statim coagulat, si sit uberrimus.

Verum sal alcali fixus Sublimati solutionem subflavo colore tingit, & sensim præcipitat, si debilis sit: si vero fortior, & uberius, statim præcipitat, & Mali aurei aut Croci colorem exhibet.

Si quid Vitrioli in mixtis contineatur, atro colore vel purpureo gallarum infusionem inficiunt.

Salis marini vel minima portio mixtis contenta, Sacchari Saturni solutionem turbat.

Quæ Ammoniaco sale turgent, cum solutione salis Tartari, vel cum aqua calcis permixta, odorem urinosum exhalant.

Corpora resinosa tincturas suas spiritui vini communicant, ex quo potest aquæ communis affusione resina in præceps ruit.

Præter hæc experimenta, nonnulla etiam in sanguine, sero, bile, & cæteris animalium liquoribus tentaverunt. Ex quibus compertum est, primo a quibusdam liquoribus sanguinem venosum coagulari, quibus arteriosus funditur,

& vi-

& vice versa; a plurimis vero aliis succis utrumque coagulari: unde patet aliquid interesse discriminis inter sanguinem qui arterias alluit, & eum quo venæ replentur.

Quidam liquores e plantis desumpti, arteriosum minime coagulant; sive e venenosis, ut ex Napello & Solano letali; sive ex purgantibus, ut ex Elleboro nigro; sive ex salutaribus, ut ex Absinthio, Angelica, Imperatoria, & Persicaria extrahantur.

Omnes pene plantarum succi colorem sanguinis immutant; paucis ut Saliæ, Menthæ, Bugulæ, Scorsoneræ, & Apii exceptis. Succus Napoli, & Arthemisiæ colore livido eum perfundunt.

A plerisque acidis spiritibus e mineralium familia oriundis sanguis in densum coagulum inspissatur, & atro colore tingitur, excepto tamen spiritu sulphuris, quo non multum alteratus videtur: quin & olei sulphuris drachmam unam aut alteram in canis vivi venam jugularem absque ullo damno insulam fuisse Borellus asserit. Si vero aqua fortis, vel quilibet alius spiritus acidus mineralis, licet aqua dilutus, ac debilitatus, sensim intra jugularem venam canis injiciatur; miras convulsiones & spasmos animal patitur, & vehementissime se contorquendo & ejulando cito moritur; aperto vero thorace, sanguis in grumos conversus in vasis & in corde reperitur. Solutio salis Tartari eodem modo injecta, easdem convulsiones & summos dolores procreat, & tandem necem asfert: at sanguis non in grumos abit, sed ejus nativa fluiditas servatur.

Sanguis e vasis extractus, & cum salis Tartari aut cujuslibet alcali fixi solutione permixtus, fluidior videtur fieri. Tamen in infima liquoris parte, sex quædam crassa & turbida præcipitata apparet. Crassamentum illud non tantâ copia deprehenditur, si cum spiritibus volatilibus urinosis permixtus fuerit sanguis.

Spiritus vini affusione sanguis in grumos coalescit; verum ejus lymphæ seu serosa portio cum eodem spiritu confusa, ad instar albuminis ovi cocti conerefcit & indurefcit. Eadem pariter a spiritibus acidis coagulatur; ab alcalinis vero non inspissatur, sed quædam ejus portio sub albidis crassamenti specie in vasis fundum præcipitatur.

Flavus vel subrufus bilis color ab acidis in viridem convertitur, & multum imminuitur ejus amarities. Ab alcalium vero salium affusione, & color flavus magis dilutus evadit, & amarior augetur. Cum acidis liquoribus effervefcit, non vero cum alcalinis; sed ab illis sicut & a spiritu vini condensatur.

Spiritus acidi colorem urinæ semper intendunt. Spiritus Nitri & phlegma vitrioli eam colorem sanguineo sensim tingunt, multo minus vero spiritus & oleum Vitrioli.

Acidi spiritus urinam non turbant, nec quidquam in ea præcipitant. Illius autem quæ limpida primo, postmodum per se turbatur, turbationem & contentorum præcipitationem ut plurimum adjuvant, sæpius accelerant, rarissime impediunt.

Acidis liquores urinæ sedimenta condensant, & colore intensiori ad rubedinem accedente inficiunt. Nonnunquam evenit ut urinæ sedimenta spontanea vel ab acidis præcipitata, ab hisdem acidis diluantur, & de novo novæ & copiosæ concreciones rufæ quasi fabulosæ in vasis fundo subsideant.



Alcalini sales urinæ tincturam remissiorem reddunt; ab illis ejusdem sedimenta minus densa, motu leviora, colore magis candida efficiuntur, sed hæc omnia magis a volatilibus, quam a fixis.

Nonnunquam ab alcalinis salibus, urina quæ per se turbata fuit, & crassum sedimentum deposuit, ad pristinam perspicuitatem reducitur, ita ut inibi contenta omnino evanescant.

Lac ab acidis coagulatur ita ut serosa ejus pars a caseosa secernatur: ab alcalinis vero salibus ejus coagulatio præpeditur. Si vero lactis pars una & solutionis salis Tartari partes duæ simul digerantur, mixtura rubra fiet & pellucida, grumis quibusdam in vasis fundum præcipitatis.

Insuper ex quibusdam observationibus liquet quid mixta in hominum aut animalium corpora ingesta præstare valeant.

Quædam hominibus noxia, brutis innocua aut minus nocentia observata fuere. Sic Mercurius sublimatus corrosivus, hominibus letalis, canibus eadem dosi exhibitus vomitum solummodo excitavit. Econtra Nux vomica canibus nocens, hominibus nullo modo exiiosa creditur. Crocus metallorum hominibus emeticum potentissimum, equis sudores tantum movet. Amygdalæ amaræ quæ nihil damni hominibus afferre videntur, brutis prorsus infestæ sunt; vehementissimas enim convulsiones & tandem mortem iis inferunt. Jalapium ipsum, quod blandum medicamentum purgans existimatur, canibus exhibitum convulsiones excitat & ventriculum inflammatione afficit.

At hominibus pariter & brutis damnosi sunt ac letiferi. Corona Imperialis bulbi. Hyosciami radices & folia comesta, ardorem vehementem per totum corpus accendunt, & mentem turbant. Solani somniferi baccae delirium, sensuum stuporem & nonnunquam somnum letalem inducunt. Napellus præter ardorem quem circa fauces & præcordia excitat, frigoris sensum per artus inducit, ac tandem interimit.

Plurimæ aliæ hic recenseri possent observationes: sed quantum lumen afferat ad medicamentorum vires enucleandas hæc duplex investigandi methodus, ex supradictis unicuique facile patebit; ita ut illarum ope, si præsertim utraque jungatur, conjectura admodum probabiliter assequi possimus: quid prius inesset in mixtis, quorum analysi instituitur; quid in corpus humanum agere valeant, & qua ratione illud operentur. Illud autem quibusdam exemplis demonstrandum est.

Sint Lappæ seu Bardanæ vulgaris vires explorandæ. Quærendum primo quid analysi Chymicæ, ex ejus foliis extrahatur. Constat autem ex foliorum hujus plantæ libris præter phlegmatis fere insipidi libris, aut circiter, elici humoris acidi libris; humoris alcali urinosi ʒviij aut circiter; salis volatilis urinosi concreti ʒj; olei crassioris quod per retortam distillavit, tum etiam quod in carbonibus reconditum, tandem calcinatione in flammam abiit, circiter ʒiij; salis fimi fere ʒj; terræ vero mortuæ & principii orbatæ ʒj. Ex hac analysi conjicere licet, folia Bardanæ priusquam analysi solvantur, plus continere liquoris aquei quam aliarum partium; liquorem vero illum abundare sale ad Ammoniacum accedente. Probabile enim est, acidum partem ante analysin cum sale volatili urinoso fuisse conjunctam, & ex hac copula salem quemdam salum sali Ammoniaci analogum emeruisse. Quid enim sal Ammoniacus, nisi falsus ex acido & urinoso concretus? Quod ad salcem fixum attinet, cre-

credibile est in planta ante ignis ministerium non adfuisse; sed tartarum seu salem essentialem Bardanzæ in salem fixum abiisse, ut tartaro vini contingit, qui nihil aliud est, quam terrea pars vini sale acido ultra satietatem imbuta.

Præterea amaro sapore donantur hujus plantæ folia, nec eorum succus Heliotropii tincturam mutat; unde liquet acidum ejus salem tum urinosum, tum sulphureum, tum terreis partibus adeo esse involutum, ut omnis ejus actio prorsus retundatur. Deinde dum comburuntur ejus folia, levis fulguratio inter carbonem percipitur; unde concluditur ejus salem acidum nitrosum esse. Præcipua igitur Bardanzæ virtus pendet a sale Ammoniaco uberrimo & salis nitrosi minori copia simul mixtis, necnon quadam olei portione involutis. Si autem ad horum salium vires attendamus, easdem quibus donantur, in Bardana reperiri concludemus. Nec mirum, si hæc planta diuretica, sudorifica, pectoralis, hysterica, vulneraria, & febrifuga prædicatur.

Agrimoniæ vires quæris? Investiga quid præbeat analysis. Foliorum Agrimoniæ lbv. humoris acidi & austeri fere lb iij. suppeditant; humoris alcali urinosi circiter ʒij. olei spissi, tum illius quod ex retorta distillavit, tum ejus quod in carbonibus reconditum fuit, fere ʒvj; salis fixi mere alcali ʒviij; terræ vero mortuæ circiter ʒj. Unde patet in hac planta nihil ferme salis Ammoniaci contineri, cum nullus sal urinosus coneretur extrahatur: ideoque acidus sal quo Agrimonia abundat, cum terra conjunctus, concretum quoddam efficit salii essentiali seu tartaro, aut porius salii Coralliorum persimile, cum sulphure copioso copulatum.

Agrimonia sapore salso aliquantisper styptico & subacri donatur: ab ejus succo Heliotropii tinctura rubro colore leviter tingitur. Itaque a sale leviter adstringente virtutem adstringentem & aperitivam obtinet; quæ quidem dotes, licet contrariæ videantur, sæpius ab eodem principio pendunt, quo nempe partium fibræ nimis laxæ firmanantur, & tonus partium validior fit. Præterea ab acido ejus sale inflammationes temperantur. Has virtutes comprobant experientia, qua sese adstringentem, deterisivam, resolutivam, vulnerariam, & aperientem exhibet.

Bistortæ & Argentinæ radices adstringunt, & humores sistunt, sale quodam aluminoso cum sulphure conjuncto: nam analysi rite instituta, post acidum phlegma oleum prodit, deinde modicum phlegmatis urinosi; sed pondere insigni remanet caput mortuum. Unde cum radices illæ styptici saporis sint; probabile est, salem acidum quo plurimum pollent, & terram adstringentem simul constituisse concretum ad alumen accedens, unde virum rationem intelligere est.

Sic pariter ex Malvæ analysi, ipsius agendi rationem eruere licet.

Ex libris quinque foliorum & radicum Malvæ vulgaris in vas recipiens fluxerunt humoris acidi lb iij; humoris urinosi ʒij. circiter; olei tum fluxit quod e retorta fluxit, tum crassi in carbonibus reconditi ʒiiij; salis urinosi concreti grana xlviij; salis fixi mere alcali ʒvj; terræ vero ʒj. Ergo verisimile est Malvam sale quodam Ammoniacali præditam esse cum terra conjuncto; necnon maximam olei partem cum acido phlegmate probe commixtam, in succum illum lentum quem mucilaginosum vocant, abire: qui licet ab igne destruat, præcipuum tamen instrumen-

tum quo Malva demulcet & emollit. Aqua enim cum oleo diu agitata, in mucilaginem vertitur, maxime si spiritus acidi guttæ aliquot addantur. Alyum præterea laxat, tum quia feces nimis induratas, molles ac lubricas facit, tum etiam quia lentore suo villos ventriculi & intestinorum calore nimis tensos, ac rigidos emollit & ad contractionem habiliores efficit; unde contentorum evacuationio.

Quid præstare valeat Linaria, tum ex analysi Chymica, tum ex analysi physica seu ex effectuum comparatione, adhuc inquiremus.

Ex Linaria foliorum ℥v . prodire humbris acidi ℔ij . circiter; humoris urinosi ʒv ; olei ʒix ; salis fixi ʒij ; terræ vero ʒijss . Exigua admodum quantitas salis Ammoniaci occurrit in Linaria; ut patet ex phlegmate urinoso; quod nullus sal volatilis concretus sequitur: sed potius sale salso donatur ad tartarum vel ad terram foliatam tartari accedente. Tota planta saporis est salsi, herbacei; nec ejus succus Heliotropii tincturæ ullam coloris mutationem affert. Folia intra digitos contrita, odorem virosum emittunt ad Sambuci odorem accedentem: quæ quidem observationes, cum analysi comparatæ, probant illam plantam oleo abundare tenui, & Opii sulphuream partem referente. Unde eam anodinam & resolventem concludimus, quod experientia probatur.

Ut Lumbricorum terrestrium agendi rationem explores, audias eorum resolutionem.

Ex Lumbricorum ℔v . prodire phlegmatis levissime acidi, nitrosi ℔ijss ; phlegmatis urinosi sed vehementissimi toridem; salis urinosi concreti ʒv ; olei ʒvij ; terræ ℔j ; salis fixi ʒij . Hinc liquet, Lumbricos terrestres sale urinoso turgere, eoque non multum per salem acidum subacti, sed potius magna sulphuris copia irretiti, fuliginis instar a qua differunt Lumbrici, quod non solum aquea substantia sed & terrea abundant. Si Lumbrici in vase diutius servati putrescant, ac tandem magma putrefactum per se exsicceat, lotionē salem in carbonibus fulgurantem præbet. Unde liquet, eorum salem acidum nitrosū esse. Non mirum igitur si externe adhibiti, polleant incidendi, emolliendi, & abstergendi virtute, intus sumpti urinas moveant & obstructions referent.

His positis, regulæ sequentes tanquam axiomata ad vires medicamentorum investigandas constituendæ sunt.

1. Nihil magis confert ad investigationem principiorum quibus mixta in corpus humanum agunt, quam observatio analogiæ quam habent cum rebus vulgo cognitis. Ignotarum enim rerum vires discernere & explicare non possumus nisi comparatione earum quæ nobis perspectæ sunt. Ita factius est apud Medicos ad Salem Ammoniacum, Tartarum, Alumen, Vitriolum, Nitrum, Oleum essentielle tum aromaticum; tum fœtidum; & similia confugere, quam ad acidum & alcali, aut ad ignem, aerem, terram, & aquam, quæ fere nunquam pura e mixtis extrahuntur; aut ad calidum, frigidum, siccum, & humidum, quæ nimis leves sunt mixtorum proprietates, quam ut eorum indolem aperire valeant. Mixtorum autem, quæ tanquam exemplaria proponimus, virtutes aut ex supradictis jam satis innotescent, aut postea suo loco exponentur.

2. Omnia mixta ex animalium familia desumpta, succum gelatinosum continent ex sale salso ammoniacali & oleo crasso constantem, qui eorum pellibus, carnibus, ossibus, aut cornibus ebulliendo cum aqua uberi q;

uperiori copia, sub gelatinæ vel glutinis specie extrahitur. Ab hoc gelatinoso succo parum differunt sanguinis serum & lymphæ. Si vero mediante fermentatione vel igne, oleum & sal fecernantur, sal alcali urinosus copiosus obtinebitur, nec minor olei crassioris portio. Sal acidus vero nullus nisi in urina recenti aut in sudore manifestum se præbet, sed cum terra in superstitute materia remanet sub salis alcali fixi specie, cujus quidem admodum exigua est portio. Quædam tamen insecta animalia excipi debent, ut Lumbrici terrestres, ex quibus tenuis & paucus sal acidus nitrosus distillatione elicitur.

Hinc substantiæ ex animalibus desumptæ probe nutriunt, ope succi gelatinosi succo nostro nutritio congeneris. Sed quo majorem salis volatilis copiam præbet, eo acriorem efficiunt succum nutritum; unde quædam carnes calidæ censentur, ut caro vervecina, columbina; quæ vero mediocrem huius salis volatilis urinosi quantitatem tribuunt, temperatæ censentur, ut caro vitulina.

3. Non existimandum est, sales acres urinosos sibi prorsus similes esse; alii enim ab salis marini indolem accedunt, ut sal volatilis urinæ humanæ, qui gustu salsus est & minus causticus, quam sal sanguinis humani qui lingua magis acris percipitur. Sal volatilis Cornu Cervi in ramusculis concrevit cornuum figuram apprime referentes; sal urinæ e contra figuras cubicas vel polyedras crystallizatione effingit.

Idem etiam censendum de oleis. Licet enim olea fere omnia ex animalibus oriunda, actuosis partibus donentur; unde ad partes debilitatas & paralyticas roborandas, ad nervorum obstructions referendas & humores in partibus coactus resolvendos vulgo accomodantur; quædam tamen vi irritante & caustica pollent, ut Cantharidum & Formicarum olea.

4. Mixta, quæ vegetabilium familia suppeditat, sale essentiali donantur, qui ex sale acido, alcali urinoso, terra, & oleo componitur.

Hic per analysim Chymicam salis acidi plus, minusve largitur, & spiritum urinosum vel salem volatilem concretum præbet.

Quæ salem urinosum concretum promunt, copioso sale falso ammoniacali foeta sunt: quæ vero spiritum tantum exhalant, parum huiusce salis continent. Ex acidi enim & alcali salis conjugio falsum nascitur, quod de Ammoniaci indole & viribus participat.

5. Mixta, ex quibus analysi Chymica multum terræ & acidi liquoris educitur, nec ullo styptico sapore donantur, salem continent tartaro vel cremori tartari analogum, quique easdem virtutes obtinet; tartarum enim est copula quædam acidi & terræ.

6. Si eadem mixta styptica sint, sale gaudent aluminoso, cum Alumen sit falsum stypticum ex acido & terra adstringente conflatum, nec viribus ab Alumine discrepat.

7. Quæ Gallarum tincturæ atropurpureum vel purpureum colorem conciliant, eadem sale ad Vitriolum accedente vigent.

8. Quæ inter carbones ardentes fulgurant, Nitro vel sale falso ad Nitrum accedente scatent: sic Parietariam & Calendulam Nitro abundare verisimile est.

9. Quæ lento & mucilaginoso humore referta sunt, cætera principia involvente, maxime agunt ratione mucilaginis ad gummi tragacanthum accedentis.

10. Quædam mixta sunt, quæ non tam salis essentialis quam olei tenuis & uberrimi ratione vires suas exerunt. Illud ideo essentialis dicitur. Mixta quæ forti odore aromatico nares percellunt, hoc oleo tenui sunt prædita, & cum magna aquæ copia distillata illud fundunt.

11. Quæ vero insuavem & fetidum odorem spargunt; olei essentialis fetidi ratione operantur, ut Rutha, Castoreum, &c.

12. Mixta quæ Opii odorem vel ad Opium accedentem emittunt, anodina sunt & demulcentia ratione olei ad Opii naturam accedentis.

13. Quæcumque per Chymicas analyses, aut physicas investigationes & comparationes dignoscuntur, quantum fieri potest, in usum medicum non adhibeantur nisi experientia comprobata fuerint, idest, aut a practico Medicis, aut ab auctoribus fide dignis commendata, aut saltem in animalibus sæpius tentata, ita ut plane constet ea medicamenta sine noxa exhiberi posse.

14. Ex supradictis tentaminibus generales quædam mixtorum proprietates facile innotescunt; sed illarum medicamentorum virtutes, quæ specificæ dicuntur, ex analysi quacumque raro & difficillime percipiuntur. Earum inventio forti plurimum debetur, aut assidua & accuratiori observationi rerum, quæ hominibus aut brutis, sanis aut morbis, post hoc vel illud medicamen aut alimentum assumptum accidunt. Quapropter eos qui in rei medicæ studium incumbunt, satis adhortari non possumus, ut omnia diligenter & accurate observent ac meditentur. Plus enim incrementi ex observationibus res medica suscipiet, quam ex omnibus peritissimorum philosophorum ratiocinationibus. Sic, inquit, forti & observationi debetur corticis Peruviani inventio.

Forse quædam Kinækinæ arbores in stagno deciduæ jacebant & putrescebant. Nemo ejus aquam præ insigni, quem inde contraxerat amarore, gustare poterat. Quidam tamen ex incolis circumdegentibus æstu febrili correptus, urgentemque sitim largo ejus aquæ haustu depellere conatus, eum siti febrem amisit. Quod cum expertus fuisset, ceteros febre laborantes eodem uti remedio suavit. Nec infelix fuit successus. Sic aqua ingrata gustui, salutaris evasit. Sed cum per tempus, putrefactis arboribus, aquæ vis febrifuga cum amaritie evanuisset, altius hujus amari saporis & febrifugæ virtutis causa inquisita, eam tandem ab arborum corticibus pendere cognoverunt. Sic incertum quod fors obtulerat remedium, accurate e tenebris, in quibus delitescerat erutum fuit, & postea diligentibus observationibus confirmatum.

MATERIÆ MEDICÆ

PARS PRIMA.

DE FOSSILIBUS.

SECTIO PRIMA.

DE AQUIS.



Quæ usui medico inservientes, vel simpliciores sunt; vel minerales.

Aqua simplex est corpus fluidum, pellucidum, inodorum, & insipidum. Nunquam absolute simplex reperitur, cum semper terreis, salinis, & sulphureis particulis plus minus referta sit. Sed ea simplex dicitur, in qua hæc substantiæ sensibus minus percipiuntur. Cæteræ vero, quæ ex diversis terris, metallis, succis, cæterisque mineralibus tanta copia commixtæ sunt, ut sint obvia sensibus, minerales dicuntur.

CAPUT PRIMUM.

De Aquis simplicioribus.

INter simpliciores Aquas numerantur fontana, fluvialis, putealis, lacustris, pluvialis, nivealis. Deterior est palustris: optima censetur, quæ limpida est, tenuis, levissima, saporis & odoris prorsus expers, quæ ventriculum non gravat, quæ cito permeat, quæ igne cito effervescit, & pristino frigori cito restituitur, quæ carnes & legumina celerime coquit, & smegmati facile & perfecte immiscetur. Pro poru solito improbaturn turbida, cœnosa, stagnans, quæ secum ex terræ visceribus alienas affert qualitates.

Nemo non novit quantus sit illius usus, tum ad sitim extinguendam, tum ad alimenta & medicamenta paranda.

Aqua, potus a natura cunctis animantibus & cunctis in regionibus paratus, hominis naturæ omnium maxime convenit; ciborum coctionem, & distributionem juvat; chylum fluidiorem efficit, blandum, dulcem, non æstiosum, non acrem, aut irritantem; sanguini, cæterisque humoribus debitam fluiditatem conciliat; si quæ sit in humoribus, acridinem demulcet; æstum compescit; meatus urinarios liberos reddit; alvum nimis tardam ciere valet; sanguinem, bilem, cæterosque humores æstuosos compescit, spissiores diluit.

luit, tarde fluentes fluxiliores reddit; partibus solidis molliorem & flexibilitatem inducit, & earum rigiditatem, si quæ sit, emollit: unde sanis & ægrotis perutilis; sanis vero temperata, ægrotis calida. Frigida seu gelida raro prodest; nervorum enim est inimica: partium internarum torporem & paralyfim inducit; colicos dolores excitat; & ciborum coctionem, vel minuit, vel plane extinguit; sanguinis cæterorumque corporis liquorum motum moratur & sistit. Calida quoque majori copia ingesta haud innocua: nam sæpe ventriculi fibras laxat; unde citius e ventriculo elabuntur alimenta, antequam perfecte concocta fuerint.

Non tamen omittendum est quemdam apud Anglos Doctorem Hancock aquam frigidam veluti valens sudoriferum & febrifugum magnum commendasse. Plurimis observationibus probat febres, tum intermittentes, tum continuas, vel etiam mali moris, imo variolas & morbillos hocce unico remedio profligari posse, si præsertim initio morbi aquæ frigidæ potus adhibeatur ad sudorem promovendum.

In febribus intermittentibus paulo ante paroxysmum, in continuis ante exacerbationem, & statim initio morbi ad ʒvj. vel ʒviii. pro infantibus; ad ℥ij. aut alteram pro adultis intra horæ quadrante vel semihoram; gelidam aquam in lecto decumbentibus, nec stragulis plus solito cooperitis, propinandam exhibet; & paulo post copiosus sudor sæpius effunditur, aut saltem blandus calor non minus salutis per totum corpus diffunditur. Pro prima vice febrilis paroxysmus minuitur; sæpe etiam non amplius recurrit. Idem tamen remedium una aut altera vice ante horam paroxysmorum aut exacerbationum reiterandum est. Et raro, inquit auctor, tertia dosis sefellit.

Alius est Medicaster Franciscanus apud Melitenses, cujusdam Medici Hispani *Rovida* nominati discipulus, qui sola aqua gelida assatim epota omnes morbos sanare tentat, & quidem successu non infelici. Aquam gelidam morbis tum acutis, tum chronicis, laborantibus assatim propinat ad libras decem, duodecim, & amplius, intra viginti quatuor horas; & dietam peraustram præscribit, ita ut nonnullis ægrotantibus per 20. 30. imo 60. dies solam aquam pro alimento præbuerit, iusculis aut alimentis quibuscumque interdictis; & sanati fuerunt. Nonnullis in ipsa dysenteria aut in viscerum abdominis inflammationibus enemata ex aqua gelida injicit, non solum innocue, sed salubriter. Nec sudorem, ut Doctor Hancock, expectat; imo quantum fieri potest; impedit ne ægrotantes post aquæ frigidæ potum sudent. Per urinæ vias aut per secesum hæc aqua rejicitur. Equidem hæc miranda sunt potius quam imitanda: aut saltem expectandum est, donec diuturniori experientia hæc praxis confirmata fuerit.

Nec minus utilis est aqua externe adhibita, tum ad lotiones, tum ad balnea.

Tepida vel moderate calidæ aquæ usus in balneis cum moderamine adhibitus, ut plurimum salubris: Aqua enim calida poros cutis detergit & aperit, se se per eos insinuat, partes emollit & laxat, humores dissolvit & attenuat, eorum circulationem juvat, perspirationem promovet; unde fatigationes & lassitudines demulcet, & dolores sedat. Quapropter in dolore nephritico, inflammationibus vesicæ, renum, intestinorum; aliorumve abdominis viscerum, & in eorundem obstructionibus commendatur; necnon etiam

ad

ad propellendos quoddam cutaneos affectus, ut impetiginem, scabiem, & cæteros hujuscemodi, feliciter adhibetur.

Observandum tamen balnea non raro atque in primis insuetos graviter lædere, ut & plethoricos, & eos, qui crudis humoribus referti sunt, qui catarrhis obnoxii, & ad paralytum sunt propensi. Raro conveniunt in morbis acutis, febribus, deliriis, alvi fluxu, hæmorrhagiis. Iis maxime adversantur, quibus nobilioris cujusdam visceris imbecillitas inest; ne æstuant humores a balneo soluti, in partem affectam vel debilem majori copia terantur, & morbus ingravescat; nec nisi summa adhibita cautione, in morbis hypochondriacis præscribenda sint.

Licet minus voluptuosa sunt aquæ frigidæ balnea, & rarius usurpentur; non ideo tamen damnanda sunt & rejicienda: imo, si quibusdam, tum veteribus, tum recentioribus Medicis fides habenda sit, utilissima sunt remedia. Hippocrates, *Lib. 20. de Dieta*, ff. 36. *de Balneis* sic pronuntiat. „ *Calida balnea jejunum attenuant, & frigefaciunt, a cibo* „ *accepto eadem calefaciunt, & humectant: balnea autem frigida vice-* „ *versa.* Et Aphorismo 23. Sect. v. *In his autem frigida uti oportet, un-* „ *de sanguis erumpit aut erupturus est, non super ipsa, sed circa hæc un-* „ *de insuit.* Et quæcumque inflammationes, aut flammæ ardores ad ru- „ *brum, & sanguineum colorem vergentes novo sanguine, super ipsos:* „ *nam inveteratos nigrefacit.* Erysipelas etiam non exulceratum juvat, „ *quoniam exulceratum lædit.* Et ejusdem Sectionis Aphorismo 25. *Tu-* „ *mores autem in articulis, & dolores absque ulcere, & podagricos,* „ *& convulsiones, eorum plurima frigida multa assusa, & levat &* „ *attenuat & dolorem solvit.* Torpor enim modicus doloris solvendi vim „ *habet.*

Romanis mox erat e balneis calidis ad frigida transire: nec methodum hanc improbabat Galenus. Sic enim adultorum hominum membra fieri robustiora, cutem densiorem, & firmiorem ac vegetiorem effici sanitatem, eosque sic aeris mutationes, & tempestatum injurias fortius sustinere posse existimabat.

Hunc morem primo Romæ introduxisse Antonius Musa Medicus vulgo creditur. Is enim, postquam Imperatorem Augustum distillationibus, & catarrhis obnoxium, ita ut de ejus convalescentia vix ulla spes, balneo frigido restituit, frigidis lavationibus morbis cunctis mederi tentavit. Eodem suadente, calidas Bajarum aquas reliquit Horatius, ut pote oculis suis inflammatis nocivas; & Clusium, & Gabios ad balnea frigida; etiam media hyeme, se contulit, ut ipse conqueritur *lib. 1. Epist. 15. v. 2.*

. nam mihi Bajas
Musa supervacuas Antonius; & tamen illis
Me facit invisum, gelida cum perfluor unda
Per medium frigus.

Sed postea mos ille adeo invaluerat, ut Plinii tempore viderentur senes consulares, usque ad ostentationem, inquit, rigentes. Quia & Annæus Seneca Philosophus Stoicus psychrolutæ seu lavatoris in aqua frigida nomine gloriatur. Ille, inquit *Epist. 83.* tantus psychrolutes, qui Calendis Januarii in Euripum saltabam, &c.

Sed ne quid nimis. Balnea moderate frigida humores æstuant temperant;

cutis

cutis poros nimis apertos occludunt, & nimiam transpirationem coercent, cutis, & musculorum fibras constringunt & firmant, earum oscillationem vividiores efficiunt; unde validiores partium functiones.

Aliquot ab hinc annis apud Anglos multum commendatur frigida balnea plurimis in affectibus, nempe in febris heticis, hemorrhagiis, inflammationibus, erysipelate, arthritide, artuum tremore, paralyfi, rheumatismo, suffocatione uterina, hysterica passione, affectione hypochondriaca, sterilitate, rachitide, asthma convulsivo, & aliis affectibus systematis nervosi.

Hæc autem æstate tantum usurpari debent, nec nisi robustis, & calidis præscribi. Non conveniunt infirmis, aut debilibus, nec senibus, nec infantibus, nec iis, qui cacochymia laborant frigida; in hæmorrhoidum, menstruum, lochiorumve evacuationibus suppressis, in colicis doloribus, in hemiplegia, & in ulceribus quibuscumque internis vel externis noxia existimantur. In principio febrium haud periculo vacant, licet in earum declinatione nonnumquam innoxie adhibeantur.

Egrotantes ad balneorum frigidorum usum præparantur venæ sectione, & purgatione, secundum constitutionis, & modi indicationem. Jejunii, matutino tempore, illa ingrediuntur, ad cervicem usque in aqua insident, & caput quoque aliquoties immergunt. Ibi vero ab horæ minutis duobus vel tribus ad horam dimidiam manent, prout scilicet frigus tolerare possunt. Tum vero corpore absterfo, & probe siccato, calidum in lectum se conferunt, laneo indusio cooperti; ibique dormiunt.

Iteratur hæc immersio ter vel sæpius. Interim remedia convenientia exhibentur, & servatur diæta morbo conducent. Ne tamen incautus frigida subintret balnea post venerem, magnam lassitudinem, aut ventriculo pleno, aut post vomitum, catharsim, aut aliam spirituum aut caloris naturalis diminutionem.

CAPUT SECUNDUM.

De Aquis mineralibus medicatis.

EX aquis mineralibus medicatis aliæ calidæ sunt, aliæ frigidæ. Has acidulas dixerunt nonnulli ex subacido vel vinoso sapore, qui in iis e fonte recens haustisprehenditur: illæ vero Thermæ a voce græca *θερμη*, quæ calidas aquas designat, nuncupantur. Nulla alia caloris thermarum causa assignari potest, quam ignes subterranei, qui aquarum venas, & receptacula calefaciunt; cum præsertim in locis flammivomis thermæ sint frequentiores, cum omnes ferme aquæ repentes sulphur & bitumen, ignis nempe fœtus, & fomites, redolegant; cum etiã agri e quibus thermæ aquæ scaturiunt, sulphure & bitumine abundant.

Cum præcipuas aquarum mineralium virtutes non tam ab earum frigore & calore, quam a principis ex quibus componuntur, pendeant; idcirco hanc calidarum & frigidarum distinctionem omittimus; easque, pro variis quibus scatent principis, ad quatuor potissimum classes reducemus. Vel enim terreis partibus refertæ sunt, vel salinis, vel sulphureis, vel metalli-

cis.

eis. Licet autem unum ex his principiis sincerum in aquis raro deprehendatur: tamen pro ea parte, quæ in iis magis abundat, & aqua præcipua virtus pender, eas suo ordine disponemus.

Hic tantum de Aquis, quæ in hocce Galliarum regno maximum usum obtinuerunt.

ARTICULUS PRIMUS.

De Aquis mineralibus, quæ terreis partibus refertæ sunt.

Inter aquas minerales, quæ terreis partibus scatent, una in primis venit in usum, nempe aqua saponacea fontis Plombieriani in Lotharingia prope Romarici montem, vulgo *Eau savonneuse de Plombieres*.

Hæc ad scaturiginem limpida est, tepida, gustu perparum saponaceo vel pingui, cum levissima lasperitate. Argillam continet tenuissimam, & pinguem, saponis instar: unde valde commendatur in ventriculi affectibus ex acescente fermento, in sanguinis, & humorum acida diathesi, in hæmoptoe, hæmorrhagiis, phthisi, asthma convulsivo, ascite, fluore albo, dysenteria, necnon in omnibus cutaneis affectibus: tum interne, tum externe, feliciter adhibetur. Externæ vero ulcera detergit, & exsiccat: interne alvum leviter subducit, & urinas movet. A libra una ad sex, mane, jejuno stomacho, exhibetur, & quibusdam pro potu solito præscribitur.

Cum autem non semper in promptu sit hæc mineralis aqua, tum propter longinquitatem, tum etiam propter inopportunitatem tempestatis: tunc arte simili præparari potest, vel in aquæ limpidae, aut ægritudini convenientis libra una, dissolvendo terræ saponaceæ, quæ in ejus fontis scaturigine deprehenditur, drachmas tres: vel etiam hujus terræ loco terram sigillatam, bolum, cretam, corallium, aut oculos cancerum in alcohol redactos, pari quantitate in aqua permiscendo. Quin etiam pro illa aqua minerali feliciter substitui potest decoctum album Anglorum, quod sic paratur.

℥j. cornu Cervi philosophice calcinati, & pulverizati, Micæ panis siliaginei ana ℥ij. Coque in aquæ limpidae ℥iij. ad dimidie partis consumptionem. Fiar colatura, & liquori lactescenti adde Sacchari albi ℥ij. vel Syrupi, de pomis compositi, vel de quinque radicibus, vel alterius cujuscumque pro re nata ℥ij.

ARTICULUS SECUNDUS.

De aquis, quæ salibus sunt imprægnatæ.

Inter aquas minerales, quæ salibus refertæ sunt, aliæ saltem gemmeo similem, aliæ saltem a marino non discrepantem, aliæ saltem alcalinum fossilem, antiquorum Natro congenerem continent.

Salem gemmeum sincerum ferunt aquæ de la Traulière vulgo dictæ apud Borbonenses, & aquæ Sancti Petri ad Claromontium.

Sale marino congeneres turgent aqua marina, aquæ Corbonienses Anselmianæ.

inienſes in Burgundia, vulgo *Bourbon lancy*, Encaſienſes apud Conſennas, vulgo *d'Encauſſe dans le Commingeois*, Bellilucanæ in Gallia Narbonenſi, vulgo *de Balleruc ex Languedoc*, Bargienſes apud Sigerrones, vulgo *de Barreget dans le Bigorre*, & aliæ hujusmodi minus notæ.

Verum hic obſervandum eſt, ſalem marinum a gemmeo diſcrepare, quod marinus non ſimplex ſit, ſed compoſitus ex ſale ſaſſo foſſili ſeu gemmeo, ſale alcalino tum fixo e terra eruto, tum volatili urinoſo, ex piſcium, & plantarum marinarum putrefactione producto, necnon etiam ex quadam bituminis portione; unde aquæ marinæ amarus ſapor, & ſalis marini odor, dum tractatur, non injucundus.

Aqua marina ob ingratum ſaporem rare interne exhibetur. Externe vero commendatur ejus balneum ad ſcabiem, pſoram, impetiginem, elephantiaſim, tumores, membrorumque dolores: necnon in hydrophobia ſpecificum exiſtimatur. Ejus defectu aqua communis ſale marino imprægnata, uſurpari poteſt. Virgo hydrophoba viginti circiter annos nata, in magno hujus urbis noſocomio frequentioribus in aquam tepidam, & ſalitam immerſionibus tandem feliciter fuit perſanata.

Aquæ minerales ſale gemmeo vel marino ſetæ, interne aſſumptæ, in teſtina vellicando purgant & urinam movent, præterea exſiccant, adſtringunt & diſcutiunt; unde in cachexiis, & hydropen nonnunquam plurimum conducunt. Externe ulcera putrida abſtergunt & mundificant, catharrales affectus tollunt, ſtupores, ſpasmus, nervorum reſolutionem, paralyſim, tumores œdematoſos ſanare valent.

Salem alcalinum foſſilem continent aquæ Borbonienſes Arcimbaldicæ in Borbonio Ducatu, vulgo *Bourbon l'Archebault*, Montis aurei in Arvernia, *du Mont d'or*, Vicienſes in Borbonenſi Provincia, *de Vichy*, Sanreginenſes, vulgo *de ſainte Reine*; licet hæc aqua exiguum admodum hujus ſalis portionem continere videatur.

Nitroſa a nonnullis dicuntur illæ aquæ, non quod ſal quo turgent, noſtro Nitro ſeu ſali petræ ſimilis ſit, ſed Nitro ſeu Natro antiquorum, quod ſpecies eſt ſalis alcalini a tartari ſale non multum diſcrepantis. Sal poſt illarum aquarum exhalationem ſuperſtes, intra carbones non deſcendit, ut noſtrum ſal petræ: ſed alcalium more cum acidis efferveſcit, viridi colore ſyrupum violaceum tingit, ſublimati corroſivi ſolutionem turbat, & ex ea ſedimentum flavo colore tinctum deſcendit. De hoc ſale ſuſius, cum de Nitro.

Quæ majori ſalis copia turgent, illæ aquæ catharticæ ſunt, & diureticæ, ſi interne aſſumantur. Ad humores lentos, & tenaces attenuandos ac diſſolvendos, obſtructiones referendas, viſcerum inſarctum, tumores, & ſcirrhos reſolvendos conveniunt, necnon etiam in vomitu, & appetitu proſtrato, in colicis affectibus, in paralyſi, ictero, nephritide, & renum affectibus.

Obſervandum tamen non præſcribendas eſſe aquas minerales quacunque in urinæ ſuppreſſione, niſi perſpectum ſit eam ex calculo grandiori non oriri: nam metuendum eſſet, ne dum major foret ad veſicam urinæ affluxus, major quoque fieret obſtructio, non ſine maximo ægri detrimento.

Externe feliciter adhibentur thermarum nitroſarum aquæ ad tumores, & ſcirr-

Scirrhus resolvendos, ad nervorum obstructions discutiendas, & paralyfim curandam. Tuncque non modo earum balnea præscribuntur, sed & embrocationes seu stillicida vulgo *Douches*, cum scilicet aqua calida in partem affectam, & in extremas corporis partes ex alto infunditur. Sic aqua in partem affectam altius penetrat, salinis suis particulis inspissatis humores valentius attenuat, & spirituum maximam copiam in eam partem incitat.

Attamen aquarum calidarum salinis partibus scætarum usus, tum internus, tum externus, in febribus, & in inflammatoriis dispositionibus, reformidandus: nam earum salina spicula partes irritare & inflammationem augere valent.

Aquæ minerales arte præparari possunt, quæ iisdem donentur virtutibus cum nativis, quæ salem gemmeum vel marinum continent. Sic ex sale cathartico amaro seu sale mirabili Glauberi paratur aqua blande purgans, absque ullo irritationis, aut ardoris sensu; unde mire convenit in calidis affectionibus hypochondriacis. Optimo successu usurpatur in ciborum inappetentia, in cholera, colica passione, & in omnibus affectibus a lymphæ crassiori, & in glandulis inhærente: eam enim solvit, & vacuat. Hæc autem est illius salis sciendi ratio.

24. Salis communis lbij. Solve in aq. limpida q. s. Solutioni philtre sensim affunde olei Vitrioli optime rectificati q. s. ad punctum saturationis seu lbj. Distilla ex retorta vitrea ad siccitatem. Massam residuam calcina igne aperto in crucibulo; dein solve in aqua calida; philtre; liquorem percolatum coque ad pelliculam, & repone postea in loco frigido ad crystallizandum. Crystallus a liquore separa & serva ad usum.

Hujus salis ℥℥. ʒj. vel ʒ℥. aquæ limpida libris duabus, tribus, vel quatuor soluta, præscribi possunt sic.

24. Aquæ limpida & calentis lbij. Salis cathartici amari ʒx. Solve. Hauriat æger calide, mane jejuno ventriculo, intra bihorii spatium.

Eisdem cum nitrosi dotes nanciscuntur aquæ minerales factitiæ, quæ nitro fixato, nitro purificato, terra foliata nitri vel tartari, sale vegetabili, sale Ducis Holsatiæ, vel aliis hujuscemodi componuntur.

Sic aquæ minerales aperientes & diureticæ præparari possunt ad viscerum obstructions referandas, & renum saburram eliminandam.

24. Nitri purificati ʒj. Solve in aquæ limpida tepentis lbj. Capiat æger per cyathos. Vel

24. Nitri fixati vel terræ foliatæ Tartari, aut Nitri ʒj. Solve in aquæ limpida lbj. Hauriat æger intra unam horam.

Verum ad pitu tam crassiorem & tenaciorem resolvendam, in remotioribus glandulis inhærentem, & per alvum, & urinarias vias subducendam, sic confici possunt.

24. Salis vegetabilis ℥℥. Solve in aquæ communis lbij. Propinquet mane deambulando intra bihorium. Vel

24. Salis Ducis Holsatiæ ʒij. Solve in aquæ limpida calida lbj. Hauriat æger intra unam horam.

Quin & thermæ artificiales nitrosæ componuntur; vel aquam aquæ mater Nitri dicitur, & post salis petreæ crystallizationem fluida remanet lenta & sub olei specie, in decocto convenienti permiscendo; vel Nitrum cum tartaro

partibus æqualibus calcinatum, in aquâ dissolvendo. Sic, exempli gratia, ad dolores ischiadicos, rheumatismum, & paralyfin sequens balneum utiliter adhiberi potest.

24. Folior. Malvæ, Chamæmeli, Metiloti, Abrotani, Tanacetii, Salvie ana fasciculum unum Radicum Bryonæ albæ, Aristoloch. rotund. Iridis nostratis ana ℥iij. Baccar. Lauri, & Juniperi ana ℥ij. Aquæ maris Nitri ℔j. Bulliant in sufficienti quantitate aquæ fluvialis pro balneo quod ingrediatur æger tepide mane & vespere, longe a pascu, præmissis præmittendis; & continuet per triduum, plus, minus pro exigentia.

Embrocatio seu irrigatio ex eodem decocto institui potest, si nempe dum in balneo insidet æger, liquori calido ex alto cadenti partem affectam porrigat, donec ex hac irrigatione pars erubescat & incalcescat.

ARTICULUS TERTIUS.

De Aquis sulphureis.

IN plurimis mineralium fontium aquis sulphureæ quædam partes continentur, quæ percipi possunt tum odore foetido, & nidoso tanquam ex hepate sulphuris, tum etiam, si aquarum sedimentum residuum post lentam exhalationem carbonibus imponatur; quippe quod tenuem & ceruleam flammam concipit, cum sulphuris accensi odore.

Quas autem novi uberiores sulphure turgentibus, sunt aquæ tepidæ Balneolenses in Normannia, vulgo *Bagnoles proche è Argentan*.

Interne plurimum commendantur in pectoris affectibus, asthmate, phthisi, &c. in psora, scabie, cæterisque cutis ægritudinibus. Externe vero in iisdem morbis feliciter adhibentur earumdem balnea, quin etiam in membrorum tremore, contractura, paralyfi, in infantium rachitide, & aliis affectibus hujuscemodi.

Aquas sulphureas minerales imitari possumus; sulphur virum accensum multoties in aqua extinguendo; sed ob ingratum odorem & saporem, rarior esset usus aquæ illæ commentitiæ. Felicius, nec adeo injucunde, variæ sulphuris præparationes interne usurpantur. Sed Thermales aquæ sulphureæ componi possunt, nativis haud inferiores. Sequens pro exemplo sit.

24. Nitri Tartari crudi, & Sulphuris citrini partes æquales. Omnia pulverizata misce, & per vices in crucibulum super carbonibus ignitum projice. Peracta deflagratione, materiam superstitem in cella reponere ad liquecendum. Liquorem filtra & serva ad usum.

Deinde præparetur balneum, cui pro singulis aquæ libris duabus misce lixivii hujus liquaminis cochlear unum.

ARTICULUS QUARTUS.

De Aquis mineralibus, quæ de Metallis participant.

NUllas in Gallia novi aquas minerales metallicas, præter ferrugineas, quales sunt Forgienses dictæ, vulgo *de Forges*, & Passiaci vici in agro Parisiensi, *de Passy pres de Paris*. Forgienses præter terram subtiliorem martialem, salem continent marino prorsus similem. Passiacæ cum terra martiali salem antiquorum Natro similem conjunctum habent. Ambæ saporem ferrugineum seu vitriolicum obtinent; & cum Gallarum infusione permixtæ, atroviolaceo vel purpureo colore inficiuntur.

Alvum & urinas movent. Proficue sunt in vomitionibus, alvi fluxibus, cholera, hæmoptysi, in mensium suppressione, quin etiam in eorundem immoderato fluxu, in diabete, lienis & hepatis obstructionibus, ictero; melancholicis, & hypochondriacis affectionibus: obstructiones renum, vesicæ, & uteri referant. In scorbuticis affectibus maxime nocent, & in febribus hæcticis.

Chymia Martis præparationes nobis suppeditat quamplurimas, quæ aquarum martialium vices supplere valent, ut sales, & tincturæ Martis. Attamen duplici ratione aquæ nativæ anteposendæ mihi videntur. Primo metallicæ partes, quibus imprægnantur, adeo tenues sunt atque volatiles, ut aquæ colorem, & limpiditatem immutare nequeant, quin & facile avolent: illæ enim aquæ per aliquot dies aeris expositæ, & sapore, & virtute prorsus desituuntur. Deinde, cum assatim bibantur aquæ minerales, ex hac larga liquoris copia visceri, ac tenaces humores facilius resolvuntur; & partium fibræ, si quæ sint crispæ, & nimis tensæ, emolliuntur & laxantur. Eam ob rem Martis præparationes liquore uberrimo exhibitæ, cæteris utendi modis longe præstantiores sunt. Itaque aquarum nativarum defectum, earum vices, quantum arte fieri potest, adimplebunt sequentes aquæ minerales factitæ.

24. Limaturæ Martis, & Tartari albi ana q. pl. Quibus pulverizatis, & simul mixtis affunde aquæ pluvialis q. s. ad quatuor transversorum digitorum eminentiam. Omnia sub sole in vase aperto digerantur, identidem agitando, donec massa ad siccitatem prorsus redacta fuerit. Exsiccatam pulveriza, & digere denuo post novam aquæ pluvialis affusionem. Quod toties repetatur, donec Mars plane solutus deprehendatur. Tunc massa vel in globulos exsiccata, vel in pulverem redacta, servetur ad usum. Dein

25. Hujus pulver. ℥ss. Infunde per noctem in vini generosi ℥viii. Liquor decantatus cum aquæ communis ℔iij. permisceatur. Hauriat æger tepide per cyathos, jejuno ventriculo, intra duarum vel trium horarum spatium. Vel

26. Vitrioli Martis gr. xv. Solve in aquæ limpidæ ℔ij. F. aqua mineralis, per cyathos tepens, mane propinanda.

SECTIO SECUNDA.

DE TERRIS.

DE terra hic agimus, non quatenus elementum simplex, sed quatenus mixtum est fossile. Terræ genus duplex distinguemus, lutum, & arenam.

Terra lutuosa tenuissimis constat partibus, quæ injecta aqua lentescunt; solvuntur, & in limum facessunt: aut si uberiori aquæ copia diluantur; nonnisi per longum tempus subsident; exsiccata vero sæpe multum indurescit.

Arenosa vero congeries est granulorum diversæ magnitudinis, & figuræ, diversique coloris, quæ ex aqua nullum lentorem contrahit, & in ea statim fundum petit. Terra vulgaris sæpius ex hoc duplici genere composita deprehenditur. Hic agitur tantum de terris, quæ in usum medicum veniunt. Quapropter de lutosis, quæ solæ medicamentosæ sunt, tractabimus; easque in quatuor classes, scilicet Argillas, Margas, Bolos, & Cretas, distribuendas esse existimamus.

CAPUT PRIMUM.

De Argillis.

Argilla est terra ponderosa, densa, pinguis, tenax, & lubrica; quæ in odore detenta e sapone vel sebo constare videtur. Recens e terra extracta, lenta est, & ceræ instar; quamlibet figuram recipere potest; igne cocta in lapideam substantiam concrevit.

Argillarum species sunt pene innumeræ. Quædam albæ sunt, & sebuni apprimè referunt: talis in saponacearum aquarum Plomberianarum scaturigine deprehenditur. Aliæ variis coloribus porphyritem, marmoraque diversa, excepta durtie, exacte imitantur; quales ex Bohemia afferuntur. Aliæ cinericiæ, rusæ, nigræ, aut aliis coloribus intinctæ sunt.

At ex variis Argillarum speciebus in usum medicum veniunt Terra Lemnia dicta, seu sigillata Turcica, Terra Melitensis, & Terræ sigillatæ Germanicæ, quæ Axungia Solis, & Axungia Lunæ dicuntur.

ARTICULUS PRIMUS.

De Terra Lemnia.

Terra Lemnia: *Dioscoridis*. *Ἰσπυλὶς αἰγός* seu sigillum capræ veterum. Terra sigillata vera, seu Turcica, *Offic.* Terra est argillacea, pinguis nempe & tenax & lubrica, colore pallide rubro. Omnis hæc terra in pastillos seu exiguas placentulas, quatuor circiter drachmas pendentes formata, & variis characteribus insignita, ad nos adfertur. Nomen obtinet ab insula Lemno, hodie Stalimene, in qua effoditur.

Mirum.

Mirum sane quantum hæc terra ab omni ævo inter homines celebrata fuerit; cum etiam ipsius Homeri & Herodoti ætate nonnisi solemnibus observatis ritibus effoderetur. Dioscoridis tempore, hirci recens macerati sanguis pastillis formandis admisceri consueverat, pastillosque Veneris sacerdos capræ imagine signabat. Unde nomine græco, *Σπαρξιδæ αιγος*, hoc est sigillum capræ, appellavere. Sed Galeni ætate hæc hircini sanguinis terræ admiscendi consuetudo jam desierat: ejus autem loco alii superstitiosi ritus invaluerant. At vero cum Petrus Bellonius Lemnum appulit, alii erant inducti ritus. Nam die tantum sexta Augusti, inquit, lithurgia quadam a Græcis sacerdotibus & Calohieris celebrata, precibusque fufis, insulæ primatibus, tum Græcis, tum Turcis adstantibus, hujus terræ vena aperitur, & tantum eximitur terræ, quantum in illum annum sufficere existimatur: postea statim occluditur vena, & aggesta terra denuo tegitur. Severioribus autem legibus, ne quis ex incolis alio tempore venam aperiat, cautum est. Hujus terræ maxima pars ad Turcarum Imperatorem transmittitur, cujus sigillo postea insignitur; alia vero ab insulæ Præfæto, vel absque sigillo, vel suo sigillo notata mercatoribus venditur. Non desunt impostores, qui eam Constantinopoli, teste Bellonio, adeo dextre adulterare norunt, ut legitimæ quam simillima videatur.

Laudatur pinguis, quæ in ore contenta, dum dentibus confringitur, e febo constare videtur, & minimum arenæ continet.

Hujus terræ vires ab antiquis multum prædicantur. Verum magnus est dubitandi locus, num vanis cæremoniis & superstitionibus multo magis nobilitata fuerit, quam virium præstantia. Eam tamen interne, ut antidotum contra venena, & ut medicamentum dysenteris utile commendat Dioscorides. Externe vero idoneum esse remedium, tum recentibus glutinandis vulneribus, tum inveteratis & contumacibus ulceribus Galenus asserit; & insuper addit Fernelius eam undecumque prorumpentem sanguinem, tum intus sumptam, tum externe admotam, cohibere. Tandem nonnulli ejus virtutem alexipharmacam contra pestem & morbos contagiosos & malignæ qualitatæ participes prædicant.

At vero plurimi & neotericis hanc terram mere alcalinam existimant, & posthabitis tot decantatis ejus dotibus, acidos succos absorbendi virtutem in ea tantum agnoscunt, sed perperam; siquidem terra Lemnia, sicut terræ argillacæ fere omnes, cum acidis liquoribus non effervescit. Deinde si ad ejus analysim attendamus, eam viribus quas illi tribuere veteres, non prorsus destitutam judicabimus.

Nonnihil salis urinosis volatilis e suo sinu fundit, cum aliqua olei bituminosis portione, & aliquantulum salis fixi a sale marino non discrepanti suppeditat. Hæc igitur terra sale ammoniacali imprægnatur, & oleo bituminoso saturatur, a quo acidorum actio in eam præpeditur. Unde conjicere licet virtutem alexipharmacam, diaphoreticam, abstergentem, & vulnerariam illi haud immerito adscriptam fuisse, licet eam adeo debilem esse fateamur.

Terra sigillata nulla præparatione indiget; vel in tenuem pollinem redigitur, vel in liquore convenienti solvitur. Interne in dysenteria, in ulceris intestinorum, in hæmorrhagiis, in variolis, morbillis, & febribus malignis, sub portionis vel boli forma præscribitur:

Sic in dysenteris, alvi fluxibus, & hæmorrhagiis.

Geoffroy Tom. I.

C 3

24. Ter.

2j. Terræ sigillatæ ʒj. Syrupi Cydoniorum ʒj. Aquarum Plantaginis & Centinodiarum ana ʒiij. M. F. potio cochleatim exhibenda.

2℥. Terræ sigillatæ, Conservæ Rosarum & Cynorrhodonis ana ʒʒ. Syrupi Oxyacanthæ q. s. Fiat opiata mollis, cujus dosi ad ʒj. maneat & sero exhibenda.

In febribus malignis.

2℥. Terræ sigillatæ ʒʒ. Syr. Caryophyllor. hortens. ʒj. Aquar. Meliss. Scorfonneræ & Cardui benedicti ana ʒij. Aq. Theriacal. ʒvj. Fiat potio cochleatim exhibenda.

Sæpius externe cum bolo Armena conjungitur, ut postea videbimus.

Terra sigillata usurpatur in Theriaca, in Confectione de Hyacinthis, in Pulvere contra pestem seu Bezoardico *Renaudei*, in Antidoto *Orvieto* *Hoffmanni*, in Pilulis contra gonorrhæam virulentam *D. Charas*, & in Emplastro pro fracturis ossium, *Ejusdem*.

Si quid incommodi a Terra sigillata metuendum, idem sane quod a cæteris terris quæ absorbentes vulgo dicuntur. Si nempe earum usus immoderatus fuerit & diuturnior, ventriculum gravant, cum rugosis hujus membranæ pertinacius hæreant; unde molesta oritur sensatio. Deinde oclusis, si præsertim stypticæ fuerint ejusmodi terræ, orificiis glandularum, tum ventriculi, tum intestinorum, nulla vel perversa fiet ciborum coctio; unde plurimi morbi ortum ducunt; quin etiam Lympha stomachalis & intestinalis, secretionem inhibita, vel per alias vias exitum sibi quæret, vel ad quædam corporis partes refluat, vel per totum corporis habitum stagnabit, non sine novis incommodis.

Verum hæc vitabuntur incommoda, si moderatus sit absorbentium usus; si multo liquore soluta aut parva dosi exhibeantur, & si attendatur ad omnia quæ eorum exhibitionem subsequuntur.

ARTICULUS SECUNDUS.

De Terra Melitenfi.

Terra Melitenfis sic dicta a Melita insula in qua eruitur, quæ Terra sigillata alba, & Terra Sancti Pauli nuncupatur, est argillacea, colore albo ad cinereum vergente. Ex quodam specu prope antiquam urbem Meliten effoditur, & ex ea formantur tabellæ variis figuris insinuatæ.

Ejus vis alexipharmaca in variolis, morbillis, & morbis putridis multum commendatur, sed præsertim adversus venena & serpentum, ac scorpionum ictus & morsus. Eamque vim a Divo Paulo accepisse credunt, cum naufragus ad hanc insulam appulisset. Ex ea parantur vasa quibus si vinum vel aqua infundatur, liquor virtute cardiaca donari vulgo creditur.

Apud nos hæc Terra rarioris est usus.

ARTICULUS TERTIUS.

De quibusdam Terris sigillatis Germanicis.

A pud Germanos usitatæ sunt quædam Terræ argillacæ, quæ in eorum officinis sigillis notatæ reperiuntur. Has inter præcipuæ sunt Terra sigillata Strigonenfis vel Strigenfis, altera Lignicenfis seu Goldbergenfis.

Terra sigillata Strigonenfis, quæ Axungia & Medulla Solis dicitur, lutea est & pinguis, instar saponis in aqua & in ore diffluens. Generatur in aurisodinis Montis-acuti seu Divi Georgii ad Strigonium oppidum, inter durissimas rupes. Inde eruitur, & summa diligentia, magistratus cura & ordinatione præparatur; & in formam orbiculorum, appposito urbis sigillo, redigitur. Sulphure solis imprægnatam credunt.

Terra Lignicenfis seu Goldbergenfis, quæ Axungia vel Medulla Lunæ dicitur, colore alba est, aut cineritia; & ex argento oriri existimatur.

In febribus malignis, peste, dysenteria, diarrhæa, & morbis animalium venenatorum summe utiles prædicantur. Vim sudorificam obtinent. Dosis a ʒiʒ. ad ʒij.

Earum apud nos nullus est usus.

CAPUT SECUNDUM.

De Margis.

Marga est substantia terrea, friabilis, levis; media inter Argillam & Cretam; quia non est æque sebacea & pinguis, ac Argillæ, nec tam densa quam Cretæ: linguæ adhærens, & varii coloris.

Ex variis Margarum apud Germanos in usum medicum veniunt duæ tantum species.

I. Marga alba *Officinar.* proprie dicta, quæ & Medulla saxorum dici solet; quia in saxorum commissuris & in cavitatibus quorundam filicum qui idcirco Geodes appellantur, tanquam medulla in ossibus continetur. Forte Osteocolla, Geodes & osteolithodes, Lapis sabulosus *Erassi*: Ψευδοστός *Gesner.* Ψευδοστός. Quorundam, ex quo Osteocolla extrahitur. Ex montibus Bohemicis magna copia educitur.

Commendatur apud eos hæmoptoicis, dysentericis, epilepticis; ex alto devolutis, & in ossium fracturis. Intus exhibita sanguinem coagulatum resolvit; inquit Schröderus.

¶ II. Agaricus Mineralis *Ferranti Imperati*, Lac Lunæ *Gesneri*. Substantia est terrea, friabilis, fungosa, levis, rara, candida, & insipida ut plu-

plurimum, Agarico, vulgari prorsus similis. Hæc terra aqua facile solvitur, quam albo lactis colore tingit.

Vis ei tribuitur refrigerandi, adstringendi, sanguinis eruptiones & fluores sistendi; uteri profluvia compescendi. Lac augeat drachmæ unius pondere ex jusculo propinata, vel in emulsionibus dissoluta. A quibusdam tanquam somnifera in tenesmo & dysenteria utiliter exhibetur. Ejus pollinem ulceribus exsiccandis inspergunt.

CAPUT TERTIUM.

De Bolis.

BOlus est terra ponderosa, pinguis, minus tamen quam Argilla, sed styptica, ad linguam promptè adhærens, manus inficiens, & cujus color est diversus. Sunt enim Boli croceæ, luteæ, albæ, & aliæ.

Duplici Bolo utuntur Medici, Armena nempe & nostrate.

I. Bolus Armena vera *Offic.* est substantia terrea, ponderosa, pinguis, friabilis, saporis adstringentis, crocea, vel ex flavo rubra. Armena dicitur, quia ex Armeniæ parte quæ Cappadociæ vicina est, advchi solet. Rarissime nobis affertur.

Non plane constat num Bolus Armena Galeni eadem sit cum Bolo Armena Græcorum juniorum & Arabum: hæc enim colore ad crorum accedebat, illa vero pallida erat; nisi dicatur in eadem terræ vena glebas diversis coloris repertas fuisse, sicut in nostrate in eadem gleba venæ albæ, rubræ, flavæ, & aliæ sæpe deprehenduntur.

Laudatur quæ promptissime in tenuissimum pollinem redigitur pistillo adhibito, aut liquore quodam assulo solvitur, nec quidpiam arenosi habet admixtum, atque commanducata butyri modo liquefcere videtur, & manifestam relinquit adstrictionem.

Eam commendat Galenus ad dysenterias, alvi profluvia, sanguinis exspuitions, & catarrhos: quoniam etiam eos mire juvare asserit, quibus ex capite in thoracem catarrhus decumbit. Ulcus pulmonum exsiccatur. Porro in immani peste, narrante eodem Galeno, quotquot hoc medicamen bibere, celeriter sanati fuerunt. Externe siccatur & adstringit: sanguinem fluentem sistit, inde in vulneribus ad sanguinis fluxum cohibendum præscribitur.

II. Bolus nostras est substantia terrea, ex flavo pallide rubra, ponderosa, friabilis, saporis adstringentis. E plurimis nostræ Galliæ locis eruitur. Easdem vires cum præcedente obtinet, & in officinis vulgarissima est.

Cum Bolus ut plurimum arenulis permixta sit, præparari solet, eam scilicet aqua limpida solvendo, & adhuc turbidam aquam, cum subsederint arenulæ, decantando in aliud vas. Inibi relinquitur, donec, sedimentis terræ factis, limpida fuerit: tum sensim effunditur, & terra in placentulas redacta siccatur, & ad usum servatur.

Inter-

Interne sola, vel cum Terra sigillata conjuncta, feliciter præscribitur.

2℥. Boli Armenæ pp. Terræ sigillatæ, Theriacæ, ana ʒʒ. Syrupi e Rosis siccis ʒi. Aq. Spermat. ranar. ʒvj. Misce. Fiat julap. cochlearum exhibendum in dysenteria, & alvi profluvii. Vel

2℥. Bol. Armen. pp. Sang. dracon. & Mastich. ana ʒj. Alum. rubei purificat. gr. xv. Cum Syr. Myrthillor. q. s. F. bolus in hæmorrhagia quarta quaque hora reiterandus, donec sistatur sanguis, superbibendo decocti Symphiti majoris cyathum unum.

In vulneribus & contusionibus primus apparatus conficitur ex Bolo; Terra sigillata, Mastiche, Thure, &c.

2℥. Boli Armen. pp. q. s. Excipe, albumine ovi agitato cum aqua Rosar. Parti vulneratæ applicetur cataplasmat. modo, cum stupis canabinis, supponendo fascias oxirato imbutas. Vel

2℥. Boli Armen. Terr. sigill. Sang. drac. ana ʒij. Aloes, Myrrhæ, & Colcothar ana ʒj. F. pulvis admoventus parti e qua sanguis erumpit. Bolus usurpatur in Confectione de Hyacinthis, *Diascordio Fracassoris*, *Trochiscis Gordonii*, Pulvere contra pestem sen *Bezoardico Renaudei*, Pulvere Pannonico, Cerato Santalino, & Emplastro pro fracturis.

CAPUT QUARTUM.

De Cretis.

Creta est terrea substantia, densa, macra, friabilis, ad linguam promptè adhærens, sine ulla adstrictione, & manus inficiens.

Ad Cretarum genera revocantur varietat. terrarum species varii coloris, ut Creta alba proprie dicta; Rubrica fabrilis; Terra virescens Theodosia dicta; Ampelites, seu Terra nigra fabrilis, &c. quarum rarissimus usus in Medicina.

Creta alba proprie dicta, seu Terra Cretica sic dicta ab insula Creta, quod olim ex ea laudabilior afferebatur, nunc in multis aliis regionibus passim & copiose invenitur.

Cum acidis liquoribus tumultuatur, unde pro terra alcalina seu absorbente legitime usurpari potest, & revera feliciter adhibetur.

Convenit ad ventriculi lympham nimis acidam demulcendam, & in affectibus qui ab hoc vitio pender. Ea utuntur Germani ad compescendum ventriculi ardorem, vulgo apud eos Sodam, qui ab æstuante bile oritur. Nec medicrem opem affert in tussi aspera quæ ab acriori pituita. Sanguinem uberius prorumpentem cohibet, necnon vermes interimere dicitur. Observandum autem, terras alcalinas non modo succos acidos, sed & acriorem pituitam demulcere, & bilis æstus inhibere, cum nempe fixioribus suis particulis concitatorum salium & sulphurum motum coercere valeant.

Exhibetur sola a ʒʒ. ad ʒj. vel ex ea paratur decoctum Cretaceum *Pharmacop. Batheana*, quod sic conficitur.

2℥. Cre.

24. Cretæ alb. pulver. ℥ss. Coque in aquæ limpid. ℔ij. ad ℔ij. Post crassioris partis subsidentiam, tenuis liquor instar lactis effundatur, cui adde Sacchari rosati, vel syr. convenientis, q. s. Bibatur assatim. Vel

Fiat emulsio ex hoc decocto, sensim in eo contundendo 4. Sem. frigidor. major. ana ℥ij. & colaturæ addendo Cretæ in alcohol tenuissimum redactæ ℥ij. Syrup. Tussilaginis, de Sympbito, vel alterius pro re nata ℥ij. Bibat æger per vices.

Creta cum lacte epota, ejus aciescentiam in ventriculo præpedit.

Externe in vulneribus, ulceribus, & mammarum scissuris exsiccandis commendatur.



S E C T I O T E R T I A.

D E L A P I D I B U S.

L Apides sunt corpora fossilia, solida, dura, non ductilia, quæ aquæ vel oleo non solvuntur.

Dividuntur in vulgatiore seu minus pretiosos, & rariores seu pretiosos. Vulgatiore distinguuntur in lapides lutosos, arenarios, crystallinos, scissiles, qui filamentosi, laminati & squammosi; necnon lapides figuratos, & petrificationes. Pretiosi vero, vel opaci sunt seu minus translucidi, vel diaphani qui gemmarum nomine insigniuntur.

Ex tot lapidum generibus pauci in usum medicum veniunt, licet quamplurimis insigniores tribuantur virtutes: quæ quidem encomia hominum credulitati potius quam genuinæ experientiæ debentur. Itaque cæteris de industria prætermisiss, de quibusdam tantum agemus, quorum apud Medicos usus est non mediocris. Et primo quidem de Lapide Calcario.

C A P U T P R I M U M.

De Lapide Calcario, & de Calce viva.

L Apis Calcarius seu ex quo Calx conficitur, saxum est durum, ponderosum, diversi coloris, pro variis regionibus e quibus eruitur. Ignis violentia in Calcem redigitur, quæ aquæ affusione maximos strepitus edit, vehementer incalescit, & tandem in pulvem albam redigitur. Si vero Lapis calcinatus aeri humido per aliquod tempus exponatur, in tenuissimum pulverem album ad pollinis instar dividitur.

Calx viva corrodens est & adurens, quapropter nunquam interne exhibetur; externe vero sæpius adhibetur in psyllithris, cum auripigmento permixta. Ex ejusdem & cinerum clavellatorum lixivio parantur pyrotica seu cauteria, quæ partem cui admoventur inurunt, & crustam inducunt.

tunt. Horum Lapidum causticorum conficiendorum ratio in Chymicis clarissimi Lemerii libris legi potest.

Calx lora non amplius corrodit, sed valenter exsiccat; unde a quibusdam ad contumacia ulcera exsicccanda commendatur.

Aqua cujus opē Calx viva extincta fuit, Aqua Calcis dicitur. Externe adhibetur ad ulcera exsicccanda, vel sola, vel aliqua sublimati corrosivi portiuncula imprægnata: tunc flavescit liquor, & aquæ phagædenice nomine insignitur, & feliciter usurpatur ad carnes fungosas & superfluas exedendas, tum etiam ad antiqua ulcera detergenda & exsicccanda. Eidem ad gangreum sistendam & domandam, spiritus vini, vel spiritus vitrioli adjungitur.

Ex aqua calcis, vitriolo veneris grato colore cæruleo intincta & cum oleo rosato, vel oleo ovorum per expressionem, paratur linimentum ad ambusta. Eadem etiam aqua Saccharo Saturni, donec lactescat, imprægnata utuntur ad erysipelata, scabiem, & ulcera maligna, sæpe in die madidis linteis partem fovendo.

Nec ejus usus internus reformidandus est. A quibusdam practicis Medicis, & præsertim ab expertissimo Richardo. Morton ad vetera & curatu difficilia ulcera, tum externa, tum interna, vel etiam in pulmonibus, exsicccanda, commendatur & multum prædicatur. Hujus enim salis beneficio præcipitatis acribus & salinis sanguinis particulis, tota massa mitescit. Inde facilius sanguini novus chylus confociatur, fluxio chyli ad partes ulceratas minor fit, & consequenter expeditior ulcerum sanatio. Ea autem formula Aquam Calcis præscribere solebat.

24. Salsæ parillæ tenuissime incisæ ꝑvj. Uvar. Corinthiac. ℥ss. Post debitam infusionem coque in aquæ limpidæ ℔xij. ad vj. Deinde fiat colatura. In hoc decocto extingue Calcis vivæ ℥ss. quod postquam per residenciam fuerit depuratum & sale Calcis saturatum, clare decantetur, & in lagenis vitreis bene obturatis servetur ad usum. Bibat æger ab ꝑiij. ad viij. bis vel ter in die, horis medicis.

Eandem etiam præscribit clariss. Auctor ad strumarum a morbis subortarum curationem.

Ad Calcis salem, spiritum, tincturam, vel oleum quoddam eliciendum multum insudarunt Chymici, sed incassum: si quid enim hujusmodi extraxerunt, non tam a Calce quam ab adjunctis educebatur. Calcis ope parant spiritum volatilem salis ammoniaci, spiritum volatilem urinæ, & salem alcali Basilianum.

CAPUT SECUNDUM.

De Talco.

TAlcum lapis est splendens, fissilis, seu qui in laminas tenuissimas, translucidas & nonnihil flexiles facile dividitur; in igne neque funditur, neque

neque calcinatur, nec colorem amittit, sed perennis est. Coloris est diversi; Talcum enim aliud est argenteum, quod a Chymicis Argyrolithos, aliud flavum quod Solare ipsis videtur, aliud viridiuiculum, aliud vero nigrum.

Optimum censetur Venetum, & quod leviter viridescit.

Rarioris est usus in Medicina, nec nisi in cosmeticis adhibetur. A mulierculis enim de sua venustate maxime sollicitis ad nitorem & candorem cuti conciliandum avide expetitur. Eam ob rem variis modis præparatur. Primo in alcohol tenuissimum redigitur, quod aliqui difficillimum, brevi perficitur, si Talcum aliquoties ignitum toties in aqua frigida extinguitur; tunc enim facile supra porphyritem in tenuissimum pulverem argenteo splendore micantem, & tactu levem reducetur, ex quo postea sua pomata mulierculæ conficiunt.

Oleum etiam ex talco non minus sollicitè extrahere tentarunt Chymici, quam mulierculæ; hæ ad sui condecorationem, illi vero ad Mercurii fixationem perficiendam, aut æs in argentum convertendum, sed irritò conamine. Si quid enim oleo simile ex quibusdam Talci præparationibus elicatum fuit, non sane ipsius, sed adjunctorum foetus est.

CAPUT TERTIUM.

De Aetite.

Aetites, Lapis Aquilæ, est lapis squamosus, seu qui ex variis squamis seu crustis lapideis constare videtur, intus concavus, & in cujus capacitate alius lapis Callimus dictus, vel arenulæ, vel crystalli, vel argilla abscondita sunt. Colore est albo, cinereo, pullo, vel fusco; externa superficie rudi & scabra; figura ut plurimum ovata, vel subrotunda, diversaque magnitudine.

Quidam Aetitem tantummodo nuncupant lapidem alio lapide vel arenulis prægnantem, & qui concussus sonitum edit; cæteros vero qui teram continent, Geodæ nomine insigniunt. Verum cum plerisque Historiæ Naturalis scriptoribus, Aetitis nomen squamosis & concavis lapidibus servandam censemus; Geodæ vero nomen cæteris cavis lapidibus qui densi sunt ad instar filicum, sive terram contineant, sive crusta crystallina intus obducantur.

A græco vocabulo Αἰτὶς, quod Aquilam significat, nomen habet; quod aliquando in earum nidis reperiri dicatur, vel a colore, vel quod (ut iniquiunt) Aquilæ absque eo parere non possint.

Multis in locis reperitur, sed Orientale cæteris antepositur. A plurimis magni æstimatur. Partum promovere, si femoribus alligetur; si brachio, eundem retinere vulgo credunt Matronæ. Observare autem expedit (inquiunt) statim a partu esse removendum, ne uterum ad se trahat. Cujus rei exemplum assert Valeriolæ de muliere quadam, quæ post partum, lapidis femori al-

ri alligati, oblita, elapsa matrice, extincta est. Sed sit penes ipsum fides. Nonne enim magis verisimile videtur imperitam obstetricem mulieris uterum magna vi protraxisse, & suæ imperitiæ culpam, arrepta occasione, in innocuum lapidem transtulisse? Plurimas alias de Aetite fabulas narant, quibus fidem ullam nullus sanæ mentis adhibebit.

CAPUT QUARTUM.

De Lapide Bezoardico fossili.

Lapis Bezoardicus fossilis: *Joannis de Let*; Lapis Belzoar mineralis fossilis: *Beccanis*; Bezoard minerale: *Besleri*; quod & Geodes: *Al-drovandi*. Est lapis squamosus, plenus colore albo vel cinereo, crassitie diversa, figura irregulari subrotunda.

Ex variis tunicis coagmentatus videtur, quæ successive altera alteri impositæ ex parvo lapidis rudimento calculum tandem formant ad magnitudinem Avellanae, nucis juglandis, vel etiam ovi anserini. In ejus centro arenæ granulum, vel conchula, vel carbo fossilis nonnumquam reperiuntur.

Bezoar dicitur, tum ab ejus convenientia cum Bezoar animali, tum etiam a virtute alexiteria: *Bezabar* enim vox est Arabica, qua medicamentum alexiterium quodcumque venenorum expugnandorum virtute præditum denotant.

Multis in locis reperitur; in Gallia prope Monspelium, in Sicilia circa montem Madonium, in Italia in agro Tiburtino, in nova Hispania in fluvio Detzhuatlan, unde maximi afferuntur.

Apud Italos, & Siculos hujus lapidis virtutes contra venena, febres putridas, variolas, morbillos, ad acidam humorum diathesim immutandam, ad sanguinis effervescentiam compescendam multum prædicantur. Sudores, & diaphoresim promovet. Exhibitur ejus pulvis a granis xij. ad 3j. in vehiculo convenienti.

A circumforaneis diversimode fucantur hujusmodi lapides, & pro gennino Bezoar animali venduntur.

In dubio est utrum lapides, qui pro Bezoar Occidentali nobis afferuntur fossiles sint, vel ex animalibus desumpti.

De Bezoar animali, ubi de animalibus, tractabimus;

CAPUT QUINTUM.

De quibusdam Lapidibus figuratis.

ARTICULUS PRIMUS.

De Belemnite, seu Lapide Lyncis.

Belemnites, Dactylus Idæus; Lapis Lyncis: *Off.* Lapis Lyncurius; *Quorundam.* Lapis est teres & oblongus, in apicem obtusum desinens; colore modo albicante, modo aureo, modo obscuro; quandoque plenus, quandoque concavus, lineis a medulla ad circumferentiam ductis distinctus, ut plurimum digiti crassitie & longitudine, licet quidam brachii crassitudinem æquantes reperti fuerint. Omnibus inest rima seu fissura secundum longitudinem protensa.

Belemnites dicitur a græco vocabulo *Βελεμνών*, sagitta; quod sagittæ cuspidem referat: Dactylus Idæus, a digiti similitudine; & ab *Idæ* Cretæ monte, ubi reperitur. In Alpibus quoque & in plurimis Galliæ, Germaniæ, & Helvetiæ locis effoditur.

Cum antiquorum Lyncurio Lapidem confunditur, sed perperam. Constat enim ex Dioscoridis libris, Lyncurium lapidem antiquorum nihil aliud esse nisi *ἡ λεκτρον πτερυγοφόρον* seu succinum quod pennas ad se allicit. Observat autem succinum *λυγγερόν* a quibusdam dictum fuisse, quod illud urinam Lyncis concretam & induratum fuisse existimabant.

Germani Belemnitem contra incubum & renum calculos valere credunt; quæ pulverizatum a ʒʒ. ad ʒj. in liquore competenti exhibent.

ARTICULUS SECUNDUS.

De Lapide Judaico.

Lapis Judaicus; *Off.* Lapis est oblongus, subrotundus, Olivæ formam repræsentans, striis & sulcis secundum longitudinem a radice in apicem usque excurrentibus & æquidistantibus distinctus; colore exalbido vel subcinereo: intus splendet, & oblique in laminas foliaceas finditur. Exhibetur ejus pulvis ad ʒj. in vehiculo convenienti.

Judaicus dicitur & Syriacus locis, in quibus reperitur, Judæa scilicet & Syria. A quibusdam Euroes, quod urinæ fluxum, promoveat; & Tecolithos, quod calculum resolvere credatur.

Hæc lapidi vis lithonriptica seu calculos comminuendi & frangendi tribuitur. Sed de tanta virtute & energia adhuc dubitamus. Revera vim diureticam lapidi Lyncis, lapidi Judaico, oculis cancerum, & aliis quibusdam medicamentis, quæ lithonriptica dicuntur: denegare non possumus: illam

illam enim experientia commonstrat. Sed ex eo quod sæpe arenulæ cum urinam excernantur, non idcirco vis calculi frangendi illis assignanda est. Cum enim horum lapidum fixioribus terreis particulis sales in corporis humani liquoribus luxuriantes misceantur, earum consortio fixiores fiunt, ac proinde difficilior per cutis poros remotissimos propelluntur, longe facilius vero per renum colatoria in præceps ruunt. Itaque prout per cutis poros minuitur eorum insensibilis perspiratio, major fit per urinas eorundem excretio. Deinde vero ex uberiori feri urinofi ad renes affluxu, si quæ sit in his partibus saburra eluitur, & urinæ turbidæ fiunt; quin & arenulæ grandiores, modo satis pateant viæ, ab effluente liquore abripiuntur. Sic horum lapidum vis diuretica concipi potest; lithontrippticam vero neque experientia, neque ratio hactenus commonstraverunt.

CAPUT SEXTUM.

De quibusdam lapidescentibus substantiis.

ARTICULUS PRIMUS.

De Glossopetris.

Glossopetra lapis est, ut plurimum triangularis, basi crassiore, latiore, scabra, toto alioquin corpore lævi & quasi corneo, minutis quibusdam denticulis sæpius ad latera crenato, colore quandoque luteo albicante, longitudine diversa.

Glossopetra dicitur, quod serpentum linguam in lapidem conversam vulgo credant. Sed hallucinantur: serpentum enim linguæ non triquetrae, sed teretes sunt & bifidæ. Glossopetras Lamia aut canis Carchariae dentes fuisse magis verisimile est.

Alia est Glossopetræ species minor, quæ Picæ avis linguam figura refert, quæ dens alicujus quoque piscis videtur fuisse: tenuis est, longa, acuta eodem colore quo major species quacum sæpius reperitur.

Quidam tamen Glossopetras esse lapides sui generis autumant, eosque non secus ac innumeros alios lapides diversis figuris donatos, sponte in terra generari arbitrantur.

Variis in locis reperiuntur; sed copiose in insula Melita e terra eruntur.

Glossopetræ vis alexipharmaca a quibusdam tribuitur, apud nos rarior est usus. Eas mulierculæ collis puerorum appendunt quoniam dentitionem juvare vulgo creduntur.

ARTICULUS SECUNDUS.

De Unicorni fossili.

Unicornu fossile, seu Ebur fossile, *Off. Germaniæ*; lapis Ceratites, *Gesneri*. Substantia est lapidea, colore, lavore, & forma, cornua, dentes vel ossa animalium referens, quandoque mollior; cortice exteriori, ut plurimum duro, flavescente, subnigro aut cinereo; medulla molli, friabili; compacta, absque poris, adstringente, exsiccante linguæ firmiter adhærente; nonnumquam odore grato.

Sæpius eruitur sub specie ossium in saxeam naturam converforum: inter quæ sunt dentes molares, & incisivi maximi in quibus evidentissime radix a dente ipso seu parte, quæ extra gingivas prominuit, discernitur. Aliquando fragmenta radiorum, tibiæ, ipsam ossium naturalem conformationem exacte repræsentantia; quin etiam effodiuntur arborum rami & trunci prægrandes in lapides mutati in quibus ligni species adhuc facile distinguuntur.

Nullus est dubitandi locus quin hæc fossilia corpora sint cornua, dentes, ossa, vel ligna in lapideam substantiam conversa. Dum enim diuturniori, sub terram mora putrescerent, & quodammodo calcinarentur, eorum substantia rarior, & porosa facta est, ut videre licet in lignis & ossibus putrefactis, & carie exesis. Si vero tunc temporis affluat marga tenuis aqua soluta, eorum poros penetrat, adimplet & lapsu temporis, aqua exhalante, concrevit cum ossium vel lignorum parte residua, in lapideam duritiem, ejusdem planè figuræ ac os vel lignum antea humo reconditum. Si vero crystallina, aut silicea fuerit hæc terra, in silices, aut crystallinam substantiam conversa reperientur, qualia sunt plurima conchytyum genera, & sic de cæteris.

Variis in Germaniæ locis reperitur Unicornu fossile; quin & in agro Parisiensi juxta Montem Martirum, ossæ cadavera intra lapideam substantiam inclusiva paucis abinc annis detecta fuere.

Apud Germanos plurimum commendatur. Vim adstringentem, alexipharmacam, & sudorificam ei tribuunt; ipsumque in alvi profluviis, dysenteris, hæmorrhagiis, fluxu albo, in febribus malignis, & pestilentialibus, in epilepsia frequenter usurpant a ℞ss. ad ℞j. in competenti vehiculo.

Nec quodcumque Unicornu indiscriminatim sumitur; sed eligitur grato odore perfusum, & prius in canibus, & animalibus probatum. Aliquando enim contigit quod aliquid veneni continëat, si nempe e terra arsenicali effusum fuerit, ad quod quidem diligenter attendendum.

CAPUT SEPTIMUM.

De quibusdam Lapidibus pretiosis opacis.

ARTICULUS PRIMUS.

De Lapide Lazuli.

Lapis Lazuli, *κνυδς βίλος* Græcor. Lapis Cyanus. Durus est, florum Cyani cærulei colore, aureis argenteisque punctulis, & venulis exordinatus. Duplicis generis distinguitur, alter ignis vim ferre valet, alter neutiquam. Ille ex Oriente, Asia, & Africa adfertur, & Orientalis ideo dicitur; hic vero quibusdam in locis Germaniæ, & Italiæ reperitur, Orientali mollior est. Ex fodinis aureis, argenteis, & cupreis eruitur.

Color ex utroque parari solet pretiosus, ex Orientali ultramarinus dictus, qui ætate non mutatur; ex Germanico ignobilior: is enim externis injuriis facile læditur, & temporis progressu virefcit.

Eligitur saturato cæruleo colore, maculis quibusdam aureis distinctus; fractu contumax, & ab igne invictus.

Sursum deorsumque purgandi facultate præditus est. Illum contra melancholicos affectus, quartanam, apoplexiam, epilepsiam plurimum commendant auctores. In eo vim erodentem cum aliqua adstrictione agnoscunt, Discorides, & Galenus; quidam aquæ ablutioem virtutem ejus erodentem, & emeticam corrigi asserunt, sed perperam. Lotus enim & non lotus per superiora, & inferiora æque purgat; quin etiam quod eluitur, & quod post lotionem remanet, non differunt nisi tenuitate.

Nullus est dubitandi locus quin color cæruleus hujus lapidis a quibusdam cupri particulis oriatur, a quibus etiam vis erodens, & purgans, sed quaeritur quo jure in Confectione Alkermes, quæ compositio cordialis est, & roborans, usurpetur illud acre & violenter purgans medicamentum, Duplicem virtutem in lapide Lazuli agnoverunt veteres Medici, purgantem unam, stypticam alteram; quæ quidem licet contrariæ, in eodem tamen subjecto reperiuntur. Vim stypticam, ac proinde confortantem lapidi naturalem esse crediderunt, cum nempe in auri fodinis reperiatur, & aureis particulis permixta sit. Econtra vim purgantem mere accidentalem esse arbitrati sunt, ex admixtis nempe heterogeneis particulis. Quapropter roborantem hujus lapidis virtutem conservando, pravam ejus indolem variis modis corrigere tentarunt, tum ablutioibus, tum calcinationibus repetitis. An res ex sententia successerit, adhuc incertum mihi videtur. Fateor tamen ex Confectionis Alkermes rite præparatæ longo usu nihil damni unquam perceptum fuisse. Unde concludi potest, calcinationibus imminui aut prorsus extinguui Lazuli vim purgantem; an vero ad cordialis hujus Confectionis virtutem augendam aliquid conferat, non asseram.

De ea atram bilem purgandi proprietate, quæ huic lapidi tribuitur, timeo.
Geoffroy Tom. I. D ne

ne in errorem inducī fuerint veteres, ex eo, quod post assumptum lapidem Lazuli cremenra nigra deicerentur, quod quidem non tam ab humorum excretorum indole, quam a tinctura, quæ a martialibus, aut venereis medicamentibus proficisci videtur.

Cum ad enarratos affectus plurima sint minus incerta medicamina, rarius hic lapis usurpatur. Nunc in sola ferè Confectione Alkermes adhiberi solet.

Ex eo partant Chimici magisteria, tincturas, & elyxiria, quæ apud nos non amplius usitata sunt.

ARTICULUS SECUNDUS.

De Lapide Armeno.

Lapis Armenus opacus est lapis, maculis viridibus, cæruleis, & subnigris, lævis, & sicut lapis Lazuli punctis aureis insignitus, friabilis, a quo parum discrepat, & sæpius cum eo in eadem gleba reperitur. Unde a quibusdam indiscriminatim usurpatur uterque.

Viribus convenit cum lapide Lazuli, sed potentius purgat per superiora & inferiora. Unde iisdem in affectibus commendatur. Dosis a granis sex ad ʒj.

Externe abstergit cum levi acrimonia & levissima adstrictione. In Medicina rarior est illius usus.

Ex eo pictores elegantissimum colorem cæruleum ad gratam veriditatem vergentem, præparare solebant.

CAPUT OCTAVUM.

De quibusdam Lapidibus pretiosis perlucidis, seu Gemmis.

ARTICULUS PRIMUS.

De Cryſtallo.

Cryſtallus Rupea gemma est mollis, translucida, aquam in glaciem congelatam referens: columnam hexagonam utrimque acuminatam figuram, ut plurimum, exhibet; seu componi videtur ex duabus pyramidibus hexagonis, & columna intermedia itidem hexagona.

Altera Cryſtalli species rhomboidalis in Islandia insula & quibusdam in Gallia locis præsertim in agro Trecensi reperitur, quæ ex laminis crystallinis componi videtur: secundum omnes superficies planas fissilis est; & si in pulverem redigatur, semper rhomboidalem figuram servat, ita ut ejus pulvis

pulvis minutissimus oculis microscopio armatis rhomboidum tenuissimorum congeries deprehendatur. Ea est hujus Crystalli proprietas, ut objectum quodcumque per illam interpositam conspectum, duplex videatur: quod quidem oritur ex duplici refractione, quam luminis radii per illam transmissi patiuntur.

Tertia adhuc Crystalli species recensetur, quæ a Martino Lyster Anglo Medico Doctissimo, & rerum naturalium peritissimo nominatur Brontia lævis, pellucida, resplendens, Adamantis æmula, in *Actis philosophicis R. S. Lond.* Ejus figura diversa est, modo sphaerica, modo ovata, modo depressa, modo dimidiam sphaeræ, vel ovoidis partem referens, nonnumquam subrotunda & irregularis, dura, admodum pellucida, & absque ullo artificio exacte polita: e terra effoditur, diversa magnitudine, & crafitie. In pluribus Angliæ locis reperitur.

Crystallo vis adstringens, & lithontripctica tribuitur; unde a pluribus in alvi profluviis, in albo mulierum fluore, & in calculo renum, aut vesicæ præscribitur. Sed quid de ea lithontripctica virtute censendum sit, jam diximus. Nec desunt, qui hæc lapidea medicamenta reformident: ab iis enim calculorum generationem promoveri existimant; aut saltem turbidum sedimentum quod cum urinis post lithontripcticorum usum excernitur, nihil aliud esse opinantur præter horum lapidum pulverem tenuissimum ab urinoso sale præcipitatum.

Rarior hæc est Crystalli usus internus, non enim de ejus virtutibus satis constat.

Externe tantum contrita, ad dentifricia paranda usurpatur. Ejus enim affricu tartarea dentium crusta dissolvitur. Sed ne frequentior sit ejus usus; non solum enim tartaream crustam eradit, sed & eburneam, qua dentes inveſtiuntur laminam prorsus atterit.

In Unguento Citrino usurpatur.

ARTICULUS SECUNDUS.

De quinque Fragmentis pretiosis.

Quinque lapides pretiosi, quorum fragmenta in officinis usurpantur. sunt Granati, Sardæ, Hyancithi, Saphyri, & Smaragdi.

Granatus sic dictus, quod sit acino Mali granati similis; est gemma dura, ex flavedine obscure rubens, quæ in igne vulgari tincturam suam non remittit. Si vero Soli radiis lente vitrea majore coadunatis, supra carbonem exponatur, massam metallicam fusa reducitur ferri æmulam, & a magnete attrahitur.

Granatus amuleti instar suspensus, vel in alcohol redactus, & ebibitus tristitiæ resistere, & cor creare olim credebatur. Igneam tamen ejus naturam permiscebant veteres, & ejus abusum cerebro nocere, sanguinem exagitare, & ad iracundiam excitare existimabant.

Quidam e neotricis illius vim mere alcalinam asserunt: cum tamen multum de ferro participet, illum idcirco quasdam Martis virtutes obtinere cen-

seo, quæ tamen in crocis Martis aut in ejusdem metalli tincturis longe felicius, & minori pretio se exerunt.

Onyx Sarda, & Sardonyx magnam inter se habent affinitatem, & sæpe confunduntur tum ab auctoribus, tum ab artificibus. Quodnam sit inter hos lapides discriminis considerandum venit.

Onyx apud veteres commune nomen fuit, & gemmæ, & marmoris, seu alabastriti ex quo vasa unguentaria conficere solebant.

Gemma Onyx dicta fere optata est, aut leviter transnitens potius quam translucida, colore unguis, aut corneo, aut lacteo, aut exalbido, diversorum colorum zonis exacte, & distincte sibi invicem superimpositis insignita. Nascitur in India utraque, Arabia, Armenia, Bohemia, Hispania, & in Italia.

Sarda gemma est pellucida, sed quasi pinguedine obducta, colore diverso. Quædam enim sunt colore sanguinis biliosi, & pene atrii; aliæ carnei coloris, & exigua portione sanguinis tinctæ; aliæ denique coloris e sanguineo subflavescentis. Afferuntur etiam candidi vel lactei coloris, & in quibus cærulei aliquid diluti distinguitur.

Quæ colore carneo insignitur, a gemmariis Carneola, corruptive Corneola nuncupatur.

Distinguuntur Sardæ in Orientales, & Occidentales seu Europæas, quæ duritie differunt. Illæ enim multo duriores.

Sardonyx apud antiquos duplex, Indica, & Arabica: hæc opaca, translucida illa.

Sardonyx Indica Sardæ, & Onychis particeps erat. Superficiem habebat Onychis gemmæ, vel unguis humani instar candidam, radicem vero sive fundum instar Sardæ, vel colore carneo, aut rubro sanguineo, & translucida erat; quædam tamen opacæ erant, quæ cæcæ dicebantur.

Sardonyx Arabica, Memphites *Quorundam*, distinguebatur substrato nigro, vel obscure cæruleo, & circulo candido; superficies vero magis minusve candicante. Hæc a quibusdam gemmariis Onyx tantummodo nuncupatur.

Sardonium vero nomine, quædam gemmæ a recentioribus gemmariis dicuntur, quæ unicolores, vel versicolores Onyches sunt, aut Achatæ.

Veteres credebant Sardam quadam irradiatione animum exhilarare, timorem pellere, audaciam præstare, fascinationes prohibere, & corpus contra venena quævis tueri.

Sarda in pulverem trita ad omnem sanguinis fluxum sistendum intrus fuit, sed nunc rarioris est usus; sunt enim alia, & longe præstantiora medicamenta.

Hyacinthus gemma est ab hyacinthino colore sic dicta, colore ex flavedine rubenti, & rutilante. Cum varios habeat coloris sui gradus, eorum respectu variæ ejus constituuntur species. Sunt qui instar minii, aut sanguinis biliosi rutilant. Sunt qui colore croceo flavescent. Alii succinum flavum æmulantur, & viliores sunt. Alii succinum album referunt, & sunt vilissimi. Horum alii Orientales sunt, ex India allati; alii vero Occidentales, ex Silesia, Bohemia, necnon ex Arvenia, aliisque locis petiti.

Ab illo discrepare videtur Hyacinthus veterum; quippe qui, teste Plinio, Amethystini lapidis fulgore violaceo, sed dilutiore, insignitur.

Quamplurimæ Hyacintho superstitiolæ virtutes tribuebantur. Et hanc gemmam frigidæ esse naturæ dixerunt quidam e veteribus. Narrant eam cor roborare, leviter adstringere, & somnum conciliare. Contra spasmodum & contracturas tanquam singulare specificum eam prædicat Schroderus.

Gemma hæc in Electuario de gemmis cum cæteris fragmentis pretiosis usurpatur, & nomen suum celeberrimæ Confectioni de Hyacinthis imposuit.

Saphirus seu Cyanus *Plinii*, quæ Gemma gemmarum a quibusdam dicitur, gemma est dura, colore cæruleo seu cyaneo constans, cæli sereni colorem referens, splendore & perspicuitate summa. Est omnium gemmarum præter Adamantem durissima. Duplex est: altera pallescens, quæ fœmina; altera coloris saturate cœrulei, quæ mas. Tertia omni prorsus colore destituitur, & pro Adamante quandoque substituitur; sed illi & duritiæ & splendore longe inferior.

Saphiri ex variis Indiæ regionibus afferuntur, qui Orientales dicuntur; vel ex Silesia, Bohemia, & aliis Europæ regionibus, qui ideo Occidentales.

A Saphiro tinctura & color igne auferri potest, ita ut Adamantem mentiatur. Ejus colorem a tenuissimo sulphure venereo oriri existimo.

Præter innumeras & præstantissimas virtutes quibus Saphirum donari multi superstitione arbitrantur, cor recreare dicitur seu spiritus animales excitare, venenis in potu resistere, & intestinorum ulcerationibus mederi.

Smaragdus gemma est viridis, splendens, diaphana, oculis grata, ac jucunda. Tenerrima est & facile frangitur; hinc fabulæ multæ.

In Orientalem & Occidentalem distinguitur. Ille præstantissimus, durissimus, & grata viriditate splendens; hic qui ex Peruvia adportatur, non æque nitet, ac Orientalis, & nubeculis ut plurimum sædatur.

Alia est Smaragdi nostratis seu Pseudo-smaragdi species quæ in montibus Helvetiæ aut Arvernæ reperitur, & Smaragdus montanus spurius dici potest: tenerrimus est & pallide virens.

Smaragdi fragmenta prunis imposita accenduntur & tenuem flammam emittunt, & postea colore prorsus destituuntur. Quod quidem satis evincit sulphur venereum hac gemma contineri.

Prætermisissis superstitionibus quæ illi tribuuntur virtutibus, hæmorrhagias sistere, dysenterias & hæmorrhoidum fluxum compescere vulgo creditur. Cum cæteris fragmentis pretiosis in Electuario de gemmis usurpatur, & cum Hyacinthis & Saphiris in Confectione de Hyacinthis dicta.

De horum fragmentorum virtutibus magna est inter auctores controversia. Ex recentioribus plurimi eorum virtutes a veteribus prædicatas aut superstitiones, aut commentitias esse crediderunt, eaque ex officinis pharmaceuticis procul rejicienda censuere. Eadem non prorsus inertia a quibusdam æstimantur, sed pro alcalinis & absordentibus habentur. Si tamen ad gemmarum colores a metallica substantia tenuissima oriundos attendamus, eas non omni virtute destitutas cum nonnullis judicabimus, neque eas pro mere alcalinis corporibus habebimus, sed in eis qualdam inesse vires quas a metallis mutuamur, confitebimur.

Obijci potest gemmarum fragmenta esse corpora durissima quæ stygiis aquis, ut plurimum, resistunt, ac proinde ventriculi fermento indissolubilia, quæ eodem modo quo assumuntur, rejiciuntur.

Verum hæc obiectio nullius est momenti. Nam Smaragdus prunis impositus sicut sulphur accenditur, & viridi colore cum flamma exhalato, diaphanus remanet & sine colore, Crystalli ad instar. Constat autem ex hoc experimento, duplici parte gemmas componi, crystallina nempe una fixa, sulphurea altera & volatili. Constat etiam hanc partem facile exhalare, illa integra remanente. Equidem quod in eodem experimento ignis ope peragitur, idem ope caloris naturalis & lymphæ stomachalis peragi potest. Licet crystallina gemmarum substantia non dissolvatur, attamen sulphurea pars metallica a crystallina secerni potest, & sui juris facta in corporis humani liquores vires suas exerere.

Sed, inquiet fortasse aliquis, nimis exigua est hæc metallica portio in gemmis delitescens, quam ut tor, ac tanta præstare possit. Cui respondeo Medicamenti energiam non semper ab ejus mole pendere. Opii, exempli gratia, exigua dosi saporem inducit, & dolores demulcet. Tenuissima est admodum Stibii portiuncula, quæ in Tartari stibiati granis quinque vomitum excitat. Quam tenuis est etiam & exigua succi venenosi portio, quæ cum viperæ dente in vulnus immissa totam molem sanguineam citissime contaminat.

Non sunt igitur levi de causa proscribendæ gemmæ ex pharmaceuticis compositionibus jam longo usu receptis, & diuturniori, ac felici experientia comprobatis: cum suæ sint uniuscujusque virtutes, de quibus, fateor, non satis nobis constat; quoniam plurimæ, quæ de his prædicantur, incertæ sunt aut commentitiæ.

ARTICULUS TERTIUS.

De aliis quibusdam gemmis, quæ variis in usum Medicum veniunt.

TOpatius Off. & Crysolithus Veterum; gemma est pellucida, splendens aureo colore, cujus duæ sunt species: altera Orientalis, quæ instar auri obryzi seu purissimi rutilat, & durissima est: altera Europæa, quæ Crystalli instar mollis est, aureo colore vel parum vel multum nigricante. Naturam solarem ei tribuere veteres: proinde creditur timores nocturnos & melancholiam minuere, cor & intellectum confortare, molestis insomniis adversari, & hæmorrhagias sistere. In Confectione de Hyacinthis usurpatur.

Crysolithus Off. Topatius veterum, & Chrysoprasus *Quorundam*, Gemma est viridis, colore Smaragdo dilutior, utpote cui nonnihil flavedinis adjunctum est, ita ut per viridem colorem aureus fulgor quandoque rutilat. Non adeo durus, quin limæ cedat. Licet eadem illi, quæ Topatio, tribuantur virtutes; nunc tamen nullus est ejus usus in Medicina.

Opalus, seu Opalis, gemma est elegantissima, omnes ferme colores exhibens. Ex radiorum enim luminosorum refractionibus variis, cæruleum, purpureum, viridem, flavum, rubrum, lacteum, ac nigrum interdum

dum intuentium oculis ingerit . Hinc a quibusdam Gemma gemmarum dicitur .

Præstantissimi Opali in India inveniuntur , viliores in Cypro , Ægypto , Hungaria , & in Dania , insulis Feroensibus . Nascuntur omnes in lapide molli , venis nigris , flavis & fuscis distincto .

Hanc omnium aliarum gemmarum vires habere auctores arbitrantur . Nunc ad usum pharmaceuticum non adhibetur .

Amethystus gemma est pellucida , violacei coloris ex rubri & cœrulei mixtura orti , fulgore non omnino igneo , sed deficiente seu languido . Præferuntur quibus in purpura refulget roseus color .

Reperiuntur in variis locis utriusque Indiæ , Hispaniæ , Italiæ , & Germaniæ . In usum Medicum non adhibentur .

Rubinus gemma est translucida , rutilans , rubensque , ad cœruleum parum inclinans , limam respuens . Ratione splendoris & rubedinis , quatuor ejus constitui solent genera .

Rubinus verus seu Carbunculus , Ἀνθράξ Græcorum ; quia carbonis instar accensi rutilat , & Pyropus quasi ignitus lapis .

Rubicellus , qui pallidior .

Balassius , qui exiguum & languidum habet rubedinem .

Spinellus , qui vero Rubino aliquanto mollior est , & minus splendet ; licet Balassio sit rubicundior .

Præstantissimi in insula Zeylan reperiuntur .

Miræ sunt , quæ de Rubino prædicantur virtutes , sed vanæ , ac superstitiosæ .

Adamas gemma est omnium durissima , totaque pellucida , & instar aquæ purissimæ nitens . Nonnunquam alieno colore inficitur , albedo , flavescens vel nigrescente , quod illi vitio est . Ex laminis crystallinis sibi invicem superimpositis constat . A peritis Gemmariis ad laminarum commissuras admota cultri acie , in duas vel plures tabellas facile finditur . Igne vulgari non calcinatur , neque ab igne solari alteratur , si lamellæ secundum planam suam superficiem ejus radiis opponantur : verum si earum extrema solis radios inter se recipiunt , ab ignea solis materia facile dividuntur lamellæ , & postea in massam vitream funduntur , quæ nihil amplius de Adamantis splendore retinet .

Adamantes in sola India nascuntur . Nullus est apud Medicos eorum usus .

Chymici ex coloratis gemmis tincturas extrahere conati sunt . Sed de earum tincturarum , si quæ fuerunt extractæ , energia , quam de gemmarum ipsarum virtutibus , non magis nobis constat .

38. Diagrid. gr. iij. M. F. suppositoria ad alvum nimis induratum sollicitandam.

21. Radicis Pyrethri 38. Folior. Nicotianæ, Rutæ, ana M. j. Folior. Sennæ, Agarici, & pulpæ Colocynthid. ana 3ij. Coq. in aquæ com. q. s. ad 3xij. In colatura dissolve Salis gemmei 3ij. Solutioni adde vini stib. 3ij. pro enemate in apoplexia, & soporosis affectibus.

Sæpius his in affectibus clysmata vel fortiora frustra; & sine effectu usurpantur, cum intestina paralyti sæpius afficiantur. Attamen acria hæc & stimulantia medicamenta procul rejicienda sunt, si adsit intestinorum inflammatio.

Eisdem ex Sale fossili, & gemmeo Chymia præparationes conficit, quæ ex Sale marino fieri solent.

Sal gemmeus usurpatur in Benedicta laxativa, & in Pilulis aggregatis seu polychrestis.

ARTICULUS SECUNDUS.

De Sale cibario artificiali, & præsertim marino.

SAL cibarius artificialis ex aqua maris, fontium vel puteorum salforum, solis ardore aut coctione concrescit.

In Aquitania, prope litrus maris, foveas excavant, quas argillacea terra obducunt: eas replet æstus maris; & aqua solis ardore exhalata, Sal copiosus exsiccat in fundo remanet.

Neustriæ populi in litore maris arenæ tenuis acervos construunt, quos aqua marina sæpius irrigare solent: humore solis radiis exhausto, sal inter arenas retinetur. Cum autem arena magna salis copia turget, eam aqua dulci decoquunt, lixivium Sale sætum, & percolatum moderato ignis calore in plumbeis caldariis iterum decoquunt, ad certum quemdam spissitudinis gradum; tandem igne semoto, Salem in crystallos albicantes concrefcere sinunt.

Sal ex salforum fontium aqua, humoris aquei evaporatione conficitur. Sed dum aqua salis decoquitur, fellis vel sanguinis bubuli nonnihil permiscetur, quo Sal in majora granula facilius concrescat. Nam ramosis fellis vel sanguinis partibus bituminosæ, & terræ partes Sali permixtæ, quæ ejusdem concretioni obstant, arripiuntur, & in spumam abeunt, aut in colatorijs remanent.

Sal ille melius sapit, qui ex aqua marina in salis lacubus solis ardore concrefcit: qui vero ignis calore exsiccat, plus habet amaritudinis. Verum qui ex aqua salforum fontium vel puteorum conficitur, linguam acrius vellicat, ob majorem Salis alcali mineralis copiam, quæ cum sale cibario permixta est; hinc cæteris citius liquefcit.

Sal marinus solis ardore coagulatus, ut ad usum culinarium, sic ad Medicum cæteris antepositur. Sapore est salso satis noto, colore griseo, ob admix-

admixtam terram. Si solvatur, & levi calore crystallizetur; in granula concrefcit albida, cubica.

Sal ex aqua maris aut fontium falforum ignis calore exsiccatum, albus est; sed figuram cubicam non exacte referunt ejus grana, ob diversorum falium miscellam.

Sal marinus priusquam ignem expertus sit, nec Syrupum violaceum; nec tincturam Heliotropii mutat cum oleo Tartari non effervesceat, neque Calcis aquam turbidam efficit. Leve tamen aciditatis signum præbet, si affundatur spiritui urinoso Salis Ammoniaci cujus pelluciditatem turbat. Infusionem Gallarum etiam nonnihil obscurat. Alcalinæ quoque indolis viderur, cum solutionem Mercurii albidam reddat, & calidam cum oleo Vitrioli effervescentiam excitet.

Salis marini aqua soluti pars maxima, humore ad cuticulam usque exhalato, in crystallos cubicas frigore concrefcit: altera vero portio, alcalina nempe, nonnisi calore exsiccare potest, nec ullam regularem figuram concretionem effingit, humidoque aere brevi liquefit. Unde patet, Salem marinum salum esse ex acido peculiari, & alcali minerali compositum, cujus acida pars ab alcali adeo est involuta, ut vim suam exere vix possit.

Ex Sale marino per retortam ignis ope separatur spiritus acidus, qui Heliotropii tincturam purpureo colore perfundit, & cum oleo Tartari vehementer effervesceat, sed absque calore; nequaquam vero cum aqua Calcis fervorem concipit.

Solus ille spiritus Aurum, & Stannum solvere potis est, non vero Argentum ac Plumbum, quin & eandem facultatem spiritibus Nitri, & Vitrioli tribuit, qui ex Salis communis consortio aquæ regales sunt. Si acidus ille spiritus linguam vehementer lancinans Sale Tartari alcalino saturetur, in Salem salum convertitur, qui marinum sapore, & cubica figura apprimè refert. Unde liquet quod jam ex ejus analysi constat, Salem marinum acidum esse alcalino sale perfecte saturatum.

Salis marini crystalli cubicæ in igne crepitant, sed cum fragore dissiliunt.

Sal marinus nimiam fermentationem coercet, & putrefactionem præpedit; quare a Chymicis in plantis macerandis, ne putrescant, adhiberi solet. Quod autem præstat Sal marinus in herbarum maceratione, illud idem cum cibis permixtus in ventriculo peragit. Ciborum fermentationem nimiam, & putrefactionem præpedit, & vehementem coëtorum corporis liquorum æstum cohibet. Præterea cum sales volatiles urinosos facile sibi confociet, & in ammoniatum convertat, humorum acridinem temperare valet, & eorum depurationem per urinas promoveri. Huc adde quod suis aculeis partes solidas leviter proritando, stimuli ad instar, fibrarum oscillationes vividiores efficit. Unde corporis functiones feliciter peraguntur. Hinc tot præclaræ dotes Salis communi tributæ, ut vis calefaciendi, exsiccandi, abstergerendi, digerendi, aperienti, incidendi, ciborum appetentiam provocandi, ventrem stimu-
landi, & putredini ac venenis resistendi.

Interne adhibetur in difficili ciborum coëctione, in eorum inappeten-

rentia, in obstructionibus alvi, & urinæ. Cum autem Sal communis tanquam alimentum aut potius alimentorum condimentum interne adhiberi solet, rarius veluti medicamentum præscribitur. Quin imo sæpius ægris interdicitur. Largiorem tamen illius usum Helmontius ad renum calculum præcavendum magnopere commendat; qua de re non levis est controversia. In dubio enim versantur plerique Medici, utrum Sal communis calculi generationem præpediat, an potius promoveat. Plurimi conveniunt animalium terrestrium, aquatiliūve carnes sale conditas materiam calculi suppeditare, & ex horum ciborum usu ægros calculis obnoxios pejus se habere. Verum multum nobis videtur interesse discriminis inter Salem communem, & salforum condimentorum muriam. Sal enim communis cum carniū succo, longo post tempore quamdam putrefactionem suscipit, dividitur, attenuatur, & salis volatilis naturam induit; unde non eisdem effectus quos antea consequitur, sed plane diversos producit. Nam quandoquidem renum, & vesicæ calculi ex sale alcalino volatili terreis, & sulphureis partibus implicito constare videantur, ut ex eorum analysi satis liquet; quodcumque hujus salis volatilis evolutionem aut productionem in chylō & in sanguine cohibebit, calculorum generationem præpediet.

Verum id præstat Sal marinus: e contrario muria, cum ad salis alcali volatilis naturam accedat, non modo hanc calculi causam non destruet, sed etiam illam magis ac magis fovebit. Licet igitur muria calculosis noxia sit, non idcirco Salis communis usum noxium esse concludendum est.

Quin imo si ejus moderatus sit usus, eum ad sanguinis sales nimis effectos sibi confociandos, & per urinæ vias ducendos aptum ac idoneum existimamus.

At vero de immoderato illius usu aliter censemus. Omnes enim corporis membranas vellicando, vehementiores fibrarum oscillationes excitat, unde æstus per totum corpus incenditur, vel etiam crispaturas inducit: unde functionum læsio. Deinde cum Salium exuperantia acriores fiant corporis liquores, insensibilis perspirationis materia crassior, & acrior in summa cute inhæret, eam corrodit: unde pruritus, scabies, & alii cutanei affectus. Elephantiasim in Bavariz Ducatu frequentem Becherus immoderato salamentorum usui tribuit. A muratico sale scorbutus, quo diutius in mari degentes infestantur, ortum ducit.

Sal communis in os apoplecticorum ingeritur tum ad linguæ, palati, & faucium membranas proritandas, & soporem discutiendum, tum etiam ad lympham crassiorem in earum partium glandulis inhaerentem solvendam & foras eliminandam. In linguæ paralyti apoplegmatisms paratur ex foliis Salviz, & Sale communi.

Sal communis externe feliciter usurpatur in humidis, & pituitosis cerebri affectibus, in cephalalgia a causa humida seu catharro. Sic autem præscribitur.

℞. Furfuris macri lb℞. Milii ℥iij. Salis communis ℥j. Torrefiant omnia simul in sartagine: & fiant sacculi duo interpuncti ut decet capiti imponendi.

Ex

Ex eo quoque paratur cataplasma sequens, quod proponit Riverius ad arthritidis materiam resolvendam, & ad dolorem arthriticum vel ischiadicum sedandum.

℞ Furfuris Tritici ℥j. Salis ℥j. Sapæ q. s. Decoquantur ad formam cataplasmatidis parti dolenti applicandi.

Sal communis in unguento enulato usurpatur.

Sal marinus a Chymicis plurimi æstimatur, quod sit Auri menstruum seu dissolvens particulare. Ex eo spiritum Salis, & aquam temperatam Basilii Valentini ad usum Medicum præparare solent.

Ad acidum Salis marini spiritum extrahendum prævia præparatione opus est, quam Salis calcinationem, & decrepitationem dicunt. Cum enim Salis marini granula ignis calore dissiliant; vasa, in quibus distillantur, disrumpent, nisi prius humor aqueus, quo turgent, calcinatione exhalasset. Oritur autem hæc crepitatio ab aquoso humore inter salinas moleculas irretito, qui cum ignis calore subito rarefcat, exitum sibi quærens, partes salinas, quibus detinetur, cum impetu disjungit. Sic autem instituitur hæc calcinatio.

Sal communis vase fictili, & operto inclusus, carbonibus accensis imponitur, & calcinatur, spatula ferrea identidem agitando. Magnus fit salis ab igne exandescens strepitus. Relinquitur sal tamdiu donec non amplius crepitus edat, sed quietus sub forma pulveris remaneat. Sic sal, ut vulgo dicunt, decrepitatus, ustus, calcinatus vel exsiccatus paratur.

Sal decrepitatus inservit cœmentandis mineralibus; & metallis, spiritui salis distillando, & plurimis aliis chymicis operationibus.

Spiritus salis distillatio sic perficitur.

℞ Salis decrepitati partem j. Argillæ figulor. part. ij. Pulverizata misceantur, & ex his cum modica aquæ portione fiat massa, ex qua formentur globuli Nucum Avellanarum magnitudine, quibus blando calore prius exsiccatis, dimidia fere retorta luto undique obducta adimpletur, collocatur in furno reverberii, eique capax excipulum adjungitur. Tunc igne per gradus adhibito quousque sub finem retorta candeat, spiritus vaporibus albis distillatur. Verum cum nulli amplius fumi perspiciuntur, tunc absoluta distillatione excipulum amovetur, spiritus effunditur, & servatur. Hic, si lubet, rectificatur sine ulla additione, phlegma insipidum Alambicis ope in Balneo maris abstrahendo, donec guttæ acidæ prodire incipiant: tunc spiritus intense acidus in Alambicis fundo remanet ad usum servandus. Vel etiam rectificari potest, Zinchi vel lapidis Calaminaris additione, hac methodo:

In spiritu Salis, Zinchi vel lapidis Calaminaris q. s. solvunt. Solutionem ex retorta distillant, igne per gradus aucto: prodit primo phlegma insipidum rejiciendum; tandem exit spiritus salis rectificatus, & an omni phlegmate separatus, qui dicitur spiritus salis concentratus.

Spiritus salis dulcis efficitur, si spiritus salis pars una, & spiritus vini partes tres simul confuse per aliquot hebdomadas leni calore digerantur. Tum mixtura odorem fragrantissimum acquirit; quæ ad usum servatur, & dicitur Aqua temperata Basilii Valentini.

Præ-

Præter Chymicos hujusce spiritus usus ad metalla aut mineralia solvenda, eorumque tincturas eliciendas, apud Medicos plurimum commendatur ad urinam promovendam; ad calculum præcavendum, ad hydropisum curandum, ad sitim in febris ardentibus extinguendam, & humorum malignitatem debellandam. Scorbuto, febribus malignis, & pesti maxime convenit, tam cum potu solito exhibitus, quam conjunctus Saccharo, quantum solvi potest, ut fiat liquor syrupi instar. Spiritus edulcoratus a guttis iij. ad xx. per se, vel ad gratam aciditatem in liquore convenienti præscribitur: Syrupus vero ad ℥j.

Sic ad calculos renum dissolvendos & expellendos præscribi potest.

24. Aquar. Fragariæ & Saxifragæ ana ℥iij. Vini albi generosi ℥vj. Olei Amigdal. dulcium ℥ij. Spiritus Salis ℥j. Misce pro tribus dosibus. Prima detur calide, quantum ferre potest. Post horas sex detur secunda pari modo; si etiam hæc sit inefficax, tertia pariter propinetur. In dolore nephritico ac calculo renum. Vel

24. Aquæ Parietar. & Saxifrag. ℥iij. Syr. Violacei ℥j. Sp. Salis guttas xv. vel xx. ad gratam aciditatem.

Idem spiritus ad calculum præcavendum quotidie mane per aliquot dies propinatur, vel in jusculo, vel in convenienti apozemate.

In hydropse spiritus salis dulcis ad gutt. xv. vel xx. vel syrupi acidi ex eodem spiritu ad ℥j. in decocti Baccar. Juniperi ℥vj. quotidie mane, jejuno stomacho, feliciter præscribitur.

Verum hujus spiritus usus ad hernias curandas prætermittendus non est. Quod quidem remedium Christianissimi Regis munificentia & liberalitate ad populorum salutem publici juris factum fuit.

Spiritus salis vino rubro permixtus, sed diversa dosi, ratione ætatis, per dies ter septenos mane, jejuno stomacho, exhibetur. Nec quidquam, nisi elapsis quatuor ab assumpto medicamento horis, aut cibi aut potus assumendum est. Si tamen ventriculus inde male se habeat, uno vel altero, si opus fuerit, die ab eo ablineatur.

Dosis remedii pro infantibus ab annis duobus ad sex erit guttar. iij. vel iv. cum vini rubri cochleari uno vel altero. Ab annis vj. ad x. spiritus ℥j. cum vini rubri sextario exacte misceatur. Cujus mixturæ ℥ij. præterpropter singulo mane hauriantur, ita ut hæc dosi pro septem diebus sufficiat. Abhinc reiteretur de novo remedium, usque dum ter septeni dies sub usu ejus præterlapsi fuerint. Ab annis x. ad xiv. dosi spiritus erit ad ℥ij. Ab annis xiv. ad xvij. ad ℥ijss. ab annis xvij. ad lxxx. aut ad vitæ terminum, ad ℥v.

Spatio quatuor mensium ab incepto hujusce remedii usû dies noctesque subligaculum elasticum chalibeum ferendum, quo hernia exacte contineatur, nec unquam sedendum, sed standum semper aut cubandum. Multa sit exercitatio; nec equo, nec curru vel rheda vehendum; neque ullus in cibo vel potu, neque alius in diæta error committendus.

Cum subligaculo applicetur herniæ emplastrum sequens, pilis prius erasis.

24. Mastices ℥ss. Ladani ℥iij. Hypocistid. ℥j. Nucum Cupressi siccatorum n. iij. Terr. figill. ℥j. Picis nigr. ℥iij. Terebenthin. Ven. ℥j. Ceræ nov. flav. ℥j. Rad. Consolid. maj. exsic. ℥ss. Fiat ex arte emplastrum.

Pluri-

Plurimi acidorum usum reformidant, ea opinione imbuti quod omnes fere morbi ab acido oriuntur. Sed acidum illud in sanguine commonstrare nondum potuerunt. Contrario morbos plurimos ab alcali in sanguine redundante pendere demonstratur.

Omnes, lacte excepto, corporis humani succi sales continent, qui facile alcalinam indolem suscipiunt. Illud non solum ex eorum analysi patet, cujus ope nullum acidum, sed magnam salis alcali copiam præbent: verum etiam ex penetranti & urinoso eorum fermentescensium aut putrescentium odore, necnon ex viridi colore quem Violarum tincturæ conciliant, manifestum est. Præterea si experimentis D. Colbatch celeberrimi apud Anglos Medici sit habenda fides, instituta sanguinis sani & morbose per chymicam analysim comparatione, tantam alcalini salis in quorundam ægrorum sanguine exuperantiam reperiit, ut in iis ejus quantitas sit ad ejusdem in sanguine sanorum quantitatem ut 6, ad 4.

Sed ut rem altius insequamur. Si quovis in morbo acidum manifestum se præberet, sane in pulmonum ulceribus; attamen purulenta illa materies nullum acidum indicat. Non enim Heliotropii tincturam rubram efficit, e contra potentis alcalini salis notas exhibet, cum cæruleam Violarum tincturam in viridem mutet. Eisdem effectus producit liquor ex hydropicis eductus. Idem præstant purulenta abcessuum materia, & substantia illa gypsea quæ in podagricorum tophis, nodisque reperitur.

Obijciat fortasse aliquis salem alcalinum tanta vi non donari, ut tam atroces dolores excitare queat, quales patiuntur ægri lue venerea affecti, ut partes corrodere possit, sicut scorbuticis evenit, aut alios similes effectus edere valeat. Huic respondeo liquores lixivios apud Chymicos quotidie confici tanta corrosione præditos, ut spiritibus acidis vel valentioribus inferiores non sint. Cauteria enim nihil aliud sunt præter sales alcalinos ignis ope ad causticitatem ductos.

His patet argumentis a sale alcali potius quam ab acido plurimos oriri morbos & præsertim malignos & pestilenciales, in quibus ea videtur esse sanguinis dissolutio ab alcali exsuperante, ut intra vasa amplius contineri nequeat, & sub cute distuat & stagnet, unde maculæ rubræ aut pustulæ vel adeo acris & causticus fit, ut vasorum extrema erodat, & hæmorrhagias letales producat.

Nec huic sententiæ veterum & recentiorum Medicorum praxis repugnat. Plurimis in morbis acida tanquam præstantissima præsidia commendarunt. In illis virtutem cardiacam, putredinis arcendæ, venenis resistendi, febres fugandi, sitim extinguendi, ciborum appetitum excitandi, refrigerandi, resolvendi, ac discutendi vires agnoverunt.

Sales acidi resolvunt & coagulant sub diverso respectu: resolvunt tartarea concrementa & sanguinem grumescens, quatenus scilicet alcalinos sales a quibus hæc concrementa oriuntur, subigunt, & partium fibras stimulando earum oscillationem augent, quibus sanguis stagnans & grumescens vividius conteritur, ejusque circulatio per tenuissima vasa promovetur. Coagulant sanguinem nimis solum, & bilem tenuiorem ac rariorem factam, sulphura nimis evecta inspissando, salesque volatiles figendo.

Periores Medici in biliosis febribus, & in putridis, ac pestilentialibus, & in scorbuticis affectibus acida numquam omittenda pronuntiant.

Verum cum debiliora sint acida e vegetalibus educta, & facile ab acrioribus salibus alcalinis edomentur ac in eorum naturam convertantur, iis anteponenda sunt acida e minerali prosapia, quæ fermentationi valentius resistunt.

Advertendum tamen, monente Riverio, in pleuritide, peripneumonia; hæmorrhoe, phthisi, cæterisque pulmonum affectibus, (nisi a crassa pituita illorum vala obstruente ortum habeant,) ventriculi vel hepatis inflammatione, dysenteria, sanguinis mictu, renum & vesicæ ulceribus, acida plurimum nocere, & ab iis abstinendum esse. Suis enim spiculis jam inflammatas membranas lancinant, inflammationem augent, unde tussis vehemens, colici dolores, & alii pravi affectus sequuntur.

CAPUT SECUNDUM.

De Nitro seu Natro antiquorum, & Nitro recentiorum seu Sale petrae.

Magnum intercedit discrimen inter Nitrum vel Natrum antiquorum, & Salem petrae nostratem seu Nitrum recentiorum. In dubio enim est an Salem petrae nostrum agnoverint veteres, necne? At vero Nitrum antiquis usitatissimum, nobis fere ignotum est.

Nitrum veteres dixerunt salem acrem seu alcali ex Ægypto, & aliis locis eductum, quique cum acidis liquoribus effervescebat. Hoc utique instar salis lixivii tum pannis abstergendis, tum vitro conficiendo utebantur.

Effervescentiam Nitri Ægyptiaci cum Aceto indicat Salomon *Proverbior. cap. 27. v. 20.* his verbis: *Acetum in Nitro, qui cantat carmina cordi pessimo*, idest, afflicto. Quæ quidem antipathia vel effervescentia de vulgari Nitro seu de Sale petrae, qui cum Aceto non tumultuatur, intelligi non potest.

Nitro, & Aphronitro in balneis frequenter utebantur antiqui: hinc *ματρωνιον Νιτρον*, & *Νιτρον* ab iis dictum fuit, ex eo quod matronæ, & virgines illud in lotionibus frequenter usurparent. Hinc Jeremias *cap. 2. v. 22.* inquit: *Si laveris te Nitro, & multiplicaveris tibi herbam Borith, maculatus es in iniquitate tua coram me, dicit Dominus*. Quod Sali petrae non convenit, sed Sali alcali lixivio, qui ex Ægypto Nitri vel Aphronitri nomine nonnumquam affertur, humi-

humidâ aere facile liquefcit; cum aceto fermentefcit, & abfterfiva virtute donatur. Quin etiam hifce temporibus per Afîæ minoris campos non procul a Smyrnia, & Ephelo, terra in exiguos, fed frequentes tumultus, quales a Tâlpis erunt, affurgit, Vere fcilicet, & Autumno. Ex qua quidem terra lixivium ad eluendas veftes parare folent indigenæ; vel etiam ex fale, quem ex ea folius aquæ affufione extrahunt, cum oleo faponem conficiunt, referente clariffimo & doctiffimo viro D. Tournefort.

Idem Nitrum antiquorum ad vitrum conficiendum cum arena ufurpari solebat, ficut hodie fal ex planta Kali elicitus; ut conjicere licet ex C. Taciti verbis *Lib. 5. Hiftoriar.* Loquens enim de amne quodam Palæftinæ & Egypti finitimo, *circa cujus os*, inquit, *collectæ arena, admixto Nitro, in vitrum excoquantur.*

Conftat igitur Nitrum veterum a noftro prorfus difcrepare.

Verum hodie in Europa non modo inufitatum eft, fed rariffimum; licet apud veteres plurimi maximique ufus fuerit, tum ad medicamenta conficienda, tum etiam ad alia vitæ commoda. Balneorum enim frequentia immanem copiam Nitri, & Aphroniti exhauriebat. Servebat tincturis, in condimentis ufurpabatur, & ad vafa terrea retinenda nonnumquam radhibebatur.

Cum rariffime ad nos afferatur, difficillimum eft ftatuere quidnam interfit difcrimen inter *Αρραγορ* feu Nitrum Africanum vel Egyptianum quod & Baurac Arabum nobis videtur, *αρραγορ* feu Nitrum, feu fpmam Nitri, & *Νιτρον* feu *Αιτρον* Græcorum.

Nitrum veterum fal erat nativus colore rofeo vel candido, fapore amaraente, in igne non exiliens ficuti fal communis, neque inter carbonem fulgurans ut Sal petræ recentiorum; fed fuflilis, in bullas intumefcens ficut Alumen, & Borax, cum acidis æftuans: unde ejufdem indolis cum fale tartari, aut cineribus clavellatis effe nobis videtur.

Nitrum recentiorum feu Sal petræ eft fubftantia cryftallina, alba, fapore acri & amaricante, cum cujufdam frigoris fenfu, quæ in Cryftallos prifmaticas, exhaedras, tenues, longas, & æqualiter craffas concrefcit; quarum extrema in aciem vel in mucronem, pyramidis inftar, acuminatum definunt. Aqua facile folvitur, ignis calore funditur abfque deflagratione; nifi aliquid fulphurei vel carbonem admoveantur: tunc enim flammam concipit, & vehementer fulgurat.

Sal petræ vel fponfe in antiquis muris efflorefcit, dummodo nimio imbie non perluantur: & flos Nitri dici poteft, qui vulgo *Salpetre de Houffage* nuncupatur; quia scopis converfi & colligi folet. Vel ex ruderibus ftabulorum, & cellarum, aut ex terris animalium lotio vel fimo identidem perfufis decoquendo, extrahitur. Quidam Nitrum arte parant; terras latrinarum ftercoribus, vel fimo columbino perfundendo, quorum fales per tempus in Salem petræ converruntur.

Cum Sal petræ nonnifi ex terris fale urinofo animali, aut vegetabili imprægnatis eliciatur, dubitant nonnulli, an fal ille mineralis vel animalis profapæ fit; quod quidem aliis judicandum relinquimus. Illum autem inter minerales fales cum vulgo Chymicorum annumeravimus, ex eo quod ex terris immediate extrahatur, nec nifi mediante terra ex animalium urinis vel fecibus elici queat.

Ea eft autem Salis petræ conficiendi & purgandi ratio. Terram quam guftu

Nitro turgidam deprehenderunt, multa aqua solent diluere: lixivium seu aquam Nitro divitem, & percolatam ad justam consistentiam vel crassitiem, indefinenter despumantes excoquunt: tum cupis, vel doliis calentem adhuc infundunt, & inibi per aliquot horas relinquunt, donec pene frigida sit.

Interim sal marinus quo semper torget Nitrum, in granula concre-
scit, & liquoris fundum petit. Deinde liquorem Nitrosam educunt,
reliquo sale marino: & in aliis cupis cellæ frigori exponunt, quo-
usque præbeat crystallos; quibus extractis, reliquum aquæ iterum
igni admovent, donec spissior, & gustu acrior percipiatur; frigori
itidem exponitur, donec novæ crystalli concrevant. Ultimo tandem
remanet aqua acerrima, & amara, tactu pinguis, olei ad instar,
quæ frigore numquam concrevit: *Aqua mater Nitri* dicitur, vul-
go: *Eau mere de Salpêtre*, quoniam terris inspersa, eas ad novum
Nitrum suppeditandum disponit. Omnes demum crystalli aqua dulci
rursus diluuntur, & simili prorsus modo puriores efficiuntur. Quod
bis, terve reiterari solet, unde Nitrum dicitur secunda vel tertia
coctione purgatum, vulgo: *Salpêtre raffinée de la seconde ou troisième*
cuite. Nonnumquam etiam optime purgatas crystallos ferreo cacabo
igne vehementi fundunt; & toto humore exhalato, in unam molem
densam ac solidam concrevere sinunt, quam Nieri rupei nomine insigni-
unt, vulgo: *Salpêtre en roche*.

Sal petræ sic purgatus in igne sine strepitu funditur, vehementer
cum carbonibus fulgurat, vividam, non verò languentem flam-
mam excitat, & perparum salis fixi super carbonibus relinquit.
Qui vero in igne crepitum edit, multum adhuc salis marini con-
tinet.

Sal petræ optime purgatus, a cæteris salibus distinguitur. 1. Ful-
guratione seu deflagratione quam experitur, dum inter carbones accen-
sos conjicitur: nequaquam enim deflagraret, nisi sulphurea materia ad-
moveretur. 2. Sapore qui linguam veluti frigiditatis sensu cum amaro-
re quodam afficit. 3. Figura crystallorum, quæ in columnas exhaedras ef-
formantur.

Sal petræ, priusquam ignem expertus fuerit, nullum acidi indicium
præbet. Heliotropii solutionem, & syrupum violaceum nequaquam mu-
tat, lac non coagulat; sanguinem tamen cogit, ejus serum spissius ef-
ficat, & in gelatinæ speciem convertit. Nitrum solutum sublimati corro-
sivi solutionem, post unius horæ quadrantem, lacteam reddit: salium
alcalinorum more, Gallarum infusionem turbidam efficit, & colore ex-
albido vel cinereo tingit. Attamen mirum est, quod vi ignis in vehemen-
tissimum liquorem acidum dissolvat, qui Heliotropii tincturam, & syrupum
violaceum colore rubro igneo inficit, lac statim cogit, cum oleo tartari
vehementer effervescat abique sensibili calore, cum spiritu salis ammonia-
ci fervet & incalcescit.

Hujus spiritus proprium est Argentum solvere, unde Aqua fortis vo-
cari solet: eandem vim conciliat spiritui Vitrioli, & spiritui Sulphuris,
qui quidem sine salis petræ spiritu huic solutioni impares forent. Aqua
autem fortis Aurum intactum relinquit, quod Aqua regali tantum dissol-
vitur.

Sal petræ vis refrigerandi seu sanguinis æstum demulcendi tribuitur: a
Geoffroy Tom. I. E peri-

peritioribus Medicis ad effervescentiam febrilem compescendam, sitim sedandam, & putredinem arcendam in primis in febris malignis commendatur. Riverius eum virtute quadam diaphoretica donatum esse pronuntiat, & plurimi vim anodinam in eo prædicant: unde anodini mineralis nomine illum insignierunt.

Verum nonnulli aliquid ignei, & caustici in Sale petraë inesse suspicati sunt. Eorum suspicionis fundamentum fuit, tum sententia veterum, qui sum Niterum causticum dixerunt, tum etiam nostri Salis petraë cum carbonibus deflagratio; quapropter igneam ejus qualitatem emendare tentarunt, Niterum cum Sulphure comburendo, vel alia quapiam ratione sed perperam: commentitia enim est hæc causticitas, & inutiles sunt ut Nitri correctiones, quibus depravatur potius quam emendatur. Et revera in eo Chymici melioris notæ consentiunt quod Sal petraë optime purificatus, sive crystallizatus, sive igne fusus, & in tabellas projectus sub crystalli mineralis nomine, cæteris ejusdem præparationibus anteposendus sit.

Interne a gravis duobus tribuere ad ℥j. in substantia exhibetur, doses ter, quaterve de die iterando. Vel solvitur in soliti potus ℔ij. a ℥ss. ad ℥j. Simajori dosi exhibetur ex. gr. ad ℥j. alvi fluxum concitare solet.

Præscribitur in febris ardentibus, & putridis, in pleuritide, peripneumonia, angina, & inflammationibus quibuscumque, in urinæ suppressione ab inflammatione renum vel vesicæ, in lochiorum suppressione, in hæmorrhagiis, & hæmoptysi, in doloribus podagricis, & in affectibus melancholicis. Nec timendum est, ne illius usus in acutis intempestivas diarrhæas inducat, ut recte monet vir doctissimus, nec minus in arte Medica, quam Chymica versatus G. Ernest. Stahl Medicinæ Professor Hallensis, in sua Dissertatione de *Nitri usu medico polychresto*. Ille enim in diarrhæa, febris malignis, vel etiam ipsis variolis superveniente, Niterum feliciter exhibuit. Cum enim diarrhæa quibus tunc afficiuntur ægri, prorsus symptomatice sint, scilicet a nimia sanguinis colliquatione oriundæ; Sal petraë massam sanguineam leviter cogendo, non solum diarrhæam, sed & alia symptomata sæpe graviora mitigat, & cum debita cæterorum remediorum administratione prorsus extinguit. Si quæ tamen a Nitri usu inducantur diarrhææ, salutares sunt, ut observavit auctor; cum nempe oriantur a viscerum inflammatione imminuta, vel sedata. Quo fit, ut pravi succi quibus turgebant glandulæ, & vasa remotis canceribus, per intestina prorumpant, & foras amendantur. Idem affert; urinæ suppressiones, & ardores ab ejusdem usu efficacissime sedari, & curari, dolores inflammatorios demulceri, & erysipelaceos affectus sanari. Puerperis lochiorum suppressionem patientibus, & in graves ætus febriles prolabantibus, sæpe & adeo felici eventus administravit, ut sublato febrili æstu, fluxus lochiorum placidissime restitutus fuerit. Nitri virtutem demulcentem in arthritidis paroxysmis, in quibus dolores non solum articulos invadunt, sed etiam sæpe diaphragma aggrediuntur, non sine summo ægrorum periculo, necnon etiam in cardialgia hyponcondriaca seu in flatulento spasmodico affectu, quem uberiori sanguinis ad ventriculum affluxui, vel levi hujus visceris inflam-

flammationi tribuit , se pluries experrum fuisse narrat . Eodem quoque remedio hæmorrhagias , & præsertim hæmoptysim oppugnavit , & expugnavit .

Licet de interno Salis petrae usu nihil metuendum censeat celeberrimus ille Medicus , eum tamen in ulcerosis affectibus , & in vera phthisi nihil juvenaminis asserre , verum etiam aliquam majoris irritationis suspensionem inferre videri pronuntiat : quapropter his in affectibus ab eo abstinendum est .

In febribus inflammatoriis , & malignis sic præscribi potest .

2℥. Diaphor. miner. ʒij. Corall. rubr. Matris Perlar. pp. ana ʒß. Nitri purificati ʒj. M. F. pulvis , cujus dosis ʒj. tertia quaque hora exhibenda , cum Aq. Card. bened. q. s. Vel

2℥. Bezoard. miner. ʒij. Nitri purificati ʒij. Caphurae ʒj. Misce cum syr. Caryophyllor. hortens. vel syr. flavedinis Citri q. s. Fiat bolus cujus dosis ʒj. Vel

2℥. Aquar. Ulmar. Meliss. & Card. bened. ana ʒij. Crystalli mineral. ʒj. Syr. Limonium ʒj. M. F. solap. cochlearum exhibendum .

Rarior est Salis petrae usus externus , nisi cum gargarismatibus permixti . Horum autem formulæ sequentes in summa linguæ asperitate , siccitate , aut nigredine usurpari possunt .

2℥. Salis Nitri purificati ʒj. Succij vel aq. Sempervivi ʒv. Fiat gargarisma quo lingua , & fauces utilissime abluuntur . Vel

2℥. Butyri recentis in aq. Solani loti ʒij. Crystall. mineral. ʒß. Misceantur , & mixtura servetur in aqua frigida . Detur Pisi vel Fabæ magnitudine sæpius in die , & diu in ore detineatur .

In angina ex fale Prunellæ vel Nitro purificato hac ratione parari solent gargarismata .

2℥. Decocti Hord. & Agrimon. ʒvj. Cui dissolve Sal. Prunell. ʒj. Diamori ʒj. M. Fiat gargarisma . Vel

2℥. Aquar. Plantag. Solani & Caprifol. ana ʒij. Mell. rosacei ʒj. Sal. Prunell. ʒj. M. F. gargarisma .

Crystallum minerale in apozematibus , & potionibus laxantibus sæpius olim præscribebatur ; nunc vero rarius usurpatur , nisi cum imminente viscerum inflammatione , aut æstuantibus humoribus , purgandi necessitas urgeat . Medicamentorum enim purgantium tincturæ longe melius eliciuntur ope salis Tartari , aut Nitri fixati , & eorundem vis cathartica multo magis augeatur . Tartaro solubili , Sale polychresto , Tartaro vitriolato , aut Arcano duplicato quam Nitro purificato , aut Chrystallo minerali .

Nonnulli Nitrum purificatum in hydropse specificum prædicant . Idem Sal cum quarta parte Croci Martis tanquam arcanum specificum in hydropse plurius abhinc annis , nec semper absque eventu prospero , a quibusdam Monachis circumfertur . Hujus mixturæ grana xvj. quater in die exhibent , & præterea ejusdem ʒj. in soluti potus ʒij. intra unius , diei spatium hauriendis dissolvunt .

Sal petrae apud Chymicos maxime usitatus , ænigmaticis nominibus sæpe additus fuit : nam modo Sal Sulphureus , Sal infernalis , modo Cerebus Chymicus , aut Serpens terrenus nuncupatus fuit .

ſto, & ſecernere valeat. Nihil a Vitriolo ſpiritus ille mutuatur; nec a ſpiritu ſupra deſcripto diſcrepat.

3. 2j. Nitri puri & exſiccati ℥ij. Olei Vitrioli rectificati ℥ij. Committantur retortæ, & diſtillantur ad ſiccitatem. Obtinetur ſpiritus Nitri valentiſſimus. In fundo ſupereſt maſſa ſalina, quæ Nitrum vitriolatum nuncupatur; & idem eſt ſal, ac ille qui lixiviatione obtinetur ex capite mortuo poſt aquæ fortis diſtillationem reſiduo.

Ambo iſti ſales ſub nomine Arcani duplicati, Salis Ducis Holſatiæ, Panacææ duplicatæ, vel Salis de duobus, a Chymicis multum celebrantur: nec tamen a Sale polychreſto, vel etiam a Tartaro vitriolato diſferre mihi videntur. Hi omnes Sales rite præparati, indiſcriminatim uſurpari poſſunt. Cum purgantibus feliciter adhibentur ad eorum vim augendam, & ad craſſos, lentos, ac tenaces humores incidendos & foras per ſecceſſum & urinas amandandos; urinas enim movent, & alvum ſubducunt. A ʒʒ. ad ʒj. in purgantibus potionibus, apozematibus alterantibus præſcribuntur; vel etiam ex iis aquæ minerales artificiales parari poſſunt, ut jam diximus. In chronicis morbis a viſcerum obſtructione utiliter uſurpantur.

Obſervandum eſt, Nitrum vitriolatum & Sal polychreſtum, niſi accurate calcinata fuerint, naſeas & vomitum excitare. Quapropter attendendum eſt ne Vitriolici ſaporis aut odoris ſulphurei quidpiam retineant: alioquin nova opus eſſet calcinatione.

Ex ſpiritu Nitri Aqua Regia paratur, quartam partem Salis Ammoniaci in eo ſolvendo; & tunc non amplius Argentum ſolvit, ſed Aurum: quare lavacrum minerale Solis dicitur.

Raro ſpiritus Nitri ad uſum internum adhibetur. Qui vero huic uſui deſtinatur, cum ſpiritu vini ſic mitigari ſolet.

2j. Sp. Nitri opt. part. j. Sp. vini rectif. part. iij. Digerantur ſimul per aliquot hebdomadas; & erit ſpiritus Nitri dulcificatus, qui viribus a Sp. ſalis dulci ſacto non diſcrepat. Efferveſcentias febriles compelcit, præſertim in febribus malignis. Sed ſpeciatim in colica ſtatuſenta, & in aliis ſtatuſoſis affectibus, cæteris ſpiritus acidiſ anteponitur: unde ſpiritus carminativus ſeu anticolicus a quibuſdam appellatur.

Nullus non novit ex Nitro cum Sulphure & carbonibus pulverem pyrium, & ex eodem cum Sulphure & Sale Tartari pulverem tonitruantem præparari, quorum uſus in Medicina rariſſimus eſt.

C A P U T T E R T I U M .

De Vitriolo.

Vitriolum Off. cujuſ nomine a vitro deductum volunt, quod vitri colore & pelluciditate donetur, a Græcis Χαλκνδορ dictum fuit, quaſi *Geoffroy Tom. I.* Æris

Æris efflorescentia; a Latinis Atramentum futorium, quod eo coria nigra colore tinguntur; & ab Italis Cuperosa, quasi Cupri croso. In varias distinguitur species. Ratione nativitatis, dividitur in nativum & factitium. Nativum, quod Cryptarum metallicarum concamerationibus adhæret, sive striarum, sive crystallorum forma; & a Græcis *εκαλεκτικός* dicitur. Factitium adhuc duplex est: vel enim vitriolicæ quarundam minerarum aquæ decoquuntur, & frigore postea in crystallos concresecunt; & hoc Vitriolum Græci *πικτόν* nuncuparunt, vel *ῥητόν*: vel ex pyritis quodammodo corruptis & fermentatis Vitriolum opæ aquæ extrahitur & coquitur; quæ quidem Vitrioli conficiendi ratio Græcis ignota fuisse videtur. Vitriolum in crystallos concretum ab eadem forma *ρογχώδης* & *πινάριον* aut forte *πινάκος* ab iisdem dictum fuit.

Ratione coloris, Vitriolum distinguitur in album, cœruleum, & viride. Vitriolum album, vulgo, *Couperose blanche*, ex Germania ad nos advehitur concretum in moles crassiores, albas, Sacchari instar; sapore subdulci & adstringente.

Errant qui Vitriolum album Goslariense nihil aliud esse præter Vitriolum viride ad albedinem usque calcinatum asserunt. Album enim Goslariæ Vitriolum in vitriolicis fodinis sponte efflorescit sub lanuginis specie; quæ aqua soluta ad debitam spissitudinem excoquitur, donec in massam albam Sacchari instar concresecat. Nonnunquam etiam in iisdem fodinis translucida, crystalli instar, hujus Vitrioli frustula reperiuntur. Vitriolum album Goslariense, vel ferri mineram adhuc immaturam, vel fortasse lapidem calaminarem aut plumbum cum ferri minera mixtum continet.

Vitriolum cœruleum est, tactu siccum & concretum in crystallos cœruleas Saphyrorum instar, quæ figuram exhibent rhomboidalem, decahedram & depressam. Variis in locis præparatur, sed præcipue in Cypro & in Hungaria; unde Hungaricum & Cyprium dicitur. A cupro quoque turget, elegantem cœruleum colorem obtinet. Saporis est austeri, cum summa acredine.

Vitriolum viride seu herbaceo colore donatum varia obtinet nomina, pro variis locis in quibus oritur. Est enim Romanum, Pisanum, Suecicum, Anglicum, vel nostras. Ferri plurimum continet, a quo viridis color. Vel in crystallis grandiores & rhomboidales concretum, vel in massas ex variis granulis crystallinis coacervatas nonnunquam leviter unctuosas & manibus adhærentes compactum, in officinis reperitur. Saporis est acris styptici.

Vitriolum revera est sal. acidus vitriolicus, qui Veneris vel Martis metalla corrodendo, cum iis coagulatur, & ita concresecit in corpus translucentum, cœruleum vel viride pro metallo soluto. Quidam præterea Vitrioli rubri mentionem faciunt: sed quidnam sit istud Vitriolum non novi.

Variis artibus Vitriolum ex aquis, terris, lapidibus chalcantosis, pyrite in primis, eruitur.

Olim in Cypro Galeni temporibus Vitriolum cœruleum ex aqua vitriolica solis ardore exhalata præparari solebat; nunc idem Vitriolum cœruleum in quibusdam Hungariæ Ærifodinis prope Smolnikium & Neufolium, ex aquæ quorundam fontium vitriolicum decoctione & evapora-

tione conficitur ; nec dissimili ratione in aliis Germaniæ locis viride præparatur .

In agro Senensi variis ablutionibus extrahitur Vitriolum ex terra cinerea , maculis nonnullis respersa , quarum alie ferri rubiginem , alie æruginem colore referunt , cum odore sulphuris graveolenti , ac fœtido , & acerbo sapore . Illud Vitriolum ex ferro & cupro simul mixtis colorem obtinet ex cœruleo viridem .

Apud Anglos in vico Debsford circiter sex millia a Londino distante , Vitriolum viride conficitur ex pyritis , quæ lapides sunt graves , densi , externe fusci ; interne vero radios exhibent a centro ad circumferentiam protensos , Aurichalci splendore nitentes , & gustu prorsus insipidos : qui quidem lapides , si aeri libero diutius exponantur , quadam intus suscepta fermentatione , sponte dehiscunt , & in hiantibus rimulis certa quædam lanuginis albæ & salinæ species efflorescit , quæ saporis est acidi & styptici , ac tandem tota lapidi substantia solvitur , & in terram seu pulverem subtilissimum salinum saporis vitriolici & sulphurei odoris redigitur . Si vero pyritæ integræ igne comburantur & calcinentur , fumum copiosum exhalant cum odore sulphureo , & calx rubra remanet , quæ nonnihil ferri & cupri continet .

Ea est Vitrioli ex pyritis educendi ratio . Pyritæ integræ per spatiosam aream sparguntur , ad trium circiter pedum altitudinem ; ibi sub dio per triennium exponuntur , & singulo semestri subvertuntur , ut facilius solaribus radiis calcinentur , & imbrium aqua macerentur : sic relinquuntur , donec prorsus calcinatæ , in terram vitriolicam redactæ fuerint . Tunc aqua pluvialis quæ hanc terram perluit , per tubulos & canales derivata , in cisterna recipitur & asservatur . Deinde in vase plumbeo amplo ad debitam spissitudinem excoquitur , injectis prius scrutis ferreis quæ a lixivio promptissime consumuntur . Tum in aliud vas plumbeum liquor ad refrigerandum effunditur , immixtis asseribus aliquot , quibus adhærens concreleat in lapillos Vitriolum .

Cum autem pyritæ plurimo sulphure turgent , ut in iis ex quibus apud Suecos & in agro Leodicensi Vitriolum conficitur , eo quem dicemus modo , cum de Sulphure agemus , ex pyrite sulphur per descensum elicitur , quod reliquum est , crematur , & ex eo fit lixivium quod percolatum in cortinis seu vasis plumbeis excoquitur , & in loco frigido ad crystallizandum reponitur .

Vitrioli solutio Heliotropii tincturam leviter purpuream efficit , lac coagit , syrupum violaceum colore subviridi inficit , sublimate corrosivi solutionem non mutat : cum solutione salis tartari aut cum aqua calcis confusa , colore subfulvo , vel thalassino tingitur : Gallarum infusioni colorem nigrum seu atropurpureum conciliat , quod quidem Vitrioli proprium est .

Analysi chymica , liquor acidus , sed nonnisi magna ignis vi , sub spiritus vel olei nomine e Vitriolo extrahitur , qui igneo colore Heliotropii tincturam & syrupum violaceum tingit , lac & sanguinem coagulat , & cum alcalino sale magnam effervescentiam cum calore suscipit . Oleum Vitrioli , liquor nempe acidus valentissimus , cum aqua communi permixtus vehementer incalescit , cum sale ammoniaco multum effervesceat cum insigni refrigeratione , dum fumus qui inde exhalat , tactu calidus percipitur .

pitur. Post Vitrioli distillationem, in retorta remanet terra subnigra vel rubra, quæ Colcothar dicitur; & prout ex cœruleo vel viridi Vitriolo oritur, cupri aut ferri Calx est; vel, ut ajunt, Crocus.

Ex his liquet, Vitriolum componi ex sale acido a partibus metallicis subactō: quod quidem facile demonstratur, tum ex Vitrioli analysi chymica, tum etiam ex variis Vitrioli arte parandi rationibus. Si enim spiritus Vitrioli Limaturæ Martis affundatur, fit optimum Vitriolum viride; vel etiam si laminæ cupri cum sulphure in crucibulo stratificentur & calcinentur, aqua in qua massa superstes per aliquod tempus ebullierit, rite exhalata, remanet Vitriolum cœruleum genuinum.

Quæ Vitriolo a Chymicis assignatæ sunt vires, fidem humanam pene superant; licet eventus promissis non respondeat. Dioscorides in Chalcantho vim emeticam agnoscit; contra fungos comestos, & contra lumbricos latos in intestinis nidulantes, cum aqua potum, medicinam esse narrat; & idem aqua dilutum & in vellere naribus immissum, caput purgare asserit. Præterea Chalcanthum inter adstringentia calefacientia & caustica enumerat. Plinius illud oculorum affectibus, sanguini sistendo & ulceribus sanandis assignat; & Galenus ad collyria usurpabat. Hodie in usum medicum vocatur, tum ad vomitum ciendum, vermes necandos, sanguinis profluvia sistenda; ulcera detergenda, & inflammationes compescendas. Sed interne raro absque præparatione exhibetur. Externe Vitriolum album potissimum usurpatur in collyriis, quæ ad oculorum inflammationes temperandas, discutendas, & ad fluxionem arcendam sic præparari possunt.

2℥. Vitrioli alb. ʒj. Aq. Rosar. vel Plantag. ʒiij. Vitriolum in aqua calida dissolvatur. Coletur aqua per linteum, & in oculis instilletur. Si acrimonia sua nimis vellicet, additione ejusdem aquæ temperabitur. Vel

2℥. Rad. Ireos Florent. ʒj. Aquar. Rosar. & Plantag. ana ʒiij. Bulliant lento igne ad tertiæ partis consumptionem. Colaturæ adde Vitriol. albi gr. viij. Fiat collyrium.

Vitriolum cœruleum pulverizatum ad extrema vasorum unde sanguis erumpit, in vulneribus applicatur; vasaque cauterizando, & sanguinem in grumos condensando, hæmorrhagias sistit.

Inter Vitrioli præparationes primum locum obtinet ejus purificatio, quæ Gilla Vitrioli dicitur. Ad hanc præparationem Vitriolum album præsertim eligitur, quod solutionibus, percolationibus, & exsiccationibus bis terve repetitis purificatur; & tunc a ʒj. ad ʒj. cum liquore convenienti epotum, vomitum movet.

Paracelsus & cæteri Chymici Gillam Vitrioli tanquam præstantissimum emeticum commendarunt. Non solum enim blanda vomitione ventriculum exonerat, sed post vomitum sua adstrictione hujus visceris & intestinorum tonum firmat; unde in diarrhæis & dysenterîis feliciter exhibebatur. Gilla maximi fuit usus, antequam nota fuissent emetica antimoniata & Ipecacuanha: nunc vero fere obsolevit.

Distillationis opẽ, spiritus & oleum ex Vitriolo eliciuntur hac ratione.

24. Vitrioli viridis quantumlibet . Calcinetur ; ut artis est , ad albedinem usque . Eo tunc adimpleatur retorta figulina ; ita ut pars ejus tertia ad minimum vacua remaneat . Instituatur distillatio in furno reverberii , primo quidem leni igne : ita enim exsudat ros seu portio phlegmatica Vitrioli . Ignis successive augeatur , donec guttæ prodeant acidæ : tum mutato recipiente , & commissuris exacte lutatis , ignis urgeatur per gradus ad extremum , qui per trium quatuorve dierum , & noctium intervallum uno , & eodem tenore fovendus est , donec nulli fumi vel vapores albi ex retorta prodeant . Tunc omnibus refrigeratis , liquor excipulo contentus in retortam vitream infundatur ; & vitreo recipiente accomodato , balneo arenæ rursus distilletur . Qui prodit liquor acidus , spiritus Vitrioli dicitur ; qui vero remanet gravis ac summe acidus humor , oleum Vitrioli nuncupatur .

Spiritus , & oleum in eo tantum differunt , quod in spiritu sal acidus majori phlegmatis copia sit dilutus , minima vero in oleo .

Si dum peragitur distillatio , aliquot fissuris dividatur retorta , non amplius oleum Vitrioli fixum prodibit ; sed spiritus Vitrioli sulphureus , tenuis , & summe volatilis , ut observavit clariss. D. G. Ernest. Sihal. Spiritus hic sulphureus , & volatilis Vitrioli a Chymicis multum expectitur , & commendatur . Ex eo Paracelsus suum diaphoreticum in peracutis sic præparavit .

24. Spiritus volatil. Vitrioli 3j. Spiritus Tartari rectif. 3iij. Aq. Theriacal.

3v. Fiat mixtura de tribus dicta . Sudores movet , putredini resistit , & in morbis malignis felici cum successu a ʒj. ad ʒj. exhibetur .

Spiritus Vitrioli , sicuti cæteri spiritus acidi , humores æstuentes compescit , hæmorrhagias sistit , & urinas movet . Febres intermittentes sæpius sedat , ineunte paroxismo , in aquæ cyatho ad gratam aciditatem exhibitus . Dulcior fit hic spiritus digestionem cum spiritu vini rectificato .

Oleum Vitrioli causticum est pluribus operationibus chymicis inserviens . Eadem sunt ejus cum spiritu Vitrioli dotes ; sed minori dosi exhibetur . Ea est autem acidorum spirituum præscribendorum ratio , ut liquori convenienti guttatim affundantur , donec illi gratam concilient aciditatem .

Ex oleo Vitrioli cum salis Tartari q. s. saturato , & mitigato paratur Tartarum vitriolatum , cujus vires recensuimus , cum egimus de Arcano duplicato , & Sale polychresto , a quibus non discrepat . Ex eodem oleo Vitrioli , Sal & Vitriolum Martis conficiuntur , de quibus , cum de ferro agemus .

Massa quæ superstes manet post Vitrioli distillationem , *Colcothar* dicitur . Terra est rubra , Martialis , salis vitriolici portione aliqua adhuc foeta . Hæc terra multoties lota , & siccata , adstringens est ; & externe vulneribus admota , sanguinem sistit . Ex ejus lotionibus sal extrahitur , qui sal fixus Vitrioli , vel sal Colcotharis dicitur . Dum Colcothar non multum calcinatum fuit , sal ejus subviridis est , & vomitum excitat : si vero optime calcinatum fuerit , albus erit , & pellucidus , nec vomitum movebit ; sed diureticus fit , & aperiens . Sal ille , utut fixissimus , quique vehementi plurium dierum igne elevari non potuit , fit tamen volatilis ope Boracis , & sub floris salini argenteo splendore nitentis specie sublimatur . Ea est hujus
salis

salis conficiendi ratio, quam D. Homberg vir sane in rebus chymicis ac physicis peritissimus publicam fecit.

℞. Salis fixi Vitrioli probe calcinati, & Boracis ana ℥ij. Solvantur seorsim in aquæ calidissimæ lib. iij. Solutiones confundantur simul; liquores mixti turbidi fiunt. Per chartam emporeticam transcolentur: & alambicis vitrei ope, distillantur ad siccitatem. Omni humore exhalato, flores argentei salini ex salina massa ad capitellum elevantur, & sublimantur; separandi sunt, & ad usum servandi. Sal fixus in alambicis fundo remanet, cui nova aqua affunditur; & distillatione rursus instituta, post humorem novi sublimantur flores denuo secernendi. Toties iteratur aquæ affusio, & distillatio, donec sal omnis in flores elevatus fuerit.

Eadem fieri potest præparatio, si loco salis fixi Vitrioli, ejus oleum adhibeatur, & miscetur cum Boracis quantitate dupla: tunc nulla fit præcipitatio, & nihilominus flores elevantur prioribus haud absimiles. Flores illi gustu fere insipidi sunt, & aqua difficile solvuntur. Febrilem sanguinis æstum compescunt, præsertim in febribus ardentibus; delirium sedant; motus spasmodicos, & hypochondriacos ac hystericos paroxysmos, saltem ad tempus, pacare valent: uno verbo anodinum est præstantissimum; & quidquid Vitrioli sulphuri aut Archæ sedatori tribuerunt Chymici, sal ille merito sibi vindicat. Dosis a gr. iij. ad gr. x. in quovis liquore idoneo.

Observandum tamen est ab hoc sale volatili Vitrioli abstinendum esse in pulmonum inflammatione, in sanguinis sputo, & cæteris pectoris affectionibus inflammatoriis. Licet enim gustu insipidus percipitur, spicula tamen acida recondit; quæ paulatim evoluta, pulmonum membranas irritare, & tussim excitare valent.

Ex Vitriolo paratur quoque pulvis ille celeberrimus, quem Sympthiæ nominant. Ad eum conficiendum, Vitriolum Romanum diebus canicularibus Solis radiis exponunt, donec in pulverem album vel flavescerent redactum fuerit: tunc in vase accurate clauso servatur ad usum. De hoc pulvere Dygbæus, & alii mira prædicaverunt, quæ non semper experientia confirmata sunt. Attramen sanguinem et vulneribus profluentem sistit, si linea penicilla hoc pulvere conspersa vasorum extremis apertis admoveantur. Quidam hoc solo pulvere vulnera sanare tentant: nonnunquam tamen gummi Tragacanthum æquali portione illi adjungunt, cum pus e vulneribus manat.

CAPUT QUARTUM.

De Alumine.

QUOD Græci *συντεπτα* & Latini Alumen dixerunt, salis genus est, vel nativum, vel arte elaboratum. Alumen naturale, vel liquidum, concretum. Liquidi species duæ ab antiquis observatæ sunt, purum unum, impurum alterum. Purum, quod etiam *Φόρμας* a Galenò dicitur, quia

Quia vilis pretii erat & ubique reperiebatur, limpidum erat vel lacteum, æquale, & semper succo madens. Impurum, quod παραφορον nuncupatur, quia sordibus inquinatum erat, pallidum & scabrum. Concretum vero a veteribus figura distinguitur: nam aut scissum, quod ex eo σχιςτις vocant, & est cujusque glebosi veluti flos; cujus etiam duo modi sunt. Vel enim glebarum, vel asserum instar compactum est; aut sigillatim in capillamenta quædam canescentia finditur, quod inde τριχιςτις quasi capillare nominatur. Vel est rotundum, & σφούγγη appellatur; cujus triplex differentia. Vel enim rarius est, & bullarum modo intumuit, aut foraminibus fistulosis quamdam spongiæ gerit speciem: vel est fere rotundum, & astragali simile, quod αστραγάλου σφαχμία vocatur; aut lateris; quod πλινθίςτις aut ex crustis constat, quod πλακίςτις.

Alumen arte factum distinguitur tantum ratione regionum; ejusque plurimæ sunt species, cum fere nulla sit regio, in qua non conficiatur. Dicitur vero rupeum, sive quod ex saxo fiat, seu excisa rupe; sive quod in moles grandiores, & quasi saxeas afferatur. Glaciale quoque nominatur, quod hæc Aluminis moles glaciæ fragmentorum speciem gerant.

Alumen arte elaboratum antiquis prorsus ignotum, apud nos fere solum usitatum est; naturale vero veteribus usitatissimum, nobis fere ignotum est. Vir clarissimus D. Tournesort, naturalis Aluminis duo genera, σχιςτις nempe & τριχιςτις in insula Milo reperiit & secum attulit.

Schistum Tournesortii repertum fuit sub glebarum & assularum specie, quæ terrestres sunt lapidis adstringentis, coloris cinerei, quadam efflorescentia capillacea tenui & candicante conspersæ; odorem exhalantes, qualis ex Aqua forti emittitur, sed debilem, quem τρυπιδίς dixerunt veteres.

Trichites Tournesortii in frustula alba divisum est, digiti circiter crassitie & longitudine, quæ extremis in tenuia filamenta seu capillamenta quædam canescentia sponte diducuntur, unde plumulæ vel penicilli speciem referunt; in aqua solubilia, igne liquecibilia, & gustu adstringenti. Ex plumularum figura quam sæpius repræsentat, a quibusdam Aluminis plumeum dictum fuit: & jam Dioscoridis ævo cum lapide Amianto aliquando confusum fuisse videtur; cum Dioscorides de Alumine scissili mentionem faciens, observaverit reperiri lapidem huic Alumini persimilem, a quo tamen gustus judicio facile dignoscatur, quod non adstringat: & addere potuisset, quod igne non liquecat, & aqua non solvatur. Medicamentorum historia lapsu temporis spisso ignorantie velo obnubilata. Aluminis plumei nomen ex salis specie ad lapidis speciem translatum fuit; unde in Dispensatoriis pro Alumine plumeo Amiantus lapis nonnunquam sed perperam usurpatur.

Varie sunt diversis in regionibus Aluminis conficiendi rationes. In Italia ad Puteolos in loco intra colles Leucogeos sito, qui campus Phlegraus olim dictus fuit, hodie *Solfatara*, Alumen e terra sponte efflorescit. Salinum hunc florem scopis quotidie converrunt, & in foveas quasdam aqua repletas conjiciunt, donec aqua sale saturata sit. Solutionem prius percolatam in catinis plumbeos in terra defossos effundunt, & ibi relinquunt, donec subterranei caloris ope, humilitatis pars maxima exhalata sit. Effunditur denuo lixivium in vasa lignea ad refrigerandum & crystallizandum.

dum . Tandem qui non concrevit humor educitur , exsiccantur cryſtalli albæ translucidæ , & ſervantur .

Præterea in eodem loco , in collibus Leucogeis exciſcuntur lapides , ex quibus Alumen extrahitur non diſſimili ratione ac in Aluminis fodinis agri Romani prope Centumcellas , trigefimo lapide a Roma diſtantibus , quæ vulgo , *Allumiere della Tolſa* .

Hoc autem in loco conficitur Alumen ex duriffimo quodam lapide , qui eodem modo cæditur ac marmor aut lapides ad conſtruenda ædificia . Cæſa , & contracta ſaxa in fornaces calcariis ſimiles transferuntur , ubi tanquam calcarii lapides inuruntur , duodecim aut ad ſummum quatuordecim horarum ſpatio . Poſtquam vero reſſixerint , plauſtris in ampliffimas areas comportantur , ibique in acervos planos componuntur , quos inter ſoffæ excavatæ ſunt , & aqua repletæ . Lapidum calcinatorum acervi ter quaterve in die per quadraginta dies aqua ſoffis contenta irrorantur , ac tandem quamdam fermentationem concipiunt , & rubente effloſſeſcentia cooperiuntur . Sic præparatam calcem in caldariam aquam repletam conſeſciunt , & per aliquod tempus ebullire ſinunt , continuo agitando , donec ſalina hujus calcis ſubſtantia aqua ſoluta fuerit . Tunc liquorem aluminofum ſalem ſœctum a terra inutili ſecernunt , & iterum excoquant ad certum uſque ſpiſſitudinis gradum . Mox calens lixivium aquæ ductibus ad id paratis in magnas quaſdam capſas ex querno ligno conſectas tranſvehunt . Ibi octo dierum intervallo Alumen concreſcit internis parietibus inhærens ad quatuor aut quinque digitorum craſſiorem in cryſtallos pellucidas , ſed pallide rubentes . Porro Alumine ita concreto , lixivii reliquum a ſœciis denuo purgatum , cum novo lixivio iterum excoquant . Aluminis vero cryſtalli a capſarum parietibus diducuntur , aqua limpida lavantur , & exſiccantur , & hoc Alumen rupeum dicitur , vulgo *de Roche* , Italice *di Rocca* . ex eo quod ex rupibus educatur .

Quod in Angliæ Provinciis Eboracenſi , & Lancaſtrenſi præparatur Alumen , ex lapide quodam ſubcæruleo Ardofiæ ſimili , & multo ſulphure turgido extrahitur . Pyritæ ſpecies eſt , quæ igne accenditur , quæque aeri libero expoſita ſponte dehiſcit , & pyratum more ſalinæ effloſſeſcentia obtegitur , ex qua Vitriolum elici poſſet .

Hujusce lapidis fragmenta acervatim diſpoſita aperto cœlo accendantur , & comburantur . Cum ſulphur quo turgabant priuſ exhalatum eſt , ignis per ſe exſtinguitur , & calcinati lapides per viginti quatuor horas in aqua macerantur . Tunc aqua ſale aluminofum reſerta educitur , & in caldariis plumbeis cum lixivio ex Algæ marinæ cineribus conſecto excoquitur ad certum ſpiſſitudinis gradum . Decocto non medio-rem urinæ copiam affundunt , qua Sulphur , Vitriolum , & terreſtria recrementa ad fundum deprimentur . Tandem liquorem deſœctatum in abiogna labra transferunt , ubi per tempus ad latera vaſorum concreſcunt cryſtalli albæ , pellucidæ , quæ lixivio ſemoto lavantur , & in ferreo caldario liquantur . Alumen fuſum in dolium effunditur , ibique in molem ejuſdem cum dolio amplitudinis concreſcit . Rupeum quoque dicitur hoc Alumen a quibuſdam , tum quod in maſſas grandiores , & quaſi ſaxeas aſſeratur , tum quod , ſicut Romanum , e montium rupibus extrahatur .

In iisdem Aluminis fodinis Alumen liquidum reperitur ; aqua nempe limpida quæ ex Saxorum aluminosorum fissuris stillat , gustu styptica , cuius evaporatione Alumen genuinum conficitur .

Apud Suecos Alumen , Vitriolum , & Sulphur ex uno & eodem lapide educuntur . Elegans est pyritæ genus , grave , durissimum , aureo splendore nitens , argenteisque maculis distinctum . Hoc igne calefaciunt , & postea frigida inspergunt , ut lapis dissiliat & in frusta facilius disrumpatur . Tum contunditur lapis ; & in vasis idoneis inclusus , in furno reverberii ad distillandum accommodatur . Vi ignis sulphur in lapidibus contentum liquefit , & vasorum situ in excipula aqua repleta facile fluit . Cum sulphuris nihil amplius stillat quod reliquum superest in vasis , aeri libero per biennium exponitur , materia vehementer incalescit , fumos exhalat , & flammam tenuem , de die vix perceptibilem emittit .

Post deflagrationem cinis subcæruleus remanet , ex quo ope lotionis , evaporationis , & crystallizationis Vitriolum extrahitur . Peracta vero Vitrioli crystallizatione , humor pinguis & crassus superest , qui cum octava sui parte urinæ & lixivii ex lignorum cineribus confecti coquitur : sic sedimentum crassum , rubrum & uberissimum e liqore seceratur , & in vasorum fundum dejicitur . Purgatus liquor ad debitam spissitudinem denuo excoquitur , & ad crystallizandum reponitur ; unde Alumen Suecum , crystallinum & pelucidum emergit .

His Aluminis præparationibus satis patet , Sulphuris , Vitrioli , & Aluminis unum esse & idem principium salinum . Hæc enim Sueciæ minera ex sale acido quem Vitriolicum diximus , Bitumine , Ferro , & Bolo seu terra tenui & adstringente componitur . Primo ignis calore Bitumen cum acidi vitriolici portione sub sulphuris combustibilis specie dissolvit ; de tracta vero hac bituminosa & pingui substantia , qua acida salium spicula adeo irretiebantur , ut in partes metallicas agere non possent , tunc sales sui juris facti in metallicas & terreas partes invehuntur cum tanta vehementia , ut tota massa incalescat , & quidquid in ea superest sulphuris accendatur : tandem a metallicis & terreis moleculis subactæ salinæ particulae constituunt Vitriolum & Alumen , hoc partibus terreis , illud vero metallicis refertum .

Præter varias Aluminis species jam recensitas , sunt & aliæ substantiæ quibus Aluminis nomen tribuitur , ut Amiantus lapis qui , Alumen plumosum dicitur ; lapis specularis seu Gypsum , quod Alumen scaliolum seu squamosum . Sed hæc duæ species ab Alumine prorsus discrepant , cum neque sapore adstringente dosentur , nec aqua solvantur . Sal alcali sive Soda a quibusdam Alumen Catinum nuncupatur ; & sal ex foetibus vini combustis extractus , & in panes conformatus , nonnunquam etiam Aluminis nomine donatur . Quædam est etiam Aluminis præparatio , quæ Aluminis saccharini nomine in officinis pharmaceuticis insignitur , quæ fit ex Alumine , ovorum albumine , & aqua rosarum stillatitia .

Apud Arabes Aluminis Jameni fit quoque mentio , quod quidem est Alumen scissile , vel Trichites Dioscoridis , sic fortasse dictum ab Jamnia maritimo Phœnicæ oppidulo & emporio .

Alu-

Alumen vehementer adstringit; atque ex eo apud Græcos, *συρτηριος* *απο συρτηριου* adstringere invenit. Alumen nativum odorem emittit, qualem Aqua fortis spirat, sed levem, quem Dioscorides *πυρρδης* seu igneum dixit: factitium vero parum aut nihil olet. In prunas ardentes impositum in bullas tumet, aqua vero liquefit.

Alumen concrefcit in cryftallos, quarum figura eft octaedra seu ex octo lateribus compofita, quæ pyramidem triangularem cujus abfciffi funt anguli repræfentat, ita ut quatuor fuperficiebus hexagonis & quatuor trigonis circumfcribitur.

Aluminis folutio lac coagulat, Heliotropii folutionem purpuream efficit, Mercurii fublimate corrofiivi folutionem non mutat, Gallarum infufionem turbidam & exalbidam reddit, cum aqua calcis colore albicante donatur; cum oleo Tartari in coagulum album concrefcit abfque ullo calore vel fumo. Sæpe ex mixtura folutionis Aluminis & olei Tartari odor urinosus exhalat, fi nempe Alumen cum urina depuratum fuerit, ut Anglicum; quod quidem non contingit, fi Romanum ufurpetur.

Analyfi chymica, fpiritus acidum fundit fpiritu Vitrioli haud multum diffimilem, fed non tanta copia ficut Vitriolum; nec liquorem acidum adeo potentiffimum, ac oleum Vitrioli, fuppeditat: quandoquidem terra adstringens, quæ Aluminis basis eft ac fundamentum, fale acidum adeo ftrictè retineat, ut maxima vi ignis a fe invicem feparari nequeant. Quod reliquum fupereft poft Aluminis diffillationem, fi aqua folvatur & leni calore exficcerur, in Aluminis cryftallos denuo concrefcit.

Ex his liquet, Alumen confare ex fale acido vitriolico, & terra adstringente bolari vel cretacea, ftrictiffime conjunctis.

Alumen vi adstringendi potentiffima donatur. A Dioscoride commendatur ad fanguinis fluxus cohibendos, ad dentes vacillantes firmandos, ad gingivas humore turgidas comprimendas, ad fluxiones aurium, uvæ & tonsillarum coercendas, ad carnis excrcfcencias extenuandas, ad expurganda ea quæ caliginem oculorum pupillis offundunt, ad ulcera detergenda & exficcanda, ad cutis vitia depafcentia cohibenda, contra grave afarum, inguinumque virus, necnon etiam ad partum propellendum. Græcæ mulieres ad conceptum præpediendum Alumine abutebantur, teftè eodem Dioscoride. Hodie vero Europæ virgines quædam ad læfam pudicitiam refarciendam, aut mulieres poft puerperium ad corporis condecorationem refituendam hoc adstringente medicamento folenter uti norunt. Hippocrates alumen Egyptium & Melinum, ad gingivarum dolores & ad ulcera varia curanda sæpe probat & ufurpat. Hodie apud Medicos non infrequens eft Aluminis ufus: tum internus, tum externus. In fanguinis profluviis quibufeumque interne exhiberi folet. Sic autem in potione præfcribi poteft.

℞. Alumin. rupei ℥i. Aquar. Plantag. & Centinod. ana ℥iij. Solve, Solutioni adde fyrup. Oxyacanthæ ℥i. Fiat julap. cochleatim exhibendum.

Multum quoque celebrata fuit hec Aluminis fub forma Pilular. exhibendi ratio.

℞. Alu.

24. Alumin. rup. optime purgati ℥ij. Igne liquefat. Tum adde Sanguinis draconis subtiliffime pulverizati ℥℔. Et ex hac mixtura, antequam indurefat, formentur pilulæ Pifi magnitudine. Dosis a ℥j. ad ℥j. quatuor horar. intervallo reiteranda, donec sanguinis profluvium fiftatur. Deinde per aliquot dies dosis una vel altera fingulis diebus exhibeatur. Post pilulas affumptas hauriat æger unum aut alterum cyathum liquoris convenientis.

Sed cavendum ne incaute sanguinis profluvia cohibeantur. Quapropter venæ fectio, & ante Aluminis exhibitionem, & nonnunquam etiam post cohibitam hæmorrhagiam celebranda eft. Præterea cum hujus remedii ufu alvus nimis adstringatur, enematis identidem follicitanda erit.

In angina ad fluxionem incipientem inhibendam, gargarifmata ex Alumine præparantur, quorum pro exemplo fit fequens.

25. Rosar. rubr. Alumin. ana ℥j. Coque in aq. Plantag. ℥viii. Colatura diffolve Diamor. ℥j. F. gargarifma.

Collyrium ex Alumine fic præparatur, quod oculorum inflammationem potenter fedat, & fluxionem cohibet.

26. Albumen ovi unius. Agitur cum frufto Aluminis in patina ftannea; & tamdiu moveatur, donec unguenti confiftentiam adeptum fit, quod extendatur fupra linteum & oculis tepide applicetur.

Post duas trefve horas auferendum effe remedium monet Riverius, ne longiori mora & adstringendi vis fatis infignis humores in oculis retineat.

Quidam Medici monent na primis ftatim diebus collyria repellentia & adstringentia oculis admoveantur, quia humorem in oculos impetu irruentem in parte affecta retinent, & dolorem atque inflammationem augent. Verumtamen adstringentia ftatim ab initio utiliter adhibentur, modo nondum nimius fuerit humorum ad partem affluxus: tunc enim firmato partis tono, affluentibus humoribus potenter refiftit; revera eodem tempore adhibenda erunt remedia, quæ humores ad partem affectam affluentes revellere poffint, aut quocumque modo fubducere & vacuare, ut venæ fectio, purgatio, veficantia, cucurbitulæ, & alia hujufcemodi. Si enim majori copia humores in parte coacervati effent, fruftra adstringentia adhiberentur, quibus nempe major fieri humorum condenfatio, & eorumdem refolutio fæpe prohiberetur.

In fcorbuticis gingivarum affectibus felici cum fuccelfu præfcribitur hæc lotio ad gingivas.

27. Camphoræ ℥j. Alumin. ℥ij. Sacchar. cand. ℥iiij. Aq. vitæ ℔ij. Macerentur per biduum. Philtretur liquor, & fervetur ad ufum.

A quibusdam tanquam fingulare fpecificum in febribus intermittentibus Alumen prædicatur. Sic autem præparatur.

Alumen inter prunas calcinatum & adhuc candens in acetum concijciatur, & folvatur. Solutio percolata evaporetur, ita ut in cryftallos elegantes concrefcatur, quarum dosis a ℥j. ad ℥j. ante paroxifmum in liquore idoneo.

Quæ

Quæ ex Alumine usitatiores sunt præparationes, sunt ejus purgatio; distillatio, ustio vel calcinatio.

Purificatur Alumen ope solutionis in aqua simplici, percolationis & crystallizationis, sicut cæteri sales.

Aluminis sicut & Vitrioli distillatio perficitur. Prodit primo phlegma insipidum; deinde spiritus educitur, qui a Vitrioli spiritu parum differt. In retorta superest alba, levis & friabilis substantia, quæ Alumen ustum dicitur; & est Alumen phlegmate & aliqua acidi salis portione orbatum, quodque in crystallos aluminosas solutione & crystallizatione facile crescit.

Phlegma Aluminis insipidum per se inutile foret: verum cum sæpius aliquam spiritus acidi partem contineat, cum aliqua portione Aluminis quæ collo retortæ adhærebat, fit in Chirurgia perutile. Externe partibus admotum inflammationes efficaciter temperat, & ulcera exsiccant. Si in hujus phlegmatis ꝑvi. Alumin. ꝑj. solvatur, fit aqua aluminosa, quæ vulnera & ulcera abstergi solent.

Spiritus Aluminis ad eisdem usus, ac spiritus Vitrioli, adhiberi potest.

Alumen ustum carnis excrescentias absumit, & ad alarum, inguinum, & pedum fetorem cohibendum linteis conspersum frequenter usurpatur.

CAPUT QUINTUM.

De Sale Ammoniac.

SAL Ammoniacus veterum ab eo sale qui in officinis sub Ammoniaci nomine hodie reperitur, multum differt. Cl. Salmasius *tractatu de homonymis* Ammoniacum veterum ejusdem generis esse cum sale fossili aut sale gemmæ existimat, licet sua quadam proprietate ex loci natura distinctum. Dioscorides salem Ammoniacum inter salis communis seu cibarii species recenset, quem quidem fossilem dicit, densum, pellucidum, candidum, *ῥιζὸν* facile scissilem, *καὶ ὡς αἶμα τὰ διαφύετα ἴσχοι*, & rectas fissuras habentem: quod quidem sali gemmeo convenire videtur, cum facile findatur in laminas rectas. Serapio scribit, salem Ammoniacum fieri ex lapidibus durissimis & translucidis, quod de gemmeo dici potest. Avicenna salem Ammoniacum scissilem, diaphanum & *albeluri*, quod crystallinum vel gemmeum significat.

Plinius, præter hunc salem Ammoniacum fossilem & translucidum, de altera salis Ammoniaci specie obscuram mentionem facit: *In Cyrenaisis tractibus sub arenis invenitur Ammoniacus sal similis colore Alumini, quod schiston vocant, longis glebis, neque pellucidis, ingratus sapore, sed Medicinæ utilis.* Hæc descriptio satis apte nostro Ammoniaci sali applicari posset, nisi hæc verba textui Pliniano adventitia mihi viderentur, cum hæc verba prioribus contradicentia immediate subsequantur: *Probaturn quam*

maxi-

maxime perspicuus reſtis ſciſſuris. Quidquid ſit, ſal ille Plinii a noſtro adhuc in eo differt quod nativus & foſſilis ſit, noſter vero factitiuſ.

Sal Ammoniacuſ veterum ſic dicebatur ab Ammoniaca regione, ſeu a Lybiæ parte circa Ammonis templum ſita, in qua inveniebatur. Sed jam ad noſ vehi deſiit.

Nunc proſtant in officiis duæ ſalis Ammoniaci ſpecies, nativus unus, factitiuſ alter.

Sal Ammoniacuſ nativus ex ſulphuratiſ Puteolaniſ rupibuſ depromitur. Eo enim loci ubi igneſ ſubterranei flammas vel ſumoſ evomere ſolent, ſupra hiatuum fauceſ, ſaxorum acervi conſtruuntur, quos ſalini ſumi continuo lambunt; & poſt aliquot dierum intervallum fuligo quædam alba vel cruſta ſalinæ ſaxis adhærenſ reperitur, quæ colligitur, & ſaliſ Ammoniaci nomen obtinet.

Fuligo illa ſal marinuſ eſt, vel ſal foſſiliſ aqua ſolutuſ, & calore igniſ ſubterranei in vaporeſ elevatuſ: aqueiſ vero partibuſ in auriſ exhalatiſ, ſaliſ particulæ denſantur, & in ſaxorum parieteſ accumulantur ſub ſloriſ ſaliniſ ſpecie, qui ſapore ſalſo donatur, aqua facile ſolvitur, & in cryſtalloſ cubicaſ concreſcit; nec a ſale marino diſferre mihi videtur.

Sal Ammoniacuſ factitiuſ, ſeu ſal Ammoniacuſ vulgariſ *Offic. & a* quibuſdam abuſive ſal Armoniacuſ, duplex nobiſ aſſertur: alter ex India in paneſ conicoſ, ſacchariniſ ſimileſ, & cinereo colore, ſed rariſſime: alter vero vulgatiſſimuſ ex Ægypto, & Syria per Maſſiliam ad noſ deveniunt in placentas orbiculareſ depreſſaſ, una parte convexaſ cum quadam umbiliciſ ſpecie, altera vero nonnihil concavaſ, inæqualeſ, uniuſ, antea teſquiſ palmi latitudine, trium, quatuorve digitorum craſſitie coactiſ, foras cinereuſ, intuſ exalbiduſ, cryſtallinuſ, ſtriatuſ, guſtu ſalſo acri pungente.

Quidam narrant, ſalem hunc oriri ex urina camelorum in areniſ Lybiæ exſiccata, & cujuſ ſal fixuſ arenarum calore ad ſuperficiem elevatuſ, veluti ſublimatuſ fuit. Verum hæc narratio nullo ab auctore ſide digno confirmatur, Alii autem, illum fieri ex urina camelorum aut jumentorum quæ igniſ calore exſiccatur, deinde variiſ lotionibuſ purgatuſ, ac tandem in paneſ, humore exhalato, concreſcit. Alii vero aſſerunt, ſalem Ammoniacuſ componi ex quinque partibuſ urinaſ humanæ, parte una ſaliſ communis, & dimidia fuliginis ſimul coctiſ ad humiditatiſ conſumptionem; reliquum vero ſublimari, iterum ſolvi & coagulari. Revera huiuſce ſaliſ præparandi ratio ignota fuit, donec a R. Patre C. Sicard Societatiſ Jeſu Miſſionario in Ægypto, in Commentariis vulgo *Nouveaux Memoires des Miſſions de la Compagnie de Jeſuſ dans le Levant*, T. 2. Paris 1723. certioreſ facti fuerimuſ de huiuſ ſaliſ origine & præparatione.

Sal ille in Ægypto, narrante eodem R. Patre, variiſ in Ægypti lociſ conſcituſ, ut *Damaier*, & *Mehallee*. Sed præſtantior in vico *Damaier* in hac Ægypti regione, quæ Delta nuncupatur ſito, non longe ab urbe *Manſoura* loco celebri ob Divi Ludovici Galliarum Regiſ carcerem, & ipſiſ exercitiſ cladem. Ibi vero ſal Ammoniacuſ ſublimatur ex quadam fuligine, quæ

In ampullas vitreas amplas, sesquipedem circiter diametro æquantes; conjicitur cum tantillo salis marini in urina jumentorum, aut camelorum diluti. Ampullæ ad duas tertias circiter repletæ, numero viginti vel triginta in furnis ad hunc usum constructis disponuntur, & lateribus argillaceaque terra ita obteguntur, ut collum ampullarum semipedale foras emineat. Tum ignis in furno accenditur, & gradatim augetur, & fortis per tres dies, & toridem noctes fovetur. Sic massa ad superiorem ampullarum partem attollitur, ac sublimatur, massa nigra in fundo remanente. Non omnis fuligo salem Ammoniacum suppeditat, sed ea tantum, quæ ex animalium, & camelorum præsertim excrementis combustis attollitur, & ad hanc salis præparationem sedulo colligitur. Etenim in Ægypto ob ligni raritatem stercora animalium paleis admixtis, & in quasdam massas seu placentas, *Gellee* vulgo dictas, compacta & exsiccata comburant.

Salis Ammoniaci solutio Heliotropii solutionem statim non mutat, sed post aliquot horas colore ex fusco rubro tingit, lac non coagulat, nec sublimati corrosivi solutioni ullam mutationem affert, cum oleo tartari vel aqua calcis odorem penetrantem exhalat. Sal Ammoniacus cum oleo Vitrioli vehementem effervescentiam suscitatur, cum insigni frigore. Salis Ammoniaci solutio, exhalato aqueo humore superfluo, concrevit in crystallos albas, quæ plumulas, aut filicis ramulosos figurâ quodammodo representant.

Analysi Chymica ex Sale Ammoniaco salis volatilissimi urinosis trientes duo eliciuntur, & modica portio salis acidi, qui spiritui salis marini prorsus similis est.

Sal urinofus, solutus, sublimati corrosivi solutionem cogit, & albo colore tingit, Violarum tincturam viridem efficit, & cum acidis liquoribus cum calore tumultuatur. Econtra vero idem sal non solutus, frigidas excitat fermentationes cum aceti spiritu, & vulgaribus Nitri, & Vitrioli spiritibus.

Ex his patet, Salem Ammoniacum compositum esse ex sale acido cum sale alcali urinoso: volatili conjuncto. Veram hujus salis vis præcipua pendet ab urinoso sale qui acidum quantitate longe superat.

Sal Ammoniacus apud Medicos, & Chymistas usitatissimus est. Interne lentos ac viscidos humores incipit, & attenuat, & per diaphoresim, sudores, vel urinæ vias pellit. Commendatur in febribus intermittentibus tanquam febrifugum eximium. Exhibetur ad ʒʒ. ocul. Cancror. gr. xx. ante paroxysmum. In pleuritide ad sudorem promovendum, aut expectorationem excitandam Salis Ammoniaci ʒj. vel ʒʒ. cum extracto Papaveris rhæados feliciter præscribitur. Externe Sal Ammoniacus acutis suis particulis fibras vellicat, ad validam oscillationem concitat, poros aperit, & crassos, ac viscidos humores incidit; unde in tonsillarum, & columellæ intumescencia, & in linguæ paralyysi, quæ a pituitosis, ac viscidis humoribus oritur, usupatur sub apophlegmatismi vel gargarismatis forma. Exempli gratia.

ʒl. Rad. Iridis Florentinæ, Piperis, Zingiber. ana ʒʒ. Salis Ammon.

ʒj. M. F. pulvis pro apophlegmatismo. Vel

ʒl. Aq. flor. Sambuci ʒvj. Spiritus Cochleariæ ʒj. Salis Ammon. ʒj. M. F. gargarisma.

Ad

Ad albuginem oculorum tollendam aqua ophtalmica cærulea sic præparatur. Calcis aqua in pelvim aeneam infunditur, qua postea Sal Ammoniacus dissolvitur, liquorem agitando, donec color cæruleus elegantissimus evadat. Ex eodem sale parantur lotiones, & foras ad tumores oedematofos, aut arthriticos resolvendos, & ad putridam gangrænæ carnem absumendam.

Sal Ammoniacus eligitur candidus, ac purus. Purificatur solutione, percolatione, & exsiccatione sicut cæteri sales. Purgatur etiam ope sublimationis, hoc modo.

2℥. Salis Ammoniaci, & salis communis fusi ana part. æq. Fiat ex arte sublimatio, quæ flores albos suppeditabit. Flores salis Ammoniaci dicuntur

Sal volatilis, & spiritus urinosus odoris acutissimi, & pungentis, spiritusque acidus ex Sale Ammoniaco sic eliciuntur.

2℥. Salis Tartari, & Salis Ammoniaci ana. Infuitur ex arte sublimatio, & distillatio in alambice vitreo. Elevabitur primo sal volatilis urinosus albus; deinde spiritus, seu ejusdem salis portio, phlegmate dilutus. Quæ in fundo remanet massa salina, aqua soluta, & in crystallos exsiccata, salis febrifugi Sylvii nomine insignitur, & ex sale tartari, ac marino constat. Ad dosim ʒij. exhibitus, incunte paroxismo, febres intermittentes nonnumquam sedare valet. Ex hoc sale cum triplo boli permixto, spiritus acidus distillationis ope elicitur, ejusdem cum salis marini spiritu naturæ, ac indolis.

Spiritus urinosus subtilissimus, & acutissimus præparari potest, si calcis per se extinctæ partes tres cum Salis Ammoniaci parte una simul misceantur, & levi calore distillantur. Hic spiritus cum spiritu vini rectificato concrevit in coagulum album, quod *Offa Helmontii* dicitur, quod a spiritu cum sale tartari distillato non producit.

Sal oleosus aromaticus Sylvii magnopere prædicatus, ex Sale Ammoniaco, & aromatis quibusdam sic conficitur.

2℥. Cardamomi ʒj. Cinnamomi ʒjss. Nuc. musch. ʒvj. Caryophyllor. Cubebar. ana ʒij. Sal. Tartar. ʒvj. Sal. Ammon. ʒiiij. Sp. vini lbij. Macerentur in vitro probe clauso per diem integrum; postea debite fiat distillatio per alambicem vitreum.

Vel sic extemporaneus conficitur.

2℥. Sp. volatil. salis Ammoniaci, & spiritus vini rectificati ana ʒiiij. Oleorum corticum Citri Macis ana ʒj. Cinnamomi ʒss.

Misce.

Sales oleosi varii cum oleis cephalicis, histericis, & aliis præparantur; tuas enim vires specificas ab oleis desumunt.

Sal, & spiritus salis Ammoniaci propter odorem acutissimum, in lethargo, in apoplexia, in syncope, in vertigine, in hystericis insulsi-bus, ad consopitos sensus excitandos, ad nervosas membranas irritandas, & spiritus animales concitandos, præstant naribus admoti. Valet etiam spiritus salis Ammoniaci ad rheumaticos dolores dissipandos, & paralyticam curandam, si pars affecta inungatur linimento ex hoc spiritu cum oleo lumbricorum, aut simili præparato. Interne diapho-

resim, sudorem, & diuresim promouent, acidos succos in corpore latantes mitigant, & infringunt, circulationem sanguinis adjuvant, spiritus recreant, nervorum oscillationes excitant, & obstructions tollunt. Unde in apoplexia, epilepsia, lethargo, & soporosis affectibus, in hysterica passione, in febris malignis, Spiritus volatilis Ammoniaci salis, & sal oleosus aromaticus a guttis vj. ad ℥j. in liquore conuenienti frequenter usurpantur.

Cavendum tamen ne spiritus volatilis salis Ammoniaci, & similes liquores subtiles, & acuti soli, & majori copia propinentur; tunc enim œsophagi, & ventriculi membranas inflammant, & causticorum modouentur. Itaque nonnisi copioso liquore diluti exhibendi sunt.

Chymicis utilissimus est sal Ammoniacus, tum ad fixa quævis corpora volatilia efficienda, tum ad sulphura ex metallis vel mineralibus extrahenda, tum etiam ad Mercurium ex metallis eliciendum; unde multis nominibus, & titulis ab iisdem donatur; hinc *Aquila cælestis* dicitur: *Avicula volans*, *Sal solaris*, *Mercurialis fuligo*, *Sal mercurialis philosophorum*, *Dapis Adir*, *Sal mirabilis*, *Clavis metallorum*, &c.

Plurimi, ac diversi flores metallici cum Sale Ammoniaco præparantur: Martis nempe, Veneris, Hæmatitæ, de quibus suo loco. Aqua Regia ad Auri solutionem ex salis Ammoniaci, & spiritus Nitri mixtura conficitur. Nec vulgari sale Ammoniaco contenti Chymici diversos Ammoniaca, les sales præparant ex sale volatili urinæ cum spiritibus nitri, vitrioli, vel aceti permixto. Unde sales falsi Ammoniacales, seu qui facile in flores eleuantur, exsurgunt, ad metallicarum partium attenuationem, & volatilizationem feliciter promouendam.

CAPUT SEXTUM.

De Chrysocolle, & Borace.

Nitrum, Baurach, Boracium, Borax, Tincar, Chrysocolle, sunt voces synonymæ. Quod Græci veteres Νίτρον dixere, Arabes Baurach nuncuparunt, & Græci juniores Arabes imitati Βοράχ, & Βοράχιον. Latini vero barbari Borax, at est Nitrum Ægyptiacum vel Africanum de quo mentionem jam fecimus. Tincar vero vox est Arabica, quæ quamdam Nitri speciem denotat, qua Aurum ferruminatur, unde a Græcis junioribus, χρυσόκολλα seu Auri glutinum traductum fuit; licet a veteribus Græci Chrysocolle nomen cuidam materiæ prorsus diversæ jam inditum fuerit. Serapio enim scribit Tincar esse de genere salium, & habere in sapore suo quadantenus gustum Baurach, id est, Nitri Ægyptiaci, & alibi dicit, genus quoddam Nitri seu Aphronitri haberi, ex quo est Tincar. Non igitur existimandum est Boracem seu Chysocollam recentiorum idem esse cum Græcorum veterum, Dioscoridis nempe & Galeni, Chrysocolle; quia imo res prorsus diversæ sunt.

Chry-

Chrysocolia Græcorum veterum genus est medicamenti metallici . Est autem duplex , naturalis & factitia . Naturalis gignitur in venis ærariis ; & si quando in aliorum metallorum fodinis reperitur , omnino & in illis æs est . Invenitur autem aut sola arenæ similis , aut metallicæ alicui materiæ adhærens , a qua ubi abrafæ secretaque fuerit , arenæ similiter aut pulveris speciem habet . Est autem omnis nativa viridi colore ; sed eo quidem alia saturo , qui ad Porri vel Smaragdi viriditatem accedit , quam longe optimam censent ; alia vero valde diluto , quam vilissimam ; alia vero medio , quæ medium locum tenet . Variis lotionibus sic purgatur . Tunditur primo in mortario , infusa aqua ; & statim atque confedit , colatur : altera infusa aqua iterum conteritur , & hæ lotiones & tritura iterantur , quousque pura , sinceraque videatur : dein ficcatur in sole , & ad usum reconditur . Si subtilior adhuc desideretur , confusa supra carbones apponitur , & post calcinationem lavatur iterum ut diximus .

Factitia autem duplex est ; unam herbaceam , alteram santernam appellant . Herbaceæ conficiendæ rationem exponit Plinius . Chrysocolia nativa confusa , usta , & in tenuissimum pulverem redacta , ex aceto maceratur , rursus tunditur , lavatur in conchis , siccaturque : tunc tingeritur Alumine schisto & herba lutea , unde herbaceæ nomen accepit . A piscatoribus , qui ea utuntur , *opositis* vocatur , vel quod Ervi colore sit , vel quod in grana efformaretur Ervi granorum similia . Altera autem factitia Chrysocoliæ differentia , quam Plinius Santernam vocari scribit , temperatur , ut ait , ex Cypria ærugine & pueri impubis urina , addito Nitro , teriturque in Cypriis mortariis . Galenus Dioscoridem secutus Nitri non meminit , monuit tantum eam præparari tempore æstivo , aut certe aere prorsus calido , urinam in mortario terendo per plures dies , donec urina mellis crassitiem adepta sit . Ea reponitur a Dioscoride in æruginum numero : & quia Medicinæ inservit , a Medicis *æres* nominatur , ut ait Plinius , quamquam & Aurifices eandem sibi vindicare agglutinando auro Galenus asserat .

Hæc sunt quæ Dioscorides , Galenus , & Plinius de Chrysocolia retulere . His positis , nunc quærendum est num Borax nostra sit aliqua ex his Chrysocoliæ speciebus supra recensitis .

Borax in officinis duplex reperitur , una quæ nativa dicitur , altera quæ arte purgata .

Borax nativa nobis affertur sub lapillorum forma , avellanæ aut nucis juglandis crassitie , colore obscuro viridi , rudis , crassa , terrestris , & quasi pinguedine obducta . Variis in locis effoditur , sed major pars ex Mogolum Imperio & ex Persia advehitur . Ibi in quibusdam metalli fodinis & præsertim cupreis stillat aqua salina , turbida , subviridis , quæ sedulo colligitur : ad debidum spissitudinis gradum evaporatur , & postea in foveas quasdam in terra excavatas & pasta ex horum fontium limo & animalium pinguedine præparata circumobductas infunditur , & eadem pasta tegitur ; tandem post aliquot menses aperta fovea , aqua in lapillos concreta reperitur . Effodiuntur lapilli simul cum terra adiposa , & est Borax nativa .

Borax purgata in lapillos affertur nitidos , candidos , ac pellucidos , Aluminis crystallis similis , sapore salso cum levi quadam acredine livio .

xiviosa, in aqua solubiles. Eadem est substantia cum nativa, quæ quidem per calcis vivæ lixivium purgata fuit. Olim a Venetiis afferebatur, unde Veneta dicta fuit; nunc vero fere soli Batavi Boracem purgant, ac vendunt. Constat igitur Boracem officinarum diversam esse a Chrysocolle veterum Græcorum; hæc enim æruginis naturalis species erat aqua non solubilis, quæ ex Dioscoride vomitiones concitabat, & quandoque necem inferre poterat. Borax vero nostra salis species est, aqua solubilis, nec letifera. Utrum vero diversa sit ab Arabum Borace vel Tincar, affirmare non possumus, cum Arabica apud nos desideretur. Saltem patria diversas esse liquet.

Borax *Offic.* igne intumescit in bullas, Aluminis instar: deinde vero placide funditur in massam duram, pellucidam, vitro similem, quæ tamen aqua solvitur; aut si aeri libero exponatur, quodammodo calcinatur, opaca fit & alba: distillatione nihil præter phlegma insipidum supeditat: neque cum acidis salibus, neque cum alcalibus tumultuatur, sed cum acido vitriolico placide se confociat; & ambo, licet fixiora, in salem fere inspidum & plane volatilem convertuntur. Boracis solutio Heliotropii tincturam non mutat, Violarum syrupum viridi colore inficit, sublimati corrosivi solutionem croceo-rubentem efficit, cum salis Ammoniaci solutione permixta odorem emittit urinosum. Unde liquet, Boracem salem esse alcalinum fixum, ad salis Tartari indolem accedentem, qui tamen ab eo differt in hoc, quod acidus sales sine tumultu sibi consociare valeat.

Boracis usus duplex, Mechanicus & Medicus. Eo utuntur Aurifabri ad aurum ferruminandum, & ad metallorum fusionem citius promovendam; tinctorum ad nitorem sericis pannis conciliandum. Eo tanquam medicamento utuntur Medici ad partum juvandum, sæctum mortuum expellendum, secundinas ejiciendas, & menses suppressos provocandos. Dosis a ὄβ. ad ῥj.

℞. Boracis gr. xx. Myrrhæ gr. xij. Croci gr. iij. Olei Cinnamomi gutt. j. M. F. pulvis. Potest ex vino sumi, vel cum syr. de Artemisia q. s. eo tempore quo solent fluere menses.

℞. Boracis & Myrrhæ ana gr. xv. Radicis Aristolochiæ, Croci ana gr. iij. Olei Sabinæ gutt. ij. Syr. de ῥ. Radicibus q. s. M. F. bolus ad secundinas aut lochia retenta.

Cum animadverterent mulieres Boracem pannis sericis splendorem conciliare, existimaverunt etiam ab ejusdem solutionibus cuti suæ nitorem inducere posse: unde in aquis cosmeticis, & pomatis frequenter adhibetur.

Usurpatur Borax in Unguento citrino, in Pulvere ad difficilem partum *D. Charat*, in Balsamo egregio pro manibus, & in aqua columbarum cosmetica, *Ejusdem*.

S E C T I O Q U I N T A .

De Succis bituminosis.

Succos bituminosos dicimus corpora mineralia quæ ignem concipiunt & oleo solvuntur, eidemque miscentur. Eos dividimus in Bitumen proprie dictum, quod quidem liquidum est vel concretum, in Sulphur & Arsenicum.

C A P U T P R I M U M .

De Bituminibus liquidis.

Bitumen liquidum est liquamen minerale, pingue, inflammabile; consistentia vel tenuiori & olei simile, & Naphtha vel Petroleum dicitur; vel crassiori picis instar, & Pissasphaltum seu Pix mineralis nuncupatur.

A R T I C U L U S P R I M U S .

De Naphtha seu Petroleo.

Naphtha *Dioscoridis*, Petroleum *Offic.* est oleum minerale, subtile; inflammabile, odore fragranti, bituminoso; colore diverso, candido, flavo, rufo, vel nigricante. Varia apud auctores nomina sortitur. Apud Babylonios Naphtha dicebatur oleum candidum & nigrum quod ex quibusdam fontibus circa Babyloniam scaturiebat. Idem ἡλκιστὸν μὲν δ' αἶμα oleum Medæ nuncupatum fuit; quod olim, ut ajunt, Medea hoc bituminoso liquore coronam & peplum Creontis filix inunxerit, atque hac arte combusserit. A Græcis quibusdam ἡλκιστὸν oleum simpliciter & per excellentiam, πετρέλαιον oleum petræ, & per syncopen Petroleum a Latinis, quod e faxis stillat, a Nicolao Myrepto μύρον τοῦ ἁγίου Βαρβάρου oleum Sancti Barbari, ab aliis oleum Sanctæ Catharinæ, oleum Sanctum, & a nonnullis ῥάπτα & ἄρτα κτὲρ τοῦ ἀπτισσάμεν, quod accendi significat, nominatum fuit.

Nulla non est regio hujus bituminis ferax. In insula Sumatra nobilis hujus species colligitur, quæ ab incolis *Minia* *Tannab* vocatur, quod oleum terræ significat, & apud Indos magno habetur pretio. Apud Italos multum commendatur Petroleum quod in agro Mutinensi variis in fontibus, ac puteis hauritur. Tota enim hujus Ducatus terra hoc oleo bituminoso turgere videtur: sed præcipue circa castellum Montis Baranzonis, in loco dicto *Il Fumetto*. Putei ad ulnarum triginta vel quadraginta altitudinem effodiuntur, donec scaturigo reperiatur aquæ cum oleo permixtæ. Qui in collis infima parte excavantur putei, oleum rufum

uberrimum suppeditant; qui vero in parte superiore, album, sed minori copia. Insignis est præterea rupes in eodem territorio, duodecimo lapide versus Apenninum a Mutina distans prope montem Gibbium, ex qua perpetuus scaturit fons aquæ cui oleum flavum innatat. Tantus est huius olei proventus, ut bis in hebdomade sex circiter libræ singulis vicibus colligantur. Nec Gallia nostra Petroleo caret. In Aquitania non longe a Bliteris vulgo *Beziers*, prope vicum Gabianum, oleum rufum cum aqua ex saxorum quorundam rimis effluit, quod sedulo colligitur, nec virtute cæteris inferius est. Alius est huius olei fons ad Claromontium in Arvernia.

Petroleum flammam facile concipit, unde vetus est & multis in locis usitatum eo uti ad lucernarum lumina olei vice. Partibus refertum est tenuibus & volatilibus quæ facile in auras avolant, & ignis rapacissimæ sunt: unde si forte fax accensa aut flamma quæcumque puteis vel fontibus Petrolei admoveantur, halitus ex bitumine exhalantes sæpius accenduntur. Petroleum cum spiritu vini difficile conjungitur & miscetur; pinguior enim est Petrolei consistentia. Distillatione liquorem oleosum suppeditat, qui paulo pellucidior est, sed non parum nativi odoris subtilis perdidit, quique accensus flammam minus fuliginosam, sed magis languidam edere visus est. In alambicis fundo exiguum magma flavum remanet. Unde patet Petroleo nihil perfectionis per distillationem accedere.

Laudatur Petroleum recens haustum, odore bituminoso subtili, album, pellucidum, deinde flavum, postea rufum: crassius censetur nigricans.

Dioscorides Naphtham Babylonicam ad oculorum suffusiones & albugines utilem prædicat. Petroleum ex fonte ad Gabianum vicum extractum, in uteri suffocatione egregio cum successu ad guttas aliquot intus assumitur, & infantibus ad vermes enecandos propinatur. In mensum suppressione prodest, si assumantur guttæ x. vel xv. in vino; ideoque eo magis, si pubis mulierum hoc oleo illiniatur. In paralyti & partium nervosorum doloribus frigidis pars affecta cum successu inungitur. Ad schittri exquisiti augmentum impediendum Carolus Musitanus Petroleum commendat, & ex eo sequens parat linimentum.

℥. Olei Myrtillor. ℥ij. Olei Nucis muschatæ ℥ß. Axungia jumenti ℥ij. Olei Petrolei ad pondus omnium. Misce.

ARTICULUS SECUNDUS.

De Pissasphalto.

Pittasphaltum, *Dioscoridis*; Pissasphaltum & Pix mineralis *Off.* Maltha *Quorundam*. Est bituminis species rufa vel nigra, odoris fragrantis, bituminosi, non ingrati, tenax, mediæ consistentiæ inter Petroleum & bitumen, pici vulgari similis, quæ calore liquefcit, frigore densatur, & flamma admora facile accenditur. Pittasphaltum & Pissasphaltum dicitur a πῖσσα vel πῖσσα & ἀσφαλτος bitumen, quasi diceretur Pix bitumen seu Pix bituminosa, quod ut vult Dioscorides, odorem picis bitu.

bitumini mixtæ redoleat, non vero quod sit mixtura arte facta ex bitumine, & pice, ut quidam volunt.

E rupibus stillat, vel e terra scaturit plurimis in locis. A Dioscoride commendatur quæ in Apolloniatarum agro circa Epidaurum colligebatur. In Italia in usu est pix mineralis quæ in Agro Romano prope vicum *Castro* dictum, sexaginta passuum millibus ab urbe Roma distantem, colligitur; per rimas saxorum cujusdam montis æstivo tempore exsudat, mellea consistentia, colore nigro, & odore subtilissimo; *Pice di castro* vulgo dicitur. In Arvernia quoque Galliæ Provincia, uberrima est hujus bituminis liquidi scaturigo, quæ ab incolis Piceus fons, vulgo *le Puits de Pege*. Molle est picis instar, nigrum, odoris bituminosi. Si per longum temporis intervallum fervetur, indurescit, sed tamen nonnihil pinguedinis retinet, nec unquam ad bituminum duritiem exsiccat.

Pissasphaltum recens e terra eductum digerit, maturat, resolvit: ad anthraces & bubones maturandos, tumores resolvendos, dolorem ischiadicum, & catharrales affectus discutiendos usurpatur, nec non etiam ad luxatas partes post earum restitutionem roborandas, earumque tonum firmandum insuper applicatur.

Hoc bituminis genus cum limo argilloso mixtum Maltham constituit, quæ in jungendis murorum lapidibus calcis usum præstat. Eam ad Babylo-nios muros construendos adhibitam fuisse Vitruvius narrat.

CAPUT SECUNDUM.

De solidis Bituminibus.

BITUMEN solidum est substantia dura, friabilis, quæ calore liquefcit, flammæ admota accenditur, frigore densatur, & exsiccat, oleo non aqua solubilis, colore diverso.

In terræ visceribus generatur; & inde, dum adhuc molle est, cum aquis effluit, vel in fontes, vel in mare, ubi paulo post indurescit; vel etiam durum ac solidum e terra effoditur. Itaque vel ex aquis colligitur Bitumen, ut Bitumen Judaicum, & Ambarum cinericium: vel e terræ sinu eruitur, ut Succinum, Cagates, & Carbo fossilis.

Observandum vero hæc omnia Bituminia genera initio fuisse mollia, & fluida, & per tempus induruisse.

ARTICULUS PRIMUS.

De Bitumine Judaico.

ASPHALTUM, *Dioscoridis*; Bitumen Judaicum, *Off. Karabe Sodomæ*, *Serapionis*; Gummi funerum, *Ejusdem*; Mumia; *Quorumdam*. Est substantia solida, fragilis, ponderosa, rufa, admodum obscura vel nigra, splendens, inflammabilis, odore valido bituminoso, præferum dum incalescit, quæ igne liquefcit, & admota flamma accenditur.

Variis

Variis in locis deprehenditur, sed cæteris antepositur quod ex Judæa affertur, unde Judaicum dicitur. Ibi super Mare mortuum quod ex eo lacus Asphaltites dicitur, colligitur. Verisimile est ex hujus lacus fundo magnam hujus bituminis copiam scaturire, quod elevatur ad superficiem aquæ cui innatat. Primo quidem molle est, lentum, & adeo sequax ut vix avelli queat; sed per tempus ipsifatur, fitque etiam pice sicca durius.

Dicitur Karabæ Sodomæ: *Karabe* enim apud Arabes sæpe pro bitumine sumitur; *Sodomæ* vero, ex eo quod ex lacu Sodomitico originem trahat, Gummi funerum, & Mumia, quia bitumine Judaico, sicut & Pissasphalto Ægyptiorum vulgus cadavera sua conservanda condire solebant.

Legitimum Judaicum bitumen ad nos raro advehitur. Illud enim Dioscorides scribit eligendum esse quod purpuræ modo splendeat, nigrum vero, & sordidum rejiciendum: at vero quodcumque nobis affertur, nigrum est; attamen si in frustula tenuia dissiliat, nitor quidam croceus percipitur adverso lumine, quem fortasse Dioscorides designare voluit. Quidam pro genuino bitumine Judaico Pissasphaltum in cacabis aheneis vel ferreis excoctum, & induratum nobis mittunt.

Bitumini Judaico vis discutiendi, emolliendi, glutinandi, sanguinem coagulatum resolvendi, & menses ciendi tribuitur. Usurpatur in compositione Theriacæ, *Andromachi senioris*, & Pulveris ad implendas cadaverum cavitates, *D. Charas*.

ARTICULUS SECUNDUS.

De Ambaro Cineraceo.

Ambra vel Ampar, *Aetii*; Ambarum cineraceum seu griseum, Ambra grisea, *Off.* Est substantia sebacea, pinguis, solida, levis, cinerei coloris, marmoris instar variegata, albis subinde exiguis maculis aspersa, quæ bituminis instar e terræ visceribus emanat, in maris sinu condensatur, & in ejusdem superficie fluctuans, vel in litus ejecta deprehenditur.

Ambarum veteribus Græcis incognitum fuit, cum de illo nulla facta fuerit mentio ante Aetium. Nec vox illa Ambar vel Ambarum a recentioribus Græcis, neque ab Arabibus pro Succino usurpata fuit ante Avicennam, & Simeonem Sethi, qui primi Ambari nomen Succino tribuisse videntur: unde postea apud auctores confusio multa.

Hujus duæ sunt species, cineracea scilicet, & nigra. Optima censetur cineracea, a sordibus purgata, odorata, levis, quæque acu calida perfossa succum pinguem, & odoratum refundit. Nigra improbat, utpote terra vel limo conspurcata, vel adulterata, ut quidam existimant.

Quid sit Ambarum cineraceum inter auctores controversum. Alii avium sinum vel stercus esse tradunt; alii Balenæ recrementum: quidam arborum resinam aut Camphoræ speciem; nonnulli spumam maris concretam, ceram, & mel a Sole, & sale maris digesta, & cocta fuisse asserunt. Verum nullus est nunc dubitationi locus quin bituminis quodam

dam genus sit e terræ sinu in fundo maris emanans , primo quidem molle , & liquidum quod postea concrefcit , & densatur . Mediis enim in Ambari glebis varia reperiuntur , scilicet lapilli , conchyliâ , animalium ossa , avium rostra , & ungues , apum favi cerei adhuc melle repleti , & alia hujuscemodi , quæ in hac materia sepeliri non potuissent , nisi per aliquod tempus mollis fuisset , & tenax , bituminum more .

Ambari glebæ tantæ molis quandoque deprehenduntur , ut centenas vel ducentenas libras pondere superent .

In mari Indico circa Moluccanas insulas magna ejus copia colligitur : reperitur quoque frequenter ad littus maris in India Orientali , & Africa ; nonnumquam etiam Ambari fragmenta circa maritimas regionum septentrionalium Angliæ , Scotiæ , Norvegiæ oris a mari ejecta inveniuntur .

Ambarum igne liquefcit in resinam auream vel flavam ; flamma admodum accenditur , & ardet . Non tota ejus substantia in spiritu vini solvitur , sed nigra piceaque materia ab eo intacta remanet . Solutio verò sedimentum quoddam album , & nebulosum post aliquod temporis intervallum deponit , quod quidem paulatim magis magisque coagulari , & inspissatur , nimirum tenuiorum spiritus vini partium exhalatione . Hoc coagulum exsiccatum in terram foliatam splendentem , spermati ceti haud asimilem , convertitur .

Distillatione ex Ambaro prodit primo phlegma insipidum , deinde liquor seu spiritus acidus , & oleum flavum odoratissimum cum portione aliqua salis falso-acidi , volatilis , qualis e Succino educitur . Tandem in retortæ fundo remanet materia nigra splendens , & bituminosa . Ex his liquet , Ambarum cineraceum constare ex particulis oleosis , tenuissimis & volatilibus ab aliis crassioribus , tum salinis , tum bituminosis irritis .

Maximus est Ambari usus apud Aromatarios ad odoramenta , & sufficientia præparanda . Apud Medicos commendatur ad spiritus languentes suscitandos , ad eorundem penuriam refarciendam , tardioresque ipsorum motum promovendum , & accelerandum . Unde cerebro , & cordi conducit , sensus omnes vegetiores reddit , & in lypothymiis , in affectibus cephalicis , & nervinis utilissimum censetur ; sed in primis genitricem facultatem juvare creditur ; necnon etiam ad vitam producendam multum conferre apud Orientales populos vulgaris opinio est . Tum interne , tum externe usurpatur . Dosis , si in substantia exhibeatur , instar Pisi minoris , vel a grano uno ad octo per se in ovo sorbili aut in vino , vel cum Saccharo , & pulveribus aromaticis ; vel ejus tinctura cum spiritu vini extracta , a gutta una ad x .

Ex Ambaro paratur tinctura simplex , vel composita . Simplex præparatur , si solvatur in spiritu vini , & tinctura a fœcibus separetur . Composita vero quæ fragrantissima est , sic conficitur .

℞. Ambari cineracei , Sacchar. cand. ana ℥ij. Moschi gr. xij. Zibeth gr. ij. Sp. vini ℥iiij. Digerantur simul in vase vitreo per aliquot dies . Liquor decantetur , & servetur ad usum . Dosis a gutt. j. ad viij. vel x. in vino Hispanico , aqua Cinnamomi , vel quovis alio liquore .

Rive.

Riverius Ambarum commendat ad ventriculum roborandum, & tamquam specificum in fame canina. Idem remedium in melancholia hypochondriaca post debitam purgantium, & diluentium remedium adhibitionem proponit, ad spiritus, & calorem nativum vivificandum, & cor exhilarandum. Observandum tamen odoramenta quæcumque suavia, & fragrantia puerperis, & mulieribus hysteris noxia prorsus esse, & ideo caute vitanda. Quidam quoque sunt viri affectibus hypochondriacis vexati, qui ab iisdem fragrantibus odoribus male se habent. Generatim hujus ævi homines hæc odoramentorum genera difficiliter ferunt; unde tot obsoleverunt compositiones apud veteres Medicos usitatæ, in quibus Ambarum, vel solum, vel Moscho consociatum usurpabatur.

Quæ hysterics mulieres odore suo lædunt suaveolentia, easdem utero admodum juvant.

Ambarum usurpatur in pulvere Diambra, *Mesues*; pulvere aromatico rosato, *Gabrielis*; in pulvere lactificante, *Nicolai Præpositi*; pulvere contra pestem seu Bezoardico, *Renaudei*; in Electuario Diaphetico, *D. Charas*; Tabellis magnanimitatis, & Balsamo apoplectico, *Ejusdem*; in confectioe Alkermes & confectioe de Hyacinthis, dum perfectæ ac completæ desiderantur. Sæpius enim, & caute Ambarum, & Moschus in his confectioibus omittuntur.

ARTICULUS TERTIUS.

De Succino.

H Δικτρος πτερυγόρον & χρυσοφόρον, *Dioscoridis*: Λυγγύριον ὕαλοι & ἀρτοῦ, *quorumdam veterum Græcorum*: Βρίνιον, *recentiorum*: Karabe *Arabum*: Succinum, *Latinorum*: Hambarum, *Barbarorum*: Ambarum citrinum, *Off.* Est substantia bituminosa, dura, arida, fragilis, pellucida, nunc flava vel citrina, nunc albicans, nunc fusca; saporis subacris, bituminosi, aliquantulum adstringentis; odoris, dum incalcescit, fragrantis, & bituminosi; inflammabilis, quæ attritu calefacta paleas, & festucas ad se trahit.

Dioscorides de duplici Electri genere mentionem facit: Pterugophorum unum dicit, ex eo quod plumulas ad se trahat: idem & Lyncurium quoque dicitur, quasi urina lyncis, quia ejus urinam glaciata, & concretam in calcoli duriciem esse vulgo credebatur. Alterum ab aureo colore Chrysophorum nominat. Hoc esse Populi nigrae arboris lachrymam ex aliorum relatione narrat, non vero asserit. Alteram vero Electri originem ex urina lyncis tanquam futilem ac vanam rejicit. Unde concludere licet Succini originem Dioscoridi prorsus ignotam fuisse.

Τῶλοι quoque a quibusdam vocatur, ob vitri splendorem & pelluciditatem qua donatur, Ἀρταῖ quia festucas, & minuta ac levia quæcumque corpora ad se trahit. Succinum a Latinis dictum fuisse creditur, ex eo quod arborum succum esse censerent. Ambari vero nomen barbarum derivant ex illis duabus.

bus Arabicis vocibus, *Haur Rumi*, *Populus Romana*; ex quibus per corruptionem facta sunt *Haurum*, *Habrum*, *Hambrum* & *Ambarum*. *Karabe* nominatur, vel ex voce Persica quæ *palearum* raptorem significat, vel ex Arabica voce *Kar*, quæ quoddam bituminis genus denotat.

De Succini origine variæ fuerunt sententiæ. De ea Dioscorides nihil asserit. Plinius scribit lacrymam esse stillantem ex pinei generis arboribus in Insulis Oceani septentrionalis nascentibus, frigore densatam, & in mare deciduam, quæ postea in proxima terræ continentis tunc temporis Austraviæ dictæ littora expellitur, ubi colligi solet. Nunc vero nullus dubitare potest, quin sit succus bituminosus & fossilis, in terræ visceribus natus, primo liquidus, deinde concrefcens in substantiam solidam & duram. In Gallo-Provincia e montibus eruitur prope Segesteronem civitatem, ad Turrin Bevontiam, & haud procul a vico Salignaco dicto. Effoditur quoque in agro Picceno non longe ab Ancona urbe, necnon in Spoleto Ducatu, Umbria dicto, in Sicilia, in agro Cataneo & Agrigentino. Sed illud omne fuscum est, & minus purum. Præstantius in Prussia reperitur. Ibi duplex Succinum; unum, quod e terræ fodinis educitur; alterum vero, quod in littore maris colligitur, licet non specie diversa sint.

Philippus Jacobus Hartmannus, qui Succini historiam accuratissime descripsit, totum Prussiæ & Pomeraniæ fundum succineum esse affirmare non dubitat, cum sæpe in harum Provinciarum locis a mari longe distitis, dum aratro sulci ducuntur, vel dum serobes aut fossæ varios in usus excavantur, magna Succini copia sese offerat: sed præcipuè Electi fodinæ in ea parte maritimi Prussiæ littoris, quæ littus Sudaivicum dicitur, sitæ sunt. Ex littore assurgunt colles ex terra quadam corticosa efformati, ita ut arboreorum corticum acervi videantur. Cortices exteriores exsiccati & cinerei sunt, interiores vero molles, nigri, & bituminosi. Sub his corticibus sternitur substantia quædam lignea, aut potius ligni speciem ferens; non sicut lignum vegetabile, ex variis fibrarum diversimode contortarum & intertextarum ordinibus, sed ex diversis laminis planis ac rectis sibi invicem superimpositis constans, quæ lignum fossile dicitur. Hæc pro Succini matrice a clarissimo Hartmanno habetur, cum uberrimam Succini copiam intra suas venas complectatur, & rarissime Succinum absque ligno fossili reperitur. Hic obiter notandum est, plurimis in locis ubi Succinum eruitur, ibi reperiri quoque & lingum fossile, & lapideum lyncurium, & vitriolica mineralia.

Succinum quod in littore maris colligitur, ex collibus succiniferis a mari procelloso destructis & erutis cum terra abripitur, ac tandem in litus huc & illuc a fluctibus propellitur.

Succinum triplex; citrinum vel flavum, albicans, & fuscum. De ea specie quæ ad usum Medicum eligenda sit, non conveniunt inter se auctores. Alii citrinum probant, album alii. Citrinum plus olei continet, & austrius odorem bituminosum non in jucundum emittit. Album minus olei, & plus salis volatilis recondit. In fusco vero terra uberius est. Quapropter si sale volatili opus sit, album eligendum erit; si oleo, citrinum; fuscum vero rejiciendum est.

Suc.

Succinum spiritu vini dissolvitur, solvitur quoque in oleo spicæ, lavandulæ, & in oleo lini, licet difficilior.

Analysi chymica Succinum phlegma non insipidum, sed leviter acidum & æthereum quadam olei portione factum prodit, deinde oleum flavescens cum sale volatili, ac tandem oleum crassum & fuscum. Major extrahitur salis volatilis copia ex albo, quam ex flavo; cum Succini albi ℞j. sal. volatilis ℥iij. flavum vero eadem quantitate vix drachmam unam præbeat. Peracta distillatione, remanet capitis mortui nigri & splendentis uncia una pro singula Succini semilibra.

Sal volatilis aqua calida solutus, post humoris superflui exhalationem concrevit, non in crystallos, sed in granula miliaria aut grandinosa. Si vero in vitro oblongioris colli leni calore exponatur ad sublimationem peragendam, ad superiorem vasis partem in floccos niveos spiculis brevibus & tenuibus coagmentatos elevabitur. Saporis est leviter acidi non ingrati. Affuso spiritu Vitrioli, non effervesceat. A spiritu salis Ammoniaci, aut ab oleo Tartari, bullulis cum stridore excitatis absorbetur.

Ex his concludere licet, Succinum constare ex bituminosa quadam pinguedine crassiori, & altera portione oleosa tenui ac subtili cum sale acido volatili, qualis est sulphure accenso exhalat, conjunctis ac inspissatis.

Succino, multæ & egregiæ tribuuntur virtutes; sed præsertim in frigida cerebri intemperie & in catarrhis tanquam specificum interne commendatur: præstat quoque in capitis doloribus, morbis soporosis & convulsivis, in mensium suppressione, in affectionibus hysterici & hypochondriaci, in gonorrhæa, & albo mulierum fluxu, in hæmorrhagis. Dosis a ℞j. ad ℥j. in ovo sorbili, vel in alio vehiculo idoneo.

24. Succini citrini subtilissime pulverizati aut in alcohol supra porphyritem redacti, Conservæ Rosar. rubr. & Conservæ flor. Anthos ana ℥ss. Syr. Stæchad. q. s. Fiat bolus mane & sero devorandus, ad caput roborandum, fluxionem cohibendam, & lymphæ acrimoniam demulcendam, in frigida cerebri intemperie, in catarrho & coryza.

25. Succini præparati, Camphoræ & Sanguinis Draconis ana ℥j. Syr. Rosar. siccat. q. s. Fiat opiata cujus dosis ℥j. quotidie mane adversus gonorrhæam exhibenda, præmissis præmittendis.

26. Succini præparati, Millepedum præparator. ana ℥ij. Myrrhæ ℥ss. Conservæ flor. Lamii albi ℥jss. Syr. Millefol. q. s. F. opiata cujus dosis ℥ij. bis in die in albo mulierum fluxu.

27. Succini pp. ℞j. Spermatiss ceti, Terræ cathecæ ana gr. xv. Syr. Hederæ terrestris vel Diacodii q. s. Fiat bolus in sanguinis sputo, vel in tussi diuturniori & vehementiori ab acriori pituita.

28. Succini ℥ss. Castorei, Myrrhæ ana gr. xij. Croci gr. vj. Conservæ Absynthii, vel Extracti Rutæ q. s. Fiat bolus in suffocatione hysterica & in mensium suppressione.

Externe Succinum in fustis, in cataplasmatibus & cucuphis adhibetur ad cerebri affectus sanandos. Ejusdem fumus ore exceptus in angina incipiente, in prolapsu uvulæ & tonsillarum, tumorem ex catarrho sæpe conducit.

Præparata e Succino sunt . 1. Ejus præparatio proprie dicta , quæ est ejus lævigatio , vel reductio in alcohol tenuissimum super porphyritem , quæ quidem magisteriis longe præstat .

2. Tinctura cum spiritu vini tartarizato , cujus dosis ab aliquot guttis ad ʒj. Ex ea paratur sal oleosus aromaticus succinatus . Hujus tincturæ & salis aromatici oleosi partes æquales miscentur , ac leni calore digeruntur . Unde oritur tinctura cardiaca & diaphoretica miræ efficaciz in affectibus soporosis , catarrhis , hysteriis affectibus , cordis palpitatione , lypothymiis , mensium obstructione , & paralyfi . Dosis a guttis aliquot ad ʒj. in potu Theæ , in vino , aut in alio liquore convenienti . Externe inunguntur futuræ cranii in catarrhis , nares , tempora & scrobiculum cordis in lypothymiis & cordis palpitatione , regio umbilicalis in hysteriis affectibus .

3. E Succino arte chymica extrahuntur sal volatilis acidus , oleum flavum , & oleum fœtidum nigrum .

Sal volatilis diureticus est , & specificum habetur in morbis hysteriis & convulsivis ; spasmodicos enim motus pacare valet . Dosis a gr. x. ad ʒʒ. Ex eo sale liquor Cornu Cervi succinatus Michaelis , in epilepsia infantum magnopere commendatur , fit ex spiritu volatili Cornu Cervi , in quo salis volatilis C. C. & salis volatilis Succii partes æquales solvuntur , quantum ex his solvere valet ; & liquor servatur ad usum .

Oleum antihystericum est , cephalicum , & nervinum : intus sumptum a gutt. ij. ad xx. externe prodest in arthritide , paralyfi & catarrho , partibus afflictis illitum . Ex eodem paratur Balsamum sulphuris succinatum , & in compositione emplastri magnetici Angeli Salæ adhibetur .

Usurpatur Succinum in Throchiscis de Karabe , Pilulis de Succino , *Cra-tonis* , Emplastro stomachico , *D. Charas* , Emplastro diaphoretico , & Emplastro styptico , *Ejusdem* .

ARTICULUS QUARTUS.

De Gagates , & Carbone fossili.

Λ Ἴθος γαγάτην , Dioscoridis Ἐγγάτης πέτρα , *Nicandri* : Gangitis ; *Strabonis* : Gagates & Succinum nigrum , *Officinar*. Est substantia bituminosa , sicca , dura , nigra , lævis , splendens , quæ accensa Picis fere modo flagrat , nigrum , ac densum emitit fumum , odoremque bituminis exhibet .

Nomen obtinuit ab urbe Lyciæ Gage vel Gagas dicta . Hodie plurimis in Europæ locis , scilicet Gallia Narbonensi , Germania , Suecia , Islandia , inter rupes reperitur .

A Carbone fossili differre mihi videtur puritate ac partium tenuitate : crassior enim est Carbo fossilis , & terrearum particularum majorem copiam post calcinationem relinquit . A bitumine vero discrepat , quod Bitumen igne liquecat , non vero Gagates . Sæpius Gagates flore seu pulvere quodam vitriolico conspersus colligitur .

Gaga-

Gagates distillatus spiritum seu phlegma albicans, acre & subacidum suppeditat, deinde oleum nigrum, ac tandem butyrosam substantiam, seu oleum spissum & crassum. Caput mortuum nigerrimum naturæ rarioris in fundo relinquit.

Dioscorides Gagati vim molliendi & discutiendi tribuit. Ejus suffitus in uteri suffocatione utilis est. Aetius scribit vinum in quo accensus Gagates extinctus fuit, cardiacis potu exhibitum, eos confestim levare, represso sudore, excitatoque arteriarum pulsu. Ejus oleum arte Chymica extractum, natibus admotum hysteriis confert.

Ad Gagatis genus referri potest Carbo fossilis, seu lapis Thracius Dioscoridis: de quo ex aliorum relatione narrat auctor aqua accendi, oleo vero restingui; quod quidem in fabrorum officinis quotidie observare licet, qui aquam in accensos carbones spargunt, ut nimis expansum calorem reprimant, ac in centro vividorem focum efficiant.

Nullus est Carbonis fossilis usus in Medicina: ex ea tamen oleum natura & viribus Gagatino non dissimile extrahi potest.

CAPUT TERTIUM.

De Sulphure.

Sulphur, *Offinar.* quod Græci *θειον* vocant, quasi rem sacram, utpote quo ad expiationes omnes uterentur, & Arabes *Kabrie* vel *Chibur*, est succus mineralis concretus, solidus, siccus, friabilis, qui igne liquescit, flammam vel solo prunarum ardentium tactu facillime concipit, & accensus flamma micat cærulea, odoremque gravem, subtilem ac acidum emittit natibus, & pulmonibus infestum.

Variae sunt Sulphuris species. Ratione originis, dividitur in *αυρον* seu nativum, quod ignem non fuit expertum; & *παραυρον* seu factitium, vel igne depuratum. Ratione coloris, aliud est citrinum, aliud luteum, aliud rubrum, aliud cinereum, aliud albicans. Ratione substantiæ, aliud purum, aliud impurum.

Sulphur nativum quod etiam vivum in officinis dicitur, duplex adhuc: vel pellucidum est, vel opacum. Pellucidum gemmæ instar aureum est, citrinum aut subviride quod variis in locis colligitur, in Peruvianis aurofodinis præsertim in Quito Provincia, in Insula Milo, in Helvetia prope Badiacum, vulgo *Bex*, in Præfectura Aquilegiæ ditionis Bernensis. Opacum vero aut in massulas duras ac solidas, citrinas aut subvirides splendentes reperitur, aut sub glebarum argillacearum specie coloris cinerei albicans vel flavi effoditur; quod quidem variis in locis occurrit, in sulphuratis Puteolanis, ad radices montium ignivomorum, Vesuvii, Ætne, Hecclæ, & cæterorum, necnon etiam in quibusdam Europæ & Americæ terris aut fontibus sulphureis.

Sulphur factitium, seu quod ignem expertum est, variis modis preparari solet,

let: Quibusdam in locis ex aquis decoquitur, ut ad Budam Pannoniæ, testes Agricola: Ex thermis Aquigranensibus, in balneorum Cæsareorum scaturigine. Sulphur cum aqueis vaporibus elevatur, & in putei collæcæ testudine in duruscula frustula sub floris sulphurei specie concrecit, & magna quotannis colligitur. Nonnumquam ex terra argillosa alba cinerea extrahitur: sic in agro Romano, non procul a Castello Bracciano Sulphuris est fodina, ex qua Sulphur educitur sub terræ pinguis, argillosæ, & albæ forma, cum venis quibusdam nigricantibus. Effossa Sulphuris vena magis quibusdam vasis fictilibus stillatoriis imponitur, & virgineis distillatur. Sulphur fufum per rostrum fuit in subiectum vas recipiens, libique brevi concrecit in massas grandiores: peracta distillatione, in vasis stillatoriis terra quædam rubra remanet, quæ tanquam inutilis rejicitur. Sæpius ex Pyritis quibusdam elicitur, ut in agro Laodicensi, ubi Pyrites quædam plumbi mineræ similis effoditur; & in frustula tenuia disrumpitur: deinde crucibulis seu potius cucurbitis fictilibus grandioribus formæ quadratæ, & angustioris orificii imponitur. Hæc fictilia vasa in furna inclinata sic disponuntur, ut igne subtus accenso, mineræ pars sulphurea liquata e vasis fluat in aquam frigidam plumbeis receptaculis contentam, ubi statim concrecit. Quæ post Sulphuris separationem materia in crucibulo non liquata remanet, Vitrioli plurimum continet, quod eo, quem diximus modo, extrahitur. Sulphur e minera extractum, si nondum rite purgatum sit, funditur denuo in vasis ferreis, & adjecto olei lini aliquantulum, decoquitur. Deinde vel in massas grandiores coagulatur, & vulgo: *Soufre en masse*; vel in tubos ferreos oleo illius infunditur, ex quibus extractum baculorum formam retinet, & *Soufre en canons* vulgo dicitur.

Sulphur sic purgatum, Sulphur commune nuncupatur, quod adhuc duplex est; vel flavum, vel subviride. Ad medicum usum, & præsertim internum, flavum eligitur, aurei coloris, quod facile frangitur, & digitorum attritu, quasi crepitando friabile est: repudiatur quod sordide flavescit. Ad extractionem olei vel spiritus Sulphuris viride flavo antepositur, utpote majori salis vitriolici copiaurgens.

Sulphur commune igne liquefcit; flamma vel prunis ardentibus admotis, statim accenditur, & flammam tenuem ac cæruleam emittit cum subtilissimo halitu acido, quo nares feriuntur, & pulmones ad tussim provocantur. Vis electrica in eo deprehenditur: Sulphur ab acidis non dissolvitur; ab alcalibus vel salibus, aut ab oleis facillime resolvitur. Aperto aere accensum fere totum in auras exhalat, exigua admodum terræ metallicæ portione residua. Si vero vapor aere aperto e Sulphure dimanans, sedulo colligatur, in liquorem acidum spiritui Vitrioli æmulum dissolvit, nullo olei aut bituminis vestigio remanente. Si vero in vase clauso, in alambice v.g. sulphuris distillatio instituat, qui ex fundo vasis ad superiora evehitur sulphuris vapor, non in diversa principia resolvitur, sed sub fuliginis flavæ pulverulentæ forma concrecit, quæ flos sulphuris dicitur, ejus pristina forma nullo modo mutata. Cum igitur in vasis clausis sulphur in sua principia resolvit nequeat, difficilis hæ-

nus, & imperfecta fuerat: ejus analysi chymica, antequam a D. Homberg absoluta fuerit illius solutio, ejus methodum vir ille sagacissimus, ac peritissimus in actis Regiæ scientiarum Academiæ anni 1703. aperuit, & sic exposuit.

R. Flor. Sulphuris ℥iij. Olei Terebinthinæ ℔j. Digerantur simul in matratia in balneo arenæ per 8. dies, donec totum in Sulphur dissolutum fuerit, & liquor obscure rubicundus appareat. Solutio in loco frigido reponatur; vase refrigerato, Sulphuris tres circiter partes in crystallos citrinas concrelescent, quarta portione in liquore soluta remanente. Tinctura separetur a crystallis, quibus affundatur denuo Olei Terebinthinæ ℔j. Digerantur, & tinctura fecernantur, & Olei Terebinthinæ affusiones reiteretur donec flores Sulphuris prorsus dissoluti fuerint: Omnes tincturæ confundantur, & ex ampla retorta vitrea levi ignis calore distillantur. Olei Terebinthinæ pars maxima limpida prodibit, cum aliqua portione liquoris albicantis, & summe acidi. Cum vero guttæ liquoris ex retortæ collo stillantes rubræ apparebunt, mutetur excipulum, & ignis per gradus augeatur, donec nihil amplius stillet. Sub finem operationis prodit oleum crassum, & fuscum, cum aliqua adhuc portione liquoris albicantis, & acidi. Peracta distillatione, in retortæ fundo remanet caput mortuum seu terra nigra, rara, spongiosa, quasi foliacea, splendens, insipida, & in igne vehementissimo fixa. Oleum crassum rufum, & bituminosum in novam retortam vitream denno immittitur; & si quid sit adhuc Olei Terebinthinæ, & liquoris acidi albicantis, per distillationem lenissimo calore extrahatur. Cum vero guttæ rubræ prodire incipient, ignis removeatur, & materiæ bituminosæ in retorta supersititi affundatur spiritus vini rectificatissimus, qui postea levi ignis colore extrahatur admodum foetens. Novi spiritus affusus & distillatio iteretur, donec spiritus non amplius ingratus odore prodeat. Tunc in retortæ fundo remanebit materia bituminosa nigricans, odoris non injucundi, quæ pars est Sulphuris bituminosa, & inflammabili.

Observandum est, quamdam tantum hujus bituminosæ substantiæ portionem a spiritu vini dissolvi, remanente aliqua portione, quæ nec ab illo spiritu nec a lixiviis liquoribus dissolvitur, sed a solis plantarum oleis essentialibus stillatitijs. Hæc substantia fere indissolubilis alvum potenter subducit ad grana duo vel tria. Quæ vero in spiritu vini solubilis est, egregium pulmonum balsamum est.

Per hanc analysim tres substantiæ natura prorsus diversæ, ex Sulphure æquali circiter proportionem extrahuntur; acida una, bituminosa altera, tertia vero terrea, & fixa. Acidus liquor a spiritu Vitrioli non discrepat, & sale Tartari saturatus in crystallos Tartari vitriolati crystallis prorsus similes concrescit. Unde concludere licet, Sulphur commune constare ex æquali portione salis acidi vitriolici, olei bituminosi, & terræ subtilis. Quod adhuc probatur artificiali Sulphuris productione, tum ex nova conjunctione substantiarum e Sulphure elictarum, tum etiam ex mixtura substantiarum, quæ cum his substan-

stantis sunt prorsus analogæ. Si enim aqua acida, & albicans e Sulphure extracta, vel spiritus Sulphuris, vel oleum Vitrioli, cum bituminosa Sulphuris substantia, vel cum alio quocumque bitumine, oleo, vel pinguedine misceantur, & mediante sale Tartari distillentur, in retortæ fundo remanet massa salina, partim flava, partim rubra, ex qua Sulphur commune separari potest, Facilliori adhuc methodo Sulphur artificiale conficitur, si Vitriolum, sal fixum Vitrioli, Tartarum vitriolatum, sal mirabilis Glauberi, Alumen, aut alius quicumque sal vitriolicus in crucibulo fusus oleo quocumque stillato vel expresso e vegetabilibus, animalium pinguedine, bitumine minerali, vel etiam spiritu vini satietur; nam brevi post horum liquorum inflammabilium affusionem flamma cærulea apparet, & odor Sulphureus e crucibulo exhalatur. Si vero tunc temporis extracto crucibulo massa salina desumatur, & aqua solvatur, huic solutioni affuso accento distillato, liquor albescit ad instar lactis Sulphuris: & sensum in liquoris imo pulvis subsidet cinereus vel flavus, verum ac genuinum Sulphur.

Dioscorides scribit Sulphur prodesse tussibus, suspiriosis, purulenta extussientibus, in ovo sumptum vel fuffitum. Hippocrates usurpabat Sulphur ad affectus hystericos: *Ubi simul cum tussi*, (inquit Lib. 2. de morbis) *frangularint uteri, Sandarache oboli pondus, Sulphuris ignem non experti tantundem, & Amygdalas repurgatas tres vel quatuor commiscito, & ex vino odore exhibeto*. Et Lib. de natura mulierum: *In uteri frangulatione Sulphur in fuffitu exhibeto*.

Sulphuris usus internus apud Medicos hodie commendatur adversus morbos pulmonum, quorum Balsamum dicitur. Expectorationem enim promovet, pulmones expurgat & roborat: quare in phthysi, asthma, & catharro valde prodest. Præterea ab omni ævo ad cutaneos affectus tanquam efficacissimum remedium, comprobatum fuit. Scabiem enim, pforam, lichenes, tum intus exhibitum, tum extus adhibitum sanat. Externe applicatum tumores duros discutit, bubones maturat ac digerit. Gravidis tamen mulieribus medicamenta ex Sulphure parata non conveniunt, ne iis abortum inferant.

Sulphur intus sumptum alvum laxat, & insensibilem perspirationem promovet. Hæc Sulphuris per cutis poros transpiratio facile percipitur ex odore sulphureo quem exhalant corpora eorum, qui Sulphur intus sumperunt, & ex colore fusco vel nigro, quo inquinatur argenteum vel aurum quod gestant. Cum igitur Sulphur per totum corpus citissime diffundatur, partibus suis balsamicis sales acres quibus humores his in morbis coinquinantur, irretire valet, eorum acredinem demulcere, & humorem indolem benignam, mollem, & quasi oleosam restituere; quo fit, ut cutis & pulmonum alveuscula facillime sanentur.

Licet Sulphur purum exacte pulverizatum exhiberi possit, raro tamen absque præparatione præscribitur. Variæ Sulphuris purgationes ab auctoribus proponuntur. Alii Sulphur una cum cera liquefactum in aquam effundunt, cora innatant, & Sulphur subsidet, quod identidem repetunt, & Sulphur rubro tandem colore tinctum, magis defæcatum existimant. Alii Sulphur in aqua per aliquot horas decoquunt, aquam identidem mutando:

deinde in furno calenti ponunt, & ibi per duas horas relinquunt, ut quosdam fumos exhalet. Quod superest Sulphuris, ex flavo pallidum est, & ab iis purissimum existimatur. Alii Sulphuris lac, & magisteria faciunt, quæ Sulphure sincero longe præstantiora putant. Sed hæc Sulphuris præparationes, vel Sulphuris indolem ac virtutem destruant, vel saltem inutiles sunt. Omnium autem præstantior ejus præparatio est sublimatio, seu reductio in flores ab omnibus satis nota, qua nempe Sulphur a partibus metallicis, & terrestribus, si quæ sint, separatur.

R. Florum Sulph. ℥iij. Sacchar. rosati ℥j. Syr. Capillor. vener. q. f. Misce. Fiat opiata mollis, cujus ℥iij. vel iij. pro dosi mane jejuno ventriculo, & sero quinque horis post prandium, per longum tempus capiat æger ad scabiem, vel asthma persanandum.

R. Florum Sulph. ℥j. Sacchari albi ℥iv. aq. Rosar. q. f. Coque: & fiant secundam artem rotulæ seu tabellæ, in tussi, phrysi, & asthma identidem sumendæ longe a pastu.

R. Flor. Sulph. ℥ij. Misce in ovo sorbili, & voræ mane jejuno ventriculo. Eandem dosim sume horis vespertinis, corpus inungendo unguento sequenti ad scabiem.

R. Pulpæ radicum Lopathi acuti sive Sylvestris, & Enulæ campanæ ana ℥ij. Butyri recentis ℥iij. Flor. Sulph. ℥jss. M. F. unguentum ad scabiem.

Cum sal acidus acutissimus in Sulphure contineatur pectori admodum insensus, Chymici ad efficacius medicamentum pulmonare præparandum, acidum ejus salem demulcere aut irretire tentarunt in præparatione balsami Sulphuris, quod sic conficitur.

R. Floribus Sulphuris affundatur olei cujuscumque q. f. ad eminentiam 3. vel 4. digitorum. Digerantur in arena leni calore, quousque oleum rubro vel fusco colore tinctum sit. Liqueor refrigeratus a fœcibus separetur, & servetur ad usum.

Sic varia Sulphuris balsama præparantur, scilicet anizatum, fœniculatum, terebenthinatum, juniperizatum, succinatum, &c. pro variis oleis assumptis Dosis a guttis x. ad xxx. in asthma, tussi immodera, pulmonum ulcere, nephritide, & ulcere renum ac vesicæ. Ex hoc balsamo præparantur Pilulæ balsamicæ *Ricardi Morton*, quæ in scorbuticorum & scrofulosorum lenta phrysi (quæ quidem sunt frequentissimæ phryses,) ubi febris (si ulla est) est admodum mitis, & spiritum quandatenus glutinosum, asthmaticorum ritu, curationem non tantum in principio morbi, verum etiam in ejus progressu insigniter promovent.

R. Pulver. Milleped. ℥iij. Gumm. Amm. optime depurati ℥jss. Flor. Benzoin ℥ij. Extracti Croci, Balsm. Peruv. ana ℥ss. Balsam. Sulph. Terebinth. q. f. Misce. Fiant pilulæ deaurandæ, vel pulver. Glycyrrhizæ involvendæ. Dosis ad gr. xv. vel xx. ter in die horis medicis.

Verum omnibus Balsami Sulphuris præparationibus longe anteponendum est Balsamum Sulphuris *Hombertianum*, quod præparare solet celeberrimus ille Medicus, tincturam cum spiritu vini extrahendo ex bituminosa

Sul-

Sulphuris parte ab omni acida & terrea portione liberata, de qua mentionem fecimus in analysi Sulphuris. Hanc tincturam inspissat leni calore ad syrupi consistentiam: & est Balsamum Sulphuris genuinum, ac præstantissimum, non solum in pulmonum affectibus, sed etiam in omnibus morbis in quibus acres sanguinis sales nimis evecti æconomiam animale perturbant. Dosis, guttarum aliquot, cum syrupo convenienti, vel lambenda solum ex vola manus.

Chymici saltem Sulphuris acidum extrahunt a parte bituminosa prorsus expeditum sub liquoris forma: hunc spiritum Sulphuris dicunt. Inter plurimas illius extrahendi rationes, quæ a D. Homberg in actis R. S. Academiæ anni 1703. proponuntur, hæc cæteris præstat.

24. Sulphuris citrini vel subviridis lb. x. vel xij. Liquefiant in amplo crucibulo, vel in olla terrea satis capaci, donec sponte incendatur; deinde in vase fictili latiori, vulgo *une terrine*, supposito prius alio crucibulo inverso, accommodetur. Tandem amplum excipulum vitreum, vulgo *un balon*, cujus collum late resectum fuerit, ita ut apertura sit lex circiter digitorum lata, sic suspendatur ut suo orificio crucibuli Sulphuris pleni orificium recipiat. Sulphuris halitus acidus aeris humiditati consociatur, & ad internam excipuli vitrei superficiem in guttas colligitur, ac tandem stillat per orificii limbum in vas fictile suppositum: & est spiritus vel oleum Sulphuris.

Observandum est primo, crucibula duo in promptu esse debere, ut Sulphure in uno extincto, recens liquefactum & ardens in altero substitui possit. Secundo, crustam, qua superficies Sulphuris fusi superinducitur, detrahendam esse, ne flamma citius suffocetur. Tertio, majorem spiritus Sulphuris copiam tempore nebuloso, frigido & pluvio obtineri. Quarto denique hac operandi ratione, majorem spiritus copiam & breviori tempore quam cæteris omnibus obtineri; cum sæpe ex lbj. Sulphuris, ʒj. vel una cum semisse spiritus extrahatur.

Spiritus Sulphuris in febribus ardentibus, malignis & pestilentialibus prodest, sitim extinguit, humorum putredini resistit, sanguinis & bilis effervescentiam sedat, non totam sanguineam molem, ut cæteri acidi liquores minerales, coagulando, sed solas sulphureas partes irrequiendo. Nam ex Borelli observatione oleum Sulphuris in jugularem canis vivi venam injectum fuit ad drachmam unam aut alteram, salva ipsius vita; cum alter ab aquæ fortis, licet aqua temperata, ac debilitata infusione, miras convulsiones & spasmos passus, vehementissime se contorquendo, mortuus fuerit, in cujus venis & corde sanguis in grumos condensatus repertus fuit. Præterea spiritus Sulphuris crassos & viscidos humores incidit, & sæpe obstructions tollit; unde in asthmate commendatur. Phyticis tamen noxiis existimatur; cum, sicut alii acidi liquores, tussim excitet. Dosis ejus est guttarum aliquot ad gratam aciditatem in quovis liquore convenienti. Febres intermittentes sæpius curantur, potione sequente sumpta, ineunte paroxismo, statim atque horror incipit.

25. Aq. stillatitiæ Chamæmeli ʒvj. syr. Caryophyllor. hortens. ʒj. spiritus Sulphur. ʒj. vel q. s. ad gratam aciditatem. Misce. Fiac. *Geoffroy Tom. I.* *G 3* *julap.*

julap. ineunte paroxismo sumendum, & iterandum initio omnium paroxysmorum, donec febris prorsus extincta fuerit.

Spiritus Sulphuris, aut solus, aut cum melle rosaceo aphthas similes cito sanat, si gossypium aut ex linteo penicillum hoc spiritu imbibitum, ulceri leviter & frequenter admoveatur, modo nulla sit inflammatio.

De spiritu Sulphuris observat Riverius in febribus putridis præstantissimum esse illius usum, & in eo insignem agnoscit vim refrigerandi, aperiendi, putredini resistendi, inflammabilitatem humorum prohibendi, & sitim sedandi; attamen in pleuritide, peripneumonia¹⁾, hæmoptoe, phthisi, cæterisque pulmonis affectibus, (nisi a crassa pituita vasa illius obstruente ortum habeant) ventriculi inflammatione, dysenteria, cruento mictu, renum & vesicæ ulceribus plurimum nocere, & ab eo abstinendum esse.

Sulphur commune usurpatur in emplastro ad gangliâ. *D. Charar*, in cerato diasulphur. *Ejusdem*, in compositione Magnetis arsenicalis, & pulver. Æthiopis mineralis. Usurpatur quoque ad compositionem pulveris pyrii, & pulveris tonitruantis Chymicorum.

CAPUT QUARTUM.

De Succis Arsenicalibus.

Sulphuri finitimæ sunt arsenicales substantiæ, quæ quidem cum metallis quamdam etiam habent affinitatem. Cum sulphure in eo conveniunt, quod oleis dissolvantur, quod ignem concipiant & inflammentur; quod odorem, dum incendantur, emittant sulphureum, sed graviolem, & ad Allii odorem accedentem; & sæpe nocivum; quod in fumum tenue, aut, ut Chymici vocant, in florém volatilem, ab ignis calore ex toto eleventur, nihil aut perparum metallicæ portionis remanente. De metallis vero, vel potius de Mercurio participant, cum splendorem metallicum habeant vel facile recipiant, nonnihil metallici post sui evaporationem sæpius relinquunt, & ab earum halitibus cuprum, sicut ex halitibus mercurialibus, dealbetur.

Vox Arsenici ab antiquis latius sumitur, a neotericis vero strictius. Dioscorides Arsenici nomen duplici substantiæ tribuit; uni, quæ nostrum est Auripigmentum vel Arsenicum citrinum; alteri, quæ Arsenicum rubrum erat ad Sandaracham accedens, quæ nunc nobis ignota est. Præterea Sandaracham ab illis Arsenici speciebus distinguit, licet finitimam, nec ab iis nisi colore saturato rubro rutilante, aut Cinnabarino discrepantem.

Arabes duas tantum Arsenici species agnoscunt; Arsenicum nempe luteum, quod *Zarnich asfar* dixerunt, & idem est, ac nostrum Auripigmentum; & Arsenicum rubrum, *Zarnich abmer*, cui etiam nomen *Realgar* indi-

indiderunt, quod Toxicum significat. Verum Arsenicum rubrum Dioſcoridis cum Sandarachâ ejusdem confuderunt.

Obſervandum eſt autem magnum eſſe diſcrimen inter Sandaracham Græcorum & Sandaracham Arabum. Græci enim per Sandaracham intelligunt ſubſtantiam arſenicalem & venenofam, de qua nunc agitur.

Apud Arabes vero Sandarachâ eſt gummi juniperinum, quod etiam Vernicem vulgo vocant: ad quod quidem diligenter advertendum in medicamentorum compoſitione.

Recentiores Arſenici nomen ſtriſte ſumentes, ſolo Arſenico albo factitio & veteribus ignoto, conceſſerunt, & Arſenico Græcorum Auripigmenti nomen a Latinis impertitum reliquerunt: nonnunquam etiam *Realgar* dixere, modo Arſenicum album, modo Arſenicum rubrum, quod & Sandaracham quoque vocaverunt.

Nos vero Arſenicalium Succorum tres claſſes conſtituemus, Auripigmentum nempe, *Realgar*, & Arſenicum proprie dictum.

ARTICULUS PRIMUS.

De Auripigmento.

Auripigmentum Off. *Αρσενικόν* Dioſcoridis: *Αρρίπριν* & *αρρίπριν* Galeni: Narneth *Serapionis*: Zarnich asfar Arabum: Gallice *Orpiment*, vel *Orpin*. Eſt ſuccus Arſenicalis in glebas compactus, conſtans ex tenuibus ſquamis vel foliis, Lapidis ſpecularis inſtar, quæ facile a ſe invicem diducuntur.

Tres ſunt ejus ſpecies; una colore aureo micat; altera colore rubro donatur, aut Cinnabarino, cum citrino permixto; tertia ſubviridis eſt, lutea, gleboſa, & terræ permixta, quæ vilior cenſetur. Hæ ſpecies in auri, argenti, & cupri venis reperiuntur. Quid ſit Auripigmentum alterum Dioſcoridis, balanoides pallidum, colore Sandaracham imitans, & gleboſum, ignoramus.

Auripigmentum ſaporis eſt acris, in oleo diſſolvitur, igne accenditur & flammam emittit tenuem cum fumo copioſo, odorem exhalat ſulphureum ad Allii odorem accedentem. Ignis calore in fumos effunditur uberimos, qui, ſi colligantur, in flores concreſcunt flavſcentes ſulphuris inſtar; & in fundo remanet maſſa fuſa rubra vel ſanguineo colore tinſta, quæ frigefacta concreſcit in regulum denſum, ac ſolidum Cinnabari ſimilem: Auripigmentum rubrum vel *Realgar* a quibuſdam dicitur. Tandem ſi in vaſe ſublimatorio diutius ſuper ignem detineatur, tota maſſa ad ſuperiorem vaſis partem elevatur, ibique concreſcit in ſubſtantiam pellucidam, rubram, elegantem, rubinorum ad inſtar, nonnihil terræ metallicæ in fundo vaſis remanente. Halitus, qui ex hoc regulo ultimo erumpunt, cuprum dealbatur, & fragile ſit.

Auripigmentum igitur ex eiſdem conſtat principiis, ac ſulphur vulgare, quibus inſuper admixtæ ſunt quædam mercuriales particulæ: vel compoſitur ex ſale acido partibus mercurialibus & bituminofa ſubſtantia implicito. Corroſivum eſt, ob acida ſpicula mercurialibus particulis admixta: minus tamen corrodit quam Mercurius ſublimateſ corroſivus, ob bituminofam

nosam substantiam. Minus inflammabile est quam sulphur vulgare, ob mercuriales particulas quæ acidorum in sulphura vim & energiam imminuunt.

Auripigmentum vi donatur erodente, & eam ob rem inter toxica merito annumeratur. Externe ab antiquis Medicis ad carnem superfluam consumendam frequenter adhibebatur, nunc vero rarissime; cum ars Chymica alia cathartica medicamenta præstantiora suppeditet. A Barbitonforibus solummodo adhiberi solet in psilothris cum calce viva ad cutim pilis denudandam. Verum si diutius cuti adhæserit, eam erodit.

A Medicis quibusdam in phthisi, in purulenta exspitione, in asthma commendatur Auripigmentum in substantia, vel ejus fumus ore exceptus. Quin etiam apud Sineses inter purgantia medicamenta adscribitur; sed minus tutum hujus medicamenti usum censemus. Nam venenum est potentissimum, nervis prorsus infestum, quod intus sumptum horrenda inducit symptomata, spasmos, manuum, ac pedum stupores & contractiones, sudores frigidos, cordis palitationes, animi deliquia, sitim & æstus internum, vomitiones, ventris tormina, corrosiones, ac immanes dolores, pro varia hujusce toxici dosi; quæ quidem symptomata mors brevi sequitur. In defunctorum ex hoc veneno cadaveribus, gula, ventriculus, intestina variis in locis inflammata, necnon erosa & perforata deprehenduntur.

Auripigmenti, sicut & cæterarum arsenicalium substantiarum remedia sunt quæcumque horum corrosivorum venenarum acredinem retundere valent; qualia sunt lac & oleum assatim epota, jura pinguis, succus Ibiſci, Malvæ, decoctum seminum Psyllii, Lini, radicum Bismalvæ, & cætera hujuscemodi.

Auripigmentum aut Arsenicum collo appetitum, ad instar amuleri, noxium esse, ut quidam existimant, non credimus; nec quoque tantæ esse virtutis & energię, ut pestem & pestilentiales morbos avertere possit, arbitramur.

Ex lixivio Auripigmenti & Calcis vivæ fit atramentum sympathicum dictum, cujus odore solo litteræ cum aceto Saturni exarantur, statim conspicuæ sunt.

Colorem aureum ex eo mutuatur Pictores, unde nomen accepit.

ARTICULUS SECUNDUS.

De Realgar.

Realgar, & Risagallum Officinar. *Σαρδαπύχη* Græcorum: Realgar & Reſegal Arabum: Zarnich ahmer Eorundem: Gallicè *Orpiment rouge* vel *Realgal*. Est succus arsenicalis ejusdem naturæ cum Auripigmento, a quo nonnisi colore differt. Duplex est, nativus & factitiuus.

Nativus cum Auripigmento e fodinis metallicis eruitur, colore Cinnabario, Sulphuris & Allii simul odorem, dum comburitur, spirans, & in glebas densas, friabiles tamen, compactus.

Factitiuus vero fit ex Auripigmento in vasis sublimatoriis per aliquod tempus fuso & cocto: flores enim flavi in superiorem vasorum partem ele-

vantur, & in fundo remanet massa, quæ frigore densata rubra est Cinnabaris instar, & Realgar dicitur. Si diutius aëri libero exponatur, salina efflorescentia obtegatur. Non confundendum est Realgar cum Arsenico rubro factitio, de quo capite sequenti mentionem faciemus.

Realgar ad nos ex Sinarum imperio advehitur sub diversis figuris, modo paterarum, modo homuncionum, quos *Pagodi* dicunt; quæ quidem figuræ non sculptiles, sed fusiles mihi videntur.

Realgar non minus venenosum est, quam Auripigmentum. Ex Dioscoride Sandaracha vim habet septicam, & erodentem. Mirum tamen quod eam commendet, non solum in suffitu ad veterem tussim, sed etiam in substantia intus sumptam asthmaticis cum resina in catapoptio; ad raucedinem, cum melle linctam; cum mulso iis qui purulenta sputa rejiciunt. Ipse Hippocrates, *libro secundo de morbis*, in uteri suffocatione cum tussi eam proponit. „ Sandarachæ oboli pondus, „ Sulphuris ignem non experti tantumdem, & Amygdalas repur- „ gatas tres vel quatuor commisceto, & ex vino odore exhibeto. „ Quæ quidem Sandarachæ dosis magna est, cum duodecim granorum pondus æquet. Præterea Indiæ populi aquam vel vinum in arsenicalibus pateris infusum ad ægritudines quamplurimas exhibere solent tanquam præstantissimum remedium, quod quidem nobis valde nocivum experientia compertum est. Fatendum est igitur aliâ esse populorum calidioribus in regionibus degentium corpora, alia nostra. Cum enim uberima sit illis in regionibus corporum perspiratio, partium corporis fibræ magis exsiccantur, & ineptiores sunt ad motum; quapropter nonnisi vehementissimâ irritatione ad contractiones sollicitantur: deinde qui intra corpus coacervantur humores, fluidiori eorum portione per cutis poros exhalata, crassiores sunt ac tenaciores, adeo ut nonnisi medicamentis valentioribus, & summa acredine præditis incidi possint, & attenuari. Eas ob causas, quæ nobis præsentanea sunt venena, ipsis salutares sunt medicinæ: & purgantia medicamenta quæ apud nos usurpari solent, apud eos irrita sunt, & inefficacia, nisi dosi dupla vel tripla exhibeantur: quod quidem a Medicis quamplurimis huc usque observatum fuit.

His igitur in regionibus hujuscemodi remedia intus sumpta reformidanda sunt. Fateor illa variis modis præparari, corrigi, & temperari posse; sed quocumque modo corrigantur, sua deleteria qualitate non adeo spoliantur, ut in debilioribus viscerum constitutionibus nonnunquam gravissime noceant. Ab iis igitur abstinere sapientius est.

Nec externus quoque eorum usus multo tutior quibuscumque Medicis videtur. Observat enim Fernelius, *libro sexto de Metodo medendi*, cap. 18. *De septicis Medicamentis*, arsenicalia majori copia mammæ cancro adhibita mulierem sex diebus subtilisse. „ Hori- „ ris, inquit, circiter tribus ab insperfo pulvere vehementi rigore „ concussa, vomitione mox tentari cœpit, & crebris animi defe- „ ctionibus corripî, cum pulsu languido: quæ dein sensim aucta „ symptomata, oborto extremarum partium frigore, & facie, reli- „ quoque corpore supra modum intumescente, misere illam jugula- „ runt,

Quo-

Quocirca Fernelius hæc medicamenta nonnisi repressa præparationibus, parva copia, & in parte quæ a principibus procul abest, ulli ulceri adhibenda esse putat. Cum ea tamen a plurimis peritissimis Medicis in ulcerum cacoethum, phagædenum, & carcinomatum curatione, summa vi & efficacia prædita censeantur; hanc Realgar præparationem, & correctionem ab Helmontio propositam, & postea a clariss. viro D. Alliot S. Lotharingæ Ducis Archiatro promulgatam, & multoties feliciter adhibitam exponemus.

Realgar tenuissime tritum indatur in matracium vitreum. Huic affundatur lixivii fortis ex Nitro, & Tartaro præparati q. l. ut liquor transverforum quatuor digitorum altitudine pulverem superemineat. Digerantur simul in balneo arenæ per 24. horas, identidem agitando. Deinde tinctura sensim effundatur, & servetur. Novum lixivium pulveri residuo affundatur, digeratur, & a massa residua secernatur: quod toties reiterandum est, donec Realgar fere totum dissolutum fuerit; (nam quædam portio metallica indissolubilis remanet.) Liquores omnes tincti, confundantur, & per chartam bibulam transcolentur. His acetum Saturni sensim, & per vices infilletur, donec nihil amplius ex liquore secernatur, & præcipitetur. Liquore limpido, & præcipitato pulvere per lentam vasorum inclinationem detracto, pulvis multoties abluatur aqua calida, donec fere insipida deprehendatur. Supra pulverem residuum probe siccatum spiritus vini rectificatus comburatur, & ultima tandem fiat calcinatio cum tinctura opii in spiritu vini. Servetur pulvis ad usum. Mite admodum est escharroticum, & adversus carcinomata efficacissimum.

ARTICULUS TERTIUS.

De Arsenico proprie dicto.

ARSENICUM proprie dictum est substantia, quæ ex quadam Saxoniæ, & Bohemiæ minera, quam Cobaltum vocant, extrahitur. Triplex est Arsenicum, nempe crystallinum, flavum, & rubrum. At vero, cum hæc Arsenici origo, & ejus conficiendi modus paucis adhuc nota sint; non alienum esse videtur, quid sit Cobaltum, quam ratione Arsenicum, & cæteræ substantiæ quæ cum Arsenico in hac minera deli-rescunt, ex ea eliciantur, & quænam sint Arsenici arte facti species, hic loci exponere.

COBALTUM *Germanic. Officinar.* Cadmia metallica *Agricole*: forte Lapis æreus *Plinii*: Germanice *Cobolt*. Est corpus fossile, ponderosum, durum, colore fere nigrum, Antimonio vel quibusdam Pyritis haud ab simile; odorem sulphureum, graveolentem, dum inter carbones accenditur, exhalans; sæpius æris, nonnunquam argenti particeps.

In Saxonia haud procul Goslaria, & in Schnabergis fodinis, in Bohemia in vallis Joachimicæ mineris, & apud Anglos in montibus Mendipensibus copiose effoditur. Vi erodente tanta pollet, ut sæpe nudas fossorum manus, & pedes exceret. Omni animantium generi venenum esse letale.

Ex Cobalto Arsenicum crystallinum, flavum, & rubrum, extrahuntur.

Ex eo quoque conficiuntur Zaffera , quæ figulis ad figulina vasa cœruleo colore pingenda interservit ; & Encaustum cœruleum , quod Smaltum vocant , Gallice *Email bleu* ; quodque pictoribus & mulieribus nostris ad linteamina cum amylo præparanda , usitatissimum est . Horum conficiendorum ratio a Kunkelio , *Tractatu de arte vitraria* , sic exponitur .

Cobaltum in calcinatorio reverberii furno huic usui destinato ita disponitur , ut flamma mineram lambere queat , & accendere . Ex minera accensa flamma cœrulea emergit , cum fumo albo copioso , qui camini testudine excipitur , & in latum , ac amplum fumiductum , ligneis tabulis coagmentatum , & ulnarum centum & amplius longum transmittitur , per cujus extremum tandem foras amandatur . Hujusce fumi pars maxima ductus parietibus sub albæ fuliginis specie adhæret : & singulo semestri operarii fumiductum ingressi , cum scopis converrunt , & fuliginem colligunt ; ex qua postea Arsenicum crystallinum , luteum ; & rubrum conficiunt .

Arsenicum crystallinum fit ex sola fuligine , quæ in vasis ferreis sublimatur , modo in substantiam crystallinam & pellucidam , modo in substantiam albam , opacam , sed nitentem , Encausti albi instar , nonnunquam etiam venis pallide rubris & alis crystallinis distinctam , pro vario ignis gradu .

Arsenicum luteum fit ex eadem fuligine arsenicali cum sulphure vulgari sublimata , ita ut cum fuliginis libris centum , sulphuris vulgaris decem libris miscantur . In massulas concrefcit luteas , sulphuris instar , densas , nitentes , non prorsus opacas , fragiles , non vero friabiles . Ab Auripigmento facile distinguitur , quod hoc in massulas aureas , nitentes , scissiles , Talci instar , facile friabiles compactum fit . Præterea Auripigmentum super prunas candentes accenditur , & flammam concipit ; non item Arsenicum luteum .

Arsenicum rubrum fit ex eadem sulphuris & fuliginis mixtura , quæ cum exigua cujusdam mineralis cupræi , quod cupri spuma dicitur , portione una sublimatur . In massas Cinnabario colore , densas , nitentes , seopacas , compingitur .

Cobaltum tostum , ex quo fuligo arsenicalis exhalata est , teritur & rursus calcinatur : contunditur iterum & calcinatur ; quod toties reiteratur , donec perfecte calcinatum fuerit . Tunc in tenuissimum pulverem redactum cum duplo vel triplo silicium alborum tenuissime pulveratorum admiscetur , & aqua paululum humectatum in dolii coacervatur , in quibus intra breve temporis spatium in molem densam indurefcit , & *Zaffera* dicitur . Ea utuntur figuli , vitrarii , & encaustæ .

Ex Cobalti calcinati partibus duabus , cinerum clavellatorum parte una , & atenæ partibus tribus vel quatuor , simul fusis , massa producit vitrea , opaca , obscure cœrulea , quæ molarum ope in tenuissimum pollen cœruleum redigitur . Smaltum dicitur vel Encaustum cœruleum : pictoribus interservit , & mulieribus ad linteamina cum amylo præparanda .

Et hæ sunt Cobalti varæ præparandi rationes .

Arsenicum constat ex sale acido , substantia quadam mercuriali vel mecal-

callica, & exigua sulphuris portione. Sal acidus sapore corrosivo satis evincitur, & quod ejus portio aqua solvatur. Substantia metallica in Arsenico soluta, & recondita, manifesta fit, si smegma, sebum, oleum, aut quodcumque pingue Arsenico misceatur, & per retortam distilletur. Arsenicum, urgente igne in collum retortæ, Antimonii instar sublimabitur metallica forma indutum. Sulphurea portio adeo exigua est, ut super candentibus prunis non inflammetur, licet Cobaltum multum sulphuris contineat; sed in ejus desflagratione, & calcinatione sulphur a partibus arsenicalibus segregatum fuit, & in auras fere totum evanuit. Solo tantum odore aliquid sulphuris in Arsenico inesse conjicitur.

Arsenicum summe volatile est, ita ut hujus mineralis frustulum in crucibulo prunis imposito, in fumum album promptissime resolvatur, nihil prorsus remanente. Cum cupro fufum vel stratificatum, & cœmentatum, illud argenteo colore tingit, illud quoque minus ductile efficit; unde hæc tinctura, quæ cœteroquin fugax est, inutilis fit.

Arsenicum potentissime corrodit, & inter valentiora toxica recensetur. Inrus sumptum variâ suscitât symptomata, tum cœteris corrosivis venenis communia, ut anxietates circa præcordia, lypothymiam, cordis palpitationem, virium summam ac præcipitem dejectionem, mentis stuporem, & delirium, convulsivos membrorum motus, paralysem, ardorem, & erosionem faucium, sitim, febrem, vomitum, ventris tormina, sudores frigidos, tum huic veneno peculiaria, ut ventriculi non tam insignem erosionem, quam extenuationem quamdam; ita ut ejus membranæ folium Papaveris crassitie vix superare pluribus in locis videantur, licet intestina tenuia, erosa, & perforata reperiantur: subitam corporis intumesceniam, & sphacelationem, & post mortem repentinam putredinem, præsertim in virorum genitalibus. Si vero mors non derepente subsequatur, oriuntur febres hecticæ, tabes, membrorum resolutio, tremor, nonnunquam mentis alienatio.

Quidam crystallum montanam pulveratam, & in alcohol redactam tanquam specificum Arsenici antidorum commendant; sed tutior mihi videtur larga, & frequens lactis, olei, & jurum pinguium potatio, dum venenum in primis viis adhuc continetur: si vero jam intra vasa irrepserit, tunc theriaca, orvietanum, lapis Bezoardicus, pulvis viperarum, radix Contrayervæ, cœtera medicamenta alexiteria, & corroborantia, ac tandem dicta lactea adhibenda sunt.


Licet Arsenicum præsentaneum sit hominum, & brutorum deleterium, a quibusdam tamen prædicatur ad febres intermittentes fugandas; sed quocumque modo præparetur, virtus ejus nociva minuitur tantum, non vero prorsus extinguitur: ex præsentaneo remedio lentum fit toxicum, cujus usum funesta fere semper symptomata subsequuntur. Arsenicum igitur pharmacum ipsa febre intermittente pejus censemus.

Ex tot decantatis Arsenici præparationibus, quæ apud auctores reperiuntur, unicam tantum utilem agnoscimus, quam ad externum usum hic proponimus: Magnes arsenicalis dicitur.

℞. Antimonii crudi, Sulphuris flavi, & Arsenici crystallini ana ℥ij. Pulvera-

verata & mixta omnia cucurbitula vitrea excipiantur, & igne arenæ moderato colliqueſcant, Picis inſtar : tunc igne ſemoto refrigerata, in maſſam obſcure rubram concreſcunt. Servatur ad uſum.

Externe tantum adhibetur hoc medicamentum; cauſticum eſt mite. Virus e centro ad circumferentiam attrahendi, inſtar Magnetis, & maturandi virtute præditum exiſtimatur. Bubonibus venereis cum emplaſtro Diachylo magno adhibetur. Uſurpatur in emplaſtro magnetico *Angeli Sale*, & commendatur ad bubones peſtilentiales maturandos & rumpendos; virus peſtilentiale ex imo attrahere creditur. Ad ſcrophulas etiam plurimum valet, eas aperit, mundiſcat, & conſolidat, nullo alio adhibito unguento.



SECTIO SEXTA.

De Fossilibus Metallicis.

FOssilium Metallicorum nomine intelligimus corpora mineralia, quæ magnam habent cum veris metallis affinitatem. Ab iis tamen in eo diſcrepant, quod nec ductilia ſint, nec malleabilia, ſed frangibilia, friabilia aut fluida.

Horum quædam aliquam veri metalli portionem continent, ut *Hæmatites*, *Smyris*, *Magnes*, *Manganefia*, *Lapis Calaminaris*, quæ ferri mineræ ſunt, *Chalcitis* in qua nonnihil cupri reconditum creditur. Quædam tandem foſſilia metallica nullum ad metallum referri poſſunt, ſed mineralia peculiaris naturæ ac indolis eſſe videntur, & metalla ſpuria aut ſemi-metalla a quibuſdam nuncupantur, ut *Stibium*, *Biſmuthum* ſeu *Marchaſita*, *Zinnum*, & liquor metallicus qui a colore *Hydrargyrum* & *Argentum vivum* nuncupatur. Erit itaque

CAPUT PRIMUM.

De Fossilibus Metallicis, quæ veri metalli partem aliquam continent.

ARTICULUS PRIMUS.

De Hamatite.

LApis *Hæmatites Offic.* *λίθος αιμαίντης* *Græcorum*; *Scedenegi* & *Sadene-gi* *Arabum*; Gallice, *Pierre Hematite*. Subſtantia eſt metallica, ferruginea, dura, ponderoſa, gleboſa, colore obſcure rubente, modo ferruginoſo & nigrante, modo flavelcente; ſapore terreo adſtringente, quæ fracta fibras inſtar ligni longas, tenues, & acuum modum acutas habet.

A Græ-

A Græcis Hæmatites dictus fuit, vel quod sanguinei coloris sit, vel quod attritus cotibus aquariis succum fundat sanguineum, vel quod vi sanguinis sistendi polleat.

Plinius ex Soraco quinque illius genera enumerat ratione regionum et quibus afferuntur, coloris vel duritiei inter se diversa. Nonnulli exteriori forma Hæmatitarum genera distinguunt. Modo enim hujus lapidis gleba superficiem habet angulosam sicut in Hispanico observatur; modo uvarum in modum concreta videtur, unde Hæmatites Borryites nuncupatur, qualis in Hercynia Germaniæ sylva effoditur; nonnumquam intestinorum diversimode contortorum circumvolutiones, vel cerebri detecti exteriorum formam refert, cujus figura ab Aldrovando & Ferrante Imperato eleganter adumbratur.

In ferri fodinis, sæpius autem in propriis mineris Hæmatites invenitur. In quocumque autem loco nascatur, ibidem quoque saxa rubra & terra ejusdem coloris observantur. Natales quoque loci Magnetis Hæmatitem habent, & inter hos duos lapides maxima est affinitas, quippe qui ambo inter ferri mineras recenseantur. Frequentes sunt hujus lapidis fodinæ in Germania, nonnullæ in agro Brixienti & in Ilya insula, necnon in Gallæcia Hispaniæ provincia prope Compostellam. Hispanus præ cæteris commendatur. Optimus habetur qui per se durus est, æqualis, nulla sorte admixta, nullis venis intermediis.

Nec pro Hæmatite indiscriminatum usurpandus est lapis Hæmatitæ speciem colore referens, sed mollior, quo pictores & lignarii fabri utuntur, quique a quibusdam Hæmatites perperam dicitur; sed rectius Rubrica fabrilis, Galice *Sanguine*, nuncupatur.

Hæmatites ferri quædam minera est, ex qua ferrum excoqui potest. In valle Joachimica Regni Bohemiæ hujus lapidis fodinæ sunt adeo divites, ut ex eo optimum ferrum conficiant, referente Agricola. Hæmatites ab acidis sicut ferrum dissolvitur, & acido vitriolico in Vitriolum viride seu martiale convertitur. Si solarium radiorum foco supra carbones exponatur, citissime in ferrum convertitur.

Dioscorides & Galenus Hæmatitem ad oculorum cicatrices & palpebrarum scabrities, seu asperitates quas *πρηχματὰ* vocant, cote tritum cum aqua simplici, vel Fœnugræci decocto aut ovi albumine commendant: eo quoque lacte mulieri diluto ad oculorum suffusiones utebantur.

Ab omni ævi Medicis Hæmatites tenuissime tritus a ℥j. ad ℥iij. in quovis vehiculo conveniente frequenter nec infelici successu usurpatus fuit in hæmorrhagiis quibuscumque, in cruenta exspuitione & in ulcere pulmonum: ulcus enim exsiccatur & sanat. Præterea in albo mulierum fluore, in alvi fluxibus, necnon in cachexia & menstruorum suppressione tantum habet virtutis & efficacitatis, quantum in Croco Martis aperiente deprehenditur.

Nec spernendæ sunt præparationes, quas Chymici ex lapide Hæmatite conficere solent, quales sunt ejus flores ammoniacales, spiritus urinosus, tinctura aperiens, liquor stypticus, spiritus acidus & crocus, quorum hæc est conficiendorum ratio.

R. Lapid. Hæmatitæ subtilissime triti ℥ij. Salis ammon. pulverati ℥ij. Exacte misceantur: committantur cucurbitæ fictili, cui alambix vi-
reus

treus cum excipulo adaptetur; & instituatursublimatio igne nudo, successive gradus augendo. Sic ascendit primo spiritus ammoniacalis nonnulla flavedine tinctus; hunc subsequuntur flores citrini, deinde crocei. Tunc massa in cucurbita residua in retortam transfusa igne vehementi distilletur, & spiritus acidus spiritui acido salis non dissimilis prodibit.

Quod in retorta superest, aeri humido exponatur; & resolvetur in liquorem stypticum præstantissimum, aurei coloris. Tandem residuum forti igne reverberii calcinetur, & obtinebitur Crocus Hæmatitæ iisdem donatus virtutibus, quas Crocus Martis adstringens possidet.

Ex floribus croceis supradictis, ope spiritus vini extrahitur tinctura elegans aurei coloris, quam Chymiatorum nonnulli auri tincturæ longe anteponunt, & idcirco Elixir arboris vitæ dixerunt.

Spiritus volatilis ammoniacalis ex Hæmatite extractus, eandem cum salis ammoniaci spiritu volatili vires obtinet; præterea ob admixtas martiales particulas ad obstructions resolvendas magis convenit.

Flores quoque citrinum, & croceum colorem a tenuioribus, & magis volatilibus Hæmatitæ particulis martialibus, ope salis ammoniaci elevatis, mutuuntur. Crocei utpote majori harumce particularum copia referti, citrinis præferuntur: odorem suaveolentem exhalant, qualem Crocus emittit; unde a Paracelso *Arioph* nuncupantur, hoc est Aroma Philosophorum. Potenter obstructions resolvunt, humores crassos ac viscidos non tantum incidunt, sed sæpius per secessum aut per urinæ vias educunt. Dosis a gran. iij. ad ℥j. quandoque, si majori dosi exhibeantur, vomitum excitant. In mensum suppressione, in cachexiis & viscerum obstructionibus, & in febribus contumacibus, & quartanis, felici cum successu præscribuntur. Floribus martialibus præstantiores a quibusdam existimantur, ex eo quod in hac martis minera metallicæ partes rariores sint, earumque principia minus stricte coalescant, quam in ipso ferro; unde facilius a sale ammoniaco resolvuntur.

℞. Flor. Hæmatitæ gr. xij. Croci & Myrrhæ ana gr. xv. cum q. f. Extracti abstinthii. Fiat bolus mane devorandus ad suppressa menstrua provocanda.

℞. Rad. Ari, Agarici albi ana ℥j. Gum. Ammon. ℥ss. Flor. Hæmatitæ ℥j. Extracti Aloes, Cinnamomi, Croci ana ℥ij. Syr. Fumar. q. f. M. Fiat opiata, cujus dosis a ℥j. ad ℥j. in viscerum obstructionibus, ictero, schirro, hydrope, & cæteris affectibus cachecticis.

℞. Corticis Peruv. ℥j. Flor. Hæmatitæ ℥j. Syr. de Abstinthio q. f. ad opiata mollis consistentiam, cujus dosis ad ℥j. quarta quaque hora reiteranda est in febribus quartanis & intermittentibus contumacibus.

In florum locum substitui potest eorum tinctura cum spiritu vini parata, quæ iisdem viribus pollet: insuper in hæmorrhagiis quibuscumque tutius exhibetur. A gutt. x. ad xxx. in vehiculo convenienti præscribitur.

Liquor stypticus post distillationem e massa residua per deliquium elicitor

tur. Summæ est efficaciæ ad hæmorrhagias quascunque fistendas, tum externe, tum interne exhibitus, a gurt. v. ad xx.

Quin etiam fluorem album, gonorrhæas, & alvi fluxus cruentos & non cruentos, præmissis præmittendis, sanat.

Tandem quidquid a Croco Martis adstringente efficitur, illud idem a capite mortuo Hæmatitæ calcinato obtinetur.

Hæmatites usurpatur in pulvere dysenterico *D. Charas*, pulvere contra hæmorrhagiam, emplastro ad herniam, & emplastro Styptico *Ejusdem*.

ARTICULUS SECUNDUS.

De Smyride, Magnete, Magnesia, &

Lapide Petracorio.

Smyris & Smerillus *Officinar.* *Σμύρις Dioscoridis Smergium Serapionistæ Sambadegi Arabum*: Gallice, *Emeril*. Substantia est metallica, ferruginea, ponderosa, colore ad nigredinem tendente, adeo dura, ut eæ gemmarum ad gemmas scalpandas, & fabri ferrarii ad ferrea chalybeataque opera expolienda utantur.

Triplex est Smyris, vulgaris netape qui nigricans & valde usitatus, in mineris ferreis sæpius foditur; in Britannicæ insulæ Sarnia, vulgo *Garnesey* dicta, uberrime provenit, necnon in alva Hætruricæ insulæ reperitur. Alter durus est, æqualis, subruber, Hæmatitem vel Rubricam colore referens, licet manus non inficiat: unde a nonnullis inter Hæmatitæ genera recensetur. Tertius vero ex rubro nigricans & venulis aureis distinctus, in mineris aureis Peruvianis colligitur, & revera nonnihil auri continet. Chymici auri mineram esse, vel potius aurum imperfectum & immaturum opinantur; quapropter hunc lapidem multi faciunt. Ex eo, spiritus salis ope, tincturam extrahunt, qua Mercurium quasi in instanti figunt, huncque fixatum Mercurium Præcipitati miraculosi nomine insignant; quod eo mediante, Chrysopæjam obtineri posse sibi animo fingant.

Smyris a Dioscoride & Galeno ad dentifricium commendatur, sed dentes minis erodit ac sensum deterit. Nullus nunc est usus in Medicina.

Magnes *Offic.* *Ἡρακλείας λίθος & Ἡρακλείων λίθος*, lapis Heracleæ ab Heracleæ Lydiæ urbe dicitur; *Λυδία λίθος*, lapis Lydius a Lydia provincia, in qua effodiebatur; *Μαγνήτης λίθος & Μαγνήσιος λίθος*, lapis Magneticus a Magnesia ejusdem Lydiæ urbe; *Σιδερίτης*, ex eo quod ferrum trahat: Magnathis *Avicenna* & Calamita *Rhassis*, & *Itaforum*: Gallice *Aiman*. Est substantia fossilis, ferruginea, densa, nigricans, subcærulea, aut subrufa, ferrum aut alium Magnetem ad se trahens vel rejiciens, quæque, si libere moveri possit, polos suos ad mundi cardines dirigit.

Magnes lapis ferrum trahens, a Magnete Theophrasti distinguendus est. *Μαγνήτης* enim Theophrasti argentum colore & nitore mentiebatur; minime durus erat, sed facile in vascula tornabatur, nec ferrum trahebat. Sic dictus quoque fuit a Magnesia patria. Nec etiam Magnes qui, ut jam diximus, la-

pis

pis Lydius dictus fuit, indiscriminatim usurpandus est pro illo Lydio lapide, quem Coticulam appellant, vulgo *Pierre de touche*, quo aurum, & argentum probatur: longe enim inter se differunt, licet a communi patria commune nomen acceperint. Quidam ex Græcis veteribus vim ferrum repellendi in Magneteprehenderunt; nec eandem esse Magnetis speciem arbitrati, duas hujus lapidis species, constituere: unam nempe, quæ ferrum trahebat, quem Magnetem dixerunt; alteram, quæ ferrum propellebat, quam Theamedem nuncupaverunt.

Magnes variis in locis reperitur, & plerumque in fodinis ferri, in Arvernia Galliarum provincia, in Cantabria Hispaniæ, in Italia ad montes Viterbi, & in Ilva insula, in Germania prope vallem Joachimicam, Snee-burgum, & Svartzburgum, &c. in insulis Britannicis, in Norvegia; sed præstantissimus est Indicus, & Æthiopicus.

Hic lapis ferri quædam minera est: in quibusdam Germaniæ locis in optimum ferrum excoquitur, & radiis solaribus in foco vitreæ lentis majoris coadunatis expositus ferri indicia exhibet.

Mirabiles sunt Magnetis virtutes, tum in ferro attrahendo vel repellendo, tum in semetipso, dum liber est, ad certas mundi plagas convertendo; tum etiam in eo, quod easdem vires ferro communicet; de quibus effectibus eorumque causis fuscè tractarunt Philosophi.

Internus Magnetis usus in Medicina nullus est: licet Galenus, *libro de simplicium Medicamentorum facultatibus*, easdem in illo, ac in Hæmate vires agnoscat; & *libro de simplici Medicina*, purgativam ejus vim, præsertim in hydropse ad humores aqueos educendos, commendaverit; necnon etiam Dioscorides illum trium obolorum pondere ad crassos, & melancholicos humores evacuandos proposuerit. Quidam in Magnete vim deleteriam inesse asserunt, cæteris dissentientibus. Verum hanc venenatam qualitatem forte de altera Magnetis specie argentea, quæ mihi lythargyri nativi species videtur; potius intelligendam censeo, quam de Magnete ferrum trahente.

Ad Magnetem quidam referunt lapidem album, quem Calamitam albam seu Magnetem carneum Itali vocant; quia ut ille ferrum, ita hunc ad se trahere carnem putant.

Lapis est albus, maculis nigris inspersus, qui linguæ admotus tenaciter ei adhærescit: ejusdam margæ saxatilis species est, quæ cum Magnete nonnumquam in fodinis reperitur. Miræ profus virtutes præsertim ad amatoria ipsi tribuuntur, sed profus fuitiles, ac superstitionis.

Magnes externè exsiccatur, adstringit & consolidat. In emplastri Manus Dei dicti, emplastri nigri, emplastri divini, emplastri styptici, *D. Charas*, compositione usurpantur.

Magnesia, & Manganesia vitriariorum: sapo vitri: *D. Merret*: vulgo *Manganese*. Substantia est fossilis, metallica, ferruginosa, Antimonium minerale colore & nitore referens, friabilis. Duæ Magnesie species a Petro Pomet, in *universali Medicamentorum simplicium historia*, constituuntur: cineracea una, rarior & parum usitata; nigra altera, communis, & usitatissima.

Ad vitri confectionem, aut purgationem a vitriariis usurpari solet. Si

enim modicum ejus vitro fuso admisceatur, illud ab alienis coloribus, viridi nempe vel cæruleo purgat, & clarius reddit: unde a Christophoro Merret, in doctissimis ejus Commentariis in Antonii Neri artem Vitrarum, sapo vitri dicitur. Si vero majori copia cum vitro permisceatur, illud purpureo colore tingit. Eo quoque figuli utuntur ad figulina vasa nigro colore inficienda. haud aliter, atque Zaffera ad cæruleum. Idem Merret optimam dicit eam quæ micantibus scintillis caret, dura est, gravis, subnigra, aut quæ in pulverem redacta atrum plumbi colorem reddit.

Foditur in germania, in Italia, in montibus Viterbi, in Pedemontio, in Anglia circa Mendippi colles, celeberrimo ob plumbi mineras in Comitatu Smerfetenſi loco. Ubiqueque fossiores metallici, inquit Merretus, eam inveniunt, firmiter concludunt subesse plumbi mineram. Num quid plumbi continet, adhuc incertum est. In Medicina nullus est usus ejus. Lapis Petracorius, Petri Pomet, vulgo Perigueux, substantia est fossilis, ferruginea, nigra & dura, gravis. Nonnihil ferri continere videtur. In Delphinatu montibus effoditur. Encaustæ, & figuli ad opera sua pingendæ eo utuntur. Ad usum medicum non adhibetur.

ARTICULUS TERTIUS.

De Cadmia, Lapide calaminari, Turbia, Pompholyge, & Spodid.

Cadmia vox est, quæ variis rebus imposita fuit. Dioscorides *Kadma* nominat, recrementa quadam arena, quæ ex vere viri fornacibus candente oriuntur. Galenus hac voce duplicem substantiam designat, unam, quæ fit ex ære, eandemque cum Cadmia Dioscoridis; alteram nativam e Cypro, insula priandam, quam *Asidos*, lapidosam dicitur. Plinius eandem Cadmiam ex ære factitiam, cum Dioscoride, & Galeno agnoscit; sed insuper alteram recenset nativam, quam *Aerosam* nominat, ex eo quod, æris minera sit, ex qua cuprum excoquaturn. Eadem est fortasse cum Cadmia lapidosa Galeni. Metallurgi Cadmiam dixerunt lapidem calaminarem, quo ad aurichalcum ex ære conficiendum utuntur. Tandem Germani Cadmiae nomen Cobalt tribuere. Eam ob rem Agricola cum recentioribus triplicem Cadmiam speciem constituit; metallicam unam, fossilem alteram, laticiam fornaciam, quam divisionem retinebimus.

Cadmia metallica est igitur corpus fossile, quod æris, vel argenti, vel urriusque nonnihil continet; & duplex est.

Prima, Cadmia nativa, Cypria, *Kadma* vocatur. Galeni dicitur Lapis æreus. *Pituit*. Substantia fossilis est, seu potius quadam cupri impura, ex qua Plinius narrat cuprum fusione extrahi variis. in Asia, & Italiæ locis. Eadem est fortasse quam Galenus in Cypro reperisse narrat, licet tamen non dixerit cuprum ex ea confici posse.

Hodie

Hodie nobis ignota est, aut saltem cum cæteris cupri mineris confunditur.

Secunda, Cadmia metallica: *Agricola*: Cobaltum: *Germanorum*: Fossile est metallicum, ex quo Arsenicum, Zaffera, & Encaustum cæruleum arte eliciuntur, de quo jam supra egimus.

Cadmia fossilis: *Agricola*: Cadmia lapidosa: *Schroderi*: Lapis calaminaris: *Off.* Substantia est fossilis, mediæ consistentiæ inter lapidem, & terram, colore diverso, modo cinereo seu ex albo pallente, modo subluteo, modo ex nigro rubente. Hæc sphaerulis ferrugineis granorum Piperis figura, & crassitie tota conspersa est, & venulis albis distincta. Uberrime foditur in agro Bituricensi, & apud Andegavenses prope Salmurium. Illa vero in Germania, & præsertim in agro Aquigranensi reperitur.

Lapis Calaminaris ferri minera mihi videtur esse, cum pro majori sui parte a Magnete attrahatur.

Hæc Cadmia veteribus Græcis ignota fuisse videtur; saltem ad usum medicum non adhibebatur, cum a Dioscoride, & Galeno nulla ejus facta fuerit mentio. Hodie a Medicis nonnumquam præscribitur, ad ulcera humida exsiccanda, & sananda, ad infantum excoriaciones percurandas, vel sub pulveris tenuissimæ formæ, vel unguentis admixta.

Usurpatur in unguento ophthalmico *Renodæi*, in unguento desiccativo rubro *D. Charas*, in emplastro Manus Dei dicto, & in emplastro styptico *Ejusdem*.

Maxima Lapidis calaminaris copia Aurichalcæ confectiioni impenditur, cujus duplicem conficiendi rationem sic exponit *Agricola*:

Parva æris optimi fragmenta, & Cadmiæ fossilis usæ, & molitiæ farinam seu pollinem, artifices alternatim imponunt in ollas, quarum singulæ libras circiter quinquaginta capiunt. Sunt qui ad æs, & Cadmiam adjiciunt vitæ, ut illud facilius liqueat. Quidam etiam in Cadmiæ fossilis locum Cadmiam formæ substitunt. Ollas autem sic ære, & Cadmia repletas in fornaces concameratas demittunt, in ferrea bacilla, quæ in cujusque fornacis fere medio sunt; ignisque accenditur in brevibus quibusdam quasi cuniculis infra dispositis. Cuique vero fornaci, parte suprema rotundum foramen est, & lateum operculum, quo moderantur ignem. Itaque cum hæc ad horas octo vel novem simul in vehementi igne cocta, & liquefacta fuerint, æs quamquam auri colore nondum videatur tinctum, tamen in Aurichalcum mutatum multo gravius factum est. Ollas postquam adiptum fuerit refrigeratum, ex fornace eximunt, & Aurichalcum favillæ modo candicans, & puricis instar cavernulis repletum, denuo liquidum infundunt in receptaculum, quod est inter duas latas cristas faxæas medium. Cristæ enim sic committuntur, ut ex Aurichalco, cui jam auri color, & splendor est, laminæ crassæ vel tenues effici possint, quas postea incudi impositas, & malleo percussas perficiunt.

Alia autem ratione sic præparatur. Catinum tument in quo argentum liquari solet, ejusque exteriorem partem oblinunt argilla, cum qua mixta sit ferri squama, interiorem vero melle mundissimo. Similiter

renues æris bracteolas circiter digitum latas oblinunt melle, eisque inspergunt pulverem subtilissimum, qui fit ex Cadmiæ fossilis, Tartari crudi, carbonum Tiliæ æquis portionibus, easque in catinum injiciunt: hunc tegunt operculo fictili, & argilla supradicta circumobliniunt. Operculo foramen est, in quod immittitur stylus, quo liquefactum æs commovetur. Catinus imponitur in fornacem talem quali utuntur monetarii fabri. Cum igitur Cadmia commiscetur cum ære, primo emittitur ruber fumus, deinde partim ruber, partim cæruleus, postremo luteus, qui significat mixtionem esse factam; atque tum catinus e fornace eximitur, & æs aureo fulgore splensens reperitur.

Hac in operatione cuprum fere tertiam, vel ad minimum quartam sui partem Cadmiæ retinet, nec ideo minus ductile est; imo in filum tenuissimum, & in laminas, foliolave subtilissima deduci potest.

Cadmia fornacum, seu factitia, duplex est: Cadmia factitia Veterum; & Cadmia factitia Recentiorum, seu Tuthia Officinarum.

Discorides, Galenus, & Plinius per Cadmiam factitiam nihil aliud intellexerunt præter crementum, quod ex æris minera, dum in cuprum funditur, folium statu avolat, & fornacis parietibus camerisque adhæret; cujus varietates sunt species pro diversis ejus concretionis figuris, pro ejus tenuitate vel crassitie, & colorum varietate.

Tenuissima, inquit Plinius, in ipso fornacum ore, qua flammæ eructantur, appellata *Καυτική* fumosa, & nimia levitate similis favillæ. Interior optima, cameris dependens, & ab eo argumento *Βοτρυτική*, hoc est, racemosa, cognominata: ponderosior hæc prior, levior porro secuturis; duo ejus colores: deterior cinereus, puniceus melior; friabilis, oculorumque medicamentis utilissima. Tertia est in lateribus fornacum, quæ propter gravitatem ad cameras pervenire non potuit: hæc dicitur *πλακώδης*, & a Dioscoride *πλακώδης* quasi crustosa, & ipsa ab argumento; crusta verius quam pumex, intus varia, ad ploras utilior & ad cicatrices delendas. Fluunt ex ea duo alia genera: *Ονυχίτης*, extra pene cærulea, intus Onychitæ maculis similis: *Ογρανίτης*, tota nigra, & e cæteris fordidissima, vulneribus maxime utilis. Omnis autem Cadmia in Cypri fornacibus optima. Idem auctor narrat Cadmiam fieri quoque in argenti fornacibus candidiorem, ac minus ponderosam, sed nequaquam comparandam ærariæ: Quin etiam ex Pyrite quodam lapide Cadmiam fieri scribit Galenus.

Verum hæc omnes Cadmiæ species nunc in Officiis ignotæ sunt. Nec Arabes eas norunt; imo parum solliciti de substantiis, quæ sub Cadmiæ nomine a Dioscoride, Galeno, & Plinio descriptæ fuerant, & quæ in Cypri tantum officinis fusoriis reperiri poterant, eadem nomina alii rebus assignavere: unde orta est confusio multa. Quandoquidem Arabes Climia dixerunt crementum quoddamque metallicum, non solum Cadmiam veterum, ex ære, aut Pyrite confectam, sed & Lithargyron auri, & argenti: & Avicenna Climæ auri seu Lithargyri auri notas cum Cadmiæ veræ notis a Dioscoride recensitis confundit, ut observavit doctissimus Salmasius: quin etiam ejusdem Cadmiæ descriptionem a Dioscoride traditam Lithargyro argenteo assignat.

Cad.

Cadmia Recentiorum : Cadmia fornacum *Agricole* ¹¹⁷ Tuthia vulgaris *Offic.* non cupri, sed Aurichalci recrementum est; seu potius est recrementum Lapidis calaminaris cum cupro fusi, cum veterum Cadmia ex solo cupro oriebatur. Tuthia itaque officinarum est Lapis calaminaris ex ære fuso sublimatus ad superiorem fornacis partem, ubi ad ferreas hastas concrevit in crustam densam, quæ postea excutitur in frustula semiebulata, arborum corticibus similia, sonora, intus lævia, sublutea, externe granulis admodum minutis conspersa, colore cinereo, aliquantum ad cæruleum vergente.

Eadem est fortasse hæc Tuthia nostra cum Tuthia Arabum, cum Serapio Tuthiæ genus describat, quæ fit & colligitur in fornacibus in quibus æs citrinatur: nisi Tuthiæ nomine Lapidem ipsum calaminarem intelligant; de quibus in eorum libris non satis liquet.

Tuthia inter ophthalmica remedia præstantiora recensetur; abstergit enim, & exsiccatur sine morbo. Unde in ulceribus corneæ adnatæ & palpebrarum feliciter præscribitur, in oculorum pruritu, in ophthalmiis inveteratis, & ad lachrymanes vel fistulosos oculos sistendos.

Tuthia raro adhibetur, nisi præparata. Hæc autem præparatio fit, igni-endo & extinguendo ter quaterve in aqua Rosarum, lævigandoque supra mæmor secundum artem.

24. Tuthiæ præparatæ ʒss. aquar. Pilosellæ, Rosar. & Euphrasiz ana. ʒj. Misc. Fiat collyrium. Vel.

24. Aloes Succotrin. & Tuth. PP. ana ʒvj. Sacchar. albi ʒj. aq. Rosar. & vini albi non acidior ana ʒvj. Infundantur in ampulla vitrea bene clausa ad solem per 40. dies. Hujus aquæ non colatæ inspillentur guttæ aliquotæ in oculum. Vel.

24. Tuthiæ præparatæ ʒj. Butyri recentis ʒijij. Misc. Fiat unguentum, cuius tantillum ad oculorum angulos & palpebrarum oras adhibeatur.

Utræque in unguento ophthalmico *De Chanar.* & *Eleg.*

Pompholyx & Spodos, vel Spodium *Dioscoridis* & *Galen.* in officinis nunc ignota sunt. Dioscorides & Galenus narrant Pompholygen duplici ratione confici posse, vel fit ex æris materie in fornacibus fusa, cujus favilla candidissimum & levissimum pollinem concrevit; vel conficitur ex Cadmia sola eximie tollibus proflata.

Pompholygos duo genera constituit Dioscorides: unum ad æris colorem vergens, subpingue, alterum candidissimum, summamque levitatem natum.

Candida Pompholyx fit, inquit Dioscorides, quoties in perficiendo ære fabri præstantiorem facere volentes, detritam Cadmiam cum halis insperferint; (sive per hanc Cadmiam auctor intelligat novam mineram, sive factitiam Cadmiam, nempe meralli fuliginem:) nam tenuissima favilla quæ copiose effertur, in Pompholygen coit. At vero conficiebatur quoque ex sola Cadmia in fornacibus combusta, nempe minutis Cadmiæ fragmentis in ignem coniectis qui ante ærarium jacebat solem. Egesta enim suffitu tenuis materiæ pars & levis, camera ad hoc parata excipitur. At vero quod reflectens in pavimentum recidebat, Spodos est seu Spodium. Nigricat & plerumque ponderosius est, terra & spurcitie in acervatione refertum. Et revera erat quasi purgamentum quoddam, quod ab ærariarum officinarum pavimentis &

fornacibus everritur ; unde Spodos Pompholyge longe deterior censetur.

Hæ substantiæ in ærariis officinis quærendæ forent , ubi æris Cyprii vel rubri minera copiose funditur . Nunc vero non amplius ad nos devehuntur .

Pompholyx *Off.* Nihil album *Quorundam* . Flos est seu fuligo alba tenuis , Lapidis calaminiaris cum ære fusi ; fornacis testudini & crucibulorum operculis adhærens . Munda eligitur , nallis fordibus inquinata .

Eisdem virtutibus cum Tuthia pollet . Exsiccat sine morfu , & leviter adstringit , corrodentem humorum acrimoniam absorbet , ac mitigat : unde etiam refrigerare dicitur . Ad ulcera vetustiora , cancrofa & maligna exsiccanda feliciter adhibetur ; necnon etiam ad oculorum fluxiones sanandas efficacissima est . Ex ea paratur unguentum Diapompholygos .

Spodos & Spodium Græcorum quid sit ex supradictis patet , nempe cinis vel potius flos metallicus imparus qui in officinis ærariis colligebatur . A Pompholyge parum discrepat . Plinius tamen ejus plurimè genera constituit : Spodon nempe ærariam , quæ præstantissima est ; argentariam , quam Lauriosin vocari dicit a Laurio Atticæ monte , in quo argenti erant fodinæ ; aurariam , quæ in auri purgatione colligitur ; & plumbariam , quam post Cypriam ærariam commendat Dioscorides .

Spodium Græcorum intus nocivum erat , quapropter externæ tantum adhibebatur .

Arabes præter hæc Spodii metallici genera , Spodii nomine , quod cinerem significat , abutentes , alia adhuc constituere aut substituere ; cineres nempe plantarum , vel animalium quorundam . Hæc succedanea a Græcis Antispoda vocata fuerunt .

Quædam a Dioeoxide referuntur , ut folia Myrti cum floribus & bacis immaturis calcinata & lota , Oleastri folia , Taurinum gluten , lana succida & aspera picæ aut melle irrigata & combusta , & cætera hujusmodi .

Ayicenna *Tabakir* nomine designat cinerem radicum Cannarum exustarum ; quam vocem *Tabakir* interpretes Spodium verterunt ; Verum & illud Spodium quod ex Orientalibus regionibus parce quidem afferrebat , Sacchari adhuc impuri & nondum defœcati speciem fuisse asbitramur ; & a doctissimo Salmasio *tractatu de Saccharo* validis argumentis probatur . Unde non mirum si ab Arabibus , & illis qui eos secuti sunt , Spodium ad usum internum cum tot encomiis adhibum fuerit . Colore nempe cinereo decepti fuerant Arabes mercatorum relationibus , qui hunc pulverem cineraceum ex arundinibus extractum esse referebant ; & ideo arundinum cinerem esse existimaverunt : hodie vero in officinis pharmaceuticis Ebur usum pro Spodio accipiendi invaluit consuetudo .

ARTICULUS QUARTUS.

De Chalcitide, Misy, Sory, & Melanteria.

Chalcitis, Misy & Sory corpora fossilia sunt inter se origine & viribus conjunctissima, quæ potissimum in Cyprii æriodinis in montibus Solorum reperiuntur. Galenus, *lib. de simplicium Medicamentorum facultatibus*, narrat se his in fodinis vidisse quasdam in longissimum porrectas veluti zonas, alias super alias numero tres: quarum infima erat ipsius Soreos, super quam altera erat Chalciteos, suprema Misyos.

Præterea idem Galenus observat Chalcitin per tempus in Misy transmutari. Frustum enim Chalciteos quod ipse in Cyprii fodinis collegerat, post annos circiter triginta in Misy quoad extimam superficiem conversum reperit, dum quod in medio erat, perfecta erat Chalcitis nullamduam alterationem experta. At vero ex levi quadam mutatione quam in Sory, quod ab eodem tempore servabat, deprehendit, idipsum forte longe tempore in Chalcitin mutari posse suspicatur.

Chalcitis *Græcorum χαλκίτης Dioscoridis*. Est substantia fossilis, æri similis, friabilis, nec lapidosa, intercursantibus oblongis venis splendentibusque, Misy tenuior, Sory vero crassior, quæ in igne sanguineum vel miniatum colorem contrahit.

Misy *Græcorum Μίαυ Dioscoridis*. Est substantia fossilis, lutea, aureisque scintillis, dum frangitur, splensens, nata super Chalcitin, & ex Chalciti non secus ac ærugo, nascitur super æs & ex ære. Effluenscentia Chalciteos esse videtur.

Sory *Græcorum Σόρυ Dioscoridis*. Substantia est fossilis, crassior & magis compacta quam Chalcitis & Misy; freata, scintillas Misseos emitrens, spongiosa, seu in multa foramina dehiscens, subpinguis, colore nigricante, sapore adstringente nauseabundo, & odore gravi summeque virulento.

Hæc descriptio satis apte convenit fossili cuidam substantiæ causticæ, quam Turciæ mulieres ad cutem pilis deindandam adhibere solent, & *Rusma* nuncupant. Unde facile crederem illud *Rusma* idem esse cum Sory *Græcorum*.

Rusma, referente Bellonio, fossile est ferri excremento simile, sed levius, nigrum, adustumque quidpiam referens. Ejus fodinam in Galatia seu Gallogræcia, haud procul ab oppido Conteio, nunc *Cune* dicto, invenit. Ea est ejus utendi ratio.

Rusma in tenuissimum pollinem confuso Calcei vivæ dimidiam partem adjiciunt, unaque in fictili vase macerari sinunt. Fœminæ balnea ingressuræ, partes quas glabras efficere cupiunt, eo inungunt, atque inhærere sinunt, quanto tempore ad coquendum ovum requiritur, deinde explorant an pili decendant: tunc parte abluta aqua calida & cum pasta, pilos lotionem auferunt. Idem cum Auripigmento & Calcei vivæ Barbatores nostri hodie efficiunt.

Melanteria *Græcorum*: *Μελαντήρια Dioscoridis*. Duplicis originis proditur

ditur a Dioscoride ; quædam in faucibus cuniculorum , e quibus æ ernitur , salis modo concrevit ; alia vero in eorum locorum superficie , quæ terrena est . Præstat quæ sulphuris colorem trahit , lævis , pura , æqualis , & quæ contactu aquæ confestim nigrescit .

Hæc fossilia hodie in officinis pharmaceuticis rarissime reperiuntur ; & sane in Cypro , in Asia minori , vel in Ægypto quærenda forent .

Adurunt , & escharas efficiunt , nonnihil quoque adstringunt .

Sola Chalcitis nunc usurpatur in Theriacæ *Andromachi senioris* compositione : verum cum in officinis rarissime occurrat , Vitriolum ad rubedinem calcinatum , seu Colcothar , ei substituere solent .

CAPUT SECUNDUM.

De Fossilibus Metallicis , quæ sunt peculiaris naturæ , & metalla spuria , vel semi-metalla a quibusdam dicuntur .

ARTICULUS PRIMUS.

De Stibio seu Antimonio .

STibium & Antimonium , Off. *αἰμι Dioscoridis* ; *σίβι , πέντος δαλμοῦ* , *λαρ ασοῦ* , *γυνικίον* , *ομιαστοῦ ραφον* *αλφασαν Græcorum* quorundam : forte *πασπαζωνος Hippocratis* : Lapis spumæ candidæ nitentisque , non tamen translucentis *Plinii* : Aitmad , seu Atemed *Arabum* : Est substantia metallica , solida , ponderosa , fragilis , plumbeo colore , cum stiris longis splendentibus , igne fusilis , non vero ductilis .

Diversæ sunt Stibii nativi species . Aliud enim effoditur ferro polito , vel plumbo simile , sed friabile , & saxo aut lapidi candido aut crystallino intermixtum . Aliud ex tenuibus lineis splendentibus , quasi aciculis nunc ordinatim , nunc indiscriminatim dispositis coacervatum , quod maxime . Aliud ex lamellis latioribus & splendentibus compositum , quod fœmina a *Plinio* dicitur . Aliud congeries est virgularum tenuium plumbei coloris ex lapide tæpero , candido nascentium , quod facillime sulphuris iustar igne liquefit , ob maximam sulphuris copiam ; quale in Comitatu sanctæ Floræ prope Massam & Selvenam agri Romani oppida eruitur . Aliud maculis subrocceis vel subrubris hinc inde distinguitur , quale in Hungariæ aurifodinis reperitur . Quod quidem Chymistæ multi faciunt propter sulphur quoddam aureum , quo illud Antimonium turgere sibi fingunt . Vel in propria minera reperitur ; vel , & quidem sæpius , cum cæteris metallis admixtum : unde *Αντιμόνιον* seu *Antimonion* ; quasi nunquam solum seu absque alterius metalli consortio reperiretur .

Antimonii mineræ ubique occurrunt : in Gallia vero plures sunt , ac secunda ejus fodinæ apud Arvernos , Pictones , & Armoricos .

Anti

Antimonii glebæ cum lapidosa materia permixtæ e terra eruntur, a qua metallum seu minerale sic separari solet. Gleba antimonialis in frusta mediocria contrita ollæ imponitur aliquot foraminibus in fundo pertusæ, juris officium operculo cum luto accurate clauditur. Huic subtus accommodatur aliud vas fictile conforme : & igne vasi superiori admoto, Antimonium liquatur, & per foramina in vas inferius fluit, scoris in superiore vase remanentibus.

Vana est Sibii distinctio in marem, & sceminam, cum in metallis nullus sexus distinguatur. Rectius dividitur in fossile seu nativum, & fustum. Fossile illud est, quod ignem nondum expertum fuit, & cum terra vel lapidea substantia permixtum est; fustum vero illud est quod in massas pyramidales fustum, & a lapideis recrementis purgatum nobis advehitur. Probatum durum, grave, coloris plumbei, cum stiriis radiatim dispositis ac splendentibus ad instar ferri politii. Nec pro usu medico Hungaricum Gallico præstat. Repudiatur illud quod torum pene ex scoris compingitur.

Antimonium Gallicum constat ex partibus fere æqualibus sulphuris inflammabilis communi similis, & substantiæ regulinæ. Sulphur in Antimonio patet ex odore, & flamma cœrulea quam dum calcinatur, emittit; quæ quidem non percipitur, nisi in obscuro loco calcinatio peragatur. Præterea cum Nitro in crucibulum candens projectum, fulgurat eodem plane modo ac sulphur. Si Antimonium cum Mercurio sublimato corrosivo distilletur, Cinnabaris Antimonii paratur, nempe ex sulphure Antimonii, & Mercurio sublimati corrosivi. Tandem sulphur ex Antimonio educitur, si Antimonium cum calcis vivæ aut cinerum clavellatorum quadruplo igne fustum in aqua communi ebulliat: sulphur enim Antimonii, mediantibus alcalinis salibus, aqua solutum, aceti vel alterius acidi ope præcipitatur.

Substantia regulina fusilis est, non vero ductilis, splendens ferri politii ad instar, & ex laminis latioribus constare videtur; quæ, cum regulus rite funditur ac refrigeratur, radiatim ita disponuntur, ut in ejus superficie stellæ figuram exhibeant.

Regulina hæc materies, si levi calcinatione a sulphure omnino fere liberetur, in calcem cineream vitrescibilem convertitur, quæ deinde igne vehementiori fusa in vitrum hyacinthinum concrevit. Si huic vitro fuso sulphurea vel inflammabilis quædam substantia affundatur, statim pristina reguli formam priscumque splendorem recuperat.

Ob uberiorem sulphuris copiam, qua turget Antimonium, ex eo liquor acidus a spiritu sulphuris vulgari non discrepans extrahi potest. Unde liquet Antimonium constare ex acido sulphureo seu vitriolico, ex substantia bituminosa, qualis e sulphure vulgari extrahitur, & ex vitrescibili terra metallica.

Regulus Antimonii ab Aqua regia dissolvitur, ab aliis acidis vero calcinatur tantum. Antimonium omnia metalla, vel etiam argentum, excepto tantum auro, fusione dissolvit ac destruit. Unde a Chymicis Lupus vorax dicitur, vel etiam Saturnus, qui filios suos comedit, Plumbum sapientum; Magnesia Saturnina. Dicitur quoque Lavacrum solis, ex eo quod aurum cæteris metallis commixtum, & cum Antimonio fustum,

ab

ab iis expurgetur, & inde magis rutilans puriusque emergat. Sulphur solare, sed immaturum, in Antimonio contineri vulgo existimatur: unde Solis leprosi, vel Entis primi solaris nomina obtinuit. Verum sulphur metallicum a sulphureo principio, quod in regno animali aut vegetabili observatur, non discrepare alibi demonstravimus.

Apud veteres Stibium fucus fuit usitatissimus præsertim ad oculorum cilia nigro colore pingenda. Sic in sacris Codicibus *Reg. lib. 4. cap. 9.* legitur impiam Reginam Jezabel, cum Regis Jehu iram vellet demulcere, sibi oculos Stibio depinxisse. In iisdem libris a Prophetis notantur mulieres, quæ Stibio oculos circumlineabant. Eam ob rem, quia ad formæ lenocinium Stibium usurpabatur, *γυπαλκην* Græcis dicebatur; & *πλατυφθαλμοι* quod oculos mulierum dilatare videbatur. Stibium adstringit, inquit Dioscorides, meatus obstruit, refrigerat, excrecentias in carne cohibet, ulcera ad cicatricem perducit, sanguinem sistit, sordes, & ulcera oculorum expurgat. Galenus vim exsiccantem, & adstringentem in eo agnoscit; & ideo medicinis ocularibus, quæ collyria siccâ dicebantur, commisceri narrat. Ab antiquis comburebatur, & lacte muliebri vel vino extinctum conterebatur, aqua pluvia admixta, ac tandem in pastillos efformabatur forte quadratæ figuræ: unde ab Hippocrate tetragonum pharmacum nuncupatum fuit. Ejus vis emetica ipsis ignota fuisse videtur, aut saltem illud medicamen rarissime ad purgandum usurpabatur, cum inter tot auctores solus Dioscorides unica tantum vice mentionem faciat in compositione cujusdam medicaminis purgantis ex Elaterio, Sale, & Stibio; ubi tamen Stibium minus adjectum fuisse videtur ad vim catharticam augendam, quam ad medicamen Stibii colore tingendum.

Stibii vis cathartica præsertim invaluit sæculo circiter duodecimo; quo Monachus quidam ordinis Sancti Benedicti, natione Germanus, nomine Basilus Valentinus, librum edidit sub titulo *Currus triumphalis Antimonii*, in quo Antimonii vires ad innumeros fere morbos miris laudibus effert. Sæculo tandem decimo-quinto Paracelsus Valentini opinionem secutus, Antimonii famam longius latiusque fudit: nihilominus tamen de Stibii qualitate salutari vel deleteria Medici diu, & acriter inter se contenderunt. Hodie tandem fere omnes de salutaribus ejus dotibus conveniunt, & duplicem in eo virtutem pro diversis ejus præparationibus agnoscunt; emeticam unam, diaphoreticam alteram. Quæcumque enim medicamenta ex Antimonio parari possunt fere innumera, vel purgantia sunt per superiora, & inferiora, vel diaphoretica sunt, & sudorifera.

Antimonii, ut vocant, crudi, seu non præparati, rarior est usus in Medicina, licet nulla ei vis inest noxia; cum ad drachmam unam aut alteram absque ulla nausea intus exhiberi possit. Sæpe etiam in pituitis sudoriferis, & exsiccantibus decoquitur, quibus nulla vis emetica vel quocumque modo noxia impertitur. Illa tamen Antimonii decoctio prorsus inutilis est; aqua enim coctione, vel diuturniore, nihil de Stibio dissolvit aut retinet.

Constat igitur, Stibium per se innoxium esse, neque vomitum excitare, nisi quodam modo præparetur, aut nisi ab acida colluvie in ventri-

triculo delitescente vis ejus emetica evolvatur . Antimonium crudum intus sumptum a ℥j. ad ℥ij. viscidum humorum crasim dissolvit , & attenuat , obstructions aperit , & tanquam tutum remedium ad cutaneos affectus , ad tabem , & epilepsiam a quibusdam prædicatur . Ad bruta pinguescencia plurimum valet . Ad usus externos etiam commendatur Antimonium crudum ad ulcera exsiccanda , ad scabiem , & effectus cutaneos sanandos in unguentis permixtum : in emplastris ad tumores resolvendos , collyriisque utiliter admiscetur ad curandas oculorum inflammationes .

Magis usitata medicamenta e Stibio præparata , sunt Hepar Antimonii , Crocus metallorum , Vinum stibiatum , Tartarum emeticum , Vitrum , Regulus , Sulphur auratum , Flores , Butyrum , Cinnabaris , Pulvis Algaroth , Panacea universalis , Bezoar-minerale , Calx diaphoretica , & Tincturæ .

Hepar Antimonii , & Crocus metallorum sic vulgo parantur .

R. Antimon. crudi & Nitri tenuissime contritor. partes æquales. Misceantur exacte , & instituatur hujus materiæ detonatio in mortario , prunæ candentis ope . Tota massa subito deslagratur , & in massam reducitur semi-vitrificatam , quæ ratione coloris vocatur Hepar Antimonii .

Redigatur hæc massa in pulverem subtilissimum , & aqua pura ter quaterve abluatur , donec edulcorata sit . Exsiccerur pulvis , qui Crocus metallorum vulgo dicitur , & Terra Sancta *Rullandi* . In substantia exhibitus vomitum potenter movet a gr. ij. ad vj .

Ex eo vinum emeticum fit infundendo Croci metallor. ℥ij. in vini ℥iij. per dies duos , trefve , lagenam identidem agitando . Tandem vinum supernatans limpidum exhibeatur ad vomitum promovendum ab ℥j. ad ℥iij. In enemate vero nonnumquam turbatur , & præscribitur ab ℥j. ad ℥iij .

Tartarum emeticum ex Hepate Antimonii sic conficitur .

R. Hepatis Antimonii cum scoriis ℥ij. Cremor. Tartari ℥viij. aq. communis q. s. Bulliant in vase fictili per horas 8. vel 9. Coletur liquor , & ad siccitatem evaporetur ; & erit Tartarum emeticum solubile ; vomitorium egregium a gr. ij. ad viij .

Cæteris Stibii præparationibus emeticis longe præstat . Facile enim sub quacumque forma exhiberi potest ; & insuper , cum ejus vis ac dosis facile dignoscantur , rectius ad Medici nutum præ ægotantis viribus aut morbi urgentia augeri vel minui potest , cum contra vinum majori vel minori vi emetica donetur inæqualiter , pro majori vel minori aciditate sua vel maturitate .

In Hepate Antimonii conficiendo quidam Antimonio , & Nitro salinarum detrepitatum , ut vocant , addunt ; & sic conficiunt Magnesium opalinam vel rubinam Antimonii a rubro colore sic dictam , vi emetica longe debiliore , quam Hepar Antimonii , donatam .

Hepar Antimonii equis , & cæteris quadrupedibus exhibitum vomitum non excitat , sed sudorem aut diaphoresim . Ad ℥ij. quotidie ingeritur per plures septimanas ad ea pinguescencia , & ad eorum scabiem sanandam .

Me-

Medici Croco. metallorum utuntur ad oculorum maculas, & suggillationes delendas, corneæ adnatæ, & palpebrarum ulcera, aut earumdem partium pruriginem, & ploram curanda.

Vitri Antimonii ea est conficiendi ratio.

R. Antimonii crudi, & subtilissime pulverati q. placuerit: Calcinetur in patella terrea, lata, & plana, non vitreata, super carbonibus moderate accensis, spatula non metallica, sed lapidea seu potius fistula tabacali assidue agitando, ne materia fundo adhæreat. Sic calefiat, ut fumum emittat diligenter vitandum. Peracta est calcinatio, cum materia cinereum colorem obtinet, & fumum exhalare cessat. Cavendum est interea ne concresecat in grumos iterum pulverizandos, si forte fiant. Et hæc est Calx Antimonii, cujus ℥ij. vel iij. liquentur igne vehementi in crucibulo, & liquatæ effundantur in lapidem marmoreum: fusa materia inibi refrigerando concresecit in vitrum coloris haycinthini. Idem candidum, citrinum, rubrum, aut nigrum evadit, addendo Boracem, Sulphur, Salem gemmeum, Auripgmentum, &c.

Vitrum Antimonii potenter vomitum excitat a gr. j. ad iijj. Sed obtunditur ejus vis, si ter quaterve spiritus vini in illud comburatur, vitrum singulis vicibus supra marmor subtilissime conterendo. Tum a gr. xx. ad xx. aut. xxx. exhiberi potest. Blande purgat per superiora, & inferiora, & nonnumquam sudores movet.

Vitrum Antimonii vomitum non promover, sed mere catharticum evadit, si vitrum Antimonii in alcohol subtilissimum redactum digeratur per duos tresve dies in spiritu vini, in quo Mastiches ℥ss. dissoluta fuerit, identidem agitando; ac tandem leni calore spiritus vini evaporetur, remanentibus Mastiche, & vitro Antimonii exacte permixtis. Dosis hujus pulveris ad gr. vj.

Regulus Antimonii sic præparatur.

R. Antimonii ℥xvj. Tartar. crud. ℥xij. Nitri ℥v. Pulverizata probe commisceantur, & per vices injiciantur in crucibulum ardens. Deflagrationibus peractis, superinjicitur Nitri ℥j. Ignis vehementior excitatur, ut materia probe liquecat. Tunc effunditur in vas æneum conforme, calidum, sebo illitum, malleo tantisper excutiendum, ut regulus a scoriis facilius separetur, & fundum petat. Eximatur regulus a scoriis separandus. Si magis adhuc purgatus desideratur, liquetur in crucibulo, & affusa modica Nitri portione, ut bene fluat, effundatur in conum fusorium: & regulus obtinebitur purus, candidus, æuens, stella ut plurimum in superficie signatus.

Ex regulo Antimonii pocula fiunt, quibus virtus inest eximia, & diuturna ad vomitum excitandum; vinum enim quod per noctem in illis fuerit infusum, emeticum evadit. Imo globuli ex eo funduntur, qui millies vorati vi emetica, quæ maxime polleat, non destituantur.

Reguli metallici diversi præparantur, regulum Antimonii cum ferro, cupro, stanno, plumbo, argento vel auro fundendo.

Scoriæ quæ supra regulum reperiuntur in cono fusorio, flavæ sunt vel crocæ, & sulphure antimoniali turgent. Hoc autem sulphur sic extrahi potest.

Scoriæ recentēs & adhuc calidæ a regulo separatæ in pulverem redigantur. Coquantur cum aqua simplici, quousque aqua instar sanguinis colorata appareat. Percoletur liquor, & cum aceto stillatio vel cum phlegmate Vitrioli aut similibus acidis præcipetur. Sic enim ad vasi fundum dimittetur pulvis croceus vel fuscus, qui educatus, & ab omni fœtore ac sale liberatus & exsiccatus servatur; & est sulphur auratum Antimonii, quod primum Ens auri a quibusdam creditur. Vehementer purgat per superiora & inferiora. Dosis a gr. j. ad iiii.

Sulphur auratum Antimonii diversis modis præparari potest, & ob insignes ejus dotes diversis nominibus insignitur. Sulphur dicitur, ex eo quod sulphuris vulgaris ad instar accendatur cum odore fœtido: ab eorum tantum differt quod regulinas Antimonii partes semper retineat, quibus pondere gravius fit & magis fuscum. Auratum dicitur, tum ex eo quod Chymici hoc sulphur ad auri sulphur proxime accedens sibi fingerunt, tum etiam quod argento impositum super prunas aureum eolorem ipsi conciliat. Dicitur sulphur embryonatum, ex Magnesiæ Saturnina eductum: Chymici etiam sibi fingunt hoc Antimonii sulphur aliqua solâris sulphuris portione imprægnatum esse; & Magnesiæ Saturninæ nomine Antimonium designant. A Glaubero Panacea & sulphur universaliter purgans ab ejus præstantissimis viribus dicitur. Et a Carduuccio Chymico insigni diu in Germania exhibitum fuit sulphur illud, & absconditum sub nomine Centaurii mineralis, sicut hisce temporibus a quodam dicto *Laligerie* Chirurgo, & a fratre Carthusiano sub nominibus Kermes au: Alkermes mineralis, aut pulveris fratris Carthusiani. Apud Anglos in usu fuit idem sub nomine Russelliani pulveris, ut videre licet in *Pharmacopea Batheana* a Villielmo Salmon cum notis Anglice edita ann. 1698. Londini.

Omnes sulphuris aurati præparationes ad duas reducuntur. Prima & vulgarior fit, sulphur Antimonii ab aliquo sale alcali solutum præcipitando per acetum distillatum vel alium liquorem acidum, altera fit, illud sulphur solutum præcipitando per se ablique acido.

Primum Sulphur auratum fit ex scoriis Reguli Antimonii cum Antimonio, Nitro, & Tartaro præparati hac ratione. Sumuntur scoriæ salino-sulphuræ a Regulo separatæ. Coquantur in aq. comm. q. s. Decoctum per chartam bibulam colatur, & colaturæ affunditur acetum distillatum, donec affusione acidum humoris liquor non amplius turbetur. In vasis fundo fit subsidentia pulveris tenuissimi, a quo per vasis inclinationem limpidus liquor sensim separandus. Pulvis residuus croceus, repetita aquæ affusione, multoties eluendus, ac tandem exsiccandus.

Secundum Sulphur auratum quod hodie usitatissimum est sub nomine Kermes mineralis aut Pulveris fratris Carthusiani, fit decoquendo Antimonii in minuta frustula contusi ℥iij. liquaminis Nitri fixi ℔j. aq. pluvialis ℔viij. Bulliant per horas duas. Decoctum adhuc bulliens

uens per chartam bibulam transcoletur, & in loco remoto reponatur per 24. horas, donec pulvis croceus subsidens vasis fundum petierit, & liquor limpidus appareat. Inclinato vase, hic liquor sensim effundatur; & pulvis subsidens in charta bibula repositus, pluribus aquæ tepentis affusionibus, ab omni sale spoliatur. Tandem super exsiccatum pulverem spiritus ardens vini bis terve accenditur, ad ℥iij. Et pulvis demum rite exsiccatur, & servatur ad usum.

Hic pulvis veluti Panacea seu remedium universale habetur. Vomitus nonnumquam excitat, præsertim dum in ventriculo acida fabura reconditur. Alvum sæpe & blande movet, si in intestinis humorum congeries sit; urinam provocat, vel diaphoresim aut sudorem excitat, dum in sanguine humores pravi permiscuntur. Uno verbo operationem suam exerit, prout natura vergit ad hos vel illos humores per hæc vel illa emundatoria excernendos. Ad evacuandum exhibetur, & tunc a gr. j. ad iij. vel ad humores incidendos, dividendos, immutandos, & tunc ad gr. ss. vel gr. j. tantummodò exhibetur, sed vicibus repetitis, tertia, quarta, vel sexta quaque hora, in febribus acutis ubi nimia est humorum cruditas & spissitudo. Hic pulvis, vel solus, vel cum Sacchari tantillo mixtus, exhibetur aqua vel vino dilutus, vel alio vehiculo idoneo. Nonnumquam cum oleo Amygdalarum dulcium diluitur: vel etiam in confervis Violar. Boraginis, Enulæ campanæ, aut aliis involvitur, & sub forma bolus deglutitur.

Idemdem & dosi refracta exhibitus serosas & crudas evacuationes alvinae sensim mutat, & bibliosas reddit ac spissiores, humoresque sic ad purgationem disponit, bilem nempe nimis viscidam incidendo & fluidiorum efficiendo.

Inter initia morborum malignorum, variolarum & morbillorum utiliter exhibetur parva dosi cum pulveribus Bezoardicis, æreis & absorbentibus, velus Oculis Cancror. Corallo rubro; Margaritis, testis ovorum, Chelis cancor. & cæteris hujuscemodi. Sic lenem salivationem cum diaphoresi excitat, præcordiorum anxietates solvit, mucum primarum viarum tottrigit, lymphæ vitia & seri coagulum emendat, sanguinis effervescentiam defœcantem suscitatur. Glauberus præservativum illud dicit a variolis; quod confirmat experientia septem infantum. Fredericus Hoffmannus in *notis in Poterium* hujus pulveris usum commendat in febribus intermittentibus, contumacibus, chronicis, & autumnalibus. Obstructiones enim harum febrium genitricis potenter refert. In infantum febribus intermittentibus hujus semi-granum vel gr. j. bis, ter, quaterve die cum felici successu præscripsit. Unum granum ejus pro dosi confociat cum salibus absterisivis & præcipitantibus, antifebrilibus; salibus nempe Absinthii, sale febrifugo Sylvii, Tartaro vitriolato, &c. & repetitis vicibus exhibet. Schroderus in *dissertatione de Medicamentorum Galenicor. & Ghymicor. necessitate*, sulphuris Glauberiani aurati vim in acrimonia feri delinienda, lacrymarum mordacitate oculos infestante, lippitudines molestissimas & ophthalmias producente corrigenda, mire prædicat. Idem annotavit in muliere laborante artuum scorbutico dolore & deflexionibus ad pectus tantum laboris, ut erosionem pulmonis & sanguinis sputum inducerent, tantum.

tantillum hujus sulphuris Antimonii, tenuis & acris feri motum sedasse & periculosis morbis incrementa impedivisse. Est remedium (inquit Fred. Hoffmannus) in chronicis morbis, & qui ex diuturnioribus viscerum obstructionibus nascuntur, efficacissimum. In hydropse commodissime miscetur cum limatura Martis & Nitro; in epilepsia cum Cinnabarinis, in scorbuto cum Arcano duplicato, in hydropse cum Nitro defecato utiliter exhibetur, aquam vel succum aut decoctum Parietariz superbibendo. In alvi fluxu dysenterico, in confusione de Hyacinth. superbibendo decoctum vel succum Plantaginis, adversus dyfuriam & calculum in aqua Urticæ albæ seu non urentis sumitur.

In pleuritide & peripneumonia, universalibus remediis administratis, hauriat æger grana tria hujus pulveris in haustu vini generosi vel Hispanici, vel aqua Card. benedict. vel infusi Flor. Papav. rhæad.

Joannes Junckerus in suo conspectu Medicinæ observat hunc pulverem mirifice & momentanee catharrum suffocativum suspendere. Quod quidem non in uno observatum fuit; sed in pluribus ejusmodi patientibus, in quibus pro diversarum circumstantiarum ratione post cathari suspensionem, modo lenem vomitum, modo sudorem, modo nullam conspicuam excretionem produxit.

Dosim. gr. vi. cum sale quodam digestivo miscendam exhibet.

In contumacibus virginum cachexiis utiliter exhibetur hujus pulver. gr. i. cum Croci. Martis aper. gr. x. & Arcani duplicati tantundem bis in die.

Observandum tamen non exhibendum esse hunc pulverem, nisi prius imminuta fuerit debitis venæ sectionibus sanguinea moles, nisi diluentibus medicamentis sufficienter diluatur. Cum enim hoc pulvere sulphurea pars sanguinis dividatur, effervescentiam & rarefactionem subito concipit; vasa jam repleta magis adhuc distenduntur; unde major æstus in sanguine & humoribus; & congestiones in visceribus nascuntur.

Non igitur exhibendus est, nisi imminuta fuerit plethora, nisi aptis & uberrimis diluentibus fluidiores fiant humores.

Aqua per chartam bibulam trajectam a nonnullis commendatur ad scabiem, impetigines, & alia cutis vitia sananda.

Fumus qui ex Antimonio ignito emittitur, in flores albos, flavos, & rubros colligi potest; modo convenientibus ollis excipiantur, addendo sabulum, vitrum pulveratum, salem Ammoniacum, aut Nitrum, ut copiosius ascendant, pluribus deinde lotionibus edulcandi. Vomitus, secessus & nonnunquam etiam sudores promouent a gr. ij. ad xij.

Ex Regulo martiali Antimonii flores argentei sub Nivis antimoniæ nomine sic præparantur.

Reguli martialis lbj. Indatur ollæ fictili satis capaci inter prunas ardentes collocatz. Operculum in medio perforatum in olla ita collocetur, ut illud inter & pulverem Regulinum duorum transversos, digitorum spatium vacuum remaneat. Altero operculo orificium ollæ claudatur. Urgeatur ignis per unius horæ intervallum, ut Regulus per-

perfecte liquecat. Igne Lemoto & vasis refrigeratis, flores niveæ splendentes sub spiculorum forma reperiuntur in intervallo vacuo a Reguli superficie ad proximum operculum. Diaphoresim & sudores movent: quapropter in febribus malignis aliisque ægritudinibus in quibus diaphoresis utilis est, felici cum successu præcibuntur. Febres intermittentes sanant exhibiti paulo ante paroxysmum. Dosis a gr. x. ad xl.

Butyrum Antimonii, quod & Spuma venenata duorum Draconum nuncupatur, & cinnabaris Antimonii sic conficiuntur.

24. Antimonii crudi & Mercurii corrosivi ana q. placuerit. Pulverata & mixta digerantur in cella per noctem, deinde distillantur per retortam colli latoris & brevioris. Primo ignis lenti ope liquor stillat albidus & gravis; deinde ignem augendo, nunc fluit, nunc in crystallos seu butyrum glaciale concrevit. Si collum retortæ hoc butyro coagulato obstruatur, carbone admoto facile liquecit. Statim atque fuligo subrufa collo retortæ adhærere incipit, excipulum cum Butyro Antimonii removeatur, & novum substituitur. Postea ignis urgeatur vehementior, tunc Mercurius vivus in excipulum cadet, deinde Cinnabaris ad collum retortæ elevabitur & adhærebit.

Butyrum per novam retortam vitream distillatione ex balneo arenæ rectificatur. Cauticum est insigne, carnis excrescentias absmit, & sphacelum sistit. Cinnabaris quæ collo retortæ adhæret, in pulverem redigitur, cum capite mortuo proprio commiscetur, deinde sublimatur igne mediocri. Eius color ex fusco rubicundus est. Commendatur ad omnes capitis ægritudines, præsertim ad epilepsiam, necnon etiam ad luem veneream. Per sudores humores pellit. Dosis a gr. vj. ad xv.

Pulvis Algaroth, seu Mercurius vitæ ex Butyro Antimonii paratur, aquam tepidam ei uberrime affundendo. Antimonium enim in Butyro solutum præcipitatur sub specie pulveris albi multis lotionibus edulcorandi & postea exsiccandi. Efficaciter purgat per vomitum & secessum. Dosis a gr. ij. ad vj. Mercurius vitæ dicitur, sed improprie, cum nihil de Mercurio retineat, sed totus sit Antimonialis.

Ex Butyro Antimonii paratur Panacea universalis seu Antimonialis hac ratione.

24. Butyri Antim. ℥ss. crystall. Tartar. subtiliter triti ℥ij. Quibus affundantur in matraccio amplo aq. communis ℔vj. Miscantur & bulliant igne arenæ per 7. vel 8. horas. Liquori adhuc calenti sensim infusetur olei Tartari per deliquium facti ℔j. Tumultuabitur mixtura. Cessante effervescentia, liquor per chartam bibulam trancoleitur, & in vase vitreo igne lento ad siccitatem evaporetur. Sal in fundo remanebit, qui in cella collocari debet, donec in liquorem limpium resolvatur, a sæcibus postea secernendum. Blande purgat per superiora & inferiora. Dosis a gutt. viij. ad xx. in vehiculo idoneo. A Tartaro emetico nonnisi colliqutione discrepat.

Stibium vi emetica & purgante omnino desituitur, & sudores tantum mo-

movet vel insensibilem transpirationem promovet, si ejus sulphur acidis mineralibus figatur. Sic fit primo Bezoardicum minerale.

24. Butyri Antim. q. l. Cui guttatim instillerur in retorta vitrea sp. Nitri q. s. donec effervescencia cesset. Digerantur per horas xij. deinde distilletur spiritus igne arenæ ad siccitatem usque Massæ residuæ affunde novi spiritus Nitri tantundem, & nova instituatur distillatio ad siccitatem usque. Tandem massa superstes in crucibulo, donec nullos fumos emittat, calcinetur; aqua tepida eluatur pulvis, & exsicceetur. Ab Helmontio in peste, morbis malignis, & contagiosis commendatum tanquam præstantissimum remedium diaphoreticum, Dosis a ℥ss. ad 3℔.

Compendiosior fieri potest Berzoardici mineralis præparatio, Reguli Antimonii 3j. affundendo Aq. regię 3iiij. Digerantur per aliquot dies leni calore, identidem agitando, donec omnis Regulus in pulverem albissimum converteatur. Huic postea superaffundatur aquæ communis magna copia; jaceatur pulvis, donec perfecte sit edulcarus.

Secundo: Calx Antimonii diaphoretica, Diaphoreticum minerale, vel Antimonium diaphoreticum fit deflagrando per vices Antimonium crudum aut Regulum Antimonii cum triplici quantitate Nitri commixtum. Sic enim omne sulphur Antimonii a fale acido Nitri figitur. Calx quæ post deflagrationem remanet alba, pluries ablunda est aqua calida, & exsiccanda. A gr. x. ad 3℔. vel 3j. exhiberi potest. Diaphoreticum est egregium, modo sufficienti dosi intus sumatur.

Obstructiones resolvit, humores crassos ac lentos attenuat & dividit, & per cutis poros sensibilibiter vel insensibilibiter pellit. In omnibus morbis malignis, in pleuritide, in rheumatismo, in erysipelatosi & cutaneis affectibus convenit, & feliciter præscribitur.

Utiurpatur in pulvere Cornachini, & in pulvere febrifugo Richard Morton.

Varie Antimonii tincturæ extrahuntur, de quibus multa prædicantur. Hæ sunt pro exemplo; una simplex, altera magis composita.

24. Salis Tartari 3viii. Fundantur in crucibulo inter prunas ignito. Liquato sali affundantur cochleatim & identidem Antimonii crudi 3vj. Cooperto crucibulo, calcinentur simul igne vehementiori per senii horam, deinde massa fusa in mortarium ahenum conjiciatur; & statim atque concrevit, contundatur & pulverizetur. Pulveri matracio capaci indito affundatur ℔p. vini rectificati q. s. ad quatuor digitor. supereminentiam. Vase exacte obturato, digerantur per aliquot dies, donec spiritus colore intense rubro tingatur. Tinctura philtretur, & servetur ad usum. Sudores movet; rarissime nauseas excitat, nonnumquam alvum subducit, & urinas pellit. Commendatur in hysteriis & melancholicis affectibus, ad viscerum obstructions referandas, & in febribus malignis. Dosis a gutt. iiij. ad xx. in vehiculo idoneo.

Altera tinctura magis composita nunc tantopere celebrata, quæ Liliolum
Geoffroy Tom. I.

lium seu tinctura Lili *Paracelsi* dicitur, fit ex Regulis metallicis hac ratione.

24. Cupri in tenues lamina divisi ℥j. Candescat in crucibulo ignito. Tunc in crucibulum conjice Reguli Antimonii Martialis pulverati ℥ij. & illico liquefcent Venus, & Regulus Martialis. Deinde Stanni ℥iij. per vices injiciantur, aliquando materiam ferro movendo. Omnibus perfecte liquatis, materia in conum fuforium febo illitum projiciatur, quæ in massam Regulinam concrefcit.

Massa Regulina metallica in pulverem redacta misceatur cum Niri ℔jß. pulveris carbon. ℥ß. Mixtura in crucibulo candente cochleatim projiciatur; & qualibet projectione cooperiatur crucibulum, donec omnis compescatur fulminatio. Igne intenso calcinetur materia per duas tresve horas, cum spatula ferrea identidem agitando. Materia in mortarium aheneum vel ferreum effundatur; & dum coalescit, citissime contundatur. Pulverata massa adhuc calens & mortario in mattracium defundatur, huic statim affundendo sp. vini q. s. ad 4. digitor. transversor. supereminentiam. Digerantur igne arenæ per 15. dies; & erit tinctura Lili, seu potius tinctura metallor. quæ sudorifera est, & diuretica. Dosis a gutt. xx. ad c. in vehiculo convenienti: in febribus malignis, apoplexia, paralyfi, rheumatismo, scabie, scorbuto, hydropse, mensium suppressione commendatur.

Recensitis, quæ confici solent e Stribio præparationibus, tum emeticis, tum diaphoreticis; non abs re erit inquirere, unde vires Antimonii pendeant: quod quidem resolvere difficillimum est. Corpus enim illud minerale per se vomitum nullo modo provocat. Si cum acidis & vegetabilium familia oriundis confocietur, emeticum evadit: si e contra acidis jungatur mineralibus quantitate sufficiente, vomitorium non est, sed sudoriferum aut diaphoreticum: & quæcumque ejus præparatio emetica, horumce acidorum consortio statim vim suam vomitoriam deponit. Si calcinatione sulphuris sui combustibilis portione majori destituatur, stomachum vehementer movet, ut videre est in Hepate Antimonii, Croco Metallorum, Calce, & Vitro Antimonii. Calcis & Vitri vis emetica vino intenditur, & spiritu vini minuitur aut prorsus extinguitur; & diaphoretica evadunt.

Quæ mihi hæc super re veritati magis consentanea videntur, breviter exponam.

Stribii vis emetica a certo quodam salium & sulphurum consortio, & quadam eorum proportionem pendet; ita ut sulphura a salium particulis non nimis irriterantur, facile rarefcere & expandi possint, necnon etiam ut salina spicula non crassiora, non fixiora, non majori copia sint, & tamen sulphureis partibus adhærentia facile ab illis abripiantur & eleventur.

Vis diaphoretica aut sudorifera pendet quoque ab iisdem sulphuribus, quorum expansio fieri non debet, priusquam Antimoniales moleculæ in massam sanguineam intrusæ fuerint.

Cum itaque ea est sulphurum & salium tenuitas ac proportio, ut
eorum

eorum moleculæ statim in ventriculo expandantur antequam ad intestina propellantur, sua volatilitate e ventriculi fundo ad ejus tunicam superiorem eleventur, eam leviter proritant, convellunt, & per consensum convelluntur diaphragma, & abdominis muscoli, unde sequitur vomitus.

Si vero spiculorum salinorum crassitie vel copia nimia, vel alia quæcumque causa rarefieri non possint sulphura, antequam in intestina deveniant, Stibium solam vim catharticam exercet.

Si tandem sui juris non fiant in ventriculo nec in intestinis, nec prius evolantur, quam ad massam sanguineam pervenerint, ibi expansione sua sanguinem rarefaciunt, attenuant, ejusque partes superfluas per cutis poros propellunt; unde diaphoresis aut sudor.

At vero in Antimonio crudo sulphuræ partes majori acidi vitriolici copia irretiuntur, ac figuntur, quam ut in ventriculo vel in intestinis expandi possint. Unde nec emeticum est, nec catharticum, sed diaphoreticum.

Si vero calcinatione vel sola, vel mediante Nitri portione medioeri, acidum vitriolicum pro majori parte avolet; quæ supersunt sulphuræ partes jam expeditæ, tantum salinorum spiculorum retinent, quantum sufficit ad vehementiorem ventriculi irritationem excitandam.

Acida e vegetabilium familia educta, utpote tenuia & jam sulphuri rariori conjuncta, sulphureas Antimonii partes facillime rarefaciunt, ab acido vitriolico segregant, & sibi confociant; unde compositum emergit emeticum.

Acida vero e mineralibus extracta, qualia sunt Nitrum, sal marinus, Vitriolum, sulphureas Antimonii moleculas, vel rariores jam factas irretiunt & figunt; ita ut ventriculum & intestina ultra progrediantur, & ad massam sanguineam deveniant, antequam sui juris fieri possint.

Spiritus vini minuitur aut extinguitur vis emetica propter nimiam sulphurearum particularum copiam, quibus salinæ partes obruuntur & involvuntur; ita ut Antimonii moleculæ, licet expansæ, spiculorum acidorum defectu, ventriculi membranas pungere, ac irritare nullo modo queant.

Stibium omnium emeticorum præstantissimum, & in morbis quamplurimis remedium antesignanum; modo rite exhibeatur. In emeticorum igitur exhibitione tria consideranda sunt; æger, morbus, & medicamentum.

Inquirendum 1. num æger facile vomat? Quidam enim a stibiati medicamenti dosi vel maxima nunquam vomunt; quidam etiam adeo teneræ sunt constitutionis, ut vomitum difficillime ferant; ita ut a vomitorio vires fatiscant & spiritus resolvantur. An ægrotantes cruentæ sanguinis expuitioni sint obnoxii? Quibus si valentius emeticum propinetur, letalis sæpe hæmorrhagia vomitui superveniet. Num gravis adsit hernia? quæ vomitionis succussibus adeo augeri potest, ut ægrum in vitæ periculum adducat. Num nimia sit vasorum plenitudo, ita ut eorum ruptura metuenda sit? An mulier ægrotans prægnans sit? Si quid enim ex his occurrat, rarissime exhibendum erit emeticum, nec nisi summa cautione, ac prudentia.

2. Attendendum ad morbum ipsum. Num morbum ab humorum mole

ortum ducat? Num morbi fomes adhuc in primis viis contineatur? quod ex oris amaritie, nauseabundis rudibus, biliosis vel acidis vomitionibus, &c. judicari potest. Quidam enim emeticorum exhibitionem inutilem putant, cum morbi fomes massæ sanguineæ admixtus est, vel cum a spirituum atrox seu depravatione pendet ægritudo, ut in spasmodicis, hysteriis, & hypochondriacis affectibus. Verumtamen illis in affectionibus sæpe felici cum successu emeticum sibiitum præscribitur, non tam ad humores primis viis contentos subducendos utpote pauciores, quam ad æstuantem humorem & turgentem vasis contentum & parti principali, pulmone v. g. aut pleuræ imminuentem in abdomen attrahendum, ejusque evacuationem per latiores vias ac patentes tentandam: quod quidem, monente divo sene, statim fieri debet in primo morbi insultu. In spasmodicis vero affectibus, ubi membranaceæ fibræ erethismo laborant, emeticum hujus erethismi rhythmum alia levi, sed plane contraria, irritatione invertit, & sæpius extinguit. Sic etiam in alvi profluviis Hippocrates excitabat vomitum, quo confestim infernus secessus sursum reveleretur & solveretur. Præterea in affectibus comatosi ea est emeticorum vis, ut vividos in visceribus succus excitent, fibrarum nervearum oscillationem ubique adaugeant, ac tandem liquorum cursum aut tardiorum, aut repressum ita exstimulent, ut per angustos canalium meatus foras propellantur. Hinc copiosæ illæ evacuationes per vomitum, per alvum & per sudores sæpe simul concitæ, unica tantum Stibii velut atomo exhibitæ. Cavendum est, ne adsit in abdomine viscerum inflammatio, quæ quidem vehementioribus vomitus succussibus ingravesceret. Nec Medicus decipiat ab irriti vomendi conatu, qui a fibrarum ventriculi convulsione symptomatice sæpe progreditur. Tunc enim vel inutilis foret vomitio, vel periculosa: ventriculi enim motus convulsivus augeri posset, vel etiam illud viscum inflammaretur.

3. Ex parte medicamenti eligenda est Stibii præparatio quæ tuto exhiberi possit, aut cujus dosi ægri viribus & morbi urgentiæ a Medico accommodari possit. Stibium sub pulveris forma sæpe Medicos fallit, modo nimiam vomitionem excitando, modo nullam. Vini stibiatum nimis incerta est vis, diversa pro diversa vini indole. Omnium Antimonialium præparationum præstantior est, quæ Tartarum emeticum dicitur; quæ quidem semper liquore soluta exhiberi debet. Nec minori dosi præscribatur: si enim ad vomitum excitandum dosis non sit sufficiens, nausæ irritis ægrotantem fatigat absque levamine. Nec existimandum est Stibii nimiam dosim innocuam esse: sæpe enim ex nimia dosi vehementiores sunt ventriculi contractions, aut partium succussus, quibus sanguinis expulso, vel vomitio, vel diuturniores & irriti vomendi conatus, ac tandem convulsiones, aut viscerum inflammationes succedunt.

Si vero ex quacumque Stibii præparati dosi vomitus vehementior sit aut diuturnior, spiritus sulphuris vel Vitrioli guttæ aliquot in aquæ vel pitæ cyatho ad gratam aciditatem exhibeantur, statim Stibii vis emetica infringitur, & vomitus ab hoc remedio tutius quam ab Opio sedatur.

Dum vomunt ægrotantes, ad humorum saburram in ventriculo contentam diluendam, & eorum ejectionem faciliorem efficiendam, assatim bibant aquæ

aquæ tepidæ, vel feri lactis, vel decocti carnis vitulinæ, vel pulli magnam copiam; sic facilius erit humorum ejectio, & minores erunt ad vomendum conatus. Tunc oleum & pinguis emetici vim citius insinuant, & viscidæ ventriculi colluviei dissolutioni obstant.

Præter usum Medicum, Stibium apud varios opifices usitatissimum est. Stannarii ad nitorem & sonum argenteum Stanno conciliantur; fusores ad campanas, specula metallica, & typographicarum litterarum typos fundendos eo utuntur. Ab aurifabris etiam ad purgationem auri adhibetur. Stibium enim cum auro fusa omnia metalla ei admixta, ne argentum quidem excepto, corrodit, ac in scorias convertit.

ARTICULUS SECUNDUS.

De Bismutho.

Bismuthum Offic. Plumbum cinereum *Agricola*: Marchasita argentea. *Quorundam*: Gallice *Etain de glace* vel *Bismuth*: Est substantia metallica, fusilis, non ductilis, ponderosa, fragilis, a plumbo & stanno colore & duritie discrepans, nitens quandoque argenti colore, interdum dilute purpureo, Regulum Antimonii referens, ex laminis tamen sarioribus constans.

Ejus minera Galenæ similis est, sed manus inficit; non item Galena. Eam torrere solent metallici opifices, & postea in Regulum fundunt. In venis argenteis sæpius occurrit, & quo effoditur loco, argentum esse plerumque significat; unde a fossoribus argenti rectum dicitur. In Misnia & Bohemia tantummodo Bismuthi fodinæ reperiuntur.

Quidam narrant etiam ex Cobalto certa quadam ratione fuso Regulum extrahi, quem Bismuthum esse asserunt. Sed de hac origine non plane constat.

Bismuthum Græcis & Arabibus ignotum fuisse videtur. Arabum enim Marchasita est lapis Pyrites.

Rarioris est usus in Medicina. Quidam tamen ex eo parant flores, quos diaphoreticos asserunt. Sed plurimi hujus mineralis usum internum reformidant, ob arsenicales quasdam partes in eo contentas. Magisterium ejus paratur, illud cum spiritu Nitri solvendo & postea aqua sale communi imprægnata præcipitando. Edulcoratus pulvis albusimus est, & præstantissimus fucus a mulieribus multum expetitus ad cutim dealbandam. Eo quoque tonsores ad comarum asciturum capillamenta cinereo colore pingenda sæpius utuntur.

Stanni fusores Bismuthum Stanno admiscunt, ut majorem splendorem & duritiem ei concilient, & ut liquefactum melius decurrat.

ARTICULUS TERTIUS.

De Zincho.

Zinchum *Offic.* Zinethum seu Marcastita pallida *Schroderi*. Est substantia metallica, sulphurea, ponderosa, plumbum colore referens, fusilis, aliquantisper ductilis, cum difficile frangatur, inflammabilis, & volatilis. Veteribus prorsus ignota videtur fuisse; recentioribus vero ejus origo atque natura antea parum notæ, in *Dissertatione G. Ernesti Stahl Medicinæ Professoris Hallensis de metallurgia*, accurate exponuntur & aperiuntur.

Ex quadam minera plumbi Goslariensi extrahitur: quæ quidem difficile admodum funditur, licet aspectui faciem neque saxeam, neque sterilem, sed nitidam prorsus, brevium tamen & veluti interruptorum foliorum speciem exhibeat. Triplex substantia ex hac minera extrahitur; Plumbum, Zinchum, & quædam Cadmiæ fornacæ species, quæ cum cupro fusa aurichalcum constituit.

Furnus in quo Zinchi minera funditur, sic disponitur, ut parietes laterales & posterior ex latere costæ construantur; anterior, vero pars furni occluditur laminis seu tabulis saxeis, lapide nempe fissili, griseo, ignis vim tolerante, & transverso digito crasso. Ita fit ut fusionis tempore hic furni paries propter parvam sui crassitiem propemodum perpetuo ab ambientis aeris allapsu paulo frigidior maneat: imo vero eundem refrigerant repetitis aquæ asperisionibus. In furno sic disposito funditur minera: & duodecim horas singulis operationibus seu fusionibus impendunt. Fusa minera urgente folium statu, Zinchum cum plumbo fusum in flores seu halitum resolvitur, cujus pars non exigua ad utrumque latus parietibus furni ex costæ latere extructis affigitur, ibique ad calami scriptorii crassitiem adhærescit, tenuissimi limi valde indurati & seminitrescentis consistentia. Hæc quidem accretio, singulis fusionis periodis, priori ita superinducta, imminueret tandem debitam furni fusorii capacitatem, nisi convenienti tempore, aperto furno excussa tolleretur.

In anteriore vero furni parte, parieti saxeæ adhærescit non modo hæc materia supradicta, sub lapidecentis substantiæ saxeæ specie, sed etiam altera instar metalli cujusdam aut plumbi fusi, intercurrentibus tamen tenuissimis, & quasi in cinerem reductis partibus. Sub finem itaque periodi istius fusionis, remotis ab ima anterioris hujus parietis parte prunis candentibus, ibi substernunt carbonēs comminutos non ignitos, & tunc levibus mallei ictibus parietem concutunt. Ita effluit Zinchum illi parieti hæcenus adhærens; & inter tenuissimam reliquam substantiam, quasi favis quibusdam insidens, defluit sub stanni liquati specie, ardentis tamen, & lucida alba flamma coruscantis: & intra pauca momenta prorsus conflagraret, & in levem albidum cinerem promptissime abiret, nisi a carbonum pulvere exciperetur & extingueretur. Statim atque

atque in illum pulverem demersum est, extinguitur, & in metallum concrevit. Refrigeratum illinc aufertur, a carbonibus separatur; & denuo leni calore, stanni inflat, colliquatum in massas seu placentas funditur.

Proventus hujus materiæ plurimum variat, adeo ut interdum nihil prorsus inveniant, sive propter intensiorem ignis calorem, sive propter vehementiorem folium statum.

Cæterum illa hujus concreti pars quæ lateritiis furni parietibus affixa per vices effringitur, Cadmiam constituit, quæ cum cupro fusa aurichalcum vulgare efficit. Sed priusquam huic operationi adhibeatur, per longum tempus in acervos cum metalli scoris atque quisquiliis aeri aperto exposita relinquitur. Ibi ab aere penetrata nonnihil rarefcit, & laxioris fit consistentiæ. Tunc apta est & idonea ad cuprum flavo colore tingendum.

Hæc substantia a D. Stahl Cadmia fornacum dicitur, nec immerito. Licet enim a Turhia, quæ est Cadmia fornacee Agricola, origine differat, non tamen natura & effectibus ab illa multum diversa videtur. Utraque enim cuprum flavo colore tingit.

Plumbum in ima fornacis parte fufum reperitur. Hujus materiæ nihil penitus retinere existimant operarii, persuasi nimirum quod illo igne qui plumbum in furno subsidens adhuc comitatur, universum Zincum combustum in auras pellatur.

Zincum est substantia metallica, sulphurea tamen & plane volatilis. Observavit enim D. Homberg hoc fossile corpus in crucibulo ignito fufum, multos fumos emittere. Si vero baculo ferreo agitur, statim ardet, flammam emittit albam, fulgidam, qualis ex Nitri & Sulphuris mixtura oritur; & eodem instanti tota crucibuli cavitas tenuissimis filamentis albis, levissimis, & copiosissimis, gossypio vel araneorum telis similibus adimpletur, quæ colliguntur; ita ut iteratis agitationibus & florum collectionibus, Zinchi substantia fere tota in hos flores filamentosos abeat. Ex his floribus D. Homberg oleum inflammabile subtilissimum extraxit.

Zinchi flores albi intus sumpti sudoriferi sunt, & nonnunquam per superiora & inferiora purgant, a gr. iv. ad xij. Extus vero adhibiti a Pompholige aut Nihilo albo officinarum, reipsa non discrepant: potenter siccant, sine morfu leviter adstringunt, & consolidant. In ophtalmia ex lympha salsa & aciore, a Paulo Barbette tanquam expertum remedium, cum aqua Rosarum soluti prædicantur: in papillarum fissuris a Francisco Deckers, linteolo excepti, & aspersi exulcerationibus ægrotantium a diuturno decubitu, ab Emmanuele Konig commendantur. Valent etiam ad ulcera humida exsiccanda.

Ex cupro & Zinco simul fufis fit elegantissimum aurichalcum, auri colorem æmulans, quod Principis Metallum, vulgo *Metal de Prince*, dicitur a Principe Roberto Anglo qui hujus inventor censetur. Sic autem conficitur.

24. Cupri ℥iij. Fundatur in crucibulo, Fuso adde Zinchi ℥ß. Fluant simul. Massa metallica refrigerata aureo colore elegantissimo tincta & malleo ductilis deprehenditur.

Stanni fusores eo utuntur pro dealbando & purificando stanno, non fe-

cus, ac aurifabri plumbum ad aurum purgandum vel argentum. Eapropter dum sexcentas ex gr. libras stanni fundunt, Zinchi libram unam admiscunt.

ARTICULUS QUARTUS.

De Cinnabari & Hydrargyro.

Cinnabaris vox multiplex, quæ jam Dioscoridis tempore diversis rebus tribuebatur. Tunc temporis Cinnabaris nomine proprie designabatur substantia quædam intense rubra ex Africa delata, vi adstringente prædita quam quidam, referente eodem Dioscoride, Draconis cruorem esse existimaverunt: nec a succo-gummoso, Sanguine Draconis in officinis dicto, discrepantem esse Matthiolus multa cum ratione suspicatur. Abusive tamen idem nomen Minio veterum tribuebatur, substantiæ nempe minerali coloris rubri rutilantis, ex qua Hydrargyrum extrahebatur; ita ut hæc voces, Cinnabaris & Minium, indiscriminatim postea usurparentur. Tandem usus invaluit; quandoquidem rarius esset Minium verum ac genuinum: nonnunquam enim adulterabatur quibusdam plumbeis mineris ad rubedinem calcinatis: & adhuc plumbi Calx rubra Minii nomen retinet in officinis, dum Hydrargyri minera rubra nunc non aliter quam Cinnabaris dicitur.

Vulgatioribus igitur officinarum vocibus & usitatoribus servatis, Cinnabarim officinarum in nativam & factitiam distinguimus.

Cinnabaris nativa seu fossilis *Offic. Aulcor & Muscor veterum Græcorum*: *Ἀνδραξ Vitruvii*. Est substantia fossilis, metallica, gravis, non admodum dura, quæ vel pura vel lapidibus permixta reperitur. Puræ plures sunt species: una colore purpureo ad rubedinem inclinante, quæ trita colorem rubicundum elegantissimum exhibet; altera subnigra vel jecoris colore, Hæmatitidem lapidem referens; altera vero subflava. Tanto Hydrargyro plerumque turget hæc minera, ut metallicus ille liquor per se guttatim ex ea stillet. Quæ lapidibus permiscetur Cinnabaris species, sæpe in lapide scissili cinereo, bractearum modo concreta invenitur, quandoque in lapide metallico candidissimo: nonnunquam etiam sub forma Pyritis aurei vel argentei coloris occurrit, qualis in Normannia & terra rubra paucis abhinc annis effodiebatur. Variis in locis reperitur in Hungaria, in Carinthia, in Bohemia, in Italia, in Hispania, & in Gallia.

Ex quibus principiis constat Cinnabaris nativa, nullus non novit. Hydrargyrum ex eo, distillationis ope, mediante calce viva vel limatura ferri, elicitur. Sulphur ardens ex ea extrahitur, sed parva quantitate, si cum lixivis fortioribus ebulliat, & decoctioni ab Hydrargyro separatæ acetum stillatitium affundatur. Præterea Cinnabaris arte conficitur a nativa non dissimilis, Hydrargyrum & Sulphur commune simul mixta sublimando, ut infra dicemus.

Cinnabaris nativa olim a pictoribus sæpius experta, rarius nunc venit in usum; cum factitia non minus elegans sit, & minori pretio obtineatur;

Ex

Ex ea olim veteres Hydrargyrum extrahebant, hodieque ad illius extrahionem e terra effoditur. A quibusdam tamen Medicis commendatur ad usum internum, adversus epilepsim, vertiginem, maniam, & affectus cephalicos. Tunc eligitur Hungarica colore rubro rutilante, pura, nullis heterogeneis partibus permixta; rejicitur fusca aut subflava, & impura.

Accidit tamen nonnunquam quod Cinnabaris nativa, ratione vitriolicarum quarundam particularum, vel etiam fortasse arsenicalium, nauseas, & vomitiones excitet, necnon etiam anxietates circa præcordia: quod & ipse bis terve observavi, licet Cinnabaris plurimis lotionibus purgata fuisset. Quapropter aut Cinnabarim factitiam aut Cinnabarim Antimonii nativæ semper anteponendam censeo.

Cinnabaris factitia *Off.* Gallice *Cinabre* vel *Vermillon*, est compages quædam rubra, ponderosa, densa sed friabilis, striis argenteis vel fulgentibus distincta, ex sulphure & Hydrargyro arte Chymica conjunctis constans, ut infra dicemus. Sed prius quid sit Hydrargyrum considerandum est.

Hydrargyrum seu Argentum vivum *Officinatum*: Ἡδράργυρος *Græcor.* Mercurius Chymicorum: Ἀργύρος χυτὸς *Theophrasti* seu argentum futum: Ἀργύρος χυτὸς *Aristotelis*, argentum mobile: Vomica liquoris æterni *Plinii*: Zaibar vel Zabach *Arabum*. Est substantia metallica, fluida, tactu frigida, argenteo splendore nitens, gravis, summe volatilis, sola corpora metallica madefaciens, & in primis aurum, cui avide conjungitur.

Hydrargyrum vel fluidus in terræ visceribus occurrit, & in lacunis in quas ex fodinarum venis fibrisque confluit, colligitur. Aqua copiosa lavatur ad terram separandam: nonnunquam aceto, & sale purgatur, ad metallicas particulas, si quæ sint, absumendas; tandem per pannum xylinum vel per alutam transcolatur, & Mercurius virgineus dicitur. Vel in glebis effoditur, seu sub mineræ sulphureæ mercurialis rubræ specie quæ Cinnabarina nuncupatur; vel sub forma glebæ limosæ, vel faxæ, colore diverso, modo rubro, modo subflavo, modo fusco, modo plumbeo. Ex hac posteriore Hydrargyrum simplici distillatione, nulla re addita, educitur, vel per ascensum, dum minera retortis immissa igne sufficienti urgetur; sic e minera elevatur Hydrargyrum, sub fumi specie, qui in collo retortæ partim in guttas concrevit ac distillat, partim in aqua excipuli suppositi coalescit in liquorem argenteum, qui Mercurius vivus vel currens nuncupatur: vel per descensum distillatur hac ratione, utpote expeditori, si uberrima sit, & dives Hydrargyri minera. Effossam mineram conterunt, in fistilia quædam angusti orificii conjiciunt, & recenti arborum musco obturant: deinde fistile alterum huic simile laxioris tamen oris in terram sepeliunt, & alterius pleni inversum orificium in illud inserunt: argilla circumquaque muniunt, & obturant oscula, vasaque simul connectunt & firman; adeo ut vacuum fistile totum sub terra recondatur, plenum vero totum superemineat. Itaque in aperta area quamplurima seriatim collocant fistilia, & deinde ignem in ambitu succendunt, cujus vi calefacta vena Argentum vivum guttatim distillat per muscum in substratum fistile. Hinc suo tempore eximunt, & in utri-
culos quosdam reponunt.

In Hungaria, in Carinthia, Carniola, & in agro Forojulensi divites sunt Argenti vivi fodinæ. Nec defunt in Gallia circa Monspelium, & in Normania non longe a Carentano oppido, ubi minera rubra Cinnabarina occurrebat adeo dives, ut ex ea Mercurius currens virgineus non parvâ copia extraheretur.

Ex Mercuriali vero minera quæ copioso sulphure turget, Hydrargyri extractio fieri non potest absque additamentis, quæ sulphuream substantiam absorbendo, Mercurium liberent ac fluidum reddant. Talia sunt cineres lignorum, calx viva, scobis ferrea, & cætera hujuscemodi, quibuscum permixta minera distillatur.

Hydrargyrus metalla omnia, auro excepto, gravitate superat. Aurum enim in eo immergitur, cætera supernatant. Auri gravitas ad illius gravitatem paulo major est, quam 4. ad 3. Hydrargyrus cum omnibus metallis, & metallicis permiscetur, & ut ajunt, amalgamatur; licet antimonio, ferro, & æri difficilius adhæreat. Metalla penetrat, dissolvit, & friabilia reddit: unde a quibusdam prima metallorum materia existimatur. Sed hæc opinio experimentis aut argumentis sat validis non firmatur. Itaque est corpus metallicum sui generis, fluidum, ponderosum, & summe divisibile ac volatile. Hydrargyrus enim igne in partes tenuissimas sub halitus forma dividitur, & dissipatur: hinc Servi fugitivi nomine a Chymicis donatus fuit. Sub speciebus fere innumeris larvari potest, & potest ad pristinam formam reduci: unde Protheus dicitur. Cum sale marino facillime consociatur, & simul conjuncta facillime levi calore in massam candidam, salinam, crystallinam, sublimantur sub nomine Mercurii sublimati corrosivi, non itidem cum Nitro vel Vitriolo. A spiritu acido Nitri facile dissolvitur, sed difficillime admodum ab oleo Vitrioli. A salibus alcalinis nullo modo mutatur: a salino-sulphureis corporibus quodam modo figitur, & extinguitur: cum sulphure diu tritus in pulverem nigerrimum convertitur, & ignis ope sublimatur in massam, intense rubram, radiatim dispositam, & nitentem. Hydrargyrus cum spiritu Nitri solutus, acido spiritu ignis ope exhalato, sub pulveris rubri specie remanet: si vero ejusdem solutio cum sale Tartari præcipitetur, subsidet sub pulveris crocei specie: cum sale marino Præcipitatum album exhibet; cum aqua calcis Præcipitatum flavum.

Hydrargyri analysis perdifficilis est: nam statim atque igne urgetur, in auras avolat; ita ut artificis industriam fuga eludat; antequam in sua principia reduci possit. Verumtamen si diuturno ignis calori expositus diutius detineatur in vase vitreo oblongioris colli, in pulverem griseum paulatim convertitur, qui diuturniori digestionem flavescit, ac tandem ruber evadit. Hydrargyrus sic in calcem reductus paulo ponderosior fit, quam dum fluidus erat: paulo fixior etiam est in igne. Verumtamen si igne vehementiori propellatur, in auras avolat, remanente tantillo terræ fuscæ, & levis. Si cum carbonum pulvere Calx Mercurialis leviter comburatur, in Mercurium currentem diffuit. Hydrargyrus tritura diuturniori in pulverem cinereum reducitur, interpositis nempe aliquot terentis corporis moleculis, quæ Mercurialium globulorum intimum contactum impediant.

Mer-

Mercurius vivus lentis majoris foco sub sole expositus ; in uberimos fumorum rivos statim diffunditur , nihil prius remanente . At vero Mercurii per se calcinati calx solis foco supra tegulam exposita , in materiam vitrescentem colliquefcit , quæ in fumos citissime evaporatur ; tandem pulvisculus subfucus superstes remanet , qui in vitrum fuscum tandem convertitur . Si eadem Mercurii calx super carbones in ejusdem lentis vitreæ foco detineatur , dum liquefcit in vitrum & super carbones diffuit ; vitrum priusquam sub fumi specie in auras dissipetur , in argenteas Mercurii currentis guttulas convertitur . Hinc patet Hydrargyrum componi ex terra vitrescibili volatili , quæ metallicum splendorem & suam fluiditatem a sulphureis partibus mutuatur . Dum enim Argentum vivum calcinatione sulphureis suis partibus spoliatur , & fluiditatem & splendorem argenteum amittit : si vero sulphuræ particule ipsi restituantur , pristinum splendorem & fluiditatem statim recuperat .

Hydrargyrum ab antiquis inter venena annumerabatur . Ipsi enim vim perniciosam tribuit Dioscorides , cujus auctoritate dubio procul ductus Galenus illum inter erodentia numeravit ; ejus enim virium nullum periculum fecisse fatetur . Hydrargyri nomen apud Hippocratem non legitur ; unde suspicari licet illius ævo usitatum non fuisse . Ad usus externos usurpabatur Avicennæ temporibus , raro ad usum internum ; & tunc temporis a Medicis quamplurimis adhuc inter venena habebatur , ut videre est apud Actuarium qui illum inter medicamenta exitiaria recenset , & Mesuem qui eo tantum utebatur ad cutis affectiones curandas . Observat tamen idem Avicenna plurimos Hydrargyrum absque ulla noxa potavisse , & per alvum nullo modo mutatum ejecisse .

Ducentis circiter abhinc annis , licet pro veneno a quibusdam adhuc haberetur , non pauci ad usus internos eum transtulerunt . Ex quo enim observatum fuit illum innoxie pecoribus , ab eorum scilicet lumbricis enecandos , a suis pastoribus exhiberi , teste Fallopio , abunde comperitum esse putaverunt , tuto etiam ægris hominibus offerri posse . Itaque Hydrargyrum crudus inter venena non adscribendus est . Brassavolus enim & Carolus Musitanus eum infantibus pueris sæpius a granis duobus ad ℥i. exhibuisse asserunt , ad vermes necandos , & semper cum levamine . Quædam obstetrices ad difficilem partum juvandum ejusdem scrupulum unum parturientibus propinant , si non semper cum successu , saltem sine noxa . Matthiolus quædam gravidas mulieres abortum sibi machinantes Hydrargyri libram unam absque nocumento hausisse narrat . Et vulgo notum est tossotes Hydrargyri heris suis hunc liquorem metallicum clanculum subripere , nec parva quantitate deglutire , quem postea per alvum dejectum a fecibus lotionè purgant , ac vendunt .

Fatendum est tamen non omni noxa vacuum esse diuturniorem ejus usum , tum internum , tum externum . Fossiores enim & hujus materiæ artifices , licet robustissimi fuerint temperamenti , in hoc opere vix quadriennium vivunt incolumes ; sed membrorum tremore & paralyfi afficiuntur , & miselli moriuntur . Ab incauto quoque illius usu , tum interno , tum externo , nervi læduntur , debilitantur , corrugantur & con-

trahuntur; unde membrorum tremores, contractio, paralyſis. Humores nimis colliguntur; unde ptyaliſmus ſæpe diuturnior & letalis, ulcera oris & gulæ, uberioreſ alvi dejectiones. At vero Hydrargyrum medicamentum abuſu tantum pravum cenſemus, ſed rite adminiſtratum ſaluberriſimum exiſtimamus.

Hydrargyruſ itaque virtute inſigni donaturaperiendi, ſeu poros tubuloſque glandularum quocumque in loco inſarctos & obſtructos referandi, humores ſpiſſos ac lentos, præſertim lympham viſcidam attenuandi & reſolvendi, vel in anguſtiſſimis & longe remotis corporis meatibus; unde in tumoribus & glandularum inſarctu, in ſchirroſo liene, meſenterio, hepate, &c. in gangliis, ſtrumis, & aliis affectibus huiuſcemodi valde commendatur. Præterea humorum acrimoniã temperare valet ac lenire; unde in tumoribus, bubonibus, & ulceribus venereis, in puſtulis cutaneis, ſcabie qualicumque & cæteris cutis affectibus mire conferunt mercurialia medicamenta; modo univerſalia remedia præparantia & evacuantia præmittantur, & identidem exhibeantur. Cum enim hi omnes affectus oriantur a ſtagnante ſeroſa colluvie viſcida, quæ mora diuturniori cauſtica fit; ſi Hydrargyri ope citius dividatur & tenuior fiat, antequam liber ipſi pateat exitus, tunc ſane in propriam partem vim ſuam exeret, vel in internas partes irruens atrociffima gignet ſymptomata, & malum priori peius excitabit. Igitur ante Hydrargyri exhibitionem corpus caute præparandum eſt, tum venæ ſectiõne qua vaſorum plenitudo minuitur, tum balneis & diluentibus medicamentis quibus humores fluxiliores fiunt & fibræ molliores, tum purgantibus quibus viæ ad humorum exitum præparantur. Purgantia quoque medicamenta identidem exhibeantur, ad ſolutos humores per patentiores vias abſque noxa ſubducendos. Tandem æger in loco calido verſetur, ne inſenſibilis perſpiratio frigore externo intercludatur; eamdemque blandis exercitationibus provocet ac foveat.

Hydrargyruſ non intra corpus modo aſſumptus, ſed etiam extrinſecus inunctus, per alvum, per ſudores, per inſenſibilem perſpirationem humores evacuat, quos tamen ſæpius ſuprapurgare ſolet, non quidem vomitione, ſed continua mucoſi ſputi profuſione. Unde & ſalivatio vulgo dicta, nova & veteribus intentata purgationis forma. Hæc purgandi ratio luis venereæ Medicina tuta ac præſtantiffima cenſetur, qua primus uſus fuit Jacobus Carpenſis Medicus Bononienſis.

Hydrargyruſ, ex quacumque regione afferatur; optimus cenſetur purus, argenteo ſplendore nitens, ſumme fluidus, qui in argenteo cochleari igni expoſitus in auras proſuſ avolat, nihil remanente: rejicitur colore livido infectus, qui in guttas exacte rotundas non dividitur, ſed vermiculorum aut lacrymularum ſpecies effingit; quod quidem cum plumbo vel Biſmutho adulteratum fuiſſe denotat. Utut purus eſſe poſſit Hydrargyruſ nativus ſeu virgineus, internum tamen ad uſum ſemper purgari debet: ſæpe enim vel partibus quibuldã metallicis, vel ſulphureis, vel etiam aſſenicalibus permixtus eſt.

Simplicior Mercurii purgatio fit eum per alutam trajiciendo, qua a fordidibus craſſioribus purgatur. Quidam eum ſale & aceto bis terve lavant: ſed tutior

retior est ejus distillatio per retortam, cum calce viva; vel cineribus clavellatis, aut limatura chalybis. Sic enim purissimus extrahitur Mercurius.

Hydrargyrus vel crudus, ut ajunt, id est absque ulla præparatione, sed purgatus tantum, ad usum medicum adhibetur, vel diversimode præparatur.

Mercurius crudus ad vermes enecandos in substantia exhibetur a ℥j. ad ℥j. Teritur in mortario vitreo cum Saccharo, ut in partes invisibiles dissolvatur, addendo olei Amygdalarum dulcium guttam unam aut alteram, ne in pristinam formam iterum redeat. Usitatissimum est Hydrargyri decoctum, quod fit Hydrargyri ℥j. in aq. puræ ℔vj. per horam decoquendo. Liquor limpidus pueris & infantibus pro potu solito exhibetur. Hydrargyrus vermium quorumcumque, & pediculorum sive majorum, sive minorum, hostis est insensissimus, eosque extrinsecus adhibitus citissime fugat aut interimit. Unguentis quibuscum permiscetur, quibus inunguntur loci, ubi tales nidulantur hospites.

Mercurius crudus exhibetur quoque sat magna copia in oleo, ad ℔ij. vel iij. & sæpe obstructionem tollit & scæces propellit. Sed si fortior sit obstructio, ita ut in intestinis diutius moretur, salivationem promovebit. Metuendum est insuper ne suo pondere intestina gravet ac lædat.

Pro scabiei curatione cingula Mercurialia usurpantur felici cum successu, servatis servandis, ut diximus. Argentum vivum cum albumine ovi diutius agitur, donec ambo in spumam convertantur. Hac spuma imbibuntur cingula e panno xylyno præparata, quæ exsiccata supra lumbos gestiantur. Unctiones Mercuriales scabiem & cæteros cutaneos affectus curare valent.

Mercurius crudus usurpatur in pilulis Mercurialibus, in emplastro de ranis cum Mercurio *Joannis de Vigo*, in unguento Neapolitano.

Hæc sit formula pilularum Mercurialium præstantissima.

℥j. Rhei El. Trochiscor. alhandal. Trochiscor. Agarici ana ℥j. Scammon. Aloes ana ℥jss. Hydrargyri Terebenthina extincti ℥ss. Syr. Flor. Persicor. q. s. F. pil. sec. artem. Dosis a ℥j. a ℥jss. in morbis veneris, rheumatismo, mesenterii, & viscerum obstructionibus. A quibusdam quotidie vel alternis diebus exhibentur.

Nulla est materia a Chymicis tam varie, tam diversimode tractata, non solum ad medicum usum, sed etiam ad alchymisticum. Cum enim Hydrargyrum, seu ut vocant Mercurium, primam omnium metallorum materiam esse existimarent, ad illum fixum efficiendum, nihil intentatum reliquerunt. At vero post tot exanclatos labores, si propositum finem assequi non potuerint, saltem medicaminibus plurimis armamentarium modicum locupletarunt.

Observandum est autem, quasdam apud Chymicos Mercurii præparationes Olei vel Salis nomine insigniri: quæ quidem non sunt principia seu substantiæ ex Hydrargyro extractæ, sed salina vel oleosa corpora Hydrargyro permixta. Hactenus enim nulla ratione Hydrargyrus in sua principia reduci potuit; adeo enim volatilis est, ut citius ex Chymicorum manibus avolet, quam ut ejus texturam dissuere queant.

Usita-

Ufitationes Hydrargyri præparationes sunt Mercurius præcipitatus per se, Mercurii Præcipitatum rubrum, Præcipitatum album, Præcipitatum flavum seu Turbith minerale, Præcipitatum viride, Præcipitatum violaceum vel nigrum; Aethiops mineralis, Cinnabaris factitia, Sublimatum corrosivum, Sublimatum dulce seu Aquila alba, & Panacea Mercurialis.

Mercurius præcipitatus per se, seu Calx Mercurii, sic conficitur.

Hydrargyrus in vas vitreum, infernale, ut ajunt immittatur. In arena digeratur, igne gradatim aucto. In pulverem cineraceum primo convertitur, qui paulatim rubicundissimus evadit. Vomitus, secesum, & sudores mover, Dosis a gr. iij. ad vj.

Præcipitatum rubrum conficitur, solvendo Mercurii vivi ℥iij. in sp. Nitri q. s. seu ℥v. Solutio in arena evaporetur ad siccitatem usque, & remanebit massa pallide flavescens. Ignis ad tertium gradum urgeatur, donec tota massa rubra vel corallina evadat. Servetur pulvis ad usum. Externi usus solet esse excrescentiis carcinosis exedendis, in auriferendis pustulis: nam blande & absque dolore corrodit, si alicui emplastro inspergatur, vel unguento misceatur.

Quidam super hoc Præcipitato rubro spiritum vini rectificatum aliquoties diffillant, pulveremque residuum, Arcanum corallinum nuncupant, seu Præcipitatum rubrum dulcificatum; intus enim exhiberi potest. Si purgantibus medicamenti misceatur, eorum vim purgantem adjuvat; si vero cum sudoriferis, sudorificum fit. Dosis a gr. ij. ad vj.

Præcipitatum album sic præparatur.

Solvantur Mercurii vivi ℥ij. in sp. Nitri ℥iij. in vase vitreo; igne arenæ. Scorsim solvatur Salis communis ℥ß. in aq. calidæ ℥vj. Limpidæ solutiones confundantur. Statim turbida fit mixtura, & Mercurius sub pulveris albi specie vasis fundum petit. Liquor limpidus factus sensim evacuat: multis lotionibus edulcatur pulvis, & exsiccat. Interne sumptus humores per secessum evacuat, nonnumquam vomitus excitat; assiduo usu salivationem provocat. Dosis a gr. iij. ad xv. Extrinsecus cum unguentis & pomatis adhibitus omnes cutaneos affectus sanat.

℥. Præcipitatus albi ℥j. Unguenti rosati ℥j. Misce. Fiat unguentum ad psoram, scabiem, impetigines, &c.

Præcipitatum flavum, seu Turbith minerale, fit solvendo Mercurii optime purgati ℥iij. in olei vitrioli ℥xvj. Solutio ex retorta distilletur, donec massa alba remaneat. Pulverizata plurimis aquæ calidæ lotionibus edulcoretur; flavescit. Exsiccata servetur ad usum. Per superiora & inferiora potenter purgat. In morbis venereis potissimum exhibetur. Dosis a gr. ij. ad vj.

Præcipitatum viride, seu Lacerta viridis, sic præparatur.

℥. Mercurii purificati ℥iij. Cupri lamellatim concisi ℥j. Solvantur separatim in spiritu Nitri. Solutiones confundantur, deinde ad siccitatem evaporentur. Massa superstes pulverata cum aceto distillato ad sex transversorum digitorum eminentiam in arena digeratur. Acetum tin-
tura

flura viridi vel subcærulea saturatum extrahatur , & novum superaffundatur . Tandem tincturæ omnes leni calore evaporentur ad melleam consistentiam . Igne lemoto , indurescit materia , quæ pulverata viridis est , & servatur ad usum . Purgat per superiora & inferiora . A quibusdam specifica habetur in gonorrhæa virulenta . Dosis a gr. ij. ad viij. quotidie vel alternis diebus fumenda , donec fluxus penitus sedatus fuerit . Illius tamen usus minus tutus a quibusdam existimatur , ob Cupri venenatam qualitatem .

Præcipitatum violaceum vel nigrum , Mercurius diaphoreticus , & mercurialis Panacea quorundam , hac ratione confici solet .

24. Sulphuris citrini ℥iv. In vase terreo inter prunas candentes fundantur . Sulphuri fuso diligenter admisceantur Hydrargyri purgati ℥vi. cum virga ferrea assidue movendo . His opime unitis Salis ammoniaci ℥iij. adjiciantur . Sublimetur massa in vase vitreo . Sublimatum cum fœcibus permixtum iterum sublimetur . Sic quatuor instituuntur sublimationes : quarta peracta , separetur massa nigra vel subcærulea , ponderosa , quæ in vasis fundo reperitur , a materia tenui , levi , subflava rejicienda . Diaphoretica est , commendatur in rheumatismo , scrophulis , morbis veneris , in asthma , epilepsia , ad obstructions referandas & ad vermes necandos . Dosis a gr. xij. ad 3ß.

Aethiops mineralis præparatur ex Mercurii purgati p. iij. florum Sulphuris p. iij. Agitantur simul in mortario vitreo , donec omnes globuli mercuriales penitus evanescent , & massa in pulverem fuscum tenuissimum redigatur , qui paululum asservatus maxime nigrescit . Valet contra vermes , adversus luem veneream , scabiem , impetigines , scrophulas . Commendatur quoque ad hæmorrhoidales cruciatus , podagram & rheumatismum . Dosis a gr. xv. ad ℥ij. & quandoque iteratur mane & sero , purgando quarto quoque die . Raro salivationem excitat . Diaphoresim promovet , & nonnumquam purgat per secessum .

Quidam ad eandem præparationem conficiendam Mercurium & Sulphur partibus æqualibus commixta incendunt , sed inutilis est hæc combustio .

Cinnabaris fasciia fit paulatim miscendo Argenti vivi partes tres cum Sulphuris igne liquati parte una , & assidue agitando , donec omnis Mercurius evanescat . Massa refrigerata pulverizatur , & in vas sublimatorium immittitur . Igne sensim aucto , sublimatur in Massam rubram striatam & splendentem . Eisdem virtutes obtinet ac Aethiops mineralis . Nonnumquam in suffitu præscribitur ad salivationem movendam in lue venerea .

Sublimatum corrosivum hac ratione cito præparatur .

25. Mercurii purgati q. pl. Dissolvatur in aquæ fortis q. f. Solutio ad siccitatem distilletur . Massæ salinæ residuæ permisceantur salis communis decrepitati p. iij. In matraccio vitreo colli brevioris instituatur sublimatio . Elevabitur massa salina crystallina alba , quæ Sublimatum corrosivum , vel Mercurius sublimatus corrosivus , vel Draco venenatus

tus dicitur. Inter venia: corrodentia recensetur. Intus sumptum eadem, quæ Arsenicum, sed vehementiora & promptiora excitat symptomata: gulam enim, ventriculum, & intestina celerrime corrodit ac dilacerat. Ejus vis caustica iisdem remediis infringitur, quæ proposuimus, cum de Arsenico egimus.

Externe usurpatur ad carnes superfluas consumendas, & ad ulcera antiqua detergenda. Ex eo paratur Aqua phagædenica, solvendo nempe Sublimati corrosivi ℥ss. in aq. Calcis ℔j. Flavescit liquor, qui servatur ad usum.

Ex Sublimato corrosivo conficitur Sublimatum dulce, quod etiam Mercurius dulcis, Aquila alba Draco mitigatus, & Calomelas a quibusdā nominatur.

24. Sublimati corrosivi ℥xvj. In mortario vitreo vel marmoreo diligenter teratur, sensim affundendo Mercurii vivi optime purgati ℥xij. Continuetur tritura, donec Mercurius vivus non amplius appareat. Pulvis fiat plumbei coloris, qui in ampullis vitreis reponitur ad altitudinem unius vel alterius uncie. Tum igne lento per gradus aucto, sublimatur pulvis. Massa sublimata alba separatur a scæcibus rejiciendis, pulveratur, & iterum sublimatur.

Sublimatum dulce Blande purgat, pituitam tenacem incidit & expellit, & in morbis venereis medicamentum purgans eximium censetur. Vermes necat. Dosis a gr. vj. ad xxx. sub forma pilularum vel boli. Quod si dosis per aliquot dies continuetur, salivationem movet. Ut plurimum cum aliis purgantibus medicamentis mixtum exhibetur. Quidam alternis diebus Aquilam albam & medicamentum purgans præscribunt, ad luem veneream sine pyralismo curandam.

Usurpatur in pilulis mercurialibus *D. Charas*, & in Electuario aperiente cathartico *Ejusdem*.

Ultimo venit Panacea Ludoviciana nuncupari potest; cum Christianissimi Regis Ludovici decimi-quarti liberalitate ac munificentia præstantissimum illud arcanum viribus ejus ad luem veneream debellandam variis tentaminibus exploratis vulgatum sit, & publici juris factum. Ea est hujus Panaceæ præparandæ ratio.

Purgatur I. Mercurius vivus cum sulphure Cinnabarin conficiendo ut docuimus, & Mercurium currentem inde extrahendo. Sic obtinetur Mercurius e Cinnabari redivivus.

II. Ex hoc Mercurio præparatur Sublimatum corrosivum, quod quidem octies sublimandum est; scilicet bis cum Sale marino & Vitriolo, quinques cum Sale marino solo, & semel absque ullo intermedio.

III. Portio quædam hujus Sublimati corrosivi cum regulo Antimonii, distillationis ope, in Mercurium currentem reducitur.

IV. Ex hoc Mercurio resuscitato & ex Sublimato corrosivo simul mixtis fit ex arte Mercurius dulcis novies sublimandus.

V. Tandem Mercurius dulcis cum spiritu vini aromatico digeritur per tres hebdomadas; deinde semoto liquore exsiccat, & servatur ad usum.

Exi-

Eximium est medicamentum ad morbos omnes venereos profligandos. Commendatur etiam in rheumatismo; obstractionibus glandularum, mesenterii & scrophulis. Valet ad scabiem, impetiginem, & lumbricos quoscumque. A quibusdam etiam adversus scorbutum proponitur, sed noxius est hoc in affectu Hydrargyri usus. Panacea mercurialis salivationem facilius promovet, quam Aquila alba, quæ sæpius per secessum humores evacuat.

24. *Æthiopis mineral.* ℥ss. *Corallin. pulver.* ℥j. *Olei Tanaceti gutt.* iij. *Misce.* Fiat pulvis, cujus dosi a gr. xv. ad ℥ss. Mane & vespere exhibeatur sub forma pilularum vel boli cum Syr. de absynth. q. s. ad vermes in corpore nidulantes enecandos. Post tres quatuorve dies sumatur bolus purgans sequens.

25. *Aquilæ albæ*, *Rhei pulv.* & *pulver. Cornachini ana*, partes æquales. *Misce.* Fiat pulvis, cujus dosi a gr. xx. ad ℥ij. & ℥j. cum Syrup. vel *Conserva de absynthio*.

26. *Æthiop. miner.* ℥ss. *pulver. Milleped. Gumm. ammon. ana* gr. xx. *Conserv. Flor. Calendulæ q. s.* Fiat bolus singulis diebus exhibendus ad scrophulas, purgando quarto quoque die cum bolo sequenti.

27. *Aquilæ albæ*, *Gumm. ammon. ana* gr. xv. *Trochiscor. alhandal* gr. x. *Syr. Mor. Persicor. q. s.* Fiat bolus.

28. *Panacea mercurial.* ℥j. *Rhei pulv.* ℥ij. *Balsam. Copaiv. ℥ss.* *Misce.* Fiat opiata, cujus dosi ℥j. quotidie mane ad gonorrhæam curandam. Purgetur æger tertio vel quarto quoque die cum pilulis mercurialibus supra præscriptis; vel cum sequentibus.

29. *Calomelanos* & *Diacrydii ana* ℥j. *Trochiscor. alhandal* ℥j. *Pulverata* *miscantur* cum q. s. *Terebenthinæ*. Fiant pilulæ pro dosibus quinque.

Inter cæteras Mercurii doxes commendatur potissimum ea vis, qua potest virus venereum expugnandi. Hujus veneni proprium & unicum habetur alexipharmacum, quatenus scilicet virus illud cum uberrima lymphæ tenacis & viscidæ profluvio foras expellit. Nunquam enim venerea lues nisi uberrima salivatione aut copioso alvi fluxu tuto sanatur.

Ad salivationem excitandam alii mercurialibus suffimentis utuntur, alii emplastra vel unguenta mercurialia adhibent, alii vero Mercurium diversimode præparatum intras somendum præbent.

Ad salivationem suffitu promovendam æger rite præparatus in hypocausto seu cellula ad hoc parata nudus collocatus. Tunc prunis candentibus paulatim injiciuntur Cinnabaris frustula ad ℥ij. vel iij. quorum habitus cunctis poros penetrat: hoc suffitu incalcescit æger mirum in modum, ac sudat plus minusve pro viribus. Singulis vel alternis diebus iteratur suffumigatio, donec gingivæ tumescere, & os ulceribus affici incipiant, ac tandem saliva ad debitam quantitatem fluat.

Inunctiones vero sic instituuntur. Præmissis præmittendis, primo ad focum ægrotantis decentibus huic morbo vestibus indatis, partes inungendæ per aliquod tempus fricantur, donec incalcescant & rubescant. Tunc unguento mercuriali inunguntur, prima quidem die pedes, genua,

& inguina; altera, nates, carpi, cubiti, & humeri, inunctiones vel singulis diebus vel alternis, pro ægrotantis constitutione, iterantur, idonec uberrimum salivæ profluvium appareat, quod singulis diebus libram iij. vel iv. esse debet. In loco calido, ab igne tamen paululum remoto, inunctiones peragendæ sunt; ne unguentum vi caloris citius diffusetur. Unguenti mercurialis ℥ij. pro singula vice sufficiunt. Quidam ex prima frictione uberrimam & sufficientem salivationem experiuntur, alii post tertiam; rarissime pluribus opus est; quocirca quotidie os & fauces ægrotantis explorandæ sunt, antequam altera frictio iteretur. Superveniente enim salivatione os incalescit & exsiccat, gingivæ & glandulæ salivales intumescunt, frequens est expulsiō, valorum salivarium orificia inflammantur, ulcera apparent quæ ampliantur, ac tandem laudabilis succedit salivatio. Verum salivatio nimia admodum pertimescenda est: quapropter si vehementior sit, ad purgationem illico confugiendum; eaque iteranda, si necessarium videatur, & vestes unguenti imbutæ deponendæ.

Quidam emplastra unguentis anteponunt; & illorum sane tardior est, ac mitior effectus. Iisdem locis, ac unguenta applicantur, & iisdem servatis cautionibus.

Alii tandem salivationem tutius excitari, & feliciter, pro ægri viribus, ad Medici nutum foveri, ac dirigere Panacææ mercurialis ope existimant; & revera fumigationes & inunctiones incertæ sunt & parum fidei. Fumigationes enim mercuriales caput aliquando feriunt, funestaque inducunt symptomata; Inunctiones vero nonnunquam vel nimiam salivationem excitant, vel etiam quandoque nullam. Nam prout corporis ægrotantis pori cutanei patentiores sunt, vel angustiores, major vel minor Hydrargyri copia corpus penetrat; quod quidem nonnisi eventu dignosci potest. At vero ea est Panacææ mercurialis utilitas, ac præstantia, quod exigua dosi primo exhibeatur; & sensim augeatur, donec procedat debita salivatio & ad quantitatem requisitam, quæ quidem augeatur vel minuitur, vel in eodem statu sustinetur, ac foveatur ad Medici arbitrium absque ullius periculi metu. Attamen non prorsus rejiciendæ sunt aliæ salivationem excitandi rationes, quæ quidem nonnunquam intermiscendæ sunt, prout res postulat. Sæpe enim tardior est Panacæa, ita ut una aut altera levi inunctione opus sit ad promptiorem & debitam salivationem promovendam. Itaque in robustissimi temperamenti viris inunctiones promptiorem & uberiorem salivationem excitant, quæ postea Panacææ mercurialis ope foveatur. In delicatioribus sola Panacæa exhibetur, vel ad summum aliquot emplastris mercurialibus stimulatur. In his venereæ curatione ubi adsunt dolores acerbissimi & permanentes, nodi & exostoses; ibi quæque emplastra feliciter applicantur. his quibus scabies, herpes, crustosa ulcuscula, & pustulæ verolice per totum corpus diffunduntur, unctiones mercuriales conveniunt. Tandem suffumigationibus utiliter unctionibus vel usui Panacææ intermiscentur, ubi adsunt ulcera, verrucæ, condylomata, aut alia hujuscemodi in ano vel pudendis. Ea est autem salivationis excitandæ methodus, Panacææ mercurialis ope.

Una aut altera venæ sectio celebretur pro ægrotantis plethora & viri-

viribus . Altero post ultimam venæ sectionem die potione cathartica corpus evacuatur , & juleculo duabus abhinc horis exhibendo infundantur Tartari sibi gr. vj. vel Panaceæ antimonialis guttæ xv. Postridie ingreditur balneum aquæ tepidæ semel aut bis in die pro viribus . Tandem post sex septemve balnea Panaceæ mercurialis exhibeatur .

Sic præparatur corpus ægrotantis : humorum crassamenta primis viis contenta evacuantur , vasa laxantur , liberius fluit sanguis , fluidiores fiunt succi , fibræ vero minus rigidæ .

Cavendum tamen ne sanguinis missione aut nimio balnearum usu corpus nimis debilitetur , ita ut salivationem debitam perferre nequeat . Nec pluries iteranda est catharsis , minuit enim salivationem & alvi fluxum provocat . At vero licet alvi fluxu sanetur quoque lues venerea , tutior tamen est per salivationem hujus morbi curatio .

Ægrotanti sic præparato , postero ab ultimo balneo die , Panaceæ mercurialis grana x. mane , vesperi vero gr. v. exhibeantur . Altero die mane gr. xv. & vesperi gr. viij. 3. die mane gr. xx. vesperi gr. x. 4. die mane gr. xxv. vesperi gr. xv. Et sic in dies augeri potest Panaceæ dosis a gr. v. ad x. singulis diebus , ad libitum , donec salivæ fluxus ad 3. vel 4. libram mensuram devenit , aut alvi profluvium eidem quantitati respondeat . Tum a Panaceæ exhibitione abstinendum , donec evacuationes minuantur . Quod si minuantur priusquam luis venereæ symptomata evanuerint , Panaceæ usus repetatur incipiendo a dosi præcedenti ægroto nuperrime exhibita , eamque continuando , donec de perfecta curatione plane constet .

Si vero , interrupta Panaceæ exhibitione , salivatio augeatur & nimis urgeat , medicamentum purgans pro re nata præscriptum exhibeatur & sæpius iteretur . Si vero in Panaceæ usu alvi fluxus superveniat vehementior cum torminibus , & dysenteria immineat : clysteres detergentes , lenientes , & roborantes identidem , injiciendi sunt .

Per totum curationis tempus satius est ægrotantem juleculis & ovis lorbilibus aut panatellis uti quam alimentis solidis .

Panacea sub pulveris forma ingeratur cum aliqua confectioe permixta . Post unamquamque Panaceæ dosim superhibat æger exiguum juleculi cyathum , & per tres aut quatuor horas ab omni alimento abstineat .

Expedito tandem Panaceæ usu , bis terve purgetur æger , cibis euchymis reficiatur , & ad dietam lacteam confugiat .

De humoris per salivationem evacuandi quantitate nihil certi Rati potest . Quidam enim post uberissimam salivationem vix sanati sunt , alij vero post levem proflus restituti fuere . De salivationis igitur duratione , prudens & peritus judicat Medicus .

Medici quoque prudentis est decernere , num ægrotans salivationem ferre possit , ubi venerea lues aliis affectibus implicatur . Sic enim in constitutione ad hecticam febrem vergente , in qua sanguis nimis solutus per cutis poros sub sudoris forma magna copia diffunditur , maxima tandem fiet humorum dissolutio ab Hydrargyro , & vita cum succorum reliquiis per omnia corporis emunctoria fugiet .

In scorbuticis affectibus , in quibus humores lentoris ac spissitudinis ac-

tusantur, infesta ramen est & sæpe letalis Hydrargyri exhibitio. Cum enim his in affectibus salum in humoribus redundantium major sit copia, maiorque causticitas quam in lue venerea, eorum energia admodum debilis est, dum succis spissioribus, & fere coagulatis innatant: verum si Hydrargyri ope, fluidiores fiant succi, tunc non tardiori gressu, sed magnò impetu abrepti salum aculei, in membranas irruunt, eas dire lacinant ac dilacerant. Hinc scorbuticorum diri cruciatus, hæmorrhagiæ, inflammationes, & ulcerationes, quæ ex mercurialium remediorum exhibitione oriri solent.

Nervis prorsus insensus dicitur Hydrargyrum: membrorum debilitatem, tremorem, paralysem inferre vulgo existimatur: sed non tam Hydrargyro quam pravo aut minus cauto illius usui tribuenda sunt hæc incommoda. Nam ab exigua ejus dosi, incaute exhibita, humores coagulati inæqualiter solvuntur, ita ut grumi supersites a soluta succorum portione abrepti in tenuissimos corporis meatus protrudantur, ibi inhæreant, fortioresque partium obstructions, quæ per tempus magis ac magis firmantur & insuperabiles fiunt, vel quibus partium tonus prorsus debilitatur aut destruitur.

Quæritur unde pendeat illa Mercurii virtus salivam movendi & syphilitidem curandi. Frustra nonnulli ad hanc virtutem explicandam ad acidum aut ad alcali confugiunt. Quandoquidem in hujus morbi curatione, nec acidorum, nec alcalium instar, operatur illud medicamentum: eosdem enim producit effectus, sive acidis salibus saturatum: exhibeatur, sive cum alcalibus permixtum ingeratur, sive absque mixtura per cutis poros frictionibus aut suffumigationibus intromittatur. Nec verisimilis est opinio eorum qui acidum esse virus venereum autumant, cum ægotantium lue venerea infectorum saliva copiose effluens nullum aciditatis argumentum præbeat, quinimo alcali potentissimum se præbet: syrupum enim violaceum viridem efficit, cum acidis liquoribus effervesceat, & lixiviorum instar cuprum corrodit. Non igitur existimandum est, Hydrargyrum tunc absorbentis vel alcalici medicamenti vires gerere, acidum nempe venereum virus absorbendo, quod quidem æque pariter & rectius alia absorbentia medicamenta efficere possent. Sed veritati magis consentaneum est omnem Hydrargyri vim & energiam a duabus potissimum ejus qualitatibus pendere; scilicet summa divisibilitate, & figura spherica, quæ tenuioribus ejus moleculis denegari non potest.

Ex Hydrargyri summa divisibilitate, & figura spherica sequitur, quod ad extremos usque corporis recessus transvehi possit, sanguinis & lymphæ massam pervadere, & intra horumque liquorum moleculas vel arctius condensatas penetrare, easque proinde dividere. Cum enim tenuissimi mercuriales globuli moleculas lymphæ crassiores subierint, non solum earum contactum immediatum præpedient, sed etiam earum fluxum expeditiorem efficiunt, interpositis nempe inter crassiores & latiores lymphæ moleculas spherulis tenuissimis & solidis. Insuper eadem crassiores lymphæ moleculæ, vasculorum orificiis aliquantisper hæsitantes, & mercurialibus globulis intermixtæ, valida vasorum contractio, ne & assiduo liquoris motu protrusivo conterantur, dividuntur, ac

tan-

tandem satis fluiditatis adipiscuntur, ut tenuiora corporis vasa permeare valeant. His positis, attende ad corporis emunctoria, quæ lympham viscidiorē & crassiorē percolare possunt. Duo tantum occurrunt, intestinales scilicet, & salivales glandulæ. Renum & cutis colatoria tenuiorē tantum lympham elabi sinunt, ob vasculorum exilitatem: quapropter hoc in affectu sudorifera medicamenta minus proficiunt, cum tenuiorē & fluidiorē tantum lympham per cutis poros propellant, nec crassiorē nimis denstatam dissolvere valeant.

Verum salivales aut intestinales glandulæ crassum hunc succum ambæ secernere valent. Sic adhibito Hydrargyro, emunctorium utrumque simul, vel alterutrum tantum, hanc lympham viscidam excernit, prout soluta lymphæ majori vel minori copia per corpus diffunditur. Ut plurimum salivales glandulæ hanc lympham fundunt; quia cum sint magis acuti & exquisiti sensus quam intestinales, acrioris hujus lymphæ vellicationibus vehementius convelluntur & contrahuntur, ita ut succos contentos expriment, novosque continuo alliciant.


Pro diverso irritationis gradu, hujus lymphæ evacuationem per salivales vel intestinales glandulas promoveri facile colligitur, ex eo quod vehementiori in glandulis intestinalibus medicamenti purgantis ope excitata irritatione, salivatio sistitur, & humor per intestina foras elicitur.

Ex Mercurio varia sunt linimenta & emplastra, ad sequentium instar.

24. Hydrargyri e Cinnabari revivificati ℥ij. Terebinthinæ Venetæ ℥ß. Simul agitentur in mortario, donec Hydrargyrus extinctus sit. Tum paulatim adjiciantur axungæ suillæ insulsæ ℥iij. Misceantur exacte; & erit unguentum ad inunctiones in lue venerea.

25. Massæ emplastri Dyachylonis simplicis ℥xij. Liquato misceantur Hydrargyri puri Terebinthina extincti ℥iij. Fiat emplastrum rite partibus applicandum, ad salivationem promovendam.

Præter Argenti vivi usum medicum, eo utuntur quoque artifices, tum ad vasa deauranda, tum ad aurum molendum, & ad speculorum confectionem. Sed major ejus copia ad aurum & argentum e suis mineris separanda absumitur.



SECTIO SEPTIMA.

De Metallis.

Metallum dicitur corpus minerale, durum, splendens, ignis calore liquabile, frigore concrescibile, malleo in incude in longum & latum ductile, cuique Hydrargyrus facile consociatur intimeque permiscetur, vel ut ajunt, amalgamatur.

Metalla dividuntur in imperfecta seu ignobilia, & perfecta seu nobilia.

Imperfecta habentur, quibus in ignis examine multum decedit, qualia sunt Plumbum, Stannum, Ferrum, Cuprum; eademque ignobilia dicuntur, ex

eo quod inter homines minoris sint pretii . Perfecta vero dicuntur , quæ ignis examen absque detrimento sustinere possunt , ut Argentum & Aurum ; quæ quidem cum ab omnibus hominibus multum æstimantur avidèque appetantur , nobilissima prædicantur .

CAPUT PRIMUM.

De Metallis imperfectis.

ARTICULUS PRIMUS.

De Plumbo , & ejuscrementis.

Plumbum *Offic. Μήκυθος Græcorum* : Plumbum nigrum *Plinii* : *Rafas Arabum* : Saturnus *Chemicorum* . Est metallum vilissimum , molle , ponderosum , lividum , quod manus nigredine inficit , obtusorem reddit sonum , & in igne cito liquefit , antequam ignescat .

Græci , Latini , Arabes , Plumbum & Stannum designantes vocabula sæpe confundunt , & indifferenter usurpant . Quamplurimi *Κασσίτερος* Græcorum Stannum interpretantur : Plinius tamen *Κασσίτερος* de Plumbo albo docet accipiendum , quod etiam a Stanno diversum facit . Quinimo Stannum facit genus Plumbi nigri , & ex eadem vena Stannum illud , Argentum , & Plumbum fluere scribit . Verum aut vana est hæc differentia inter Plumbum album & Stannum a Plinio constituta : aut Stannum veterum nihil aliud erat quam Plumbi pars purior & nitidior , vel etiam mixtura Plumbi albi & nigri , aut Plumbi nigri & Argenti .

Agricola , *de natura fossilium* , tria Plumbi constituit genera : unum candidum , quod Stannum nunc vocamus ; alterum cinereum , quod Bismuthum ; tertium nigrum , quod Plumbum est proprie dictum .

Plumbum purum in fodinis rarissime reperitur . Excoquitur ex plumbaria vena , quæ diversa est : modo enim terra est nigra , cærulea , flava , aut cineracea , scintillis quandoque minutis splendidibus conspersa ; modo lapis splendore plumbeo ex quadratis veluti tessellis constans in hærentibus saxo candido aut rufo ; nonnunquam etiam fluoribus albis , flavis , aut viridibus admiscetur .

Plumbi minera nonnihil Argenti sere semper continet ; & quibusdam in regionibus , ut in Angliæ Provincia quæ *Cardigan* dicitur , plumbaria vena argenti adeo terax est , ut ex mineræ libris duobus milibus , decem , quindecim , & nonnunquam viginti argenti libræ extrahantur .

Plures sunt Plumbi mineræ in Hispania , Italia , & Germania . In Gallia quoque non desunt , sed ex his metallum difficillime extrahitur . Frequentiores & divites sunt in Anglia hujus fodinæ .

Plumbi vena in fornacibus inter diversa carbonum strata disponitur , & igne accenso metallum fluit . Vel ligna frustulatum concisa carbonum

num vice usurpantur , vel eisdem intermiscuntur , prout vis ignis major vel minor requiritur : vehementior enim est ignis carbonum , lignorum vero minor .

Verum ex pyritis plumbariis , quæ nonnihil argenti quoque continent , metallum quoddam candidum primo effluere narrat Agricola , quod quidem argento inimicum , ac summe nocivum dicit , cum illud comburat . Deinde diffluit Plumbum nigrum cum argento mixtum ; & hæc mixtura Stannum a metallariis dicitur , referente eodem . Hocce stannum vehementiori igne urgetur , ita ut Plumbum partim in spumam seu lithargyrum , & partim in molybdænam convertatur , argentum fufum sincerum in carino remanet . Lithargyrus vero & molybdæna postea cum carbonibus funduntur , & sub Plumbi fusi forma statim diffluunt .

Plumbi gravitas comparata cum auri gravitate , est ut 3. ad 5. Hoc metallum facillime comburitur , & in calcem cineream redigitur , quæ vehementiori igne flavescit , ac tandem rubra evadit , & Minium dicitur . Si vero ignis intendatur , liquefcit in liquorem oleaginosum , qui refrigeratus in massam subrubram flavescientem concrefcit , variis laminis tenuibus , ac translucidis compactam , & tactu mollem , quæ Lithargyrus dicitur . Si tandem intensiori igne diutius urgeatur , totum in fumos diffunditur , & evanescit .

Calx Plumbi , Minium , aut Lithargyrus , si cum carbonibus , ligni frustulis , aut quacumque materia combustibili fundantur , statim in Plumbum reducuntur .

Plumbum cum Nitro in crucibulo fufum levem emittit fulgurationem . Plumbi limatura in candelæ flammam injecta incenditur , flammamque cœruleo colore tingit . Unde patet , sulphureum principium combustibile in Plumbo reperiri , licet exigua admodum quantitate . Illud quoque principium cœteris hujus metalli principiis non tenaciter inhæret , cum citissime ab illis vel levi igne secernatur .

Cum Plumbum in tigillo lentis vitreæ majoris-foco exponitur , statim copiosum fumum emittit , in cinerem seu calcem cineream paulatim convertitur , quæ eodem fere tempore flavescit , rubescit , ac funditur in liquorem croceum summe fluidum , olei instar , qui per tempus sub fumi specie evanescit . Si vero liquor , priusquam torus dissipatus fuerit , a foco extrahatur , dum refrigerfcit , in massam concrefcit rubram aut ex rubro flavescientem , Auripigmenti instar , ex tenuibus lamellis compactam , quæ quidem lamellæ translucidæ sunt , ita ut Talcum apprime referat .

Si vero talcosum illud Plumbi vitrum ejusdem lentis majoris foco supra carbonem exponatur , statim liquefcit & Plumbi formam recuperat .

Verum si Plumbi frustulum ad ejusdem focum supra carbonem admoveatur , liquefcit , & sensim in fumos totum dissipatur , nulla vitrescente materia relicta .

Qui ex Plumbo elevatur fumus , nihil aliud est quam ejusce metalli flos seu cinis-sulphureo principio spoliatus : si enim colligatur , & supra carbonem liqueretur , sulphureo principio ex carbonibus assumpto , statim in Plumbum reducitur .

Ex his liquet , Plumbum constare ex terra quadam vitrescibili , talcosa seu

seu foliacea , & ex sulphureo principio quod in omni combustibili materiâ continetur ; quod quidem principium inflammabile , nec magna copia , nec intime cum terra permiscetur .

Plumbum cœtera metalla , auro & argento exceptis , dissolvit & secum abripit , sive in Lithargyrum reducat , sive in fumos convertatur . Unde ad aurum aut argentum a cœteris metallis purgandum per catinum probatorium sæpissime usurpatur .

Ex aqua rubiginem non contrahit , ut ferrum & cuprum , sed ab acidis liquoribus corroditur . Solvitur hoc metallum ab aceto , & a spiritu Vatrioli & spiritu Nitri ; & sal qui ex his solutionibus exhalatis superstes est , dulcem præbet saporem . Solvitur quoque ab oleis & pinguibus substantiis quibuscumque .

Dum in calcem redigitur Plumbum , licet copiosum fumum emitat , & multum de sua substantia deperdat , augetur tamen pondere , ita ut centum Plumbi libræ decem insuper librarum pondere crescant , dum in Minium convertuntur . Si vero postea Minium in Plumbum reducat , non mediocris erit metalli infra centum libras diminutio .

Minium cum arena fustum , in vitrum flavum Succino simile reducit .

Obnoxias hujus metalli dotes , Paracelsus illud quartam Medicinæ columnam nuncupavit . Per se refrigerat , incrassat , repellit , absorbet , humorum acrimoniam demulcet . Veneream libidinem arcere creditur , sanguinis phlogoses , partiumque inflammationes compescere . Verum nervis prorsus inimicum est & noxium . Intus sumptum stomachi gravitatem cum torminibus diris invehit , alvum & urinam supprimit , membrorum tremorem & spasmus excitat , difficilem respirationem affert , ac tandem suffocationem . Quod quidem a quamplurimis , tristi quidem experientia , comprobatum fuit , qui noxas gravissimas & sæpe immediate perpeffi sunt a potu vinorum , quæ acidiora vel acescentia per Lithargyrum immisum nefandæ mangonio edulcata fuerunt . Plumbum itaque & omnia ejus præparata usui potius externo quam interno destinanda esse procul dubio censemus .

Inter Plumbi præparata recensenda sunt primo ea quæ recrementa dicuntur ; Calx nempe seu Cinis , Minium , Lithargyrum , Plumbum ustum , & Cerusa : deinde chymicæ præparationes , quæ usu Medico inserviunt , scilicet Acetum Saturni , Sal seu Saccharum Saturni , Balsamum , & ejusdem Spiritus ardens , ac Oleum .

Calx vel Cinis Plumbi & Minium sic præparantur . Plumbum in patella terrea lata non vitriata , super carbones disposita , funditur . Metallum fustum spatula ferrea tamdiu agitur , donec totum abeat in pulverem subnigrum vel cinereum , qui Calx vel Cinis Plumbi dicitur . Si paulo diutius continuetur ignis , pulvis flavus evadit , & a Pictoribus Gallico idiomate *Massicot* nuncupatur . Tandem in furno reverberii calcinatus fit rubicundissimus , & in officinis Minium dicitur .

Hæ Plumbi præparationes humorum acrimoniam obtundunt , inflammationem sedant , ulcera maligna corrigunt , expurgant & ad cicatricem ducunt . Minium usurpatur in unguento rubro seu de Minio , in emplastro pro fracturis *D. Charas* , in emplastro slyptico , & emplastro matricali roborante *Ejusdem* .

Jam alibi observavimus, Minium veterum diversum esse ab officinarum Minio .

Illud enim idem erat ac Cinnabaris nostra , seu rubra , & rutilans Hydrargyri minera : hoc vero nihil aliud est nisi Plumbum vehementi igne calcinatum .

Lithargyrus , & Spuma argenti *Offic.* *Λιθαργυρος* *Græcorum* : Martech , & Merdalengi *Arabum* . Duplex fuit apud Græcos coloris tantum ratione, sicut & apud nos : Lythargyrus auri , qui Coryitis , quia flavo colore splendet ; & Lithargyrus argenti , qui Argyritis qui albicante aut argenteo .

Lithargyrus plerumque conficitur in metallorum fornacibus , ubi Plumbum ab argento separatur , vel ubi argentum Plumbi ope repurgatur ab aliis metallis ipsi commixtis . Siquidem cum artifices argenti mineram a commixtis metallis , nempe Plumbo & ære , repurgare volunt , in alveum ex ossium cineribus suo more paratum Plumbi multum conjiciunt , adeo ut vi ignis colliquatum balnei speciem referat . In hoc demum argentum , quod Plumbum aut æs admixtum habet , repurgandum immittunt . Tum ignium vi follium statu continue excitata , Plumbum in liquefcentium metallorum superficie , olei modo , supernatans apparet ; quod tandem , postquam æs aut Plumbum quod prius argento mixtum fuerat , in se contraxit , eorumdem follium statu ad cinerei alvei oras sensim expellitur . Hoc cum vident artifices , alveum in latius secant , Plumbumque vitrificatum labi sinunt in humum ; sique hoc modo Lithargyrus . Huic postquam refrigit , quandoque aureus , quandoque argenteus emicat splendor ; quo factum est ut hunc argenteum , illum aureum passim seplasiarii dicant , existimantes alterum ex auro , alterum ex argento conflare . Cæterum coloris hujusce varietatem Lithargyrus haudquaquam ex argenti vel auri spuma contrahit ; sed quod plus minuse excoctus fuerit ab igne , vel etiam quod plus minuse ærei metalli ab argento receperit . Lithargyrus igitur nihil aliud est quam Plumbum vitrificatum , vel solum , vel æri permixtum .

Frequens est Lithargyri externe adhibiti usus in Medicina . In omnibus fere emplastris usurpatur , quorum corpus seu basim cum oleis constituit . Lithargyrus enim , sicut & cætera Plumbi recrementa ab oleis , & pinguis substantiis solvantur , & simul emplastica consistentiam sumunt . Exsiccat moderatissime , & abstergit cum modica adstrictione , cava explet , ulcera ad cicatricem ducit , & ad fœmorum intertrigines valet .

Præparatur tenuissime lævigando in mortario , aquam desuper limpidissimam affundendo , & agitando , dein in aliud vas aquam turbidam conjiciendo , aliamque de novo affundendo , & agitando ; quod toties iteratur , donec Plumbum non accurate calcinatum , & fæces metallicæ , si quæ sint , in mortario subsidant , & omnis substantia tenuior cum aqua fuerit educta , quæ quiescere permittitur , ut in fundo remaneat Lithargyrus solus , & sincerus , aqua prius effusa colligendus , & exsicandus .

Usurpatur in unguento nutrito , desiccativo rubro , Apostolorum *D. Charas* , in emplastro palmeo , diachylo simplici , & composito , emplastro polychresto *D. Charas* , & aliis quamplurimis .

Plum-

Plumbum ustum *Offic.* Μόλυβδος καυμένης *Græcorum*. Est pulvis gravis, fuscus, factus ex Plumbi laminis tenuissimis cum sulphure pulverato stratum super stratum alternatim dispositis in olla vitrea, & vi ignis continuo agitando calcinatis, donec in pulverem tenuissimum profus redigantur. Aqua limpida pluries abluitur hic pulvis, & exsiccat. Utile est medicamentum ad ulcera maligna blande corrigenda, expurganda, & ad cicatricem perducenda.

Usurpatur in unguento Diapompholigos *Nicolai Alexandrini*.

Cerula *Offic.* Υμμιδον *Græcorum*: Affidhegi vel Affidagi *Arabum*. Est Plumbi rubigo quædam alba, cujus hæc est conficiendæ ratio. Infunditur acetum acerrimum æstivo tempore in urceum oris lati, aut in aliud fictile vas idoneum, superimponitur lamina plumbea; ac ita operitur vas ut nihil expiret. Ubi lamina fuerit resoluta, decimo scilicet circiter die, & deciderit crassamentum in fundum vasis, colligendum erit, & siccandum, mox mola terendum, deinde in massam cogendum, & servandum.

Fit quoque ex scobe Plumbi in acetum perquam acerrimum decem dies immersa, & resoluta. Aliquando etiam ex laminis ejusdem infusus, & derasis, iterumque maceratis, & adhuc derasis, donec laminæ sint profus resolutæ. Tum colligitur rasura, teritur, & in massulas cum aceto cogitur.

Verum antequam Cerula in emplastrorum, unguentorum, & collyriorum compositionem veniat, præparari debet, hoc est, abluui. Cavendum est ne Creta adulterata sit.

Refrigerat, siccatur, & astringit magis quam cæteræ Plumbi præparationes. In inflammationibus, doloribus, & exulcerationibus proficue adhibetur.

Usurpatur in Trochiscis albis *Rhasis*, unguento albo sive de Cerula *D. Charas*, unguento Pompholigos, desiccativo rubro *Ejusdem*, in emplastro albo sive de Cerula, emplastro polychresto, emplastro nigro, & emplastro de linamento *Ejusdem*.

Plumbi præparationes usitatiores sunt Acetum Saturni, Sal, sive Saccharum Saturni, Balsamum Saturni, Mumia mineralis.

Acetum Saturni sic conficitur.

R. Cerulæ optime, & tenuissime tritæ q. pl. Huic superaffundatur acetum distillatum ad quatuor digitorum eminentiam. Digerantur simul in vase vitreo leni calore, identidem agitando, donec acetum distillatum plane dulcescat. Liquor effundatur, & recens acetum distillatum superaffundatur, eodem modo procedendo ut antea. Solutiones per chartam colentur, & servantur ad usum.

Ex eo aceto Saturnino cum oleo rosato vel alio quovis oleo diu in mortario plumbeo agitatis fit linimentum quod Nutritum dicitur aut Butyrum Saturni. Valet ad cutis pruriginem, impetigines, & erysipelata, si eo pars affecta inungatur.

Sal vel saccharum Saturni fit acetum Saturni ad pelliculæ apparentiam lento igne evaporando, & liquorem residuum in cella reponendo, donec in crystallos albas, splendentes, sapore dulces sacchari instar, & in unam massam compactas concreseat. Saccharina hæc massa, liquore superfluo sensim effuso, in umbra exsicceatur.

Licet saccharum Saturni a quibusdam ad usum internum commendetur in pulmonis affectibus , sanguinis sputo , dysenteria , &c. tamen ob rationes jam allatas externe tantum adhibendum est . Utus est frequentissimi apud Chirurgos . Omnibus inflammationibus medetur , sicut & acetum Saturni , oculorum affectibus , & erysipelati . Humores acres , & erodentes obrundit , ulcera detergit , exsiccat , & cicatrizat . In aquis , unguentis , & emplastris permiscetur . In gonorrhœa ubi summa est acrimonia , injectio aquæ rosarum , vel lactis tepidi cum sacchari Saturni granis aliquot , felici cum successu præscribitur .

Balsamum Saturni præparatur ex salis Saturni parte una , & olei Terebenthinæ partibus duabus ; quæ simul mixta digeruntur in balneo arenæ , donec oleum rubicundissimo colore tingatur , & saccharum omnino solutum sit .

Ulceribus malignis medetur , humorum acrimoniam demulcet , arctique putredinem .

Spiritus ardens , & oleum Saturni ex sale Saturni per distillationem eliciuntur . Sed non aliæ sunt in hoc inflammabili spiritu dotes quam in spiritu vini , quidquid dixerint Chymici . Est enim vini spiritus in aceto concentratus , & hac præparatione evolutus . Oleum vero rubrum est oleum etiam ex aceto extractum , in quo nihil Plumbi prorsus continetur .

Mumia mineralis Poterii est calx Plumbi , & Hydrargyri simul mixtorum , & , ut ajunt , amalgamatorum , quæ sic conficitur .

℞. Hydrargyri e Cinnabari distillati p. ij Plumbi puri p. i. Fiat amalgama , quod in ampulla fictili supra carbonem continuis succussibus fortiter agitur , donec totum in pulverem nigrum fuerit redactum .

Pulvis matratio vitreo inclusus digeratur in balneo arenæ , quousque flavescat , & servetur ad usum .

Hæc Mumia scabiem , impetigines , & cæteros cutaneos affectus citissime sanat , ulcera callosa mundificat , callumque resolvit . Strumas , & mammarum glandulas dissipat in unguento vel emplastro quovis admixta . Cancris quoque medetur , modo ad ultimum gradum nondum pervenerint . Cautè tamen , & pariori manu adhibenda est , præsertim in exulceratis carcinomatibus , ne uberius nimis fiat suppuratio . Si nondum exulceratum sit carcinoma , Mumia mineralis ℥j. cum emplastri magnetici Angeli Salæ ℥j. accurate misceatur , & tumori admota illum sensim resolvit . Si vero exulcerari incipiat , tenue penicillum e linamento paratum , & hac Mumia , vel sola , vel myrrhæ admixta conspersum , in ulcus immittatur , superimposito emplastro magnetico supradicto . Tumor durus sensim leni suppuratione dissolvitur , & tandem cæteris prædiis internis adhibitis , carcinoma sanatur .

ARTICULUS SECUNDUS.

De Stanno.

HÆC vox Stannum multis rebus concessa fuit, ut capite superiori diximus: ac vero quod hodie Stannum vulgo dicitur, idem mihi videtur ac *Κασσίτερον* Græcorum, Plumbum candidum *Plinii*, Alanoc vel Alaferub *Arabum*, & Jupiter *Chymicorum*. Alterum est ex metallis mollioribus, & ignobilioribus, candidum, splendens cum livore quodam, fragile, sonorum, & dum varie complicatur, stridens.

Plurimis in regionibus effoditur. Sed ditiores sunt hujus metalli fodinæ in Angliæ provinciis Cornubia, & Devoniam.

Quamquam sui coloris in fodinis non reperiatur, purum tamen excoquitur ex lapillis quibusdam, modo nigris, modo flavis, modo candidis, quandoque pellucidis; sed raro admodum. Impurum sæpius occurrit, & mixtum quandoque lapidi candidissimo, permixtis fluoribus coloris argentei, quandoque lapidi nigro. Lapis vero cui adhæret, aliquando mollior est, & friabilior, aliquando adeo durus ut igne excindendus sit.

Stannum in Cornubia e sua minera sic extrahitur. Vena metallica a saxo sterili separata, contunditur in pilis ferreis, quas aqua continuo alluit; ita ut terreæ partes ab aqua indefinenter præterlabente abripiantur, & metallicæ particulæ, utpote graviores, in fundo subsidant. Pulvis adhuc crassior exsiccatur, & sub molis saxeis teritur, & aqua iterum lavatur. Tum metallum ab omni terra heterogenea purgatum, & probe ficcatur, in furnum conjicitur, intermixtis carbonibus ligneis: igne sat vehemente folliis excitato, funditur, & liquatum in furni parte infima colligitur; unde fusores, aperto furni ostiolo, metallum in formas quædam ex arena paratas diffuere sinunt, ibique in massas grandiores concrescit. Superior stannæ massæ pars adeo mollis est, & flexilis, ut sola elaborari nequeat sine Cupri miscela, trium scilicet librarum super Stanni libras centum. Massæ pars media binas tantum Cupri libras recipit. Infima vero adeo fragilis est, & intractabilis, ut cum hujus metalli centum libris Plumbi libras octodecim consociare oporteat.

Varie substantiæ cum minera Stanni permixtæ reperiuntur. Modo substantia quædam arsenicalis, quæ *Mondick* dicitur, fusca, splendens tamen, & manus sulco colore inficiens, quæ quidem ab igne in fumum redigitur. Modo alia substantia alba, saponacea, mollis, quæ aqua recens solvitur, sed paulo post admodum indurefcit: margæ species est. Hæc terra lapides pellucidos, modo crystallinos, modo rubros, quos corneos Adamantes vocant, sæpe continet.

Stannum omnium metallorum levissimum est. Ejus gravitas est ad auri gravitatem paulo major quam 3. ad 8. Igne facillime funditur, & in calcem albescentem cito redigitur.

Si Stanni portio supra testam lentis vitreæ majoris foco sub radiis solaribus

ribus exponatur, fumum uberrimum spissum & quasi filamentosum effundit, & in albam, raram, & tenuissimam reducitur calcem, quæ paulo post diuturniori ac vehementi solis ardore, in tenuissimas crystallas seu filamenta tenuia crystallina & hispida concrevit. Crystallina hæc substantia non amplius funditur, nisi misceatur cum materia pingui vel carbonum pulvere: tunc enim in Stannum promptissime convertitur.

Stanni limatura flammæ candelæ inspersa accenditur, flammam candelæ cæruleam reddit, & fumum emittit cum odore sulphureo Allium leviter redolente. Stannum cum Nitro in crucibulo fufum fulgurationem levem excitat. Unde patet hocce metallum componi ex terra quadam crystallina, quæ sola difficillime funditur, & principio sulphureo inflammabili, cui fortasse nonnihil arsenicalis salis permiscetur.

Stannum cæteris metallis citius funditur: illis facillime adhærescit: hinc cuprea vasa & ferreæ laminæ, ne rubiginem contrahant, Stanno illinuntur. Ea quoque intime penetrat, duriora efficit & fragiliora, nec nisi summo labore ab iis separatur, unde dicitur metallorum Diabolus.

Non solvitur Stannum nisi ab Aqua regia. Ejus solutio auri solutionem eleganti purpureo colore tingit.

Quidam liquor perpetuo fumans, seu, ut ajunt, Spiritus cum aere fermentans, ex Stanno sic paratur.

24. Stann. puriss. p. j. Hydrargyri p. iij. Fiat amalgama, cui adde Mercurii sublimati corrosivi p. iij. Hæc prompte & accurate mixta in retortam vitream conjiciantur. Ejus collo applicetur excipulum, cujus fundo supponatur patina aqua frigida repleta, & distillatio igne arenæ instituat. Primo prodit liquor pellucidus; deinde spiritus impetuosè erumpentes, ac tandem flores albi ad collum & partem superiorem retortæ elewantur. Tunc cessata distillatione, separetur liquor turbidus in phiala exacte obturata servandus: nam statim atque aeri libero exponitur, in fumos spissos & uberrimos effunditur.

Internus Stanni usus rarus est: ejus vires adversus uteri & pulmonum affectus a quibusdam prædicantur. Præscribitur ejus limatura a ℞j. ad ℞j. per plures dies. Chymicæ Stanni præparationes præcipuæ sunt Sal Jovis, Antihecticum Poterii seu Diaphoreticum Joviale, & Aurum muſivum.

Sal Jovis, ex hujus metalli calce igni reverberii per duas tresve horas exposita præparatur cum uceto distillato potentissimo, non dissimili ratione ac sal Saturni. In uteri suffocationibus & affectibus hysteriis commendatur a granis ij. ad vj. repetitis vicibus.

Diaphoreticum Joviale, quod & Antihecticum Poterii, sic conficitur.

24. Reguli Martialis stella insigniti, & Jovis purissimi ana p. æquales. Fluant in crucibulo, postea in conicum vas æheneum calefactum & sebo intus illitum conjiciantur. Scorii rejectis, reperitur in fundo regulus Jovialis. Hujus reguli pars una, & tres partes Nitri puri (quod Poterius Aquam suam hermaphroditicam vocat,) contusæ accurate

curate misceantur, & in crucibulum candens cochleatim injiciantur : calcinentur simul. Tandem massa in pulvem redacta, in catinum aqua calida plenum projiciatur, edulcoretur aqua calida pluries affusa, & exsicceetur. Remanebit pulvis albus ad cæruleum vergens, cujus dosi a ℥ss. ad ℥j. in febribus hecticis, tabe, phrysi, & sanguinis expuitione. Salsam sanguinis & humorum crasim corrigit ac demulcet. Aurum musivum vel musicum quorundam sic conficitur.

℥j. Stanni Anglici purissimi ℥j. Mercurii ex Cinnabari revivificati ℥x. Fiat amalgma, quod quidem misceatur cum sulphuris communis ℥x. Salis ammon. ℥j. Omnia tenuissime trita & accurate mixta igne vehementi sublimentur per quatuor horas. Quædam Cinnabarina substantia ad vasorum partem superiorem elevabitur. In ima vero parte spongiosa substantia aurei coloris remanebit, quæ plurimis aquis lota Aurum musivum dicitur. Pistoribus inservit & Medicis. Diaphoreticum existimatur a gr. x. ad xxx. in hysterics affectibus, morbis hypochondriacis, & febribus malignis.

ARTICULUS TERTIUS.

De Ferro.

Ferrum vulgare; *Σιδῆρος Græcorum*, *Mars Chymicorum*. Metallum est ignobile, duritie insigne, sonorum; colore albo splendente cum quodam livore, si expolitum sit; nigricante vero, si rude sit & impolitum.

Duplex est, Ferrum non purgatum seu vulgare, & purgatum quod a Græcis *Σιδηρον*, a Latinis *Acies*, *Chalybs* a quibusdam nuncupatur. Uti nullum metallum adeo humanis usibus necessarium est quam Ferrum, ita quoque nullum est quod ubique fere locorum majori ubertate proveniat; ita ut vix in orbe regio comperiatur, ubi id non præsto sit. Plurimæ sunt hujus fodinæ in Gallia nostra: licet præstantiora sint Ferrum & *Acies*, quæ in Germania effodiuntur.

Ferrum variis sub speciebus e terra eruitur: modo sincerum in fodinis reperitur, vel granorum vel massæ instar: modo ex lapidibus ferreis ponderosis, diversi coloris, fuscis, flavis, vel rubris: modo ex arena tenui, ponderosa, flava vel rubra. Nec similes sunt ferri venæ: aliæ enim metallum facile fundunt; aliæ vero illud diffuere vix sinunt, nec nisi magno labore. Quædam enim venæ in tenuia fragmenta conquassatæ, & cum ligneis carbonibus intermixtæ, intra paucas horas in metallum diffuunt: aliæ vero difficile liquefcunt, nec nisi calx viva, marga, aut lapides fusiles iis admisceantur ad fusionem promovendam & juvandam.

Metallum probe liquatum in formas prægrandes infunditur, ubi in massas concrefcit, vulgo *les Guteses*, longiores & crassiores. Singula massa denuo igne liquatur, & fusa fortiter & assidue hasta ferrea hinc inde agitur, ut malleo tractabilior fiat. Tandem concretum metallum adhuc

ignitum

ignitum malleis subjicitur, & heterogeneæ partes adustæ vel vitrificatæ repletis ictibus exprimentur, & foras amandantur.

Sic paratum Ferrum in fornace, follium statu, & igne carbonum excandescit, ignitumque super incudem malleis extenditur, & varias formas recipit ad arbitrium.

Ferrum tamen unum ab altero multum differt. Etenim unum est tenax, quod optimum; mediocre quoddam, quod medium bonitatis locum solet tenere; quoddam rude, inæquale, & fragile, quod deterriimum. Quod quidem vitium non ex Ferri natura, & indole procedit, cum ubique terrarum unum & idem sit; sed ex eo quod terrestrium, vitriolicarum, & sulphurearum particularum majori vel minori copia inquinatum sit.

Ex ferro sæpius liquefacto, & a recrementis purgato Acies oritur, Gallice *Acier*. Quibusdam in locis Ferri vena statim in Aciem abit, alibi vero difficilior. Variæ sunt Ferrum in Aciem convertendi rationes. Si Ferrum sit optimum, liquatur in fornacibus, & liquato affunditur per vices mixtura ex æquis partibus salis tartari, salis alcali, plumbeæ scobis, & rasuræ cornu bovini, metallum fusum identidem agitando, ac tandem massa incudi apposita malleorum ictibus in bacillos extenditur.

Si vero Ferrum novam fusionem ferre nequeat, hæc operatio alio modo perficitur. Ferreas virgas digiti crassitie accipiunt, & in vase terreo idoneo alternatim per strata disponunt cum mixtura ex partibus æquis fuliginis, pulveris carbonum, rasuræ cornu bovini, vel pili vaccini. Vas repletum operculo tegitur, tuto diligenter oblinitur, & in furno reverberii collocatur. Tunc ignis accenditur & gradatim augetur, donec vas excandescat. Post horas septem vel octo igne per se extincto, ferreæ virgæ ex vase extrahuntur in Aciem transmutatæ; quod quidem dignoscitur virgas distrumpendo. Si enim micæ metallicæ splendentes, tenuissimæ ac densissimæ appareant, optima est; si vero rariores sint & latoribus poris interspersæ, minus bona. Nonnumquam micæ exteriores densiores sunt, interiores vero raræ: quod significat Aciem non sufficienter calcinatam fuisse. Tum iteranda est stratificatio & calcinatio, ut Ferri in Aciem conversio perficiatur.

Ferrum omnium metallorum durissimum est. Sed Acies majorem adhuc duritiem & rigiditatem acquirit, si ignita aqua frigida subito extinguatur. Ferri gravitas est ad auri gravitatem fere, 3. ut ad 7. Ferrum aqua maceratum ferrugineum saporem ipsi conciliat; ab ea enim solvitur, & in rubiginem seu calcem flavam convertitur; quod quidem intra paucum tempus peragitur, si alternatim Ferrum aqua humectetur, & postea exsicceat. Ferrum enim aqua immersum, nonnisi post longum temporis spatium eroditur. Nec a rubigine præservari potest, nisi pinguis illitum. Scobs ferrea in acervum congesta & aqua humectata adeo incalescit, ut, si sulphur admoveatur, flammam concipiat, modo magna sit limaturæ congestæ copia. Ferrum igne reverberii diutius calcinatum, in calcem obscure rubram vel purpuream reducitur. Igne vehementi excandescens, ita ut liquefcere incipiat, sub malleis in squamas dissilit, quæ nihil aliud sunt, quam Ferrum semi-vitricatum.

catum. Quædam verò Ferri portio in fornacibus cum cineribus carbonum aut terrestribus partibus in spumam vitrescentem abit, quæ Ferri scoria dicitur.

Hoc Metallum ab acidis quibuscumque dissolvitur; intactum vero relinquitur a salibus alcalicis.

Limatura Ferri in flammam injecta accenditur, & scintillas vividas ac rutilantes excitat. Equales scobis ferreæ ac Nitri portione in crucibulum candens injectæ, mox quidem ebulliunt, & fumum copiosum ac foetidum emittunt: tandem deflagant cum fulguratione. Scobis ferrea in spiritum Salis vel Vitrioli injecta vehementem excitat effervescentiam cum copioso fumo prorsus sulphureo, cui si candela accensa admoveatur, statim flammam concipit sæpe cum fragore & vasorum disruptione.

Ferrum foco lentis vitreæ majoris, sub radiis solaribus admotum supra regulam, statim liquefit, fumos emittit copiosos, ac tandem in materiam friabilem, & subnigram convertitur, non amplius ductilem & semi-vitricatam. At vero Ferrum eidem foco super carbonem expositum liquefit, & paulo post in scintillas totum diffunditur, & evanescit. Idem accidit Ferro in tegula semivitrificata, dummodo sub radiis solaribus e tegula in carbonem transferatur. Nam pristinam metalli formam, splendorem nempe & ductilitatem recuperat, & postea totum in scintillas dissipatur.

Ex his liquet Ferrum bituminosæ substantiæ portionem non modicam continere, quæ cum sale vitriolico confociata, tanta terræ metallicæ vitrescibilis copia implicatur & irretitur, ut nonnisi difficillime cum Nitro deflagrationem & fulgurationem sulciat. Nec parvam esse salis vitriolici copiam intelligitur ex Ferri solubilitate in aqua simplici, ex hujus aquæ sapore, & ex ferreæ scobis aqua maris defactæ incallescencia, quæ quidem a salium in terram metallicam actione oritur. Quoddam tamen intercedit discrimen inter sulphuream carbonum substantiam, & Ferri sulphur; quandoquidem Ferrum sulphure carbonum imbutum solarium radiorum in foco totum in scintillas dissiliat.

Ferrum itaque ex substantia bituminosa, seu principio inflammabili, sale vitriolico & terra quadam vitrescibili, conjunctis quidem, sed non inime unitis, componitur. Et revera si argilla, terra nempe vitrescibilis & vitriolica cum substantia quacumque inflammabili ignis ope confociatur, fit Ferrum; quod etiam fieri solet in deflagratione quorumcumque corporum inflammabilium, & in eorum cineribus Magnetis ope detegitur, licet ante deflagrationem in hisce substantiis vel tenuissime tritis nulla Ferri portiuncula deprehenderetur.

Utilissimum metallum Ferrum est, quo vita humana carere vix potest. Nam præter tot ac tanta instrumenta quæ ex hoc metallo conficiuntur, præstantissima suppeditat remedia adversus morbos quamplurimos. Antiquis Græcis salutare Ferri intus sumpti virtutes non ignotæ fuerunt. Ferri rubigini a Dioscoride vis restrictoria tribuitur, & præsertim ad sistenda uterina sanguinis profluvia. Ab eodem commendatur vinum vel aqua in qua Fer-

Ferrum ignitum extinctum fuit, ad cæliacos, dysentericos, lienofos, cholera laborandos, & dissolutos stomacho sanandos.

Duplex in Ferro virtus a Medicis agnoscitur, aperiendi nempe, & adstringendi. Menstrua enim suppressa promover; hepatis, lienis, & viscerum obstructions resolvit, hæmorrhagias sistit, & diarrhæas, laxatas viscerum fibras adstringendo, sanat. Dicitur præterea Alexipharmacum mali hypochondriaci, & Panacea cachexiarum. Quidam vim aperiendi quibuldam Martis præparationibus tribuunt, vim adstringendi vero alii: sed omnes Ferri præparationes adstringunt simul & aperiunt, licet aliæ longe efficacius, aliæ vero debilius.

Ad usum medicum Ferrum Chalybe longe præstat; & limatura Ferri sincera, tenuissima, & velut in alcohol redacta, omni præparationi a multis antepositur ad menses promovendos, & ad viscerum obstructions referandas. Dosis a gr. xij. ad ʒß. semel vel bis in die sub pilularum, tabellarum, vel boli forma.

℥. Limaturæ Martis tenuissimæ & per setaceum trajectæ ʒiij. Cinnamomi acuti pulverati ʒß. Mucilaginis gumm. tragacanthi q. s. Fiant pilulæ ex arte. Dosis ʒj. mane jeuno ventriculo, & quatuor horis post prandium, haustum vini aqua diluti superbibendo. Vel

℥. Limaturæ Martis alcoholizatæ ʒj. Cinnamomi ʒj. Caryophyllor. ʒj. Sacchar. albi in aqua Artemisiæ soluti, & in electuarium solidum cocti ʒvj. Fiant tabellæ secundum artem, quarum dosis ʒij. mane & sero. Vel

℥. Limaturæ Martis subtilissimæ ʒij. Radicum Ari exsiccatarum & pulveratarum ʒij. Crystallor. Tartari ʒvj. Gumm. ammoniaci, Myrrhæ, Cinnamomi, Nucis moschatæ ana ʒj. Croci pulver. ʒß. Syr. de Absinthio q. s. Misce. Fiat opiata, cujus dosis ʒij. mane & sero ad cachexias virginum.

In infusione etiam præscribitur Ferri limatura nodulo inclusa in apozematibus aperientibus, & in jusculis alterantibus. Ex ea quoque paratur vinum chalybeatum.

℥. Limaturæ Martis puræ & sinceræ ʒj. vini generosi ʒij. Digerantur in loco tepido per 12. horas, identidem agitando. Dosis ʒiij. bis in die. Vel misceatur in apozematibus & pitanis cochlear unum aut alterum pro singulo cyatho.

Ex limatura Ferri cum Tartaro parantur aquæ Martiales artificiales, ut Capite de *Aquis mineralibus* diximus.

Medicamenta ex Marte præparata, vel aperientia existimantur vel adstringentia. Inter aperientia numerantur Crocus Martis aperiens, sal seu vitriolum Martis, sal Martis Riverii, Tartarum Martiale solubile, Tinctura Martis aperiens, flores Martiales. Inter adstringentia recensentur Crocus Martis adstringens, Tinctura Martis adstringens seu aniphtisica.

Crocus Martis aperiens simplicior & præstantior est Ferri rubigo, quæ sit dum Ferri limatura verno tempore sub dio exponitur, donec rore & pluviis vernis identidem madefacta tota in rubiginem convertatur. Tunc rubigo tenuissime contrita servatur ad usum. Dosis a gr. x. ad ʒij.

Alius præparatur Crocus Martis cum Sulphure, hac ratione.

℥. Limaturæ Martis & Sulphuris pulverati partes æquales. Misceantur, aqua communi humectentur, & in pastam non molliorem redigantur. Reponantur ad fermentationem super patinam fictilem in loco moderate calido per horas quatuor aut quinque. Sensim incalescit pasta, intumescit, rimas agit, fumos emittit, exsiccatur, & per se calcinatur. Tunc patina prunis ardentibus imponatur, massam identidem agitando cum spatula ferrea, donec omne sulphur deflagratum sit. Remanebit pulvis purpureus, scilicet Crocus Martis aperiens cum sulphure paratus. Dosis a gr. xv. ad ℥j.

Sal seu Vitriolum Martis sic præparatur.

℥. Limaturæ Martis ab omni sorde purgatæ ℔ss. Huic affunde aquæ tepidæ ℔ij. Adde paulatim olei Vitrioli ℔ss. Digerantur simul, donec peracta sit dissolutio. Tum liquor a fœcibus per inclinationem separatus evaporetur ad pelliculam, deinde in loco frigido reponatur ad crystallizandum. Crystalli virides concreverunt; quibus semotis, denuo evaporetur liquor, & ad crystallizationem reponatur. Crystalli optime exsiccantur serventur ad usum. Dosis a gr. ij. ad ℥j. in vehiculo convenienti. Vomitus excitat, si nimia dosi exhibeatur. Non solum ad obstructions referandas commendatur, sed etiam ad vermes necandos.

Sal Martis Riverii fit infundendo in sarraginem ferream spiritus vini & olei vitrioli partes æquales. Sarrago assere contegatur, & soli exponatur vel in hypocaufto reponatur per aliquot dies. Fiet salina concretio probe exsiccanda & servanda. Dosis a gr. ij. ad xx. Obstructiones aperit, viscera roborat. In malo hypochondriaco, in cachexia, in obstructionibus hepatis & lienis diuturnas illius usus a Riverio commendatur.

Tinctura Matris aperiens sic conficitur.

℥. Limaturæ Ferri rubiginosæ ℥xij. Tartari albi ℔ij. Bulliant in cacabo ferreo cum aq. pluvial. q. s. per 12. vel 15. horas, identidem cum spatula ferrea agitando. Percoletur liquor, & ad Syrup. consistentiam inspissetur. Obstructiones aperit, in menstruum suppressione, in cachexiis, hydropo, & morbis ab obstructionibus feliciter præscribitur. Dosis a ℥j. ad ℥ss. in jusculo alterante, aut alio quovis liquore conveniente.

Tartarum chalybeatum solubile fit solvendo in supradictæ Tincturæ ℔j. Tartari solubilis ℥iij. & solutionem ad siccitatem usque evaporando. Remanet pulvis salinus fulvus, accurate ab humiditate servandus. Dosis a gr. x. ad ℥j. in vehiculo idoneo.

Flores Martis, seu Mars diaphoreticus, & flores salis ammoniaci Martiales sic præparantur.

℥. Ferruginis ℥xij. Salis ammoniaci pulverati ℥viij. Misceantur; & ex cucurbita terrea, in igne aperto, applicato capite vitreo, sublimentur. Elevantur flores flavi salini. Dosis a gran. vj. ad xx. Potenter attenuant, incidunt, aperiunt. Sudores & urinas promovere, alvum stimulant; & sæpe, si majori dosi exhibeantur, nauseas excitant. Utiliter exhibentur in febribus contum-

tumacibus, in asthma & malo hypochondriaco, & aliis morbis chronicis.

Crocus Martis adstringens fit limaturam Martis aceto sæpius irrorando, donec in rubiginem prorsus convertatur: deinde igne reverberii hæc rubigo calcinatur, & in tenuissimum pulverem rubicundum redigitur. In diarrhæis, dysenterii, & hæmorrhagiis quibuscunque utiliter præscribitur. Dosis a gr. xv. ad ʒj. sub forma boli, tabellarum, vel pilularum.

Tinctura Martis adstringens, vel Tinctura antiphtisica, hac ratione præparatur.

ʒj. Vitrioli Martis ʒj. Terræ foliatæ Tartari ʒij. Separatim pulverentur: postea fiat mixtura assidue in mortario vitro terendo, donec pulveres instar pastæ mollioris liquecant, & rubrum colorem adipiscantur. Sensim affundantur spiritus vini rectificati ʒiiij. & spiritus statim colore rubro tingitur per inclinationem separandus a fecibus. Dosis a gutt. x. ad xxx. Hæmorrhagias sistit, gonorrhæas, & album mulierum fluorem; pulmonum ulcera dergit, & exsiccat, unde sæpe in phtisi utiliter exhibetur: cum Balsami Copaivæ parte æquali consociatur, & permiscetur. Hac in præparatione salern Saturni qui vulgo usurpatur, rejeci, & in ejus locum terram foliatam substitui, quæ Tincturam pariter extrahit; & præterea immunis est ab omnibus noxis, quas Plumbi præparationes intus sumptæ inferre solent.

Usitatoribus Ferri præparationibus enarratis, quænam sint hujus metalli virtutes, & quæ cautiones in Martialium remediorum usu observandæ, paucis inquiramus.

Proprietates duæ a Medicis deteguntur in Ferro: alia aperiens est, adstringens alia. Inde Chymici Martem variis modis contorquent, crocos, tincturas, salia conficiendo, quibus vis aperiens adstringensve hujus metalli eliciatur. At notari dignum est adstringentes Ferri præparationes quandoque urinas & alvum movere, aperiens vero sæpe sanare alvi profluvia diuturniora, & quamlibet Martis præparationem menstrua provocare suppressa, & eorum fluxum immoderatum compescere.

Horumcæ phænomenon causam quærenti sola Ferri stypticitas occurrit. Quæ quidem causa unica pro varia corporum dispositione, diversos, & prorsus contrarios producit effectus. Licet igitur aperiens videatur Ferrum, constat tamen adstrictione sola suam adimplere virtutem; quæ quidem agendi ratio sic concipi potest.

Sanguinis status morbosus triplex est. Vel enim glutinosus est, qui nempe spiritibus depauperatus in tenaciori lymphæ natat: tunc omnibus in vasis hæret, & obstructions vulgo cachecticas procreat. Vel crassus est sufficientique orbatus quantitate lymphæ sanguis, unde adustus dicitur, & melancholicus: facile tenuioribus, sistitur in vasis, & sèrvatas scorbuticasque producit obstructions. Vel nimia feri copia torgens sanguis, undequaque diffunditur, viasque insolitas sibi aperit.

Hæc omnia fiunt, quod liquores corporis manare nequeant nisi vaso-

rum contractionē. Sic ubi spissior est lymphā, fibrarum elater vasorum ad sanguinis propulsionem est impar: unde leucophlegmatia, chlorosis virginum, fluxus muliebris suppressio, cachexia & alia hujusmodi affectiones. Ubi lymphā orbatus est purpureus latex, soliditatem, si fas sit dicere, adipiscitur, & fibrarum elaterem eludit. Hinc nascitur obstructio pertinax, ut scirrhus; quas quidem obstructiones hæmorrhagiæ subsequuntur curatu difficillimæ, ut hydropicis sæpissime accidit. Ubi tandem canales tenuiori & uberiori lymphā madent, elaterem amittunt. Sic sanguis nimis dilutus lymphā partium texturam laxando, & debilitando, insolitas petit vias; & diarrhææ, diabetes, hæmorrhagiæ, hydrops prodeunt.

Quisnam sit Ferri effectus his in ægritudinibus, ex hujusce metalli sapore satis patet. Ferri ejusque præparationum sapor stipticus est; linguæ, palati, toriusque oris fibras potenter adstringit: inde copiosior solito fluit saliva, frequentius sputum. Ex his judicare possumus Martis agendi rationem in corpore. Martialibus nempe intrus sumptis fibræ constringuntur, earum elater restituitur vel augetur. Humor in fibrarum interstitiis stagnans expellitur, vasa validius contracta inspissatos succos contemperant, ac fluidiores efficiunt, omniumque corporis succorum motum accelerant.

Quod in solidis, illud idem in fluidis Mars operatur. Fibrosam sanguinis partem constringit, fluidiusque serum ex parte fibrosa elicit; idque bonis vel magis ægri rebus, pro opportuna vel minus opportuna occasione. Quare judicio opus est, ut dignoscatur quo casu convenient, necne, Ferrum & ejus præparationes.

Cachecticis in affectibus ut leucophlegmatia, colorosi, mensum suppressione, aut alia qualibet affectione in qua sanguis tenax, & viscidus hæret, Ferrum ejusque præparationes saluberrimæ sunt. Martis enim vi adstringente ad se invicem approximantur partium solidarum fibræ, & lymphā in earum interstitiis stagnans exprimitur, intra vasa recipitur, ibique sanguinis solutionem promover. Sic exsiccatis, & firmatis fibris, earum pristinus redit elater, succi spissiores vividius commoliantur, circuitusque liquorum, ut par est, restituitur.

Non eadem Mars præstat comoda in scirrhosis, scorbuticis aut melancholicis affectibus, quod sanguis lymphā privetur. Fibræ enim jam crispatae a Ferro magis adhuc corrugantur, nec amplius oscillatorio motu moveri possunt. Lentus jam sanguis tardiori fluit motu, quod sanguinis portio fibrosa magis ac magis coarctetur, & sero superscite spoliatur. Nocet ergo his in affectibus Ferrum; & licet aperiens proclametur, obstructionibus istis solvendis, aut hæmorrhagiis quæ eas subsequuntur sistendis omnino impar est.

Nec minorem expostulant considerationem evacuationes nimia. In hæmorrhagiis, v. g. alvi fluxu, continuis sudoribus, hydrope; aliisque a copiosiori sero affectibus, Ferrum saluberrimum est; quod fibras firmiores efficiat, serum amander, & amissum fibrarum elaterem restituat. Verum si ab obstructionibus pertinacioribus oriantur illæ evacuationes, ut in febribus hecticis evenire solet, Martis præparationes maxime nocent: quippe quæ serosam

rosam sanguinis portionem a fibrosa separando, eam foras amandent, evacuationesque uberiores efficiant, ac præterea fibrarum rigiditatem intra solidas partes adaugeant, & majores adhuc pariant obstructions. Licet quoque incipienti conferat hydropi Ferrum, non idcirco inveterato pariter convenit. Lympha enim quæ vias sibi aperuit in abdominis cavitatem, fibrosam sanguinis partem relinquit fere exsiccatam: Mars vero jam fere orbatum humore sanguineo laticem lymphæ residua brevi spoliaret, & ægrotans cum artuum supernorum marcore brevi fieret infauisti Martis hostia. Ergo a stipticitate Ferri quicumque boni malive effectus pendant, quæ stringit aut referat. Stiptica quæque non eosdem, quos Mars, præstare valent effectus. Hoc Ferro peculiare est, quod suam vehat stipticitatem vix alteratam per omne corpus; quod quidem stipticis e vegetabilium familia desumptis non succedit. Horum enim stipticitas in primis viis ita alteratur, ut ea sanguis vix afficiatur: verum Mars ventriculorumque succis solutus, in actum erumpit, & sanguineo latici permixtus per totum corporis habitum diffunditur, & vim suam adstringentem exerit.

Observandum est Ferri substantiam solam feliciter præscribi quam salibus imprægnatam. Mars enim salibus satius non ita facile a ventriculi succis penetrari, nec dissolvi potest.

Nec omittendum est exercitationem per Martialium usum admodum necessarium esse, tum ad faciliorem Martialium particularum distributionem, tum etiam ad fibrarum oscillationes restituendas, & succorum circularem motum accelerandum.

ARTICULUS QUARTUS.

De Ære.

ÆS vel Cuprum vulgare: *Χαλκός Græcorum: Venus Chymicorum*. Unum est ex ignobilioribus metallis duris, ferro mollius, sonorum, colore rubro nitente, dum expolitur, fusile, & adeo ductile, ut in tenuissimas bracteolas duci queat.

Æs in venis purum quandoque reperitur, & varia figura, bracteolarum scilicet, stularum, virgularum, ramulculorum, globulorum, vel massularum: sed sæpius in Pyrite aut in peculiari minera reconditur. Pyrites ærofa aureo nitore & quidem elegantissimo nonnunquam distinguitur, licet hæc minera eo metalli feracior non sit; quandoquidem a sulphure combustibili color ille pendeat.

Æris vena non ubique eadem est. Alia enim flavescens: alia purpurea, seu violacea: alia cinerea: alia nigra; sæpe cum scintillis aut venis aureis, & tinctura viridescente permixta.

Æs raro solum in sua minera continetur; sed alia metalla habet adjuncta, argentum, ferrum, plumbum; & magna sulphuris combustibilis copia separatu difficili ut plurimum involvitur. Pro diversis rebus quæ cum Cupro permiscetur, ejus minera diversimode tractatur.

Vena quæ plurimo sulphure turget, comburitur iteratis calcinationibus, donec totum sulphur exhalatum fuerit. Iquere, id vocant artifices.

Goslariensis minera Cupri in fragmenta pugni crassitie confusa, igne aperto, cæsis lignis & nonnullis carbonibus admixtis, comburitur. Deinde torrefacta minera in frustula minutiora confusa iterum calcinatur; tandem minutissime confusa tertiam subit torrefactionem; postea funditur in lapidescentem materiam rubram, quæ Cupri Lapis dicitur. Tum quater iterum torreficit, iterumque liquatur; & Æs nigrum præbet: deinde torrendi vices iterum octo spinit. Tunc quidem Æs ab omni sulphure purgatum est; sed argentum continet, quod sic extrahitur.

Æri argentifero quatuor circiter plumbi partes admisceatur, plus minuve, prout plumbum quod adhibetur purius est, vel argenti ferax. Hæc intenso calore simul liquantur, & in formas effunduntur ad panes conficiendos. Panes metallici in fornace separatoria duobus lapidibus dimidio digno a se, invicem secundis imponuntur, & superimpositis carbonibus igne mediocri candescunt; ita ut plumbum argenteo consociatum colliqueatur, & ex Ære in catinum subjectum defluat, Ære tantum in fornace remanente, non liquato, sed spongiosam massam referente. Ærea hæc massa argento carens, Æs pauper dicitur: & excoquitur ac funditur, donec Æs malleabile, & usibus aptum fiat.

Hoc in ultimo labore scorix quædam instar Lythargyri, se produnt; Ære, argento, plumboque gravida; quæ deinde, admixto Lythargyro, funduntur ad metallorum separationem perficiendam.

Quidam reperiuntur fontes aquarum ærosarum, e quibus Vitriolum coctione conficitur, aut Cuprum præcipitatione extrahitur mediante ferro; quæ quidem præcipitatio pro ferri in Cuprum transmutatione a nonnullis habita fuit. Ejusmodi est fons percelebris ad oppidum Smolnicium in Provincia Zepusensi, non procul a monte Carpatho; cujus aqua ferri fragmenta injecta corrodit, eorumque loco Æs substituit, pristina ferri figura servata. Sic solea equi ferrea post aliquot dies cuprea educitur ex aqua: sic Quercus folia in hunc fontem forte delapsa post aliquod temporis spatium ærea extrahuntur.

Æris fodinæ pluribus in locis reperiuntur: sed præstantiores & ditiores sunt in Suecia & in Germania.

Æs ferro mollius est, plumbo & stanno firmitus. Igne excandescit, antequam liquetur. Ejus gravitas ad auri gravitatem paulo pluris est quam 4. ad 9. Æri humido expositum æruginem contrahit viridem: manibus tractatum ingratum odorem exhalat, & saporem præbet austerrum, acrem, nauseabundum: ab aqua per tempus dissolvitur, sicut & ab oleis: a salibus quibuscumque corroditur. Cupri solutio ab acidis salibus & ab alcalinis fixis viridis est; verum ab urinosis, cæruleo colore elegantissimo inficitur.

Æris limatura in candelæ flammam injecta excandescit, non vero scintillat, & flammam viridescens efficit: cum Nitro fusa levem fulgurationem excitat. Ex limaturæ Cupri p. j. & Sublimati corrosivi p. ij. simul mixtis, & ex retorta vitrea distillatis, Hydrargyri a salibus separatus sub Mercurii currentis forma foras per retortæ rostrum pro-

dit : in fundo vero remanet Cuprum cum salibus intime mixtum sub resina citrina vel rubra specie nunc diaphana, nunc opaca ; quæ ad candelæ flammam admota liquefcit , accenditur , & flammam viridem emittit .

Æs vehementi diuturniorique igne calcinatum , & suo sulphure orbatum ; in cinerem subrubrum redigetur ; qui lentis vitræ majoris foco solari expositus supra tigillum ; in vitrum intente rubrum & fere opacum convertitur . Hoc vitrum eidem foco super carbonem fustum , novum sulphur recuperando , pristinam Cupri formam recipit .

Ex his concludere possumus , Cuprum non mediocrem sulphuris combustibilis portionem continere , licet non tantam , quanta in ferro continetur ; metallicam vero substantiam esse terram rubram seu vitrescibilem .

Cuprum ab Hydrargyri vel Arsenici halitu argenteum colorem accipit , sed non permanentem . Cum Lapide calaminari vel Zincho fustum , flavo vel aureo colore tingitur ; & Aurichalcum dicitur ; cujus diversas præparandi rationes , articulis de *Cadmia* & de *Zincho* , enarravimus .

Æs propter summam ductilitatem & nitorem frequentioris est usus domesticæ . Verum ad usum medicum rarissime adhibetur ; saltem interne . Hocce enim metallum inter venena recensetur , præsertim ærugo . Edulia enim , vel etiam aqua aliquamdiu in cupreis vasibus servata , admodum noxia evadunt . Ventriculi & intestinorum dolores & tormina , vomitiones enormes , frequentes & inanes deijciendi conatus , intestinorum exulcerationes , interdum anhelitus difficultatem , & spasmodicas membrorum contractiones , ac triste letum pro majori vel minori hujus veneni quantitate producant .

Eadem est huic veneno medendi ratio , quæ Arsenico aut Sublimato corrosivo intras sumptis convenit : hoc nempe , oleum , butyrum infussum liquidum , primo assatum epota ; deinde vomitus largo aquæ tepidæ potu excitatus , enemata cum oleo , butyro aut pinguibus carnisum jusculis : tum cardiaca , & corroborantia , ac tandem diætæ lactea præscribatur .

Varia Cupri recrementa a veteribus præparata & in medicamentis usurpata fuerunt , qualia sunt ærugo , flos Æris , Æs ustum , & squama Æris : ex his ærugo fere sola in usum venit .

Ærugo seu Viride Æris *Offic. I. Æris Græcorum* : Ziniar *Arabum* : Gallicet *Verdet* , vel *Vert-de-gris* . Est rubigo quædam viridis ex laminis cupreis abrasa . Hæc est illius apud Occitanos præparandæ ratio excerpta ex *aliis philosophicis Regiæ Societatis Mompeliensis* .

Vinacea exsiccata vinoque generoso irrorata , per novem vel decem dies in vasis ligneis vel terreis reponuntur ad levem fermentationem concipiendam : deinde manibus contrita in globos congeruntur , & in vase terreo huic usui destinato accommodantur ; viniq; optimi quantitas sufficiens in illud infunditur , donec globi pars circiter dimidia in vino immersa sit . Vas stramineo operculo obturatur , & in cella vinaria relinquatur ad macerandum per horas 12. vel 15. globulum quarta quaque hora invertendo ; ut vino undequaque penetraret . Postea globus digiti unius

latitudine a vini superficie elevatur, supra tessellas ligneas adaptatur; & vase clauso relinquitur per 10. vel 12. dies. Tunc vinaceorum globus odorem fortem, ac subtilem exhalat, & ad Cupri solutionem perficiendam aptus est. Globus ille manibus conteritur; ut exterior ejus pars, utpote sicciior, cum interiori parte adhuc vino madida exacte permisceatur. Vinacea sic præparata, in supradicto vase in quo vinum acescens relictum fuit, cum laminis cupreis supra tessellas ligneas stratum super stratum alternatim disponuntur: stratum inferius ex laminis æreis, superius vero & ultimum ex vinaceis semper conficitur. Laminæ sunt quatuor unciarum longitudine, & trium latitudine. Si Cuprum novum sit, antequam in usum veniant laminæ, per viginti quatuor horas in ærugine sepeliuntur, & postea igne paululum calefiunt.

Stratis sic dispositis & vase adimpleto obturatoque, omnia relinquuntur, donec Viride Æris confectum sit, & in lanuginem ex viridi albescentem convertatur: quod quidem pro varia Cupri indole citius vel tardius perficitur. Aliud enim Cuprum æruginem intra sex septemve dies suppeditat, aliud intra duodecim vel quindecim. Tunc e vase extractæ laminæ æruginosæ, aliæ aliis impostæ, & vino optimo extremis lateribus leviter imbutæ, super tegetem in diversas pilas accommodantur in cella vinaria, & linteis vino madidis involvuntur. Sic, inquit, Ærugo nutritur per tres hebdomadas: quibus peractis, ærugo cultellis ex laminis cupreis deraditur, & servatur ad usum.

Ærugo pictoribus & insectoribus inservit. A Medicis vero rarissime interne exhibetur, sæpius vero externe. Ulcera detergit & exsiccat, carnes fungosas & superfluas consumit, callos exedit. Uturpatur in balsamo viridi Metensium *D. Charaz*, in unguento viridi, unguento Ægyptiaco, unguento Apostolorum, & emplastro divino *Ejusdem*.

Flos æris *Offic. Χαλκὴ ἀέρης Græcorum*. Nihil aliud est quam Æs in granula tenuissima, Mili instar, redactum. Dum enim Æs fustum in formas delabitur, antequam coeat in massam duram, aquæ frigidæ affusione hæc minutissima granula undique erumpunt & dissiliunt.

Æsustum *Offic. Χαλκὸς κακασυμῶς Græcorum*. Est Cuprum in calcem crocumve redactum, vel solum, vel cum sulphure & sale interspersis diuturniori calcinatione in furno reverberii combustum. Exsiccat & adstringit cum quadam acrimonia.

Squama Æris *Offic. Λιπαὶ χαλκὴ Græcorum*. Ab Ære ustio parum discrepat; sunt enim combustæ Æris particule, quæ ex eo, dum malleis percutitur, dissiliunt. Hæc squama, vel etiam ejus loco Aurichalci immatura, cum sulphure & radice Ireos pulverata calcis interspersa, retum pedum foetorem reprimat; sed non semper innoxie. Si enim foetidus ille sudor incaute reprimatur, majora nonnunquam funestaque ingruunt mala.

Quæ ex Ære præparantur medicamenta usitatiora, sunt, Præcipitatum viride de quo Articulo de *Hydrargyro* egimus, & Ens Veneris Boyleanum cujus hæc est conficiendi ratio.

℞ Colcotharis ex Vitriolo Hungarico cœruleo seu venereo; optime calcinati & loci ℥ij. Salis ammoniaci ℥iij. Misceantur exacte, & sublimentur flores ter supra caput mortuum cohobandi. Dosis a gr.

a gr. j. ad vi. Commendatur a Boyleo, & Mayovv in infantum rachitide. Necnon etiam in gonorrhæa inveterata tamquam efficacissimum prædicatur.

Ex Cupro, Sale ammoniaco, & aqua Calcis, Tinctura cœrulea paratur, quæ Collyrium cœruleum dicitur, & cujus mentionem jam fecimus. Valet ad oculorum morbos, ad gonorrhæas sistendas, & ad ulcera detergenda, & exsiccanda.

Chymici sulphur rubrum in Venere contineri existimant, quod ab Helmontio ignis Veneris, & sulphur Philosophorum ad vitam longam aptum dicitur. Illud duplici de causa ex metallo extrahere tentant: primo, ad præstantissimum remedium adversus omnes ægritudines, & anodynum insigne in doloribus obtinendum; secundo, ad Cuprum sua tinctura rubra spoliandum, & in metallum album, & argento proximum convertendum. Sed nullum sulphur aliud in Ære agnoscimus præter bituminosam seu inflammabilem substantiam omnibus metallis communem, qualis etiam in omnibus mixtis combustibilibus reperitur; quare immeritisime tot encomiis illud prædicant. Rubicundus Æris color a terra, non a sulphure proficiscitur. Frustra ergo sulphur fixum ex Venere extraxisse asserunt, variis in Cupri tincturis quas præparaverunt. Tincturæ enim illæ nihil aliud sunt præter ipsum Cuprum in tenuissimas partes divisum, & menstruis diversis diverso sub colore innatans; quod quidem harumce particularum præcipitatione facillime demonstrari potest. Frustra etiam Venerem sua veste rubra denudatam seu Cuprum dealbatum, aut, ut ajunt, decappatum ostendunt, utpote suo sulphure rubro spoliatum. Cuprum enim album sic præparatum non albescit propter sulphuris ablationem, sed ob terræ albæ in salibus alcalinis contentæ adjunctionem, ut doctissimus Beccherus recte observavit.

CAPUT SECUNDUM.

De Metallis perfectis.

ARTICULUS PRIMUS.

De Argento.

Argentum vulgare: *Αργυρος Græcorum*: Luna Chymicorum: Est metallum nobile seu perfectum, candidum, splendens, sonorum, ductile, auro tamen minus perfectum.

Naturale dicitur, quod purum ac sincerum e terra effoditur: rude; quod cum metallis, & mineralibus permixtum reperitur, & ignis purgatione indiget. Quod purum ac sincerum est, vel in saxorum fissuris colligitur,
vel

vel a faxis secretum cum arena, & terra mixtum invenitur. Diversimode figuratum est: nunc ramosum, laminatum, capillaceum, granulatum; nunc arborum frondes, aut filamenta crassiora vel tenuiora repræsentans; nonnunquam etiam in massas prægrandes compactum, qualis fuit illa de qua Olaus VVormius mentionem facit, quæ ex Norvegæ fodinis 130. marcarum pondere eruta fuit.

Rude suis mineris continetur, quæ quidem colore inter se differunt: Argentæ enim vena nunc rubra est, Arsenico inquinata; nunc plumbea, quæ sulphur commune admixtum habet; nunc nigra, purpurascens, rufescens, vel cineracea, pro variis rebus quæ metallo admiscetur. Sæpissime quoque auri, æris, stanni, plumbi mineris conjunctum, majori vel minori copia reperiri solet.

Argenti fodinæ pluribus in locis occurrunt, in Italia, in Germania, in Hungaria, in Norvegia, in Anglia: sed ditiores sunt Potosinæ in Peruviana regione, & Mexicanæ.

In Anglia plumbi venæ fere omnes nonnihil Argenti continent; sed ex solis plumbariis fodinis Provinciæ *Cardigan* extrahitur; urpote ditioribus, cum huius mineræ duo millia pondo decem, quindecim, & nonnunquam viginti libras Argenti suppedient.

Argentum ex plumbo facillime extrahitur. Funditur nempe plumbum in alveis ex cineribus conflatis, & in fornace rite dispositis: tum follium flatu igne excitato, in vitrum redigitur, & ab alveo absorbetur, Argento puro super alveum remanente.

Difficilius ex argentiferis Peruvianis, & Mexicanis venis educitur, cum non solum in venis durissimis absconditum sit, sed etiam cum bituminosis, sulphureis, & corrodentibus substantiis, arsenicilibus nempe, & vitriolicis consociatum; ita ut Argenti portionem non mediocrem hæc substantiæ in auras secum auferant, aut combustum, & in scorias mutatum relinquunt.

Itaque pro diversa venæ indole, diversimode tractatur. Si durior sit minera quam ut malleis contereri queat, igne moderato comburitur, tum ad saxum friabilis efficiendum, tum etiam ad substantias heterogeneas Argento conjunctas dignoscendum. Argenti vena heterogeneis substantiis permixta teritur in pulverem tenuissimum ope moletrinarum huic usui destinatarum; deinde si sulphuris vel stibii participet, ferri rubigo vel squama illi adjungitur. Si e contra ferrum contineat, sulphur vel stibium venæ consociantur, & simul calcinantur. Tunc venæ rite calcinatæ sufficiens Hydrargyri quantitas permiscetur. Nonnunquam vena Hydrargyrum respuit, & Mercurius obscuro colore infectus, non in globulos cogitur, sed in massulas vermiculares, oblongas nempe, teretes & lividas colligitur; quod quidem stanni vel plumbi in vena contenti argumentum est. Ad mineram his metallis purgandam, quasdam adhibent compositiones: Magisteria dicunt, quorum basis est æsustum.

Itaque minera Argenti cum Hydrargyro debite permixta, & ut ajunt amalgamata, in aqua diu conteritur, & lavatur. Quodcumque Hydrargyro consociari non potuit, ab aqua præterfluente continuo abripitur, solo remanente metalli, & Hydrargyri amalgamate sincero, & nitido.

Tum

Tam amalgama linteis fortiter exprimitur ad separandum Hydrargyrum : Panes argentei post expressionem residui , ignis calori in vasis terreis exponuntur ; ut si quid superest Mercurii , in auras mandetur . Tandem metallum in massas funditur , adjuncta quinta circiter æris portione , quod metalli temperatura dicitur , vulgo *l'alliage* .

Argentum ab ære separandi rationem jam exposuimus , cum magna inest æris copia . Si vero exigua sit æris portio , purgatio instituitur cum plumbo in carino probatorio , vulgo *la Coupelle de plomb* . Fit autem catinus probatorius ex ossibus combustis & ad albedinem calcinatis vel ex cineribus lotis , ita ut nihil salis remaneat . Cineres aqua diluti & in pastam solidam redacti , in cupulam formantur ; & exsiccantur . Cupula probe siccata in furno intero prunas accommodatur . In ea quatuor vel quinque plumbi partes liquantur , & liquato plumbo Argenti purificandi pars una adjicitur . Cum ambo metalla perfecte liqueata sunt , ignis vis intenditur , ut vitrescat plumbum ; quod assiduo follis flatu vitrescens ad catini oras propellitur , & intra poros ejus absorbetur , saltem pro majori parte , cum quædam portio non mediocri in auras sub fumi specie avolet . Denique Argentum splendens , sincerum & purificatum in catino remanet .

Si aurum cum Argento permixtum fuerit , alia est hæc metalla sperandi ratio , quæ vulgo *se Depart* dicitur . Si in mixtura metallica magna sit auri copia , tum adjiciendum erit Argentum purum , ita ut Argenti portio auri quadrupla sit . Funduntur simul : deinde solvitur mixtura in aqua forti , quæ solum solvit Argentum , aurum vero intactum relinquit sub forma pulveris vel limi nigri , qui , solutione per inclinationem semota , pluries lavatur actandem funditur . Argentum vero solum præcipitatur , affundendo solutioni aquæ communis partes duodecim vel quindecim , & laminas cupreas in liquorem immergendo . Argentum enim laminis cupreis adhæret ad instar pulveris cinerei , qui exsiccatus in argenteas massas igne funditur .

Argentum auro durius est , & minus ductile , auro & plumbo levius , siquidem liquefactum illis supernatat . Ejus gravitas ad auri gravitatem est paulo minus quam 5. ad 9. *7777777777*

Nullam rubiginem contrahit ; a sulphureorum halitu nigrescit ; ab aqua forti dissolvitur , non vero ab aqua regali . Non a plumbo destruitur , sed ab Antimonii parte sulphurea . Igne diuturniori & vehementiori minuitur & consumitur . Lentis vitreæ majoris foco expositum ; tum super testam , tum super carbones , in fumos dissipatur totum , sed tarde admodum & nonnisi post longum temporis intervallum : non vero in vitrum convertitur sicut cætera metalla ; ex eo quod sulphureum principium , a quo metallorum ductilitas , spendor & opacitas pendet , cum terra metallica tam arte conjungitur , ut prius avolent metallicæ partes quam in sua principia dividi possint .

Argenti ab omni alio metallo purgati solutio limpida est , ejusque crystalli nullo colore donantur : si vero æris nonnihil contineat , tinctura subviridem , vel subcæruleam exhibet . Crystallorum Lunarium sapor est intense amarus . Argentum cum sale communi quocumque modo permixtum

rum in massam funditur semi-diaphanam, & quasi corneam, quæ ea de causa Luna cornea dicitur, quæ quidem in Argentum difficile reduci potest, cum volatilis sit; si enim igne vehementi urgeatur, fere tota in auras avolat.

Arabes Argento caput, & cerebrum roborandi, animalesque spiritus reficiendi vim tribuerunt, quam quidem virtutem Chymici magnopere prædicarunt. Hinc in plurimis Arabum compositionibus cephalicis, & roborantibus Argentum foliatum præscribitur. Hinc apud Chymicos Tincturæ Lunares, Luna potabilis, Diaphoreticum Lunare, Bezoardicum Lunare, & cætera hujuscemodi præparantur. Verum de insigni illa virtute cephalica, & roborante non satis nobis constat: neque etiam hocce metallum pretiosum omni prorsus virtute carere asserere audemus.

Ejus folia usurpantur in Confectione de Hyacinthis *D. Charas*; in Pulvere lætificante *Ejusdem*; & sæpe ad bolos vel pilulas involvendas adhibentur.

Argenti Chymicæ præparationes usitiores sunt Crytalli Lunares, & Lapis infernalis. Crytalli Lunares seu Catharticum argenteum sic præparantur.

℥. Lunæ purificatæ ℥j. spiritus Nitri ℥ij. vel iij. Fiat dissolutio, quæ ad tertię partis diminutionem evaporetur. Deinde in loco frigido reponatur, & concresecet crytalli eximendæ, & exsiccandæ. Superfluous autem humor denuo ad mediocritatem evaporetur, & ad crytallizandum reponatur, ut prius. Omnes crytalli collectæ in aqua limpida resolvantur. Solutioni adjiciatur Nitri purificati ℥j. Solutio de novo evaporetur, & crytallizetur. Crytalli servantur ad usum. Est Luna hydragoga, vel Vitriolum Lunæ purgans, cujus dosis a gr. iij. ad viij.

Commendatur in paralyti, in hydropse ascite. In tenuissimum pulverem redactæ, & cum mica panis pistæ in pilulas rediguntur, quæ Pilulæ Lunares Boylei dicuntur, & in hydræ aquas potenter educunt.

Lapis infernalis, seu Causticum perpetuum sic conficitur.

℥. Argenti purgati ℥j. sp. Nitri ℥ij. Fiat dissolutio. Balneo atenæ plegma evaporetur ad medię partis diminutionem. Massa residua in crucibulum capax infundatur, inter prunas collocetur, ut igne moderato ebulliat. Cum massa, finita ebullitione, magis depressa videbitur; urgeatur ignis, & olei instar fluida apparebit: tum effundatur in canaliculos metallicos, quos vulgo *Lingotieres* vocant, prius calefactos, & sebo illitos. Ibi concresecet in baculos servandos, & ab aeris humiditate caute præservandos.

Causticum est egregium, & perpetuum. Carnes & ossa, quæ prius madefactum tangit, citissime corrodit, & consumit.

Quædam Lunares Tincturæ saphyrinæ vel cæruleæ a Chymicis mirum in modum prædicantur. Sed Tincturæ Lunæ improprie dicuntur, cum sint potius Tincturæ Veneris, quarum usum internum minus tutum censemus. Argenti autem Tincturæ omnino diaphana est seu crytallina, cujus virtus mihi adhuc incomperta est.

Mulieres ex Argenti & Hydrargyri solutionibus aquam præparant ad capillos nigro colore tingendos. Sic autem præstantior conficitur.

24. Argenti granulati 3j. Aq. fortis ʒijß. Fiat dissolutio. Dissolvantur, quoque seorsim Hydrargyri 3vj. in Aq. fortis ʒij. Solutiones confundantur, quibus affundatur aquæ communis q. s. ad solutiones debilitandas, ita ut liquor cuprum corrodere nequeat, neque bullas in ejus superficie excitare. Tum liquor servetur ad usum. Præstat per duos trefve menses servatus, antequam in usum adhibeatur.

ARTICULUS SECUNDUS.

De Auro.

Aurum vulgare: *Χρυσός Græcorum*: Sol Chymicorum. Metallum omnium est nobilissimum, ponderosissimum, maxime ductile, sonorum, fulvo colore rutilans.

Nativum est, vel coctum. Nativum dicitur, quod sincerum & nitidum e terra eruitur, aut in fluminum arena colligitur, sub forma granulorum, palearum vel massularum, aut inter saxorum fissuras reperitur. Coctum vero, quod arte e sua vena extractum fuit, & igne purgatum.

Vena diversa est: alia enim Pyrites est coloris cineracei, vel punicej, sæpe cum Auripigmento oritur, sæpissime etiam in cæterorum metallorum & argenti præsertim venis reconditum latet, & ab illis variis artibus separandum est.

Multi sunt fluvij auriferi, seu quorum in arena aureæ micæ reperiuntur. Sunt præterea aurisodinæ insignes in Norvergia, in Hungaria, in Guinæa: sed ditissimæ sunt in Peruviana provincia & in Mexicano regno.

Non dissimili ratione e sua minera extrahitur ac argentum de quo jam diximus; scilicet, torrefaciendo mineram, contundendo, cum Hydrargyro permiscendo & lavando, vel etiam illud ab argento & cæteris metallis sperando. Si cum ignobilibus metallis permixtum sit, per catinum cinericium, vulgo *la Coupulle*, mediante plumbo, separatur, vel per cæmentationem. Si cum argento, modo peculiari qui Separatio dicitur, vulgo *le Depart*; vel Quartatio, vulgo *l'Incant*; vel per catinum cinericium, mediante stibio, vulgo *la Coupelle sèche*.

De modo separandi Aurum a cæteris metallis per cinericium catinum mediante plumbo, Articulo superiori jam egimus. Per cæmentationem vero sic purgatur.

Aurum in bracteas tenuiores redactum & urina madidum in olla cæmentatoria seu crucibulo disponatur cum pulvere cæmentatorio alternatim stratum super, stratum*, ita ut stratum superius & inferius ex pulvere componantur. Olla impleta operculo tenuj foramine perforato cooperiatur, & commissuræ luto obducantur. Ignis rotæ admoveatur per horas 6. vel 8. ita ut olla tota candescat. Igne extincto, Auri bractæ pede leporino purgantur a pulveribus, urina lavantur, & siccantur.

Pul.

Pulvis cæmentatorius præparatur ex salis ammoniaci, p. j. salis communis p. ij. laterum pulveratorum p. iij. rite pulveratis & mixtis.

Hæc purgandi ratio Aurum ab admixtis metallis non accurate purgat, sed illud molle ac ductile efficit.

De separatione Auri ab argento, quæ vulgo *le Depart*, & per Aquam fortem instituitur, jam supra egimus. Quartatio vero, vulgo *l'Incart*, eodem fere modo peragitur, eo tamen discrimine, quod Auro purgando triplum Auri puri adjiciatur, & solutio cum aqua regia instituitur; sic enim Aurum solvitur, argento intacto remanente.

Auri purgatio per stibium fit cum adeo exigua est argenti contenti portio, ut negligenda sit. Tum stibium sumitur, quod quidem argentum destruit & in scorias redigit, Aurum vero purum relinquit. Aurum igitur cum duabus vel tribus stibii partibus in crucibulo fundunt, deinde in cinerico catino excoquunt, donec blando follium statu stibium totum in auras evanuerit, Auro purissimo ac sincero relicto.

Hoc inter utramque plumbi & stibii purgationem intercedit discriminis, quod plumbum vitrescat, & magna ex parte cinericium penetret, & quasi madefaciat; non item Antimonium, quod totum in auras evanescit.

Aurum omnium metallorum, imo omnium rerum cognitarum, gravissimum est. Molle est & adeo ductibile, ut 651590. ultra suæ massæ molem extendi possit. In igne vulgari fixum est, nec nisi in ardentissimo solarium radiorum foco per longum temporis spatium detentum in auras dissipatur. Nullam rubiginem contrahit: nec dissolvitur nisi ab aqua regia. Ab Hydrargyro penetratur, ejusque compages dissolvitur, ita ut in amalgama molle redigatur. A sulphure communi calcinatur, si ignito & candenti sulphuris massa admoveatur.

Aurum ab aqua regia solutum, mediante oleo Tartari, in pulverem fuscum præcipitatur; qui si leviter incalescat sive ignis calore, sive levi tritu, statim in auras magno cum fragore dissipatur: unde Aurum fulminans dicitur. Idem fit, mediante spiritu salis ammoniaci, vel alio quocumque spiritu urinoso: sed tunc tardior fit fulminatio, nec nisi ignis calore peragitur.

Hujusce metalli analysis, seu resolutio in sua principia hætenus sine successu a nobis tentata fuit. Sulphur & terra in eo adeo stricte conjuncta videntur, ut igne vulgari dissolvi nequeant, & vehementiori ejus partes integræ abripiantur potius quam in principia resolvantur.

Auri usus in Medicina olim Græcis fuit incognitus. Arabes primi ejus virtutes commendarunt, illudque in folia redactum suis compositionibus immiscuerunt. Aurum existimant cor confortare, spiritus recreare, & animam exhilarare; unde cordis tremori & palpitationi, melanchollæ conferre asserunt. Chymici vero insuper adjiciunt sulphur fixum potentissimum in Auro contineri; quod quidem, cum sit incorruptibile, si intus sumptum cum sanguine misceatur, huncce liquorem ab omni corruptionis labe præservat, & naturam humanam non secus reficit & recreat ac Sol; fons nempe immensus hujusce sulphuris universam naturam vivificat. Non pauci tamen eorum opinioni dissentiant, & eo magis quod effectus promit-

promissis non respondeant. Unde non sine ratione in dubium adducitur ; an Aurum in usum medicum salutare cum effectu trahi possit.

De Auri integri, id est in limaturam aut in bractæas redacti, virtute & energia non plane constat. Illud tamen e cordialibus præparationibus pharmaceuticis exulare, totius Arabum scholæ respectu, dubitamus.

Aurum foliatum usurpatur in Confectione Alkermes regia *D. Charas*, in Confectione de Hyacinthis, Pulvere Diamargariti frigidi ; Pulvere lætificante, Pulvere Pannonico *Ejusdem*. Eo quoque pilulæ & boli involvuntur. Nec magis certa est illius arte chymica præparati potentia ; quandoquidem illæ præparationes non tam a metallo quam a menstruis aut ab adjunctis substantiis suam energiam mutuari videantur. Unde concludere possumus metallum omnium nobilissimum & pretiosissimum, etiam esse in Medicina inutilissimum, nisi in quantum paupertatis antidotum est.

Cum tamen a plurimis Auri tinctura seu Aurum potabile exoptetur ; omnibus elegantior & præstantior hæc mihi visa est.

℥. Solis purissimi ℥ss. Spiritus salis ℥ij. Fiat dissolutio, cui affundatur olei essentialis limpidi Rosmarini ℥j. Liqueores confusi agitentur. Subsident spiritus salis flavo colore spoliatus, & oleum flavo colore tinctum supernatabit. Oleum a spiritu salis per inclinationem separetur. Miscetur cum spiritu vini rectificati ℥iiij. vel v. Digerantur simul per mensem. Mixture purpurascentem colorem acquirat. Diaphoreticum est & sudoriferum. Commendatur in febribus malignis. Dosis a guttis iij. ad xv.

Verum neque hæc tinctura Auri genuina existimanda est, cum sit tantum Aurum ab aquæ regię spiculis tenuissime divisum & oleo Rosmarini innatans. Quod quidem olei evaporatione reduci potest in pulverem, & fusione in metallum restitui. Neque etiam ullam Auri tincturam radicalem novimus.

Hujus tincturæ vis præcipua ab oleo Rosmarini pendet.

Aurum fulminans non solum ob fulminandi vim æstimatur, sed etiam ob medicas quæ ipsi tribuuntur virtutes. Sic præparatur.


℥. Spiritus Nitri ℥j. in quo solve salis ammoniaci gr. lx. In liquorem injiciatur Auri limaturæ ℥j. Calore mediocri perficiatur dissolutio. Cui deinde affunde guttatim olei Tartari q. s. donec nulla amplius fiat ebullitio. Aurum quasi limus flavus præcipitabitur. Liqueore per inclinationem effuso, pulvis aqua communi lavetur & edulcoretur. Deinde siccetur in umbra.

Hic pulvis vel levi affricu calefactus magnum fragorem excitat. Inrus sumptus diaphoreticus existimatur, sed vix alvum laxat, ut observavit vir doctissimus Emmanuel Konig Medicinæ professor Basileensis, & Daniel Ludovicus, qui asserit hanc Auri præparationem in febribus ardentibus ad diarrhæam inclinantibus, alvum præter intentionem & sæpe fuisse movisse.

Tandem multa & admiranda narrant Chymici de Philosphorum Lapide seu Tinctura universali ; quæ super metalla ignobiliora projecta, ea fulminis instar absque ulla sensibili corrosione penetrat, eorumque partes ita disponit ut pondere & colore auro persimiles fiant : necnon etiam de universali Medicina, qua omnes morbi profigari possunt, & quadam veluti

veluti irradiatione sanguis ab omni labe purgari, ita ejus ope vita & sanitas, si non in infinitum, saltem per longum tempus conservari possint. Cum adhuc nobis ignota sit hæc Medicina universalis, de ea silebimus. Quod attinet ad Lapidem Philosophorum, materia, ex qua præparari debet, adhuc incerta est, incerta præparandi ratio. Quidquid tot garruli verbis aureis promittant, fumum vendere conantur, Aurum verò subripere; in re tam incerta nihil certius. Quapropter vir prudens ab eorum frandibus & Præstigiis diligenter cavebit.

Finis Prima Partis.



MATERIÆ MEDICÆ

PARS SECUNDA.

DE VEGETABILIBUS EXOTICIS.



Absoluta prima hujusce Tractatus parte, quæ de Fossilibus agit, alteram nunc aggredimur, in qua de medicamentis, quæ regnum vegetabile suppeditat, differemus. Innumera fere ex plantis oriunda medicamenta, vel sunt exotica, quæ nempe ab exteris regionibus ad nos transferuntur, vel indigena, quæ sub nostro nascuntur cœlo.

Cum non integræ exoticæ stirpes ad nos transvehantur, sed quædam tantummodo earum partes, quæ in usum medicum veniunt; idcirco partium, quibus plantæ constant, seriem insequendo, medicamenta exotica in diversas classes distribuemus: quarum prima, radices; altera, cortices; tertia, ligna; quarta, folia; quinta, fructus & semina; sexta, succos liquidos & concretos; septima, substantias adpatas; octava, quædam ex hisce partibus præparata medicamina exotica continebit.

Plantas vero indigenas, quæ integræ sæpius in medicamentis usurpantur, & per notas quasdam characteristicas facile distingui possunt, quas Botanici a floribus & seminibus potissimum desumere solent, juxta ordinem Alphabeticum vulgo dictum, prosequemur.

S E C T I O P R I M A.

DE MEDICAMENTIS EXOTICIS

Ex vegetabilium familia desumptis.

C A P U T P R I M U M.

D E R A D I C I B U S.

ARTICULUS PRIMUS.

De Acoro vero, Acoro Indico, & Pseudo-acoro.

Acorum vel Acorus quid fuerit apud Græcos veteres non medicis inter auctores fuit controversia. Quidam enim, ut Brasavolus, Acorum Dioscoridis, Galangam minorem nostram esse statuunt; alii, cum Fuchsio, Galangam majorem; alii eandem Iridis radicem, quæ Pseudo-acorus Matthioli dicitur. Sed ab Anguillara & Matthiolo omnis dirempta est controversia. Hodie Acori nomen tribus diversis radicibus tribuitur, quæ sic distinguuntur; Acorus verus, Acorus Indicus sive Asiaticus, & Acorus adulterinus seu Pseudo-acorus.

Acorus verus, Officinis falso, Calamus aromaticus, *Gerardi*. *Acorus Dioscoridis & Galeni*, Acorus verus seu Calamus aromaticus officinarum C. B. P. Calamus aromaticus vulgaris, multis, Acorum J. B. Radix est quam recentiores Græci *Καλαμὸς ἀρωματικός* dixere, licet a Calamo aromatico Dioscoridis prorsus diversam. Arabes Dioscoridis libros interpretati, Acorum Græcorum *Ugi* vel *Vegi* nuncupaverunt, qui tamen hanc plantam non cognovisse, sed aliam pro Acoro accepisse videntur; quandoquidem Avicenna *Ugi* odorem ingratum & horribilem esse asserat; quod de Acoro Dioscoridis & de Acoro vero nostro dici nequit. Plinii temporibus Acori nomen non solum radici Acori veterum Græcorum; sed etiam plantæ *Oxymyrsinæ* dictæ radici nonnulli tribuebant, & Acorum Agrion dicebant.

Acorum radix est longa, obliqua, crebro geniculata, digitum crassa; nonnihil compressa, foris ex candido virens, cum recens est, postea ex flavo rufescens, intrus alba atque fungosa, sapore acri, amari-cante, aromatico, nonnihil tamen ad Porrum vel Allium accedente, odore fragranti aromatico. Eligitur recens, fragrans, non mucida vel rancida, vel curiosa.

Ex radicibus juxta terræ superficiem oblique proserpentibus, folia oriun-
tur

tur cubitalia, & sesquicubitalia, Iridis angustifoliæ forma, compressa, mucronata, læte viuentia, glabra, quatuor aut quinque lineas lata, acria, aromatica, subamara, odorata, cum inter digitos conteruntur: flores vero in Institutionibus rei herbariæ a Cl. Tournefortio prætermitti, a D. Petit Regio Noloscomii Namurensis Medico, rei herbariæ peritissimò, sic describuntur. Flores sunt apetalii, plurimis (sex) scilicet staminibus constantes, in spicam densè compactam dispositi: inter hæc stamina Embryones nascuntur foliolis planis sive squammis circumdari. Singuli autem Embryones deinde abeunt in semen quadrangulare. Hæ omnes partes axi crassiori affixæ, spicam conicam vel cornutam effingunt, folio sulcato & cæteris crassiori innatam. Oritur in humidis Lithuanix & Tartariæ locis; necnon in Belgio & in Anglia secus rivulos propagatur.

Radix Acori non medicorem olei essentialis copiam distillatione suppeditat, & nonnihil spiritus volatilii urinosi: unde liquet sale volatilii aromatico oleoso turgere.

Dioscorides Acori vim calefaciendi tribuit, virtutem ciendi urinam, lateris, thoracis, & jecoris dolores sublevandi, lienem induratum absumentem, tormina compescendi, urinæ stillicidio serpentumque ictibus medendi: & in antidotorum compositione utiliter admisceri, asserit. A Medicis fere omnibus commendatur, ad ventriculum roborandum, status discutendos, tormina sedanda, ad uteri & lienis obstructions resolvendas, & menses promovendos, ad sanguinis & spirituum motum adaugendum, & alexipharmatum exillimatur.

Radix Acori vel in substantia vel in infusione usurpari solet. In substantia a gr. xij. ad ʒß. in infusione ad ʒij.

ʒ. Rad. Acori pulver. gr. xv. Heleni, gr. x. Ambra griseæ gr. iij. Sacch. candi ʒi. M. fiat pulvis egregius in ventriculi debilitate; vel cum syr. Cydonior. vel Menthae q. s. fiat bolus.

ʒ. Radic. Acori per taleol. sectæ ʒij. Infunde in vini generosi vel in aq. tepidæ ʒvj. Hauriat æger ad appetitum provocandum, ad dolorem colicum flatulentum sedandum, & ad morbos contagiosos præcavendos.

Radices conditæ gustui jucundæ sunt & ventriculo gratæ. In catharris exsiccandis commendantur, & a Turcis adversus corrupti aeris contagia inane comeduntur.

Usurpatur Acorum in Pulvere cephalico odorato D. Charas, Mithridatio, Orvietano, Theriaca, El. de Baccis Lauri & Trochiscis de Cappariis.

Acorus Indicus vel Asiaticus, *Officinarum*. Acorus verus sive Calamus aromaticus Asiaticus, radice tenuiore, *Hermann. Catal. H. Lugd. Bat.* Calamus Aromaticus, *Garzia ab horto*. Te-hian-pon, *Sinenfium*. Capicatinga, aliis Jacaracatinga, Acori species, *Pisonis*. Vazabu & Vazumbo *Ceylanens*. Va-Embu, *H. Malab.* Bembi, *Bramannum*; radix est Acoro vero simillima, sed paulo tenuior, odore jucundiore, sapore amaro non ingrato, & aromatico linguam vellicante. Veteribus ignota fuisse videtur.

In utraque India crescit; quæ nascitur in Brasilia, Europæ, externa figura, excepta magnitudine, similis est, teste Pifone.

Radix sola vel aliis mixta, non tantum ad incidendos humores frigidos

seu tenaces ac spissos, feliciter adhibetur; sed etiam contra venena assumpta in primis usurpatur.

Acorus adulterinus & *Pseudo-acorus Officinarum* radix est nodosa, extus & intus rubra, odore nullo, in primis cum adhuc viridis est, sapore primo quidem ignavo, qui post aliquod temporis spatium acrimoniam summam in ore relinquit.

Radix est Plantæ, quæ *Iridis* species est, & dicitur *Iris Palustris lutea Tabernæmontan.* *Acorus adulterinus*, C. B. P. *Acorum falsum.* *Camerasii*, *Epist.* 6. A seplasiariis fere omnibus pro *Acoro* legitimo usurpata fuit, per sat magnum temporis intervallum, quo res herbaria ignorantia tenebris sepulta jacuit. Non tamen hæc radix prorsus inutilis est aut omni virtute destituitur. Teste enim *Dodonæo*, dysenterias & alias ventris fluxiones cohibet, mentes & hæmorrhagias quascunque sistit in decocto vel alio modo sumpta.

ARTICULUS SECUNDUS.

De Angelica.

Angelica & Archangelica, planta est quæ veteribus Græcis innotita fuisse videtur. Licet *Boranicorum* nonnulli, *Sylphium Dioscoridis*, alii *Smyrnum*, alii *Panax heracleum*, alii *Myrrhidem* esse asserant, sed parum firmis rationibus innixi.

Angelicæ nomen plantis nonnihil inter se diversis hodie assignatur, quæ vero in officinis nostris frequentius usurpatur, dicitur *Angelica sativa* C. B. P. *Imperatoria Sativa*, *Institutionum* R. H. *Radix Spiritus sancti Agyrtarum* C. Hoffmann. *Archangelica*, *quorundam*.

Radicem habet tribus digitis crassam, multum fibratam, foris nigricantem, rugosam, intus albam, mollem, succosam, acrem, amaram & aroma suavissimum spirantem. Caulis ab eubitis duos & amplius assurgit, concavus, ramosusque, foliis amplis donatus Apii palustris similibus, sed longe acutioribus. Flores in umbellas disponuntur rosacei, pentapetali, candidi, cum calyce in fructum abeunte compositum ex duobus seminibus oblongis striatis, ala exigua & quasi foliacea cinctis.

Radix sicca nobis affertur ex Bohemia, ex Alpibus, Pyrenæis, necnon etiam ex Arvernæ montibus. Eligatur crassior, extus fusca, intus albicans, non cariota, odore fragrantissimo nonnihil ad Moschum accedente, sapore acri aromatico.

Alia est Angelicæ species, quæ *Archangelica*, J. B. *Imperatoria Archangelica* dicta, *Institut.* R. H. nuncupatur. J. Bauhinus hanc speciem Angelicam Norvegicam & Scandiacam a quibusdam nominari refert, eamque sativam multo majorem, sed minus odorem post *Lobellium* & *Dodonæum* narrat. Attamen *Simon Pauli* vir sane doctus, & ingenuus, quasdam Angelicæ Scandiacæ radices jam ab aliquot annis lectas, & exsiccatas asservasse tanta fragrantia præditas narrat, ut Bohemicas odore, & sapore aromatico ac suavi longe adhuc superaret.

perarent. Fortasse hæc odorum & saporum varietas a soli diversitate proficiscitur.

D. Tournefort has Angelicæ species ad Imperatoriæ genus reducit; ob florum & seminum convenientiam.

Ex Radicum recentium Angelicæ ℥iij, cum ℥xiv. per analysim chymicam prodierunt phlegmatis urinosi ℥x. circiter, phlegmatis acidi ℥iij. cum ℥vj. olei tum essentialis, tum crassioris ℥j. remanente capite mortuo ad ℥vj℥. ex quo salis lixiviosi mere alcali ℥iij. cum granis ℥iij. terræ insipidæ ℥vj. cum gr. xij. extracta fuerunt. Nullus sal volatilis concretus apparuit; folia vero distillata aliquot hujus salis grana præbuerunt.

Ex hæc analysi necnon ex sapore acri, amaro, aromatico, & odore fragranti liquet, Angelicæ radices constare ex sale ad ammoniacum accedente, cum oleosa portione non mediocri & exigua admodum terræ quantitate commixto, ita tamen ut hæc principia non adeo arcte inter se consocientur, qualis foret, exempli gratia, mixtura spiritus volatilis oleosi cum spiritu vitrioli vel salis dulcificati, si cum terræ portione admodum exigua in corpus solidum compingerentur.

Angelica stomachica, cordialis, sudorifera, vulneraria, & alexipharmaca existimatur: malignis morbis, venenis, ipsique pesti medetur. Radix & semen pro usu medico cæteris plantæ partibus anteposuntur. Pro præservatione pestis, radices aceto maceratas aut naribus admovent tantum, aut sub lingua tenent & masticant, aut acetum bibunt jejuni. Peste grassante, radicem pulveratam vestibus inspergunt, ne facile contagio inquinentur.

℥. Radicis Angelicæ pulveratæ ℥j. Hauriat æger in vini generosi cyatho uno. Vel

℥. Rad. Angel. pulver. ℥℥. Theriacæ veter. ℥j. cum aqua Cardui bened. vel Angelicæ propinetur peste laboranti, & reiteretur singulis sex horis, ad sudorem promovendum, pro pestis curatione.

Radix recens cum Saccharo condita, ut & foliorum pediculi delibrati mane sumpti, contra pestem & aeris contagionem commendantur, necnon etiam ad quosvis thoracis & pulmonum affectus frigidos sanandos. Idem commanducati fetentem oris halitum emendant.

Usurpatur radix Angelicæ in Antidoto Orvietano D. Charas, & in Antidoto ejusdem nominis Freder. Hoffmanni; in Pulvere contra pestem seu Bezoardico Renodæi, in Aqua Melissæ magistrali, vulgo, Eau des Carmes; & in Emplastro ad ganglia D. Charas.

ARTICULUS TERTIUS.

De Anihora.

Anihora & Antithora, *Officinarum*, Algieduar seu Zedoaria, *Avicenna*, forte Bisbua vel Bixmubua, scilicet Napellus *Morfi Geoffroy Tom. I.* M 3 Ara-

Arabum, *Contrayerva Germanica*, *quorundam*, Gallice, *Anthore ou Maclou*; radix est unico circiter pollice crassa, tuberosa, modo turbinata, modo oblonga, Cyperi vel Orchidis radicibus fere similis, fibrata, foris fusca, intus alba, gustu amara & gulam constringens, fractu ubi ressecata contumax, friabilis tamen.

Radix est plantæ quæ in Rhæticis, Sabaudicis & Helveticis Alpibus, necnon etiam in Liguriæ & Delphinatus montibus uberime provenit. Vocatur Aconitum salutiferum seu Anthora, C. B. P. Antiphora flore luteo Aconiti, J. B. Anthora Zedoaria, Aconitum salutiferum, *Tabernæm.* & inter Aconitorum species a Cl. Tournefortio recensetur. Apud veteres Græcos nulla ejus mentio reperitur.

Hæc planta dodrantem alta, & interdum cubito procerior, caule est singulari, rigido, anguloso, subhirsuto, cui folia alternatim adnascuntur, Napelli æmula, tenuius dissecta, & splendoris illius expertia, averfa parte albicantia, aut Nigellæ quadantenus similia, sapore amaro prædita: flore polypetalo, anomalo, seu ex quinque petalis dissimilibus constante, caput humanum cucullatum quodammodo repræsentante, colore ex flavo pallecente, odore non ingrato prædito, cujus pistillam abit in fructum, in quo velut in capitulum colliguntur vaginæ corniculatæ, membranacæ, seminibus sætæ angulatis, rugosis & nigricantibus: radice constante ex tubere duplici vel triplici, raro unico, modo oblongo, modo rotundo aut turbinato, fibrato, foris fusco, intus albo, saporis amari acris.

Alia est Aconiti salutiferi species major, quæ Aconitum salutiferum elatius, Pyrenaicum, foliis atroviuentibus, flore majore, *Instit. R. H.* dicitur.

Anthora vel Antichora nuncupatur ex eo quod antidotum specificum censetur illius Aconiti mortiferi quod Thora dicitur, & cujus duæ sunt species, scilicet Ranunculus Cyclaminis folio, Asphodeli radice, major, *Instit. R. H.* Aconitum Pardalianches primum, seu Thora major, C. B. P. & Ranunculus Cyclaminis folio, Asphodeli radice, minor, *Instit. R. H.* Aconitum Pardalianches alterum, sive Thora minor, C. B. P.

Anthoræ radix non solum adversus Aconitum epotum, sed adversus alia venena hausta, quin etiam ad viperarum & animalium venenosorum morsum conferre dicitur. Commendatur quoque in febribus malignis, petechialibus, & ipsa peste. Apud Delphinates frequens est hujus radici usus ad vermes necandos & intestinorum tormina sedanda.

Clusius illius radici usum suspectum habet, & satius ducit ab eo abstinere. J. Bauhinus quoque monet ea caute utendum, eandemque vehementer purgare asserit. Verum Conrad. Gesnerus in *Epistolis*, hujus radici dilutum ex aqua mulla innoxie potavisse testatur. Neque vim illam purgantem observavi, licet illam sæpius exhibuerim, tum in febribus malignis, tum ad vermes necandos. Econtra Anthoræ radicem felici cum successu exhibui in febribus malignis, iis præsertim quæ a viscida colluvie in ventriculo & intestinis congesta oriuntur, quæ quidem ut plurimum verminosæ sunt. Sate enim acri & subtilissimo quo pollere mihi videtur hæc radix, tenaces, ac glutinosos humores incidit

& at-

& attenuat. Præscribitur a ℞j. ad ℞j. ad intestinorum tormina, & ad vermes necandos. In febribus malignis dosis iteratur bis terve in die. Ob insignem amaritiam seu potius acredinem, sub forma boli foliis auri vel argenti aut nebulis farinaceis involuti exhibetur.

Usurpatur in Antidoto Orvietano seu Theriacali Pharmacop. Tholosana.

ARTICULUS QUARTUS.

De *Aristolochia rotunda*, *Aristol. longa*, *Aristolochia Clematide*,
& *Aristol. tenui*.

Tullius Aristolochiam nomen accepisse a quodam Aristolochio inventore auctor est; Aristoteles vero a quadam muliere Aristolochia dicta. Sed Dioscorides nomen a plantæ virtute derivatum pronuntiat ex eo quod ad lochia ducenda conveniat: Ἀρίστη τὰς λοχίαις, quod quidem magis verisimile est.

Aristolochiæ nomen Dioscorides & Galenus tribus plantis assignayerunt, Plinius vero quatuor, de quibus sigillatim.

Aristolochia rotunda, *Officin.* Ἀριστολόχια ῥοτουνδή, *Dioscoridis & Galeni*, Aristolochia prima seu femina, *Plinii*. Gallice, *Aristolochie ronde*; radix est tuberosa, solida, tribus uncis crassa, subrotunda, rugosa, nonnullis fibris stipata, foris fusca, intus pallide lutea, cortice crasso obducta, acris, aromatica, & tristi amarore linguam afficiens. Ex Gallia Narbonensi, & Gallo-Provincia affertur.

Eligatur bene habita, gravis, minus alte rugis striata, carne multa, firma, odore & sapore vegeto, sed suo, non pulverulenta dum frangitur, nec situ obruta, nec casie aut teredinibus exesa; quæ bonitatis notæ cæteris radicibus conveniunt.

Planta nominatur Aristolochia rotunda, flore ex purpura nigro, *C. B. P.* Aristolochia rotunda *J. B.* Caules numerosos ex una radice fundit farmentitios, cubitales, in quibus alternatim folia nascuntur venosa, pediculo pene carentia, subrotunda, obscure virentia, auriculis rotundioribus veluti caulem amplectentia. Flores ex eorum alis erumpunt monopetali, anomali, tubulati & lingulati, seu extrema, ac media parte linguæ formam referentes, obscure ex purpura nigricantes, cum calyce qui mutatur in fructum capsularem, subrotundum, membranaceum, in sex loculamenta distinctum, in quibus semina continentur nigricantia, lata, compressa, tabulatorum instar sibi mutuo incumbentia, intercurrentibus quibusdam membranis, & materia etiam fungosa alba singulis granis interposita, quod reliquis Aristolochiæ speciebus commune est.

Aristolochia longa, *Officin.* Ἀριστολόχια μακρά & δακτυλίτις, *Dioscoridis & Galeni*. Aristolochia altera seu mas, *Plinii*. Gallice, *Aristolochie longue*; radix est oblonga, rotunda, pollice crassa, & nonnumquam brachii

chii crassitudinem & pedis longitudinem æquans, rugosa, foris fusca, intus sublutea, sapore & odore rotundæ similis sed remissioribus. Cum priori ex iisdem locis affertur.

Planta dicitur, Aristolochia longa, vera, C. B. P. Aristolochia longa J. B. Cui cauliculi quadranguli, cubitales; in multos ramos divisi, humi diffusi, folia quam rotundæ minora, firmiora, dilutioris coloris, longiore pediculo fulta; flos similiter monopetalus, tubulatus, lingulatus, ex viridi candicans, sed extrema parte coloris herbacei, intus ut reliquorum, villis obitus: fructus pyri in morem turbinatus, qui maturitate dehiscens, semen ostendit latum, rufum, & tandem fuscum. Radices adultæ plerumque extrema parte obrusæ sunt, & æqualis fere per totam longitudinem crassitie, subinde tamen cuspide ramosa; juniores sunt graciles, multasque fibras habent.

Aristolochia Clematitis, *Officinar.* Ἀριστολόχια κληματίτις, Dioscoridis & Galeni. Ἀριστολόχια λεύκη, id est, tenuis, ejusdem Galeni & Andromachi. Aristolochia tertia seu Clematitis, Plinii. Gallice, *Aristolochie Clematite*; radix est longa, late serpens & in plurimos furculos divisa, fibrosa, tenuis aut mediocris crassitudinis, calami scriptorii crassitiem vix æquans, fusca, intus flavescent, præcedentibus cum gravitate quadam odoratior, sapore amaro, adeoque tenujum partium, ut statim gustata fauces eo imbuat.

Plantæ quæ Aristolochia Clematitis recta, C. B. P. Aristolochia Clematitis vulgaris, J. B. Aristolochia Sarracenica, Dodonæi, nuncupatur; ex radice late serpente, sub terra altissime mergente, & multipliciter se propagante, caules emittit seu sarmenta cubitalia, cæteris altiora, firmiora, rotunda, striata, circa quæ folia profert reliquarum foliis ampliora, venosa, ex viridi palleſcentia, longioribus pediculis quàm in reliquis speciebus donata, forma longæ similia: flores pallidi, copiosi in singulis alis, qui in aliis speciebus singulares, Aristolochiæ longæ floris formam quodammodo referentes, sed minores: quibus succedunt fructus non dissimiles sed majores, exigui Mali magnitudine, semina quoque continentes majora. In Gallia Narbonensi circa Monspelium uberrime crescit, unde radix sicca nobis affertur. In agro Parisiensi quoque reperitur.

Aristolochia tenuis vel Pistolochia, *Officinarum.* Aristolochia quarta, seu Pistolochia & Polyrhizos, Plinii. Gallice, *Petite Aristolochie*; radix est ex plurimis longis, tenuibus, filamentosis radiculis in unum caput coeuntibus composita, sublutea, odore aromatico haud ingrato, sapore acri amaro. Ex Gallia Narbonensi quoque affertur. Polyrhizos dicitur a radicum multiplicitate. Hæc Aristolochiæ species Dioscoridi & veteribus Græcis ignota fuisse videtur.

Huic sæpe in officinis substituitur radix plantæ, quæ, Melissa humilis latifolia, maximo flore purpurascens. *Instit.* R. H. Melissa, *Tragi.*

Planta quæ nominatur Aristolochia Pistolochia dicta, C. B. P. Aristolochia polyrhizos, J. B. Pistolochia, Dodonæi, cauliculos dodrantales habet, raro majores, graciles, angulosos seu striatos, ramosos: folia longæ foliis similia, minora, magis rugosa, & aliquantulum in ambitu sinuosa: flores rotundæ forma æquales, minores tamen, & aliquando nigros,

nigros, interdum ex herbaceo flavescentes, fructus quoque rotundæ fructibus similes, verum minores, cum maturescunt, ea quæ pediculis adhærent partes dehiscences, necnon semina similia.

Analysi chimica, Aristolochiarum radices multum admodum olei & terræ præbent, nullum salem volatilem concretum, mediocrem spiritus urinosis quantitatem, phlegma vero acidum uberrimum. Sal vero fixus ex cineribus extractus sublimati corrosivi solutionem turbidam & lactescentem efficit non flavam. Præterea harum radicum succus chartam cœruleam, seu Heliotropii succo tinctam, rubro colore inficit. Unde liquet Aristolochiæ virtutem pendere a sale quodam essentiali composito ex terra, sale acido plusquam saturata, cum salis ammoniaci portione mediocri, multoque sulphure conjuncta.

Aristolochiæ rotundæ & longæ frequentissimus est usus, rarior Clematitidis & Pistolochiæ. Ambæ discutiunt, attenuant, aperiunt cum modica abstersione. Rotunda tamen tenuiorum partium exilimatur, & ad omnia efficacior. Itaque in quibus opus est modicæ abstersionis, commodior est longa (inquit Galenus), puta in carnum exulcerationibus & fomentationibus uteri. At in quibus crassum humorem extenuare necesse est, illic usus sit rotundæ.

Aristolochiæ omnes cephalicæ sunt, thoraciæ, uterinæ, vulnerariæ, & alexipharmacæ. Revera tamen rotunda ex omnium consensu magis attenuat quàm longa; contra longa potentius quam rotunda abstergit: ideoque in catharris, in affectibus pectoris a crassis humoribus, in flatibus, doloribus colicis, in obstructionibus lienis, uteri, in lothiorum & mensium suppressione, in ruptis, ubi sanguinis grumi dissolvendi sunt, rotunda est usurpanda; educit enim per urinas, menses aut cutim, varia excrementa. At in vulneribus & ulceribus sordidis, in scabie & cutis vitiiis longa in lotionibus est præferenda; quæ etiam fistulis abstergendis commode inferitur. Sed præcipua utriusque vis est & eximia in ciendis mensibus & expurgando post partum utero, & eam ob rem ab Hippocrate, *libro de morbis mulierum*, commendatur. Cavendum tamen ne intus gravidis mulieribus intempestive exhibeantur, abortum enim provocant. In asthmate scorbutico ad tartaream mucilaginem resolvendam, Simon Pauli decoctum radicum Aristolochiæ rotundæ proponit. Fredericus Hoffmannus ad præcavendam phthisim seu pulmonum exulcerationem quæ hæmoptoem cum tussi subsequi solet, foliorum Aristolochiæ longæ infusionem commendat sic exhibitam.

24. Aristolochiæ longæ in aquæ florum Tusilaginis ℥ij. infusum per noctem: primo die, folium unum, secundo, folia duo; tertio, tria; quarto, quatuor; quinto, quinque; sexto, sex; septimo, septem; octavo, sex; nono, quinque; decimo, quatuor; undecimo, tria; decimo-seculo, duo; decimo-tertio, unum folium.

Externe in tibiarnum ulceribus solus Aristolochiæ longæ pulvis in aqua Veronicæ decoctus a Simone Pauli mire prædicatur. Eiusdem pulveris decoctio in vino ad genitalium ulcera sananda a Trago commendatur.

Cum

Cum ingrata sit Aristolochia ob intensum amarorem, raro ejus infusio aut decoctio interne sumenda præscribitur; pulvis vero sæpius, tantum a ℞. ad ℥ij.

℥j. Aristoloch. rotund. ℥ij. Cinnamom. ℥j. Croci ℞. Cum syrup. Arthemisiæ, fiat opiata, cujus dosis ℥j. quarta quaque hora iteranda, ad lochia suppressa provocanda.

℥j. Radic. Althææ, Bryonæ Aristol. longæ, & rotundæ, ana ℥ij. Folior. Mercurial. Arthemis. Sabig. ana M. j. flor. Chamœmeli, Meliloti, Tanaceti, ana P. j. Contund. & incid. ut artis est, decoquantur in aq. Font. q. s. & in sacculis ventri inferiori, & pudendo, admoveantur in lochiorum suppressione.

Aristolochia Clematidis longe rectæ substitui potest. Galenus tamen eam rotunda, & longa viribus paulo infirmiores asserit, licet fragantiores; quod quidem mirum est. Odor enim, & sapor principiorum activorum, & ubertatem, & energiam indicare videntur. Revera eam non sine virtute, sed cæteris infirmiores tantum dicit: & fortasse ob ejus facultates magis temperatas, in Theriaca, tum ab Andromacho, tum a Galeno recipitur, & aliis anteponitur.

Magna est adhuc inter auctores controversia, utrum Aristolochia Clematidis in Theriaca usurpata debeat, an tenuis, seu Pistolochia? Ab Andromacho seniore Aristolochia λεπτή expetitur; sed per illam vocem non aliam Aristolochiæ speciem a Clematide diversam designat, imo eandem ipsam, quæ tenuis, tunc temporis, dicebatur a suis radicibus, quas Dioscorides longiores, & tenues ipse dicit in Chelmatidis descriptione, *ρίζας μικρότερας λεπτάς*. Qua de re arbitretur sit Galenus ipse, qui lib. primo de Antidotis, medicamentorum quæ in Theriaca usurpantur, delectum exponendo, Aristolochiam recenset, quam, inquit, tenuem Andromachus dixit, quod altera crassa radice, & tertia rotunda comparatur; quod quidem convenit cum tribus Aristolochiæ speciebus, quas libro sexto de simplic. medicam. facultatibus, constituit, & cum tabus speciebus a Dioscoride recensitis.

Clematidis itaque usurpatur in Theriaca Andromachi senioris.

Aristolochia rotunda in Theriaca Diatesaron D. Charas, in Hieria Diacolocynthidos, Trochiscis de Capparibus, Oleo Scorpionum composito, in Unguento Apostolorum, Emplastro divino.

Longa, & rotunda in Emplastro ad herniam seu contra rupturam. Longa in Emplastro Manus Dei Ejusdem, & in Aqua vulneraria D. Lemery.

Aristolochia tenuis usurpatur in antidoto Orvietano D. Charas.

ARTICULUS QUINTUS.

De Beben albo, & rubro.

Beben album Officinarum. Behmen Abiad Avicenna, & Serapionis. Ερμολόχου λευκός, Añuarii, Nicolai Myrepsi, & Græcorum recentiorum. Hoc nomine prostant in officinis frusta lignea, seu potius radices longæ, digiti

digiti crassitie, siccitate contractæ & corrugatæ, carnosæ, foris cineræ, intus pallidæ, odoratæ, acriter linguam & fauces ferientes.

Behen rubrum *Officinæ*. Behen vel Behnien ækinar *Avicennæ & Serapionis*, Ερκεδαντος ἰρσοῦς, *Athuarii*, & *Nicolai Myrepsi*. Radix est quæ in frustra nobis offertur tallecolatum secta, Jalapii ad instar, sicca, densa, arboribentia, odore & sapore Behen albo similia, sed magis languidis & ignavis: quæ quidem ambæ radices siccæ ex monte Libano & aliis Syriæ locis afferuntur. Behen album & rubrum veteribus Græcis videntur fuisse incognita. Apud Arabes, & Græcos juniores tantum usitata fuerunt. Verum adeo manca, ac mutila non solum harum radicum, sed etiam cæterorum medicamentorum simplicium descriptiones reliquerunt, ut nihil certi de his supersit: hinc tanta in materia medica obscuritas & ignorantia. Hinc etiam tam variæ auctorum sententiæ. Nulla res tantam sententiarum diversitatem procreavit, quam harumce radicum origo. Alii enim Behen album esse autumant radicem *Lychmidis sylvestris*, sed *Papaveris spumei*, *Lobellii*; alii *Angelicæ*, *Eryngii*, *Zedoariæ*, aut *Pastinacæ sylvestris* radicem, Behen rubrum vero alii *Limonii maritimi*; alii *Valerianæ rubræ*, *Bistortæ*, *Tormentillæ*, *Caryophyllatæ* radicem esse opinantur. Tanta caligo discessit non poterat, nisi inquirendo apud ipsos Arabes, num harumce rerum cognitio inter hos populos quadam traditione fuisset transmissa. Et reipsa *Leonardus Rauwolfius*, qui has regiones peragravit, Behen album, quod *Behemen Abiad* adhuc ab Arabibus nominatur, ad radices Libani montis vidit, delineavit, ac descripsit. Et clarissimus, ac eruditissimus vir D. *Tournefort* ex Orientalibus plagis ejusdem plantæ semina asportavit, & in Horto Regio Parisiensi terræ mandavit, sub Jaceæ Orientalis nomine, eamque suo Institutionum rei herbariæ Corollario inseruit. Hanc plantam postea D. *Vaillant* Botanicus peritissimus, & Regius rei herbariæ Demonstrator, comparatione facta hujus plantæ cum *Rauwolfii* descriptione, eandem esse agnovit quæ *Behemen Abi ad Arabum, Rauwolfii*.

Behen album itaque radix est plantæ, quæ Jaceæ orientalis, patula, Carthami facie, flore luteo, magnò, *Corollarii Institut. R. H.* Behmen Abiad Arabum, idest, Behen album *Rauwolfii*, dicitur.

Ex radice longa, geniculata, nullis capillata fibris, serpente instar *Glycyrrhizæ*, quam æmulatur & forma & crassitie, sed intus alba potius quam flava, affurgit caulis unicus, cubitalis, cujus inferiori ex parte nascuntur folia longis pediculis suffulta, magna, longa, spissa, qualia *Oxylapathi*: in horum ima parte folii lacinia quatuor ex adverso binæ, at quæ ex caule superiori nascuntur folia, amplectuntur illum sine pediculo, ut in *Perfoliata* vulgari & *Smyrnio Cretico*. In caulis fastigio furculi prominent cum foliis minoribus, quorum singuli florem flosculorum sustinent, plurimis scilicet, multifidis constantem flosculis flavis, embryoni insidentibus, & calyce squammato non aculeato, flavo, comprehensis, quorum embryo deinde abit in semen paposum.

De Behen rubro cum inter auctores non plane constet, de hujus radices origine, donec certiores facti fuerimus, silebimus.

Ex Arabum sententia Behen utrumque corroborat, corpus pingue efficit, semen

femen auget, confert tremori, & alia multa commoda præstat. Rarioris sunt usus hæ radices, nec usurpantur nisi in Electuario de Gemmis Mesæ, aut aliis jam aboletis Arabum compositionibus.

ARTICULUS SEXTUS.

De Butua.

BUtua & Pareira Brava Offinar. & P. Pomet. Boutoua; & Membracq Brasiliensium. Pareira brava Lusitanorum. Butua, Brutua Zanonis, & forte Ambutua R. P. Joannis Anton. Monte-Cucoli, Ejusdem. Radix est lignosa, dura, contorta, foris fusca, rudis, variis rugis, tum longis, tum circularibus circumsepta, Thymelææ radicis instar, intus obscure flavescens, variis fibris lignosis quasi intertexta; ita ut transversum secta, plures circulos concentricos, quamplurimis radiis seu fibris a centro ad circumferentiam protensis intersectos, exhibeat: inodora, subamara, cum quadam dulcedine Glycyrrhizæ simili, digiti & interdum brachii instantis crassitie.

Lusitani hanc radicem ex Brasilia afferunt, plantamque esse Vitis sylvestris speciem narrant. Nullo ab auctore, ne quidem a Pisone, saltem his nominibus descripta fuit, excepto tamen Zanone, qui cuiusdam ligni Butua, Brutua, & Ambutua dicti mentionem facit, sed admodum obscuram, & incertam, quæ tamen nostræ radici convenire potest.

Brasilienses, & Lusitani hujus radices virtutes summopere extollunt: illam diureticam, lithontripticam, vulnerariam, stomachicam, cordialem, alexipharmacam, & quasi summam Panaceam prædicant. Brasilienses eam aqua madidam supra cotem atterere solent, & in pultem redigere, quam postea aqua vel vino dilutam ægrotantibus exhibent propinandam, aut partibus dolentibus admovent solam, vel cum quibusdam oleis permixtam. Intus sumpta diarrhœam, dysenteriam, gonorrhœam, fluxorem album, hæmoptoen & hæmorrhagias quascumque sistit. Pleuritidem, & anginam, tum intus sumpta, tum cataplasmatibus forma supra partem dolentem applicata; sanat. Venenis intus sumptis, animalium venenatorum moriui, & telorum venenatorum ictibus medetur. Sed præsertim ad nephriticum dolorem, urinæ suppressionem, & ad renum vesicæque calculum pro specifico insigni habetur.

Revera sæpius in dolore nephritico, & in urinæ suppressione hocce remedium felici cum successu exhibui, & nonnunquam ægrotantem fere in instanti, superveniente uberrimo urinæ profluvio, dolore liberatum vidi. Tantum abest tamen, ut calculum in renibus vel in vesica concretum, & induratum, hac radice dissolvi posse existimem; quin imo, licet ex assumpto hocce remedio, cum magna urinæ copia arenulæ quamplurimæ vel etiam calculi tenues excernantur. Sed hujus remedii operandi ratio in eo posita mihi videtur, quod muscosam lympham ac tenacem attenuet ac resolvat. Cum igitur dolor nephriticus aut urinæ suppressio ex muscosa lymphâ, prima

ma nempe arenularum & calculorum materia, renum colatoria infarciēte, vel etiam ex arenularum congerie hoc muco in unam massam compacta, quæ per tempus in calculum indurefcit, oritur, tunc Butua radix hunc mucoſum diſſolvendo, liberum urinis exitum aperit, & cum uberima urinæ copia arenulas ſejunctas expellit.

Hujusce radicis energiam non ſemel comprobavi in ulceribus renum & veſicæ abſtergendis & curandis, cum urinæ mucoſæ ac purulentæ vix excerni poterant, nec niſi ſumma cum moleſtia: ægrotantes Butuæ uſu, urinæ difficultate vel ſuppreſſione citiſſime liberabantur, urinæ fluidiores ac limpida exercebantur, ulcus abſtergebatur, ac tandem Butuæ radici baſami Copaivæ nonnihil conjungendo, conſolidabatur.

Quam in Butua radice ſerum tenax ac viſcidum diſſolvendi virtutem comperieram, ea ad hocce remedium in aliis ægri tudinibus a ſero tenaci & viſcido oriundis uſurpandum, me compulſit. Exempli gratia, in aſthmate humoralis a pituita glutinoſa pulmonum bronchias infarciēte, & ægrotantem fere ſuffocante, multis fruſtra tentatis, tam feliciter ejus inſuſionem exhibui, ut abundantiffima ſuperveniret expectoratio, quæ ægrotans ſanaretur. In ictero a bile craſſiore & in grumos inſiſſata, hoc novum tentare volui præſidium: nec ſpes mea me ſeſellit. Mulier dolore colico vehementi & acuto ſub hepate in hypocondrio dextro laborabat; cutis intra paucas horas flavo colore tincta fuit; alui dejectiones albicantes, urinæ vero craſſæ & crocæ apparuerunt: præmiſſis venæ ſectionibus, tum ex brachii vena, tum ex ſaphena, Butuæ decoctionis cyathos tres intra ſequi horæ intervallum exhibui: paulo poſt tertium cyathum hauſtum, ſedatus fuit dolor: deinde ejuſdem decocti portione, quarta quaque hora, iterata, dejectiones flavæ prodierunt, urina multo uberior, minus flava, & limpida: tandem ſœdus cutis color evanuit, & ægra prorsus reſtituta fuit. Cum autem huic morbo ſit obnoxia, quoties eadem affligitur ægri tudine, toties ad idem præſidium recurrit, & liberatur. Fruſtra eadem radice ictero mederi tentavi in icterica muliere, cujus hepar tumidum erat, durum, & ſchirroſum. In gonorrhœa quoque, Butua non parum conſert ad ulcus abſtergendum & conſolidandum, cum baſamo Copaivæ conjuncta.

Dos ſis hujus radicis eſt a gr. xij. ad ʒß. in ſubſtantia, & ad ʒij. vel iij. in decocto.

ʒi. Rad. Butuæ contuſæ ʒij. Bulliant. in aq. comm. ʒxxiv. Redigantur ad xvj. circiter. Fiat colatura. Dividatur in tres doſes calide exhibendas, ad modum potus. Theæ, cum tantillo Sacchari, interpoſito horæ dimidiæ, inter ſingulam doſim, intervallo; in nephritide & urinæ ſuppreſſione, tum ex arenulis congeſtis, tum etiam ex urinæ muco tenaci & ſpiſſo; in ictero a bilis craſſitie; in aſthmate humoralis.

ʒi. Rad. Butuæ tenuiter ſectæ ʒi. Bulliat leviter in aquæ cyatho uno; fiat colatura; & edulcoretur cum Sacchari tantillo, vel Syr. de ʒ. radicibus q. ſ. Hauriat æger mane, jeſuno ventriculo. Iteretur per octiduum ſingulis menſibus ad calculum præcavendum. Vel

ʒi. Rad.

24. Rad. Butuæ pulverizatæ gr. xvij. Syr. de 5. rad. q. s. Fiat bolus eodem modo sumendus.

24. Radicis Butuæ pulveratæ ʒj. Balsami Copaivæ, q. s. M. Fiat bolus mane & sero devorandus, ad ulcus renum & vesicæ curandum.

24. Radicis Butuæ pulver. gr. xvij. Panaceæ Mercurial. gr. x. Syr. Hederæ terrestriis, vel Balsam. Copaivæ, q. s. Fiat bolus mane & sero iterandus, pro gonorrhœa.

Cavendum est ne nimia dosi exhibeatur; ardorem enim in renibus accenderet & fortasse inflammationem.

Alia est Butuæ species, quæ Butua alba dicitur. Radix est lignosa, dura, cortice molliori, fungoso, coloris carnei, obducta; intus lignosa, flavida ad instar Glycyrrhizæ, sapore subamariante. Iisdem virtutibus donata, quibus Butua fusca, sed debilioribus, narrant.

ARTICULUS SEPTIMUS.

De Carlina.

Carlina & Chamæleon albus *Officinarum*. His nominibus in usum venit radix palmi unius vel alterius longitudine, pollicari crassitudine foris rufa, superficie velut corrofa & foraminulenta; intus albida, sapore acri, aromatico, non ingrato, odore fragranti. Ex Alpibus, Pyrenæisque montibus affertur; reperitur quoque super Aureum Arvernæ montem. Eligatur recens, sicca, non carie exesa, aut situ obducta.

Exsurgit autem hoc loco quæstio subdificilis, num Chamæleon albus vulgo dictus, seu Carlina *Officinarum*, idem sit cum Chamæleone albo *Dioscoridis*; num etiam Chamæleon albus, *Ixia*, *Ixine*, & *Helxine Theophrasti*, *Dioscoridis*, *Galenii*, *Plinii*, & recentiorum, sint una & eadem planta cum nostra Carlina? Et hæc quæstio eo majoris momenti videtur, quod duæ aut plures plantæ sub his nominibus confundantur, quarum una est tota mortifera, altera vero alexipharmaca, seu antidotus contra pestem & venena.

De hac quæstione Fabius Columna diligenter & accurate disseruit. Cui assentientes unam esse eandemque plantam, quæ *ἑξ ἑνὸς Theophrasti*, *Helxine vera Plinii*, Carlina & Chamæleon albus *Officinarum*, dicitur, existimamus. At vero *χαμαιλέον λευκός Dioscoridis*, Chamæleon albus, qui & *Ixia Plinii*, Chamæleo albus, Apulus, purpureo flore, gummifer, *Fabii columnæ*; Carlina acaulos gummifera *C. B. P.* eandem plantam designant, quæ quidem genus a præcedenti diversum non constituit, sed diversa est tantummodo ejusdem generis species.

Denique licet Chamæleon albus sæpe *Ixia* dicatur, *Dioscoridis* & *Plinii* testimonio, diversus tamen videtur ab *Ixia* radice venenata, quam *Dioscorides* inter mortiferas speciatim recenset.

Planta

Planta itaque, ex qua *Carlinæ* radix *Officinarum* extrahitur, *Ἰξία* *Theophrasti*, *Helxine* vera *Plinii*, *Carlina* acaulos magno flore albo *C. B. P.* *Carlina* acaulos *J. B.* *Chamæleon* albus *Matthioli*, nuncupatur.

Radix longe lateque serpit, profunde intra terram agitur: antequam vero e terra emergat, in capita aliquot, ut plurimum, facessit, ex quorum singulis separatim folia in orbem supina oriuntur, palmum unum aut duos longa, unciam unam aut alteram lata, profundis ad costam usque incisuris divisa, & veluti crispata, aculeis minacibus horrida, non-nihil tomentosa, subviridia, excepta pediculi infima parte atrorubente. In horum medio sessilis hæret echinus, orbiculatus, spinosissimis foliis undique oblitus, e cuius umbilico flores emicant albi, radiati, quorum scilicet discus ex plurimis flosculis albis, embryoni insidentibus, componitur: corona vero ex petalis planis constat, nulli embryoni affixis, calyce spinoso & amplo, perinde ac flosculi, comprehensis. Embryones deinde abeunt in semina pappis instructa, folio imbricato inter se distincta.

Χαμαλέον λευκός *Dioscoridis*, *Ἰξία* quorundam *Ejusdem*, *Chamæleon* albus, qui & *Ixia* *Plinii*, *Chamæleo* albus, *Apulus*, purpureo flore, gummiter, *Fabii Columnæ*; *Carlina* acaulos gummitera *C. B. P.* a præcedenti parum discrepat, nec nisi flore purpurascente, foliis maioribus, magis profunde incisus & spinosioribus vulgari, albicantibus, inferne hirsutis, quandoque virentibus, postea rubentibus, radice crassiore & longiori, lactescente, odore fragrantiori cerebrum feriente. Ex hac radice quocumque modo lacerata, secta, vel fissa, lac statim effluit in grumos, ob viscositatem, brevi concretescens, non secus ac viscum, dum recens est, digitis adhærens, colore candido, dein collectum, ceræ modo, concrevit, contretatumque inficitur & nigrescit. Non solum radix vulnerata viscosam illam resinam fundit, sed etiam summus echini vertex, & spinosa calycis foliola eam exsulant.

Hæc lacryma *Ακαθάρτη μασίχη* *Theophrasti*, dicitur, *Ἰξὸν* *Dioscoridis* *Ixia* *Plinii*, & *Cera di Cardio* rusticorum *Apuliæ*, *Fab. Col.* Non injucunda est, eaque, veluti *Mastiche*, utebantur olum mulieres, teste *Dioscoride*.

Nunc non parva occurrit difficultas ad detegendum, quænam sint radices, quas *Dioscorides*, *L. sexto, de Venenis, cap. primo*, *Chamæleonem* & *Ixiam* nominat, & inter radices noxias recenset. Hac de re diverse admodum sentiunt auctores, quorum alii *Ixiam* & *Chamæleonem* unam & eandem plantam esse volunt, & quidem venenosam; alii plantas prorsus diversas: alii *Ixiam* *Chamæleonis* albi succum esse contendunt; alii nigri *Chamæleonis* viscum, seu gummi. Verum *Theophrasti*, *Dioscoridis*, & *Plinii* testimonis innixi, *Chamæleonis* albi radicem non sub *Chamæleonis* simpliciter dicti, vel *Ixiæ* nominibus intelligendam esse censemus cum *Columna*. Nam *Chamæleonis* albi radix intus sumpta, hominibus alexipharmacum est contra latas tinea, & in vino pota Theriaca contra venenata, ut *Dioscorides* & *Nicander* testantur, atque non parva dosi utebantur introsumpta; nam acetabuli pondere duas fere uncias æquante, ad latas ventris tinea necandas pellendasque præscribitur, tam a *Theophrasto*, quam a *Dioscoride*, *Galeno*, & *Plinio*; & ad difficultatem

tatem urinæ & serpentum ictus, decocta vel in vino pota radix, absque mensura, præscribitur a Dioscoride.

At vero liquet Ixiam non esse Chamæleonis albi, sed potius nigri radicem, ex ipso Dioscoridis textu, *Cap. de Ixia*, in quo Ixia *Ulophonon* appellari traditur; sicut etiam *Ulophonon* nigrum Chamæleonem appellari Plinius narrat. Ixia igitur Dioscoridis, vel eadem est radix cum Chamæleone nigro, si Plinio sit habenda fides; vel est radix nunc nobis ignota, si Dioscoridi assentiamur.

Albus tamen Chamæleo canes, fues, & mures occidit, narrante Dioscoride; sed non mirum, si quibusdam animalibus noxium sit, non vero hominibus.

Chamæleonis albi radix, referente Galeno & Dioscoride ab antiquis potui dabatur, ad lumbricos latos educendos, cum vino austero, ad $\text{℥} \text{ xvj}$. & hydropicis ad $\text{℥} \text{ j}$. Plinius addit in cibo decoqui, adversus fluxiones, quas Græci rheumatismos vocant. Verum cum rarissime Chamæleon albus Dioscorid. & Galeni, seu Chamæleon albus Apulus, gummifer, *Fab. Columnæ*, nobis afferatur; non igitur ejus vires confundendæ sunt cum Ixinæ Theophrasti, Helxines veræ Plinii, aut Carlinæ vulgaris virtutibus. Theophrastus & Plinius de his dotibus alte silent. Neoterici Carlinam alexipharmacam esse existimant; eam venenis omnibus resistere; pestis contagia non modo arcere, sed etiam curare, si tempestive adhibeatur, asserunt. Carlinam dici narrant quasi Carolinam a Carolo Magno Imperatore; quia ejus exercitus, Angeli monitu, usu hujus radicis, ut ferunt, liberatus fuit. Simon Pauli vim diaphoreticam ipsi tribuit. In malo hypochondriaco a Camerario prædicatur. Fredericus Hoffmann. ejus decoctum in brodio carnis factum, quibusdam vomitum movere observavit.

$\text{℥} \text{ j}$. Rad. Carlinæ siccatur & pulveratur. $\text{℥} \text{ j}$. Detur in haustu vini generosi, cum Aceti Theriacalis cochleari uno; & æger componatur ad sudandum. *Contra pestem.*

Usurpatur in Aceto Theriacali, in Antidoto Orvietano D. Charas, & in Electuario Orvietano Freder. Hoffmann.

ARTICULUS OCTAVUS.

De Cassumuniar.

Cassumuniar & Cassmunar *Anglorum*, *Rifagon Musæi R. S. Lond.* *Bingalle Indorum*, *Athor. Philosoph. Regiæ Soc. Lond. N. 264.* Radix est tuberosa ad pollicem & amplius crassa, in taleolas transversas secta, superficie circulis, ut in Galanga, quasi geniculatis notata, foris cinerea, intus flavescens, sapore subacri, amaricante, aromatico odore fragranti.

Angli hanc radicem ex India Orientali afferunt, ejusque vires summopere prædicant. Quænam sit planta, quæ hanc radicem suppeditat, me adhuc latet. Cassumuniar vero nomen est fictitium, a quodam Medico Anglo ad plantam celandam impositum.

Ex odore fragranti & sapore acri, pungente, aromatico, conficere licet huic radici inesse salem volatilem, oleosum, aromaticum, a quo potissimum ejus energia pendet. Nervos firmat, spiritus animales fuscitat & reficit, ventriculum corroborat, flatu expellit. In apoplexia, epilepsia, vertigine, motibus convulsivis, tremore, hysterica passione, hypocondriacis affectibus, vertigine, & intestinorum torminibus curandis, medicamentum præstantissimum existimatur, tum ab Indis, tum ab Anglis. Exhibetur in substantia a ℥ss. ad ʒss. Ex ea paratur Tinctura cum spiritu vini, & Extractum. Tinctura ad guttas xx. vel xxx. in potu Theæ, vel in vino proponatur; Extractum vero a gr. vj. ad xv. sumitur.

ARTICULUS NONUS.

De China radice.

China *Officinar.* China seu Cinna *Cæsalpini*, Chinza radix *Cordi Hislor.* China & Schina *Tabern.* vulgo, *Squine*. Radix est longe discrepans a cortice *China-China* dicto, tum natura, tum viribus. Nomen habuit a China regione, unde in Indiam Orientalem primum illata est, & inde in Europam. Duæ hujus radicis species in Officinis venales præstant, Orientalis scilicet, & Occidentalis.

China Orientalis Officinarum. Radix est crassa, arundinacea, geniculata, ponderosa, lignosa, tuberculis inæqualibus, colore foris ex fusco rubente, intus ex calido rubescente; aliquando nonnihil resinosa, sapore, dum recens est, aliquantulum acri & subpingui; sicca vero, terrestri leviterque adstringente, odore nullo prædita.

Optima est recens, densa, solida, ponderosa, quæ neque teredinem, neque cariem senserit, fere insipida, plena tamen humore quodam pingui & unctuofo, qui masticando quidem satis evidens sit, in decocto autem evidenter. Rejicitur inoleta, succo exuta, fungosa, levis, & cariota.

Planta, quæ dicitur China Orientalis seu Smilax aspera Chinenfis, *Lampatam* dicto *Herman. M. M.* (*Sankira*, vulgo, *Quaquara*: *Smilax* minus spinosa, fructu rubicundo, radice virtuosa, *China* dicta. *Kempfer Amantir. exotic. Fascicul. V. pag.* 781. Radice gaudet magna, dura, nodosa, inæquali, paucis longisque fibris capillata, extus rufa vel nigricante, intus albida, saporis vapidum, Medicis rapix *China* dicta, satis ex virtute nota ac celebrata. Scandit unum vel alterum cubitum sine adminiculo, dumetis vero propinquis nixa altius enititur. Sarmen- tis lignosis, culmum hordeaceum crassis, obscure circa humum spadicis, ex biunciali intervallo geniculatis, articulis alterne & ad feri- em reflexis, interdum gemina spina adversa, brevi & redunca in- terceptis. Ex geniculis singulis valva emergit duplicata, membrana- cea, summiunciam longa, pennam lata anserinam, dura, striata, duos ex- tendens capreolos, vitigineis similes; quibus contacta quævis firmi- ter comprehendit. Ex valvis singula oriuntur folia, ex alis simul flo-

rum corymbi, tuum novelli interdum surculi. Folium perbreve vel pene nullo instructum pedicelo, ex acuto brevi principio in orbiculum triangularis diametri expanditur; in mucronem curvum repandum definens. Tenue est, membranaceum, utraque facie diluto virore nigricans, ante mucronem ingenti valva undulans, margine integro, aliquando inæquali, alterutro latere protuberante. Venis donatur quinque ramosis, ex basi folii in mucronem, media directe, cæteris arcuatum prætendentibus. Pediculo tenuissimo unciali, rubente vel lutescente insident flosculi, plus minus decem, in umbellæ formam congesti, nudis, in herbido luteis, hexapetali, petalis angustis, in gyrum repandis, ad seminis Coriandri ambitum dariantibus, pellucidis, staminibus senis, apicibus in luteum albicantibus, stylo turbini medio insistente, capitulo cæcio. Fructus, invalescente pediculo, florem excipiunt; Cerasi figura, magnitudinem, rubedine, ac nitore similes, rarius turbinati, aere magis, quam carne turgidi: carne constant pauca, sicca, farinosa, incarnata, saporis acerbi, Mespilorum æmuli; in qua semina involuta latent quaternis, quina vel sena, Lenticulæ magnitudinis, figuræ lunaris, in orbem instar Malvæ seminum conglobata, per siccitatem ex badio nigricantia, intus candida, durissima, substantiæ corneæ. In Chinæ regno inter filices & vepres, in incultis locis perennis luxuriat. *Kempfer. ibid.*

China præcis Medicis ignota fuit, aut saltem ab iis oscitanter prætermissa. Apud recentiores, ad morbos venereos debellandos, per sævum longum temporis intervallum, magna fuit ejus commendatio; quæ tandem postea ab hydrargyri usu admodum diminuta est & fere extincta.

Huic prima auctoritas circa annum 1534. a mercatoribus Sinesibus conciliata fuit. Hi enim affirmabant hæc radice sanari luem veneram, podagram, aliosque morbos quamplurimos, sine accurata illa victus ratione, quæ in Guajaci exhibitione tunc temporis observabatur, non tanto etiam tempore, nec tanto cum fastidio. Hoc nomine cum commendaretur ab Hispanis Casolo V. Imperatori, ut referunt Avila, & Vesalius; ea usus est Imperator proprio natu, inconsultis Medicis cubicularis, & quidem sine successu; cum neque servaret debitum regimen, neque illius usum continuaret; quo factum est, ut paulo post ad Guajacum recurreret. Quibus palam factis, nihilominus Medici Principum a Cæsarianis rationem exhibendi hanc radicem exposculabant, quin & Principes ipsi sollicitabant Cæsarem, pateretur rem intermiscere. Tantum poterat inanis spes adipiscendi sanitatem absque methodo medendi: quæ cum, apud plerisque, omnes decollaret, temere decantata hæc licentia sensim repressa est, & ad dietam Guajacum coercita; aut potius Guajacum China temperare tentarunt. In eo enim consentiunt omnes fere Medicinæ Scriptores, quod hoc medicamentum rite exhibitum, ad morbos venereos antidotus sit optima.

Tenujum est partium, natum resolvere humores, & sudores movere, in iis præsertim qui vel a natura vel usu prægressorum medicaminum jam dispositi sunt, inquit Vesalius. Garzias scribit utile esse ad paralytes, tremores, articulorum dolores, sciaticam, podagram,

gram, tumores ichirryosos & œdematosos, serofulas extirpare, ventriculi imbecillitati, inveterato capitis dolori, vesicæ & reum ulceribus succurrere. Addit Acofta hemicranix, herniis humoralibus & flatulentis, colli vesicæ, & penis callis & ulceribus plurimum conferre. Monardes icterum solvere, omnem hepatis intemperiem emendare, febribus diuturnis quotidianis & erraticis auxiliari asserit. Humorem melancholicum temperat, ait Fallopius. Alpinus narrat, Egyptios uti decocto ad sanguinis, hepatisque calores contemperando, & hocce decocto habiliorem fieri. Qui quidem effectus, secundum C. Hoffmanni sententiam, non a sola radice virtute pendent, sed etiam a diæta, & largiori aquæ tepidæ potatione. Medicamentum enim inspissatos humores resolvit & attenuat; ita ut multa decocti aqua epota, acres humorum sales eluantur, & foras, tum per sudores, tum per urinas amendantur. Ea de causa sæpius decoctum, aut infusio, quam substantia, præscribitur. Hæc erat autem illius radice exhibendæ methodus, cum ad luem veneream, tum ad catharrosos affectus, dolores arthriticos, & cachexia.

24. Radice Chinæ in taleolas tenues concisæ ʒi. Aq. ʒviij. Stent in olla obturata horis 24. dein lento igne ad medias coquantur. Decoctum refrigeratum coletur. Hujus decocti calidi ʒx. ægro purgato exhibeantur mane, jejuno ventriculo; & iteretur eadem dosis octo horis a prandio. Æger in lecto componatur, & ad duas horas sudet. Hic modus triginta diebus continuus, nulla alia purgatione intermixta, observari debet, ægro in conclavi remanente. Post id tempus, æger quadraginta diebus cibi boni succi utatur; & vini loco, sit aqua hoc pacto præparata. Sume hujus radice taleolarum jam decoctarum, & in umbra exsiccatarum ʒj. Infunde per horas 24. in ʒviij. & dein, ut prius ad medias coquantur, & ad usum serventur.

Verum hodie hæc radices China & Sarsaparilla, lignumque Guajacinum, ad luem veneream debellandam parum fida prædix habentur, & hydrargyro longe inferiora. Chinæ raro nunc sola usurpatur; sed cum Sarsaparilla, Guajaco, & cæteris in substantia exhibetur a ʒß. ad ʒjß. In decocto vero a ʒi ad ʒß. conjungitur ad pitiana, vel decocta sudorifera præparanda.

24. Rad. Chinæ taleolatim concisæ ʒj. Radic. Sarsaparillæ ʒij. Ligni Sancti ʒß. Liquiritiæ rasæ & contusæ ʒvi. Infundantur calide per 12. horas in aq. comm. ʒviij. Postea coquantur ad consumptionem tertiarie partis. Sub finem adde Ligni Sassafras ʒij. Refrigerata colentur per pannum; & servetur usui pitiana sudorifica adversus catharros, articulorum dolores, & morbos venereos uscatissima. Hauriat æger 4. vel 5. cyathos de die, vel ad sitim pro potu solito.

Vel 24. Rad. Chinæ ʒij. Rad. Sarsaparillæ, Ligni Guajaci ana ʒiiij. Folior. Or. Rhei electi, Glycyrrhyzæ ana ʒj. Polydodii querni, Rosar. rubrar. ana ʒj. Sem. Coriandri ʒij. Crystalli Mineri ʒß. Infundantur omnia repide in aquæ comm. ʒxxx. per 24. horas, & coquantur ad 4. partis diminutionem. Decocto ab igne semoto adde Malthæ Citreum taleolatim sectum. Pitiana refrigerata per pannum trahatur; cujus libras duas hauriat æger singulis diebus, per tres heb-

domadas, contra Rheumatismum inveteratum, dolores podagricos, cachecticos affectus, & morbos venereos.

China Occidentalis, *Officinarum*; China spuria nodosa, C. B. P. Pseudo-China Radix, *Clusii* J. B. Radix est oblonga, crassa, nodosa, tuberosa, quæ ab Orientali non differt, nisi colore foris magis rufo, vel nigrescente, intus vero magis rubescente.

Planta dicitur Olcaczan pahuathanica, *Hernandez*. Jupicanga Brasiliensibus, *Pisonis Hist. Br.* 257. Smilax viticulis asperis, Virginiana, foliis angustis, levibus, nullis articulis prædita, *Pluken. Phytograph.* Smilax aspera, fructu nigro, radice nodosa, magna, farinacea, China dicta, *Sloane Catal. Pl. Jam.* Eadem enim videtur esse planta his nominibus designata, aut saltem idem plantæ genus, cujus species perparum inter se discrepant. Cum illa, quam describit *Hernandez*, a Jupicanga *Pisonis* non differat, nisi fructuum colore, *Hernandez* enim nigrescentes, *Piso* vero croceos, depingit. Narrat quoque idem *Piso* se tres Jupicangæ species observasse, quæ tamen vix a se invicem distingui possunt, nisi ex spinis majoribus, vel frequentioribus; quod quidem discrimen minimi admodum est momenti. Nec fortasse hæc species ab Orientali China diversæ sunt.

Ex Hispania nova, Peruviano regno, Brasilia, aliisque Americæ regionibus affertur.

China Occidentalis viribus cum Orientali convenit, licet paulo inferior censetur.

ARTICULUS DECIMUS.

De Contrayerva.

Contrayerva & Drakena, *Officinarum*; Contrayerva Hispanorum; five Drakena radix *Clusii*, *Parkins.* Radix est unciam unam aut alteram longa, semiunciam crassa, in nodos & inæqualia capita extuberans, dura, densa, foris rufa vel nigricans, rugosa, atque in summis capitibus veluti ex squammis contexta, fibris tenuibus quamplurimis hinc inde adnascentibus, & quibusdam crassiusculis & majusculis onusta; duris ac lentis, ex quibus, dum annosa est, alii dependent nodi: intus pallida, sapore nonnihil adstringente, amaricante, cum tenui ac suavi quadam acrimonia, si diutius in ore detineatur, odore aromatico levissimo.

Radicis pars tuberosa eligatur; fibrosa vero, quæ fere insipida & inodora, rejiciatur.

Hæc Radix, Contrayerva ab Hispanis dicta, quod venenis resistat, eadem esse videtur cum Drakena *Clusii*, qui hoc nomen illi imposuerat; quia eam acceperat a Francisco Drak Anglo, qui eam ex peregrinatione qua totum orbem circumivit, secum attulerat; Drakenæ enim descriptio apud *Clusium* Contrayervæ Hispanorum apprime convenit. Itaque cum Botanicis fere omnibus unam & eandem esse censemus, licet *Casp. Bauhinus* diversas radices constituat, Contrayervam

vam ad Cyperos longos odoros referens, Drakenam vero ad Cyperos longos inodoros.

Quandoquidem accuratior hujusce plantæ notitia clarissimo Auctori nondum innouerat, ex recentioribus Botanicis, quæ certiora tradiderunt, depromere, hucque proferre visum est.

Contrayervæ nomine apud Botanicos plures gloriantur plantæ. Namque Hernandez *Hist. plant. Mexican. lib. 8. cap. 48. pag. 301.* illam *Granadille*, quæ *Coanenepilli* seu *Contrayerva* audit, *Bannister Commelineæ*, Cl. Sloane *Aristolechiæ*, Camellus *Kampferiæ* speciem esse existimarunt. At Guilielmus Houston Chirurgus Anglus, dum in America versaretur, radicem, quæ in Officinis nostris *Contrayerva* nuncupatur, collegit in montibus prope veterem Veram Crucem, hancque deprehendit speciem esse Dorsteniæ, quæ ipsi dicitur; Dorstenia, Dentariæ radice, Sphondylii folio, placenta ovali, *Philosoph. Transact. an. 1731. n. 421. pag. 196. fig. 1.* Dorstenia, Sphondylii folio, Dentariæ radice, *Plum. Nov. gen. p. 29.* Dorstenia, scapis radicatis, *Linnaei H. Cliff. pag. 32.* Tuzpatlis, *Hernand. Hist. pl. Men. lib. 5. cap. 18. pag. 147.* Drakena Radix, *Clus. Exot. pag. 83.*

Hujusce plantæ radix, inquit R. P. Plumier, *Mss. radicum*, tum Polygonati vulgaris, tum etiam Dentariæ, maxime æmula est & particeps: nam squammosa & geniculata, seu in frequentes nodos veluti squamosos extuberans, oblique in terram defixa, multis fibris ramosis, lateque sparsis stipata, ac tandem Pyrethri vulgaris modo, fervido sapore donata. Ex ipsius capite quinque aut sex ut plurimum, vel juxta Houstonum, 6. aut 8. emergunt folia; Sphondylii similia, licet multo minora, quatuor scilicet vel quinque uncias longa, alte nempe incisa, seu in lacinias acuminatas aut cuspidatas & seratas profunde dissecta, tactu ficulneorum foliorum in modum asperiuscula, ac fusce undequaque virentia, petiolis lanixa 5. vel 6. uncias longis. Ex eodem Radicis capite tres aut quatuor erumpunt pedunculi petiolis aliquatenus longiores, flores sustinentes peculiari forma constructos. Namque, juxta Linæum qui florem ex sicco exemplari descripsit, *Gen. 840.* singuli pedunculi abeunt in involutum commune, planum, angulatum, maximum, subtus paululum tumescens, glabrum & viride, superne vero fere complanatum, tectum receptaculo communi adnato, & flosculis minimis numerosissimis disco in habitantibus, & per totum oræ circuitum squammulis nigricantibus marginatum. *Perianthium proprium* quadrangulare est, concavum, receptaculo immersum, & cum eo coalitum, absque corolla, quatuor staminibus instructum filiformibus, brevissimis, antheris subrotundis donatis. Germen adest subrotundum, cum stylo simplici & stigmate obtuso. Receptaculum commune carnosum evadit, in quo plurima nidulantur semina subrotundo-acuminata, tenerima & candidissima, absque pericarpio.

Hanc plantam reperit Plumerius, mense Junio, in Insula San-Vincen-tiana. Crescit quoque in Peruvianis & Mexicanis regionibus, unde Hispani eam nobis afferunt.

Alteram speciem recenset Houstonus, *loc. citat. fig. 2.* quæ ab ipso vocatur Dorstenia, Dentariæ radice, folio minus laciniato, placenta

quadrangulari & undulata. Primo quidem intuitu, distinctissima species videtur; at considerata facie, modo crescendi, viribus & omnibus distingui non debere iudicat Linnæus. Atque, ut dicam quod res est, folium magis minusve laciniatum notam specificam non constituit. Quod autem in priori placenta sit ovalis, in posteriori vero quadrangularis & undulata; illud unice pendere videtur ex eo quod receptaculum commune, prout magis minusve maturum est, magis vel minus explicetur.

Contrayerva sudorifera & alexipharmaca existimatur. Clusius folia Contrayervæ præfens esse venenum dicit, ipsam vero radicem non modo illius veneni, sed & aliorum etiam esse antidotum; quod quidem de venenis coagulantibus intelligendum est. Ventriculum roborat, ciborum concoctionem juvat, status discit, motum sanguinis intestinum, seu fermentatitium auget. Febribus malignis, ipsique pesti mederi asserunt; eamque Lapid Bezoar & Theriacæ, aliisque antidotis anteponunt: sed nimis fortasse ejus vires extollunt.

Ex odore & sapore hæc Radix mediocri Salis volatilis, oleosi, aromatici, portione, terreis partibus nonnihil implicita componi mihi videtur. Unde Hermannum eam in malignis febribus, cum præsertim alvus laxior est, non immerito commendare censeo. In substantia ad ʒij. in decocto ad ʒij. præscribitur.

ʒ℥. Rad. Contrayerv. pulver. ʒβ. Margaritar. pp. & CC. Philosop. pp. ana ʒj. Cum Aqua Melissæ, aut Bardui Bened. sumat. æger in alvi profluvio, incipientibus variolis.

Vel ʒ℥. Rad. Contrayervæ contusæ ʒj. Santal. rubri ʒij. Infunde in vini albi ʒvj. Colaturam capiat.

Vel ʒ℥. Rasuræ CC. ʒj. Coque in aquæ com. q. s. ad ʒβ. Sub finem adde Rad. Contrayerv. contusæ ʒβ. Coccinigliæ ʒβ. Fiat colatura. Adde Aquæ Cinnamom. ʒjβ. Syr. Caryophyllor. Hortens. ʒij. Hau-riat æger identidem, in variolis & morbillis.

Contrayerva usurpatur in Lapide Contrayervæ, *Pharmacop. Lond.* & pulver. Comitissæ Kenth, sive de Chelis Cancror. *Charas.*

ARTICULUS UNDECIMUS.

De Costis.

Costus vel Costum, Latinorum; κοστός Græcorum; Kost vel Chast, Arabum: nomina sunt, quæ variis tribuuntur radicibus, quas distinguere admodum difficile est.

Dioscorides tres Costi species recenset; Arabicum unum, Indicum alterum, & Syriacum tertium. Costum Arabicum dicit candidum, levem, eximia odoris suavitate, gustu calidum, & mordentem: Indicum levem, plenum, & nigrum: Syriacum vero gravem buxæ colore, & caput odore ferientem.

Galenus, *libro de antidotis*, Costum Arabicum album commendat; & *lib.*

lib. de S. Med. Facult. quamdam amaritudinem, sed levissimam, in Costo agnoscit, & tantam acridinem ut exulceret.

Plinius Costum dicit esse radicem fruticis cujusdam, gustu ferventem, & odore eximio: cujus duo genera constituit; nigrum nempe, & quod melius est, candicans.

Antiqui Arabes, ut Serapio & Avicenna, distinctionis, qua Costus in dulcem & amarum hodie dividitur, non meminerunt: sed omnia quæ de Costo tradiderunt, a Dioscoride sumpserunt: quasi idem esset Costus, quo tunc utebantur, cum veteri Græcorum Costo. Serapio præcipue nihil habet, quod non ex Græco auctore transcripserit. Avicenna quædam interpolat: sic de Costo Arabico dicit album esse, sed ad rubedinem, sive citrium colorem vergere; de Indico leviozem esse Arabico, amarum, odore gravi & Caryophyllato, & ad nigredinem tendentem: Syriacum vero Romanum appellat, eumque dicit colore buxæ esse, & odore vehemente.

Græci, Latiniq; auctores, qui ante quingentos annos & infra de re Medica aliquid composuere, duo genera Costi passim commemorant; dulce, & amarum. Κορός γλυκύς & κορός πικρός ab Actuaria & aliis Græcis recentioribus distinguuntur. Macer poeta, *Traslatu de speciebus exoticis*, sic canit:

Costi sunt gemine species; gravis una rubensque,

Est & amara nimis: hæc Indica dicitur esse:

Altera vero levis, nec amara, colore sed albo.

Unde liquet, Costum id genus, quod sic vocatur hodie in officinis, quodque unicum quasi legitimum usitatum est ab aliquot sæculis retro, non eodem genere contineri cum veterum Costo.

Dioscorides enim nullam amaritatem in Costo designat; Galenus quamdam, sed levissimam: ambo acrimoniam calidam, & mordentem, aut exurentem observant. Avicenna Arabicum revera album dicit ex Dioscoride: sed ex se addit, ad rubedinem vergere, qui color erat Costi quo tunc utebantur. Indicum quoque nigrum dicit ex Dioscoride, sed amarum insuper addit. Macer vero Indicam Costi speciem rubentem, non nigram, ut Avicenna, & amaram nimis. Præterea antiquorum Costus odoratissimus fuit, ita ut etiam caput læderet. Eo utebantur ad aromata & thymiamata, eumque in ara incendebant, haud secus ac Thura. Sic Propertius:

Costum molle date, & blandi mihi Thuris honores.

Et Plinius: Odorum causa unguentorumque & deliciarum, si placet, etiam superstitionis gratia, emanant; quoniam Thure supplicamus & Costo. Hunc vero odorem eximium, fragrantem, & vehementem, a Dioscoride, Galeno, & Plinio recensitum, in Costo nostrarum Officiarum non agnoscimus; unde eum plane diversum a veterum Græcorum Costo censemus.

Neque etiam Sepalsarii inter se de Costo vero conveniunt; quandoquidem quibusdam in Officiis tres Costi species reperiuntur, sub nominibus Arabiæ, amari, & dulcis, quas Petrus Pemet in medicamentorum simplicium historia recenset, & sic describit.

Costus Arabicus, inquit, est radix oblonga, gravis, foris cinerea aut albicans, intus subrubra, fractu contumax, odore fragrantè, sapore aro-

matico, amaricante. *Costus amarus*, radix est crassa, densa, dura, lignosa, levis, splendens, quæ ligneum frustum potius, quam radicis fragmentum, specie exhibet. *Costus vero dulcis* radix est parva, flava, curcumæ radici, tum colore, tum figura & crassitie haud absimilis.

Verum hæc descriptiones, vel non accuratæ sunt, vel *Costo* in officinis Pharmaceuticis hodie usitato non conveniunt. Alia enim & fere sola radix frequens in officinis reperitur, fragrantî Iridis vel *Violarum* odore insignis, quæ pro *Costo Arabico*, seu *Costo* vero, fere ab omnibus recipitur, aut substituitur.

Radix est in frusta oblonga, pollice crassa, levis, porosa, durâ tamen, sed friabilia, nonnihil resinosa, albicantia, & nonnunquam ex cinereo flavescens; sapore acri, aromatico, & amaricante; odore fragrantè, ad Iridem Florentinam vel *Violam* accedente.

Franciscus Dale in Pharmacologia post Commelinum, arbitratur hunc *Costum* esse radicem plantæ quæ *Tiana Kua*, *Horti Malabar.* & *Ponvo Bramannum* dicitur. *Costus Iridem* redolens seu *Indicus*, C. B. *Costus Linn. H. Cliff. pag. 2.* *Paco Caatinga Brasiliensis*, *Marcgr. Bras. p. 48. Pis. Bras. p. 98.* *Anonyma, Mer. Surin. 36. T. 36.*

Hujus plantæ radix recens & viridis, alba, tuberosa, repens, fungosa; aqueo succo turgida, tenella est, & fibrata: vetustior & fracta, multis fibrillis conspersa videtur, telarum Aranearum instar, sapore aqueo dulci, ut *Cucumeris*, cum levi odore *Zingiberis*. Surculi diversis in locis & radicibus progerminant ad altitudinem trium, quatuorve pedum; digitumque crassi evadunt, rotundi, sanguineo-rubri, glabri, nitentes, arundinacei, geniculati, simplices, intus virides & aquei. Folia oblonga, angusta, duas spithamas longa, extremo acuminata, in medio lata, circa geniculum prope annexa, furculo, nervo seu costa subtus per longitudinem decurrente ac prominente, & in supina parte sulcata, cum nervulis lateralibus transversis; multoties introrsum convoluta, mollia, succulenta, nitentia & viridia.

Caulis terminatur capitulo imbricato, squammis ovatis, obtusis, concavis, unifloris, singulis, persistentibus, in Malabara corallo-rubris, apud nos viridibus nec coloratis. (a) E gemmis singulis singuli prodeunt flores, perianthio monophyllo, minimo, tridentato, colorato, germinis insidente nec deciduo gaudentes. Corolla (b) tribus constat petalis basi connexis, lanceolatis, concavis, erectis, æqualibus, calyce multoties longioribus & nectario monophyllo, petalis majori, oblongo, tubuloso-inflato, ore rigente, ultra medietatem in duo labia bifido; labio inferiore latiore, multo corolla longiore, limbo patente, margine trifido; laciniiis lateralibus rotundatis, versus intermediam laciniam angulum acutum exferentibus, intermedia vero lacinia trifida; labio superiore lanceolato, breviorè, longitudinem tubi ventricosi: filamentis vices gerente, cui antheræ duæ; parallelæ (seu unica bipartita) a latere interiore adnata. Germen subrotundum, sub receptaculo floris positum est, cui insidet stilus filiformis, longitudine labii superioris nectari, cum stigmatè capitato, compresso, emarginato; Germen maturefcente fit

(a) Hæc florum descriptio ex clarissimi viri D Caroli Linnæi, cum generibus plantarum, tum Horto Clisfortiano desumpta est. *Gen. plant. 823. H. Cliff. p. 2.*

(b) Corolla nomine intelligitur petalum floris.

se capsula subrotunda, coronata, trilocularis, trivalvis, seminibus plurimis foeta, triangularibus secundum se invicem positis, primo cæruleis, dein fuscis, intus albis, odore Zingiberis, sapore admodum exiguo. Crescit in nemoribus Malabaræ, Brasiliæ, & Surinamæ.

Hæc Costi radix inter medicamenta expectorantia, cephalica, & uterina, annumeratur. Humores attenuat & dividit. Diuresim & diaphoresim promovet. Dosis est ʒss. in substantia, & in infusione a ʒij. ad ʒss.

Usurpatur pro Costo veterum in Theriaca *Andromachi senioris*, in Mithridatio Democratis, Antidoto Orvietano *Charas*, Philonio magno Eleuario Caryocostino, & Trochiscis *Hedicroii*.

Alias quoque radices Pharmacopœi pro vero Costo substituere solent: alii Panacem Costinum C. B. seu Pseudo-costum Matthioli; alii Angelicam; alii Zedoariam; alii corticem, qui Canella alba & quibusdam Costus Corticosus dicitur, de quo suo loco.

ARTICULUS DUODECIMUS.

De Curcuma, seu Terra Merita.

Curcuma radix est, cujus duæ sunt species: longa una, rotunda altera. Curcuma longa, seu Terra Merita, *Officinar.* Cyperus Indicus, Zingiberis facie, *Dioscoridis*; Cypira, *Plinii*; Crocus Indicus, Arabibus Curcum, officinis nostris Radix Curcumæ dictus, *Bontii*, Gallice *Souchet des Indes*, ou *Saffran des Indes*. Radix est oblonga, pæra, tuberosa, nodosa; colore flavo seu croceo, & liquores, in quibus infunditur, flavo colore tingens, sapore subacri, subamaricante, odore non ingrato ad Zingiber accedente, sed debiliore.

Planta, quæ Curcuma radice longa, *H. Lugd. Batav.* Curcuma foliis longioribus & acutioribus, *Breyn. 2. P.* Cannacorus radice crocea, *Inst. R. H. (a)* Manjella-Kua, *H. Malabar.* nuncupatur. Constat radice tuberosa, tereti, in transversum acta Zingiberis facie, digiti crassitie, geniculata, cum aliquot fibris crassiusculis ex geniculis, hinc inde nascentibus, foris pallida, & modice scabra, intus crocea, ac temporis decursu, in Puniceum inclinante, ponderosa, solida, quasi ex condensato croceo succo pressius compacta, gustus acris, amaricantis, pinguis; odoris fragrantis: hujus singula genicula protrudunt folia late viridia, plana, spithamam longa, unam duæve palmas lata, in modicum acumen desinentia, foliis Cannæ Indicæ similia. E novellis & robustioribus radicis tuberibus erigitur scapus dodrantalis, teres, succulentus, scriptorii calami crassitudine, ex viridi pallefcens, inferiori parte nudus, e medio vero ad cacumen usque in crassam, rotundam spicam fastigiatus, quam formant foliola ab exortu pallide viridia, postmodum ex flavo rubentia, vel ex pallido flava, duos unguis lata, sensim in recurvum mucronem abeuntia, squammarum disposita, intra quorum commissuras delitescit tenax & viscosus humor. Insuper ex singulis squammis successive prodeunt flores

(a) Haud sane merito Curcumam inter Cannacori species recensuit *Clariss. Tournefortius*, Bontii, ut conjicere licet, figura deceptus, qui loco Curcumæ Cannam Indicam delineavit; quod pace tanti viri dixerim.

flores oblongi, Cannæ Indicæ floribus similes, ast triplo minores; ut plurimum pallide flavescentes, aut purpurascens; quos vir sane rei herbariæ peritissimus D. Hermannus quatuor petalis componi asserit, uno superiore oblique sursum vergente, binis inferioribus recta protensis, intermedio vero quadratenus intorto & simbricato; at vero D. Tournefort hos flores monopetalos & multifariam scissos, quales sunt Cannacori latifolii vulgares, *Inst.* flores. His succedunt vascula parva, membranacea, tricapularia, quæ continent semina rotunda, fusca; seminibus Cannæ Indicæ minora. (a)

Curcumbæ radix maturefcit, foditurque, postquam flores exaruerunt. Indis adeo familiaris est Curcuma, ut vix hortum in Oriente reperire liceat, in quo non colatur, & quidem lucris causa; nulla enim familia est, quin hac radice tanquam pergrato condimento inter edulia utatur. Ex ea cum floribus odoratis unguenta parant, quibus totum corpus inungunt, & ad tincturas adhibent.

Curcuma Sale oleoso volatili cum Sale falso amaro conjuncto, & utroque viscidis & terrestribus partibus implicito, constare videtur. Præstantissimum habetur medicamentum ad pulmonem, jecoris, lienis, mesenterii, & uteri obstructions resolvendas. Fœminis menstrua provocat, & difficultatem pariendi juvat. Sed imprimis singulare & specificum est remedium in istero. In substantia a ℥j. ad ℥j. in infusione vel decocto ad ℥ij. præscribitur.

℥j. Curcumbæ pulver. ℥ss. Croci gr. v. Sal. vol. C. C. fixati gr. x. Syr. de quinque radicib. aper. vel de Artemisia q. s. Fiat bolus, in istero & in uteri obstructionibus & mensium suppressione.

℥j. Terræ Meritæ ℥ss. Trochiscor. Viperar. ℥ij. Rhei pulver. Croci ana ℥ss. Conservæ Chelidonii major. ℥j. Syr. Fumar. q. s. Fiat Opiata, cujus dosis ad ℥ij. bis in die in istero. Vel

℥j. Rad. Curcumbæ ℥ss. Croci gr. xv. Rhabarbari ℥ij. Infunde frigide in vini generosi ℥xij. per horas xij. Fiat colatura in duos haustus dividenda.

Præter usum Medicum, ab insectoribus Curcuma ad tincturas frequenter usurpatur.

Altera Curcumbæ species, quæ rotunda dicitur, & a Lusitanis *Raiz de Saffrao*, in Officinis non est usitata. Radix est turberosa, subrotunda, pollicem & amplius crassa, densa, carnosa, externe capillata, flava, quæ transversim dissecta, variis, croceis, rubris, flavis circulis notatur; odoris & saporis Crocum & Zingiberem æmulantis, debilioris tamen quam in Curcuma longa. Iisdem virtutibus donatur, quibus Curcuma longa, sed debilioribus.

Planta dicitur Curcuma, radice rotunda, *Parad. Bat. Prodr.* Manja Kua, *H. Malabar.* Folia, flores, & fructus præcedentis haud dissimilia.

A R-

(a) Cl. Linnæus accuratiorem hanc floris Curcumbæ descriptionem ex sicco exemplari dedit in *Gen. plant.* 829. his verbis. CAL. *Spatha* plures, partiales, simplices, caducæ. COR. *Petalis* tubus angustus. *Limbus* tripartitus; *laciniis* lanceolatis, patentibus, sinu altero magis debiscentibus. *Nectarium* monophyllum, ovato-acuminatum; *laciniis* petali majus, ejusdem sinui patentiori insertum. STAM. *Filamenta* quinque, quorum quatuor erecta, linearia, sterilia, unicum quintum intra nectarium, lineare, petaliforme, apice bifido. *Anthera* adnata. PIST. *Germen* subrotundum, infra receptaculum floris; *stylus* longitudine flaminum; *stigma* simplex, uncinatum. PER. *Capfula* subrotunda, trilocularis, trivalvis, SEM. plurima.

ARTICULUS DECIMUS-TERTIUS.

De Cypero longo, & rotundo.

Cyperi species duæ familiares sunt in Officiis ; longa una , rotunda altera.

Cyperus longus Officinarum ; vulgo , *Souchet long* , radix est longa , tenuis , nodosa , geniculata , contorta , fractu contumax , foris subnigra , intus albicans ; saporis suavis , subacris , aromatici ; odoris fragrantis ad *Nardum accedentis* . In Gallo-Provincia & Gallia Narbonensi nascitur , & inde ad nos affertur . Eligitur bene habita , non cariola , odorata .

Radix est plantæ quæ *Cypereus odoratus* , radice longa , seu *Cyperus Officinar.* *C. B. P.* *Cyperus longus odoratior* , habitior , *Lobel. Icon.* *Cyperus panicula sparsa* , speciosa , *J. B.* Ex radicibus oblongis , geniculatis , multis internodiis sibi implicitis , fibris multis capillatis , & punicæo nigricantibus , succulentis , cum radiculis quibusdam in olivæ portiones exuberantibus , atque ita continuatis , ut in *Filipendula* , folia profert arundinacea , Porraceis similia , longiora tamen & exiliora ; Caulem cubitalem erectum , enodem , glabrum , striatum , triquetrum , medulla alba refertum , in cujus cacumine folia minora quadantenus stellatim disposita , comæ , quam etiam superant , subjecta . Particula seu juba laxaque ex cacumine dependet , quæ floribus apetalis seu stamineis constat in capitulum squammosum collectis : in squamarum alis oriuntur pistilla , quæ deinde abeunt in semina triangularia , dura , cortice nigro vestita .

Cyperus rotundus Orientalis , *Officinarum* , vulgo *Souchet rond du Levant* , radix est subrotunda aut turbinata , olivæ magnitudinis & figuræ , scabra , striata , foris subnigra , aliquando rubens , aliquando etiam nigra , intus albida , plures ex uno capite quasi filis dependentes , saporis & odoris ejusdem cum *Cypero longo* .

Planta dicitur *Cyperus rotundus Orientalis major* , *C. B. P.* *Cyperus Hodueg Egyptiis* , *P. Alpini de plantis Egypti* ; *Cyperus rotundus Orientalis major* vel *Babylonicus Rauwolfii* . Radices subrotundas profert , striatas , multas , olivæ circiter crassitie , media quadam fibra tanquam filo connexas . Habet autem folia , flores , & semina præcedentis similia . In *Egypto* secus Nilum & in paludibus uberrime provenit . Crescit etiam copiose in Gallo-Provincia , & in pratis udis *Gentiliacis* , vulgo (*Petit Gentilly*) , & pluribus aliis in locis in agro *Parisiensi* .

Alia est *Americani Cyperi species* , quæ *Cyperus Americanus* , *P. Duterre* ; *Apoyomatli* seu *Phatziliranda* , *Cyperus Americanus* , *Hernandez* ; *Radix Sanctæ Helenæ* , *Galangæ species* , *J. B.* *Scirpus Americanus* caule geniculato , cavo , *Lignonii I. R. H.* quæ iisdem viribus cum *Cyperis* donari dicitur .

Cyperum Dioscorides in longum & rotundum non distinguit , neque *Plinius* , qui tamen observat *Cyperi* radicem , cum oblonga est , *Cyperida* vocari .

Cype-

Cyperi radices sale volatili, oleoso, aromatico, viscidis partibus & terrestribus involuto videntur constare.

Attenuant, incidunt, obstructions aperiunt, urinas, mensesque ducunt, ventriculum a relaxatis fibris debilitatum mire confortant, hydropi incipienti resistunt. In affectibus pectoris tussiculosis a C. Hoffmanno commendantur. Oris & vesicæ ulcera exsiccant & consolidant. Joannes Meibomius, referens Sancti Pauli specificum ad vesicæ ulcera, Schœnantum herbam & Cyperi radices adhibebat: ab Hippocrate in uteri ulceribus præseribuntur. Cyperi radix pulverata cum spica Lavandulæ ad ʒj. optime foetum expellit, ut & secundinas, referente J. Raio Botanico clarissimo. Dantur in substantia ad ʒj. & in infuso a ʒij. ad ʒj.

Quidam has radices novas ac recentes desiderant, ne nimis calefaciant. Revera recentes minus odoratæ sunt, quam siccæ; sed etiam minus actuosæ, utpote majore phlegmatis inutilis copia onustæ. Rhazes monet internum earum usum nimium adurere sanguinem, ita ut lepram excitare valeat.

Semen Cyperi longi cum Oriza, cui sæpe permixtum in Italia occurrit, comestum inebriat, ut Lolium, teste Fallopio.

ʒl. Rad. Cyperi longi, Galangæ, summitatum Absinthii ana ʒj. Sacchar. albi ʒij. Olei Cinnamomi gutt. v. Fiat pulvis, cujus ʒj. mane, jejuno ventriculo, vel ante pastum cum vino sumenda.

Usurpantur in Trochiscis Cypheos, de Capparibus, in Pulvere cephalico odorato, Charas, & Emplastro de Meliloro, *Ejusdem*.

Radices aceto maceratæ, exsiccatæ & pulveratæ, pro odoramentis apud Aromatarios reconduntur.

ARTICULUS VIGESIMUS QUARTUS.

De Dictamno albo, seu Fraxinella radice.

DUÆ sunt plantæ, quæ sub Dictamni titulo in officinis innotuerunt; ex quarum altera herbam, ex altera radices tantum expetunt. Altera autem harum ex Creta ad confectionem Theriaces, altera ex Gallia Narbonensi petitur. Non ergo artis Medicæ tyrones in eo versabuntur errore, ut putent unius ejusdemque plantæ & folia, & radices esse, quæ in officinis nomine Dictamni veniunt, aut exponuntur: cum veri Dictamni Cretici radices iis usui non sint. Contra Dictamni albi, seu Fraxinellæ radices, magno illis sunt in pretio. De Dictamno Cretico suo loco agemus, ubi de stirpibus & foliis. Fraxinella, de qua nunc agitur, solum cis paucos annos in officinis cœpit inclarescere: nulla enim ejus memoria, nec in Græcorum, nec in Arabum veterum monumentisprehenditur.

Itaque Dictamnus albus, & Diptamnium album *Officinatum*, radix est, vel potius radici cortex crassiusculus, candidus, a fibris & nervo mundatus, cannulæ in modum convolutus, sapore subamaro cum obscura acredine, odore, dum recens est, fragranti, gravi.

Plan.

Planta quæ Fraxinella Clusii, *Instit. R. H.* Distamnus albus vulgo, seu Fraxinella, *C. B. P.* ex radicibus multitudine, fibrosis, digiti crassitie, caules emittit rubentes, sesquicubitales, ramosos, hirsutos; folia alata tribus, quatuor, vel quinque pinnarum conjugationibus ad costam annexa, cum impari in extremo costam terminante, superne atrovirentia, inferne dilutiora, & splendentia, firma, crenata, foliorum Fraxini forma, sed minora, unde nomen accepit. In summis scapis flores polypetalis, anomali, odore gravi non injuvando, licet ad hircinum aliquantulum accedente, longa serie disponuntur, eleganti spectaculo: qui scilicet flores e quinque petalis constant purpurascensibus, & lineis obscurioribus striatis, vel candidis, quorum ex calyce surgit staminum decem incurvorum congeries, una cum pistillo, quod deinde abit in fructum, in quo velut in capitulum colliguntur vaginæ quinque capsulam duram, aduncam, complacentes, seminibus foetam subrotundis aut turbinatis, lucidis, nigris, lineam superantibus. Hæc autem capsula, cum maturefcit, bifariam dissilit, cornuum arietis in modum se inflectens; & semina cum impetu ejaculatur. Summi caules & florum calyces innumeris scarent vesiculis, quæ, ope microscopii, facile observari possunt, oleo essentiali turgidis: quæ quidem sulphureos halitus æstivis diebus tanta copia exhalant, ut candela plantæ pedi admodum, ingens flamma de repente accendatur, & totam plantam lambat.

Sponte nascitur in sylvis Galliæ Narbonensis, & nostris in hortis nunc colitur.

Ex Hb. radicum Fraxinellæ recens e terra extractarum, ineunte vere, analysi Chymica, prodierunt phlegmatis plantæ odorem & saporem acceurate referentis, ac proinde oleo essentiali subtilissimo fæcti Hb. cum Ziv. phlegmatis acidi, adhuc odorati Hb. circiter; phlegmatis urinosi Zviii. cum salis concreti granis circiter xx. olei fæcti Zij. cum Zij. salis alcali fixi Zv. remanentibus terræ damnatæ Zijß.

Ex hac analysi & radicum odore & sapore liquet, earum vim pendere ad oleo essentiali subtili quod cum phlegmate primo prodit, ab oleo crassiori & fæctido uberiori, & salis essentialis ad Ammoniacum accedentis portione non mediocri. Non mirum igitur si cardiaca sit, uterina, & alexipharmaca. Sudores pellit, urinas & menses provocat, secundinas & foetum mortuum expellit, vermes necat, putredini resistit, & contra pestilentiae contagia utilissima est, quoquo modo sumpta. Adversus venena & venenatorum ictus commendatur, necnon etiam ad epilepsiam, eam præsertim, quæ a vermibus oritur. Dosis a Zß. ad Zij. in substantia, & in infusione ad Zj.

Zl. Distamni albi pulver. Zj. Syr. de Absinthio q. s. Fiat bolus ad vermes necandos.

Zl. Radicum Fraxinellæ pulver. Zij. Sumat ægotans ex vino meraco ad secundinas expellendas; & foveatur uteri regio decocto ejusdem radicis & folior. Pulegii.

Usurpatur hæc radix in Pulvere Diamargarito frigido, Pulvere Pannonic, Pulvere Antiepileptico, Opiata Salomonis, Antidoto Orvietano, Trochiscis Scilliticis, & Oleo Scorpionum composito, Charas.

ARTICULUS DECIMUS-QUINTUS.

De *Doronica*.

Doronicum Latinorum, & *Δουρίσις* Græcorum recentiorum, vocabula sunt ex Arabico *Duronegi* derivata. Quid vero Arabes per hanc vocem intellexerint, prorsus ignoramus. Doronici enim descriptio ex Avicenna, nostro Doronico nullo modo convenit. *Duronegi*, inquit, frustum est lignosum, radicale, pollice circiter crassum, interne citrinum vel candidum, externe cineritium, duriusculum simul & grave; cui, ex eodem inest vix eximia cor confortandi & laticificandi, & venenis resistendi: viribus convenit cum Zerumbeth, quod ei substituendum dicit. Inter Arabes igitur inquirendum quid sit verum & genuinum eorum Doronicum, vel *Duronegi*.

Neque etiam de Doronico *Offic.* inter se consentiunt Botanici. Ab aliis usurpatur Doronicum radice Scorpii, C. B. P. Doronicum Romanum *Officinar.* Dale *Pharmacol.* Ab aliis Doronicum Plantaginis folio, alterum, C. B. P. Doronicum Germanicum & Arnica *Officin.* Dale *Pharmacol.* A nonnullis Doronicum radice dulci, C. B. P.

Quod vero hodie in officinis usurpatur, sub Doronici nomine, radix est tuberola, ex variis tuberculis seu geniculis veluti articulata, inter-nodiisque distincta, cujus tubercula Avellanæ minoris crassitiem vix æquante: fibrata sunt, externe flavescentia, intus albicantia, sapore subdulci, viscido, cum quadam stypticitate. Ex Alpibus nobis affertur.

Planta dicitur Doronicum radice Scorpii, C. B. P. Doronicum latifolium, *Clusii*. Aconitum Pardalianches minus, *Matthioli*. Doronicum Romanum *Officinar.* Dale *Pharmacol.* Radices proferit exiguas, geniculis veluti articulatas, Scorpionum figuram quodammodo referentes, oblique serpentes, cum quibusdam ex inferiori geniculorum parte nascentibus fibris. Ex his radicibus folia nascuntur plura, subrotunda, lata, dilute viscentia, mollia, tenuisque lanugine pubescentia: caulisque assurgit dodrante altior, lanuginosus, rotundus, striatus, qui in pauculos divites ramulos, ipsis fastigiis flores promit radiatos, quorum scilicet discus ex plurimis flosculis lateis; corona vero ex semisflosculis ejusdem coloris componitur, embryonibus insidentibus, & calyce pelvisiformi & multifido comprehensis. Embryones deinde abeunt in semina exigua, nigricantia, pappis instructa, thalamoque affixa.

De hujus plantæ radice gravis est inter Botanicos quæstio, utrum sit venenum, an alexipharmacum? Alii huic sententiæ assentiuntur, illi alii. Alexipharmacum esse affirmant Pena, Lobelius, Camerarius, Renodæus, Fred. Hoffmann. Collegia Bononiense, Amstelodamense, Londinense, Lugdunense, Antuerpiense, Cordus in Dispensatorio Norimbergensi, Schröderus in Pharmacop. Med. Charas in Pharmacop. Regia, Contra-venenum declarant Maranta, Aldrovandus, Cortusus, J. Bauhinus, Matthioli, C. Hoffmann. Collegium Florentinum, & Ultra-

Ratio-

Rationum momenta ad hanc radicem rejiciendam petunt ab experimentis, tum in canibus, tum in homine tentatis. Cortufus enim Matthiolum monuit, facta a se pluries periculo, extingui facile canes qui hæc radices devorant; quod Matthiolus, experimento quoque in cane facta, & post septem horas mortuo, verum esse comprobavit.

Opponunt nonnulli non pauca reperiri brutis animantibus noxia aut letifera, homini vero innoxia, imo salutaria. Sed rem non ita se habere de Doronico, Gesneri experimentum in se ipso demonstrat. Ipse, ut manifeste redargueret Matthiolum, hujus radices Zij. se sumpsisse narrat. 2. *Epist.* 20. & 22. & per octo quidem horas bene se habuisse: verum iis elapsis, ventrem ac stomachum inflari sensit, & circa os ventriculi imbecillitatem quandam, & corpus totum infirmius, ita fere ut alias semel ac iterum ex nimio aquæ frigidæ potu perceperat. Quæ symptomata cum biduo durarent, & non viderentur sponte cessura, ingressum fuisse aquæ calidæ dolium, & curatum fuisse.

Non enim fides adhibenda est Costo, qui in *Electuario de aromatis Mesue*, scribit Gesnerum usu illius radices obiisse; quandoquidem constat periisse lue pestifera, quæ Tiguri grassabatur, correptum anno 1565. Propria igitur Gesneri confessione, noxia Doronici vis satis manifesta est, & fortasse majori dosi sumpta mortifera fuisset. Frustra insistent Doronici radicem recentem & succulentam, qualis a Matthiolo & a Gesnero tentata fuit, noxiam esse; exsiccata vero innoxiam, qualis nempe usurpari solet in *Diambra Mesue*, & *Diamargarito calido*, *Avicenna*, *Diamolcho*, *Electuario de gemmis*, *Electuario lætificante*, *Confectione liberante*, & aliis; quæ quidem compositiones, non solum sine noxa, sed etiam summo ægotantium levamine, multis abhinc annis exhibitæ sunt. Referunt enim alii ab illo usu *Offinarum*, Doronici salubritatem non probari; quandoquidem in his compositionibus satis exigua dosi sumitur hæc radix, & cum aliis alexiteriis medicamentis permixta, quibus ejus vis deleteria retunditur. Si itaque certam ejus experientiam desideramus, sola hæc radix erit propinanda. Sed quis tentabit? Hic enim non habet locum illud: *Quid tentare nocebit?*

Itaque cum tuto curare debeamus, non dubio & accipiti utamur medicamento, cum plurima alia sint præstantiora, & experientia comprobata. Procul igitur a foro pharmaceutico ablegandum Doronicum censemus, quod non constat Arabes in compositionibus cardiacis sub *Durunegi* nomine hanc radicem intellexisse. Huic vero *Zerumbeth*, *Zedoaria*, vel *Caryophylli aromatici*, annuente ipso *Avicenna*, substituenda sunt.

Germani Doronicum Germanicum, seu *Arnica Schroderi*, sub hac censura comprehendere recusabunt; quandoquidem maximus apud eos fit, & salutaris illius usus.

Hæc planta, quæ Doronicum Plantaginis folio, alterum, C. B. P. Doronicum Germanicum, foliis semper ex adverso nascentibus, villosis, J. B. *Alisma Matthioli*, seu *Plantago montana*, *Ejusdem*. *Damasonium primum*, *Dioscoridis*, *Tabern. Icon. Arnica*, *Schroderi*; *La-gealupi*, *Ejusdem*. *Arnica lapforum Panactæ Febrii Ephem. Natur. Curios. ann. IX. & X. Parmica montana*, *Hist. Lugd. Alisma Alpinum*, seu herba Plantaginis foliis, flore Doronici sternuamenta movente,

vente, *Gesneri de Hort.* Calta Alpina, *Ejusdem*. Nardus Celtica altera; *Lobel. Adversar.* Chrysanthemum latifolium, *Dodon.* Profert folia Plantagini villosæ æmbla, leviter hirsuta, & molliora, summæ potissimum telluri incumbentia, quaterna ut plurimum, rariora in tereti & lanuginoso caule, semper tamen bina ex adverso posita; a quorum finu plerumque unus, interdum terni exsurgunt furculi, suis, mense Junio, singuli floribus in fastigio conspicui, aureo fulgore Doronicum æmulantibus, eodemque modo cum semine suo tenui, oblongo, & nigro, in pappum postea satiscitibus. Radix subest oblonga, summæ telluri pluribus fibris innixa, cum foliis & floribus aromatica tota.

Herba cum floribus sudorifica est, diuretica, & interdum vomitoria. Contra grumosum & coagulatum sanguinem cum cerevisia cocta, vel infusa in vino aut in aqua idonea exhibetur; & tantæ est efficacis ac virtutis, ut lasporum Panacea in *Ephem. Germanicis* prædicetur. Dosis a pugillo uno ad ij. pro robustis.

Statim atque assumpta est, inquit Fehrius, tanto impetu ad locum affectum fertur, sanguinique grumosi perumpit latebras, ut magnos ibidem cruciatus, & summam quandoque respirandi difficultatem suscitasse observatum sit, præsertim a nimia ejusdem dosi, & ubi malum inveteratum est & contumax; quæ tamen omnia brevi, vel spontaneo vomitu, vel abundanti urinæ profluvio, vel etiam venæ sectione, si necessitas urgeat, sedantur, cum exoptata corporis ineolumitate & virium restitutione. Ubi autem nulla manifesta læsio, ibi quoque nullus ab hoc assumpto medicamento dolor.

Radix sapore est amaro, acri, aromatico cum odore fragrante: diuretica quoque est, & menses ciet in vino cocta.

Flores lixivio incoquantur ad capitis dolorem, & ad flavum colorem capillis conciliandum.

Pulvis quoque ptarmicus ex floribus, foliis, & radice paratur præstantissimus.

ARTICULUS DECIMUS SEXTUS.

De Galanga minore & majore.

DUÆ Galangæ species occurrunt in officinis, minor & major. Galanga minor, & Galanga Sinenfis *Officinarum*. Chaulengian & Chaferudarua, *Avicennæ*. Γαλάνιον & Γαλάνιον Pauli Æginetæ & Aetii. Radix est tuberosa, nodosa, geniculata, internodiis quibusdam reflexa & intorta, in brachia vel ramos divisa, zonis quibusdam circularibus cincta, inæqualis, dura, solida, minimum digitum crassa; colore foris fusco, intus subrubro, odore aromatico fragrante; sapore acri, aromatico, subamaricante, pungente, & fauces exurente, Piperis aut Zingiberis modo. In frustra parva nobis affertur ex China & India, ubi sponte crescit, & ab incolis etiam colitur.

Hæc

Hæc radix veteribus Græcis prorsus incognita fuisse videtur : a quibusdam tamen pro Acoro legitimo *Dioscoridis* sumitur, sed perperam, ut jam diximus, *artic. de Acoro*.

Planta quæ ex hac radice affurgit, Lagundi Indorum dicta, foliis constat gramineis instar Zingiberis, floribus albis quasi galeatis, fructu tricapsulari, seminibus parvis subrotundis turgido.

Galanga major, Galanga Javanensis, *Off. Radix* est tuberosa, nodosa, inæqualis, geniculata, Galangæ minori similis, sed major, pollicem unum aut alterum crassa, odore & sapore longe debiliore & minus grato, colore foris ex fusco rubescente, intus pallido.

Galanga major Græcis tum veteribus, tum junioribus ignota fuisse videtur, quin etiam Arabibus. Ex Insula Java, & Malabarica regione, ubi sponte oritur, nobis deferitur. Planta ex qua educitur, *Bangula* dicitur.

Galangæ radices sale volatili, oleoso, aromatico, pollere videntur, uberiore in minore, quam in majore. Sed præterea adstrictio major in tantum, quam in Acoroprehenditur. Unde ad ventriculi tonum laxatum roborandum efficacior censetur.

Recens utriusque Galangæ radix ab Indis ad varia ciborum condimenta præparanda usurpatur. Stomachica est, cephalica, cardiaca, & uterina. In cruditate & inflatione ventriculi plurimum confert: in vertigine tanquam singulare medicamentum commendatur, dummodo a prava ciborum concoctione in ventriculo oriatur, ut sæpe accidit: Flatus discutit, colicis doloribus opitulatur, ceterisque corporis affectibus convenit, quia ventriculi debilitate nascuntur; menses provocat.

Observandum tamen circa hæc aromatica medicamenta, quæ tanquam stomachica, seu ciborum concoctionem juvantia, tantopere prædicantur, ea non temere esse usurpanda in omni ventriculi imbecillitate seu cruditate; quandoquidem difficilis ciborum concoctio a causis plane diversis, seu a diversis ventriculi, ut vocant, intemperiebus oriatur.

Modo enim laxior est fibrarum ventriculi tonus, ita ut hoc viscus alimentum licet concocta nonnisi segniter & tardissime propellere possit in intestina, unde diuturniori in ventriculo mora vel acescunt, vel in mucosam putrilaginem convertuntur. Modo ventriculi membranæ ad inflammationem proclives sunt, & fibræ nervæ adeo crispatae & convulsæ, ut chymum per pylorum expellere vix possint. Modo ventriculi succus nimio sero dilutus est, nec sufficienti spirituum copia instructus: unde quasi vappidus ad ciborum concoctionem minus aptus est & idoneus. Vel uberiore sulphurearum partium, aut salinarum acrium, acidarumve particularum copia turgidus, pravam concoctionem efficit. Quæ quidem causæ prorsus diversæ, licet eundem effectum producant, nihilominus diversam hujusce affectus curandi rationem expostulant.

Considerandum igitur quam ex causa pendeat coctionis vitium. Si enim ab intemperie, ut ajunt, calida, seu ab inflammatoria membranarum ventriculi dispositione, & a fibrarum nervearum crispatura seu convulsiva tensione, tunc aromatica omnia non modo non juvant, sed econtra maxime lædunt. Unde in melancholicis & hypochondriacis affectibus nocent, & sæpius hydropem inducunt. Quare, recte quidem admonente

Valleo, in stomachiorum aromaticorum usu ad urinas caute attendendum est. Si enim quantitate minuantur, si colore mutentur, & turbidæ fiant, ac rubicundæ, statim sane a stomachicis abstinendum; ascites enim hydrops imminet. Opportune vero & utilissime adhibentur in frigida ventriculi intemperie, seu in vappida salivæ stomachalis constitutione, & præsertim cum ardentibus vini, Juniperi, &c. spiritibus conjuncta. Nec minus conveniunt, dum fibrarum ventriculi tonus laxatus est, ea potissimum quæ quadam stypticitate aut amarore prædita sunt. Si vero ipsior sit stomachalis saliva, tum licet aromatica spissior hanc lympham incidendo, ventriculique membranas stimulando, nonnunquam juvent; diluentia tamen longe magis profunt. Quæ quidem in stomachicorum administratione attente consideranda sunt.

Galangæ majoris longe minor est energia, quam minoris; unde ad usum Medicum majori minor anteponitur. Dosis a gr. xv. ad ʒß. in substantia; infusa vero a ʒß. ad ʒij. in aqua vel vino. Cum medicamentis purgantibus permiscetur. ad eorum vim contemperandam & demulcendam.

℞. Rad. Galang. minor. ʒj. Rad. Pæon. mar. pulver. Sacchari cand. ana ʒß. Misce. Fiat pulvis in vertigine a ventriculi cruditate oriunda.

℞. Galang. minor. minutim concisæ ʒij. Infund. in vini generosi ʒvj. cum Sacchar. vel Syr. cujuslibet, q. s. Sumat æger.

In cordis palpitatione, pulvis rad. Galangæ cum succi Plantaginis, vel vini austeri, q. s. in massam redactus, & super pannum coccineum regioni cordis admotus, tanquam specificum a quibusdam habetur.

Galanga minor usurpatur in Electuario Orvietano, Benedicta laxativa, Tabellis magnanimitatis, Pulvere aromatico rosato, & Pulvere lætificante, *Charas*.

ARTICULUS DECIMUS-SEPTIMUS.

De Gentiana.

Gentiana Officinar. *Gentiana*. Dioscoridis & Græcor. Radix est pedem plus minusve longa, pollicem unum aut alterum crassa, multifida, fungosa, foris fusca, intus ex flavo rufescens, sapore intense amaro. Ex Alpibus, Pyrenæis, Arvernæque montibus, ubi copiose crescit, affertur. Quæ nimis corrugata est, seu obducta, & intus nigricans, rejicitur.

Planta quæ Gentiana major, lutea, C. B. P. Gentiana vulgaris major Hellebori albi folio, J. B. Gentiana *Dodon.* dicitur, a Gentide quodam Illyriorum Rege, nomen accepit, referente Dioscoride. Ejus folia sunt Hellebori albi foliis similia, circa radicem multa, per caules ex adverso sita, eosdem pediculis connatis amplectentia, nervis tribus aut quinque Plantagineis distincta, glabra, lucida, hisque notis ab Hellebori foliis distincta. Caules cubitales, bicubitales & altiores, singulares, læves, flores sustinent verticillatim positos, monopetalos, campaniformes, patentes, quinquefidos, pallide luteos; cum pistillo quod ex caly-

calyce surgit, infimam floris partem perfodit, abique deinde in fructum membranaceum, monocapsularem, ovato-acuminatum, bivalvem, seminibus foetum plurimis, compressis, orbicularis, foliaceis, seu marginatis, leviter rubentibus.

Radix, quæ sola in usum Medicum venit, magnam olei copiam præbet, multum etiam terræ exhibet & phlegmatis acidi, parum vero spiritus urinosi. Unde vires ejus referendæ sunt ad salem acidum, partim terrea adstringente saturatum, partim plurimo sulphure involutum.

Gentianam calefacere, siccare, & abstergere dicunt Medici. Eam præterea alexiteriam, vulnerariam & febrifugam esse asserunt. In morfu canis rabidi tanquam summum præsidium commendatur. Dioscorides eam præscribit cum Cancrorum fluviatilium cineribus permixta & vino potam. Nonnulli etiam ejusdem radicis pulverem cum Theriaca permixtum vulneri imponunt: sed longe tutius est vulneri, (dammodo recens sit,) scalpelli ope dilatato ignem admovere. Gentiana præterea hepatis, lienis, & uteri obstructions resolvit. Febres tertianas, nonnunquam etiam quartanas sanat, ℥j. pondere, ineunte paroxysmo, sumpta in vino, aut in aqua Cardui Benedicti, Centaurii minoris, vel Fumariæ. Nonnulli hujus radicis dosim, ad ℥vj. quarta quaque hora exhiberi volunt, non secus, ac Corticis Peruviani infusio præscribitur, cui tamen Gentianam longe inferiorem esse in febrium curatione asserere non dubitamus. Hæc radix ventriculorum languentem restaurat, cibi fastidium tollit, concoctionemque juvat, ut cætera amara, servatis tamen cautionibus supra recensitis. Putredini, venenis, ipsique pesti resistit, & vermes necat. Dosis ejus est a ℥ss. ad ℥j.

Extrinfecus adhibetur sæpius in vulneribus & fonticulis mundificandis; & ex hac radice Chirurghi turundas faciunt ad ulcera & vulnera dilatanda.

Gentiana usurpatur in Aceto Theriacali, Theriaca *Andromachi senioris*, Theriaca *Diateffaron* dicta, *Mithridatio*. *Orvietano*, *Diaferdio*, *Opiata Salomonis*, & Pulvere contra vermes, *Charar*; in decocto amaro *Pharmacop. Lond.* Infusione amara chalybeata, *Tinctura amara stomachica*, *Ejusdem Pharmacop.*

Ex hac radice paratur Extractum iisdem cum Gentiana viribus donatum, quod jam Dioscoridis temporibus in usu erat. Ejus dosis a ℥ss. ad ℥iij. exhibetur. Aqua distillatione extrahitur, quæ febrifuga existimatur; alia quoque aqua Gentianæ composita in *Pharmacopæa Londinensi* describitur.

℥. Gentianæ minutim concisæ, ℥ss. Summitatum Centaur. minor. flor. Chamæmel. ana ℞j. Sem. Card. bened. ℥j. Coq. in aq. fontan. q. s. ad ℥iij. Fiat colatura, & erit decoctum amarum alterans. Sumatur singulo mane per octiduum jejuno ventriculo ad viscerum obstructions resolvendas, ventriculorum roborandum, & vermes necandos. Laxativum efficitur hocce decoctum additione ℥j. fol. Sennæ.

ARTICULUS DECIMUS-OCTAVUS.

De Glycyrrhiza.

Glycyrrhiza apud veteres & neotericos non una eademque planta ; sed duæ species distinctæ , licet sub eodem genere comprehendantur .

Glycyrrhiza enim veterum , Γλυκίρριζα *Dioscor.* Ζανθικὴ ρίζα *Theophrasti* , a nostra differt , fructu aspero , & plurimis siliquis conglobatis , radice , non ut vulgatæ , tenui , & circumquaque repente , sed crassa , brachii longitudine & crassitie , late rectaque depacta , & minore dulcedinis gratia . Dicitur Glycyrrhiza capite echinato , C. B. P. Glycyrrhiza Dioscoridis echinata , non repens , J. B. Glycyrrhiza vera Dioscoridis , *Dodon.* Dioscorides eam in Cappadocia & Ponto crescere narrat . Eandem aut similem D. Tournefort in Orientalibus plagis reperit , quam in *Coroll. Inst.* nominat Glycyrrhizam Orientalem , siliquis hirsutissimis .

Glycyrrhiza vero neotericorum , seu Officinarum nostrarum quæ Glycyrrhiza siliquosa , vel Germanica , C. B. P. Glycyrrhiza , radice repente , vulgaris , Germanica , J. B. Glycyrrhiza vulgaris , *Dodon.* Radicibus est intus luteis seu buxci coloris , foris rufescentibus , digitum minimum aut pollicem fassus , dulcibus , succulentis , huc illuc late serpenticibus ; ex quibus caules ad tres vel quatuor cubitos assurgunt , ramosi , lignosi , foliis donati subrotundis , dilute virentibus & quasi glutinosis , binis conjugatis , costæ adhærentibus , cui summæ folium impar innascitur . Flores papilionacei sunt , exigui , subcærulei , in summitate velut in spicam dispositis ; quorum pistillum ex calyce surgens abit in siliquam rufescentem , semunciam longam , bivalvem & monocapsularem , in qua semina continentur parva , dura , compressa , & quasi reniformia . Hæ siliquæ non sunt in orbiculum congestæ , nec asperæ , aut hirsutæ ; sed singulæ singulis pediculis adhærentes , aliquanto spatio a se invicem distantes , læves . Nascitur sponte in Hispania , Italia , Gallia Narbonensi , & Germania , unde radix ad nos affertur .

Itaque Glycyrrhiza , Liquiritia , Dulcis radix Officinarum nostrarum , radix est longa , samentosa , digiti crassitie , colore foris cineraceo , vel rufescente , intus luteo , sapore dulci ,

Glycyrrhiza humores sallos & acres temperat , sanguinem increascit , ruffi & pectoris vitii medetur : In renum & vesicæ calculo confert , & immanes dolores mitigat . Quapropter Simon Pauli his in affectibus , hujus radici pulverem , modo cum medulla Cassiæ , modo cum Terebinthina cocta exhibitum summopere prædicat : Tanta est in foro Medico hujus radici commendatio , ut in omnibus fere Præsanis præscribatur , tum ad cæterorum medicamentorum vim contemperandam , saporemque jucundiorum ipsis conciliandum .

24. Hordei integri a sordibus expurgati M. j. Coquatur in aq. communis Siv. ad consumptionem quartæ partis . Dein adde Glycyrrhizæ rasæ ,
con-

contusæ, & in filamenta divisæ ℥j. Bulliant iterum ad despumationem. Fiat Pustiana communis servanda pro potu solito.

Observandum est Pustianam ex Glycyrrhizæ exsiccata, & ad despumationem decocta paratam, palato longe gratiorem esse, quam ex radice recente & viridi.

℥℥. Radicum Graminis, Fragariæ ana ℥j. Liquir. rasæ & contusæ ℥ij. Bulliant in aq. communis ℔iv. ad quartæ partis consumptionem. Fiat Pustiana aperiens.

Glycyrrhizæ usurpatur in Syrupo de Althæa; Syr. de Cichorio comp. Syr. Jujubino; Syr. de Tussilagine comp. Syr. anti-asthmatico; Syr. resumptivo seu de Testudinibus; in Tabellis Althææ comp. in Pulvere aromatico rosato; P. Diatragacantho frigido, *Charas*; in El. Catholico duplicato Rhabbaro; El. lenitivo; El. de Pyllyio; in Trochiscis *Gordoni*; Trochiscis Diarodon, &c.

Succus e radicibus extractus diversimode paratur: unde plures succi Liquiritiæ species, una exotica quæ ex Hispania in laterculos aut rotulos nigros, solidos, foliis laurinis involutos advehitur, de quo suo loco. Aliæ officinales sunt: succus nempe Liquiritiæ albus, niger & Blefensis dictus.

Albus Liquiritiæ succus, qui a quibusdam Confectio Rebechâ dicitur, sic paratur

℥℥. Glycyrrhizæ & Ireos Florentin. in pulverem redactor. ana ℥vj. Amyli ℥ij. Sacchar. albi pulver. ℥j. cum mucilagin. Gummi Tragacanth. in aq. Flor. Aurantior. soluti, q. s. Fiat pasta solidior, ex qua formentur tabellæ vel baculi in umbra siccandi.

Succus liquiritiæ niger sic conficitur.

℥℥. Extracti Liquiritiæ, & Sacchar. pulverati ana ℔ij. Gummi Arab. soluti ℥j. Mucilagin. Gummi. Tragacanth. in aq. Flor. Aurantior. extractæ ℥jss. Misceantur simul, & formentur baculi vel tabellæ, vel rotulæ: in umbra siccantur.

Succus Liquiritiæ Blefensis sic præparatur

℥℥. Gummi Arabici crassiuscule triti ℔vj. Sacchari ℔ij. Glycyrrhizæ siccata, rasæ, & contusæ; ℔ij. Infunde Glycyrrhizam per horas xxiv. in aq. fontis ℔xxx. Coraturam divide in tres partes, in quarum duabus dissolve igne lento Gummi Arabicum, & trajice per se-taceum: tum coque cum tertia decocti parte, addendo sub finem Saccharum, ad emplastri consistentiam, continuo agitando ut candidus fiat.

ARTICULUS DECIMUS-NONUS.

De Helleboro albo, & nigro.

E'Διέβορις; vel Ε'λλείβορον, vel Ε'λλείβορις, *Græcorum*, Helleborus; aut Elleborus, & Veratrum, *Latinorum*, radices fuere apud Græcos Latinosque usitatissimæ; quarum duo genera distinguebantur, album scilicet, & *Geoffroy Tom. I.*

nigrum. Verum licet vulgarissima fuerint hæc remedia, ob insignem purgandi virtutem; eorum tamen mentio adeo manca est & obscura: apud antiquos, ut quænam sint plantæ, ex quibus illa medicamenta extraherentur, vix dijudicari possit.

Hellebori apud Theophrastum historia manca est & truncata, ac proinde ex ea perparum lucis ad hæc plantas detegendas expectandum est. Apud Dioscoridem Hellebori albi descriptio Veratro albo nostro satis apte convenit: sed ejus de nigro narratio, nigro recentiorum Helleboro minus congruens videtur. Nigri enim Hellebori folia, inquit Dioscorides, viridia sunt, Platani similia, sed minora, foliis Spondylii proxima, pluribus divisuris scissa, nigriora & subaspera: caulis asper, flores candidi, aut purpurascetes, racematim cohærentes, semen intus Cnici quod & Anticyxi Salsamoides vocant, & in purgationes adhibent. Radices sub sunt tenues, nigræ, velut e capitulo quodam Cepæ simili dependentes, quarum etiam usus est.

Ex hac descriptione, nostræ Hellebori nigri species minime dignosci possunt. Folia enim non sunt Platani minora, nec Sphondylii similia, nec florem ferunt racemosum, nec caulem asperum. Unde concludendum est, nos nigro Dioscoridis Helleboro carere, aut fortasse corruptum esse & depravatam hujus auctoris textum.

In Officinis vero duo Hellebori genera hodie reperiuntur, quæ colore, ut olim, distinguuntur; album, & nigrum.

Helleborum album, seu Veratrum album, *Off. radix est oblonga, ruberosa, aliquando pollice crassior, foris fusca, intus alba, numerosis albicantibus fibris stipata, sapore acri, paululum amaricante, subadstringente, ingrato, & nauseoso.*

Planta quæ, Veratrum flore subviridi, *Inst. R. H. Helleborus albus flore subviridi, C. B. P. Helleborus albus, flore ex viridi albescente, J. B. Helleborum album, sive Veratrum, Lobel. Icon. Ex radicibus fibrosis, albis, numerosis, e capite veluti bulbo, & subluteo pendentibus, caulem profert cubitum superantem, teretem, rectum, firmum, ex quo alternatim nascuntur folia, Plantaginis aut Gentianæ forma, spithamas duas longa, haud multo angustiora, liris densissimis striata, ac veluti plicata, subhirsuta, dilute virentia, rigidiuscula, basi fistulosa, caulem ambientia. A medio ferme caule ad cacumen flores ex eorum alis racematim prodeunt rosacei, ex petalis senis in orbem positis constati, herbaceo colore albicanibus: horum medium tenent stamina sex pistillum cingentia, quod deinde muratur in fructum, in quo velut in capiculū colliguntur tres vaginæ compressæ, membranaceæ, semiunciam longæ, semina continentes oblonga, candicantia, granis Tritici similia, marginata, & quasi ala foliacea cincta.*

Alia est Veratri albi species, quæ Veratrum, flore atrorubente, *Inst. R. H. Helleborus albus, flore atrorubente, C. B. P. Helleborum album, flore nigro, J. B. Helleborum album, floribus atrorubentibus, præcox, Lobel. Icon. nuncupatur. Foliis longioribus, tenuioribus, magisque caducis; caule procerrimo, paucioribus foliis cincto, floribus atrorubentibus, a priore differt. Luxuriat in omnibus Galliæ montibus, Alpibus præsertim, & Pyrenæis.*

Helle-

Helleborum nigrum, & Veratrum nigrum, *Officin.* quod & Melampodium Græcis dicitur a Melampo quodam, (sive Medicus, sive pastor fuerit) qui primus purgationem instituit: unde *κ-αρτερης*, id est purgator nominatus fuit, & hocce medicamento Proeti filias in furorem actas persanavit. Radix est tuberosa, nodosa, ex qua velut ex capite numerosæ pendunt fibræ, densæ, foris nigrae, intus albæ, sapore acri cum amaro conjuncto, & nauseam quasi provocante, odore vero, dum recens est, vehementi.

Planta dicitur Helleborus, niger, angustioribus foliis, *Infl. R. H.* Helleborus niger, flore roseo, *C. B. P.* Elleborus niger legitimus, *Classi Hist. flor.* Ex radice nascuntur folia pediculo spithameo, crasso, succulento, tereti, punctis purpureis ut Dracunculi majoris notato appensa, ad pediculum usque in novem, ut plurimum, partes digitatim divisa, quasi totidem foliola, rigida, lævia, obscure virentia, & serrata, præsertim a media parte ad apicem usque. Singulae autem partes foliorum Hellebori non male foliis laurinis comparati possunt, si seorsim spectentur. Caulis prorsus caret: sed flores singulares, vel bini, pediculo 4. 5. vel 6. uncias longo innituntur, rosacei, ex 5. petalis, ut plurimum, conflat, subrotundis, primum albidis, deinde purpurascens, postremo virefcentibus, nullo calyce suffulti. Horum medium occupat numerosa staminum congeries, inter quam & petala adest corona quædam duodecim aut quindecim corniculorum subulcorum, quæ sesquilineam longa sunt, cum ore oblique inciso. In centro vero staminum adest pistillum quinque vel sex conflatum siliculis, quæ deinde abeunt in siliquas membranaceas, corniculatas, in capitulum congestas, tumidas, rufescentes, dorso elato & quasi foliaceo, in hamum veluti tenuato; fibris autem semicircularibus & transversis muniuntur, quarum contractione in duas valvas introspectantes aperiuntur. Quælibet enim siliqua revera musculus est biventer & concavus, tendine fixo extrorsum seu in dorso posito, mobili vero introrsum. Semina gemina serie disponuntur in cavitate siliquæ, ovata, duas lineas longa, splendentia & nigricantia. Nascentur in Alpibus & Pyrenæis, & frequenter colitur in hortis, non tantum ob florum venustatem, sed etiam ad usum.

Alia est Hellebori nigri species, quam D. Tournefort legitimum Helleborum nigrum Hippocratis & antiquorum esse arbitratur: cum frequenter occurrat non solum in Anticyris insulis, quæ sunt e regione montis Oetæ, in sinu Maleaco qui nunc vocatur, *Le Golfe de Zeiton*, non longe ab insula Eubœa, *Negrepont*; sed etiam frequentius nascatur in oris Ponti Euxini, & vulgarissimus sit ad radices montis Olympi in Asia, circa celeberrimam civitatem quæ Prusa vocatur. Ab eo vocatur Helleborus niger Orientalis, amplissimo folio, caule prælato, flore purpurascens, *Cor. Infl. R. H.* Helleborus niger Orientalis, *Bellonii*. Hujus radices similes sunt radicibus Hellebori nigri supra recensiti, sed crassiores, longiores, acedinis & odoris plane expertes, ac insigni amaro donatæ: folia ejusdem formæ, sed longe ampliora, pedalia ferme. Caulis pedem superat ramosus; flores prorsus similes profert, quibus semina & capsulae pares succedunt.

Pro radicibus Hellebori nigri legitimi nonnunquam utuntur radicibus

Hellebori nigri tenuifolii, Buphtalmi flore, *C. B. P.* sed perperam. Nam radices hujus plantæ, quæ ad Ranunculi genus a *D. Tournefort* reductor sub nomine Ranunculi fœniculaceis foliis, **Hellebori nigri radice**, *H. R. Monspeli. Inst. R. H.* nequaquam purgant, ut a *Dodonæo* & a *Cl. Tournefort* observatum fuit. Unde **Helleboro nigro** legitimo potius substitui debent radices **Hellebori nigri hortensis**, flore viridi, *C. B. P.* & **Hellebori nigri fœtidi**, *C. B. P.* quales Parisios ex Arvernæ montibus adportari solent.

Hæc planta, quæ **helleborus niger hortensis**, flore subviridi, *C. B. P.* **helleborus niger vulgaris**, flore viridi vel herbaceo, radice diuturna, *J. B.* **Veratrum nigrum**, secundum, *Dodon.* cujus folia foliis hellebori nigri angustioribus foliis, *Inst.* æmula sunt, sed angustiora, nigriora, ambituque toto serrata: caulem habet pedem plus minus altum, in ramulos cacumine diviso; a quibus stosculi deorsum nutantes dependent, minores, coloris e pallido herbacei: radices fibrosæ aliquanto tenuiores, minus nigricant.

Verum ad explorandum utrum radices, quæ **hellebori nigri veri** nomine divendi solent, præstent ad usum medicum, *D. Tournefort* hoc tentamen proponit. Infundantur in aq. fontis q. l. deinde in alambice distillantur. Si enim aqua, quæ distillatione prodit, saporis sit expers, rejici debent radices illæ tanquam inutiles; adhiberi vero, si aqua sit acrior.

Analysi Chymica, ex radicibus hellebori albi, primum, ignis ope educitur spiritus saporis acerrimi, qui Mercurii sublimati solutionem coagulat. Huic succedit liquor acidus & erodens, tum sal volatilis concretus, ac oleum. Sed terræ tanta copia remanet, ut ponderis radicum tertiam partem æquet. Præterea insulum radicum hellebori albi chartæ subcœruleæ tincturam magis vividam efficit, qualis percipitur, cum eadem papyrus in aquam calcis immergitur.

Ex libris quinque fibrarum hellebori nigri **analysi Chymica**, liquoris virescentis & acerrimi saporis ℥viii. prodierunt, quæ nullam mutationem attulere neque **heliotropio** neque **Mercurio sublimato**. Deinde in vas recipiens fluxerunt ℔ij. & ℥xij. cum ℥vj. liquoris, qui sensim ex viridi limpidior, atque ex acri in acidum & stypticum saporem vertebatur; ita ut **heliotropii** tinctura, non purpurea solum, sed ignea evaderet: quæ postremo prodire ℥iv. spiritui salis assusæ effervere, & **Mercurium sublimatum** aqua solutum in præceps cadere coegerunt. Oleum fœtidum ponderis fuit ℥iſſ. Caput mortuum vero ℥x. in quo Salis fixi ℥vj. & Terræ damnatæ ℥ij. cum ℥j. Præterea papyrus subcœrulea in harum radicum insulum immersa, non vividior emergit, sed obscurior; & ad colorem violaceum vergens.

Ex his patet saltem alcali in radicibus **Veratri albi** dominari: contra vero eundem illum saltem ab acido domari in radicibus **Hellebori nigri**. Insuper his in radicibus acris quidam spiritus inest salino-sulphureus, qualis oritur ex affusione spiritus vini rectificatissimi & spiritus volatilis Salis Ammoniaci; talis enim primum erumpit ex earum distillatione. Sed spiritus ille volatilis, acris, sic a sulphure involvitur, ut nullam inferat mutationem **heliotropio**, nec **Sublimato corrosivo**. Si, cum ea distil-

latio

latio incipit, ignis paulo vehementior adhibeatur, spiritus acris loco, ossa ex iisdem principiis constans erumpit.

Cœterum vis cathartica Hellebori, neque acido, neque acri, neque sulphuri separatim tribuenda videtur, sed iisdem omnibus naturaliter commixtis; cum Extractum radicum Hellebori ex spiritu vini nequaquam purget; neque aliud Extractum, ex residuo denuo paratum cum aqua, humores educat, sed Extractum primo aquæ folius ope elicatum. Aqua enim salia acria, & tartarea solvit, moxque eorum ope sulphureas partes.

Utriusque Hellebori radices vehementer evacuant: unde inter purgantia mochlica recentientur, hoc est, ea quæ magna movendi vi, exigua quantitate assumpta humores partibus impactos, & tenaciores educunt, quasi agerent vectis cuiusdam potestate, Gallice, *leviter*, Græce *μόχλοι*. Veratrum album vomitione purgat, varios humores educit, & quidem magna cum vi, & molestia summa. Quocirca ab antiquis exhiberi non solebat, nisi ubi longi, valentesque morbi erant, speique ex aliis remediis adempta: hodie vero ob vehementiam, numquam in substantia exhibetur.

Hujus radices pulvis sternutationes excitat naribus exceptus, & inter *πτερυγῶν*, seu sternutatoria valentissimus est in affectibus soporosis. Si soticulo hic pulvis admoveatur, alvum movet, & vehementer purgat.

Veratrum nigrum humores omnes deorsum ducit, non tamen citra molestiam, ac difficultatem. Idcirco nonnisi robustis, ac validissimis exhibebatur. Hodie raro datur in substantia, tuncque a gr. xv. ad ℥ij. in decocto a ℥j. ad ℥ij. Sed præscribitur sæpius ejus extractum cum aqua pluviali paratum, a gr. xij. ad ℥j. vel ℥℥.

Prodest ex Veratro nigro purgatio infantiis, maniacis, melancholicis, comitiali morbo afflictis, podagricis, apoplecticis, paralyticis, hysteriis, elephanthiacis, quartana laborantibus, & omnibus quos vel atra bilis, vel melancholicus humor molestat.

Nec sola vis cathartica in Helleboro nigro laudatur, sed etiam a pluribus Medicis virtus alterandi humores, eorumque lentorent resolvendi in eo agnoscitur & commendatur. Arbitrantur enim hanc medicinam melancholicos succos, non tam purgando, quam alterando, emendare.

Externe Veratrum nigrum lichenas, psoras, lepras abstergit. In fistulam callosam indutum, callum duobus, aut tribus diebus detrahit, auctore Galeno:

Purgatio ex Helleboro nascenti Medicinæ cœva fuit. Hippocrates utroque Helleboro usus fuit, qui Hellebori simpliciter dicti voce, alvum designat; nigrum vero cum adjectione semper denominat, ut putat Galenus. Hæc purgandi ratio, ob ejus vehementiam, spectatissimis omnibus Medicis suspecta fuit, nec nisi summa cum cautione ab ipsis veteribus adhiberi solebat.

Veiant, inquit Plinius, dari senibus, & pueris: item mollis, ac foeminei corporis animive, exilibus aut teneris; & foeminis minus quam viris: minime excreantibus, & caulatis.

Ad Hellebori exhibitionem duo præcipue considerabant: alterum, nam morbi forent pertinacissimi; alterum, num vires constarent. Cumque congruens videbatur illius usus, non adhibebant, nisi prægressa ægrotantis & ipsius medicamen-

camenti diligenter præparatione . Corpus enim septem ante diebus præparabant , tum diæta , tum minorativis medicamentis . Helleborum in Anticyris collectum , ut præstantissimum , eligebant . Imo has insulas adire consueverant , ut illud tutius sumerent . Unde natum proverbium : *Navigare Anticyras* ; quod idem est , ac insanire remedium querere . Illud vero variis modis ibi præparabatur , & corrigebatur ; quæ quidem correctiones , & præparationes non omnes ad nos pervenerunt . Hanc refert Aëtiarius : Pars radicis fibrosa , rejecto capitulo , in aqua paululum macerabatur , deinde cortex detractus , & separatus a tenui , quæ ipsi subest , medulla , in umbra exsiccabatur . Ex Passo , & Oxymelite exhibebatur , nonnumquam , suavitatis gratia , cum odoratis seminibus permixtus . Si vero efficacior purgatio desideraretur , Scammonii paucillum adjiciebatur .

Hippocrates *lib. de victu in acutis* , Helleborum Dauco , Sefeli , Cumino , aut Aniso , aut quolibet alio ex odoratis temperari jubet . Plinii tempore , Hellebori nigri radices dissectis Raphanis inferebant , & coquebant , ut vis Hellebori vehementior dissiparetur ; & tunc radices alii coctione temperatas , alii Raphanos rejectis radicibus comedendos , alii decoctum vi purgante imprægnatum hauriendum ægrotantibus præbebant .

Hodie vero Hellebori usus fere exolevit , ex eo potissimum tempore , quo Stibii præparationes catharticæ , & vomitorie innotuerunt . Quæ quidem longe tutiores mihi videntur purgandi rationes nec minus efficaces .

Purgatio autem ex Hellebora , inquit Fernelius , difficilis est , terrorisque plena , solique robusto , & animoso adhibenda . Mefues quoque profert homines sui temporis jam ferre non posse Helleborum album , nigrum vero nonnisi difficillime . Constatendum est etiam hominum corpora hocce sub clymate , vehementes ejusmodi purgationes ferre vix posse . Vehementissima autem est Hellebori actio ; quandoquidem , ipsius Dioscoridis tempore horrenda nonnumquam ab Hellebora excitarentur symptomata , nempe intolerabiles alvi fluxiones , suffocationes , convulsiones , animi deliquia , cordis palpitatio , lingue arefactio , dentium contractio , frequentissimi ructus , singultus , viscerum , & universi corporis inflammatio ; & nisi illis succurratur , tremor consequitur universum corpus occupans , quocum postremo commoriuntur ægri . Quæ quidem symptomata , aut a nimia hujusce remedii dosi , aut ab intempestiva ejusdem exhibitione oriuntur .

Neque existimandum est Helleborum antiquorum , seu Anticyræum , mitius fuisse ; quandoquidem D. Tournefort facit , omnes , quibus Hellebori Orientalis extractum exhibuit , etiamsi de superpurgatione non quererentur , nauseis tamen torqueri , ventriculi gravedine cum agrimonia & phlogosis suspicione conjuncta , quæ fauces , & anum etiam minitabantur : eosdem præterea per plures dies Cephalalgia , & lancinationis sensu , artuumque tremore affici , ita ut ab illo remedio abstinere coactus fuerit : nostratis vero longe minor est vehementia . Sic autem præscribi potest :

℞. Fibrarum Veratri nigri tenuiter concisarum ℥ss. Enjice in lactis fermentis ℥vj. Coque leviter , & infunde per noctem . Colaturam capiat mane .

℞. Hellebor. nigr. capillam. ℥j. Decoquantur in aq. pluvial. ℥iiij. ad tertias . Cola .

Colaturæ adde Mellis optime despumati ℥ij. Misce. Capiat cochlear unum cum jusculo pingui alternis diebus in mania.

℥. Extracti Hellebori nigri gr. xv. Aquilæ albæ, & Succini pp. ana gr. xij. Cremoris Tartari gr. xx. M. F. bolus cum f. q. medullæ Cassiæ recens extractæ.

℥. Extracti Hellebori. nigr. ℥j. Cremor. Tartari ℥ss. Missæ seu pulpæ Cydoniorum q. f. Fiat bolus.

Melius autem corrigitur Cremore Tartari, Sale Prunellæ, Tamarindis, Oxymelite, & succo Cydoniorum, quam aromaticis.

Plurimæ sunt, & diversæ apud auctores utriusque Hellebori præparationes, inter quas hæ præcipuæ sunt.

Extractum Hellebori nigri conficitur, radices tenuiores, & tenuissime concisâs in aq. pluvialis q. f. decoquendo ad tertias. Fiat colatura, quæ postea evaporatur ad extracti consistentiam.

Extractum Hellebori albi seu Arcanum radicum Hellebori purgans, *Petri Joannis Fabri*, sic præparatur:

℥. Rad. Hellebor. alb. tenuiter concisar. ℥j. Aceti stillati ℥ij. Marcerentur per dies viij. supra cineres calidos. Tinctura per inclinationem extracta, per chartam bibulam coletur. Deinde distilletur lente ad Mellis consistentiam. Tum:

℥. Specier. El. Diarrhodon Abbatis, & Aloes hæpaticæ ana ℥i. Caryophyllor. ℥ij. Cinnamomi ℥i. Moschi, Ambraë cinericæ ana gr. viij. M. F. pulvis ex quo extrahatur tinctura ope Aceti stillati, ex Helleboro extracti. Tinctura percolata jungatur cum extracto Helleborino. Permisceantur exacte, & Acetum per blandam distillationem extrahatur, donec remaneat massa debitæ consistentiæ, ad pilulas conficiendas, quæ plurimum commendantur in vertigine, epilepsia, & aliis morbis capitis, ad ℥ss.

Ex utroque Helleboro, auctore eodem P. J. Fabro, Oleum per descensum extrahitur, quod supra cineres proprios vel alios optime calcinatos rectificari debet, donec foetorem, & empyreuma deposuerit, ac deinde cum Oleo Cinnamomi, aut Anisi circulari. Egregie purgat ad gutt. x. aut xij. cum Syrupo Rosato solutivo, vel Syrupo de Cichorio.

Ex Helleboris parantur Vinum, Oxymel, Syrupi, quorum descriptiones in Pharmacopæis videre est.

Usurpatur Helleborum nigrum in extracto Catholico *Sennerti*, in Extracto Panchymagogo *Crollii*, & *Hartmanni*, in Extracto Catholico, & Chologogo *Rolsncii*, in Pilulis *Matthæi vel Starkii*, Pilulis Tartareis *Quercetani*, tum & Syrupu Helleborato *ejusdem*, in Hyera Diacolocynthidos, & Electuario Senato.

ARTICULUS VIGESIMUS.

De *Hermodactylis*.

E *Ἡρμόδακτυλος*, *Hermetis* seu *Mercurii* digitus, vox est, quæ a quibusdām ex Græcis junioribus variis rebus tribuitur. Assignatur enim tum bulbosæ radici de qua nunc agitur, tum radicibus *Behen* dictis, ab *Avicenna* vero flori plantæ, aut potius radicis *Surengian* nuncupatæ: quæ quidem radix eadem videtur esse cum *Hermodactylo* Græcor. juniorum. Hunc florem *Asaba* *Hermes* nominat, id est digitum *Hermetis*. Et credendum est hoc nomen sensum a flore aut radicem transivisse.

At vero quānam sit hæc planta, conijcere licet ex eo quod *Serapio* uno eodemque capite de *Colchico*, de *Ephemero*, & de *Hermodactylis* tractaverit, utpote plantis congeneribus. Et revera *Hermodactylus* in officinis *Colchici* species habetur. Contrarium probare tentat *Matthioli*us, ex eo, quod *Colchicum* commune devoratum homines interimat. Sed hæc ratio inutilis est. Aliquod tamen inter *Colchicum* commune, letiferumve, & *Hermodactylum* officinarum discrimen deprehenditur; cum *Hermodactylus* exsiccatus, albus remaneat, neutiquam rugosus, modice durus, tundique facilis sit, & pulverem habeat candidum, quæ omnia *Colchici* radix siccata non habet. Est enim rugosa, mollior, rufescens, aut subnigra foris & intus. Quibus signis hæc radices ab invicem facillime distinguī possunt.

Hermodactylus, *Officinar.* *Ἡρμόδακτυλος* *Pauli* *Æginetæ*: *Alsurengian*, *Avicennæ*; *Gallicæ*: *Hermodactē*; radix est dura, tuberosa, trigona, seu cordis dimidiati speciem gerens, ex una parte compressa, ex altera tuberosa, & velut in mucronem desinens, cum sulco a basi ad mucronem in parte gibba excavato, unciam superans, foris rufescens, intus candida, quæ contusione in substantiam farinaceam facile redigitur; saporem viscoso, subdulci cum levissima tamen acrimonia.

Hermodactyli probantur candidi, corpulenti, pleni, graves, compacti, non carie exesi.

Dubitant *Seplasiarii* nonnulli utrum sit radix, vel fructus cuiusdam plantæ. Verum qui tractare solent herbas, facile agnoscunt radicem esse tuberosam, tunicis denudatam, quæ desinere sub tunicis *Colchici* communis, a cujus radice distinguitur tantum sapore, colore, & duritie. Quod quidem *Botanicorum* nostri ævi *corryphæus* *Tournefortius* confirmavit, cum *Hermodactyli* plantam in Asia minore cum foliis, & fructibus *Colchici* sæpius reperiisse asseruerit. Nullus igitur superest dubitandi locus quin *Hermodactylus* sit radix cuiusdam *Colchici* *Orientalis*, quod dicitur, *Colchicum* radice siccata alba, C. B. P. Sola pars interior ex Oriente, ad nos deferretur, tunicis suis spoliata, & derafa.

Arabes hocce medicamento veteribus Græcis ignoto *Pharmaceuticum* aramentarium locupletarunt. Ex junioribus Græcis *Paulus* *Ægineta* de eo primus mentionem fecit.

Ex Hermodactylis, analysi Chimica, multum phlegmatis, tum acidi, tum urinosi, ac sulphuris extractum est terræ plurimum, salis fixi quantitas exigua; quæ sane demonstrant eorum vim a Sulphure & Sale Ammoniaco cum paucis Tartaro conjuncto pendere.

Hermodactyli recentes pituitam, & serum per vomitum, & alvum purgare dicuntur. Siccati vero aut tosti Egyptiis, & præsertim sæminis nutrimentum præbent, a quo pingues fieri existimant.

Siccati, quales in officinis nostris reperiuntur, pituitam crassam aliosque humores viscidos peculiariter ab articulis trahunt, sed purgandi virtute donantur admodum debili. Arthriticorum veluti Panacea a plurimis commendantur: & in ipso fluxionis tempore, secundum Æginetam, exhibendi sunt in substantia, vel in decocto. Ab illorum usu, inquit, post biduum omnis rheumatismus cohibetur, ita ut ægrotantes consueta obire possint munia.

In substantia a ʒss. ad ʒij. exhibetur; in decocto ad ʒj. Adeo debilis est eorum purgandi vis, ut raro soli præscribantur: sed cum aliis purgativis conjunguntur, ut Aloe, Colocynthide, Aquila alba, &c. Cum etiam stomacho nimis molesti sint, flarus gignant, ciborumque inappetentiam excitent, tum Græci, tum Arabes, ea admisceri suadent, quæ stomacho conducunt, ut Zingiber, Cinnamomum, Rosæ, &c.

24. Hermodactylor. pulver. ʒj. Aquilæ alb. gr. x. Cinnamomi ʒj. cum Conserv. Rosar. q. s. M. F. bolus in arthritide.

25. Hermodactylor. pulver. ʒss. Aloes optimæ, Diagrydii ana ʒss. Zingib. ʒj. cum melle rosaceo. Fiat massa pilular. cujus dosis erit ʒj.

26. Hermodactylor. contusor. ʒss. Folior. Senn. ʒj. Cinnamomi ʒj. Infunde in vino albo per noctem. Colaturam capiat æger mane, jejuno ventriculo.

Plurimis compositionibus recipiuntur ad pituitam, & serum educendum ut in Pulvere arthritico *Paracelsi*, Pulvere panchymagogo *Quercetani*, Syrupio hydragogo *Charas*, Benedicta laxativa, Electuario Diacarthami, Electuar. Caryocostino, Pilulis scetidis, & Pilulis de Hermodactylis, *Mesue*.

ARTICULUS VIGESIMUS PRIMUS.

De Jalapa.

Jalapa, Jalapum, & Mechoacana nigra *Officinarum*, radix est oblonga, turbinata, crassa, densa, in taleolas transversas secta, gravis, foris nigricans, intus fusca vel cinerea, resinosa, fractu contumax, sapore nonnihil acri, & nauseoso. Probatum densa, resinosa, fusca, fractu contumax, & quæ flammam facile concipit.

Hæc radix Græcis, & Arabibus prorsus incognita, inter novi orbis divitias nobis advecta fuit. Nomen sumpsit a Xalapa oppido novæ Hispaniæ, unde primum asportata fuit.

Cujus-

Cujusnam plantæ sit radix, non plane constat inter auctores; an *Bryonia*, *Mechoacanna nigricans*, *C. B. P.*? an *Convolvulus Americanus* *Jalapium* dictus, *Raii Hist.*? an *Solanum Mexicanum* magno flore, *C. B. P.*? Sed refert clarissimus *Tournefortius*, post *Plumerium*, & *Lignum ex America* reduces, plantam cujus radices sub *Jalapæ* nomine usurpantur in officinis, similem esse illi, quæ dicitur *Jalapa officinarum*. fructu rugoso, *Instit. R. H. (a)*

Americana hæc planta ex radicibus crassis, foris nigricantibus, intus albicantibus, caulem profert duos cubitos altum, firmum, geniculatum, & parvulum. Folia bina nascuntur ex adverso posita, in acumen definitia, obscure virentia, & inodora. Flores monopetali sunt, infundibuliformes, lutei, vel ex albo, purpureo, & luteo variegati, cum gemino calyce, altero a quo involvuntur, altero cui insident. Is autem abut in fructum seu capsulam subrotundam, nigricantem, tres lineas longam, una parte obtusam, altera velut annulo cinctam, pentagonam, asperiusculam, & rugosam, in qua continetur nucleus ovatus, rufescens. Colitur in hortis Europæis, nec differt a *Solano Mexicano*, magno flore, *C. B. P.* quod *Gallis Belle de nuit*, vocari solet, nisi fructu magis rugoso.

Radix *Jalapæ* abundat sale acri uberrimo, acido vero pariori; cum sulphure, & terra conjunctis. Horum principiorum commixtio resinam, & gummi constituunt, quæ magna copia ex hac radice secca extrahuntur. Nam *Jalapæ pulveratæ* ℥xij. resinæ ℥iij. extracti gummosi ℥iij. suppeditarunt. Mediante vero distillatione ex *Jalapæ* ℔ij. olei ℥ix. prodire, uberrimum phlegma alcalinum, quantitas vero minor acidi, quodque sese obscure tantum manifestum fecit. Adde insusum *Jalapæ* in aqua limpida chartæ subcæruleæ colorem magis vividum efficere.

Jalapa eximium est purgans, & apud plebejos usitatissimum; ex eo quod sit inodorum, non ingratum, & minima mole exhiberi possit. Omnes noxios humores, maxime vero serolos per inferiora purgare, & quidem citra molestiam, dicunt. Verum non adeo mitem esse *Jalapam*, ut complures sibi persuadent, reclamat *Simon Paulli*, qui eam *Scammonio* affinem pronuntiat. *VVepserus* quoque, experimento in canibus facto, *Jalapam* ventriculum, & intestina inflammare pronuntiat. Exhibito enim magisterii *Jalapæ* ℔ss. catello menstruo, & ℔i. catello temestri; hic vehementi singultu affectus fuit; ille vero torminibus, & instar temulenti incidendo vacillabat. Post aliquot horas alvo non soluta, diffectis visis, inflammationis signa in ventriculo, & in intestinis apparuerunt. Ingenue tamen confitendum est, nimiam fuisse dosim magisterii seu resinæ *Jalapæ*, quæ quidem ipsa substantia vehementius purgat.

Itaque nihil in *Jalapa* deprehenditur, quod ipsi cum cæteris remediis purgantibus acris, & validioribus non sit commune. Eorum enim operandi ratio pendet, tum ab actione partium sulphurearum, & acrum salinarum cathartici medicamenti in intestinorum membranas quas irritant,

(a) Verum & ipsi quoque in errore versati sunt. Namque *Houstonus* ex *America* redux, plantam *Jalapæ* secum asportatam ostendit *Cl. viro D. Bernardo de Jussieu*, *Londini* tunc degenti: ipsique vera *Convolvuli* species esse visa est, non vero *Mirabilis Peruvianæ*.

iant, & convellunt, sicque fortem glandularum expressionem promovent; tum etiam ab eorumdem particularum mixtione cum massa sanguinea, & corporis humoribus quos solvunt, & liquant. Catharsis igitur institui non potest, quin intestinorum irritatio excitetur; quæ quidem major vel minor erit pro cathartici vehementia vel dosi.

Jalapa itaque inter hydragoga fortiora benignum est, & mite, nec nisi per accidenas noxam asferre potest. C. Bauhinus ejus dosim ad ℥j. constituit. Sed C. Hoffmannus, Simon Paulli, & melioris notæ Medici, infra grana xxiv. subsistunt. Revera Jalapa in substantia egregie purgat sine molestia a gran. xij. ad ℥j.

Observandum tamen Jalapam non convenire in febris acutis, neque calidis, & siccis constitutionibus. In his enim, sicut cætera purgantia acria, & irritantia, calorem intensum, & sæpe inflammatorium in visceribus accendit, parciolemque, imo sæpe nullam evacuationem promovet. Sed iis convenit, qui frigida sunt temperiei, & sero scatentes, speciatim in hydropes, anasarca, & cachexia: at vero attente considerandum est quid intelligendum sit per corpora humida. Quæ enim sunt sicca, sæpe sæpius multo redundant sero; sic in melancholicis, scorbuticis, atra bile affectis, in quibus præservida sunt viscera ab immodico bilis fervore, vel in quibus sanguis adustione acrior factus, dum fibrosa pars arcte cogitur, altera in serum colliquescit: in his, inquam, & similibus multo sero scatere corpus videtur, adeo ut sputatores sint, aut similia superabundantis feri prodant indicia. Hæc corpora pro humidis habenda non sunt; imo tota intus siccitate rigescunt, & æstu exuruntur. Succorum enim acrimonia partium fibræ convelluntur, nec debitas oscillationes exercent, ad circularem succorum cursum promovendum. Singulis in partibus hærentes succi per valorum poros transudant, cachexias, & tumores œdematosos, leucophlegmatiam, hydropem procreant aut alios affectus, hujuscemodi hydragogis medicamentis minime cedentes. Humida igitur habeantur corpora, quæ succis mollioribus, mucilaginosi, chylosi, aut cœnosis turgida sunt, in quibus humiditas non salis colliquantis, aut stagnationis succorum soboles fuerit, sed quam fecerit succorum nutritiorum redundantia, cruditas, aut ingluvies. Exempla præbent infantes qui lacte, pultibus, & similibus victitantes, purgationes facilius ferunt, tum & helluones, & ciborum gurgites, in quibus sanguinis, pinguedinis, chyli, aut feri redundantia scatens, cathartici vim impune sentit. Ea sane de causa Jalapa in infantium morbis maxime prodest, scilicet ratione mollis, lactæ seu chylosæ eorum constitutionis, cujus beneficio tota purgantis acrimonia retunditur. In adultis contra biliosus aut elasticus nimis factus sanguis, talis cathartici acrioris accessione, in fermentationem agitur. Eam ob rem quoque purgantia felicius cedunt in febris acutis infantium, quibus etiam citius quam adultis propinari possunt.

Vim nocivam Jalapæ, si quæ sit, infringere autumant correctivis, modo Salibus alcalinis, ut sale Tartari, Abinthii, &c. quibus resinosa pars solvitur, & expanditur; modo acidis, ut cremore Tartari, succo Limonum, spiritu Sulphuris vel Vitrioli, quibus coercetur, & fere figitur; modo oleosis, aromaticis, ut Cinnamomo, Cariophyllis, Zingibere, Maci, quibus nervæ tum ventriculi, tum intestinorum fibræ vi pur-

purgantis medicamenti debilitate restituuntur. Verum profus inutile mihi videtur catharticum medicamentum ægrotanti propinare, & ejus vim infringere. Sarius foret illud non exhibere. Acida revera cathartici vim minuunt, optimeque temperant; sed idem fieri potest, purgantis dosim imminuendo. Olea aromatica pessima cenſeo catharticoꝝ temperamenta, quæ sane in visceribus iritationem cathartico valentiorẽ fuscitando, ritillationem, quæ ab eo excitatur, inutilem, irritamque reddant; cum sæpe inflammationem accendant, & humorum evacuationem inhiſcant. Sales alcalini longe apriorẽs videntur ad resinosa cathartica contemperanda; solvendo enim partes resinosas, impediunt ne tenaces illæ partes inresistorum membranis pertinaciter adhæreant, ut sæpe accidit. Verumtamen ab his salibus, catharticoꝝ acrimonia non modo non temperatur, sed econtra incenditur.

Igitur ut bene succedat catharsis, medicamentum catharticum, & morbo, & temperamento accommodatum, nec nimia, nec pariori dosi exhibearur; tunc emendationis non indigebit: & si quocumque modo temperandum sit, sufficienti liquoris copia diluatur. Quod quidem de purgantibus in genere.

Jalapa vero nulla indiget emendatione. Sufficienti terræ quantitate extenduntur salinæ, & sulphuræ partes; ita ut nulla melior sit hujusce medicamenti præparatio, quam ipsamet ejus substantia.

Resina, ope spiritus vini, & extractum gummosum, ope aquæ, ex ea præparantur. Sed resina non uberius evacuat, imo sæpe minus, & semper cum molestia, & torminibus; gummosum vero extractum segnitè admodum operatur. Jalapæ substantia raro in liquoribus propinatur, sæpius sub forma boli.

℥. Pulver. Jalapæ gr. xx. Infunde per noctem in vini albi ℥vj. Mane probe agitatam & turbidam infusionem cum pulvere hauriat ager.

℥. Jalapæ pulveratæ ℥j. Syr. Flor. Persicor. q. f. M. F. bolus.

℥. Pulv. Jalap. gr. xviii. Sal. Ducis Hollatiæ ℥ß. Conserv. Flor. Aurantior. q. f. Fiat bolus.

℥. Rhei pulver. ℥j. Jalapæ tenuiss. pulver. gr. xij. Aquilæ albæ gr. x. Syr. Reg. Sapor. q. f. M. F. bolus.

Usurpatur Jalapa in El. Hydragogo *Sylvii de le-Boe*, El. antihydopico *Charas*, in Extracto catholico, & cholagogo *Rolfincii*, in Pilulis arthriticis *Sbefferi*, in Pilulis cachecticis, & Syr. hydragogo, & Syrupo aperiente cachectico, *Charas*.

ARTICULUS VIGESIMUS SECUNDUS.

De Imperatoria.

S Tirps non unica Imperatoriæ nomine insignita fuit; Meum enim & Laserptium sic a quibusdam nominata sunt. Nec Imperatoria nostra hoc unicum nomen obtinuit: dicitur quoque Aſtrantia, Magiſtrantia, Oſtrutium, & Oſteritium.

Ra-

Radix vero, quæ sub Imperatoriæ nomine nostris in officinis reperitur, oblonga est, pollicem crassa, rugosa, quasi cirrata & geniculata, fibrata, foris fusca, intus alba, sapore acerrimo, aromatico, vehementer linguam vellicante, totumque os calefaciente, odore fragrantissimo, medicamentoso. Veteribus Græcis vel ignota fuit, vel ab his adeo obscure descripta, ut dignosci nequeat.

Planta, ex qua extrahitur, Imperatoria major, C. B. P. Imperatoria, J. B. Altrantia, *Dodonei*, nuncupatur. Ejus radix oblique serpit, pollicem crassa, & fibris quamplurimis donata. Folia sunt alata, ex tribus segmentis subrotundis, lacte virentibus, palmaribus, tripartitis, & in ambitu incisus composita. Caulis ad cubitum & sesquicubitum assurgit striatus, rarus, flores sustinens rosaceos, umbellatos, ex quinque petalis constantes cordiformibus, candidis, in orbem positis, & insidentibus calyci, qui deinde abit in fructum compositum ex duobus seminibus planis, fere ovatis, leviter striatis & marginatis. Alpibus & Pyrenæis montibus delectatur; & inde radix sicca nobis affertur.

Eligitur quæ in excelsis montium jugis colligitur, quæ quidem longe acrior est quam quæ in planis nascitur, aut in hortis colitur. Ex ejus radice, foliis, & caulibus dissectis manat liquor oleosus, gustu acerrimus, qui Tithymali lacti acredine non cedit.

Imperatoriæ radix, sicut & semen, non mediocrem olei essentialis quantitatem distillatione fundit. Analyti chymica, cum Angelica convenit, quam superat odore fragrantiore, & acutiore gustu, sicut & virtutibus.

Alexipharmaca est & sudorifera, ventriculi, intestinorum & uteri flatus discutit. C. Hoffmannus in colicis, & flatuosis affectibus eam prædicat tanquam divinum remedium. Ab eodem tum ad menses evacuationes mulierum restituendas, tum ad virorum sterilitatem seu frigiditatem arcedendam commendatur. Ciborum concoctionem juvat, obstructions aperit, asthmaticis seu anhelosis prodest, viscida tenacemque pituitam incidendo, expectorationem excitando. Hydropem, quartanam, & febres diurnas sanat, modo sint a frigore, inquit idem C. Hoffmannus. Usus præcipuus est in venenatis morbis & ictibus & in frigidis cerebri affectionibus, catharris, paralyti, apoplexia, &c. Ore detenta, præstantissimus est apoplegmaticus, quo efficaciter cerebri pituita expurgatur, & odontalgia sanatur. Dosis a ʒss. ad ʒj. in substantia, & ad ʒij. in infusione.

ʒ℥. Rad. Imperator. pulver. ʒj. Propinetur in vini generosi ʒv. hora una ante quartanæ paroxysmum.

ʒ℥. Rad. Imperatoriæ incisæ ʒss. Infunde in vini Hispanici ʒvj. Capiat æger cochlear unum aut alterum; rad. colicos affectus, flatulique discutendos.

ʒ℥. Folior. Salviæ pug. j. Imperatoriæ rad. contus. ʒj. Infunde in aq. bull. ʒviij. Infusionem sumat æger calidam, in modum potus Theæ, cum Saccharo, in catharrois affectionibus, paralyti, asthmate.

Externe serpigines inveteratas tollit, inquit S. Paulli, si ex hujus radicis pulvere recentis & adipis suilli tantillo linimentum conficiatur, quo partes affectæ inungantur; aut si digeratur pulvis in aceto vini, quo pars affecta indentidem abluatur.

Semen iisdem ac radix pollet virtutibus.

Geoffroy Tom. I.

P

Ra-

Radix Imperatoriz usurpatur in Antidoto Orvietano *Charas*, & in A-
ceto Theriacali *Ejusdem*.

ARTICULUS VIGESIMUS TERTIUS.

De *Ipecacuanha*.

Ipecacuanha præstantissimum Dysenteriz remedium, in novo orbe re-
pertum, circa medium sæculi præteriti, descriptum fuit a Guiljelmo
Pisone in sua Indiarum historia, a quo tum & a Marcgravio e Brasilia in
Europam delatum fuerat, Altis tamen tenebris oblitum, & in Gallia no-
stra incognitum remanserat, ad annum circiter 1672, quo cum D. Legras,
Medico, qui ter Americam peragraverat, Lutetiam pervenit. Verum il-
lius virtute nondum comperta satis, per plures annos oblivioni traditum
fuerat, usque dum circa annum 1686, a peregrino quodam mercatore Gar-
nerio dicto, iterum huc allatum est. Cum autem vires illius singulares
ab hoc mercatore prædicarentur, ab Adriano Helvetio Facultatis Rhemen-
sis Medico in usum felicitè revocatum est; ab eoque tantum thesaurum
sibi & civibus comparare voluit Ludovicus Magnus, cujus munificentia
publici juris factus est Ipecacuanhæ usus.

Radix est, cujus, habita locorum ratione, species duæ sunt, Peruviana
& Brasiliiana; habito vero respectu coloris, tres sunt, cinerea, vulgo *grise*
ou *blonde*, fusca, vulgo *brune*, & alba, vulgo *blanche*.

Ipecacuanha cinerea; Ipecacuanha Peruviana, *Offinar*, Bexuguillo, &
Rais de Oro Hispanorum; forte Ipecacuanha alba Pisonis. Radix est duas
tresve lineas crassa, tortuosa, & quasi annulatim exasperata, dilute fusca
vel cinerea, densa, dura, fragilis, resinosa, cum nervo exiguo radices, me-
ditullium secundum longitudinem occupante, sapore subacri, amaricante,
nonnihil odorata. Ex Peruvia, ubi circa mineras auri nascitur, ab His-
panicis classibus quotannis Gades affertur.

Quanam sit planta, quæ ex hac radice assurgit, ignoramus; nisi
eadem sit species, quam G. Piso Ipecacuanham albam nominat: quæ qui-
dem planta exigua est, humilis, Pulegio non admodum dissimilis, cu-
jus caulis foliis lanuginosis exsurgit, multis, albisque flosculis verticilla-
tis cingitur.

Ipecacuanha fusca; Ipecacuanha Brasiliensis & Radix Brasiliensis, *Offi-
cinarum*; Ipecacuanha altera, seu fusca Pisonis. (a) Radix est tortuo-
sa, rugis quasi annularibus magis exasperata, quam cinerea, tenuior

(a) Ouragoga *Lin. gen.* 934. florem ejus ex sicco exemplari descripsit Linnæus
his verbis.

Cal. Perianthium quinquepartitum, laciniis lanceolato-linearibus, æqualibus,
persistentibus. *Cor.* quinquefida. *Stam.* quinque. *Pist.* Germen intra calycem &
corollam. Styli numero incerti. *Per.* Bacca subrotunda, unilocularis, calycin-
sifens, umbilicata, *Sem.* tria, ossæ, hinc gibba, inde angulata, approximata in
globum, unilocularia, singula sex sulcis exarata.

Radix longissima. Caulis rarissime ramosus, decumbens, inferne nudus. Fo-
lia versus apicem opposita, obverse ovata, utrinque acuta, scabra, subrus pal-
lidiora, duorum pollicum latitudine, trium longitudine, internodiis caulis vix
pollicis longitudine.

tamen, lineam crassa, foris fusca vel nigricans, intus alba, leviter amaricans. Hæc Ipecacuanhæ species ex Brasilia Ulyssiponem affertur.

Planta caulem proferit semicubitalem, trinis vel quinis tantum foliis ornatum, in cujus summitate baccas producit nigras & paucas. Gaudet locis opacis, & tantum in densis reperitur nemoribus.

Ipecacuanha alba, seu potius Ipecacuanha adulterina. Radix sub hoc nomine in officinis reperitur tenuis, lignosa, quæ rugis caret, amaroris experta est, & ex candido flavescens. Hæc pro Ipecacuanha alba Pisonis, à quibusdam exhibetur: sed utrum sit genuina radix à Pisonè sub hoc nomine descripta, valde dubitò; cum Ipecacuanha alba Pisonis per superiora & inferiora evacuet humores, hæc verò vomitam non excitet; neque secessum. Hanc itaque radicem à mercatoribus, sordidi quæstus causa potius quam ratione ullius affinitatis cum Ipecacuanha permisceri exilimo; & fortasse Ipecacuanha alba Pisonis non differt ab Ipecacuanha Peruviana seu Bexuguillo Hispanorum.

Ipecacuanha utraq; Peruviana, & Brasiliensis, humores evacuant per superiora & inferiora. Præterea earum vim alexiteriam commendat Piso, nec præstantius esse remedium non solum adversus dysenterias & alvi fluxus inveteratos, sed etiam adversus plurimos morbos ex longa obstructione ortos asserit.

Peruviana seu cinerea cæteris anteponitur, propterea quod longe mitior sit ejus operandi ratio. Brasiliensis vero longe vehementiorem vomitum excitat.

Eligatur bene habita, succi plena, non vetusta nimis. Annosa tamen non contemnenda est. Ad plures enim annos conservari potest, teste Pisonè: tuncque vomitivæ quidem vires deponit, sed non antidotales & sudorificas.

Frequens nunc est apud nos utriusque usus in alvi profluviiis. Sed potissimum ad dysenteriam confirmatam sanandam felicissime usurpatur. Nam sæpe incantamenti instar eam intra unius diei spatium sanat.

Ea est Ipecacuanhæ, tum cinereæ, tum fuscæ viscositas & acrimonia, ut si quis hujus radicis libram unam aut alteram contundat, & in pulverem tenuissimum redigat, nisi elatum pulverem caute deviter, paulo post difficili corripitur respiratione, sanguinis spūto, aut narium hæmorrhagia, vel oculorum aut faciei, nonnumquam etiam gulæ tumefactione & inflammatione afficiatur; quæ quidem symptomata intra paucos dies, aut per se; aut venæ sectionis ope, evanescent.

Si in aqua decoquatur, uberrimam mucaginem suppeditat; quæ tantæ est tenacitatis, ut per linteum decoctio nisi forti expressione percolare possit.

Ex Ipecacuanhæ cinereæ seu Peruvianæ ℥viij. resinæ ℥x. ope spiritus vini extractæ fuerunt. Ex eadem hujus radicis quantitate, ope aquæ communis, gummosi extracti ℥iij. prodire. Pulveris residui post accuratam resinæ & gummi extractionem pondus fuit ℥iij.

Ipecacuanhæ fuscæ ℥viij. suppeditarunt resinæ ℥vj. Eadem quantitas ejusdem radicis gummi ℥j. & ℥ij. præbuit cum aqua communi. Pulvis superstes, gummi & resina rite separatis ex rad. ℥viij. fuit ℥vj.

Unde liquet principia activa, id est resinam & gummi majore copia in Peruviana, quam in Brasiliensi, reperiri.

Extractum resinofum potenter vomitum provocat, gummosum vero perparum; hoc licet non ita tuto ac ipsa radix dysenterias sanet, non refina. Pulvis vero superstes gummi & refina diligenter spoliatus, prorsus iners est, cum nec vomitum provocet, nec secesum, nec dysenteriam sanare valeat. Concludendum igitur Ipecacuanhæ virtutem præcipuam pendere a gummosa substantia. Ejus enim mucilaginosi partibus oblinuntur intestinorum membranae suo mucositate, earumque exsiccantur & sanantur exulcerationes. Revera pars resinosa, a qua vis vomitum provocandi pendet, non prorsus inutilis est; cum materia morbifica in ventriculi, & intestinorum glandulis delitescens dividatur, & foras amandetur. Fatendum est tamen longe efficacius Ipecacuanhæ principia in ipsa radice coadunata dysenteriae mederi, quam seorsim sumpta.

G. Piso Ipecacuanhæ ℥j. in substantia pro dosi proponit, vel ℥ij. in infusione vel decocto. Malunt Brasilienses, inquit idem auctor, dilutum, quod vel unius noctis sub dio maceratione, aut coctione in aqua, medicam suam virtutem abunde liquoribus communicet. Postea caput mortuum reservatum, denuoque eodem modo præparatum, in eundem usum exhibetur, minus quidem efficax ad purgandum vel vomendum, sed magis adstringens. Hæc enim radix non solum materiam morbosam, licet tenacissimam, a parte affecta revellit, eamque per superiora expellit, sed etiam adstringendo viscerum tonum restituit.

Apud nos vero ipsa radice substantia pulverata sæpius exhibetur, quam insulum vel decoctum: & quidem a ℥ss. ad ℥ss. Sumitur autem vel in vino, vel juscule diluta, vel ex nebulis, mane jejuno ventriculo. Sæpe prima dosi sanat: sin minus, ad secundam & tertiam recurrendum. Quidam vespertinis horis ejusdem diei, quo exhibita fuit Ipecacuapha, potionem stomachicam & anodynam ægrotanti propinandam præscribunt, ne recidivam patiatur.

℥. Pulver. Ipecacuanhæ ℥j. vel ℥ss. Syr. Cydonior. q. s. Fiat bolus mane ex nebulis devorandus, superbibendo juscule vel vini aqua temperati cyathum unum.

℥. Conf. de Hyacinthis ℥j. Diacod. ℥vj. Dissolve in aquar. Centinod. & Plantaginis ana ℥ij. Fiat potio hora somni exhibenda. Vel

℥. Diaphoretic. mineral. Coralli rubr. & Terræ sigillatæ ana gr. xv. Cinnamom. & Galangæ minor. ana gr. x. Laudan. Opiati gr. ss. Syr. Cydonior. q. s. Misce. Fiat bolus hora somni devorandus.

Experientia comperi Ipecacuanham ad gr. vj. vomitum perbelle provocare, & ad gr. x. non minus vehementer, quam ad ℥j. vel ℥ij. Unde majorem dosim quam gr. vj. vel x. inutilem censeo.

Cum autem compertum sit hanc radicem pluries iterandam esse ad recidivas præcavendas, ægrotanti rite purgato per superiora & inferiora Ipecacuanhæ ope, aliquot ejusdem radice grana singulis diebus per vices exhibenda præscribo; quæ quidem nullam purgationem promovere valent, sed tantum adstringunt, intestinorumque parietes mucagine obducunt, eorumque exulcerationes abstergunt & exsiccant. Hac ratione ægrotantes tuto, & sine recidiva a dysenteria liberantur.

Itaque æger dysenteria simplici laborans, rite præparatus, tum venæ sectione, si adsit febris vel plethora, tum convenientibus enematis, tum etiam diætâ requisita, purgetur secundum hæc formulas aut similes.

℥. Mann. Cal. ℥j. Liqueſcat in aquæ Plantag. ℥vj. Fiat colatura in qua diſſolve El. Cathol. cum Rheo dupl. ℥ß. Pulver. Ipecacuanhæ gr. vj. Fiat potio mane exhibenda.

Vel ℥. Rhei pulverati ℥j. Pulver. Jalap. gr. xij. Rad. Braſil. gr. vj. cum Syr. de Cichor. comp. q. ſ. M. Fiat bolus.

Sic vacuatis primis viis per ſuperiora, & inferiora, & abſoluta medicamenti purgantis operatione, ſumat æger ſingulis diebus duas doſes opiatæ adſtringentis, & roborantis ſequentis.

℥. Conſerv. Roſ. rubrar. & Conſerv. Cynorrhodon. ana ℥j. Theriacæ Androm. ſen. ℥ij. Pulver. Ipecacuanhæ gr. xviii. Syr. Cydonior. q. ſ. Miſce, Fiat opiata cujus doſis ℥j. mane jejuno ventriculo, & ſero quatuor poſt prandium horis, uſu continuo uſque ad perfectam ſanitatem.

Obſervat clariffimus Tournefortius hocce ſpecificum medicamen in caſtris minus feliciter ſuccedere, quam in privatorum ædibus, tum quod militum vires plerumque proſtratæ ſint, viſceraque nimium læſa; tum quod aerem ſpirent inſalubrem, maligniſque halitibus inquinatum. Quod militibus aſſerit, illud quoque comprobavi apud pauper, & ignobile vulgus, præſertim in Epidemicis dyſenteriis quæ quidem oriuntur a maligno quodam halitu, vel cum alimentis, vel per aerem in maſſam ſanguineam immiſſo: tunc enim irrita eſt Ipecacuanhæ vis, niſi hujſce medicamenti uſus continuetur, & cum cardiacis, & Alexipharmacis conſocietur. Itaque in epidemicis, & malignis dyſenteriis ea eſt illius medicamenti exhibendi ratio.

℥. El. Cathol. cum Rheo dupl. ℥ij. Pulver. Ipecacuanhæ gr. x. M. Fiat bolus.

Si debiles admodum ſint vires; ſtatim peracta evacuatione per ſuperiora, præſcribatur hæc potio cordialis, & antidyſenterica.

℥. Conf. de Hyacinthis, & El. Diaſcord. ana ℥j. Pulver. Ipecacuanhæ gr. x. Syr. Cydonior. ℥j. Aq. Cinnamomi ℥ß. Aquar. Plantaginis, & Meliſſæ ana ℥ij. Fiat potio cochleatim exhibenda ſingulis horis.

Die ſequenti ſumat æger duas doſes opiatæ ſequentis.

℥. El. Diaſcord. ℥j. Rad. Braſil. gr. j. M. Fiat bolus pro doſi, mane & ſero iterandus, donec æger prius reſtituatur.

Licet hæc radix ſpecificè dyſenteriz medeatur, non ejuſdem tamen eſt energiz in cæteris alvi fluxibus. Imo felicius ad dyſenteriam confirmatam, quam ad incipientem, adhibetur, ubi præſervidus adhuc fuerit ſanguis, & efferum nimis ac immitte morbi fermentum. In confirmata enim materia morbiſica jam a ſanguine ſecreta inteſtina occupat, unde facilis foras amandatur.

Rariſſime hocce remedium rite adhibitum irritum deprehenditur. Si vero non feliciter ceſſerit, aliquando ſæpius in cauſa fuit inſanabilis viſcerum affectio vel humorum depravatio, ad ſummum perducta. Verum etſi non bene ſuccedat, nihilo pejus tamen ab illius uſu ſe habent

ægotantes . Unde tutissimum , & præstantissimum dici potest medicamentum .

(Aliæ præterea sunt plantæ , quæ Ipecacuanhæ nomine gloriantur , ex quibus unam hanc tantum referemus , quæ dicitur , *Ulmaria major* , trifolia , flore amplo , pentapetalo , *Virginiana* , *D. Banister . Pluken. Phyt. T. 236. fig. 5. & Rai. Tom. 3. p. 330.* *Ulmaria Virginiana* , trifolia , floribus candidis , amplis , longis , & acutis , *Mor. part. 3. pag. 223.* *Filipendula foliis ternatis* , *Lin. H. Cliff. pag. 191. & Gron. Flor. Virg. part. 1. pag. 55.* Fruticosa hæc hæba in Virginia crescit , ubi Ipecacuanha vocatur . Radice est dura , & lignosa , multis dependentibus fibris ; superius nodosa , supra terram sæpius nuda : ex qua plures oriuntur caules lignosi , striati , atrorubentes , glabri , ramosi ; quibus sine ordine adnascuntur folia oblonga , acuminata , rugosa , subtus subhirsuta , in uno pediculo terna , biuncialis longitudinis , media parte unciam longa , circa margines acute denticulata Carpinii in modum , in mucronem gracilescientia . Interdum etiam bina alia adnectuntur foliola minora , ut quinque foliata appareat planta , singulo foliolo brevi petiolo insidente . Ex horum alii alii etiam ramculi graciles proveniunt , quorum cacuminibus non adeo ac in prioribus luxuriat florum copia . Flores albicantes e rubro-variegati , in summitate caulium , & ramorum , singuli proprio pedunculo unciali , & biunciali insident , pentapetali , petalis subrotundis , planis , reflexis , calyci insertis monophyllo , & quinquepartito . Staminiibus plurimis gaudent , capillaribus , corolla brevioribus , calyci insertis , & antheris simplicibus ; germinibus quinque acuminatis in totidem stylos desinentibus . Petalis marcescentibus , calyx aridus fuscus manet , quo semina quinque , oblonga , acuminata , in orbem digesta conduntur .

ARTICULUS VIGESIMUS QUARTUS.

De Iride Florentina , & nostrate.

Iris Florentina , *Officinarum* ; *Ἰρις Ἰταλική* , *Dioscoridis & Græcorum* ; *Asmeni iuni* sive *Aierla Arabum* . Radix est , quæ nobis affertur in frusta oblonga , geniculata , paululum compressa , unum aut alterum pollicem crassa , candida , cortice ex flavo rubente spoliata , suis orbata fibris , odore violaceo fragrante , sapore amaro , acri .

Eligatur bene habita , candida , odoratissima , non cariola , non rugosa .

Planta dicitur , *Iris alba Florentina* , *C. B. P. Iris flore albo* , *J. B.* quæ ab Iride vulgari non discrepat ; aut si quid intersit discriminis , saltem pro nihilo habendum est .

Iris autem vulgaris Germanica sive *sylvestris* , *C. B. P. Iris vulgaris* , *violacea* , sive *purpurea* , *sylvestris* , *J. B. Iris sylvestris* , *Tabern. Icon.* Radice est oblique per superficiem terræ sparsa , crassa , rugosa , geniculata , ex inferiori parte fibrata , acri odore , dum recens est , gravi ; consumptoque humore superfluo , tandem grato : ex qua folia prodeunt ,
un-

unciam lata, rigida, cubitum longa, & gladium æmulantia, ita ad radicem conjuncta, ut carina unius alterius dorsum excipiat; inter quæ caulis assurgit rectus, teres, glaber, firmus, ramosus, quatuor aut quinque geniculis interceptus, cum foliis caulem amplectentibus, eo minoribus quo propiora sunt summitati. Flores prinio Vere erumpunt ex convolutis membranarum, Liliacei, monopetali, in sex partes divisi, quarum tres alternæ sursum, tres vero aliæ deorsum spectant, foris lividi coloris in cinereo, & circa principium virides, intus vero purpureæ seu violaceæ, lacteis & latis venis distinctæ. Pistillum e fundo floris surgit tribus petalis instructum, eodem modo coloratis, fornicatis, & partibus floris deorsum inflexis ita incumbentibus, ut palati cuiusdam speciem præ se ferant. Calyx autem mutatur in fructum cylindriciformem, trigonum, trifariam apice dehiscentem, in tria loculamenta divisum, seminibus sætum rotundis, & oblongis, sibi mutuo superincumbentibus.

Iris Florentina a vulgari non discrepat, radicem, foliorum, florumve forma, sed colore tantum. Folia enim Florentinæ Iridis ad glaucum magis accedunt: flores tenui, sed eo tamen grato, odore præditi, lacteo candore perfusi sunt; radices vero majores, crassiores, solidiores, candidiores, & odoratiores deprehenduntur.

Ex hisce plantis radix sepe sola in usum Medicum venit. At vero cum apud Scriptores Medicos de Iride sit mentio, observandum est, si succum Iridis præscriperint, eum ex Iridis nostratis seu vulgaris radice exprimi: si vero Iridis meminerint, ut forma pulveris compositiones ingrediatur, intelligendam esse Iridis albæ Florentinæ radicem.

Plurimæ Iridis radicibus virtutes a veteribus & neotericis attribuuntur. Dosis a ℥j. ad ℥j. Iris Florentina attenuat & incidit crassiorem lympham in pulmonibus hærentem, ejusque expectorationem promovet; unde asthmati medetur, dyspnææ, tussi. Utilis quoque est ventris torminibus infantium, & inter sarcotica medicamenta numeratur. Præterea sternutatorii, erhinis, & apophlegmazantibus medicamentis utiliter permiscetur. C. Hoffmannus Iridem Florentinam somnum conciliare asserit, non vi narcotica, sed substantia vaporosa, quali constat quoque Crocus, Myrrha, Nux moschata &c. quod quidem in corporibus frigidis & humidis tantum, non vero calidis & siccis, efficere asserit.

℥j. Iridis Florentinæ, Glycyrrhizæ, Sem. Anisi, Sulphuris vivi ana q. J. Syr. de Passio albo, q. s. Fiat Electuarium, cujus dosis ℥j. sæpius in die exhibenda in tussi & asthmate.

℥j. Rad. Irid. Florent. ℥ij. Agarici in nodulo ligati ℥ss. Folior. exsiccat. Nicotianæ ℥ij. Folior. Hyssopi, Thymi ana M. j. Coque in aqua limpida ℥ss. ad quartæ partis consumptionem. In colatura dissolve Oximeliti simpl. ℥iv. ad viscidam pituitam incidendam, & foras eliminandam in asthmate. Exhibeatur calide bis, terve in die, instar potus Theæ, ad ℥vj. pro dosi.

℥j. Irid. Florentin. rad. Pæon. maris ana ℥ij. Croci ℥ij. Fœniculi ℥ij. Sacchar. Cand. ℥ij. Fiat lege artis pulvis subtilissimus, cujus ℥j. aut ℥ij. in lacte materno, vel vaccino, vel cum pulve pueris exhibeatur, ad ventris tormina sedanda & ventris inflationes discutiendas.

24. Irid. Florentin. ʒij. Folior. Betonicæ, & Majoran. ana ʒi. Misce ;
Fiat pulvis sternutatorius .

25. Irid. Florentin. ʒij. Sem. Sinapi ; & Staphysagriz ana ʒß. Leviter pulverata includantur in nodulo quod in ore detineatur, jejuno ventriculo , prono capite , per semihoram masticando , ad copiosum plegma per ductus salivales educendum .

Iris Florentina usurpatur in Pulvere Diaireos , *Præpositi*, Confectione Rebecha , Trochiscis bechicis , *Charas*, Theriaca , *Andromachi*, in Pulvere cephalico odorato , & Pulvere sternutator. *Charas*, Ung. mundificativo de Apio , Pomato officinali , *Charas*, in Emplastro Dyachylo Ireato , & Diaborano , *Penichevii* .

Apud aromatarios frequentissimi est usus ad aromata varia præparanda .

Radix Iridis nostratis , seu vulgaris , inter hydragoga valentiora recensetur . Dejectione , & vomitione serosos humores ducit . In hydropse ejus succus depuratus ad ʒij. vel iij. solus aut cum vino albo permixtus , mane , jejuno ventriculo alternis diebus sumptus commendatur . Attamen ea est ejus acrimonia , ut sæpe ardores accendat , non tantum in faucibus , sed etiam in ventriculo , & visceribus . Unde plurimi hoc hydragogum reformidant . Nec puero , nec feni , nec prægnanti tuto exhiberi potest , inquit Fernelius ; quod cæterorum more quæ valide aquas expurgant , menses moveat , abortum faciat .

Ex capite quoque Errhini loco usurpatus ille succus maximam feri copiam educit . Idem cum farina fabarum illius lentigines , aliasque corporis maculas deterget .

Usurpatur in Oleo Irino dicto , & in Unguento Agrippæ , *Charas* .

ARTICULUS VIGESIMUS-QUINTUS:

De Mechoacanna .

MEchoacanna *Officinæ*. Rhabarbarum album quorundam ; radix est in taleas albas secta , cortice rugoso contexta , substantia molliuscula , in qua vix ulla apparet fibra , sapore subdulci cum obscura quadam acedine , quæ nauseam quandoque movet . Circulos quosdam habet ut Bryonia ; sed ab ea differt , quod compacta sit , nec fungosa , nec amara , nec virosa . Præterea Bryoniæ radix ex candido rufescit , & quasi radiatim corrugatur , atque saporis est amari , nauseosi , & virosi . Mechoacanna dicitur ex ea Americæ Meridionalis provincia Mechoacan dicta , ubi primum ab Hispanis reperta fuit . Ex multis quoque aliis Americæ Meridionalis regionibus assertur , ut ex Nicaragua , Quito , Brasilia , & aliis , ubi nascitur .

Eligitur , quæ recens est , (Triennium enim vix perdurare ejus efficaciam asserunt) albicans , compacta , & gravis : rejicitur quæ nigricat , & cariola est .

Græ-

Græcis & Arabibus incognita, primum innotescere cœpit circa annum 1524. Sed potissimum a Nicolao Monarde promulgata fuit.

Planta a C. Bauhino ad Bryonias refertus, & Bryonia Mechoacanna alba, C. B. P. dicitur. Sed revera Convolvuli Americani species est, ut asserit Margravius, cui sane, ut oculato testi, fides potius habenda est. Convolvulus Americanus Mechoacan dictus, R. H.; Jerucu Brasiliensibus, sive Mechoacanna, *Margravii*, nuncupatur. Radix pedis longitudinem æquat, valde crassa, ut plurimum bifida, exterius obscure cinerea, seu fusca, interius alba, lactescens, sinosa: caules proferunt sarmentosos, scandentes, multangulares, etiam lactescentes, cum foliis solitarie positis, teneris, satore viridibus, inodoris, cordis figuram exhibentibus, modo auriculatis, modo sine auriculis, unum, duos, tres, vel quatuor digitos longis, inferius nervo, & venis distinctis. Floribus decoratur monopetalis, campaniformibus, dilute incarnatis, intus purpureis. Pistillum abit in capsulam, in qua continentur semina nigricantia, pisi magnitudine, triangularia, & compressa. Radix verno tempore a Brasiliensibus collecta, atque in taleolas circulares modo, modo oblongas dissecta, atque filo transistim excepta efficitur. Ab iisdem quoque radix recens, mundato cortice, exprimitur per pannum: & quod post aliquot horas in ima liquoris parte subsidit, exsiccat; & lac vel fœcula Mechoacannæ dicitur.

Radix Mechuacanna, quam describit Hernandez sub nomine *Tacuache*, a Mechoacanna nostrarum officinarum discrepare videtur, quod illa fauces adurat, nostra vero fere insipida sit; deinde quod plantæ, quas sub hoc nomine describit, ab iis quas Monardes, & Margravius describunt, diversæ sint.

Mechoacanna, analysi Chymica, plurimum liquoris acidi & olei, modicum vero liquoris urinosi suppeditat. Minorem resinæ quantitatem suppeditat, quam Jalapa; sed partibus constat tenuioribus, & magis volatilibus, cum vis ejus purgans decoctione evanescat.

Hocce medicamentum, statim ab ejus inventionem, tanquam purgativum præstantissimum prædicatum fuit, & multis encomiis celebratum. Verum ejus nomen multum decrevit ex eo tempore potissimum, quo Jalapum innouit. Ejus desidia aut tardior operatio culpatur, & dosis nimis diffusa, qua exhibetur.

Cœterum purgat benigne, & sine molestia, roborando partes, & obstructions resolvendo, nec injucunde, cum nullius fere saporis sit particeps. Crassos, viscidos, ac serosos humores educit ex toto corpore, capite nempe, pectore, articulis. Unde catharrois, & frigidis affectibus, epilepsiæ, asthma, strumis, arthritidi, morbisque venereis convenit. Hepatis, lienis, & mesenterii obstructions referat. Hydropicis vero nec mitius, nec utilius catharticum exhiberi posse asserunt. Revera nullum fere purgans est magis temperatum, & paucioribus incommodis aut periculis obnoxium.

Ejus substantia tantum exhibetur. Sumitur ejus pulvis cum vino, vel cum alio liquore idoneo: Piso hujus radicis pulverem ab ℥ss. ad ℥j. proponit pro dosi. C. Hoffmannus illum pueris a ℥ss. ad ℥j. viris vero ad ℥ij. exhibet. In decocto non datur: nam experientia compertum est, coctione vim ejus perire, & exsolvi.

24. Mechoacann. pulver. ℥ij. Infunde per noctem in vini albi ℥v. Infusionem cum pulvere capiat æger mane, jejuno ventriculo.
24. Mechoacannæ ℥ss. Tartari solubilis ℥j. Infund. in aq. Cichor. ℥vj. per sex horas. Infusio cum pulvere simul ægrotanti propinetur.
24. Rad. Mechoacan. pulver. ℥j. Agaric. Trochisc. ℥ss. Aquilæ albæ gr. xij. cum Syr. Rosar. solutiv. q. s. fiat bolus in catarrhosis affectibus, arthritide, & morbis a serosa colluvie oriundis.

Usurpatur Mechoacanna in Pilulis Mechoacannæ *Renodæi*, in ejusdem Hydragogo eximio, Electuario hydragogo *Sylvii*, Extracto Catholico *Francosurtenfi Schroderi*, Extracto Catholico *Sennerti*, & Syrupo hydragogo *Charas*.

ARTICULUS VIGESIMUS-SEXTUS.

De Meo Athamantico.

Meu & Meum *Officinar.* *Μῆϋρ* & *Μῆϋρ* Græcorum, *Mu* Arabum. Radix est oblonga, minimum digitum crassa, & ramosa, cornice foris ferrugineo, intus pallido, aliquantulum gummoso, includente medullam albicantem, odore satis jucundo, *Pastinacæ* fere, magis tamen aromatico, sapore non ingrato, nisi quod acris sit, & nonnihil amara. Ex *Arvernæ* montibus, *Alpibus*, & *Pyrenæis* sicca nobis affertur.

Meum veteribus Græcis haud ignotum, Athamanticum ab iisdem nuncupatur, vel quod ab Athamante *Æoli* filio, & Thebanorum Rege inventum fuerit, vel quod præstantissimum existimaretur in Athamante *Thessaliæ* monte natum.

Nomen Mei pluribus plantis quæ a legitimo *Dioscoridis* Meo discrepant, concessum fuit; sicut hæc *Dioscoridis* planta variis quoque insignita fuit nominibus.

Mei nomen hinc plantis tribuerunt, nempe, *Imperatoris sativæ* *Inst. R. H.* sive *Angelicæ Officinar.* *Imperatoris Majori*, *C. B. P.* & *Inst.* *Fœniculo tortuoso* *J. B. Inst.* *Myrrhidi annuæ*, semine striato, lævi, *Moriss. Inst.* *Cachri* semine fungoso, sulcato, plano, majore, foliis *Pseudanani* angustis, *Moriss. Inst.* *Thysselino Plinii*, *Lobel. Inst.* & *Phellandrio Alpino*, umbella purpurascente *Inst. R. H.* *Econtrario* Meum *Dioscoridis* variis nominibus appellatum fuit; scilicet, Meum foliis *Anethi* *C. B. P.* *Tordylon* & *Tordylion Sordi*; *Daucus*, primus sive *Creticus Tragi*; *Seseli Creticum* *Fuobhi*; *Anethum sylvestre*, *Anethum tortuosum*, *Fœniculum tortuosum*, & *Fœniculum porcinum* *Officinarum quarundam*; Meum, *Imperatoria* quibusdam, *Cæspalini*; *Imperatrix Apulorum*; *Radix ursina*, *Sistra*, *Spicula*, & *Finochiella* *Quorundam*. A clarissimo *Tournefortio* ad *Fœniculorum* genus revocatur, & diceretur *Fœniculum Alpinum* perenne, capillaceo folio, odore medicato, quod Meum *Officinarum*, *Inst. R. H.* nisi Mei nomen longo usu comprobatum esset.

Radix

Radicebus donatur dodrantilibus in plures partes in obliquum & altum divaricatis, ex quibus pediculi nascuntur cubitales, longi, striati, quibus inhærent folia tenuissime laciniata, costæ innascentia. Fœniculi similia, capillacea, crebriora tamen & molliora; nec capilli usque adeo longi. Inter hos cauliculi assurgunt similes Fœniculo, minores tamen multo, striati, inanes, ramosi, in quorum fastigiis eminent umbellæ florum candidorum, rosaceorum, qui scilicet plurimis constat petalis in orbem positis & calyci insidentibus. Calyx autem abit in fructum ex duobus seminibus compositum, oblongis, hinc gibbis, & striatis inde vero planis, odoratis, & cum acrimonia amaricantibus. Cum vero hæc radix sit ex illis, quæ hyemem perferunt, circa caulium originem ex radice magnas habent comas, & foliis arefcentibus superstites.

Plinius scribit, Meum suo tempore in Italia peregrinum esse, & ibi ferri tantum a Medicis, iisque paucis; nunc vero abundanter reperitur sponte nascens, non solum in Italia, sed etiam in Hispania, Gallia, Germania, & Anglia.

Mei odor, & sapor salem volatilem, oleosum, in hac planta abundantem indicant; & revera, analysi Chymica, oleum tum essentialiale, tum fœtidum, & crassum copiosum fundit, spiritum urinosum exhibet cum multo phlegmate acido: quæ quidem principia simul mixta, compositum constituunt haud dissimile mixturæ spiritus volatilil, oleosi, aromatici, & spiritus Nitri dulcificati.

Radix sola in usum Medicum venit; licet semen iisdem fere virtutibus donetur. Humores viscidos, ac tenaces dividit & attenuat: unde ad tartarum pulmonum expectorandum in asthma humerali commendatur. Ventrliculi distensionem flatulentæ, ventris torminibus, urinarum, & mensium suppressioni medetur, modo ab humorum crassitie, & lentore oriantur. Urinæ stillicidium sistit in pueris, pubi admota. Monent tamen Dioscorides, & Galenus, nimiam hujusce radicis dosim, aut frequentiores usum caput dolore afficere. Ejus dosis in substantia a ʒss. ad ʒj. in infusione vero a ʒj. ad ʒij. in vino vel alio quocumque liquore.

Multas veterum ingreditur compositiones, & in primis Mithridatium & Theriacum: & in Aceto Theriacali *Charas* usurpatur.

ARTICULUS VIGESIMUS-SEPTIMUS.

De Nardis.

Diversæ plantæ Nardi nomine appellatæ sunt. De duobus Nardi generibus mentionem facit Dioscorides, uno Indico, altero Syriaco; quibus postea tertium adjungit, Celticum nempe, & quartum montanum dictum, & sylvestre, quod quidem duplex est, Asaram scilicet, & Phum, de quibus suo loco.

Nardus Indica; Spica, Spica Nardi, & Spica Indica, *Off. Ἰνδικὴ Νάρδος, Dioscoridis*. *Alsembel sembelen*, *Alsembel alcib*, *Alnardin alhendi*, *Ara-bum*.

bum. Radix est comosa, vel potius congeries capillamentorum tenuium, convolutorum, radicis capiti inhærentium, quæ nihil aliud sunt quam nervosa marcidiorum foliorum filamenta velut in fasciculos congesta, digiti crassitie, & longitudine, colore ferrugineo, seu ex fusco rufescente, sapore amaro, acri, aromatico, odore grato ad Cyperum accedente.

Hæc pars plantæ filamentosa quæ eligitur, nec spica est, nec radix; sed caulium pars infima ubi radici inhærent, multis tenuioribus foliis primo obrita, quæ quidem folia quotannis arescentia, & marcescentia, in capillamenta mutantur, remanentibus tantum nervosis fibris. Spica vero ob figuram dici meruit, quæ adhæret radici digitalis crassitudinis, fibratæ, saturatius rufæ, solidæ, & fragili. Inter hæc filamenta folia nondum in nervos divulsa, albicantia; & cauliculi concavi, striati, nonnunquam reperiuntur: pluresque ex eadem radice capillacei fasciculi enati subinde conspiciuntur.

Nardus Indica in Java magna quantitate crescit; & apud Javanos frequentior est illius usus in culina, ad piscium, & carnum condimenta.

Dioscorides de tribus Nardi indicæ speciebus mentionem facit, Indica nempe genuina, Syria, & Gangitide. Hodie vero duæ tantum species in officinis occurrunt, quæ nonnisi comatum longitudine, & colore differunt. Longior enim Spica magis rufescit; sed odore, sicut & viribus pares sunt.

Eligenda recens, levis, longam comam habens, aliquantulum redolens Cyperum, sapore amaro.

Planta dicitur Gramen Cyperoides, aromaticum, Indicum *Bregonii* 2. *Prodromi*. Hactenus descriptione caret. Rajus eam caules emittere summa parte spicis aut paniculis onustos ad modum graminum, aut iis affinium, tanquam verisimile pronuntiat.

Ex sapore, & odore conjicere licet Nardi Indicæ vires a sale volatili oleoso pendere, multo sale fixo, & terra implicito.

Alexiteria est, cephalica, stomachica, & nephritica: unde morbis malignis convenit. Catharros, seu humores e capite in pectus, stomachumve procumbentes cohibet, ventriculū debilem roborat, & ciborum concoctionem juvat intus sumpta, & exterius admota, omnesque frigidos affectus concoquit, menses, & urinas promover, ad hepatis, lienis, & mesenterii obstructions resolvendas confert. Cl. Galenus Marcum Imperatorem ventriculi imbecillitate, & difficili ciborum concoctione laborantem, Nardino unguento lana imposito, & ori ventriculi admoto curavit. Nardus Indica exsiccata, inquit Bontius, aceto infunditur apud Indos, & addito Saccharo adversus hepatis, lienis, & frequentissimas mesenterii obstructions adhibetur; necnon etiam adversus venenatorum serpentum, scolopendrarum, scorpionum, & similibus morsus, vulneri imposita aut intus sumpta. In hæmorrhagia narium Riverius tanquam præstantissimum, & frequenti usu comprobatur remedium commendat Spicam Nardi in tenuissimum pulverem redactam cum jusculo, aqua Plantaginis, aut alio liquore exhibitam. Dosis a ʒss. ad ʒij. in substantia, & ad ʒss. in infusione.

Veteres ex ea parabant collyria, & unguenta pretiosa. Unguentum Nardinum

num ex Dioscoride conficiebatur ex Junco odorato, Costo, Amomo, Nardo, Myrrha, & Balsamo, & oleo Balanino aut Omphacino: his folium Malabathrum nonnumquam adjiciebatur.

Nardus Indica usurpatur in Pulvere aromatico rosato, Pulvere Diarrhodon, Theriaca, Mithridatio, Philonio magno, Benedicta laxativa, Hiera picra Galeni, Hiera Diacolocynthidos, Trochiscis de Camphora, Trochiscis Hedichroi, Pilulis foetidis, Syrupo de Cichorio composito, Oleo Nardino, Oleo Scorpionum *Matthioli*, Unguento Martiato.

Nardus Celtica; Spica Celtica; Spica Gallica, Spica Romana, *Offic. Νάρδος κελτική & ἀλκυρία*, *Dioscoridis*: Saliunca, *Plinii*; Alnardim Alsimbel Alkeliti aut Alkelt, Alsimbel alrumi *Arabum*. Radix est fibrosa, capillaris, rufescens, cum foliis, seu squammis parvis, ex viridi flavescentibus, sapore acri, amaricante, aromatico, odore fragrantē, graviusculo.

Ad usum eligi debet, recens, jucunde odorata, numerosis radiculis donata, non fragilis, plena.

A Dioscoridis sæculo ad hanc usque ætatem celebrata fuit. Celtica dicitur, quod in Galliæ olim Celticæ dictæ montibus colligeretur. Hodie quoque reperitur in Alpibus Germaniam ab Italia separantibus, Liguriæque montibus ac Genuensibus.

Planta dicitur Valeriana Celtica, *Inst. R. H.* Nardus Celtica Dioscoridis, C. B. P. Nardus Alpina *Clusii*. Hujus radix longe, lateque serpit, summa tellure sese inter muscum infundendo: oblongi, procumbentesque humi ramuli tenuēs, plurimis veluti foliolis aut ficcis squammis circumsepti, subinde fuscas & nonnihil capillatas fibras agunt: superna parte in unicum aut bina, ternave extuberant capitula, aliquot longis secundum caput angustis, deinde in latitudinem paulatim se laxantibus foliis satisque crassis & succulentis plena; colore, dum primum emergunt, viridi, deinde sub Autumni initium aut Æstatis finem flavescente, gustu amariuscule. Palmaris aut dodrantalis, nonnumquam etiam major inter hæc emergit cauleculus satis firmus, geniculatus, bina ad singulos nodos habens inter se opposita exigua foliola, cui circa summum ex singulis nascuntur pediculi exigui, binos aut ternos flosculos coloris pallidi sustinentes, monopetalos, infundibuliformes, multifidos, quorum singuli calyci insident, qui deinde abit in semen exiguum, oblongum, & pappis instructum.

Tota planta aromatica est, & radicem Valerianæ sylvestris odorem æmulatur. Authore Clusio, in summo Stiriacarum Alpium, mense Augusto floret, sub ipsis fere nivibus. Folia deinde promittit, cum flores disfluere incipiunt. Legitur autem ab incolis sub Augusti finem & Septembris initium, cum folia flavescere incipiunt; tunc enim summam habet odoris gratiam, qua caret, cum folia primum promittit, & adhuc viridis est.

Nardus Celtica virium earundem est cum Spica Indica. Majore tamen cum utilitate in urina cienda, ventriculo roborando, & flatibus discutendis adhiberi dicitur. Usurpatur in Theriaca, Mithridatio, in Emplastro de Meliloto, & in quibusdam aliis unguentis calefacientibus, & lotionibus cephalicis.

Nar-

Nardus Montana, *Offic.* Ο' *πικρὸν Νάρδος*, *Dioscoridis* : Alnardin Gebali, *Arabum*. Radix est oblonga, subrotunda seu turbinata, minimi digiti crassitie, cujus caput capillamentis fuscis vel cineraceis & rigidiusculis donatur, cum cauliculo rubente, odore ad Nardum accedente, sapore acri, aromatico.

Adeo mendosa est Dioscoridis narratio de Nardo montana, ut difficile admodum sit decernere utrum vera Nardus montana Dioscoridis nobis nota sit, an adhuc ignota.

Radices aliquot plantarum sub Nardi montani nomine nobis afferuntur.

Prima dicitur Valeriana maxima, Pyrenaica, *Cacaliæ folio* D. Fagon, J. R. H. Nardus montana altera Leonis, *Histor. Lugdun.* Hujus plantæ radix crassa est, longa, tuberosa, capillata, perennis, odore Nardi Indicæ, sed vehementiore, sapore amaro. Ex hac radice caulis assurgit triculitalis & altior, teres, lævis, concavus, nodosus, rubens, unciam crassus, cui folia adnascuntur bina, ex adverso posita, lævia, crenata, *Cacaliæ foliis* similia, palmaria, & pediculis longis innixa. In summo caule flores nascuntur purpurascens, & semina Valerianæ floribus & seminibus similia.

Secunda dicitur Valeriana Alpina minor, C. B. P. Nardus montana, radice olivari, C. B. P. Nardus montana, radice oblonga, C. B. P. Nardus montana longius radicata, *Camerar.* Tuberosam habet radicem, modo longiorem, modo brevior, quæ quorannis adnatis aliis se propagat, multisque tenuioribus fibris infima parte & summo capite prædita est. Ex ea stolones oriuntur foliis ex atro-virentibus superne & splendentibus, nec in ambitu ferratis infima parte onusti, deinde aliis in lacinias dissectis, uti ferme Valerianæ majoris folia, sed minora; & quo stolones magis adolefcunt, eo magis dissecta sunt, ex adverso semper posita. In summo caulis fastigio consertim nascuntur flores Valerianæ sylvestris floribus non dissimile, odorati, minus tamen quam radix, quæ sylvestris Valerianæ odorem valde refert.

Nardus montana viribus cum Celtica convenit: quidam tamen imbecilliores existimant. Rarius in officinis usurpatur.

ARTICULUS VIGESIMUS-OCTAVUS.

De Ninzin & Gins-eng.

(N) Ninzin & Gins-eng radices plantarum non specie modo, sed & genere distinctarum, pro una & eadem plerumque assumuntur. Cum enim facie & virtutibus inter se non parum conveniant, e longinquis regionibus nobis advehantur, rarissime adhibeantur a Medicis Europæis, & præterea Gins-eng multo majoris constet quam Ninzin; non mirum quamplurimos in hunc errorem impigisse. Verum ut omnis deinceps tollatur confusio locus, utriusque descriptionem ex probatissimis & autoptis auctoribus depromptam si hic subnecteremus, operæ pretium fore duximus.

Ninzin

Ninzin *Offic.* Sju Sjia, *vulgo*, Nijji, Nindsin & Dsin dsom, *Sinice* Som; *Tartarice* Soafai : Sisarum montanum Coræense, radice non tuberosa; *Kemp. fer. Ament. exot. fascic. v. pag.* 818. Sii species *Linnaei Gen. plant.* 219. *Forte*, Sium folio infimo cordato, caulibus ternatis, omnibus crenatis. *Gronov. Flor. part. 1. pag.* 31. Planta hæc recens nata, inquit *Kempferus*, radiculam exhibet unicam, simplicem, Pastinacæ similem, triuncialem, auricularis digiti crassitie, fibris paucis capillatam, carnosam, albidam, ambientibus rimulis subtilissimis interceptam, inferne nonnunquam in duo crura divisam; unde nomen ei natum est *Nindsin*, idest, homini similis. Odorem præbet Pastinacæ luteæ, saporem Sisari nostratis, minori tamen & graciliori cum dulcedine, quam ipsam exigua quædam ac fere imaginaria amaritudo temperat. Paulo provectior plantæ & in pedalem vergens altitudinem, in solo Japonico fota, radicem sibi unam atque alteram adsciat, priori æqualem; quas ad vigorem producta, ramosior videlicet & florigera, pinguiores ac fere palmares inordinato situ exhibet, multis simul circa radicem capita luxuriantibus diversæ magnitudinis gemmis atque tuberculis, his in radículas, illis in novos caules sive plantas abituris. Caulem acquirit sesquicubitalem, auriculari digito tenuiorem, inæqualiter teretem ac striatum, geniculis arundinacæis protuberantibus, & in circulum punctatis, per sesquincialia spatia interceptum ac ramosum, ramulis utrumque alternatim ex geniculorum loco nascentibus, ima parte plenum, processu furculisque cavis & magis angulosis. Pediculis genicula amplexantibus, ad mediam longitudinem profundo sulco cavis, sesquincialibus, tenuiter striatis, insunt folia diversæ, pro plantæ statu, figuræ & magnitudinis: in nascente enim folia sunt singula, rotunda, languide dentata, uncialia, basi cordata; in succrescente & caule circiter pedali, majora sunt, Sii & Sisari foliis simillima, ex quinque lobis pinnata, lobis sive pinnis ex ovato acuminatis, sesquincialibus, denticulo acuto dense serratis, tenuibus, læte virentibus, præter nervum insignem medium & ab eo decurrentes laterales densio venularum complexu reticulatis: denique in planta perfecta ac ramosiore caule tribolata sunt, pinnis successive minoribus, & in unguis humani magnitudinem deficientibus. Umbellæ in quas furculi desinunt, ex basi foliolis angustis, brevibus lacinjatis, radiolos extendunt tenues, unciales, in petiolos tenuissimos perbreves, singulis flosculis donatos, divulsos. Flos albus est & pentapetalus, petalis cordatis, & ad seminis Coriandri ambitum in planum radiantibus, staminibus ex intersticio petalorum surrectis, candido apice capitatis, brevibus, deciduis; stylo pumilo bifurco, vix conspicuo. Florem excipit semen geminum, nudum, Aniso simile, per maturitatem obscure rufens & striatum; quod excussum in duo dehiscit, uno latere compresso, saporem radicis obtinens cum segni caliditate. Inter ramulorum axillas nascuntur gemmæ, una vel plures, turbinatæ, Pisi magnitudinis, herbacæ, quadantenus verrucosæ, carnosæ, saporis vapidè dulciduli; quæ, cum plantantur, vel in terram sponte decidunt, seminis lege plantam producent sui generis.

(a) Ob prolychrestam radicem, omnium Orientis, si Theam excipias, cebratissi-

(a) Hæc magis radicem Ginseng, quam Ninzin congruere, mihi videntur.

Iebrauissima planta est ; quæ ex Corea Japoniæ illata , in hortis urbis *Meaco* colitur , & magis quam in ipsa patria , luxuriat , sed virtutum fere exors : unde cautum lege est , ne exoticæ a seplasiariis supponantur . In *Katajæ* (Provinciæ *Siamfai*) Coreæque montibus rigidiori Jove nata , vitæ est longioris , radice restibili , & foliis Autumno deciduis ; sub Japonico citius effusa in caules semina ferentes , ut plurimum , annua emoritur .

Facultates radicum a Japonensibus & Sinenfibus recitantur varæ , ex quibus palmarie sunt , quod robovent , pinguefaciant , renibus conducant , adeoque & pulmonibus , ex eorumdem viscerum , quod docent , consensu . In pulverem redactæ , paucis medicamentis , nullis omnino cordialibus non admiscuntur .

Collectio radicis fit ineunte bruma ; qua appetente , in *Siamfai* aditus omnes excubæ occupant , quæ fures a collectione arceant . Ad usum ut fiant idoneæ , præparatione opus habent , quæ hæc est . Recens effusæ , tri-duum macerantur in aqua dulci , vel melius in aqua cocta *Oryszæ* secundaria frigida ; maceratæ in athena operculata suspenduntur in vapore super igne ; tum exsiccantur ab ima parte usque ad medium , duram , rufam , resinolam , ac quasi translucidam acquirunt faciem , quæ ipsa bonitatis nota est : fibras majores eodem modo præparant . Dosis est *Ziss* . vel pro re nata major .

Gins-eng , seu *Petit* , *Sinenfium* : Gins-eng , *Offic.* (a) Aureliana Canadensis ; Sinenfibus , Gins-eng ; Iroquæis , Carent ougen , *R. P. Lafite au* , *Mem. sur le Gins-eng* : Araliastrum Quinquefolii folio majus , *Ninzin* vocatum *D. Sarasin. Vaill. ferm. p. 43. n. 1.* Gins-seng , *des Lettres edifiantes & curieuses* , tom. X. p. 172.

Hujusce plantæ radix pollicem unum aut alterum longa , digiti minimi plus , minuve crassitie , leviter rugosa , nitida , & quasi translucida , ut plurimum bifida , aliquando multifida , inferne fibris tenuibus prædita , extus rufescens , intus flavescens , sapore subacri , subamaricante , & aromatico , odore aromatico non ingrato , cujus in summo reperitur series nodorum juxta se invicem secundum varios inflexus positorum , & ab emarcidis annorum præcedentium caulibus efformatorum , quorum opes plantæ calculo dijudicari potest . Ex radice surgit singulis annis caulis simplex , unum pedem altus , glaber , ex rubro nigricans : ex cujus apice emergunt tres quatuorve petioli ad mediam longitudinem profundo sulco cavati , radiati , & horizontaliter quasi in umbellam dispositi , quinque foliis terminati inæqualibus , inæqualiter petiolatis , & connatis , tenuibus , oblongis , ex ovato acuminatis , denticulo acuto dense ferratis , ex nervo insigniore medio , & ex eo decurrentibus lateralibus , denso venarum complexu reticulatis . Caulis summo ex medio petiolorum exortu , insidet pedunculus simplex , & nudus , quinque vel sex uncias longus , desinens in umbellam corymbosam involucri minimo suffultam ; e cujus centro plurimi nascuntur pedunculi tenues , unciam circiter lon-

(a) Hanc unam , eandemque plantam esse eum Gins-seng , probant iidem altitudinis gradus , æquale solum , non impæ montium positio , similis nemonum aspectus , inspectio foliorum , pediculorum florum , & fructuum , utriusque , & tandem ipsorum Sinenfium testimonium , qui , visa planta Canadensi Cantorem asportata , eam genuinum Gins-seng esse , subito agnovere .

longi, singuli singulos flores gerentes, perianthio minimo, quinquedentato & germine insidente donatos; petalis etiam quinque, ovato acutis, sessilibus, reflexis; quinque staminibus subulatis, longitudine corollæ, antheras subrotundas gerentibus: stylo simplici brevissimo ut plurimum bifido, aliquando trifido & quadrifido, totidem stigmata gerente, embryoni insidente subrotundo, qui maturendo abit in baccam subrotundam profunde striatam, coronatam, in tot loculamenta quot stigmata divisam, seminibus sæta solitariis, compressis, reniformibus.

Crescit apud Sinas & in Tartaria inter 39. & 47. borealis gradum, in sylvis umbrosis. Optima crescit in regione *Leaug-tong*, Chan tang. *Tsu soang seng*, Tartaria, &c. Quæ in Corea nascitur (nempe Ninzin) crassior est, mollis, cava, multoque inferior: crescit quoque in Canada inter 47. gradum, in sylvis altis & rarioribus.

Sinæ & Tartari eam magno apparatu & labore colligunt, ineunte Vere, & declinante Autumno: mundant attente radices cultro, e Bambou confecto, radunt levitè, has enim ferro tractare religiose evitant: fibras illas lavant in decocto seminis *Millii*, (*Oryzæ*, juxta *Kämpferum*), & eas accurate exsiccant supra fumum ejusdem seminis in aqua cocti, ut de flavo ejus participent colore; & ne carie, humiditateve afficiantur, eas perfecte siccas, afflante Aquilone, in vasis æneis lixivio elatis & caute clausis ex iis nascentes amputant, recondunt. De minimis radicibus residuis conficiunt extractum; folia autem itaquam The pro usu conservant.

Tantum est hujus radices pretium apud Sineses, ut unica libra tribus argenti libris veneat: unde a multis adulterari solet; & exoticæ, (nempe radices *Ninzin*) ei a seplasiariis non raro supponuntur. Eligenda est recens, odorata, non cariola.

Plures & quidem singulares huic radici virtutes adscribuntur. Summa quasi panacea apud Asiaticos habetur; & ad illam Sineses omnibus in ægitudinibus tanquam ad sacram anchoram confugunt. In diarrhæis, inquit unus ex *Sinensibus*, (a) dysenterii, ventriculi & intestinorum, debilitate aut depravatione; sicut in syncope, hypothyria, paralyti, stuporibus & convulsionibus, prodest: mirum in modum resocillat nimia venere exhaustos; hominibus a morbis vel acutioribus vel chronicis enervatis, nullum huic æquiparandum medicamentum: ubi post eruptionem fractis jam viribus, subsidunt variolæ, felici cum successu, in larga dosi propinatur: tandem repetitis vicibus, vires admodum debilitatas reficit & mirifice restaurat: perspirationem auger, blando calore senum corpora perfundit, medullam in ossibus & totam artuum compaginem vegetat & confirmat; quin imò, in agone jam constitutis, tale robur restituit, ut retardata morte, tempus & occasio eis superstit ad alia assumenda medicamenta, sæpeque pristinam sanitatem recuperandam. Hæc sane mira, modo vera.

Attamen, pergit idem auctor, goloſis atque oinopotis parum proficua. In febribus malignis & epidemicis, summa cautione, & tantum remittente febre, usurpanda, in phlogisticis, hecticis, atque
Geoffroy Tom. I. Q sup-

„suppurantibus, tanquam cane pejus & angue fagienda. In hæmorrhæ-
 „giis parce, nec nisi prius cognita causa; in affectibus strumosis, scor-
 „buticis atque venereis, incassum, etsi innoxie, tentabitur. At lan-
 „guidus aut caducus vires addet aut recreabit, diuturnis animi mærori-
 „bus, & febribus hecticis maceratis & exhaustis opem feret jucundam,
 „tutamque, prudenter adhibendo, a ℥j. ad ℥ss. aqua calida, horæ spa-
 „tio, infusam; vel in pulvere, vel in extracto, vel, si mavis, aliis re-
 „mediis admixtam, a gr. x. ad lx. & certis in casibus ultra, prout ne-
 „cessitas requirit.

Commendatur a Medicis Batavis in convulsione, lipothymia, synco-
 pe, & vertiginibus ab inanitione, in virium imbecillitate, & ad me-
 moriam confortandam. Dosis a ℥j. ad ℥ij. in infusione; in substantia
 vero, a ℥j. ad ℥ij. Cavendum autem est a nimio ejus usu, sanguinem
 enim accendit; quare junioribus & calidæ constitutionis hominibus inter-
 dicitur.

Qui plura cupierit, consulat opusculum R. P. Lafiteau, & Quæstio-
 nem Medicam D. Jac. Franc. Vandermonde, D. M. Parisi, qui ipse apud
 Sinas vixit, die 9. mensis Februarii an. 1736. in Scholis Medicorum Parisi-
 ensium discussam, unde plurima excerpimus.

ARTICULUS VIGESIMUS-NONUS.

De Pyrethro.

Duplex radix sub Pyrethri nomine in Officiis reperitur; una digi-
 tum longa & crassa, foris ex subrufo colore nigricans; intus al-
 ba, fibris nonnullis donata, sapore acerrimo & urente, sine odore; quæ
 exsiccata nobis ex Tunnetensi regno affertur. Altera quæ tenuior est, &
 minus acris.

Prima radix est plantæ quæ Chamæmelum specioso flore, radice longa
 fervida, D. Shavv. Catal. n. 138. p. 39. Pyrethrum vulgo & veteribus
 Arabibus, Guntuff. Ejusd. Bupthalmum Creticum, Cotulæ facie, flore
 luteo & albo, Breyn. Cent. 1. p. 150. T. 75. Bupthalmum caulibus sim-
 plicissimis, unifloris, foliis pinnato multifidis, Lin. H. Cl. p. 414. vulgo,
 Pyrethe, ou Racine salviaire.

„Hæc planta Chamæmelo persimilis, albam possidet radicem, densis
 „fibris se in terram figentibus, tenuibus, & aliquantulum tortuosis;
 „initio nullius manifesti saporis, sed diutius in ore dentibus pressa satis
 „acrem, ferme ut Pyrethri, linguæ relinquens. Ex illa densa in ore
 „becq. circa terram folia erumpunt, leniter hirsuta, magnitudine, divi-
 „sura, & forma Pyrethri Bellidis flore, C. B. plane respondentia. Inter
 „quæ caulis pene cubitalis, nonnunquam dumtaxat pedalis, rotundus,
 „mollis, cum tempore durior, coloris viridis, vel ex viridi albicans
 „propter hirsutem, surgit; foliis minoribus, Chamæmeli magis conve-
 „nientibus, sed crassioribus, in lobulos latiores divisis; ex quorum sinu
 „alæ, ut plurimum, longitudine caulem superantes, in tali abundan-
 „tia, præsertim statim circa radicem, prodeunt, ut densa & orbiculata.

„ta

ta plantæ effigies subinde videatur, ob alarum multitudinem oblique
 & resupine se propagantium. Flores, quibus subest squammosum ca-
 pitulum, squammulis viridibus, lanuginosis, triplici serie contextum,
 Bupthalmi Alpini floribus non parum assimilantur; nisi quod illorum
 petala, tredecim plerumque numero, majorem in medio paulisper
 quasi exsculptum sive concavum, ex plurimis flavis tubulis condensa-
 tum orbem circumambientia, breviora, latiora, lineis seu plicis stria-
 ta, & dilutiore flavedine sunt imbuta, in primis cum ad senium ver-
 gunt, & parte inferiore, ubi pene tantum sulphurea conspiciuntur.
 Primus horum florum in medio plantæ supra caulem mense Junio exit,
 deinde alii in alarum majorum cacuminibus, & tandem reliqui in ra-
 mulis lateralibus, veluti succedanei ita se excipiunt, ut hæc planta
 totam non modo calidam Æstatem, atque Autumnum fertilem, flori-
 bus condecorat; sed triste senium etiam subinde anni genialiter coronet,
 mensemque semper uberrimam late compressorum seminum sature pur-
 pureorum, inter squammas tenues, membranaceas, & latas, ejusdem
 plane coloris nitentes, firmiter & solide jacentium, proferens: quæ
 tandem sicuti etiam squammulæ ipsæ, regię suæ splendorem purpuræ
 cum illepedo colore spadiceo tristi commutant; & in generis sui confer-
 vationem apud nos quotannis sunt serenda. *Breyn.* Flos variat semiflo-
 sculis radii, albis superne, subtus purpureis.

Hujus radicis magna quantitas, inquit Shavvius, Constantinopolim
 & Cairum transmittitur; & Saccharo condita, in doloribus pectoris &
 dentium comeditur. Floris radius amplius est, subtus purpureus; discus
 magnus, luteus, ad seminum maturitatem protuberans, squammis ri-
 gidis stipatus.

Altera radix est plantæ, quæ dicitur *Leucanthemum Canariense*, fo-
 liis *Chrysanthæmi*, *Pyrethri* sapore, *Inst. R. H.* 493. *Chrysanthæmum*
fruticosum, foliis linearibus, dentato trifidis, *Lin. H. Cl.* 417. *Chamæ-*
melum Canariense ceratophyllum fruticosius, glauco folio crassiore, sa-
 pore fervido, Magala ab incolis nominatum, *Mor. Hist. Oxon. part. 3.*
p. 35. Radice est alba, lignosa vulgari minus crassa, minus carnosa,
 nec tantum fervorem possidente. Stipites emittit lignosos, pollicem
 crassos; cortice albo tectos, cubitales & altiores, in varios ramuscu-
 los distributos, foliis *Chamæmeli* inordinatim vestitos, aut in latiores,
 crassiores, carnosiores, rigidiores, & obtusiores lacinias, magisque cornu
 Cervi in modum extensas, ex cœruleo, viridi, glaucove colore tin-
 ctas, divisas. Postremis ramulis cauliculi eriguntur nudi, in quorum
 fastigiis flores e capitulis rotundis, squammosis, duris, profluentes,
 eos *Chamæmeli* æmulantes, petalis albis umbonem luteum cingentibus,
 radiati, conflati sunt. *Mor.* Semina omnia plana, margine in utroque
 latere acuto. *Lin.*

Pyrethrum, ob acredinem suam vehementem & ductus salivales ape-
 rientem, salivam copiose educit; hinc in odontalgia ab obstructionibus &
 catharris specificum est. Ob eandem acredinem nervos vellicantem, eor-
 umque obstructiones solventem, in morbis soporosis & lingue paraly-
 sicissimum est, ore detentum & masticatum.

4. Rad. *Pyrethri* q. v. Maceretur per noctem in Aceto, & mane
 masticetur.

2½. Rad. Pyrethri, Zingiber. ana ʒj. Piper. nigri ʒß. Pulverizata indantur nodulo, qui dentibus conteratur; vel cum cera subigantur, in morsellos Nucis Avellanæ magnitudine, dentibus conterendos. Raro ad usum internum præscribitur, nisi in enematis, in affectibus soporosis.

2½. Rad. Pyrethr. ʒj. Coque in decocti communis clysteris ʒj. Colaturæ adde salis gemmæ ʒß. Fiat enema in apoplexia & soporosis affectibus.

Usurpatur in Philonio Romano, & in Pulvere sternutatorio, Charas.

ARTICULUS TRIGESIMUS.

De Rhabbaro, & Rhapontico.

Botanici nonnulli Rhabbarum nostrum cum Rhapontico veterum Græcorum confundunt. Revera tamen radices & plantæ diversæ sunt. Ex Dioscoridis enim verbis manifestum est Rha seu Rheum diversum esse a Rhabbaro, quo nunc utimur: nostrum enim odorum est, nec injucundum, neque in ore mucilaginosum deprehenditur, nasciturque apud Sinas. Dioscoridis autem descriptio convenit cum Rhapontico Prosp. Alpini, quod vulgo colitur in hortis Europæ, nasciturque in Thracia & multis Scythiæ locis.

Itaque Rhabbarum officinarum; Rhabbarum verum, seu Sinense, radix est, quæ nobis affertur in frusta, vel tubera crassiora, inæqualia, uncias quatuor, quinque, vel sex longa, tres vel quatuor crassa, leviter ponderosa, foris lutea vel subfusca, intus ex croceo & flavo variegata ad Nucis Myristicæ similitudinem, nonnihil fungosa, sapore subacri, amaricante, & nonnihil adstringente, odore aromatico, sed nonnihil gravi. Apud Sinas nascitur.

Eligendum est recens, non cariosum, non putridum aut nigrum; quod aquam croceo colore tingat, nihilque lentoris aut glutinosi linguæ offerat.

Cujusnam generis plantæ species sit Rhabbarum Sinense, seu Rhabbarum verum, sive Rheum, Off. non ita facile est discernere. Nullam enim hæcenus illius accuratam historiam, nec genuinam iconem ab ullo Botanico auropta datam fuisse, comperimus. Muntingius quidem, in sua Herbæ Britannicæ historia, Rhabbari descriptionem & iconem ex Matthiolo desumptam, nomine *Rhabbari lanuginosi*, sive *Lapathi Chinenfis longifolii*, edidit; sed nec ipse plantam viderat, nec Matthiolus a quo descriptionem & iconem mutuatus erat. Quam enim hic illius historiam edidit, ea nulli plantæ hæcenus notæ convenit; neque cum iis quæ de Rheo comperta sunt, concordat. Unde verisimilimum apparet, illum ex relatis sibi a mercatoribus & seplasiariis, qui hanc radicem ex Sinensi regno asportabant, plantæ descriptionem & iconem effinxisse.

Dolendum sane est neminem hæcenus ex tanto Europæorum numero, qui Chinam quotannis appellant, repertum fuisse, qui utilitati publicæ consulens, tam quotidiani usus in Medicina, tantique proventus plantam perfectius cognov-

cognoscere, & quæ ipse certa comperisset, contrerraneis suis communicare tentarit. Interim si quis in re adeo intricata conjecturæ locus sit, donec alius certiora & exploratoria edoctus, ea in medium protulerit; quæ probabiliora mihi visa sunt, aperiam.

„Rhabarbarum in universa Sina nasci refert R. P. Michael Boym e Soc. Jesu, ibique vocari Tayhuam, quod significat summe flavum; „in Provinciis tamen, *Su-Civen*, *Xens*, atque *Sociu*, civitate ad „muros Sinarum proxima uberius provenire: terram in qua gignitur, „rubram esse, & lutolam, ob fontes & pluvias: Sinenſes hanc radicem effossam in frustra dividere, quæ primo in oblongis reponunt mensis, & qualibet die tribus aut quatuor vicibus revolvunt, ut per hanc „industriam succus incorporetur frustis, & constipatus maneat. Experimentia enim docuit, si quis statim illa frustra ad siccandum appenderet, unctuosum, quo scatet radix, humorem mox evaporari, radicem levissimam remanere, adeoque omnem virtutem deperdere: tum „vero quatuor dierum spatio, concreto humore, transactis per frustra „illa funiculis, appensa vento exponere, loco tamen umbrato, ne radiis solaribus contingantur: effodiendo Rhabarbaro tempus hybernum „esse optimum, antequam viridia folia incipiant pullulare; quod scilicet eo tempore succus & virtus unita sit & collecta. Quod si vero „estate effodiatur, aut illo tempore, quo viridia folia producit, uti necdum hoc tempore maturuit, flavoque illo succo & rubris venis caret, „porosaque ac levissima est; ita ad perfectionem Rhabarbari Hyeme „effossi minime pertingere. *Flora Sinenſis Vienna Austria edita anno 1656.*

Rhabarbarum olim ex China per Tartariam Ormuz & Alepum deferebatur, inde Alexandriam, & tandem Venetias.

Lusitanii ex urbe Canton, Sinæ portu ac emporio, navibus in Indiam advehebant. Per Tartariam quoque Alexandriam Egypti asportabatur: nunc vero ex India Orientali & Moscovia nobis adfertur. Crescit copiose in ea Chinæ partæ, quæ Tartariæ vicina est, & forte etiam in ipsamet Tartaria; an vero in Moscovia quoque nascatur, hæcenus comperit non est. Verisimillimum est Moscovitas illud e Tartaria vel e China ad nos transvehere.

Missæ est nuper ex Russia, ad DD. de Jussieu, in Horto Regio Parisiensi Botanicæ Professores dignissimos, planta, *Rhabarbarum folio oblongo, crispo, undulato, flabellis sparsis*, nuncupata; quæ eadem pro vero Rhabarbaro Sinenſis ex eadem regione missa quoque fuerat D. Rand Horti Chelseani in Anglia Præfecto, sub nomine *Lapathi Bardana folio undulato, glabro*, quam veram Rhabarbari speciem esse ex illius fructificatione dubitare non licet. Illam autem esse quoque legitimum Rhabarbarum Sinenſe, præterquamquod ut talis missa est, dubitare verant convenientia seminum hujusce plantæ cum veri Rhabarbari seminibus e Sina missis a D. Vandermonde Doctore Medico Parisiensi, radicum forma, facies eadem, idem color, odor, & sapor. Colitur hodiernum in Horto Regio Parisiensi, ubi læte viret, flores & hyemes perfert etiam frigidissimas.

Radice est longæva, crassa, ferme rotunda, in terram cubitum circiter & ultra

ultra recta descendente, in plures furculos crassiores, & hi in alios minores, divisa; colore foris obscuro-rufescente. Cortici exteriori leviter in areolas discisso pulpa subest, seu substantia radiceis, punctis e luteo-croceis veluti in Nuce Myristica distincta, ejus centrum colore est vividiori croceo, odore ad Rhabarbarum Sinense, in primis circa radiceis collum maxime accedente. Recens dentibus trita, linguam & palatum sapore viscoso cum quadam amaritie tandem leviter adstringente & gummoso afficit.

Ex summa radice in orbem nascuntur folia plura, in terram alia super alia sese diffundentia, amplissima, integerrima, viridia, aliquatenus cordato-sagittata, basi auriculata, longis & carnosissimis infidentia petiolis, compressis, inferius convexis, superius planis, qui ad foliorum basim in quinque costas dividuntur, carnosas quoque, inferne protuberantes, fere quadrilateras, media juxta longitudinem, lateralibus oblique decurrentibus, & in alias quamplures ad marginem usque profunde undulatum sese devaricantibus, apice obtuso & levissimè emarginato. In medio foliorum exurgit caulis angularis compressus, striatus, cubitum circiter altus, paulo supra medium ornatus spathis quibusdam vagis, partialibus, ipsi circuminsidentibus, inæqualiter distantibus ad summum usque apicem.

Flores ex spathis veluti ex involucrio egressi, in racemos expanduntur, exigui, singuli proprio pedunculo tenui & brevi, coloris candidi, Rhabbari nostratis floribus prorsus similes, at medio minores. Corolla monopetala est absque perianthio, basi angustata, impervia, campaniformis, limbo sexfido, laciniis obtusis, alternis minoribus; cui inseruntur filamenta novem capillaria, ejusdem longitudinis, atheras didymas, oblongas, obtusas, sustinentia. Germine donatur brevi, triquetro, stylis vix ullis, stigmatibus tribus, reflexis, plumosis; pericarpio nullo; semine unico, triquetro, acuto, marginibus membranaceis auctis.

Ineunte Vere, germinat, Junio floret, Julio & Augusto semina matureseunt in his regionibus.)

Rhabarbarum multo sulphure donatur, & sale fixo, cum exigua quantitate salis acidi & magna terræ copia conjunctis. Ex his principiis inter se commixtis compositum exurgit gummosum, ex quo gummi & terra facile separantur, nec parva copia; siquidem ex Rhabbarbari ℥ij. aquæ communis ope extracti gummosi ℥j. cum granis xij. elicitor. Perparum vero resinæ in hac radice deprehenditur, & quidem multo sale alcali dilutæ; ita ut ope spiritus vini, ex Rhabbarbari ℥ij. vix ℥ij. extracti salino resinosi obtineantur. Hocce extractum, ob salis copiam, aqua communi facile dissolvitur; & eandem ob causam Rhabbarbari tinctura per spiritum vini facta, in aquam injecta non lactescit, ut cæteræ tincturæ resinosæ.

Duplex in Rhabbarbaro facultas ab omnibus Medicis agnoscitur, humores potissimum biliosos evacuandi, & partes, ventriculum nempe, & intestina, blanda adstrictione roborandi. Velut eximium cholagogum habetur: hepatis obstructions resolvit; unde a nonnullis anima, vita; & Theriaca hepatis vocatur. In ictero, in diarrhæis, & in gonorrhæis, aut

aut albis uteri profluviis utiliter exhibetur. Vi quoque vermes necandi pollet. Modo ut cholagogum, modo ut alterans usurpatur: sed quocumque modo sumatur, medicamentum est præstantissimum, quod infantibus, adultis, senibus, puerperis, prægnantibusque tuto præscribi posse asserunt.

Verumtamen Rhabarbarum, licet tot encomiis prædicatum, non prorsus innocuum existimandum est. Alvum enim exsiccatum relinquit, renes, vesicam, & cerebrum petit. Minus ergo convenit hocce medicamentum ubi præservanda sunt viscera, ubi ardentior factus est sanguis, & febrilis calor inæstuat. Isterum juvat, qui pendet a bile spissa & lenta, quæ poris biliariis inhæret, & a sanguine separari nequit: si vero a bile oriatur nimis evecta, volatili, & æstuante, quæ per totum corporis habitum diffundatur, tunc minus prodesse compertum est. Fallopius Rhabbaro exprobrat quod renum & vesicæ affectibus noceat; his enim in partibus ardorem accendit. Simon Paulli diuturniorem & frequentiorem Rhabbari usum vertiginem induxisse observat. Unde concludendum est, Rhabbarum etiam cautione indigere.

Præscribitur substantia masticata & deglutita ante pastum, ad ciborum concoctionem juvandam, ad ventriculi & intestinorum tonum roborandum, in obstructionibus hepatis, lienis, & mesenterii: vel infasum Rhabbari in cachexiis infantium, & ad vermes necandos, verminosamque saburram subducendam. In substantia exhibetur a ℥ss. ad ℥j. & in infusione ad ℥ij. Quidam hujusce medicamenti vim purgatricem minuire, adstringentem vero intendere aut augere contendunt, Rhabbarum leviter torrefaciendo: sed inutilis est hæc correctio seu præparatio: non enim desunt adstringentia medicamenta, quæ cum Rhabbaro consociari possunt, vel præmissa purgatione ex Rhabbaro petita, exhiberi.

Extractum Rhabbari parari solet in officinis hac ratione.

℥℥. Rhei contusi & tenuiter incisi ℥ j. Huic affunde aquæ Cichorii ℥ iv. Macerentur secundum artem blando ignis calore, per horas duodecim. Infusio coletur per linteum. Massæ superstiti affunde spur. vini ℥ j. Macerentur denuo per sex horas. Tinctura per inclinationem separetur, & cum præcedenti infusione misceatur. Evaporetur humiditas ad extracti consistentiam, cujus dosis a ℥ss. ad ℥j. sub forma boli, vel pilularum.

Observandum est autem Rhabbari substantiam longe valentius alvum ciedere quam infusum, decoctum, vel etiam ipsum extractum, licet duplicato pondere exhibitum.

℥℥. Rhei electi, Tartar. solubil. ana ℥j. Infunde per noctem in aq. Cichor. ℥vj. In infusione dissolve Mannæ Galabr. ℥jss. Fiat colatura; & exhibearur ad bilem stimulantem & subducendam. Vel

℥℥. Medull. Cass. recens siliquis extractæ ℥vj. Rhei pulver. & Tartari Vitriolati ana ℥ss. M. F. bolus. Vel

℥℥. Rhei pulver. ℥j. Pulver. Jalap. ℥ss. Aquilæ albæ gr. x. El. lenitivi ℥ij. Cum Syr. de Cichor. comp. cum Rheo q. s. M. F. bolus purgans. Vel

℥℥. Rhei pulver. ℥j. Pulver. Jalap. ℥ss. Pulver. Ipecacuanhæ grân. x. Cum Syr. de Cichor. com. qu. s. M. F. bolus purgans in dysenteria.

24. Rhabbari contusi & tenuiter dissecti ℥j. Infund. in aq. font. ℔ ij. Infunde seorsim in vini generosi ℥vj. Limaturæ ferri ℥j. Macerentur per sex horas. Infusiones ambæ percolatæ misceantur; & quatuor aut quinque cyathos hujusce liquorisumat ægrotans de die longe a pastu, ad hepatis, & lienis obstructions resoluendas, alioque mulierum fluores sanandos, præmissis præmittendis.

25. Rhei pulverati ℥ij. Panacæ Mercurialis ℥j. Balsam. Copaivæ ℥jss. M. Fiat Electuar. cujus dosis ℥j. quotidie mane & sero, ad gonorrhæam curandam. Purgetur æger tertio, vel quarto quoque die; cum pilulis Mercurialibus.

Usurpatur Rhabbarum in Pulvere contra vermes, Charas; in Confectione Hamech; Electuar. catholico, Diapruno, de Psyllio; Extracto panchymagogo, Cyolii; Extracto catholico, Sennerti; Extracto benedicto, Schroderi; Pilulis de Rhabbaro, sine quibus; Polychrestis, Mercurialibus, Charas; Pilulis panchymagogis Quercetani; Syr. de Cichor. composito; Syrupo roborante; Syr. hydragogo; Syrupo aperiente, cachectico, Charas; Trochiscis de Rhabbaro, Renodæi.

Rhaponticum Off. *Pæ & Pū*, Dioscoridis, radix est oblonga, crassa, ramosa, foris fusca, intus crocea, transversim secta, strias ostendens radiatim dispositas, a centro ad circumferentiam ductas; laxa, rara, odore non ingrato, sapore amaricante, substringente & subacri, lenta & glutinosa, si paululum in ore detineatur.

Hanc radicem a Rhabbaro officinarum discrepare jam diximus; quod quidem evidenter patet ex ipsa Rhapontici descriptione ex Dioscoride deprompta. Rha, quod aliqui Rheum vocant, inquit Dioscorides, provenit in iis, qua supra Bosphorum sunt, regionibus; ex quibus affertur. Radix nigra, Centaurio magno similis, sed minor & rufior, fungosa, aliquantum lævis, sine odore. Optimum habetur, quod teredines non sensit, si gustatu cum remissa adstrictione lentescat, manducatumque colorem reddat pallidum, aut ad Crocum inclinantem.

At vero hæc descriptio Rhapontico P. Alpini seu officinarum, apprimè convenit. Prosper Alpinus, Morissonus, & alii Rhaponticum inter Lapathi species collocant, sed perperam: a D. Tournefort ad genus peculiare reducit, diciturque Rhabbarum forte Dioscoridis & antiquorum, I. R. H. Raponcum, P. Alpini exotic.

Ex ampla, crassa, & brachiata radice folia promit amplitudinis foliorum Lappæ, sed rotundiora, Plantaginis modo nervis crassioribus donata. Ex mediis foliis caulis assurgit cubito altior, pollice crassior, cavus, striatus, ad cujus nodos folia nascuntur alterna, do-drantalia, e rotundo acuminata. Flores densi in paniculam amplissimam disponuntur, monopetali, campanulati, candidi, in quinque vel sex partes obtusas plerumque divisi; e quorum centro stamina prodeunt brevia, pistillum trigonum ambientia, quod abit in semen ejusdem formæ, duas lineas longum, singulis angulis in alam foliaceam eleganter tenuatis.

Nascitur non solum in Rhodope monte Thraciæ, sed etiam in Scythiæ locis. Vulgo in hortis Europæ colitur.

Radix Rhapontici moderate purgat, pulverata ad ℥ij. vel ʒß. infusa vel decocta ab ʒß. ad ʒvj. Sed potentius adstringit quam Rhabarbarum verum: unde in diarrhæa & dysenteria non spernendum remedium.

Rhaponticum usurpatur in Pulvere Diarrhodon Abatis, Pulvere Diatrion fantalon, in Theriaca *Andromachi senioris*.

Præter Rhaponticum usurpant in officinis; imo sæpe substituunt Rhabarbaro vero, radices ex Alpibus, Pyrenæis, & montibus Arvernæ delatas, quæ pro Rhapontico veneunt, aut quæ in hortis coluntur. Radices sunt plantarum; quæ dicuntur Lapathum folio rotundo Alpinum, *I. B.* Lapathum hortense rotundifolium, sive montanum, *C. B. P.* Hippolapathum rotundifolium & Pseudo-Rha recentiorum, *Lobel. icon.* vel Lapathum hortense latifolium, *C. B. P.* Lapathum majus, sive Rhabarbarum monachorum, *I. B.* Hippolapathum, sive Rhabarbarum monachorum, *Dodon.* vel etiam Centaurium majus folio Helenii incano, *I. R. H.* Rhaponticum folio Helenii incano, *C. B. P.*

ARTICULUS TRIGESIMUS-PRIMUS.

De Sarsa-parilla.

Sarsa-parilla & Salsa-parilla, *Off.* Radices sub hoc nomine, vel potius radicum flagella prostant in Officinis longissima plurimarum ulnarum, Junci majoris, vel plumæ asperinæ crassitie, lenta, flexibilia, striis per longum decurrentibus, cortice tenui, colore exterius rufescente vel cinereo; cui candida substantia farinacea subest, crassiuscula, mollis, & digitorum attritu in pulvisculum solubilis, Agaricum fere referens, sapore tantillum glutinoso, subamaricante, non ingrato tamen: medullium vero lignosum, nitidum, lentum, fractuque contrumax. Pendent porro hæc flagella quamplurima ex uno capite, vel radice transversa, pollicari crassitudine, squammata. Afferuntur ex Hispania nova, Peruvia, & Brasilia.

Probatur quæ plenis medulloisique est flagellis, solida, habitior, intus candida, plumæ asperinæ crassitie; quæque facilius in æquas, tota sui longitudine, viminis instar, partes divellitur. Rejicienda est e cinereo nigricans, quæ cariota multum pulveris farinacei, dum finditur, emittit, crassiorque qualis ex Maranhaon Brasiliæ regione afferuntur.

Diversæ sunt plantæ Smilaci asperæ similes vel congeneres, quarum radices sub Sarsæ-parillæ nomine ex America afferuntur. Quatuor species recenset Hernandez, quæ in Mexicano regno & nova Hispania crescunt: scilicet, *Mecapatli* seu Zarza-parilla prima, *Hernandez*, quæ Smilaci asperæ prorsus similis est; *Quaubmetail* seu Zarza-parilla secunda & tertia; *Ejusd.* quæ folia Ocyimi acuminata & nonnullis secta crenis proferunt; *Quaubmecapatli* altera seu Zarza quarta, *Ejusdem*, quæ foliis magnis, cordis figura donatur. Hujusce radices in nostrum orbem suo tempore deferri solebant.

Mo;

Monardes cujusdam Sarsæ-parillæ in Quito Peruvianæ ditionis provincia nascentis meminit.

Tandem Pisto & Marcgravius Brasiliensem Sarsam-parillam describunt, quæ *Suapecanga* Brasiliensibus dicitur.

Ex radice transversa, squammata, longissime fibrata, caules tomentosos emittit, lignosos, lentos, virides, aculeis hinc inde munitos, in quibus alternatim oriuntur folia sex vel octo uncias longa, utrinque acuminata, ut fert figura Pisonis, vel cordis effigie, ut ait Hernandez & Monardes; tres aut quatuor uncias lata, cum tribus nervis insignibus per longitudinem productis, exterius diluta, subtus saturate virentia, & ad pediculos duobus claviculis donata, quibus aliis plantis firmiter adhærent. Flores fert racematim dispositos, quibus succedunt bæcæ primum virides, deinde rubræ, postremo nigræ, magnitudine mediocrium Ceraforum, rugosæ, unum aut alterum ossiculum continentes ex albo flavum, in quo nucleus est durus & albicans.

Analysi Chymica, ex Sarsæ-parillæ libiij. per retortam distillatis extractæ fuerint phlegmatis insipidi ℥ij. phlegmatis subacidi ℥viij. spiritus acidi ℥xv. spiritus sale tum acido tum urinoso facti ℥liij. olei crassioris aquæ fundum petentia ℥vj. in retorta vero caput mortuum reperimentum est ad ℥xxiij. Hujus autem rite calcinati pondus erat ℥v. cum ℥viij. ex quo salis fixi ad saleum marinum accedentis ℥j. & ℥ij. cum gr. xxvj. per lixivium elicitæ sunt. Unde patet hujus radice effectus pendere a sale essentiali acido, oleo spisso & multa terra implicito.

Sarsa-parilla veteribus Græcis ignota fuit sicut & Arabibus. Hujus radice usum Hispani primum ex Peruviano regno in Europam invexere.

Sudorifera est, humoresque lentos ac tenaces dividit & attenuat. Specificum habetur remedium ad luem veneream, arthritidem, catarrhos affectus, paralytim, morbosque chronicos, & inveteratos, qui & crassius lentisque humoribus ortum habent, & tumores præter naturam contumaces discutiendos, quin etiam ad quascumque cutis affectiones, siche-nas, & ulcera.

Ea autem erat hujusce remedii, ad luem veneream curandam, exhibendi ratio.

Sarsæ-parillæ uncia quatuor in libris quindecim aquæ per horas viginti-quatuor maceratur, decoquebantur ad medias. Decoctum linteolo mundo percolatum ad potandum reservabatur. Hujus decocti prius calefacti ℥viij. quotidie ægris prius rite præparatis mane & vesperi quatuor ante cibum horis propinandæ exhibebantur; & per duas horas in lecto stragulis contexti sudabant. Quidam subtilissimum Sarsæ pulverem cum singulis prædictæ decoctionis cyathis permiscebant. Hoc remedium in tertium, & quandoque, ubi contumax erat morbus, in quantum ulque diem continuabatur. Decimo quoque die purgabatur ægrotantes. Victus ratio tenuis admodum instituebatur, nempe ex pane bis cocto & uvis passis.

Hac methodo Hispani, & populi meridionalibus in Americæ regionibus degentes, luem veneream curare solebant. Verum nostris in regionibus, frigidioribus nempe, curationes luis venereæ per Sarsam-parillam institutæ minus bene successerunt. Cujus rei in causa est primo ægrorum nostrorum cutis

cutis densa, & ad sudorem emittendum minus apta, deinde quod victu non usque adeo accurato & tenui victitent, quem hæc sæda lues, ipsaque Sarfa-parilla requirunt. Nam si Nicolao Monardi credendum sit, Indi lue infestatos tenuissima diæta emaciare, ac fame veluti enecare solebant, omnem potum cibumque eis interdicentes; & per integrum triduum, præter lentorem calidum expressæ Sarfæ-parillæ, nihil edendum bibendumve exhibebant.

Sarfæ-parilla magis tenujum esse partium existimatur quam Chinæ, vel Guaiacum; & ea de causa copiosorem excitare sudorem. Exhibetur a ʒss. ad ʒij. in substantia; ad ʒss. in decocto. Monardes ab ea abstinendum esse in febribus & morbis acutis animadvertit. Ulurpatur potissimum in ptisanis sudoriferis & exsiccantibus.

ʒl. Rad. Sarfæ-parill. minutim concisæ ʒij. Ligni sancti ʒij. Coquantur in aq. fontis lxx. ad mediæ partis consumptionem, Fiat ptisana per cyathos exhibenda.

ʒl. Sarfæ-parillæ ʒij. In exenteratum pulli gallinacei junioris corpus immittantur, & coquantur in aq. communis lxxvj. ad iv. pro 4. jusculis alterantibus, quarta quaque hora exhibendis in rheumatismo.

ʒl. Sarfæ-parillæ ʒvj. Rad. Chinæ ʒij. Putamin. Nucum Juglandium cum Nihilis N. 40. Bulliant in aq. commun. lxxij. & ad lxxvij. redigantur. Quatuor vel quinque cyathos in d'e sumat æger horis medicatis, pro rheumatismo, catarrhosis affectibus, & paralyfi.

ʒl. Radicum Sarfæ & Chinæ ana ʒij. Corticis & ligni Guaiaci ʒj. Sassafras ʒss. Hydrargyri nodulo inclusi lxx. Coque in aq. communis lxxvj. ad iij. Fiat apozema contra luem veneream, catarrhos, paralyfim.

ʒl. Radic. Sarfæ-parillæ, summitatum Centaurii minoris, rad. Aristoloch. rotundæ ana ʒss. Folior. Chamædrys & Chamæpithyos, seminis Hyperici ana ʒij. Rad. Angelicæ ʒss. Cinnamom. ʒss. Croci ʒj. Caryophyllor. ʒss. Omnia pulverata misceantur cum mellis Narbonensis q. l. Dosis ʒss. quotidie mane jejunò ventriculo per annum integrum, in arthritide, & rheumatismo a causa frigida.

(Variæ nobis afferuntur radices sub nomine Sarfæ-parillæ, quæ quidem facillime a legitima distingui possunt. Talis est illius plantæ radix, quæ Aralia caule nudo, *Lin. H. Cl.* 113. & *Gron. Flor. Virg.* 34. nuncupatur Aralia caule aphylo, radice repente, *D. Sarrafin. Paill. Serm. de struct. flor.* 43. Aralia Canadensis, aphylo caule, *Boerb. Ind. alt.* 63. Zaria-parilla Virginienfis nostratibus dicta, lobatis umbelliferæ foliis, Americana *Plukn. Alm.* 396. Christophoriana Virginiana, Zarfæ radicibus forculosis & fungosis; Sarfa-parilla nostratibus dicta, *Plukn. Alm.* 98. T. 238. F. 5.

Radice est repente, ʒ. vel 6. pedes longa, medullari, crassa, odorata, sed minus solida quam genuina: ex qua surgit caulis cubitum circiter altus, atrorubens, villosus, qui in tres ramos dispescitur, ʒ. vel 6. uncias longos. Singuli rami quinque folia gerunt oblonga, tres uncias longa, duas lata, margine dentato. Ex caulis divaricatione exsurgit scapus nudus, in tres pedunculos divaricatus, corymbum gerentes florum, singulo-

rum

rum singulis pedunculis propriis tenuissimis, semiunciam longis, insidentium; involucri minimo suffultum. Perianthium floris quinquedentatum est, minimum, germini insidens; corolla pentapetala, in orbem disposita; germen florem sustinens fit bacca rubra, umbilicata, compressa, tragona vel pentagona, in totidem loculamenta divisa, singula singulum semen compressum & striatum continentia.

Hæc planta crecit in Virginia, & in Canada, intra 40. 45. & 47. gradus.

Hanc radicem Canadenses & Virginienſes *Salse pareille* appellant; quod genuinæ figuram & virtutes fere possideat. Legitur in Serm. D. Vaillant de str. flor. l. c. D. Sarraſin in ſupremo Canadenſi Conſilio quondam Conſiliarium, Medicum Regium peritiſſimum, curaffe vomica laborantem ægrum, qui uſu liquoris potulenti, ex hujus plantæ radicibus confecti, ante biennium ab hydrope anaſarca ſanatus fuerat.

ARTICULUS TRIGESIMUS-SECUNDUS.

De Seneca.

Seneca radix eſt plantæ, quæ, Polygala caule ſimplici, erecto, foliis ovato lanceolatis, alternis, integerrimis, racemo terminatrice erecto, *Gron. Flor. Virg.* 80. nuncupatur: Polygala Virginiana, foliis oblongis, floribus in Thyſo candidis, radice alexipharmaca, *Miller: Anglice, The Rattle-Snakeroot, Gallice, Racine contre la morſure du Serpent a ſonnettes, ou ſe Seneca.*

E radice perenni, ſemiſpythamam vel etiam ſpythamam longa, variæ pro ætate craſſitiei, ut plurimum digitum circiter minimum craſſa, varie contorta, in plures ramos divaricata, fibris ſtipata lateralibus, & margine veluti membranaceo, extuberante, ſecundum longitudinem decurrente, foris ſublutea, intus alba, ſapore acri-amaricante, nonnihil aromatico prædita, multos proſert caules, alios ſurrectos, alios humi ſparſos, tenues, ſubluteos, ſimpliciſſimos, ramis deſtitutos, teretes, glabros, vix pedales, debiles, foliis veſtitos ovato-lanceolatis, alternis, unicam circiter longis, glabris, integerrimis, lævibus, in petioloſ deſinentibus vix manifeſtos, ſuperioribus ſenſim majoribus: ſpica laxa florum Polygalæ vulgaris plane ſimilium, ut minorum, alternorum, ſeſſilium, caules terminat, mediante pedunculo foliis brevior. Dignoſcitur, margine membranaceo, extuberante, ſecundum illius longitudinem decurrente.

D. Tennent (a) Medicus Anglus, qui plures annos in Virginia commoratus eſt, virtutem huic radici diaphoreticam, diureticam, alexipharmacam, ſanguinem viſcidum, tenacem ac inflammatorium reſolventem, cathartim, & etiam quandoque vomitum moventem tribuit; eamque ab Indis ſpecificum adverſus ſerpentis caudiſoni venenum haberi, reſert. Narrat quoque ſe duos incolæ a ſerpente caudiſono vulneratos, poſtero die ab inſiſto vulnere vidiffe, qui iſdem quibus pleuriti ac peripneumonici ſymptomatis conſiſtabantur, reſpirandi nempe difficultate, tuſſi, ac ſanguinis

coa-

(a) Epiſt. Regiæ Scientiar, Academia ſcripta, & Eſſay ou the pleuriſy.

coagulati spūto, cum pulsu vehemēti, ac frequentī. Pes vulneratur valde tumens erat, & labia vulneris livore conspersa. Radicis *Seneka* pulverem statim ab inflicto vulnere assumpserant. Nihil fecius tamen totum illis corpus intra pauca minuta intumuerat, cum magna virium debilitate, & pulsu fere nullo. Verum ubi primum remedium infundi venis cœperat, vires statim, & pulsum rediisse, ac tumorem subinde paulatim remississe, narrabant. Eo quo illos vidit tempore, decoctum huius radicis ex lacte ter de die assumebant, & in eo perseveraturi erant, usque dum vulnus omnino sanaretur; pedi vero adhuc tumēti nihil nisi cataplasma ex ipsiusmet radicis cum lacte decoctione imponebant. Erat tunc temporis mensis Julius, quo serpentis caudifoni virus maxime noxium est, & quo cœtera huiusce veneni antidota, hyeme, & cum nondum sol Syrius urget, alioquin proficua, morbo cedunt, cui debellando sunt prorsus imparia. Radix vero *Seneka* quovis tempore, modo tempestive adhibita, virus conceptum venis depellit, sanguinem coactum resolvit, tumorem discutit pulsum debilem, ac languidum restitui, tandem ægros alioqui intra pauca minuta veneno interimendos reficit, & sanitati reddit.

Persecta huiusce radicis efficacia, ac virtute sanguinem coactum, & tenacem resolvendi, idem D. Tennent eam in aliis morbis ab inspissato sanguine oriundis proficua quoque fore intulit: & cum observasset serpentis caudifoni veneno infectos respirandi difficultate, ruffi, ac sanguinis spūto laborare, quasi pleuritide, aut peripneumonia ægrotarent; & cum aliunde nosset pleuritidem, ac peripneumoniam sanguine inspissato foveri, idem remedium in utroque morbo adhibere tentavit; quod ei feliciter cessit. Hac autem methodo procedebat.

In plethoricis, & ubi febris aderat, sanguinem ad ℥x. e brachio dolenti lateri opposito mittebat: vel e saphena, si utrumque latus doleret. Tum sequentis tincturæ tria cochlearia ægrotanti, sexta quaque hora, incipiendo statim a venæ sectione, propinabat; & sic deinceps, donec remissiora fierent symptomata.

2℥. Rad. *Seneka* ℥ij. *Valerianæ* sylvest. ℥iſs. Conterantur simul in mortario; deinde in vini Canar. veteris, & generosi ℔ij. digere igne arenæ per sex horas in vase idoneo, operto; & decanta ad usum. Deinde

2℥. Balsam. *Copaivæ*, & sal. volat. oleos. ana gutt. xv. M. & hauriantur in cyatho potus consueti, secunda quaque hora inter singulas tincturæ superioris doses.

Potus consuetus sit infusio tepida rad. *Althææ*. Decoctum folius radicis ad ℥ij. in aq. font. ℔ij. ad medietatis consumptionem, quovis Syrupō pectorali e melle confecto edulcoratum, cessit quoque feliciter, dum ægro sanguis missus est, ubi primum ægrotare cœpit, modo statim ab insultu morbi hoc decocto usus fuerit. At cum febris aliquatenus nervosa sit, tinctura antepōnenda est. In eo enim casu radix *Valer.* sylv. mira præstat; & Balsam. *Copaivæ*, aut *Gilead* cœteris pectoralibus, si qua adhiberi opus est, antepōnenda sunt. Radicis quoque pulverem ad gr. xxxv. in morbi principio, adhiberi posse asserit; sed dolor non tam cito remittit, ac si tinctura propinetur.

Si æger aliquot dies prius ægrotaverit, quam tinctura usus fuerit, Balsami usus continuandus est, etiamsi melius se habuerit.

Alte.

Altero die, si dolor, & febris non multum remiserint, venæ sectio ad ℥x. repetenda est; verum raro opus est. Namque 24. horarum intervallo, symptomata, ut plurimum, usu hujus tincturæ quam maxime remittunt.

In valde plethoricis tamen, & ubi solida inter & fluida admodum labefactum fuerit æquilibrium, aliquando eodem die, urgentibus symptomatis, sanguinis missio repetenda est, quarta hora post primam tincturæ dosim exhibitam; at rarissime tertia requiritur.

Vomitus, & Catharsis quandoque hocce remedio benigne cidentur, idque satis feliciter. At si æger admodum debilitatus fuerit, nec vomitum facile pertulerit, emesim sistent absorbentia quævis æstacea, tincturæ immixta, vel gr. xij. Sal Tartari in modica aquæ Cinnamomi debilitatæ dosi propinata.

Testatur D. Tennent, hocce remedio ea methodo exhibito, plurimos pleuritide ac peripneumonia ægrotantes, ab orci faucibus ereptos fuisse.

In morbis etiam nervosis, seu febribus lentis, pleuritidem, peripneumoniæ mentientibus, eadem tinctura absque ulla sanguinis missione utitur, prospero eventu; & intra paucos dies integræ sanitati restitui asserit.

Exhibita quoque fuit Polygalæ vulgaris nostræ radix, sub forma pulveris, ad gr. xij. plurimis pleuriticis, cum sat prosperis ægri rebus. Screatus movit copiosus, & sanguis, postero die ab hujusce radicis usu, missus, minus coriaceus & multo floridior apparuit. At *Seneca* radix uberiores screatus ciet, & sanguinem, lymphamque viscidam potentius atterit & dividit.

ARTICULUS TRIGESIMUS-TERTIUS.

De Serpentaria Virginiana.

Serpentaria Virginiana; Colubrina Virginiana, & Pistolochia, Virginia-na, Off. Gallice, *Viperine Virginienne*, ou *Serpentaire de Virginie*; Radix Snaqroel novæ Angliæ, *Cornuti*. Radix est fibrosa, tenuis, levis, foris fusca, intus flavescens, odore fragrante aromatico, ad Zedoariæ odorem aliquantisper accedente, sapore subacri amaricante. Ex Virginia asseritur.

Eligenda est recens, aromatica, sincera, non vero aliis radicibus referta. Quidam hanc cum Asari Virginiani radice confundunt, sed facillime autopfia distinguuntur, cum nigræ sint radices hujus Asari, quod dicitur Asarum Virginianum Pistolochiæ foliis subrotundis, Cyclaminis more maculatis *Pluk. Phytogr. Tab. 78.* Serpentaria major vel nigra, *Officinar. Dale Pharmacol.*

Thomas Johnsonus, Gerardi historiæ emaculator, asserit, eam esse radicem plantæ, quæ Aristolochia, Pistolochia altera, *J. B. 3. 563.* Pistolochia Cretica, *C. B. P. 307.* Pistolochia altera semper virens, *Clusii*. Verum peritus Botanicus J. Rarus idem post Johnsonium in primo historiæ plantarum volumine retulerat. In secundo volumine dubitare videtur: ac tandem in tertio aliter sentit, eamque a Pistolochia Cretica Clusii diversam esse probat post Plukenetium, qui trium plantarum radices sub Serpentariæ Virginianæ nomine ex Virginia asseri asserit.

Pri-

Prima dicitur, *Aristolochia polyrrhizos auriculatis foliis*, *Virginiana*; *Pluk. Phytogr.* *Serpentaria altera*, *Virginiana vulgo*, *Raij. Hifor. T. 3. 393.*

Huic radix fibris circifve plurimis comata est, & in unum caput conjuncta; e qua caulis affurgit dodrantem altus, foliis paucis ornatus. Ista petiolis brevibus adhærentia in fundo cordis figuram exprimunt; statimque constricta, apparent quasi auriculata, & in longum exporrecta in medio cuspidem. Flores ex inferiore caulis parte pediculis, longis insidentes proveniunt longi, concavi, recti, *Aristolochiarum* situ. His subest fructus parvus, pentagonus, qui semina parva acinis uvarum, seu potius vinaceis similia continet.

Altera nominatur *Aristolochia Violæ fruticosæ foliis*, *Virginiana*, cuius radix *Serpentaria* dicitur: *Pluken. Phytogr.* Radicem habet fibris tenuissimis albis constantem. Caulis erigitur ut plurimum singularis, gracilis, cui folia pauca, inordinate posita, vix unciam lata, basi cordata, & in mucronem acutum protracta; rigidiora, petiolis uncialibus insidentia, adhærent. Flores ex infimo caule proveniunt. Semina parva Ficiformia sunt.

Tertia vero nuncupatur *Aristolochia*, *Pistolochia* caule nodoso, seu *Serpentaria Virginiana*, *D. Banister*, *Pluken Phytogr.* quæ vera ac genuina *Serpentariæ* species est.

Radix e fibrarum minorum coloris lutei, odoris, & saporis aromatici, congerie constat. Caulis inde exoritur unus aut alter, glaber, saltem parum admodum pilosus, teres, plerumque erectus, minime quadratus, aut prociduus, samentosulve: folia alternatim cauli adnascuntur, hinc inde ad singulos nodos, seu genicula singula, tenuia, longa, acuminata, ad pediculum excavata, & in modum cordis effecta; superne nonnihil pilosa subter nervis protuberantibus aspera, tactu paulum glutinosa, & digitis adhærentia. Prope terram enascuntur flores singulares, vel etiam bini, in calcaneum desinentes latum, rotundum, galericulatum, labium sustinens cujus centrum in floris cavum aperitur. Labium coloris est atro-purpurei, reliquus flos cœnosi. Vasculum seminale hexagonum, pyriforme, unciali propemodum, cum plene adultum est, diametro. Perpetuæ frondis non est: verum postquam semina maturuere, folia & caules marcescere, & exsiccare incipiunt.

Serpentaria Virginiana per retortam distillata spiritum acidum fundit copiosum, & oleum tum tenue, tum crassum, mediocri capite mortuo in retorta remanente, sale alcali fixo turgido. Ex hac radice extractum salino resinofum elicitur, tum ope aquæ, tum ope spiritus vini, non vero mera resina: unde liquet hujus radices energiam a sale acido, oleosis particulis, & sale alcali fixo simul conjunctis pendere.

Hæc radix diuretica, diaphoretica, & alexipharmaca habetur. Venenis, & humorum putredini resistit, & tanquam certissimum, & præstantissimum remedium adversus letiferos *Boiciniæ* serpentis morsus, unde nomen sumpsit. Herbarum commanducatarum succum deglutiant statim a morsu, foliaque contusa vulnere imponunt: morsum canis rabidi sanare, dicitur, & ab hydrophobia vulneratos defendere. Vermes necat, verminofamque putredinem arcet. Præterea

rea vis febrifuga, & antihysterica ipsi tribuitur. Præscribitur ejus pulvis vel solus, vel cum aliis medicamentis conjunctus, a gr. x. ad ʒß. infusum ad ʒij.

ʒ. Rad. Serpentar. Virginianæ ʒß. Chelar. nigr. Cancror. pp. ʒj. Syr. Caryophyllor. hortens. q. s. Fiat bolus in febribus malignis ad putredinem arcendam.

ʒ. Serpentar. Virginian. pulver. gr. xx. Theriacæ veteris ʒß. Fiat bolus ad sudorem promovendum in febribus mali moris.

ʒ. Rad. Serpentar. Virgin. tenuiter incisæ, & contusæ ʒvj. Coque in aquæ limpidæ ʒxij. ad medias. Sub finem coctionis adde Cocciniliæ contusæ ʒß. Fiat colatura: in qua adhuc calida dissolve mellis Narbonensis ʒj. Solutioni refrigeratæ adde aq. Theriacalis ʒß. Hujus liquoris cochlearia duo vel tria, tertia quaque hora, in febribus malignis, & putridis exhibeantur ad diaphoresim, aut sudorem promovendum, ad sanguinis inspissationem a venenis frigidis præcavendam & miasma venenatum foras eliminandum.

ʒ. Serpentariæ Virginianæ, radicis Contrayervæ, pulver. Viperar. ana ʒß. Misce. In febribus malignis, adversus venena frigida, necnon etiam adversus febres intermittentes, ineunte paroxysmo, exhibitus hic pulvis commendatur.

Ex hac radice paratur tinctura, quæ tinctura Virginiana apud Londinenses dicitur.

ʒ. Radicis Serpentariæ Virginianæ pulver. ʒij. Tincturæ salis Tartari ʒxvj. Misce: & tinctura per digestionem extrahatur secundum artem.

Usurpatur in Pulvere epileptico Londinensium, in Pulvere Comitissæ Kanth, seu de Chelis Cancrorum, *Cbaras*.

ARTICULUS TRIGESIMUS-QUARTUS.

De Turpetho.

Turbith seu Turpethum incognitum videtur fuisse Dioscoridi, Græcisque veteribus. Arabes primi de eo mentionem fecere, licet de hujus rei origine prorsus incerti videantur. Mirandum sane quod Serapio *Capite de Turbith*, historiam Tripolii ex Dioscoride ad verbum transcribat, cui deinde alias subjicit descriptiones ex Arabibus auctoribus petitas, quæ verum Turbith delineant, quale ab Avicenna refertur. At vero quod Turbith Officinarum, & Arabum non sit Tripolium Dioscoridis, satis liquet ex Matthioli observatione, nempe quod communis usus Turpethum nullo commendetur odore, nec tantam gustui acridinem relinquat.

Avicenna vero, interprete Salmasio, narrat Turpethi nomine in Officinis prostrare lignosa frusta, tum crassa, tum tenuia, ex India allata, cinerea, & candida, longa, extus plana seu levia, non fugosa, intus concava tanquam arundinum frusta, tritu facilia, quæ contrita nervos seu filamenta non relinquunt. Unde verisimile est, Indicum Turbith Avicennæ innotuisse. De ejus origi-

brigine nihil profert. Mesue tradit Turpetham radicem esse plantæ folia ferentis Ferulæ, sed minora, lacte turgentis. Aliud hortense, aliud sylvestre fecit; & inter hæc magnum & parvum, album, flavum, nigrumque distinguit. Sed quænam sint varietates illæ Turpethi species, non constat. Mesue Turbith Indicum cum aliis plantarum Ferulacearum radicibus jam confundere & indiscriminatim usurpare videtur.

Actuarius duplex Turpethum constituit, fortasse ex coloribus, albo nempe & ciseaceo, ab Avicenna Turpetho assignatis: album unum, quod aliqui Alypum Dioscoridis censent; alterum nigrum, quod Pitiosæ radicem statuunt. Recentiorum nonnulli Tithymalum Myrsinitem esse Turpethum Arabum voluerunt; alii Scamoneam Antiochenam; alii Thapsiæ species diversas. Tandem radicem quæ usu continuo in Officinis legitimo Turpetho habebatur, Garzias ab horto in Orientalibus plagis reperit, ejusque originem aperuit. Eandemque plantam vir de re Botanica optime meritis Paulus Hermannus in Horti Lugduno-Batavi catalogo accuratissime descripsit.

Itaque Turpethum sive Turbith *Offic.* Terbadh *Avicennæ*, Turbedh *Arabum*: *Taprob.* Græcorum recentiorum. Radix est vel radicis cortex a lignoso medutullio separatus, exsiccatus, dissectus in frusta oblonga, digitum crassa, resinosa, foris fusca vel cinerea, intus albida, sapore subacri & nauseoso.

Eligatur nonnihil resinofum, recens, foris cineraceum, planum, non rugosum, intus candidum, non cariosum, neque majore gummi vel resinæ copia foras obductum. Solent enim impostores radicum frustra gummi vel resina extrinsecus illinire, ut magis gummosum appareat.

Planta dicitur, Convolvulus Indicus, alatus, maximus, foliis Ibisco nonnihil similibus, angulosis, Turbith Officinarum, *H. Lugd. Bat. Catal.* Turpethum repens, foliis Althææ, vel Indicum, *C. B. P.*

Vario longoque reptatu ad tria quatuorve cubita descendit radix pollicem & amplius crassa, lignosa, in aliquot ramos divisa, crasso fuscoque cortice recta, qui ruptus stillat succum lacteum, glutinosum, in pallide flavesscentem resinam illico concreascentem, gustus primo subdulcis, postmodum pungitivi, vomitum minantis. Ex hac prodeunt sarmmenta racemosa, quatuor alis donata, varios in gyros sese contorquentia, prope radicem lignosa, digiti crassitie, rufescentia, in progressu vero viridia, sex septemve ulnarum longitudinem aliquando superantia, quorum nonnulla humi procumbunt, alia vicinas arbores, fruticesque scandunt, hisque multiplici plexu se involvunt. His adstant ex carinatis alatisque pedunculis folia Althææ nonnihil paria, mollia, incana, raraque lanugine oberta, angulosa, in ambitu crenata, leviter mucronata, ad quorum sinus circa ramorum summitates exeunt petioli superioribus longiores, robustiores, alis & carina omnino destituti, sustinentes ternæ aut quaternæ capitula oblonga, mucronata, quinque viridantibus in rubro foliolis constata, quæ singula excludunt florem monopetalum, Convolvuli vulgaris magnitudine & forma, candidum, intus quinque pallefcentibus apiculatis staminibus, cum sexto intermedio subjectæ feminali capsulæ impecto, refertum. Flore excusso, capitula expanduntur, in quorum centro conspiciuntur quaternæ rotundo-angulosa, nigricantia semina, Piperis magnitudine, inclusa vasculo tenui, membranaceo, subrotundo, depresso, plano,

Geoffroy Tom. I.

R

intus

intus quadripartito. Frequens nascitur in locis opacis, humidis, ad fossarum margines, retro horiorum sepes, aliisque sylvestribus a mari longe diffusis in Zeylan & Malabara. Colliguntur in usum Medicum non caules, ut perhibet Garzias, sed radices crassiores, turgentes lacte & resina copiosiore. Quæ ad nos transmittuntur radices, fodiuntur in Guzaratta, ubi proventus luxuriosus.

Ex Turpetho per analysim Chymicam, præter phlegma acidum & urinosum, sal volatile concretum, oleum & terra copiose extrahuntur. Ex hac radice ope aquæ extracti gummosi copia non mediocris, resinosi vero portio quædam ope spiritus vini eliciuntur. Præterea infusio Turpethi chartam cœruleam subrubro colore tingit: unde conicere licet Turpethi vim pendere a quadam gummi resina conflata ex sale ammoniacali cum oleo crasso conjuncto.

Efficax censetur remedium ad crassos, lentosque humores a remotioribus corporis partibus fortiter evellendos; adeo ut in proverbium abierit: Quod non extrahit Agaricus, extrahit Turpethum. quod Turpethum non promovet, elicit Colocynthis. In diuturnis morbis maxime frigidis commendatur, præsertim in arthritide, paralyti, hydrope. In substantia exhibetur a gr. xv. ad ʒi. Infusum vero a ʒjss. ad ʒijj.

Ex eo Extractum vini ope præparatur, & resina ope spiritus vini; sed rarior sunt usus. Extractum a ʒj. ad gr. xxx. Resina ad gr. xv. exhibentur.

Nonnullis suspectum est hocce medicamentum, quod tormina pariat; ventriculum lædat, & corpori marcorem inducat. Sed hæc vitia corriguntur aromaticis, stomachicis, Zingibere, Cinnamomo, Caryophyllis, Mastiche, Saccharo.

Præterea raro solum præscribitur, cum doses sit pharmacum, quod tarde admodum operationem exerat. Ea de causa aliis purgantibus medicamentis permiscetur.

24. Turbith gummosi ʒij. Folior. Sennæ ʒi. Cinnamom. ʒj. Vini generosi ʒvj. Infunde per noctem. Colaturam capiat.

24. Turpethi, Hermodactylor. Jalapæ, Sennæ ana ʒi. Aquilæ alb. ʒj. Scammon. ʒss. Rob Ebuli q. s. Misce. Fiar Electuarium præstantissimum in arthritide & hydrope. Dosis ʒjss.

Turpethum usurpatur in Electuario Diaturpethi, Diaphœnico, Benedicta laxativa, El. Diacarthami, de Citro, Extracto Catholico *Sennæ*, Extracto panchymagogo *Crolli*, Pilulis de Agarico, aggregativis seu polychrestis, Cochiis, scetidis, tartareis *Quercetani*, Pulvere arthritico *Paracelsi*.

Quidam pro Turpetho legitimo quarundam plantarum radices substituant, quales sunt Lalerpitium foliis latioribus lobatis, *Moliss. Umbellif.* quæ Thapsia, *Offic.* Apium Pyrenaicum Thapsiæ facie, *Inst.* & Thapsia sive Turbith Garganicum semine latissimo, *J. B.* Sed rejiciendæ sunt hæc radices quæ summa donantur acrimonia, ita ut ventriculum fauces inflammant, & Turpetho vehementiora sint purgantia.

ARTICULUS TRIGESIMUS-QUINTUS.

De Zedoaria, & Zerumbeth.

DE Zedoaria, & Zerumbeth nulla apud Dioscoridem, Galenumve mentio reperitur. Arabibus usitata fuerunt medicamenta. Verum in his, sicut innumeris aliis describendis, tam breves, & incerti sunt, atque adeo inter se dissentientes, ut ex eorum scriptis horum simpliciorum historia dilucidari nequeat.

Eorum plurimi, sicut Serapio, Razes, Zedoariam, & Zerumbeth idem esse volunt. Avicenna Zedoariam distinguit a Zerumbeth; & præterea duas Zedoariæ species agnoscit; unam quæ similis est radicibus Aristolochiæ, alteram quæ cum Napello crescit, & est Napelli antidotum, & Bisbua seu Napellus Moyfi aut Anthora dicitur. Serapio Zerumbeth quodam esse Zedoariam interpretatur, radices esse similes Aristolochiæ rotundæ dicit; addit Zingiberis colore, & sapore similem esse, & ex Sinarum regione advehi. Cum vero de Zerumbeth loquitur Avicenna, dicit, radices esse similes Cypero, sed majores, & minus odoratas, colore cinereo ex Sinarum regione advectas. Avicenna insuper Zerumbeth, & Zarnab distinguit, seu de his rebus differit tanquam diversis, quas Serapio confundit. Serapioni igitur Zedoaria, Zerumbeth, & Zarnab una res eademque. Si igitur ipsi Arabum principes his de rebus inter se dissentiant, frustra eas ex eorum scriptis distinguere tentabimus.

Itaque his controversiis derelictis, historiam Zedoariæ, & Zerumbeth, qualia in Officinis hodie prostant, aggrediamur.

Sub Zedoariæ nomine duplex radix occurrit in Officinis; longa una, rotunda altera, quas nonnulli autumant esse diversas tantum ejusdem radicis partes.

Zedoaria longa, *Offic. radix* est tuberosa, densa, solida, sextantali, trientali, aut quadrantali longitudine, crassitudine digiti, quæ utrinque in obtusum acumen desinit, foris cinerea, intus candida, sapore acri, amaricante, aromatico, odore tenui, fragrante, ac valde aromaticam suavitatem dum tunditur aut manducatur spirante, & ad Camphoram aliquatenus accedente.

Eligenda est magna, densa, plena, non rugosa, substantia veluti pingui, lenta, dentibus propter soliditatem aliquantulum repugnanter, odoratissima, nullis foraminibus pervia.

Zedoaria rotunda, *Offic. radix* est substantia, pondere, soliditate, sapore, & odore longæ Zedoariæ omnino similis: solaque figura differt, quæ globosa, unciali magnitudine, superficie aliquantulum inæquali, ac præcisuram fibrarum vestigiis tuberosa, nonnunquam in brevem mucronem desinens, quo terræ adhuc hærens germen fundere consuevit.

Ex Sinarum regione utraque affertur, referente Garzia ab horo, & annuente Paulo Hermanno. Rotunda rarius in officinis repetitur quam longa. Ex quam planta oriuntur, nos latet.

Samuel Dale post Breynium & Rajum existimat esse radicem plantæ quæ dicitur Malan-Kua, *H. Malabar. P. 11. 17.* Bon-Tsiappo *Braman. Colchicum Zeylanicum* flore Violæ, odore, & colore Epheneri *Herman. Parad. Bat. prod. 304.*

Radix bulbosa est, coriacea membrana obducta, extus cineracea, intus alba, densa, aquea, multis stipata fibris capillaribus, digitum crassa, cui quamplurimi oblongo-rotundi bulbi, bini & bini, trina supra se annectuntur serie, glabri, hinc inde minutissimis pilis instructi, densi, intus pingues & mucilaginosi, Zingiberis odorem & saporem referunt, linguam minus vellicantes. E summmitate radice calyx oritur albus & membranaceus instar Croci, cui flores includuntur quatuor, vel quinque, e fundo calycis longis petiolis prodeunte, tripetali vel etiam hexapetali; quorum tria digitum longa, cylum lata, reliqua petala sive ipsum florem obtegunt, flore jam aperto supine recumbentia: duo ex reliquis longa sunt, & angusta, in acutum desinentia, tertium illis ex adverso est bifariam divilum, ita ut ipse flos tetrapetalus videatur; mixti coloris est ex cœruleo, albo, rubro, purpureo, flavo: duo reliqua maxima ex parte alba sunt, ita tamen ut dicti colores etiamnum, sed obscuri videantur. Ex eodem calycis fundo simplex progreditur filamentum purpureum, quod cornea & flava eminet lingua. Hi flores gratissimi sunt odoris Violas & Lilia longe superantis, ante folia ex terra erumpentes, quibus deciduis calyx intumescit, capsulas seminales efficiens. Folia spithamam longa, tres quatuorve transversos digitos lata, in mucronem abeuntia, glabra, polita, late viridia, sulcata pediculo crasso, brevissimo, qui lato, ac folioso suo principio caulem involvit, & in nervum per folii mediam longitudinem excurrentem terminatur. Caules cubiti altitudinem non excedunt. Foliorum sapor & odor Zingiberis.

Aliam Zedoariæ speciem Hermannus recenset in *H. Lugd. Batavi catalogo*; scilicet Zedoariam Zeylanicam Camphoram redolentem, *Musei Zeylanici*: Harankaha *Zeylanensium*, cujus folia parte adversa ex purpura obscure rubent: pediculi foliorum carinati sunt, obscure rubentes & subhirsuti, prodeuntes immediate ex radice, non caule.

Zedoaria distillata cum aqua communi oleum essentielle densum ac spissum suppeditat, quod in subtilis Camphoræ speciem concrevit. Pollet igitur oleo essentiali tenuissimo, cum acido tale summe volatili conjuncto; ex quorum connubio tenuis hæc resina camphorata exsurgit, multa terra seposita, in qua ipsius energia pender.

Alexipharmaca est, idest venenis, venenatorum animalium morsui, & pesti resistit. Sudores summe movet, phlegma pulmonum in dyspnœa & orthopnœa, in asthmate spissum & tenax potenter incidit, ejusque evacuationem promovet. Serosam colluviem viscidam nimis in ventriculo & intestinis stagnantem dividit, ac resolvit: status discutit, & colicos cruciatus inde oriundos sanat. Ventriculorum roborat, & ciborum concoctionem juvat, vomitum reprimat, alvum sistit, horumque viscerum tonum nimis laxum firmando, fibrarumque oscillationes vividiores efficiendo. Massam sanguineam veluti vappidam, & orbatam spiritibus, quibus vitalis fermentatio fovetur, excitat, novisque spiritibus particulis recreat: unde

unde in scorbuticis affectibus, apoplecticis, & paralyticis sæpe confert, sicut cætera aromata tenax & volatilia. Cavendum tamen ne temere calidiori naturæ exhibeatur; nam fibras nimis exsiccat, humores jam nimis densos inspissat adhuc, ac proinde morbum vel exasperat, aut in graviores mutat.

Exhibetur ipsa substantia a gr. vj. ad ʒß. vel infusa ad ʒij. in vino vel in aqua calida ad modum potus Theæ.

ʒ℥. Zedoariæ longæ Acori veri ana ʒß. Cinnamomi ʒj. Infunde in aqua bull. ʒvj. Capiat æger colaturam cum Saccharo.

ʒ℥. Rad. Zedoar. Sacchari ana ʒij. Balsami Peruviani gutt. xij. Fiat pulvis pro 12. dosibus. Vel

ʒ℥. Zedoariæ, Acori, Galangæ, Angelicæ, Cinnamomi ana ʒj. Caryophyllor. Ambræ cineritiæ ana ʒß. Sacchar. rosati ʒvj. Fiat pulvis stomachicus seu cibarius. Dosis ʒj. in vini haustu, ante pastum vel statim a pastu, ad ciborum concoctionem juvandam, & ventriculorum laxatum restituendum, aut flatulentos & colicos dolores sedandos.

ʒ℥. Radicis Zedoar. pulver. gr. vij. Succī Mali Citrei cochlear unum, Spiritus Sulphuris gutt. ij. Sumat æger ad nauseam & vomitum compescendum.

ʒ℥. Zedoar. ʒij. Irid. Florentin. ʒij. Infunde in vini generosi ʒvj. per noctem. Fiat colatura. Sumat æger cochlear unum aut alterum per intervalla ad expectorationem juvandam.

ʒ℥. Zedoariæ, Castorei, Serpentar. Virgin. Valerian. sylvestr. ana ʒj. Spiritus C. C. succinati q. s. Extrahe tincturam, quæ in hysteriis affectibus præstantissima est, a gutt. j. ad x. in vehiculo conveniente.

Ex Zedoaria tinctura & extractum spiritus vini ope, vel cum vino præparantur.

Radix recens Saccharo condiri solet, cujus usus præstat ad ventriculum roborandum.

Ursupatur in Aceto Theriacali, in Aqua prophylactica, *Sylvii de le. Boe*, in Aqua vitæ regia, *Charas*, in Aqua generali, seu Elixir vitæ maximo, *Matthioli*, in Aq. imperiali, *Londinens.* in Pulvere lactificante, *Charas*, & Philonio Romano.

Zerumbeth *Off.* Zerumbeth *Garziæ*. Radix est tuberosa, geniculata, inæqualis, pollicem, & nonnunquam brachium crassa, nonnihil depressa, albida vel flavescens, sapore acri, amaricante, aromatico, ad Zingiber accedente; odore fragrante. Rarissime occurrit in officinis.

Planta dicitur, Zingiber latifolium sylvestre, *Hermannii*, Zerumbeth *Garziæ*, Vvalinghuru sive Zingiber sylvestre Zeylanensibus, *Hort. Lugd. Bat. Catal.* Kua, *Horti Malabar.* Paco-Ceroça Brasiliensibus, *Pison.* & *Marcegrav.* Zingiber sylvestre majus, fructu in pediculo singulari Sloane, *Raii Hist.*

Radice potitur arundinacea prorsus, sed tenera, rubente, fibrisque crassiusculis, & longiusculis stipata; e qua cauliculus unicus elevatur, quinque pedes circiter altus, pollicem fere crassus, rotundus, sed tantum foliorum ipsorum pediculis sese invicem alternatim amplexantibus efformatus.

matus. Ipsa autem folia 10. circiter aut 9. numero, alterno situ ipsum exornant, membranacea, Cannacori vulgaris tum formam, tum consistentiam ac magnitudinem æmulantia, ad oras undulata, & fasciola rubicunda circumdata, subtus tandem dilute, desuper vero obscuris virentia & splendentia. Ex ipsa autem eadem radice, juxta cauliculum iam dictum, cauliculi alii prodeunt, coccinei, pedem & semissem circiter alti, quatuor uncias crassi, & foliolis quibusdam acuminatis & angustis obvoluti; e quorum alis flores singulares nascuntur, veluti spicam seu pyramidem constituentes, & veluti e tribus tubis, uno alteri innato constantes, & rubedine præclara conspicui: tubi autem illi bifariam ad oras diffunduntur, deque fundo suo foliolum emittunt, crassiusculum & luteum, duobusque apicibus pallidis stipatum. Calyx tandem pistillum gerens longiusculum, tenue, candidum, apiceque rubente ornatum, in fructum evadit ovatum, pruni magnitudine, carnosum, umbilicatum, sanguineo robore infectum, sanguineoque succo prægnantem, trifariam ab apice dehiscentem, seminibusque sætum multis, rufis, splendidis, duris, intraque pulpam quamdam, filamentosam, involutis.

Sylvas humentes ac fluviorum ripas amat hæc planta; fructus ejus jumentis ac bobus pabulum sunt gratissimum. Plurima crescit in insula San-Vincentiana in ea regione quam Charaibæ *Olojou* appellant. E fructuum succo color præclare violaceus elicitur, deinceps indelendus, si ex eo panni lineo aut sericei tingantur. *Plum. Mss.*

Sale volatili, oleoq, aromatico, abundare hujus aromatis radicem probat inter alia ejus distillatio. Transmittit enim per Alambicem aquam fragrantem cum sufficienti oleo; cui, si recens fuerit distillata, innatat sal volatilis paucus, forma nivis aut Camphoræ. Hic in spiritu vini solutus, conditis, electuariis, aliive debite mixtus, acidis ventriculi cruditatibus, flatibus, ac doloribus mirum in modum conducit. Idem, sed cum blanda alvi dejectione, præstat succus ex radice recente expressus.

Radix siccata & in farinam trita, plurimum de sua acredine dimittit: qua ratione conficiuntur ex ea panes, quibus annona durior velcuntur Indi. Mucilago summati capitis interstitiis inherens, aromatis hujus virtutem nonnihil redolet, & propterea doloroso & debilitato ventriculo censetur utilissima.

ARTICULUS TRIGESIMUS SEXTUS.

De Zingibere.

Zingiber sive Gingiber, *Off. Egypti, Dioscoridis & Galeni; Zimperi & Zingiberi, Plinii, Gallice, Gingembre.* Radix est turberosa, nodosa, ramosa, paululum compressa, substantiæ nonnihil fibrosæ, pallidæ vel flavescens, tenui pellicula subfusca obtektæ, qua spoliari solet, dum recens est, antequam ad nos afferatur; sapore acerrimo, fervido, aromatico, instar Piperis; odore fragrantissimo. Ex Sinarum impe.

imperio, Malabar, & Ceylan affertur, necnon etiam ex quibusdam Americæ provinciis. Sinensis minus fibrolæ est substantiæ, & præstantior censetur.

Probarur recens, candida vel pallida, odorata; damnatur teredinibus exesa, pulverulenta, & cujus superficies bolo vel creta obducta fuit, ad teredinum foramina adimplenda; teredinibus enim admodum obnoxia est.

Planta dicitur, Zingiber angustiori folio, fœmina, utriusque Indiæ alumna, *Plukn. Almag. p. 397.* Iris latifolia ruberola, Zingiber dicta flore albo, *H. Oxon*; Mangararia, *Pifonis*; Gingibil, *Bontii*, Chilli Indiæ orientalis, seu Zingiber fœmina, *Hernandez*; Inschi, vel Inschi-kua, *Hort. Malabarici*.

(Ex radice arundinacea, tenera, squammata, intus alba, foris vereo pallida & rubente, gustuque acerrima, tres aut quatuor elewantur cauliculi, rotundi, dimidium digitum crassi, juxta radicem tumentes, & rubri, deinde omnino virentes. Horum alii foliosi sunt, alii in clavam desinunt squammatam: cauliculi foliosi duos pedes circiter alti sunt, folisque foliorum amplexibus compacti. Ipsa autem folia plurima sunt, alterna, hinc inde late expansa, arundinacea, sed foliis arundinaceis minora & molliora, semipedem scilicet circiter longa, acuminata, pollicem paulo magis lata ubi latissima, glabra, læte virentia, & nervulo subtus donata.

Cauliculi autem clavari, vix pedis altitudinem obtinent, vagineisque foliolis conteguntur, virentibus quidem, sed acumine rubente rostratis. Ipsorum summitati clava imminet elegantissima sane, utpote tota e squammis membranaceis & ex auro rubentibus aut virentibus & albicantibus compacta. Ex squammarum autem sinu flores emergunt Orchidum nostratum flores æmulantes, in sex partes hiantes acuminatas, partim pallentes, partim vero satore rubentes, maculisque subluteis insignitas. Ex ipsarum medio pistillum sese exerit tenuissimum, breve, album; apiculumque gerens etiam candidum, sed e rubro rostratum, quod abit basi sua in fructum coriaceum, subovatum, trigonum, triloculare, trivalve, seminibus plurimis fœtum.

Tota clava odorem spirat acrem, floresque ex ea prodeuntes vix dimidium diem durant, successive unus post alium sese expandente. Planta in hortis tantum colitur. *Plum. Mss.*

Nascitur in omnibus utriusque Indiæ provinciis exulta, sataque semine aut radice, pingui solo, humido & probe exculto. Americæ non videtur naturalis, sed ex India Orientali, aut Philippinis Insulis in novam Hispaniam & Brasiliam translata.

Alia est planta quæ Zingiber sylvestre mas, *Pison. Mantiss. arom.*; Anchoas seu Zingiber mas, *Hernandez*; Katou-Inschi-Kua, *Horti Malabar.* quæ quidem a præcedente parum discrepat. Folia paulo latiora sunt, & asperæ: radices quoque majores sunt, quarum nec tamen fortis odor, nec sapor adeo fervens & aromaticus, idcirco non tanti æstimatur.

Zingiberis radices quotannis colliguntur ubi flores aruerunt, & dempro cortice exteriori, conjiciuntur in muriam; & hora una aut altera maceratæ, Soli tantumdem temporis exponuntur; tum sub tecto super stœreas collocantur, donec omnis humiditas consumpta fuerit.

Indi foliis Zingiberis in jusculis & coquinariorum usu atque acetariis utuntur. Radices etiam virides cum aliis herbis minutim concisæ ex oleo, sale, & aceto inter acetaria comeduntur, Saccharo quoque recentes condiri solent, & inter bellaria exhibentur.

Zingiber oleum essentialē minus gratum & acerrimum distillatione suppediat; pollet sale volatili oleoso, fervido seu igneo principio turgido, a quo saporem, odorem, & vires obtinet.

Galenus Zingiber minus tenuium esse partium quam Piper inde colligit, quod calor ejus, quamvis æque fortis, non primo statim occursum gustu percipiatur. Caliditas autem quæ proficiscitur a Zingibere, diutius perseverat, quam quæ a Pipere; unde infert substantiam ejus & crassiores esse & humidam.

Dioscorides alvum leniter emollire scribit; quod verum est, si teneræ & adhuc recentes radices edantur: nam vetustiores siccant potius & sistunt alvum.

Zingiber recens ab Indianis habetur tanquam remedium præstantissimum ad colicos dolores, celiacam & lentericam passionem, diarrhæas diurnas ex frigore natas, flatum, ventrisque tormina, & alia hujusmodi.

Recens & exsiccatum, ventriculum roborat, & concoctionem promovet: ventriculi & pulmonum sacculus abstergit & dissipat, supervacuo humore absumpto. Cerebrum & memoriam roborando juvat: hebetudini etiam visus, quæ ab humiditate oritur, prodest: venerem stimulat, & flatum discutit. Antidotis admiscetur tanquam alexipharmacum. Sæpius adjungitur medicamentis catharticis, ad eorum vim augendam, aut malitiam corrigendam.

Ea tamen perpetuo adhibenda est cautela, ut qui sanguine sunt fervidiore, sive sani, sive ægrotantes, parissime eo urantur; quia Zingiber omne, sive siccum, sive recens, sive conditum, sanguinem accendit, & orificia venarum aperit. Insuper omnibus melancholicis in magna dosi non est exhibendum; quia humores melancholicos nonnunquam spissiores, fixiores, & plane immobiles reddit, inquit Hermannus.

Exhiberi potest per se in substantia a gr. v. ad xv. sed rarissime datur propter nimiam acrimoniam. In infusione vel decocto a ℥ss. ad ℥ss. conditum vero a ℥j. ad ℥j.

24. Zingiberis conditi ℥ss. Conserv. Rosar. rubrar. Corticis Limon. conditi ana ℥ij. Extracti Juniperin. ℥ss. Cinnamom. Nucis moschatæ ana ℥jss. Syr. Flavendin. Citri, vel Cydonior. q. s. Misce. Fiat Electuarium ad ciborum concoctionem juvandam, statim a pastu sumendum ad ℥ij.

Zingiber usurpatur in Theriaca *Androm.* Mithridatio *Damocatis*, Dioscoridio *Fracassoris*, Electuario diafetyrio, diaphæmico, Benedicta laxativa, El. Caryocostino, confectioe Hamech, Electuar. diacarthami, de Citro, Trochiscis de Agarico, Alhandal, Pilulis scætidis, polychrestis.

CAPUT SECUNDUM.

De Corticibus.

ARTICULUS PRIMUS:

De Cinnamomo.

Cassia & Cinnamomum apud priscos, si non res una & eadem, maxima saltem cognatione & affinitate conjunguntur. Duo præcipua Cassiæ genera distinguunt Græci scriptores, unum *Κασίαν συρίγγα*, vel *συρήγ'δα* nominant, alterum furculosum quod *Ξυλικήν Κασίαν* aut *Ξυλοκασίαν* quidam nuncuparunt.

Κασία σύριγγ ex cortice solo composita erat in tubulos sive fistulas convoluta, unde nomen, *Ξυλοκασία* sive *ξύλική κασία*, Cassia lignea furculis constabat lignosis, cortice adhuc coopertis, quam etiam Dioscorides *Βλαστός μωσύλισην* vocat, id est, furculum mosyliticum.

Cassia Syrinx seu Cassia fistula vulgaris erat usus ac notitiæ, & vilis emptu, ut refert Galenus: eademque erat quæ ab Andromacho tum seniore, tum juniore in Theriaces compositione expostulabatur. Omnes aliæ Cassiæ seu Xylocassiæ species rariores erant, quarum plurimæ a Galeno recententur; scilicet *ἀσύρη*, *μωπά*, *γίζιρ*, quam quidem dicit Cinnamomo simillimam, furculosam aut fistulis plenam, *αραβία* & *δουσίσι*.

Cinnamomi vero plura quoque sunt genera parum inter se discrepantia, *Μόσηλον* Mosyliticum nempe quod præstantissimum est, nigricans seu ex vinoso in cinereum vergens, læve, tenuibus ramulis ac frequentibus nodis cinctum, acre, mordens, & cum calefactione quadantenus salsum: deinde *ὄρειον* montanum, *μελαν* nigrum, *λευρόν* candidum, *ὑπόκίρρον* subfulvum, quibus addunt Xylo-Cinnamomum & Pseudo-Cinnamomum.

Quidquid discriminis Cassiam inter & Cinnamomum Græci veteres constitutuere voluerint, id in eo tantum positum deprehenditur, quod Cinnamomum odore & sapore grato, suavi, & aromatico, Cassiam tum fistulosam, tum furculosam longe superet. Et reipsa Galenus observat supremam Cassiam ab infimo Cinnamomo parum distare, eamque pro Cinnamomo substitui, sed duplicato pondere.

Neque ex scriptis Arabum, apud quos Græci Cassiam & Cinnamomum nasci arbitrabantur, harumce rerum historia magis illustratur. Nam Avicenna Cassiam Dioscoridis appellat *Selicha*, quæ vox derivatur ab Arabico *Selach*, quo significatur cortex; nisi illud a Græco *ξύλική* derivare malint. Quæcumque vero de Cassia Dioscoridis scripta sunt, eadem ferme leguntur sub titulo *Selicha*, quod in Cassiam ligneam nostram Arabum interpretes convertunt, fortasse minus bene. Avicenna Cinnamomum sub nomine *Dar Sini* tradidit; & quidquid Dioscorides de Cinnamomo tradidit, in suam linguam ad verbum convertit & exposuit. Eo autem capite quo omnes Cinnamomi differentias verbis Dioscoridis prætexuit, quod Xylo-Cinnamomum Græco auctori vocatur,

tur, ipsæ Arabice *Kerfa* vocatum affirmat & interpretatur, forte derivatum a Græco *κέραν* furculus, sicut *Dar Sini* significat furculum Sinensem.

Nunc vero considerandum est, an Cassia veterum & eorundem Cinnamomum una res, eademque sit atque Cinnamomum nostrum, Canella vulgo dictum, an-ne res diversæ? Non levis est ea de re inter auctores controversia.

Auctorum plurimi, inter quos Matthiolus, Cassiam Dioscoridis esse nostrum Cinnamomum existimant, nec immerito, ut ex ipsa Dioscoridis & Galeni descriptione patet; veterumque Cinnamomum nobis nunc ignotum esse aut prorsus perditum fuisse. Alii cum Dodonæo suspicantur eorum Cinnamomum fuisse teneros ramulos arboris Caryophylli aromatici; quod quidem rationi non est prorsus dissentaneum, quandoquidem Mosylytici Cinnamomi descriptio ex Dioscoride & Galeno tenuibus ramulis vel virgulis hujusce arboris convenire videatur. Attamen non verisimile est Caryophylleos fructus, nempe adeo aromaticos ac præstantes, latuisse viros, qui assidue inter has arbores versabantur, & præsertim mercatores lucri avidos qui tanta sollicitudine ramulos colligebant.

Alii credunt Cassiam & Cinnamomum veterum esse unam & eandem rem, seu ex eadem earbore oriunda; ea tamen differentia quod Cassia fuerit cortex a ligno separatus, Cinnamomum vero tenuiores arboris furculi adhuc integri: quod maxime simile vero mihi videtur. Dioscorides enim Cinnamomum aliquantulam retinere similitudinem Cassiæ, quæ Mosylytis dicitur, affirmat; & Galenus universam Cinnamomi naturam similem esse quodammodo optimæ Cassiæ, quam Barbari *Gizi* vocant. Præterea refert idem Galenus se vidisse Cassiæ ad fruticis magnitudinem elatæ ramos quosdam Cinnamomo penitus similes aspectu, corticis tenuitate & hisce signis quæ Cinnamomum certissime ostendunt, ac gustu, olfactuque percipiuntur. Insuper cum Theophrastus, alique veteres corticem solummodo in Cinnamomo utilem esse scribant, probabilius inde inferri existimo, Cinnamomum nostrum hodiernum seu Canellam vulgarem, Cinnamomum veterum, eorumque Cassiam, unam & eandem rem esse; nec aliter sese differre tot Cinnamomi, Cassiæ, & Xylo-Cassiæ species, quam ratione afferendi, aut natali solo. Etenim antiquitus tota planta adolefcens aut juniores furculi integri (cortex nempe cum ligno) sub Cinnamomi nomine afferebantur, & sub Cassiæ nomine cortex tantummodo a ligno separatus. At vero cum fuisset animadversum lignum inutile prorsus esse, cortex solus, rejecto ligno, allatus fuit: qui mos in hunc usque diem fuit servatus. Nec parvum quoque erat discrimen a cœli, solique differentia oriundum, inter has aromatum species; siquidem adhuc hodie observatur, eandem Cinnamomi arboris diversis in regionibus natæ speciem corticem Cinnamomeum diversum suppeditare. Aliud enim est Zeylanicum, aliud Malabaricum, & Javanense Cinnamomum; aliud excultrum, aliud sylvestre. Quia etiam pro diversa arborum ætate & pro diversis ejusdem arboris partibus ex quibus cortex extrahitur, quædam exsurgit varietas: Cinnamomum novellæ arboris a vetustiore, cortex trunci a ramorum cortice, cortex radicis ab utroque differunt.

Quid-

Quidquid de Cassiæ & Cinnamomi origine veteres tradiderunt, aut fabulosum est, aut incertum. Tam longa enim difficilique via perebantur olim hæc aromata, ut perfectam eorum notitiam consequi veteribus haud facile fuerit. Quoniam vero ingens eorum erat pretium, majorque in hominibus lucri cupiditas, mercatores de earum mercium origine & colligendi difficultate varias fabulas narrabant, ut his commentis earum mercium pretia adaugerent. Hæc commenta igitur consulto reticemus, & ad nostri Cinnamomi seu Canellæ vulgaris historiam progredimur.

Cinnamomum sive Canella vulgaris *Offic.* cortex est tenuis, modo chartæ luforiæ, modo sextantis uncix crassitudine, convolutus in exiles tubulos seu cannulas cubitales, sesquicubitales, aut longiores, digitali latitudine ut plurimum, substantia lignosa & fibrosa; fragili tamen, superficie interdum rugosa, aliquando lævi, colore ex flavo rubescente aut ferrugineo, sapore acri pungente, sed sine molestia, subdulci, & aromatico gratissimo, odore suavi & fragrantissimo.

Secundus & interior cortex est arboris, quæ dicitur Cinnamomum sive Canella Zeylanica, C. B. P. Laurus Zeylanica baccis calyculatis Hermannii, *Raii Hist.* Cassia cinnamomea, *H. Lugd. Bat.* Canella quæ Cuurdo, *Pisonis M. arom.* Arbor Canellifera Zeylanica, cortice acerrimo seu præstantissimo, qui Cinnamomum Officinar. *Breyo. 2. Prodr.* (Cinnamomum foliis latis, ovatis, frugiferum, *Burm. Thes. Zeyl. pag. 62. Tab. 27.* Laurus foliis oblongo-ovatis, trinerviis, nitidis, planis, *Lin. M. Cliff. 154.*)

Radix hujus arboris crassa est, multifida, fibrosa, dura, cortice extus e rufo cinereo, intus rubescente, & odorem Camphoræ spirante obducta, cum ligno solido, duro, albicante, & inodoro. Truncus ad tres vel quatuor hexapedas assurgit, numerosos ramos & furculos diffundit, estque cum ramis cortice vestitus primum viridi, qui dein cum ætate rubescit, & cum pellicula tenui lignum ambit, crustaque cinerea obductus est; sapore, dum viridis est, languidiore, exsiccatu vero subdulci, acri, aromatico, admodum jucundo. Cortex recens a crassa illa cinericia & inæquali purgatus, & suo tempore deglubitur & in sole exsiccatu, Cinnamomum dicitur. Lignum intus durum est, album & inodorum. Folia, tum bina, tum solitaria, foliis Lauri vel Citri similia, palmum superantia, glabra, nitida, oblongo-rotunda, in acumen desinentia, cum tenera sunt, coloris hepatici, prout vetustiora sunt, sicciora, superne saturate viridia, subtus dilutiora, cum pediculo crasso, semipollicari, interius late striato, in tres nervos per folii longitudinem decurrentes, in recta & averfa parte prominentes cum venulis transversis abeunte: demum odorata sunt, & Cinnamomum odore & sapore referunt, qua maxime nota a foliis Malabathri dignoscuntur. Flores parvi, stellati, hexapetali, albicanres, plures congregatim prodeunt ex ramorum extremis, cum pediculis dilute virentibus, odoris grati ad Liliæ convallii odorem accedentis: in floris medio corculum comprehenditur ex duplici staminum serie constans, cum pistillo viridi, in vertice nigricante, quod abit in baccam oblongo-rotundam, quatuor vel quinque lineas longam, glabram primum viridem, deinde e cæruleo

rufculo fufcam & punctis albicantibus confperfam, arfteque inhærentem calyci profundiusculo, craffiusculo, viridi, in ſex cuſpides diviſo. Continet autem ſub pulpa viridi, unctuoſa, adſtringente & ſubacri, aromatica, teſtam tenuem & fragilem, quæ nucleum tegit oblongo-rotundum, acrem, colore quaſi incarnato aut leviter purpurafcente. Naſcitur in inſula Zeylan, ubi non minus frequens eſt in ſylvis & ſepibus quam Corylus apud nos.

Cinnamomum *Offic.* cortex eſt ex minoribus arboribus triennialibus excerptus. Vere vel Autumno, quo tempore humor obſervatur turgelſcens inter corticem & lignum, arbores deglubiri ſolent, & cortex exemptus cinerea illa tenui & ſcabra exteriori pellicula delibratur, & in laminas diſſectas exponitur ad ſolem, ibique dum exſiccatur in Canellas ſponte convolvitur. Vernum tempus pro hac decorticatione poſſimum eligitur, quando arbores floreſcere incipiunt. Cortice ablato, arbor per biennium, trienniumve nuda remanet; ac tandem novo cortice induitur, huic operationi rursus apto.

Probatur Cinnamomum ex flavo dilute rubelſcens, odoratum, aromaticum, ſaporis acuti, ſubdulcis tamen, & ſuavis. Omnis ejus vis conſiſtit in tenuiſſima, & interiori hujus corticis pellicula; quandoquidem, referente Hermanno, ex hujus tenuioris pelliculæ libra una plus olei extractum fuerit, quam ex ſex corticis integri libris.

Mira ſane diverſitas odorati olei quod ex hac arbore extrahitur. Cortex, ſi recens diſtilletur, multum ſuppedit olei, antiquum vero & diutius aſſervatum olei perparum exhibet. Oleum vero duplex extrahitur, unum quod aquæ fundum petit, alterum quod aquæ innatat. Hoc palidum, illud flavelſcens & rutilans; limpida ambo, odoris fragantiſſimi & ſaporis acutiſſimi, linguamque vehementiſſime pungentis. Ex radicis cortice oleum cum ſale volatili ſeu Camphora per diſtillationem educitur, aqua levius, limpidum, flavelſcens, ſubtile, quod facile in auras avolat, odore forti, vegeto, grato, medio inter Camphoram & Cinnamomum, ſapore peracuto. Camphora Cinnamomea candidiſſima eſt, Camphoram vulgarem odoris ſuavitatem longe ſuperat; ſumme volatilis & maxime diſſipabilis eſt, promptiſſime flammam concipit, nullamque fœcem poſt deſagationem relinquit.

Oleum ex foliis diſtillatum in aqua ſubſidet ad fundum, primo turbidum, cum tempore flavelſcens & pellucidum, ſapore ſubdulci, acri, aromatico, odorem Cinnamomi tenuem ſpirans, nonnihil ad Caryophyllorum odorem accedentem.

Fructus duplicem ſubſtantiam ſuppeditant; per diſtillationem, oleum eſſentiale ſimile juniperino cum pauxillo Cinnamomi & Caryophyllorum mixto; per decoctionem vero pinguedinem quamdam craſſam, conſiſtentia & colore ſebum referentem, odore fragranti, quo in unguentis utuntur indigenæ, & candellæ conſciuntur, quibus nemini præter Regem uti licet. In truncis annofis ſunt nodi reſinoſi ſpirantes oleum ligni Rhodii.

Cinnamomum ſale eſſentiali tum acido, tum urinoſo, ad ammoniacum accedente, & cum oleo eſſentiali aromatico conjuncto turget, a quo ejus actio poſſimum pendere videtur. Quas Caſſiæ & Cinnamomo ſuo præſci tribuebant

vir-

virtutes, eadem de nostro Cinnamomo a toxicis recensentur. Calefacit, siccatur, aperit, discutit, alexipharmacum est, venenis resistit, & humorum malignitati, humorum putredinem arceat, menses promouet, parum accelerat, omnia viscera roborat, spiritus recreat, concoctiones iuvat, status discutit. Ulius ejus frequentissimus est in virum imbecillitate, lipohymia, febribus malignis, capitis, pectoris, ventriculi, & uteri affectibus frigidioribus, & colicis doloribus. Contest in suppressione mensium, & partu difficili.

Exhibetur substantia a ℥j. ad 3℥. vel 3j. in infusione a 3℥. ad 3j.

Ex Cinnamomo paratur Aqua Cinnamomi spirituosā, iisdem virtutibus donata ac Cinnamomum.

24. Cinnamomi contusi ℔j. Vini albi, & aquæ Melissæ stillatitiæ ana ℔j. Maceracione facta per 24. horas, distilletur liquor igne vehementi per refrigeratorium alambicem: & quæ primæ prædeunt aquæ libræ tres, seruentur ad usum, ultima utpote debilior rejicienda.

Hæc aqua turbida est albicans, & quasi lactescens ab oleosis Cinnamomi partibus cum aqua permixtis. Quidam aquam Cinnamomi hordeatam exposcunt, præparatam nempe ex Hordei decocto, in quo Cinnamomum maceratum fuit, & postea distillatio. Sed inutiles sunt Hordei particule in hoc menstruo, quæ salino-oleosarum Cinnamomi partium evolutionem potius impediunt, quam promovent, nec per distillationem ascendunt. Verum si vividiores Cinnamomi partes retundere sit animus, satius est aquam Cinnamomi supra descriptam in Hordei decocto, vel cremore, vel seminum emulsionibus propinare.

Paratur Syrupus Cinnamomi hac ratione.

24. Aquæ Cinnamomi spirituosæ ℔j. Cinnamomi acuti contusi 3j. Digestantur per viginti quatuor horas. Tincturam rubram per inclinationem separa. Tum

24. Sacchari albissimi in aq. Melissæ soluti, & in el. solidum cocti ℔ij. Huic sensim affunde tincturam. Fiat ex arte Syrupus, cujus dosis ad 3j.

Distillatur oleum essenziale Cinnamomi eodem modo ac cætera olea essentialia, macerando scilicet Cinnamomum in maxima aquæ communis copia, & igne sat vehemente distillando. Turbida, & lactescens prodit aqua, quæ per tempus limpida fit, separatione oleosarum partium, quarum pars maxima fundum petit, pauciores vero ad aquæ superficiem eleuantur. Separatur oleum flavescens ab aqua, & servatur ad usum.

Cum olei sapor sit acutissimus, & urens, raro solum præscribitur, sed cum saccharo sub forma Elæosacchari in liquoribus convenientibus. Iisdem viribus donatur, & quidem vehementioribus, quam Cinnamomum, aut aqua Cinnamomi. Præscribitur a gutta una ad iij. Plurimi æstimantur ad purgantium medicamentorum vehementiam temperandam: unde ferme in omnibus extractis, & pilularum massis commiscantur, necnon etiam ad gratum odorem ipsis conciliandum. Dentium dolores obrundit gossypio exceptum, & dentis cavitati inditum: acridine caustica, & exurente qua donatur, dentis nervum exsiccatur, & comburit.

24. Cinnamomi pulverati ʒʒ. Limaturæ ferri tenuissimæ ʒiij. Sacchari candidissimi pulver. ʒʒ. M. F. pulvis in virginum chlorosi exhibendus ad ʒj.
24. Cinnamomi pulver. ʒʒ. Extracti Croci gr. vj. Flor. sal. amm. chalyb. ʒʒ. M. F. bolus c. l. q. Conservæ Flor. Aurantior. in mensium suppressione.
24. Cinnamomi ʒj. Croci pulver. ʒʒ. Syrup. Kermes q. f. M. F. bolus in partu difficili.
24. Cinnamomi acuti pulver. ʒx. Zingiberis, & Caryophyllor. ana ʒj. Galangæ, Macis, Nucis moschatæ, flavedinis Citri rasæ ana ʒij. cum Sacchari in aqua Rosarum soluti, & costi ʒʒ. Fiant ex arte tabellæ palato gratæ, ad ciborum concoctionem juvandam, status discutiendos, & ventriculorum roborandum. Dosis ad ʒij. mane, jejuno ventriculo, & post pastum.
24. Aq. Cinnamomi ʒʒ. Aquar. Flor. Aurantior. & Artemesiz ana ʒj. Confectionis Alkermes ʒʒ. Fiat mixtura in partu difficili exhibenda.
24. Aq. Cinnamomi ʒʒ. Aquar. Melissæ, & Card. bened. ana ʒiij. Syr. Cinnamomi ʒj. Fiat potio cochleatim exhibenda, in virium prostratione, hypothimia, & in febribus malignis.
24. Aq. Cinnamom. ʒij. Syr. Limon. ʒj. Salis absynthii ʒij. Fiat mixtura cochleatim exhibenda, ad nauseam, vomitum, & anxietates circa præcordia compescendas, in febribus maligni moris.
24. Olei Cinnamomi guttas iij. Sacchar. albi ʒij. Fiat Elæosaccharum ex vino generoso propinandum in partu difficili.

Oleum, & Camphora ex radicis Cinnamomi cortice extracta, in affectibus rheumaticis, & paralyticis externe admota conferunt. Intus sumpta sudores pellunt, humorum malignitati resistunt, asthmati, & cathariis aneduntur.

Observandum est immoderatum aut intempestivum horum aromaticorum usum, ventriculorum ad inflammationem disponere, ejus fibras crispare, glandularum stomachalium orificia constringere nimis, & occludere: unde succi digestivi penuria, & spasmodica ac inflammatoria ventriculi tensione, prava sit ciborum concoctio, difficilis eorundem, & tarda ex ventriculo in intestina propulsio, laboris anxietatque plena digestio, cujus vitium postea per totum corpus diffunditur, & cæteras corporis functiones lædit. Præterea ab eorundem aromaticorum usu nimio, aciores sunt corporis succi, spissioresque, tardo motu per vasa circumeunt, imperfectæque sunt secretiones; unde nascuntur hepatis, renum, aut cæterorum viscerum obstructions, inflammationes, cachexiæ, atrophia, hydrops, affectus melancholici, hypochondriaci, aut alia ejusmodi. Attente igitur considerandum est, ut jam alibi monuimus, num bene convenient hæc stomachica calida; cavendum est etiam, ne eorum usus diuturnior sit quam par est.

Usurpatur Cinnamomum in Tabellis stomachicis Charas, Tabellis magnanimatis, Pulvere aromatico rosato, Pulvere diarrhodon, Pulvere Panonico Charas, Theriaca, Mithridatio, Conf. Alkermes, Diascorido, Orvietano, Opiata Salomon, Philonio, Diaphœnico, Conf. Hamech, Hiera picra Galeni, Pilulis fœtidis, Emplastro stomachico Charas. Ex oleo Cinnamomi sunt balsama apoplectica, & paralytica.

Alii afferuntur cortices crassiores, colore, odore, & sapore ad Cinnamomum accedentes; & idcirco Cinnamomi Crassioris nomine donantur, vulgo *Canelle matte*, qui nihil aliud sunt quam truncorum vetustiorum Cinnamomi cortices. Verum ut odore, & sapore Cinnamomo longe inferiores sunt, sic & virtutibus; ideoque rejiciendi.

ARTICULUS SECUNDUS.

De Cassia Ligna.

Cassia Ligna *Offic.* Cortex est in cannulas convolutus, facie externa Cinnamomum omnino referens, tum colore, tum etiam odore, & sapore, debilioribus tamen, & ab exteriori pellicula eodem modo purgatus. A Cinnamomo distinguitur, non solum aromaticitate longe debilior, sed etiam quadam glutinositate, quæ gustu, dum comeditur, percipitur. Modo ex flavo rubescens affertur, modo flavus. Eligitur, qui ad Cinnamomum odore, & sapore propius accedit.

Eadem ratione, ac Cinnamomum Zeylanicum, & ex ejusdem arboris specie, quæ in Java Insula, & in Malabar crescit, divellitur. Arbor dicitur, Cinnamomum seu Canella Malabarica, & Javanensis C. B. P. Carua *H. Mal.* Cassia vulgaris, Calihacha dicta *Pison. Mantiss. Aromat.* quæ quidem a Zeylanica non differt.

Conjicere licet Cassiam ligneam nostram inter tot Cassiæ species non ignotam fuisse veteribus: sed mirum est Dioscoridem, & Galenum nihil de glutinoso ejus sapore protulisse. Utut sit, Cassia lignea nostra a junioribus Græcis usurpata fuit in medicamentorum compositorum descriptionibus, in quibus Cassia, & Cinnamomum simul exposulabantur ut in Theriaca, Mithridatio &c. Cœterum rarioris est usus. Hæc Cassia minus recte lignea dicitur, cum lignosa non sit, sed merus cortex. Verum Græci juniores qui Arabum libros interpretati sunt, ad distinguendam hanc Cassiæ speciem a Cassia solutiva, quam Cassiam Syringem seu Fistulam dixerant, eam Xylo-Cassiam seu Cassiam ligneam appellarunt.

Alexipharmaca, & stomachica censetur, minus tamen quam Cinnamomum. Sed ubi demulcendum, & adstringendum, ratione ejus glutinositatis Cinnamomo antepositur. In tussi, & asthma commendatur ad pituitam lentam, & acrem incidendam simul, & demulcendam; in diarrhæis quoque, dysenteris, ad viscera roboranda, & ab humorum acridinem defendenda.

℞. Cassiæ lignæ contusæ ℥j. Passular. exacinatorum ℥ss. Infunde in vini albi ℥viij. Colaturam capiat in asthma.

℞. Rhei el. Cals. lignæ ana ℥ss. Rosar. rubrar. ℥ij. Infunde per xij. horas in vini rubr. ℥viij. Fiat colatura, quæ cum Sacchari albissimi in aq. Rosarum vel Plantag. soluti, & in electuario solidum cocti ℔j. permisceatur ad Syrupi consistentiam; cujus duo, triave cochlearia exhibeantur bis, terve in die adversus diarr-

diarrhæas & alvi fluxus, & ventriculi, intestinorumque imbecillitatem. Cassia lignea usurpatur in Theriaca, Michridatio, Philonio magno, Trochiscis Hedicroy, & Cyphæos, El. Dialcordio *Fracassor*.

ARTICULUS TERTIUS.

De Cassia Caryophyllata.

Cassia Caryophyllata *Offic.* Cassia Caryophyllata *Pisonis Mantiss. Arom.* Cortex est instar Cinnamomi tenuis ex rufo ferrugineus, pellulis suis exterioribus spoliatus, & tubuli in modum convolutus, qui primis labiis gustatus saporem videtur reddere immixtum Canellæ, sed cum Caryophylli prædominio, qui etiam (pereunte primo utpote languido) vires acquirit cum tempore, tantaque vivacitate, fragrantia & acrimonia se exerit, ut lingua quasi levioris caustici sentiat effectum, in primis, qui ex furculis tenerioribus, & vegetioribus provenierit.

Arbor, e qua cortex illæ extrahitur, dicitur, Caninga *Hernandez*: Myrtus Americana, Caninga dicta, *Herman. M. M.* Magna est, & proceræ, crasso caudice; folia profert Canellæ similia, sed tamen majora & pinguiora, stipitemque fuscum. Hæc *Hernandez*, qui florem & fructum non vidit.

Piso refert arborem esse mediocriter proceram, ramosam: flores parvos ut Violæ proferre, cæruleo colore cum umbilico albicante, croceis, aureisque lineis variegatis; & cortice tenui circumvestiri, qui a trunco pariter, ac ramis detractus, atque veluti in corrigias concisus, exsiccatusque, Orientalis Cinnamomi in modum convolvitur.

Nascitur in Insula Cuba, & in Guiana, & Maranhon Americæ meridionalis Provinciis.

Cassia Caryophyllata sale & spiritu volatili oleoso pollet. Eadem dotes illi tribuuntur atque Caryophyllis aromaticis, sed languidiore; eisque sæpe in obsoniis substituitur. Alexipharmaca est, stomachica, & cephalica. Verum Caryophylli longe præstant.

Hæc Cassia ignota fuit veteribus Græcis, necnon etiam Arabibus, licet *Hernandez* eam fuisse *Kerfa* Avicennæ suspicetur; quod quidem verissimile non est. Avicenna enim, teste *Salmasio*, per *Kerfa* non corticem, sed furculum intelligit; & sicut sub his nominibus *Kerfa*, *Dar Sini*, agit de Xylo-Cinnamomo *Dioscoridis*, sic per hæc verba *Kerfa*, *Karumfel*, furculos Caryophyllatos intelligit, *Ξυλοκαρυφυλλόν Actii & Aliorum*; nempe fortasse furculos tenues, seu petiolos Caryophyllorum aromaticorum.

ARTICULUS QUARTUS.

De Canella alba.

Canella alba, & cortex Vvinteranus spurius *Offic.* Costus corticosus *Quorundam*. Est cortex in oblongos tubulos convolutus, abexteriori cor-

cortice purgatus, rami intus, quam extus exalbidus vel flavesceus, Cinnamomo crassior, sapore acri, pungente, aromatico, quasi mixto ex Cinnamomi, Zingiberis, & Caryophylli sapore, odore fragrantem. Græcis, & Arabibus incognita fuisse videtur: a novo orbe detecto tantum innouit. Duæ hujus corticis species a quibusdam distinguuntur, sed ratione tantum magnitudinis tubulorum; altera majoribus, longioribus, & crassioribus tubis; altera tubis tenuioribus, & minoribus: nam reipsa ejusdem arboris cortices videntur, nisi quod alter sit e trunco, alter e ramis avulsus.

Arbor dicitur Canella alba quorundam J. B. Canella Cubana *Jonston*: Arbor Jucaci *Nieremberg*: Cassia lignea Jamaicensis; cortice acri, candicante *Pluken.* *Phyt.* Arbor baccifera, laurifolia, aromatica, fructu viridi calyculato, racemoso. *Sloane Philos. Trans. n. 1. 2. & Hist. Jamaica. vol. 2. pag. 87. Catesb. Hist. Natur. vol. 2. pag. 50. fig. 50. VVinterania. Lin. Hort. Cliff. 488. vulgo, Canelle blanche.* Proceræ est ad 4 vel 5 hexapedas assurgens, ramosa, cujus truncus sæpe scæmoris humani crassitudinem æquat, & ramorum plurimi deorsum propendent. Duplici cortice circumvestitur, exteriori uno, lineam crasso, cineraceo, maculis albicantibus variegato, rugis quibusdam fuscis circularibus exasperato, aromatico, interiori altero, lævi Cinnamomo paulo crassiori, albicante, friabili, sapore acri, pungente, aromatico, ad Caryophyllos nonnihil accedente, abique glutinositate. Folia summis ramulis inordinate nascuntur, pediculis pollicaribus inæqua, duas uncias longa, unciam unam lata, circa pediculum angustiora, versus extremum latiora, & subrotunda, ex pallido vel flavo virentia, nitentia, glabra, ad Lauro-cerasi folia nonnihil accedentia. Ex ramulorum extremis oriuntur pediculi, qui flores sustinent umbellatim congestos, constantes, ex calyce multifido, quinque petalis rubentibus aut purpurascens, quorum medullium occupat pistillum crassum. His succedunt bæcæ calyculatæ, Pisi crassitudine, subrotundæ, primo virides, dein purpurascens, continentes in pulpa subviridi, mucaginosa, quatuor semina (a), irregularis figuræ, nigricantia, lucida.

Omnes hujusce arboris partes sapore acri, aromatico, Caryophyllato, pungente, donantur. Nascitur in locis humidis; & sylvis, in Jamaica & cæteris Americanis insulis.

Hujus arboris cortex ex trunco, & ramis eripitur, & exteriori separato exsiccat in umbra; & servatur sub nomine Canellæ albæ, seu Corticis VVinterani, licet non sit genibus VVinteranus Cortex, ut mox dicemus. Eo utuntur indigenæ in obsoniis, & ciborum condimentis, Piperis, & Caryophyllorum vice.

Canella alba oleo essentiali, aromatico; turgida est, quod per vesicam extrahitur distillationis ope, ex hoc cortice in aqua macerato. Aqua gravior est, flavesceus, odorem olei Caryophyllorum odori proximum referens. Unde quidam oleum Caryophyllorum hoc oleo adulterant.

Goussier Tom. 1. p. 1. S. 2. Non

(a) Plumerius unicum tantum observavit, subrotundum, & amarulscum, in insula San-Dominicæ & Toruosa, ubi hæc vulgo dicitur, *Canelle bairde poivree*. MM. 5. 125.

Non solum in eduliis usitata est tanquam stomachica, sed etiam commendatur inter antiscorbutica remedia. Flatus discutit, catharosis affectibus medetur, & paralyticis. Dosis æ ʒss. ad ʒj. in substantia; ad ʒij. in infusione. Cortici VVinterano vero substituitur, utpote magis vulgaris. Ejus usus biliosis, & calidis naturis noxius est.

ARTICULUS QUINTUS.

De Cortice VVinterano.

Cortex VVinteranus verus *Offe*. Crassus est & in tubulos convolutus cortex, foris integumento cinereo, molli, fungoso, inæquali, & multis simulis hiantè obductus; intus solidus, densus, ferrugineus, sapore acri, aromatico, pungente & exurente, odore fragrantissimo. In littore Magellanico detectus fuit a VVillelmo VVintero Angli navis præfecto, qui anno 1467. Franciscum Dracke ad Magellanicum usque fretum comitabatur, ulterius non progressus, & ab eo in Europam primum allatus, unde nomen suum obtinuit.

Parkinsonus corticem hunc a Canella alba diversum esse, contra multorum opinionem ostendit. Ab ea enim differt crassitie majore, colore obscuriore, & ad Cinnamonum accedente, sapore acriore quasi Piperis vel Zingiberis.

Arbor dicitur, Laurifolia Magellanica cortice acri, C. B. P. Lauro similis arbor, licet procerior; cortice; Piperis modo, & mordenti, de *Bry Ind. Occid.* Periclymenum rectum, foliis Laurinis, cortice acri, aromatico, *Sloane Phil. Transf. n. 204.* Arbor est mediocriæ magnitudinis, Mako nonnihil similis, radices late diffundens, ramis magis patula quam alta, cortice foris cinereo, crasso, intus vero ferrugineo. Folia sesquiunciam longa; unciam lata, ex utraque parte acutiora cum extremo obtuso, & quasi bifido, dilute virentia, pediculo semipollicari inhaerent. Flores ex foliorum alis oriuntur duo, tres, quatuor, aut amplius, communi pediculo unciali affixi, candidissimi, pentapetali, Periclymeni floribus nonnihil similes, Jasmini odore fragrantè. Floribus deciduis succedit fructus conglomeratus ex duobus, tribus, vel plurimis acinis communi pediculo affixis, simulque congestis, dilute virentibus, maculis nigris nonnullis respersis; in quibus semina continentur nigra, aromatica, inæqualia, uvarum granulis nonnihil similia.

Cortice VVinterano natae partim melle aut saccharo condito, partim exsiccatæ & in pollinem trito, ut in eduliis Cinnamonum aliorumque aromatum vices supplet, uti sunt; postea adversus scorbutum optimè successo eum usurparunt.

Stomachicus est, alexipharmacus, & sudoriferus, quas quidem facultates obtinet ab oleo essentiali, aromatico, & subtili copioso, cum acido sale volatili conjuncto. Adversus scorbutum, paralysem, & catharosos affectus a frigore oriundos commendatur, & a VVilisio frequenter usurpatur. Præterea antidotus est adversus venenatam piscis cujusdam freti Magel-

Magellanicis incoctis, Leonis marini dicti, carnem comestam. Qui ex hac carne comedunt, inter gravia, quibus affliguntur symptomata, hoc potissimum singulari afficiuntur; scilicet, cute fere tota per partes exvuntur non sine summis doloribus. Pulvis exhibetur a ℥ss. ad ℥j. in decocto vero praescribitur ad ℥ij. Foliorum decoctum utile est ad partes scorbuticis maculis foedatas, necnon etiam paralyticas fovendas.

In officinis rarissime invenitur. In ejus loco Canella alba substitui solet, aut sub eodem nomine usurpari.

ARTICULUS SEXTUS.

De Cortice Peruviano Kina Kina dicto, & Cascailla.

Inter opes quibus novus orbis abundat, sane auro, & gemmis longe pretiosior est Cortex ille febrifugus Kina Kina dictus; in sanitatem gentium a D. O. M. conditus; cujus arbor, Arbor vitae, si qua nobis nota, jure merito dici potest. Quid enim frequentius quam sanitatis integritatem febribus perturbari, & prorsus everti? Nihil intentatum reliquerant praesidi Medici ad huncce morbum debellandum. Sed quid profuerant tot extogitata remedia sub febrifugorum nomine? Nihilominus quotannis in Medicorum opprobrium saeviebant febres omnibus febrifugis remediis obstinate resistentes; quando ex Peruviano regno tandem hocce novum, nec satis laudandum allatum fuit remedium, quod solum febrifugi nomen meretur.

Kina Kina, Cortex Peruvianus, & Cortex febrifugus Offic. vulgo *Quinquina*. Cortex est admodum siccus, duas aut tres lineas crassus, foras scaber, fuscus, aliquando musco canescente obductus, intus laevis, nonnihil resinosus, colore ferrugineo vel rufo, sapore intenso amaro, leviter adstringente, cum quadam aromaticitate non injucunda. Modo in crassiores cortices assentur tres quatuorve uncias, & amplius longos, unciam latos, non convolutos, ex trunco avulsos: modo in annulas paululum convolutas, non adeo crassas, externe fuscas, fissuris circularibus leviter incisas, musco obductas, interne rubentes, ex ramis tenuibus detractas; modo quoque advehitur in frustula tenuia seu minutim concisa, interne flavescens, externe canescentia. Hic vero ex radicibus extractus dicitur, & ab Hispanis plurimi aestimatur.

Eligatur autescens vel rubens, seu colorem Cinnamomi visui referens, sapore non ingrato, & aromatico amaro, odore quasi mucido, leviter aromatico; dentibus attritus friabilis, non viscidus, & glutinosus; non ligneus, non effretus, & annosus, non insipidus, nec adulteratus quocumque alio cortice succo Aloes intincto.

Arbor febrifuga Peruviana; China Chinae, & Quinquina; & Gannaperide dicta *Raii Hist.* Palo de calenturas *Hispanorum*; a nullo adhuc accurate descripta est, licet plurimi de ea scripserint.

(In Solemnibus vero Regiae Scientiarum Academiae Parisiensis comitiis

anni 1738. arboris Kinæ-Kinæ descriptionem ex regno Peruviano a D. de la Condamine ejusdem Academiæ Socio sibi missam legit D. Dufay ejusdem Academiæ; ex qua compertum est. arborem esse non admodum proceram; in plures ramos divaricaram caudice medioeri, cortice vero ut supra. Ramos vestiunt folia simplicia, opposita, ovato-oblonga, anteriùs cuspidata, integerrima, periolata, tres uncias longa, duas lata, sat crassa, costa per mediam longitudinem excurrente, ex qua nervi laterales ad oras successive obliquant.

Extremis ramis e summo arboris prodeuntibus unus vel plures innascuntur florum fasciculi, figura, & colore cæruleo cinereo, antequam aperiantur, Lavandulæ floribus nonnihil similia. Communis florum pedunculus ex alis foliorum emergit, & in plures pedunculos minores divaricatur, singuli singulum florem gerentes, perianthio donatum minimo, quinquedentato, persistente, & embryoni insidente. Corolla monopetala est, regularis, infundibuliformis, Hyacinthi flori aliquatenus simili magnitudine, & figura, tubo oblongo (9. circiter lineas), limbo patulo, quinque, & aliquando sexfido, laciniis acutis, margine attentius inspicenti leviter serratis. Corolla intus colore est miniato circa medium vividiori, ad oras pallidiori, extus vero rubore squalido, cum lanugine albicante. Stamina quinque pallide lutea intra corollam recondita, stylum circumdant albidum, filiforme, stigmate simplici, viridi & oblongo instructum, embryoni insidentem, tubum non excedentem. Embryo autem abit in capsulam olivæformem, ab apice ad basim dehiscens in duo loculamenta septo intermedio indistincta, in quibus semina continentur parva, compressa, margine cincta membranaceo, pellucido. Capsula vi elastica rumpi solet, & semina spargere. Valvæ arescendo breviores fiunt, & latiores.

Sponte nascitur in Americæ meridionalis regione Peruvia dicta, præsertim prope Loxam seu Lojam, in montibus qui hanc urbem cingunt, sexaginta leucas ab urbe Quito.

Vis febrifuga hujus corticis jamdum casu sortuito, ut jam diximus, Indis innotuerat, cum Europæi ad has regiones pervenerant. Verum ab eo tempore, quo Illustris ille Genueusis Christophorus Columbus hanc plagam mundi primum detexerat, usque ad annum salutis 1640. ex odio Indorum erga Hispanos concepto magnum hoc remedium de industria celabatur; donec quidam Hispanus Loxæ perfectus, & de quodam Americano bene meritis, ab eo gratitudinis causa, hocce remedium accepit. Paulo post in urbe Lima, quæ est regni Peruviani metropolis, uxor Georgii, qui tum temporis erat Comes *Des. Cinchon*, febre tertiana gravissima (qualis illic loci epidemia esse solet) correpta funeste decumbere videbatur. Rumor (uti semper de magnatibus) per urbem divulgatus, tandem per finitima loca ad Loxam usque pervenit. Præfectus per litteras Proregem monet, in arcanis sibi esse remedium cujus auxilio Proreginam illico revalituram spondebat. Lubentissime annuens Proregina, corticem præparatum sumpsit & stupentibus omnibus, statim convaleuit. Hinc fama hujus arcani titulo *Pulvis Comitis* insi-

insigniti ubique per civitatem Limensem, totamque Americam Hispanicæ ditioni subiectam, brevi multumque inclauit. Discedente autem Prælege ex India, ubi in Hispaniam reversus est, illico perccebit ubique rumor de novo hoc febrifugo, quod post experimenta frequenter fama votis ægrotum semper & ubique respondebat. Circa annum salutis 1649. cum Pater Provincialis Societ. Jesu in Americanis regionibus, in Italiam redux ad generalem totius Ordinis conventum, magnam hujus corticis copiam secum attulisset, & plurimis ejus Ordinis Patribus ex diversis mundi regionibus Romæ congregatis distribuisset, famam suam in dies magis provexit. Patrum enim unusquisque in patriam regressus, hoc specifico medicamento febres omnes intermittentes profligabat magno cum ægrotum solatio, cum Medicorum & populorum stupore. Unde *Pulvis Patrum* dictus fuit, & adhuc hodie apud Anglos *Jesuitici pulveris* nomen retinet, *The Jesuits-Provider*: necnon etiam *Pulvis Cardinalis De Lugo* audiebatur, ex eo quod cura & sumptibus pii hujusce Cardinalis, magna Kinæ Kinæ pulveratæ copia Romæ Religiosis & pauperibus gratis distribueretur.

Dum fama hujus febrifugi per totam Europam spargeretur, non defuerunt plures veteri humorum sensibilibus & qualitarum hypothese obcecati, qui de usu Kinæ Kinæ multum ancipites hærebant; quandoquidem febres vel vehementiores nimis cito, & absque ulla uberrima evacuatione curatas ejus ope observarent. Hoc febrifugum fœces deleterias fixiores reddere, & fermenta morbosa in corpore post se relinquere suspicabantur: unde novas tragædias & funestissima symptomata pertimescebant. Sic, si quid mali unquam aliunde subsequeretur, id omne medicamini objiciebant; licet symptomata ad morbum primarium nimis parco corticis usu imperfecte sanatum reapse pertinere. Nam tunc temporis Kinæ drachma una tantum aut altera exhibebatur ad febrem fugandam: quæ quidem dosis minus sufficiens erat ad febrilem humorem penitus extinguendum, ut postea compertum est.

Cum etiam insuper Medici cæteroquin docti & probi animadvertissent, Pulverem febrifugum paroxysmum tantum unum aut alterum, aut fortasse plures avertere, nec febrem penitus expugnare, verum, ægrotum plerumque recidivam pati; ob suspiciones supradictas in crimen adduci cœpit, & præterea ob pretium Pulveris qui tunc grandi pecunia divendebatur, paulatim in desuetudinem abiit, donec anno 1679. Robertus Tabor vel Telbot Eques Anglus, nova introducta corticis exhibendi ratione, & dosi ejus admodum aucta, non minus felici successu quam incepto audaci, febribus omnibus profligatis, Kinæ Kinæ usum sub *Anglici remedii* nomine, vulgo *le Remede Anglois*, in Gallia resuscitavit. Hic enim non intra scrupulos aut drachmas subsistebat, sed ad uncias & libras ascendebat; sicque magnam sibi, & remedio famam conciliavit. Summa autem cura remedium, illiusque præparandi rationem occultabat; ita ut fortasse adhuc ignotum lateret, nisi Ludovicus Magnus populorum salutis semper consulens, felicissimo ejus experimentorum successu permotus, largam auctori mercedem repensendo, corticis Peruviani exhibendi rationem

omnibus notam fecisset, jussissetque ut cortex ille undique conquireretur, & ut exercituum nosocomiis totumque per regnum distribueretur, mandavisset. Sic optimi illius Principis diligentia atque providentia, præstantissimi illius remedii dotes omnibus innotuerunt, ac tandem febrilis hydra, quæ in genus humanum sæpe dire læviebat, debellata fuit.

Analysi Chymica, Kinæ Kinæ crasse contusæ ℥iijss. phlegmatis acidi ℥j. cum ℥iijss. suppeditarunt: quarum priores portiones solius acidi notas præbuerunt, posteriores vero non solum intensi acidi, sed etiam alcali urinosi signa exhibuerunt. Nam Heliotropii tincturam cæruleam in rubrum liquorem mutaverunt, necnon etiam Sublimatū corrosivi solutionem turbidam & lactescentem reddiderunt, & ex ea Pulverem album præcipitaverunt. Deinde olei crassioris consistentiæ & axungie porcinæ similis ℥j. cum gran. lxxij. prodiit. In retorta residui nigri pondus fuit ℥j. ℥ij. gran. viij. calcinatum vero ad albedinem pendebat ℥j. cum gran. xv. a quo salis fixi non merere alcali, sed nonnihil salis ℥ss. per lixivium extracta fuit. Unde liquet hunc corticem multum salis acidi & olei crassioris continere, perparum terræ, cum tantillo salis urinosi. Non enim olei quantitas in hoc cortice contenta ad ℥ij. circiter pondus restringitur; sed diminutio capitis mortui, dum calcinatur, quod a pondere ℥j. ℥ij. & gran. viij. ad pondus ℥j. gran. xv. deductum fuit, sit potissimum exhalatione oleosæ substantiæ quæ comburendo salinas quasdam partes & terreas secum abripit, ita tamen ut oleum majorem deperditæ substantiæ partem constituat.

Ex hac salium acidorum & oleosarum partium mixtura in cortice resina exsurgit, quæ, si ope menstrui idonei extrahatur, fere quartam corticis partem æquat. Longe minor est gummosæ substantiæ portio: Præterea infusum Corticis Peruviani chartam cæruleam subrubro colore inficit: unde pater sales acidos magna copia in Cortice Peruviano luxuriare inter oleosas partes, & ab iis potissimum ejus energiam pendere.

Kina Kina, sicuti pleraque amara medicamenta, inter stomachica numeratur. Ventriculum roborat, appetitum languentem excitat, ciborum concoctionem juvat, flatus discutit, vermes necat, necnon etiam urinas & menses promovet. Sed maxime commendabilis est sua febres intermittentes profigandi virtute. Eas enim rite exhibita; tuto, cito, jucundè que sanat.

Præscribitur ejus pulvis a ℥ss. ad ℥ij. vel aliquo liquore convenienti dilutus, vel sub forma boli cum Syrupō quocumque. Infuso vero ℥j. in vini generosi rubri ℔j. ad ℥vj. pro dosi exhibetur. Eadem dosi quoque propinatur decoctum unius unciz Corticis in aquæ comm. ℔ssj. ad tertiæ partis consumptionem. Nonnunquam etiam idem decoctum in enemate ad ℔j. pro adultis, ad ℔ss. pro infantibus præscribitur, ubi ægrotantes a Corticis Peruviani haustu prorsus abhorrent.

Multa autem & diutina experientia compertum est Kinam Kinam in substantia, & in tenuissimum pollinem redactam, citius & efficacius vires suas exerere, atque finem optatum attingere, quam infusum vel decoctum; ejusdem infusiones cum vino factas longe efficaciores esse, quam

quam infusa vel decocta in aqueis mensturis ; eademque infusa vel decocta imbecilliora esse , nisi turbida propinentur , seu adhuc tenuissima Kinæ Kinæ substantia turgida . Observandum quoque Kinæ Kinæ decoctum sub enematis forma exhibendum esse percolatum , non vero pulverem cum decocto permixtum , ut quidam volunt ; quandoquidem ex nimia pulveris quantitate , unciarum nempe quatuor vel quinque singulis diebus injectarum in intestina , alvus nimis constringatur , obstructions fiant in visceribus , inflammatio , ac tandem abscessus nonnunquam producatur .

Quocumque modo febrifugum hocce remedium administretur , iteranda est ejus dosis tertia vel quarta quaque hora , præmissis præmittendis . Nam in febris intermittentibus simplicibus , tertiana scilicet vel quartana , observandum primo num adsit indicatio , quæ venæ sectionem exposulet , aut catharsim ; tum enim æger venæ sectione & purgatione diebus intermissionis præparandus erit . Sanguinis missio potissimum non parca manu celebranda est , & pro necessitate iteranda ante Corticis febrifugi usum ; tunc enim tutius & citius operatur . Quin imo nisi debite vacuata fuerint vasa sanguinea , febris contumax diuturno Kinæ usui vix cedit ; aut si , iteratis per longum tempus febrifugi dosibus , tandem extincta videatur febris ; ægrotantis tamen vires non restituentur , & paulo post recidivam patietur , nisi iteretur sanguinis missio , qua quidem intra Corticis usum celebrata , statim cessabit febris , & ægrotantis vires citissime resarciuntur . Hoc autem ratione comprobatur : nam Kina Kina sanguinem expandit & rariorem efficit , ut observare licet in omnibus , qui hoc remedium assidue sumunt , quorum pulsus magnus est & elatus , licet mollis ; tunc ergo sanguini majore spatio opus est , eique venæ sectionis ope conceditur . Verum non eadem est purgationis necessitas , nisi primæ viæ fœcibus turgeant ; quandoquidem Kina sæpissime alvum primis diebus subducit , eodem fere modo , ac si catharticum medicamen exhibitum fuisset .

Itaque in febre tertiana vel quartana , præmissa debita sanguinis missione , necnon etiam purgatione , si opus sit , desinente paroxysmo , exhibeatur prima dosis Kinæ , & quarta quaque hora iteretur quinquies vel sexies intra unius diei spatium , cibos euchymos & concoctu faciles duabus post febrifugi dosim horis oggerendo . Ubi febriles paroxysmi prorsus cessaverint , tunc quatuor doses singulis diebus per octiduum exhibeantur , deinde tres per alteram hebdomadam , ac tandem duæ per octo dies , habita tamen ratione magnitudinis & contumaciæ morbi , tempestatis , & ætatis . Etenim febris gravissimis symptomatis stipata , cujus longiores sunt paroxysmi , quæ in Autumno aggreditur & ætate provectiorem aut jam valetudinariam , diuturniorem Kinæ usum exposulat , quam ea cujus paroxysmi brevissimi sunt absque ullo gravi symptomate , quæ ineunte vere & juniorem invadit . Diæta debita , quæ quidem nonnisi boni succi & facili digestionis cibos admittit , non solum durante febrifugi remediî usu , sed etiam per longum tempus post illius usum observanda est .

Præterea a Corticis usu , nisi urgente evidente indicatione , solennis evacuatio per aliquot hebdomadas vel etiam menses non instituenda est ,

ne febris recurat. Tuncque si necessaria sit, eo ipso evacuationis die; & postea per aliquot dies duæ tresve doses febrifugi singulis diebus exhibendæ sunt, ut malum averruncetur.

Neque dumtaxat a cathartico febris Cortice fugata revocatur, verum sæpenumero a levi orrore in diætâ vel a minimo frigore percepto, vel alia quacunque levi de causâ; quapropter tutius est post febrem gravem Cortice prius fugatam, prophylaxeos gratia, solemnem ejusdem repetitionem post intervallum octo vel decem dierum bis terve præscribere; præsertim instante hyeme, quo febres inconstante aeris intemperie facillime revocantur. Ex hoc modo febrium intermittentium maxime pertinacium regressus præcaventur.

In febribus intermittentibus compositis, scilicet duplici tertiana, triplici quartana, vel quotidiana, (sive adsit inter paroxysmos febris intermissio, sive inter exacerbationes febrilis æstus remissio tantum deprehendatur; ita ut febris continua sit, aut uno paroxysmo nondum finito: alter recurat:) tum celebrata sanguinis missione, & administrata cathartici sursum aut deorsum, vel etiam, si febris urgeat, neglecta purgatione, statim ad Corticis febrifugi usum confugiendum est. Nec alteram aut plures venæ sectiones usus ille excludit, si indicationibus requirantur; imo æger sanguinis missionem facilius feret, & eo citius Corticis Peruviani effectum percipiet. Si tamen vacuatione opus sit, & ab urgente febre ad exhibendum catharticum tempus denegetur, post venæ sectionem Cortex Peruvianus cum purgante medicamento idoneo conjunctus statim exhibeatur.

At vero his in febribus tertia quaque hora iterandum est remedium febrifugum, & quidem nocte dieque indefinenter, cibos una post febrifugum exhibitum hora ingerendo, donec febris omnino profligata sit. Deinde per octiduum lex doses de die tertia quaque hora, postea quinque quarta quaque hora per hebdomadam, per alteram quatuor tantum, deinde tres, ac tandem duæ. Observandum vitium tenuem esse debere, dum febris adhuc viget; nec prius solida alimenta offerenda esse, quam febris extincta fuerit, ægrotantque esurire incipiat.

Diuturnus Corticis Peruviani usus raro febrem prius sedat, quin aliqua insignis superveniat evacuatio, quæ quidem, ut plurimum, sit per alvum aut per urinas. Nec ullum est certius perfectæ curationis indicium, quam hæc vacuatio, cujus ope venenum febrile minuitur & amandatur: nunc autem citius, nunc tardius evenit. Nec de restituta valetudine certi esse possumus, donec apparuerit. Fatendum est tamen quosdam perfecte sanatos fuisse absque ulla insigni sensibili vacuatione: verum conjicere licet in his insensibilem perspirationem uberiores fuisse, & sensibilem supplevisse. Quod si non eveniat, febris revera cessat; sed non tam extincta videtur quam sopita: ægrotantis imbecilla est valetudo, vires languentes, appetitus prostratus, donec febris regrediatur, aut hydrops, aliufve affectus cachecticus ægrotantem invadat, aut abscessus in aliqua corporis parte producat.

Non inepte igitur pro humoris morbidi genio, Medici modo cathartica convenientia, modo diuretica, modo diaphoretica, modo sudorifica cum

eum Cortice consociare solent, ad humorem noxium a febrifugo jam domitum foras eliminandum ea via, quæ maxime humoris genio conducit. Nam humor ille in febribus intermittentibus; tertianis præsertim, facilius per alvum, aut urinas propellitur: in malignis vero ubi humor ad cutis poros appellit, sæpe felicius per diaphoresin aut sudores ejicitur. Quia super re Medicus ad epidemicam constitutionem, vel ad peculiarem ægrotantis habitum attendere debet.

Cum sæpe febris intermittens genius sit Protheiformis, (ut loquitur vir doctissimus R. Marton, *tractatu de febribus*,) & haud raro plerisque alios morbos, eosque acutissimos simulare soleat; licet Cortex Peruvianus sit primum, & fere unicum remedium ad quod veluti ad sacram anchoram confugiendum sit, tamen atrocia symptomata, quibus febris stipatur vel etiam sæpe absconditur, & opprimitur, quædam alia remedia propria cum Cortice Peruviano consocianda indicant; qualia sunt cephalica, nactotica, pectoralia, stomachica, aperientia, uterina, & alia hujuscemodi. Medicus igitur intentus esse debet ad hos morbos simulatos dignoscendos, ut debitam eorum curationem rite instituat. Nonnunquam enim sub larva algoris funesti, vomitionis indefinitis, diarrhææ, torminosæ, morbi, colicæ ventriculi, hemicranicæ periodicæ, doloris lateris punctorii, pleuritidis peripneumoniacæ, rheumatismi, spasmi universalis, quandoque etiam syncopes, aut apoplexiæ, febris intermittens genius delitescit; cujus rei exempla in Cl. Morton observationibus videre licet. Hæc autem simulata symptomata non semper facile distinguuntur: quocirca Medicus attendat oportet ad anni constitutionem epidemicam, aut ad valetudinarium habitum ægrotantis, qui antehac aliquoties febrim intermittente interdum sopita, recrudescente afflictus fuerit. Quæ quidem si non sint certa signa, saltem Medicum inducunt ad omnia symptomata & varias morbi motiones attente consideranda. Tunc enim periodicus symptomatum graviorum regressus statis temporibus earum febrium simulatarum certissimum indicium erit.

Animadvertendum quoque utrum febris, quæ cum alio morbo conjuncta deprehenditur, sit tantummodo symptoma hujusce morbi, an vero morbus sit idiopathicus, & cum altero complicatus. Si enim alterius morbi symptoma sit, frustra ejus curatio Cortice tentabitur, nisi morbus idiopathicus simul cum febre viretur, remedia indicata Kinæ Kinæ conjungendo. At in morbo complicato, vel utriusque morbi curatio convenientibus remediis simul tentabitur, vel ope Kinæ sanari poterit febris, vigente adhuc altero morbo.

Accidit nonnunquam, ut non sufficiente Corticis dosis exhibita febrilis materia debilitata solitum paroxysmum non amplius inducat, sed nonnulla symptomata tantum excitet; quæ, licet exacerbationum, aut paroxysmorum vehementia longe inferiora sint, diuturnitate tamen ægrotantem non minus torquent, & angunt: qualia sunt virium prostratio, ciborum inappetentia, nausea, anxietas circa præcordia, ventriculi gravitas, inflatio, ventris tormina, tussis, dolores capitis, sudores nocturni, hydrops, affectus cachectici, rheumatici, aut alia hujuscemodi; quæ symptomata ad Corticis Peruviani usum ab imperita plebe referri solent, immerito tamen. Incusanda tantummodo

modo, vel parcius remedii dosis, vel vitium Corticis qui non genuinus est, aut effectus. Et re ipsa si optimus Cortex eligatur, aut sufficiens selecti Corticis dosis exhibeatur, hæc omnia symptomata brevi evanescent.

Febris inflammatorii, putridi, maligni, & pestilentialibus progigandi Cortex Peruvianus impar videtur; & ars Medici in eo potissimum versari debet, ut morbum eo adducat; ut antidoto febrili sanari possit. Attamen in morbillis, & variolis tempore declinationis morbi R. Morton Kinæ usum suadet, nempe cum febris post veneni morbi eruptionem adhuc perseverat, & continuæ remittentis typum jam observare incipit.

Kinam Kinam quoque adversus pestem utilissimam censuit Medicinalis Facultas Neapolitana, (referente Sebastiano Badio Medico Gennensi, in libro *Anastasi Corticis Peruviani* dicto, ann. 1663: edito in quo Plempio Medico Amstelodamensi respondet, a quo ad Corticis Peruviani exequias vocatus fuerat in libro suo typis edito ann. 1655.) & in ejus curatione adhibendam jussit.

Ea est ignari vulgi opinio, quod Kina Kina iis minus bene conveniat, quorum pulmones quocumque modo læduntur, aut qui ad phthisim, & rabem proclives sunt. Verumtamen quotidiana experientia comprobatur, Corticem Peruvianum felici cum successu exhiberi in febre putrida remittente vel intermittente, quæ peripneumoniæ, aut pleuritidi succedit, aut quæ empiema, aut pulmonum exulcerationem comitatur, & in quam febris inflammatoria sæpe transmutatur. Hæc enim febris oritur a putridi, & infecti particulis quibus sanguis per has pure turgidas partes transiens inquinatur, & ab his inquinamentis paroxysmi febriles, aut exacerbationes singulis vel alternis diebus accenduntur. Cortice autem Peruviano paroxysmi febriles, saltem pro tempore supprimuntur; imo si cum pectoralibus, balsamicis, & abstergentibus medicamentis consocietur, febris prorsus extinguitur, pus excernitur, & ulcera sanantur.

Quinetiam phthisici nonnulli (teste R. Morton) pro deploratis jam habiti, vitam frequenti hujus Corticis usu cum aliis remediis intermixto, aut conjuncto, non solum per plures menses verum etiam annos, protraxerunt; qui licet e statu valetudinario numquam plane evaserint, tamen ejus usu a febre jam liberati munis solitis satis bene fungi potuerunt.

Ergo Cortex Peruvianus antidotus febrilis merito dicitur; quippe qui ad omnes febres intermittentes, remittentes continuas seu continentes, in omni sexu & ætate, in infantibus, pueris, adultis, & senibus, in virginibus, mulieribus gravidis, & puerperis tutissime, & prorsus innoxie exhiberi possit. Afferit enim R. Morton se intra 25. annorum spatium nusquam novisse aliquid mali ab usu corticis cuiquam evenisse præter levem furditatem tempore usus nonnihil molestam, quæ sponte illi eo a morbo evicto, vel pulveris omissione semper cessat; nec se unquam hujus remedii pœnituisse. Quod quidem quotidiana nostra experientia confirmatum est.

℞. Corticis Peruviani electi, & in alcohol redacti ℥j. Syr. febrifugi, Limonium, Cydonior. Absynthii, Papav. rhæad. Diacodii, de Cichorio comp. vel alterius cujuslibet quant. suffic. M. F. opiata mollis consistentiæ, cujus

cujus dosis ad ℥ij. tertia vel quarta quaque hora exhibeatur, superbibendo haustum vini aqua diluti, vel prisanae pectoralis, aut alterius liquoris convenientis.

24. Corticis Peruv. pulver. ℥ij. vini rubri generosi ℔ij. Misceantur, & macerentur in vase clauso per duos tresve dies, identidem agitando. Liqueor per inclinationem separatus est vinum febrifugum, cuius ℥vj. pro dosi exhibeantur. Si adhuc valentius infusum desideretur, in singulis cyathis dissolve Kinæ Kinæ in tenuissimum pollinem redactæ ℥j. & sic turbidus liquor propinetur.

25. Corticis Kinæ pulver. ℥j. Bulliat in aq. stillatitiæ Scorsonneræ vel Cichor. sylv. ℔ij. ad ℥xxvij. F. colatura ad ℥vj. pro dosi sumenda, vel sola, vel cum vino febrifugo permixta. Vel

26. Corticis Peruv. contusi ℥j. Salis Nitri fixati ℥ss. Bulliant in aq. Parietar. ℔ij. ad ℥xxvij. Colatura intense rubra per cyathos ad ℥vj. exhibeatur ubi diuresis promovenda est.

27. Pulver. Kinæ Kinæ ℥j. Rhei pulver. ℥j. Syr. de Cichor. comp. vel de Pom. comp. q. s. M. F. Electuar. cuius dosis ℥ij. quarta quaque hora exhibendæ, cum alvus est subducenda. Vel

28. Pulver. febrifug. ℥j. Cremor. Tartar. ℥ss. pulver. Jalapæ ℥j. vel ℥ss. Syr. febrifug. q. s. M. F. Electuar. Dosis a ℥j. ad ℥ij. iteranda in febribus cum leucophlegmatia, aut hydropse.

29. Corticis Peruvian. pulver. & Gieræ picræ Galeni ana ℥ss. Infunde in vini generosi ℔ij. Digerantur per 24. horas. Fiat colatura, & servetur ad usum. Cyathum unum, aut alterum hauriat æger febre laborans, cum humores per secessum subducendi sunt.

30. Kinæ Kinæ tenuissime tritæ ℥ss. Gummi ammoniaci rite depurati ℥j. flor. Benzoin. ℥ss. Balsam. Copaivæ ℥ij. Syr. febrifug. q. s. M. F. EL. Dosis ℥jss. quarta quaque hora exhibenda in febre cum pulmonum infarctu.

31. Corticis febrifug. ℥j. Coq. in aq. still. Verbenæ ℔ij. ad ℥xxvij. Sub finem coctionis adde folior. exsiccator. Hederæ terrestres, Bugulæ, Saniculæ, Pervincæ, Alchymillæ, & Pyrolæ ana P. j. Fiat colatura in qua dissolve Syr. Papav. rhæad. vel Tussilaginis ℥ij. Fiat apozema in sex doses singulis quatuor horis exhibendas distribuendum, ad febrem intermittentem, aut continentem cum puris spatu.

32. Corticis Peruv. tenuissime pulver. ℥iiij. Theriacæ veteris ℥j. Syr. febrifug. q. s. M. F. bolus dividendus in quatuor doses eodem die horis medicatis sumendas in febribus maligni moris.

33. Kinæ Kinæ pulveratæ ℥j. Diaphoretic. mineral. ℥ij. Sal. ammon. purific. ℥j. Syr. Kermesini q. s. Fiat EL. cuius dosis a ℥jss. ad ℥ij. ad diaphoresim excitandam.

34. Kinæ Kinæ in tenuissimum pollinem redactæ ℥j. Flor. sal. ammon. martial. ℥j. Syr. febrifug. q. s. Fiat Electuar. Dosis a ℥j. ad ℥ij. quater in die exhibenda in pallida virginum febre, & in febribus cachecticis, aut contumacibus.

24. Cor-

℥. Corticis Peruv. ℥j. Croci Martis aper. ℥ss. pulver. Ari comp. ℥iij. Syr. febrifug. q. s. M. F. El. cujus dosi a ℥j. ad ℥ij. ter quaterve singulis diebus iteranda, in febre cachetica, in mensium suppressione, & viscerum obstructionibus.

℥. Cortic. Per. pulver. ℥j. Diascord. Fracastorii ℥ij. Syr. febrifugi q. s. Fiat opiata eadem dosi exhibenda in febribus, quæ diarrhæis, ventris torminibus, aut vomitionibus stipantur.

Syrupus, Tincturæ, & Extractum Corticis Peruviani sic præparantur.

Syrupus febrifugus.

℥. Corticis Peruviani pulver. ℥ij. Infunde in vini rubri generosi ℔ij. Macerentur per duos tresve dies, identidem agitando. Liquori per inclinationem separato affunde novi pulver. ℥ij. Digerantur denuo per duos tresve dies. Infuso per philtrum purius trahatur, donec liquor limpidus fiat, qui cum Sacchari albi in aq. Scorsonner. soluti, & in Electuarium solidum cocti ℔iv. permisceatur; & erit Syrupus febrifugus non ingratus, cujus dosi ab ℥j. ad ℥ij. pro infantibus præsertim, majore commodo, & felici successu usurpatur.

Tinctura febrifuga.

℥. Corticis Peruviani ℥j. Aq. vitæ ℥viiij. Digerantur in vase clauso per triduum, identidem agitando. Tinctura a pulvere per inclinationem secernatur. Dosis ad cochlear unum in haustu vini generosi sæpius in die iteranda.

Extractum febrifugum.

℥. Cortic. Kinæ Kinæ ℔j. Spiritus vini rectificati ℔ij. Digerantur simul calore temperato, identidem agitando, donec Spiritus vini colore intenso rubro tinctus appareat. Tunc Tinctura etiam per expressionem separetur a pulvere, cui residuo affunde vini generosi ℔iij. Digerantur igne arenæ per 24. horas. Fiat colatura cum expressione. Ambo liquores misceantur, & in balneo arenæ ad mellaginem evaporentur. Huic Extracto liquido Syrupi Kermes ℥iij. adjiciantur, & accurate misceantur. Mixtura ad Extracti solidi consistentiam evaporetur. Dosis a ℥ss. ad ℥ij.

Quod ad Kinæ Kinæ operandi rationem attinet, vulgaris ea est opinio, febris intermittens causam esse acidum salem coagulantem, & membranas nerveas lancinantem, unde tot nascuntur febrium symptomata; Corticem vero Peruvianum alcalino sale turgere, quo acidum salem febrilem absorbet, & ejus effectus destruit, humores inspissatos, & coagulatos dissolvendo. Sed hæc hypothesis experientię prorsus repugnat. Etenim si febris ab acido oriretur, inde sequeretur alcalia tum fixa, tum volatilia, salina vel terrestria ad acidum febrile absorbendum longe præstantiora esse, & efficaciora; acida vero febrem intendere, & augere. At vero contrarium evenit, quandoquidem ad febrem profligandam alcalia acidis longe inferiora sunt. Imo febres ab alcalinis valentioribus, nempe sale Tartari, sale volatili Cornu Cervi, oculis Cancrorum rarissime sedantur, sæpissime autem a guttis aliquot spiritus

ritus Sulphuris, Vitrioli, Nieri, vel a succis acidis Acetosæ, Limonum, &c. compescuntur. Præterea Kina-Kina salis alcali tum fixi, tum volatilis portionem admodum exiguum continet, contra vero plurimum acidi salis, & olei. Unde non verisimile est hanc virtutem aliquot salis alcali gravis acido sulphure, & terra involutis & obrutis tribuere.

Contra opponere solent hujus Corticis amarorem, gati omnia amara esse ex salium alcali genere; sed hallucinantur. Si enim Chymicos consulant, ab iis discent amara non ex salium alcali profapia esse, quin imo ex illis sal acidum, aut salum uberrimum per analysim chymicam extrahi & amara arte facta intensissima amaritie prædita, qualia sunt crystalli lunæ, & sal catharticum amarum, nihil alcali salis continere, sed ex acidis valentioribus componi. Male igitur acido succo febris causam, ejusque symptomata tribuunt, & vim febres fugandi, qua cortex Peruvianus donatur, ad salum alcali in eo contentum referunt.

Qui rectius de febribus, & Corticis Peruviani virtute febrifuga disseruit, est vir apud Anglos doctissimus, in praxi medica veratissimus, accuratissimusque moruum naturæ observator R. Morton; *Tractatu de febribus*. Is febrium causam esse particulas quasdam venenatas seu deleterias, vitæ principio seu spiritibus animalibus inimicas arbitratur: unde expansiva eorum facultas obruitur, & flamma vitalis necessario extinguitur. Kinam vero antidotorum more virulentiam febrilem subigere, miasmata spiritibus impressa delendo, asserit.

Verum hæc hypothesis supponit spirituum animalium existentiam, quæ quidem a plurimis, & quidem peritissimis anatomicis in dubium revocatur. Præterea doctus ille Medicus nullam de Kina-Kina in spiritus aut in nervos actionem rationem reddit; eamque inquirere inutile censet, quasi in re tam obscura veritatem assequi esset impossibile. Si tamen attendimus ad evidentes febrium intermittentium vel continentium causas, ad earum symptomata, necnon ea, quæ Corticis Peruviani exhibitionem sequuntur, quasdam de natura febrium, Corticisque operandi ratione notiones consequemur; quæ licet adhuc conjecturales sint, tamen ad verum prope accedere videntur.

Febrium intermittentium causa efficiens, seu proxima, est succus excrementitius nervis insensus, in massam sanguineam redundans, propteralicujus evacuationis sensibilis vel insensibilis suppressionem, quam efficit abusus vel depravatio sex rerum non naturalium, inter quas frigida, & humida aeris imperies principem locum obtinet, & hæc vulgarior est harumce febrium causa externa vel remota. Hujus succi natura ad salum alcali urinosum proxime accedere videtur, quandoquidem omnes fere humores excrementitii maxima salis alcali urinosi copia turgent. Ac proinde succus ille in sanguine redundans, maximam in eo salis urinosi copiam coarcevat; quod, verum deprehenditur, si febricitantium sanguinis, analysi instituat: major enim salis urinosi copia ex eorum sanguine, quam ex sanorum sanguine extrahitur. Vis autem illius humoris nociva non a sola salium sacrum copia, sed etiam a quibusdam partibus biliosis seu sulphureis radistis cum salibus certa proportionem permixtis magis intenditur vel remittitur; quæ quidem vis ab effectis tantum dignosci potest.

Noxius ille humor salino-oleosus a sanguine secretus, in nervosum genus primario, & immediate irruit; unde symptomata nascuntur, quæ primum ineunte febre percipiuntur; scilicet, albor, languor animi, deliquium, iactatio, horror, rigor, oscitatio, pendulatio, vertigo, dolores spasmodici, debilitas pulsus, ardor, sitis, linguæ ariditas. Deinde in humores nonnisi mediate, & secundo vim suam exerit, quandoquidem tota œconomia sanguinis, & humorum debitæ fibrarum nervearum oscillationi subiecta sit: perturbato nervorum motu oscillatorio, sanguinis, & liquorum motus minuitur, secretiones solitæ prorsus supprimuntur. Verum dum vires sunt huic impetui sustinendo pares, ex hac sanguinis segnitie, & mora intra vasa, statim totum nervorum genus commovetur, succurritur, ac tanta vehementia oscillationes suas restituit, ut tandem totum corpus brevi incalcescat, sanguinis motus retardatus restituatur, & lenior, quem mora contraxerat, dissolvatur. Hisdem succussibus humor noxius nervis impactus repellitur, & foras cum sudoribus aut alia excretionē sensibili vel insensibili amandatur, vel in partem aliquam deponitur, in labia, nares, aut quascunque alias corporis partes: unde exanthemata varia, pustulæ, maculæ petechiales, rubræ vel purpureæ efflorescunt: vel bubones, alas, & inguina; cæteras partes, carbunculi, furunculi, tumores, abscessus, atque ulcera varii generis obsident.

Cortex Peruvianus febres maligni moris, & pestilenciales non extinguit, aut saltem difficillime: intermittentes vero, & continentes rite adhibitus cito, & tuto sanat. Hæc Kinæ energia partim ejus styptico amarori, partim acidiæ, quibus donatur particulis, debetur.

Acida remedia febrem sæpissime tollunt, veneni febrilis, & alcalinæ causticitatem retinendò: sed nunquam febris recurrit ex eo, quod causa remota eadem sæpe remaneat, non in integrum restituta debita evacuatione.

Amara medicamina febres quoque aliquando profligant, non tam acrem causticumve humoris febrilis salem infringendo, quam febris causam removendo. Diximus, febris causam internam, & antecedentem esse cujusdam solitæ excretionis suppressionem, quæ oritur ex laxitate, & stacciditate fibrarum nervearum quibus emunctoria huic vacuationi destinata componuntur. Amara vero sua stypticitate fibras nimis laxatas restringunt, & sic suppressas vel imminutas excretiones restituant.

Cortex Peruvianus amborum horum remedium virtutes in se ipso confociat: scilicet acido sale, quo turgidus est, acres, causticos toxicæ febrilis sales retundit, sicque febrilia symptomata citissime suppressit; deinde diuturniori usu omnes corporis succos amarore suo styptico perfundit, quo fibras solidas vel humicæ aeris intemperie, vel alia quacunque de causa laxatas constringit, roborat, & firmat, & ea ratione causam antecedentem tollit. Nec mirum, si citius interrupto Corticis usu febris sæpe recurrat, præsertim si aeris constitutio humida sit, & frigida, laxatis denuo assiduo aeris externi contactu corporis fibris. Kinæ usus per sat longum temporis spatium continuatus humorem febrilem non tantum mutat, & fibrarum tonum firmat, sed etiam humorem noxium jam domicum foras expellit per unum aut alterum e corporis emissariis.

Resti-

Restituto nempe viscerum tono, munia sua obire incipiunt: redundantes, quibus turgabant, succos excernunt, aut per alvum, aut per urinas, aut per sudores, aut per insensibilem perspirationem; sicque Kina sæpe cathartici, diuretici, sudoriferi, aut diaphoretici vices adimpler. Febrium vero pestilentialium malignitatem emendare nequit, aut saltem difficiliter reprimi; quandoquidem harumce febrium causa antecedens non sit fibrarum laxitas aut flacciditas, ut in intermittentibus, sed earundem crispatura aut erethismus, cui sedando impar est ille Cortex. Tunc enim cardiacis valentioribus opus est, scilicet salibus acidis tenuioribus, cum oleosis aromaticis particulis conjunctis, quibus non tantum vis veneni crassioris, & summe caustici infringatur, sed etiam crassiores, & fixiores ejus sales attenuentur, & ut ita dicam, volatilizentur, ut facilius per cutis poros exhalari possint, ac tandem solidæ fibræ inordinate, & vehementer succussæ blande stimulentur, & ad æquatam vibrationem reducantur. Sic succi venenati jam subacti ex sanguinea massa secermentur, per cutis poros vel alia corporis emissaria excernentur, aut saltem, ut nonnumquam evenit, in partem minus nobilem ablegabuntur.

Relatum legimus in *Art. Medic. Edimb. tom. 2. 3. & 4.* Corticem Peruvianum in gangrenis, & sphacelis a causa, tum interna, tum externa ortis, a Medicis atque Chirurgis peritis adhibitum mira præstitisse, & ægros penitus desperatos, aliis remediis frustra tentatis, pristinae sanitati restituisse.

Præscribitur ad ℥ss. sub decocti vel boli forma, quarta quaque hora quotidie sumendus, partem gangrena vel spacelo infectam, Theribentinæ oleo aut alio quovis remedio accommodato, illiniendo.

Paucis ab hinc annis Cortex alius arboris ignotæ Parisios advehabatur, sub nomine Kinæ Kinæ forminx, qui geauino densior erat, magis ruber, & Tabaci Hispani colorem proxime referens, exterius albidior, febres etiam quandoque tollens. Cum vero longe minoris esset efficacix, & veræ Kinæ Kinæ dolose immisceretur a mercatoribus, lege cautum est, ne deinceps afferretur.

Alia est Kinæ Kinæ species, quæ Kina Kina aromatica, Cascarilla, Schacarilla, & Cortex Peruvianus griseus, Zagarilla, in officinis nostris dicitur: Cortex Eleuterii *Joann. Andrea Stisseri*: China China falsa, & Cortex Eleuterii *Dale Pharmacol.* Eleutheria *Lin. H. Cliff.* 486. vulgo, *Chacril* vel *Cascarille*. Cortex est in tubulos convolutus, digiti vel pollicis latitudine, & duos, tres, quatuorve pollices longos, lineam unam aut alteram crassos, colore foras cinereo canescente, intus ferrugineo, sapore amaro, aromatico odore, dum comburitur, fragrantissimo, aromatico, ad Ambari odorem aliquantisper accedente. Ex quibusdam Americæ meridionalis regionibus ad nos affertur, præsertim ex illa regione, quæ *Paraguay* dicitur.

Primus qui de hoc Cortice mentionem fecit, est J. And. Stisserus, Medicinæ Doctor, & Professor in Academia Julia, qui in *Artor. laboratorii Chymici Specimine secundo anno 1693. Helmskadii edito*, refert, se hunc Corticem aromatici odoris, & saporis, particulis balsamicis resinosis refertissimum, Corticis Eleuterii nomine insignitum, a quodam viro per-

perillustri ex Anglia reduce accepisse, & narrante in Anglia tunc moris esse rasuram hujus Corticis Tabaco admiscere, ut fumum ejus haud omnibus gratum suaveolentia sua corrigeret. Narrat quoque idem Stifferus se paulo post a Clar. viro Joanne de Breyn mercatore Amstelodamensi florentissimo, curioso, & in exoticorum notitia versatissimo, eundem accepisse Corticem; nihil aliud de ejus usu referente, nisi quod rasura ejus Tabaco admixta, facta suctione per tubulum, ingratum fumi odorem quodammodo corrigeret, simul tamen ebrietatem quoque induceret, si paulo largior portio admisceretur. Post aliquot annos in nundinis Brunsvicensibus idem Cortex pro Cortice Peruviano Kina Kina dicto, a mercatoribus nonnullis venditus fuit. Sic innotuit in Germania tanquam febrifugus.

Arbor ex qua ille Cortex depromitur, nobis adhuc ignota est.

Idem Stifferus primus hunc Corticem in usum adduxisse videtur. Licet, inquit, virtute febrifuga notabilis haud polleat Cortex ille Eleuterii, ideo tamen ejus usus in totum haud rejiciendus; cum particulis resinosis, & balsamicis corpori nostro haud ingratis referens sit.

Ejus tincturam paravit cum sale Tartari, & spiritu vini, qua in calculo, asthma, phthisi, scorbuto, arthritide, aliisque affectibus feliciter usus est, ejusque vim diureticam, & carminativam expertus.

Aliam quoque tincturam cum sale volatili Cornu Cervi, & spiritu vini parabat, priori haud inferiorem, licet coloris minus saturati. Utramque tincturam mane, jejunio ventriculo, vel una hora ante pastum in potu calido herbæ Thææ vel Coffe ad 20. vel 30. guttas assumendam præscribat; & arthriticis, scorbuticis, necnon calculosis profuerunt.

Qui per prandium vel statim post prandium tincturam cum sale Tartari paratam in vino vel cerevisia permixtam hauserunt, levem quandam ebrietatem ab ea, sine noxa tamen, experti sunt.

Hujus Corticis vis febrifuga, cardiaca, & alexipharmaca plurimum commendatur a Joanne Ludovico Apino Medico Hersprucensi, in historia quam anno 1697. edidit Norimbergæ relatione febris epidemicæ annis 1694. & 1695. in Noricæ ditionis oppido Hersprucensi, & vicino tractu grassari deprehensæ, tandemque petechialis redditæ.

Hæc febris epidemica, cujus causam pluvias fuisse creberrimas autumat, quæ anno 1694. mense Augusto ingruentes, ad Decembrem usque perseverarunt, primum mitior fuit, febris intermittens tertianæ vel duplicis tertianæ speciem ferens: pueros, sæminas gravidas, atque pauperulas tantummodo infestaverat. At incrementum hæc lucis epidemica sub ipsis anni 1695. auspiciis sumpsisse, & maculas ostendentes petechiales refert; quarum causam tribuit temperiei aeris mutatae, & rigidissimo gelu supervenienti, negotium transpirationis subito suffaminanti, colluviemque serosam incrassanti. Quæ quidem febris petechialis æstu solis intensiori per æstatem, dysenteria superveniente, sublatæ fuisse videbatur, donec, Camiculis temperatis, pristinam suscepit iterum faciem; sed rarior extitit, ac tandem spirantibus ex Oriente ventis sub Autumno prorsus evanuit.

Has febres intermittentes primum debellare conatus est alexipharmacis & sudoriferis exhibitis, prius tamen purgatis ano & cato ventriculo & intestinis, quibus tamen febrile fermentum cedere noluit. Ideo Corticem hunc, seu Cascarillæ pulverem aut ejus extractum illis, dosi conveniente, admiscuit, ejusque efficaciam, quæcumque supervenerint symptomata, ad eas curandas feliciter expertus summopere deprædicat; febresque petechiales ipsas eodem se medicamento, in majori tamen copia exhibito, curasse fatetur, necnon dysenteris succedentibus opitulatum fuisse.

Cascarillam exhibuit ad ℥j. pro dosi, modo bis in die, modo ter quaterve iterata, quæ sæpius sudorem excitavit. Ejusdem Corticis extractum cum aqua solum præparavit, cujus singularem efficaciam in his febribus perdomandis plurimum extollit, & propterea Specificum Lexipyreum nominavit, *et sic ad hunc usque modum*, finire febres.

Hic solemniter fuit illius Extracti exhibendi modus. Post peractum, ubi necessarius esset, vomitum, vel præmisso in substantia Cortice, vel eodem penitus etiam omissio, dicti Extracti Lexipyreii quinque, modo plura, modo pauciora grana, aut in pilularem formam acta, aut in potiuncula soluta, sexta quaque hora, in leviori casu mane saltem & vespere præbuit. Hanc ita cœptam methodum raro ultra triduum continuavit, non comparente manifesta in melius mutatione. Non pauci altera, tertiarie dosi convalescerunt, aut eo saltem deduci sunt, ut reliquum natura facillime consecerit, evanescentibus ubique lacuosis & terribilibus symptomatibus. Plerique, Cortice vel in substantia, vel in extracti forma sumpto, largiter sudarunt sine ulla molestia vel virium jactura. Præter hanc manifestam per sudores operationem alvus ægris servabatur aperta. In difficilioribus ad sudandum alvus nonnumquam ter quaterve non minus ac sumpto purgante solvebatur cum euphoria. Meneses mulierum in eunte febre suppressos revocavit, necnon etiam hæmorrhoidalem fluxum suppressum restituit. Apud Germanos pro genuino Cortice Peruviano ille Cortex sæpius usurpatur. A Medicis virtutes resolventes, aliquantum diaphoreticæ, tonice, & sedantes eis tribuntur, quas obtinet a partibus suis constituentibus, tum sulphureis, subtilibus, vaporosis, tum resinosis, & terreis, aliquantisper adstringentibus, quas quidem odor, sapor, & analysis Chymica demonstrant.

Speciatim vero clariss. Stahlus hanc Corticem in pectoris morbis, ubi lenit, discutit, & sedat, peripneumonia, pleuritide, imprimisque in diarrhæa febrium acutarum, & dysenteria, quàm aliis omnibus remediis efficacius mitigat, præstantem expertus est.

Præscribat initio essentiam Corticis Cascarillæ cum resolvente, & discutiente catharrali, v. gr. Pimpinellæ albæ remixtam a guttis xxx, ad xl. in incremento vero, & statu pulverem resolventem compositum infra describendum, tempore nimirum matutino, & versus noctem a ℥ss. ad ℥j. circa declinationem vero Cascarillam in subtilem pulverem redactam, sed in refracta, nec sæpius repetita dosi a gr. scilicet x. ad xv.

Pulvis resolvens compositus Stahlii.

℥j. Pulveris resolventis ex Testar. Conchar. sine igne pp. Antim. diaph. & Ni-
Geoffroy Tom. I. T

— & Nitri depur. ana partib. æqual. facti ꝑß. Extracti Cascaril. cum aqua ꝑß. M. F. Pulvis.

In febre intestinoꝝ inflammatoria ex mesenterio seu dysenteria commendatur quoque pulvis Cascarillæ cum Pilulis balsamicis.

Joannes Junckerus Medicus Hallensis in suo conspectu *Therapæe generalis* profert singularem hujus Corticis præcellentiam ab Apino in febribus malignis & contagiosis celebratam, medentium votis non respondere. Majore cum fructu illum præbuisse asserit in febribus intermittentibus, quas cum aliis convenientibus remediis confociatus sæpe feliciter per sanat: in quo, genuino Cortici Peruviano validius adstringenti, & plurimis, nisi caute detur, noxio, palmam præripit.

Obiter hic nobis observare liceat petechiales illas febres, in quibus Apinus hunc Corticem adeo feliciter exhibuit, licet malignæ fuerint, fuisse tamen de genere intermittentium, tertianarum nempe, vel duplicium tertianarum, subintrantium, quas nos quoque post Mortonem specificè sanare observavimus, modo non serius exhibeatur. Quapropter accurate distinguendæ sunt febres malignæ, in quibus Cortex ille convenit ab illis, quibus prorsus inutilis est. Ex Apini & Junckeri itaque observationibus concludimus hunc Corticem omnibus febribus intermittentibus, tum benignis, tum malignis convenire, raro vero aliis febribus continuis, malignis, & contagiosis.

Idem Junckerus asserit, hunc Corticem conferre in omnibus inflammationibus, excepta angina, ubi paulo acrior est, doloribus, spasms hypochondriaci-hysterici, turbatione fluxus menstrui & hæmorrhoidalis, hæmorrhagiis internis, vomitu cruento, lochiis nimis, hæmoptysi, item in hemicrania, debilitate ventriculi a morbis relictis, vomitu nimio, quovis alvi fluxu, & aliis. Et quamvis non ubique præsentem effectum edat, tamen vi sua tonica & leviter anodyna ægros aliquantum solatur, atque saltem opiatu tutior est & convenientior.

Illud modo providendum est, ut iusto tempore ac decente methodo, neque largius aut nimium, (quia calefacit) hunc Corticem offeramus.

Cascarilla accensa fumum non insuaveolentem spargit, quamquam is multis adversus sit, & caput tentare observetur.

Cœterum Germani hoc utuntur Cortice in pulvere, essentia, extracto, & infuso.

Pulvis his in affectionibus a gr. vj. ad ꝑß. vel ꝑj. Infusum ꝑß. vel ꝑj. in liquore idoneo: Essentia seu Tinctura cum sp. vini parata a guttis x. ad xx. Extractum a gr. iij. ad vj. vel viij. præscribuntur.

Michael Alberti Professor Medic. Hallensis, in *introductione ad Medicinam*, idem de hoc Cortice refert: addit quoque ad febrium epidemiarum curam haud tam specificam virtutem habere, qualis ab Apino allegatur; at tamen ad minores febres intermittentes compescendas, post præmissam sufficientem evacuationem, quantisper conducere.

ARTICULUS SEPTIMUS.

De Codaga-pala.

(C)odaga-Pala. *H. Mal. par. 1. pag. 89. tab. 47.* Nerium Indicum, siliquis angustis, erectis, longis, geminis, *Burm. Thes. Zegl. 167. tab. 77.* Apocynum erectum Malabaricum, frutescens, Jaimini flore candido, *Par. Bat. 44.* Arbor Malabarica lactescens, Jasmimi flore odorato, siliquis oblongis, *Syen. in not. ad H. M. Conelli: Aß. Edimb. tom. 3. pag. 32.*

Apud Malabaros & Zeylonenses frequens nascitur hæc arbuscula ex radice minus submisse se demittente, fibras late diffundente, cortice rubro-fusco & lacteo, qui saporis amari & minus pungentis. Caules firmi, lignosi, rotundi, varios proferunt ramos; cortice nigricante, lignum albicans tegente, cinctos; folia gerentes bina, sibi mutuo opposita cum brevi petiolo, oblongo-lanceolata, acuta, glabra, nervosa, varix magnitudinis, at utraque parte læte viridia, lacteum succum fundentia. In summo caulium varii egrediuntur flores tubulosi, in quinque segmenta divisi, monopetali, staminibus quinque in conum acutum collectis ornati, albißimi, jucundi odoris & aspectus. Calyx flores sustinens est stellatus, in quinque lacinias divisus, qui sæpis longo & tenui ac varie multiplicato innititur pedunculo, & perpetuus est: floribus enim emarctis ex uno tali calyce duæ simul eriguntur. Siliquæ angustæ, erectæ, longissimæ, miro modo in summo per apicem acutissimum circumvolutum sibi junctæ & connexæ; quæ siliquæ lanugine albissima sunt repletæ, qua semina coronantur plurima, longa, angusta, striata, cinerea, & pappo veluti funiculo umbilicali placenter hærentia.

Cortex contritus & epotus in lacte acido commendatur in fluxu ventris. Cortex radice landatur quoque eodem modo sumptus, in fluxu ventris quocumque, sive dysenterico, sive lienterico, & in fluxu hæmorrhoidali. Idem in aqua decoctus & epotus servit pro tumoribus corporis. Radix trita & cum aqua in qua Oryza lora fuit, decocta, confert pro angina gutturis & colli, facta lorione: servit quoque pro tumoribus corporis, eodem modo usurpata uti & pro dolore arthritico, partibus affectis apposita: dentium quoque dolores sedat, vermes in his necando, ejus decocto in ore detento. Semina in decocto data prosunt in febre calida, uti & ardore jecoris ac in podagra; lumbricos quoque enecat. *H. Malab.*

Commendatur in Aß. Edimb. recentiorum, minorumque ramorum cortex; arboris musco & quadam veluti tinea exteriori, & insipida minime obductæ. hic cortex, musco diligenter eraso, in tenuissimum pulverem contritus, & cum Syrupo Aurantium in electuarium redactus, laudatur ut specificum in diarrhæis. Hujus electuarii ʒß. vel amplius, quarta quaque hora quotidie exhibetur per tres quatuorve dies. Dejectiones primo die frequentiores, & copiosiores evadunt, sed abque tormi-

minibus : altero die color sæcum in melius immutatur ; tertio vero vel quarto , si medicamentum penitus successerit , fœcès ad naturales proximè accedunt quoad consistentiam .

Rarissime fallit hocce remedium in diarrhæis recentibus , ab inordinato victu procedentibus , modo febris absit , si prius Ipecacuanhæ dosis ægotanti propinata fuerit . Non minori successu , & eadem ratione præscribitur electuarium iis , qui cum sint laxo corporis habitu donati , dum pluviosum ac humidum est cœlum , in diarrhæas facillime incidunt ; imo per aliquot dies post curatam diarrhæam mane & vespere continuandum est , aquam Oryzæ propinando pro potu consueto , vel etiam emulsiones ex seminibus frigidis & sale Prunellæ , si opus sit .

At si febris diarrhæam comitetur , reprimenda erit prius febris V. S. & emulsionibus refrigerantibus , vel decocto albo cum sale Prunellæ .

ARTICULUS OCTAVUS.

De Simarouba.

Simarouba cortex est arboris hæcenus ignoræ , in Guiana præsentis , & ab incolis *Simarouba* nuncupatæ . Coloris est ex albo flavoscentis , nullo odore præditus , saporis subamari , lentescens in fibris constans , candido , levissimo , insipidoque radicum , stipitem , truncique ligno hærens , a quo facile separatur .

Simarouba gummi-resinosarum est partium , saporis non ingrati . Levis amarore quo donatur , ventriculū corroborat ; partibus suis balsamico-unctuosis , quæ ex lacteo colore quem aquæ in qua decoquitur , impertit , dignoscuntur ; dolores , & tormina compescit ; & virtute adstringenti & vulneraria qua pollet , hæmorrhagias & alvi fluxus sistit .

Nostri primum appulit oris hic cortex anno 1713. ex Guiana missus , ubi frequentissimi est usus in alvi fluxibus dysentericis . Anno autem 1718. quo ardentissimos æstatis calores exceperunt quamplurimi dysenterici fluxus , qui purgantibus , adstringentibus , ipsique Ipecacuanhæ non modo restiterunt , sed etiam ex eorum applicatione ingravescebant . Vir Clar. D. Anton. de Jussieu D. M. Paris. Regiæ Scientiarum Academiæ , Regiarumque Societatum Angliæ ac Prussiæ Socius , & Botanices in Horto Regio Parisensi Professor ac Demonstrator , eos Simaroubæ cortice feliciter debellavit . Decoctus primum ad ℥j. aut ℥ss. in minima aquæ copia , sic apud nos , ut in Guiana propinatus , vomitus sæpe , incommodosque fere semper sudores & majora , nonnumquam feri sanguinisque profusio promovit ; sed correctis dosibus , experientia rerum magistra , salubritatis punctum attingit .

Exhibetur in decocto ad ℥ij. in aquæ ℔ij. in pulvere qui radendo obtinetur , non conterendo , ad ℥ss.

℥i. Corticis Simaroubæ minutim secti ℥ij. In aq. comm. ℔ij. ad tertius huius

humiditatem consumptionem decoque. Decocti in doses quatuor divisi unam tertiam quaque hora tepidam propina. Vel

24. Cort. vel ligni Simaroubæ pulverat. ʒß. In aquæ puræ ʒij. dilue; aut cum Adyanthi Syrupō redige in bolum pro una dosi: hora opportuna præbe, repetitis hujus medicaminis sub qualibet forma dosibus ad integram ulquē sanationem.

Perficitur illa absque ullo decocti potus fastidio, ulla per vomitum vel per secessum evacuatione. Sedantur tamen unius diei spatio dolorum cruciatus, redit cito somnus, urinæ sunt copiosiores & limpide, rariores evadunt evacuationes, fœcum odor fœtidus cessat, color immutatur, e liquidis incrassescunt, cibos æger appetit, brevi reficitur.

Cortex namque Gujaneus intestinis in decocto propinatus, balsamum supeditat, stomachum etiam immoderatis & inveteratis alvi fluxibus debilitatum corroborat, ciborum appetentiam excitat, eorumque digestionem amaris, incisivis partibus favet, necnon & erosæ intestinorum membranæ interiori sublatum ab acrioribus excrementis mucum restituit. Singulari virtute antispasmodica, stomachica, narcoticave vulgaribus antidiſentericis præcellit; adstringentia longe superat, quæ non impune fluentibus hæmorrhoidibus aut mulierum catameniis interius præbentur; hæmo vero Simaroubæ decocto, cessante noxiæ alvi fluxu, evacuanda fluentiaque cœtera libere ac secure eliminantur: unde & antihysterica vi plerumque pollere pluribus probatum est experimentis.

Convenit præsertim in seroso-bilioſis, sanguinolentis, mucosique alvi fluxibus, a continuo intestinorum convulsivo motu inveterascentibus, in quibus abest febris, & illæsa stomachi functio, & in tenesimis. Administriandi medicaminis forma & dosi variant, pro varia ægrorum, ægritudinumque ratione. Etenim si evacuatis jam stomachi primarumque viarum sordibus, factum fuerit mitius malum, semidrachmæ ligni pulverati uni vel alteri dosi quandoque cedit, accedente vero cacochymia ad sæva morbi symptomata, nonnisi pluribus repetitis decocti corticis dosibus, vincitur. *Ex Aſſ. Ac. Reg. Scient. Paris. an. 1729. 32. & ex Quæſtione Medica D. Ant. de Jussieu in Scholis Medicor. Paris. disputata 16. Februarii an. 1730.*

CAPUT TERTIUM.

De Lignis.

ARTICULUS PRIMUS.

De Agallocho, seu Ligno Aloes.

Licet apud Dioscoridem Agallochi descriptio adeo brevis sit; ut ex ea evidenter demonstrari nequeat Agallochum unum & idem esse atque *Geoffroy Tom. I.*

T 3

Xy-

Xyloaloes Græcorum recentiorum, Agalugen Arabum, & lignum Aloes officinarum: attamen rem ita esse verisimile est; quandoquidem & Dioscoridis descriptio officiali ligno Aloes sat bene conveniat, & Arabica denominatio antiquæ Græcæ denominationi non admodum dissimilis sit, necnon etiam hac in re Botanici fere omnes consentiant.

Itaque ἀγάλλογον Dioscoridis, ξυλόαλον Græcorum recentiorum: Hoad, Agalugi & Agallogum Arabum: Agallochum, Xyloaloes, & lignum Aloes Offic. Lignum Aquilæ, Lignum Paradisi, & Lignum sanctæ Crucis Quorundam. Lignum est resinofum, odoratum; prorsus diversum ab Aloe, succo amaro cathartico, in officinis usitatissimo. Neque etiam est lignum arboris ex qua ille succus stillat, ut quidam existimaverunt.

Ab Arabibus plures ligni Aloes species ratione bonitatis & loci unde affertur, distinctæ recensentur. Nos vero cum C. Bauhino triplex genus distinguemus.

1. Agallochum præstantissimum, C. B. P. Calambac Indorum: Kenam Cochinchinensium: Suk-Hiang Sinensium, Dale Pharmatol. Sotio G. Camelli, R. Hist. Lignum est læve, resinofum, molle fere instar ceræ vel masticæ, quod dentibus & unguibus cedit, prunisque impressum veluti resina fere torum colliquefcit, suavissimum spirans odorem: sapore est amaricante aromatico. Tres ejus species a D. Canningham in S. Dale Pharm. constituuntur, ratione coloris: prima variegata ex nigro & purpureo colore: altera nigra & flava seu maculata instar Tigridis: tertia flava velut luteum ovi. Ex Cochinchinensi seu Annamico regno afferuntur.

2. Agallochum officinarum, C. B. P. Lignum Aloes vulgare officinarum: Tehin-Hiang Sinensium, Dale Pharmatol. Thimhiu G. Camelli, R. Hist. Pao de Aguila, Lusitanorum. In fragmenta lignosa affertur magnitudine varia, nonnunquam solida, densa, ponderosa, colore spadiceo, striis nigricantibus & resinosis distincta, interdum foraminata, & quasi carie exesa, & quorum cavernulæ resinam quandam subrubram, odoratam continent; colore ligni fusco seu ex purpura nigro. Sapor hujus ligni subacris est, amarus, aromaticus, odorque pergratus. Si prunis candentive ferro imponatur, liquorem exsudat resinofum in bullulas intumefcentem, suavemque, & acidulum fumum effundit. Nascitur in insula Sumatra, in Cambaya, sed præsertim in Cochinchina. Sæpius occurrit in officinis, quam lignum Calambac, quod ratione summi illius pretii rarissime nobis affertur.

3. Agallochum sylvestre, C. B. P. Calambour vel Calambouc, Officin. Agallochum, seu Lignum Aloes Mexicanum G. Camelli, Raii Hist. Lignum est levius & magis porolum, minusque resinofum quam Agallochum officinarum, colore quasi ex subviridi fusco, odore suavi & fragrante, ad Ligni Aloes odorem accedente, sapore amaro. In prægrandes stipites affertur ex insulis Solor & Timor. Rarioris est usus in Medicina: frequentius usurpatur ad conficienda scrinia, pixides, sculptilia opera, sphaerulas ad coronas precarias, & cætera hujuscemodi.

Nullam arborum, quæ Calambac & Agallochum ferunt, accuratam habemus

mus descriptionem (a). Diversas enim esse arborum species quidam existimant: alii vero unam tantum & eandem esse. D. Jacobus Cunningham refert Calambac fieri ex arbore, cujus fructus fere pyramiformis, lanuginosus, magnitudine Myrobalanicitrinæ, cortice crasso & lignoso vel fungoso, bifariam dehiscens, duo semina septo medio intercepto, turbinata, cum appendicibus membranaceis continet, calyci insidens quinquifido.

Agallochum vero vulgare seu officinarum arborem esse ferunt Oleæ instar, fructu Piperis modo rotundo & rubente, ligno Thuyæ simili, maculato, odorato, quod cortice crasso, aliquantulum versicolore, vestitur.

T 4

Sera-

(a) De Agallocho hæc habet Kämpferus, *Amoen. exot. fasc. v. p. 903*. Ex remotissimorum montium telquis laboriose delatam addimus arboris oppido raræ plantam, sed tenellam, imperfectam, & adumbratione vix dignam, cui tamen acquiescimus, dum perfectioris descriptionem dies aperuerit, *Sinkoo* nuncupatam, vulgo Japonum *Kavvori*, id est, Lignum sive Arbor fragrans: Siamenibus *Kissina* : Latinis Arborem Aquilæ & Aloes dictam, cujus fragrans lignum appellatur Agallochum.

Planta caudice constat cubitali, recto, tenui, læte virenti, villosa, ab imo foliosa, in duos ejusdem conditionis furculos ad foliorum situm quodam modo inclinantes divaricato. Folia ex unciali intervallo adfunt singula, Persicæ foliis similia, ora integra pilosa, utraque facie vivido colore micantia, protuberante per dorsum longitudinem nervo medio, a quo venulæ laterales ad oram successive obliquant densissime, subtilissime, & nisi probe attendas, vix conspicuæ.

Sunt ex nostratibus qui arborem hanc pingant bacciferam & Oleæ similem, credo ex fide Serapionis & Dioscoridis. Verum abstrusum est ejus natale & belluarum paradisus, quem doctorum, nemo unquam frequentavit. Patriam auctores nostri variam regionem constituunt. Garzias ab Orto scribit se ramum obtinuisse ex Malaca, sed sine flore & fructu. Mihi sicut nec fructum licuit, ita nec aliam hodie patriam explorare, quam Cambodiam & Siamenis regni provincias *Tsiampa* & *Bonna*, prope ostium maris. Coccintinam quoque & huic conterminam Sinæ provinciam *Sunam*, ex inaccessibleis rupibus sibi Agallochum cedere affirmant Sineses: ex quorum ac Siamenium narratu mihi certo constat, arborem nonnisi per vetustatem acquirere fragrantem odorem suum, residentem in succo resinoso, qui marcente & putrescente arbore interiores quædam ligni partes occupat, circa nodos vero cumulatius condensatur: cujus proinde fragmenta auro contra cara sunt, singulari dotata nomine *Calamba* vel *Calambak*; cum cætera fragmenta, nomine ipsius arboris, appellantur *Kissina*. Atqui & hæc secundum bonitatis notas, videlicet substantiam resinofam, nigredinem & gravitatem, velut testes majoris fragrantiae, in valore multum differunt. Hæc Europam nostram, illa ob grave pretium nunquam appellant. Pro Agallocho quærendo emissi mercenarii sylvas certo tempore subeunt, armis & securibus instructi: inventas arbores vetustissimas & caudices prostratos, carie ac putredine fœdos operose findunt, repertaque hinc inde resinosa fragmenta eximunt, quorum primum quod inveniunt, idolis sacrificant suis, quod credunt, sospitatoribus. Magna est ligni *Calamba* in aulis Orientalibus, tum apud magnates Sinæ & Japoniæ, æstimatio; ut ne convivium celebretur, quin ad affectandam magnificentiam, pretioso ejus fustitu multum æris prodigant. Sineses in suis herbariis arbori, quamvis non satis cognitæ, characterem tribuunt; pro icone vastum & inconditum exhibentes caudicem arboris emortuæ, cum superstitite ramusculo, foliis descriptæ a nobis plantæ, sed ad Laurinam prope accedentibus, & quodam modo, ut apparet, pinnaatis;

Serapio, Simeon Sethi, & post hos Jacobus Bontius narrant Agallochitrun: cos cœlos ab Indianis deponi in ripis fluviorum in cœno & luto, ut ligni cortex & albumen putredinis intervntu corrumpantur, remanente ligni meditullio, nempe magis compacto, resinoso, & putredini minus obnoxio.

Ex actis philosophicis R. Societatis Londinensis arbor lignum fert album, tenerum, succo lactefcente summe nocivo turgidum. Si enim succus ille in oculos incidat, cœcitatem causat: si in ullam aliam corporis partem, pustulas excitat, & cutim inflammat. Calambac seu præstantissimum Agallochum in solis arboribus reperitur, quæ sponte in montibus computruerunt. Nec omnis arboris substantia in Agallochum convertitur: dum enim arbores exsiccantur, lignum carie paulatim exeditur, exceptis quibusdam ligni partibus, circa quas succus lacteus colligitur & in resinam exsiccat. Ab ea resina conservantur ligneæ partes, earumque albidus color in spadicem vel nigricantem convertitur: Calambac vero maxime resinosum ex caudicis meditullio circa radicem extrahitur.

Lignum Calambac & Lignum Aloes tanti æstimantur ab Indianis, ut sæpe argenti & auri æquipondium cum pretiosissimo Calambac permutent. Hæc ligna inter thymiamata in templis deorum & palatiis regum comburuntur.

J. Bonitus refert ejus pulverem ad ℥j. pondus sumptum cholerae mederi, & omnibus intestinorum & ventriculi affectibus frigidis; tineas & ascarides puerorum efficaciter necare. Cerebrum, cor, ventriculum, utrum, omniaque viscera roborare, spiritusque recreare existimatur. Unde in plurimis cardiacis Arabum compositionibus usurpatur. Revera oleo essentiali uberrimo pollet, quod distillationis ope extrahi potest. In lypothymia, syncope, & paralyti convenit. A quibusdam ad memoriam firmandam laudatur: apud Anglos ad podagram & rheumatismum sanandum plurimum commendatur. Ejus substantia a ℥ss. ad ʒss. exhibetur. Decoctum propter amarorem raro præscribitur.

Oleum essentiale ex Ligno Aloes paratum iisdem viribus donatur. A guttis tribus quatuorve ad xx. exhiberi potest.

Tinctura quoque ope spiritus vini conficitur, a ʒss. ad ʒij. præscribenda iisdem in affectibus.

Attendendum tamen ad acredinem causticitatemve, quæ lacteo hujus arboris succo tribuitur: quod si verum sit, fortasse hoc lignum non sine cautione usurpandum erit.

Agallochum usurpatur in Pulvere aromatico rosato, Pulvere diamargariti frigidi, in Trochiscis Alyptæ moschatæ, & Gallia moschatæ.

ARTICULUS SECUNDUS.

De Aspalatho, & Ligno Rhodio.

A *Σπυλαθος Dioscoridis: Έρυσκνυπρον Quorumdam: Aspalathus Plinii: Darisahan Arabum.* Res est prorsus ignota in officinis nostris; & si quæ sub Aspalathi nomine occurrunt lignea frustra, inter se prorsus diversa sunt, & incertæ originis. Neque mirum, cum etiam veteres de hoc ligno inter se dissentire videantur. Dioscorides enim Spalathum dicit fruticem esse lignosam, spinis crebris aculeatum, nascentem in Iliro, Nisyro, Syria, & Rhodo, quo unguentarii ad spissanda unguenta utuntur. Probat, inquit, ponderosus;

detraeto cortice rubenis, aut in purpuram vergens, densus, suaviter olens, & gustu amarescens. Alterum genus recenter candidum, lignosum, inodorum, quod etiam deterius. Dioscorides caudicis lignum designare videtur, cujus cortex detrahendus est. Galenus vero de *Traſſatu de Antidotis*, magma hedychroum describendo, Aspalathi corticem expoſtulat; & in vocabulorum Hippocraticorum explicatione *μαλακτον πιζυρ* de qua Hippocrates, *l. 2. de morbis mulierum*, Aspalathi aromatici radicem interpretatur. Itaque Aspalathus, secundum Galeni mentem, radicis cortex est.

Plinius majorem adhuc confusionem affert: etenim dicit Aspalathi radicem unguentis expeti; quæ probatur colore ruſo vel igneo, tactuque ſpiſſo, & odore Caſtoſei; qui quidem odor cum non adeo ſuavis ſit atque jucundus, eam a Dioscoridis Aspalatho diſtinguere videtur. Præterea duplicem Aspalathum conſtituit, alium arboſcentem, alium fruteſcentem; & alium Orientalem, alium vero in Niſyro, & Rhodo Inſulis naſcentem. Arabes Aspalathum arborem eſſe craſſam, & ſpinis grandioribus armatam referunt, ac proinde a Græcorum Aspalatho diſerſam.

Nec magis conſentiunt neoterici in perſcrutando veterum Aspalatho, ſiquidem Ruellius eſſe Lignum Rhodium exiſtimat: Sylvius cenſet Lignum Aloes officinarum eſſe verius Aspalathum quam Agallochum: quidam Cythiſi veri a Marantha deſcripti lignum pro Aspalatho vero uſurpant.

Neque etiam de Ligno Rhodio inter ſe conveniunt. Aliud enim Lignum Rhodium Ruellius deſcribit, aliud Cordus, aliud Matthiolus. Quis vero tantas lites dirimere audebit? Nobis ſufficit certo ſcire nullum medicamen Aspalathi nomine hodie pharmacopoliis haberi, nec de veterum Aspalatho quicquam certi doctioribus Botanici innotuiſſe. Verum cum Aspalathus in Trochiſcorum Hedychroon, & Trochiſcorum cypheos compoſitione præſcribatur, quid illi ſubſtituendum ſit, conſiderandum eſt.

Dioscorides vim calefaciendi cum adſtrictione Aspalatho tribuit. Scribit ejus cum decoctum vino ad terra ſordidaque ulcera colluenda convenire, ſubjectum in peſſo partum extrahere, ejus decoctum alvum ſiſtere, ſanguinis reſtioneſ potu cohibere, urinæ difficultatem inflationeſque diſcutere. Galenus eundem guſtu acrem & adſtringentem eſſe dicit, diſſimileſque facultates in illo agnoſcit, nempe partibus ſuis acerbis excalefacientem: partibus vero aliis, auſteris ſcilicet, refrigerantem, & utriuſque ratione exſiccare, ac proinde ad putredines, & fluxiones utilem eſſe.

Idem Galenus *lib. de ſuccedaneis* Eryces fructum aut Viticis ſemen Aspalatho ſubſtituit, Meſue Cinnamomum, aut Viticis ſemen; Nicolaus Myreſus Meum; Valerius Cordus Lignum Aloes, vel Santalum citrinum, vel Viticis ſemen; Lundinenſes Santalum citrinum; Charas Lignum Aloes. Inter hæc omnia Lignum Aloes, & odore fragrantem, & amaro ſapore, & viribus cum Aspalatho veterum convenit; unde optimum ejus ſuccedaneum videtur.

Lignum odore roſeo occurrit in officiis, quod Rhodium dicitur, tum ratione odoris, tum ratione locis natalis, quod nempe ex Inſula Rhodo olim afferrebat. Cyprinum quoque dicitur, quia ex Inſula Cypro educitur. Idem a nonnullis pro Aspalatho antiquorum uſurpatur.

Lignum eſt ſubſtatum, pallescens, per vetuſtatem ruſcens, craſſum durum, ſolidum, tortuoſum, nodulis pinguibus, atque reſinoſis interlinctum, odore Roſa ſpirans.

Quænam ſit arbor ex qua hocce lignum in Cypro, & Rhodo Inſula extra,

extrahatur, prorsus incertum est. Anguillara, & Matthioli Rhodium Oleastri speciem esse volunt in Insula Rhodo nascentis, quibus ab Honorio Belli contradicatur, qui Rhodium Cytisi veri Maranthæ, idest Cytisi incani siliqua falcata, C. B. lignum esse affirmant; quod tamen minus verisimile est, cum nullum gratum referat odorem.

Paul. Herman. *Tract. M. M. M.* Cytisi Canariensis radicem esse dicit Lignum Rhodium, plantam vero non describit. Et revera ex Canariensibus Insulis, sicuti ex Antillis, & quibusdam Orientalibus plagis hoc lignum Rosæ odorem fundens advehitur, quod ex quibusdam arboribus extrahitur.

Ligni Rhodii species, quæ in Insula Jamica nascitur, arbor est ab eruditissimo viro, & naturalis historiæ peritissimo D. Sloane Reg. Societatis Londinensis Secretario sic descripta, in *Raii historia, Dendrologia fol. 88.* Lauro affinis, Terebinthi folio alato, ligno odorato, candido, flore albo, *Sloane Cat. Plant. Jam.* Truncum habet cruris humani crassitudine, cortice fusco, alias dilutiore, alias obscuriore tectum, plurimis brevibus aculeis interdum armatum, ad viginti pedum altitudinem assurgentem, ramis terram versus reclinatis, ligno intus candido, solido odore perquamgrato, & fragrante, medulla majore. Folia ramulis innascuntur alata, tribus, quatuor, aut etiam pluribus pinnarum conjugationibus semiunciam a se mutuo distantibus, ad mediam costam annexis, absque ullo in extremo impari foliolo composita. Unaquæque autem pinna glabra est, colore obscure viridi, subrotunda, unciam circiter longa, mediaque latissima partes tres quadrantes unciae lata. Flores in ramorum cymis fasciculatim oriuntur, candidi, sambucineis similes, tripetali, petalis crassis, cum staminibus aliquot in medio; quorum unicuique succedit fructus grani Pipæris magnitudine, subtenui, arida, fusca cute seu membrana in duas caripas dehiscente, semen rotundum, nigrum, baccarum Lauri propemodum odore continens. In sylvis saxosis, & montosis Jamajcæ reperitur. A colonis pro Ligno Rhodio vulgo habetur, quod odore quidem nonnihil refert; quamvis, si curiose examinetur, ab eo differre deprehendatur. Incensi hujus Ligni fumus odore est gratissimo. Batavi ex Ligno Rhodio oleum essentielle fragrantissimum per distillationem extrahunt, quod pro oleo essentiali Rosarum sæpius usurpatur in balsamis apoplecticis, cephalicis, & cardiacis.

Ligno sicut ejus oleo essentiali cor, & cerebrum roborandi vis tribuitur.

ARTICULUS TERTIUS.

De Guajaco.

Eodem tempore quo Europa nova orbis divitiis locupletata fuit, eodem etiam ægritudine nova, & illud usque tempus incognita, contaminata est. Venera lues circa finem anni 1494. & initium 1495. tempore obsidionis Neapolis a Carolo VIII. Gallorum Rege, apparuit, & in utrumque exercitum, tum Gallorum, tum Hispaniorum serpente cepit, & ab horumque exercituum discessu a Neapoli per totum orbem diffusa est. Unde a Gallis morbus Neapolitanus nuncupatus fuit, ab Hispanis vero, & Italis morbus Gallicus. Neque ante illud tempus ulla apud Medicos hujus morbi facta fuerat mentio.

Com-

Communis de hujus labis origine opinio est hunc morbum in America endemium ab Hispanis in Europam asportatum fuisse. Verum hæc opinio nullis certis argumentis confirmatur. Imo nonnulli sunt, qui ab Europæis apud Americanos hanc luem irrepsisse autumant. Saltem de hujus morbi origine plurimæ sunt & diversæ, tum historicorum, tum Medicorum sententiæ prorsus incertæ, quas unusquisque legere poterit in Caroli Mustrani Medici Neapolitani de Lue venerea libris, & in doctis ac eruditiss illius auctoris Gallici Interpretis, & peritissimi apud Parisienses Chirurgi J. Devaux notis & commentationibus. Ejus sententia est Neapolitanum bellum inter Gallos, & Hispanos occasionem præbuisse huicce morbo, sædo, & assiduo concubitu tot militum quibus uterque exercitus compositus erat, cum scortis Neapolitanis, & inde contagiosum illud virus per totum orbem brevi serpsisse.

Quidquid sit de hujus morbi exortu, constat post plurima in Europa frustra tentata remedia, tandem primum ejus remedium in America detectum fuisse. Hispanus quidam in Hispaniola Insula magnis doloribus ob luem venerream ab Americana muliere contractam divexabatur. Ejus servus Americanus, qui in ea Provincia Medici officio fungebatur, decoctum ligni *Guajacæ* dicti propinavit; quo non solum magnis illis cruciatibus liberavit eum, sed pristinae sanitati restituit. Illius exemplo plurimi alii Hispani eadem lue infecti, eodem remedio curati sunt. Hæc Medicina per totam Hispaniam ab iis, qui ex ea Insula redierant, statim evulgata, orbi universo brevi innotuit, & maximo fuit usui, usque dum curatio per Hydrargyrum detecta foret, a quo tempore paulatim obsolevit, & ab usu recessit.

Guajacum Offic. Lignum sanctum, Lignum Indicum, Lignum vitæ, & Palus sanctus *Quorundam*, *Guajacum Americanorum*, Gallice *Gayac*. Lignum est solidum, densum, ponderosum, resinosum, parte interna, quæ matrix vel medulla dicitur, quasi ex viridi nigricans, aut variegatum ex pallido, viridi, fusco, & nigro; externa vero, quæ alburnum, buxum seu pallide flavescens, sapore subamaro, nonnihil aromatico, miti acrimonia palatum ac fauces compungente, odore, dum incalescit, aut uritur, fragrante, non ingrato; coopertum cortice lignoso, tenui, denso, nitido, lævigato, nonnihil resinoso, & quasi ex plurimis lamellis tenuissimis coagmentato, colore extus ex cinereo viridescente, & nigricante, aut variegato ex maculis magis minusve viridibus, intermixto colore livido plumbeo, intus pallido, sapore acri, amaro ingrato.

Olivi *Guajaci* genera plura in officinis distinguebantur. Lud. Oviedo aliud *Guajacum* vulgare dicit, aliud *Lignum sanctum*. C. Bauhinus tria hujus ligni genera constituit: primum *Guajacum* magna matrice, C. B. P. *Guajacan*, Lignum Indicum ex Insula S. Dominici *Monardi*: secundum *Guajacum* propemodum sine matrice C. B. P. *Guajacan* genus alterum, quod Lignum sanctum, illo præstantius, & ex Insula S. Joannis de portu divite assertor, a quo maxime atuntur, *Monardi*. Cujus plures observationes fuerunt species inter se discrepantes tantummodo ratione coloris, magnitudinis, & ponderis, cum ex una, & eadem arbore excerpta sint: cujus lignum, quanto minus adoleverit arbor, tanto magis albacat; & quo vetustior fuerit, eo magis nigricans, & ponderosum evadit. Tertium *Guajacum* foliis *Lentisci* C. B. P. *Guajacum*, cujus ramulum cum floribus, & fructu pingit Clusius notis ad *Monardem*. Sed illæ arbores uni-

cum

cum tantum genus constituere videntur, cujus species revera plures ratione fructus distingui possunt; & si quæ alia observatur differentia, levioris est momenti, quam ut genus diversum constituat. Saltem sagax rei herbariæ scrutator P. Plumerius, in *novis Plantarum Americanarum generibus*, unicum tantum Guajaci genus constituit, quod definit, Plantæ genus flore rosaceo, plurimis scilicet petalis in orbem positis constante; e cujus calyce surgit pistillum, quod deinde abit in fructum carnosum, subrotundum, officulo aut officulis fœtum ovatis, & in pulpa tenerrima involutis.

Ejus duas species recenset, quas in sua Plantarum Americanarum historia manuscripta describit.

Guajacum flore cæruleo, fructu subrotundo, *Plumerii nov. gen. 39.* Guajacum tetraphyllum fructu singulari: *Ejusdem Hist. Mss. 86.* Pruno vel Evonymo affinis arbor, folio alato, buxœ subrotundo, flore pentapetalo, cæruleo, racemoso; fructu Aceris cordato; cujus cortex luteus, corrugatus, semen unicum, majusculum, nigricans, nullo officulo rectum operit: *Sloane Cat. pl. Jamajc.*

In arborem amplissimam quandoque crescit, nonnumquam etiam in mediocrem, pro soli, in quo nascitur, ubertate. Truncus ejus, ut plurimum rotundus: sed harum, quæ apud Insulam San-Dominicam, versus regionem Portus Pacis, non omnino teretes erant trunci; sed qui, si transversim absunderentur, sectionem pyriforem efformarent. Eminus prospectæ hæc arbores Ilicibus nostratibus apprimè assimilantur. Juniores cortice vestiuntur paulisper rugoso; verustiores vero glabro, crassiusculo, & veluti in laminas subiles abeunte, foris variegato, seu colore pallido; maculis subvirentibus, & subcinereis resperso. Lignum solidissimum est, oleaginosum, ponderosum, odore non ingrato, ac tantilla acredine, & amaritudine pollens; alburno constans pauco & pallente, ac meditullio olivæ nondum maturæ callori saturiori seu viridi, saturo, fusco infecto. Rami ejus frequenter nodosi sunt, ac sæpius in duos ramusculos etiam nodosos divaricati, atque in singulis nodis duas costulas oppositas gerentes, fere pollicem longas, & quatuor foliis binis, & binis positis onustas, duobus scilicet in summitate, & duobus aliis circa medium. Singula folia subrotunda sunt, sesquiunciam circiter longa, unciam ferme unam lata, lævia, firma & densa Pergamenæ chartæ adinstar, pallide virentia, subtus quinque nervulis paulisper eminentibus prædita: pediculo prorsus carent, nisi illa costa communi cui adhærent, ubi paulisper sunt rubicunda: gustu etiam sunt acriusculo, & amariusculo.

In summis ramusculis flores multi nascuntur, omnino floribus Citrionum similes & æquales, nempe quinque foliis constantes in orbem positos cæruleoque colore splendentibus, ex quorum calyce etiam quinque folio & subviridi surgit pistillum pediculo longiusculo supereminens, corculique acuminati præseferens effigiem, & viginti circiter staminibus etiam cæruleis, & apiculis luteis donatis stipatum, quod deinceps abit in fructum ungue indicis digiti paulo majorem cordiformem, carneum, cochlearis in modum paulisper concavum, coloris miniati aut ceræ rubicundæ, & ihesus fœtum semine unico, duro, olivæformi, & nucleo olivæ paulo minori, pulpa tenerrima involuto.

Fere in omnibus insulis Antillanis reperitur hæc arbor, potissimum in insulis San-Dominicana & San-Cruciana.

Guajacum flore cæruleo limbrato, fructu terragono, *Plumerii n. pl. Am. g. 39.* Guajacum polyphyllum fructu singulari tetragono, *Ejusdem Hist. Mss. 87.* Hoaxacan, seu Lignum sanctum, *Hernandez.*

Minorem fortitur hæc species magnitudinem, quam præcedens; eadem tamen ligni soliditate ac ponderositate pollet. Alit lignum buxæ est coloris; cortexque qui etiam crassiusculus extrinsecus nigricat, maculis cinereis interfunditur, ac rugis reticulatis & transversalibus exaratur: intus vero pallens, gustuque sentitur tantisper amaro.

Rami ejus eadem, ac in præcedente, serie ordinantur, similiterque nodosi sunt, quatuorque aut quinque conjugationes foliorum in costulis exilibus, duos pollices circiter longis & virentibus, deferunt. Quæ quidem folia paulo subtiliora sunt, minora, & acutiora, potissimum in junioribus, in quibus magis acuminata, minora, & numerosiora cernuntur.

Flores prorsus sunt similes, æquales, cærulei, sed paulisper limbrati. Fructus vero quadranguli ut fructus Evonymi vulgaris nostratis, coloris cerei, intus in quatuor loculamenta divisi, in quorum singulis semen unicum continetur osseum, rubrum, parvæ olivæ formam fere referens.

Ex utriusque truncis concisis resina emanat fusca, translucens, & acrimonia quadam valens. Harum ultima satis frequens visitur in insula San-Dominicana apud regionem Portus Pacis. Aprili florent: Junio vero fructus maturus proferunt.

Ex his arboribus in usum medicum veniunt lignum, cortex, & lacryma resinosa. Probatum lignum recens, ponderosum, resinosum, quod quamplurimum nigri habet; cui cortex proxime & fortiter adhæret, quod facile flammam concipit, & ignis calorem partim liquefcit in resinosum magma. Rejiciendum est pallidius, nimis siccum & exsuccum, cariosum insipidumque. Cortex vero eligatur, ligno fortiter adhærens, resinosus, durus.

Resina quæ improprie Gummi Guajaci in officinis dicitur, foris fusca est, interne pellucida, modo subrufa; modo subviridis, friabilis, sapore nonnihil acri, odore dum accenditur resinoso non insuavi, ad ligni Guajaci odorem accedente.

Chymica Guajaci analysi instituta, ex hujus ligni nigricantis & resinosi in scobem redacti lib. distillationis opæ extractæ sunt phlegmatis cum acidi, tum alcali ℥xxviii. cum ℥ij. quarum prima portio ad ℥iij. ℥viij. Guajaci ligni odore & sapore, meri salis alcali urinosi notas præbuit, siquidem salis Saturni & Sublimati corrosivi solutiones turbidas & lacteas effecerit. Secunda portio ad ℥v. ℥ij. sapore magis acuto donata; præter salem alcali quem in examinibus exhibuit, acidum salem manifestum indicare coepit, Heliotropii tincturam cæruleam in subrubram convertendo. Portio tertia, quarta, & quinta, ad ℥xviij. ℥ij. magis ac magis acide gustu prodierunt, ac tandem Heliotropii tincturam igneo colore infecerunt. Nihilominus tamen salem alcalinum semper manifestarunt, scilicet Sublimatum corrosivum solum præcipitando. Cum his liquoribus prodierunt olei nigricantis, crassioris consistentiæ adin-

adinstar Syrupi, & aquæ gravioris ℥ij. ℥viß. olei vero tenuioris flavescentis & aquæ supernatantis ℥iv. Massæ nigræ in retorta superstitis pondus fuit ℥xxxij. ℥vij. ac proinde in distillatione insensibilis jactura fuit ℥vij. ℥viß.

Materia residua nigra, seu Guajaci carbo, per duodecim horas igne aperto calcinatus, nempe donec nullum amplius fumum emitteret, & in albicantem cinerem deduceretur, pendebat ℥ij. ℥vj. gr. xij. Ex his cineribus, lixiviationis ope, salis fixi non mere alcalini, sed falsi, qui nempe ex Mercurii sublimati corrosivi solutione candidum pulverem præcipitabat, ℥j. gr. lxij. extracta fuerunt: in fumum itaque abierunt ℥xxxij. gr. lx.

Mirum sane hac analysi mediam tantum partem principiorum, quibus Guajacum componitur, extrahi; alteram vero partem fere dimidiam, constantem ex oleo crassiori & sale acido aluminoso aut vitriolico ita condensari, ut in vasis clausis igne licet vehementissimo sursum evehi non possit, nec nisi igne aperto reverberii & diutino duodecim horarum a terra separari, & in flammam aut fumum dissipari.

Necnon etiam observatu dignum est hunc Guajaci carbonem, seu massam nigram e retorta extractam, etiam post duos tresve dies & acri expositam statim exardescere, nullo admoto igne; modo, peracta distillatione, retortæ collum accurate obturetur, & vasa furnusque per se refrigerant.

Oleum Guajaci stillaticium ab acido quocum conjunctum est, adeo condensatur, ut in massam terream, nigram, inspidam facillime convertatur, & prorsus fixum evadat. Nam olei nigri Guajaci ℥viij. cum ℥vj. per retortam vitream distillatæ, olei tenuioris & magis fluidi ℥vij. ℥jß. præbuerunt, tanto acido spiritu turgidi, ut Heliotropii tincturam intense rubram vel igneam efficerent. Nihil vero salis alcali continebat, quandoquidem Sublimati corrosivi solutio ab eo non mutaretur. In retorta supererat massæ nigræ ℥j. ℥ij. gr. xlvij. duræ, raræ tamen, pumicis adinstar, cujus ℥x. in crucibulo igni fortissimo expositæ per horas duas cum dimidiam flammam emisissent: tandem caput mortuum in crucibulo residuum, & per quatuor horarum spatium calcinatum, densum erat, durum, inspidum, nigricans, & ℥ij. pendebat.

Oleum Guajaci ponderosum & recens distillatum, permixtum cum antica spiritus Nitri rectificati portione, statim effervescit, intumescit, flammamque concipit. Peracta deflagratione, fungosa quædam, rara, levis; nitens, & insipida remanet substantia, quæ postea nullo modo immutari potest. Ambabus his in operationibus oleum & sal acidus in terram seu in substantiam inspidam, ponderosam & friabilem convertuntur; sive terrestres illæ partes antea in sale & oleo extiterint, sive de novo in operatione ex oleo & sale productæ fuerint.

Ex hac Guajaci analysi sequitur hoc lignum constare ex sale acido vitriolico, oleo, & terra sub densioris resinæ specie strictissime quidem unitis, ita ut difficillime a se invicem separari queant; & præterea inesse salem quendam ammoniacalem cum aliis principii minus arte conjunctum, cujus pars volatilis urinosa primum avolat in distillatione.

Alburnum seu lignum album, quo fuscum Guajaci medullium circum-

cumvestitur, longe levius est ipso Cuajaco, & ad usum medicum minus aptum; quod analysi confirmatur.

Ex albarni Guajacini lbv. per retortam distillarunt phlegmatis, tum acidi, tum urinosi 3xxj. Zij. gr. xvij. olei crassi & ponderosi 3vj. 3vjss. Pondus massæ nigræ residuæ fuit 3xxij. 3ijss. Jactura vero ad 3xviij. 3ij. gr. liv. materiæ quæ in auras avolavit. Idcirco minus stricta est principiorum conjunctio in hac substantia quam in medio ligno, cum in eo jactura 3vij. minor fuerit. Tandem massa nigra residua rite calcinata, cinerum albidorum 3j. 3ij. gr. lxvj. reliquit; ex qua salis fixi salini non mere alcali, sed salini 3j. gr. ij. lixivii ope extracta fuerunt.

Cortex vero Guajaci a ligno, tum principiis, tum principiorum mixture, multum discrepare ex analysi Chymica demonstratur, si quidem corticis Guajaci lbv. distillatione ut moris est peracta, fuderant phlegmatis, tum alcali urinosi, tum acidi 3xxij. 3j. gr. xxxij. ita tamen ut primæ portiones debilioris acidi notas præberent, & multo uberiori sale alcali urinoso turgidæ viderentur, quam liquor e ligno elicitus. Deinde olei spissi & ponderosi 3vij. 3ij. gr. lxiv. prodierunt, remanente in fundo retortæ massa nigra ponderis 3xxix. 3iv. gr. liv. quæ per undecim horas igne reverberii calcinata, cinerum albidorum 3xij. 3vj. gr. lx. reliquit; qui salis fixi mere alcali 3vij. gr. xij. continebant. Per eas analyses manifestum est majorem salis alcali, tum urinosi, tum fixi, copiam inesse in cortice, quam in ligno; terræ quoque fixæ, seu cinerum, quantitatem longe majorem esse, minus vero olei, minusque acidi salis contineri; necnon etiam salis acidi naturam in his diversam esse, cum ligni sal acidus in salem salsum fixum condensetur, corticis vero in salem mere alcalinum concreascit. Unde recte concludi potest utriusque vires diversas esse, nec indiscriminatim usurpari debere, quod peritorum Medicorum usu & experientia confirmatur.

Guajacum crassa incidit & attenuat, lenta detergit, obstructa aperit & liberat, sudores provocat, urinas ciet, sputa adjuvat, stomachum resolutum corroborat, sicut & alia omnia viscera: diuturnas & inveteratas jecoris & lienis obstructions, iterum, hydropem, aliaque vitia ex iis nata curat: omnium corporis partium superfluos humores frigidos dissipat atque absorbit: capitis distillationes exhaurit; ex iisque natos dolores, rheumaticos distos, tollit: podagram, chyragram, ischiada, omnemque arthritim mire juvat; asthmaticos, paralyticos, stupidos, & quovis modo resolutos curat: nervorum affectionibus omnibus subvenit: tumores omnes frigidos & duros ad suppurationem perducit, ulcera cacoethæ & chironia sistit, exsiccant, & cicatrice obducit. Luis venereæ pustulas, tubercula, ulceraque omnia, atque omnes ex iis natos dolores, aliaque symptomata, nulla corporis noxa, nullaque virium jactura, cohibendi ac tollendi vis & facultas ei tribuitur. Et re quidem ipsa calidis in regionibus huic morbo debellando sufficit; modo, ut decet, curatio instituitur. Verum frigido sub jove, ubi corporum perspiratio minor est, & difficilior promoveri solet, minus tuta medicina deprehenditur. Eam ob rem in hujus morbi curatione Guajaco Hydrargyrum consociant.

Cor-

Corticem Guajaci iisdem viribus præditum vel etiam valentioribus quam lignum asserunt nonnulli. Alii vero, ut C. Hoffmann. Mathiolus, & Fallopius eum ligno longe inferiorem esse autumant. Ferneline vero majorem vim siccandi, attenuandi, ac sudores promovendi ipsi tribuit; verum nimis calidum esse, & jecoris calida siccaque intemperie laboranti & febricitanti multum noxium existimat. Revera quod Fernelius sapore corticis ligno acriori & amarioris detexerat, quodque experientia multa compererat, nobis analysi Chymica comprobatur videtur; siquidem majori partium tenuiorum, salium nempe acrium, tum volatiliū, tum fixorum copia cortex quam lignum instruitur, ut jam diximus.

Hæc autem erat illius antivenerei exhibendi ratio.

Ligni in scobem lima redacti ℥xij. Corticis contusi ℥ij. (A quibusdam cortex omittitur) in aquæ ℔vj. diem unum macerata percoqui lento igne solebant ad dimidiam, aut etiam quartam partem. Decoctum perfrigeratum percolabatur, & in vase diligenter obstructo conservabatur: Hoc primum decoctum alii Guajaci Cremorem; alii Serapium appellabant. Ex relicta denuo scobe, cum ℔viij. aquæ novum decoctum parabant tenuius ad ℔iiij. pro potu solito. Ægrotans catharsi, vel etiam venæ sectione rite præparatus, in conclavi aeri frigido minime, nedum ventis obnoxio, per totum curationis stadium inclusus, prioris, & valentioris decocti cyathum unum bis in die haurire solebat, mane & vespere. Hausto decocto, stragulis munitus & connectus, horis aliquot interquiescebat, donec sudor excitaretur. Sudore, quantum vires ferre poterant, effuso, linteis calidis corpus extergebatur, exsiccabaturque. Bis in die cibis exhibebatur, tertiam vel quartam a sumpto poculo post horam: & erat tenuis & exiguus, quique vires deficere tantummodo non sineret. Quidam carnes omnino ablegare solebant, solum biscoctum panem ad ℥ij. cum uvīs passis Corinthiensibus aut Damascenis concedentes: alii carnes molliusculas, pulli scilicet columbini aut gallinacei concedebant, sed parca manu. Potus erat supradictum aquosius alterum Guajaci decoctum. Vinum a nonnullis prorsus rejiciebatur: tanquam infestissimum, ab aliis tamen Guajaco medicatum præscribebatur. Servabatur alvus lubrica toto curationis tempore. Septimo quoque die catharticum aliquod validum exhibebatur. Per viginti aut triginta dies continuabatur hic usus, vel etiam diutius, donec veneni radix foret avulsa, prorsusque extincta ejus pernicies. Sedatis vero doloribus, omnibusque symptomatibus sublatis, adhuc per quadraginta dies in pastu aquosum seu tenue propinabant ligni decoctum, omisso fortiori, & ægrotantem ad pristinam vivendi rationem paulatim & caute reducebant.

At vero cum longe tutior sit lui venereæ medendi ratio Hydrargyri ope, hæc curandi methodus penitus obsolevit. Guajacum præscribitur tantummodo in prisanis & decoctis sudoriferis, diaphoreticis & exsiccantibus, in lue venerea, catharris & defluxionibus, in paralyti & viscerum obstructionibus.

Guajaci lignum, vel solum, vel cum cortice, vel etiam cum aliis medicamentis, tum sudoriferis, tum diaphoreticis & exsiccantibus, tum etiam purganti.

gantibus præscribitur . Raro in substantia exhibetur , sæpius in decocto a ℥ij. ad ℥℥. vel ℥j. Resina vero a gr. viij. ad ℥ij.

℥. Rasuræ ligni Guajaci ℥ij. Corticis ejusdem ℥j. Aqua fontis ℔vj. Macerentur per 24. horas , deinde bulliant ad mediæ partis consumptionem . Colaturæ capiat cyathos tres , quatuor , vel quinque singulis diebus in lue venerea , rheumatismo , paralyti.

℥. Pali sancti ℥ij. Corticis ejusdem , & Ligni Sassafras ana ℥℥. Ligni Aloes ℥j. Liquiritiæ rasæ & contusæ ℥j. Semin. Coriandr. ℥j℥. Macerentur in aq. limpida ℔vj. per 24. horarum spatium . Postea decoquantur ad medietatem , addendo sub finem Passularum ℥℥. Decoctum per se refrigeratum per pannum transcoleatur , & servetur ad usum .

℥. Ligni sancti in scobem redacti ℥iv. Macerentur per diem in aq. communis ℔ij. Bulliant ad dimidi humoris diminutionem . Sub finem coctionis addantur Sennæ mund. ℥j. Turbith , Hermodactylor. ana ℥j. Colaturæ capiat ℔℥. mane , jejuno ventriculo , in paralyti & rheumatismo .

Ex ligno Guajacino præparantur tinctura , extractum resinofum , spiritus & oleum .

Tinctura Guajaci , ejusque extractum resinofum sic parantur .

℥. Scobis Guajaci tenuissimæ q. pl. Indatur in matracium vitreum , & affundatur spiritus vini rectificatissimi ad supereminentiam trium quatuorve digitorum transversorum . Macerentur temperato arenæ calore per dies & noctes octo . Tinctura intense rubra limpida a scobe caute separetur . & servetur ad usum , vel distilletur igne adeo tenui ac moderato ad extracti spissi consistentiam . Tum extractum balneo mariæ , vel solis calore penitus exsicceatur : massa residua erit extractum resinofum .

Tinctura & extractum pro sudoriferis & diaphoreticis habentur . Tinctura ad ℥℥. Extractum a gr. iij. ad ℥ij. præscribuntur .

Spiritus & oleum foetidum sic conficiuntur .

℥. Scobis Guajaci q. l. Immittatur in retortam cui recipiens vas amplum adhibeatur , & instituatur distillatio in furno reverberii ; primum lento igne sensim procedendo ad ultimum ignis gradum , donec nihil amplius stillet , & recipiens non amplius nebulis obscuratum appareat . Vasis omnibus refrigeratis , recipiens amoveatur , & oleum crassum & nigrum a spiritu rite separetur . Spiritus rubicundi coloris per alambicem vitreum denuo distillatus , obtinetur limpidus , & ab omni oleo purgatus , gustu subacidus , qui tamen post aliquot septimanas iterum tingitur rubro colore ab occulto sulphure quod continet oriundo .

Oleum crassum nigrum & foetidum ; vel spiritu vini dissolvitur ; per chartam emporeticam transcolatur , & sic servatur : vel cum triplo salis communis calcinati & pulverati permiscetur , & ex retorta vitrea in balneo arenæ distillatum , prodit fluidum , rubrum , & minus foetens , quod ad usum reservatur .

Aliud oleum essentielle non foetidum , & translucidum ex Guajano sic extrahitur .

℥. Rasuræ ligni Guajaci ℔ij. Salis marini ℔j. Aq. comm. ℔xxiv. Macerent-

eiendum vero quod hanc duplicem tincturam non exhibet. Sæpe enim adulteratur ligno simili, quod aquam croceo tantum colore inficit.

Arbor est Americana, *Coatli*, seu Aquens Serpens Hernandez dicta. A clarissim. Tournefortio *Mater Med.* sic describitur: Pyro similis est materia & magnitudine. Ejus folia in ramis alternatim nascuntur, Ciceris forma, sed crassiora, semiunciam longa, quatuor lineas lata, non crenata, superne obscure virentia, & lenibus villis aspersa, subtus lanugine argentea splendentia, cum nervo medio crassiore. Flores summis ramulis hærent, quos exsiccatos illi describere non licuit. Hos luteos elanguescentes dicit Hernandez, parvos, longiusculos & compositos in spicas. Calyces autem monotomi, quinquifidi, calathum referentes, lanugine rufa obducuntur. In Hispania nova nascitur.

Ligni nephritici usus ad renum vitia, urinæ difficultates & incommoda commendatur. Urinam enim leniendo movet. Scribit Hernandez hujus ligni tincturam epotam vesicam extergere, refrigerare, urinæ acrimoniam temperare, necnon etiam febres extinguere, & cholici mederi. Addit Monardes in jecoris. & lienis obstructionibus utilem esse.

Lignum assulatum & minutim concisum in optima & limpidissima aqua maceratur. Dimidia post injectum lignum hora aqua cæruleum dilutionem colorem contrahit, qui sensim pro temporis ratione intenditur, tamen lignum candidum sit. Cum aqua a bibentibus exhausta est, nova affunditur super lignum; quod toties repetitur, donec aqua nullo amplius colore cæruleo inficiatur. Aquæ sapor ligni maceratione nullatenus immutatur.

Quidam hujus tincturæ cyathum unum, seu ℥viij. singulo mane, jejunum ventriculo hauriunt: alii hac tinctura assidue utuntur, eaque etiam vinum diluunt. S. Pauli affirmat hoc lignum, citra ingentes naturæ motus, potenter satis urinam & calculum pellere, nec, ut alia diuretica calida, renes aut vesicam magis ac magis offendere. Per illius usum non alia opus est victus ratione, quam temperata: Plurimi ejus mirabiles effectus in dolore nephritico, calculo, arenulis, & urinæ difficultates prædicant. Nonnullos tamen vidi, quos curationis spes frustrata est. Alius igitur inquirendum, quos illud lignum sublevare valeat, quos vero nequeat sanare. Verum de vi lithontripica, quæ illi tribuitur, valde dubito.

ARTICULUS QUINTUS.

De Santalo Citrino, albo & rubro.

Santalorum lignorum species veteribus Græcis & Latinis incognitas fuisse vulgaris est opinio. Apud Arabes tantum prima sit de iis mentio distincta sub *Sandal* nomine. Græci recentiores Arabum vestigia persecuti, eorundem meminerunt. Artamen Salmastius *exercitationibus Plinianis* arbitratu Sagalina ligna de quibus auctor Peripli mentionem facit esse Santalina ligna, ac proinde Græcis non ignota. Verum cum Dioscorides & Galenus de eis alte sileant, ad usum medicum aut nullatenus, aut sal-

tem rarissime tunc temporis adhiberi concludendum est. Hodie vero triplex lignum sub Santali nomine in officinis reperitur colore distinctum; flavum scilicet vel citrinum, album, & rubrum.

Santalum flavum vel citrinum, *Offic.* Santalum pallidum, *C. B. P.* Santalum flavum, *Tabern.* Santalum citrinum, *J. B.* Gallice *Santal. citrin.* Lignum est ponderosum, solidum, pectinibus rectis, quo fit ut facile in rectas assulas findatur; colore ex pallido rufescente; aut flavescente, ac nonnihil ad citrinum vergente; sapore aromatico, amaricante, cum acrimonia non insuavi totum os implente; odore fragrantē; mollichum & rosas aliquantisper æmulante.

Santalum album, *Offic.* Santalum album, *C. B. P.* Lignum odoratum candidum, *Cesalp.* Gallice *Santal blanc*, a citrino pallidiori colore differt & odore debiliori: alioquin substantia eadem, eademque textura.

Scribit Garzias ab horto inter utriusque Santali, citrini scilicet & albi arbores tantam esse affinitatem, ut citrinum a candido discerni vix possit, nisi forte ab ipsis incolis, qui eas mercatoribus vendunt. Verum eruditus Botanicus P. Hermans utrumque ex una & eadem arbore produci asserit, cujus pars corticalis seu alburnum Santalum album dicitur; medullium vero fere interior substantia a cortice & alburno separata citrinum constituit.

Arbor quæ Sarcanda dicitur, innucis Juglandis magnitudinem attollitur; folia fert pinnata, virentia, Lentisci æmula; flores ex cæruleo nigricantes, fructus seu baccas Cerasorum magnitudine, primum virides; deinde per maturitatem nigras, inspidas, & admodum caducas. Aves quædam, inquit Bontius, Turdis fere similes, hos fructus avidè comedunt, eosque postea per alvum excernentes, novis arboribus arva, & montes conferunt. Nascitur in Indiis Orientalibus, potissimum in Siamesi Regno, & in Thymor & Solor insulis.

Idem Jacobus Bontius narrat eos, qui illas in insulas, cædendarum Santalinarum arborum gratiā, navigant, corripī febre quadam continua & ardente ex Synocharum putridarum genere, cum delirio ac miramētis alienatione. Durante namque exacerbatione, quæ plerumque quatuor est horarum, ridiculas admodum actiones edere solent ægri, id opificii vel muneris imitantes quo sani facti sunt: adest præterea *Stivus* seu appetentia canina; ita ut dum in delirio sunt, omnia etiam scædissima devorent, quæ ipsis præbentur. Inter hujusce febris causas ab auctore recensitas præcipua est odor recentis cæsarum arborum Santali, quæ nescio quid virosum, ex cortice maxime, & cerebro inimicum expirant.

Santalum rubrum, *Offic.* Santalum rubrum, *C. B. P.* Lignum est solidum, densum, grave, pectinibus modo rectis, modo crispis, nodorum vestigia imitantibus. Arboris medullium est, cujus pali prægrandes afferuntur a cortice & lignosa superficie separati, extus colore obscure rubente & quasi nigricante, intus vero intense rubro. Odorem nullum evidentem spirat: sapore leviter adstringente & austero donatur.

Arborem Santali rubri, *Pantaga* dictam, a nullo descriptam reperi, nisi quod Hermannus eam siliquosam dicat. Nascitur in ea Indiæ Orientalium parte, quæ dicitur *Coromandel*.

Santalo citrino nonnunquam substituunt lignum quoddam densum, ponderosum,

rosam, resinofum, colore flavescente feu citreo, odore fragrantē ad Citri odorem accedente, quod vulgo, *Bois de Citron*, *Bois de Coco*, *Bois de Jasmin*, *Bois de Chandele*, nuncupatur. Arbor ex qua hoc lignum educitur, dicitur Nerium arboreum altissimum, folio angusto, flore albo, *Sloane Catal. pl. Jam. Raii Hist. tom. 3.* Nerium Americanum lactescens, longissimo folio, flore albo odoratissimo, *H. Beaumont.* Nerium Americanum Mexicanum, folio nonnihil mucronato, *P. B. Prod.* quod licet colore ad Santalum citrinum aliquantisper accedat, ab eo ramen multum differt tum odore, tum pectinibus brevibus, & inæqualibus, tum resinosa, qua turget, substantia, cujus ope flammam facile concipit, nec facile exstinguitur.

Sæpe etiam in officinis pro Santalo rubro Ligna rubentia reperiuntur; tum ex India, tum ex America allata. Alterum dicitur Ligno Brasiliiano simile, seu Lignum Sapou lanis tingendis percommo- dum, *C. B. P. Tlā Pangam*; *H. Mal.* Erythroxylum seu Lignum rubrum Indicum spinosissimum, Coluteæ foliis, floribus luteis, siliquis maximis, *P. Bat. Prodr.* Lignum Sappan, *Batavor.* Alterum dicitur Brasiliium Lignum *J. B.* Pseudosantalum rubrum, seu Arbor Brasilia, *C. P. P.* Ibirapitanga Brasiliensis, *Maregrar. Is. Pisonis.* Erythroxylum Brasiliianum spinosum, foliis Acaciæ, *P. Bat. Prodr.* Ab illis tamen Santalum rubrum facile distinguitur tum colore, tum sapore: Santalum enim colore sanguineo obscure rubet, & gustu subausterum; Brasiliium vero colore est rubro quadam flavedine diluto, & sapore subdulci.

Tres Santali species sale essentiali acido, oleo spisso, & aqua graviore cum in ea fundum petat, exigua salis volatilis portione, & multa terra donantur. In citrino tenuius est oleum, & uberius, minus tenue in albo, crassius vero in rubro, in quo uberior terra, ut ex eorum odore, & sapore satis constat.

De Santalorum virtutibus diversa est auctorum sententia; cum alii ea inter refrigerantia seu sanguinis fervorem temperantia, alii vero inter calefacientia recenseant. Reipla partibus tenuibus, & activis donantur, ut ex eorum analysi manifestum est: quapropter jure meritoque Gaspar Hoffmannus arguit Medicos, qui refrigerandi gratia Santala eorumque compositiones exhibent. Rectius igitur vis incidendi, attenuandi, adstringendique simul, & roborandi ipsis tribuitur. Quas quidem operationes sub diverso respectu exercent, quod jam plurimis in medicamentis observavimus. Citrinum potentius incidit, album longe debilius, utroque rubrum potentius astringit. His tribus Medici fere omnes virtutem cor roborandi, hepatis obstructions resolvendi, viscerum tonum restituendi vel augendi tribuunt.

Riverius Santalorum decoctum commendat tanquam efficacissimum remedium, non solum in curatione tabis incipientis, sed etiam in distillationibus falsis, præcipue autem tenuibus; & in diuturnis sanguinis fluxibus ab illius ardore productis mira præstare asserit. Paratur autem Santalorum decoctum, ut decoctum Guajaci, cum primarium, tum secundarium, & eodem modo exhibetur. Dosis citrini in substantia a ℥j. ad ℥j. rubri ad ℥ij. in decocto a ℥ss. ad ℥ij. Santali citrini, & rubri minutim concisores ana ℥ij. Macerentur in aq. ℥ij. per horas 24. Coq. f. a. ad tertiæ partis consumptionem. Fiat apozema pro potu solito.

Geoffroy Tom. I.

V 3

24. Ra.

℞. Raturæ Ligni Santali rubr. ℥j. Coque in aq. limpid. ℔ij. ad medias. Colaturæ adde Syr. Granator. ℥ij. Fiat apozema, in hæmorrhagiis aut hepatis obstructionibus.

In febribus ardentibus ad capitis dolorem sedandum, capiti externe admovetur Santalum rubrum sub epithematis forma.

℞. Santal. rubr. pulver. ℥j. Misc. panis ℥℔. Aceti rosati q. s. Fiat cataplasma seu epithema. Cui adde sp. vini camphorati ℥℔. Fronti applicetur in capitis doloribus a febris ardente oriundis.

Santalum citrinum usurpatur in Pulvere aromatico rosato, Pulvere lætificante *Renodei*, Pulvere Bezoardico seu contra pestem *Ejusdem*, Confectione Alkerimes regia *Charas*, Syrupu hydragogo, & Syrupu myrrino *Ejusdem*. Citrinum, & album in Pulvere diamargariti frigidi: rubrum in Syrupu lienterico *Charas*, & in Pulvere contra abortum *Ejusdem*: album, & rubrum in Pulvere Diarrhodon *Abbatis*. Triasantala usurpantur in Pulvere Electuarii Triasantali, in Electuario de succo Rosarum, in Confectione de Hyacinthis, & in Cerato Santalino.

ARTICULUS SEXTUS.

De Ligno Sassafras.

Sassafras, *Offic.* Sassafras, sive Lignum Pavum, *J. B.* Lignum est ex rufo albicans, rarum, & leve, cortice fungoso, foras cinereo, intus ferrugineo; sapore acri, subdulci, aromatico; odore fragrante, ad Fœniculi odorem accedente. Ex Virginia, Brasilia, aliisque Americæ Provinciis ad nos venit. Eligitur recens, odoratissimum. Cortex a nonnullis antepositur propter odoris fragrantiam qua præ ligno pollet. Adulteratur nonnunquam Ligno Anisato seu Ligno Anisi, *J. B.* quod a Ligno Sassafras odore seminis Anisi, gravitate, resinosa dentaque substantia facile distinguitur.

Hoc Lignum abscinditur ex arbore magna, Pini magnitudine, & forma, quæ dicitur Sassafras arbor ex Florida, ficulneo folio, *C. B. P.* Laurus foliis integris, & trilobis, *Lin. H. Cl.* 54. Cornus mas odorata folio trifido, margine plano, Sassafras dicta, *Plukn. Alm.* p. 120, *Tab.* 222. fig. 6. *Catech. Hist.* tom. 1. p. 55. c. 55. Anhuiba sive Sassafras major, *Pisonis*. Radicibus donatur. nunc crassis; nunc tenuibus, pro arborum magnitudine, per summos terræ capites expansis, ita ut facile evelli possint: unico trunco nudo, valido, recto, non admodum procero, ramis in cacumine expansis, ut Pinus repurgata; cortice crasso, interius fungoso, nonnihil molli, fulvi coloris, quem integrit tenuis quædam cinerea pellis seu ex gilvo nigricans; veluti odore ita, & sapore aromatico acri, ad Fœniculaceum accedente. Materia trunci ac ramorum est alba, vel ex albo rufescens, aliqua interdum etiam ex parte ad cinereum vergens, mollitie & pectinibus Tiliaceis, minus odora quam cortex. Ramis folia adhæreant triloba, Ficulneorum aut

Vitis alba æmula, incisa, & in tres cuspides divisa, superne virentia, subtus canescentia, odorata: tenera adhuc *Pyri* foliis similia sunt, vixque illum angulum ostendunt: perperam fronde est: Flores racematim congesti, longis pedunculis insidentes, parvi sunt, quinquefidi, laciniis, deciduis, quos excipiunt baccæ *Lauri* bacci similes, corollæ rubra veluti cupula comprehensæ.

Duas etiam alias hujus arboris species describit *Guillelmus Piso*. Una *Anhuypitanga Brasiliensis* *Pisoni* dicitur: foliis est parvis, angustis, tenuibus, ligno albicante, & flavescente. Altera seu tertia species *Pisonis* dicitur *Anhuiba miri*: folio est *Lauri*, sed minori; fructu odorifero, & nigro, ubi maturuerit; eoque simul cum foliis, ligno, cortice, & radice gustu intense calidis.

Analysi Chymica, ex *Ligni Sassafras* ℥v. extractæ fuerunt olei essentialis odoratissimi, limpidi, flavescents, gravioris, & in aqua præcipitis ℥x. olei crassioris, empyreumatici, & rufescentis ℥vij. spiritus acidi ℥xxxij. circiter: spiritus urinosi ℥ij. ℥v. In retorta residua superfuit massa nigra in carbonem redacta ad ℥xiiij. & ℥j. Dum hæc massa calcinabatur, si vel leviter spatula agiraretur, in scintillantes favillas statim avolabat. Cineres albicantes post calcinationem suppositiles pendebant ℥viij. cum gr. lx. ex quibus salis fixi mere salis gr. alij. lixivii ope, elicitæ sunt. In distillatione jactura fuit ℥xiiij. in calcinatione vero ℥xxij. ℥ij. Summa igitur partim deperditarum in hac analysi fuit ℥xxxvj. cum ℥ij. Unde liquet præter partes actuosas sensibiles hujus *Ligni*, alias adhuc inesse minus sensibiles, quæ ex operantis manibus, & vasis effugiunt. Vis autem hujus mixti sere tota pender ab oleosis partibus tenuibus, summe volatilibus, & ut ajunt, essentialibus cum acido tenuiori, raro & expanso contociatis.

Sassafras diaphoresim, sudorem, & urinam promovet. Humores lentos, & crassos incidit, & resolvit, viscerum obstructions reserat, valet ad cachexiam, chlorosim, hidropem. Podagricos dolores lenit, paralyti, & catharrois affectionibus frigidis medetur. In morbis venereis utiliter adhibetur.

Dosis pulveris ℥j. raro tamen in substantia præscribitur, sed sæpius infusum vel decoctum ab ℥ss. ad ℥ij. Sæpe usurpatur in decoctis sudoriferis, & exsiccantibus.

℥j. *Ligni Sassafras* cum cortice in scobem redacti ℥j. Infunde per noctem in vini generosi ℔ij. Exhibeatur colatura per cyathos in catharro, & omnibus fluxionibus frigidis.

℥j. *Ligni Sassafras* minutim incisi ℥ij. Infunde per horas duodecim in aquæ limpidæ ℔ijss. Coque ad ℔ij. Fiat colatura, & exhibeatur per cyathos horis medicis.

℥j. *Sassafras*, *Guajaci*, & *Salsaparillæ* ana ℥jss. Macerentur per noctem in aq. comm. ℔iiij. Coq. ad ℔ij. Fiat colatura, de qua æger hauriat tres cyathos die in paralyti, catharris, & morbis venereis.

Oleum essenziale ex *Ligno Sassafras* arte Chymica elicetur limpidum, fragrantissimum, *Fœniculum* redolens, quod aquæ fundum petit. Conficitur autem, *Lignum* rasum cum cortice in magna aquæ copia

pia maceratum distillando. Ejus dosis a gutt. iij. ad xx. Sudores movet.

Hujus olei pars una cum spiritus Nitri rectificati partibus duabus commixti, statim vehementissime effervescit, flammam concipit; & extincta flamma, resinosa substantia remanet.

CAPUT QUARTUM.

De Plantis quibusdam maritimis.

ARTICULUS PRIMUS.

De Corallis, & Madrepora.

Corallum, & Corallium, Off. Κοραλλον Theophrasti: Κοραλλον & Αδωδεδωρ, Dioscoridis: Coralium, & Gorgonia, Plinii. Planta est maritima, sub undis absque foliis nascens, fere lapidea, ramosa, densa, & solida, fragilis, cortice seu potius crusta quadam tartarea, molli tamen obducta; colore diverso; aliud enim sanguineum est, aliud carneum, aliud flavum, aliud fuscum, aliud album, aliud variegatum. Duo tantum in officinis usitata sunt, rubrum, & album.

Corallum rubrum, Off. Corallum rubrum, C. B. P. 366. In Gallico maris Mediterranei sinu circa Gallo-provinciæ littora a promontorio Coronæ ad Santhrepezi promontorium, in Hispanico sinu circa Baleares insulas ad meridionale littus Siciliæ, & ad oras Africanas in mari Mediterraneo prope Gallorum castellum, vulgo *le Bastion de France*, & in Æthiopico Oceano circa promontorium Mauritanicam, vulgo *le Cap negre*, invenitur. Urinatores qui ad expiscandum Corallum assidue operam navant, referunt Coralli ramulos in antris tantum reperiri, quorum situs terræ superficiei parallelus est, & ostia ad meridiem spectant; nec nisi testis, & fornicibus cavernarum adnasci, atque deorsum versus tantum crescere. Verum maximum ad contrarium esse potest argumentum, quod Coralli ramuli, testis vasorum fictilium, cranii mortuorum, ligneis frustis, ferreis instrumentis, conchis, aliisque rebus ejusmodi adnati reperiuntur, quæ quidem res in fundo maris subident, & quibus adhærens Corallum non nisi sursum crescere potest.

Duabus machinis urinatores in Gallo-provincia ad piscandum Corallum utuntur. Una quam adhibere solent ad Corallum ex rupibus præruptis sub alto delitescentibus evellendum, crux est lignea prægrandis, cujus centro, ut in aquis prompte subsidat, affigitur globus plumbeus magni ponderis: huic autem adnectitur funis validus prælongus. Unicuique cruci, seu extremo crucis brachio, recte orbiculare appenditur. Demissa in aquas cruce, cum urinatores in imo mari rupem invenerunt, cavernosam Coralli scetam; is cui machinæ regendæ cura demandatur, in ejus

ejus cava unum vel alterum machinæ crus impellit, adeoque Corallum; si quod inibi reperitur, retibus implicitum abrumpunt, & extrahunt illi, qui superne in lembis præstolantur. Altera, qua Corallum ex profundioribus antris extrahitur, machina, trabes est prælonga, cujus extremo circulus ferreus diametri sesquipedalis affigitur, saccum reticularem ferens cum duobus orbicularibus retibus utrimque dispositis. Duobus longissimis funibus lembi proræ, & puppi annectitur trabes, quæ globi plumbei adjuncti pondere in aquas immersa cymbæ motu dirigitur, & in remotas saxorum littoralium cavernas introducitur. Ramusculi Corallini cavernarum fornicibus adnati cochlearis vel circuli ferrei ope abraduntur, cæteri vero retibus impliciti extrahuntur. Interdum, sed rarissime ramos vel arbusculas tres quatuorve libras pendentes inveniunt, & expiscantur.

Dubitant nonnulli, an Corallum inter plantas annumerandum sit, necne. Verum plantarum more crescit, & nutritur, flores fert, & semina, aut seminalem quamdam substantiam cujus ope propagatur. De vegetatione nullus dubitabit, qui attente consideraverit diversa Corallorum incrementa: saxa & scopuli e fundo maris afferuntur punctulis seu germinibus Corallinis fœta, ramusculis duas tresve lineas longis, & aliis ramulis aliquot uncias altis; ita ut non sit dubitandi locus quin prima hæc germina Corallina ad aliquot linearum, unciarum, & pedum altitudinem per tempus germinare, & crescere potuissent.

Succum nutritivum lactescens sub cortice variis in cellulis delitescens jam diu observavit Paulus Boccone: flores vero accurate descripsit vir illustris Aloysius Ferdinandus Comes Marsigli, in *cruditorum vivorum Ephemeridum Gallicarum supplemento anni 1707*. & præterea absolutam Coralli historiam composuit in sua naturali rerum submarinarum historia manuscripta, nondum edita.

Rubrum igitur Corallum planta est maritima, duplici ex substantia constans, interiori una densa, lapidea, non porosa aut spongiosa, nec fibrata, ad superficiem striis per longitudinem sulcata, intense rubra, inodora, insipida: exteriori altera molliori, fungosa, corticosa, & dum sub aquis latet, succo lacteo acri turgida, colore viridescente, vel flavescente, vel ex flavo rubente. Truncus in ramos quamplurimos dividitur. Nulla fronde donatur, nulla radice. Sed saxis, lapidibus, aut aliis corporibus inhæret basi larga, tenui, ex propria substantia lapidea expansa. Cortex quo Coralli basis, truncus, & rami conteguntur, dum recens est Corallum ex aquarum sinu extractum, ab ejus substantia lapidea facile divellitur, exsiccatum vero difficilius. Externe inæqualis est, scaber; & quasi granulis conspersus. Singula grana in medio tenui foramine perforantur; & totidem sunt ostiola ad succum nutritivum ex aquis, quibus quibus Corallinus frutex undequaque circumdatur, suscipiendum. Papillæ præterea seu glandulæ hinc inde disseminatæ in corticis superficie eminent, intus cavæ, & in plures cellulas divisæ, quarum orificium in summa papilla deprehenditur apertum; modo oblongum, modo rotundum, sed sæpius in sex rimulas divisum; ita ut stelliforme appareat. Interna corticis superficies striata est seu per longitudinem excavata sulcis, qui superficialibus lapideæ substantiæ sulcis sive striis respondent, ut alter alteri superimpositus tubu-

rubulos efficiant, quorum ope succus nutritivus per totam plantam diffunditur. Hinc inde etiam in lapidea Coralli substantia excavatae sunt cavitates seu cellulae quaedam, quae sicut papillae corticis succum continent. Dum sub aquis viget planta, ejus tubuli, papillae, & cellulae succo turgente lacteo, viscido, saporis acris cum aliqua adstrictione, ad Piperis, & Castaneae saporem accedentis. Cum per aliquod tempus aeri exposita fuit planta, succus ille inspissatur, exsiccat, & in flavescensem ac friabilem substantiam acrimonia destitutam, sed tantummodo leviter adstringentem convertitur.

In ramorum summitatibus adsunt mollia tubercula compacta ex corticali substantia, in varias cellulas distincta, & eodem lacteo succo repleta. Mollia sunt sicut cortex, cum ex maris fundo Corallum educitur, paulatim in aere exsiccantur, & friabilia evadunt. Haec tubercula pro fructibus seu seminum receptaculis a plurimis habentur; sed organa potius videntur esse ad succum nutritivum plantae preparandum, & persiciendum a natura destinata.

Flores in corticis papillis continentur. Dum Corallum recens ex aqua re extractum in aqua marina servatur in loco moderare calido, papillae sensim intumescunt, & expanduntur, lactei succi guttulas fundentes. Tum ex singulis papillis calyx oritur albus, sesquilineam longus, octo sustinens foliola alba, radiatim disposita, & veluti stellulas representantia. Tandem post octo, decem, vel duodecim dies, marcescentes flores flavescunt, in globulos contrahuntur lacteo succo turgidos, qui Coralli corticem deserunt, & decidui aquae fundum petunt. Corpuscula haec subrotunda fructus esse suspicatur illustris Comes Marsiglius, semen vero in eorum succo delirescere autumat.

Sagacissimus ille rerum naturalium scrutator hos flores mense Decembris anni 1706, primum observavit in Corallo in littore Massiliensi recens expiscato, & adhuc cortice obducto. Illud enim in vase aqua marina repleto per aliquot horas servatum, floribus albis stellatis hinc inde conspersum reperit. Aqua detracta evanuerunt flores, remanentibus tantum papillis rubentibus: aqua marina denuo affusa, flores iterum apparuerunt. Sicque per decem vel undecim dies Corallum floridum conspiciebatur.

Corallum fere omni tempore floridum in mari deprehenditur: saltem illustris Comes Marsiglius Hyeme, Vere, & Autumno illud floribus conspersum reperit. Factum est quod veteres tradiderunt, nempe Corallum sub undis molle fuisse, & quo primum contigit auras tempore, in lapidem indurescere. Non minus enim sub undis quam extra undas durum, & lapideum deprehenditur. Revera sub undis molliori tegitur cortice, qui aere exsiccat paululum indurescit, licet ad lapideam duritiem non perveniat.

Humor quo tubuli, cellulae, & papillae corticis adimplentur, cum primum ex aquis Corallum educitur, lacteus est, & glutinosus, sapore acris cum aliqua adstrictione ad Piperis, & Castaneae saporem accedente, qui in recens extracto Corallo manifeste sentitur, in exsiccatō evanescit, adstrictione tantum residua. Ille humor intra sex circiter horas postquam Corallum ex maris sinu extractum est, flavescit in aere, inspissatur, ac tandem indurescit, & in friabilem substantiam croceam convertitur.

SUC.

Succus est nutritivus ad fructifici Corallini nutritionem, & incrementum interveniens. Qui vero in capsulis subrotundis florum continetur, Coralli germine imprægnatus videtur, & pro fructu vel semine haberi potest; siquidem hæ capsulæ ex Corallinis ramis deciduæ, saxis, conchis, aut aliis corporibus quibuscumque in quæ cadunt, adhærentes, paulatim expanduntur, germinant, novamque Coralli plantam ibi producunt.

Lapidea Coralli substantia non iners est, nec actis principiis orata, multo minus cortex. Et quidem Corallum recens extractum e maris sinu, principiis donatur actuosus, & volatilibus, quibus spoliatur per longum tempus in aere servatum. Cortex vero majori harumce partium copia donatur quam ipsa Coralli substantia, ut ex analysi Chymica patet.

Ex Coralli rubri corticis recentis, & lacteo succo prægnantis ℥iij. per retortam distillatis, prodierunt phlegmatis fere insipidi ℥v. cum gr. xxx. spiritus urinosi ℥ix. cum olei crassioris, & bituminosi tantillo permixto. Massæ in retorta residuæ pondus fuit ℥j. ex qua rite per tres horas calcinata salis fixi gr. xxv. extracta fuerunt. Jactura partium volatilium tum in distillatione, tum in calcinatione fuit ℥j. gr. xxx.

Coralli recens e maris sinu extracti, & cortice spoliati ℥iij. phlegmatis albicantis gr. xviii. suppeditarunt, spiritus urinosi gr. xlviii., cum tantillo olei bituminosi. Residui in retorta pondus fuit ℥ij. ℥vj. gr. xxxviii. ex quibus per lixivium salis fixi gr. xxxv. extracta fuerunt. Jactura in calcinatione, & distillatione fuit circiter gr. xxxv.

Ex Coralli a sesquianno e mari educti ℥iij. phlegmatis urinosi oleo bituminoso permixti gran. xxx. prodire. Residua massa ℥ij. ℥vij. gran. xxx. pendebat; ex qua post calcinationem salis fixi salis gran. xxv. per lixivium elicitæ sunt. Ex ℥iij. Coralli, gran. xxxvj. in operatione avolarunt.

Spiritus urinosus Syrupum violaceum viridi colore tingeat, cum acidis liquoribus effervescebat, & Sublimati corrosivi solutionem in lacteum coagulum transmutabat. Sal fixus ex capite mortuo extractus coagulum album in solutione Sublimati corrosivi excitabat. Unde liquet, fixum Coralli salem non mere alcalinum esse, sed salum.

Corallum rubrum igne aperto calcinatum, rubro colore spoliatur, & pallidum fit vel album: albescit quoque oleosis quibusdam substantiis diutius maceratum, & coctum, ut oleo Anisi, Fœniculi, Mali Citrei, &c. Menstrua vero rubro colore inficiuntur: non idem evenit si cum aqueis liquoribus incoquatur.

Ex his analysibus concludere licet, Corallum non tanquam mere absorbens terrestre habendum esse, sed sale volatili urinoso, & oleo bituminoso donari cum terra conjunctis, a quibus ejus energia pendet; rubram Coralli tincturam a bituminosa substantia oriri, quam a parte terrestri separare non est impossibile; deinde non parum interesse discriminis inter Corallum recens ex aquis extractum, & Corallum diutius asservatum; imo plus fortasse energiz inesse in cortice, quam in propria Coralli substantia, quod quidem experimentis foret explorandum.

Dioscorides Corallo adstringendi, & mediocriter refrigerandi virtutem tribuit, excrecentias coercendi, oculorum cicatrices abstergendi, ulcera cava, & cicatrices explendi, sanguinis reiectiones inhibendi, urinæ difficultati medendi. Quæ quidem vires non a solo terreo principio absorbente, & exsiccante pendunt, sed etiam ab ejus oleo bituminoso, & balsamico proficiuntur. In hæmorrhagiis quibuscumque, in alvi profluviiis, & fluore albo utiliter præscribitur. Dosis a ℥i. ad ℥j. Præterea vis ipsi tribuitur cor roborandi, venenis resistendi, humorumque malignitatem, non solum intus sumpto, sed etiam extus appenso. Verum de ea virtute non plane constat.

Plures Corallorum præparationes ab auctoribus recensentur, ut sunt Magisterium, Sal, Tinctura, Syrupus, quæ quidem hodie fere ab omnibus rejiciuntur. Solum Corallum tenuissime tritum, & super porphyritem in alcohol redactum in usum venit, & cæteris omnibus præparationibus anteponendum est, diciturque Corallum præparatum. Cæteris præparationibus Corallum adeo mutatur, ut sit a seipso prorsus diversum. Magisterium enim est Coralli ab acidis liquoribus solutio, & ab alcalinis præcipitatio. Sal Corallorum non est vere sal ex Corallis extractus, sed crystalli oriundæ ex acido sale cum Corallo per dissolutionem, & evaporationem conjuncto. Syrupus est Corallorum acida solutio in Syrupum cum Saccharo cocta. Tincturæ fere omnes non tam a Corallo colorem, & vim obtinent, quam a menstruo aut aliis rebus, quæ Corallo consociantur. Si quis tamen Coralli tincturam sinceram desideret, sic præparari potest.

24. Coralli rubri confusi. q. l. Balliat in olei essentialis Anisi vel Fœniculi q. s. per sex septemve horas in vase clauso, donec Coralli frustula albescant, & oleum rubro colore tingatur. Oleum a Coralli fragmentis separatim distilletur igne modico, usque dum guttulæ olei rubræ prodeant. Tum resinosa massæ in retorta remanenti affunde olei Tartari per deliq. ad em. duor. vel trium digitor. Digerantur simul, donec resina prorsus dissoluta fuerit. Solutio evaporetur ad siccitatem: tum massæ salinæ resinosa affunde iterum spiritum vini rectificati q. s. ad supereminentiam trium, quatuorve digitor. Mace-rentur in balneo cinerum, & tinctura a salina massa separetur. Nobum sp. vini affunde, & digerantur: affusiones repete, donec nulla amplius tinctura extrahatur. Tincturæ omnes simul mixtæ evaporentur ad medietatem. Liquor servetur ad usum tanquam sincera Coralli rubri tinctura, cujus tamen effectus Agyriarum promissis non respondebunt. In hoc liquore sulphurea, & bituminosa Coralli pars continetur.

Corallum album, *Offic.* Corallum album, *Lobel. Icon.* 253. A rubro nonnisi lacteo candore differt. Raro his in maribus reperitur: & plerique auctores, qui Corallum album in mari Mediterraneo nasci scripserunt, pro eo Madreporæ species designaverunt. Comes Mariglius in piscationibus, quibus interfuit, Corallum album nullum reperit. Cum vero Corallini ramuli partim rubri, partim albi repellantur; nonne conjicere liceret Corallum omne nasci rubro colore tinctum, nec alio colore infici, nisi cum aliquo vitio afficiatur, aut cum præ senectute exsuccum, & exsiccatum tandem incanescit?

Quod

Quod tamen affirmare non aſim, niſi prius plurimis obſervationibus confirmatum fuerit. Illud idem clariffimus Marſiglius aſſerit de Corallis fuſcis, flavſcentibus aut cinereis, quæ nihil aliud ipſi videntur quam Corallorum ſtirpes diſruptæ, & in fundo maris intra limum diutius aſſervatæ. De Corallo albo nulla apud Dioſcoridem & Galenum mentio; unde ipſis ignotum fuiſſe videtur.

Corallo albo eadẽ facultates, quæ rubro, tribuuntur, ſed debiliores. Sæpe ſimul præſcribuntur.

An verum & genuinum Corallum nigrum reperiatur, ſubſtantia nempe lapidea, dura, denſa, colore nigro ſplendente, marmor nigro ſimile dubitant. Saltem nullum ejuſmodi Corallum in officiis vel cimeliarchiis reperi: & quicumque ramuli qui ſub Coralli nigri nomine in illis exhibentur, nihil aliud ſunt quam trunci aut rami plantæ marinæ, quæ dicitur Lithophyton nigrum, arboreum, *Inſt. R. H.* 574. Corallum nigrum, *C. B. P.* 366. Corallum nigrum, ſive Antipathes, *J. B.* 3. 804. cujuſ ſubſtantia eſt veluti cornea, denſa, dura, fractu contumax, & cortice contegitur fibræ contexto & ſæpe Tartari æmulo. A Corallis facile diſtinguitur, quod igne comburatur haud diſpari ratione ac cornu, & ſimilem odorem emitat, non item Coralla. In officiis nullius, aut ſaltem rarioris eſt uſus. Diſtillatione multum ſalis volatilis urinoſi ſupeditat.

Corallum rubrum uſurpatur in Confectione de Hyacintis, Pulvere e chelis compoſito *Londineſum*, Pulvere dyſenterico *Charas*. Rubrum & album in Pulvere Diamargariti frigidi, & Pulvere Pannonico *Charas*.

Sub Coralli albi nomine in officiis ſæpius occurrunt Madreporæ ſpecies, quæ plantæ ſunt maritimæ fere lapideæ, candidæ, in ramos diviſæ, Coralli æmulæ, a quo tamen in eo diſcrepant quod ſint foraminibus perviæ, intus cavæ, & ſine cortice creſcant. Species Madreporæ quæ ſæpius occurrit in officiis, dicitur Madrepora vulgaris, *Inſt. R. H.* 573. Corallium album oculatum officinarum, *J. B.* 3. 805. Corallo blanco, ſiſtuloſo, *Imper.* 627. A clariffimo Comite Marſiglio ſic deſcribitur, *in rerum ſubmarinar. hiſtor.* Hæc Madrepora intus cava eſt, & in varias cavernulas ſeu concamerationes ſeptis intermediis tranſverſis quamplurimis diſtinctæ. Unaquæque concameratio in ſeptem cellulas aliis longitudinalibus clauſtris adhuc dividitur: tandem ramorum extrema cupulam exhibent concavam, radiatam, & tenuibus foraminulis in ambitu perforatam. Succo lacteo glutinoſo, dum recens e mari educitur, turgida videtur.

Ex huius Madreporæ ꝯiij. jam ab aliquo tempore e mari extractis per retortam diſtillaverant ſpiritus volatilis urinoſi gr. l. & ex maſſa reſidua ſalis fixi gr. x. per lixivium fuerunt extracta. Nihil aut perparum bituminis prodiit.

Quidam Madreporas iſſdem viribus donari atque Corallum album exiſtimant.

Garzia. Caulis est plantæ arundinaceæ, instar calami aut tubi cavus, tenuis, *Avenæ* vel *Calami* scriptorii crassitie, geniculatus, foris pallide flavescens, intus candidus, medulla fungosa, levi, aranearum retis seu filamentis in se collapsis & convolutis simili repletus, sapore acri suaviter amaricante, odore fragrante. Probatur fulvus, dense geniculatus, odoratus.

Per sat longum temporis intervallum in officinis fuit; incognitus: & quamplurimi Medici, inter quos Fuchsius, Brassavola, Valer. Cordus, Acorum esse legitimum Dioscoridis *Calamum aromaticum* arbitrati sunt. *Garzias*. Lusitanus legitimum *Calamum aromaticum* in Indiis repertum accurate descripsit: idem quoque a Paludano & a Prospero Alpino describitur, in *Ægypto* natus. Ab hisce temporibus in officinis rursus innotuit; ac tandem nullus superest dubitandi locus, quin *Calamus aromaticus* noster, licet rarius occurrat, sit verus & genuinus Dioscoridis *Calamus*, si præsertim ejus comparatio cum Dioscoridis descriptione instituitur.

Planta quæ hunc furculum profert, dicitur *Cassab Eldereira Paludani*, annotationi in *Linschot. navigationes*: *Cassabeldarrira*, *P. Alpin. Exotic.*

Ex radice inutili trium quatuorve unciarum longa, summo capite nonnihil extuberante, & in paucas fibras desinente, caulis (modo unus, modo plures,) fere bicubitalis assurgit, rectus, rotundus, lævis, crassitie pennæ anserinæ, aut ad summum, digiti minoris, multis geniculis distinctus; odore dum recens est exiguo, non ingrato tamen; sapore amaro cum quadam acrimonia: qui intus cavus, spongiosus, seu medulla levi, tenuissima, alba repletus assulatim frangitur. In plures ramos dividitur, hique in tenuiores subdividuntur binos & oppositos. Folia pauca semper bina ex adverso ad singula genicula sita, caulem amplectentia, unciam lata, sesquiuunciam longa, & in acutum desinentia, nervis aliquot per longum excurrentibus insignita conspiciuntur. Ex cauliculorum geniculis utrimque duo ramuli exeunt subtiles, qui flores parvos foliaceos plurimos, floribus luteæ *Lysimachiae* similes, singulis tenuissimis pedicellis infidentes sustinent: quibus succedunt parvi folliculi, oblongi, in acutum desinentes, nigri, semen nigrum & minutum continentes. Apud Indos nascitur, Teste *Garzia*, necnon etiam apud *Ægyptios*, *Alpino* teste.

Calamus aromaticus ab Indianis populis usurpatur in condiendis piscibus & carnis elixis: ventriculum enim roborat, & ciborum concoctionem juvat. *Dioscorides* refert *Calamum aromaticum* urinam potu ciere, porum & appositum menstrua provocare, tussi suffitu mederi per se aut ex resina *Terebenthina*, hausto per arundinem fumo. Familiaris ejus usus est, referente *Garzia*, mulieribus Indianis in uteri affectibus & nervorum doloribus. Raro nostris in officinis usurpatur, nisi ad *Theriaceæ* confessionem.

ARTICULUS SECUNDUS.

De Schœnantho, seu Junco odorato.

Schœnanthus & *Squinanthum*, Off. *Σχοίνος Dioscoridis & Galeni*: *σχοίνος ὀστρομοῖς*, καὶ ἰνδὸς *Hippocratis*: *σχοίνος ἀρωματιστὸς καὶ πυρετικὸς*

Juncus *Græce recentiorum* : *σχολινδρος* *Aluarrii* : *Juncus* odoratus , *Plinii* : *Juncus* rotundus , *C. Celsi* : *Adher* seu *Adcher* , *Arabum* : *Palea* de *Mecha* , *Pastus* & *Fœnum* *Camelorum* , *Nonnullis* . Culmus est cum foliis & nonnumquam floribus ex Arabia delatus , aridus , rigidus , teres , nitidus , geniculatus , pedem circiter longus , medulla fungosa factus , colore ad radicem pallido , vel subflavo , prope verticem viridi aut purpurascens ; sapore fervido , subacri , amaricante , aromatico non insuavi , *Pulegio* simili , multo tamen vehementiore , odore inter *Rosas* & *Pulegium* medio , fragrantissimo . Plurimi ex una radice assurgunt .

Dubitaverunt nonnulli num noster *Schœnanthus* idem sit cum antiquorum *Junco* odorato . Verum *Andreas Matthiolus* , *Gaspar* & *J. Bauhinus* eundem esse variis argumentis comprobaverunt , nullumque dubitationi locum reliquerunt . *Dioscorides* & *Galenus* *σχολινδρος* seu *Juncum* simpliciter , hunc Culmum per excellentiam dixerunt . *C. Celsus lib. 3. cap. 21.* eundem *Juncum* rotundum nominat ad differentiam *Junci* quadrati , *Cyperii* a *Græcis* appellati . *σχολινδρος* antiquitus nominabatur apud *Græcos* , id est *Junci* flos ; quod quidem *Galenus* *notis ad Theriacam Andromachi* miratur , cum floris copia tum fere nulla esset , nec soletet asserri . Unde manifestum est , monente ipso *Galeno* , priscos scriptores sub hac denominatione non *Junci* florem , sed ipsum *Juncum* odoratum intellexisse . Verisimile autem est apud *Græcos* per excellentiam sic nominatum fuisse , ut a cœteris *Juncis* distingueretur . Non solum enim *arbores* florem designat , sed aliquid præcellens , ut observat *Salmasius* . Nihilominus mirum est , quod asserit *Galenus* , *Junci* odorati florem non vidisse , nec suo tempore asserri ; cum tamen *Dioscorides* inter electionis condiciones , hunc *Juncum* floridum exposit . Hodie vero culmi cum floribus sæpe afferuntur .

Planta dicitur *Schœnanthus* sive *Juncus* odoratus , *J. B. T. 2. 515.* *Juncus* rotundus aromaticus , *C. B. Th. Botanici 163.* Gramen *Dactylon* aromaticum multiplici panicula , spicis brevibus tormento candicantibus ex eodem pediculo binis , *Pluk. phytograph. T. 191. Fig. 1.*

Radicibus nititur albicantibus , parvis , lentis , duris , lignosis , multis fibris exilibus summo cespite sparsis . Foliis est palmum excedentibus , triticeis , robustis , crassis , ad radicem latis , convolutis & squamatim interstis , quæ in tenuem , subrotundum , firmumque mucronem desinunt , & culmos ut in *Arundine* multis veluti tunicis arcte cingunt . Culmi multi ex uno radicem cespite , pedales , rotundi , nodis longe ab invicem distantibus distincti , aliquando lignosi , non cavi intrus , sed medulla fungosa juncæa facti , & in summo graciles assurgunt ; quibus secundum caulem gemina serie *Lolii* modo flores spicatum hærent , decidui , in quorum glumis aut caliculis foris rubellis papposi tenuisque flosculi insident , quibus semina succedunt . Tota planta suavem & aromaticum odorem spirat . In quibusdam *Arabix* provinciis tanta copia nascitur , ut commune sit camelorum pabulum .

Junci hujus partes omnes olim ad Medicinam expetebantur , culmi videlicet , flores , & radices ; earum enim *Dioscorides* meminit . Quidam sola folia commendant , floribusque præstantiora esse asserunt . Verumtamen omnes par-

partes odoratæ & efficaces sunt: folia enim jucunda & aromatica quadam acrimonia linguam mordicant: radix gustu est servido & aromatico: floribus recentibus aromatica tenuitas inest, quæ exacto anno perit, ita ut post duos annos penitus inutiles sint. Necnon etiam hisce partibus facultates diversæ tribuuntur. Radix floribus magis adstringit, flos vero utpote tenuum partium foliis calidior est. Itaque in compositionibus pharmaceuticis Juncus odoratus usurpandus & eligendus est recens, floridus, odoratus, aromaticus, gustu servidus.

Oleo essentiali aromatico copioso turget, quod distillatione extrahitur; sed rarisioris est usus in officinis.

Dioscorides & Galenus Junco odorato in fomentiis, aut potu adhibito vim urinam mensesque provocandi, jecoris, stomachi, & ventris inflationibus medendi tribuunt. Ejus usus apud neotericos præcipue in obstructis visceribus, utero scilicet, hepate, liene, in ventriculi inflatione, vomitu, ac singultu, & in urina difficultate. Exhibetur ejus pulvis ad ℥j. decoctus ad ℥ij. in vino vel aqua. Extrinsecus facieulis inclusus, vel ejus decoctum lorione caput, ventriculum, hepar, cæteraque viscera roborat. Simon Paulli refert in *Quadrip. Botanico*, Henricum Meibomium Schœnanthum & Cyperi radices tanquam specificum ad versicæ ulcera adhibere.

In Theriaca Andromaci, & in Mithridatio Damocratis usurpatur.

ARTICULUS TERTIUS.

De Malabathro, seu Folio Indo.

Malabathrum, Folium, & Folium Indum, Off. Μαλαβαρον & πολλον Μαλαβαρον Dioscoridis & Galeni: Μαλαβαρρον 'Ινδικόν Ejusdem Galeni: πολλον 'Ινδικόν Albuarii: Malabathrum, Plinii: Sadegi, Avicenna: Talamapatra, Garzia. Folium est folio Cinnamomi simile, a quo nonnisi odore & sapore differt, oblongum nempe, acuminatum, densum, & glabrum, tribus a pediculo ad apicem discurrentibus nervis distinctum, odore non ingrato aromatico, ad caryophyllos aliquantulum accedente.

Eligatur recens, densum, crassum, majus, atque integrum, quodque non facile in partes minutas frangatur.

De Malabathro antiquorum auctores inter se non consentiunt, nec certo constar, nostrum Folium Indum fuisse Malabathrum antiquorum. Dioscorides scribit Malabathrum Lentis palustris modo aquis innatare, nulla fultum radice. Verum aut fabulas ab aliis enarratas nobis tradidit auctor, aut ejus Malabathrum nunc nobis prorsus ignotum est. Plinius Nardi Folium esse asserit; quam quidem opinionem ut falsam ipse Dioscorides jam rejecerat. Itaque inter horum dissensum Garzias denominationum similitudine inductus, conjicit neotericorum Folium Indum, atque veterum Malabathrum, rem unam esse & eandem. Ab Indianis enim Talamapatra dicitur; unde Μαλαβαρρον Græcorum derivatum existimat. Huic autem libenter assentimur.

Arbor quæ hoc folio donatur, dicitur Canella (sylvestris Malabarica; *Rait. Hist.* 1562. Katou-Karua, *H. Malab. P.* 5. 105. Canella arbor sylvestris, *Muntingii*: Tamalapatrum five Folium, *C. B. P.* 409. Canellæ Zeylanicæ seu Cinnamomo haud absimilis est tum odore, tum sapore, nisi quod major sit altior. Folia iidem prægrandia, oblongo rotunda, longitudine duas spithamas, latitudine duos palmos circiter æquantia: a pediculo ad apicem folii tres nervi crassiores transeunt, ex quibus transversæ multæ venulæ excurrunt. Flosculi in umbellas expansi extremis ramulis proveniunt, inodori, viridi-albicantes, pentapetaloides, quinque viridibus brevibusque staminibus, viridi-flavis, apiculis ornatis medium occupantibus. Flosculus succedunt baccae exiguæ Ribium nostratum instar. Provenit in locis montanis Malabaricæ regionis: Julio & Augusto mensibus floret, Decembri autem & Januario maturos fert fructus.

Malabathrum Dioscoridis eisdem cum Nardo vires fortitur, sed efficacius omnia præstare dicitur. Hodie rarissime medicum in usum venit. Usurpatur tantum in Theriaca, Mithridatio, & Hiera Diacolocinthidos.

ARTICULUS QUARTUS.

De Senna.

Senna, Sena, & Folium orientale, *Offic. Sinæ Alhvarii*: Sene, *Arabum*: Abalzemer, *Persar.* Gallice, *Senne*. Folia sub his nominibus prostant in officinis parva, sicca, subpinguia, firma, acuta, & veluti lanceolata, ex viridi flavescens; odore tenui, non prorsus ingrato; sapore subacri, amaricante, nauseoso.

Duplex Senna nobis affertur, Alexandrina seu Zeydenensis aut Sidonia, quæ Gallis *Senne de Syedo ou de la Palte*, vestigialis nempe nomine huic folio a Turcarum Imperatore impositi: alia vero quæ foliis est minus acutis, Tripolitana nuncupata, *Senne de Tripoli*, priori longe inferior, foliis læte virentibus, amplioribus, sed acumine obtuso, aspero tactu. Præter eas nonnunquam occurrit Senna Mochana, cujus folia angustiora sunt, longiora, & acutiora; necnon etiam Senna Italica, cujus folia majora, latiora, extremo subrotunda, & venulis eminentibus distincta. Sed raro afferuntur: prioribus enim longe minus efficaces sunt.

Eligatur Alexandrina, recens, ex viridi flavescens, odorata, tactu dulcis, foliis integris, non contritis, non maculosis, a stipitibus munda ac repurgata: cujus tinctura aqua communi parata, intense colorata deprehendatur.

Nec sola folia in usum medicum veniunt, sed etiam fructus qui folliculi Sennæ dicuntur: siliquæ sunt membranosæ, oblongæ, incurvæ, planæ, compressæ, colore ex viridi rufescente aut subnigro, in quibus continentur acini uvarum acinis fere similes, compressi, pallentes aut nigricantes.

Anqi-

Antiquiores Græci & Latini Sennam non cognoverunt. Nonnulli tamen dubitant an Dioscoridi & Galeno ignota fuerit. Dubitandi ratio est quod quidam Mesuæi interpretes in decoctione Sennæ Galenum crient: sed re ipsa Sennæ nulla apud Galenum mentio deprehenditur. Nec Arabes ea sola vice Græcorum testimonium falso adducunt. Ruellius tamen Sennam cum Colutca Theophrasti confundit: sed ejus error a Matthiolo sufficienter redarguitur. Et revera Averrhoes novam esse herbam asserit & veteribus ignotam: itaque Sennæ usus Arabibus debetur. Serapio primus de ea mentionem fecit, deinde Mesue. Inter Græcos juniores Actuarius primus Sennæ meminit, illiusque tradit facultates.

Planta dicitur Senna Alexandrina, sive foliis acutis, C. B. P. 397. Sena, J. B. I. Sena orientalis, *Tabern. Icon.* 517. Frutescens est, duos cubitos æquans, caulibus lignosis, in ramos lentos abeuntibus ex quibus alternatim exeunt pediculi tenues, palmo longiores, ad quos ex mediocribus intervallis adnexæ sunt foliorum quatuor, quinque, aut sex conjugationes, nullo impari alam claudente folio, singula autem folia dilute virent, proximeque costæ adhærescunt. Glycyrrhizæ foliis similia, sed acutiora, pollice breviora, tres lineas lata saporis glutinosi leviter amaricantis non sine nausea aliqua. Flores longa serie summis ramulis innascuntur rosacei, ex quinque scilicet petalis constantes paululum cavis, luteis & venis purpureis distinctis, calyce pentaphyllo suffulti. Horum medium occupant stamina decem & germen incurvum, quod deinde mutatur in siliquam valde compressam, ut plurimum incurvam, ex duabus membranis compositam, quas inter semina nidulantur vinaceorum acinis fere similia, depressa, pallide virentia, duas circiter lineas longa, altera parte acuta, altera vero obtusa, una serie disposita, tenuibus veluti dissepimentis inter se distincta. Seritur in Persia, Syria, & Arabia, unde in Ægyptum & Alexandriam deportatur.

Instituta Sennæ analysi Chymica, foliorum Sennæ ℥iij. & ℥iij. exhibuerunt liquoris alcalini urinosi ℥xv. acidi vero humoris ℥ix. circiter, qui quidem promiscui prodierunt ex retorta; olei crassioris ℥vj. ℥i. gr. xij. salis volatilis urinosi ℥i. Massa nigra in retorta superstes pendebat ℥xvii. ℥vijs. Hæc massa per 14. horas calcinata, per 4. horarum spatium flammam emisit. Tandem cineres colore subcinereo sulcoeducti, pendebant tantummodo ℥iij. ex quibus per lixivium salis mere alcalini ℥i. gr. lvj. elicitæ sunt.

Olei supradicti ℥iij. cum ℥v. per distillationem rectificatæ, olei liquidi ℥iij. crassioris vero & butyrosæ consistentiæ ℥iij. ℥v. effuderunt, remanente in retorta terra nigra ponderis ℥iij. gr. viij.

Ex hac analysi liquet, Sennam constare ex duobus salium generibus, ammoniacali uno, & tartareo altero, oleo crassiori copioso simul junctis: unde compositum exurgit gummoso-resinosum; a quo purgandi facultas pendet. Ex Senna enim ope aquæ Extractum educitur, quod acrimonia forti pollet, & exsiccatum facile accenditur.

Senna virtute purgandi per inferiora insigni donatur. Nec ullum est medicamentum purgans frequentius, usitatus, utilius. De ejus qualitatibus diverse sentiunt auctores, sicut & de humoribus quos vacuat. Actuarius bilem & pituitam excernere asserit, licet dissentientem habeat

Averrhoen, qui negat pituitam ab hoc medicamento purgari; Mesue melancholiam & bilem adustam ducere ab omnibus visceribus dicit: aquas vero sæpe purgare Jacobus Sylvius Medicus Parisiensis observavit. In hac auctorum dissonantia Rolfincius pronunciat eum a Senna purgari humorem, qui abundat & naturæ molestiam affert. Vix aliud quicquam medicamentum æque valide corruptos atque crassos humores, prolicit, aut obduratos evacuat, & diuturniores obstructions expedit. Diuturnorum atque lentorum morborum, quos viscerum impuritas aut vetus obstructio genuit, singulare est præsidium, inquit Fernelius, ut lentarum veterumque febrium, melancholiæ, epilepsiæ, scabiei, impetiginis, vitiliginis, elephantiasis, & omnis denique impuritatis. Torsionibus sæpe molesta, non quod flatulenta sit; sed quod firmiter hærentes humores, ac plerumque acres nequeant sine sensu doloris eveli. Medici tamen hanc Sennæ noxam corrigere tentant variis rebus, quibus, licet non profus deleatur, saltem minuitur. Alii autem permiscent, quæ ventriculum & intestina roborant, cujusmodi sunt Zingiber, Cinnamomum aut Spica Nardi: alii quæ leniendo sine torsionibus facile deducunt, qualia sunt juræ pingua, Pruna, Jujubæ, Uvæ passæ Viola, Althæa, Polypodium: alii vero quæ status discutiunt, lentos & glutinosos humores incidendo, cujusmodi sunt Anisum, Fœniculum, Coriandrum, Salia Tartari, Absynthii, aut alia hujusmodi. Revera, cum Sennæ vis purgatrix a substantia gummea & resinosa pendeat, quæ duplici modo actionem suam exerit, tum humores spissos, ac lentos solvendo, tum etiam & præcipue nerves intestinorum fibras irritando, & ad contractionem sollicitando, quo minus hæc resina extenditur, eo magis partibus adhæret, easque vividius lancinat & irritat: quo magis vero extenditur, eo minor est ejus adhærentia, eo minor irritatio. Itaque quæcumque hanc resinofam substantiam extendere valent, qualia sunt major humoris copia, quo Senna maceretur; Salia alcalia quæ sulphurea & resinosa dividere valent; olea quoque, in quibus resinosa facile dissolvuntur: ea omnia ventris torsiones minuunt. Sic Tinctura Sennæ in ptisanis aut jusculis largo haustu epota, egregie & minus moleste purgat, quam in parva aquæ dosi exhibita. Lenientia & mucilaginosas resinofas Senna partes involvendo irretiunt, earumque actionem retundunt; sed vim purgatricem quoque minuunt, unde minor effectus.

Observatum est, Sennam valde nocere iis morbis, in quibus humores æstuant, & solidæ partes inflammantur. Ab ea igitur abstinendum in hæmorrhagiis, inflammationibus quibuscumque, & in morbis pectoris. His demptis, nullum fere est morbi genus, ubi, servatis artis legibus, convenire non possit.

Alia adhuc inter scriptores Medicos movetur controversia, an Sennæ folia, an folliculi præferendi sint? Mesue, Actuarius, & Serapio ex veteribus; Fernelius, Lobelius, Pena ex recentioribus palmam folliculis concedunt: sed refragatur Monardus, cui nunc assentiuntur Medici fere omnes. Reipsa folliculi intestina minus torquent, sed longe debilius purgant.

Sennæ substantia, vel infusio, vel decoctum exhibentur. Datur in substantia seu pulvere a ℥j. ad ℥j. sed raro; quoniam nimia moles est &
ægro-

ægotantibus importuna, & præterea majora tormina parit. Sennæ tincturæ maceratione vel decoctione extractæ præferendæ sunt, modo diuturniorem ignem perpessæ non fuerint. Melus enim observat Sennæ vim purgantem esse in superficie, unde fortiori coctione evanescit. Præscribitur Senna in infusione vel decoctione levi a ʒj. ad ʒß. vel sola, vel cum aliis purgantibus medicamentis.

Ingratum Sennæ saporem emendare solent quidam foliis Iquetajæ ex Brasilia allatis, quas D. Marchand Regiæ Scientiarum Academiæ Socius esse folia Scrophulariæ aquaticæ majoris, C. B. P. detexit. Hujus plantæ folia cum foliis Sennæ in aqua communi tepide macerantur, & extrahitur tinctura non ingrata.

ʒj. Folior. Sennæ mundator. & folior. Scrophular. aq. in umbra exsiccat. ana ʒij. His affunde aq. calidæ ʒij. Macerentur, donec aqua refrigerata sit. Hauriat æger per vices ad alvum subducendam.

ʒj. Folior. Sennæ a stipitibus repurgatorum & mundator. ʒij. Sal. Ab-synthii ʒj. Macerentur per noctem in aq. comm. ʒvj. F. colatura, quam sumat æger mane, jejuno ventriculo, vel solam, vel cum jusculo permixtam.

ʒj. Folior. Orientalium ʒij. Mann. Cal. ʒß. Rhei el. minutim incisi, & Tartari solubilis ana ʒj. Affunde decocti Prunor. vel Passular. ʒxij. Macerentur tepide per sex horas. F. colatura in duos haustus dividenda.

ʒj. Sennæ Oriental. ʒij. Salis polychresti ʒj. Infunde in aq. tepid. ʒvj. per sex horas. F. colatura, qua dissolve Electuar. diaprun. solutivi ʒij. Syrup. Flor. Persicor. ʒj. F. potio cathartica mane duabus horis ante juleculum exhibenda.

ʒj. Sennæ mundat. ʒij. Mann. Cal. ʒij. Tartar. solubilis ʒß. Seminis Coriand. ʒj. Glycyrrhizæ exsiccatæ, rasæ, & contusæ ʒj. Malum citreum in taleolas concisum unum. His affunde aq. bullientis ʒij. Macerentur per sex horas, & fiat colatura per vices haurienda.

Extractum Sennæ paratur eodem modo ac Extractum Rhabbari. Præscribitur a ʒß. ad ʒij. sed perraro: levissimæ enim est operationis, & majores ventris torsiones excitat, quam foliorum tinctura.

Senna usurpatur in Extracto Sennæ dicto *Schroderi*, in Extracto panchymagogo *Crollii*, in Electuario Sennato, El. de Tamarindis, lenitivo, catholico, de psyllio, Confect. Hamech, Electuario de citro, in Pilulis panchymagosis, & Pilulis tartareis *Quercetani*, Hydragogo *eximio Renodæi*.

ARTICULUS QUINTUS.

De Diſſamno Cretico.

Diſſamnum Creticum & Diſſamnus Cretica, Off. Διſſαμνον, Theophrasti: Διſſαμνον, Dioscoridis: Διſſαμνον Galeni. Diſſamnam, Plinii. Geoffroy Tom. I. X 3 Diſta-

Dictamnus, *Virgilii*. Sub his nominibus in officinis prostant folia subrotunda, uncialia, subvirentia, tomento quodam, spissaque lanugine pubescentia, cauliculis sæpe inhærentia, ex quorum summitatibus velut spicæ squamaris foliolis compactæ dependent purpurascens; odore fragranti nec ingrato donata, sapore acri, aromatico, fervido. Ex Creta insula efferuntur. Eligenda sunt recentia, vegeta, integra, non situ obducta, undique tomentosa, gustu ferventia, & odorata.

Dictamnium a *Dioscoride* triplex describitur. *Διταμνὸς κρητικὸς*, *Dictamnium Creticum*, seu *γλισχὼν ἀγρία*, *Pulegium sylvestre*, *Quorund.* *Ψευδο-διταμνός*, *Dictamnium spurium*, & *Διταμνὸς κρητικὸς ἑστὸς*, *Dictamnium Cretense alterum*, foliis *Sisymbrii*: quas quidem tres species *Plinius* recenset. Prima species ea est, quæ in officinis reperitur, licet nec florem, nec fructum ferre asserant.

Sed aut *Dioscoridem* ab aliis in errorem inductum fuisse, aut textum corruptum & ejus verba mutata fuisse, ut censuit *Matthiolus*, existimandum est; siquidem *Theophrastus* *Dictamnium* fructus ferre supponit, cum *l. 9. Histor. C. 16.* dicat folia tantum in usum venire, non ramulos, neque fructum: & *Damocrates* apud *Galenum*, *l. 5. κατὰ γένος*, *Dictamni* meminerit, quæ florem habeat *ἀνδρὸς ἰχθυός*. Præterea ipse *Virgilius* florem habere, caulemque cecinit, *l. 12. Æneid.*

Dictamnium genitrix Cretæa carpit ab Ida,
Puberibus caulem foliis, & flore comantem
Purpureo.

Neque etiam *Plinius* audiendus est, qui *Dioscoridis* errorem secutus, *l. 25. c. 53.* sic loquitur: „Flos ei nullus, aut semen, aut caulis. Et sibi ipsi contradicere videtur, cum prius dixerit post *Theophrastum*: „Foliis tantum utuntur. Et revera folia tantum afferuntur, rarissime summitates floridæ.

Planta dicitur *Origanum Creticum* latifolium, tomentosum, seu *Dictamnus Creticus*, *Infl. R. H. 199.* *Dictamnus Creticus*, *C. B. P. 222.* Radicibus est fibrosis & fuscis, caulibus duris; incana lanugine pubescentibus; dodrantalibus, ramosis. Folia bina ad eorum nodos nascuntur rotundiora, unciam longa, tomento incano spisso obducta, odoris jucundi, saporis deurentis, & acerrimi. Flores in summo nascuntur in capitulis foliaceis, spicatis, & quasi squamosis, exterius purpurascens, monopetali, labiati, eleganter purpurascens, cum calyce striato, cavo, in quo continentur semina quatuor minutissima rotunda. In Creta & Græcia sponte nascitur, in rimis saxorum.

Dictamnium oleo essentiali uberrimo cum sale volatili conjuncto donatur, ut ex odore & sapore concipere licet.

Apud veteres plurimum commendatur tum ad fœtus mortuos educendos, secundinas expellendas, & menses evocandos, tum ad vulnera sananda, tum etiam adversus venena, & morsus, ictusque venenatos. *Hippocrates*, referente *Galeno*, ad secundas remotantes inter præstantes, quas novit medicinas, ponit *Dictamnium*, Vetus fabula est capras in Creta sagittis vulneratas ejus pastu eas excutere.

Exhibetur ejus pulvis a *3℔.* ad *℥j.* infusum vero in vino a *3℔.* ad *3℔.* tum ad partum accelerandum, molam, fœtum mortuum, vel secundas pro-

propellendas, tum etiam in febribus malignis, & adversus animalium venenatorum morsus aut ictus.

Usurpatur in Theriaca *Andromachi senior*. Mithridatio *Damocryatis*, Orvietano *Hoffmann*. & Opiata *Salomonis*.

ARTICULUS SEXTUS.

De Folis Theæ.

Theæ & Thea, *Offic.* Folium est parvum, exsiccatum, convolutum, saporis subamaricantis, leviter adstringentis, non injucundi, odoris blandi, fœnum recens & violæ æmulantis, quod ex Sinarum Imperio, & Japonia affertur.

Horumque foliorum species tres in officinis occurrunt. Vulgatiores Thea viridis dicitur, cujus folia artissime convoluta sunt, subviridia, gustu leviter adstringentia, odorata, & colore pallide viridi aquam insciunt.

Altera species pretiosior, Thea Imperialis dicitur, ex eo quod pro Imperatore & magnatibus apud Sinas & Japonem reservetur. Folio est amplo, laxo seu minus convolutum; colore virente, vivido, & odore subtili & grato. Apud Indos plurimi æstimatur.

Tertia species rubra dicitur vel subnigra, vulgo *Bohe*. Folium est parvum, convolutum, subnigrum, quod aquam colore fusco tingit, & saporem, odoremque Theæ viridis, ad Rosam tamen nonnihil accedentem, refert.

Omnes hæ species unius & ejusdem arboris folia esse existimantur, differere vero tantummodo tempore colligendi & præparandi ratione.

The Sinenfium, sive Thea Japonenfibus. *Breynii Centur. prima. C. 52. Chaa, C. B. P. 147. Theæ frutex, Bontii: Evonymo* adnatis arbor orientalis nucifera, flore roseo, *Plukn. phytogr.* Frutex est, qui ex radicibus tenuibus, fibrosis, per terræ superficiem sparsis, ad tres quatuor vel quinque pedes ad summum assurgit compluribus & densis ramis. Folia præsertim obscure virentia, acuminata, unciam longa, quinque lineas lata, serrata; flores vero plurimos rosaceos, Rosæ sylvestris floribus similes calyce comprehensos sexpartito, minimo, plano, foliolis rotundis, obtusis, persistentibus, ex petalis senis albicantibus, aut pallidis constantes, quorum medium occupat numerosa (ducentorum circiter) staminum flavescientium congeries. Pistillum autem mutatur in fructum sphericum, nunc trigonum, & triapicularem, alias dicocum, sæpe unicapularem. In qualibet capsula semen continetur; Avellanam quodammodo referens magnitudine & forma, tenui putamine, lævi, subrufo (excepta basi albida) constans ex nucleo subalbido, pallidove, rugoso, oleoso, gustu primum dulci, postmodum amaro & nauseabundo, tandemque calido, & valide exsiccante, cuticula tenui & cinerea obducto. In Japonia & Sina colitur. Humo gaudet neque arenosa, neque lutosa nimis, sed aprica & temperata planitie.

Ea est apud Japones hujus fructicis colendi ratio. In terra scrobes rotundos ad septem octove pollicum altitudinem effodiunt, quibus singulis a 40. ad 50. seminales folliculos confertim injiciunt, exinde scrobes operientes. Hæc autem seminalia capitula in sex, decem, vel quatuordecim, & quandoque plures, paucioresve fructices propullulant, quos absque ulteriore cultura naturæ relinquunt agricolæ, nisi quod eos ab inutilibus herbis repurgent. Raro intra primum triennium folia colliguntur. Sed post hocce tempus ex hisce solus messis luculenta annuatim redit. Circa Aprilem & Majum matres-familias cum infantibus & ancillis sicca tempestate novella & recens edita folia decerpunt, quacumque diei hora, in primis intensiore solis æstu, & calathis circa vesperam portant domum. Tum singula folia in ferream patellam, nitidam, & candentem injiciunt, & manibus assidue versant, usquedum flaccescant, mundis tunc storeis papyro imponenda, ac perslanda flabello ut frigescant. Hinc in planis ex Arundine Indica confectis corbibus, conteruntur, donec compacte crispentur. Hinc iterum in pura, & modice candefacta patella uti antea manibus continua versantur, donec mediocriter induruerint, deinde eximunt & flabello frigefaciunt, & in tertia, & quarta patella per gradus minus calefactis revolvunt, tunc majorem siccitatem, duritiemque contrahant; tandem ollis vitreatis bene clausa servant. Postquam autem per sextiduum circiter ollis reservata fuere, eandem aperiant, foliorumque delectant, minora, & teneriora a majoribus, & durioribus separando, faciunt, ultimæque vice in quinta patella securitatis ergo siccant, in annos tunc durabilia, si accurate obturata teneantur.

Pro Imperatore & magnatibus majore studio & cura colitur. Congrua tempestate scupulosa sit foliorum electio. Tenerissimi fruticum ramusculi primævis in apice foliis nudantur, quæ potentioribus reservantur emptoribus, cætera mediocribus. Omnia in umbra siccantur, & servantur sub Imperialis Theæ nomine. Inter hæc minora majusculis adhuc segregantur. Pretium enim pro foliorum magnitudine variat, quantum magnitudine sursum decrescunt, tantum pretio accrescunt.

The rubrum *Bohe* dictum, majorem contritionem & coctionem seu ustulationem expertum fuit, unde coloris & saporis diversitas. Ruricolæ & plebei folia eo, quo diximus modo præparata, promiscue in ahenæ cacabo aqua repleto, lento coquant igne, & sic toto die pro communi potu in foco suspensum servant, donec iteratis tincturis folia prorsus inertia & debilitata rejiciuntur, ingestis protinus novis. Primæres autem, & locupletiores cives nullum in se domestica opus majore diligentia, fastu, atque nitore, & artificio curant, quam hujusce potus præparationem.

Japones suum *Tchja* in testuem pollinem ope molsæ ex electo ophite conterunt aut potius commolunt, viridemque illum & bene fragrantem pulverem exiguis cochlearibus calycibus suis infundunt, ac superfusa cum mundato haustro infundibulove aqua fervida, pulverem hunc minutulis ex Arundine Indica crenarum forma artificiose concisis setis ramdiu quasiant, donec in spumam eleveetur.

Sinenfes autem, quorum methodum nostrates sequuntur, fervefactam aquam

quam sicis integrisque foliis Theæ singulari ollæ prius injectis superfundunt; tincturamque extrahunt, quam limpida aqua ad gratam amaritudinem temperatam calide sorbent, saccharumque ut plurimum una masticant; rarius autem Japones. Deinde nova affusa aqua, tincturam iterum eliciunt, quæ debilior est prima: postea folia abiciunt.

Sinzæ Theæ virtutes eximias tribuunt. Depravatam sanguinis crasim restituit, vertiginem, capitisque dolores, præsertim a crapula tortos mitigat, hydropicis conducit; est enim diuretica. Capitis theumata seu catharrhos exsiccat, humorum acrimoniam demulcet, obstructions viscerum tollit, adustos humores temperat, calidam jecoris intemperiem emendat, induratum emollit lienem, somnum coercescit, in iis præsertim, qui rarius ejus infusionem bibunt: corpora reddit vegetiora; hebetiores sensus a somno & torpore excitat, cor exhilarat, intestinorum tormina ac flatus compescit, viscera roborat, reminiscendi vim exfufcit, ingenium acuit, nephritidem sedat, & tanquam lithonripticum remedium habetur. Saltem Vvिल्helmus ten-Rhynë nullum apud Japones calculi renum aut vesicæ indicium reperisse asserit, licet diligenti hac de re facta inquisitione. Primarium etiam Japonensibus est antidotum contra visus imbecillitatem, ac oculorum vitia his in regionibus frequentissima.

Constat tamen nostris in regionibus tantam non esse potus Theæ efficaciam, quantam eam Sinzæ & Japones prædicant. Hujus defectus causam nonnulli ad nostratum intemperantiam, aut ad parciorum hujus tincturæ usum referunt. Verum existimo, Theæ virtutes ab hisce populis nimis extolli, ut hominum mos est & consuetudo in his rebus, a quibus nonnulli levaminis & emolumentis præceperant; deinde si quid utilitatis ab hocce potu accipere solent, deberi in primis aquæ calidæ largio potu sumptæ, licet hanc plantam non omni virtute prorsus destitutam censeam.

Blanda donatur adstrictione, odorem subtilem & pergratum exhalat; unde concludere licet constare ex mediocris salis volatilis oleosi portione cum terrâ adstringente conjuncti. Sua adstrictione ventriculum roborat, & impedit; quominus largior aquæ calidæ potus ventriculi fibras nimis laxet. Eadem adstrictione viscerum obstructions referat, modo renationes non sint, eorum nempe fibrarum tonum & oscillationem restituendo. Alvi fluxibus, necnon etiam dysenteris confert solium Rheæ, vel per se exhibitur, vel ejus decoctum in aqua vel lacte. Partibus vero actuosius & volatilibus sanguinem rariorem efficit, lympham paulo spissiorē attenuat & solvit: sic diuresim vel transpirationem promover, capitis dolorem sedat, somnum arcescit, & catharris laborantes sublevat, si possit largam Theæ decocti potationem ad sudorem se componant. Virtus autem, quæ ipsi tribuitur antinephritica, non a foliis, sed ab aqua calida potius deducenda est, quæ nempe sales acres sanguinis arenularum & calculorum causæ dissolvuntur, & foras amandantur.

Nec prorsus innocuus existimandus est usus potus Theæ. „Nulli, inquit Dan. Crugerus, *Miscellan. curios. Dec. III. ann. IV. observ. LXIV.* „auctor ero, ut potui Theæ largiori quotidiano indulgeat; qui ventriculum habet pituitosum, debilem, calidum innatum debile. „ Quod

comprobat observationibus quorundam interiori frigori in abdomine ex ejus nimio correptorum. In India quoque observavit Hermann. Nicolaus Grimm, immoderatos Theæ potatores in diabetem & marcorem delapsos. Ipse tandem nonnullos ab ejus nimia ingurgitatione in somniis, vertigine, & spasmodicis membrorum subsultibus affectos fuisse plus semel observavi. Ergo, etiamsi potus Theæ pluribus conducatur, non omnibus tamen æque convenit, & in ejus usu modus & mensura sunt cuique servanda.

Foliorum Theæ ʒj. infunditur in aquæ ferventis lbj. Aliquantisper macerantur, donec aqua pallide viridi colore sit tincta; & sobillando sumitur cum, vel sine saccharo.

Qui tussi molesta laborant, aliquam lactis portionem cum Theæ infusione permiscant ad eam compescendam.

ʒj. Folior. Theæ pulverator. ʒss. Sacchari ʒij. Projice in lactis ferventis ʒviij. Digerantur, donec lactis fervor imminutus fuerit. Hauriat æger in alvi fluxu & dysenteria, præmissis præmittendis.

ARTICULUS SEPTIMUS.

De Stœchade.

Stœchas, Stœchas Arabica & flores Stœchados, Off. *Ἑρμαίον*, *Diocoridis*: *Ἑρμαίον*, *Galen.* Sic nuncupantur summitates floridæ, seu capitula exsiccata plantæ Stœchados: dictæ, oblonga, squamata, purpureiscentia, sapore subacri, amaricante, odore fragante non ingrato. Ex insulis Stœchadibus & Gallia Narbonensi afferuntur. Eligantur recentia, odorata, subamara.

Planta quæ Stœchas purpurea, C. B. P. 216. Stœchas Arabica vulgo dicta, J. B. 3. 277. Stœchas brevioribus ligulis, *Clusii Hist.* 344. Suffrutex est cubitalis aut bicubitalis, caulibus lignosis, quadrangulis, ad quorum nodos folia bina ex adverso oriuntur Lavandulæ forma, unciam superantia, & duas lineas lata, canescentia, acria, odora, & aromatica. In summis caulibus adest capitulum unciam longum, crassum, ex plurimis foliolis e rotando acuminatis & incanis dense confectum: ex quorum sinu quaternis verso prodeunt flores atro-purpurei, monopetali, labiati, quorum labium superius erectum est, bifidumque, inferius vero tripartitum: sic tamen secantur ambo, ut primo aspectu flos quinquepartitus videatur. Ex calyce autem monophyllis, ovato, obscure dentato, brevi, persistente, & squamis subulbo surgit pistillum posticæ floris parti adinstar clavi infixum, & quatuor embryonibus stipatum, qui deinde abeunt in totidem semina subrotunda, & in capsula recondita. Summo autem capitulo insident foliola aliquot purpureo-violacea.

Ex Stœchade oleum essentielle aromaticum per distillationem non parva quantitate extrahitur, a quo pendet ejus odor & energia.

Succ-

Stœchadis usus præcipuus in affectibus capitis & nervorum præsertim frigidis: insuper urinam & menses ciet, & venenis resistit. Mefue hanc herbam pituitam & atram bilem purgare asserit, sed tarde admodum & imbecilliter. A recentioribus vero inter purgantia medicamenta non annumeratur. Oleum essenziale ex hisce capitulis floridis eodem plane modo extrahitur, ac ex summitatibus *Lavandulæ*; & iisdem viribus donatur. Sed rarior est usus in Medicina.

Stœchas usurpatur in Syrupo de *Stœcade Fernel*. Hyera diacolocynthis, Theriaca *Andromachi senioris*, Mithridatio *Damocratis*, Unguento martiato, & Emplastro de Ranis.

Alia planta *Stœchas citrina* dicitur in officinis, nempe *Elichrysium*, seu *Stœchas citrina angustifolia*, C. B. P. 264. quæ cum nostra, nec forma, nec viribus convenit.

ARTICULUS OCTAVUS.

De Croco.

CROCUS & Crocum, Off. *Κρόκος*, *Dioscoridis*: *Zahafaran*, *Arabum*: Gallice, *Safran*. Hoc nomine in officinis occurrunt filamenta quædam exilia, inferius tenuiora, albicantia, aut pallide flavescentia, superius latiuscula, subtiliter crenata, e rufo punicea; odore peculiari, jucundo, acri, aromatico, subtili, & late spirante, oculos aliquantulum mordicante, modice caput gravante, soporemque conciliante, sapore amariusco: quorum parva portio magnam aquæ aut vini quantitatem luteo aut citrino colore ad puniceum inclinante tingit.

Eligitur *Crocus recens*, fragranti odore, colore rutilo, manus fricantis inficiens, pinguis, flexilis, tritu difficilis. Rejicitur qui ex locis humidis & subterraneis nimiam contraxit humiditatem, colorem obscurum, situmque redolet. Ad usum pars albicans a crocea separatur & rejicitur; in vase mundo tenui calore exsiccat, & pulverizatur.

Planta, quæ *Crocus sativus*, C. B. P. 65. *Crocus*, *Dodon. Pemptad.* 213. *J. B.* 2. 637. *Raii Histor.* 1176. Radice est tuberosa, carnosa, *Avellanæ*, interdum etiam *Juglandis* magnitudine; alba, dulci, gemina; quarum superior, quæ minor est, insidet inferiori, majori, multisque fibris inferne capillari: utraque vero tumens nonnullis aridis, rufescentibus & reticularis obducitur. Ex his folia emergunt quinque vel octo, palmum aut etiam dodrantem longa, angustissima & obseure virentia. Caulis inter hæc oritur brevis, florem sustinens unicuique, filaceum, monopetalum, inferius tubulatum, album, superiori vero parte in segmenta sex subrotunda, ex purpura rubente-cærulea ampliatum. Stamina e fundo floris tria assurgunt cum apicibus flavescentibus, necnon etiam pistillum candicans, quod in tria capillamenta capitata, & cristata dividitur, carnosa, e rufo punicea, & quasi *Aurantii* colore fulgentia, quæ propter excellentiam *Croci*,

Croci nomine donantur. Germen vero florem sustinens; abit deinde in fructum oblongum, trigonum in tria loculamenta divisum, seminibusque foetum subrotundis.

Nascitur Crocus in plerisque regionibus, tum calidis, tum frigidis: in Sicilia, Italia, Pannonia, Germania, Anglia, Hybernia, Gallia, & in diversis Galliæ Provinciis colitur, in Agennensi agro, Narbonensi, Arausionensi, Vastinio, vulgo *Gallinois*, & in Normannia. Crocus Vastiniacus hic optimus censetur, & Orientali, qui in Pharmacopœis exposulari solet, non immerito substituitur.

Crocus commodissime & vulgarissime per bulbos propagatur, quibus quotannis nova sobole luxuriat; ex semine enim ejus tardior est proventus. Hi bulbi verno tempore terræ committuntur per sulcos æquales interstitio unius palmi. Folia tantum viridia hoc anno proferunt, flores vero anno sequenti mense Octobri. Flores unum aut alterum tantum diem, postquam expansi fuerint, durant. A floribus prodeunt subinde folia, quæ tota Hyeme virescunt: arescunt hæc, ac prius deperduntur Vere, & nunquam per Æstatem apparent.

Quamprimum Croci flores expanduntur, leguntur oriente vel occidente sole, & crocea florum filamenta e medio flore avelluntur: tum exsiccantur separata ab omni immunditie, & servantur. Aliquot post diebus novi flores oriuntur iterum colligendi, & sic per mensem.

Radix mense Octobri, cum planta floret, bulbo constat singulari; sequente autem Vere & Æstate, duplici, quorum alterum alteri superius insidet. Cum enim Veris initio folia increscunt, superior radices pars ex qua folia exeunt, crescit pariter, donec Æstate parentem cui insidet, mole æquet. Hac itaque solidam, plenam, succosamque constitutionem nata, ipsa parens seu bulbosa radix inferior languida, exsucca, & flacida redditur, atque Autumno tota evanescit.

Postquam desloruerint bulbi, eximuntur e terra; quod Octobri exeunte contingit. Servantur per totam Hyemem in secco loco nulla terra involuti, & procul a radiis solaribus, ne coquantur, sed ut plenius maturescant, quod ex foliis, si sicca evadant, dignosci potest. Dehinc, redeunte Vere, iterum in terram inferuntur.

Crocus analysi Chymica spiritum acrem exhibet tenuem & summe volatilem; qui primo prodit in distillatione, licet parva quantitate; deinde phlegma subacidum, cum Heliotropii tinduram rubro colore inficiat; perparum olei cum salis volatilis urinosis tantillo. Nonnihil salis alcali fixi ex capite mortuo lixivii ope extrahitur. Acidus sal a sulphure non adeo obvolvitur, quin se manifestum prodit, colorem intense rubrum solutioni Heliotropii conciliando. Solutioni Croci superassum oleum Tartari nullam mutationem affert: sed aqua calcis colorem album contrahit cum levissima effervescencia, tenuique coagulo, ratione acidi in Croco delitescantis; nullus tamen calorprehenditur Croci tindura, tum aqua, tum spiritu vini æque extrahitur.

Crocus a populis quamplurimis pro optimo ciborum condimento habetur. Præterea frequens in usum medicum venit; & obeximias ejus dotes Rex vegetabilium, & Panacea vegetabilis a nonnullis Medicis dictus fuit. Aperit, digerit, resolvit, & nonnihil adstringit; sanguineam molem attenuat, spiri-

tus

rus recreat, unde cordialis dicitur: & in syncope palpitatione cordis, & adversus venena præscribitur. Ventriculum roborat, & difficilem ciborum concoctionem juvat: pulmones a pituita nimis spissa liberat, serum acre & irritans demulcet, tussim compescit; unde anima pulmonum audit apud quosdam: & in asthma, & tæbe feliciter usurpatur. Hepatis obstructions resolvit, icterum sanat, uteri affectibus quamplurimis medetur, menses movet, partum difficilem specificè juvat, sætum pellendo, quod quidem observatione singulari Amatus Lusitanus confirmat. Refert enim mulierem quamdam ab epoto medicamento cui Crocus admixtus esset, duas puellas colore luteo tinctas peperisse, qui quidem color aquæ tepidæ lorione evanuit. Experimentum haud dissimile Joann. Ferdin. in sua *Crocologia* proponit. Canem gravidam cum aliquamdiu multo Croco nutritivisset, appropinquante partus tempore, eam in theatro publico dissecuit, & non catellos solum, sed & secundinas Croco penitus flavescentes reperit.

Crocus inter hysterica medicamenta recensetur. Vi præterea donatur anodyna; siquidem dolores mitigat, & ad somnum provocat. Sæpe etiam cum Opio confociatur, an ad ejus effectum contemperandum, an ad augendum? Externe in collyriis usurpatur ad oculorum inflammationem compescendam, præsertim in variolis, & morbillis, in cataplasmatibus ad tumores resolvendos, inflammationes, & erysipelata demulcenda, & ad membra paralytica excitanda.

Illius tamen usus debet esse, & moderatus, & opportunus. Alioquin non innoxius deprehenditur. Ab eo abstinere debent mulieres gravidae, nimis menstruæ. Insuper vi inebriante, & narcotica donantur: odore caput gravat, & nimia dosi intus sumptus, non solum capitis gravitatem, & somnum, sed etiam nonnumquam cachinnos immoderatos, & risum convulsivum, ac tandem letum infert. Galenus 2. *kata totus* 1. ex solo Croci odore capitis dolorem invehi asserit, & eodem capite Crocum habet inter ea, quæ non tantum caput offendunt, sed & mentem perturbant. Tandem 5. *Simplic.* 19. inter illa, quæ liberalius sumpta, vel dementant, vel mortem inferunt, ubi ait esse quantitate venenum. Ex neotericis Joannis Michaelis refert, quosdam ex nimio Croci odore & usu in morbos, & temulentiam incidisse. Borellus observat. *Centuria* 3. *fol.* 303. narrat de quodam famulo mercatoris, qui juxta magnam Croci copiam decumbebat, & dormiebat, tantum dolore capitis, tantamque cordis debilitatem contraxisse, ut vitam cum morte commutaret. Costæus similiter scribit, multos qui Croci sacculo pulvinaris instar usi essent, abortu insigni capitis dolore cum incredibili gravitate interiisse. De interno Croci usu immoderato aut nimia dosi Emmanuel Konig Medicinæ Professor Basileensis refert quosdam Basileæ cives ex nimia Croci dosi cum vino permixta, risu nimio, & involuntario affectos fuisse. Quidam Aromatarius, teste Amato Lusitano, plurimum Croci in ollam carnes, quæ pro cœna decoquebantur continentem inject, & post illarum esum in tantum est solutus risum, ut non multum abfuerit, quin medios inter cachinnos animam efflaverit. Aliam quoque observationem affert Simon Pauli *Quadr. Botan.* ejusdam virginis, quæ cum mensium suppressione laboraret, Croci usum hos sibi concitare voluit, & ab illo tempore, licet postea viro nupserit, enormi-

enormibus, & continuis capitis doloribus per totam vitam afflicta fuit. Nec omni noxa vacua est ejus externa applicatio; quandoquidem C. Hoffmannus de Emplastro Oxyroceo monet, ne in fracturis ulsurperet initio, dum affluxus metuitur: experientia enim docuit, inquit magna mala inferre. Quod etiam sua experientia Simon Paulli *Quadr. Botanic.* confirmat. Crocus igitur caute & moderate sumendus est.

De salutari vel noxia Croci dosi auctores inter se non conveniunt. Alii ꝑ. alii ꝑj. alii ꝑjss. intus exhiberi posse sine noxa asserunt. Rhazis tamen Croci ꝑj. feliciter exhibuisse asserit ad partum promovendum. Sed errorem hic esse autumat C. Hoffmannus ex parte librariorum, qui pro ꝑj. ꝑj. posuerunt. Dioscorides enim & post eum Serapio, Avicenna, & alii ejus tres drachmas interimere scribunt. Verumtamen apud Polonos, teste Ermullero, adeo familiaris est usus Croci, ut eum ad ꝑj. sæpe cibis suis immisceant. Sed quid consuetudo valeat, ex Opii usu diuturno satis liquet, cujus drachma una aut altera a nonnullis huic paulatim assuefactis quotidie impune assumitur; licet grana tria, quatuor aut quinque ad escendum sufficiant. Itaque Croci substantia a ꝑ. ad ꝑj. & ꝑjss. tuto præscribi potest, & quidem sine periculo. Ejus Tinctura, & Extractum nonnumquam etiam præscribuntur, sed rarius.

Tinctura fit affundendo super Crocum tenuiter incisum, & oleo Tartari aliquantisper madefactum spiritus vini q. s. ad duorum transversorum digitorum eminentiam, & digerendo per sex octove dies in vase clauso. Spiritus a Croco separatur, novusque affunditur, donec nullam amplius tincturam extrahat. Tincturæ crocæ distillantur calore modico, donec liquor residuus croceus appareat: qui tunc servatur ad usum. Ejus dosis a guttis quatuor ad xx.

Quidam spiritum, qui primus in hac distillatione extrahitur, servant sub spiritus Croci nomine; & revera ejus odorem retinet, tenuioribusque ejusdem partibus donatur: unde ad spiritus recreandos; eorumque ac sanguinis motum concitandum commendatur.

Alii tincturam Croci cum aliqua cordiali aqua præparant, quæ a Frid. Hoffmanno in melancholia commendatur.

Extractum Croci fit evaporando tincturam ad extracti mollioris consistentiam, cavendo, ne comburatur. Iisdem quam Crocus ipse virtutibus donatur. Exhibetur a gr. ij. ad x. In dysenteria tanquam specificum medicamentum & præstantissimum a Jac. Bontio, in *Traçtatu de Medicina Indor.* commendatur.

Ꝓ. Croci ꝑ. Cinnamomi ꝑj. Diçtami Cretic. ꝑ. M. F. pulvis in partu difficili exhibendus. Vel

Ꝓ. Croci pulver. gr. xv. Myrrhæ, & Boracis ana ꝑ. cum q. s. Conservæ florum Lavandulæ, aut Calendulæ, fiat bolus.

Ꝓ. Croci pulver. & Myrrhæ ana gr. xv. Aloes ꝑj. cum Syr. de Arthemisia. Fiat bolus ad menstrua suppressa provocanda.

Ꝓ. Croci ꝑ. Infunde in vini albi generosi ꝑ. cum succo mali Aurantii unius permixti. Digerantur per noctem. Colaturam capiat mane ad menses suppressos revocandos.

Ꝓ. Croci ꝑj. Antihæstici Poterii ꝑj. radic. Ireos Florentin. ꝑ. cum Balsami sulphuris anisati gutt. xx. Conserv. Helenii ꝑ. M. F. Opjata Dosis ꝑj. bis terve die sumenda in phlysi incipiente.

Ꝓ. Mil-

24. Millepedum ʒij. Gum. Ammon. purgati ʒiſſ. Flor. Benzoin. ʒj. Croci, Balsami Peruviani ana gr. xv. Balsam. sulphur. q. s. Fiat massa pilularum. Dosis gr. xvij. ter in die sumenda in tussi chronica, serophulosa, & phryſica, & ad tubercula cruda pulmonum præcavenda, A. D. Mortono sub nomine Pilularum balsamicarum commendatur.
24. Croci, Sal. volatil. Succini, flor. Benzoini ana ʒſſ. Gum. Ammon. ʒj. Conservæ flor. Anthos ʒſſ. M. F. bolus, cujus dosis ʒj. bis terve die ad asthma.
24. Croci pulver. ʒj. semin. Aquilegiæ ʒvj. Tartar. vitriolati ʒſſ. Conserv. Cynorrhodon q. s. ad Opiatam mollem conficiendam dividendam in septem. doses, per totidem dies mane, jejuno ventriculo, sumendas pro ictero.
24. Aquar. Rosar. & Plantag. ana ʒij. Croci pulverati gran. vj. F. collyrium, quo illiniantur oculi, dum variolæ erumpere incipiunt.
24. Aq. Fœniculi ʒiiij. Croci gr. xv. Tere in mortario, donec aqua aureo colore tincta appareat; tum liquor a pulvere per inclinationem secernatur, & cum vini sibiati tantumdem misceatur. Fiat collyrium in ophtalmia.
24. Micæ panis albiſſimi manibus attritæ ʒij. Lactis vaccini q. s. Coquantur semper movendo, & addendo sub finem coctionis vitellum ovi unum, & Croci in tenuem pollinem redacti ʒj. Fiat cataplasma anodynum ad tumores inflammatorios resolvendos, doloremque sedandum.
- R. Croci ʒſſ. Tacamahacæ ʒj. Fuliginis ʒij. Terebinthinæ q. s. ad emplastri consistentiam febricitantium carpis admovendi, paulo ante paroxysmum.
24. Croci, Caphuræ ana ʒſſ. Includantur simul sacculo ex panno scarlatino, & de collo suspendatur circa scrobiculum cordis, tanquam amuletum ad febrim profligandam.
- Usurpatur Crocus in Theriaca *Andromachi senioris*, Mithridatio, Confessione de Hyacinthis, Philonio, Benedicta laxativa, Hiera picra *Galemi*, Hiera Diacolocynthidos. Electuar. Orvietano *Hoffmanni*, Pulvere *Comitissæ Kant*, Pulvere lætificante, Pulvere Diarrhodon, Trochiscis Hedi-chroi, de Carabe, de Caphura. Pilulis de Ammoniaco *Quercetani*. Pilulis *Ruffi* apreſis de Cynoglossio, contra gonorrhæam virulentam *Charas*, Elixir proprietatis *Paracelsi*, Laudano liquido *Sydenham*, Laudano liquido cydoniato *Londinensium*, Oleo Scorpionum composito *Charas*, Unguento aureo, Emplastro de Mucaginibus, de Galbano, de Meliloto, Oxy-croceo.

CAPUT SEXTUM.

De Fructibus, & Seminibus.

ARTICULUS PRIMUS.

De Palmulis seu Dactylis.

Palmulæ, & Dactyli, Offic. Φωκισβάλανοι, Dioscoridis : Δάκτυλοι, & φοινίκας, Græcorum. Tamar, Arabum : Caryotæ : & Caryotides ; Quorumdam : Gallice, Dattes. Sunt fructus oblongi, rotundi, pollicis crassitie, digiti longitudine, figura Glandium, compositi ex pellicula tenui fulva ; carne seu pulpa pingui, firma, eduli, dulci : & officulo crasso, oblongo, duro, per longitudinem sulcato.

Eligendi sunt magni, flavescentes, parum rugosi, molliofculi, pleni tamen carne multa, intus subdura, ad nucleum candicante, ad corticem rubescente, sapore vinoso, & qui concussi parum, aut nihil sonant. Rejiciendi vero flaccidi, duri & excernes, pertusi, vermiculosi, aut carie exesi. Optimi ex Tunetano Regno huc afferuntur. Qui in Hispania nascuntur, numquam bene maturi sunt : qui vero ex Regno Saloniæ, vulgo *Sale*, facile corrumpuntur, & brevi vermibus scatent, aut exsuccii sunt.

Fructus sunt arboris, quæ dicitur Palma major, C. B. P. 506. Palma dactylifera major vulgaris : *Jonston*, *Dendrol* : Palma Dachel : *Prosp. Alpin.*

(Palmæ dactyliferæ radix trunco constat medio simplici, crasso, lignoso, & interdum gemino, & ubi soli conditio patitur, in terram demisso ; quem in summa tellure brachia circumdant tortuosa, tenuia, per terræ superficiem longis vagisque flexibus repentia, ut plurimum nuda & simplicia ; alia ramosa, & fibris brevissimis stipata, quæ substantia gaudent exteriori corticea, interiori lignea, utraque lenta, fibrata, & firma, coloris in rufum nigricantis, saporis sylvestris.

Caudex est rectissimus, simplex, individuus, figuræ ad ossem cylindraceæ, nisi verticem versus paucillisper gracilesceret ; varix pro ætate crassitie, & longitudinis, excelsissima orgyias octo vix superante. Cortice donatus caudex non est, sed ab injuriis junior tueretur, partibus frondium ab amputatione residuis, quæ pollices nuncupantur. Horum accurata est dispositio, senis semper numero superficiem juxta in orbem ambientibus, ita ut ex interstitiis seni superiores alii, atque alii decussato ordine provehantur ; quibus tandem successu temporis ex senio & tempestate abscedentibus, nuda prodit superficies, ingrata ad tactum asperitate, pulloque colore terra, tum foedis quoque frondium signata vestigiis perinde atque Brassicæ capitatæ caulis ex defluvio foliorum. Interior substantia a summa cervice, qua comam sustinet, ad radicem usque, ex fibris compacta est continuus, crassus, ligneis, firmis, levibus tamen & fungosa carne laxè adeo coherentibus, ut vix digitis possent dissolvi : inde lignum soliditate carens asine ore obedit.

dit. Medullam annosus caudex nullam exhibet: succedaneus ei conspiciatur per medium demissus ligneus quidam nervus, multo crassior, firmiorque, quam sunt fibræ carnis reliquæ, a qua ita laxè comprehenditur, ut unguibus facile evellatur. In tenello caudice omnis pars interior; in adulto ea, quæ per comam desinit; in proveciore, saltem quæ in verticis gemma conspiciatur, medullæ similis, mollis, & edulis est. Substantia ejus albissima est, tenera, carnosæ, fragilis, subdulcis ac sapida: unde Persis vocatur *Maghi ser*, id est, Medulla capitis; Dioscoridi *σικαπδίων*, seu Medulla; Theophrasto & Galeno, *σικεφαλον*, seu Cerebrum appellatur: quo exciso, arborem interire necesse est, quandoquidem expectatæ productionis germen est, ac frondium futurarum rudimentum.

Coma Palmæ una est, & perennis, licet in *Ægypto* multiplicem aliquando produci auctor sit Theophrastus, *H. Pl. lib. 2. c. 8.* quando nempe possessoris incuria, circa comam præter naturæ ordinem enatus stolo unus aut alter invalescit. Coma, pro arboris diverso statu, 40. ad minimum, ad summum 80. absolvitur frondibus specioso & cæteris arboribus insolito ordine sparsis in orbem. Primo enim in summo vertice gemma existit ingens, cono similis, ex frondibus proxime nascendis compacta, bicubitalis circiter longitudinis, angusta & in acutum apicem producta. Hanc proxime frondes stipant recentiores, nondum satis explicatæ, nec ultra gemmæ longitudinem protensæ, quas ambiunt inferiores aliæ atque aliæ, perfectæ longitudinis, alternatim positæ, magisque semper a vertice reflexæ, donec postremæ in arcum curvatæ horizontem versus extendantur: eas non raro excipiunt senio marcentes quædam, indecore propendentes, nisi prævio cultoris studio amputatæ fuerint. Ex frondium axillis prodeunt suis quique spathis ramosi spadices, floribus in Palma masculina, fructibus in feminea fecundi.

Frons autem palmea ingens est, & ramorum æmulæ magnitudinis alae, tres circiter orgyas longa, utrinque ex foliis arundinaceis secundum longitudinem pinnata, ex costa, spinis, & foliis constans.

Costa ex principio brevi, lato, & compresso in angustam trium orgyiarum longitudinem extenditur: superficiem exhibens glabram, & nitentem, coloris herbei, in basi annola lutescentis; supernam faciem convexam, inferiorem in principio concavam, in progressu quodammodo canaliculatam. Substantia illi eadem est, quæ caudici, sed levior & minus compacta, tum fibris donata candidioribus & subtilioribus. Costa componitur ex basi, scapo, & virga. Basis appellatur ima pars costæ, quæ caudici imbricatim adhæret, figuram obtinens utcumque triangularè, oblongam, interiori superficie concavam, exteriori gibbiam; longitudinem sesquipithamæ, latitudinem in una parte dodrantalem, crassitiem biuncialem. Ora utrinque tenuis est, in fibras desinens copiosissimas, reticulato textu in massæ speciem cohærens, qua latera vicinæ cujusque basæ invicem nexa, ac connata sunt; dum subinde ordinis superioris intermedia quæque basis eadem convestitur, ut saltem exigua sui parte nuda promineat. Scapum ea costæ pars constituit, quæ a basi ad aculeos foliis prævios nuda porrigitur & a caudice declinare incipit. Hæc est illa portio, quæ a prima frondium rectione

remānet; in altera vero à curiosis instituta Palmicolis, superne amputatur, ne imbres hauriat, à Plinio *pollicis* nomine insignita. Cubitalem refert longitudinem, crassitiem pollicarem, latitudinem, in ima parte trium, in progressu duarum circiter unciarum. Vnga vocatur reliquum corpus longum, ac paulatim tenuius, quod, ultra scapum extenditur, & in adverso margine spinis primum, mox longa foliorum serie confertur.

Spinæ foliorum rudimenta sunt, quæ in ipsa costa utrinque prodeunt, primo rara, ac breviora, mox densiora, & longiora, donec absoluto cubitali spatio, foliorum formam lenta mutatione induant. Sunt autem ex conoide informes & angulosæ, crassæ, duræ, & quodammodo lignæ, superficie nitida & ex herbaceo in luteum pallente, summa facie canaliculata; apice tereti & fusco, donec paulatim in folia expandantur.

Folia sunt perennia, pennata, arundinacea, densissima & indefiniti numeri, primum breviora, vix spithamam longa, mox in majorem longitudinem producta, donec mucronata extremitatum circumscriptione ad finem costæ deficiant. Pediculis qualibuscumque nituntur, semiunciali intervallo dissidentibus, ligneis; crassis, longitudinis fere pollicaris, inconditæ, & in quadratum vergentis figuræ, costæ firmiter adq̃atis, ne ab ea nisi violenta manu possint avelli. Situm folia habent obliquum, in æqualem seriem alternatim locata, cubitum circiter longa, duas uncias lata, figura arundinacea, acute mucronata, & superiori facie per per mediam longitudinem plicata; utraque superficiei cum exiguo nitore obscure virente, & quadantenus striata. Præterea dura sunt, tensa, rigida & exsucca, nervis per longitudinem excurrentibus crassis, ac bene firmis.

Reticulatum, quod dixi, involucrum ex filis inæqualibus, crassis, polygonis, parum compressis, rigidis, & velut ex stipa vel cannabe rudiori ductis construitur, figura nassam, densitate stupam, usu fasciam referens, asperum, & inconditum; in Palmis adolescentibus, præsertim circa frondes fastigii coloris obscure lutei, densum, & spithamam latum; in senescentibus, præsertim circa annosas frondes, ex rufo nigricans, detritum & angustius illis ornamento & usui; his noxæ & dedecori. Non est fascia hæc una & simplex, sed pro frondium densitate multiplex; adeo ut tres, quatuor, aut quinque invenias invicem impactas. Etenim cum frondium ordines angustis invicem incumbant intervallis, fieri aliter non potest, quin telæ istæ multiplicentur, & inferiores proxime sequentes plurali numero complectantur. Id in caudicis parte superna maxime obvium est spectare: in inferna enim sensim obsolescentes, una cum pollicibus suis desunt, postquam eis (apud sordides rusticos) laceræ & putridæ diu inhælerant. Longitudinem æquæ, ac figuram reticuli cujusque metiri licet ex interstitio basium frondearum, quarum oras invicem connectebat. Constat ex tribus fibrarum parallelarum ordinibus, quorum uterque exterior tertium velut tramam inclusam, obliquo fibrarum ductu decussat; fibris quidem non textili modo implicatis, sed capillamentis perexiguis, instar aranearum telæ, invicem connexis. Uti retium potissimum comæ fructur,

tur, in qua ut frondium, sic præsertim spadicum novellorum bases firmant quodam modo, & ab externis injuriis præsidio suo tumentur.

Palma ex alius Palmæ radicibus tanquam ex materno sinu sponte genita, quarto a transplantatione anno, si solum fecundius, sexto, septimo si sterilius nacta est, primitias profert: at serius fœtat, quæ ossi debet originem. Fœtus autem suos in summo tantum caudicis fastigio e frondium axillis egerit, racemis, scoparum instar, ingentibus confitos; quibusculum adhuc tenelli, vagina quasi coriaceæ ante compacti obvolutique, reconduntur.

Amant Romani ratemos sive termites hos appellare *spadiceæ*, thecas eorum *spathas*, propriis, sed ex Græcia translatis vocabulis. In ortu suo Palmæ maris fœtus a fœminea, externa facie, non est discretus: quin utraque *spathas* fert simillimæ prorsus figuræ, & in utriusque prolem, dum eximitur, intus & extrinsecus candidissimam, facie utraque glabram, nitidam, & in unius quasi tuberis soliditatem, strictura thecæ compactam, gemmulis nimirum una cum virgulis, quibus adhærent, adhuc tenerioribus, molliculis, & edulibus.

Ordinem in pariendo uterque sexus tenet sequentem. Principio mensis Februarii, forte & citius, arbores intra sinus frondium rudimenta partus sui concipiunt; *spathas* nimirum surrectas, compressa sui facie caudici accumbentes, sed adhuc intra texturas & involuora frondium reconditas; ex quibus emergentes & sensim accrescentes, ex apertis quam ferunt copia sic intumescunt, ut sequenti mense in longum dehiscant, & per fissuram alterutro latere, rarius utroque factam, inclusum tuber excludant: quod ipsum clauetro solum paucos intra dies *spadicis* habitum induit, in virgulas resolutum numerosissimas, flosculis in mare, in fœmina prunulis refertas; secundum longitudinem inordinate & sigillatim confitis; illis usum pro imprægnandis Palmis fœmineis ex tempore præstantibus, his a tardiori incremento, demum mense abhinc quinto maturiscentibus; *spathæ* usu suo defunctæ brevi deformes extumescunt, sedula hortulani manu rescindendæ, ad reddendam arboribus gratiam. *Spadices* paucos habent Palmæ adolescentes & decrepitæ: integræ autem ætatis 8. vel 10.

Spatha figuram habet utrumque clavæ lignæ similem. Externa superficies lanugine tegitur molli, densa, brevissima, coloris obscure rufi; qua abrafa, diluto colore gratiofo viret. Interna alba est, glabra, humida, & quodammodo mucosa. Substantiam obinet corticem, in fibras dividuam, nonnihil incisam, cum exaruit, lentam, & corio non dissimilem: crassitiem habet culmi avenacei, tenuior existens in parte gibbosa quam reliqua, & in *spatha* fœminea quam in mascula. *Spatha* constat tubo & ventre. Tubus qui *spadicis* scapum investit, compressus est, ex ventris gravitate incurvus, vaginam acinacis referens, cubitum longus (in fœmina paulo brevior), pollicem crassus, latitudine triunciali. Venter longitudinem assequitur cubitalem, latitudinem palmarem & amplius, crassitiem, dum superæ proximus, triuncialem, utraque facie tumorem, fastigio obtuse macronato, ora ubique ad digitalem latitudinem solida, substantiæ fragilis, ambitu acuto. Interiorem superficiem exhibet convexam, albam, glabram, & æqualem.

Masculinis spadix numerosa flosculorum congerie vestitur : virgulas duascentas continet , quarum brevissimæ flosculos habent 40. mediæ 60. longissimæ 80. flosculi Liliæ convallium flosculis minores sunt , oblongi , tripetali , coloris albi in luteum palleſcentis , & ingrati ; petiolis non nitentes , sed herbei coloris , carnoſo quodam principio . Petala flosculorum furrecta sunt , oblonga , concava , obruſe mucronata , ſuccoſa , carnoſa , rigida . Stamina lanuginosa ſunt , rigida , brevissima , albicantia , cum brevibus antheris multo polline reſertis .

Vergente Februario , ac ineunte Martio , ſpathis rumpentibus , primum emicant ſœminæ ſpadiæ , clauſtroque non multis poſt diebus relictæ , nudi in lucem prodeunt , rudimenta fructuum gerentes ſubtus duplici induta membranula ſeu calyculo , uno exteriori & breviori , altero interiori , qui fructum proxime , & pene integrum involvit , utroque oram habente inæqualem & ſuperficiem ſubſperam . Copioſiſſima uni ſpadii inſident , granorum Piperis magnitudinem , & rotunditatem habentia , ſuperficie nitente , alba ; ſapore ſubaſtero . Menſe Majo fructus noſtri Ceraſorum adipiſcuntur magnitudinem , colore in herbeum viſcente . Junio ineunte , olivas figura , & magnitudine expriment , dum offacula indureſcunt ; & caro , imminuta humiditate , fit ſolidior , ſapore & colore nihil mutatis . Menſe Auguſto matureſcunt , non tota ſimul ſubſtantia molleſcentes ; ſed primo , putreſcentis inſtar pomi , maculam mollem ut plurimum in extremitate acquirentes , quæ ſenſim propriens , omnem ſubſtantiam crudiorẽ paucis diebus in dulceſcem pulpam convertit .

Daſtyli ſeu fructus maturi glandium quercinarum figuram ut plurimum obtinent ; ſed iis fere majores ſunt , pellicula veſtiti tenſi , pellicula , nitida , coloris pro diverſo carnis colore varii . Caro eis multa eſt , pinguis , pulpoſa , ſaporis vinoſi , dulciſſimi , officulo ſuo laxè in hærens , intercedente membranula albicante , tenera , molli , & quaſi bombycina in plures pelliculas dividua . Officulum ſolidum eſt , cornu inſtar , tenax & durum , ſuperficie granis uvarum concolori vel ex cinereo magis minusve diluta , interiori ſubſtantia ad ſimilitudinem Nucis Myrſticæ variegata . Figura ejus quodammodo eſt turbinata , incurva , una facie gibba & æqualis , altera inſigni pulvinatæ figuræ ſulco in longum diviſa . Facies gibba notabili cælatur lineola , tenui , per mediam longitudinem decurrente , cujus in medio punctum quaſi umbilici conſpicitur , albam ſovens cartilaginẽ , quæ ad mediam officali ſubſtantiam penetrans , futuri germinis rudimentum eſt . In offium viſceribus medulla talis non eſt , qualem ineſſe , ac terra emollitis eximi poſſe perſuaſum eſt Rajo .

Cœlo Palma gaudet torrido , & æſtuoſo , terra autem ſabuloſa , & li-moſa , levi & nitroſa . Ex plantato Daſtyli officulo progerminat , vel ex radicibus alius Palmæ prodiit . Ex officulis progenies utriuſque ſexus naſcitur : quæ vero ex radicibus , ſexum reſert parentis . Locis lætatur planis , irriguis , in quibus affluxus aquæ fontanæ vel puteanæ , ſi ea deficiat , debite ſiſti , & per arborum quincunces derivari poſſit . Stolones biennes vel triennes tempore verno vel alio quovis terræ committuntur ; per ſæſtatem diligenter irrigandi . Qui in ipſo caudice pullulaſcunt , extir-

pentur : tineæ , formicæ & locustæ insectorum genus huic arbori maxime infestum , summa cura expurgandæ sunt . Pubertatem adeptis arboribus , cum flores fructusque in distinctis nascantur , Palmicolis incumbit , ut iis imprægnandis quotannis impendant operam , si annonam in se redundare cupiunt . Vergente igitur Februario , spathas masculas , incluso rumente flore & ad thalami consortium maturo , ex arboris fastigio legunt ; quibus in longum dissectis , eximuntur spadices , flosculis nondum efficitantibus , sed in unam massam compactis , conferti . Hos proinus in furculos , sive bacillos , spadicebus femininis inferendos , divellunt , quantum quidem fieri potest , in bifurcos , quoniam hac forma commodius usui serviunt . Bacillos alii amant recentes , quos illico insinuant spadicebus , si qui jam lucem nacti sunt : alii eos prius exsiccant , & in Martium usque mensem custodiunt , quo hiantibus uteris ad unum omnibus , insitionem uno actu & opera instituunt . Surculi floridi bifurci medio spadice femineo racemo per transversum infiguntur vel intexuntur , ita ut procillis evelli non possint , sed infixi aliquamdiu retineri , dum omni deposita virtute , embryonum rudimenta foeminali flosculorum polline perfusi , vigorem adepta sint . Insitionem quandoque iterant cives desertorum : at reliqui Persæ & omnes Arabes unica acquiescunt insitione rite celebrata . Imprægnatio quoque ultronea contingit sine studio & manu cultoris , translato per aerem polline ex Palma florida non procul exstante a feminea . Hinc cum toti Palmeto virgas distribuunt Palmicolæ , eas omnes habent insuper , quæ marem proxime circumstant , ex floribus halitum ultro suscepturæ . Hæc summam de Palmarum imprægnatione dicta sint : jam de Dactylorum excussione , insolatione , expressione , & conservatione dicendum .

Dactyli maturi , pro triplici maturitatis gradu , triplicis census distinguuntur . Primi sunt , qui ad maturitatem inclinare vel extremitate sua maturelescere incipiunt : secundi , quorum mediam circiter partem maturitas occupat : postremi , qui integre maturuerunt . Omnes autem triplicis ordinis Dactyli una opera arbore eximendi sunt , ne ultro decedentes conquassentur : hi , quia præmolles , carpendi dilationem minime ferunt ; illi istique , quod in lapsum proni ad deciduam quoque classem biduo tri-duove transgrediantur . Rusticus ergo Palmæ verticem scandit , & Dactylos , quocumque gradu maturuerint , manu decerpit , crudioribus in arbore relictis alia vice carpendis . Nonnulli spadicebus manu comprehensis , Dactylos motu excutiant , inferius expanso reti excipiendos ; qui legendi modus in Palmis obtinet humilioribus dumtaxat . Lessionem per Autumnum singulæ Palmæ binis ternisve vicibus subeunt , donec omnium exatquo fructuum trimestris intra decursum absoluta sit .

Excussi Dactyli secundum triplicem maturitatis gradum selignantur , in stragulis ex folio palmeo textis acervatim deponendi , ut ulteriori insolatione excoquantur . Ita primum in pulpæ colliquescent molliorem : mox eodem sole rursus spissantur magis magisque , donec corruptionis genium deponant evaporatione abundantis humidæ ; quo alioquin retento , conservari nam industrie non possent , quin brevi fracerent , & accesserent .

Conservandum Dactylorum hæc est ratio . Aut enim post insolationem

torcularē & melliflui roris orbitatē passi, inculcantur utribus caprinis, vitulinis, ovinisve, vel oblongis fiscinis ex agrestis Palmæ foliis ad saccorum formam & capacitatem contestis, pro cibo plebejo, aut expressione emaciari, rursus aliqua Syrupi sui portione prius irrorantur, quam prædicta subeant receptacula: aut præli omnino expertes, alio insuper Syrupo copiose perfusi, in fidelis condiantur, inter obsonia ditorum locum habituri. Hos omnes Latini Medici appellare amant *Carpotas*, *Greci pomus-fluvios*, his nominibus eos distinguentes a siccis & rugosis Dactylis ex Syria, Ægyptoque in Europam delatis, qui vel in arborum spadicibus exaruerunt, vel proxime ante maturitatem decerpti, perforati, filoque suspensi exsiccantur.

Ex Dactylis eo quo supra modo excussis & insolatis, expressione elicitur Syrupus dulci pinguedine Butyri vices, embamma, obsoniorum condimentum suppetitans. Illius vero eliciendi non una omnibus est ratio. Alii enim cratem vimineam supra declivem lapidem, tabulamve statuunt, suffossoque pavimento, dioram Syrupo excipiendo supponunt fidelem. Tum erati insolatos Dactylorum cumulos, quotquot capere potest, ingerunt; qui suamet mole gravati & aliquot dierum æstu macerati, (nam & in aprico hoc negotium peragitur) humorem plurimum transmittunt, & in receptaculum deponunt. Syrupum qui avarius expetunt, sive circumducto cratem arctius subinde constringunt; laxisque impositis, profluvium extorquent copiosius. Ita melle suo penitus vel majori ex parte exuti, reconduntur in receptacula, quibus asservari possint. Toties autem crates replendæ & expressionis labor iterandus est, donec Palmulæ arboribus subinde excussæ & insolatæ, torcularis vim omnes expertæ fuerint. Basrenses, Arabumque cæteri, quibus amplior Palmarum & donec copia est, compendio rem expediunt. Nimirum, torcularium loco, cameris utuntur sordialibus, de super parentibus, pavimento contabulato vel gypato, parietibus cæmentitiis, quibus intus ramalia opponunt, ne impuritas officiat. His omnem Dactylorum molem, quanta satis insolatione emollita est, una opera inferunt, & confluentem ex iis Syrupum lacu subius facto excipiunt; sicque is parciore pro desiderio effluat, aquam ferventem superfundunt, qua dulcedinis spissitudo magis eliquetur. Eliciendi modus est alius monticolis usitatus, quibus Ceres invida Palmæ negat proventum, Nimirum Dactylos Palmicolarum præla jam dudum expertos contundunt, mox aqua percoquunt copiosa, donec solvantur in pulvem, quam, abjectis sordibus, coquunt ad spissitudinem Syrupi, sed qui bonitate nequitquam respondet illi, qui ex cratribus funditur.

Rustici Palmicolæ in construendis tuguriis, Palmarum caudices pro palis, ac arabibus adhibent, quibus ædium & tota ædificii fabrica innitatur, cætera omnia ex palmeis frondibus sine clavibus & normis, sine ante & industria clathrata sunt & rudi manu compacta. Spellectilia ædiculis Palma etiam substituit: pro cremio enim ramalia, pro scopis racemi, pro urceis, & scutellis inanes spathæ serviunt, in formam desideratam flectendæ. Ex spadicum vero scapis bene præparatis torquentur funes firmissimi ad navalem apparatus necessarii, necnon & calcamenta.

Varia ex variis Palmæ partibus parantur edulia : Ipsius comæ medulla Græcis *ἐλάφου* dicta, necnon & frondes in Palmæ adolescentis fastigio recens nascentes, & in conij figuram convolutæ cibum præbent delicatissimum. His bonitate nihil cedit novelli spadicis in utroque sexu principium, ad unius palmæ longitudinem. Nec postremas inter bellaria laudes merentur excissi illi fetes. Omnes hæ partes manducari & cepæ possunt, & cum carne vervecina coctæ, ut caceam varia ex iisdem bellaria parari. Omnem vero palmeas inter cupidias paginam absolvunt ipsi Dactyli, sæculorum varietatem suppeditantes non contemnendam. Mensibus enim æstivis Dactyli fere crudi & recentes, cæteris vero insolati & expressi ventres vulgi exsunt, quos varia pinguedine, mollitie, colore, sapore, aliisque virtutibus, tum nativis, tum abductæ siccitatis, condituræ, & expressiois gradu & modo conciliatis, vercant. Nec alimentum quod præstant, pondere aliquo vel mora longiori gravat ventriculum, nec vapore inebriante caput turbat; sed aquæ bibulis perquam salutare & maxime temperatum suppeditant alimentum. At exsiccata duritie compagem nanciscuntur firmiorem, & concoctu difficilem. Osa ad aliquam excocta mollitiem. Lejogavis bobus dantur pro pabulo. Syrupus e Dactylis elicto plebs in crustulis, Buryri loco in oryza & pulvere pro condimento utitur in conviviis, & festivitatis, quibus genialiter epulantur est.

Vinum ex Dactylis aqua perfusus fermentabant veteres, testibus Strabone & Dioscoride. Nec artis hodie oblita est Natolia quæ eam rarius & clanculum exercet, rigore prohibita religionis Mahumetanæ. Spiritus vero distillatur frequentius, licet & ipse vetustus sit, sub medicamenti nomine, ad ventriculi cruditates & tormina levanda: quod ut præster efficacius, adduntur ante distillationem a ditioribus radix Chinæ, Ambra, & aromata; a plebejis radix Glycyrrhiæ & herba Absinthii. Perfici vel radicula Schoenanthi veri, tum herba alterutrius Sementinæ, Persicæ nimirum vel Turcicæ.

Medicas virtutes Palma in fructibus recondidit. Primaria venditur qua moderate adstringunt. Hac conciliare vires ventriculi, cohiberi alvi fluxiones, intestina, uterum, & sætum roborare, experientia docuit. Eidem facultati acceptum ferendum est, si quid iisdem fructus præstant extrinsecus adhibiti. Dulcedinis sed adstrictione temperatæ beneficio, Caryotæ opem ferunt egregiam tussientibus: nam catharos tenues, acres, & vagos blanda coagulatione sub naturæ reducut obedientiam, ut absque inani concussionē thoracis excerni valeant, dum abstergunt leniter, & organa pneumonica demulcent. Hinc Decocti pectoralis, Syrupi de Hysopo, Syrupi resumptivi, Specierum Diathamaron Nicolai, Lohoc sani & experti, atque his pares nostratum medicamentorum formas ingrediuntur. Eidem virtuti debetur, quantum succurrat renibus aut vesica dolentibus. Dactylorum societatem nec purgantia respuunt. Electuarium Diaphœnici, quod Mesuæ sanitatis, ac salutis medicamentum vocat, satis magnâ quantitate illos recipit, eo consilio, ut Scammonii ferocitatem mitigent, & detergant pievitam intestinis adhaerentem in affectu colico. Idem Electuarium eodem fructu nobilitatum prostat etiam in tabellis insignitum nomine Diaphœnici in solido. Ad arthritidem curandam ipsos

Dactylos commendat Solenander . Oleum ex iis Joelius elicit , quo pro-
cidentem anum , & excoriatas corporis partes inungit . Pulpam *Dactylo-*
rum imponunt populares extrahendis ex pede festucis & aculeis . Pulve-
rem contusorum ossium partum expellere Forestus auctor est . Cinerem os-
sium astorum in urinæ incontinentia propinat Riverius . His tot virtuti-
bus , utut *Dactylorum* nomen clareat , apud alios tamen male audiunt ,
quod crebrius manducati cephalalgiam & gravissimam visioni noxam inse-
rant . Sunt sane oculorum vitia omni genti *Dactylis* & *Oryza* vescenti ,
sub dio & in rore dormienti , balneis denique crebrioribus assuetæ , fami-
liaria & vernacula . Sed cur , tot mali causis præsentibus , eo nomine in-
famandi *Dactyli* . *Huc usque Kampsforus Aman. exot. fasciculo V.)*

In Africa sponte nascitur hæc arbor , ubi suaves & copiosos fructus pro-
generat , necnon etiam in Judæa , Syria , & Persia . In Græcia , Italia , &
meridionalibus Galliarum Provinciis colitur : sed raro fructus profert nec un-
quam maturos , forte ob maris absentiam .

Dactyli succo pollent viscido & dulci quasi melleo , ut facile ex sapore
dignoscitur & ex decocto aqua parato , quod in Syrupi aut etiam Mella-
ginis consistentiam inspissatur ; quodque ad fermentandum raponatur , vi-
num fit , ac tandem acetum .

Dactylos Egyptii , & Africæ populi comedere solent : nec ingratus est
cibus . Nondum maturi adstringunt : bene maturi , præter saporem dul-
cem & viscidum , blanda adhuc adstrictione donantur ; atque nutrimentum
fatís laudabile suggerunt , necnon etiam stomacho & thoraci profunt . Si
tamen liberalius edantur , difficilius coquuntur in ventriculo , capitis dolo-
rem promovent , & quibusdam tormina in ventre excitant . Succum cras-
sum & viscidum gignunt , quo jecur , lien , aliaque viscera obstructionibus
implicantur , & longiori eorum usu cachexia melancholica sensim induci-
tur . Ratione blandæ adstrictionis & glutinositatis in seminarum proflu-
viis , hæmorrhoidumque fluxibus , sanguinem excreantibus , stomachicis ,
& dysentericis in cibo utiles prædicantur .

Dactyli ad decocta pectoralia cum Jujubis , Passulis , & Ficibus fre-
quenter adhibentur .

℞. *Dactylos* a nucleis mundatos n. x. Ficus n. vi. Glycyrrhiæ rasæ &
contusæ ℥ij. Orizæ mundatæ & lotæ ℥j. Decoquantur secundum ar-
tem in aquæ limpida ℥iij. ad ℥iij. Fiat calatura per cyathos pro-
pinanda .

ARTICULUS SECUNDUS.

De Jujubis .

Jujubæ & Zizypha , Off. *جذوة* , *جوز* & *جوزة* , Græcorum recen-
tiorum : Hanab , *Avicennæ* : Hunen & Zufaizet , *Serapionis* : vulgo
Jujubes . Fructus sunt sub sole aliquantisper exsiccati , rugosi forma &
magnitudine olivari , constantes pellicula crassiuscula ex lacteo rubente
pulpa subalbida , molli , fungosa , & ossiculo oblongo , utrinque acuto ,
rugoso , saporis dulcis , & vinosi .

Eligantur recentiores, majores, ponderosiores, minus flaccidæ, caræ intus multa, succulenta, laxa, & dulci, vinosa tamen.

An veteribus Græcis cognitæ fuerint, an iidem sint fructus, qui *συριχή* a Galeno dicuntur, ambigitur. Joannes Bauhinus auctumat Jujubas fuisse. Locum Athenæi, l. xiv. *Deipnosoph*, de quo censet etiam Theophrastum egisse sub Loti nomine l. iv. c. iv. Pliniumque sub oſtea Loto, l. iij. *ſect. xxxij*. Ziziphorum autem vetuſtiſſima memoria apud Columellam, & Plinium. Columella duas Ziziphorum ſpecies diſtinguit: unam rutilam, quæ videtur eſſe noſtra; alteram albam, quæ creditur eſſe Ziziphus alba, *Cluſii Hiſtor.* 29. Elæagnus Orientalis anguſtiſolius, fructu parvo, olivæ-formi, ſubdulci, *Coroll. Inſt. R. H.* 53. Salmaſius exiſtimat Plinium ſub Ziziphorum nomine Zizipha alba *Columella* designare voluiſſe, per tuberes vero Jujubas noſtras rutilas; eundemque erraſſe, diſtinctionem Ziziphorum *Columella* ſolis tuberibus applicando. Plerique Medici *συριχή Galeni*, Jujubas quoque fuiſſe arbitrantur, ducti poſſimum auctoritate Avicennæ, qui, quæ Gale- nus de Sericis dixit, eadem, de Jujubis recenſet. Diſcile eſt has li- tes dirimere, cum arbores de quibus Athenæus, Theophrastus, Ga- lenus, Columella, Plinius, & Arabes egerunt, nondum cognoscamus, neque etiam diverſas Ziziphorum ſpecies, ut certo dijudicare poſſimus, quas ex his arboribus aut Ziziphorum ſpeciebus hic vel ille auctor de- ſignare voluerit. At vero præter duas Ziziphorum ſpecies, rutilam, & albam, ſupra recenſita, tres alias in Ægypto obſervavit Auguſti- nus Lippi doctiſſimus Botanicus, qui in urbe Senaar miſere trucidatus fuit, dum verſus Æthiopiam iter faceret Botanices ſtudio ſerviens. Hæ autem ſunt Ziziphorum ſpecies ex Episto- lis ad Illuſtriſſimum vi- rum D. Fagoni Archiatrorum comitem. Ziziphus humilior Alexandrina, latifolia, majori fructu, forma Ceraſi, purpu- raſcente, *D. Lippi*: Na- bca, Paliurus Athæi credita, *Proſp. Alpin.* 8. Ziziphirus humilior Ale- xandrina, latifolia, minori fructu, luteo, forma Ceraſi, *D. Lippi*: Ziziphus latifolia Memphitica, gigas, majori fructu, forma Ceraſi, pur- puraſcente, *D. Lippi*. Quidquid ſit, illud tantummodo conſtat Jujubas noſtras officinales ab Arabibus, & Græcis recentioribus in uſum medicum vocatas fuiſſe.

Arbor, quæ Jujubas officinales proſert, dicitur Ziziphus, *Dod. Pem- piad.* 807. Jujubæ majores oblongæ, *C. B. P.* 446. Zizipha ſativa; *J. B.* 1. 40. Olææ magnitudine æquant, cortice contorto, ſcabo, & ramoſo: ramis patulis, & inæqualibus, aculeis rigidiffimis muni- tis. Folia alterna naſcuntur ſubrotunda, unciam, aut ſequiunciam longa, ſemiunciam, aut unciam fere lata, acuminata, ſplendentia, tri- bus nervis donata, & crenis acutis incifa. Flores in eorum alis ter- ni aut quaterni apparent roſacei ex petalis quinque in orbem poſi- tis vix lineam longis & flaveſcentibus conſtati. Calyx monotomos, quin- quepartitus, ex quo ſurgit piſtillum, quod deinde abit in fructum ob- longum, Olivæ æmulum, ſulvum aut ex fulvo rubentem, conſtantem ex cortice membranoso, & pulpa intus viſcente & ſubacida, dum recens eſt, ſub qua deliteſcit oſſiculum perdurum, bicaſulare, in quo duo nuclei molles, ſubrotundi, compreſſi. Lentis majoris inſtar, medulla albicante & ru-

& rufa pellicula compofiti, continentur, quorum unus ut plurimum exarefcit. Colitur vulgo in Gallo Provincia, & Gallia Narbonenfi: Fructus maturitatem adepti leguntur, & recentes cibum præbent hiſce populis familiarem nec injucundum. Inſolantur quoque cratibus tegetibusque inſtrati tamdiu, quouſque rugoſi fiant, & exſiccati, tuncque ſervantur ad medicos uſus.

Analysi Chymica, ex ℥iij. ℥ij. pulpæ Jujubarum à nucleis ſeparatæ, & in mortario contuſæ, ita ut in maſſam tenacem admodum, & viſcidam redigerentur, prodierunt per retortam phlegmatis limpidi, inodori, ſubacidi, & nonnihil auſteri ℥xij. liquoris limpidi, inodori, acidi ſaporis ℥xvj. & ℥v. liquoris ruſcentis, ſaporis acidi valentioris ℥iv. ℥v. humoris ſubruſi, odoris empyreumatici ℥ij. qui tunc acidorum ſalium, tum alcali-urinoſorum ſigna præhærent in examine, præcipitando nempe Mercurii ſublimati corroſivi ſolutionem, & corruſeum Heliotropii colorem in puniceum convertendo; olei vero conſiſtentia, & ſpiſſioris, & butyroſæ ℥ij. Nullus ſal urinoſus concretus apparuit. Maſſæ nigræ in retorta reſiduæ pondus erat ℥xvii. Licet hæc maſſa igne reverberii per retortam diſtillata, nulla principia volatilia amplius largiatur, licet aqua tepida diu macerata perparum ſalis lixivii ope ſuppeditet; nihilominus tamen principiis activis, & volatilibus non deſtituitur, imo multas adhuc partes oleoſas ſalinas, & terreſtres continet adeo ſtricte inter ſe cohærentes, ut ab invicem difficillime ſeparari queant. Ignea vis in vaſis clauſis longe debilior eſt, quam ut oleoſas a ſalinis, & terreſtribus diſiungere, & attolle-re valeat: igne aperto valentiore, & diuturno opus eſt. Aqua vero tepida ſalinas partes diſſolvere nequit, utpote quæ oleoſis prorſus involvantur. Reiſſa hæc maſſa igne aperto per ſexdecim horas calcinata, & poſtea refrigerata, nigra adhuc erat, & ℥vij. pendebat; quæ iterum per totidem horas calcinata pendebat tantum ℥j. ℥viſſ. & color niger in fuſcum mutatus fuerat. Tandem poſt tertiam calcinationem per duas horas hæc maſſa magis denſa, & compacta ponderis erat ℥j. ℥vj. ex qua ope lixivii ſal fixus mere alcali extractus fuit ad ℥ij. gr. liv. Porro in diſtillatione jactura fuit ℥xij. partium nempe aquoſarum plurimarum, ſalinarum pauciorum, & nonnihil oleoſarum: calcinatione vero partium exhalatio fuit ad ℔j. ℥iij. oleoſarum plurimarum, ſalinarum pauciorum, & aliquantisper terreſtrium. Hæc autem condenſatio partium oleoſarum cum particulis ſalinis, & terreſtribus in omnibus ſere mixtis viſcidis, tenacibus, & quaſi reſinoſis obſervatur.

Itaque Jujubæ conſtant ex partibus oleoſis ſalino-acidis & terreſtribus eo involutis, ut mixtum dulce, & glutinoſum inde exurgat, a quo earum vis & energia pender. Mixtum autem illud a melle aut ſaccharo differt lentore, qui major eſt in Jujubis propter uberiorem terram cum ſalinis, & oleoſis partibus intinie permixtam. Terra enim multo minori copia in melle, & ſaccharo deprehenditur.

De Jujubarum qualitatibus & ſalubritate inter Græcos & Arabes non plane conſtat. Galenus, ſi per *anaica* Jujubas noſtras intelligat, eas ſtomacho inuiles eſſe, imbecillime nutrire, & difficile concoqui ſcripſit. Arabes vero

& ex

& ex recentioribus Græcis plurimi eas ad varios usus commendant. Re- vera dulci quadam mucagine abundant, quæ humores leniunt, eorumque acrimoniam obtundunt. C. Hoffmannus praticos monet, ne Jujubis in pectoris affectibus indilinctis; & tanquam appropriatis utantur; imo in solis locum habere, in quibus humores inspissatione indigent, non vero at- tenuatione. Ad pectoris, & pulmonum irritationes compescendas, tussis asperas sedandas, pituitam acrem demulcendam plurimum conferunt. Re- nibus quoque profunt, ardori urinæ, & vesicæ dolori.

Usurpantur in Decoctis pectoralibus cum Dactylis, Sebesten, Pistulis, &c. in Syrupo Jujubino, Syrupo resumptivo, Lohoc. sano, & Electuario lenitivo.

ARTICULUS TERTIUS.

De Sebesten seu Myxis.

Sebesten, Myxa, & Myxaria, Off. *Μύξα*, Pauli *Agineta*: *Μύξα πια Αρ- tii* & *Altharii*: Sebesten, Mōtheica, Mokata, & Mukeita. *Arabum*: vulgo *Sebestes*. Fructus sunt parvis Prunis similes, nigricantes, turbinati, in vertice acuminati, rugosi, semiexsiccati, calyci insidentes, facile ceden- ti, acetabuli instar concavo, & cinerei fere coloris, sub pelle tenui, mem- branosa, nigricante. Constant ex pulpa fusca, viscida, dulci sapore prædi- ta, pertinaciter adhærescente ossiculo, quod alias tribus costis donatur, alias compressum Prunæ nostratis ossiculum imitatur; in quo nonnumquam nucleæ duobus loculis duo seorsim continentur oblongi, triangulares, albi, sapore non insuaves in recentibus: unicus nonnumquam nucleus tantum- modo clauditur. Eligendi sunt pleni, majores, pingues, carnosi, calyci adhærentes, & dulces. Amaricantes enim, situm redolentes, & teredi- ne exesi, rejiciendi.

De his Dioscorides, & Galenus nihil prodiderunt. Nonnulli suspicantur fructum esse, qui *δ' μύξας*, apud Athæneum appellatur, quod tamen pro certo haberi nequit? Frequens vero de iis a posterioribus Græcis facta, fuit mentio.

Arbor quæ dicitur Sebestena domestica, C. B. P. 446. Myxa sive Sebe- sten, J. B. 1. 197. Sebesten domestica, P. Alpini. 30. Vidmaram, H. Malab. v. 4. 77. Prunus Malabarica, fructu racemoso, calyce excepto, Raii Hist. 1563. ad mediocrem assurgit altitudinem caudice crasso: cortice scabro, subalbido. Rami deorsum incurvantur, frondosi: folia alternatim ramulculis in hærent subrotunda, firma, tres uncias circiter lata superio- re ambitu per spatia inæqualia variis incisuris dentata, & nonnumquam segmento veluti subducto mutilata, latè virentia, supra glabra & splen- dentia, subtus venulis distincta innixa pollicari pediculo, qui cum ramu- sculo conjungitur geniculo quodam adeo debili ut folium facile separetur. Flores ex *Augustini Lippi Epistolis* numerosi, quasi racematim congesti, ramorum extrema occupant candidi, suave olentes, monopetali, quin- que-

quesidi, inferne tabulati, & veluti infundibuliformes, florum Syraciacis similes magnitudine, & forma, excepto quod incisuræ exteriorum multum incurvantur. Calyx monophyllus, leviter incisus, ex quo surgit pistillum posticæ floris parti ad instar clavi infixum, quod in fructum abite fere ovatum seu turbinatum cum cuspidē in vertice, Olivæ magnitudine, cujus pars inferior cinereo calyce obtegitur, glabrum, carnosum, mollem, semipellucidum, primo viridem, deinde nigricantem, succi viscidī plenum, dulcem, pertinaciter adhærentem ossiculo oblongo, modo compresso, Pruni nostratis ossiculo simili, modo tribus costis distincto, in quo modo unicuique nucleus, modo duo nuclei uno duobusve loculis seorsim continentur, oblongi, albi, dulces. In Ægypto, & Oriente nascitur.

Altera est hujus arboris species, quæ Sebestena sylvestris, C. B. P. cujus minora sunt folia, fructusque minores & minus grati.

Ex eorum pulpa optimum viscum conficitur, Sebesten matura contundendo, & aqua lavando: aqua enim, quia Sebesten macerata fuerit, admodum glutinosa fit.

Analysi Chymica ex pulpæ Sebesten cum corticibus membranosis ℞iij. ℞iv. per B. V. ex alambice distillatæ sunt humoris limpidi fere insipidi ℞viii. ℞v. qui tamen acidi signa præbuit, Heliotropii cæruleam tincturam in rubram convertendo; deinde liquoris gustu subacidi ℞ij. ℞vij. qui Heliotropii tincturam purpuream effecit. Jactura in hac distillatione fuit ℞ij. ℞iij. in cucurbita reperta est massa nigra, & exsiccata ad pondus ℞ij. ℞vij. quæ per retortam igne vehementiori distillata præbuit liquoris acidi limpidi, & sub finem rufescentis ℞xij. ℞v. gr. liij. liquoris salis urinosi, & empyreumatici, rufescentis, & cum spiritu salis effervescentis ℞ij. ℞ij. olei vero spissioris consistentiæ axunginæ porcine similis ℞ij. ℞vj. gr. lvij. Massa residua pendebat ℞xij. ℞ij. quæ per 43. horas calcinata cinerum ex cinereo nigricantium ℞ij. ℞vij. reliquit; ex quibus salis alcali acerrimi ℞i. ℞vj. lixivii ope extractæ fuere. Hac in distillatione partium deperditio fuit ℞i. ℞vij. non solum aquosarum, sed & salinarum oleosarum. In calcinatione vero ℞x. ℞ij. partium oleosarum, & salinarum avolarunt.

Ex hac analysi liquet Sebesten componi ex partibus oleosis, salinis acidis & terrestribus inter se adeo intime conjunctis, ut exinde mixtum dulce & glutinosum exsurgat. Magis lentum est & tenax quam Jujubæ, ob majorem olei quantitatem: majorem quoque salis alcali, tum volatilis, tum fixi copiam præbet; & ab his salibus pendet vis attenuandi, & resolvendi, qua Sebesten donatur.

Sebesten usus familiarissimus est ad humoris acrimoniam demulcendam; præsertim in tussi ex acrimonia tenuis salisquæ pituitæ nata, in dyspnœa, plenitudine, peripneumonia, vocis rauedine, & urinæ ardore, parato ex eis decocto. Alvum quoque emolliunt & laxant. Sed hæc dejectoria facultas adeo debilis est, ut a quibusdam ipsis prorsus denegetur.

Sebesten sæpe usurpantur cum Jujubis in Pilsanis & Decoctis pectoralibus, in El. lenitivo & El. Diasebesten dicto.

24. Hordei mund. ℞ß. Glycyrrhiæ rasæ & contusæ ℞jß. Bulliant. aq. comm. ℞iij. ad 3. partis diminutionem. Sub finem coctionis adde Jujubas & Sebesten ana n. xij. Decocto ab igne semoto injice flor. Tussilag. & Papa.

Papav. rhæad. ana p. . Macerentur per aliquod tempus : & percole-
tur decoctum pectorale per cyathos exhibendum .

24. Radicis Graminis mundatæ, & contusæ ʒj. Sebesten n. xv. Jujubas
n. xx. Bulliant in aq. comm. ℥iij. ad 4. partis consumptionem .
Fiat colatura per vices exhibenda in ardore urinæ .

Ægyptii visco ex Myxis extracto utuntur emplastri modo ad omnes
sclirrosos tumores : resolvit enim & emollit omnem duritiem . Non-
nulli etiam ad tussim ex eo paratos bolos cum saccharo candido & ra-
dicis Liquiritiæ pulvere multis diebus sumunt . Hocce viscum raro no-
bis affertur .

ARTICULUS QUARTUS .

De Uvis passis, seu Passulis .

UVæ Passæ, seu Passulæ sunt fructus maturi Vitis viniferæ vi caloris
exsiccati : sive calore solis exsiccatio illa peracta sit , unde Passulæ
dulciores efficiuntur ; sive calore clibani , unde dulco-acidæ sunt . Hæ ra-
rius in officinis ad usum medicum usurpantur, illæ sæpissime .

Itaque Uva passa, *Off. caps. Dioscoridis*, est omnis Uva insolata, cujus
duo genera a veteribus Græcis distinguebantur : Uvæ scilicet, quæ, post-
quam racemi pediculus cultro ad medium usque leviter resectus fuerat ,
vel filo fortiter ligatus, diu in vite solem passæ veluti excoctæ fuerant ,
& exsiccatæ . Hæ *σαρκαὶ παρὶς δαυδα* dicebantur ; quæ autem a sua vite de-
tractæ soli exponebantur exsiccatæ, *σαρκαὶ ἀποτενδίσου* vocabantur . Sed
hæc exsiccationis differentia in vite vel extra vitem cum nullum inter
Uvas siccas discrimen essentiale afferat , nullius momenti nobis videtur .
Hodie in officinis nostris tria potissimum Passularum genera distinguuntur :
Passulæ scilicet maximæ, seu Damascenæ ; Passulæ minores, seu vulgares
nostrates ; & passulæ minimæ, quæ Corinthiæ .

Uvæ passæ maximæ, seu Passulæ Damascenæ, *Off. Zibib Arabum :*
Zibebæ *Quorundam* : vulgo *Raisins de Damas* . Uvæ sunt exsiccatæ, rugosæ ;
depressæ, pollicem circiter longæ latæque, fulvæ, semipellucidæ, carnosæ
sale essentiali dulci saccharo, simili conspersæ, seminibus paucis , & sapore
dulci , sed parum grato . Damascenæ dicuntur, quod in Syria prope Da-
mascum colligantur , & præparentur .

Eligendæ sunt recentes, amplæ, fulvæ, carnosæ . Rejiciendæ immodi-
ce pinguescentes, & digitis hærentes, farina conspersæ, cariosæ, aridæ ;
& exsuccæ .

Planta dicitur Vitis Damascena , *Horti Reg. Paris*. A cæteris Vitium
speciebus differt, præcipue Uvarum magnitudine eximia , forma Olivæ
Hispanicæ aut Pruni æmula .

Uvæ passæ minores seu vulgares *Off. Passulæ Massilioticæ Quorundam*
Raisins passer, Passerilles, Raisins de Provence, Uvæ sunt in sole exsicca-
tæ prioribus similes, sed minores, sapore dulci, grato, quasi Saccharo con-
ditæ . Pro Uvis Damascenis sæpius substituuntur , & revera illis proximæ
sunt . In Gallo-Provincia , & in Gallia Narbonensi præparentur , non quidem

ex una & eadem Vitis specie. Alii enim Vitis Apianæ, C. B. P. 298. fructus, vulgo *Muscats*, fumunt: Alii fructus Vitis, quæ *Picardant*: alii fructus aujubinos dictos: alii alios.

Montepessulani Uvas passas hoc modo parant. Racemos binos hinc illinc filis ligatos, vitiosis acinis forfice detractis, ferventi lixivio addito olei paululo immergunt, quoad flaccescant tantum, & corrugentur: deinde perpticis imponunt, ut siccescant, ac post triduum quatrividuumve insolant.

Ex Uvis passis in aqua fervente contusis, maceratis ac fermentatis vinum artificiale non ingratum in regionibus Septentrionalibus conficitur generosum, ex quo Aqua vitæ, & Spiritus vini extrahuntur.

Uvæ passæ minimæ, Passulæ Corinthiæ, *Off. vulgo Raisins de Corinthe*, Uvæ sunt exsiccatae atro-purpurascences, parvæ, grana Ribesia vel Sambuci baccas æquant, gigartis carentes, sapore dulci cum quadam levi, & grata aciditate. Eligantur recentes, bene habitæ. Rejiciantur, quæ insperso melle madent, vel muco obductæ, situm repolentes, aut nimis exsiccatae, & cariosæ.

Corinthiæ dicuntur ab urbe Corintho circa quam olim excolebantur. Verum circa eam urbem hodie non inveniuntur crescentes, ab incolis forte neglectæ.

Vitis cui nascuntur Uvæ, aliarum similis est, foliis dumtaxat majoribus, in pauciores lacinias obtusas divisis, crassioribus, subtus incanis, acinis minoribus, Ribesios acinos vix superantibus, & apyrinis. In Zacintho, Cephalonia, aliisque Insulis Venetæ ditionis colitur. Vites Uvis nigris tantummodo conferuntur, licet aliæ sint plantæ albis Uvis.

Augusto mensem cum maturuerunt Uvæ, decerpunt, & humi stratae rariore situ in sole exsiccantur: siccatae, & a sordibus repurgatae colliguntur, & ad apothecas deportantur, & per foramen in tecto ad id relictum immittuntur, donec ad summum usque repletum fuerit cubiculum. Ibi suo pondere subsidentes, brevi adeo cohaerescunt, ut ferramentis acutis effodi requirant: cum in dolia infarciendæ sunt, ut alio transmittantur, nudipes aliquis in vas insilit, Uvasque sensim immittas conculcando premit, ut in angustum coactæ majori copia dolio excipiantur, & aere excluso diutius incorruptæ servantur.

Magna est hujus mercimonie consummatio, quæ quidem tota non in Pharmacopœorum officinis, sed in popinis, & coquinis ad ciborum condimenta pro majori parte absumitur.

Uvæ passæ succo dulci, & melleo pollent, minus viscido, quam Jujubæ aut Sebesten. Magis nutriunt, succumque producunt minus crassum. Cum ramen facile fermentescant, non mirum si majori copia comestæ alvum turbent; bilem enim rariorem efficiunt ac fluidiorem, sicuti cætera dulcia quæ bilefcere dicuntur: insuper cæteros humores crassos, & tenaces dividunt & attenuant, crudosque ad concoctionem disponunt. Commendatur itaque gigartis exemptis ad alvum leniendam, & thoraci, pulmonibus, asperæ arteriæ, renibus, vesicæ ac hepatis utiliter prædicantur: faucium asperitudines demulcent, adspuiti concoctionem facilemque expurgationem in quocumque thoracis, & pulmonis morbo conducunt. Admodum adstrictoriæ sunt, si cum acinis seu gigartis edantur, ventriculi concoctionem juvant, in dysenteria, & quocumque alvi fluxu, vel etiam hepatico conveniunt.

Vitan.

Vitandæ sunt Passulæ in febribus inflammatoriis, & æstuante bile; humorum enim effervescentiam adaugerent. Frequentiori earum comestatione gingivas vellicant, male afficiunt, & ad putredinem disponunt.

In pituitanis pectoralibus ad humorum acrimoniam demulcendam, & in decoctis quamplurimis ad acrem, & ingratum quorundam medicamentorum saporem leniendam usurpantur. Præscribuntur ad ℥j. pro singulis libris liquoris.

℥j. Passular. Damascenar. exacinarum, & minutim concisarum ℥iiij. Coque in aq. limpid. ℔iiij. ad ℔lij. Colatura servetur pro decocto pectorali.

℥j. Hujus decocti, & aq. Calcis ana partes æquales. Misceantur, & ad ℥vj. bis terve die exhibeatur tanquam efficax remedium ad catharales affectus.

℥j. Rad. Sarsaparillæ ℥vj. Uvar. Corinthicar. ℥viij. Coquantur in aq. ℔xij. ad quartæ partis consumptionem. Colatura extinguitur Calcis vivæ ℔ss. Subsidat liquor, & limpidus per inclinationem separetur. Servetur ad usum. In affectibus catharrois, pulmonum ulceribus, & strumis propinentur ℥iij. pro dosi ter quaterve die iteranda.

℥j. Uvarum passarum, gigartis demptis, ℥ij. Liquiritiæ rasæ, & contusæ ℥j. Coq. in aq. comm. ℔iiij. ad ℔ij. Sub finem add. folior. Sennæ ℥iij. Macerentur tepide per horam unam aut alteram. Fiat colatura per cyathos exhibenda. Blandum erit purgans medicamentum, nec ingratum.

Usurpantur in Syrupo de Althæa Charas, Syrupo de Erysmo Lobel, Syrupo de Hyssopo Mesues, Syrupo antihectico seu de Testudinibus Lazar. Riverii, Electuar. lenitivo, & Confectione Hamech.

ARTICULUS QUINTUS.

De Caricis, seu Ficus passis.

Ficus passæ, seu Caricæ, Off. *ῥοχαδus*, & *καπλας Græcorum*, sunt Ficus maturæ, in sole exsiccatae, quarum tria genera in officinis reperiuntur; magnæ, & flavæ, quæ Ficus pingues dicuntur; magnæ & violaceæ; ac tandem parvæ, quæ Masilienses dicuntur, gustusque suavitatis præstantiores sunt.

Eligantur molles, tractanti facile cedentes, graves, cute tenuj, molli, succo intus & semine flavo; & plane melleo sapore. Rejiciantur duræ, vermiculosæ, graveolentes, nigræ.

Arbor Ficus sativa, *Inst. R. H. 662*. Ficus communis, *C. B. P. 457*. dicta mediocris est altitudinis, ramosa, patula, non omnino recto caudice assurgens, nec cortice lævi, sed asperiusculo, præsertim cum adolevit: lignum ei albicans est, molle, medullosum, & inutile: folia ampla, palmata, in quique partes determinata, & toridem angulis conspicua, aspera, dura, obscure virentia: fructus sine prævio flore apparente juxta

juxta foliorum exortum erumpunt, initio parvuli, tempore majores, colore primum virides, dein vel pallefcentes, vel subrubentes, aut ad violaceum accedentes, omnes vero molles, medullofi, granulis innumeris seu seminibus referti. Ex hisce fructibus immaturis, foliorum pediculis, & cortice tenello vulneratis lacteus succus effluit acer, & amarus. Flores autem huic plantæ non defunt, ut plurimi existimaverunt, sed in ipso fructu delitescent: quod quidem post Valerium Cordum clarissimus Tournefortius suspicatus fuerat, licet genuinæ, & essentielles florum partes ipsum, & cæteros Botanicos adhuc latuerint, usque ad annum nuper elapsum 1713. quo Dom. De la Hire Doctor Medicus Paris. & Reg. Scientiar. Academ. Socius, Ficum stamina apicesque pulverulenti repletos detexit, & coram Regia Scientiar. Academia palam commonstravit. Tournefortius enim pro floribus designaverat, tum capillamenta quædam tenuia prodeuntia ex involucris, quæ semina complectuntur, tum etiam eorumdem seminum pistilla. Verum cum genuinæ florum partes sint potissimum stamina, & apices pulverulentis corpusculis fæti, hæc autem filamenta hisce careant apicibus, immerito sane flores dicuntur, si præsertim hæc stamina cum suis apicibus alibi reperiantur. Flos, inquam, hac in planta in fructu ipso inclusus continetur, aut potius fructus ipse calyx est, quo flos introversus, & semina simul reconduntur.

(Hæc est autem Ficum fructificationis ratio juxta Cl. Linnæum, *Gen. plant.* 776. Calyx florum communis, seu ipsa ficus, est turbinato-ovatus, maximus, carnosus, concavus, squammis clausus plurimis, semilanceatis, acutis, serratis, inflexis; cujus interna superficies undique tecta est foliulis, quorum exteriores seu margini calycis propiores, masculi sunt, pauciores; reliqui inferiores fœminei numerosi. Singuli flores masculini pedunculo insident; perianthio instructi proprio, tripartito, (quadripartito, & quinquepartito,) lacinii lanceolatis, erectis, æqualibus, absque corolla: staminibus sive filamentis gaudent tribus (quinque juxta celeb. Pontederam,) setaceis, longitudine calycis, antheras gerentibus didymas, & rudimento caduco, intorto. Fœminini flores singuli insident pedunculo, perianthio donati proprio, quinquepartito, lacinii lanceolato-acuminatis, erectis, fere æqualibus; corolla vero destituti. Germini ovali, & magnitudine perianthii proprii insidet stylus subulatus, inflexus, ad latus apicis e germine prodiens, stigmatis terminatus duobus, acuminatis, reflexis, altero brevior. Calyx obliquus in sinu continet semen majus, unicum, subrotundum, compressum.)

Mirum est sane quod de Ficum caprificatione veteres scripserunt, quodque doctissimus Tournefortius propriis observationibus observavit. In Insulis maris Ægei duæ Ficus species excoluntur: Ficus domestica, quæ fructus profert numerosus, verum abortivos, nisi quædam industria ad maturitatem perducantur; & Ficus sylvestris, quæ æpidis veteribus Græcis, hodie Græcis Insularum incolis Οφι, Caprificus Latinis, quæ tres producit fructuum species, quæ nunquam ad maturitatem perveniunt, sed ad domesticæ Ficus fructuum maturationem promovendam & accelerandam tanquam modo inserviunt.

Hæ tres species dicuntur fornites, cratitres, & orni. Fornitibus cratitres succedunt, cratitribus orni, his Fici caprificantur. Ea autem est hujus capri-

prificationis ratio a clarissimo Tournefortio, *Commentariis Reg. Scient. Acad. ann. 1705. recensita.*

Fornites mense Augusto germinant, & usque ad Novembrem crescunt, perseverantque, immaturi tamen. Interim a calicibus quibusdam vulnerantur, unde paulo post vermiculis scatent. Hi vermiculi circa menses Octobrem & Novembrem in culices transmutati, novos fructus sub finem Septembris germinantes & cratitires dictos aggrediuntur & vulnerant: tum fornites a vermiculis suis derelicti pereunt & decidunt. Cratitires vero vermiculis & culicibus referti vigent usque ad Hajum sequentem, quo tempore tertia fructus species pullulare incipit in eadem arbore, quæ alias duas protulit: orni dicuntur, cæterisque crassiores sunt. Cum ad certam crassitiem pervenere, aperto in umbilico vulnerantur a culicibus, qui, cratitiribus desertis, ova sua his in fructibus recondunt. Tandem orni circa Junium & Julium a rusticis Ficuum cultoribus leguntur, eo scilicet tempore, quo ovula culicum jam excludi incipiunt, & Ficuum domesticarum ramis appenduntur. Tunc culices ex ornis exeuntes Ficuum domesticarum fructus vulnerant, suisque vulneribus eorum maturitatem promoveant, quæ quidem intra quadraginta dies perfici solet; sin minus, immaturi exsiccantur, & decidunt.

Ficus sic ad maturitatem provectæ recentes edules sunt, cibumque præbent non injucundum: sed rustici maris Ægei insularum incolæ eas per aliquot dies soli exponere solent, deinde in clibano exsiccare; iisque pro alimento usitatissimo cum pane hordeaceo vescuntur. Attamen Ficubus, quæ in Gallo-Provincia, Italia, & Hispania exsiccantur, multo deteriores sunt; quandoquidem ex clibani calore saporem injucundum contrahant. Igneus tamen calor necessario requiritur ad ovula culicum interrimenda; alioqui hi fructus brevi vermiculis scaterent, & corrumperebantur.

Nec satis admiranda sunt rusticorum labor, & patientia, qui duorum mensium intervallum, & amplius insumunt ad horumculicum nidus, ornos, nempe, quæritandos, & prout maturescunt, legendos, & ex Ficu agresti in Ficuum domesticam transferendos. Verum hæc pœna instructuosa non est: siquidem Ficus domesticæ, quæ apud nos in Gallo-Provincia viginti quinque libras Ficuum vix referunt, sic excultæ, & præparatæ ducentas, & octoginta libras, & amplius referre solent.

Ficus, tum recentes, tum exsiccatæ, cibum præbent usitatissimum, præsertim meridionalibus in regionibus. Recentes, modo maturæ sint a ventriculo facillime digeruntur, & quovis alio horario fructu celerius concoquuntur. Galenus, ut salubrem vitam degeret, ab omni fugaci Pomo se abstinuisse tradit a 28. ætatis anno ad senectutem usque, exceptis exacte maturis Ficubus atque Ulvis. Mediocriter nutriunt, alvum molliunt, pulmonibus, renibus, & vesicæ conducunt, abstergendi facultatem habent, & arenulas deturbant: sed sanguinem valde laudabilem non gignunt. Earum frequentior usus flatum generat, atque jecori, lienique officit, carnem laxam, turgidiusculam & fungosam efficit. Ea cavere debent, qui viscerum obstructionibus sunt obnoxii, illi quoque, qui humidioris sunt alvi. Est autem post Fjcus sumptas, assatim bibendum

dum, ne in ventriculo subsistant aut in intestinis: mora enim putrescunt, & febres putridas accendunt.

Exsiccatæ Ficus seu Caricæ in usum medicum recentibus frequentius adhibentur. Eas pectoris & pulmonum vitiis, asthmati, tussi conducere inter Medicos convenit: mellei nempe, quo turgent, succi ope, alvum & faciliorem reddunt: & ad excretionem irritant, præsertim ante alios cibos præsumptæ: spissiores qui pectori inhærent, humiores concoquunt, maturant, & expurgant: renes ab arenulis liberant: vesicæ dolores mitigant: gravidæ, si Ficubus aliquot ante partum diebus vescuntur, facilius parere existimant; eas vero tostas; appropinquante partu, frequentes comedant. Exanthemata seu papulas & sudores provocant, unde in decoctis pro puerorum variolis & morbillis a Medicis quamplurimis præscribuntur. Earundem decoctum in colicis plumbariorum doloribus assatim eporum, a quibusdam multum commendatur: oris ac faucium tumores, & abscessus cito facileque ad suppurationem perducit, sæpius in ore detentum aut gargarizatum. Vis venenis letalibus resistendi a Galeno ipsis tribuitur; & ex his Mithridates insignem illam antidotum paravit, qua se contra venena præservare solebat. Constat autem ex viginti foliis Rutæ, Caricis duabus, & nucibus Juglandibus siccis duabus simul contritis cum grano salis.

Caricarum frequentem usum pediculos generare, præter Galenum, Paulus Ægineta, Oribasius, & recentiorum quamplurimi sibi persuasum habent. Observat tamen Athenæus, l. 2. *Deipnosoph.* Anchimolium, & Moschum Philosophos & Rhetores in Elide huic morbo non fuisse obnoxios, licet per totam vitam aquam bibere, & Ficubus tantum vesci soliti fuerint. Addit tamen illorum sudorem adeo graviter oluisse, ut eos in balneis omnes aversarentur; unde Simon Paulli monet illos qui hircum subalarem olent, ut a Ficuum esu sese abstineant. Bilem vero fermentant & rarefaciunt, unde bilefcere dicuntur sicut mel, saccharum, & cætera dulcia: quapropter biliosis minime conveniunt; & in febribus a bile exortis, aut in hepatis aut lienis inflammationibus vitandæ sunt.

Præscribuntur n. v. vel vj. pro liquoris singulis libris ad decocta pectoralia: Cavendum ne Caricæ aut alii fructus supradicti nimia quantitate userpentur in decoctis; ne viscidiora facta & spissiora, ventriculū gravent, nec facile urinarias vias permeent.

℞. Liquiritiæ exsiccatæ, rasæ, & contusæ ℥j. Caricæ n. xij. Coquantur in aquæ communis ℔j. ad medias. Percoletur liquor, & fiat Julap. rochlearim exhibendum in tussi vehemente, ad humorum acrimoniām demulcendam, & expectorationem promovendam.

℞. Ficuum pinguium ℥ij. Contusæ macerentur in Sp. vini ℔ss. per diem integrum. Tincturam exprime & accende ad Syrupi consistentiam. Per cochlearia exhibeat in tussi, raucedine, & asthma.

℞. Caricæ duas tresve Macerentur per noctem in aqua vitæ. Astmaticis mane comedendæ exhibeantur.

℞. Foliis. Hyssopi, M. j. Caricæ n. vj. Bulliant in aq. limpid. ℔ij. ad medias. Coletur decoctum in asthmatis paroxysmo calide exhibendum.

℞. Oris mund. & lotæ ℔ss. Ficus pingues & Dactylos enucleatos alia n. vj.

n. vij. Jujubas, Sebestena ana n. xij. Passular. ab acinis purgatar. Zvj. Folior. Pulmonar. Capilli Vener. ana M. j. Flor. Papaver. rhead. & Tussilaginis ana pug. j. Glycyrrhizæ exsiccatæ, rala, & contusæ Zss. Bulliant in aq. comm. ℥vj. ad tertiæ partis consumptionem; & coletur decoctum pectorale.

24. Raturæ C. C. 3℔. Caricas ping. n. vj. Semin. Aquileg. Fœniculi ana Zij. Fiat decoctum (i. a. in f. q. aq. comm. per cyathos calide exhibendum, ad variolarum & morbillorum eruptionem adjuvandum.

25. Ficus pingues exsiccatas n. xij. Minutim concisæ macerentur calide per horas duas tresve in lactis ℔j. Deinde bulliant leviter, & decoctum percolatum servetur pro gargarismo in faucium & tonsillarum inflammatione.

Caricæ externe admotæ sub cataplasmati forma, vel torrefactæ, vel in lacte coctæ, tumores vel coquunt vel discutiunt, abscessusque maturant & rumpunt: cum fermento & sale tritæ, bubones pestilentiales ad supurationem brevi perducunt. Eadem torrefactæ gingivarum tubercula maturant: Si vero hæmorrhoidibus dolentibus admoveant, dolorem cito sedant.

ARTICULUS SEXTUS.

De Myrobalanis.

MYrobalani, Offic. fructus sunt inter se diversi, exsiccati, exotici, veteribus Græcis incogniti, ab Arabibus in usum medicum advocati, & ex Græcis recentioribus soli Actuarius noti. Illi autem distinguendi sunt a Myrobalano *Plinii*, quod Glans unguentaria seu Nux. Ben in officinis hodie dicitur, & a Dioscoride *Balanos* nuncupatur, de qua sup. loco agemus.

Avicenna & Serapio Myrobalanorum quatuor species recensent, quas *Helilegi* nominant; flavas seu citrinæ, nigras seu Indicas, Chebulas, & Sinas. Citrinæ & nigras ejusdem generis existimabant, maturitatis ratione inter se diversas tantummodo; rati nempe immaturas flavas esse, nigras vero maturas, quæ Indicæ quoque ratione coloris dicebantur. Ac vero quæ Seni aut Sinicæ vocabantur, nunquam prorsus ignotæ sunt, nisi easdem cum Emblicis esse velis, ut Garzias putat. Bellricæ vero & Emblicæ inter Myrobalanos ab iisdem non annumerantur; de his enim Serapio & Avicenna seorsim agunt. Posterior ætas hosce ambo fructus Myrobalanorum numero adjunxit, prætermisissimam vero Sinicis, utpote ignotis, Recentiores ergo quinque Myrobalanorum species constituerunt, quæ adhuc in officinis reperiuntur, & in usum medicum usurpantur; scilicet Citrinæ seu flavæ, Indicæ sive nigræ, Chebulæ, Bellricæ, & Emblicæ; quæ quidem species quinque non ejusdem arboris, ut quidam existimaverunt, sed diversarum plane arborum fructus, ex Indiis orientalibus afferuntur.

Myrobalani Citrinæ, Off. Myrobalani teretes citrini bilem purgantes,

res, C. B. P. 445. Helilegi Azafar, *Arabum*: *μυροβάλανος ξηρός*, *Aſuarii*: vulgo *Myrobalani citrini*. Fructus sunt exsiccati, oblongo-rotundi, turbinati, quindecim lineas longi, novem lati, utrinque obtusi, coloris flavescantis seu citrini. Quinque ut plurimum striis majoribus distinguuntur cum totidem minoribus intermediis, & includunt sub cortice glutinoso & veluti gummoso, sesquilineam crasso, amaro, austero, & subacri, officium dilutioris coloris, angulosum, oblongum, & scrobiculis quasi excavatum, cujus nucleus corneus aut candidus membrana tenuissima fulva obducitur. Eligendi sunt graves, recentes, & gummosi. Cortex tantum seu caro exsiccata in usum solummodo venit: nucleus lignosus ut plurimum rejicitur. Nascuntur in arbore, Pruni sylvestris magnitudine, foliis per conjugationes Fraxini aut Sorbi modo dispositis; quæ Myrobalanifera Sorbi foliis. *Joſſon Dendrol.* Nullam hujus arboris accuratam habemus descriptionem.

Myrobalani Chebulæ, *Off.* Myrobalani maximi, oblongi, angulosi, piceam purgantes, C. B. P. 445. Helilegi Kebuli, *Arabum*: *μυροβάλανος χυβάλος* *Aſuarii*: vulgo *Myrobalani chebules*. Fructus sunt exsiccati, citrini similes, majores, magisque turbinati, in quinque similitur costas elevati, rugosi, colore foris obscuriore, & ad fuscum inclinante, intus ex rufo nigricante, sapore consimili, pulpa crassiore, cui putamen subest angulosum, crassum, cavernosum ut citrinorum, nucleum continens pinguem, oblongum, & eodem sapore præditum. Eligantur recentes, magni, pleni, non valde rugosi, graves, cortice seu carne lenta & fractu contumace.

Arbos quæ hos fructus profert, folia gerit simplicia, non conjugata, & Persicæ similia. Dicitur Myrobalanifera Persicæ folio, *Joſſon Dendrol.* cujus nulla descriptio. Aliam arborem sub Myrobalani Chebuli nomine Joannes Veslingius, *Annotationibus in librum P. Alpini de Plantis Egypti*, describit in urbe Cayro excultam, sed ab illa proflus diversam; siquidem folia profert bina communi petiolo insidentia & conjuncta, subrotunda & obtuse acuminata, a Persicæ foliis proflus discrepantia, & cujus rami spinis armantur longis, peracutis, firmis. An genuina sit Myrobalani Chebulæ arbor, pronuntiare non ausim.

Myrobalani Indicæ seu nigræ, *Off.* Myrobalani nigræ octangulares; C. B. P. 445. Myrobalani Indæ, nigræ, sine nucleis, J. B. T. 1. 24. Helilegi Aſuad, *Arabum*: *μυροβάλανος Ινδικός* *Δαμασκήνιος* *Aſuarii*: Gallice *Myroballans Indiens ou noirs*. Sunt fructus exsiccati, citrini minores, novem lineas oblongi, quatuor aut quinque lineas lati, rugosi potius, quam striati; utrinque obtusi, foris nigri, intus bituminis aut picis instar splendentes, solidi, sulco tamen inani intus excavati, unde fructus immaturi potius videntur, quam perfecti; quandoquidem illa cavitas ad nucleum excipiendum destinata videatur, & revera nuclei rudimentum in nonnullis observetur: sapore donantur subacido, acerbis; acerbis, amaricantis cum acredine obscura; dentibus adhærent & salivam expriment. Cum his permixti aliquando inveniuntur in officinis alii fructus angulosi magis, & paulo majores nucleo donati, qui eadem Indicæ Myrobalani videntur esse, sed ad maturitatem provectæ. Eligendæ sunt recentes, nigræ, graves, carne dura, firma, densa.

Eas

Eas profert arbor, Pruni sylvestris magnitudine, quæ folia gerit Salici similia. Dicitur Myrobalanifera Salicis folio, *Jonston. Dendrol.*

Myrobalani Belliricæ, Off. Myrobalani rotundæ Belliricæ, C. B. P. 445. Belilegi *Arabum*, μυροβαλανι βελερικα *Aduarii*: Gallice *Myrobalans Bellirica*. Fructus subrotundi sunt, nonnihil angulosi, Nucis moschatæ forma, & quodammodo colore, ad flavedinem paulo vergentes, unciam pene longi, decem circiter lineas lati, in pediculum crassiores Ficus instar desinentes, cortice amaro, auctero, & adstringente, lineam crasso ac molliore, sub quo latet ossiculum dilutius, in cujus cavitate continetur nucleus Avellanæ nucleo similis, ex rotundo acuminatus, & mucronatus. Eligantur recentes, cortice denso, & carne minus solida Chebulis aut citrinis.

Arbor quæ Myrobalanus Lauri folio subcinericeo, *Jonston. Dendrol.* foliis est Lauri, sed pallidioribus, eaque Pruni sylvestris magnitudine.

Myrobalani Emblicæ, Off. Myrobalani Emblicæ, C. B. P. 445. Myrobalani Emblicæ in segmentis nucleum habentes, angulosæ, J. B. T. 1. 206. Amlegi, vel Emlegi, *Arabum*: μυροβαλανι εμπλικικα vel εμπλικα *Aduarii*: vulgo *Myrobalans Emblica*. Fructus sunt exsiccati, sphaerici ferme, sex angulis distincti, e cinereo nigricantes, diametri semijuncialis, etiam si majores quandoque occurrant: continent sub pericarpio carnoso in sex partes per maturitatem dehiscente ossiculum leve, albidum, Avellanæ magnitudine, angulosum, in tres cellulas distinctum, & quod per maturitatem in tres partes dehiscit. Ut plurimum carnis seu pericarpii segmenta exsiccata afferuntur, nigricantia, saporis aciduli, austeri, cum acredine quadam obscura. Eligendæ sunt Emblicæ recentiores, carnosiores, crassiores, ponderosiores.

Arbor quæ Myrobalanifera foliis minutim incis, *Jonston. Dendrol.* non solum cæterarum proceritatem superat, sed foliorum etiam forma ab iis longe differt: hæc enim minutim inciduntur, & parum longa sunt. Nulla accuratior ejus descriptio reperitur. Samuel Dale, in sua *Pharmacologia*, existimat, arborem esse Nilicamaram, *Horti Malabarici vol. 1. descriptam*. Rajus vero esse arborem Tani, *Ejusdem Horti Malabarici vol. 4. descriptam* suspicatur. Sed de his nobis non plane constat.

Indi his utuntur Myrobalanis ad depfanda coria, & atramentum conficiendum: iidem quoque vescuntur muria conditis, appetentiæ excitandæ causa.

Omnes Myrobalanorum species in Indiis orientalibus nascuntur, Bengala nempe, Cambaya, Malabara.

Aqua in qua Myrobalani maceratæ fuerunt, chartæ cæruleæ colorem purpureum affert, propter salem essentialem acidum.

Myrobalani omnes analysi Chymica sulphuris copiam non mediocrem præbent, multumque liquoris acidi, salis vero fixi paululum cum abundante terra permixtum. Præterea aqua, in qua Myrobalani macerata fuerunt, chartam subcæruleam purpuream efficit: unde concludendum Myrobalanos vim suam adstringentem obtinere a sale quodam essentiali aluminoso, oleosis partibus mediocriter involuto; quod etiam sapore adstringente confirmatur.

Myrobalani a Medicis fere omnibus recensentur inter ea medicamenta.

quæ alvum citra noxam solvunt. Nam etsi purgandi facultate polleant, nulla tamen virium imbecillitate aut molestia lumentes afficiunt, sed sua adstrictione viscera roborant, quin etiam universum corpus. Eamobrem in alvi profluvio, & dysenteria, ubi simul purgatione, & adstrictione opus est, commendantur, & specificè prosunt. Iisdem insuper intrinsecantur medicamenta omnia, quæ deieciendo laborem inferunt, quo sit ut utiliter admisceantur Scammonio, & aliis purgantibus valentioribus. Id tantum illis noxæ adscribitur, quod obstructions, & viscerum infarctus augeant: proinde ne obstructis exhibeantur, præcipiunt.

Omnes simul præscribuntur anatica dosi ad ℥j. vel ℥ss. in infuso, vel decocto leviori: in substantia vero ad ℥iij. vel ℥iv. sed raro. Minime enim in substantia purgare asserunt, sed vehementer adstringere. Infusum blande purgat absque multa adstrictione: Decoctum magis purgat, & adstringit simul. Earumdem tostorum pulvis potentius adstringit, & nullo modo purgat.

Præterea utiles sunt ad dentes vacillantes firmandos, earum decocto os sæpius colluendq. Felicitèr præscribuntur in affectibus oculorum, & in ventriculi, hepatis, & viscerum atonia, ad eorum fibras nimis laxatas roborandas, & restituendas. Ibi vero a Mesue tantopere commendatur, ut dicat ab earum usu senectutem remorari, & corpus floridum, & juvenile servari.

℥. Myrobalanor. citrinar. pulveratar. ℥j. Rhei pulverati ℥ss. Syrap. de Cichorio comp. q. s. M. Fiat bolus ad purgandum in alvi fluxu.

℥. Myrobalanorum citrinarum tostorum, & pulveratar. ℥j. Nucis moschatae ℥ss. Laudani Opiati gr. ss. Conserv. Rosar. rubrar. q. s. M. F. bolus adstringens in alvi fluxu.

℥. Quinque Myrobalanorum crassiuscule contritarum ana ℥j. Rhabarbari ℥j. Macerentur in aquæ calentis ℥vj. per sex horas. Fiat colatura, cui adde Syrupi Rosar. pallidar. ℥j. Fiat porio purgans in alvi fluxu.

℥. Quinque Myrobalanor. crassiuscule pulveratar. ana ℥ij. Rosar. rubrar. ℥ij. Macerentur in aq. comm. ℥ij. supra cineres calidos. Fiat colatura, cui adde Syrup. Berberis vel Granatorum ℥j. Hauriat æger per cyathos in alvi fluxu, & hæmorrhagiis.

℥. Myrobalanor. citrinar. contusar. ℥ij. Macerentur in aquar. Rosar. & Plantagin. ana ℥iij. Fiat colatura pro collyrio in ophthalmia incipiente.

Myrobalani usurpantur in Confectione Hamech, Pilulis aggregativis, Pilulis lucis, Pilulis sine quibus, & Pilulis tartareis *Quercetani*.

Post recensitas Myrobalanorum species, de fructu exotico mentionem facere non dubitavi, qui sæpe cum Myrobalanis citrinis reperitur, quique Samuelis Dale videtur esse ipsa Myrobalanus citrina abortiva, & alterata propter ejusmodi insecti animalis puncturam.

Dicitur Faba Bengalensis, Myrobalani species a nonnullis credita, Samuelis Dale, *Raii Dendrolog.* 134. Faba Bengalensis, *Anglorum*. Est excrescentia densa, rugosa, rotunda, compressa, cava umbilici in modum, unciam circiter lata, foris fusca, intus nigricans, saporis stypticæ & adstringentis, odoris nullius.

Doctor Marloe Medicus Anglus primus, inquit Samuel Dale, exoticum hocce medicamentum orbi literato ejusque usum publicavit sub ænigmatico nomine Fabæ Bengalensis. Unde nonnulli fructum ex Bengala, *Clusi exoticor. lib. 2. cap. 14.* esse opinati sunt: alii Myrobalani quamdam speciem; alii denique florem Myrobalani citrinæ, quia sæpe inter fructus illos invenitur. Sed Sam. Dale existimat esse excrementum quamdam ex punctura insecti alicujus excitatam, aut potius ipsum Myrobalani citrinæ fructum vulneratum, qui venenati hujusce ictus occasione monstruosam hanc formam assumit. Pruni sæpe observantur hujusmodi ictu ab insecto quodam inflicto formam naturalem amisisse, & cavos intus fieri absque ullo officulo.

Ille fructus fortiter adstringit, & ad omnes hæmorrhagias, præsertim ad hæmoptysim sistendam summe utilis, sanguinem modice incrassans, venarum, & arteriarum oscula constringens, & rupturas consolidans, humores acres, & erodentes contemperans.

ARTICULUS SEPTIMUS.

De Colocynthide.

Colocynthis, & Pulpa Colocynthidos, Off. *κολοκυνθίς, Dioscoridis, & Galeni, σικυώμη & σικυωμή: αράγγιον, Hippocratis: Haanthal, Arabum: Kandel, Serapionis: Fel terræ, & Nex plantarum, Quorundam: vulgo, Coloquinte, ou Pommes de Coloquinte.* Fructus est sphaericus, pugni circiter vel Mali Aurantii magnitudine, cujus pulpa exsiccata fungosa, quasi cellularis, & foliolis membranaceis composita, arida, candida, lævissima ad nos affertur, exempto cortice flavescente, sapore intense amaro, acri, nauseoso, fauces lædens, cum immerfis seminibus parvis, compressis, duris, albis vel rufescentibus, Cucumerinorum magnitudine, verum rotundioribus, tumidioribus, durioribus. Ex Alepo affertur.

Eligenda est hæc medulla candida, arida, rara, lævis, & intenso amare prædita.

Planta, quæ dicitur Colocynthis fructu rotundo minor, C. B. P. 313. per terram spargitur flagellis asperis striatis: folia per intervalla profert singularia, pediculis longis hærentia, aspera, incana, & hirsuta, Citrulli divisura, sed minora, & ad quorum alas nascuntur pediculi tortiles. Flores luteolis campaniformes, patentes, in quinque partes dissecti: ex his alii steriles sunt, nulli embryoni adhærescentes: alii sæcundi seu insidentes calyci, embryonive, qui deinde abit in fructum sphaericum, pugno æqualem, primum colore viridi herbaceo, & ubi ad perfectam maturitatem pervenerit, flavescens, odore virosi, gustu amarissimum, qui sub cortice tenui coriaceo includit medullam candidam, fungosam, & quasi membranaceam, in tres partes divisam, quæ singulæ bina comprehendunt localamenta, in quibus semina reperiuntur Cucumerinis similia, verum rotundiora, tumidiora, & duriora, nucleum album, oleosum, dulcem includentia. Nascitur in insulis maris Ægei, & ora maritima orientali.

Analysi Chymica, ex pulpæ Colocynthis a seminibus separata ℥ij. ꝑvij. prodierunt phlegmatis limpidi, insipidi, & inodori ℥ix. ꝑviij. quod tamen salis alcali urinosi nonnihil continebat, siquidem Sublimati corrosivi solutionem turbidam & leviter lactescentem effecerit: liquoris empyreumatici, subusti, tum acidi, tum urinosi ℥iij. ꝑiij. Spiritus urinosi ℥ij. ꝑviij. olei fetidi, amari, acris ℥iij. gr. xij. Massæ nigrae carbonis instar in retorta residua, & gustu prorsus insipida pondus erat ℥x. ꝑiij. quæ per horas octo igne reverberii calcinata ℥iij. ꝑviij. tantum pendebat. Ex ea per lixivium extractæ fuerunt ℥iij. gr. lx. salis mere alcalini & caustici, qui ex Sublimati corrosivi solutione pulverem croceum intensum præcipitavit. Jactura partium in distillatione fuit circiter ℥vij. ꝑj. in calcinatione vero ℥vj. ꝑj.

Principia, quæ in hac Colocynthis analysi manifesta se præbent, inter se mixta compositum resinoso-gummosum constituunt: scilicet sal alcali qui in Colocynthide luxuriat, cum olei acris portione compingitur in massæ gummosæ consistentiam, dum alia olei portio mediocris cum acido sale paucior quidem in resinam facessit. Et ex his cum terra condensatis compositum exurgit resinoso gummosum acre & quod variis experimentis a D. Boulduc R. Sc. Acad. Socio Chymico in Colocynthide tentatis confirmatur, *Commentariis ejusdem Academi. anni 1701.*

Ex pulpæ Colocynthis ꝑvij. Extracti gummosi fere ℥iij. obtinuit; ex eadem vero pulpæ quantitate, ope sp. vini, Extracti resinosi ℥ß. Spiritus vini pulpæ diutius in aqua fervente macerata affusus, & ejus gummeæ substantia separata fuerat, nullam ex tinctura extraxit. E contra vero ex pulpæ in spiritu vini macerata, & ejus tinctura resinosa abstracta fuerat, Extractum gummosum ope aquæ adhuc elicium fuit a ℥ij. Colocynthis decoctum per distillationem, aquam limpidam, inodoram & insipidam præbuit, nullâ virtute cathartica donatum: Sed cum pulpæ Colocynthis dis in multi ℥vj. infusæ ℥iij. per duodecim dies fermentatæ fuerint, liquor fermentatus in distillatione præbuit primum liquoris spirituosus, odori & amari gustu ꝑvij. deinde liquoris minus amari portiones quasdam, postea phlegma mere insipidum. Denique humor in alambice residuus rite percolatus; & evaporatus ad extracti solidi consistentiam, ℥iijß. massæ reliquit; quod quidem extractum non ex sola Colocynthide, sed ex sapæ portione non mediocri productum fuit.

Liquoris spirituosus ℥j. viro robusto propinata nauseas & molesta ventris tormina abque ulla ventris vacatione excitavit. Eiusdem spiritus ℥ij. vehementer purgaverunt cum ventris torsionibus: Extracti vero gr. x. absque ulla vi, aut intestinorum corrosione, alvum blande subdlexerunt. Extractum autem resinolum per partem purgat, sed violentissimos ventris cruciatus suscitavit: gummosum vero alvum mitius & copiosius movet, vehementius tamen quam extractum pulpæ fermentatæ supra recensitum.

Tandem si pulpæ Colocynthis ℥ij. exemplis seminibus bulliat in aq. limpidâ ℥xij. per sex vel octo horas, & fiat colatura cum forti expressione; tum massæ residua nova affundatur aqua eadem quantitate, bulliantque simul per horas duodecim, & fiat colatura; ac tandem tertio bulliat pulpæ residua

dua cum aqua lbviij. per horas 14. ac percolatur decoctum cum forti expressione : quæ retinebunt in colatorio fœces , vix quartam libræ partem æquabunt pondere . Decoctiones vero simul mixtæ & ad medias evaporatæ , deinde refrigeratæ , concreſcent in maſſam mucilaginoſam glutinis inſtar , firmam ac denſam ; quæ tandem ulterius evaporata in extractum ſolidum exſiccatur , oleo quodam eſſentiali aromatico irrorandum , quod pro genuino & præſtantiffimo extracto Colocynthis ſervari poſteſt , & blande purgatiſſa gr. iij. ad xv. valet .

Ex his omnibus concludere licet duplex inſeſſe in Colocynthide partium genus , a quibus hujus mixti viſ cathartica poſſimum pendet , oleoſarum nempe & ſalinarum acrium . Quæ quidem principia non in ſola Colocynthide , ſed etiam in aliis medicamentis purgantibus valentioribus obſervare licet , in Tabaco , ex gr. Elleboro , &c. Hæc enim medicamenta oleo acerrimo pollent , cujus proprium eſt nervos irritare & vehementer convellere . Si enim ex gr. olei Tabaci guttula vel minima in animalis vulnus inferatur , convulſiones ſtatim patitur per totum corpus , & brevi convulſum moritur . Nec in ſalis purgantibus fortioribus hoc oleum acre & nervis inſenſum deprehenditur ; ſed amara quamplurima ex vegetabilium familia nervis inſeſta deprehenduntur , & quorundam animalium , avium præſertim , nervos tanta vi aggrediuntur , & convellunt , ut iis mortem inferant , ut ex Vveſperi obſervationibus *Tractatu de Cicuta aquatica* ſatis patet . Horum autem mixtorum amarities ab oleo acri poſſimum pendet , ut eorum analyſis teſtatur .

Itaque ab oleoſis hiſce particulis catharticoſum valentiorum actio poſſimum pendet . Ab iis enim nervoſæ inteſtinoſum membranæ , cæteroſumque viſcerum nervi vehementer ſuccutiuntur . Unde fortius compreſſæ omnium viſcerum glandulæ , humores propter ſuam ſpiſſitudinem in illis ſtagnantes exprimunt & ad inteſtina propellunt . Ad illud quoque non parum conſert alterum catharticoſum principium , ſcilicet particulæ ſalinæ acres , tum fixæ , tum volatiles , quæ in illis deprehenduntur : quippe quæ vaſorum oſtiola ſubeuntes , vaſa peragranſes , cum ſuccis permixcentur , eos ſolvunt , & colliquant , quin etiam sæpe totam maſſam languineam nonnihil laxant . Hinc uberius ſeroſorum humorum affluxus ex toto corpore ad inteſtina jam oleoſis partibus ſtimulata : hinc copioſæ illæ per alvum evacuationes poſt catharticum exhibitum .

Verum oleoſæ illæ partes majori copia per acidos ſales in concretum reſinoſum coactæ , majorem , dum expanduntur in membranas nerveas , iritationem iis inferunt : inde inteſtinoſum torſiones aut ſpaſmodico motus , quos quidem nullæ aut parcioreſ ſequuntur alvi dejectiones ob humorum lentorem . Contra vero ſales acres , qui majorem gummoſi concreti partem conſtituunt cum paucioribus oleoſis particulis , & maxime expansis conjuncti , non tam nervoſas membranas irritant , quam ſuccos , quibuſcum permixcentur , ſolvunt , ac fluxiliores efficiunt . Attamen cum sæpe ſtimulo indigeant reſinoſi ad inteſtina torpentia excitanda , & ſolutos humores hac irratione valentius excernendos : ea propter medicamina purgantia officio ſuo feliciter funguntur , ſi reſinoſæ partes a gummoſis non ſecernantur , quam ſi eorum concretorum alterutrum ſeorſim exhiberetur .

Illæ partes oleosæ amaræ, & nervis infestæ quæ magna copia in Colocynthide deprehenduntur, sive in resinam cum acidis salibus sint condensatæ, sive a salibus acribus in gummosam substantiam expansæ, sive ab his salibus distillationis ope secretæ fuerint, sive rariores factæ, & fermentationis ope in spiritum æthereum conversæ, subtiliatæ sint; suam semper indolem retinent, amarorem nempe, & nervos irritandi virtutem, ut superius observavimus.

Colocynthis medicamentum est Medicinæ cœvum, Hippocrati, Dioscoridi, Galeno, Plinio, Græcis tandem, & Arabibus notissimum. Purgans est valentissimum, & violentissimum. Ab omnibus Medicis commendatur ad humores crassos ac lentos vacuandos; pituitosos potissimum, quos ex distantissimis, & reconditis partibus educere opinantur. Paulus Ægineta scribit Colocynthidem non tam sanguinem, quam nervos purgare. Illius usus prædicatur in morbis inveteratis, & contumacibus, quos neque Agaricum neque Turpethum solverit; in affectibus nervorum, articularum, viscerum obstructionibus, in cephalalgia, hemiscrania inveterata, apoplexia, epilepsia, vertigine, asthma, dyspnœa, morbis articularibus frigidis, dolore ischiadico, dolore colico flatulento, hydropse, lepra, scabie, denique ubi malo nodo malus cuneus quærendus est, inquit C. Hoffmann. Non enim curamus graves morbos, quia numquam expeditur nos a lenientibus, inquit idem post Massarium. Præter ejus vim catharticam Medici nonnulli specificam quandam, & mere alterantem qualitatem in ea agnovisse videntur; cum eam in primis Scribonius Largus laudet ad menses movendos, ad lumborum dolorem, & ad comitiales morbos; & Helmontrius vocet Colocynthidem chronico rum morborum curatricem egregiam, ob vim resolutivam.

De Colocynthidis qualitate delecteria aut saltem periculosissima Medici quoque inter se conveniunt. Vehementer enim ventriculum, viscera, corpusque totum conturbat, nervos lædit, & nonnumquam vehementer concutit, venas aperit, & sanguinem elicit, intestina corrodit, & gravibus torsionibus excruciat. Quocirca nonnulli hocce medicamentum tanquam viroissimum, & tantum non mortem ipsam, ut ait C. Hoffmannus, ex foro medico procul ablegandum esse suadere volunt. Sed ab his dissentit Simon. Paulli, qui eos tanquam meticulosiores condemnat; quandoquidem multi magnæ quidem in Medicina auctoritatis viri, secuti veterum vestigia, in morbis curatu contumacibus felici successu eam usurpaverint. Et revera hæc pharmaca cathartica potentissima sunt præsidia, modo rite, & opportune adhibeantur: quapropter Symphorianus Campegios junioribus Medicis consultit, ne Colocynthide utantur; solis antiquioribus ejus exhibitionem permittens.

Ejus noxas variis modis emendare temerunt tam veteres, quam recentiori, tam Græci, quam Arabes. 1. Oprime, & accurate hanc pulsam trititando, & in tenuissimum pollinem redigendo. 2. Addendo Tragacanthum, Gummi Arabicum, Mastichen, & alia adstringentia. Sed hæc ut nociva Dodonæus rejicit, qui Colocynthidem aliorum purgantium additione corrigi autumat. Quidam acidos liquores ad ejus vim catharticam temperandam adhibent: alii sales alcalinos, alii fermentationem, & nonnulli putrefactionem. Quidam extracta cum spiritu vini vel

vel cum aqua præparant. Verum enim vero cum Colocynthis, non ad alvum blande tantummodo subducendam, sed ad catharsis potentissime promovendam sæpius usurpetur; præparationes, quibus ejus vis purgatoria nimis debilitatur, prorsus inutiles sunt, ac proinde rejiciendæ. Illæ tantum emendationes admittendæ nobis videntur, quæ ejus substantiam extendere valent; ne ejus particule crassiores intestinorum membranarum alicubi adhærescentes, nimis violentam irritationem, inflammationemque ibi excitarent, aut eam partem eroderent. Sic si fortiter purgare velis, Colocynthis pulpa adhibeatur accurate trita, & divisa, qualis sub trochiscorum forma adhiberi solet; & usa diuturno compertum est nullam ab ea noxam inferri, modo opportune, & debita dosi adhibeatur. Sæpiissime etiam stimuli loco tantum cum aliis purgantibus medicamentis consociatur, & parciore dosi. Si vero non minus efficaci, sed minus vehemente opus sit catharsi; tum decoctum Colocynthis ex aqua, vel vinum in quo eadem infusa fuerit, vel etiam extractum cum aqua paratum, vel extractum ejusdem cum musto fermentatæ feliciter usurpantur. Extracta vero sæpius in usum veniunt quam infusiones vel decoctiones, quæ ob intensum amarorem ægrorum palato sæpe minus arident. Extractum vero cum spiritu vini paratum minus purgat, ut jam diximus, quam ipsa substantia; & longe majores ventris cruciatus gignit.

Dioscorides hanc pulpa proponit ad quatuor obolorum pondus cum aqua multa, melle cocto; Myrrha, & Nitro sub forma boli vel pilularum exhibendam: si vero mitius purgandum sit, aquam multam, vel passum in pomo excavato coctum propinare jubet. Aëtius eandem fere methodum secutus pro minori purgatione Colocynthisdem justæ magnitudinis sumit, & ex ea superne aperta semen eximit: deinde pulpa omni citra semen in ipsa recondita, pomum replet sapa aut vino dulci veteri, & per diem ac noctem macerari sinit: tandem transcolatum per pannum vinum calefactum bibendum exhibet.

Pulpa Colocynthis in substantia per os exhibetur a gr. v. ad ℥j. & quidem tenuissime trita. In decocto vel infuso a ℥ss. ad ℥j. sed raro propter amaritiam: & tunc decoctum vel infusum accurate percolandum est. In decocto pro enemate ad ℥j. vel etiam pro apoplectico ad ℥jss. vel ℥ij. Observandum quoque decoctum pro clysteribus rite percolandum esse, ne quædam supersint Colocynthis ramenta aut membranulæ, quæ intestinorum membranarum adhærentes horrenda excitant symptomata, ut Etmullerus observavit.

Si nimia Colocynthis dosi exhibitæ fuerit, ita ut hypercatharsis aut convulsiones superveniant, vel metuendæ sint; præcaveri possunt vel curari oleo tum affatim epoto, tum in intestina injecto.

Hoc autem Pharmacum morbis acutis raro prodest, nec convenit biliosis naturis, nec præservidis visceribus. Nec puerorum, nec senum, nec prægnantium, (fœtus enim vel supposita enecat,) sed ætate dumtaxat florentium, & robustorum medicamentum est.

Trochisci Colocynthis, vulgo in officinis ab Arabica denominatione Trochisci Alhandal dicti, sic præparantur.

24. Pulpæ Colocynthis albæ, levis, & a seminibus repurgatæ; quantum libuerit. Incidatur forcipe ut decet, postea manibus cum olei Amygdalar. dulcium q. s. fricetur, dein teratur in mortario donec in pulverem tenuissimum redigatur; qui excipiat per s. q. mucilaginis gummi Tragacanthi aqua Rosar. extractæ. Formentur Trochisci parvi, qui in umbra exsiccati, rursus in tenuissimum pollinem redigantur: & cum eadem mucilagine fiant rursus Trochisci, qui siccati tertio pulverizentur, & similiter in Trochiscos formentur ad usum servandos: Dosis a gr. vj. ad 3ß.

Usus apud Pharmacopæos Parisienses invaluit, & quidem laudandus; ut in singulis Compositis Pharmaceuticis ubi Colocynthis desideratur, pro cruda Colocynthide hi Trochisci curiose elaborati substituantur.

24. Pulpæ Colocynthis minutissime concisæ 3ß. Infunde in vini albi 3vj. Macerentur per noctem. Trajiciatur vinum per chartam emporeticam, quo dissolvatur Mann. Calabr. 3j. Fiat potio cathartica.

24. Trochiscor. Alhandal gr. xij. Pulpæ Cais. recens extractæ, & mundatæ 3j. M. F. bolus ex pane azymo devorandus.

24. Trochiscor. Alhandal gr. x. Scammon. gr. vj. El. Diaprum. 3ß. F. bolus.

24. Trochiscor. Alhandal gr. vj. pulver. Jalap. gr. xv. Aquilæ albæ gr. x. Conf. Rosar. q. s. M. F. bolus.

24. Extracti Colocynthis gr. vj. Aloës lotæ 3j. Croci pulver. gr. xv. cum Syr. de Abynthio. M. F. bolus ad menstrua suppressa provocanda.

24. Pulpæ Colocynthis 3ß. Radic. Pyrethri. 3ß. Coque in aq. comm. q. s. ad 3xij. Colaturæ adde vini sibiati 3iij. Salis gemmæ 3j. Fiat enema in affectibus soporosis, & in apoplexia.

Usurpatur Colocynthis in Hyera Diacolocynthidos, Confessione Hammech, Extracto Panchymagogo Crollii, & Hartmanni, Pilulis de Euphorbio, & de Sagapeno Quercetani, Pilulis ex duobus Pharmacop. Londinensis, Pilulis cachecticis Charas, Pilulis de Agarico, aggregativis; polychrestis, cychiis, fœtidis, aureis, mercurialibus, & in Unguento de Artanita.

Tanta purgandi facultas eminet in Colocynthide, ut exterius umbilico admotæ ejus pulpa cum felle bubulo, non solum alvum deiciat, sed vermes in intestinis nidulantes enecet, & expellat: quin etiam odore vel tactu alvum movere dicitur.

ARTICULUS OCTAVUS.

De Cassia solutiva.

Cassia solutiva, Cassia nigra, Siliqua Aegyptiaca, Off. & Cassia fistula, Quorundam: Eiarxamber, Serapionis: Chaiarсандар, Avicenna: *Kasāla māḥana Aḥuārī*, & Græcorum recentiorum. Siliqua est, quæ non debet confundi cum Cassia aromatica veterum Græcorum, quæ Cassia Syriac dicebatur, nunc vero Cinnamomum, neque etiam cum Cassia lignea recentiorum. Hæ enim inter cortices aromaticos; illæ vero inter fructus ca-

catharthicos annumerandæ sunt. Cassia solutiva veteribus Græcis prorsus ignota fuit. Ejus salubrem usum Arabes cum essent experti, omnium primi valde commendaverunt. Fructus est exoticus, seu siliqua teres & cylindracea, cubitalis, unciam circiter crassa, composita ex putamine lignoso, tenui, duriusculo, foris ex spadiceo nigricante, intus flavescente, in varia loculamenta a dissepimentis transversim positis, parallelis, ligneis, tenuibus, interius diviso, & medulla in his inclusa molli, nigra, mellea, subdulci, cum quadam acredine; in qua delitescunt semina oblongo-rotunda, depressa, dura, fulva, nitida. Duplex Cassia solutiva in officinis reperitur: altera Orientalis seu Alexandrina, vel Ægyptiaca, nempe quæ ex Ægypto nobis affertur: altera Occidentalis, quæ scilicet in Americanis insulis excolta, maxima copia & minore pretio huc devehitur. Hæc cortice est crassiore, magis aspero & rugoso; medulla vero acri & nauseosa. Illa vero cortice donatur tenuiore, intensius nigricante; pulpa vero dulci, nec ingrata gustu: quapropter Occidentali antepositur.

Eligendæ sunt Siliquæ ponderosæ, recentes, plenæ, mutæ, id est, quæ succussu agitatæ commotis intus seminibus non resonent; quarum pulpa pinguis sit, nigredine splendens, dulcis, non acerbæ ob immaturitatem, non acensens ob vetustatem, non exsiccata nimis, non nimis humida, non sit obducta: in cellis enim vinariis aut latebris a mercatoribus reponi solet, vel arena operitis; & aqua inspergi, quo plenior ac recentior videatur: sed ibi citissimè acescit, aut situm contrahit.

Medulla in usu sola venit, rejectis acinis & cortice ac dissepimentis lignosis. Quapropter extrahitur ex siliquis, & per setaceum trajicitur; & flos Cassiæ dicitur, vel Cassia mundata nuncupatur.

Arbor, quæ hanc Siliquam gerit, dicitur Cassia fistula Alexandrina, C. B. P. 403. Cassia purgatrix, J. B. T. 1. 416. Cassia nigra, Dodon. Pemptad. 787. Arbor Cassiam solutivam ferens, Bontii: Conna, H. Malabar. T. 1. Quauhayohuatli 2. sive Cassia fistula, Hernandez. Sic autem a R. P. Plumerio, in suo Botanico Americano manuscripto, fol. 7. fol. 103. accurate describitur. Nucibus Juglandibus nostratibus similis sit arbor, si situm ramorum seriemque foliorum spectes; licet cortice tenuiori, politiori, deforis leucophæo, intus vero carneo, truncus ejus vestiatur, Ejusdem autem trunci materies solida, e rufo intus nigricans, albornoque pallido circumdato. Folia fere Nucum nostratum proferunt rami bina scilicet & bina, juxta ramusculos seu costas tenues virentes, pedem & semis circiter longas, & ad exortum tumefcentes. Quinque aut sex foliorum conjugationes ut plurimum unicuique adhærescunt costæ. (Finiri tamen quædam unico singulari folio sæpe contingit.) Singula folia Nucum foliorum colorem fere, soliditatemque obtinent, licet propter costularum tenuitatem paulo magis in superficie uniantur. Formam cuspidis lanceæ referunt etiam, quinque aut quatuor scilicet pollices longa, duos circiter lata, in summitate acuminata, & ad basim rotundata.

Circa eisdem foliorum ramusculos aut costas, ramusculi alii paulo longiores tres aut quatuor simul enascuntur, plurimis opusti floribus jucundo

do sane spectaculo conspiciuntur. Quilibet autem flos pediculo appendet duos pollices circiter longo, calycemque obtinet concavum, quinque foliolis fere ovatis, e viridi lutescentibus, & dimidiæ ungulæ magnitudinem vix superantibus efformatum. Ex illo calyce quinque exoriuntur petala in orbem posita, perpulchre lutescentia, & cochlearis in modum omnino excavata, & cochlearis etiam modo subrotunda. Ex his tamen quinque petalis duo paulo aliis sunt ampliora, singulaque pollicis amplitudinem vix excedunt, costulisque levibus per totum sunt venosa. Ex eodem calyce decem staminula luteo-pallida, & apice luteo singula pollentia exsurgunt, sed varia & inæqualia: quædam scilicet aliis longiora, & aliis breviora: tria tandem adunca sunt, septem vero recta. Inter hæc stamina pistillum prominet vermiculo virenti & adunco simile, quod tandem in siliquam evadit teretem, rectam, paulo minus pollicem crassam, & pedem & semis circiter longam. Lignosa materia, tenui tamen constat jam dicta siliqua; tubusque ligneus proprie inest undique clausus, cuticula indutus e nigro castaneo, minutissimisque rugis transversim exarata, exceptis ventre & dorso, quorum longitudinem percurrit fasciola omnino glabra & unita. Innumeris etiam intus discernitur cellulis ille tubus, quas laminæ tenues, etiam lignosæ, orbiculares & parallelæ efformant; pulpa medullosa, dulci, primum albicante, dein flavescente, tandem per maturitatem nigricante oblitæ. In quolibet cellula semen continetur durum, subrotundum, compressum, fere cordiforme, castaneoque colore delibatum, ac tandem filo tenuissimo ad cellulæ parietes alligato.

Aprili & Majo potissimum floret hæc arbor in Americanis insulis; dumque foret, foliis suis omnino viduatur, ut Amygdalis, Pomis, Persicis, multisque aliis nostratibus arboribus contingere in Europa demiramur.

Ex floribus optima Conserva conficitur leniter purgans, sicut & juniores siliquæ saccharo conditæ.

Americæ proprie indigena non est hæc arbor, sed aliunde translata ex Africa, aut ex Indiis orientalibus. In Ægypto & omnibus fere Indiæ orientalis Provinciis calidis nascitur.

Analysi Chymica, ex lbj. ℥v. ℥iij. pulpæ Cassiæ Alexandrinæ per B. V. distillatæ prodierunt phlegmatis limpidi & fere insipidi, cum exiguo admodum Cassiæ odore ℥vj. ℥v. gr. xij. acidi tamen notas præbuit, Heliotropii tincturam cæruleam in rubrum immutando: deinde phlegmatis prorsus insipidi & inodori ℥j. ℥viij. Massa residua exsiccata & indurata pendebat ℥xxviii. ℥iij. quæ per retortam distillata exhibuit spiritus acidi rufescentis ℥x. ℥iij. spiritus tum acidi, tum urinosi ℥ix. spiritus mere urinosi ℥iij. gr. lx. olei empyreumatici crassioris ℥iij. gr. xlviij. Massa combusta nigra in retorta superstes pendebat ℥x. ℥ij. quæ per 20. horas calcinata; donec nullum amplius fumum emiserit, cineres reliquit ex fusco rubentes ad pondus ℥j. ℥v. ex quibus salis lixiviosi mere alcali fixi ℥vj. cum gr. xij. extractæ fuerunt.

Jacturæ partium avolantium in distillatione per B. V. fuit ℥iij. & gr. xxiiij. In distillatione vero per retortam ℥iij. tandem in calcinatione ℥viij. ℥iij. gr. xxxvj. in flammam & fumum abierunt.

Præ-

Præterea pulpa Cassiæ facile acefcit; eademque pulpa aqua plurima diluta, & per plures menses in dolio æsservata, salem essentiælem cremori Tartari plane similem deponit.

Per hanc analysim patet inesse in pulpa Cassiæ acidum salem volatilem & tenuem, qui primum exit in distillationem, alium vero fixiorem, qui nonnisi igne vehemente cum oleo propellitur: perparum salis urinosi, mediocremque ibi reperiri terræ portionem; ac proinde pulpam Cassiæ vim suâ obtinere a sale quodam essentiali cremori Tartari simili, sed tenuiore, seu terreis particulis minus implicito, & oleosis blandis magis temperato.

Ex omnium fere Medicorum consensu medulla Cassiæ catharticum est benignum & innoxium, omni sexui, ætati, temperiei, gravidis, & puerperis conveniens. Ex hujus medicamenti purgantis aliorumve similium benignitate Arabes ad purgandum audaciores facti sunt, quam Græci veteres, qui vehementioribus catharticiis uti solebant. Utiliter autem præscribitur in febribus ardentibus & inflammatoriis, in affectibus pectoris, renum & vesicæ, & omnibus inflammationibus, tum externis, tum internis, quando purgationi locus datur; iisque succurrit affectibus, quos alia medicamenta purgantia exacerbarent.

Non solum ut catharticum magna dosi exhibetur, sed etiam ut alterans parva dosi & usu diuturno sæpe præscribitur, modo ad alvum durum & siccam emolliendam & subducendam, modo ad humores ad aliquam partem contra naturam affluentes per patentem intestinorum vias utiliter revocandos & expellendos, ut in affectibus quibusdam contumacibus & diuturnis, arthritide, catharro, calculo, hæmorrhoidibus, cephalægiis diuturnis, hemicrania, &c.

Pulpa Cassiæ cum saccharo Cando & Liquiritiâ tanquam arcano uruntur Ægyptii ad renum vesicæque vitia. Ægyptiorum vestigia secuti Monardes & Matthiolus, pro infallibili, ut ajunt, præservativo habent, si Ziij. quotidie tribus horis ante prandium devorentur.

Renibus & vesicæ inter remedia purgantia nullum esse Cassiæ convenientius, præter Mesuen, inculcat Fallopius. Verum non omnes Medici ea de re idem sentiunt; quandoquidem Pigræus & Fabricius Hildanus his partibus infestam Cassiæ statuunt, & Ballonius scribat in *Ephemeridibus* Lithothomos Parisienses observasse inimicissimam esse Cassiæ illis, quibus sectione detractus est calculus. Quotidiana tamen experientia didicimus nihil iisdem a Cassiæ rite exhibita hodie metuendum esse. Revera Fallopius ipse, qui in vesicæ affectibus Cassiæ laudat, ardorem urinæ excipiendum esse monet. Nec dubitandum est quin renum & vesicæ morbis inflammatoriis nimium adhuc vigentibus non secus ac alia omnia purgantia medicamenta quæ hosce morbos exacerbant, utpote ortus vel a spasmodica nervorum aut membranarum diathesi, quam calculorum collisio aut attritus inducit, aut a seri salsugine quæ ureteres ac vesicam moleste vellicando lædit. Sed si aliqua purgandi necessitas sub his morbis occurrat, nullo certe medicamento minus noxio felicius levabitur.

Alia sunt insuper incommoda, quæ Cassiæ exprobrantur. Dissolvit, inquit, tonum ventriculi; tormina parit, & status gignit. Unde nonnul-

li eam humidis ventriculis aut hypochondriaciis & flatulentis minime convenire putant : biliosis quoque , ob dulcedinem , nocivam asserunt . Sed hæc vitia facile corriguntur , si optima seu Alexandrina eligatur , & recens ac bene matura adhibeatur : talis enim nulla tormina ventris suscitabit . Americana vero , quæ sapore minus grata est , tormina quandoque excitat , sicut & Alexandrina immatura & jam præ vetustate accensens . Præterea si humidior sit ventriculus , & nimis laxatus ipsius fibrarum tonus , feliciter cum Rhabarbaro consociatur . Cum medicamentum sit saporis dulcis , tardæque , & ut ajunt , testudineæ operationis ; non mirum , si effervescentiam & intumescientiam nonnumquam concipiat in ventriculo & intestinis , & status gignat : quod quidem vitium vitabitur , si pro Cassiæ substantia ejusdem decoctum percolatum tantummodo exhibeatur , & quidem fervens propinetur ; sic enim neque status generat , neque ructus , minusque moratur in ventriculo & intestinis . Neque etiam est , unde illius usum reformident melancholici & mulieres hystericæ , quasi vaporibus , quos vocant , movendis apta nata esset . Imo Cassia ipsis erit admodum proficua , si cum cremore Tartari misceatur , aut cum Tamarindis decoquatur : iisdem quoque acidis medicamentis temperata , biliosis innoxia fiet . Tandem ejus segnitium utiliter excitant cætera purgantia medicamina acriora , velut Scammonium , Senna , Jalapa , Manna , necnon etiam sibiata Emetica , quæ stimuli loco ei adjunguntur , aut quibus conjungitur Cassia ad eorum vim obtundendam . Sic in pleuritide , peripneumonia , cæterisque affectibus inflammatoriis , quibus emeticorum aut catharticorum exhibitio convenit , maximi est præsidii . Mira quoque præstat in illa dolorosa abdominis tensione , quæ sibiatis præpostere exhibitis interdum succedit ; tuncque pro omni potu , intermediis jusculis , sorbitio ex Cassia feliciter propinatur .

Medullam Cassiæ infantibus recens natis exhibitam , colostrum in intestinis stagnans purgando , eos a variolis immunes facere plures fide digni Medici asserunt . Drachmæ duæ vel tres jusculi vitulini aut feri lactis ℥vj. dissolvuntur , & cochleatim exhibentur intra octo vel duodecim horarum intervallum , antequam manibus admoveantur .

Præscribitur medulla Cassiæ e cannis extracta & per setaceum tracta a ℥ij. ad ℥iſſ. tum ad alvum blande subducendam , tum ad purgandum , vel sola , vel cum aliis medicamentis purgantibus sub forma boli , vel in liquore conveniente diligenter soluta . Decocta vero ab ℥ß. ad ℥iiij. in potionibus propinatur , vel sub enematis forma injicitur .

24. Medullæ Cass. recens extractæ & mundatæ ℥j. Rhei pulverati ℥j. Cremoris Tartari ℥ß. M. F. bolus ex nebulis mane jejuno ventriculo devorandus , superbibendo jusculum ex carne vitulina , ad purgandum . Vel

24. Medullæ e Siliqua Ægyptiaca extract. ℥vj. Pulver. Cornachin. ℥j. F. bolus , superbibendo feri lactis vel ptisanæ cyathum unum . Vel

24. Pulp. Cass. ℥ß. Rhei pulver. ℥j. pulver. Jalap. gr. xij. Aquilæ alb. gr. x. Syr. flor. Persicor. q. s. F. bolus purgans .

undatæ ℥ß. Sacchar. Candi & Glycyrrhizæ pulver. ana ℥ß. Fiat bolus

bolus ineunte prandio vel cœna sumendus ad alvum emolliendam ; ad arthritidem præcavendam , aut lithiasim , & ad catharrosos affectus sanandos.

24. Floris Cassiæ & pulpæ Tamarindor. ana ʒij. M. F. bolus paulo ante pastum exhibendus ad melancholicorum aut hystericarum alvum signiorem aut nimis adstrictam emolliendam & subducendam.

24. Medull. Cass. Alexandr. ʒj. Syr. Violarum , vel Flor. Persicor. ʒj. Dissolv. in feri lactis , vel pisan. pectoral. vel tincturæ folior. Sennæ aut decocti Tamarindor. ʒvj. F. potio.

24. Folior. Sennæ ʒij. Rhabarbari & Tartar. solub. ana ʒj. Macerentur per noctem super cineres calidos in decocti Gram. ʒxij. Tum Mann. Cal. ʒjss. in hac infusione liquecat . Fiat colatura , qua dissolvantur Syr. Rosar. pallidar. ʒj. Medull. Cass. ʒjss. Dividatur liquor in duas doses quatuor horar. intervallo exhibendas , interjecto jusculo , ad catharsum promovendam.

24. Medull. Cass. cum nucleis extractæ ex fistulis ʒj. Mann. Cal. ʒjss. Rhei el. & Salis vegetabilis ana ʒj. Bull. leviter in liquoris convenientis ʒvj. Fiat colatura calide exhibenda tribus horis ante jusculum.

24. Medull. Cass. cum nucl. ʒiij. Mann. Cal. ʒij. Bull. leviter in decocti pectoral. ʒxij. Fiat colatura , qua dissolv. Syr. de pom. comp. ʒj. aut Tartar. stib. gr. vj. Dividatur in duos haustus quatuor horar. intervallo exhibendos , interjecto jusculo.

24. Medull. Cass. extractæ , non mund. ʒiij. Tamarindor. ʒjss. Bull. leviter in feri lactis ʒij. Colatura per cyathos exhibeatur.

24. Pulp. Cass. ʒj. Mell. violati ʒij. Dissolve in decocti emoll. ʒij. F. enema . Vel

24. Medull. Cass. cum nucl. ʒiij. Bull. in feri lactis ʒij. Colatura dissolv. Crystall. mineral. ʒj. Mell. nenuphar. ʒij. Fiat clyster.

Pulpa Cassiæ ad externos usus nonnumquam usurpatur . Recens extracta hæmorrhoidibus externis inflammatis utiliter admovetur sub cataplasmati forma , aut lacte tepido diluta injicitur ad internam inflammationem compescendam . In jecoris inflammationibus & articularibus doloribus externe applicata commendatur .

Usurpatur in Electuario Diacassia dicto , Electuario catholico , lenitivo , Diapruno , de Psyllio , Confectione Hamech.

Alia Cassiæ species in officinis aromatariorum , & in curiosorum musæis deprehenditur , quæ Cassia Brasiliana dicitur . Siliqua est Ægyptiaca multo crassior , nonnihil compressa , durissima , quæ ex Brasilia affertur .

Arbor dicitur Cassia fistula Brasiliana , C. B. P. 403. Tapyracoyana Brasilienfis , Pison. & Marcgrav. Cassia fistula Brasiliana flore incarnato , Brey. Centur. prim. cap. 21. Elegantia & magnitudine insignis est , caudice recto , lævi , ex cinereo albicante , ramis longe lateque luxuriantibus ; quos folia amœnissima vestiunt cylindracea , multa uni costæ dodrantali , brevissimis pedunculis directe sibi opposita , dilute virescentia , lanuginosa , paulatimque semper surrectim stantia ; quorum cujusvis longitudinem subrubicunda permeat costa , & latitudinem

venulæ complures, quæ directæ semper sibi imminentes paribus interstitiis ita disponuntur, ut subrotundis inflexisque extremitatibus proxime folii marginem concinna serie, & ordine concurrant. Flores ex alarum sede originem ducentes, tenerisque suis furculis pene sesquipalmaribus, velut in spicam digesti, uncialibus, lanuginosis, teneris pedicellis appensi, ex capitulis Capparum paribus erumpunt, Cassiæ Alexandrinæ floribus longe minores, quinis etiam petalis, sed incarnati coloris compositi. Horum umbilicum stamina decem occupant, apicibus magnis prædita, & sursum reflexa, quorum inferiora tria superioribus duplo longiora; inter quæ stylus conspicitur semilunaris, longus ac lanuginosus, successu temporis in siliquam evadens. Siliquæ immaturæ quidem colore sunt virides; maturæ nigræ seu fuscæ, deorsum propendentes. Quælibet circiter duos pedes longa, quinque digitos crassa, paulatim incurvata. In uno ejus latere eminentia duplex est, secundum longitudinem; in altero simplex, quasi chorda agglutinata esset sub cortice. Cortex exterius asper est instar corticis exteriori arboris, interior lignosus & albus. Non possunt hi cortices simul frangi, sed malleo concuti debent: siliqua porro intus transversim multas habet distinctiones, quarum quælibet crassitie pennæ anserinæ capit. In quolibet autem cellula nucleus latet magnitudine & figura Amygdalæ, coloris ex albo flavescens, splendens, lævis, durus, per longitudinem linea subrufa in uno latere divisus, nucleum continens album, corneæ substantiæ. Quælibet præterea cellula continet substantiam glabram, glutinosam, brunnam seu subnigram instar Cassiæ solutivæ, sed amari saporis, & ingrati. Pulpa hæc primo ante maturitatem adstringit; ubi vero gradum ulteriorem maturitatis acquisiverit, laxat alvum. Marcgravius illi vim adstringendi tantummodo tribuit, fortasse qui eam immaturam expertus fuerat. At Piso has virtutes contrarias observat; & Lobelius asserit hujus pulpæ unciam unam plus purgare quam uncias duas alterius Cassiæ Egyptiæ: quod etiam C. Baphinus in *Pinnace* annotavit. Insuper doctiss. Tournefortius ejus vim purgantem in Lusitania se expertum fuisse testatur. Male igitur a celeberrimo Jonstono, *Hist. natural. de Arboribus* 384. Cassia fistula non purgans Brasiliensis dicitur.

ARTICULUS NONUS.

De Tamarindis.

Tamarindi, *Off.* Tamarhendi, *Arabum*: *Ἰνδική Ἀβνάρ.* & *Græcorum recentiorum*. Fructus sunt, quorum pulpa seu medullosa substantia lenta, & viscida in massas coacta ad nos assertur, coloris nigricantis, saporis acidi, cum permixtis siliquarum corticibus, & membranis, nervis aut filamentis cartilagineis, necnon etiam seminibus duris, spadiceis, nitidis, majoribus quam Cassiæ solutivæ, & sere quadrangulis depressis.

Eligenda est hæc pulpa recens, pinguis seu lenta, ex rufo nigricans, acida, non exsucca, non Prunorum carne adulterata. Mundatur a membranis,

branis, filamentis & seminibus, antequam in usum adhibeatur. Ex Ægypto & Indiis nobis affertur.

De hoc medicamento apud veteres Græcos nulla mentio habetur. Arabibus *Tamar bendi* dictum fuit, quasi fructus Indicus: vox enim *Tamar* late sumpta fructum omnem significat. Male ergo a quibusdam Arabum interpretibus ille fructus *Palmula Indica* & *Dactylus Indicus* dicitur, cum & fructus & arbor a *Dactylis* & a *Palma* arbore longe discrepent.

Arbor dicitur *Tamarindus*, *Ruii histor.* 1748. *Siliqua Arabica*, quæ *Tamarindus*, *C. B. P.* 403. *Tamarindus Detelside* appellata, *P. Alp. de Pl. Egypt.* 351. *Jutay* five *Tamarindus*, *Pison.* 157. *Tamarindus*, *Mavrogr.* 1071. *Balampulli* five *Maderam-pulli*, *H. Malabar. T.* 1. Ex radice brachiata; late sese spargente, fibrata, & capillata, affurgit hæc arbor ad Juglandis altitudinem, parula & densa. Truncus amplexum duorum hominum nonnunquam æquat: cortice crasso, ex cinereo fusco & hiulco circumvestitur, materia firma, rufescente, brachiis concinno ordine ad latera expansis, in ramos tenuiores se explicantibus. His innascuntur folia alterno ordine disposita ex novem, decem, & quandoque duodecim conjugationibus pinnarum costæ adhærentium composita, nullo sane folio impari claudente, etiamsi folium impar in iconibus *P. Alpini* & *Horti Malabarici* exhibeatur. Pinnæ autem novem circiter lineas longæ sunt, tres vel quatuor latæ, obtusæ, ad basim rotundiores & velut auritæ, tenues, gustu subacidæ, late virentes, inferne & in oris nonnihil villosæ: Flores ex foliorum alis quasi racematim oriuntur tenuibus furculis cohærentes: singuli autem flores ternis petalis constant roseo colore venisque sanguineis perfusis, semipollicem longis, tres aut quatuor lineas latis, & veluti crispis, quorum unum cæteris minus est. Calyx autem crassus & quasi pyriformis quatuor folia subalbida aut rufescentia, deorsum pierumque inflexa, & petalis longiora sustinet. Pistillus e medio petalorum surgit aduncus, tribus tantum staminibus stipatus, & ab it fructum siliquis *Fabarum* similem, magnitudinæ & formæ, tribus aut quatuor protuberantis distinctum, gemino cortice donatum, externo quidem crassiusculo & rufo, & ovi putaminis instar tenuj, ac fragili, interno viridi & tenuiori. Intervallum quod inter illos cortices occurrit, seu diploe, pulpa molli, nigricante, acida, vinosa, & subacri occupatur. Capillamentis plurimis seu fibris in longum a pediculo ad apicem fructus productis, interior cortex semina condit perdura, quadrangula, ferme plana, Lupinorum æmula, depressa, ex fusco splendentia, & macula quadam notata.

Nascitur *Tamarindus* in Ægypto, Arabia, utrisque Indiis, Æthiopia, eaque Africæ parte quæ *Senega* vocatur. Afferuntur ad nos fructus confusi, seu potius pulpa nucleis commixta, quæ *Tamarindorum* nomen venit.

Substantiam quamdam viscidam, acidam, & rufescentem aliquando per ætates calidiores producit hæc arbor; quæ deinde cremorem tartari, tum duritiæ, tum albedine imitatur.

Ex acidissimo, ut ita dicam, *Tamarindorum* sapore patet acidum in illis late dominari: idem confirmat analysi Chymica: vix aliquid alcalici ex illis extrahitur. Sed præter acidum multum olei suppeditant. Ex

Evj. Tamarindorum in aquæ communis *℥viij.* solutorum, post duos menses *℥vj.* salis essentialis ad latera dolioli adhæserunt, multoque major quantitas post plurium mensium intervallum. Nec a cremore tartari differt; saporis enim est acidi, nec nisi in aqua fervente solvitur. Post digestionem aliquot dierum, ex Tamarindis extrahitur spiritus aceto distillato non absimilis: unde liquet, Tamarindos acido & sulphure abundare, sed majori quantitate acidi; contra vero in pulpa Cassiæ sulphur acido copiosius adest.

Turcæ & Arabes æstate longinquum iter suscepturi, (ait Bellonius) Tamarindos coemunt, non medicinæ, sed sitis restinguendæ gratia. Eundem quoque ob finem Tamarindorum siliquas, tum parvas & virides; tum etiam grandiores factas & jam maturas saccharo aut melle condiunt, & secum per Arabiæ deserti iter facientes ferunt.

Tamarindos vi purgante donatos esse uno ore asserunt Arabes; licet quidam hanc illi denegare velint, qui fortasse non justam eorum dosim exhibuerunt. Confitendum est catharticum esse mite, ac blandum. Quod autem paucis purgantibus concessum est, præter alvum solvendi facultatem, quamdam etiam leviter adstringendi potentiam obtinent.

Tamarindi, præter vim purgantem, insigniuntur facultate humorum acrimoniam temperandi, bilis & sanguinis fervorem compeſcendi, febres acutas, ardentes, & pestilenciales, isterumque sanandi, sitim & omnem ventriculi, hepatis, & viscerum ardorem extinguendi, & vomitum sistendi. Illos etiam commendavit usus in hæmorrhoidibus, inflammationibus, hydropæ in inflammatione, diarrhæis biliosis, renum morbis & gonorrhæa; quod probat observatio Fallopii, qui illis hoc in morbo feliciter utebatur.

Non solum per se purgant Tamarindi, sed etiam aliorum purgantium vitia corrigunt. Acreriorum & vehementiorum, qualia sunt Scammonium, Tithymalorum species, Laureola, vis infringitur, eorum enim partes salinæ, acres & oleosæ acido Tamarindorum sale essentiali saturantur, figuntur & minus activæ fiunt. Tardorum vero & dulcium, qualia sunt Cassia, Manna, vis purgandi, eorumque fermentescendi facultas coercetur; quandoquidem acida effervescentiam minus prompte concipiant. Emeticorum ex stibio præparatorum virtus non a Tamarindis coercetur, ut nonnulli autumant, imo augetur: acida etenim ex vegetabilium regno stibiatorum vim emeticam intendunt, cum e contrario eandem acida mineralia minuant aut prorsus extinguant.

Quidam sunt morbi, in quibus specificè commendantur; ut in febris ardentibus & putridis, in scorbuto, in diabete, in verminosis puerorum morbis, in istero. Hoc in morbo simplex medicamentum ex Tamarindis & Cassia cum saccharo ab Indis exhibetur. In scorbuticis affectionibus, tum ad purgandum, tum etiam ad nimiam humorum dissolutionem coercendam, & acrimoniam compeſcendam, utiliter præscribuntur: at vero nocent, sicut acida omnia, tussientibus, ventriculis frigidis, intestinis exculceratis, dysentericis.

Tamarindorum pulpa exhibetur ab acinis, membranis & filamentis purgata, & per setaceum trjecta; sub forma boli, saccharo nebulisve involuta, vel liquore conveniente diluta a *℥ij.* ad *℥j.* infusa vel decocta ad *℥ij.*

24. Tamarindor. mundator. & medullæ Cass. mundatæ ana ꝑß. Rhei pulverati gr. xxx. M. F. bolus purgans.

24. Pulpa Tamarindor. mundator. ꝑß. Scammonii pulver. gr. xij. M. F. bolus.

24. Tamarindor. pinguium ꝑij. Seri lactis ꝑij. Bulliant leviter. Fiat colatura, qua dissolv. Syr. Violar. ꝑij. F. potus per cyathos propinandus; ad sitim extinguendam in febribus ardentibus, & sanguinis aut bilis æstus compescendum.

24. Tamarindor. pinguisum ꝑj. Bulliant leviter in aquæ communis ꝑvj. Hoc decocto maceantur folior. Sennæ ꝑij. Rhei minutim concisi ꝑj. Deinde dissolvatur Mannæ Calabr. ꝑß. F. colatura mane jejuno ventriculo propinanda, ad purgandum.

24. Tamarindor. ꝑij. Medull. Cassiæ cum nucl. ex fistul. extractæ ꝑij. Bulliant leviter in seri lactis ꝑij. Colatura dividatur in duos haustus æquales.

Pulpa Tamarindorum usurpatur in Electuario catholico, El. lenitivo; Diapruno, de Psyllio, Confectione Hamech.

Ægyptii, referente Prosp. Alpino, foliis Tamarindi utuntur ad puerorum vermes necandos: & Medici Indi, restantibus Garzia & Acofta, folia trita partibus corporis erysipelate affectis imponunt.

ARTICULUS DECIMUS.

De Vanilla, seu Araco aromatico.

Vanilla, Vaniglia, & Aracus aromaticus, Off. Gallicæ *Panille*, est siliqua angusta, pene teres, nonnihil compressa, sex circiter uncias longa, quatuor lineas lata, rugosa, rufescens, molliuscula, oleosa, pinguis, fragilis tamen, exterius quasi coriacea; intus pulpa subrufa & seminibus innumeris, minutissimis, nigris & lucidis referta, sapore subacri; pingui, & aromatico prædita, pergratum balsami Peruviani odorem referens. Ex Peruvia & Mexicano regno affertur.

Triplicis speciei Vanilla distinguitur: prima, cujus siliqua crassior, & brevior ab Hispanis *Pompona* vel *Bova* dicta; secunda, cujus siliqua, & tenuior est & longior quæ legitima; tertia, cujus siliqua ex omni parte omnium minima, & *Simarona* seu notha dicitur. An vero species distinctæ sint, an varietates tantum a solo & tempore quo colliguntur, vel ab aliis accidentibus pendentes, adhuc ignoratur.

Prima odore est graviore, sed minus jucundo, quæ hominibus capitis dolores, mulieribus vapores & suffocationes excitat; liquorem continens fluidiorem & semina crassiora, Sinapis fere crassitie. Tertia minus odorata est; parciolem liquorem, paucioraque semina continens.

Secunda, (quæ legitima, sola in usum venit.) Eligenda recens, odorata, molliuscula, non nimis exsiccata aut arida, nec oleo madens, quæ colore sit atro-rubente.

Nec rejiciendæ sunt, quæ salino flore conspersæ deprehendantur, seu spiculis salinis, tenuissimis, floribus Benzoini prorsus similibus: qui quidem flos nihil aliud est præter salem essentialem quo surgent, flos erumpentem, cum tempestate nimis calida advehuntur.

Planta dicitur Volubilis siliquosa Mexicana foliis Plantaginis, *Raii Hist. flor.* 1330. Aracus aromaticus, Tlixochitl, seu flos niger, Mexicanis dictus, *Hernandez* 38. Volubilis herba est, ut ait *Hernandez*, albore conficiens, & amplectens, foliis undecim uncias longis, seu latis, figura Plantaginis, sed pinguioribus, longioribus, & saturatius virentibus, singulis ex utraque parte caulibus alternatim exorientibus, floribus nigricantibus, siliquis longis, angustis, pene teretibus, nigricantibus, fragrantibus.

Huic plantæ ab *Hernande* descriptæ non dissimilis est Vanilla in insula San-Dominicana nascens, quam R. P. *Plumerius* Botanicus Regius in suo Botanico Americado manuscripto accuratissime descripsit.

Vanilla flore viridi & albo, fructu nigrescente, *Plamer. nov. Pl. Amer.* 25. Radices huic plantæ insunt digiti minuti pene crassitie, duos pedes circiter longæ, terræ longè lateque immerse, & pallido rufescentes, teneræ ac succulentæ, quæ caliculis unicis ut plurimum emittunt, altissime Clematitum more super altas arbores conscendentem, easque scandendo superantem. Ipse tandem cauliculus dimidii digiti crassitie obtinet teres est, virens, intus nervulo & humore glutinoso plenus, intervallique tres circiter pollices distantibus nodosus. Ad singulos autem nodos alternatim singularia enascuntur folia cuspidis lanceæ forma, novem aut decem pollices longa, & tres pollices late ubi latissima, quæ glabra existunt, læteque virentia, crassiuscula, nervi loco inferius canaliculata, venisque arcuatis, & internis per totam longitudinem discurrentibus prædita, ac tandem foliorum Scillarum instar mollia, gustuque tantisper acrida.

Cum planta jam multum adoleverit, & superiorum foliorum alis longos depromit ramos alternis etiam foliis instructos, ramosque alios emittentes isstem foliis, sed multo minoribus ad geniculos suos, pollentes: & ex ultimorum foliorum alis singulis ramusculus exoritur semipede paulo longior, variegatulus, ac in unoquoque geniculo flore adornatus elegantissimo, polypetalis, anomalo, sex petalis scilicet constante; quorum quinque similia sunt & in orbem fere posita, oblonga, angusta, convoluta & sinuosa, intus candidissima, de foris vero subviridia; sextum autem, seu nectarium, quod & candidissimum, medietullum occupat, aqualisque in modum convolvitur, germinique oblongo, carnoso, & contorto insidet proboscidi simili. Hæc vero proboscis scrobicula perfoditur satis profunda, antheis duabus veluti quodam cucullo contecta. Singula hæc folia germini insident longo, virenti, tereti, carnoso, qui deinde abit in fructum seu corniculam mollem, carnosam, digiti auricularis fere crassitie, semipede paulo magis longam, per maturitatem nigricantem, ac tandem innumeris minutissimis seminibus nigris scætam. Tam flores quam fructus hujus plantæ in odori sunt. Pluribus in locis insula San-Dominicæ reperitur: Majo floret.

Hanc

Hanc Vanillæ San-Dominicanæ speciem a Mexicana ab Hernande descripta discrepare tantum asserunt colore florum & siliquarum odore : hujus enim flos albus est & subviridis, siliqua inodora; Mexicanæ vero flos niger, siliqua jucunde odorata.

Vanilla colligitur a Septembri exeunte, usque ad finem Decembris : per quindecim vel viginti dies exsiccanda reponitur, ut humor superfluous, vel potius noxius (utpote qui siliquæ putredinem induceret) evaporetur.

Vanilla oleoso resinoso quodam humore donatur, subtili & odorato, qui facile extrahitur ope spiritus vini. Siliqua post tincturæ extractionem inodora & exsucca remanet : Analyti Chymica, plurimum olei essentialis aromatici, liquoris acidi portionem non mediocrem, perparum vero liquoris urinosi & salis fixi continet.

Vanilla ventriculum roborat & calefacit, ciborum concoctionem promovet, flatu discutit, humores crudos concoquit, cerebri affectibus frigidis & catharrôsis confert, memoriam firmat, urinâs & menstrua provocat, partum parat, secundas, mortuumque fœtum expellit. Rarioris tamen est usus in Medicina; frequentissime vero usurpatur in illa compositione quæ Chocolata dicitur, cui gratiam conciliat.

Tanquam specificum habetur apud Anglos, ad melancholicos affectus debellandos. Exhibetur in substantia a gr. xij. ad ʒß. infusa vero vel decocta in lacte, sero lactis, vino, aqua, vel alio liquore conveniente ad ʒij. Attamen nimia dosi & usu immoderato sumpta sanguinem accendit.

ARTICULUS UNDECIMUS.

De Cardamomo, ejusque speciebus.

Nulla res est fortasse in re Pharmaceutica magis litigata quam Cardamomi notitia. Græci & Arabes, veteres, & neoterici diversimode ea de re sentire videntur. Græci unum tantum Cardamomi genus constituerunt; Plinius quatuor genera facit. Dioscorides Cardamomum non describit, sed duntaxat quibus in locis nascatur optimum; qualeque illud sit, docet. Inter Arabes etiam Avicenna duo Cardamomi genera distinguit, alterum Cacula vel Cacule, alterum Cordumeni: huic eisdem vires quas Dioscorides Cardomomo tribuit, assignat. De Cacula duplex facit genus, majus, & minus. Præterea agit de Helbua seu Hilbua, & de Chairbua, quas voces Cardamomum quoque significare nonnulli existimant, aut saltem Meleguettam. Serapio Cardamomum Cacule dicit, cujus duæ sunt apud eum species, altera quæ major est, Hil aut Heil vocetur; altera, minor nempe, Hilbane aut Hilbave, aut Hilbua. Græci omnes recentiores Καρδαμύμω vocant, quod Arabibus Cacula dicitur, & Nicolaus Myrepsus: post Arabes similiter καρδαμύμω μεγάλη καὶ μικρή omnibus fere locis meminit.

Eo igitur questio redit, an Cardamomum nostrum & Græcorum recentiorum idem sit cum Cardamomo veterum?

Cum nullas Dioscorides notas proponat, ex Galeno & Paulo Ægineta id culci debet. Quod si ergo ea perpendamus quæ Galenus, *Lib. 2. de Antidotis*, in compositione Zenonis habet, *καρδάμωμον τὸν μέγαν, ἡρόδιον, καὶ ἐντερίον* is, Cardamomi absque folliculis, partis interioris, & in verbis *Damocratis* Cardamomum semen esse, quod sit inclusum folliculo: dein si color albicans ex Ægineta addatur, tum ex Dioscoride, quod eligendum sit plenum, frangenti contumax, (dum adhuc in folliculo est) deo clusum, quod odore caput feriat, gustu acre sit & amarum; hæc si cum nostro conferantur minore Cardamomo, omnes in eo notæ apparebunt, licet nonnulli afferant vero nos Cardamomo carere.

Verum Dioscorides, & Serapio fructus integros seu utriculos granis refertos, ut olim afferiebantur, describere, sicut etiam hodie ut plurimum afferuntur. Seminibus vero utebantur tantummodo, rejectis folliculis; cum Græci, ut videre est apud Galenum, *Lib. 7. de compositione Medicam. secundum locos*, & in Confessione Pamphyli *καρδάμωμον ἐξεντερίον*, Cardamomum exenteratum, & aliquando *καὶ ἐντερίον* in anteriorem partem, & *καρδάμωμον γὰρ ἀνδρομάχου* Cardamomum deglabium requirant. Præterea idem Galenus in *Theriaca Andromachi, Lib. 1. de Antidotis*, & *Lib. 1. de Theriaca ad Pisonem*, Indæum Cardamomum exposulat, seu in India natum, unde etiam nobis adhuc advehitur.

Matthiolus tria Cardamomi genera proponit, quæ adhuc hodie in officinis præstant; scilicet Cardamomum majus, Cardamomum medium, & Cardamomum minus.

Cardamomum majus *Matthioli*, fructus Longouze, *Steph. de Flacourt, Histor. insule Madagascar*: Fructus est exsiccatus; oblongus, Ficum magnitudine, & figura a ferme referens, cum umbilico in summitate lato, & circulari, in medio tripartito; includens sub involucri tenui, membranaceo, tenaci, lento, fibroso, rugis nonnullis secundum longitudinem striato, coloris fusci vel subrubri, semina copiosa in tria locula menta distributa, inæqualia, nitida, subrubra, multis intercostatis membranis, quibus ipsa semina conteguntur, quæ Melegettas appellare quidam, quod Milium Indicum referant, Italici Melegam appellatum, inquit Matthiol. saporis acuti, aromatici, ad Camphoram, Lavandulam, & Thymum accedentis, odoris jucundi & suavis: quod factum est ut Grana Paradisi a quibusdam vocentur.

Matthiolus existimat Meleguetam, *Off.* esse hujus Cardamomi semen, quod ex folliculis extractum magna copia nobis affertur. Verum Cordus longe aliter sentit: errare enim pronunciat eos, qui dicunt Melligettam majus Cardamomum esse. Cardamomis enim, inquit, tenuis minimeque fervens, sed gratus ac jucundus est sapor; Melligetta vero; Piperis instar, acerrimus. Et ipsa non parva gustu deprehenditur differentia inter Meleguetæ semen gustu acerrimum urenique, & Cardamomorum semina quæ minus acria sunt, & magis aromatica, ad Lavandulam & Camphoram accedentia. Quoniam tamen Melligettæ fructus seu utriculi, ipso consistente Cordo, magnam figuræ cum majore Cardamome similitudinem habeant, qui ovi plerumque magnitudine conspiciuntur, & granis onusti sunt, Cardamomi instar, indico Meleguet-

guetta fructum ad majoris Cardamomi genus referendum censemus ; qui a genuino Cardamomo sic distinguendus foret : Cardamomum majus semine piperato.

Meleguetta autem , Maniguetta *Offic.* Grana Paradisi *Quorundam* : Mellegetta seu Cardamomum piperatum *Cordi* . Semen est nitidum , angulosum , Piper minus , superficie rufum seu spadiceum , intrus candidum , gustu acre , fervidum , & urens ut Piper Zingiber , quibus odore etiam non dissimile est . Magna copia huc affertur , & Piperis vires implet in ciborum condimentis : nonnulli etiam in compositionibus Pharmaceuticis illud Cardamomis perperam substituunt . Nascitur in Africa , insula Madagascar , & Indiis orientalibus , unde a Baravis advehitur .

Quenam sit planta quæ majus Cardamomum producat , adhuc nos latet . Ejus folia in *C. B. prodromo* sic describuntur . Crassa sunt , uncias quatuor longa , tres lata , per quorum longitudinem costa elata fertur , a qua fibræ plurimæ per transversum abeunt , ut in Caryophyllorum foliis , cum quibus maximam similitudinem habent : folii pediculus sapore est aromatico , ipsis granis correspondente .

Fructus recens Cardamomi majoris , referente Stephano de Flacourt , cortice donatur coloris rubri , vividi & rutilantis , carne vero intrus alba , saporis acidi , non ingrati , semine subrubro vel nigrescente .

Cardamomum medium *Mutiboli* : Cardamomum majus *Bontii* . Fructus est seu folliculus oblongus , unciam aut sesquiunciam longus , gracilis , triquetrus , striatus , retulo in summitate cacumine , coloris cinerei , fractu contumax , in tres cellulas distinctus , in quibus semina numerosa reconduntur , membranis tenuissimis candidis obvoluta , oblonga , pressa , angulosa , canaliculo quodam altera parte divisa , pluribus transversim intersectantibus lineis , colore ex albo rufescente , substantia alba , sapore acri , aromatico . Hæc Cardamomi species raro ad nos venit .

Planta quæ hunc fructum profert , similis est ei , quæ Cardamomum minus gerit , mox describenda . Ab illa tantum in eo differt , quod sic excelsior , foliis majoribus , & flores fasciculatim in cacumine gerat ; altera vero surculos singulares floridos & squamatos emittat e radice . Flores albi sunt cum purpureo limbo .

Cardamomum minus *Mutiboli* : Cardamomum veterum *Græcorum* : Cardamomum simpliciter in officinis dictum , *C. B. P.* 414 . Fructus est exsiccatus , sep siliqua membranacea , brevis , quinque circiter lineas longa , trigona , ad pediculum acutior , obtusa in extremo , dilute rufescens , striata , cortice constans multo tenuiore quam medii Cardamomi , tribus suis angulis per maturitatem dehiscens , in tria loculamenta ut plurimum distincta opæ tenuium membranarum quæ facile lacerantur : in singulis loculamentis continentur geminæ serie semina angulosa , rugosa , e flavo rubentia , intrus candida ; sapore acri , amaricante , aromatico , & quasi camphorato . Plures silliquæ tenuibus pediculis , tum peculiaribus , tum communibus racemorum instar , conjunctæ nonnumquam reperiuntur : unde liquet , hosce fructus racematim in planta nasci . Ex Indiis Orientalibus afferuntur .

Quæ-

Quedam sunt Cardamoni species supradictæ similes, sed minores, quæ quidem cum illa promiscue afferuntur, utpote ex eadem planta enatæ, & fortasse abortivæ, aut ex aliis plantis similibus; sed magnitudine solummodo diversis, quale est Cardamomum minimum, C. B. P.

Planta cui Cardamomum minus innascitur, a Jacobo Bontio, sed breviter admodum, describitur, longe accuratius vero in *Horti Malabarici* *pass. 11.* Eadem planta a doctiss. viro Paulo Hermans sub eodem genere cum Curcuma, Bangala, Galanga, Zedoaria, Zingibere, redocitur; ac proinde ad Cannacori genus, I. R. H. revocari posset. Dicitur Eleitari; *Horti Malabar. 11. 9.*

Radix est oblonga, unciam aut sesquiunciam crassa, geniculata, tortuosa, albicans: ex lateribus innumeras fibrosas emittit radículas, quibus veluti pedibus late proserpit. Caules, qui e radice emergunt, rotundi, glabri, virentes, latum ferme pollicem suo emetuntur diametro: stipite simplici, instar Arundinis cujus texturam æmulantur, surgentes ad duodecim circiter pedum altitudinem, albicante vappidaque medulla lignosis filamentis instructa sarkî, foliorum basi quæ superioribus radicum geniculis innititur, theciformibus suis involucris insistent. Folia magna, quatuor scilicet spithamas longa, quatuor uncias lata, viridia, parallelis, exilibusque venis striata, cum costa media in adversa parte viridi dilata, in obversa viridiora; odore & sapore forti, subacri, aromatico. Præter caulem arundinaceum, ex radicum geniculis sub terra delitescentibus plurimæ prodeunt gemmæ cuspidatæ, viridescentes, quæ in furculos sesquispithamam longos excresecunt; suntque illi succincti, geniculati, in articulis gaudentes foliaceis vel membranceis integumentis: quæ sicca ex albo rufescunt, & e commissuris laterales simplicesque pedunculos erant, qui sub foliosis capsiformibusque tegumentis (quibus artæ vestiuntur) florum fructuumque germina recludunt. Flores uni fructuifero racemo, vel radicali furculo plures, plerumque tres quatuorve ejusdem oblongis foliolis veluti capsulis involuti primum apparent: hoc autem aperto involacro, tetrapetalus visui sese offert flos, cujus tria petala magnitudine conveniunt, oblongo-angusta, viridi-albicantia, membranosa, quartum, quod prioribus ex adverso jacet, tenui stylo lingulaque donatur, paulo latius ac minus oblongum est, interius strium, & viride: lingula oblongo-angusta est, crassiuscula, interiore facie, quæ intimo foliolo ex adverso opponitur accumbitve, sulco striata, in supremo apice bifida, dilute rubescens, suoque sulco exilem candicantem stylum, qui in tenue planumque desinit capitulum, recipit. Floris vigore cessante, complicantur petala fructuum apicibus perpetim insidentia, calyxque in fructum intumescit, qui ubi adoleverit, in orbem distenditur, convolutis florum foliis etiamnum comatus. Fructus radicalibus fructipromisque racemis appendens, qui uvis & forma & sapore haud perperam assimilatur; orbiculati enim sunt & grate subacidi, viridi, crassiusculo, carnoso, aqueoque cortice obducti, stiris admodum tenuibus juxta longitudinem perrecti: in tres dividuntur loculos, cancellatum distinctos, ita ut quodlibet intersepimentum in sui medio membranacea fibrilla biseccetur.

fic-

seque seminum conceptacula efficiuntur. Semina triangularia, aromatica, rufa, sex ordinibus disposita, pressis planisque lateribus fructus insident, & medio stylo trigono, cui mediante membranaceo septo affiguntur, cuspidibus suis adhærescunt.

Fructus maturi debito tempore lecti in aprico exsiccantur solo, ubi cortex qui primo crassus est viridisque, extenuatur, & ex truso albescit; suntque ipsissimum Cardamomum.

Tres hujus plantæ species distinguuntur in *Horto Malabarico*, sola fructus figura inter se diversæ; quarum prima quæ plane rotundos & albicantes profert fructus, pro Amomo racemoso officinarum a plurimis habetur. Nonnullæ sunt tamen ea de re dubitandi rationes, quas articulo de Amomo exponam. Cæteris duobus antepositur ob ejus præstantiam. Secunda species oblongior est; tertia plane acuminata. Prima in locis montanis supra Coehim & Calicut triginta circiter a mari milliaribus nascitur; posteriores duæ circa Cananor, aliæque Indiarum inveniuntur loca. Declivia montium, valles, umbrosa & cœnosa amant loca sola, solis admodum impatientes.

Ex Sina Cardamomi species allatas vidimus *Tsaoukou* dictas apud Sineses, Cardamomo minore longe majores & rotundiores, quæ fortasse prima in *Horto Malabarico* species est: aut saltem inde concludere licet plurimas esse Cardamomi etiam minoris species ab Amomo diversas.

Cardamomum in ciborum condimentis, præsertim carniurn & piscium elixorum apud Malaïos in summo usu est.

Oleo essentiali aromatico pollent Cardamomi species, quod aqua macearæ & postea distillatæ copiosum præbent.

Cardamomum minus magis usitatum est in officinis: grana potissimum usurpantur, exempto cortice sen utriculo. Eligendum est recens, foris pallidum, ocellusum, semine plenum rufè, odorato, acri, aromatico, non cariolo.

Ciborum concoctionem juvat, ventriculum & cerebrum roborat, urinas movet, menîtrua provocat: ad apoplexiam & vertiginem præcavendam a nonnullis commendatur.

Dosis in substantia a ℥ss. ad ℥j. infusum vero ad ℥ss.

Usurpatur in Theriaca, Mithridatio, Benedictæ laxativa, EleQuario Diastaryrio, Tabellis magnanimitatis, & Aceto Theriacali.

ARTICULUS DECIMUS-SECUNDUS.

De Amomo racemoso.

A Momum racemosam, Off. *Αμύμον* Dioscoridis & Galeni: Βοτρυον *Ἀνδρομάχης*: Βοτρυς *Ἀμύμονος* Damoccratis: Amomum *Phnii*: Hamemîs aut Hamama *Arabum*: Gallice *Amome*. Fructus est siccus, racematim congestus, membranaceus, capsularis, seminibus refertus, quem veteribus Græcis cognitum fuisse facile comprobatur ex ejus comparatione cum dioscoridea descriptione Amomi. Ejus autem notitia injuria temporum deperdita fuerat; donec Amomi uva, quæ per aliquot sæcula latuerat, de-

denuo in lucem prodierit opera cujusdam Cechinni Martinelli Veronensis Pharmacopœi, affirmante Nicolao Maronea vel Marogna. Mirum sane quam diversæ de hoc Amomo fuerint herbariorum vel peritiorum, qui in hujus fructus inquisitione insudarunt, sententiæ. Cordus enim Rosam Hyerichuntinam vulgo dictam, C. B. P. pro Amomo habet: Quatrammus Rhoem mythifoliam Belgicam, C. B. Anguillara Piper racemosum caudatum ex Guinea, C. B. Clusius Amomum spurium foliosum, C. B. Garcias ab horto Pedis columbini speciem quandam: alii Botrym ambrosioidem vulgarem, C. B. alii Siton, quod Amomum officinis nostris, C. B. P. alii Piper oblongum nigrum, C. B. P. alii Cubebas vulgares, C. B. alii Caryophyllum aromaticum fructu rotundo, C. B. Amomum verum antiquorum esse existimaverunt; quorum sententiæ a Nicolao Maronea, in eradito suo de Amomo Commentario, non immerito refelluntur, in quo etiam solide demonstrat verum esse ac legitimum Amomum a se descriptum.

Fructus ille parvus est racemus, constans decem aut duodecim ad summum acinis seu folliculis membranaceis, fibrosis, fragilibus, sese strictim comprimentibus, absque pediculis ex uno sarmento enatis. Racemus suæ stinet sarmentum lignosum, fibrosum, teres, pollicari longitudine, odoratum, acre, foliis confertim exornatum, tum pusillis squamarum serie distributis qua parte folliculorum est expers, tum longioribus foliis senis singulos folliculos calycis instar ambientibus. Ex longioribus foliis tria quidem constant longitudine semiunciali, tria vero paulo breviora sunt: eadem folia tenuia sunt, fibrosa, acris, odorata, suis cacuminibus sæpe contracta, raro integra, ut vix extra Amomi acinos eminent; quod evenire credendam est, quia in longissimo itinere mutuo attritu foliorum summitates confringuntur. Acinorum crassitudo & figura orbicularis existit, qualis mediocriis uvei acini, Donantur folliculi Amomi exiguo capitulo seu potius papilla exigua in apice, & ornantur externis tenuissimis filamentis, seu nervis quasi lineis, per longitudinem ductis; ternis etiam præditi sunt parvis sulcis; totidemque intercedentibus exiguis eminentiis, quæ triplicem internorum seminum seriem circumscribunt. Singulos folliculos replent tres seminum phalanges tenui membrana ab invicem sejunctæ; unaquæque autem phalanx pluribus constat seminibus angulosis, eadem tenui membrana involutis, adeoque strictim sibi cohærentibus, ut trium dumtaxat seminum longiorum speciem præbeant. Racemi totius & ligni color idem spectatur, in aliquo pallidus; in alio candidus; in alio vero ex pallido ad subrufum vergens; sed in candido folliculo semina insunt plerumque evanida, in subruffo semina solidiora & perfectiora frequentissime observantur. Seminibus angulosis color externus ex rufo nigricans adest, internus albus. Semina interna eadem solida sunt quidem, sed frangibilia, non fractu contumacia ut Cardamomi semina. Racemo odor inest fragrans, vulgarem Lavandulam quodammodo redolens, suavior tamen; in seminibus vero a folliculo exemptis major odoris acrimonia. Eadem ratione & racemus & nuda semina acri sapore sunt prædita; sed in racemo hebetatur acrimonia, in nudis seminibus vehementior percipitur, quæ Camphoræ quodammodo sapit.

Planta, quæ hunc fructum profert, a nullo describitur. Quidam existimant esse Eletrari primum in *Horto Malabarico* descriptum. Verum magnam inter & Amonium racemosum differentiam observare licet; siquidem Cardamomi seu Eletrari fructus floris petalis videtur suppositus, ac proinde floris calyceem fuisse: e contra vero Amomiuvæ infra floris petala vel calycis folia continentur, & proinde ex floris pistillo oriuntur. Merito igitur concludere licet Cardamomum, & Amomum diversa plantarum genera constituere. Præterea; ut jam dixi, Cardamomi acini racemo ramoso adhærent singuli singulis pedunculis innixi, Amomi vero uvæ uno & communi pediculo immediate annectuntur.

Georgius Camelli in *Artibus philosophicis Londinensibus* quamdam plantam in Insulis Philippinis nascentem proponit, sub nomine *Tugus*, pro Amomo legitimo *Serapionis*; sed tam parum accurata est ejus descriptio, ut merito dubitare possimus, utrum verum sit Amomum, racemosum, an potius quædam alia Cardamomi species.

Amomum oleo essentiali aromatico tenui, & volatili copioso donantur, quod in distillatione effundit, si aqua prius maceratum fuerit. Hoc oleo aromatico venenis resistit, humores crassos attenuat, sanguinis morum auget, spiritus torpentes excitat, fibrarum oscillationem restituit, ciborum concoctionem, juvat, urinas, menses, & diaphoresim promover.

Ulsurpatur in Theriaca *Andromachi senioris*, & in Benedicte laxativa.

Præcipuus usus Amomi apud veteres erat ad unguenta conficienda.

ARTICULUS DECIMUS-TERTIUS.

De Cubebis.

DE Cubebis inter auctores magna est concertatio. Quidam asserunt veteribus Græcis cognitas fuisse; & esse *καρπύσιον Galeni*, Piper rotundum *Theophrasti*, Piper *Hippocratis* simpliciter dictum, & *Oxy-myrsinem Dioscoridis*: alii vero negant. Hermolaus, Ruellius, Fuchsius, & alii Avicennæ, Serapionis, & Actuarii auctoritatibus innixi, fructus, qui vulgo Cubebæ vocantur, legitimum esse, Carpesium *Galenii* affirmant; siquidem Serapio, quod Galenus de Carpesio refert, sub Cubebæ nomine traducat, & insuper in Cubebarum historia tradiderit iis, quicquid Dioscorides de Rusco scriptum reliquit. In eadem fere sententia Avicenna versatur, qui Cubebas Carpesium appellat, quemadmodum, & Actuarius, qui eas & Barbaris *καρβύβας* vocari ait. Unde concludi potest aut Galeni Carpesium & Arabum Cubebas nulla ex parte differre, aut Arabes graviter allucinari, qui res prorsus diversa confundunt. Præterea Matthiolus dubitat utrum vulgares seplasiariorum Cubebæ eadem sint necne cum Cubebis, de quibus Serapio, Avicenna & Actuarius scripserunt. Observat enim neque Galenum, neque Arabes scripsisse Carpesium vel Cubebas plantæ fructum esse vel semen; imo Galenus Carpesium sic describit: „Sunt autem tenuia sarmenta, Cinnamomi virgultis similia; ipsumque „Phu & odore, & viribus adsimilat, Non ergo fructus erat, sed caulis vel radix sarmentosa, a nostris Cubebis prorsus diversa. Itaque verisimilimum mihi

hi videtur Cubebas nostras veteribus Græcis incognita fuisse; Arabesque a quibus officinæ nostræ Cubebas acceperunt, & a quibus illi fructus adhuc hodie *Cubebe* vel *Quabebe* vocantur nescio quadam ratione ductos, quidquid a Dioscoride de Rusco, & a Galeno de Carpesio ipsis ignoto dictum fuit, suis Cubebis perperam assignavisse. Missa igitur ampliori disquisitione tanquam supervacanea, de Cubebis, quæ in officinis hodie prostant, disseramus.

Cubebæ vulgares *Off. Cubebæ* vel *Quabebe Arabum*: vulgo *Cubebes*. Fructus sunt seu grana exsiccata sphaerica, Piperi similia, interdum paulo majora pediculo longo, tenui donata, cortice e cinereo fusco, rugoso, interdum erugato, extensoque, cum testa tenui, & fragili unicapfulari, semen continente subrotundum, foris nigricans, intus albidum; sapore prædita suavi, acri, aromatico, sed qui piperis acrimoniæ multum cedat, & copiosam salivam elicente.

Cubebarum species duæ afferuntur: aliæ maturæ; aliæ immaturæ ab incolis collectæ. Immaturæ leves, rugosæ, nucleo exiguo flaccido: maturæ æquali superficie, nucleo intus distento; quare illis ponderosiores. Advehuntur Java Indiæ orientalis insula. Præstant recentes, majores ponderosæ.

Planta, quæ Cubebas gerit, sarmentosa est, volubilis, & ad Smilacem asperum accedens: a Paulo Hermannò: *Cynosura materiæ medicæ*, Curane dicitur; a nullo hæcenus descripta.

Cubebæ oleo essentiali aromatico tenui pollent, quod ex iis distillatione copiosum elicitor. Ideo plurimum valent in apoplexia, vertigine, paralyti, oris sœtore, ciborum inappetentiâ; nimis laxatum ventriculi tonum roborant, flatus discutiunt, pituitam lentam, & tenacem ventriculi, cæterorumque viscerum parietibus inhærentem attenuat, cerebri, & uteri frigidis affectibus auxiliantur. Diu cum mastiche manse salivam movent, cerebrum roborant, & catharris medentur, venerem proritant. Cubebarum, inquit Garzias, magnus in vino maceratarum est usus apud Indos, ad excitandam venerem, tum etiam in Java ad excalefaciendum ventriculum. Commendantur quoque ad aphoniam, & raucedinem. Dosis in substantia a granis iij. ad ℥j. Maceratarum in vino vel alio liquore idoneo a ℥j. ad ℥ij.

Usurpantur in Aceto Theriacali, & aliis Compositionibus alexiteriis.

ARTICULUS DECIMUS-QUARTUS.

De Pipere, & speciebus ejus.

Piper *Latinorum*: Πιπρι *Græcorum*: Fulsul, & Fulsel *Arabum*. Species est aromatica, omnibus sæculis, & omnibus terris ad cibaria condienda expetita. Græcis veteribus, Arabibus neotericis cognita fuit, minus usitata. Dioscorides, Galenus, & alii ejus tria genera distinguunt; nigrum, candidum, & longum, quæ eisdem fructus, maturitate tantum inter se diversos, esse existimant. Verum tres illæ species, quæ adhuc in officinis reperiuntur, fructus sunt plantarum diversarum, quas sigillatim considerabimus.

Piper nigrum, *Off. Piper rotundum*, *C. B. P.* 411. Fructus est seu granum exsiccatum, parvum. Pisi minoris magnitudine, rotundum, cortice rugoso, nigro, aut fusco, quo detracto substantia conspicitur duriuscula & compacta; cujus exterior orbita ex viridi flavescit, interior albicat, & scrobiculum in medio vacuum relinquit, sapore acri, & fervido totum os, & fauces adurente. Ex Indiis orientalibus, quæ sub Batavorum ditione sunt, offertur. Eligatur majus, ponderosum, & minus rugosum.

Planta cui fructus ille adnascitur, dicitur Lada, aliis Molanga, sive *Piper aromaticum*, *Pison M. arom.* 180. *Molagorcoddi*, *Horti Malabarici*, v. 7. 23. Ex radice parva, fibrosa, lenta, nigricante, caules emittit farmentosos; plurimos, lentos, flexiles, volubiles, virides, lignosos, Lupuli instar humi procumbentes, nisi pedamentis fulciantur, geniculis pluribus distinctos, qui ad internodia radices agunt, ubi jacent humi. Ad singulos nodos folia oriuntur singularia, alternatim disposita, & opposita, quinquenervia, subrotunda, duas tresve uncias lata, quatuor, & in mucronem desinentia, textura crassiori, firma, supina parte ex viridi fusca, nitentia, prona vero dilute viridia; brevibus, crassis, viridibus, & interius striatis pediculis inixa. Flores racematim congesti unico scapo seu pediculo immediate adhærent monopetali, circa extrema tripartiti: quibus succedunt fructus seu grana nunc majora, nunc minor orbicularia, Pisi minoris magnitudine, viginti, imo triginta simul ipsi scapo sine petiolo peculiari adnexa, initio virentia, ubi maturuerint, rubra, æquali superficie; quorum cortex, dum exsiccantur, nigrescit, & corrugatur. Racemi illi modo ex mediis farmentis, ea nempe parte nodorum, quæ folii pediculo opposita est, modo ex summis dependent: unde est, quod diversitatem sexus agricolæ illis tribuerint, hanc femellam, illam marem appellantes. Semel quotannis floret hæc planta, vel etiam bis, si vegetior est. Quarto mense post flores colligantur fructus: ad maturitatem ducti decerpuntur, folique per septem octove dies exponuntur, a quo tempore cortex nigrescit. Nascitur in Java, Sumatra, & pertoram Malabariam. Colitur per fragmenta ramorum terræ intrusa ad radices arborum, vel appositis pectis, quibus adnascitur more vitis.

Ex Pipere nigro decorticato fit album illud *Piper arte factum*, quod solum nobis hodie offertur. Decorticatio illa fit, Pipere in aqua marina macerato. Maceratione enim cortex exterior niger tumescendo dehiscit; atque ita facillimo negotio album intrus inclusum granum eximitur & exsiccat, quod nigro multo mitius est, & præstantius.

Porro non fructus solum acrimonia donantur, sed tota etiam planta; nam folia tum virentia, tum sicca, farmenta, & radix, dum masticantur, linguam faucesque urunt, & salivam movent.

Piper album, & *Leucopiper*, *Offic. Pipere rotundum album*, *C. B. P.* 413. duplex est: unum nativum, quod rarissime nunc offertur; alterum factitium vulgatissimum, quod nihil aliud est quam *Piper nigrum* ante insolationem decorticatam, ut diximus. Illud autem a nigro non differt nisi colore cineritico vel albicante.

Inter plantam quæ fert Piper nigrum, & eam quæ candidum, nullâ differentiaprehenditur: quemadmodum vitis quæ uvam fert nigram, ab ea quæ candidam, non dignoscitur, nisi dum uvas habent, & illas quidem maturas. Plantæ vero quæ candidum ferunt, rariores sunt, nec nisi certis Malabar, & Malacæ locis rarè quidem nascuntur. Steph. De Flacourt in insulæ Madagascar descriptione, quamdam Piperis albi speciem ibi nasci narrat; sed cum eam non describat, eademne sit cum nostro Pipere planta, an ab eo diversa, asserere non possumus.

Piper longum, & Macropiper, *Off.* Piper longum orientale, *C. B. P.* 412. Fructus est immaturus exsiccatus, unciam aut sesqujunciam longus, nucamentorum Betulaceorum instar, oblongus, teres, cylindraceus, & quasi spiratim oblique striatus, cum tuberculis veluti reticularim positis, intus vero in plures cellulas exiguas, & membranaceas una serie digestas radiatim distinctus, in quibus semen unicum (subrotundum, vix lineam latum, foris nigricans, intus albidum continetur, sapore acri, fervido, amaricante. Pendent autem hi juli ex pediculo gracili, unciali, alteri fini inserto. Eligatur corpulentum, integrum, recens, linguam tarde, sed diu commordens; rejiciatur perforatum, cariosum, vel adulteratum.

Planta dicitur Pimpilium sive Piper longum, *Pison Mantiiff. Arom.* 182. Cattu Tirpali, *Morti Malabar. v. 7. 27.* A Piperis rotundi planta differt caulibus minus lignosis, foliorum petiolis longioribus, foliis etiam longioribus, obscurius viridibus, circa basim incis, textura valde tenui, & molli, & præter costam mediam duobus vel tribus alis nervis tenuioribus, utrinque eminentibus, a basi ad acumen excurrentibus, quorum inferior arcuato ductu nervulos transversos versus marginem emittit. Flosculi sunt monopetali, in quinque vel sex lacinias divisi, ardistissime insidentes fructibus, qui oblongo-rotundi sunt, spiris obliquis parallelis in superficie ex diversis partibus striati, in spirarum intersectionibus veluti parvis, rotundis foliolis, scutiformibus obducti: inter spiras gemmæ apparent, quibus flores infederunt, eminentes, & nigricante puncto notatæ, primo ex viridi flavæ, carne intus ex flavo albicantæ, deinde ex viridi fuscæ, & maturæ siccæque ex cinereo nigricantes. In fructibus transversim dissectis cellulæ videntur radiatim dispositæ, in quibus semina oblonga, & nigricantia continentur. Decerpuntur, & in usum siccantur, antequam maturefcant.

Analysi Chymica ex Piperis nigri ℥iij. per retortam distillatis prodierunt liquoris phlegmatici, Piperis odore, & sapore persuli, sale urinoso aliquantisper imprægnati ℥vii. ℥iijß. liquoris rufescentis, empyreumatici, acris, & subacidi, qui salis tum acidi, tum urinosi notas præbuit ℥xiiij. gran. xvij. spiritus urinosi ℥ij. ℥v. gran. xxiiij. cum salis volatilis urinosi concreti ℥j. olei essentialis limpidi ℥ß. olei crassioris ℥viiij. Massa nigra in retorta superstes pendeat ℥xviiij. ℥v. gran. xvij. quæ per decem horas calcinata, donec nullum amplius fumum emitteret, cinerum leucophæorum ℥ij. ℥vj. gran. xxiij. reliquit; ex quibus salis mere alcali ℥xi ℥j. ℥iij. gran. xij. extracta sunt. Jactura partium in distillatione exhalatarum fuit ℔j. ℥iij. gran. xlvij. calca-

natione vero quantitas materiæ in fumum & flammam abeuntis fuit *xxiij. 3vj. gr. xvij.*

Verum *Piperis nigri* *lvj.* in aqua communi per sex dies maceratur & postea distillatur, tum per refrigeratorium alambicem, tum per retortam, *3ij.* præbuerunt olei essentialis aromatici, tenuis, limpidi, flavescents, *Piperis* odorem spirantis, saporis acris, sed non admodum intensi. Aqua distillata, cui innatabat oleum, *Piperis* odore perfusæ erant & acri sapore imbuta ob salem volatilem urinofolum in ea dissolutum, & Sublimati corrosivi solutionem turbidam & lactescentem efficiebat: grana vero macerata multum de suo sapore perdidierant. Unde liquet *Piper* sale volatili oleoso plurimo turgere, cui potissimum ejus virtutes debentur.

Vulgarissimus est apud omnes populos *Piperis* usus in intinctibus & ciborum condimentis, tum ad appetitum excitandum, tum concoctionem alimenterum perficiendam. Indorum plebs adversus diuturnum stomachi languorem bibit aquam, cui infusa est magna *Piperis* copia. In eundem usum ex *Pipere* recente cum aqua fermentato spiritum mire igneum præparant. *Piper* longum atque rotundum muria aut acero condire solent, & in penum ad usum familiarem mensarumque delicias aservare. Ejus frequens est usus mensibus pluviosis, & in phlegmatica corporis constitutione.

Apud nos frequentior est usus *Piperis nigri*, album vero seu excorticatum ut minus acre a delicatioribus expetitur: longum rarius ad intinctus usurpatur, verum ad Medicos usus reservatur, utpote saporis minus grati & acrioris. Cum *Piper* absolute & sine epithera in formulis præscribitur, semper intelligitur nigrum, alias additur vel album, vel longum.

Eadem facultates in tribus *Piperis* speciebus deprehenduntur: calefaciunt, exsiccant, attenuant, resolvunt, aperiunt; viscerum fibras nimis laxatas firmant, earum oscillationem in visceribus excitant, spiritus recreant, humores lentos & crassos dividunt; sanguinis motum augent, tum circularem, tum fermentativum. Usus *Piperis* præcipuus in frigida & cruditate ventriculi, colicis doloribus, & frigida cerebri intemperie. Quidam asserunt *Piper* pulveratum excalescere, integrum vero refrigerare, sed perperam. Revera pulvis interiori ventriculi tunicae adhærens, & in ejus rugis diu aservatus, in quibusdam constitutionibus ardorem excitat & inflammationem hujus visceris: quod non accidit si grana integra deglutiantur, licet suo effectu salutari non frustrentur. Constat enim *Piper* integrum cum cibis coctum aut maceratum non minus acrimonie illis impertiri quam tritum & tenuissime comminutum. Non igitur *Piper* integrum refrigerat, sed calorem levem in visceribus excitat, & multo minorem quam ejus pulvis.

Vis *Piperis*, annotante post Galenum Schrodero, valde volatilis est, cujus ratio ex analysi satis manifesta fit. Non igitur in medicamentis, quæ longam coctionem exposcunt, nisi sub finem coctionis adhiberi debet, neque etiam in Extractis usurpari.

In febribus intermitentibus a plurimis maxime prædicatur. Grana septem, octo vel novem integra vel crassiuscule contrita aliquot horis ante

paroxysmum sumuntur : imo ipsam quartanam continuato hujus remedii usu profigari asserunt . Quamquam male mulus cesserit hoc remedium , multis tamen profuit , sive quod vomitum provocaverit , vel uberimos sub finem paroxysmi sudores excitaverit . Saltem horrorem febrilem discutit , & eo consilio ante accessionem Allium calidamque aquam cum Piperis laudat C. Celsus , *lib. 3. cap. 12.* Si vero tardius aut paroxysmo jam instante assumantur , Ettmullerus observat febrilem ardorem magis intendi .

Commendatur etiam tanquam alexiterium contra venena coagulantia , vertigines , & catharros . Verum frequentior vel uberior Piperis usus noxius est , cum ventriculum , intestina , cœteraque viscera ad inflammationem disponat , & æstum in sanguine , & humoribus omnibus accendat . Idcirco illius usus naturis calidis & in omnibus viscerum inflammationibus devitandus est . Dosis in substantia a gr. j. ad x. infusi ad ℥j.

Externe præscribitur in apophlegmatismis , gargariis & sternutatoriis , ubi acri , subtili & stimulante remedio opus est pro incidenda lymphæ crassa faucium glandulas infarciende . Sedat odontalgiam denti carioso impositum , columellam tumidam appositum imminuit , punctorum lateris dolorem supra latus dolens statim ineunte morbo impositum . Indici populi Piper longum linimentis addunt , quibus adversus dolores artuum a frigore utuntur . In cephalalgia & dolore capitis contumaci Piper longum pulveratum & sacculo inclusum commendatur , vel suturæ coronali , vel temporibus , vel imæ cervici applicatum .

Oleum Piperis egregium habetur stomachicum in ventriculi frigiditate , vel fibrarum laxitate : prodest in colica flatulenta . Langius tres vel quatuor ejus guttas cum extracto Gentianæ in febribus quartanis ante paroxysmum sæpe scilicet cum successu exhibuit : immanes febrium intermittentium horrores & rigores demulcet , modo spina dorsi vel stomachi regio hoc oleo cum oleo Laurino aut Nucis moschatæ permixto inungantur . Idem linimentum partibus paralyticis plurimum conducit .

℥j. Piperis nigri grana novem integra . Hauriantur ex hauſtu vini duabus horis ante paroxysmum in febribus intermittentibus , purgato prius corpore . Vel

℥j. Piperis nigri crassiuscule triti ℥ss. summitatum Absinthii P. j. Macerentur tepide in Aceti ℥iij. per noctem . Colatura propinetur , ineunte paroxysmo .

℥j. Piper. longi gr. vj. Alumin. pulver. gr. v. M. F. pulvis uvulæ relaxatæ seu tumidæ applicandus .

℥j. Piper. longi , Succini albi ana q. s. Pulverata sacculo includantur ; & suturæ coronali imponantur in frigida capitis intemperie . Vel

℥j. Piperis nigri pulver. q. l. Misce cum albumine ovi . Fiat cataplasma temporibus vel imæ colli vertebrae admovendum , & sæpius repetendum in diuturno capitis dolore .

℥j. Piperis nigri Caryophyll. ana q. s. Pulverata cum albumine ovi miscentur sub cataplasmatibus formæ lateri dolenti applicanda , in dolore lateris punctorio .

24. Macropiperis, Hellebori albi ana ʒj. Majoranæ ʒß. M. F. pulvis sternutatorius ad soporosos excitandos.

24. Piperis nigri, & Macropiperis ana ʒj. Radicis Ari, Pyrethri, Cubebæ. Cardamomi ana ʒij. Sp. volatil. Salis Ammon. ʒij. Sp. vini rectificati ʒvj. Macerentur per octo dies. Tincturæ per inclinationem separatæ adde olei Succini & Lavandulæ ana ʒij. Fiat linimentum, quo membra paralytica foveantur.

Piper nigrum usurpatur in Theriaca *Androm. sen.* Electuar. de baccis Lauri; album in Theriaca, Mithridatio, Diaphœnico, Hiera Diacolocynthidos: longum vero in Theriaca etiam, Mithridatio, Diascordio, & Benedicta laxativa.

Aliud Piperis genus habetur, quod Æthiopicum sive Piper nigrorum & Granum Zelim vocat Serapio: & dicitur Piper Æthiopicum *Matthioli*, Amomum officinar. nonnullarum, & longa Vita *Lobel.* Piper Æthiopicum siliquosum, *J. B.* Sub hoc nomine in officinis quibusdam reperiuntur siliquæ plures ex uno tuberculo pendentes, unciarum duarum, trium, quatuorve longitudine; rotundæ; pennæ anserinæ crassitudine, nigricantes, incurvæ aliquantulum, thorulis pro contentorum seminum numero distinctæ, alioqui etiam rugosæ, fibris longis, lentis, fractuque contumacibus contestæ, quarum interior substantia ex rubro nonnihil est cinerea. Semina distinctis comprehenduntur loculis, (carnoso pariete unumquemque distinguente loculum) ex rotundo oblonga, difficulter e siliqua avellenda, magnitudine minimi phaseoli, foris nigra & nitida, materia duriuscula, rufescente, testura cancellata, favos apum imitata. Sapor tam siliquæ, quam seminum, ad Piperis nigri saporem accedit. Nascitur in Æthiopia, unde nomen invenit apud Arabes. Eo utuntur Æthiopes ad dentium dolores.

Piperis quoque nomine insignitur fructus, seu bacca aromatica quædam ex insula Jamaica aliquot abhinc annis allata, & apud Anglos ad intrinsecus usitatissima, licet a Piperis speciebus supradictis prorsus diversa.

Dicitur Pimenta *Officinarum Anglicarum*: Piper Jamaicense quibusdam *Dale Pharmacol.* 421. Piper odoratum, Jamaicense nostratibus *Raii Hist. flor.* 1507. Cocculi Indici aromatici *Musei Reg. Soc. Lond.* 1218. Amomum quorundam *Clus. Exot.* 171. Amomum quorundam odore Caryophylli *J. B. T.* 2. 194. Caryophyllus aromaticus fructu rotundo, Caryophyllon Plinii, *C. B. P.* 411. Xocoxochitl, sive Piper Tavalci *Hernandez* 30. Piper Chiapæ *Redi*: Piper *Thveti*: vulgo *Poivre de la Jamaïque*, *Poivre de Thvet*, *Amomi*, *Toutes Epices*. Fructus est immaturus, exsiccatus, orbicularis, Piperis grano plerumque major, cortice fusco, rugoso, umbilico seu corolla summo tenus præditus quadripartito, duos continens nucleos nigros, atro-virente membrana rectos, qui intergerino pariete dispescuntur; sapore acriusculo, aromatico, ad Caryophyllos accedente.

Arbor dicitur Myrtus arborea aromatica, foliis Laurinis latioribus & subrotundis, *Sloane catalog. Pl. Jam.* Caryophyllus aromaticus Americanus, Lauri acuminatis foliis, fructu orbiculari, *Plukn. phitograph.* 155. Myrtus arborefcens Citri foliis glabris, fructu racemoso, Caryophylli sapore, *Plumcr. Botanici Americani mss.* Nuces nostras-Europæanas interdum

dum magnitudine superat, si læto pinguique enascantur solo. At quia siccis potissimum gaudet sylvis, arbor sit mediocris magnitudinis. Frondosa est, ramosa, patula: ut plurimum caudice recto & alto assurgit, ligni duri, ponderosi, e rubro primum nigricantis, dein diuturnitate penitus nigri, Ebeni instar, evadentis; quod de meditullio intelligendum: nam multo pollet alburno candicante, corticeque vestitur glaberrimo, tenui, & in laminas quandoque abeunte. Totius arboris aspectus tum propter ramorum dispositionem, tum propter foliorum elegantiam, maxime compositus.

Folia etenim lævore & virore gratissimo spectanda se præbent: binæ semper & opposita enascuntur ad singulos ramorum nodos, diversarum magnitudinum, quorum amplissima quatuor aut quinque vel sex uncias longa sunt, duas, tres quatuorve lata, solæ aut lingule forma donata, solida, glabra, nitentia, sature virentia, venulis vix conspicuis obliquis & parallelis descripta, pediculis uncialibus insidentia: at in ipsis odor & sapor potissimum præstant cum quadam adstrictione & amaritudine non ingrata (Cinnamomum & Caryophyllum aromaticum diceres). Surculorum extrema seu summitates in multos unciam longos pediculos facessunt, toridem flores sustinentes, parvos, ex quinque foliis candidis, subrotundis, concavis, & in orbem positis constantes, ex quorum calyce surgit pistillum acuminatum & staminulis etiam candidis stipatum. Floribus succedunt bæcæ multæ coronatæ seu umbilicatæ, initio parvæ, virescentes, postea per maturitatem bæccis juniperinis majores, nigre, glabræ & splendentes, in quibus continetur pulpa humida, subviridis, acris & aromatica, cum duobus plerumque in medio seminibus amplis, membrana intergerina discretis, globulum una efficientibus, cum utrumque hemisphæricum sit. Hinc Clusius unum ei semen tribuit in duas partes divisibile. In Antillanis insulis nascitur. Hanc arborem in San-Cruciana, San-Dominicana & Granadinis Plumerius observavit. Sed in montosis sylvis insulæ Jamaicæ ubique crescit, præsertim locis septentrionalibus. Ibi, inquit D. Sloane, variat foliis latioribus & angustioribus. quæ an species distinctæ sint, an vero solum varietates, non audeo determinare, cum fructum arboris folio latiore non viderit. Hæc species P. Plumerii ab ea quæ a D. Sloane descripta est, differt folio latiore.

Incolæ arbores nonnullas conscendunt: alias cædunt, dejiciunt; & furculos avellunt fructibus immaturis viridibus onustos, qui postea a virgulis, foliis & bæccis maturis diligenter purgantur, deinde supra pannos extensis solis radiis exponuntur ab ortu ad occasum usque per multos dies, cavendo ne rorem matutinum aut vespertinum bibant: sic siccæ & rugosæ evadunt, & a viridi in colorem fuscum mutatæ mercatui idoneæ fiunt.

Ex optimis quæ in vulgari usu sunt apud Anglos, aromatibus habetur hæc bacca: & a sapore grato plurium specierum simul Omnia Aromata apud Anglos dicitur; Caryophylli enim aromatici, Cinnamomi & Piperis saporem, sed mitiorem refert.

Ille fructus per vesicam distillatus oleum essentiale odore gratum reddit, quod in aqua fundum petit.

In

In ciborum condimentis usurpatur. Ventriculum roborat, ciborum concoctionem juvat, spiritus recreat, & sanguinis morum adauget.

Chirurgi Americani foliis frequenter utuntur in balnei, pro hydropicorum cruribus, & paralyticorum membris fovendis.

ARTICULUS DECIMUS-QUINTUS.

De Caryophyllis aromaticis, Antophyllis, & Caryophyllo regio.

DE Caryophyllis apud Theophrastum, Dioscoridem & Galenum nulla mentio reperitur; tamen Serapio de Caryophyllis agens Galeni auctoritatem asserit, sed perperam. Eorum quidem Plinius videtur meminisse, cum lib. 12. cap. 15. scribat: „Est etiamnum in India Piperis, granis simile; quod vocant Caryophyllon, grandius, fragiliusque“. Sed multa cum ratione peritiores critici dubitant, num sit idem cum nostris Caryophyllis; quandoquidem neque grana sunt, neque Piperis similia; sed potius Caryophyllon Plinii Cubebas officinarum esse suspiciantur.

Paulus Aegineta primus de Caryophyllo loquitur, tum in ciboniis, tum in medicamentis usitato. Nec Arabibus illud aroma ignotum fuit.

Caryophylli aromatici, Off. *Καρυοφύλλον* Pauli *Aegineta*: Carunfel *Sesapinio*; Gallice *Gérofle*, *Clous de Gérofle*. Fructus sunt immaturi, exsiccati; seminiunciam circiter longi, instar clavi, quasi quadranguli, rugosi; ex rubigine nigricantes, quatuor in summo stellatim decussatis apiculis donati, quorum medio capitellum Pisi parvi magnitudine insidet e foliolis squamatim implicatis contextum; quibus patentibus fibræ quamplurimæ apparent rufescentes, & inter has ex cavitate quadrangula stylus restus ejusdem coloris: quod tamen capitellum non in omnibus conspicitur, quippe quod in tanto itinere facile atteratur; saporis acris amaricantis & grati, odoris fragrantissimi.

Probantur Caryophylli nigriores, graviore, pinguiore, fauces pene deurentes, cum odore eximio, oleosam quamdam humiditatem premendo exhibentes.

Arbor dicitur Caryophyllus aromaticus fructu oblongo, C. B. P. 410. Tshinka, *Pisonis Mantis. arom.* 177. Lauri formam & magnitudinem obtinet, caudice sesquipedem crasso, brachiato, valido, cum cortice Oleæ simili. Ramuli patuli sunt, dilute rufescentes, & folia proferunt densa: alternò situ posita, Lauri foliorum forma, palmum longa, sesquiunciam lata, nitida, glabra, utrinque acuta, oris quodammodo sinuosis, pediculo unciali insidentia, qui in nervum medium abit, ex quo exiliores fibræ oblique ad oras producantur. Flores in summis ramulis oriuntur veluti in muscarium digesti, rosacei, tetrapetali, cærulei, fragrantissimi: quodlibet petalum est rotundum, acuminatum, tribus venis candidis distinguitur: horum medium tenet numerosa staminum purpurecentium congeries cum apicibus suis. Calyx florum seminiunciam longus, teres, sesquilineam aut duas lineas crassus, in summo quadripartitus, fuliginosi coloris, saporis acris, jucundi, & valde aromatici, qui marcido flore abit in fructum ovatum seu olivari formæ,

umbilicatum, unicapularem, rubicundo primum colore, postea nigricante, in quo continetur nucleus oblongus, durus, nigricans, sulco in longum ex una parte excavatus. Fructus maturus Antophyllus appellatur in officinis: Indis Mater fructuum dicitur, Gallis *Cleu matrice*, quia in arbore remanens insequente anno sponte cadit;isque, languescens licet vi aromatica, in pretio habetur & plantationi dicatur. Terra enim gremio commissus germinat, atque intra octo vel novem annos justæ magnitudinis arbor facta fructum proferre solet.

Leguntur Caryophylli, florum nempe calyces fructuumque embryones, antequam flores expandantur, a mense scilicet Octobri ad Februarium usque, & quidem leguntur partim manibus, partim arundine longa aut flagellis decutuntur. Decidentes autem excipiuntur vel linteis arboribus substratis, vel solo ipso, a quo messis illius tempore herbam omnem studiosissime rescindere solent. Recens lecti rufi sunt, & leviter nigricantes: nigri vero evadunt insolatione & fumigatione. Nam per aliquot dies cratibus impositi fumo exponuntur, tandem in sole extreme siccantur. Sicque præparati per universum orbem a Batavis transvehuntur.

Nascitur arbor Caryophyllos ferens in insulis Moluccensibus juxta Æquatorem sitis: sed summa cura a Batavis in insula Ternata colitur.

Caryophylli recentes oleum expressione fundunt spissum, rufescens & fragrans: distillatione vero prodit oleum essentielle aromaticum copiosum, primo limpidum, & flavescens, deinde rufescens, grave, quod aquæ fundum petit; tandem oleum empyreumaticum, crassum cum liquore acido. Ex capite mortuo calcinato salis fixi salis nonnihil lixivio elicitor.

Præcipuus Caryophyllorum usus culinaris est: adeo autem expetuntur, & placent, ut sine Caryophyllis dapes fere despiciantur. Omnibus propemodum ferculis, intinctibus, vinis aut spirituosus liquoribus potulentis aromaticis admiscuntur. Inter odoramenta quoque usurpantur.

Medici vim calefaciendi & exsiccandi illis tribuunt. Adversus omnes cerebri frigidos affectus, vertiginem, visus debilitatem, cephalalgiam, lypothymiam, cordis palpitacionem, ventriculi imbecillitatem, impotentiam veneream, mensium suppressionem, hystericos affectus commendantur. Aeris contagio resistunt sive suffimento, sive elu. Dosis in substantia a gr. iij. ad ℥i. in infuso a ℥ss. ad ℥ij. Externe usurpantur in facculis & scutis ventriculo dicatis, tum ad vomitum compescendum, tum ad ventriculi dolores a causa frigida. Quidam pulvere Caryophyllorum caput spargunt contra capitis dolores & gravedines. In ore diu masticati salivam utiliter movent in catarrhis cerebri affectibus, & lingue paralyti.

Ex Caryophyllis oleum essentielle vel per descensum, vel per alambicem distillatur; quod non solum ad eadem valet, sed etiam ad cariem ossium, & odontalgiam. Eo posterior, & ima pars capitis in apoplexia inungitur. Idem oleum gossypio exceptum, & cariolo denti cavo immissum dolorem sedat. Dosis olei intrus sumpti est guttæ unius aut alterius.

℥i. Caryophyllorum ℥ij. Cinnamon ℥i. Nucis moschatæ gr. xv. Sacchari

chari ꝑss. M. F. pulvis stomachicus in cruditatibus, ventriculi flatibus, vomitionibus, ex vino rubro sumendus.

24. Caryophyllorum, Nucis mosch. Cinnamomi ana ꝑss. Macis, seminum Carvi, Fœniculi, summitatum Absynthii ana ꝑss. M. F. pulvis crassus. Sacculo includatur, & vino rubro vel Canarino calido immerfus statim ventriculi regioni admoveatur, ad ciborum concoctionem juvandam, vomitumque sedandum: vel capiti applicetur in catharris & frigida cerebri intemperie.

25. Rad. Angelicæ exsiccatæ ꝑss. Caryophyllor. Nuc. mosch. Macis ana ꝑss. Iridis Florentinæ, florum Lavandulæ ana ꝑss. Styracis calamitæ, Oliban. succini ana ꝑss. Fiat pulvis crassiusculus, qui bombace exceptus, & panno sericeo interlusus, formetur ut arris est pro cucupha, quæ singulis noctibus fumo succini, & mastiches super prunas conjectorum calefacta, super caput gesterur, in affectibus capitis humidis pituitosis, & in doloribus diuturnis catarrhalibus & frigidis.

26. Olei Caryophyllor. gutt. ij. Olei Cinnamom. gutt. viij. Tincturæ Ambriæ gutt. j. Sacchari crystall. in tenuissimum pollinem redacti

ꝑss. M. Pulvis in vase vitreo accurate clauso servetur ad usum. Dosis ꝑss. in vino rubro vel Hispanico soluta, ad ventriculum imbecilem roborandum & ciborum concoctionem juvandam.

27. Olei Caryophyllor. Rosmar. & Salviz ana ꝑss. olei Nucis moschat. per express. & ol. Palmæ ana ꝑss. M. F. linimentum quo inungantur membra paralytica, & catharris affecta; caput in affectibus frigidis pituitosis, & catharris, in hebetudine mentis, & affectionibus soporosis; ventriculi regio in dyspepsia, doloribus flatulentis.

Caryophylli usurpantur in Pulvere contra abortum Charas, Pulvere dysenterico Ejusdem, Electuar. Orvietano Hoffmann. Benedicta laxativa, Opiata Salomonis, Tabellis magnanimitatis: oleum vero in Electuar. Diastatyriz Charas, Balsamo apoplectico Ejusdem, & Balsamo vulnerario Metensium Schroderi.

Anthophylli raro in officinis occurrunt. A Batavis recentes saccharo condiri solent, & in diuturnis maritimis peregrinationibus post pastum comedantur, ad ciborum concoctionem perficiendam, & scorbutum præcavendum.

De alia Caryophylli specie mentio est apud auctores, quæ rarissime in officinis reperitur. Dicitur Caryophyllus ramulosus vel dentatus Job. Bodei a flapel: Caryophyllus spicatus, Indis Tshinka-Popoua Pisonis Mantiss. arom. 179. Caryophyllus regius Pomii mus. 203. Parvæ spicæ species est, magnitudine, colore, odore & sapore Caryophyllum æmulans, non capitata, non stellata, sed ab infima ad supremam parrem quasi secta in multas particulas aut squamulas, & in acutum desinens.

Batavis Caryophyllus regius dicitur, quia Moluccensibus Regulis, & magnatibus ad superstitionem usque in pretio est, non tam ob gustum & fragrantiam, quam ob singularem formam, imo raritatem summam. Hactenus enim ullam præter unam aut alteram arborem negant reperiam, & quidem in sola insula Makian.

Raius & Hermannus has arbores a vulgaribus Caryophylliferis non specie differre putant, sed esse ludentis naturæ producta, & ad monstrosorum vegetabilium ordinem pertinere.

Indi hos Caryophyllos per longitudinem filo trahere solent, ut armillarum loco ob odoris gratiam in brachiis gestentur.

ARTICULUS DECIMUS-SEXTUS.

De Anacardiis.

A Nacardium, Off. *Avaxapdon Pauli Aginetæ & Alnavii*: Balador *Sevrapionis*: vulgo *Anacarde*. Fructus est vel potius nucleus compressus, aviculæ cordis figura, nigricans, splendens, unciam circiter longus, in obtusum mucronem desinens, ex pediculo rugoso totam basin occupante appensus, includens sub duplici involuero corticofo & duro, nucleum albicantem, subdulci Amygdalæ vel Castanæ sapore; & inter involucri duplicaturam in fungosæ cujusdam substantiæ vel dipteros caver-nulis, subnigra melligis saporis aeris & exurentis continetur. Ex Indiis Orientalibus affertur: veteribus Græcis ignotum fuit.

Anacardia deligenda sunt recentia, nigerrima, ponderosa, candidum nucleum & copiosiore a fluidiore liquorem habentia.

(R. P. Georgius Camelli S. J. in Syllabo stirpium in insula Luzone nascentium a J. Raio edito, tres Anacardii arboris species recenset: primum & minimum *Ligas* dictum: alterum, seu medium quod legitimum officinarum Anacardium: tertium quod *Cajou* vel *Acajou* nuncupatur, de quo postea.

Primum seu *Ligas* arbor est mediocris, sylvestris, montana, ejus teneriores apices lac fundunt, quod manibus aut faciei aspersum pruritus primo, mox tumorem causat. Folium spithameum est & majus, atrovirens, asperum & ferme exsuccum. Flores pusilli, candidi, stellati, in summitatibus racematim congesti. Fructus magnitudine Aceris ex croceo rubent, & poma austera sapiunt, quibus ossiculum nigrum, leve, splendicans, atque fructu longius superinsidet; cujus nucleus cum modica adstrictione & levi morificatione, fauces mallicatus castigat.

Alterum seu medium & legitimum Anacardium, Off. Anacardium orientale *Joss. Dendr.* 156. Arbor Indica fructu conoide, cortice pulvinato nucleum unicum nullo ossiculo tectum claudente, *Raii Histog.* 2. 1566. Balador vel Balador *Arabibus*: *Indis* Bibo: Faba de Malaca *Lusitanis*. Arbor est præcella, erecta & speciosa, altitudine 70. crassitie vero 16. circiter pedum mensuram æquans, fluvii gaudens, multifloris ramis cinereis, longe lateque in orbem diffusis donata. Lignum albicans, cortice muniatur cinereo. Radix fibrata, rubicunda, raso cortice testâ, inodora, mucilaginosâ, saporisque subasali. Folia magna, quandoque tricubitalia, oblongo-ovata, brevibus petiolis circa ramos proveniunt, rose modo in summo disposita, crassa, densa, aspera, glabra, nitentia, superne viridia, inferne subcinerea, inodora, infi-

insipida. Flores racemati proveniunt exigui, albicantes, suaveolentes, stellati, prælongis & violaceis e caudice proruberantibus, scapis, seu pedamentis hærentes, calyci viridi in quinque lacinias acuminatas, secto insidentes, quinque oblongo-rotundis, acuminatis, luteis atque in ambitu albicantibus petalis constantes, inter quæ totidem albicantia, bifidis apicibus ornata staminula intercedunt, medium occupante exiguo stylo candido. Floribus deciduis succedunt fructus oblongi, ovo gallinaceo paulo minores, exossei, sedules, primum rubicundi, dein ex atro-purpureo rubescentes, saporis austeri, cum osse seu nucleo cordiformi prominente & coronamenti loco superinrescente, primum viridi, dein rubente, tandem nigricante. In Indiis orientalibus, Malabara, & Philippinensibus insulis nascitur.)

Teneros hujus arboris apices Indi decoctos comedunt. Anacardia seu potius Anacardiorum nuclei edules sunt, nec palato ingrati: Pistaciorum enim, Amygdalarum, & Castanearum saporem recentes referunt. Ab indigenis in edulis expetuntur, rejectis putaminibus, quæ torrefactione sub cineribus facile separantur. Fructus tam virides & sale conditi, tum maturi cum saccharo inter cibaria apponuntur.

Anacardii nucleum Amygdalinum prorsus innoxium esse asserit idem Camelli, & vim causticam & deleteriam, quæ multis huic tribuitur, pendere tantummodo a mellagine in corticis cavernulis delitescente. Ea Indi pro caustico utuntur. Condylomatibus, & alijs excrescentiis carcinosis consumendis, strumis, verrucis, lichenibus extirpandis, illinitur: bestiarum ulceribus mundificandis interviit: in cavum & putridum dentem instillata, frangit, urit, & consumit facile; eadem cum calce viva ad bombycinos pannos obfigandos, aliasque res quaslibet notandas, adhibetur: etenim notam adeo firmam imprimit, ut nulla lotione eximi queat. Ex immaturis Anacardiorum fructibus, una cum Anacardiis confusis, addito lixivio, & aceto, elegans paratur atramentum scriptorium.

Ab hoc succo melleo, inquit idem Camelli post Serapionem, tota vis, quæ illis nucleis a Medicis tribuitur, pendet, scilicet memoriæ jacturam refarciendi, sensus labantes revocandi, mentem exacuendi, nervorum & cerebri affectibus quos frigida causa attulerit auxiliandi, sanguinem spissorem attenuandi, sensus omnes, apprehensionem, intellectum & memoriam juvandi.

Inter Medicos nonnulli Anacardiorum usum, prorsus condemnant, utpote quæ partes exulcerant, sanguinem inflammant, humoresque accendunt. Cæ. Hoffmannus non admittit Anacardiam quovis modo præparata pro usu interno: imò damnat penitus confectionem anacardinam, quam, non confectionem sapientum, ut quidam eam nuncupant, sed confectionem stultorum vocat; quandoquidem quosdam novit ab ejus usu maniacos factos. Interim tamen historiam narrat sane mirabilem de quodam, qui cum antea stupidus & ignarus fuisset, indocilisque, a sumpto electuario anacardio intra paucos menses eo doctrinæ provectus est, ut Juniconsultus factus ad professoris munus aspiraverit, sed postea intra paucos annos ita excelsatus est, ut cum perpetua sui premeretur, quoti-

die ad ebrietatem usque biberet, itaque & sibi & suis inutilis factus tandem miser perierit.

Quidam in morbis frigidis hujus medicamenti usum febres excitare aui sunt, quos idem C. Hoffmannus condemnat.

Anacardiorum melligo externe serpiginem, morphea, impetiginem illius tollit, sed non multo post pars aqua abluenda.

Arabes mel anacardium & confectioem anacardinam preparabant, quae hodie profus exoleverunt, ob earum facultates si. non deleterias, saltem parum utiles aut incertas.

ARTICULUS DECIMUS SEPTIMUS.

De Nuce Cajou, vel Acajou dicta.

CAJOU & ACAJOU, Off. Anacardium occidentale, Quorundam vulgo Noix d'Acajou. Fructus est vel potius nucleus reniformis, Castaneae magnitudinem aequans, testus cortice cinereo vel fusco, lineam circiter crasso, quasi ex duplici membrana constans & quadam intermedia substantia, fungosa, aut diptoe, quae mellaginem in suis cellulis continet rufescentem, acrem & mordicantem, ita ut cutis etiam leviter illita ignis modo urar, & si quis incautus dentibus mordeat, ita labia & linguam exurit, ut magno dolore afficiatur. Nucleus sub hoc cortice latens renis quoque figuram habet, substantia alba, Amygdale dulcis sapore & consistentia; cuticula flavia vestitus, quae separanda est.

Arbor dicitur Acajou, Theveti Franciae Antartice. 120. J. R. H. Anacardii alia species, C. B. P. 412. Cajou, J. B. T. I. 336. Arbor Acajou, vulgo Cajou, Pison. Maniff. Arem. 193. Acajaiba, Mancegravi. 94. Kapa-Maya, H. Malab. T. 3. 65. (Anacardium occidentale Cajou dictum, officulo renis leporis figura, Herm. H. L. B. 36. Pomifera, seu potius Prunifera Indica, more reniformi summo pomo innascente, Cajou dicta, Rati Hist. 2. 1694. Anacardium occidentale, Jons. Dendr. 136.) Non solum in Insulis Americanis, sed etiam in Brasilia & in Indiis nascitur. Pro diversa coeli & soli natura altius assurgit. In Brasilia enim Fagorum altitudinem aequat, asserente Mancegravi, licet in Malabara & Insulis Americanis medioeris sit magnitudinis. Sic autem R. P. Plummerius Botanicus Regius, in suo Botanico Americano, eam describit.

Arbor est Pomi nostratis fere magnitudine, multum ramosa multumque foliosa, cortice vestita cinereo & rugoso. Folia ejus sunt obrotunda, quinque pollices fere longa, tres vero circiter lata, pediculo brevi adnixa, glabra, pergamacea, supra & infra late virentia, nervo tandem & costis parallelis donata. In summis ramorum plurimi nascuntur ramusculi floribus onusti parvis, & quasi in umbellas dispositis, (quorum calyx quinquepartitus est, laciniis erectis, lanceolatis, acuminatis; flos vero veluti infundibuliformis ex quinque petalis compositis lanceolatis, partim rubicundis, partim virentibus, reflexis, & calyce longioribus.

bus. Stamina decem capillaria, longitudine corollæ, antheris parvis donata stipant pistillum cujus germen subrotundum: stylus subulatus, inflexus, longitudine corollæ, stigma acutum. Receptaculum fructus carnosum est, ovato-turbinatum, ovo anserino paulo majus aut saltem æquale, cortice tenui vestitum, levissimo & splendenti, modo purpureo, modo luteo, modo ex utroque compmixto. Caro interior candida & multum succosa, gustu subdulci, sed paulisper austero. Receptaculum hoc apedunculo appendet pollice paulo longiori, atque ad apicem gestat nucem reniformem pollicis manus dimidium vix superantem, deorsum glabram & e viridi-obscuro cineream.) Cortex ejus crassus & veluti geminatus ad formam diploidis cranii, & intus plenus succo seu oleo summe caustico & saturo croceo. Semen autem seu nucleus contentus etiam reniformis est, candidus, cuticula tenui & subalbida vestitus, ac Pistaciam sapore maxime referens. Fructus gravem ex se spirat odorem; tantaque ejus est asperitas, ut nisi succo, quo scatet, inter comedendum redderetur dulcior, vix edulis esset.

Arbor aut cœnosa, aut etiam sponte sua gummi fundit copiosum, rufescens, translucentum & solidum. Aqua delibutum, gummi Arabici instar, liquefcit & optimi glutinis vices supplet.

Ex fructibus seu pomis succus exprimitur, qui debito modo fermentatus vinosus fit & inebrians. Urinas egregie movet: spiritus ardens generosus ex eo elicitur. Vetus citius inebriat quam recens, optimumque acetum ex eo conficitur. Nuclei fructibus avidius ab Indis expetuntur. Non solummodo gratum præbent nutrimentum, sed etiam ad venerem stimulantem commendantur. Melligo quam geminus cortex continet, ferrugine colore limeamina maculat, qui difficulter admodum elui potest. Ex ea copiosum indigenæ eliciunt oleum, quod pictoribus ad limeamina quævis indelebili nigricante colore pingenda in usu est; eodemque oleo si ngnum inungatur, a putredine præservatur. Insuper acri illo succo nihil præstantius esse ferunt ad lichenes, impetigines, scabiem, vermiculos necandos, &c. exterius illito. Reipsa mulieres plurimæ faciei dentigines seu maculas fulvas hujus succi ope auferre solent; cutim enim hac macula foedatam corrodit & exulcerat, cui nova & bene colorata cutis succedit. Sed observandum est hujus succi applicationem damnosam sæpe esse, dum menstrua fluunt, tunc enim temporis erysipelata per totam faciem excitata observavi. Ab eo igitur remedio virgines & mulieres menstruatae abstineant.

Brasilienses annos ætatis suæ per hos nucleos computabant, singulis annis unam recedentes.

ARTICULUS DECIMUS-OCTAVUS.

De Nuce Ben.

Nux Ben, Balanus Myrsipica, & Glans unguentaria, *Offic.* Βάλανος *μυρσίπικη* *Discozidis*; *μυρσβαλάνος* & *Βάλανος αγγυίτσα*, *Græc.* *nonnullorum*:

vum: Myrobalanum, & Glans Egyptia, *Plin.* Ben *Arabum*: vulgo Ben. Nucula est Avellanae magnitudine, figura nunc oblonga, nunc subrotunda, triquetra, purpurea tecta albicante, mediocriter crasso fragili; cui nucleus subest crustulcula, fungosa pellicula nivei coloris obductus; Avellanae, aut Amygdalae consistentia, pinguis, sapore amaro praeditur. Probatior recens, plena, candida, quaeque facile cortice spoliatur. Ex *Egypto* affertur.

Nux Ben veteribus Graecis innotuit; licet Theophrastus pronuntiet ipsum fructum inutilem, & unguentarios fructus corticibus uti propter odoris foecunditatem. Quod post Theophrastum Plinius quoque asserit. Un-
guentarii, inquit, tantum cortice premunt; Medici nucleos tundunt, affusa eis paulatim aqua calida. Quae quidem verba de eorum Balano Myrsipica dubium moverent, nisi Dioscorides de ea scripserit, interiore partem seu nucleum Amygdalarum amararum odore tritam presertimque liquorem reddere; quo ad pretiosa unguenta pro oleo utuntur. Et ipsa cortex siccus est, exlucens, & inodorus; nucleus vero solus pinguis oleum fundit limpida; in odorem quodque per longum tempus asseveratum nunquam sit rancidum, unde ab aromataris hodie etiam plurimum expetitur ad florum odores excipiendos, & servandos, ut postea dicemus.

Mesae duplex hujus Nucis genus constituit, magnum, & parvum. Parvum nostrum est; de quo nunc; magnum vero fructus est arboris Mourigon, *H. Mal.*

Nullam absolutam arboris, quae hunc fructum praebet habemus descriptionem. Bellonius quae cum prope Arabiam montem Pharaon dictum intraret a Cairo ad montem Sinai vidit, dicit illam referre Berulam tunc magnitudine, cum ramis similibus, cum tronco albo. Tobias Aldinus arbutulam in Horro Farnesiano natam describit, sed absque floribus, & fructibus. Joannes Bauhinus fructuum descriptionem affert, florum vero nullam habemus.

Haec Glans unguentaria, *C. B. P.* Balanus Myrsipica; *Horti Farnesii* per duplici sortium genere, ut cum Aldino loquar, donatur uno vere folioso, altero vero ramoso. Ramosum folium a parte qua foloni haeret constat ex virgula una lenta, flexibili, rotunda ac tenuissima veluti junco parvo, vel Genistae ramo, sed dimidio tenuiori, cubitum superante longitudine; & in summo magis tenui, & acuminata. Ab hac prodeunt alii rami seu aliae tenues virgae similes, palmo longiores, valde inter se distantes, binae tamen semper, & ordinatae, quatuor aut quinque conjugationes pro singulis foliis; quae pariter desinunt in capillaceum acumen: hoc totum est ramosum folium. At his ramusculis plurima insunt foliola raris geniculis orta, sed binario semper numero, magnitudine inaequalia, atque etiam forma; foliola enim in furculis ima rotundiore cuspidata sunt, Heliotropii foliorum instar media acutiora, & myrtinis similiora; summa minora, & angustiora, ad Polygoni folia accedentia; omnia hyeme decidua. Quamvis enim foliola primo per se decidunt, totum tamen ramosum folium deinde cadit: & ideo ab Alpino folium quoque dicitur; si enim ramus esset, inquit, non decideret. Radix ejus crassa est, Napi quodammodo similitudine; ab extra nigra, paucis radiculis. Fructus, secundum Bauhinum, siliqua est palmum longa, carinula

la bifori confata, teres, gracilis, binisque loculis ventricosa, sempe ima mediante sui parte qua protuberat, glandem singulam singulo claudens, summa vero acutum mucronem seu stylum, rostri instar, protendit: intus subrufo colore, foris pullo, cinerove, & secundum longitudinem striis rugisque exarata, coriacea tota, flexilis, & corticosa, insipida, subadstringens, & sicca. In singulis loculis glans singula delitescit, Avellanae minoris magnitudine, triquetra, includens sub putamine corticofo, & pellicula candida, fungosa nucleum triquetrum, pinguem, albidum, saporis sub-acris, amari, nauseosi, & oleosi.

Analysi Chymica, ex Nucum Ben cum putaminibus ℥v. separatis putaminum ℥ij. extractæ sunt nucleorum ℥iij. ex quibus leviter confusis, & per B. V. distillatis prodierunt phlegmatis insipidi inodori ℥v. ℥iij. in quo tamen salis urinosi tantillum delitescibat, quandoquidem Mercurii sublimati corrosivi solutionem turbidam effecit. Materia in cucurbita superstes pendebat ℥xj. ℥vij. ex qua per retortam distillaverunt liquoris limpidi flavescientis, odore empyreumatico, sapore subacido, acri, quasi piperato, os, & fauces deurentes ℥ij. ℥ij. qui alcali urinosi, & acidi simul notas præbuit; quippe qui Mercurii sublimati solutionem turbidam, & lactescentem reddidit, cæruleamque Heliotropii tincturam rubro colore infecit: liquoris rufescentis, empyreumatici, acidi & salis ℥iij. ℥vj. gr. liv. qui adhuc acidi potentioris, & urinosi salis valentioris signa exhibuit, Sublimati solutionem coagulando, & præcipitando, cum spiritu salis effervescentiam concipiendo, & Heliotropii tincturam ex colore cæruleo in rubrum intensum immutando: olei vero crassioris, & axungiae fere similis ℥xxj. ℥v. gr. xlvij. Massa nigra residua pendebat ℥x. ℥ij. quæ per quindecim horas calcinata ad albedinem usque cinerum ℥j. ℥ij. g. xlvij. reliquit, ex quibus salis salis gr. vj. per lixivium extracta fuit. Deperditio partium in distillatione per B. V. fuit ℥vj. in distillatione autem per retortam jactura fuit ℥ij. ℥v. gr. xlij. per calcinationem vero ℥ix. gr. xxij.

Ex nucleorum Ben a putaminibus separatorum, & fortiter contritorum ℥viii. ℥v. per validam expressionem extractæ fuerunt olei flavescientis limpidi inodori & insipidi ℥xxx. ℥iij.

Hujus olei ℥xj. ℥iij. per retortam distillatæ, igne per gradus aucto, præbuerunt primo olei subflavi, partim limpidi & fluidi, partim coagulati & subtribidi, odore subtili, sapore subdulci cum quadam acrimonia, linguam leviter vellicante ℥viii. ℥v. gr. lx. quod Sublimati corrosivi solutionem non turbavit, Heliotropii vero tincturam ex cæruleo in purpureum mutavit: deinde olei fluidi, colore fusco, odore non dissimili, sapore tenui, subamaro, acri ℥ij. ℥iij. Heliotropii tincturam intense rubram effecit. Massæ nigrae, firmæ ac solidæ in retorta residuæ pondus fuit ℥j. colore variegato, mutabili, colli columbarum instar.

Expressorum nucleorum massa superstes post olei extractionem distillationi subjecta ad pondus ℥iij. præbuit igne blando phlegmatis limpidi, odore subtili ad Allium accedente, sapore piperato sine acido manifesto ℥vj. ℥iij. gr. vj. quod Mercurii sublimati solutionem turbidam reddidit, & tincturam Heliotropii cæruleam colore igneo perfudit: deinde igne paulo fortiori liquoris empyreumatici, sapore acri, pungente, subacido, salso ℥iij. ℥v.

3v. gr. vj. qui Sublimatum corrosivum solum præcipitavit, & Helio: tropii tincturam intense rubram reddidit: postea igne vehemente spiritus urinosi flavescentis, multo sale volatili imprægnati 3vij. 3vj. gr. xij. salis volatilis concreti, & in crystallos longas, tenues, nitentes, translucidas compacti 3j. gr. viij. olei vero spissioris, adinstar syrupi, 3xix. 3v. gr. iij. Massa nigra in retorta superstes æquabat pondere 3xv. 3ij. quæ per tredecim horas calcinata ad albedinem usque cineres albos relinquit pondere 3i. 3ij. ex quibus salis mere falsi, sed nonnullis terreis partibus adhuc foeti, gr. xlvij. extracta sunt. Quantitas partium deperditarum in distillatione fuit 3x. 3vij. in calcinatione 3xij. 3vij.

Usside liquet Nuces Ben, præter oleum crassum plurimum, oleo quodam essentiali acri, & deurente, parva quidem quantitate, cum sale Ammoniacali conjuncto donari. Ab hoc oleo subtili acri pendet, quæ eis tribuitur vis vomitum excitandi, & alvum subducendi: sed segnioris sunt operationis propter oleum crassum, quo tenue illud sulphur, & sal urinosus involvuntur.

Græci, & Arabes Glandi unguentariæ vires plurimas tribuerunt, scilicet interne sumptæ purgandi per vomitum, & per secesum, bilem, & pituitam crassam, ac lentam educendi, viscerum obstructions resolvendi, lienem tumidum absorbendi, interne nervorum frigidis affectibus medendi, tumores duros, strumas, & nodos resolvendi, psoram, lepram, lentiginis, & cætera cutis vitia emendandi.

Verum stomacho adversatur, viscera turbat, moleste, & segniter purgat, sudoremque frigidum movet: necnon etiam Avicenna aliquid caustici in ea deprehendit. His sane de causis internus illis usus apud nos prorsus exolevit. Externe vero solum ejus oleum per expressionem extractum, Balaninum dictum, & a quibusdam oleum Glandium nuncupatum, usurpantur ad cutis vitia delenda.

Ab aromataris vero illud oleum præ omnibus aliis celebratur, non quod aliqua odoris præstantia commendetur, sed quod ad florum odoratorum odores extrahendos aptissimum sit, cum vix unquam rancorem contrahat, & inodorum nullo alio odore peregrino florum odores inficiat.

Ea est autem florum odores per hoc oleum extrahendi ratio. In vase vitreo vel figulino, in imo strictiore, in summo latiore, super crates e setis equinis factas, & circulo ligneo formatas, unam super alteram ex intervallo dispositas, stratificunt flores, & gossypium tenuissime caprum, & oleo Balanino imbutum per horas quatuor. Tum novi flores prioribus rejectis, cum eodem gossypio denuo stratificuntur; illudque repetatur pluries, donec oleum sufficienter sit imprægnatum florum odore: tuncque oleum ex gossypio fragrans, & odorum exprimitur.

Paratur etiam ex oleo Balanino, & cera unguentum vel ceratum pro basi omnium balsamorum, cui instillantur olea stillatitia odorata pro arbitrio.

(Altera Nuclei Ben species dicitur Mouringou, *H. Mal. tom. 6. p. 19. tab. 11.* Moringa Zeylanica, foliorum pinnis pinnatis, flore majore, fructu anguloso, *Burm. Thes. Zeyl. p. 162. tab. 75.* Balanus Myrepica, siliqua triangulari, semine minore alato, *Breyn. Prodr. 2. p. 22.* Nux Been

Been Zeylanica, siliqua triangula, seminibus alatis, *Moringeros* Lusitani; & *Katumarunga* Zeylonensium, *H. L. B. app. p. 692.*

Arbor est quinos homines longa, unius complexum crassa cortice intus albedo, extus nigricante obducta, odore, & sapore Nasturtio, aut Raphano rusticano simillima. Rami sunt ligno albicante, libro viridi. Radix vestitur cortice ex albo flavescente trunci saporem referente. Folia pinnata cum impari, ita ut petiolos communis, cubitum circiter longus, ter petiolos minores pinnatim exerat, antequam foliola accipiat; quæ foliola e longo obtusa sunt, tenuja, mollia tactu, & lenia, media costa prominente, nervis aliquot in latera excurrentibus, odore Fabis sylvestribus proximo. Flores in racemis ex caule egressis sparsim nascentes, calyce donantur pentaphyllo, colorato, deciduo, foliis constante oblongis, obtusis, æqualibus; corolla pentapetala, petalis magnitudine, & forma calycis, inferius, & ad unum latus magis dehiscentibus, alias æqualibus, unde ab auctoribus ejus flos decapetalus habetur; staminibus decem, quorum quinque inferiora longiora, sursum incurva; pistillo unico, inferius longum embryone habente. Floribus deciduis succedunt fructus siliquosi, teretes, fœsquecubitales, trigoni, striati, trivalves, cortice coloris herbacei, intus carne exalbida, fungosa; seminibus fœti trigonis, membrana alata donatis, (cartilaginea pellicula nucleum intus albertem tegente) plurimis juxta siliquæ longitudinem dispositis.

Crescit in arenosis Malabaræ, Zeylonæ, aliarumque Indiæ regionum locis. Floret Junio Julio, & Augusto. Fructus, modo ineunte, modo exeunte anno, aliquando utroque tempore leguntur. In hortis ac villis colitur; ob fructus, qui Fabarum more venales quovis mittuntur.

Ex foliis, radicis cortice, & fructu parantur apud Indos pilulæ antispasmodicæ. Foliorum succus una cum Pipere oculis immittitur contra vertiginem; qui, si addatur Zinziberi, fugat febres. Tritus ex aqua Oryzæ cortex œdemati medetur; adjecto Cumino, odontalgia, & malarum tumori.

Merus corticis Mouringou succus cum aqua, & Allio commixtus, artuum lancinationes ex frigore oriundas epotus lenit. Radicis succus cum Allio, & Pipere subactus spasmo succurrit, si temporibus allinatur. Folia si calida imponantur, coleorum discutiunt tumores, imo & venereos: ulceribus apta sunt. Eorum succus vermes phagædenicis in ulceribus enecat, & expellit; ex butyro coactus herpetem, aliosque morbos removel. Viridis arboris succus omnibus artuum capitisque ex lue venærea ortum trahentibus doloribus opitulatur, *H. Mal.*

ARTICULUS DECIMUS-NONUS.

De Cacao.

Cacao. Off. Cacao Americæ, seu Avellana Mexicana, J. B. T. 1. 291. Amygdalis. similis Guatimalensis, C. B. P. 442. Cacahuatl, vulgo Cacao Pison. Mantiss. arom. Nuclei sunt Amygdalis seu potius Pistacii quodammodo similis, majores tamen, Olivarum magnitudine, oblongi, subrotundi, putamine tenui, duro, fragili, nigricante circumtecti; quo sublato substantia firma, densa, sicca, subpinguis, externe fulva, & quodammodo rubens, intus spadicei fere coloris aut fusci, in plures & dispares divisa particulas arte inter se cohærentes, subamari & leviter acerbi, non ingrati tamen saporis, apparet.

Eligantur recentes, integri, pingues, bene asservati, & sapidi. Rejiciantur mucidi, carioli, aut ullo modo corrupti seu vitiosi.

Fructus sunt novi orbis veteribus prorsus incogniti, quibus olim Mexicani, aliæque nationes Americanæ utebantur, non solum ad potionem per totam Americam usitatissimam, *Chocolati* ab iis dictam, & a nobis Chocolatam, sed etiam pro pecuniæ seu monetæ specie, pro qua mercedes permutabantur: unde Amygdalæ pecuniaræ a quibusdam nuncupatæ fuerunt.

Plurimæ sunt earum species, quarum Hernandez quatuor recenset, quæ crassitie fere sola inter se differunt. Nos quoque quatuor species in officinis reperimus, quæ regionibus, crassitie, & natura inter se discrepant; scilicet Cacao ex Nicaragua majus, & minus, vulgo *gros* & *petit Caraque*, quod saporis est magis grati, licet aridum magis; & Cacao ex Insulis majus, & minus, vulgo *gros* & *petit Cacao des Isles*, quod oleosum magis, & pingue deprehenditur, saporis minus grati, & ex Antillanis Gallicæ ditionis Insulis affertur. Præstantius censetur Cacao majus ex Nicaragua, deterius vero Cacao minus ex Insulis.

Arbores, quæ hosce nucleos gerunt, inter se discrepant tantum magnitudine arboris, aut foliorum & fructuum amplitudine, & crassitie. Sic autem a R. P. Plumerio in suo *Botanico Americano* describitur.

Cacao *Clusii exotic.* 55. arbor est non latis ampla, sed aspectu perquam eleganti decora, potissimum suis fructibus onusta. Caudice est recto, humanum proplitem, ut plurimum, ac etiam femu humanum crasso, quatuor aut quinque pedes ad summum alto. Cortice vestitur obscuro, & plagulis multis transversalibus, minutisque tuberculis exasperato. In ramos dispergitur brachium crassos, & iterum atque iterum in alios ramulos foliis alternatim positos decoratos, membranaceis, glabris, deorsum spectantibus, decem, aut novem pollices longis, quatuor pollices latis, ubi laussima, acuminatis, tandem Citriorum foliis valde æmulis. Nervo & costulis obliquis conspicuis sustentantur, pediculoque pollicem longo, & utrinque tumido innituntur: inferna parte dilute superna vero sature, & obscure virescunt. Flores & in ramis, & in ipso simul caudice multi simul congesti adnascuntur, pediculo, quæ

que suo tenuj pollicem aut semipollicem longo & brevissimis pilis hirsuto appendentes : qui antequam expandantur , coruscum pentagonum & pallidum referunt , tres lineas circiter longum : expansi vero rosacei sunt , quinque scilicet parvis petalis constantes in orbem positis , ex pallido petalis , pene cordatis , vix lineam latis . Quodlibet petalum pediculo innititur deorsum inflexo , ad initium conchulæ modo excavato , & acuminulis obscure rubris insignito . Calyx autem quinque foliolis constat angustis , acuminatis , deorsis pallidis , intus vero rubicundis . Ex ipso surgit pistillum tubi cujusdam multiscissi laciniis cinctum , staminibusque deorsum incurvis pallidis , cum suis apicibus etiam pallidis stipatum . Multi e floribus abortivi decidunt : remanentium vero pistillum ab initio fructum cucumeriformem , semipedem & paulo magis longum , tres quatuorve pollices circiter crassum , Cucumeris sativi nostratis aut Melonis modo , novem aut decem costis prominentibus sulcatum : totus verrucosus est , & in acumen desinit . Primo e viridi albicat , initio maturitatis flavescit , maturus autem sature coccineus fit , punctulis tamen flavescentibus totus insignitus : pediculo pennam anserinam crasso & pollicem longum appendet , transversimque dissectus corticem duplicem ostentat : quorum primus , scilicet exterior , crassus & subflavus ; interior vero albidus , tenuior & tenerior , intus continens triginta circiter semina carnosa , Oliva paulo majora , & semicordis formam fere referentia , splendida , polita , & dilutissime violacea , tandem in multos lobulos , si digitis comprimantur , abeuntia : carne pauca quadam seu pulpa alba , succulenta & subdulci , cuticulaque membranacea & rufa obteguntur singula ; gustuque adstringente & amariuscule donantur . Bis aut ter floret in anno hæc arbor , sylvisque ac locis gaudet potissimum umbrosis . Ob maximum ejus proventum in Antillanis fere cunctis insulis excolitur .

Analysi Chymica , ex libris duabus nucleorum Cacao crudorum & contusorum , testis rejectis , per retortam distillatis , varii liquores utroque sale , acido & acri , permixti exierunt ad ℥vj. circiter : olei vero primum translucidi , dum calens est ; dein consistentiæ butyraceæ , dum refrigeratur , rufescentis ; sapore acri pungente , & odore subtili , ℥iij. Massa nigra in retorta remanens pendebat ℥x. ex qua rite calcinata salis fixi salis ℥iij. extractæ fuerunt . Partium in distillatione absumptarum pondus fuit ℥ij.

Hi nuclei non sola distillatione multum olei suppeditant , sed etiam expressione & coctione .

Ex una libra fructus Cacao contusi , deinde calefacti & prælo subjecti , duæ uncie olei sola expressione extractæ sunt : ex fœce , postquam una cum aqua ebullit , ℥ij. olei crassioris prodierunt ; ita ut summa olei per expressionem extracti fuerit ℥v. ℥ij.

Tandem fructus Cacao calente lapide rite triti ℔j. aquæ bullientis ℔vij. diluta , postquam massa instar pulvis spissioris densata fuit , tum pinguedo supernata visa est ; eaque paulatim collecta , donec nulla amplius exstaret , instar sebi induruit , cujus pondus æquabat ℥ix. ℥ss. Nucleorum Cacao odorem refert , & admodum densa est , ac dura sebi instar , & alba .

Ex his liquet nucleum Cacao multum olei crassioris seu pinguedinis

cum terra copiosa & salum tum acidorum, tum actium portione medio-
cri conjunctæ continere; unde compositum exsurgit gummoso-oleosum,
pingue & crassum, a quo vis hujus nuclei præcipua pendet.

Cacao enim crassum suppetit nutrimentum, si crudum comedatur;
sanguinem inspissat, & humores crassiores efficit, sed ob nimiam
crassiorem pinguedinem, ventriculum gravat, & obstructions gignit, si
nimia copia sumatur: idcirco a Mexicanis leviter ustulatur, & cum
aromatibus permiscetur; unde exsurgit illa compositio seu massa quæ Cho-
colata & Succolada dicitur, quæque apud diversas nationes diver-
sa est.

Mexicani enim cum Cacao torrefacto miscebant Maizii farinam, Ura-
cum aromaticum seu Vanillam, extractum Orleanæ seu Rocou, Capsici
vulgaris fructum, Piper Jamaicense, & alia hujuscemodi. Diversæ quo-
que sunt apud nos hujus Chocolatæ præparandæ rationes, quarum hæc
præstantior mihi visa fuit.

℥℥. Nuculorum Cacao ex Nicaragua majorum ℞xij. Nuculor. Cacao ex
insulis majorum ℞v. Sacchari albi ℞x. Vanillæ siliquas n. xxviii.
Ambari cinericii ℥j. Cinnamomi ℥vj.

Nuclei Cacao a putaminibus mundati, rite & apposite torrefacti supra
lapidem durum, amplum, lævem, perpolitum, paulisper excavatum,
& igne blando modice calefactum, ferro cylindro perpolito commolien-
tur: hic attritus ter quaterve repetitur, donec massa inde exsurgat re-
nuissima. Tum Saccharum tenuissime pulveratum cum massa permisce-
tur, & ambo simul duabus iteratis vicibus conteruntur. Tandem Vanil-
la, Cinnamomum & Ambarum cum aliqua Sacchari portione ad id re-
servata, seorsim in tenuissimum pulverem rediguntur, massæ miscentur,
& iterum tota mixtura supra lapidem pro ultima vice rite & sufficienter
moveretur & conteritur. Massa postea in rotulas aut panes redacta exsic-
catur, & per sat longum tempus asservari potest, etiam ultra annos xv.
& xx. & quo diutius servata fuit, eo præstantiorem potum præbere vul-
go dicitur.

Duæ Nuculorum Cacao species hac in compositione usurpantur; quia
nimis arida videtur massa ex solo Cacao ex Nicaragua. Pinguior autem
est & nimis oleosa, quæ ex solis nucleis ex insulis allatis præparatur:
utriusque vero mixtione magis temperata exsurgit.

Ex ea massa forbitunculam palato gratissimam parant, solvendo mas-
sæ hujus ℥j. circiter in ℥vj. aquæ tepidæ aut lactis, & coquendo, do-
nec solutio leviter ebulliat: deinde per horæ quadrantem digeritur supra
cineres calidos, ac tandem ligno versatili & idoneo fortiter agitur,
donec in spumam abeat; tunc spumofus humor in pocula distributus ca-
lide hauritur.

Potus ille optime nutrit, ventriculum roborat, spiritus recreat, vires
debilitatas instaurat, & inter aphrodisiaca recensetur.

Observandum tamen primum, Cacao crudum & per se multum nutri-
menti & crassioris succum præbere, ac proinde refrigerare, ut ajunt.
aut humores & sanguinem inspissare, eorumque motum minuire. Ve-
rum aliter evenit, si nimis fuerit torrefactum: tunc enim ejus oleum,
igne attenuatum, oleorum empyreumaticorum more, corporis humores
poten-

potenter resolvit, eorumque motum auget & concitat; unde fit ut potus ex eo paratus contrarium effectum nanciscatur. Itaque quo minus tostus est ille nucleus, eo magis nutrit & incrascat: quo plus comburitur, eo majorem æstum in corporis liquoribus accendit.

Observandum secundo, crassius illud alimentum non solum attenuari torrefactione, sed etiam aromatibus satis apte temperari, Vanilla nempe, Cinnamomo, & Ambaro. Verum exigua admodum eorum dosis requiritur; alioquin Chocolata nimia eorum copia turgida nimium calorem in visceribus excitat.

Commendatur Chocolatæ potus phthisicis & tabidis, præsertim cum lacte paratus. Revera succum nutritivum præbet pinguem, dulcem, quique humorum acrimoniam retundere valet; modo, ut diximus, rite torrefactum fuerit Cacao, & exigua admodum aromatum dosi persusum.

Ab eo abstinere debent hypochondriaci, & cæteri quorum præservida sunt viscera. Ut enim butyrosa & oleosa omnia ipsis noxia sunt, sic pariter Cacao, cujus pinguedo, licet crassior, eorum in visceribus dividitur, evehitur, & accenditur.

Pinguedo ex Cacao extracta a quibusdam commendatur ad Pomatorum cosmeticorum basim constituendam; & utilissima censetur ad labiorum mammarumque fissuras, & ad hæmorrhoidas.

ARTICULUS VIGESIMUS.

De Pistaciis.

Pistacia, Pistacea, & Nuces Pistaciæ, Off. *πισταχια*, *Dioscoridis*: Pistach & Festuch, *Arabum*: Fistici, *Quorumdam*: vulgo *Pistaches*: Fructus sunt seu nuculæ, Avellandarum magnitudine & forma, oblongæ, angulosæ, altera parte elatiores, altera depressiores, acuminatæ, costæ notatæ, duplici putamine donatæ; exteriori membranaceo, arido, tenui, fragili, colore primum viridi, deinde rufi; altero lignoso, lento, fragili, lævi, candido, in quorum cavitate nucleus continetur pallide virescens, pinguis, saporis oleosi, subamari, dulcis, palato grati, rubra pellicula tectus.

Eligantur recentiora, plena, bene matura, non rancida.

De duplici Pistaciorum genere Hermannus mentionem facit, majore nempe, & minore. Majora nobis vulgo afferuntur, minora minus cognita, majoribus multo lapidiora: ex Persia transferuntur.

Arbor dicitur Terebinthus Indica Theophrasti, Pistacia Dioscoridis, *Advers. Lobel.* 413. Pistacia *J. B.* 1. 275. Pistacia peregrina, fructu racemoso sive Terebinthus Indica Theophrasti, *C. B. P.* 401. Trunco est crasso, ramis expansis, cortice obductis cinereo: in longa costæ e ramis propagata folia conjugatim disposita gerit, quamquam non ulque adeo exacte semper sibi respondeant singulorum foliorum ortus, cum folio impari summæ costæ innascente; sunt ea vero nunc subrotunda, nunc in mucronem acuminata, nervosa, Terebinthi foliis similia, sed majora.

Flores profert masculinos & foemininos in distinctis individuis. Masculinos quidem apetalos, perianthio proprio donatos quinquifido, minimo, ex amento laxo, sparso, squamulis parvis unifloris constante; quinque staminibus instructos minimis, antheras ovatas, quadrangonas, erectas, patulas, magnas sustentibus. Flores vero foeminei amento carent & corolla: at perianthio gaudent trifido, minimo, cui insidet germen ovatum, calyce majus, cum stylis tribus, reflexis, stigmata crassiuscula hispida gerentibus. Germen abit in drupam siccam, ovatam, nuce ovata & glabra foetam.

In Persia, Arabia, Syria, tum & apud Indos nascitur. Colitur etiam in Italia, Sicilia, & in meridionalibus Galliae provinciis.

Pistacia mas a foemina distinguitur foliis minoribus, aliquantulum oblongis retusis, saepius in tres lobos & viridi nigricantes divisim; cum in foemina folia majora sint, firmiora, rotundiora, & in quinque ut plurimum lobos divisa.

Cum flores fructusque in distinctis & procul saepius a se invicem distitis nascantur arboribus, imprægnatio quoque in Pistaciis non secus, ac in Palmis locum habet. Sic autem in Sicilia succedit. Florum amenta & Pistacia mare decerpunt rustici: dum jamjam aperiendi sunt, in vas recondunt terra circumdatum aqua madefacta: illud vas ramo Pistaciae foeminae appendunt, donec illi flores arecant; ut pulvis foecundans facile ventorum ope per totam arborem dispergatur, flores foeminei imprægnentur.

Alii flores masculinos colligunt, & in sacculo sicandos deponunt: cum autem foemina flores suos expandit, pulverem proflerum in hos flores spargunt.

Decerpendi sunt masculini flores, antequam aperiuntur; ne pulverem proflerum intempestive emittant, & deficiente imprægnatione, fructus abortiant, messisque deficiat.

Si Pistacia mas & foemina non procul distitæ sunt a se invicem, imprægnationis labor ventis committitur.

Pistacia oleo dulci copioso turgent, quodque contusa & fortiter expressa uberrime fundunt. Ab hoc oleo cum terra tenui conjuncto Pistaciorum vires pendent:

Pistacia palato & stomacho grata sunt: nutrimentumque præbent sat laudabile, nec exiguum, licet nonnihil crassum. Inter analeptica medicamenta recensentur, & bellariis instaurantibus & reficientibus admisceri solent; quandoquidem ad convalescentes ægros emaciato citius restitutos plurimum valent. Ventriculū, jecur, & viscera levi quodam amaro firmare dicuntur, ac proinde horum viscerum obstructions auferre. Lac seminaleque succum augent sicut cætera alimenta, quæ plurimum succum nutritium & crassum suppeditant: phthisicis & tussientibus auxiliantur sicut & nephriticis, humorum acrimoniam demulcendo.

In emulsionibus vel sola, vel cum Pineis & Amygdalis præscribuntur ad n. 10. vel 12. pro emulsionis lbj.

24. Pistaciorum & Pini nucleorum ana ꝑb. Amygdalas dulces n. xij. Contunde in cremore ex Oriza parato. Expressum inspissetur leni igne cum tantillo Sacchari & Cinnamomi. Exhibeatur ad tabidos reficiendos.

Usur-

Usurpantur in Tabellis stomachicis *Charas*, Magnanimitatis, & Ele-
guario de Satoryio *Ejusdem*.

ARTICULUS VIGESIMUS-PRIMUS.

De Nucleis Pineis.

Pinei, & Pini Nuclei, Pineoli, Pini Nuces, *Off. πινυδus, Dioscoridis, & Galeni: καρβόλοι & κικαλίοι, Græcorum quorundam: Gallice Pignons, & Pignons doux*, ad eos distinguendos ab Indicis Nuculis, vulgo *Pignons d'Inde*, qui ab-eis prorsus discrepant. Nuculæ sunt, quarum substantia est oblonga, teres, candida, pinguis, dulcis, tunica rufescente circumvestita, intra testam lignosam, crassam, & duram inclusa. Hæ Nuculæ in copis seu Pini fructibus delitescunt, inter duras, & lignosas eorum squamas reconditæ.

Elegantur recentes, albæ, siccæ; vetustate enim flavæ, & oleosæ fiunt, rancoremque contrahunt.

Arbor dicitur Pinus sativa, C. B. P. 491. Pinus officulis duris, foliis longis, J. B. I. 248. Caudice assurgit recto, ramoso, & patulo, cortice scabro, hiulco, & subrubente, materie robusta, subflava, odorata, resinosa. Rami per intervalla eo ordine rotatim prodeunt, quo in cæteris arboribus confiteris. In his dense nascuntur folia semper virentia, bina simul ex eadem vagina prodeuntia, sesquipalmaria aut longiora, angustissima, quæ se mutuo spectant canaliculata, firma, rigida, acutissima. Flores in summo nascuntur racemosi, amentacei, plurimis nempe constantes staminibus, quæ pulverem tenuissimum sulphuris flori similem effundunt. Ejus granula minutissima microscopii auxilio oblonga, & incurva seu lunata apparent. Steriles sunt; fructuum enim embryones a floribus in eadem arbore separatim nascuntur, abeuntque in fructus pugni magnitudine, turbinatos, duos, ex pluribus squamis veluti lignosis, lucidis, dense compactis, compositos. Singulares squamæ unciam circiter latæ, duplo longiores, a capite resinam albam odoratam subinde fundentes, paulatim hastam versus extenuantur, & binis sulcis excavantur. Inter squamas in earum scrobibus latent duo officula dura, oblonga, lignosa, fere uncialia, rufescentia, pulvisculo atro-purpureo respersa, in quorum cavitate nucleus continetur esculentus; candidus, pinguis, oleosus, tenui membrana spadicea involutus, saporis dulcis, & jucundi; unde a populis plurimis ad secundas mensas adhibetur. In Gallia Narbonensi, & Gallo-Provincia sponte nascitur hæc arbor frigoris impatiens.

Pinei multo, & subtili turgent oleo, quod expressione extrahitur. Ab eo cum terra consociato omnis ejus virtus pendet.

Pinei nuclei plurimum nutriunt, & succum præbent laudabilem, at vero nonnihil crassum. Non facile concoquantur, idcirco saccharo condiri solent, aut aliis condimentis permisceri, pro secundis mensis. Phthysicis, & tabescentibus utiles sunt, quippe qui pulmones mundant, & ejus ulcera abstergunt: acres sanguinis, & humorum sales demulcent; ea de causa

quoque nephriticis profunt, opitulantur urinæ ardoribus, & stillicidiis; ad renum vesicæque ulcera conferunt. Quidam in venere elumbe nonnihil adjumenti ex eorum esu percipiunt: lac enim, & seminale liquorem augent, sicut cœtera in crassantia alimenta.

Dosis a ℥j. Sæpius in emulsionibus præscribuntur cum Pistaciis, vel Amygdalis, vel Seminibus quatuor majoribus frigidis.

℥j. Pineorum dulcium ℥j. Contunde, sensim affundendo decocti Oryzæ, vel decocti pectoralis ℥ij. Fiat colatura, in qua dissolve Sacchari rosati, vel Syrupi de Alibæa, vel Syrupi reûmptivi ℥j. Fiat emulsio in duos haustus dividenda, & in tabe aut tussi veteri exhibenda.

℥j. Pineorum ℥j. Seminum quatuor frigidior. major. ana ℥j. cum decocti Graminis ℥ij. Fiat emulsio Syrupi de Althæa ℥j. edulcanda.

ARTICULUS VIGESIMUS-SECUNDUS.

De Ricini, & Ricinoidis Nucleis purgantibus.

Sub Ricini nomine, vulgo *Pignon d'Inde*, plurimæ Nucleorum purgantium species in officinis occurrunt, tum ex Indiis, tum ex America allatæ. Tres quatuorve potissimum in usum veniunt, scilicet Ricini vulgaris Nuclei, Fabæ purgatrices Indiæ occidentis, Avellanæ purgatrices novi orbis, & Grana Tiglia.

Nucula cathartica prima, Ricini vulgaris Nucleus, Cataputia major, Cherva major, & Granum regium Off. *Κένταυρος*, *Dieoscoridis*: Alcherva *Arabum*: Gallis *Grains de Ricin*. Semen est oblongum, ovatum, una parte gibbum, altera depressum, & cum quodam capitello seu umbilico in vertice posito; recondens sub putamine tenui, fragili, lituris nigricantibus, & albidis eleganter asperso, glabro, carnem medullosam, firmam, Amygdalinæ similem, candidam, bipartitam, pinguem, sapore subdulci, acri, nauseoso. Tria semina in uno fructu trigono, tricapsulari, & molliter echinato continentur.

Planta, quæ hos fructus profert, dicitur *Ricinus vulgaris*, C. B. P. 432. *Ricinus*, sive *Palma Christi*, vel *Kiki*, *Gerard*. *Nambu Guacu*, sive *Ricinus Americana*, *Pison*. 180. *Ayanacoe*, seu *Citayanacu*, *H. Malabar*. 2. 57. Caule assurgit firmo, geniculato, cavo, trium, quatuor, & plurium cubitorum, superius ramoso, foliis sculneis similibus, sed majoribus, in ambitu digitatim-incisis, ferratiliq; segmentis, glabris; teneris, & ad tactum mollibus, obscure virentibus, nervosis, longis pediculis innixis. Flores longa serie thyrsoides fuscule peculiari in ramorum extremitatibus racematim insident flaminei, plurimis scilicet flaminibus constantes brevibus, albidis, ex calyce surgentibus quinquifido ex viridi albescente: verum steriles sunt. Embryones enim fructuum inter eos nascuntur, subrotundi, virides, cinabris umbilicis insigniti; & deinde abeunt in fructus uncialibus pediculis innixos, trigonos, molliter echinatos, nigricantes, magnitudine Avellanæ, ex tribus capsulis compositis axi affixis; in quibus nuculæ reconduntur ovatæ, & nonnihil depressæ, cras-

crassiosculum quoddam capitulum seu umbilicum albicantem in vertice gerentes, & parte interiore qua stylo accumbunt, pellicula albicante tenuissime obductæ, constantes ex putamine tenui, ex cinereo & nigro, vel spadiceo eleganter maculato, & medulla candida, solida; substantia Amygdalæ haud abfimili, oleaginosa, alba cuticula circumvestita; sapore subdulci, acri, & nauseoso. In Ægypto, & in variis orientalibus, & occidentalibus regionibus frequens nascitur.

Ricini nuclei oleo dulci temperato copioso turgent; sed præterea inest olei tenuioris acerrimi portio quædam adeo caustici, ut fauces exurat: ab eo vis illorum cathartica pender.

Semina a putaminibus purgata, triginta numero, inquit Dioscorides, trita, & pota, pituitam, bilem, & aquam per alvum dejiciunt, & vomitiones movent: sed ingrara admodum est, & laboriosa hujusmodi purgatio, stomachum vehementer subvertens. Matthiolus errorem in textum Dioscoridis irrepsisse suspicatur, & ex quodam Mss. tria tantum grana, non triginta, ab auctore præscribi suadet. Mesue eorum quinque, aut septem, vel ad summum quindecim numero tantum exhibenda tradit. Eademque coli juncturarum, & coxendicis doloribus utilia, hydropticisque profica pronuntiat, ex jure veteris galli, vel cum sero lactis aut lacte caprino. Brasilienses, teste Pisone, minus tutum existimant ipsa grana in substantia exhibendo, septenarium numerum excedere. In substantia præscribuntur ut plurimum a pondere gr. x. ad grana xv. vel xx. & in emulsione ad ℥℥. vel ℥j. in aq. comm. ℥vj.

Verum illud semen rarissimi est usus, quandoquidem vehemens est catharticum, & periculi plenum: inflammare fauces notum est. Ovidius historiæ Indiæ scriptor refert quosdam, Ricino Indico sumpto, interiisse. Petrus Castellus, *Epist. Medic.* 252. confirmat ejus usu aliquot in extremum vitæ periculum adductos fuisse; narratque juvenem 19. an. natum, robustum, gravitate, & dolore quodam capitis affectum, Ricini Indici granum dimidium sumpsisse, manducavisse, & deglutivisse, & hoc ipso œsophagum, & os ventriculi inflammata fuisse, ciborum inappetentiam, febrem, & syncopen accessisse, ita ut nono die obierit.

Prisci Medici ejus nocivam qualitatem tostione, & assatione corrigere tentabant: & Guillelmus Piso tincturam ex Ricini granis cum spiritu vini extractam proponit tanquam minus periculosum medicamentum. Sed infidæ sunt illæ correctiones.

Itaque cum Doctiss. Rolsincio concludere non dubitamus cordatum Medicum ab horum seminum usu abstinere debere, imprimis cum tanta sit tutissimorum hydragogorum abundantia.

Oleum ex Ricini seminibus antiqui, tum per expressionem, tum etiam per decoctionem extrahebant, quod *ελαιον ελαιν*, Ricinum oleum dicebatur, cibus sædum, sed lucernis, unguentis, & emplastris utile. Optime digerit, inquit Galenus, cum tenuiorum sit partium, quam oleum commune. Idem oleum Brasiliensibus, teste Pisone, in usu est quotidiano contra affectus frigidos, tum internos, tum externos: apostemata resolvit: ventris tormina, & flatus illitum discutit: umbilico inunctum lumbricos puerorum expugnat: cutem quoque a pсора, reliquisque vitiiis vindicat.

Dioscorides refert hoc oleum potum aquas per alvum educere, & & lumbricos pellere; quod a Pisone quoque confirmatur. Tres, inquit, vel quatuor guttulæ ex conveniente liquore subinde per os vel per anum exhibitæ, sanant frigidos articularum affectus, & simul alvum laxant.

Attamen Doctor Stubbes Medicus Anglus in *Artis Philosophicis Anglicis* asserit n. 36. expressum Ricini oleum nullam omnino vim catharticam obtinere, nequidem si integri cochlearis mensura una vice deglutatur, aut trium per anum injiciatur.

Matthiolus serum lactis, quo folia Ricini macerata fuerant, hydropicis felici cum successu, ad 3vj. præscribebat. Piso vero eadem folia aqua aut aceto macerata herpeti aut hujus generis vitiiis cutaneis mederi possit Dioscoridem asserit.

Nucula cathartica altera, Ricini Americani majoris, vel potius Ricinoidis Americanæ nucleus, Cureas dictus, & Faba purgatrix Indiæ occiduat, Off. Nucis e Barbados Anglor. *Dal. & Raii Hist.* vulgo. *Mediciner*, & *Pignon de Barbarie*. Semen est oblongum, ovatum, Fabæ minoris magnitudine, una parte convexa, altera depressa, recondens sub putamine tenui, duriusculo, nigro, nucleum candidum, oleaginosum, saporis subdulcis, acris, & nauseosi.

Planta dicitur Ricinoides Americana Gossypii folio, *Inst. R. H. 656*. Ricinus Americanus major semine nigro, *C. B. P. 432*. Munduy Guacu Brasiliensibus, *Marcgrav. 96. Pison. 179*.

In arboream magnitudinem, & molem, mediocrem tamen, solita est excrescere hæc planta in Americanis regionibus, patula, ligno molli, medullosa, & fragili, lacteoque succo, acri, turgido. Rami ejus multi, folia in ramis copiosa inordinatim nascuntur Gossypii foliis non absimilia, glabra, nitida, & saturate virentia. Circa ramorum summitates pedamenta quædam elevantur inæqualia, semipedem quandoque alta, quæ copiosissimos flores velut in umbellam digestos gestant, sed parvos, e viridi albescentes, rosaceos, quinque scilicet petalis constantes in orbem positis, deorsum revolutis, calyci multifolio insidentes, staminibusque plenos brevibus, & albidis: verum steriles sunt. Embryones enim inter eos nascuntur calyce obvoluti, abeuntque deinde in fructus, Nucis Juglandis adhuc virentis magnitudine, & forma, unciam superantes, turbinatos, & utrinque acuminatos, tres aut quatuor simul appendentes, dum teneri sunt, satore virentes, deinde nigros, echinis carentes, in tres capsulas fissiles, in quibus singulis semen octo lineas longum, quatuor latum, ovatum, dorso convexum, altera parte depressum, & nonnihil angulosum, nigro putamine, sed tenui donatum, intus alba, tenera, & subdulci medulla plenum.

Hujus Ricinoidis semen mira purgandi facultate per superiora, & inferiora præditum est, vehementiusque purgat quam Ricini vulgaris nucleus; ita ut tria vel quatuor semina comesta ventriculum, & intestina tanta vehementia subvertant, ut in vitæ discrimen præsertim imbecilliores nonnunquam conjiciant. Ejus tamen usus a Pisone commendatur in diuturnis viscerum obstructionibus. Quatuor aut quinque nucleos proponit maturos a pelliculis exterioribus, & interioribus repurgatos,

max

max leviter torrefactos, & vino maceratos, additis correctoriis aromaticis; nec nisi summa cum cautione hoc medicamen exhibendum esse suadet.

Ex his seminibus oleum a Brasiliensibus, & Americanis extrahitur ad lucernas concinnandas admodum utile, & plurimis morbis curandis aptum; siquidem ad morbos omnes ab humoribus frigidis oriundos sanandos, tumores discutiendos, flatus resolvendos commendatur: eamque ob causam non modo in anasarca utile, sed etiam in omnibus hydropis generibus, si, ventre illo inuncto, aliquot guttæ vino aut alio liquore conveniente exceptæ sorbeantur. Sic enim aquas evacuat; quod etiam minori noxa facit clysteribus injectum. Contractos arrus, si eo inungantur, curat, nervos molliter distendendo: viscera obstructionibus inunctione liberat: alvum puerorum emollit, illito toto ventre, atque ventris animalia pellit, maxime si ejus una aut altera gutta e lacte aut jure pingui propinetur: aurium doloribus, & surditati confert: ulcera capitis, psoras, & omnia cutis vitia illitu expurgat.

Præter hos Ricinoidis nucleos, aliud semen ex America affertur. Dicitur vero Nucula cathartica tertia, Avellana purgatrix, C. B. P. 418, & Avellana purgatrix novi orbis, J. B. I. 322. Ben Magnum quorundam Medicorum: vulgo, *Fruit du Medicinier d'Espagne*. Semen est Avellanæ magnitudine, subrotundum, & quasi triangulare, cum putamine tenui, pallido, & fusco, & substantia medullosa, firma, candida, subdulci, & minime acri, Avellanæ sapore haud absimili.

Planta dicitur Ricinoides arbor Americana, folio multifido, *Inst. R. H. 656*. Ricinus Americanus tenuiter diviso folio, *Breyn. Cent. 1. 116*. vulgo *Medicinier d'Espagne*.

Arborum instar, inquit Plumerius, & caudicem, & ramos obtinet hæc planta, sed brevem amplitudinem. Caudex etenim ejus brachii fere est crassitie, ac tres, & ad summum quatuor pedes altus, tener, cortice indutus cinereo, venulis virentibus, & reticularibus discreto, & plagulis, foliorum scilicet decidantium, notato. Juxta ramorum summities folia decem aut duodecim veluti in orbem expanduntur, longis pediculis innitentia, palmatim seu radiatim in plurimas lacinias acuminatas, & iterum lacinias dissecta, pedem interdum ampla, lævia, subtus e viridi albicantia, supra vero saturiori virore donata. Juxta pediculorum initia foliola alia inhærescunt tenuissime velut in totidem simbras dissecta, quæ ramorum ipsorum tandem velut echinatham efformant summitem; unde florum elevatur præclara veluti umbella longo pedamento coccineo innixa, in ramulos scilicet multos iterum ramosos dispersa, quibus singulis flos prominet coccineo splendore insignis; sed aut sterilis, aut fertilis.

Hi sterilioribus equidem sunt ampliores, at verò rariores. Utrunque roseæ sunt, quinque scilicet petalis ovatis constantes in orbem positis, & calyci exiguo, & quinquifido insidentibus. Sterilium centra quædam stamina occupant suis apicibus aureis instructa: fertilium vero embryo ovato trigonus, viridis, staminulisque apices croceos, lunatos, & aureos gerentibus coronatus, qui deinde abit in fructum fere turbinatum, pene Nucis Juglandis magnitudine, cortice pollentem tenero, & croceo, inque

inque tres capsulas fissilem semine sætas rotundo, Nucis Avellanæ fere magnitudine, & sapore, de quo tamen cavendum; propter etenim nimiam catharticitatem summo periclitati sunt discrimine vitæ. Si gladio vulnus caudici insigatur, & etiam si ejus folia detrahantur, succus inde pellucidus, subluteus; & tantisper viscosus satis abunde promanat. In hortis potissimum hæc planta colitur e continentii Americano ad insulas allata.

Hujus fructus nucleus non minus purgat; quam cæterarum specierum semina. Imo unicum semen sufficit cum pauxillo butyri præmansum, vel in jusculo tritum, vel in taleolas minimas sectum, & cum offa devoratum, vel cum duabus Amygdalis contusum, & aqua dilutum, sub emulsionis forma.

Folia n. x. vel xij. leviter cocta in acetariis vel in offa ex jusculo pulli gallinacei benigne purgare dicuntur absque torminibus, & fastidio. Laudantur quoque adversus icterum, & bilem effusam.)

Nuculæ catharticæ quartum genus, Ricini Indici semina: Pinei nuclei Moluccani sive purgatorii, & Grana Tiglia, Offi. vulgo *Pignons d'Inde Grains, de Tilli ou des Molucques*. Semina sunt oblonga, ovata; Ricini vulgaris magnitudine, & forma, una parte gibba, altera nonnihil plana; quatuor levioribus angulis notata; quæ constant ex putamine tenui, cinereo, maculis hinc inde pullis asperso, & nucleo, & meduloso, pingui, solido, candicante, sapore acri, exurente, & nauseoso.

Planta dicitur, Ricinus arbor fructu glabro, Grana Tiglia officinis dicto, *Parad. Batav. Prodrom. Cadel-avenacu, H. Malabar. 2. 61. Lignum Moluccense, foliis Malvæ, fructu Avellanæ minore, cortice molliore, & nigricante: Pavana incolis C. B. P. Pinus Indica nucleo purgante, Ejusdem 492. saltem Paulus Hermannus, & Rajus hæc nomina tanquam ejusdem plantæ synonyma proponunt. (Erutex hic caules gerit simplices, qui nascuntur sine ramis lateralibus, apice flores in spicam longam collectos gerentes. Folia nonnulla e caule exeunt ovato-oblonga, acuta, integra, lævia, tenuiter, & raro dentata, pediculis uncialibus adnexa, texturæ tenuis ac mollis, cum nervo, & venulis in adversa parte prominentibus. Ad spicæ radicem duo egrediuntur rami ejusdem ac caulis staturæ, & sic continuatur secundum ætates. Inferioris spicæ flores plures sunt foemini, superioris vero masculini, qui calycem nullum habent, petala octo, stamina sexdecim pistillum, & fructus nullos. Flores foemini in inferiore spicæ parte calycem habent multifidum, embryonem subrotundum; triangularem, trifidum; pistilla tria quæ tandem in fructum desinunt, qui est capsula rotunda, trifidum, trilocularis, in singulo loculo unicum semen oblongum, glabrum, splendens, striatum, una parte incurvatum, altera depressum, continens.) Sub putamine tenui nucleus candidus, pinguis, oleosus, reconditus, saporis acris exurentis. In Malabar, & aliis Indiæ orientalis locis colitur.*

Hujus plantæ lignum, & semina in usum medicum veniunt. Lignum quod Pavana seu Pavana dicitur, spongiosum est, ut ait Hermannus, *M. Med. leve, durum, pallidum, tenui cortice cinereo obductum, saporis acris, mordacis, & caustici, odoris nauseosi.*

Re-

Recens, & adhuc vegetum adeo potens est, ut serosos humores tam per vomitum, quam per alvum expellat, relinquens ob intensam sui acredinem in ano inflammationem: siccum vero blandius subducit alvum, ac si pariori dosi exhibeatur, sudorem elicit. In hydrope, leucophlegmatia, & pluribus morbis chronicis pro specifico a Paulo Hermanno commendatur. Ad catharsim promovendam recens exhibetur in substantia a ℥j. 3℔. annosum vero ad ℥j. in infuso vel decocto ad 3℔. Ad sudorem excitandum datur a ℥℔. ad ℥j. in substantia, in infuso vero ad ℥ij. vel ℥iij. Decoctis sudoriferis pro stimulo addi potest. Semina adeo potenter humores serosos, viscidos, & tenaces incidunt, & per superiora, & inferiora educunt, ut hoc nomine ipsam Colocynthidem superent. Maxima eorum vis posita videtur in duabus quibusdam membranulis seu foliolis primo germinantibus, quæ in eorum granorum media substantia latent. Datur integra nucleorum substantia, rejecto cortice exteriori: licet purgativa virtute haud careat a gr. iij. ad v. Unumquodque granum, inquit Paul. Hermannus, sedem molitur unam, si aqua calida vel jusculum superbibatur; ita tamen ut a tribus granis quinque secessus promoveantur. Alvus vero in momento sistitur, si superbibatur haustus largior aquæ frigida, vel si pedes aut manus frigida madesiant, & abluantur. Membranularum vero granum unum sufficit ad purgandum.

Exhibetur quoque oleum ex seminibus expressum ad gr. j. valentius enim purgat quam oleum ex Ricino vulgari expressum.

Semina ob summam acredinem fauces, palatum, & nonnunquam anum inflammant: eam ob rem sub forma pilularum sæpius exhibentur. Ab Indis in urina vel aceto coquuntur: optime vero corriguntur Glycyrrhiza, Amygdalis dulcibus, succo Limonium, jusculis pinguibus, aliisque nimiam acredinem obtundentibus. Torrefactione quoque sub cineribus eorum vis temperatur.

Olei expressi usus frequentior externus est. In alvi nimia adstrictione umbilicus eo inungitur. Alvus subducitur a linimento sic parato.

℥. Olei granor. Tigli expressi gutt. xij. olei Colocynthidos 3℔. unguenti de Arthanita ℥j. M. F. linimentum quo abdomen inungatur.

Ex eodem oleo Pomum regium catharticum ab Indis præparatur, cujus odore solo delicatiorum alvus movetur. Malum Aurantium vel Citreum per mensem integrum in oleo ex granis Tigli expresso maceratur, postea eximitur. Si fortiter manibus fricetur ita ut incalcescat, naribus admoveatur; ejusque odor fortiter attrahatur; alvus paulo post movebitur.

Aliæ sunt præterea quædam species Nucularum purgantium, sed minus usitatæ.

ARTICULUS VIGESIMUS-TERTIUS.

De semine Caffæ.

Caffæ, & Coffee, Off. Semen est durum, Faba paulo minus, ovatum, quatuor aut quinque lineas longum, tres quatuorve latum, altera parte convexum, altera planum, & insigni sulco notatum, flavescens,

scēns, vel e cinereo aut viridi pallens, saporis farinacei leguminosi; odoris fere expers. Duplex in officinis reperitur; alterum crassius, pallidius, quod ex Mocha Arabiæ felicis emporio advehitur; alterum minus crassum, subviride, quod ex Cairo affertur. Hoc semen fuit veteribus Græcis ignotum, Arabibusque, apud quos nulla ejus mentio ante annum 1400. reperitur. Qui enim Bunchos esse Avicenna existimant, nullis suam opinionem argumentis probare valent. Europæis vero nisi ab annis sexaginta circiter non innotuit.

De planta quæ hoc semen profert, nihil certi auctores tradiderunt. Eam Evonymo similem pronuntiat P. Alpinus. Acta Philosophica Londinensia folia, & fructus describunt, licet non adeo accurate: de floribus vero alte silent. Adhuc igitur ignota foret hæc planta, nisi Batavi hujus arboris stirpes aliquot ex Mocha in Europam attulissent, & in Horto Amstelodamensi excoluissent, ubi flores fructus protulerunt. Galliæ vero innotuit munificentiâ clarissimi viri Pancratii, Consulis, & Rectoris urbis Amstelodamensis, qui anno proxime elapso 1714. Ludovico magno arbusculam quinque pedes altam obtulit: quam in Horto Regio Parisiensis diligenter asservatam; & excultam D. de Jussieu, peritissimus Botanices Professor, & Regiæ Scientiarum Academiæ Socius, primus accuratissime descripsit.

Planta dicitur Jasminum Arabicum Lauri folio, cujus semen apud nos Caffè dicitur, D. de Jussieu Commentariis R. Sc. Academiæ. Arbor Ceraforum vel Aurantium altitudinem vix superat. Rami e trunco nascuntur semper bini, oppositi, ordinibus alternatim rectis, & transversis, flexiles, subrotundi, nodosi, cortice tenui albicante circumvestiti. Eorum nodis folia inhærent pediculo brevi, Lauri non absimilia, molliori tamen; & subtiliori consistentia, bina sibi opposita, ordinibus alternis mutuo sese intersecantibus, uncias quatuor aut quinque longa, duas circiter lata; utrinque acuminata, & in longum, & angustum mucronem desinentia, undulata, deorsum incurvata, superne semper virentia, glabra, nitentia, inferne vero pallentia; cum nervo unico utrinque satis prominente, qui per folii medium a pediculo ad apicem usque exporrigitur, & ad latera plurimas emittit venulas, inodora, saporis herbacei. Floribus gaudet ex foliorum alis quatuor aut quinque simul nascentibus brevi pediculo suffultis, albis, & nonnunquam pallide rubentibus, odoratis, monopectalis, infundibuliformibus, in quinque ut plurimum lacinias divisis, Jasmini Hispanici instar, sed brevioribus, cum totidem staminibus albis, & apicibus flavescens; qua in re a Jasmini flore differt, qui duobus tantum staminibus donatur. Ex ejus calyce viridi, & inæqualiter quadripartito surgit pistillum viride, bifurcatum, infimæ floris parti ad instar clavi infixum, cujus pars infima seu embryo florem sustinens abit in fructum seu baccam mollem, primo viridem, deinde rubram, & ubi maturerit, atropurpuream, Cerasi minoris magnitudine, cum fossula, & umbilico seu papilla tenui in summitate, carne mucilaginosa, pallida, farui aut ingrati saporis; qui, cum exsiccat, fructus leviter subacidus fit, & ad Prunorum exsiccatorem saporem nonnulli accedit. In sinu suo recondit binos nucleos conjunctos, ovatos, & depressos ea parte, qua sibi invicem adhærent; qui sub putami-

ramine tenuj , pallide flavescente , semen continent unicum pro singulo nucleo, callosum ut ita dicam exterius ovatum seu incurvum , interne vero planum , & sulco insigni profundo notatum, durum , pallide virens , aut cinereum , aut flavescent. In Arabia felici , & in Æthiopia frequens nascitur , & collitur , ibique per totum annum floribus , & fructibus luxuriat.

Bis terve anno fructus maturi colliguntur , & exsiccantur . Esiccatorum caro tenuior , & fragilis fit : membrana subrufa baccharum Lauri instar , aut qualis in quibusdam granis Caffæ adhuc deprehenditur ; quæ levi contritu a seminibus separatur : Nec verum est , quod quidam scriptores referunt , hos fructus aqua calida macerari , ne apud exterarum gentes germinare queant ; quandoquidem fructus , nisi recens collecti bene maturi terræ statim mandentur , non germinare solent , ut pluries compertum est.

Analysi Chymica , ex seminis Caffæ lbij, per retortam distillatis prodierunt phlegmatis limpidi , fere inodori , & insipidi ℥iiij. ℥vß. liquoris subacidi , nonnihil austeri ℥ij. ℥v. gr. xvij. liquoris tum acidi , tum acris urinosi , odoris empyreumatici , saporis amari , & austeri ℥xij. ℥ij. gr. xlviij. olei spissioris ad axungie consistentiam accedentis ℥viij. ℥ij. gr. lxxvj. Massa in retorta residua pendebat ℥xj. ℥j. quæ per 33. horas calcinata reliquit cinerum adhuc fulcorum ℥j. ℥v. gr. xv. ex quibus per lixivium extracta fuere salis mere alcali fixi ℥j. gr. lx. Substantiæ deperditæ pondus fuit ℥viij. ℥vj. gr. xij. per calcinationem avolarunt substantiæ ℥ix ℥ij. gr. lvij.

Præter hanc analysim altera quoque in Academia Regia sic instituta fuit . Hujus seminis lbij, postquam rite fuerunt torrefactæ , quarta sui ponderis parte imminutæ sunt . Eorum sic tostorum & pulveratorum lbij. ℥iiij. cum aquæ limpidae ℥lxxij, leviter bullierunt . Ex hoc decocto per inclinationem a sæculento pulvere separato , & per balneum vaporosum lente distillato , prodierunt liquoris limpidi primum insipidi , qui deinde subacidi ac tandem acidi fortis signa præbuit ℥lx. & ℥ix. In alambice massa superstes ad extracti solidi consistentiam redacta pendebat ℥xviij. ℥ij. quæ per retortam distillata præbuit liquoris acidi ℥v. ℥j. gr. lx. liquoris vero acris seu alcalici , cum portione salis volatilissimi urinosi ℥ij. ℥ij. gran. xxx. olei crassioris consistentiæ ℥j. ℥v. gr. xlij. Massa in retorta residua nigra , rara , & spongiosa pendebat ℥iiij. ℥ß. quæ per undecim horas & amplius calcinata , tum in igne reverberii , tum in crucibulo , adhuc nigricans reperta fuit : fumum flammamque per totum hoc calcinationis tempus semper emisit , & ad ℥j. ℥ij. pondus redacta fuit . Ex ea sic calcinata lixivii ope salis alcali fixi cum odore , & sapore sulphuris ℥viij. gr. lxx. extracta sunt . Partium jactura in distillatione per retortam fuit ℥ij. ℥vj. gr. xlviij. in calcinatione vero partium in fumum & flammam exhalantium quantitas fuit ℥ij. ℥v. gr. xxxvj.

Hujus tincturæ analysi patet seminis Caffæ torrefacti unciam semissem continere extracti spissioris ℥j. gr. lxxvij. salis acidi gr. l. circiter ; salis volatilissimi urinosi gr. viij. olei ad axungie consistentiam appropinquantis gr. xij. salis fixi grana viij. cinerum vero seu terræ inertis gr. iij. Verum pulvis post decoctionem extractus rite exsiccatus ℥xxij. ℥vj. tantummodo pendebat ; & proinde pulveris tostii ℥xij. & amplius in decocto solutæ fuerunt.

Postea hujus pulveris sæculenti residui instituta per retortam distillatione, transferunt ℥v. ℥j. gr. xliii. liquoris, qui & acidi parioris alcali copiosioris notas præbuit: olei crassioris & adiposæ consistentiæ ℥vj. ℥vij. gr. xxxvj. salis volatilis gr. xxxvij. Ex retorta extractæ fuerunt ℥vj. ℥iiij. massæ nigræ, quæ per horas octo calcinata cinerum reliquit coloris leucophæi ℥iiij. gr. xxij. ex quibus salis non mere alcali, sed falsi, gr. xxiiij. lixivium eduxit. Itaque exhalatæ partes & deperditæ in distillatione æquarunt pondere ℥v. gr. xxv. in calcinatione vero ℥v. ℥vij. gr. xlvij.

Ex his analysi conclusi potest semen Caffæ oleo potissimum crassiori empyreumatico, sed admodum rarefiscibili, & particulis igneis per torrefactionem imprægnato, cum portione salis volatilis non urinosis mediocri conjuncto energiam suam debere.

Hujus seminis familiaris est usu, non solum apud Arabes, Æthiopes, Ægyptios, Turcas, sed etiam apud Europæos, ad sorbitionem conficiendam, *Cabouab* Arabibus, *Cabueh* Turcis, *Coffet* vel *Cossi* Anglis, & *Cassæ* nobis nuncupatur.

Nonnulli apud Turcas, & Persas decoctum faciunt ex solis membranaceis nucleorum tunicis, & hunc potum vocant *Cassæ a la Sultane*. Alii vero fere omnes, præsertim in Europa, ex seminibus tostis illam sorbitionem præparant.

Torrentur semina ab involucris expurgata, subtiliter pulverantur. Deinde hujus pulveris ℥j. cum aquæ communis ℔ij. circiter, leviter decoquitur; & decoctio adhuc calens a sæculento pulvere in fundo vasis præcipiti per inclinationem separata, addito sacchari momento, propinatur, tum in privatis tum in publicis ædibus non tam ratione valetudinis, quam garriendi & tempus terendi gratia.

Hæc tamen sorbitio non inutilis est. In crapula, ventriculi imbecillitate, ciborum inappetentia, doloribus colicis flatulentis, mensium suppressione, somnolentia, & morbis soporosis feliciter exhibetur. Ventriculum enim roborat; ad ciborum concoctionem cito perficiendam plurimum conducit; cerebrum, & spiritus animales recreat; ingenium etiam acut; mentemque mæstam, & ut ita dicam torpescentem excitat, & ad functiones obeundas alacriorem, & promptiorem efficit; sanguinis motum fermentarium suscitatur; somnum pellit; humores lentos, ac spissos attenuat, & dissolvit; diuresim promovet & menses, atque etiam alvum sæpe subducit. Hinc tot encomiis, & laudibus a quibusdam commendatur. Obesitas præsertim, & iis, quorum humores præ nimio lentore stagnant, aut difficile circumeunt, confert. Verum macilentis, biliosis, & illis quorum humores nimis soluti sunt, & salibus acris turgidi, admodum noxia est; necnon etiam melancholicis, & hypochondriacis, quorum sanguis crassior activis, & spirituosus particulis destituitur, & salibus acris fixis crassioribus turgidus est. Porus enim Caffæ sulphureas sanguinis partes nimium quam par est, solvit, spirituosarum dissipationem promovet: ita ut cruoris sales acres sui juris facti, & in motum acti, multas turbas excitare valeant. Inde sanguinis dissolutio nimia, & acrimonia summa, quas hæmorrhagiæ, hæmorrhoides, vigilæ, erysipelata, cutanei affectus, cordis palpitationes, spasmodici, & hypochondriaci affectus subsequuntur.

Ab hac ergo forbitione abstinere debent biliosi quibus præservida sunt viscera, qui hæmorrhoidibus, hæmorrhagiis quibuscumque, erysipelatis, sunt obnoxii, melancholici, & hypochondriaci, mulieres largiter menstruatae, necnon etiam gravidæ mulieres quibus sæpiissime immoderatus illius usus abortum provocat.

Quandoque Caffæ decoctum lacte temperatur, nec inepte; quandoquidem butyrosi lactis particulis sulphuræ tenuiores Caffæ partes, & sales urinosi volatiles tantisper coercentur, & irretiuntur: quin etiam activis Caffæ particulis lactis coagulatio impeditur, ejusque partes butyrosæ blandæ paulisper attenuatæ per totum corpus facilius circumvehuntur, & distribuuntur: sicque sese mutuo contemperant. Eam ob rem lac Caffæ temperatum tabidis & emaciatissimis sæpe proficuum fuit.

Decoctum seminum Caffæ crudorum, non torrefactorum, in aqua communi a nonnullis tanquam specificum commendatur in catharrois affectibus: & re ipsa eos sæpe sudores proliciendo sanat.

ARTICULUS VIGESIMUS-QUARTUS.

De Nuce Moschata, & Maci.

NUX Moschata, Nux Myristica, & aromatica, Off. Giauziban, *Avicenna*: Jeuzbave, vel Jusbaque, *Serapionis*: Μαχαμύρον, Κάρον μυρσινόν, Μυρισκόν, ἄρωματικόν, *Græcor. recentiorum*: vulgo Noix Muscade. Nucleus est firmus, & compactus, in pila fragilis tamen, nec difficulter in frustula dissiliens, pinguis, & odoratus, extus nonnihil rugosus, & coloris fere cinerei, intus variegatus venis spadiceis, & ex flavo albicantibus, undatim vel sine ullo ordine hinc inde discursantibus.

Genuinæ Nucis Moschatæ duæ sunt species in officinis. Una figura ovali, odore aromatico grato, sapore acri aromatico, nonnihil adstringente, quæ foemina dicitur, & maxime venit in usum. Altera, quæ mas a quibusdam, longior est, & fere cylindracea, non odoris, & saporis aromatici expers, licet minus usitata. Inter eas quædam Nuces occurrunt diversæ, & irregulari figura donatæ, qui quidem monstra, vel lusus naturæ sunt.

Aliæ præterea sunt Noces Moschatæ sylvestres, quarum species plures a Batavis distinguuntur. Illarum præcipua est Nux Moschata mas, officinarum vulgo sic dicta, Nuce Moschata vulgari seu foemina major, oblonga, in utraque extremitate obtusa, & veluti quadrata, ejusdem substantiæ, odoris fere expers, & saporis ingrati. Facile a vermibus corrumpitur: & si aliis Nucibus misceatur, easdem corrumpere dicitur, unde interdichum fuit, ut hisdem miscerentur. *Pala-tubir*, hoc est Nux montana, in Banda dicitur. Rarissimi est usus.

Hæ Noces a Batavorum mercatorum societate ex India orientali Amstelodamum transvehuntur, in alias regiones deferendæ.

Eli-

Eligatur Nux Moschata subrotunda seu olivaris, fœmina dicta, quæ probatur recens, gravis, pinguis, & quæ acu puncta succum mox reddat oleosum.

J. Bauhinus existimat Nucem Moschatam esse *κάρυα* *Theophrasti*, nec Plinio incognitam fuisse, quam designasse asserit sub Cinnamomi nomine, ex quo succus quem Caryopon dicebant, exprimebatur; hodie sub nomine olei Nucis Moschatæ in officinis adhuc usitatum. Non desunt tamen plurimæ dubitandi rationes, quandoquidem Dioscorides de Nuce Moschata, & Maci nihil scripsit. Macer autem, de quo loquitur, res est a Maci proflus diversa. Macis enim est involucri Nucis aromaticis, Macer vero ligni cujusdam cortex, cujus notitia hodie admodum incerta est. Arabibus autem Macis, & Nux Moschata optime fuerunt cognita. Prima eorum mentio apud Avicennam reperitur.

Arbor, quæ Nucem Moschatam vulgarem seu fœminam profert, dicitur Nux Moschata fructu rotundo, C. B. P. 407. Pala, *Pison. Mantziff. arom.* 173. Arbor est Pyro non abssimilis, cortice cinereo, & ligno medullosa. Folia bina ut plurimum nascuntur, licet non exacte opposita, superne intense viridia, infra albicantia, palmum longa, glabra, Lauri similia, in apicem prolixum desinentia, pediculo carentia, costata media ab exortu ad apicem usque producta, ex qua nervi obliqui, nunc conjungati, nunc alterni ad ambitum ascendunt. Folia non tantum recentia manu contrita fragrant, sed exsiccata acria sunt, & aromatica. Flores flavescentes, pentapetali, Cerasi floribus haud dissimiles sunt: illis succedit fructus pediculo longo suspensus, orbicularis; Nuci Juglandi vel Malo Persico similis, cujus nucleus triplici cortice induitur. Primum enim adest cortex carnosus, mollis, succosus, digitorum circiter crassus, sed villosus, & rufus, masculis luteis, aureis purpureisque distinctus, sicut apud nos Mala Armeniaca, aut Persica, maturitatis tempore sponte dehiscens, saporis austeri, & adstringentis. Cortici subest alterum reticulare quoddam involucrium, aut potius in pluries lacinias diffusum, substantiæ lentæ, oleaginosæ, & veluti cartilagineæ, tenuis; odoris aromatici pergrati; saporis acris, & aromatici, cum amarore quodam; coloris crocei, aut flavescentis, Macis dictum. Hujus inter fissuras apparet tertium involucrium, testa nempe durior lignosa, tenuis, & fusco rufescens, fragilis: in qua continetur nucleus seu ipsa Nux Moschata ovalis, seminiam superans, fuscis inordinatis distincta, cinerei coloris; mollior primo; deinde per tempus exsiccata, & indurata, intus ex flavescente, & e robore fusco colore variegata, odoris eximii, saporis acris, cum suavitate amaricantis, substantia oleosa, & sebo quodammodo simili. Trunco inciso, aut ramo decerpto, succus viscidus pallide rubicundus instar sanguinis dilutioris, ex vulnere effluit, qui statim intense rubet, & in linteaminibus rubras maculas relinquit, quæ vix elui possunt. In Moluccanis Insulis sponte crescit, sed præsertim colitur in Provincia Banda, quæ ex sex Insulis minoribus constat, scilicet *Nera*, *Lontar*, *Pulo-ay*, *Gunongapi*, *Pulorong*, & *Rossing-eyn*. Harum tres priores Nucum Moschatarum admodum fertiles sunt.

Macis itaque, *Off. Bongo-pala Molluscensibus*, *Pison, Mantziff. aromaticæ*

173. Bisbese, *Serapionis* : Beshbahe, *Avicenne* : Folii, *Batavorum* : Gallice *Macis & Fleur de Muscade*, improprie. Est substantia quædam membranacea, crassior & veluti cartilaginea, oleaginosa, reticuli aut laciniarum in modum supra putamen lignosum Nucis Moschatæ protensa, & carni hujusce fructus substrata; coloris rubentis primo & elegantis, sed postquam aeri exposita fuit, flavescentis; odoris aromatici pergrati; saporis grati, aromatici, acris cum amarore quodam, & oleaginem quamdam expressione fundens, si recens sit: affertur a cæteris fructus partibus separata & exsiccata. Probatatur recens, lenta, oleaginosa, colore ad croceum accedente, & odoratissima.

Arbor quæ Nucem Moschatam marem seu sylvestrem profert, dicitur Nux Moschata fructu oblongo, C. B. P. 407. Palametsiri, Nux Moschata, mas dicta, *Pison. Mantiss. aromat.* 176. Nuce Moschata vulgari excellior est, minus ramosa minusque frondosa: folia longe majora, spithamam aut sesquipedem longa, atro viridia, saporis ingrati: fructus majores, carne solidiore ac tenaciore, cui subest Macis arida, exsiccata, pallefcens & saporis ingrati: nucleus putamine duro, lignoso & crassiore contegitur, nigricante: substantia est fere similis, non tam pingui, elegantibus venulis nigricantibus intus perfusa, fere inodorata & palato ingrata. *Pala-tubir*, hoc est Nux montana, in Banda dicitur: in locis montanis & sylvestribus Moluccanarum insularum nascitur hæc arbor, necnon etiam in Malabara.

Nux Moschata mas, seu sylvestris, nullius est usus in Medicina: a quibusdam tantum superstitionis expetitur ad philtra inde paranda, quibus admiranda se præstare posse existimant.

Moschatarum autem Nucum collectio & præparatio sic instituitur. Fructibus ad maturitatem perductis, incolæ arbores conscendunt; eosque, hamulis longioribus ramulos attrahendo, decerpunt: alii eas statim cultro aperiunt, & liberant a corticibus, qui in acervos conjiciuntur in sylvis, ubi per tempus putrescunt. Corticibus putrescentibus innascitur certa species fungorum, qui Boleti Moschocaryni dicuntur, nigricantium, edulium, palato gratissimorum, & avide ab incolis expetitorum. Nuces a corticibus spoliatas domum deferunt, ubi cultello Macin deglubunt, cavendo ne frangatur, quantum fieri potest. Macis instar sanguinis rubicunda per diem in sole exsiccatur, ejusque color in obscure rubicundum convertitur: tum per sex vel octo dies in alium locum radiis solaribus minus expositum transportatur, ut quodammodo rursus emolliatur, ne ficcior facile disrumpatur; deinde aqua marina tantisper conspersa, ne comminuat aut oleaginositatem disperdat, in sacculis includitur, & compactissime comprimitur. Sicut a nimia siccitate comminuitur, & oleum aromaticum amittit, sic humiditate nimia putredini & vermicibus fit obnoxia; quamobrem ab utroque cavendum. Nuces testa lignosa adhuc reconditæ per tres circiter dies soli exponuntur; postea vero ignis fumo perfecte exsiccantur, donec sonitum, dum agitantur, edant: humidæ enim nonnisi obtusum sonum emittunt. Tum fustibus aut saxo graviori tunduntur, ut putamen lignosum in frusta dissiliat. Nuces sic a testis mundatæ in tres distribuuntur acervos, quorum primus majores continet & elegantiores, quas in Europam devehunt:

Geoffroy Tom. 1.

D d

mediæ

mediæ in secundo acervo colliguntur , quæ in India ad usum reservantur : tertius acervus minores , irregulares & immaturas capit , quarum pars maxima comburitur , altera vero ad oleum inde exprimendum usurpatur.

Selectæ Nuces facile corrumpentur , nisi aqua calcis inficerentur , ac veluti condirentur . Calx e conchyliis combustis præparata , aqua falsa diluitur ad pulvis fluidioris consistentiam : in eam Nuces cordibus minoribus inclusæ bis vel ter infunduntur , donec aqua eas omnes attingerit , & postea in cumulum coacervantur : ibi incallescunt , & humiditas supervacanea in fumum exhalat . Cum autem jam debite sudarunt , legitimæ præparatæ sunt , & ad transfratationem ferendam aptæ . Nuces quoque conditæ non tantum per universam Indiam , sed etiam in Europam devehuntur . Ea est illarum condiendarum ratio . Nuces jam ferme maturæ , sed nondum dehiscences , caute ex arboribus decerpitæ aqua decoquuntur , & subula perforantur , dein per octo vel decem dies in aqua macerantur , donec austerum & acerbum saporem deposuerint . Quo facto , in julepo ex sacchari & aquæ partibus æqualibus parato plus minusve coquantur , prout aut molliores , aut firmiores desiderantur . Si duræ experantur , aliquid calcis injicitur : aqua saccharata quotidie a fructu separatur , tantisper decoquitur , & rursus fructui affunditur , idque denuo per ostiduum : tandem adhuc unica vice costo syrupo spissiusculo Nuces infundendæ sunt , & in olla lapidea probe obturata asservandæ . In conviviis plerumque cum aliis condimentis & bellariis pro ultima mensa apponuntur , & cum potu Theæ cum primis assumuntur . Caro comeditur tantum , nonnulli etiam Macis masticant : sed nucleus rejici solet . Muria quoque aut sale & aceto condiuntur Nuces , sed non sic comeduntur . Salitæ enim aqua dulci macerantur , donec saporem salsum amittant : postea in aqua cum saccharo decoquuntur .

Nux Moschata abundat oleo essentiali , tum subtili , tum crasso cum sale acido & terra nonnihil adstringente conjuncto . Oleum duplex suppeditat distillationis ope : si enim Nuces contritæ & multa aqua maceratæ distillantur , prodit olei tenuioris ℥j. pro singulis Nucis Moschatæ libris ; & finita distillatione , oleum in aquæ superficie cui sebi instar innatat , crassum & sebaceum virtute aromatica fere orbatum reperitur . Per expressionem vero ex Nucum Moschatarum ℥xvj. extrahuntur ℥iij. ℥ij. olei sebaceæ consistentiæ , Nucem Moschatam odore & sapore apprimè referentis .

Macis oleo tenuiore & uberiore turget , quod etiam distillatione elicitur : cujus pars prima pellucida instar aquæ profluit , odore & sapore præstantior : media leviter flavescens : tertia , si fortiter urgeatur , rufescens . Omnes adeo subtiles sunt & volatiles , ut , nisi in vasis accurate clausis ferventur , magna earum copia in auras dissipetur . Ab eodem oleum crassiusculum , aut ad axungie consistentiam accedens , per expressionem educitur oleo Nucis Moschatæ tenuius .

Nux Moschata non solum ad ciborum condimenta frequens usurpatur , sed etiam ului Medico inservit . Stomachica enim est , ciborum concoctionem juvat , vomitum compescit , viscera roborat , flatus discutit , coli-

colicos dolores sedat, alvi fluxus sistit, sanguinis motum augeat, venenis resistit, in catharris & frigidis nervorum affectionibus plurimum conducit. Ab Ettmullero ad paralysem partium deglutitioni inservientium masticata & deglutita commendatur. Soporem etiam inducit, & idcirco immoderatus illius usus vitandus est. Observat enim Jacobus Bontius in *Notis ad Garziam* aliquot ex Nucis Moschatæ usu nimio non parum periclitatos fuisse, qui per diem unum aut alterum non secus, ac caro correpti, immobiles, ac muti jacuerunt. Batavi quoque observant, Nuces conditas quotidie assidue aut majori copia sumptas caput afficere, & affectus soporosos procreare; unde homines somnolenti, pigri & obliviosi redduntur. Necnon etiam ventriculum gravant, molestam ciborum digestionem efficiunt, appetitum prosternunt, tum oleosis suis particulis quæ ventriculi succum digestivum obtundunt, tum etiam activis suis particulis quæ ventriculi membranas ad inflammationem disponunt. In affectibus uteri flatulentis, in dolore uteri, ejusque inflatione post partum ab aere frigido admissio tanquam expertum remedium suffitus e Nuce Moschata prædicatur.

Nucis Moschatæ vis adstringens torrefactione augeatur: idcirco in alvi fluxu & dysenteria, torrefacta præscribitur. Dosis in substantia a ℥ss. ad ʒss. torrefactæ ad ʒj.

Macis iisdem viribus, ac Nux Moschata donatur, minus tamen adstringit: nec minus periculi est in Maci, quam in Nuce Moschata, si copia peccetur. C. Hoffmannus narrat de quadam puella, quod cum pluresculum Macis ad menses movendos assumpsisset, delirio per aliquot horas affecta fuerit.

℥. Nucis Mosch. ʒss. Cinnamomi ʒij. Caryophyllor. ʒss. Sacchari ʒj.

M. F. pulvis, cujus ʒij. post pastum sumantur in haustu vini generosi ad ciborum concoctionem perficiendam.

℥. Nuc. Mosch. torrefactæ ʒss. Terræ Cathecæ ℥j. Mivæ Cydonior. q. s. M. F. bolus bis terve die iterandus ad diarrhæas sistendas.

℥. Nuc. Mosch. ʒj. Theriacæ Andromachi ʒss. Diacod. q. s. Fiat bolus in colicis doloribus, dysenteria, tenesmo, ad dolorem sedandum & somnum conciliandum.

℥. Macis ʒss. Anisi, Coriandri ana ℥j. Sacchari albiss. ʒss. Crassiuscule contusa infundantur per aliquot horas in vini haustu. Infusio calida coletur & propinetur ad colicam flatulentam discutendam.

Nux Moschata usurpatur in Electuario Diasatyrio *Charas*, Emplastro cephalico, & Emplastro stomachico *Ejusdem*. Macis usurpatur in Tabellis Magnanimitatis, Pulvere digestivo, Pulvere contra abortum, Orvietano *Ejusdem*, Opiata *Salomonis*, Electuar. Diaphœnico & Benedicta laxativa. Ambo in Tabellis stomachicis, Pulvere aromatico rosato, & Pulvere lactificante.

Chymici olea extrahunt ex Nuce Moschata & Maci, tum per expressionem, tum per distillationem, ut jam diximus. Ea est olei Nucis Moschatæ per expressionem conficiendi ratio.

℥. Nûces Moschatas pleniores, pinguiore, & ponderosiores q. pl. In

D d 2

sub-

subtilem redigantur pulverem, qui supra cribrum inversum sublance stannea vaporibus aquæ ferventis per horæ semiquadrantem exponatur, ut vapore fervido omnino penetretur & bene calefiat: tunc forti & denso sacculo diligenter inclusus prælo calido citissime & fortiter exprimatur, & exstillabit oleum flavum primo limpidum & fluidum, dum adhuc calens est; quod refrigeratum in sebaceam consistentiam brevi concrefcit, coloris aurei vel crocei.

Oleum ex Maci expressum simili modo elicitur.

Olea essentialia Nucis Moschatæ & Macis per distillationem eodem modo ac cætera olea essentialia præparantur.

24. Nucis Mosch. contusæ, aut Macis ℥ij. Digeratur in aquæ communis tepidæ ℔vj. per dies xv. Deinde instituaturs distillatio in alambice refrigeratorio. Prodiabit oleum subtile, odoratum & flavesceus cum aqua permixtum, saporis subacidi, acris, aromatici, ima parte tantillo crassiore quam suprema.

Hæc olea indiscriminatim usurpari possunt, cum iisdem donentur viribus. Prosumt in torminibus ventris, in nephriticis doloribus intus sumpta a gutta j. ad iv. Extrinsecus commendantur in nervorum affectibus, paralyti, catharris, & arthritide: ventriculum roborant, vomitum & singultum sedant, & ciborum concoctionem juvant, si epigastrica regio illis inungatur: umbilico admota infantum tormina compescunt: temporibus illis blande conciliant somnum. Oleum Nucis Moschatæ ad mammillas puellarum quam par est graciliores externe admotum tanquam proficuum Rajus commendat: brevi enim temporis spatio, inquit, intumescere & tororiari incipiunt.

Hæc olea distillata in Pilulis purgantibus sæpe usurpantur ad catharticonum, resinosorum præsertim, vim temperandam & demulcendam.

Oleum Nucis Moschatæ adhibetur sæpius ad corpus baliamorum apoplectorum, cephalicorum, hystericorum, constituendum: necnon etiam ad id dealbatur diuturna in spiritu vini maceratione.

24. Medullæ bovinæ, urinæ sanæ, vini rubri ana ℥ij. Coquantur lento igne ad humiditatis fere totius evaporationem. Fiat colatura, cui adde repentis olei lumbricor. ℥ß. spermatis ceti ℥ij. olei Nucis Mosch. ℥j. M. F. linimentum, quo spina dorsæ, a nucha ordiendo, quotidie vespere inungatur, in rachitide.

24. Ol. Nuc. Mosch. & ol. Palmæ ana ℥ß. Oleor. Majoranæ, Rosimarini, Lavandulæ, & Salvæ ana gutt. x. M. F. balsamum cephalicum, quo caput inungatur ad affectus frigidos, pituitosos & catharosos discutandos, cephalalgiam, & hemicraniam sedandam, & in apoplexia.

24. Ol. Nuc. Mosch. express. ℥ij. Balsami Peruvian. ℥ß. Oleor. stillatior. Macis, Absynthii, Menthæ, Cinnammomi, Caryophyllor. ana gutt. xij. M. F. balsamum, quo inungantur scrobiculum cordis, & epigastrica regio, in lipothymia, cordis anxietate, singultu, nausea, vomitu, difficili ciborum concoctione, & ventriculi imbecillitate.

24. Ol. Nuc. Mosch. Bitumin. Judaici ana ℥ij. Castorei pulver. gr. vj. Oleor. stilla-

fillicitior. Succini, Rutæ, Matricar. Absynthii & Tanacetii ana
gutt. xv. Gagatis guttas xx. M. F. balsamum hystericum.

ARTICULUS VIGESIMUS-QUINTUS.

De Nuce vomica, Ligno Colubrino, & Faba sancti Ignatii.

Nux vomica, Off. vulgo, *Noix vomique*. Nucleus est orbiculatus; planus, depressus, unciam circiter latus, duas tresve lineas crassus, substantiæ duræ, corneæ, coloris cinerei, foris parum lanuginosus, cum umbilico utrinque medium occupante, sed altera facie depressiore, saporis amari. Ex India orientali cum Ligno Colubrino affertur.

Græcis profus ignota videtur; neque etiam constat num fuerit Nux Methel aut vomica Arabum. Nonnulli Nucem vomicam radicem esse opinati sunt, sed erronee. Neque etiam fungus est, ut alii existimant; sed nucleus est fructus cujusdam arboris quæ dicitur Nux vomica major, & officinar. *Parad. Batav. Prodr.* Caniram, *Horti Malabari*, T. 1. Malus Malabarica, fructu corticoseo amaricante, semine plano compresso, D. Syen, *Raii Hist.* 1661. Solanum arborefcens Indicum maximum, foliis OEnopliæ sive Napecæ majoribus; fructu rotundo, duro, rubro; semine orbiculari, compresso, maximo; Nuces vomicæ & Lignum Colubrinum officinarum ferens, *Breyn. 2. Prodrom.* Nux vomica in officinis, C. B. P. 511. Colubrini Ligni tertium genus in Malabar vastæ arboris magnitudine Acoftæ, *Ejusdem* 301. Nux vomica, vulgo officinar. compressa, hirsuta, J. B. t. 1. 339. Colubrinum Lignum Clusii, *Pao de Cobra* dictum, forte tertium Acoftæ, J. B. 2. 173. Cucurbitifera Malabariensis, OEnoplio foliis rotundis, fructu orbiculari, rubro, cujus grana sunt Nuces vomicæ officinar. *Plukn. Almagesto Botanico.*

Arbor est procera, parula. Caudex ambitu amplexum duorum hominum implet, cortice cinereo, nigricante aut rubente, amaro obductus. Foliâ ex surculorum nodis oriuntur opposita, oblongo-rotunda, in medio latissima, antierius rotundo-cuspidata, virentia, saporis valde amari, cum tribus nervis utrinque nonnihil prominentibus. Flores in furculis ex nodis umbellatim proveniunt, (calyce constantes regulari, quinquifido, parvo, germiui insidentes; corolla vero infundibuliformi, ad maximam partem quinquifida; staminibus quinque cum apicibus longis, & pistillo unico petalo longiori. Fructus rotunda mala sunt, glabra, colore primum viridi, deinde aureo flavo, carne per maturitatem candida & mucilaginosâ, cortice crassiusculo & fragili, saporisque valde amari, unicusplari. Semina in unoquoque fructu quindecim, in tribus phalangibus disposita, orbiculata, depressa,) cortice exteriori, cum immatura sunt, argenteo, parumper ad spadiceum vergente, per maturitatem vero villosa, subviridi, tenui, & pulpa intense amara. In Malabara, & Coromandel crescit.

Horti Malabarici scriptores referunt radicis hujus arboris decoctum humores per alvum evacuare; succum ex foliis expressum & in decocto datum ca-

pitius dolores sedare; largius epotum venenosum esse, mortemque inferre; usum seminum in fructibus per duos annos continuatum, sumpto singulis diebus uno aut altero semine, efficere ut morsus venenatus serpentis, vulgo *Cobra Capella* dicti, nullas noxas afferat; si credere fas sit, inquit Rajus.

Nuces vomicæ, *Off. canes*, feles, aliaque quadrupeda animalia cæca nasci solita specifica quadam vi toxica enecant. Corvis pariter, coturnicibus, & aliis quibusdam avibus infestæ sunt. Medici fere omnes tantam in illis virulentiam esse opinantur, ut ad Zij. pondus sumptas hominem interimere afferant. Saltem parva dosi stomachum subvertunt, & convulsivos motus excitant. Quæ cum ita sint, mirandum sane quod alexipharmacis annumeratæ fuerint.

Hujus Nucis venenum nervos potissimum afficere videtur. Hinc enim anxietas, rigor, horror, tremor, convulsiones, & respiratio inordinata. Quod quidem confirmatur ab Antonio de Heyde, *Observationum Centuriæ* 50. „Duas, inquit ille, Nucleos vomicas in frustra incisas pani butyro rato mixtas cani apposui, qui ea avidè devorabat; post semihoram ingurgitabat se ossibus & cartilaginibus coctis. Sed altera elapsa semihora, tremebat totus, de loco in locum discurrens: erectus stare haud poterat, nisi fulcro innitens: rigore & convulsionibus crura afficiebantur: tertia semihora finita, ut mortuus corruit: brevi postea respirare cepit celeriter, & adjutus pedibus insistebat: ad minimum rumorem horrere videbatur, & celerius respirare. Hoc in statu per quartam semihoram superstes manet canis, ac tandem subito moritur. Dissecto canis cadavere, hæc apparere phænomena: Ventriculus, ingurgitato cibo repletus erat, admixtus Nucis vomicæ segmentis, quæ nullam mutationem passæ videbantur, quam quod molliora essent: idem accidit segmento per idem temporis spatium in aqua calida detento. Porro stomachus, esophagus & intestinum naturali constitutione gaudebant. Vasa lactea in mesenterio turgabant chylo. Pulmones solito rubicundiores, & cordis ventriculi, ejusque auriculæ debito tumidiore erant. Ex dissecto cordis ventriculo dextro, vena cava ascendente & descendente stricta, magna sanguinis copia effluebat, qui in thoracis cavitate statim coagulabatur. Circa cerebrum nihil præter naturam notatum fuit. Hoc in experimento magna ciborum copia, quibus canis se ingurgitaverat, Nucis effectum tardiores effecit, licet major fuerit ejus dosi, & plusquam sufficiens ad mortem celerem inferendam. Et re quidem ipsa statim atque Nucis vomicæ particulæ a succo stomachali sufficiente quantitate solutæ fuerunt, & nervosæ ventriculi fibras affecerunt, eodem instanti mortuus canis corruit. Aliæ sunt observationes a Vespéro *Traçatû de Cicuta aquatica* scriptæ, quibus liquet minorem ejus dosim pariter mortem inducere, sed gravioribus symptomatis stipatam. Inter eas hanc unam referam.

Caniculæ provectioris ætatis & mediocris magnitudinis Nucis vomicæ limatæ drachmam dimidiam cum mica panis in bolum redactam dedit. Præ timore mox alvum & vesicam exoneravit. Ultra dimidiam horam nullum symptoma observatum fuit, nisi quod latebras quaesierit & subinde fugam tentavit. Nunquam vomuit, neque eructavit, aut spumam profudit: at

crebro

crebro os lingebat. Tunc vero stans aut lumbis insidens erectis oculis comprimendo caput antorsum inclinavit: mox caput, ceu ab insomnio pesserita, ut & pedes anteriores in altum attollebat; subinde caput retrorsum trahebatur, nunc fortius, nunc mitius, nunc brevioribus, nunc longioribus intervallis. Interea crebro mingebat: semel egressit scybala alba concreta, non tamen indurata: frequentes subsultus in partibus carnosius trunci & artuum observari sunt. Paulo post forti epilepsia correpta fuit: in hoc paroxysmo qui fere per horæ duodecimam partem duravit, caput retrahebatur; oculi fixi manserunt, pedes nunc extensi obriguerunt, nunc succutiebantur & tremebant; respiratio aliquamdiu cessare videbatur; cor celeriter: frequenter & validissime pulsabat manam attingentis: nec excrementa per alvum aut urethram, nec salivam aut spumam ore egressit: nulla ullius sensus indicia animadvertebantur. Finito paroxysmo, immobilis ceu paralytica jacuit: respiravit celerrime & frequentissime, ceu a cursu incensa: cor frequentius, celerius, ac debilius quam in paroxysmo movebatur. Brevi tamen vires recuperavit, in pedes surrexit, leviculo baculi attractu cucurrit, & solitas latebras quæsit. Veram non longæ induciæ concedebantur: stanti enim pedes anteriores subito & vehementius in altum abripiabantur, plerumque primum oculis clausis, postea etiam apertis, ac si in somno territa fuisset, ipsaque coma vigil pateretur: quandoque etiam caput retrorsum trahebatur. Hi epilepsiæ prodromi crebriores & vehementiores erant, quam primum paroxysmum præcedentes; mansere tamen hæcenus sensus integri: crebro minxit, alvo semper occlusa. Vix horæ quadrante elapso, rediit epilepsia, in qua stans projeciebatur cum impetu quodam in pavementum: in principio artus, truncus & caput valide quassabantur, mox artus & truncus, capite retracto, rigeabant; pedes posteriores mire elongabantur, tenisque manebant; respiratio erat intercepta; cor vehementer, citissime, sed æqualiter movebatur. Paroxysmus iste citius primo & sua sponte remisit. Ante semiquadrantem horæ partem tertia vice epilepsia correpta fuit vehementissima. Post alterum horæ quadrantem quarto epilepsiæ paroxysmo omnibus sensibus abolitis prostrata fuit, omni genere motuum convulsivorum exagitabatur, cum respiratione intercepta circa ullius excrementi sensibilem excretionem.

Duratio hujus paroxysmi cæteris non longior fuit, scilicet duodecima horæ parte. Finito paroxysmo, instar mortuæ jacuit: mox celerrime, & frequentissime respirare & oculos movere incepit, sensibus integris; nihilominus multifariam artus motibus convulsivis afficiebantur. Nunquam tamen etiam compulsa surgere potuit: oculi turbidiores fiebant, motus convulsivi subinde invalescebant, manentibus respiratione, & sensibus; labia tremebant, & quandoque motu cynico torquebantur: paulo post cordis motus magis magisque elanguit, brevique citra paroxysmum epilepticum plane substitit, & canicula vivere desit.

Pectus statim fractis costis apertum fuit: dextro cordis ventriculo sanguine rurgidissimo disiecto, eum impetu sanguis rucilus ad ulnæ dimidiæ altitudinem prosiliit, licet nec vel minimi motus vestigium in corde apparuerit: neque in hoc ventriculo, neque in illius apertula, neque in vena

cava vel minimum grumulum sanguinis coagulati repertum fuit; indito digito, insignis calor in hoc ventriculo sentiebatur. Inciso sinistro ventriculo, prodiit sanguis copiosus, splendidus rutilans, & grumorum expertus, ac citra impetum. Sanguis extravasatus protinus in grumos concrevit. Pulmones erant molles, non inflati, imo aliquantulum collapsi, subrubri, alicubi maculis rubris quasi conspersi: Imo ventre aperto, motus ventriculi manifeste percipiebatur, qui secundum longitudinem corrugabatur fultis rectis & profundis, plane conspicuis; postea etiam fibris circularibus motis circa antrum pylori, circa medium & versus stomachum contrahabatur. A contractione ventriculus minor & angustior evadebat: relaxata contractione, magis distendebatur; & amplior quam contentorum fluidorum & crassiorum moles postulabat, manifeste reddebatur: repetita contractione, rursus minor & angustior fiebat, idque sæpius alternante contractione & relaxatione. Intestina omnia, etiam rectum, motu peristaltico sursum deorsumque movebantur. Hic intestinorum & ventriculi motus perseverabat, quamdiu hæc partes calebant, licet jampridem corde emortuo & sanguine pene omni effuso. Ventriculo dissecto, bolus Nucis vomicæ nondum penitus dissolutus, mucro turbido immerfus & obvolutus occurrit in ipsius fundo, cum quorundam alimentorum reliquiis. Interna ventriculi superficie ab omnibus contentis mundata, anfractus rubeant, eeu inflammati, magis superne & ad latera quam in fundo, minus circa stomachum: totum antrum pylori album permansit: foris nulla inflammatio apparuit, at vasa dorsum perperantia a sanguine turgidiora debito erant. Incisus intestinis, in duodeno & jejunio aliquousque mucus turbidus continebatur in ileo aliquid pultacei & portiunculæ Nucis vomicæ similes; item excrementa liquidiora, circa ejus finem compactiora, in cæco & recto in scybalas albas coacta. Contentis subtilis, duodenum & maxima pars jejuni inflammata; in ileo hinc inde maculæ rubræ, nunc ampliores, nunc angustiores apparuerunt: rectum duodeni & jejuni instar inflammatum fuerat. Cætera in statu naturali fuerunt deprehensa, tum in abdomine, tum in cerebro.

Ex his & similibus experimentis a clarissimo Vvepfere recensitis concludere licet Nucem vomicam in animalibus convulsivos motus, epilepsiam & mortem inducere: horum funestorum symptomatum scenam esse in ventriculo, cum in quamplurimis ex animalibus Nucis vomica interemptis hujus Nucis frustra raro extra ventriculum reperta fuerint etiam hæc symptomata intra horæ quadrantem aut ad summum dimidiam horam animalia aggrediantur, quo tempore scilicet brevior, quam ut Nucis frustra dissolvatur & in massam sanguineam transvehi possint. Inde sequitur quoque Nucem vomicam vim suam exerere, non sanguinem coagulando, cum nulli grumi in sanguine percipiantur: non spiritus animales coercendo, aut succum nervosum coagulando, quandoquidem nullas deprehenditur frigoris sensus, nullus torpor, ut in quorundam venenorum frigidorum, ut ajunt, Cicutæ aquaticæ, v. gr. exhibitione: non membranas ventriculi corrodendo, cum in quibusdam animalibus Nucis interemptis nulla ventriculi inflammatio perfecta fuerit, in aliis inflammationis signa, rubor nempe non fundum ventriculi ubi Nucis vomica

micæ frustra mucro involuta subsidebant, sed alias ventriculi partes occuparent; tandemque in his etiam ventriculi membranæ erolæ non apparuerint, sed quodam irritationis motu quem fibræ nerveis ventriculi impertitur: qui quidem motus, cum oscillatorium & æquabilem fibrarum nervearum motum perturbet, inordinatos motus non solum hac in parte, sed omnibus nervosis membranis communicat. Amara fere omnia hac virtute succutiendi nervos donantur, ut observare licet in animalibus plerisque, quibus amara omnia prorsus noxia sunt & infesta.

Quæ supra recensuimus, Medicos sane ab hujus Nucis usu in homine detertere deberent; licet eam bestiis tantummodo, nequaquam hominibus noxiam asserere audeant. Revera Vvesperus refert seipsum peste correptum Electuarii de ovo portiunculam non solum innoxie, sed felici cum successu sumpsisse, in quo Nux vomica usurpatur. Narrat etiam quamdam mulierculam empyricam Tabellas cephalicas præparasse, & quamplurimis exhibuisse absque ulla noxa aut læsionis suspitione; licet Nux vomica inter medicamenta quibus componebantur, annumeraretur. Arabes virtutem alexipharmacam illi tribuerunt, & in Electuario de ovo receperunt. In tertianis & quartanis a quibusdam exhibentur: & Medici Schaphusenses, teste Eman. König, tanquam præsens virulentæ gonorrhææ remedium eam agnoscunt. Verum in medendo illa non utendum esse censemus: in dubiis enim mitiorem & tutiorem semper sequimur viam.

Altera recensetur Nucis vomicæ species præcedenti prorsus similis, cujus arbor dicitur Modira Caniram, *Horti Malabar. t. 8.* Solanum arborecens Indicum, foliis Napææ majoribus, magis mucronatis: fructu rotundo, duro, spadiceo, nigrescente; semine orbiculari, compresso maximis, *Bregn. 2. Prodrum.* Nux vomica officinar. vera, & ipsissimum Lignum Colubrinum, *Commelini notis ad Hortum Malabaricum.*

Commelinus asserit Nucem vomicam & Lignum Colubrinum ex hac arbore extrahi: contra autem Paulus Hermans ab altera Nucem originem suam ducere pronuntiat. Cuinam credendum? Ambo forte verum dicunt, si nempe utriusque arboris fructus non dissimiles, sub eodem nomine indiscriminatim afferantur.

Ex his arboribus lignum gustu intense amarum sub Ligni Colubri nomine nonnumquam affertur: & revera iisdem fere viribus donatur, ac genuinum Lignum Colubrinum, de quo mox agemus. Ab eo tamen distinguere potest quod sit rarius & minus durum.

Tertia est Nucis vomicæ species longe minor, quæ rarissime in officinis reperitur. Nucis vomicæ vulgaris tertiam partem vix æquat: cæterum cum ipsa, figura, colore, sapore, consistentia convenit; nullius est usus. Sed lignum arboris, quæ eas profert magis usitatum, Lignum Colubrinum dicitur.

Lignum est vel potius radix lignosa, brachium crassa, sub cortice ferrugineo & maculis cinereis notato includens materiam solidam, ponderosam, saporis acris & amari, odoris nullius. Affertur ex insulis Solor & Timor. Ab arborum supradictarum ligno distinguitur, quod sit magis durum & densum.

Arbor dicitur Nux vomica minor Moluccana, Lignum Colubrinum officinarum, *Paradisi Batav. Prodrom* : Solanum arborelscens Indicum, foliis Napece minoribus; fructu rotundo, duro; & semine orbiculari, compresso minoribus, *Bregn. 2. Prodrom. Scheru-Katu-Valli-Caniram, H. Malabar. t. 7.* Lignum Colubrinum primum Garcie, *J. E. 2. 169.* Ab arbore Caniram nonnisi foliorum, fructuum, & seminum magnitudine differt.

Hujus arboris Lignum Colubrinum dicitur, quia morsus serpentum Cobras de Capelo dīctorum sanat. Laudatur in febribus intercurrentibus, quartanis, ad vermes enecandos: humores noxios per sudores sæpissime, quandoque per alvum, nonnumquam etiam per vomitum expellit. Sed si majori dosi exhibeatur, convulsiones & spasmoticos motus excitat, & deleterium est. Hujus Ligni usus non est nisi annosioris: recens enim, inquit D. Hermans, primo anno maniam, tormina, vomitum & convulsiones provocat. Datur a ʒij. ad ʒß. in infuso vel decocto ex vino Absynthite, vel ex aqua Cardui benedicti, aut Centaurii minoris.

ʒj. Ligni Colubrini ʒß. Infunde in vini Absynthites ʒviij. Macerentur per noctem, & fiat colatura; & exhibeatur in quartana, duabus horis ante paroxysmum.

ʒj. Ligni Colubrin. & semin. contra vermes ana ʒß. Salis Absynth. ʒj. Infunde in aq. Gramin. vel Portulacæ ʒxij. Macerentur tepide per xij. horas. Fiat colatura in tres doses distribuenda per tres dies singulo mane sumendas, ad vermes enecandos.

Internus tamen hujus Ligni usus non periculo vacuus est: imo vi quadam maligna & virulenta donatur, non secus ac Nux vomica quæ nervos afficit, ut satis liquet ex observationibus Antonii de Heyde 53. 121. Ad febrem quotidianam sedandam, inquit, Ligni Colubrini pulverem assumpsit tornator quidam circa vespertam; subsequente nocte satis bene habuit: sed mane surgere vel corpus movere satagens, sentiebat tremorem in membris. Ejusdem Ligni semidrachma assumpta a muliere cachectica præter tremorem excitavit & stuporem, ita ut ægra nullius rei curam haberet; nesciens, ut ait, se esse in mundo vel vivere. Alius quidam famulus ab assumpto hoc Ligno per aliquot dies instar fatui existit. Idem igitur judicium de hoc Ligno ac de vomica Nuce ferendum est.

Faba febrisfuga & Faba sancti Ignatii, *Off. Igasur*, seu Nux vomica legitima Serapionis, *Georgii Camelli*: Mananag, *Indor.* Carbalogan & Pepita de Bisayas, *Hispanorum*. Nucleus est subrotundus, inæqualis, veluti nodosus, durissimus, semipellucidus, & quasi corneæ substantiæ, Nuci vomicæ similis, Avellanæ nucis crassitiem æquans; saporis seminis Citri, multo intensius amari; coloris medii inter album & glaucum. Paucis abhinc annis illos adhuc incognitos nucleos Lusitani Patres S. J. Missionarii ex Philippinensibus insulis attulerunt.

Planta quæ illos producit, dicitur Catalongay & Caneava G. Camelli, *Adis Philosoph. Londinens. n. 250.* Cucurbitifera Malabathri foliis scandens, Catalongay & Cantara Philippinis orientalibus dicta, cujus nuclei

Pepi-

Pepitas de Bisayas, aut Catbalogan, & Fabæ sancti Ignatii ab Hispanis, Igasur & Mananaog insularis nuncupati, *Plukn. Mantissa*. Arbores quasvis altissimas sese circumvolvendo scandit: truncus ejus lignosus, lævis, porosus, & brachii quandoque crassitudinis; cortice scabro, crasso & cinereo obducitur. Folia ampla, nervosa, amara, Folio Indo æternæ similia sunt, latiora tamen. Florem Balaustio similem fructus insequitur Melone major; qui delicatissima cuticula splendente, lævi & viridis luridi seu alabastrini contegitur, subter quam olio cortice donatur substantiæ quasi lapidescentis. Intus carnem continet amaricantem, flavam & mollem, & interjectos nucleos ut plurimum n. 24. Juglandi nuci, dum recentes sunt, vix non pares, & ab argentea lanugine splendicantes, variz & inequalis formæ; qui, dum exsiccantur, ad Avellanæ crassitiem comminuantur. In insula Luzone & cæteris Philippinensibus insulis nascitur.

R. P. Georgius Camelli S. J. qui plantas in insula Luzone Philippinarum præcipua nascentes descripsit, existimat hunc nucleum veram esse Nucem vomicam *Serapionis*, miraque de illius apud Indos commendatione narrat: „Vulgus, inquit, nucem Igasur ad cuncta absolventem corporis humani mala amovenda, nulla habita temporis, morbi, ætatis, aut dosi ratione indifferenter exhibet; quinetiam multi e collo suspensionem gerunt; & ita ab omni veneno, peste, contagio, incantationibus magicis, philtis & speciatim a sopito, seu veneno, quod sollemnmodo insutatum perimere narrant, imo & ab ipso dæmone, ne se liberos, ac immunes esse imaginantur. Quoddam tamen addit observationes, quibus satis patet illud medicamentum non temere sumendum esse.

Quidam temperamenti melancholici, dyspepsia, diarrhæa & frequenti vomitu cum ructibus acidis & flatuum copia molestatus, pulveris Igasur ℥j. sumpsit: qui statim tremore totius corporis per trium horarum spatium non cessante, una cum pruritu & vellicationibus convulsivis horrendis, ita ut pedibus insistere nequiverit, quæ in maxillis vehementiores erant, ut quodammodo ridere cogeretur, correptus fuit; nulla interim notabili pulsus alteratione, nec alio quopiam insequente symptomate. De reliquo dein nonnihil melius sensit. Alius melancholico hypochondriacus sanitatis cupidus Nucem recentem integram devoraverat: tremorem & convulsiones spasmodicas expertus est una cum summa præcordiorum angustia, vertigine, animi deliquo & sudoribus frigidis; & dubio procul perisset, nisi Pater Camelli illi operam tulisset, oximel & oleum cum aqua tepida exhibendo, quibus plurimum viscosi phlegmatis cum Nucis particulis reject.

Tandem de viribus Nucis Igasur ex aliis observationibus refert vomitum cedere ut plurimum, dejectiones nonnumquam, motus spasmodicos sere semper in Hispanis, in Indis vero nullos excitare.

Exhibetur in affectibus comatosi, stupore, apoplexia, lethargo, paralyti, epilepsia, asthma & catharro, febre tertiana & quartana, ad urinæ, menses & puerperia suppressa provocanda, lumbricos expellendos; in dolore colico, cruditate ventriculi & concoctione læsa, diarrhæa, teneismo, & viscerum obstructionibus; necnon etiam adversus venena, vene-

venenatorum animalium morsus, & vulnera e telis veneno infectis :

Pulverem ipsum, aut ejus infusum decoctumve, aut oleum propinant. Vulgarior illa Nuce utendi modus est eam integram tantillo aquæ calidæ, donec amara reddatur, macerare, & infusionem exhibere. Alii unum aut alterum frustulum deglutendum offerunt : alii pulveris aliquot grana vino aut aqua diluta exhibent. Ad vomitum excitandum grana x. vel xij. una alterave post assumptum cibum hora sumuntur : minor vero dosis, si non sit vomitum ciendi consilium ; & tunc uberrimum sudorem nonnumquam excitat.

Cum Nux illa difficulter pulveretur, radula comminuitur & redigitur in tenuissimam rasuram, quæ per duodecim horas in vino vel in aqua qualibet conveniente macerata in pulvem mucilaginosam dissolvitur. Nonnumquam hujus Nucis frustulum linguæ supponitur apophlegmatizandi gratia : ita enim caput a viscosi phlegmatis copia liberatur.

Oleum vero ex hac Nuce paratur sola infusione, & emeticum est efficacissimum ab ℥j. ad ℥ij. intus propinatum. Externe nervinum est ; scabiem curare & dolores arthriticos sopire valet.

Ex ea quoque Nuce tinctura ope spiritus vini extrahitur flavescens, quæ a ℥j. ad ℥ss. aut ad summum ℥j. feliciter exhibetur ad firmandum ventriculi tonum, in cruditatibus & epilepsia stomachica, quæ a digestionis vitio oritur, qualis in infantibus sæpe accidit.

Michael Bernardus Valentinus Archiater Hassiacus & Medicinæ Professor, qui primus de hoc Nucleo disseruit, *Tractatu de Polycbreſis exoticis*, & nuperrime in *Historia Simplicium reformata* testatur hos nucleos recte usurpatos nobile esse remedium adversus multos contumaces morbos, & eorum ope febres intermittentes, præsertim in tenellis infantibus etiam lactentibus, perfecte fuisse curatas. Vvedelius quoque in febribus continuis eos feliciter exhibuit.

Ex supra recensitis concludimus, Fabarum S. Ignatii virtutem a Nucis vomicæ facultatibus non multum discrepare ; nihilominus tamen eas a foro Medico non esse procul ablegandas. Non igitur tantæ energiz medicamentum rejiciendum censemus, sed potius summa cum cautione & prudentia esse administrandum.

ARTICULUS VIGESIMUS SEXTUS.

. De Cartami, sive Cnici semine.

K Nixos, veterum Græcorum : Kartam, Arabum : Cnicus & Cartamus, Latinorum ; eadem videtur esse planta, quæ hodie Cartamus officinarum, flore croceo, *Inf. R. H.* 457. Cartamus sive Cnicus, *J. B.* 3. 79. Cnicus sativus, sive Cartamum, *C. B. P.* 378. vulgo, *Cartame ou Safran batard*, nuncupatur. Ejus semina in usum Medicum sæpe veniunt, flores rarissime ; quorum usus præcipuus est ad fericum, pannos & plumas colore roseo tingendas. Nonnumquam etiam ad ciborum condimenta a populis quibusdam usurpantur.

Plan-

Plantæ caulis est sesquicubitalis; rotundus, firmus, ramosus, in quo folia alternatim, & dense nascuntur duas uncias longa, octo lineas lata, basi rotundiori caulem amplectentia, & in cuspidem acutum abeuntia, nervosa, venosa, glabra, aculeis exiguis, & rigidiusculis in ambitu donata. Flores in summis ramulis innascuntur capitati, calyce squamuloso & foliaceo, ex quo flosculi plurimi prodeunt unciam superantes, filulosi, in calathum saturo croci rubore nitidum, & in quinque lacinias divisi, Seminum rudimenta pappo carent: perfecta semina candidissima sunt, glabra, nitida, tres lineas longa, inferiori parte acutiora, quatuor angulis distincta, quæ sub cortice duriusculo, & veluti cartilagineo pulpa albicante, saporis primo subdulcis, postea acris, & nauseosi continent. Flores Augusto, semina Autumno perficiuntur. Seritur in nonnullis Galiliæ, Italiæ, & Hispaniæ locis, non solum ad rem Medicam, sed etiam ad insectoriam artem.

Semina probantur recentia, nitentia, candida, (licet quidam non respuant, quæ ad rufum vergunt, medulla candida, pingui, quæ in aquam injecta in fundo subsident; rejicienda vero flaccida, mucida, cariola, rufa. Eorum medulla tantum, separato & rejecto cortice, in usum venit.

Semen Cartami, quod & Psittaci semen, *Graine de Perroquet*, a quibusdam nominatur, quod Psittaci illud avidè, & innoxie experiant & comedant, quin etiam eo pinguescant, alvo non soluta, hominibus catharticum est. Oleo acri turget, cui vis ejus purgans debetur.

Ab omni ævo semen a Medicis inter purgantia, sed alvum laxantia, annumeratum fuit. Susplicari fas esset Hippocratis tempore inter diuretica a quibusdam relatum fuisse.

Libro enim *de Viis ratione* pronuntiat divinus senex alvum potius quam urinam movere. Illud quoque eodem Libro inter purgantia numerat: cui assentiuntur Galenus, Scribonius Largus, & alii. Ex Dioscoride, seminis tussis, & expressi succus cum aqua mulsa vel jure gallinacei alvum purgat, sed stomacho adversatur. Ex eo quoque offusæ seu placentulæ suo tempore parabantur cum Amygdalis. Nitro, Aniso, & melle decocto, quæ in frustula magnitudine Nucis Juglandis dividebantur, quorum duo vel tria ante cœnam sumebantur ad alvum emollientiam. Catharticæ virtuti emeticam addunt nonnulli, inter quos Schroderus, quam quidem, non nisi majori copia exhibeatur, exerit. Pituitam & aquas extrahendi vim ipsi tribuit Mesuæus, illudque aqua inter cutem laborantibus tanquam præstantissimum remedium commendat, non modo haustum, sed etiam clysteribus infusum. Insuper vi quadam singulari in pulmonum morbis præditum esse voluit; cui annuens Fernelius vocem clarificare quoque prodidit. Hodie adhuc ab universis fere Medicis adhibetur ad humores serosos, lentos, spissiores incidendos, attenuandos, ac educendos; & speciatim in hydropè, anasarca, tussi, asthma, colica flatulenta, tum etiam in ictero præscribitur. Quidam observarunt seminis potissimum conferre.

Alii Cartamum exhibent in substantia, alii in emulsionibus, quidam tandem decoctis admiscunt. Qui in substantia exhibent, medullæ a cortice mundatæ ℥j. vel ℥ij. offerunt, in emulsionibus expressionem ex ℥vj. vel ℥j. seminum

num mundatorum contusorum, in sero lactis vel jure gallinae aut alio liquore conveniente propinat.

Verum quocumque modo sumatur, apud omnes fere constat Cartamum stomacho adversari, fastidiosum esse medicamentum, conturbans viscera, tardæque operationis, sed præsertim, cum ejus substantia exhibetur: quapropter rarissime præscribitur. Hæc autem vitia emendantur aromaticis medicamentis, & stomachicis, quibus crassiora Cartami sulphura expandi possunt, salibus alcali, quibus eadem inciduntur sulphura, & attenuantur. Quandoque etiam segnitie ejus quibusdam purgantibus medicamentis valentioribus, Senna, Jalapa, Scammonio stimulat.

24. Seminibus Cartami excoricati ℥vj. Contunde in mortario marmoreo, sensim affundendo aq. comm. ℥vij. Fiat colatura, in qua dissolve Syrup. Flor. Persicor. ℥j. Fiat emulso, quæ aromatizetur cum eleosacchar. Cinnamom. q. s. vel aqua Cinnamom.

24. Semin. Cartham. ℥iiij. Contunde cum Scammonii gr. vj. in aq. comm. ℥iiij. & aq. flor. Aurantior. ℥ij. Fiat expressio, in qua dissolve Sacchari albi ℥ss.

Carthami semen ingreditur Electuarium Diacarthami cui nomen dedit; licet hujus Electuarii præcipua vis cathartica debeat Scammonio, Turbith, Mannæ, & Hermodactylis potius quam huic semini.

Electuarium Diacarthami præscribitur solum a ℥ij. ad vj. permixtum vero potionibus purgantibus ad ℥ij. vel iij.

24. Sennæ mundatæ ℥ij. Sal. Absynth. ℥j. Infunde in f. q. aq. fontanæ per sex horas. In colaturæ ℥vj. dissolve Electuar. Diacarthami ℥ij. vel iij. Syrup. Rosar. solutivi cum Senna, & Agarico ℥j. Fiat potio in catharrois affectibus, paralyti, atheriide, & hydropse.

Rarius ad usum medicum flores croceo colore splendentes adhibentur: nonnulli illis contusis condimenti vice utuntur. Cibos croceo colore commendant, & alvum emolliunt ad ℥j. in substantia purgant, inquit Etmullerus. Dicuntur & ictero mederi: & ex his foliis vel cum floribus Calendulæ simul mixtis paratur Conserva contra icterum flavum, & hepatis obstructions.

Sed maximus est eorum usus in arte insectoria, ad pannos præsertim sericeos roseo colore tingendos. Fæcula quoque ex illis paratur rubro suo colore splendente insignis, & a foeminis plurimum expetita, ad roseum faciei colorem naturæ deficientem arte restituendum. Vulgo dicitur: *Rouge d'Espagne*, fucus roseus Hispanicus. Ea est illius conficiendi ratio.

Crocea Carthami stamina aqua limpida pluries eluuntur, donec aquam flavo colore non amplius tingant: tum illis admiscuntur cineres clavellati, & aqua calida superaffunditur. Omnia accurate agitantur & commoventur: deinde liquor colore rubro tinctus, per aliquod temporis spatium: & brevissimum derelictus, crassioribus particulis ad vasis fundum depositis in aliud vas paulatim effunditur a fœcibus, & per aliquot dies in loco remoto reponitur. Fæcula tenuissima intente rubra, rutilans, a liquore paulatim fecernitur, & vasis fundum petit: effuso liquore, in alia vasa transfunditur, in quibus perfecte exsiccata aureo dente perfricatur.

Sic

Sic compactior fit , ne levis hic pulvisculus tenui flatu permotus in auras evanescat . Sic etiam fucus ille aureo splendore niter.

ARTICULUS VIGESIMUS-SEPTIMUS.

De Semine contra vermes.

Semen contra vermes Semen zina, Sementina, Semen sanctum; Santolina *Off. vulgo*, *Poudre a vers*, *Barbotine*, *Sementine*, *Santoline*. Pulvis est crassior, constans ex minutis capitulis, oblongis, squamosis, ex viridi flavescentibus; sapore ingrato, amaro, cum acrimonia quadam aromatica; odore aromatico graviusculo & nauseoso, cum foliolis furculisque aut stipitibus minutissimis striatis.

Nulla quidem res in officinis magis usitata, & cujus origo minus cognita sit. Dubitant adhuc num semen sit, vel capsula seminalis, vel foliorum aut florum germina? Quenam sit planta, quæ eam proferat, an Zedoaria, an Absynthii, an Abrotani species, an Chamæcyparissus? Num in Gallia proveniat, in Palestina, in Ægypto, vel in Persia, aut in solo Regno *Boutan*, in India Orientali remotissima?

Illud semen in Gallia nasci apud Santones asserunt, qui Absynthium Santonicum non viderunt. Absynthii Seriphii vel marini semen esse pronuntiant alii, nec potiori jure. Rauvolfius qui Orientales plagas peragravit, Absynthii genus esse pronuntiat, *Schecha* ab Arabibus nominatum, circa Berthelem nascentis, nostratis simile: sed folia, quæ in hoc semine reperiuntur, a nostris foliis sunt prorsus diversa. Præterea non est verisimile diligentissimum plantarum Ægyptiacarum indagatorem Prosperum Alpium, & qui in eum commentatus fuit J. Veslingium, utrumque in Ægypto aliquot per annos commoratum, nullam ejus mentionem fecisse, si illarum regionum indigena fuisset: quod sane, ob incertam hujus seminis originem quæ ipsos latere minime potuit, vix alias prætermisissent.

Paulus Hermans Abrotani speciem esse censet; quæ in Persia, & quibusdam orientalibus regionibus reperitur; nec tam femina esse perfecta, quam squamosa seminum nondum perfectorum involucria, inde per totum orbem transvehi.

Cum sagacissimo hoc Botanico celebris per orientales provincias peregrinator Tavernerius consentire videtur quandoquidem *Itinerarii sui* p. 2. l. 3. c. 15. enarrat Semen zinam in Indiæ superioris Regno *Boutan* ad septentrionalem Mogolum oram sito provenire, unde Molchus quoque & Rhabarbarum simul cum hoc semine afferuntur; necnon etiam in Caramania Persiæ provincia septentrionali crescere, sed quantitate adeo exigua, ut incolarum usui vix sufficiat. Quia vero hætenus paucos aut nullos Europæorum, ne dicam Medicorum, ad loca ista remotissima penetrasse certum est, & mercatores de lucro potius, quam accuratior mercium suarum cognitione ut plurimum sunt solliciti; quid mirum, si hac quoque in parte certa relatione careamus?

In-

Indefessus ille viator modum collectionis in isto Regno usitatum subiungit. Hæc planta in pratis colitur magna quidem copia: exiguus tamen est illius proventus, quandoquidem ejus semen, cum ad maturitatem accedit, levi ventorum agitatione in terram decedit ac disperditur. Præterea est ea apud illos populos opinio, semen illud manuum contactu cissime corrumpi: idcirco manus neutiquam admovent; sed collectionis tempore per prata, ubi ampla est hujus plantæ seges, discurrentes, vannos quibus utraque manu armantur, modo a dextera ad sinistram, modo a sinistra ad dexteram alternatim & assidue movendo, herbarum summitates seminibus turgidas attingunt. Hac allusione discussa semina vannis excipiuntur.

Verum de plantæ genere nil certi habemus. Semen probatur recens; minus pulverulentum, crasse granulatum, oblongum, ex viridi rufescens & odoratum.

Analyti Chymica præter phlegma acidum, olei tum essentialis, limpidi, flavescentis, aromatici, & amari, tum crassioris, empyreumatici, portionem non mediocrem præbet, sicut & spiritus urinosi cum tantillo terræ & salis fixi salis.

Adversus lumbricos, & intestinorum vermes quoscumque quoque modo sumptum utile censetur, tum propter intentum amarorem quem vermes ferre nequeunt, tum etiam ratione salis Ammoniaci similis, cujus ope viticidam incidit & dissolvit piruitam ventriculi & intestinorum plicaturis adhærentem quæ vermes sinu suo recondit, eorumque semina retinet ac fovet. Insuper ventriculum roborat, flatus discutit, & ciborum appetentiam provocat. Urilius exhibetur, si cum Aquila alba aut alia quacumque Hydrargyri præparatione, & Rhabbarbo consocietur. Sic enim vermes non solum enecantur, sed enecati cum verminosa saburra foras propelluntur.

Semen pulveratum usurpatur a ℥j. ad ℥j. in haustu vini vel aquæ Absynthii, Portulacæ, vel alterius liquori idonei, vel sub forma boli. Nonnumquam semen oblinitur saccharo, quo facilius ab infantibus comedatur. Quidam hujus seminis macerationem in aceto commendant; sed supervacanea est hæc præparatio, qua vis ejus minuitur.

℥. Semin. contra pulver. ℥j. Aquil. alb. gr. v. Rhei pulver. gr. xvij. Misce cum Syrup. Absynth. q. s. Fiat bolus mane jejuno ventriculo devorandus, & per aliquot dies iterandus.

Usurpatur in Pulvere contra vermes Charas, & Tabellis contra vermes Eusdem.

ARTICULUS VIGESIMUS-OCTAVUS.

De Aniso Indico stellato, Badian dicto.

Anisum Indicum stellatum, Badian dictum, Off. Anisum peregrinum, C. B. P. 159. Anisum Philippinarum Insularum, Clus. Hist. 25. Zingifrutus stellatus, sive Anisum Indicum, J. B. I. 485. Fœniculum Sinense, F. Redi exp. natural. Cardamomum Siberyense Patavinorum, Paul. Ammann. H. Bo-

Bofan: vulgo *Anis de la Chine*, ou de *Siberie*; *Semence de Badiane*. Fructus est stellæ figuram repræsentans, qui constat ex sex, septem, pluribusve nuculis vel capsulis, radiorum in modum in centro coeuntibus, triangularibus, quinque, octo, vel decem lineas longis, tres, quatuor, vel quinque latis, leviter compressis, per basim coadunatis, compositis ex gemino cortice; exteriore duro, aspero, rugoso & spadiceo aut rubiginoso; interiore propemodum osseo, lævi & splendente, bivalvi, qui per latus supinum in siccis & inveteratis dehiscit, manifestumque præbet nucleum singularem in singulis nucibus latentem, lævem, splendenter, oblongum, depressum, duas vel tres lineas longum, unam latum, colore seminis Lini, qui recondit sub tenui & fragili testa carnem albicantem, pinguem, dulcem, palato gratam, saporis medii inter Anisum & Fœniculum, sed valentioris. Capsula vero saporem Fœniculi refert cum quadam aciditate permixtum, & odorem similem, sed fragrantiorē. Ex Tartaria, Sina, & Philippinis insulis affertur.

Quæ illos fructus profert arbor, dicitur Evonymo affinis Philippinarum insularum, Anisum spirans, nuculas in capsulis stelliformiter congestis proferens, *Phæn. Almag. Botanici*: Panispani, *G. Camelli*. Ad orgyranum duarum altitudinem & amplius assurgit, caudice crasso & ramoso. Ex ramis prodeunt cubitales tharsi, seu folia composita ex undecim, tredecim & quindecim foliis alternis, rariter crenatis, mucronatis, sesquinciamp latis, & palmo longioribus. Flos, inquit, est racemiformis, & exalbida congeries, magnitudine Piperis, frequentium & flocco muscorum nucamentorum: nascitur in Tartaria, Sina, & Philippinis insulis. Semen Badian oleum essentielle fundit copiosum, quod oleo Anisi limpidius est, subtilius & fragrantius.

Iisdem viribus donatur ac Anisum & Fœniculum, imo præstantioribus. Apud orientales populos his seminibus anteponitur, & ad eosdem adhibetur usus. Ventericulum roborat, flatu discutit, & urinas promoveri, Sineses hunc fructum in ore post pastum detinere solent & masticare ad suavem halitum efficiendum, aeris impuri contagium arcendum, ventericulum roborandum, & ciborum concoctionem adjuvandam. Illud etiam cum radice Ninzin, aquæ calidæ infunditur, infusionemque in modum Theæ bibunt ad ventericulum cæteraque viscera roboranda, vires labantes rescaciendas: spiritusque recreandos. Balsamica illius virtute a renum calculo præstari aut liberari existimant. Illud idem plurimi cum potu Theæ, Caffæ, aut aliis liquoribus permiscunt ad gratiam ipsis conciliandam. Hodie spiritus ardens anisatus cum hoc fructu ab Indis præparatur, *Anis Arak* Batavis dictum, & plurimi æstimant.

Semen seu nucleus hujus fructus odore & sapore non destituitur, ut quidam asserunt, imo comestum dulci & suavi Anisi odore & sapore os totum perfundit.

CAPUT SEPTIMUM.

De Plantarum Succis liquidis & concretis.

Succi nomine non humorem quemcumque per plantarum vasa dimanantem generatim & indiscriminatim intelligimus, sed illos tantummodo liquores qui vel sponte, sæpius autem vulnere illato, delabuntur; & lacrymatim profluunt: unde lacrymæ nonnunquam nuncupantur, quique in usum medicum veniunt. Humores illi plerumque concrescunt vel in resinam, vel in gummi; vel in mediam quamdam naturam inter gummi & resinam. Verum in officinis sæpius confunduntur; quandoquidem resinis quibusdam gummi nomen tribuunt, sicut & plurimis gummi-resinis. Sed ut accuratius distinguere possint, dicendum est, quid sit resina, quid gummi, quid gummi-resina.

Resina est humor pinguis, oleaginosus, inflammabilis, qui in aqua non dissolvitur, sed in oleo dumtaxat. Constat autem ex partibus sulphureis cum acido sale conjunctis. Equidem ratione consistentiæ duplex est: liquida quæ lenta est & tenax; sicca, quæ friabilis ut plurimum, calore tamen mollescit. Inter liquidas resinas numerantur Opobalsamum, seu Balsamum Judaicum; Balsamum Peruvianum album, rubrum; Balsamum Tolutanum; Balsamum Copaivum; Liquidambar; Storax liquida; Terebinthina vera, seu Chia; Terebinthina, seu resina laricea, abietina, pinea; Labdanum. Inter resinas solidas recensentur Styrax, Benzoinum, Tacamahaca, Olibanum, Mastiches, Sandaracha, Sanguis Draconis, Copal, Anime, Caranna, Elemi, Hedera, Camphora.

Gummi est succus concretus, qui in aqua facile dissolvitur, in igne nec liquefit nec flammam concipit, sed dumtaxat crepitat. Componitur ex modica sulphuris portione cum terra, aqua, & sale conjuncta; ita ut simul juncta mucilaginem constituent: & sunt Gummi, Tragacantha, Arabicum, nostras, & Manna.

Gummi resinæ nomine plurimi veniunt Succi concreti, qui in aqua & in oleis æque dissolvuntur, & quidem omnino aut pro majori parte: compositi sunt ex partibus resinosis & partibus gummosis simul coadunatis. Si partis salinæ quantitate sufficiente donentur, tota eorum substantia aqua solvitur: si vero mediocris sit hujus salis portio, remanent in aqua resinosa substantiæ nonnihil, in oleo vel spiritu vini tantummodo solubilis. Hujus generis sunt Bdellium, Myrrha, Assa foetida, Ammoniacum, Euphorbium, Galbanum, Opopanax, Sagapenum, Sarcocolla.

DE RESINIS LIQUIDIS.

ARTICULUS PRIMUS.

De Opobalsamo, seu Balsamo Judaico.

Balsamum, olim arboris balsamiferæ nomen, nunc generica vox est, quæ plurimis rebus & diversis tribuitur, tum nativis, tum arte præparatis. In officinis enim Balsami nomine insigniunt non solum lacrymam arboris balsamiferæ, Opobalsamum Græcis olim dictam, sed etiam succos resinosos tum liquidos, tum exsiccatos, qui odore pergrato & viribus ad Opobalsamum nonnihil accedunt; qualia sunt Balsamum Peruvianum, Tolutanum, Copaivum, &c. deinde liquores spirituosos arte confectos, quorum in compositione balsamici succi usurpantur, vel quorum virtutes balsamicæ sunt & vulnerariæ; qualia sunt Balsamum vulnerarium *Fioravanti*, Balsamum Pernianum: tum crassiores, oleosos, pingues, resinosolve arte præparatos, ut Balsamum Samaritanum, viride, Hyperici, Momordicæ, Sulphuris, Saturni, &c. tandem unguenta quædam viribus præstantiora, ut Balsamum vulnerarium *Arcei*, Balsamum apoplecticum. Hic vero de succo pingui & resinoso ex Balsamo arbore stillante agimus, & de quibusdam lacrymis resinosis balsamicis dictis ex aliis plantis, sponte vel per incisionem diffluentibus.

Opobalsamum, Balsamelæon, Balsamum Judaicum, Gileadense, Syriacum, e Mecca, Constantinopolitanum, album, Off. *Ὠποβάλσamon*, Græcorum: vulgo *Baume de Judée*, *Baume d' Egypte*, *du grand Cayre*, *de Constantinople*, *Baume blanc*. Resina est liquida, pretiosa, albicans aut leviter flavescens, odoris fragrantis, ad Citri odorem accedentis, saporis acri & aromatici. Probatur recens, quæ fluidior est, magis oleosa, & odore fragrans: improbatior tenacior, quæ vetustior, & Terebenthina, aut aliis adulterata mangoniis, quæ facile odore & sapore distinguuntur.

Planta quæ hunc liquorem fundit, dicitur Balsamum Syriacum, Rutæ folio, C. B. P. 400. Balsamum verum, J. B. I. 298. Balsamum Lentisci folio, Egyptiacum, *Pellon. observ.* Balsamum, P. *Alpin.* 48. Hæc, ut ait Alpinus, arbuscula ad Ligustri vel Cytisi altitudinem assurgit, & folia pauca gerit Rutæ vel Lentisci potius similia, perpetuo virentia, terna, quina, aut septena, alæ adnata cum folio impari in extremo posito. Ramuli odorati sunt, resinosi, & lenti. Eorum lignum album est & inodorum, gemino cortice tenui seu membranaceo contextum, extimo foris subrubente, intimo virescente, odorato, saporis aromatici. Flores ex albo purpurei, Acaciæ floribus proximi, & summe odorati. Semina flava sunt, folliculis nigris subrubentibus inclusa, odorata, acria, amara, humorem flavum melli similem fundentia.

De hujus arboris natali solo auctores inter se non conveniunt. Hujus arboris patriam fuisse Judæam Theophrastus, Dioscorides, Plinius, &

alii existimaverunt : narrantque in Hyericuntina Judææ valle illam excoli in duobus regiis hortis , altero viginti jugerum non amplius , altero vero pauciorum . Hinc Balsamum Judaicum dictum fuit . Plinius asserit , Balsamum uni terrarum Judææ concessum fuisse : observatque ultimo Romanos inter , & Judæos bello hos in hanc arbusculam sævisse , sicut & in vitam suam ; contra vero Romanos defendisse , & dimicatum pro frutice fuisse . Nullibi sponte nasci Theophrastus asserit . Verum Dioscorides non in sola Judæa , sed etiam in Ægypto nasci tradit . Strabo quoque refert in Arabia Sabæorum tractu maritimo reperiri . Tandem constat neque Judæam neque Ægyptum ejus spontaneum fuisse solum . Hodie enim nullæ arbores balsamiferæ in Judæa reperiuntur , neque etiam Bellonii tempore reperiebantur ; quippe quæ tempore invasionis Turcarum profus neglectæ aut divulgæ fuerant . Illas tantummodo vidit in quodam Memphis civitatis , hodie Cauri , suburbio Matharea dicto , ubi in hortis Turcarum Imperatoris diligenter excolebantur & caute custodiebantur . Illuc autem , Bellonio referente , non ex Judæa , sed ex Arabia felici magnis Sultani sumptibus translatae fuerant . Quin etiam auctor ille affirmat eas olim & etiam tum in Arabia felice extitisse , unde lignum & fructus ab omni autem antiquitate cum aliis mercibus Arabicis Memphim delata fuerant : Cum autem Augustinus Lippi anno 1704. Cairum pervenisset , frustra in Mathareanis hortis arbores balsamiferas quæsit , quæ jam diu perierant . Eas in Mecca & aliis Arabiæ felici Provinciis sponte nascentes solummodo reperiri narrat , in *Epistolis ad Illustrissimum Fagonium* , olim *Ludovici XIV. archiatrum* , ex relatione cujusdam Principis Arabis Meccæ Regis filii , a quo etiam Opobalsami extrahendi rationem acceperat . Itaque Arabia felix Balsami locus patrius semper fuit , nunquam Ægyptus aut Judæa .

Opobalsamum , referente Alpino , cum primum eductum , colore est albo , odore eximio & acutissimo , Terebenthinam redolens cum suaviore odoris fragrantia , sapore amaro , acri & adstringente . Substantia turbida crassaque , ut oleum statim ab Olivis expressum , cernitur ; postea tenuissima , limpidissima fit & levissima : color in subviridem mutatur , deinde in aureum , ac demum , cum annosior fit , in melleum convertitur : tum Terebenthinæ modo crassescit , difficillime fluit , & multum de suo odore deperdit . Quando recens est , præ multa ejus levitate in aquam instillarum non desidet , sed ex alto in eam projectum parumper in ipsa mergitur , fereque continuo assurgens supra totam aquæ superficiem totum expanditur , eique miscetur , ita ut maxima cum difficultate separaretur : in ea paulo post concrevit atque coagulatur , coagulatæque stylo totum ab aqua eximitur , quod tunc colore lactescit , sive album quasi lac visitur : Et hæc sunt Opobalsami genuini & recentis notæ .

Veteres Opobalsamum ex arborum cortice leviter inciso stillans unice excipiebant , & quidem quantitate admodum exigua . Hodie ex Aug. Lippi epistolis tres sunt illius succi species . Prima verum Opobalsamum dici potest , & est pretiosus ille humor , vel sponte vel ex vulneribus cortici influit dimanans : sed adeo exiguum est quod colligitur , ut pro indigenis & magnatibus vix sufficiat , rarissimeque foras deferatur . Altera species est Balsamum e Mecca seu Constantinopolitanum pretiosum quidem , quod-

quodque raro ad nos pervenit nisi per magnates quibus dono datur. Sic extrahitur. Arboris balsamiferæ ramusculis & foliis cacabum adimplent, illisque aquam affundunt, donec supernatet. Cum ebullire incipit, oleum limpidum ac tenue aquæ innatat, quod sedulo colligitur, & ad mulierum usum reservatur: eo enim ad faciem expoliendam utuntur, capilloſque inungendos. Perſeſverante autem ebullitione, aliud oleum paulo craſſius & minus odoratum ad aquæ ſuperficiem elevatur, quod ut minus pretioſum per caravannas Cairum & ad exterâs nationes tranſmittitur; illudque eſt in Europa vulgatiuſ.

Præter Opoballamum, in officiis adhuc uſitata ſunt Carpoballamum ſeu Baſſami fructuſ, & Xyloballamum ſeu lignum Baſſami.

Carpoballamum. Off. Καρποβάλλαμον, Græcorum. Bacca eſt oblonga, ſubrotunda, Piſo minor, in parvum acumen deſinens, pediculo brevi donata, cortice ruſoſo, fulco, quatuor coſtiſ diſtincto; includens, dum bene matura eſt, exiguam medullam baſſamicam, oleoſam, albicantem, odore & ſapore Opoballami grato. Probatur flavum, plenum, grande, ponderoſum, gultu fervens in ore, modice Opoballamum redolens; rejicitur exoletum, carioſum, pulverulentum, vacuum, leve & inodorum.

Xyloballamum & Baſſami lignum, Off. Ξυλοβάλλαμον, Græcorum. Sub hoc nomine afferuntur ſurculi ſeu ramuſculi lignoſi, tenueſ, conſorti, nodoſi, & brachiati, plumæ anſerinæ vel minoris digiti craſſitie, duplici cortice circumtecti; exteriori tenuiore, ruſoſo, ruſo; interiori pallide virente, ſaporis, & odoris nonnihil reſinoſi, ad Opoballami odorem accedentis, cum recens eſt. Legitimum raro in officiis reperitur, aut ſaltem annoſum eſt, & proſuſ inodorum. Pro Xyloballamo etiam ſubſtituunt Lentſcinuſ ramuſ Opoballamo perunctoſ.

Opoballamum recens collectum & diſtillatum oleum præbet tenue, & fragrantiffimum; & reſina quædam ruſcens remanet, quæ, ſi igne urgeatur, olei craſſioris ad Terebenthinæ oleum accedentis portionem fundit, ac tandem oleum ruſum cum acidi liquoris guttiſ aliquot. Ab hoc oleo tenui & volatili ejus viſ pendet.

Opoballami vires, ratione ætatiſ diverſæ ſunt. Cum enim recens eſt, tenuibuſ, actuoſiſ & ſumme volatilibuſ particulis copioſiſ donatur; ac proinde majoriſ eſt efficaciz quam annoſum. Intuſ exhibitum viſcerum putredinem, & corruptionem tollere, abſceſſibuſ pulmonum, hepatiſ, & renuſ conducere ſama eſt. Alexipharmacam vim obtinet, & in vënenatiſ, & demoriſ a ſerpentibuſ, atque iſtiſ a ſcorpionibuſ tum eſtopum, tum illituſ maxime juvat; quod & veteres, Dioſcorideſ, & Pliniuſ reſtantur. In peſte, ut ab ejus contagio defendantur, Egyptiî nihiſ majuſ habent quo utiliuſ & tutiuſ utantur, ſinguliſ diebuſ ejuſ ſemidrachmam deglutienteſ. Multaſque etiam putridaſ febreſ eo epoto ſanant, largiore ab ipſo erumpente ſudore. In chronicis febribuſ, & crudiſ frigidique humoribuſ obſtructionibuſque viſceruſ, nihiſ utiliuſ, & præſtantiuſ expeririunt, quam Opoballami Dij. vel Zj. per oſ quotidie exhibere. Uno verbo nullum eſt medicamentum, ut reſert Alpinuſ, quo magiſ ac frequentiuſ Egyptiî medendo utantur quam Opoballamum,

samum, quod illi ad omnes fere morbos, & symptomata adhibent, ad eosque maxime, qui vel ex simplici intemperie frigida & humida, vel frigidis humidisque succis, vel a venenis concitantur. Felici cum successu exhibetur in gonorrhœa a guttis xij. ad xx. singulis diebus mane jejuno ventriculo, necnon etiam in albo mulierum fluxu, & in dysenteria. Commendatur insuper ad pulmonum tubercula cruda discutienda, & infarctus pulmonares expediendos. In phthisica diathesi sæpe conducit, fibrillarum pulmonarium tonum restituendo, & seri in pulmones exsudan- tis acrimoniam temperando, viscidolque humores incidendo: quare asthma- ticis quoque convenit. Utiliter quoque præscribitur in internis ulceribus, præsertim pulmonum, renum & vesicæ, modo ulcus illud non sit ery- sipelatosum, ut sæpius contingit. Tunc enim, observante Friderico Hoffmanno, balsamica omnia, resinosa & oleosa summe nocent, in- flammationem augendo, & puris excretionem coercendo. Itaque ubi adest febris inflammatoria, a balsamicorum usu abstinendum est, aut sal- tem summa cum cautione usurpanda sunt. Mulieres Egyptiæ steriles eo tum epoto, tum supposito, tum suffito, felici cum successu sæpe ad re- movendam sterilitatem utuntur.

Externe ad vulnera sananda ab omni ævo celeberrimum fuit, tantæ- que efficacitæ habitum, ut aliis unguentis oleisque vulnerariis pretiosissi- mis nomen suum communicaverit: ideoque Empyrici & Agyrtæ, ut medicamenta sua commendatiora apud vulgus redderent, ea balsamico- rum appellatione honestarunt. Nec desunt exempla vulnerum, etiam periculorum, brevi temporis spatio Balsami liquore persanatorum. Quin, & sordida ulcera expurgat, ut post Dioscoridem P. Alpinus scri- psit. Observandum tamen balsamica, & resinosa ejuscemodi medicami- na vulneribus simplicibus, seu in quibus adest simplex continui solutio, apprimere convenire, & mederi, tum ad vulnus obducendum, & ab æ- ris contactu præservandum, tum ad labiorum vulneris agglutinationem citius promovendam. Tunc enim vulnera quæ per se brevi sanarentur, multo citius ad cicatricem perducuntur: verum si aliqua adsit confusio vel contritio fibrarum quarundam carnosarum aut aliarum, cum contri- tæ illæ partes suppurationem semper inducant, frustra balsamica medi- camenta ad vulnus agglutinandum adhibentur; partes enim illæ putre- scentes, & quarum separatio impeditur, diutius in ea parte immorantes, acrimonia sua partem affectam vellicant, & inflammant. Unde tardior fit vulneris curatio, & sæpe difficilior.

Opobalsamum exhibetur Saccharo involutum sub forma boli, vel vitel- lo ovi solutum in emulsione, iusculo, vino, aut alio quovis liquore idoneo, a guttis vj. ad 3ß.

24. Opobalsami gutt. xij. Excipiantur Saccharo tenuiter pulverato; & fiat bolus in gonorrhœa, albo mulierum flore, & dysenteria.

24. Balsam. Judaici 3ß. Vitellos ovi n. ij. Sacchari in aq. Rosar. ad sy- rupi consistentiam cocti 3ij. Fiat mixtura, cujus cochlear unum in de- cocti pectoral. 3vj. vel in lactis tepentis haustu propinetur, in tussi ferina & vehemente phthisi incipiente, & ad cruda pulmonum tubercula resolvenda.

Frequens est Opobalsami usus inter mulieres Asiaticas & Egyptias ad sa-

ad faciem expoliendam; quandoquidem cutis eo illita a rugis defendi perhibetur. Sic autem Ægyptiæ Opobalsamo utuntur, referente Alpino. Balsamanda mulier, ut sic loqui liceat; in balneo calido in primis moratur, quousque multum incaluerit, quo tempore cutim Opobalsamo multoties copiose illinit: sic inuncta, per horam & amplius in balneo valde calido, quousque cutis Opobalsamo recte imbibatur & arefeat, morata, egreditur, solitaque munia exercet, permanetque sic facie atque pectore Opobalsamo inunctis per tres circiter dies; ac tertia ab inunctione die rursum in balneum se confert, & eodem jam supradicto modo faciem ac pectus copioso Opobalsamo perungit. Eandem inunctionem multoties reperit saltem per triginta dies, quibus cutim nunquam mundant nec abstergunt.

Tandem cum Opobalsamum probe exsiccatum est, præmissa modica olei Amygdalarum amararum inunctione se lavant, cutimque multis diebus aqua Fabarum stillaritia abstergunt.

Apud nos, quæ ad faciem lavandam Opobalsamo utuntur, illud sic præparant.

24. Opobalsami & olei Amygdalar. recens expressi ana ℥ij. Diligenter misceantur in mortatio vitreo. Sensim affundantur spiritus vini ℥vij. assidue movendo cum pistillo. Liqueor in ampullam vitream effusus quiescat, donec oleum totum in ima ampullæ parte separatim appareat. Spiritus supernatans rite ab oleo secretus servetur ad usum. Hujus spiritus ℥j. cum aquæ ℥viii. permiscetur, & lactescit mixtura; ideoque Lac virginale dicitur, ad faciem lavandam plurimi æstimatorum: nulla fit in hoc lacte præcipitatio, seu Balsami separatio.

Fructuum atque virgarum recentium usus est in officinis, licet rarior. Iisdem fere conveniunt, quibus Opobalsamum, iidemque facultatibus donantur. Verumtamen Opobalsamum efficacius est eo minus Carpobalsamum, omniumque minime Xylobalsamum. Eorum pulvis vel decoctum præscribitur. Substantia a ℥j. ad ℥ij. in decocto vero ad ℥℞.

Opobalsamum utitur in Trochiscis *Hedichroi*, Theriaca & Michridatio; Carpobalsamum in Theriaca; Xylobalsamum in Trochiscis *Hedichroi*, & Mithridatio.

ARTICULUS SECUNDUS.

De Balsamo Peruviano, albo & fusco.

EX quibusdam Americæ regionibus varii succi resinosi afferuntur præstantissimi, quibus Balsami nomen ob insignes eorum virtutes cum Opobalsamo communes conceditur. Tres quatuorve potissimum celebrantur, scilicet Balsamum Peruvianum album & fuscum, Balsamum Toluianum & Balsamum Copaiva.

Balsamum Peruvianum album, Off. vulgo *Baume blanc du Perou*. Succus

cus est fluidus, tenax, Terebenthinæ consistentia tenuior, resinofus, inflammabilis, limpidus, ex albo flavescentis: saporis acrisculi, aliquantum amari; odoris fragrantis & suavis, ad Stryracem accedentis. Affertur ex Americanis Hispanicæ ditionis regionibus.

Balsamum Peruvianum fuscum, vel nigricans, Off. vulgo *Baume brun ou noir du Perou*. Succus est fluidus, resinofus, tenax, Terebenthinæ consistentia similis, coloris ex rufo ad nigrum vergentis, cum odore fragrantissimo Benzoinum suaviter referente, sapore subacri, linguam leviter mordicante, qui igni admotus flammam facile concipit, suaviterque olentem similiter tyrium spargit.

Rejiciatur nigrum, minus bene olens, seu quod empyreuma seu fumi odorem refert. Ambo illi succi ex eadem arbore ducunt originem. Dicitur Hoitzailoxitl, seu arbor, Balsami Indici, balsamifera prima *Hernandez*, 51. Balsamum ex Peru, *J. B. I.* 295. Cabureiba seu Balsamum Peruvianum, *Pison*. 119. Cabui Iba, *Marcgrav.* 137. Mali Medicæ magnitudine est, foliis Amygdali, majoribus tamen, obrotundioribus, & magis acuminatis, floribus in extremis ramorum flagellis luteis, initio loculorum oblongorum forma, sed procedente tempore quorundam veluti foliorum cæteris longiorum & latiorum, in quorum extremitatis cavitate semina inclusa continentur candicantia aut pallentia, oblonga & paulisper contorta, seminibus Mali Medicæ similia. Inciso hujus arboris cortice stipiteve quovis anni tempore, sed præcipue exactis jam imbribus, nobilis ille liquor stillat. In calidis Americæ meridionalis regionibus nascitur, qualis est Peruvia.

Eadem arbor videtur esse, quam Monardes *Cap. 9.* describit; cuique duplicem tribuit corticem; unum crassum Suberis modo, alterum vero tenuem; fructum Ciceris aut Pisi grano non majorem in extrema siliqua angusta, digitum longa, alba.

Prior succus albidus ex inciso arboris cortice exstillat; alter vero coctione, modo Indis usitatissimo, elicitur. Dissectum trunci lignum, corticem & ramos in minutissima frustula in capacissimum lebetem aqua plenum conjiciunt, & ebullire sinunt, quoad satis sit. Aqua refrigerata, oleum supernatans rufescens, vel ex rubro ad fuscum vergens, conchis colligunt & servant.

Ex Balsamo Peruviano albo, referente Paulo Hermans, distillato oleum extrahitur, quod statim concrevit in salem instar Sacchari, candidum velut Camphora, qui constat ex oleosis particulis tenuioribus, & sale acido volatili intime conjunctis.

Balsamum Peruvianum sive album, sive fuscum ad eadem commendatur quibus Balsamum Arabicum convenit; & eodem exhibetur modo a gutt. iij. ad xij. in asthma, phthisi, dolore nephritico, mensum suppressione. Extrinsecus lenit dolores ex humoribus frigidis ortos, nervos contractos sanat, in vulneribus consolidandis valde proficuum est. Cavendum ab ejus odore vehemente, qui caput afficit & gravat, & in lypothymiam nonnunquam inducit. Usupartur in Pilulis balsamicis, *R. Morton*.

24. Conf. Ros. rubr. 3j. Balsami Lucarellæ 3ß. Balf. Peruv. gutt. iij. M. F. bolus in tussi inveterata, phthisi incipiente, ulceribus internis, casu ab alto, & dysenteria.

Balsamum Peruvianum cum vitello ovi solutum longe acrius fit, observante Ettmullero, & magis fauces vellicat, quam per se sumptum.

ARTICULUS TERTIUS.

De Balsamo Tolutano.

Balsamum Tolutanum, Off. Balsamum solidum, *Quorundam*: vulgo *Baume de Tolu*, *Baume d' Amerique*, *Baume de Barthagene*, *Baume dur*. *Baume sec.* Succus est resinofus, tenax, mediæ inter liquidum, & densum consistentiæ, coloris ex spadiceo ad aurum vergentis, odoris fragrantissimi, ad Benzoini, & Citri odorem accedentis, saporis dulcis & grati; nec nauseam movet, ut cætera Balsama. Advehitur in cucurbitis parvis ex quadam Americæ meridionalis Provincia inter civitates Carthegenam, & Nomen Dei dictas sita, *Tolu* ab Indis dicta, & *Honduras* ab Hispanis. Per tempus exsiccat, & indurefcit, ita ut fragile evadat.

Arbor quæ hunc fructum fundit, dicitur Balsamum Tolutanum, foliis Ceratiæ similibus, quod candidum est, C. B. P. 401. Balsamum de Tolu, J. B. I. 196. Balsamum Provinciæ Tolu, balsamifera quarta, *Hernandez* 53. Pumili Pinis similis est, plurimos ramos quaquaversum spargit, foliaque Ceratiæ similia obtinet, semper virentia. Accuratiorem hujus descriptionem non reperi. Inciditur tenuis & tenellus cortex ferventissimo sole: liquor effluens cochlearibus e cera nigra factis excipitur, qui deinde in cucurbitas, aut alia vascula ad eam rem parata effunditur.

Eadem huic Balsamo, quæ Balsamo Peruviano, tribuuntur virtutes: quinimo a quibusdam præstantius censetur. Apud Anglos frequentior est usus, præcipue in phthisi, & ulceribus internis. In primis autem celebratur ad vulnera consolidanda, & a putredine defendenda, in articulorum vulneribus, sectionibus, & puncturis nervorum. Nulla acrimonia donatur, ideo in potionibus solutum ab ægrotantibus facilius hauritur quam Peruvianum.

Ex hoc Balsamo sic præparatur Syrupus balsamicus, *Pharmacop. Londinensis*, apud Anglos usitatissimus.

℥j. Balsami de Tolu ℥ij. aq. limpid. ℥xij. Coque in vase clauso balneo arenæ per duas treleve horas. Colaturæ frigidæ admisce Sacchar. albissim. ad Electuar. solid. consistentiam cocti ℥xx: & fiat Syrupus.

ARTICULUS QUARTUS.

De Balsamo Copaiba seu Brasiliensi.

Balsamum Brasiliense, Balsamum Oleumve Copaiba, Copaiva, vel Copaii, Off. Capivus; *Dale pharmacolog*: vulgo *Baume de Copaii*. Succus est resinofus, liquidus: dum recens est, oleosæ consistentiæ, per tempus tenax & glutinosus, ex albo flavescens, saporis acris, amari, aromati-

matici ; odoris fragrantis , ad ligni *Calambourg* dicti odorem accedentis . Ex *Brasilia* a *Lusitanis* in *Europam* devehitur .

Hujus succi duæ species occurrunt in officinis . Altera limpidior , coloris pallidi vel flavescentis , odoris grati , saporis amaricantis , consistentiæ pro ætate fluidioris vel crassioris , ad *Terebenthinam* accedentis ; quæ præstantior . Altera crassior , albicans , minus pellucida , tenacis & mellæ consistentiæ , odoris minus grati , *Terebenthinæ* proximi , saporis amari injucundi , cum aquæ turbidæ portione in ejus fundo . Hæc species videtur vel adulterata , aut saltem coctione ex arboris cortice & ramulis extracta : idcirco improbatur .

Arbor , ex qua ille succus stillat , dicitur *Copaiba* , *Pison.* 118. & *Marcgr.* Arbor balsamifera *Brasiliensis* , fructu monospermo , *Raii Histor.* 1659. Satis procera est , multis crassis & late per terram sparsis radicibus , truncus recto , admodum crasso , denso cortice , ligno saturate rubro & velut minio tincto , duritiæque *Fagino* æquali , ramis plurimis late extensis & in ramulosos divisus . His plurima adhærent folia superna parte magis virentia , inferna vero diluto virore tincta , subrotunda , & ad ovalem formam accedentia , quatuor aut quinque digitos longa , duos autem vel duos cum semisse lata , pediculis crassis & digitalis longitudinis innixa , nervis & venulis in postica foliorum parte prominentibus insignita . Ramulorum extremis insunt multi flores , ex quinque mediocris magnitudinis petalis compositi , quibus decidentibus succedunt siliquæ oblongæ , digitales , subrotundæ atque fuscæ ; quæ si ad maturitatem pervenerunt , digito pressæ mox aperiantur , & nucleum quem continent emittunt oblongo-rotundum , *Avellanæ* magnitudine atque forma , cujus exterius integumentum cuticula est nigricans , quæ ad medietatem vestitur pauca pulpa , lutea , lenta , molli , odoris instar *Pisorum* contusorum . Nucleus autem qui comeditur , constat carne lenta instar *Cornu* emolliti , dentibus cedente , saporis haud adeo manifesti , coloris aquei , quo simiæ delectantur , ita referente *G. Marcgrav. in histor. rerum natural. Brasiliæ* : Crescit hæc arbor in densis nemoribus mediterraneis *Brasiliæ* , necnon etiam in insula *Maranhon* & vicinis *Antillis* insulis , ubi fervente Æstate ex truncis profundius inciso liquor effluit oleoso-resinosus , primo quidem limpidus instar olei distillati *Terebenthinæ* , postea vero crassior , ex albo flavescent . Qui primo profuit liquor , seorsim asservatur , seu præstantior altero , qui ultimo prodit . Si truncus arboris istius justo tempore satis profunde & ultra corticem incidatur , spatio trium horarum ad duodecim *Balsami* libras emittit : at si intempestive sauciatur , nihil vel parum liquoris balsamici fundit ; vulnere autem mox cera aut argilla obducto , post duas circiter hebdomadas resinosum suum liquorem sat copiose fundit .

Hujus arboris lignum ob elegantem colorem saturate rubrum a fabris lignariis expetitur , tum ad asseres latos conficiendos , tum etiam ad varia opera elegantiora concinnanda , necnon ad tinctorios usus usurpatur .

Balsamum *Copaiba* cum aqua communi copiosiore distillatum oleum pellucidum odoris subtilis & jucundi præbuit : aqua distillata eundem spirabat odorem . Residua vero *Balsami* portio in cucurbita aquæ innatans ,

tans, ad refinæ consentientiam redacta, odoris erat resinosi. Ejus distillatione per retortam instituta, prodiit olei ætherei portio quædam, liquoris subacidi portio non mediocris, ac tandem oleum crassum empyreumaticum, primo rubrum, deinde fulcum, remanente carbone vel massa nigra, rara, lucida, levi, ex qua nullum sal lixivio extractum fuit. Unde liquet, Balsamum Copaiba oleo tum subtili, tum crassiori, & sale acido simul mixtis componi, a quibus ejus energia pendet.

Thomas Fuller Medicus Cantabrigensis observat, Balsamum Copaiba odore violaceo urinam non perfundere sicut a Terebenthina fieri solet, sed saporem intense amarum ipsi impertire. Idem auctor hoc Balsamum multis encomiis prædicat. Seri, salivæ & urinæ muriaticæ talsedinem demulcet, spicula salina involvendo: sanguinem oleosis partibus depauperatum restituit, ejusque cachexiæ scorbuticæ, rancidæ, & putredinali medetur. Valet non tantum externe applicatum, sed etiam interne exhibitum ad vulnera sananda; ea enim mundificat & consolidat. Vulnera quævis, nervorum præsertim, sanat: dysenteriam & alios alvi fluxus sistit, sicut & fluorem album atque gonorrhæam. Renes, ureteres & vesicæ arenulis mucō pure obstructos, relaxatos aut ulcerosos, mirum quantum detergat, firmet & sanet. Urinam ciet, ejus ardores extinguit, contentaque cruenta, fœda & purulenta præ omnibus aliis Balsamis efficaciter expurgat.

Illud insuper tanquam præstantissimum thoracicum idem Fuller commendat. Bronchia, inquit, detergit, pulmonibus tonum & sanitatem conciliat, atque tubercula cruda dissolvit: Peritus ille Medicus observavit, rufes horrendas périculofas & phthisim apertè minitantes hujus solius Balsami usu penitus fuisse percuratas. Hæcticus quòque, licet intense amarum & manifeste calidum, optimè tamen convenire asserit; quippe quod humorum talsedinem & acrimoniam patenter domat; putredinalemque inquisitionem obliterat.

Exhibetur vel per se ex ovo forbili, vel cum vino aut alio quovis liquore permixtum, vel sub forma boli cum Saccharo, pulvere Liquiritiæ, aut alio quocumque idoneo pulvere a gutt. v. ad xv. vel xx. Si ad ℥ij. vel ℥iij. pro dosi propinetur, æque catharsim promovet ac ipsa Terebenthina.

℥. Balsam. Copaiba ℥ss. Vitellos ovi n. ij. Syr. Hederæ terrestris ℥ij. Vini generosi ℥viij. Fiat mixtura, cujus cochlear unum aut alterum mane & vespere propinetur, in pulmonum ulcere & tuberculis.

℥. Balsam. Copaiv. gutt. xv. rad. Glycyrrhizæ pulveris Succini pp. ana gr. xv. Anthelctic. Poter. gr. xij. Syr. Heder. terrestr. q. s. M. F. bolus ad pulmonum ulcus sanandum.

℥. Rad. Botuæ pulver. & pulver. Liquiritiæ ana ℥ss. Balsam. Copaiv. q. s. M. F. bolus mane & sero exhibendus ad ulcus renum & vesicæ abstergendum & sanandum.

℥. Lapid. Hæmatit. Mastiches & Sang. Dracon. ana ℥ss. Terræ Catechu & Corall. rubr. pp. ana ℥j. Balsam. Copaib. q. s. M. F. Electuar. cujus dosis ℥j. bis die, in fluore albo.

℥. Rhei pulver. ℥iij. Panac. Mercurial. ℥j. Balsam. Copaib. ℥ss. M. F. Ele-

Electuar. cujus dosiſ ʒi. quotidie mane & ſero ad gonorrhæam virulentam curandam; quarto quoque die purgando cum Pilulis Mercurialibus.

Ex ſupra recensitis Baſamis variæ extrahuntur tincturæ baſamicæ multis encomiis prædicatæ. Hæc ſit pro omnibus.

24. Ligni Aloes, rad. Angelicæ, Ireos Florentin. & Ariſtoloſch. rotund. ana ʒi. Folior. Diſtanni Cretici, ſummitatum Hyperici, Roris-marini, Lavandulæ, Croci ana ʒſſ. Spirit. vini ʒbſſ. Digerantur in vaſe vitreo exacte clauſo ſub ſole per menſem. Seorſim quoque ſumantur Myrrhæ, Aloes, Benzoin. Oliban. ana ʒſſ. Hiſ affunde Spirit. vini ʒb. Digerantur quoque eodem modo per menſem. Tum ambo liquores percolati miſceantur: Quibus affundantur Baſam. Copaibæ ʒij. Opobaſami, Baſami Peruvian. Baſf. Tolutani, Styracis liquid. & Terebenthinæ Cypriæ ana ʒi. Digerantur denuo per quindecim dies, ſerveturque liquor ad uſum internum & externum.

Cavendum tamen ad interno baſamicorum uſu, ubi febrilis æſtus adest: ſanguinem enim accedunt, & ad phlogiſm. concipiendam concitant: unde ex eorum uſu inopportuno vel diuturniore, vel doſi largiore febris accenditur, hæmorrhagiæ ſequuntur, cephalalgia, cordis palpitationes aut quorundam viſcerum inflammationes. Sæpe etiam ciborum inappetentia aut difficiliſ concoctio baſamicorum uſum comitatur, quandoquidem reſinoſis eorum particulis ventriculi fermentum obtunditur. Quapropter longe a paſtu exhibenda ſunt, nec doſi nimia.

ARTICULUS QUINTUS.

De Liquidambaro.

Liquidambar, Liquidambarum, & Ambarum liquidum, Off. Succus eſt reſinoſus, liquidus, pinguis; conſiſtentia Terebenthinæ ſimilis, ex ſavo ruſcens; ſaporis acris, aromatici; odoris fragrantis, ad Styracem & Ambarum accedentis. Ex nova Hiſpania, Virginia, & aliis Americæ meridionalis Provinciis olim aſſerebatur. Quandoque etiam cum hoc ſucco reſinoſo oleum illo tenuius, fluidius & fragrantius ab eodem extractum aſportabatur; oleum de Liquidambare dictum, coloris ruſcſcentis, & magis limpidum. Hæ ſubſtantia olim magno erant in uſu, & in unguentariis officiis ſæpius & magna copia reperiebantur. Nunc vero, quandoquidem odoramenta ſere obſoleverunt, rariſſime in officiis occurrunt, ita ut iis ſint prorsus ignota.

Arbor quæ hunc ſuccum fundit, dicitur Liquidambari arbor, ſive Styracifera, Aceris folio, fructu tribuloide, id eſt, pericarpio orbiculari ex quamplurimis apicibus coagmentato ſemen recondens, *Plukn. Phytograph. Tab. 42.* Xochiocotzo-Quahuil, ſeu arbor Liquidambari Indici, *Hernandez 56.* Ocotl. Indorum, *Nicol. Monardis*: Styrax Aceris folio, *Raii Hiſtor. 1681.* Arbor Virginiana Aceris folio, potius Platanus Virginiana Styracem fundens, *Ejuſdem 1799.*

Arbor est vastæ magnitudinis pulchra, procera, ramosa, patula, cum radicibus longe lateque expansis caudice recto, cortice partim fulvo, partim virente odorato. Folia profert Aceris foliis similia, in tres pluresve cuspides divisa, altera parte albicantia, altera obscuriora; in ambitu serrata, tres pollices lata. De flore nihil habemus: fructus sphaericus est, instar Platani aculeatus, constans ex pluribus capsulis feminalibus flavescens, prominentibus, & in acumen desinentibus, in quibus semina oblonga subrotunda delitescunt. Ex hac arbore, vel sponte, vel inciso cortice, succus promanat resinofus, odoratus, & fragrantissimus, Liquidambarum scilicet. Ex eodem succo recens collecto, & loco idoneo reposito oleum de Liquidambar dictum separato multo subtilius longeque suavius. Nonnulli etiam ex arboris ramusculis, & cortice comminutis, & aqua coctis pinguedinem innatantem colligunt, & vendunt pro legitimo Liquidambaro. Cortex quoque comminutus odoris gratia cum resina commisceatur, ut scilicet suavius, & diutius spiret in suffitibus.

Liquidambar olim maxima copia ad pelles, & chirothecas odoribus imbuendas absumebatur. Nunc vero apud nos odoramentum illud nomine vix cognoscitur. Ab auctoribus utile dicitur ad plerosque morbos frigidos, ad tumores resolvendos; & speciatim ad tumores, & obstructions uteri, mensisque provocandos commendatur. Hodie sicut pleraque alia odoramenta obsolevit: ab his enim nostrarum capita læduntur, gravantur; & mulieres in hystericos affectus inducuntur.

ARTICULUS SEXTUS.

De Styrace liquido.

Officinæ, præeuntibus Arabibus, & Styracem distinguunt hodie in liquidum & siccum, cum Græci unicum tantum Styracem agnoscant; siccum nempe, liquidum vero non novisse videantur. Hæc duo Styracis genera sunt prorsus diversa. De sicco paulo post tractabimus; nunc autem de liquido.

Syrax liquidus, *Off. Miha, Arabum: Cotter-Mija, Turcarum: Roca-Malha Sinensium, Garzie: vulgo Storax liquide*. Succus est resinofus cujus duplex genus in officinis reperitur; purum, & impurum aut crassum. Syrax liquidus purior siccus est, resinofus, melleus, & tenacis substantiæ, Terebenthinæ similis, semipellucidæ; coloris fusci aut ex fusco rubentis, vel etiam ex cinereo fusci; odore valido ad Styracem solidum nonnihil accedente, sed ob vehementiam fere ingrato; sapore acriusculo, aromatico, oleoso. Probatur lentus, fulvus, pellucidus, odoratissimus.

Syrax minus purus aut crassus luccus est resinofus, sæculentus, fuscus vel subcinereus, opacus, pinguis & minus odoratus, & videtur esse portio sæculenta prioris: nec medicamenti etiam externi nisi colatus & a fœcibus purgatus usu pari debet. Officinarum vulgus, post quosdam Arabes, Staetes nomen Syraci liquido tribuerunt, sed perperam; cum Staete Græcorum sit

fit Myrrhæ colamen, ut videre est apud Dioscoridem. Raro Styrax liquidus purus & sincerus in officinis reperitur: sæpe enim ligni scobe vel pulvere conspurcatur, aut factitii liquores in ejus locum substituantur.

De Styracis liquidi origine magna inter auctores dissensio est: alii enim opinantur nihil aliud esse, quam Mirrhæ colamen, ratione nominis Stactes quo donatur a quibusdam, sed præter saporis, & odoris discrepantiam inter Myrrham, & Styracem, res prorsus diversas esse liquet ex eo, quod Myrrha; utpote media inter gummi & resinas substantiam, in quovis aquoso liquore facile pro parte dissolvatur; liquidus autem Styrax minime, sed in oleoso & pingui tantummodo, ut aliæ resinæ. Alii factitium quid ex Styrace calamita in oleo ac vino soluto, admixtaque Terebinthina Veneta excocta; quæ decoctio cum refrixerit, Styrax liquidus ad fundum secedere dicitur, superius vero innatare oleosam substantiam. Alii expressione idem moliantur. Alii est oleum ex nucleis arboris Storacifluæ expressum. Alii fit per decoctionem corticis vel ramusculorum tenerorum & gemmarum Styracis, vel ut alii volunt, Liquidambaris. Alii Styracem calamitam, & liquidum eundem esse succum, consistentia tantummodo diversum affirmant. Samuel Dale testatur quodcumque in Pharmacopoliis Londinensibus pro Styrace liquido venditur, rem omnino factitiam esse.

Verumtamen Jacobus Petiver Pharmacopæus Londinensis, Regiæ Societatis Socius, & sagax naturalis historiæ scrutator, *Adis Philosoph. Reg. Soc. Lond. n. 313.* refert Styracem liquidum, a Turcis, & Arabibus *Coster-Mija* dictum, succum esse cujusdam arboris *Rosa Mallos* dictæ, quæ in Insula Cobros maris Erythræi nascitur, trium dierum itinere ab urbe Suez distante. Hujus arboris corticem singulis annis deglubunt, & contusum in aqua marina coquunt usque ad visci consistentiam: tum resinosa substantiam supernatantem colligunt. Verum cum adhuc multum crassamenti seu corticis pulverati contineat, eam denuo aqua marina bulliente liquant & percolant. Sic defœcatam resinam, & crassamentum fœculentum residuum seorsim doliolis includunt, & Moccam Arabiæ emporium transvehunt. Et hæc duæ sunt Styracis liquidi species, quæ in officinis occurrunt.

Hoc odoriamentum apud orientales populos multum æstimatur, & magni est usus. A libris 180. ad 360. dolium venditur, quod 420. libras continet, prout Styrax crassior est vel purior.

Nullam hujus arboris descriptionem reperimus.

Styraci liquido eadem tribuuntur virtutes ac cœteris Balsamis supra dictis. Intus præscribitur a guttis iij. ad xij. ad ulcera interna abstergenda, & sananda. Frequentius adhibetur contusionibus, vulneribus, & ulceribus externis, præsertim scorbuticis. Summopere vero commendatur ad putredinem arcendam, & sphacelum præcavendum. Usurpatur in unguento de Styrace dicto, cujus in Nosocomio Parisiensi frequens felixque usus est. Sic præparatur.

℞. Olei Nucum optimi ℥v. Gummi Elemi, Cera novæ ana ℥iij. ℥iij. Colophoniæ ℥viijss. Omnibus fufis adde Styracis liquidi & nitidi ℥iij. ℥iij. Fiat unguentum.

ARTICULUS SEPTIMUS.

De Terebinthina, variisque ejus speciebus ac producis.

Quatuor succorum resinorum genera in Officinis Terebinthinæ nomine insiguntur, licet unicæ conveniat resinæ, quæ ex Terebintho stillat.

Quadruplex igitur Terebinthina, scilicet Chia, Veneta, Argentinensis, & communis.

Terebinthina Chia vel Cypria, *Off. Πύριν τερρενθίνη Ἰσθμίων Ἑλλήνων*; Terebinthina, *Latinorum*: Terminthina, *Quorundam*: & barbæ Ferbintina, Ferbenthina, Trebenthina, Trementina, aut Fermentina: Hæc Alimbath seu Helt Alimbach, *Arabum*: vulgo *Terebentine de Chio*. Succus est resinofus, liquidus, ex Terebintho arbore effluens, colore candidus, subflavus, vitreus aut candidus, ad cæruleum nonnihil vergens, interdum pelucidus, consistentiæ modo firmioris, modo mollioris, lentæ ac glutinosæ, ita ut inter digitos fricata nonnumquam in micæ teratur, sæpius tamen mellis solidioris instar digitis cedat, & adhæreat, odore acri, non ingrato, Laricæ resinæ seu Terebinthinæ Venetæ non dissimili, præsertim manibus tractata, aut prunis imposita gustu modice amarescens, acris. Plurimi æstimatur, quæ ex Insulis Chio, & Cypro affertur, unde nomen sumpsit. Veteribus Græcis cognita fuit, & apud eos usitata.

Stillat ex arbore, quæ dicitur Terebinthus vulgaris, *C. B. P.* Terebinthus, *J.B.* Arbor est semper virens, Pyri magnitudine, cortice crasso & hiulco, cinereo, ramis patulis, in quibus alternatim folia nascuntur conjugata, rigida, & firma laurinis non prorsus absimilia, sed magis obtusa. Flores, incipiente Majo, in summis ramulis racematim congeruntur flaminei, purpurascens, steriles: species enim, quæ fructus profert, staminibus omnino caret. Fructus racemati etiam nascuntur subrotundi, duas vel tres lineas longi, cum testa membranacea purpurascens vel flavescens, subacida, styptica, & resinosa obducta. Testa autem unicuscularis, inanis sæpe, nucleum continet medullosum. In Gallia Narbonensi frequens occurrit; & in sylva Valena circa Montpelium ex vulneratis Terebinthis Terebinthinam fluere observavit Lobelius. In Insula Chio secus vias sponte nascitur, & Terebinthinam abunde fundit crassam, & candido in colore subcæruleum vergente saporis & odoris fere expertem, dentibus vix adhærescentem, quæ facile induratur, ut clariss. Tournefortius observavit.

Vindemiarum tempore quosdam folliculos seu vesiculas foliis & ramulis inhærentes promit, quales fere in Ulmi foliis nascuntur, sed pallido aut purpurascens colore: interdum etiam extremis ramis oblonga & cartilaginea cornicula quatuor, quinque sex digitos aut amplius longa, varia forma exrescentia, rubentia, concava: quæ, sicut folliculi, aperta lentorem quemdam continereprehenduntur, cui permixta sunt cinerea & fuliginosa excrementa atque exigua animalcula alata. Horum corniculorum meminerunt omnes

omnes fere, qui de hac arbore scripserunt. Nihil autem aliud sunt; ut Joanni Rajo videtur, quam excreſcentiæ quædam ab infectis folia & ſurculos compungentibus & ibidem ova ſua deponentibus excitatæ, ut matricum ſeu uterorum loco iis inſerviant fovendis, & excludendis, fœtibusque editis alendis & protegendis, mira naturæ providentia. In illis tamen folliculis aut corniculis non colligitur reſina, ſed ex ligno. Arbor ipſa ſicut, & reliquæ reſiniferæ poſt germinationem inciduntur tum in caudice, tum in ramis: & ex vulneribus reſina diſtillat primum liquida, quæ deinde paulatim inſpiſſatur, & areſcit.

Kæmpferus de Terebenthina Perſica mentionem facit apud orientales populos uſitatiffima, Cypriæ non diſſimili, quæ colligitur in petroſis ac deſertis montium recessibus circa Schmachiam Mediæ, Schiraſam Perſidis, in Luriſtano; & Larenſi territoriis, & præſertim in petroſo monte circa *Majin* pagum celebrem, una diæta diſſitum *Sjiraſo*, ubi Terebinthi, ſeu, ut ait, Piſtiaciæ ſylveſtre copioſæ naſcuntur. Accolæ liquorem reſinoſum, qui vel ex arbore ſauciata prolicitur, vel ex rimis nodique ſtipium putreſcentibus, æſtuante Syrio, ſponte promanat, copioſum excipiunt. Exceptum liquorem parum lenteque coquunt, antequam ebullire incipiat, eſfundendum. Ita refrigeratus picis albæ colorem, & conſiſtentiam reſert.

Hujus Terebenthinæ apud Orientales populos uſus, inquit Kæmpferus, non eſt alius, quam ut pro maſticatorio ſerviat, quo mulierculæ citradum maxillas ſine intermiſſione exercent; ita ut ægre, ſi ei adſueverint, carere hac reſina poſſint. Dicitur lympham proliciendo catarrhos tollere, albedinem, & firmitatem dentibus conferre, appetitum excitare, ac grazum ori conciliare halitum. Proſtat ubique in officiis, & myriopoliis Turcarum, Perſarum, & Arabum, ſub *Sakkis* Turcico, & *Konderuum* Perſico nominibus.

Accolæ montis Benna in Perſide ex ſtipite vulnerato Terebenthinam non excipiunt; ſed ipſa ligna comburendo reſinam extorquent, quoad colorem ſpadiceum obſcurum aquiverit, quæ pro coloris ſpecie pictoribus inſervit: eſt enim dura, friabilis & ſplendida. Proſtat in officiis ſub nomine *Sjiab Benna*, id eſt, nigredo montis Benna, vel *Rengi Sulab*, id eſt, color Sulab.

Analyſi Chymica Terebenthinæ Chiæ Ibiſſ. præbuerunt olei tenuioris, ſimpidi & aquei coloris ꝑix. olei flavelcentis ꝑv. piſſioris vero & ruſcentis ꝑxxij. liquoris acidi gr. lx. Caput mortuum in retorta ſuperſtes penderat ꝑvij. gr. xxx. ex quo per horas octo calcinato nihil ſalis fixi extractum fuit.

Hujus, & cœterarum Terebenthinæ ſpecierum uſus eſt externus & internus. Externe admota emollit, digerit, diſcutit, reſolvit, ulcera expurgat, & vulnera recentia glutinat. Verum hæc reſina apud nos ad uſum externum raro adhibetur, cum Laricea vulgatioꝝ ſit, minus pretioſa, nec viribus inferior. Sæpius ad uſum internum præſcribitur, cum minus acris ſit. Inter vulneraria & baſſamica medicamenta recenſetur. Revera inſignis eſt ejus energia ad interna ulcera mundificanda, & abſtergenda. In pulmonum, ventriculi, inteſtinorum, hepatis, renum, veſicæ, & cœterorum viſcerum exulcerationibus utiliter præſcribitur. Conſert veteri tuſſi, ſputo purulento, & incipienti phthiſi.

Urinas provocat, easque odore violaceo perfundit: valet ad urinæ ardorem, suppressionem & nephritim, si ab acri, ipisso, ac glutinoso sero oriuntur. Sæpe quoque arenulas pellit, serum viscidum quo agglomerantur solvendo: verum non exhibenda est, quin prius sedata fuerit inflammatio. Ab ea quoque abstinendum, si calculus adsit in renibus major, quam ut per vias urinarias transgredi possit: tunc enim aut inutilis est, cum non sit lithontriptica; aut partem jam ad inflammationem dispositam incendit. Verumtamen a quibusdam Medicis ad nephritim præcavendam diuturnior illius usus præscribitur, quo nempe serum viscidum arenularum & calculorum causa dissolvitur. Magnæ quoque sunt ipsius laudes in podagra & omnibus articularibus morbis, si accipiat, ut docet Avicenna, quantitas Nucis Avellanæ singulis matutinis jejuno ventriculo. Nec mirum quod calculo confert, etiam podagræ prodesse; cum cognati sint illi morbi, & eandem causam continentem seu materiam habeant; unde non raro in se mutuo transmutantur. Alvum quoque movet: & purgandi causa in senibus optime & sine noxa a Galeno vocatur, ad magnitudinem Nucis Ponticæ & amplius propinata. A quibusdam ad ʒʒ. & ultra exhibetur; sed raro nunc in hunc finem usurpatur.

Exhibetur a ʒʒ. ad ʒʒʒ. sub forma boli, vel in aqueo liquore cum tantillo vitelli ovi dissoluta. A nonnullis coctione in aqua inspissatur ad extracti consistentiam, & ex ea Pilulæ formantur. Verum spirituosæ substantiæ plurimum coctione deperditur; quapropter hæc improbat, præparatio.

Ex Terebenthina Chia spiritus, oleum; resina seu Colophonia præparari possunt. Sed hæc præparata, ob hujus Terebenthinæ defectum, raro in officinis reperiuntur; cum insuper Terebenthina Laricea majorem spiritus copiam præbeat quam Terebinthi resina, quæ nobis jam inspissata & partibus magis volatilibus jam orbara advehitur.

Terebenthina Chia usurpatur in Theriaca *Andromachi*, Mithridatio *Damocratis*, & Trochiscis cypheos.

Terebenthina Veneta, Larigna vel Laricea, Off. *Αδριξ*, *Græcorum*: vulgo *Terebentina de Venise*, ou *des Melezes*. Substantia est resinosa, liquida, limpida, lenta, tenax, oleo quidem crassior, melle vero liquidior, quæ ab intincto digito contumaciter & æqualiter defluit, aliquantulum translucida, vitri instar; coloris flavescentis; odoris resinosi, fragrantis, acris, non ingrati, aliquantulum tamen gravis; saporis tenuis, acris, amaricantis; quæ acredine & calore Terebinthi resinam superat. Probat, recens, quæ magis pellucida, candida, liquida, nullis inquinamentis aut sæcibus conspurcata, & cujus gutta ungui adherent, non vero diffuunt. Veneta dicitur, quia olim Venetiis nobis afferebatur; nunc vero ex Delphinatu & Sabaudia. Hæc resinæ species olim veteribus Græcis cognita fuit; & jam Galeni temporibus, sicut & abiegna pro genuina Terebinthi resina a quibusdam vendebatur. *Gal. 3. l. de comp. Med. sec. gen.*

Fluit ex arbore quæ Larix, folio deciduo, conifera, *J. B. I. 265. Larix Dodonæi 868.* vulgo *Meleze*. Arbor est procera, caudice recto; cujus cortex inferiore parte quæ ramis subest, fuscus, crassus, asper, in frequen-

tes rimas dehiscit; præcisus interius rubere conspicitur; reliqua parte lævis, glaber, nonnihil foris inalbicans; materies firma sauis & solida, pectinibus rectis, fulva, odorata. Ramos multos promit in alios minores divisos, qui lenti ac obsequiosi sunt, deorsumque dependentes. Folia circa ramulos multa; ab uno tuberculo numerosa, simul coherentia, breviora, tenuiora, mollioraque, quam Pini folia, haud aculeata. Flores amentacei sunt, & steriles. Fructus coni sunt parvi, cupressinis magnitudine fere similes, sed tamen longiores, gracilibus foliosis squamulis axi communi affixis compacti, sub quibus latent semina gemina, exigua, foliata seu conjuncta, cum tenui membranula apum aut vespærum alis simili, magnitudine seminis Cupressi, foris cinericeo cortice, intus candido nucleo constantes, sapore dulci & pineam nucem referente. Dum fructus illi adhuc teneri sunt, subrotundi sunt, & eleganter purpura rubentes. In Alpibus Gallicis, Sabaudis, Rhæticiis, Stiriacis, & Carinthiacis, necnon etiam in Apennino abunde provenit.

Ex ea vel sponte vel per incisionem Vere & Autumno fluit resina aquæ limpidæ instar, consistentiæ oleo similis; brevi vero nonnihil flavescit, & tractu temporis crassescit. Ex eadem alia succi species quibusdam annis tempestatibus exsudat, Mannæ prorsus similis; qui idcirco Manna Laricea dicitur, vulgo *Manne de Briançon*, a loco ubi frequentius reperitur. Eadem quoque arbori fungus adnascitur, Agaricus dictus; de quibus suo loco agemus.

Analysi Chimica, Terebenthinæ Venetæ ℞ij. ℥xj. per B. V. distillatæ præbuerant phlegmatis subacidi ℥ss. olei vero tenuissimi & limpidissimi ℥x. ℥vjss. Massa residua per retortam, igne reverberii gradatim aucto, exhibuit phlegmatis acidi ℥ij. ℥ij. phlegmatis urinosi aliquantulum; olei flavescientis paulo crassioris ℥xij. ℥ij. gr. liij. olei rufi & spissioris ℥xvij. ℥liij. Massa nigra, lucida, spongiosa, lævis, in retorta superstes pendebat ℥vj. gr. xij. quæ per horas octo in crucibulo calcinata colorem fuscum subrubentem obtinuit. Omni sapore destituta fuit, & ad pondus granorum xxij. redacta est. Nullus sal-ex ea lixivii ope extractus fuit. Partium deperditio in distillatione fuit circiter ℥j. & in calcinatione fere ℥vj. Unde liquet Terebenthinam Lariceam oleo subtili constare cum acido sale ita confociato, ut ambo in resinofam compositum facessant; nihil vero aut parum terræ continere, & portionem alcalici salis exiguam & vix perceptibilem. Revera si spiritus Terebenthinæ cum acido Vitrioli spiritali digeratur, post aliquot dies abeunt in resinam Terebenthinæ similem, quæ continuata digestionem magis, ac magis spissescit, donec in bitumen nigrum convertatur.

Observandum est, Terebenthinam non modo per os sumptam, aut per anum injectam, sed etiam externe vulneribus admotam, imo ipsius spirituosas ac volatiles partes odore solo naribus & pulmonibus exceptas, urinas adeo afficere, ut violarum odorem referant. Unde concludimus, Terebenthinam vires suas exerere potissimum spirituosas ac volatilibus suis particulis, quæ facile per totum corpus diffunduntur, massam sanguineam, cæterosque humores subeunt, dividunt, & attenuant, acres sales involvunt, secretionem & excretionem restitunt, urinarias potissimum aut

aut alvinas partes solidas abstergunt, illiniunt, earumque oscillationes restituunt; quod & de cæteris Terebenthinarum speciebus etiam sentientum est.

Terebenthina Laricea iidem, ac Terebinthi resina virtutibus donatur, & apud nos ad usum internum præ cæteris antepontur. Balsamica est, vulneraria, diuretica, & alvum simul movet. In pulmonum, renum, vesicæ & cæterorum viscerum exulcerationibus utiliter præscribitur. Magni est usus in gonorrhæa & fluore albo muliebri. Ad viscerum apostemata resolvenda vel maturanda plurimum confert; siquidem nonnumquam purulentam materiam a parte affecta subducit, & per urinarias vias foras cum urinis amandat. A Riverio & aliis Medicis celeberrimis commendatur ad calculos renum præcavendos; & cæteris diureticis eo magis antepontur, quod urinas movendo simul alvum laxet, ita ut crassiores humores, qui ab aliis diureticis ad renes deducerentur, per alvum deturbentur.

De modo Terebenthinam Veneram præscribendi, idem dicendum est quod de Cypria. Exhibetur enim sub forma boli aut pilularum, vel cum ovi vitello soluta. A multis aqua communi aut alio liquore lavari solet: ab aliis levi coctione in massam solidiusculam inspissatur. Sed inutilis est ejus coctio, lotio vero non magis utilis: lotione enim & coctione plurimæ ejus particule avolant & dissipantur.

Ejusdem externe adhibitæ vis balsamica & vulneraria satis prædicatur. Unde nullum ferme linimentum, nullum fere emplastrum, vel unguentum ad vulnera & ulcera est, quod Terebenthina Veneta, tanquam anima & corpus, inquit Ettmullerus, non ingrediatur. Ex ea cum vitelli ovi q. l. & oleo rosato vel alio quocumque idoneo Chirurgi unguentum digestivum parant in vulneribus usitatissimum & maxime commendatum.

In dysenteria, intestinorum exulcerationibus, dolore nephritico, urinæ suppressione, clysteres cum Terebenthina pulite injiciuntur.

Non tamen absque cautione usurpanda est Terebenthina, sicut cætera diuretica; nec nisi præmissis universalibus, scilicet sanguinis missione, si metuenda sit febris aut inflammatio, cum medicamentibus primas vias abstergentibus & laxantibus: alioquin febris, cephalalgia, aut ardor in aliis partibus incenditur. Fabr. Hildanus, Cent. 5. Obs. 59. ex usu Terebenthinæ post cibos crudos & viscidos assumptæ urinam suppressam observavit.

Ex Terebenthina in officinis spiritus, oleum Terebenthinæ & Colophonia præparantur.

24. Terebenthinæ Venetæ recentis, mundæ ac pellucidæ q. lib. Distilletur per retortam vitream, cujus tertia pars ad summum repleatur. Primo & lenissimo igne propellitur oleum æthereum, teauæ, cum phlegmatis portione quadam junctum, quod vulgo spiritus Terebenthinæ nomine insignitur. Postea ignis gradu paulatim aucto, prolixiuntur oleum flavum, deinde rufescens & consistentiæ paulo spissioris. Si tunc amoveatur ignis, vasis refrigeratis, in fundo retortæ reperitur massa solida, fragilis, pellucida, rufescens, quæ Colophonia dicitur. Si vero hæc massa resinosa igne urgeatur, fundit oleum

nigricans, spissum, quod a quibusdam Balsamum Terebenthinæ nuncupatur; & in retorta massa nigra, rara, spongiosa remanet.

Spiritus Terebenthinæ interne exhibetur ad guttas aliquot. Urinas potenter movet: convenit in urinæ suppressione a muco spissiore vias urinarias infarciēte, in mistu cruento ac purulento ab ulcere renum & vesicæ oriundo, in affectionibus pulmonum.

In pleuritide a Bartholeto commendatur, quod humorem in thoracē impactum solvat, & ad vias urinarias felici cum successu perducatur. Raro oleum flavum intus propinatur. Externe spiritus & oleum tanquam balsamica & vulneraria adhibentur.

Colophonia digerit, resolvit & consolidat: minus detergit & penetrans est quam ipsa Terebenthina, ob oleosas partes distillatione ablatas. Intus nonnunquam exhibetur, sed raro: externe in quibusdam emplastris usurpatur.

24. Terebenthinæ Venetæ ℥ij. Olei Amygdalar. dulcium ℥ss. M. Haeriat æger in asthmate, nephritide, & urinæ suppressione.

24. Terebenthinæ Venetæ ℥ij. Conserv. Rosar. vel Violar. ℥ss. M. F. bolus. Vel

24. Terebenth. Ven. ℥ss. cum Sacchari pulverati, vel pulveris Liquiritiæ q. s. M. F. bolus in ulcere pulmonum, renum aut vesicæ. Vel

24. Medull. Cass. recens extract. ℥vj. Terebenth. Ven. ℥ss. Glycyrrhiæ pulver. q. s. M. F. bolus in ulceribus internis.

24. Terebenth. Ven. ℥ss. Rhabarb. pulver. ℥ss. Fiat bolus in albo mulierum profluvio.

24. Terebenth. Ven. ℥ss. Rhei pulver. ℥ij. Panacæ Mercurialis ℥j. M. F. Opiata cujus dosi ℥j. bis die ad gonorrhæam curandam, præmissis præmittendis.

24. Terebenth. Ven. in ovi vitello dissolutæ ℥ss. Mellis rosati ℥j. Lactis vaccini ℥vij. Fiat enema bis die iterandum in dysenteria & intestinorum exulcerationibus.

24. Decocti folior. Malvæ, Parietar. flor. Chamœmeli, Meliloti ℥j. in qua dilue Terebenth. Ven. vitello ovi dissolutæ ℥j. Salis. Prunell. ℥j. Fiat enema in dolore nephritico. Vel

24. Terebenth. Laricæ, & Cass. recens mundatæ ana ℥j. Dissolve in feri lactis ℥j. Fiat enema.

Usurpatur Terebenthina Laricea in aqua antinephritica, De Bellegarde vulgo dicta Charas, aqua ad gonorrhæam foetidam & virulentam Quercetani, in Pilulis de Terebenthina cocta Charas, diureticis, Mercurialibus, ad sistendam gonorrhæam & contra gonorrhæam virulentam Ejusdem, in Pilulis Matthæi Ph. Batæana, in Balsamo viridi Metensium, unguento seu Balsamo vulnerario Arcei, oleo Hyperici, in unguento martiato, de Althæa, Basilico, mundificativo, & in unguentis emplastrisve fere omnibus.

Terebenthina abiægra seu abietina, Terebenthina Argentoratensis, Off. Pharm. italicæ, Græcorum: vulgo Terebentine de Strasbourg, Resine liquide des Sapins, Bigion. Substantia est resinosa, liquida, dum recens est, Laricea pellucidior, minus lenta, minusque tenax, odore magis grata, & amara magis,

gis; corticis Muli citrei odorem, & saporem quoddammodo referens: per tempus flavescit, & spissescit. Argentoratensis dicitur apud nos, ex eo quod ex Argentorato nobis afferatur.

Resinosus ille humor manat ex arbore quæ dicitur Abies, Taxi folio, fructu sursum spectante, *Infl. R. H.* 585. Abies, conis sursum spectantibus, sive mas, *C. B. P.* 505. Abies foemina, sive *ελαν θαλυσ*, *J. B. I.* 231. Gallice *Sapin*. Proœra & excelsa est arbor, Pinum altitudine superat. Caudex ejus rectus, inferius enodis, cortice albicante, & fragili circumvestitur. Rami in circulo circa truncum crescunt, interdum quatuor, interdum quinque, sex aut plures, & sic per intervalla dispositi ad cacumen usque observantur: utrinque furculos ut plurimum emittunt instar crucis, quibus undique adnascuntur folia brevía, minime pungentia, superne sature virentia, inferne ex adverso paululum candicantia, & linea viridi distincta. Flores amentacei sunt, pluribus constantes apicibus; qui in duo loca lomenta dividuntur, transversa dehiscunt, pulveremque fundunt minutissimum, sæpe lunatum, ut microscopii ope facile patet. Steriles sunt. Fructus in aliis ejusdem arboris partibus nascuntur: conii sunt oblongi, ovati fere, Piceæ vulgaris conis breviores, & crassiores; constant ex squamis in superiore parte latis, axi affixis, sub quibus latent semina gemina, foliata, subalbida, plena acri, & pingui humore. Coni virent Autumni initio, & multam resinam fundunt; sub Autumni vero finem, & Hyemis initium maturitatem consequuntur. Frequens crescit hæc arbor in Germania, & septentrionalibus regionibus.

Non solum ex caudice, & ramis, sed etiam ex tuberculis quibusdam intra corticem positis resina seu oleum abiegnum extrahitur. Quæ ex caudice vulnerato effluit, minus odorata est minusque pretiosa: exsiccata Thus colore, & odore aliquantisper ementitur; sic ejus loco a nonnullis sufficitur. Resina vero quæ ex tuberculis incisis effunditur, plurimi estimatur, & speciatim Lachryma abiegna, Oleum abietinum; vulgo *Bigion* nuncupatur.

Ea est hujus resinæ exprimendæ ratio a Bellonio relata. Qui pecora pascunt, interdictum ne desidia torpescant, vaccinum cornu vacuum dextra tenentes ad Abietis sylvas accedunt. Illi autem cum in novellas adhuc Abietes inciderint, & Abietem glabro cortice vestitam, tuberculis scatentem comperierint, (annosarum enim cortex in rugas contractus nulla tubercula ostendit,) oleum subesse statim conjiunt, illaque tubercula sic labio cornu premunt, ut liquorem inde oleosum detrudant. Neque tamen hoc modo, quam diligentissima etiam adhibita opera, ultra uncias quatuor uno die legere possunt; siquidem singulare quodcumque tuberculum nonnisi guttam unam aut alteram continet: ex quo quidem fit, ut resina hæc ceteris rarior sit, majorisque vendatur.

Argentoratensis itaque Terebenthina ex caudice vulnerato apud Germanos extrahitur. Pinus Piceæve mense Majo aggrediuntur; & in parte superna qua ascia perungere possunt incipientes, detrahunt corticem latitudine trium digitorum usque in partem imam, ita tamen ut pedibus duobus a terra plaga absit: deinde sinunt corticem in arbore latitudine unius circiter palmi integrum, & iterum talem plagam inferunt,

& sic pergunt, donec tota arbor sit sauciata. Quæ statim effluit resina, liquida est, & Terebenthina Argentoratensis dicitur. Verum per tempus spissescit: & duobus aut tribus annis elapsis, plagæ illæ admodum sunt repletæ resina crassiore. Tunc, cultris, ancipitiibus incurvis longis baculis infixis deradunt resinam, eamque reconducunt. Hæc autem resina picem postmodum præbet ulterius in hunc modum tractata. Furnum quadratum, oblongum in officinis construunt, in quo duobus fere pedibus a terra duos ligneos canales in posteriori furni parte tantum prominentes disponunt: his imponunt ollas tres figulinas oblongas, in fundo foramine donatas, quas, tædis aut resina replent; dein accendunt ignem intra fornacem, & calore liquecens resina stillat in canales suppositos, ex quibus effluens alius, vasis excipitur. Ibi concrevit pix in consistentiam satis firmam, friabilem, molliusculam tamen; diciturque pix liquida, ut distinguatur a pice sicca seu Colophonia, quæ siccioris longe est compagis, quæque coctione ulteriori ad tenacitatem extremam deducitur.

Iisdem principiis instruitur ac Veneta, iisdemque fere virtutibus donatur: paulo tenuioribus tamen partibus eam constare existimat C. Hoffmannus, cum sapor ejus magis sit acris; & amarus, consistentiaque fluidior: ideo ad ulcera interna abstergenda Laricæ illam anteposit. Verum eam ob rem quoque calidiorem illam esse affirmat, & ideo majori cum cautione usurpandam, Eodem modo exhibetur; & ad easdem affectiones, quibus Laricæ, convenit.

Terebenthina communis, & Resina pinea, Off. *Terre de la Terebinte*, *Grasse Terebentine*, *Græcorum*: vulgo Terebenthine commune, *grasse Terebentine*. Substantia est resinosa, lenta, tenax, crassior, & magis ponderosa quam abiegna aut Laricæ, nec pellucida, albicans, consistentia fere olei frigore nonnihil densati; odoris resinosi, gravis; saporis acris, amaricantis, nauseosi.

Ex variis Pini speciebus resina hæc sponte vel ex inflictio vulnere manat. At vero in Gallo provincia circa Massiliam, & Tolonem, & in Aquitania circa Burdigalam extrahitur potissimum ex arbore, quæ dicitur Pinus sylvestris vulgaris Genevensis, J. B. J. 253. Pinus sylvestris, C. B. P. 497. Sativæ quæ articulo de Nucleis pineis describitur, haud dissimilis est, humilior tamen: folia gerit breviora, fructusque minores.

Duplex resina ex hac arbore fluit: una quæ strobilina dicitur, & ex strobilis sponte exsudat, ac ab illis deraditur: altera vero ex arbore vulnerata, quæ pinea.

Arbor illa Tæda dicitur, cum resina turget. Resinæ enim turgescentia est Pini sylvestris proprius, & peculiaris morbus, quo non solum intima substantia, sed etiam pars externa caudicis abundantiori succo resinoso liquidiori repletur; unde a succi nutritii nimia copia arbor quodammodo strangulatur. Tunc ex ejus ligno, præsertim prope radicem desumpto, assulæ caduntur pingues, & ad ignem accendendum, aut lumen præbendum idoneæ. In Tædam quoque transeunt Picea, & Larix, sed raro admodum. In Gallo-provincia singulis annis indigenæ non solum resinam colligunt, sed etiam diversas picis species aliasque resinosa producta præparant ea ratione. Possulas ad arborum radices excavant, & ad liquorem resinosum ex arboris vulneribus dimanantem

recipiendum accommodant. Tum incunte Vere, arbores in inferiore parte radicibus viciniorē vulnerant, singulis annis novo vulnere supra annotatum inficito, donec ad decem aut duodecim pedum altitudinem pervenerint, & humor ab ea parte manare desierit; tum demum simili modo ex alia parte, ac deinde alia aperitur. Humor ex vulneribus abundanter diffusus fossulis recipitur; ejusque pars superna solis aestu inspissatur, & per tempus in crustam quamdam resinofam conerefcit, quæ *Barras* vulgo dicitur.

Si crusta illa candida sit, & sordibus minime conspurcata, *Galipot*, *Garipot*, Resinæ candidæ, vel etiam *Thuris albi* nominibus insignitur. Si vero sordibus, & fusco colore contaminata sit, *Thus variegatum*, *Thus vulgare*, aut *rusticanum*, vulgo *Madre & Encens de Village* nominatur.

Resina candida quæ *Galipot*, cum cera ad faces conficiendas ab arti- fici- bus cerariis sæpius permiscetur.

Humor ex fossulis extractus per corbes quasdam trahitur, cujus sordio- rior pars trahita sub Terebenthinæ nomine reservatur: crassior vero in cordibus residua cum aquæ duplo vel triplo in alambices conjicitur; & distillatione spiritum, & oleum Terebenthinæ suppeditat, massa dura, friabili, rufescente, in vasorum fundo remanente, cui *Picis aridæ* seu *Palimpissæ* nomen assignatur, vulgo *Arcakon* vel *Bray sec*.

Quædam picis nigre species componitur ex *Palimpissa*, & pice nigra, liquida, vulgari. Ex hac artificiali pice nigra, cum *Palimpissa*, sebo bovino, & pice nigra, liquida, vulgari, igne simul liquatis *Pix ravalis* præparatur, qua naves illiniri solent aut picari, antequam æquor. i com- mittantur. Hæc autem a navibus maritimis jam diu picatis derasa, quæ falsedinem quamdam ab aqua maris contraxit, *Zopissa* dicitur, & a. non- nullis *Apochyma*.

Ex resina candida liquata, cum Terebenthina communi, & oleo Terebenthinæ, fit *pix* lenta Burgundiacæ dicta.

Quibusdam in locis antiquorum *Pindrum* trunci stantes adhuc, facta prius circum arborem fossa, incenduntur, & liquorem fundunt resinoso- oleosum nigrum, qui *Pix nigra vulgaris* dicitur, vulgo *Tarc*, *Goudron* & *Bray liquide*. Alibi *Tædæ* in hastulas concisæ aggerantur in furno lapi- dibus aut lateribus artificiose constructo, in quo foramen tantum relin- quitur, per quod ignis imitti, & flamma primum emitti queat. Accensis tædis, omnia accurate occluduntur. Tum assulæ *Tædæ* vi ignis æstuantis copiosum liquorem nigrum effundunt in canales affabre con- structos, per quos & ipse deducitur in scrobes ac vasa idonea fluenti *picis* excipiendæ affabre dicata.

Picis nigre liquidæ in vasis idoneis per sat longum tempus repositæ innat liquor stidus, niger, oleosus, *Pissæleum* dictus, improprie oleum cadinum. Quidam crassiotem picis partem ad siccitatem usque coquunt, & aliam *Palimpissæ* seu picis aridæ speciem conficiunt.

Ex illis omnibus resinosis substantiis incensis æra levisque colligitur fuligo, vulgo *Noir de fumée*, ad colorum quorundam, & atramenti librariorum præparationem sæpius usurpata. Alia fuligo similis colligitur ex oleorum sæcibus combustis: sed pinguis est, oleosaque, & idcirco ab operariis minus æstimatur.

Terebenthina communis ad medicos usus raro adhibetur; licet iisdem fere virtutibus donetur. Artificibus quibusdam tantummodo inservit.

Usus resinarum, tum liquidarum; tum aridarum multus est: Emolliunt, digerunt, resolvunt, & emplastris, unguentisque plurimis ad ulcerum; & vulnere curationem dicatis admiscuntur. Pix liquida pus movet, impetigines emendat. Siccior potentius siccet, & coalescendis vulneribus magis convenit.

DE RESINIS SOLIDIS.

ARTICULUS PRIMUS.

De Anime, & Copal.

Resinæ eadem sub Anime, & Copal nominibus in officinis nonnumquam usurpantur, & a quibusdam scriptoribus indiscriminatim posuerunt, licet diversæ sint atque distinctæ. Guillelmus Piso, in *Historia naturali Brasiliæ*, observat hanc vocem *Copal* Americanis resinas omnes odoratas, & gummi denotare. Hernandez quoque idem refert, in *rerum novæ Hispaniæ Historia*: addit insuper resinas odoratas ab Hispanis distingui, & eas tantummodo quæ sunt colore candido, Copal nomine donari; quæ vero in fuscum colorem inclinant, Anime, peregrin aut Indici Thuris nominibus insigniri. Nomen autem *Anime* non solum resinæ odoratæ, coloris e citrino in fuscum inclinantis, ex Oriente vel potius ex Æthiopiarum regione Arabiæ proxima oriundæ tributum fuit; sed etiam quibusdam resinis, quæ in Brasilia, & aliis Americæ provinciis reperiuntur, a Lusitanis concessum est. Unde postea duplicem Anime resinam officinæ distinguunt, orientalem scilicet seu Æthiopicam, & occidentalem seu Americanam.

Anime Orientalis seu Æthiopica, Aniimum, & Animum *Lusitanorum*, quæ perperam in officinis Gummi Anime dicitur, resina est pellucida, magnis fragmentis varii coloris, nunc candidis, nunc rufescentibus, nunc fuscis; & Myrrhæ quodammodo similibus; quæ, dum incenditur, jucundum spirat odorem. Ex Æthiopia Arabiæ finitima olim afferebatur, teste Garzia, non vero ex Brasilia. Nunc in officinis rarissime reperitur. Occidentalis enim seu resina *Courbaril* in ejus locum substituitur.

Quidam existimant, resinam Anime orientalem veteribus Græcis notam fuisse, & esse Myrrham mineam *Dioscoridis*, & *Galen*, ob vocum similitudinem, alii vero Cancamum; alii Bdellium. Verum hæc de re nihil certi constat. Cum enim tot diversa sint resinarum genera quæ sapore, & odore tantummodo inter se differant, cum etiam hæc diversæ qualitates accurate describi nequeant, non mirum, si tanta sit inter has merces confusio; cum præsertim plurimæ Græcis cognitæ non amplius afferantur, novæ autem ipsis ignotæ præ manibus sint, & sæpe sub antiquo alterius nomine dividendantur.

Quænam sit arbor, quæ resinam Anime orientalis fundat, adhuc nos latet. Paulus Hermans eandem specie esse putat, quæ occidentalem præbet, cujus descriptionem paulo post recensebimus.

Anti-

Anime Occidentis & Indi Americanæ, Joticacica, & Jetaicica *Brasiliensis*; vulgo, *Resin. do Couraill.* Resina est alba, ad Thuris colorem nonnihil vergens, seu ex albo cissima, pellucida, resina Copal magis oleaginosa, nec tam candida, ac orientalis, nec tam lucida, gratissimi, & suavissimi odoris, quæ prunis imposita facile consumitur. Ex nova Hispania, Brasilia, & insulis Americanis advehitur. Fluit ex arbore quæ dicitur Arbor siliquosa ex Virginia, lobo fulco, scabro, C. B. P. 404. Arbor siliquosa, ex qua gummi Anime elicitur, *Ejusdem*, ibid. Jetaiba; *Pison.* 122. & *Margrav.* 104. Arbor Brasiliensis siliquosa, & gummifera, gummi Anime simili: lobus ex V. Vingandecaovv, J. B. I. 2. 436. Courbaril bifolia, flore pyramidato, *Plumer. n. Pl. Am. gen.* 49. Inter præciores Americæ arbores hæc recensenda est, & etiam inter utiliores: propter ejus ligni in omnibus fabrefaciendis præstantiam, & durationem: quippe durum est, & solidum, fere rubescens, corticeque indutum crasso, aspero, rugoso, & e castaneo nigrescente. Ejus rami late circumquaque distenduntur, ramosi multum, foliisque copiosissimis instructi, laurinis foliis valde similibus, sed solidioribus, planis, binis, & binis in unoquoque pediculo sex adaëxis, ut caprini pedis vestigium mirum in modum repræsentent. In summitate etenim sunt acuminata, ad basin rotundata, & qua parte se mutuo respiciunt, leviter incurvata. Gustu austeriuscula sunt, virore læto, & diluto nirentia, atque ad modum foliorum Hyperici vulgaris innumeris foraminulis pervia, seu potius translucida, si ad solis lumen spectentur. In summis ramusculis flores papilionacei, & subpurpurei pyramidatim congesti prominent, quorum pistillum in fructum evadit fere siliquosum, semipedem circiter longum, & duos pollices latum, utrinque obtusum, paulisper ad latera compressum, & costa duplici, & rotunda dorso carinatum. Nullatenus dehiscit hic fructus aliarum siliquarum more, quæ in longum sese in duas valvas aperientes semina sua maturâ ostentant. Hic integer, & obscurus omnino perseverat, ac unicapsularis, cortice constans crasso, duro, castaneo, tamque splendente, ut licet paulisper asperatus, vernice tamen quadam suffusus videatur. Interior ejus cavitas tota fibrillis repletur per fasciculos veluti adunatis, farinaque respersis subflava, sicca, dulci, gustuque satis jucunda. Inter fibras quatuor, aut quinque castaneæ reconduntur, & immerguntur pincorum ossiculis valde similes, sed quadruplo majores: cuticula enim constant, ut in Castanea, tenui, polita, & castaneo colore diluta, tamque tenaciter carni adhærente, ut nisi gladio abradatur, difficile divelli ab ipsa queat. In omnibus insulis Americanis satis frequens est arbor. Majo, & Junio mensibus fructus maturi ex arboribus decedentes avide a mancipiis nigris colliguntur, farinula illa dulci intus inclusa delectatis. Ex ipsa autem arbore lacryma seu resina distillat pellucida, nunc albicans, nunc flavescens, Succino maxime similis colore, & duritie. Brasiliensis Jetaicica, Lusitanis Anime vocatur. Eadem prunis imposita suavissimum præbet suffitum, facillimæ autem est consumptionis.

Analysi Chymica ex resinæ Anime Ilij. per retortam distillatis prodierunt phlegmatis primo limpidi, subacidi, & odorem juniperinum suaviter spirantis, deinde acidi, & coloris rufescentis, tandem fusci, & em-

& empyreumatici ℥ij. Zij. gr. xij. olei tum limpidi, & flavescentis, tum cassioris, butyrosi, & rufi ℥xxvj. Zij. In retorta massa nigra superstes pendebat ℥ij. Zijß. quæ per horas octo igne reverberii calcinata in fumum, & flammam abiit, remanentibus tantummodo cinerum fuscorum Zij. gr. xxvj. ex his salis falsi gr. vij. ope lixivii extracta sunt. Hac resina apud Brasilienses, non solum Medici, sed & vulgus familiariter utitur, præcipue in capitis doloribus a frigore ortis. Solus autem illius suffitus ad roborandum, non solum caput, sed & reliquas corporis partes frigore affectas valet. Partibus nervosis confert resina in oleo aut spiritu vini soluta, & illuta, vel cerati aut emplastri modo admota. Adhibetur quoque in affectibus articularum, paralyti, contractura, laxationibus, contusionibus, &c.

Copal resina, improprie gummi Copal, *Offic.* Resina est solida, pellucida, aequi coloris, aut ad citrinum tanisper vergentis, odorata, sed non perinde ac Anime. Ex nova Hispania affertur. Græcis, & Arabibus incognita, a detecto novo orbe nobis solummodo innovit.

Plures sunt arbores Copalliferae, quarum species octo a Francisco Hernandez enumerantur, & describuntur. Earum præcipua est Copalli Quahuil, Copallifera prima Hernandez 45. Arbor est procera, foliis quernis forma, & magnitudine similibus, sed longioribus; fructu oborundo, purpurascente. Ex ea liquor albus, translucidus, & resinofus interdum sponte fluit, interdum scarificatione evocatur; qui brevi in massulas solidas, duras, ac translucentes concrevit: odoris est, dum combuitur, non insuavis. Mos erat apud Americanos eo thymiamate aut suffumetro supplicare diis; eodemque primos Americae expugnatores, quos deos vocabant, exceperunt.

Analyti Chymica, resinae Copal ℥ij. præbuerunt phlegmatis acidi rufescentis, & odoris empyreumatici ℥ij. Zijij. gr. xxx. olei primo tenuis, & limpidi, deinde rufescentis spissescens, ac tandem butyrosi ℥xxj. Zijij. Caput mortuum in retorta superstes pendebat ℥ij. Zij. gr. xliij. quod per horas quindecim in crucibulo igne reverberii calcinatum, cinerum ℥v. gr. xxxvj. reliquit; ex quibus salis falsi gr. vij. ope lixivii extracta fuerunt.

Rarissime in usum medicum venit: utilis tamen dicitur ad frigidos capitis morbos; sæpius vero ad vernices præparandas usurpatur.

ARTICULUS SECUNDUS.

De Benzoino.

Benzoinum, Belzoinum, Belzoe, Belzoin, Benjoinum, Benivinum, Benivi, & Assa dulcis, *Offic.* vulgo *Benzoin*. Resina est arida, indurata, fragilis, inflammabilis, ex variis splendentibus micis seu frustulis, modo flavescentibus, modo albescentibus in massam coacta, saporis resinosi ac pinguis, odoris suavis, & fragrantis, præsertim dum incenditur. Duplex in officinis reperitur: primum Amygdaloides, quod vel

pallidum, vel ex rubro fuscum, grana candida Amygdalarum instar continet: alterum nigricans, nullis aut paucis maculis, ex Regno Siam, insulis Java, & Sumatra affertur. Optimam censetur pellucidum, amygdaloides, suavissime spirans, nec heterogeneis inquinatum.

Garzias ab horto hanc resinam veteribus Græcis, & Atabibus ignotam fuisse ostendit.

Arbor Benzoinum fundens dicitur Belzoinum, C. B. P. 503. Arbor Benzoini. *Grimii Ephem. Germ. dec. II. an. 1.* (Laurus foliis enervibus, obverse ovatis, utrinque acutis, integris, annuis, *Linn. Horti Cliff. 134.*) Procera est, vassa, pulchra, ut ait Garzias, foliis citri aut Limonii, minoribus tamen, nec adeo splendentibus, & averſa parte candicantibus. (Flores laurinis similes sunt; unde inter Lauros eam recensuit Linnæus. Involucro sessili, tetraphyllo, Corni simillimo, includuntur Hofculi quinque petiolati, longitudine involucri, calyce proprio donati sexpartito, flavo, laciniis linearibus. Stamina 8. vel 9. longitudine calycis, lateribus appendiculata, germen circumdant ovatum, intra calycem situm, & styli gerens simplex.) Fructus vero, narrante Rumphio, Nuces sunt, Nucis Moschatæ magnitudine, subrotundæ, compressæ, quæ constant ex cortice carnoso, non tam crasso ut in Nucibus Juglandibus; extus aspero, intus viridi, & nucula quodammodo compressa, cujus putamen tenuius est, & tenerius quam Nucis Avellanæ, coloris cinerei: nucleum in se recondit rubicunda, & rugosa tunica circumtectum, intus candidum aut ex pallido viridem.

Hortus Amstelodamensis arboris cujusdam in Virginia nascentis descriptionem, & iconem exhibet sub hoc nomine: Arbor Virginiana, Citriæ vel Limoniæ folio, Benzoinum fundens, quæ cum nostra omnino convenit, nec nisi loco distinguitur.

De modo quo incolæ insulæ Sumatræ Benzoini resinam colligunt, hæc Grimmus refert. Postquam arbor Benzoinifera ad quintum vel sextum suæ ætatis annum pervenit, in parte superiori, sub corona trunci, ad principium ramorum secundum longitudinem, sed aliquantulum oblique ad lignum usque inciditur: unde tunc præstantissima hæc resina profuit, quæ primum candida est, tenuis, glutinosa, & pellucida, ac tractu temporis in aere paulatim concreſcit, & indureſcit, flavedinem ac rubedinem contrahit. Si debito tempore separaretur, pulchra est, & nitida; si vero diutius in arbore remaneat, crassior, & subfusca evadit cum admixtis recrementis. Ex una arbore non ultra tres libras obtinent. Incolæ non ultra sex annos illas arbores excreſcere permittunt; sed quamprimum omnis quæ adhæserat resina, derasa fuit, succidunt eas, & tanquam inutiles evellunt, ut plantis junioribus locus detur. Juniores enim arbores plurimum resinæ largiuntur, & præstantiorem.

Benzoinum Analyſi Chymica multum olei præbet, tum tenuis, limpidi, aurei, & fragrantis, tum Ipsi ac butyroſæ conſiſtentię, phlegmatis acidi portionem non mediocrem, parum terræ, & nihil ſalis fixi. Sal acidus cum aliqua terræ, & olei portione implicitus ſalem eſſentialem conſtituit, qui ſublimatione ex reſinoſo magmate in flores ſalinos elevatur, vel decoctione in aquâ communi extrahitur. In aqua bulliente ſal ille, cæterorum eſſentialium alium more, ſolvitur; & dum re-

fri-

frigeratur aqua, in Epiculorum salinorum congeriem concrevit, & in ima liquoris parte desidet. Florum salinorum ℥j. vel etiam ℥ij. per sublimationem Benzoini libra una suppeditat; per decoctionem vero ℥j.

Præcipuus Benzoini usus est ad odoramenta, & suffumigia. Inrus sumptum expectorationem promover; & in asthma, pulmonum infarctu, tussi diuturna magno est adjumento. Ejus flores præsertim ad hæc commendantur: valent etiam ad sudores movendos. Externe Benzoinum ad caput, ventriculum; & partes nervosas resolutas roborandum utiliter cum emplastris admiscetur: necnon etiam in tuberculis ac rubore faciei extergendis ejus tinctura usurpatur.

Benzoini flores, oleum, & tinctura in officinis præparantur. Flores sic sublimantur.

24. Benzoini crassiuscule triti q. l. Imponitur in ollam terream vitream, desuper accommodando capitellum ex charta duplici, pyramidis in modum formatum: ignis lenis carbonum vel cinerum paulatim admoveatur. Sic sublimabuntur flores elegantissimi, albicantes, & nitentes serici instar, chartæque adhærescent. Singulis horis chartaceum capitellum amoveatur; & alterum substituatur. Flores plumula colligantur, & servantur in phiala vitrea exacte obturata: interetur sublimatio; & operatio tamdiu continuetur, donec flava pinguedine coinquantur. Exhibentur a granis iij. ad ℥ss. pro dosi, in liquore conveniente soluti, vel sub forma boli, in asthma, pulmonum tuberculis; & ulcere.

Resinosa, & friabilis massa superstes cum arenâ duplo vel triplo per retortam distillatur, & oleum aureum, & limpidum, sed parva quantitate, deinde rufescens, ac tandem nigrum, & viscosum præbet, quæ quidem oleosæ substantiæ cum aqua rursus distillari possunt, & rectificari. Oleo rectificato virtus balsamica, vulneraria, & sudorifera tribuitur.

Tinctura fit ope spiritus vini, cujus guttæ aliquot in aquam injectæ statim liquorem turbidum, & lactescentem efficiant; unde a quibusdam Lac virginale dicitur.

24. Flor. Benzoini, & sal. Succin. ana ℥ss. Croci ℥j. Gummi Ammon. ℥ij. Conservæ Epulæ Campan. ℥ij. M. F. Electuar. Dividatur in quatuor doses sexta quaque hora exhibendas in asthma.

Usurpatur in Pulvere cephalico odorato Charas; Trochiscis Alyptæ Molchatæ, Unguento pomato officinali, Emplastro cephalico, & Emplastro stomachico *Ejusdem*, & in Pulvere ad cadavera loricanda *Ejusdem*.

Flores usurpantur in Pilulis balsamicis *Richardi Morion*.

ARTICULUS TERTIUS.

De Camphora.

Camphora, & Caphura. Off. Caphur, *Arabum*: Κάουρα, recentiorum *Græcorum*; Ἰν Αἰθί: vulgo *Camphre*. Duplex resina, sub hoc nomine nobis affertur. Altera rudis, vulgo *Camphre brute*, quæ in massas friabiles compactas ex plurimis granulis semipellucidis, rufescentibus, aut cinereis, salium granis similibus, odore fragrantis, sapore acris, & sordibus inquinata deprehenditur. Altera quæ Camphora purgata, vulgo *Camphre raffinée*, resinosa est pinguiuscula, sub dentibus aliquantisper lentescens, candida, pellucida, levis, in panes seu massas orbiculares depressas nonnihil concavas, nitidas coacta, quinque vel sex digitos longas, unum aut alterum latas, saporis aeris, amaricantis, aromatici, totum os inflammantis, cum quodam tamen frigiditatis sensu, odoris fragrantis Rorismatini, sed vehementioris. Adeo volatilis est, ut aeri libero exposita sensim minuatür, & in auras avolet atque dissipetur. Facile quoque flammam concipit, & nullum carbonem terramve combusta post se relinquit.

Ambæ illæ Camphoræ species una & eadem sunt, nec inter se differant, nisi purificatione, quæ sublimatione peragitur, ut infra dicemus. Prima reprobatür: altera vero eligitur candida, translucida, nitidaque. Ex Japonia occidentali & adjacentibus Insulis rudis in Belgium affertur, ibique repurgata postea per totam Europam diffunditur. Apud Indos duo Camphoræ genera distinguuntur: scilicet Camphora Japonensis, aut Sinenfis, apud orientales populos, sicut etiam apud nos usitatissima; & Camphora Borneensis, & Sumatrana, nobis invisa, & apud ipsos etiam rarissima, & pretiosissima.

Arbor ex qua Camphora vulgaris seu Japonensis extrahitur, dicitur Camphora officinarum, C. B. P. 500. Arbor Camphorifera Japonica, foliis laurinis, fructu parvo globoso, calyce brevissimo. *Breyn. 2. Prod. in Horti. Amstel.* (Laurus foliis ovatis, utrinque acuminatis, trinervis, nitidis, petiolis laxis, *Lin. H. Cliff. 154.*) Arbor hæc quæ vera Laurus est, adeo procera est, & parula, dum adolevit, ut cum Tiliis, & Quercubus de magnitudine cernet. Caudice assurgit ære, erecto: cortice vestitur in junioribus glabro, levi, dilute virescente; in adultioribus inæquali, scabro, verrucoso, coloris cinericii. Ligno donatur albo per siccitatem ad levem rubedinem accedente, substantiæ laxioris ex crassiusculis fibris compactæ, segmentis nigris Juglandis instar undulatis, odoris aromatici pergrati. Ramis adnascuntur folia Lauri vulgaris foliis similia, duos transversos digitos lata, quatuor longa, utrinque acuminata, cum longo & angusto mucrone, in ambitu nonnihil sinuata, & crispa; antica facie sapore virentia, splendentia, glabra; postica herbaceo aut cinereo colore prædita: singularia, nullo servato ordine alternatim hic illic sparsa, pediculis insidentia paululum carinatis, uncialibus, qui in costam purpuratentem abeunt, ex qua nervuli, & venulæ ad oras oblique protenduntur; quæ

con-

contrita odorem spirant validum, Camphoræ non dissimilem, quo tota planta imbuta est. Inter foliorum alas mittit pediculum quas uncias longum, in summitate racemosum; & plurimos minutissimos flores sustinet albos, monopetalos, tubulosos, in quinque & raro in sex partes subrotundas dissectos, cum novem staminibus brevibus, apiculatis, & pistillo molli medium occupantibus. Flores excipiunt baccæ per maturitatem atropurpureæ splendentes, lignosæ, magnitudinis Pisi mediocris, subrotundæ, calycibus brevissimis, oblongis; mollibus insidentes; saporis inter Camphoram & Caryophyllos aromaticos mediæ, odoris multo quam in foliis fragrantioris. Nucleus intus continetur subalbidus, Piperis magnitudinis, corticula nigra micante obductus, bifidus, oleosus. Lignum odori gratia ad multa opera usurpatur.

Camphora per omnes arboris partes dispersa non incisione, ut ceteræ resinæ, dimanat, sed singulari methodo extrahitur. Replicandum opus est (ait Kæmpferus) in Provincia Salsuma, & Insulis Gotho, qui radices, & ligna minutim concisa cum assula aqua coquant in vesica ferrea guttis postoque capitello fictili, amplo, rostrato, & stramine repleto, vel, ut refert Paulus Hermans, capitello ex stramine vel floreis confecto, in sublimaciam resinam excipiunt candidæ fuliginis instar, adherentemque decutiunt, & in massam compingunt.

Verumtamen, quandoquidem hæc Camphora, qualis a Batavis ex India advehitur, rudis est adhuc, & in massulas compacta terra & sæcibus confuscatas, friabiles & flavescentes; purgatiq; seu, ut vocant, vafinatione indiget. Ea est illius purgationis ratio apud Batavos usitata, & Joh. Frederico Gronovio in sua de Camphora dissertatione descripta.

Camphoram rudem, prout ex India advehitur contundunt, cribroque a sæcibus, & sordibus admixtis purgant. Hæc ad sibi in tresve replent vas vitreum depressum cum fundo plano & collo angusto. Hæc Camphora modice repletum arenæ imponunt tantummodo, non sepe solunt. Vas quod arenam excipit, non habet fundum æqualem, sed sensim in conam descendit, cui subternunt fortiore ignem continendum, & quædam Camphora aquæ instar ebulliat. Dum colliquescit, superficiei vasis imponunt multos pannos sibi suppositos, & confectos, in medio foraminatam pro collo vasis, cui dein superponunt contram ex blito confectam, collo vitri paulo longiorem.

Cum tota liquata est Camphora, & maxime ebullit, ignem minuant, cum pinas subtrahendo, tunc eas chieribus tegendo, ut calorem modicum edere possint. Post binos ab ebullitionis remissione quadrantes horæ omnes pannos & eorum auferunt, & tantummodo chartam empyreticam relinquunt diametro vasis respondentem, in medio foraminatam, ne ab exteriori frigido nimis subito refrigeretur & disrumpatur. Culum vasis cono coopertiant chartaceo, & sic Camphoram colliquatam servant, per aliquot horas modicum ignis gradum conservando. Hæc digestionem Camphoram partibus quibusdam oleosis & tenuioribus liberatur, adeo ut postea in massas densiores, & sicciores concretescere possint.

Post aliquot digestionis horas novum & fortem supponunt ignem diu continuandum, donec Camphora superiorem vasis partem petat, quo momento maxi-

maxima utantur cautela, ne statim initio collum vasis repleat, & dispumpat. Quare semper instrumentum ex ferro vel ligno confectum intrudunt, ut collum apertum servent. Cum Camphora omnis altum petiit, auferunt totum ignem, & refrigerare sinunt vasa. Si quæ adfuerint fœces, & in fundo remanent conspicuæ. Vase refrigerato, & disrupto, Camphoram purificatam extrahunt, massas seu panes orbiculares referentem a vasis forma; eamque a sordidis, si quæ sint, superficiebus ope cultri purgant scindendo, non cadendo, ut panes obtrineant candidos, & pelucidos.

Aliud est, ut diximus, Camphoræ genus ab orientalibus populis plurimè æstimatæ. Bornensis sive Sumatranæ a locis dictæ. A priori non differt reipsa, sed forma tantum, veluti tenuissimarum lamellarum, vel micarum exiguarum; qualis ex arboris Camphoriferæ ligno extrahitur, absque ulla alia præparatione.

Arbor quæ eam profert, dicitur Arbor Lioño dicta *Sladi*: Arbor Camphorifera Sumatrana, foliis Caryophylli aromatici, longius mucronatis, fructu majori oblongo, calyce amplissimo Tulipæ figuram quommodo representante, *Breyn. 201. Prodr.* Externa facie cum priori multum convenit minor est tamen, graciliorque. Ejus truncus septem præterpropter transversos digitos crassus, fungosus est, & medulla Sambuci non valde absimili infarctus; variis nodis sicuti Arundo distinguitur. Verum fructus profert a priori porus diversos, parvæ Nucis Avellanæ magnitudine, oblonge rotundos; tenui tunica indutos; & rursus instar Nucum Avellanarum altera involutos elegantis formæ tunica, quæ diversis pinguitur coloribus ut rubro, purpureo, flavo, viridi, & fructum integrum contegens; instat Tulipæ, superius se aperit. Illi fructus conditi valde grati sunt, subtilemque Camphoræ odorem, & saporem referunt. Hæc arbor luxuriat in Borneo, & Sumatra & Insulis, & præsertim in sylvâ prope Baros in occidentali Sumatræ parte.

Camphora in hac arbore sub forma minueissimarum lamellarum reperitur, sed quantitatè admodum exigua, cum duæ vel tres arbores cæsæ vix 3ij. vel iij. suppeditent: unde caro venditur pretio, adeo ut in Japonia 1lb. tantum constet quantum 1lb. Japonensis Camphoræ.

Cum hanc arborem Camphora abundare & quasi turgere norunt, cæsâ in partes dissecant, findunt, folique, ut arefcat, exponunt. Exsiccatas in particulas tenuiores comminuunt, & Camphoræ frustula eximunt, cribroque a sordibus purgant. A Japonensi in eo differt quod sponte non evanescat & consumatur; quandoquidem, si referente VVillemo Ten Rhyne, 1lb. hujus aperto aeri exponantur, intra sexennium vix 1bvi. perdet, cum econtra Japonensis seu vulgaris intra illud temporis spatium tota in auras dissipabitur. An vero hæc quoad medicos usus Japonensi præstantior sit, ignoratur: & rem se experiri non potuisse Ten Rhyne scribit apud Breynium.

Si Camphora purificata in aperto aere comburatur, nihil prorsus cinerum vel terræ post se relinquit, sed tota in flammam dissipatur, & quædam ejus portio inatram fuliginem vertitur, nustumque acidum manifestum præbet, in quo a Benzoino, & plurimis aliis resinis discrepat. Si vero in vasis clausis distilletur, non in sua principia resolvitur; sed sulphu-

sulphuris instar in flores ascendit & sublimatur. Solvitur in spiritu vini; & oleosis liquoribus, sicut cæteræ resinæ. Camphora spiritu vini soluta, a copiosa aquæ communis affusione pristinam formam recuperat, & ad liquoris superficiem nivis instar concrevit. Solvitur quoque vel potius liquatur spiritu Nitri & aqua Regia cæterarum dissimilis resinarum, quæ illis liquoribus concrevissent & indurantur.

Ab oleo Vitrioli vehementissimo solvitur quoque, sed in oleum non convertitur: liquatur autem spiritu salis, & partim in oleum lenum & albidum abit, partim sublimatur. Vim salis Tartari, & spiritus salis Ammoniaci omnino fugit. Unde liquet resinam peculiarem, oleosis & acidis particulis tenuissimis adeo contemptatam, ut acidi sales sola tantum deflagratione manifeste se præbent.

Camphoræ, nec Dioscorides, nec Galenus, nec quisquam veterum Græcorum ante Aetium meminerunt: Arabibus vero nota fuit, & usitata.

De Camphoræ qualitate auctores inter se non conveniunt: alii enim calidam esse dicunt, alii frigidam.

Plurimi Camphoram frigidam statuunt eo argumento, quod nonnumquam veneremextinguat, & libidinem compescat; quodque ophthalmiis, partium inflammationibus, rum etiam ambustis medeatur, & partibus inflammatis imposita frigiditatis sensum inferat. Alii econtra calidam affirmant, quorum argumenta sunt inflammabilitas eximia, odor aromaticus fragrantissimus, sapor acerrimus, atque tenuitas, & volatilitas partium: quæ quidem sententia probabilior videtur. Licet autem vulgatum sit proverbium:

Camphora per naves castrat odore mares;

non ideo, quod sit vulgatissimum, veritati magis consentaneum est; siquidem observatum fuit, plurimos, qui per totum fere vitæ decursum, victus quæstionandi causa apud Japonenses Camphoram tractant, aut qui a pluribus annis apud Batavos in Camphoræ purificatione se exercent, non idcirco tamen ad venerea exercitia minus aptos esse, imo multa atque copiosa prole beari.

Revera non est negandum, quosdam esse, quorum vis naturæ diuturno Camphoræ usu debilitata fuit, & extincta: sed etiam econtrario nonnulli sunt, qui contra libidinis incendia hac resina usi, conquesti sunt se multo magis veneris æstro percitos fuisse.

Itaque quamvis in multis affectibus, ut in oculorum inflammationibus, erysipelate, æstu febrili refrigerantem potestatem obtineat: attamen illud per se non operatur, sed per accidens tantum, humorum acrium, & corrodentium acrimoniam demulcendo, stagnationem removendo, coagulationem resolvendo, solutæque particulas per cutis poros, aut per vasa solita compellendo; ita ut, inflammationis causa remota, cesset partis & calor & dolor. Quod etiam de spiritu vini, & aliis medicamentis, quæ actu calida dicuntur, quotidie experimur.

Camphora interne & externe adhibetur. Intus sumpta anodyna est, & dia-phoretica, venenis & humorum malignitati resistit; unde frequens ejus usus est in peste, febribus putridis, & morbis maligni moris. Menses provocat, & uri-

& urinas : suffocationi uterinæ subvenit ; tumque vel ejus substantia per os exhibetur ; aut aqua hyserica quævis , in qua Camphora incensa extrinseca fuerit ; propinatur ; vel etiam in enematum decoctis , mediante oleo quocumque solvitur . Uteri , renum , & vesicæ ulceribus medetur . Commendarur quoque in gonorrhæa & fluore albo . Dosis a gr. iij. ad ℥j. sub forma boli vel cum olei Amygdalar. dulcium q. s. soluta .

Tandem Joann. Groenvelt. D. Med. Lond. *Traçatu de tuto Cantharid. usu interno* ; Camphoram prædicat tanquam præstantissimum Cantharidam correctorium . Urinæ arbores ex Cantharidibus intus sumptis ortos mire compescere asserit . De his plura , cum de Cantharidibus agemus .

Externe adhibetur , tum in membrorum paralyssi , rheumaticis doloribus , & arthriticis , tum ad inflammationes sedendas , erysipelata compescenda , tumores resolvendos , putredinem arcendam , gangrænam præcavendam , necnon etiam ad ambusta , sæpius spiritu vini soluta . In frontalibus , fomentis , collyriis , unguentis , & ceratis nonnunquam permiscetur .

Camphoræ etiam externe admotæ vis febrifuga tribuitur : quapropter in febribus intermittentibus in nodulo suspenditur circa præcordia ad ℥j.

Observandum est nimum Camphoræ usum caput gravare , vigilas inducere , & sanguinem ad inflammationem disponere . Quocirca nonnisi caute , & moderate assumenda est .

℥j. Radicum Petasid. & Bistortæ pulveratar. Camphoræ ana ℥j. C. C. Philosoph. pp. ℥ij. M. F. pulvis , cujus dosis ℥j. in peste , & febribus malignis .

℥j. Camphoræ gr. xv. Olei Cinnamom. gutt. iij. Laudan. Opiati gr. j. cum s. q. Conserv. flor. Rorismar. M. F. bolus ad sudores movendos .

℥j. Camphor. gr. xij. Conserv. flor. Calendul. q. s. Fiat bolus in mensum suppressione .

℥j. Camphor. Castor. Assæ fœtid. ana gr. v. Myrrhæ , & Aloes pulverator. ana gr. x. Olei Succini gutt. iij. Conservæ Rutæ q. s. M. F. bolus .

℥j. Camphoræ ℥ij. Terebenth. Venetæ ℥ij. Sanguinis Draconis ℥ij. Misce exacte , & formentur Pilulæ . Dosis ℥ss. in gonorrhæa .

℥j. Aquæ Fœniculi ℥ij. Spiritus vini Camphorat. ℥ss. M. F. collyrium in ophthalmia , glaucomate & cataracta incipiente .

℥j. Tinctur. Myrrh. & Aloes ℥ij. Spiritus vini camphorati ℥j. Fiat mixtura præstantissima ad ulcera , vulneraque putrida , fœtida , & ad sphacelum inclinaria abstergenda .

℥j. Sacchar. Saturni ℥ss. Camphor. ℥ss. Olei Lini , olei Olor. ana ℥j. Fiat linimentum in ambustis .

℥j. Oleo Lembricor. ℥ij. Sp. vini camphorati ℥j. Ol. Terebenth. ℥ss. Sp. salis Ammon. ℥j. M. Fiat linimentum in paralyssi , & rheumaticis doloribus .

Spiritu vini camphoratus fit solvendo Camphoræ ℥ss. in spiritus vini ℥j. in vase vitreo amplo & clauso sub sole , vel in arena tepida .

Eodem modo paratur Aqua vitæ camphorata .

Oleum Camphoræ in officinis sic præparari solet .

℥j. Camphoræ crassiuscule ritæ ℥ij. Spiritus Nitri ℥vj. Digerantur simul

in vase vitreo rite obturato in balneo Mariæ, identidem agitando; donec Camphora prorsus soluta sit. Tum oleum spiritui supernatans separetur pondere ℥iij. Ad ossium cariem inhibendam, & ad tendinum exfoliationem promovendam commendatur.

Camphora usurpatur in Confectione de Hyacinthis *Jouberti*, Trochiscis de Camphora, Trochiscis albis *Rafis*, Trochiscis Diarrhodon, Pilulis hyssericis *Charas*, Pulvere Spermiolæ *Crolli*, in mixtura de Tribus seu Diaphoretico in peracutis *Paracelsi*, Unguento de Cerusa, Desiccativo rubro, Cerato Santalino, Emplastro styptico, Emplastro ad Ganglia *Charas*, & Diaborano *D. Blondel*.

Præter hanc Camphoræ speciem, aliæ huic analogæ substantiæ ex variis plantis Indiæ orientalis eliciuntur; quarum præcipua in insula Ceylan conficitur. Extrahitur ex cortice radicis Cinnamomi, qui nempe separatus a materia lignea, immittitur vesicæ instructæ suo capitulo, & affusa aqua copiosa distillatur. Sic obtinetur aqua, oleum & oleo supernatans Camphora, quæ ab illo facile expressione manuum separatur. Hæc cinnamomea Camphora alteram odoris suavitate longe superat, viribusque præstantior censetur; sed parce admodum æstertur. Eadem plane ratione ex omnibus Cinnamomi seu Canellæ speciebus, ex radicibus Zedoariæ Zeylanicæ Camphoram redolentis, ex Mentha Zeylanica, Schoenantho Arabico & Persico, & aliis, oleum & Camphora extrahuntur, sed nullius sunt usus.

ARTICULUS QUARTUS.

De Caranna.

Caranna; Off. vulgo *Caragne*. Substantia est resinosa, concreta, tenax, & picis instar ductilis, dum recens est; inveterata vero dura, friabilis, foris e cinereo nigricans, intus obscura, fusca; saporis resinosi, subamaricantis, ad Myrrham aliquantisper accedentis; odoris, dum accenditur, fragrantis. Ex America & præsertim nova Hispania in masculas juncæis foliis involutas compacta æstertur. Eligator recens, odora fragrans, sincera, nullis quisquiliis aut resinis alienis fucata. Cujusdam speciei meminit Monardes, Crystalli instar pellucidæ, & odoris fragrantissimi, quæ nunc in officinis non reperitur.

Arbor ex qua hæc resina profluit, dicitur Caranna Monardi, C. B. P. 503. *Tlehuehoca* Quahuil, id est, Arbor insaniæ, Caragna manuata, *Hernandez* 56. Arbor est, inquit *Hernandez*, magna, fulvos stipites fundens læves, nitidos, odoros; folia profert oleaginea, in crucis formam composita, orbicularia. De floribus & fructibus vero nihil refert. P. *Hernandez* fructus parvis pomis similes esse dicit.

Ex hac resina, distillatione oleum essentiale subtile, acre, rubrum, & summe odoriferum extrahitur. Ab hoc oleo pendet ejus virtus tumores resolvendi, dolores sedandi, & nervos roborandi. Externe tantum adhi-

adhibetur in podagra, arthritide, ischiadico dolore, catharris & dentium doloribus, sub forma emplastri, vel sola, vel cum Terebenthina Chia, oleo Nucis, aut alia quocumque oleo emollita. Temporibus admovetur in odontalgia, suturæ coronali in cephalalgia, ventriculi regioni in hujus visceris imbecillitate: comburitur quoque ad aeris malignitatem corrigendam.

2℥. Carann. ʒj. Ceræ flavæ ʒß. Olei Verbasci q. l. M. F. Emplastrum antipodagricum.

ARTICULUS QUINTUS.

De Elemi.

Duplex est Elemi seu Elemni genus in officinis: unum verum, quod Æthiopicum; alterum spurium, quod Americanum. Minus bene Gummi titulo donantur, cum genuinæ resinæ sint, quæ flammam facile concipiunt, & oleo distillantur.

Verum Elemi seu Æthiopicum est resina flavescens, vel ex albido tantillum, virescens, extus solidior, licet non penitus sicca; intus mollior, & lenta, in glebas cylindraceas coacta; ad ignem ardens; odore valido non ingrato, quadantenus Fœniculi. Glebæ foliis amplis arundinaceis, aut palmeis involvi solent. Raro nunc in officinis occurrit.

De arbore ex qua fluit, nihil certi traditur: fortasse tempus illius originem dilucidabit.

Elemi resinam Oleæ Æthiopice lacrymam esse multi volunt, eandem quoque, de qua Theophrastus & Dioscorides mentionem fecere; & ex qua Plinius scribit confici medicamentum Græcis *Enhemon* dictum; singulari effectu contrahendis vulnerum cicatricibus. Quod autem hanc conjecturam eo magis verisimilem efficit, illud est, quod C. B. profert O'eas & Oleastro Elemi similem fere lacrymam fundere; quodque Andree Bacci testimonio confirmatur, cujus verba ex lib. V. de Vinis *Apulis* desumpta huc referam. Olearum, inquit, in Apulia mira vetustas & magnitudo. Quæcum instar procerrimæ, & quod fecunditatis earum argumentum est, quod in Tiburtinis non video, nec in Sabinis oleis, ob assiduos, ut reor, in Apulia calores, gummi hic Oleæ exsudant optimum, quod Chirurgi gummi Elemi appellant. Gleba est pinguis, ac Myrrhæ instar fragranti odore; ut non solum in unguento probandam existimem, utique applicata simpliciter, Cerati instar, tumores discutiat, emundet fordida ulcera, ac carnem inducat ad cicatricem; verum etiam prunis alperis suffimentum Balsami in cameris edit gratiosum, superans Thuris & Stactæ Myrrhæ fragrantiam.

Elemi Americanum est resinæ species quandoque albicans, nunc virescens, nunc flavescens, pellucida, ad Pini resinam accedens; mollioris modo, modo siccioris consistentiæ; odore resinoso, gravi. Frequens occurrit in officinis. Probatur recens, pellucidum, viridiusculum, pin-

gue, lentum, odoratum. Ex Brâsilia, nova Hispania, & insulis Americanis advehitur.

Arbor dicitur Icariba Brâsiliensibus, *Maregr.* 98. Icariba, & illius gummi Iciea, sive Elemni, *Pison.* 122. Arbor Brâsiliensis gummi Elemi simile fundens, foliis pinnatis, flosculis verticillaris, fructu Olivæ figura & magnitudine, *Raii Hist.* 1546. Arbor est alta, caudice haud ita crasso, cortice glâbro ac cinereo: crescit fere ad modum Fagi. Folia fert in ramulis pinnata, e binis, interdum ternis pinnarum conjugationibus composita cum impari foliolo in extremo, Pyri foliis similia, tres digitos longa; anterius acuminata, instar Pergameni crassa, læte viridia, splendens; nervo secundum longitudinem, & venis oblique discurrentibus. Ad foliorum exortum proveniunt copiosi flosculi racematum seu verticillatim congesti, parvuli, quatuor foliolis viridibus constantes, stellæ figura. Foliola autem illa viridia in ambitu alba lineola sunt circumdata, & in medio floris sunt aliquot staminula flavescentia. Post florem sequitur fructus magnitudine & figura Olivæ, colore mali Granati, habens intus pulpam odoriferam, qualis est arboris lacryma. Cortex quippe vulneratus una nocte resinam fundit odoratissimam, odore Anethi recens contusi, quæ postmodum colligi potest: consistentiam habet Mannæ, colorem ex viridi pallide flavescentem; ac commode trahi manibus potest. Corticem exteriorem non incisum si manu mulces paululum, insignem mox spargit odorem.

Analysi Chymica ex ℞iij. Elemi purissimi per retortam distillati prodierunt humoris aquosi primum, qui odore, & sapore hanc resinam referebat; deinde acidi, Heliotropii uincturam rubro colore inficientis ℞iij. ℞ij. gr. lxvj. olei limpidi rufescentis ℞vj. ℞vj. gr. xxxvj. crassioris vero, & colore fusco tincti ℞xxix. ℞vj. gr. xxxvj. Massa nigra carbonis instar in retortæ fundo residua pendebat ℞iij. ℞vij. gr. xxxvj. quæ per sexdecim horas igne reverberii in crucibulo calcinata, donec nullum amplius fumum emitteret, adeo imminuta fuit pondere, ut ℞iij. & gr. lx tantum penderet; atque color ejus ater in flavorubentem conversus fuit. Ex his cineribus per lixivium salis fixi salis gr. xvij. separata fuerunt. In hujus resinæ distillatione deperditio partium fuit ponderis ℞iij. & gr. xlvij. in calcinatione vero ponderis ℞iij. ℞ij. & gr. xlvij.

Nullam alcali salis notam præbuit hæc resina: unde liquet, illam, sicut aliæ fere omnes, compositam esse acido subtili & oleo, tum subtili, tum crasso stricte unitis.

Utrumque Elemi externæ admotum tumores resolvit, ulcera detergit, & dolores internos emulcet & sedat: corruptioni egregie resistit, & in primis pro vulneribus & contusionibus capitis & tendinum commendatur. Rarissime ad usum internum usurpatur: a quibusdam tamen tanquam diureticum intus sumptum prædicatur.

Ex ea paratur Balsamum digestivum *Arcti*, in vulneribus capitis apud Chirurgos usitatissimum, cujus hæc est descriptio.

℞. Elemi & Terebenthinæ abietinæ ana ℞ss. Sebi castrati antiqui, & liquefacti ℞ij. Pingued. porcine antiquæ liquefactæ ℞j. M. F. linimentum f. a.

Ufur-

Uſurpatur etiam in Emplaſtro *Andrea a Cruce*, Emplaſtro-*Paracelſi*, & Emplaſtro ad Equini pedis punctiōnem *Charas*.

Plurimæ reſinæ flaveſcentes, albicantes, aut cinereæ ex America pro Elemi afferuntur; quæ Elemi genuino viribus & odore inferiores ab ipſo facile diſtinguuntur.

ARTICULUS SEXTUS.

De Lacryma, vulgo Gummi Hedera diſta.

Reſina Hederae, improprie Gummi Hederae, *Off. Λάκρυα ῥέκισσι, Dioſcoridis*. Eſt ſubſtantia reſinoſa, arida, dura, compacta, colore ſulco, rubiginoso, obſcuro, nonnihil pellucida, & rubra, ſi in parva fragmenta diſrumpatur, cum rubiginosis intercurrentibus micis; ſapore ſubacri, leviter adſtringente, & tantisper aromatico; inodora. Flammæ tamen admoda clara & pertinacem edit flammam cum odore non ingrato, ad Thuris odorem accedente. Ex Persia & orientalibus plagis aſſertur. J. Bauhinus huiusmodi reſinam rubram, odoratam, pellucidam, guſtu acrem, inflammabilem in arbore Hedera prope Genevam reperit. Haud diſſimilem J. Rajus VVorceſtriæ in Anglia collectam fuiſſe reſert. Necnon Petrus Pomet magnum huiusce reſinæ fructum ex antiqua Hedera arboſcente Monſpelit collegiſſe reſert. Sed rarius his in regionibus frigidis illa reſina ſtillat.

Planta ex qua hæc Lacryma diſſluit, dicitur Hedera arborea, C. B. P. 305. *Inſt. R. Herbar.* 613. quæ ratione loci ubi creſcit, & ætatis, diſverſas formas induit: unde tot ab auctoribus antiquis Hederarum diſſerentia.

In cenſu earum quæ adminiculis ſuſtinentur, reſerri ſolet; licet tamen per ſe nonnunquam conſiſtat, & adeo erigatur ut nullum relinquatur affinitatis veſtigium cum repente Hedera, ea poſſiſſimum ætate qua fructum ferre poteſt. Sarmentis tenuibus, longo & errabundo reptatu proximis arboribus aut parietibus innixa, alta petit, iis quæ ſemel apprehendit, pro ridiculis uſa, barbitio fibrarum propagato, radices in alieno ſolo agens: cortice magna parte rugoſo, cinereo, in novellis ramis viridi; materia alba, firma. Folia perpetuo virentia, nullo ordine pediculis ſemipalmaribus & palmaribus appenſa, pro variis Hederae ætatibus diſverſa ſunt. Quamdiu enim repit & affixa eſt, folia ſert nervoſa, ſuperne ex atro virentia & ſplendentia, inferne ad luteum ex virore tantillam declinantia, in angulos deſinentia ad ſummum quinos, quorum duo utrinque prominent, unus in ſummo folio: quo autem magis adoleſcit, folia & pauciores edunt angulos obuſioreſque, & ipſa majora ſunt & virentiora unicoloraque: cum ab initio eadem puſilla ſint, nigra, & maculis albis ſecundum venas diſtincta, aliquando inferne ſubrubentia: at vero cum erigitur, folia rotundantur, obliteratis ex toto utrinque angulis omnibus, ſolo eo qui in ſummo eſt relicto. Sapore ſiccante acri donantur.

Flores in sarmentorum extremitatibus multi umbellæ instar nascuntur; rosacei, seu sex herbaceis petalis in orbem positis constantes, toridemque luteis apicibus; ex quorum meditullio surgit pistillum quod deinde abit in baccam fere globosam, baccæ juniperinæ æqualem, per maturitatem nigram, utrinque quasi compressam, circulo umbilicato a quo abest ille reliqui acini nitor, inscriptam, adinstar operculi impositi arceolo, cujus centrum designat prominulus niger stylus. Intus distinctis septimento membranaceo nonnihilque pulposo loculis continentur semina, unum, duo, tria, quatuor, vel quinque, oblonga, ex una parte gibba, ex altera plana, cuticula tenuj contracta, intus pulposa, contractæ. Orizæ cum gluma sua aut pulicula e pane syncomixta non absimilia. In Gallia passim nascitur ad arbores in sylvis, campis, & hortis, & ad ædificiorum muros.

Analysi Chymica ex foliis Hederæ lbij. ℥xij. per retortam distillatis prodierunt phlegmatis primum limpidi, odore aliquantisper aromatico, sapore primum subacri, subamaro, ac tandem acido. ℔j. ℥xij. liquoris acidi, acris, empyreumatici, rufescentis, turbidi, qui & acidi & urinosi salis notas præbuit, ℥vj. gr. xxxvj. olei primum limpidi, flavescentis, deinde spissioris ℥ij. ℥iij. Massa nigra residua pendeat ℥i. ℥v. Partium deperditio in hac distillatione fuit circiter ℥x. Massa nigra igne reverberii calcinata reliquit tantummodo cinerum ℥ij. qui salis fixi alcalini ℥vj. gr. xv. lixivii ope præbuerunt.

Ex hac analysi patet, folia Hederæ subtilibus quibusdam particulis acribus donari, & sale essentiali cremoris Tartari haud dissimili, nempe sale salso cum oleo crasso permixto. Particulis acribus tenuibus & irritantibus attrahunt & maturant: oleo crassiore acidis salibus & alcalinis contemperato, detergent, incrassant, & inflammationem arcent.

Lacryma Hederæ per retortam distillata ad pondus lbij. præbuit phlegmatis limpidi, odore resinam hanc referentis, sapore acido, ℥ij. ℥vj. deinde liquoris acidi rufescentis ℥j. ℥vj. gr. vj. tandem liquoris alcalini cum acidi fermentescentis ℥ij. gr. liij. olei flavescentis limpidissimi ℥ij. ℥vj. gr. xvij. olei rufescentis fluidi ℥vij. gr. xxiiij. quod parum acidi continere videbatur. Massa nigra residua pendeat ℥x. ℥v. quæ per horas 16. in crucibulo calcinata, rufescens evasit, & pondere tantummodo æquavit ℥vij. gr. lx. Ex his cineribus salis fixi alcalini gr. viij. extracta sunt. Jactura in distillatione fuit ℥v. ℥v. gr. xxxvi.

In resina tenuius est oleum quam in foliis. Majori copia salis alcalini, minori acidi salis quantitate instruitur. Quamvis majorem carbonis quantitatem reliquerit quam folia, minus tamen cinerum seu terræ inertis præbet: unde conjicere licet, minorem terræ quantitatem in resina contineri, sed intimius salia & olea coadunari, quam ut igne clauso seungi possint. Omnis Hederæ, auctore Dioscoride, acris est, adstringit, nervos lædit. Internus foliorum hujus plantæ usus rarus est; externus creber in ichoribus exsiccandis & sanandis, in fonticulis ab inflammatione tutandis, apertis conservandis, humoribusque illuc fluentibus eliciendis: vi sua attractoria: folium quotidie imponitur in ozænis curandis, in au-

rum purulentarum dolore sedando. Veteres folia cum vino cocta ad ambusta & ulcera maligna commendabant; eaque cum aceto cocta, aut cruda cum pane trita, ad lienis intumescentiam aut duritiem resolvendam applicabant.

Ejus lignum in globulos formatum optimo cum successu fonticulis imponitur, egregie enim attrahit; & nonnisi semel in mense globuli renovantur.

Baccæ apud veteres ad usum internum raro adhibebantur; quia eas deglutitas vomitum & secessum insigniter promovere existimabant. Verum post aliquot recentiorum experimenta, illæ baccæ maturæ & pulveratæ parva dosi assumptæ, ob vim diaphoreticam & antipestilentialem, commendantur. Hinc Boyleus, *lib. de Philosoph. experimental.* testatur eas in quadam peste Londinensi, pulveratas in aceto, vel vini albi haustu sumptas, excitato sudore, admodum proficuas fuisse: cui etiam assensit Palmarius, *Tractatu de Peste & Morbis contagiosis*, p. 453. Nonnulli quoque easdem ad hydropem ascitem commendant.

Hederæ resina inter psilothra a veteribus recensetur: quod quidem experientia non comprobatur; ita ut vel error sit in codicibus, vel aliud quid ab illis intellectum fuerit. Balsamica virtus seu detergendi & consolidandi vulnera ipsi tribuitur: tumores resolvit. Apud Persas inter adstringentia medicamenta externa usurpatur; nonnisi ad usum externum apud nos adhibetur. C. Hoffmannus & Simon Paulli minus tutum esse omnium Hederæ arboreæ partium usum internum ob earum acrimoniam existimant.

Resina usurpatur in unguento de Althæa Charar.

ARTICULUS SEPTIMUS.

De Ladano.

L Adanum vel Labdanum; Off. *Azdaror*, *Græcorum*: Loden & Laden, *Arabum*: Est substantia resinosa, cujus duæ species in officinis occurrunt: una in massas compacta grandiores, molles, ad emplastri vel extracti consistentiam accedentes, intra digitos lentescentes, crassiores, odore grato, colore ex rufonigrescente, vesicis seu pelliculis involutas, vulgo *Labdanum en masses ou en pains*: altera vero in panes contritos & circumvolutos, siccos, duros, fragiles, qui tamen calefacti paululum mollescent, arenula tenui nigra permixtos, colore nigro, odore debiliori, vulgo in officinis *Labdanum en tortis*. Hæc frequentius reperitur.

Ladanum eligatur odoratum, odore valido, sed suavi, inflammabile, accensumque gratum odorem exhalans, calore facile mollescens, purum: improbatum arena, aliisque sordibus inquinatum. Ex insula Creta aliisque maris Ægei insulis affertur. Veteribus Græcis innotuit.

Hæc resina tempore æstivo exsudat ex foliis plantæ, quæ dicitur Cistus Ladanifera Cretica, flore purpureo, *Coroll. Inst. R. H.* 19. Ladanum Creticum, *P. Alpin. Exot.* 88. Frutex est ramosus, patulus, supinus,

humis sparsus, qui ad pedalem bipedalemve altitudinem attollitur. Ex radice dura, lignosa, intus candicante, foris rufescente, pedem longa, fibrata & capillata assurgunt rami plurimi, duri, pollicem sæpe crassi, fusci, nonnunquam cineracei, cortice hiulco, in alios obscure rubentes divisi ramusculos, quorum juniores surculi hirsuti sunt, & ex viridi candicantes; foliis instructi binis ex adverso nascentibus, obscure virentibus, oblongis, ad oram sinuatis, cum nervis & venulis plurimis, pollicem longis, octo vel novem lineas latis, obruse acuminatis, asperis, pediculo tres quatuorve lineas longo, unam lato innixis, saporis herbacei, leviter styptici, Summi ramuli rosaceis ornantur floribus, qui constant ex quinque petalis uncialibus, varie & inæqualiter complicatis, subrotundis, purpurascenscentibus, circa pediculum angustioribus, & ad unguem flava macula insignitis, cum staminibus numerosis luteis, fuscisque apicibus. Eorum calyx ex quinque petalis componitur septem octove lineas longis, ovatis, venosis, & externe villosis, in longum & recurvum acumen desinentibus. Ex hoc calyce surgit pistillum viride, quod deinde abit in fructum multicapsulatum, quem Cl. Tournefortius non descripsit. In montibus circa Cydonem, vulgo *la Cane*, Cretæ insulæ metropolim hæc planta luxuriat.

Alia ejusdem Cisti species vel potius varietas a peritissimo illo Botanico observata fuit, huic prorsus similis, sed flore longe majore; quæ in Ponto nascitur & dicitur Cistus Ladanifera, orientalis, flore purpureo majore, *Coroll. Infr. R. H. 19.*

Ladanum duobus modis Dioscoridis tempore super hanc plantam colligebatur. Cum Cisti frondes, inquit; pascuntur capræ hircique, pinguedinem barba carpunt, & suo lentore villosis cruribus adhærescentem reportant: quam depeßentes incolæ colantelque cogunt in ossas, & ita recondunt. Alii vero attractis funiculis insidentem fruticibus lentorem abstergunt, conglomerantque in Ladanum. Hinc quidam seplasiarii Ladanum ex caprarum barba exemptum, & Ladanum funibus collectum distinguere voluerunt. Verum & Bellonii tempore, & hodie, referente Cl. Tournefortio, unus tantum erat colligendi modus. Græci colligendo Ladano peculiare instrumentum parant, rastro dentium experti simile, *Ερλασιρι* illis dictum. Huic affixæ sunt multæ ligulæ sive zonzæ e corio rudi nec præparato confectæ: eas per summos ardores solis super ladaniferos frutices volvunt & revolvunt, ut inhæreat resinofus ille humor circa folia concretus, qui deinde cultris a ligulis abradendus est. Itaque Ladanum colligendi summus, imo intolerabilis est labor, a rusticis tantummodo susceptus; cum totos dies ardentissimo Caniculæ æstu in montibus hætere necesse sit. Si quis tamen huic labori assidue operam navet, uno die plusquam tres Ladani libras seu xxlviii . colligere posse asserunt. Tempus huic operi suscipiendo magis idoneum est, sævientie Canicula, aere solis ardore æstuante, nec ventis agitato: tunc enim humor ille abunde exsudat, & purus obtinetur; alioquin ventis agitato aere, multo pulvere & sordibus conspurcatur. Verum nec facile est purum ab incolis obtinere Ladanum; quandoquidem sordido amore lucri promoti arenulam quamdam nigram minutissimam & ferrugineam quæ ibi reperitur, huic admiscere solent, quo Ladani pondus multum augetur.

ισταν

Mulic-

Mulieres Græcæ globos ex Ladano solo, vel cum Ambra permixto confectos, manibus, oblectamenti gratia, sæpe gestant & odorant.

Instituta analysi Chymica, Ladani in panes orbiculares contorti ℥ij. exhibuerunt phlegmatis rufescentis, odoris grati, & acidi saporis ℥ij. ℥ij. gr. xlvij. liquoris fulci, alcali seu Sublimati corrosivi solutionem coagulantis, & cum acidis tumultuantis ℥ijss. olei odorati, limpidi, rufescentis ℥iiij. gr. xxiiij. olei fulci spissioris, & nonnihil empyreumatici ℥j. ℥ij. Massa nigra residua pendebat ℥xxvj. ℥vij. quæ per horas octo in crucibulo igne reverberii calcinata fulvum colorem acquisivit, iterumque calcinata per sex horas subrubentem obtinuit colorem: tunc vero nihil aliud esse videbatur quam arena insipida ex qua fere nihil salis fixi extractum fuit. Hæc arena lane cum Ladano permixta fuerat.

Itaque per hanc analysim patet, Ladanum constare ex oleo tenui, & crasso, cum sale essentiali ammoniacali confociato. Sed insuper videre est duas Ladani libras arenæ ℥xxiiij. circiter continere, ac proinde vix ℥iiij. Ladani puri, & genuini in singulis vulgaris Ladani, seu, ut ajunt, contorti libris contineri. Hæc arena ferruginea est; unde non mirum si calcinatione rubrum nanciscatur colorem, qualis in Croco Martis deprehenditur.

Ladanum externe admotum emollit, concoquit, attenuat, & resolvit; interne vero adstringit, roborat & dolores sedat. Minus frequens tamen est illius usus internus. Ad ventriculum roborandum, & concoctionem juvandam, adversus serosam colluviem & catarrhos, & in dysenteris ℥j. pondere præscribitur. Laudatur in frigida cerebri intemperie, capiti applicatum; in ventriculi imbecillitate, ejus regioni impositum; in odontalgia, temporibus admotum. Ad ulcera antiqua & sinuosa cum tumore & duritie & uteri vitia sananda commendatur. In odoratis suffimentis admiscetur, & ex eo parantur globi seu poma odorata adversus pestilentem auram.

℥℥. Ladani puri ℥j. Nucis Mosch. ℥ss. Cardamom. ℥j. Mastiches gr. viij. Jalap. pulver. ℥j. Olei Cinnamom. gutt. vj. Syr. de Stæchad. q. s. Fiat massa pilular. quarum dosis gr. xv. vel xx. hora somni, in catarrhis a causa frigida.

℥℥. Ladani purissimi ℥j. Corall. rubr. pp. ℥j. Mivæ Cydonior. ℥ij. M. F. bolus in ventriculi imbecillitate, & dysenteria.

℥℥. Ladani ℥ss. Stryacis Calam. ℥ij. Benzoin ℥ij. Ligni Aloes, Cinnamomi, Santali citrini ana ℥ij. Caryophyll. Mari. Lavandulæ, corticis Citri ana ℥ss. Camphoræ ℥j. cum Stryacis liquidi q. s. Fiat massa in mortario calido, addendo, si volueris, Ambræ, & Moschi momentum. Ex ea globus formetur manibus gestandus vel collo appendendus, ad aeris contagium inhibendum.

Ladani oleum odoratum unguentarii hoc modo parare norunt.

℥℥. Ladani pinguis & præstantissimi ℥j. In tenuissimas partes divisum coquatur cum aq. Rosar. ℥vj. Olei Amygdalar. ℥iv. dulc. per semi-horam. Percoletur liquor oleosus.

Ladanum usurpatur in Balsamis apoplecticis, in Emplastro cephalico Charas, stomachico Ejusdem, ad herniam Prioris de Cabriere, Trochiscis odoratis seu Aviculis Cypris Charas.

ARTICULUS OCTAVUS.

De Mastiche.

Mastiche, Mastix, & Resina lentiscina, *Offic. partim xivm, xat Ma-si-xu, Dioscoridis: Maltech Arabum: vulgo Mastic.* Resina est arida, eleganter pellucida, ex flavo pallescens, in lacrymas vel grumos concreta, Pisi minoris vel Orizæ crassitie, fragilis, quæ statim sub dente dissilit, mox tamen calore lentescit adinstar ceræ, prunis injecta flammam concepit, odoremque non ingratum spirat, & sapore donatur leviter aromatico, resinoso, & subadstringente.

Eligenda est candida, vel pallida, ad citrinum vergens, pellucida, arida, fragilis, stridens, odorata. Nigra, viridis, livida, aut impura nullius est momenti.

Ex Chio maris Ægei Insula, ubi optima & copiosissima colligitur, ad nos affertur.

Resinosæ quædam massæ aridæ, crassæ, ex Mastiche, & aliis resinis coagmentatæ, in officinis sub Mastiches nomine venduntur ad Medicinam prorsus inutiles. Ad lapidum scissuras replendas, & conglutinandas reservantur.

Mastiche sponte vel vulnerato cortice exsudat ex arbore Terebinthorum generi affini, quæ dicitur Lentiscus vulgaris, C. B. P. 399. Radice est valida, multifida, fusca, dura, & fibrata, stolonibus vero lentis, Coryli aut Coroneæ altitudinem æquantibus, densis, & brachiatis, in quibus folia nascuntur conjugata, nullo impari claudente, glabra, nitida, unciam longa, utrinque acuta, angusta, resinosa, firma, lente virentia, sulcatæ annexa costæ, quæ in spinulam mollem definit, acuti odoris, saporis acidiusculi, & adstringentis: foliis interdum folliculi, vel vesiculæ quædam adnascuntur, culicibus exiguis referti, haud secus quam in terebenthinis, aut ulmeis. Lentisci species, quæ flores stamineos profert, fructu omnino destituitur: quæ vero fructum fert, staminibus orbat. Flores staminei, racematim cohærentes, rubentes, ad alæ imum exoriuntur: fructus vero in botrum congeruntur subrotundi, rubentes, & per maturitatem nigricantes, duas lines longi, cum testa duriore membrana resinosa & pingui obduta: intus nucleus continetur albus, oleaginosus, & odoratus. Hoc plantæ genus a Terebintho tantum diversum est foliis, quæ per conjugationes quidem costæ affinguntur, sed nullo impari plerumque claudente. In Gallia Narbonensi, Italia, Hispania, Insula Chio, cæterisque maris Ægei Insulis frequens nascitur.

Bellonius Lentiscum in sola Insula Chio resinam Mastichen fundere affirmat. Olim tamen in Ægypto nascebatur: quandoquidem Galenus l. 2. *ad Glaucanem*, Ægyptiacam Mastichen commendat. Nonnulli in Italia ex Lentiscis distillare quoque asserunt: & Gassendus, in *vita Peyrescii*, in Gallo-provincia non longe Telone Mastichen sudare refert. Verum hodie Masti-

Mastiche, quæ in officinis reperitur, ex sola Chio Insula affertur. Ibi Lenticisci arbores tali diligentia & cura excultantur, inquit Bellonius, ut non minores in eam rem sumptus fiant, quam apud nos in vinetorum culturam; nec immerito, cum potiores hujus Insulæ opes in Mastiche consistant: nisi autem diligenti cura colerentur, exiguum resinæ proventum darent. Equidem tantus est ejus proventus in hac Insula, ut singulis annis Turcico Imperatori pendant trecentas Mastiche cista seu 84375. libras: singulæ enim cistæ 281. lb. cum 3iiij. continent. Incolæ Lenticiscos mensibus Augusto, & Septembri compungunt; & ex vulneribus in cortice factis Mastiche exsudat, & in granula concrevit.

Analysi Chymica, ex Mastiche ʒij. prodierunt phlegmatis limpidi, acidi, odorati ʒj. ʒvij. gr. liiij. liquoris fusci, magis acidi cum quodam amaro ʒij. ʒj. gr. xij. liquoris limpidi, rufescentis, subacidi, & aliquantisper alcalini, qui nempe Sublimati corrosivi solutionem turbidam efficit, ʒj. gr. xlij. olei limpidi flavescentis ʒj. subusti ʒij. fusci, limpidi & fluidi ʒij. ʒj. gr. x. spissioris vero consistentiæ, & quasi melleæ, coloris fusci, & ʒxx. Massa residua in retorta superflua pendebat ʒiij. quæ igne reverberii in crucibulo combusta reliquit cinerum fuscorum ʒiij. ex quibus lixivio salis fixi salis gr. iij. extracta sunt: Depeditio partium in distillatione fuit ʒij. ʒj. gr. xxvj. & in calcinatione ʒij. ʒv.

Itaque ex hac analysi concludendum est, Mastiche constare oleo multo denso, ac spisso, sale acido plurimo, exigua admodum salis alcali, & terræ portione; parum vero partium tenuium, & volatilium continere.

Chienfes, tam viri quam feminae, & pueri Mastiche sere semper in ore habent, ad roborandos dentes, & gingivas, necnon ad halitum oris emendandum: panibus etiam immiscere, & incoquere solent ad eos gustui delicatiores reddendos.

Mastiche in foro medico ad multa commendatur, aliquantisper aromatica est: inter adstringentia & stomachica recensetur. Ubi viscerum fibræ humidiores, laxiores & debiliores exsiccandæ firmandæ ac roborandæ sunt plurimum valet: insuper humorum acrimonia demulcet, tum salium spicula involvendo, tum membranas illiniendo. Intus sumpta a ʒss. ad ʒss. hæmoptoe, & veteri tussi prodest. Ventriculo quoque utilis est, illum firmat & roborat, ciborum concoctionem juvat, & vomitum sedat; ructus tamen excitat, si immoderate sumatur. Catarrhosis affectionibus medetur: diarrhæas sistit, & purgantium acrimoniam demulcet: commanducata gingivas contrahit & firmat: sub dentibus diu contrita salivationem excitat. Hunc Mastiche usum Simon Paulli adversus catarrhos, & gravein auditum commendat: quin & Pyrethro, aut Tabaco eam anteponit; quippe quæ tanta copia, imo majori salivam moveat, gratique sit odoris, & saporis. Surditatem vero masticatione sanari asserit, cum materiam peccans in meatu a tympani cavitare ad palatum contenta prolicitur. Externe ad mota ventriculi regioni ejus dolore compescit, vomitum & nauseam sedat; umbilicali regioni, alvi profluviis, & hypercatharsi medetur; temporibus defluxiones, & odontalgiam sanat.

ʒj. Mastiche grana selectoria. Ceræ instar dentibus atterantur ad salivationem obtinendam, in catarrhis, & gravi auditu.

24. Mastiches ʒß. Coquatur in aq. ʒiij. ad tertiæ partis diminutionem; & detur in diarrhæa pro potu solito.

24. Conserv. Rosar. veteris ʒi. Mastiches selectissim. ʒß. Diacod. q. s. M. F. bolus in tussi ferina & catarrhis.

24. Mastiches ʒß. Jalap. pulver. gr. x. Elixir proprietat. vel Balsam. Peruviani q. s. Fiant pilulæ vespertinis horis exhibendæ ad catarrhum. Usurpatur in Pulver. Diarrhodon, Pulvere contra abortum *Charas*, *Hiera picra Galeni*, Electuar. de succo Rosar. Trochicis de Karabe, Hedicroi, Pilulis sine quibus, polychrestis, stomachicis, de Rhabarbaro, de Ammoniaco *Quercetani*, catholicis *Poterii*, Oleo mastichino, Unguento martiato, styptico, mundificativo de resina, Cerato stomachico, in Emplastro cephalico, stomachico, diaphoretico, Manus Dei, divino *Paracelsi*, de linamento, oxycroceo, pro fracturis *Charas*.

Lentiscus, auctore Dioscoride, omnibus suis partibus, germinibus, & foliis, fructu, ramorum & radice cortice adstrictoria est, exprimitur succus ex radice, cortice, aut foliis in aqua decoctis, aut etiam ex foliis viridibus tritis, qui valet ad hæmorrhagias, alvi profluvia & dysenteriam in potu; itemque contra uteri & intestini procidentias externe admota.

Ligni lentiscinis vis adstrictoria, roborans & balsamica a J. Baptista de Vvenckh Doctore Medico Styriaco, in *Ephemeredibus Germanicis Dec. III. ann. 9. & 10.* magnopere commendatur: & ejus decoctum, quod auri porabilis vegetabilis titulo insignitur tanquam singulari Panacea prædicatur in articularibus morbis, & catarrhis curandis ad ventriculum debilitatum roborandum, ciborum concoctionem adjuvandam, flatu, & ructus discutiendos; diuturnos, & pertinaces vomitus compescendos, urinas promovendas, calculos expellendos, uno verbo ad omnes corporis functiones adjuvandas, fibrarum tonum restituendo, & salium acrimoniam demulcendo. Idem decoctum dentes vacillantes firmat, & gingivas adstringit.

24. Ligni lentiscinis in virgulas tenues scissi ʒv. aq. comm. ʒvj. Macerentur per tres quatuorve dies in vase clauso. Colatura exhibetur pro potu solito.

24. Ligni lentiscinis ʒv. aq. com. ʒvj. Macerentur per triduum; postea coquantur leni ebullitione ad tertiæ partis consumptionem. Hujus decocti ʒviij. mane jejuno ventriculo, & hora somni propinentur.

Ex lentiscino ligno densicalpia parantur, ab omni ævo ad gingivas roborandas commendata.

Oleum ex maturo fructu extrahitur, quod utiliter adhibetur ubi adstrictione opus est, ut in anni & uteri procidentia.

ARTICULUS NONUS.

De Olibano, vel Thure.

O Libanum, Thus & Thus masculum, Off. *Διδυμοί Theophrasti & Dioscorid.* *Διάρωρ*, Hippocratis: Thus vel Tus, Latinorum: Ronder, Conder, & Kateth; *Arabum*: vulgo *Encens* ou *Oliban*. Substantia est resinosa, ex flavo pallida & pellucida, in lacrymas Mastichi similes, sed majores, concreta & indurata; saporis amaricantis, modice acris, & resinosi non ingrati; odoris fragrantis. Flammæ admotæ statim in luculentam & pertinacem flammam exardet, nec accensa diffluit ut Mastichē. Dentibus statim comminuitur: verum comminutæ non cogitur denuo ut Mastichē, neque sicut ea in ore libere volutari potest, cum dentibus adhærescat. Translucida, oblongæ, & subrotundæ guttæ, alias singulares, alias gemellæ; testiculos aut mammas, prout majores vel minores fuerint, imitantur: unde & masculi Thuris, & mammosi aut feminei cognomenta; interdum etiam quaternæ aut quinæ, magnitudine Ciceris, Aveslanæ, aut majores, adhærentes nonnumquam cortici unde exsudarunt. Mica vero seu tenuior pars ex grumorum attritu collisa, Thuris Manna Græcis appellatur. Thus probatur candicans, pellucidum, purum, nitidum, siccum. Non solum Græcis & Arabibus, sed omnibus fere gentibus & temporibus remotissimis, cognitum fuit; celeberrimusque ejus usus ac frequentissimus in sacris. Thure enim sacrificabant olim, eoque in templis ad suffitus utebantur, & hodie adhuc utuntur. Hic mos per omnes ætates inter omnes fere gentes & religiones inolevit.

De natali Thuris loco apud auctores non constat. Nonnulli Arabiam solam Thus gignere scribunt, nec tamen totam, sed illam tantummodo partem quæ Sabæa aut Arabia thurifera dicitur. Alii Æthiopiam quoque, ejus quidam populi Sabæi quoque nuncupabantur, hanc odoriferam resinam proferre tradunt.

De arbore thurifera minus adhuc certi sumus. Theophrastus enim arborem non magnam esse tradit, quinque fere cubitis atrolli, ramosam esse, folia habere Pyro similia. Alii tamen, inquit, similem Lentisco esse dicunt: alii & cortice & folio etiam Lauri. Diodorus Siculus Acaciæ Ægyptiacæ formam illi attribuit, & Salicis folia; Garzias quoque Thuris arborem humilem esse, & folia habere Lentisco similia: contra Thevëtus eam Pinus resiniferas referre scribit.

Analyſi Chymica, Olibani ℞ij. per retortam distillatæ præbuerunt phlegmatis acidi, nonnihil austeri, odorati, rufescentis ℞vij. ℞vij. gr. xxiiij. phlegmatis, tum acidi, tum urinosi & rasi ℞j. ℞ij. gr. lxxvj. olei limpidi, fluidi, odorati & rufescentis ℞j. ℞ij. gr. xxiiij. olei fusci crassioris ℞v. ℞ij. olei vero ipsioris & mellæ consistentiæ ℞vj. ℞v. gr. xxx. Massa nigra in retorta residua pendebat ℞v. ℞vij. gr. xliij. quæ per 15. horas in crucibulo calcinata, colore nigro in rufescentem mutato, ℞j. ℞ij. gr. vj. pendebat. Ex his cineribus salis fixi alcali gr. xxij. lixivio extracta fuere. Partium deperditio in distil-

distillatione fuit ℥iij. ℥ij. gr. xxix. in calcinatione vero ℥iij. ℥ij. gr. xxxvij. Unde liquet, plus terræ & paulo majorem salis ammoniacalis portionem contineri in Olibano, quam in Mastiche, salinas vero & oleosas Olibani partes intimius commiseri & arctius compingi.

Internus Thuris usus commendatur ad varios capitis & pectoris affectus, sicut etiam ad alvi, uterique profluvia, tussim, sanguinis excreationem, diarrhæam & dysenteriam: acriores enim corporis humani succos & lympham præcipue salisam habetur adversus pleuritidem, præsertim epidemicam. Adversus hunc morbum Quercetanus in *Pharmacopœa* laudat pomum excavatum, Olibani pulverati ℥j. repletum, postea operculo testum, & sub cineribus coctum, quod æger deglutiat superbibendo aq. Card. bened. ℥ij. postea vero debite contestus sudet. Riverius in *observationibus* testatur, multos ex pleuritide ad extremam fere redactos, usu illius pomi cum Olibano cocti restitutos vidisse; unde præter spem vel copiosus sudor, vel anacardialis libera sequatur. Hoc remedium sæpe felici cum successu post venæ sectionem bis terve celebratam exhibui, licet non semper. Si prima vice, exhibitio remedio, sudor non succedat, post sex horas elapsas iterandum est.

Extrinsæcus usurpatur in suffribus capitis, pro catharris, vertigine, corryza, sicut etiam in ani procidentia; modo in sella fiat suffitus. Capius & nervorum vulneribus conducit: ulcera carne replet & ad cicatricem perducit. Unde plurimis unguentis & emplastris vulnerariis & consolidantibus admiscetur.

Oleum ex Thure distillatum, a quibusdam efficacissimum in phthisi remedium habetur.

Liquor quoque ex Thure per deliquium paratur, si pulvis ejus in ovi albumine coctus & calenti reponatur in cella. Thus enim resolvitur in liquorem ad maculas faciei & cavitates cicatricum delendas non contemnendum.

Matthiolus ex Olibano medicamentum sic præparatum commendat ut præstantissimum adversus oculorum lippitudinem & ruborem. Accenditur Thuris grumus acuto stylo affixus cerea candela; mox in aq. rosaceæ ℥iij. extinguatur: repetuntur incensationes extinctionesque trigies; & deinde percolata aqua linteolo mundo oculorum angulis cum penna vesperi illinitur, dum cubitum affecti se recipiunt. At si rubor lacrymæque vehementi cum dolore fuerint, additur tantumdem lactis muliebris.

Dioscorides minus tutum esse internum Olibani usum immoderatum existimat: illud enim in secunda valetudine haustum insaniam movere asserit, & largius cum vino potum interficere. Verum Galenus & cæteri Medicinæ scriptores hac de Thuris noxa alie silent. Nihilque noxium in illius usu quotidiano deprehenditur.

℥. Olibani pulver. ℥β. Flor. Sulphuris ℥j. Excipiantur s. q. Zingiber. cond. vel Conserv. Apii. Fiat bolus in asthma.

℥. Thuris masculi ℥j. Agaric. Trochif. Div. Cum Hyssopi succo fiant Pilulæ n. x. adversus tussim a pituita vel catarrho, quarum unam tantum quotidie sumat æger vesperi hora somni.

℥. Thu-

Thuris, Mastiches ana *ʒij*. Luti Armenii *ʒi*. Corallior. rubror. pp. C. C. usli ana *ʒʒ*. Lapid. Hæmarit. *ʒi*. Omnia accuratè pulverata simul misceantur, & fiat pulvis, cujus dosi *ʒʒss*. in dysenteria.

Uſurpatur in Pulvere *Spermolæ Crollii*, Theriaca, Mithridario, Trochiscis de Karabe, Pilulis de Cynoglossò, Pilulis ad gonorrhæam *Charas*, in Unguento martiato, mundificativo de resina, in Emplastro de Beticina, divino, cephalico, diaphoretico, de linamento, oxycroceo, contra rupturam, pro fracturis; de Ranis cum Mercurio, styptico *Charas*.

Olim una cum Thure cortex *Thuris* arboris afferri solebat, ejusdem cum hac resina virtutis, sed magis adstringens: verum hodie in usum non est.

Alia res est, quæ cortex *Thuris* a nonnullis dicitur, vel *Thymiana*, vel *Thus* Judæorum, quod Judæi in suffumigiis ea frequenter utantur. Massa est sicca, aliquantulum resinosa, subrubra, corticosa, fragrantè *Styracis* liquidi odore, compacta ex corticibus arboris. *Rosa Mallas* dicta, coctis, & expressis & ex quibus *Styrax* liquidus extractus fuit. De hac arbore articulo de *Styrace* liquido egimus. Nullius est usus ille cortex, nisi ad suffimenta.

ARTICULUS DECIMUS.

De Sandaracha.

Sandaracha vox est, quæ tribus diversis substantiis attributa fuit: 1. Cuidam *Arsenic* rubri speciei quæ Græcis *Σανδαράχη* dicebatur; unde Sandaracha Græcorum nunc appellatur, ut ab aliis speciebus distinguatur: 2. Resinæ Juniperi, quæ ab Arabibus *Sandarach* vel *Sandarax* nuncupatur, & ab eorum interpretibus Sandaracha Arabum: 3. Substantiæ mediæ inter Mel & Ceram, quæ sæpe invenitur in favorn inanimatibus seposita, & est apom, dum operantur, tibus; & dicitur Sandaracha *Eri-thace* & *Cærinthus*, ut *Plinius* refert. Hæc inusitata est & in officinis incognita. De prima specie; nempe de Sandaracha Græcorum, seu minerali, jam egimus: nunc vero de Arabum Sandaracha tractabimus.

Itaque Sandaracha, Vernix, & Gummi Juniperinum, Off. *Κόμμι αἰπυρίδιος Græcorum*: Sandarax Arabum: vulgo Sandarache, Vernix, gomme ou résine de Genévrier. Substantia est resinosa, arida, inflammabilis, pellucida, pallide flavescens vel citrina, in guttas Mastichi similes concreta; saporis resinosi; odoris, dum accenditur, fragrantis & suavis, quæ in aqua non dissolvitur, sed in oleis tantummodo vel spiritu vini. Probaturnitida, pellucida, flavescens. Ex Africanis oris per Massiliam ad nos affertur.

Hæc resina calidis in regionibus sponte vel per corticis incisiones stillat ex Junipero arborescente & ex Cedro baccifera. Quæ ex hac fluit, odore paulo suavior est, dum comburitur, & ideo pluris æstimatur; sed rarissime distincta in officinis reperitur.

Juniperus vulgaris arbor; C. B. P. a fruticosa nonnisi magnitudine distinguitur; & ratione loci, ubi nascitur, diversa est. Plerumque enim densotamo-

ramorum stipatu, fecit, dumtaxat, aliquando in iusta magnitudinis arborem adolescit, caudice tamen non multum crasso, cortice scabro & deciduo, rubente; materie firma, nonnihil etiam rubescente, maxime si siccata fuerit, odore resinoso grato. Ramuli in furculos multos dividuntur foliis acutissimis, angulissimis, rigidis, pungentibus, semper virentibus, splendidis onustis. Julas profere Aprilis & Maji in foliorum alis, duos tresve lineas longos, purpura cum croceo mixta, pictos, & pluribus (quamvis compactos, quorum infimus limbus munitur vesiculis tribus vel quatuor pulvere aereo tenuissimo plenis. Steriles sunt illi flores. Fructus vero numerosi in aliis Juniperi speciebus nascuntur, quæ staminibus carent. Baccæ sunt sphaericæ, granis Piperis duplæ majores, cum umbilico trifurcato, primum virentes, per maturitatem nigrae & pulvere cæruleo conspersæ, pulpa subrufa refertæ, sapore acri, aromatico, resinoso, dulci, tria officula continente oblonga, angulosa, dura, semine oblongo foeta, quibus singulis totidem vesiculæ succo resinoso turgidae adhærent. Fructus maturitatem nisi anno secundo, non consequuntur; ita ut aliquando fructus trium annorum in eadem arbore conspiciantur. Quædam sunt Juniperi arborecentis species, quarum baccæ non sphaericæ, sed oblongæ sunt & subrotundæ: aliis quoque baccæ rufescent. Juniperus omnibus Europæ regionibus familiaris est: in sylvis & montibus nascitur.

Omnes Juniperi partes odoratæ sunt, & in usum medicum veniunt; nempe radices, lignum, folia, baccæ, & resina. De illis alibi, de resina tantummodo hic agemus.

Cedrus baccifera prima, seu Cedrus folio Cupressi, major, fructu flavescente. C. B. P. 487. Oxycedrus Lyeia, Dodon. Rampr. 843. Arbor est pumila, tricubitalis, odore Cupressi grato, caudice conforto, multis ramis lentis & flexilibus prædita, scabro cortice, foliis parvulis carnosis, & ex continua quaternorum foliorum mutuo connexorum serie compositis, quemadmodum Cupressus; floribus Junipero vulgari similibus, flavis, sed extremis ramulis insidentibus, ut in Cupresso sterilibus. Fructus in aliis ejusdem arboris ramis nascuntur. Baccæ magnitudine baccarum Myrti, vel etiam majores, rotundæ, conopos cupressinas tuberculis nonnullis quodammodo æmulantes, primum virides, deinde ad Phœniceum colorem tendentes, quæ maturitate nonnihil mollescunt, sapore & odore Juniperi baccis similis; terna, quaterna vel etiam plura officula parva, striata, oblonga, resinosa, inclusis continent, semine foeta oblongo, albo, Orizæ quodammodo simili. Vere flores, fructumque diu retinet, antequam matureseat uti Juniperus. Primum semine natus hic frutex, & adhuc tener folia habet omnino dissimilia, utpote quæ alterius Juniperi folia implerentur, nisi breviora & paulo molliora essent. Cum vero jam tertium aut quartum annum attingit, rotunda & cupressæ folia promere incipit; adeo ut inferiores rami pungentibus & acutis foliis, summi vero obtusis & rotundis onusti interdum conspiciantur. Resinam sponte fundit calidis in regionibus Juniperinæ perquam similem. In Gallia Narbonensi & in Alpibus nascitur.

Analyti Chymica, ex Sandarachæ huj. per retortam distillatis prodierunt

phlegmatis limpidi ; odore juniperino perfusi , acidi Zij. Zijj. gr. xvij. phlegmatis rufescentis , tum acidi , tum urinosi Zvj. gr. lx. olei rufescentis , pelucidi ; flui Zxvj. Zij. gr. lxx. spissioris vero & melleæ consistentiæ , Zvj. Zvij. gr. ij. Massa nigra in retorta reskua pendeat Zij. Zijij. gr. xvij. quæ per 12. horas in crucibulo calcinata præbuit cinerum fuscorum Zijij. ex quibus salis fixi falsi gr. iij. lixivio extracta sunt . Partium in distillatione deperditarum quantitas fuit Zij. Zvj. gr. xlvij. & in calcinatione Zij. gr. xvij.

Par hanc analysim patet . Sandaracham ad Mastichem accedere , in ea tamen plus salis Ammoniacalis contineri , & oleosas partes paulo tenuiores esse quam in Mastiche .

Sandarachæ eadem fere quæ Mastichi , tribuuntur virtutes . Rarius tamen ad usum internum exhibetur . Dosis a Zij. ad Zj. intus sumpta hæmorrhagiis & diarrhæis antiquis medetur , ulcera interna abstergit & consolidat . Externe admota sanguinem sistit ; vulnera & ulcera putrida sanat ; artuum dolores demulcet ; nervorum resolutionibus , quas humores frigidi contraxerint , opitulatur . Illius suffitus ad catharros commendatur . Oleo rosaceo vel alio soluta ad dolores . & tumores hæmorrhoidum utilis est ; & hiantibus frigore manuum pedumque scissuris succurrit .

24. Sandarachæ Zij. Mastiches Zj. Benzoin. Zß. Rasur. Succini Zij. M. F. pulvis pro suffitu in catharris & coryza .

Usurpatur in Emplastro diaphoretico & styptico Charas .

Sandaracha dicitur Vernix scriptoria ; quia ex hac resina fit pulvis ad deliniendas chartas aptus , ne hibulæ sint , & ut elegantiores appareant litteræ . Ex ea quoque parant Vernicem liquidam , illam nempe solvendo in oleo Lini , Terebenthinæ , speciæ Lavandulæ , vel spiritu vini ; licet etiam alia Vernix liquida ex Succini rasura conficiatur , oleo Lini vel speciæ Lavandulæ soluta .

ARTICULUS DECIMUS-PRIMUS.

De Sanguine Draconis .

Sanguis Draconis , Off. *Kardâpûs* , *Dioscoridis* : *Αἷμα δράκοντος* , *Græcorum recentiorum* : *Alachnen* , *Arabum* ; vulgo *Sang de Dragon* . Substantia est resinosa , sicca , friabilis , igne facile liquefens , inflammabilis , obscure rubra , quæ trita elegantem colorem rubrum sanguineum reddit ; dura in laminas tenues extenditur , pellucida ; saporis expers sicut & odoris , nisi cum incenditur : tum enim odorem exhalat ad Styracis liquidi odorem proxime accedentem .

Duplex occurrit in officinis , durus scilicet in grumos seu massolas concretus pollicem longas & semiunciam crassas , quæ foliis longis & angustis quasi junceis vel palmeis involutæ Sanguinis Draconis lacrymæ vel guttæ in Pharmacopoliis nuncupantur : impurus corticibus , ligno , terra aut aliis heterogeneis permixtus & in massas seu panes , ut vocant ,

concretus. Nonnunquam etiam in officinis reperitur Sanguis Draconis fluidus aut mollis, tenax, resinofus, inflammabilis; colore intense rubro sanguineo; odore, dum comburitur, ad solidi odorem accedente, minus grato tamen, qui per tempus exsiccatur, & solido similis fit.

Sæpius quoque Sanguis Draconis spurius venalis prostat in officinis, qui facillime a genuino distingui potest. Massæ sunt gummosæ, rotundæ, compressæ, obscuri & sordidi coloris rubri, conflatæ ex variis gummi speciebus legitimo Sanguine Draconis vel Brasilio ligno tinctis: quæ nullo modo flammam concipiunt, sed in igne bullas agunt, crepitantque, gummi inflat lentescunt & solvuntur in aqua, quam mucilaginosam reddunt: prorsus rejiciendæ sunt. Probatur qui in guttas puras, nitidas, obscure rubras, inflammabiles, & foliis involutas affertur, quique pulveratus colorem coccineum nitentem exhibet.

Succus ille resinofus veteribus Græcis cognitus fuit, sub Cinnabaris nomine, ut jam dixi articulo de Cinnabari, & Hydrargyro. Hæc Cinnabaris vox paulatim ad nostram Cinnabarium mineralem abusive transmissa fuit, quæ Græcis Minium dicebatur; sicut simili abusu hæc vox, Minium, a Cinnabari fossili ad rubram Plumbi calcem sensim ducta est.

Dioscoridis tempore illa erat quorundam opinio hunc succum esse sanguinem induratum alicujus Draconis, quam quidem rejicit, licet non dicat quid sit ille succus. Jamdiu apud rei medicamentariæ scriptores constat esse succum ex arbore stillantem. Monardes hanc arborem Draconis nomine insigniri asserit ob dracunculi figuram ejus fructui a natura insculptam. Verum nomine ob arboris denominationem, Draconis figuram in hoc fructu quæsierunt, & sibi finxerunt? Quidquid sit, de quatuor plantarum speciebus diversis Botanici scriptores mentionem faciunt, quæ Sanguinem Draconis officinarum ferunt.

Prima dicitur Draco arbor, *Clusii Histor. 1. C. B. P. 505.* Palma pruinifera, foliis Yuccæ, e qua Sanguis Draconis officinar. *Commel. H. Amstel.* Arbor est procera, Pinum procul referens: adeo æquales, & semper virentes sunt ejus rami, ejus truncus crassus, octo vel novem cubitos altus, in varios ramos divisus nudos, in summo gestantes capita plena foliorum cubitalium, ab unciali latitudine paulatim in mucronem desinentium, costa media densiore & eminentiore, ut in Iridis foliis. Fructus sphaerici sunt, quatuor linearum diametri, flavescentes & aliquantisper acidi; & nucleum continent durum, nucleo Chamæriphe similem. Truncus scaber multis rimis hiat, humoremque fundit per Canicula æstus, qui in lacrymam densatur rubram, primo mollem, deinde siccam & friabilem, verum & genuinum Sanguinem Draconis officinarum. Hæc arbor in Canariis insulis nascitur, potissimum in insula Portus sancti prope Maderam.

Secunda species dicitur Palma Amboinensis, Sanguinem Draconis fundens altera, foliis & caudice undique spinis longis, acutissimis, nigris armata. *D. Shetard, Dale Pharmacol. supplem.* Arundo sacra Indiæ orientalis Sanguinem Draconis manans, *Hist. Oxon.* Palma-pinus sive consensura *J. B. I. 398.* Arundo Rotang, *Bontii:* Rottani Dsjerenang; *Indorum:* Arundo sacra seu Palma bomifera spinola. *Kempfer amanitæ exoticar.*

sicar. 552. *Palma* pinus est trium ad summum hexapedarum altitudinis; undequaque spinis horrida atropadiceis, rectis, uncialis pene longitudinis, compressis, tenuibus. Caudex ad tertiam exurgit ulnam, humani brachii crassitie, simplex, rectus, ex luteo pallescens, aculeis versus horizontem extensis, & in imo caudice densissimis armatus, per spithamarum intervalla geniculatus, geniculis ad frondium bases, quibus involvuntur, non apparentibus. Frondes basi tubulatae sunt, singulae ex singulis geniculis ortae, ita ut inferior superioris exortum perpetuo complectatur; quo ipso fit ut articuli non appareant, nisi involucri liberati. Haec involucra sive tubi, ut caudicis exteriorem superficiem, ita & majorem ejus partem constituunt; nam iisdem remotis, ipsa prodit in conspectum pars intima medullaris superficie nitida, coloris spadicei, substantiam obtinens laxam, fibratam, vertice solidiorem, carnosam, edulem, saporis expertem, candidissimam. Frondibus gaudet in caudice pro articulorum numero raris & inordinatis, in vertice densioribus, haud numerosis tamen: quorum exteriores lege palmarum longiores sunt; interiores velut successu temporis nascentes, breviores & imperfectae. Frondes in ulnae longitudinem extensae utrinque pinato foliorum ordine decorantur, ima earum parte, quam scapum vocant, nuda. Costa earum laevis est ex crassiori principio sensim tenuior, quadantenus compressa, summa facie herbacea; aversa pallida, lutescente; utroque latere ex quo folia prodeunt, carinato: spinis armatur brevibus, raris, in dorso uncis, & instar cornuum per paria junctis. Folia, quae vulgo pinnas vocant Botanici, sunt arundinacea, coloris herbacei, cubitum longa, semiunciam lata, in longum apicem producta, tenuja, pendula, prona facie raris aculeis aspera, nervis donata tribus, in longitudinem decurrentibus, uno insigniori medio, ceteris tenuioribus, unde in plicas totidem inclinant, & marcescendo quodammodo coeunt. Fructus singulari naturae industria producuntur, racemis confiti in coma ex frondium axillis, in caudice vero palmari a frondibus intervallo enatis. Racemi duobus loricantur adversis folliculis foliaceis, tenuibus, striatis, fuscis, in longissimum apicem acute lanceatis; uno inferiori & magis externo qui geminam spithamam longitudine, sesquiuunciam latitudine excedit, & in convexo spinis pollicaribus compressis, ad rectum angulum exporrectis asperatur: altero vero superiori sive caudicem spectante, qui nudus est & brevior. Ipse racemum dodrantalem obtinet longitudine, ex paucis (quatuor, quinque, vel sex) racemis minoribus, stylum medium in longitudinem stipantibus compositus, quos singulos singuli interceptiunt folliculi alii, praedictis similes, sensim breviores, & angustiores, ita ut subinde priorum complexu posteriores imbricentur. Divaricantur racemi in bacillos seu pediculos breves, pingues, firmos, ex brevissimis intervallis ad aeterna latera retortos, tuberculique conspicuos exiguis, squamosis, non deciduis, quibus insistant fructus, qui basi suae subnexas exhibent sex lacinias tenues, (calycis floris reliquias) membranosas, fusci coloris; quarum tres exteriores sunt brevissimae, latae, & frontatae, ceterae ex illorum interstitiis prominulae sunt, longiores, angustiores, acuminatae. Ipse fructus subrotundus est; ovatus, Nuce Avellana major, squamulis nitidissimis desuper loricatus, adeoque inversum strobilum referens, dum mucrones superiores sub-

inde claudunt interstitia inferiorum, accurata quincuncialis ordinis venustate. Verticem ornant tres styli tenues, arefacti, duriusculi, pinaverfos gyros eleganter reflexi. Squamulae sunt parvulae, duriusculae; tenues, arcte adnatæ; coloris Phœnicei, oris fulcis, in angulum rectum mucronatæ: quibus remoris, conspicitur membrana carnosa, albicans, laxè involvens globulum carnosum, per immaturitatem ex herbaceo pallentem, pulposum, succosum; saporis leguminosi & insigniter adstringentis, qui ad linguæ contactum per gingivas, & oris parietes protinus se diffundit & citissime disparet. Mutilam & imperfectam hujus racemi iconem Bon-tius, sub generis Malaico nomine *Rotang* exprimere nifus est; peneque similem proponit J. Bauhinus, sub Palmæ-Pini titulo. *Ufus* vero hujus uterque est nescius.

Ea est resinosi succi ex hujus arboris fructu eliciendi ratio apud Nigritas orientis, Malaicos, & Javanos usitata, & ab Engelberto Kämpfero *Amenitat. exotic.* recensita. Reponuntur fructus in craticula supra vas amplum fictile, quod aquam ad sui dimidium usque continet. Quo facto, vas leviter operculatum supra prunas collocatur, eo sine ut elevatus aque bullientis vapor fructus emolliat atque emaciet: ita fit ut tinctura sanguinea, quæ in dissecto fructu ad oculum non comparebat, calente halitu extricata exsudet, & in fructuum superficie sistatur. Hæc bacillo abrafa in folliculos reconditur ex folio arundinaceo complicatos, mox filo nectendos in seriem, & in aere tamdiu suspendendos, donec inclusus Sanguis exaruerit. Ab aliis simplici coctione opus perficitur; nimirum usque eo strobili excoquuntur, donec rubedinem in aqua deposuerint: hæc, rejecto fructu, coctione ulteriori in spissum succum redigitur, folliculis pariter involvendum.

Tertia nominatur Ezquahuirl, seu Sanguinis Arbor, Hernandez 59. Arbor magna est, inquit Hernandez, folia ferens Verbasci, ampla & angulosa, sanguinem stillans, quem vocant Draconis. In nova Hispania nascitur.

Quarta vero appellatur Draco Arbor Indica siliquosa, Populi, folio Angsana vel Anglava Javanensibus & *Commelin. Horti Med. Amstolod. rarior.* 213. Arbor hæc Javæ, quin ipsius Bataviæ urbis incola, est proœra, ligno duro, cortice rubicundo obducto. Folia profert incondita, pediculis longis tenuibusque fulta, forma Populi similia, sed minora, duas uncias longa, vix sesquiunciam lata, mucronata, tactu mollia, glabra, nitentia, hilariore virore ad flavedinem inclinante persusa, sapore saturo. Flores parvi, lutei, odorati, saporis amariuseuli. Fructus pediculis longioribus innixi, colore sunt cinereo, rotundi, plani, utrinque tamen in sui medio tumidi & duri, margine membranacei, costulis eminentibus præditi. Semina in unoquoque fructu bina ternave oblonga, incurva, rubicunda, glabra, splendentia, renis aut phaseoli gracilioris figuram nonnihil imitantia. Hunc fructum J. Comelinus non male convenire asserit cum eo quem Monardes descripsit, in quo Dracunculi figuram a natura insculptam esse tradit. Ablata enim ejus tunica exterior, dispersæ per fructum visuntur plures venæ ex quarum distributione, & concursu Dracunculi figuram sibi imaginantur homines, sicuti fingere solent ex ignis flamma, nubibus & aliis. Illius arboris truncus & rami

fami scarificati humorem fundunt, qui illico condensatur in lacrymam rubram, & in lacrymis aut massulis tenuibus junceis involucris conclusus nobis affertur.

Succorum ex diversis illis plantis oriundorum differentiam, si quæ sit, definire non possum; cum illi succi in officinis non distinguantur.

Sanguis Draconis genuinus aqua non solvitur, sed spiritu vini & oleosis substantiis. Fumus qui ex eo incenso exhalat, subacidus est, qualis ex Benzoino elevatur. Resina est composita ex oleo crasso copioso & acido sale simul permixtis: parum vero partium volatiliū oleosarum continet, ut ex eo concludi potest quod saporis & odoris sit expers.

Sanguis Draconis vi pollet incrassante, exsiccante & adstringente; & in dysenteria, hæmorrhagiis, vehementioribus fluxibus, ac ulceribus internis utiliter adhibetur interne a ℥ss. ad ℥j. Externe ulcera exsiccat, vulnera glutinat, commotos dentes firmat, & gingivas roborat.

℥j. Sanguinis Draconis, Corall. rubr. ana ℥j. M. F. pulvis qui dividatur in sex doses quarta vel sexta quaque hora exhibendas in cruenta exspuitione aut hæmorrhagiis.

℥j. Sang. Dracon. ℥j. Alum. crystall. ℥ij. Conserv. Rosar. rubr. ℥iij. M. F. Electuar. cujus dosis ad ℥j. quarta quaque hora iteranda est in hæmorrhagia vehementiori.

℥j. Sang. Dracon. Corall. rubr. Terræ Japon. & Boli Armenæ lotæ ana ℥ss. Mivæ Cydonior. q. l. Fiat Electuar. in dysenteria.

℥j. Sang. Dracon. ℥iij. Camphor. ℥ij. Terebenth. Venetæ ℥ij. M. Fiant Pilulæ ad gonorrhæam, Dos. ℥ss.

Usurpatur in Pulvere dysenterico & Pilulis ad sistendam gonorrhæam Charas, Empl. styptico, ad Eq. pedis punctiōem, & de Alabaistro Ejusdem.

Pictoribus inservit & ex ea fit vernix rubra, qua cistæ & pixides Sineses obduci solent.

ARTICULUS DECIMUSSECUNDUS.

De Styrae solido.

Duplex est Styra in officinis; liquidus nempe, & solidus: qui quidem diversi sunt, & ex diversis arboribus originem ducunt: De liquido jam egimus, nunc vero de solido.

Styra solidus vel Storax; Off. Στόραξ Dioscoridis & Græcorum veterum: Astarac vel Astorac & Lebni, Avicenna, vulgo Storax. Est substantia resinosa, cujus duæ species jam a veteribus Græcis distinctæ nunc adhuc in officinis distinguuntur; scilicet Styra calamita, & Styra vulgaris seu in glebas compactus.

Styra calamita, Off. Στόραξ καλαμίτης, Græcorum, vulgo Storax en en larmes. Est substantia resinosa, nitens, solida, nonnihil pinguis, & sub

Geoffroy Tom. I.

H h 3

den-

dentibus lentescens, ex candicantibus & rufescentibus grumis seu micis concreta; sapore resinoso, subacri, non ingrato; odore fragrantissimo, præsertim ubi prunis injecta fuerit, quæ igne cito liquatur, flammæ admota flammam concipit, & claro incendio lucet. Olim ex Pamphylia in arundinibus afferebatur, teste Galeno; unde Calamites dictus fuit, qui quidem plurimi æstimabatur.

Styrax vulgaris, seu in glebas compactus, *Off. Styrax ruber*, *Quorumdam*: vulgo *Resine de Storax*. Substantia est in glebas resinosas concreta, & flavo rubens vel fusca, splendens, pinguis, nonnihil lentescens, mellem liquorem veluti exsudans, aliquot micis candicantibus resperfa, & ejusdem cum priore odoris & saporis.

Illæ duæ resinz Styracis species non ab invicem differunt. Prima est Styracis lacryma, quæ ex tenuioribus arboris rimis vel incisuris guttatim stillavit, & citissime exsiccata fuit, atque collecta. Altera vero succus est ex grandioribus vulneribus uberius defluens, qui nonnisi post diuturniorem moram inspissatur; ita ut aeris calidioris contactu rufescat vel nigrescat, antequam exsicceetur.

Eliguntur Styracis lacrymæ vel glebæ puræ, nitidæ, odoratæ, absque ulla scobe lignea, aut aliis inquinamentis. Ex Syria aliisque Indiæ orientalis locis per Massiliam nobis affertur.

Tandem scobs quædam lignea nonnihil resinosa, odore Styracis perfusa, venalis prostat in officinis, quæ scobs Syracina, *Sarrilles de Storax* vulgo dicitur. Ad usum medicum inutilis est, prorsus abijcienda.

Quidam ex Arabibus, præsertim Serapio, Styracem liquidum de quo jam egimus, quemque *Miha* nominant, cum solido hoc Styrace, sive Styrace Græcorum confundunt. Hæc duo tamen distinguit Avicenna, qui Styrace liquido sub nomine *Miha*, & de Styrace Græcorum seu sicco, tum sub nomine *Astorac*, tum sub nomine *Lebni* tractavit.

Paulus Ægineta, Nicolaus Myrepsus & Græcorum nonnulli de quodam Staße Styrace mentionem faciunt, qui pro resina peculiari, & a Styrace prorsus diversa a plurimis habetur: aliis vero nihil esse videtur aliud, quam Styracis resina liquida collecta & asservata, antequam areseat; de qua Dioscorides mentionem facit. Fortasse quoque illud nomen Styraci liquidæ seu *Mihæ* Arabum Græci imposuerunt. Rem decernere difficile est admodum, & ceteroquin parvi momenti.

Arbor ex qua hæc resina manat, dicitur Styrax folio Mali cotonei, *C. B. P. 452. Instit. R. Herbar. 598.* Oleæ magnitudinem æquat in sylvis Gallo-Provinciæ circa Cartusiam Morientem, *la Chartreuse de Monrieu*; Belgenferium, *Baugencier*; & Solarium, *Soliers*, inter Magdalenæ & Telonem. Franco, cortice, & foliis Malum cotoneum æmuletur: folia autem alterno ordine oriuntur e rotundo acuminata, sesquinciæ longa, paulo angustiora, cum nitore virentia, prona parte candida & pubescentia, Flores nascuntur in surculis annotinis quaterni, quini, aut seni, candidi, odorati, Mali Aprantiæ floribus similes, sed monopetali, in tubum brevem inferius abeuntis, superius in segmenta quinque vel sex stellatim divisi seminuercialia, acuta, duas lineas lata, cum calyce cavo & campaniformi, duas lineas longo, putrescente, tum & pistillo globoso posticæ floris parti adinstar clavi infixio, qui

mutatur in fructum Avellanæ magnitudine & forma crassum, incanum, carnosum, primum subdulcem, deinde amaricantem, in quo continetur unum aut alterum ossiculum perdurum, læve, nitidum, cum rubore fuscum, quo perfracto nucleus albus apparet pinguis, oleosus, odoratus, odoris resinosi Styracis proximi, saporis acris & ingrati. In Gallo-Provincia nihil aut perparum resinæ hæc arbor fundit. Quæ calidioribus in regionibus nascuntur, uberiores resinas largiuntur. Styrax, quo utimur in officinis, ex arboribus in Syria & Cilicia natis oritur.

Analysi Chymica ex Styracis purissimi ℞ij. prodierunt phlegmatis limpidi, rufescentis, acidi, odoris resinosi Styracini ℞ij. ℥vij. gr. xlviii. olei essentialis limpidi, rufescentis ℞j. ℥v. gr. xxxvj. olei spissioris & mellæ consistentiæ cum sale essentiali volatili, seu floribus salinis Benzoini floribus similibus permixti ℞ij. ℞ij. (post tres quatuorve dies butyrosa illa substantia in oleum fere tota colliquata fuit.) tandem olei fluidi, rufi, aliquantisper empyreumatici ℞ij. ℞ij. Massa nigra in retorta superstes pendebat ℞ix. ℥v. quæ per 20. horas in crucibulo calcinata ex nigro in fulvum mutato colore pendebat ℞j. ℞ij. ex quibus lixivio salis fixi salis gran. vij. extracta fuerunt. Partium deperditarum in hac distillatione quantitas fuit ℞ij. gr. lx. in calcinatione ℞vij. & ℞j. Unde liquet, Styracem esse resinam ex magna olei crassi, minori olei tenuioris quantitate, mediocri salis acidi portione, parum vero terræ & salis alcalini compositam. Minorem salis essentialis volatilis quantitatem continet, quam Benzoinum, plus vero olei tenuioris.

Styrax Benzoino paulo fragrantior est ob majorem olei tenuissimi copiam: minus tamen detergit propter minorem salis essentialis quantitatem. Quare, licet nonnunquam utiliter adhiberi possit in asthma humoralis & tussi contumaci, ad infarctus pulmonum discutiendos & eorum tubercula resolvenda, tamen Benzoinum ut efficacius illi anteponitur. Ob ejus suaveolentem fragrantiam, ad cerebrum roborandum, spiritus animales recreandos, inordinatosque eorum motus compescendos commendatur: idcirco antidotis cardiacis utiliter adhibetur. Venenis quæ vi refrigeratoria nocere dicuntur, adversatur; tametsi vis anodyna in eo deprehendatur, quia dolores capitis & tussim inveteratam sedat, nempe humorum acrimoniam demulcendo oleosis suis partibus. Ratione earumdem particularum raucedini, gravedini, & capitis distillationibus conducit intus sumptum a ℞ss. ad ℞ss. externe in suffitu caput roborat, vertigini & catarrhis succurrit: ventriculi regionis admotus illud viscus firmat, & ciborum concoctionem juvat: paralyti & doloribus a frigore oriendis medetur. Ad odora menta & suffumigia cum Benzoino frequenter usurpatur.

℞. Styracis calamit. Benzoin. ana ℞j. Succ. Liquiritiæ ℞ss. Landani op. gr. ss. Elixir propr. q. s. Fiant Pilulæ hora somni exhibendæ in cephalalgia, coriza, catharris & tussi inveterata.

℞. Styracis ℞ss. Balsam. Peruvian. ℞ss. Fiat linimentum ad artus paralyticos, aut rheumaticis doloribus affectos inungendos.

Paratur e Styrace oleum odoratum suavissimum, macerando Styracem

in aquæ comm. q. s. per triduum, deinde distillando primum aquam; deinde oleum flavum, ad ulcera interna & præsertim pectoris præstantissimum, cujus guttæ octo vel decem pro dosi exhibentur.

Flores ex eo sicut ex Benzoino fieri possunt & ejusdem energię, sed parum usitati. Styracis quoque tinctura conficitur ope spiritus vini eodem modo ac Benzoini tinctura, & ad eadem valet.

Styrax usurpatur in Pulvere lætificante *Charas*, Pulver. cephalico odorato, Theriaca, Mithridatio, Diascordio, Trochiscis Aliptæ Moschatæ, Balsamo apoplectico, Unguento pomato officinali, martiato, Emplastro cephalico *Charas*, stomachico *Ejusdem*, & in aviculis Cypris.

ARTICULUS DECIMUS-TERTIUS.

De Tacamahaca.

TAcamahaca, *Off.* Substantia est resinosa, arida, odore fragrans, cujus duæ species in officinis reperiuntur; una quæ Tacamahaca præstantior, sublimis & in conchis, dicitur, vulgo *Tacamaque sublime, ou en coque*. Resina est concreta, pinguis tamen & molliuscula, pallida, nunc flavescens, nunc virescens, in conchis ex cucurbitaceorum quorundam fructuum corticibus paratis collecta, & foliis cooperta; odoris aromatici fragrantissimi & suavissimi, ad Lavandulæ & Ambari cineracei odorem accedentis; saporis resinosi, aromatici. Raro admodum in officinis reperitur.

Altera species vulgaris est, & in granis vel in glebis albicantibus, flavescens, rufescentibus, virescens aut variegatis semipellucidis habetur, odoris fragrantis, ad prioris odorem accedentis, sed minus grati. Ex nova Hispania primum ab Hispanis in Europam allata fuit, antea vero prorsus incognita. In aliis etiam Americæ provinciis & in insula Madagascar colligitur.

Arbor quæ hanc resinam vel sponte vel incisis corticibus fundit, dicitur Arbor Populo similis resinosa altera, C. B. P. 430. Tacamahaca, *Hernandez* 55. Tacamahaca foliis crenatis, lignum ad ephippia conficienda aptum, *Plukn. Phytog.* Arbor est procera, Populum quodammodo referens, admodum odorata: folia profert obrotunda, mediocria, acuminata & serrata. De floribus auctores nihil referunt. Fructus in extremis ramorum flagellis nascuntur parvi, subrotundi, fulvi repleti semine nucleo Mali Persici haud absimili: sponte lacrymas resinosas pallidas effundit, quæ & odore & tenuitate partium præstantiorem Tacamahacam constituunt. Qui vero ex inciso cortice manat succus resinofus, prout varias corticis partes fluendo proluit, variis coloribus inficitur, & folis ardore inspissatus resinam efficit in glebas, nunc flavas, nunc rufescentes, nunc fuscas, & micis albidis variegatas concretam. Prior huic anteponitur.

Analysi Chymica, Tacamahacæ *Hij.* præbuerunt phlegmatis, primum odore grato persufi & subacidi, deinde minus odori, & acido sapore pungente do-

donati ℥ij. ʒv. olei limpidi rufescentis, & fluidi ℥ij. ʒv. gr. liij. spissioris aut mellæ consistentiæ, & fusci coloris ℥xij. ʒj. gr. xxxvj. concreti vero & consistentiæ butyrosæ ℥vij. ʒij. gr. liij. Massa nigra in retorta residua pendebat ℥ij. ʒij. gr. xlvij. quæ per horas quindecim in crucibulo calcinata cinerum e fulco subrubentium ʒj. tantum reliquit; ex quibus nihil salis fixi extractum fuit. Partium deperditarum quantitas in distillatione fuit ℥ij. ʒv. gr. xxv. in calcinatione vero ℥ij. ʒij. gr. xlvij. Unde liquet hanc resinam multum salis acidi, sed tenuioris cum oleo subtili conjuncti, obtinere mediocrem olei crassioris portionem, nihil vero aut perparum terræ; & ideo hanc resinam tenuissimis partibus donari, ita accurate crassioribus temperatis, & permixtis, ut compositum inde exsurgat fragrantissimum.

Tacamahaca raro interne usurpatur. A quibusdam in pectoris affectibus commendatur: sed externo usu est frequentissima. Ad quoscumque partium externarum dolores compescendos utiliter præscribitur, præsertim ab humoribus frigidis & flatulentis obviandos: tumores resolvit & maturat: defluxiones in oculos, & alias faciei partes revellit, linteo excepta & emplastri modo temporibus aut post aurem applicata, aut suffitu naribus attracta: umbilico imposita passiones hystericas & suffocationem uterinam sedat: ventriculi regioni applicata illum roborat, ciborum concoctionem juvat, status discutit, & appetitum excitat. Præ cæteris specificum expertum in dolore ventriculi a Poterio prædicatur. Eo Michaelis feliciter utebatur in febribus malignis, ubi de anxietate præcordiorum ægri conquerebantur. Idem illius emplastrum commendat Ettmullerus in vomitu compescendo. Capiti imposita cephalalgiam sublevat, & catarrhos cohibet: nervorum, tendinum, & articularum vulneribus conducit Hochsteterus, in *observationibus*, Emplastro de Tacamahaca capiti raso admota, surditatem se curasse refert.

℥. Tacamahacæ ʒss. Strycis calamitæ ʒss. Olei Nuc. Mosch. q. s. Fiat Emplastrum ventriculo imponendum, in ventriculi dolore, imbecillitate, & colicis doloribus.

℥. Tacamahacæ, Ladani ana ʒss. Castorei ʒv. Olei Succini q. s. M. F. Emplastrum umbilico applicandum in passione hysterica, & suffocatione uteri.

℥. Tacamahac. & Carannæ ana q. l. Dissolve in olei essentialis Lavandulæ q. s. Fiat linimentum quo partes paralyti affectæ vel doloribus rheumaticis inungantur.

Usurpatur in Pulvere cephalico odorato *Charas*, Empl. cephalico, Empl. stomachico, Empl. pro matrice *Ejusdem* in Empl. diabolano *D. Blondel*, & in Empl. de Mastiche *Pharmac. Londinens.*

DE SUCCIS GUMMOSIS.

ARTICULUS PRIMUS.

De Gummi Arabico, Seneca, & nostrate:

Gummi Arabicum *Off.* *Κόμμι ἀνακίας ἀναίδης*, *Dioscordis*: *Κόμμι* proprie dictum, & *Κόμμι Βαβυλων*, *Galen*: Gummi Babylonicum, Gummi Sarracenicum, *Quorundam*: Gallice *Gomme Arabique*. Succus est concretus in grumos, Nucis Ponticæ vel Juglandis magnitudine, & amplius, globulos, alias longos & teretes vermium instar, aut contortos & in se convolutam erucam imitantes, pellucidos, ex flavo pallēscētes, aut omnino flavos, aut rutilos, superficie fere rugulos, fragiles, & intus splendentes vitri instar, in ore lentescētes, & dentibus adhærescentes, aquæ, in qua dissolvuntur, lentorem viscidum concilians, saporis expertes. Ex Ægypto, Arabia, & Africanis oris affertur.

Probatur candidum vel pallide flavescens, pellucidum, nitens, siccum, nullis coinquinatum sordibus.

Affertur quoque in majores glebas compactum rufescentes, sordidas, quæ ad usus mechanicos tantum reservantur.

Satis constat, Gummi proprie dictum, Gummi Thebaicum vel Ægyptium *Græcorum*, Gummi Arabicum *Serapiobis*, esse gummosum succum ex arbore spinosa Acacia dicta exsudantem. At nonnulli dubitarunt utrum Gummi in officinis Arabicum hodie dictum idem sit, ac Græcorum Gummi, an potius Pomorum, Ceraforum, Prunorum Gummi? Verum omne Gummi, quod nobis per Massiliam ex Ægypto, & Africanis oris affertur, non potest esse harumte arborum Gummi, quæ illis in regionibus non reperiuntur. Deinde Acaciæ arbores in illis regionibus luxuriant, & uberissimam Gummi copiam fundunt, ut Bellonius, & Alpinus testantur. Insuper fructus, & spinæ, quæ in Gummi Arabici capsis deprehenduntur, sunt Acaciæ Ægyptiacæ fructus: unde concludi potest, si non ex sola hujus Acaciæ specie colligitur, saltem illud pro majori parte ex hac arbore desumi.

Arbor, ex qua gummosus ille succus diffluit, dicitur Acacia foliis Scorpioides leguminosæ, *C. B. P.* 392. Acacia vera, *J. B. I.* 429. Acacia sanat Akakia, *P. Alpin. de Pl. Ægypt.* 15. Acacia Ægyptia, *Fab. Columnæ in Recch. observ.* 866. Acacia Ægyptiaca foliis Scorpioides leguminosæ; siliquis albis compressis, isthmo interceptis, floribus luteis, *H. Lugd. Bat.* Arbor est procera, & patula, radicibus multifidis hac illac diffusis, trunco pedem sæpe crasso, cæteras Acaciæ arbores altitudine æquantē aut superante, firmo, brachiato, aculeis validis armato foliis conjugatis tenuissimis, costæ duas uncias longæ utrinque adhærentibus. Pinnulæ obscure virescunt, tres lineas longæ, unicam lineam vix latæ. Flores in eorum

eorum alis oriuntur in glomeramen sphaericum coacervati, petiolo unciali insidentes, aurei, monopetali, inodori, ex tubulo angusto in calathum quinquepartitum ampliati, cum numerosa staminum congerie & pistillo abeunte in siliquam Lupini siliquis quodammodo similem, quinque uncias plus minusve longam fuscam vel rufescentem, compressam, in medio lineam crassam habentem, circa oras tenuiorem, non æqualiter latam, sed per intervalla adeo coarctatam, ut orbiculos depressos quatuor, quinque, sex, octo, vel decem aut amplius quasi filo quodam trajecto connexos repræsentet. Latior orbiculorum pars seu diameter semiunciam æquat, intermedium vero orbiculorum vix lineam attingit. Singulorum orbiculorum medium occupat semen ovatum, depressum, durum, minus quam Carobæ, spadiceum, circulo in orbem ducto, ut in Tamarindis, mucagine quadam gummosa, adstringente, subacida, rufescente involutum. In Ægypto circa Cairum frequens nascitur, teste Aug. Lippi, *Epist. ad ill. D. Fagon*.

Ex siliquis adhuc viridibus contusis succus exprimitur, qui inspissatus Acacia dicitur; de quo suo loco agemus.

Ex corticis ramorum & trunci fissuris humor viscidus sponte fluit, qui per tempus indurefcit; & est Gummi haud dissimile gummoso succo, qui sponte ex Prunis, Pomis, Cerasis, aut aliis arboribus hic distillat. Sæpius in grumos variæ magnitudinis, & figuræ concrefcit, nonnumquam etiam in firias longas, teretes, incurvas, vermium, aut cruciarum instar, quæ vermiculata dicitur, & ab antiquis plurimi æstimabatur, licet ab altera nonnisi sola figura differat.

Analysi Chymica, Gummi Arabici electi ℞ij. exhibuerunt phlegmatis inodori, saporis experti & limpidi ℞ijj. ℥v. acidi & rufescentis ℞x. ℞ij. gr. liij. liquoris alcali ℞j. ℥vj. gr. xxxvj. olei tum tenuioris, tum spissioris consistentiæ ℞j. ℥v. gr. xxiiij. Massa nigra in retorta superstes pendebat ℞vij. ℥vj. quæ per horas 30. in crucibulo igne reverberii calcinata reliquit cinerum leucophæorum ℞j. gr. xxxvj. ex quibus salis alcali fixi ℞ij. gran. xxxvj. extracta sunt.

Gummi Arabicum saporis est expers sicut & odoris: aqua dissolvitur, non spiritu vini aut olei. Igne in carbonem convertitur, non flammam concipit: unde liquet, compositum esse ex sale salso cum oleo crasso & terræ portione non mediocri conjuncto.

Partibus suis mucaginosæ limpham acrem demulcet, tenuiorem inspissat, vehementiorem humorum motum sedat. In faucium affectionibus, raucedine, tussi, catarrhis salis, hæmorrhisi, stranguria, & urinæ ardore utiliter exhibetur. Dosis ℞j. ad ℞ij. Convenit quoque, ubi mucus quo partes internæ obducuntur, abrasus fuit, velut in faucibus, ventriculo, intestinis vesica & urethra: meatus enim mucagine sua obducit, & ab humorum acrimonia rodente præservat. Præterea utiliter adhibetur cum medicamentis acerbis & irritantibus, ad eorum vim obtundendam, & temperandam. Externe ad motum vulneri sanguinem sistit. Ut optime pulveretur, in mortario calido contendi debet. Non solum sub pulveris forma interne exhibetur, sed etiam in aqua conveniente solutum nonnumquam propinatur.

℞. Gummi. Arabic. ℞j. Succ. Glycyrrhiæ ℞ss. Sacchar. Cand. ℞ss. Aq. flor. Au.

Aurantior. q. f. Fiant Trochisci vel rotulæ ad faucium asperitatem ;
raucedinem , & tussim diuturnam .

2℥. Gumm. Arab. ʒß. Pulver. Glycyrrhiz. ʒj. Fiat pulvis in urinæ ardore .

2℥. Gumm. Arab. ʒß. Dissolve in aq. Scabios. ʒiij. Dilue Theri ʒj. Diacod. ʒß. aq. Cinnam. spiritus. ʒj. Fiat porio cochleatim nocte forbilanda adversus tussim vespertinam inter decumbendum in lecto vehementer divexantem .

2℥. Gumm. Arab. ʒj. Coq. in aq. Hord. ʒiij. ad solutionem . Cum hac solutione , & semin. Melonum Papav. alb. Amygdalar. dulc. excorticatar. ana ʒß. fiat emulsio , cui ad Syr. Althææ ʒiij. Hauriat per cyathos in quolibet urinæ ardore .

2℥. Gummi Arab. ʒß. Solve in aq. Puleg. vel Papav. erratic. q. f. Solutioni adde olei Lini recenter expressi ʒj. Syrup. de Ibisco , vel de Symphyto ʒij. M. F. linctus in tussi catarrhali, hæmoptoe .

Gummi Arabicum usurpatur in Looch sano reformato *Charas* , in succo Liquiritiæ nigro. *Ejusdem*, Pulvere diatrion santalon , Pulver. diatragacanthi frigidi , Theriaca *Andromachi* , Mithridatio *Damocratis* . Trochiscis albis *Rhasis* , Troch. de Karabe , Troch. *Gordonii* , Tr. de Camphora . Præterea ad varios usus mechanicos adhibetur .

Gummi Senega vel Senica *Off.* aliud est Gummi genus Arabico prorsus simile . Senega dicitur , ex eo quod ex Provincia Nigritarum juxta fluvium Senega sita afferatur . Magna ejus copia nunc in officinis reperitur , & in majoribus glebis quam Arabicum . Verum ex quam arbore emanet ; ignoramus ; ni forte Acaciæ quædam species sit . Candida illius Gummi frustula , & translucida pro genuino Gummi Arabico sæpe venduntur : ab eo nullo modo discerni possunt , nec qualitatibus , aut virtutibus differre videntur . Hocce Gummi cum lacte cocto Nigritæ sæpe vescuntur .

Gummi nostra *Off.* vulgo *Gomme du pays* , ab Arabico discrepare non videtur . Ex Cerasis , Prunis , Pomis , Persicis , aliisque ejusmodi arboribus stillat . Iisdem virtutibus cum Arabico donatur . Verumenimvero ad usum medicum Gummi Arabicum cæteris anteponitur , quandoquidem ejus vires usu diuturniori cognitæ sunt , & comprobatæ .

Gummi Senega , & Gummi nostras pro mechanicis usibus tantummodo reservantur .

ARTICULUS SECUNDUS.

De Gummi Tragacantho .

Tragacantha , Tragacanthum , & Dragacanthum , *Off.* *Τραγακάνθα* , *Discoridis* : Chitica , Itica , Cateth , Alcuted , Alchatad . *Arabum* : vulgo *Gomme Adragant* . Succus est gummosus , modo in filamenta longa , teretia diversimode contorta , exiguos vermes referentia , aut in tænjās circumvolutas aut varie complicatas , modo in grumos concretus , candidus , semipellucidus nonnumquam flavescens , rufescens aut nigricans , siccus , aliquantisper tamen lente .

lentescens, saporis & odoris expers. Ex Creta, Asia, & Græcia affertur. Eligitur Tragacanthum vermiculare, candidum, lâhiocollæ simile, nullis fordis inquinatum. Rufescens & nigricans rejicitur, & ad mechanicos usus reservatur. Sponte & per vulnera profluit ex trunko & ramis plantæ quæ dicitur Tragacantha Cretica incana, flore parvo, lineis purpureis striato, *Coroll. Infr. R. Herb.* 29. Radicibus: est in terram profunde actis, multifidis & fuscis, e quibus furculi prodeunt pollicem crassi, ad duos tresve pedes extensi, in orbem fusi, humi strati, duri, materie spongiosa ex variis fibris, tum circularibus, tum longitudinalibus, tum radiatim a centro ad peripheriam protensis veluti contexta, & gummoso succo infarsa; cortice rugoso, fusco, lineam crasso circumvestita. In ramulos innumeros divaricantur densos, spinis horridos, quorum pars infima, arida, foliis denudata & quasi mortua apparet: superna vero foliis ornatur pinnatis, densis, pinnis septem vel octo costæ mediz unciali inhiærentibus. Folia duas tresve lineas longa dimidiam lata, subrotunda sunt, obtuse acuminata, incana, mollia: costa media in spinam definit longam, rigidam, acutam, flavescentem; basi vero instruitur lata, membranosa, in duas alas divisa, qua summos ramulos complectitur. Flores in ramulorum extremis ex frondium alis oriuntur papilionacei, quatuor lineas longi, pallide purpurascens, quorum vexillum cœteras partes superat, subrotundum, leviter incisum, & lineis albis striatum. (Stamina diadelphea sunt, fere recta & æqualia, cum antheris subrotundis. Filamentum inferius quod infra medium membranaceum est, germen involvit, longitudinaliter sursum dehiscens, & definit in novem filamenta subulata, antheris onusta: superius simplex est, & rimam filamentum inferius tegit. Pistillum vero constat germine oblongo, superne ad basin perforato, mellifero, desinente in stylum subulatum levissime ascendente, stigma gerentem parvum obtusum.) Calyx parvi cuculli formam exhibet, tres lineas longus, in quinque partes divisus, lanuginosus, canescens. Floribus succedunt siliquæ villis candidantibus aspersæ, turgidæ & in duo loculamenta distinctæ, in quibus semina continentur parva, reniformia. In Creta & multis Asiæ locis nascitur. Frequens hic frutex & copiosum succum gummosum manans, in vallibus circa montem Idam a Cl. Tournefortio repertus fuit. Ibi mense Julio succo gummoso adeo turgidus est, ut non solum corticis vascula, sed etiam lignosæ substantiæ poruli eo infarcti in ramulis seclis appareant. Cum autem præ nihilo caloris æstu fibræ lignosæ exsiccantur & contrahuntur, succum gummosum tanta vi exprimunt, ut vasa, quibus continentur, dirumpat, per hæc vulnera erumpat, & in filamenta vel tæbias plus minusve longas, pro vulneris magnitudine, & substantiæ abundantia, producatur & concreseat. Revera si ramorum cortex ab hominibus calcatus aut a bestiis præmorsus alicubi dilaceratus fuerit, inde succus ille uberius distillat.

Analysi Chymica, ex Tragacanthi ℞ij. prodierunt phlegmatis limpidi, inodori, insipidi, ℞ij. ℥vij. humoris phlegmatici, rufescentis, odore empyreumatico, sapore subacido, subamaro, quasi nucleorum Persicorum, qui acidi valentis notas præbuit ℥x. gr. xlviij. humoris leviter rufescentis, tum acidi, tum alcali urinosi ℥j. ℥ij. gr. lx. olei rufescentis,

tum

tum tenuioris, tum spissioris ℥j. ℥ij. gr. lvi. Massa nigra in retorta superstes carbonis instar densa pendebat ℥vii. quæ per 28. horas calcinata reliquit cinerum leucophæorum ℥j. ex quibus salis alcali fixi ℥ij. gr. xxx. lixivio extracta sunt. Partium iactura in distillatione fuit ℥vij. ℥ij. gr. liij. in calcinatione ℥vij.

Itaque Tragacanthum iisdem principiis & fere eadem quantitate donatur ac Arabicum Gummi: paulo plus tamen acidi continet, minus autem olei & paulo plus terræ. Oleis nec spiritus vini dissolvitur: aqua maceratum admodum intumescit, rarius fit, & in densum ac spissum convertitur mucum, qui magna aquæ quantitate affusa vix dissolvitur. Quamobrem a Pharmacopœis ad pulveres & saccharum in trochiscos, pilulas, rotulas, placentulas, & tabellas redigenda frequenter usurpatur; quandoquidem exigua hujus mucii portio ad magnam pulveris molem in massam compingendam sufficit.

Tragacanthum humores inspissat, eorum motum minuit, acrimoniæ demulcet, exasperatas partes aut excoriatas mucos obducit, ac proinde earum dolores mitigat. Unde in tussi sicca & acri, raucedine & aliis pectoris affectionibus ab acri lymphæ oriundis sæpe præscribitur: necnon etiam in morbis ab urinæ acrimonia natis, ut in dysuria, stranguria & renum exulceratione frequenter usurpatur. Ejus pulvis cum aliis medicamentis incrassantibus & demulcentibus consociatur, vel in mucum cum aqua Rosar. flor. Aurantior. aut alia quacumque conveniente maceratum redigitur. Dosis a ℥ss. ad ℥ij. Externe raro admoveatur: ad fissuras manuum, pedum, papillarum, a quibusdam commendatur, sed tunc parum confert, imo sæpius nocet: cuti enim admotum & partis calore exsiccatum vulnuscule labia distrahit & magis dilacerat. Ingreditur pulverem sympathicum compositum, qui convenit in vulneribus cum consusione, ossium fractura, & similibus symptomatibus conjunctis, ubi suppuratione opus est. Conficitur ex æquali Vitrioli Romani sub sole calcinati & pulveris Tragacanthi portione accurate permixtis. Ille pulvis non tam cito vulnera occludit, imo illa detergit; & suppurationem tum promovet. Tragacanthum enim Vitrioli adstrictionem minuit.

℥. Succi Glycyrrhizæ, Terræ Japonicæ ana ℥j. Sacchari Candi ℥ij. Opii gr. ij. Mucilag. Tragacanth. spissioris q. s. Fiant Trochisci sublinguales, ad excipiendos humores catharrales & tussim sedandam.

Vel

℥. Tragacanth. contusi q. s. Dilgeratur in aq. Scabiosæ q. s. donec aqua Syrupi consistentiam nanciscatur. Tunc

℥. Hujus mucilaginis ℥ij. Aq. Naphæ ℥j. Olei Amygdalar. dulcium ℥j. Syrup. de Althæa ℥ij. M. F. Lohoc.

℥. Mucilag. Tragacanthi dilutioris ℥ij. Olei Lini ℥j. Syrupor. Iosubini & Diacod. ana ℥j. Fiat Lohoc.

Usurpatur in Pulvere Diatragacanthi frigidi, in Pulvere aromatico rosato, Pulver. Dierrhodon, Pulver. Diatrion Santalon, Trochiscis albis, Rhasis, Trochiscis de Karabe, Troch. de Camphora.

ARTICULUS TERTIUS.

De Manna solutiva.

MAN seu Manna, vox Hebraica, Chaldaica, Arabica, Græca, & Latina quadruplici substantiæ tribuitur. Hebræi, Chaldæi, Arabes & Græci Medici recentiores hoc nomine designaverunt succum quemdam melleum concretum, quem in certarum arborum folia e cælo cadere opinabantur, & mellis genus aerei dicebant. Postea Hebræi eodem nomine cibum illum cælestem ipsis in deserto a Deo missum, quo vescerentur, donaverunt; quandoquidem similis erat Mannæ jam illis cognitæ. Etenim grana erant minuta, rotunda, alba Coriandri facie & magnitudine; quæ, pruinæ more, cælo descendebant matutinis temporibus, ac sole demum ortu liquecebant, evanescebantque. Neque etiam nisi temere fortasse adstrui potest Mannam illam, qua Israelitæ divino beneficio in deserto per tot annos pasci sunt, eandem fuisse cum vulgari Manna, quæ per totum orientem notissima est. Sed si non res eadem, saltem idem nomen est. Quo tempore, inquit Salmasius, primum Israelitis in deserto morantibus cælestis ille Ros cœpit impluere, cum ignorarent quid esset, ex similitudine quam videbant habere cum Manna sibi nota, dicebant alter ad alterum: *Manhu*, Man est; non quasi quærentes & interrogantes quid esset, ut quidam volunt; sed Mannam esse vere pronuntiantes. Cum autem Manna ipsis cognita condimentum esset potius; quam alimentum, Moyses non quidem negavit esse Mannam; sed illud, quidquid esset, pro pane illis futurum pronuntiavit.

Præterea illud vocabulum *Ma'na* apud Græcos vetustiores usitatum quoque fuit, sed longe alia notione: sic enim exiguas Thuris micæ nominant; quamvis tamen ipsis non ignotos fuerit melleus ille succus, quem *Ἀπὸ μανῆ*, *Ἀπὸ μανῆ*, *Ἐλατόμανῆ* Mel voridum, Mel aereum, Oleum melleum passim appellant.

Tandem Mannæ nomine a Botanicis nonnullis insignitur semên ejusdem graminis esculenti. Dicitur Gramen Dactyloides esculentum, *C.B.P.* 8. Gramen Mannæ, *Matthioli*: Manna cælestis Germanis, *Gesneri*: Gramen Mannæ esculentum, *Adversarior. Lobel*.

De Manna Thuris jam egimus: de Manna cælesti hic non agitur, neque de Manna femine. Itaque melleus ille succus concretus inter Medicos usitatus solus considerandus est.

De illo Græci veteres fere omnes mentionem fecerunt, Latini, & Arabes quoque. Aristoteles hujus mellis aerei meminisse videtur, cum de apibus sic loquitur: „Construunt favos e floribus, ceram ex lacryma arborum fingunt: mella ex rore aeris, syderum ortu potissimum, & arcus cælestis incubitu contrahunt. *Et libro de mirabilibus auscultationibus*. „Circa Cappadociam ajunt locis quibuldam mella citra favos comportari, olei instar crassa. In Trapezunti urbe ea, quæ in Ponto sita est, mel ferunt e buxis produci graveolentissimum, &c. In Lydia ajunt

„ajunt ex arboribus mella copiosa colligi, unde Pastillos absque cera
 „indigenæ conficiunt; duritia tanta, ut nisi vehementiore attritu
 „nihil demi inde possit. Fit & in Thracia mel non perinde soli-
 „dum, sed arenosum aut granulofum. Ejus discipulus Theophrastus
 „plus de illo melle novisse videtur. Nam præter illud quod de melle
 „aereo scripsit, *lib. 3. Historiæ Plantar. cap. 9.* his verbis: „Quercus
 „ferax est plurimarum rerum. Si autem, auctore Hesodo, mella
 „quoque apesque ferat, magis illud confirmatur. Ergo nascitur hic
 „liquor ex aere, nec aliis magis insidet frondibus. In fragmento
 „sui libri de apibus, apud *Phorium in Bibliotheca*, tria mellis genera
 „constituit: unum quod ex floribus conficiunt apes: alterum quod
 „ex aere venit, cum humor ille, quem terra exhalavit, a sole con-
 „coctus & refusus deciderit; quod præcipue contingit messis tempore;
 „& Manna nostra est: tertium in calamis, videmque cum Saccharo
 „nostro: Dioscorides Elæomeli in Palmyris Syriæ ex quodam candide ma-
 „nare narrat; oleum melle crassius, sapore dulci. Bilem cruditateque
 „destrahere, sextario cum una aquæ hemina dato, pronuntiat. Quod
 „quidem cum nostra Manna pingui non male convenit. Galenus, *lib. 3.*
 „*de alimentis cap. 39.* mel a plantis & ab animalibus oriundum distinguit,
 „& de illo sic loquitur: „Oritur in plantarum foliis. Est autem neque
 „succus earum, neque fructus, neque pars, sed ejusdem est cum rore
 „generis: non tamen assidue & copiose, ut ille provenit. Memini ali-
 „quando, cum æstate super arborum ac fruticum, herbarumque folia
 „mel quamplurimum fuisset repertum, agricolas velut ludentes coci-
 „nisse: *Jupiter melle pluit.* Præcesserat autem nox, ut per æstaremus,
 „bene frigida; (nam tum tempus anni æstivum erat) pridieque calida
 „& sicca fuerat aeris temperies. Atque peritis naturæ interpretibus,
 „halitus e terris & aquis prodeuntes, folis calore exacte attenuari,
 „& cocti a frigore sequentis noctis, in unum coacti atque densati
 „fuisse videbantur. Sed apud nos id raro accidit; in monte autem
 „Libano quotannis sæpe. Itaque coria super terram extendentes, &
 „arbores excutientes, quod ab eis defluit, excipiunt, & ollas ac
 „fistilia melle implent; vocantque id rosicidum & aerium mel. Hippocrates
 „de hoc montis Libani melleo succo mentionem quoque
 „fecisse videtur, *l. de ulceribus*, his verbis: „Medicamentum aliud
 „ad ulcera vinum accipit, mellis cedrini paululum, &c. „Mel cedrinum
 „illum vocat, ex eo quod super Cedros hujus montis colligetur; sicut
 „Manna Brigantiaca super Larices in Delphinatu colligi solet. *Amyn-
 „thas, lib. 1. de Asia mansoniis*, referente Athenæo, de aereo
 „melle sic loquitur: „Simul cum foliis id decerpentes componunt &
 „refrignant ad instar Syriacæ massæ. Quidam globos ex eo faciunt: &
 „in ubi sumere collibitum est, diffractas ex his micas in ligneis pocu-
 „lis quæ Tabætas nominant, dilutas antræ & colatas bibunt, gustæ
 „simili ac si quis mel dilutum bibat; imo vero etiam multo jucun-
 „dioris saporis. Quæ quidem verba Mannæ nostræ, seu qua utimur
 „officinis, satis apte conveniunt. Plinius satis belle, minus tamen ve-
 „re de hoc melleo succo sic loquitur: „Itaque cum prima aurora folia ar-
 „borum melle roseida inveniuntur; ac si maturino subditi fuere, undas li-
 „quore

quore vestes capillumque concretum sentiunt ; sive ille est sudor cœli ; sive quædam lyderum saliva , sive purgantis se aeris succus , &c. ,, Nec Poetæ Latini de eo tacuerunt. Virgilius, *Ecol.* 4.

Et dura Quercus sudabant roscida mella.

Ovidius, 1. *Metamorph.*

Flavaque de viridi stillabant ilice mella.

Arabes sub melle aërio comprehendunt Tereniabiam , Mannam & Sacchar Alhuzar aut Alasser , quorum varias species tradunt tanta obfcuritate , ut distingui non possint . Avicenna definit , Mannam esse rorem omnem dulcem qui de cœlo fluit super lapides aut arbores , & coit sicut mel & densatur sicut gummi , quemadmodum Tereniabin & Siracon , & mel quod affertur ex Casseranio monte in Rob ; (forte mel pingue & liquidum montis Libani in Syrupi spissioris consistentiam .) ,, Tereniabin , seu Trungbin , inquit alibi , est ros plurimum cadens in Corasseni , in locis quæ sunt ultra fluvium ; & in nostra regione ut plurimum cadunt super Albagi . Sacchar Alasser est Manna cadens super Alhuzar veluri frustra salis .

Serapio Tereniabin esse scribit rorem cadentem de cœlo similem melli granuloso concreto . Vocatur Mel roris , inquit : plurimum cadit super arbores in Orientis regione Corasseni dicta , quibus folia similia spinis viridibus , & flores rubri , & quæ fructum non ferunt .

Et hæc Serapionis Manna fortasse non differt a Manna quæ super Albagi colligitur , ut supra dixit Avicenna . Ceteros Arabes prætermitto , ex quorum scriptis pauca certa colligi possunt de Mannæ natura & differentiis . Illud tantummodo liquet hunc succum , Mannam & Mel aereum dictum , ipsis sicuti Latinis & Græcis innouisse .

Duo hic considerata nunc veniunt : 1. An cœlestis ille ros melleus , qualem quidam ex veteribus sibi finxerunt , revera extiterit ? 2. An Manna nostra e cœlo in arbores & plantas decidua sit , vel in earum sinu producta ?

Quoad primam quæstionem , revera ingenue fatebor me hunc rorem non novisse . Nullus , ut mea fert opinio , succus melleus in floribus , foliis , aut lapidibus deprehenditur e cœlo delapsus . Qui in floribus quamplurimis reconditur , ex plantæ interioribus organis originem ducit . Qui in frondibus vel liquidus vel concretus nonnunquam percipitur , vel per foliorum poros exsudavit , vel etiam ex aliarum arborum frondibus distillavit . Tandem si lapides mellei humoris guttulis conspersi nonnunquam appareant , non e cœlo , sed ex arborum propinquarum foliis distillavit , aut aliquo alio modo ibi delatus fuit . Sic Bodæus a Stapel , in *notis Historiæ Plantar.* Theoph. refert observationem de Manna optima albißima copiosa , Sacchari dulcedine , in Salicibus , lapidibus & terra reperta ; quam quidem culices crassi innumeri ibi tanta copia deponerant , ut rorem esse dixisses , si copiam guttarum cadentium ex loco Salicis ubi congestæ erant , considerasses . Humor ille guttatim depositus in folia & lapides , brevi concrefcebat in purissimam Mannam albedine , dulcedine , consistentia , & efficacia probatam ; & a multis ad usum colligebatur . Reliquum quod in terram aut in fordida loca desidebat , peribat . Verisimile est hoc culices hos succo melleo , vel in ipsis

Geoffroy Tom. I.

I i

Sali-

Salicibus producto, vel ex aliis plantis collecto se se ingurgitasse, ita ut illum qualem acceperant, varia in loca deponere cogentur: & eo quidem magis, quod in his culicibus quædam corporis partes prominentes observabantur cum parvis foraminibus, per quæ guttæ quædam parvæ albiſſimæ, sudoris modo, copiose eliciebantur.

Altera quæſtio Doctorum animos in varias opiniones diſtraxit. Antiqui ſere omnes, tum Græci, tum Arabes, in ea ſunt opinione, Mannam quæ in arboribus quibuſdam colligitur, fieri a vaporibus calore ſolis elatis, non longe a terræ ſuperficie concretis frigore nocturno, non ſecus ac ros aut pruina; vel eſſe vaporem terræ ſuccoſum & optimum, æſtatis calore elevatum, & in aere in dulcem liquorem excoctum, noctis frigore coactum, & roris modo ſupra arborum & fruticum folia decidentem. Contra vero Angelus Paſca & Bartholomæus ab urbe veteri, Monachi Franciſcani, qui anno 1543. in Meſuem commentaria ediderunt, primi ſcripſere, mannâ eſſe revera ſuccum concretum Fraxini, tum vulgariſ, tum ſylveſtris, quæ Ornus appellatur. Hanc ſententiam ſequentibus obſervationibus confirmavit Donatus Antonius ab Altomari Medicus & Philoſophus Neapolitanus, qui claruit circa annum 1558. Eſt igitur, inquit, proprius dictarum arborum ſuccus ſeu humor, qui quotannis ſub Cane pluſibus continuis diebus colligitur. Nam ſuperinjecto linteo vel panno laneo per plures dies, ac noctes ſupra Fraxinos, ita ut ros ad eas pervenire non poſſet, inventa nihilominus in eis, ac collecta fuit Manna eiſdem diebus: id quod fieri haudquaquam potuiſſet, ſi ſponte ex iſſdem arboribus non emanafſet.

2. Fatentur omnes qui Mannam colligunt, poſt collectam in dictis arboribus ex iſſdem locis reliquam reſudare, emanare, atque ſenſim efluere, & deinceps ſolis calore coagulari.

3. Ajunt inſuper in Fraxini Ornique caudicibus juxta cortices ſæpius adnatas veluti veſiculas quaſdam inveniri ſeu tubercula, quæ liquorem quemdam continent album, dulcem, concretum & craſſum, qui in optimam Mannam convertitur.

4. Ad hæc ſi inciſis dictis arboribus in iſſdem inciſuris talem jam reperiunt concretum & coagulatum humorem; quis hæſitare audeat, eum non eſſe earundem arborum ſuccum ad eoſdem ramos & ſurculos deſuſum?

5. Confirmant illud indigenæ, quoniam cicadas aut alia animalia ſe propriis oculis inſpexiſſe fatentur, quæ corticem earum arborum perforando hanc lacrymam exſugunt: quibus deinde fugatis, ex eodem foramine ſeu ſciſſura novam Mannam profluxiſſe affirmant.

6. Cognovi inſuper viros fide dignos, qui fatentur ſe pluries ſecuſſe Ornos pro circulis doliorum parandis; quos cum ſidiſſent, ſolique expoſuiſſent, non parvam in eis hujus Mannæ copiam in materia ipſa lignoſa inveniſſe.

7. Qui carbonibus conſciendis operam dant, igne accenſo, ex Ornis, qui prope fornacem aſſunt, Mannam exſudare ſæpiſſime obſervant.

Obſervat idem Altomarus, Mannam quæ in Fraxino admodum copioſe provenit, in Orni ſoliſ nunquam vel colligi vel reperiri, imo nec in ramis

ramis aut furculis, nisi perquam rarissime, eam vero in caudicibus seu truncis aut crassioribus ramis dumtaxat colligi. Causa autem esse potest, quod eum in saxis, magisque montosis ac siccis locis proveniat. Ornus, siccioris sit naturæ: quapropter tantam in se non continet humiditatem superfluum, neque adeo dilutam ac tenuem, ut ad folia usque, exiguoque ramulos proveniat. Est item scabrosa arbor, ita ut facile, priusquam ad folia usque aut furculos promanet ille succus, intra caudicis crassiorumque ramorum corticem absumatur.

Notat insuper, Mannam quotannis ex iisdem Fraxinis colligi, quæ per triginta aut quadraginta annos eam fundere non desunt; ita ut non desint qui eas arbores emant, tanquam singulis annis hoc vestigial producentes. Suntque eodem in loco & ejusdem etiam speciei arbores nonnullæ, super quas Manna non reperitur.

Cæterum Altomari observationes confirmarunt Goropius in suo *Niloscopio*, Lobelius & Pena, Costæus, Cornelius Consentinus, Paulus Boccone, cæterique, qui majorem oculis fidem quam auctoritati adhibuerunt.

Itaque Manna est Gummi species, quod fluidum primo exsudat ex variis plantarum generibus, & postea in grumulos concrevit sub salis essentialis oleosi concreti forma. Non solum autem in Fraxino & Orno, sed etiam in Larice, Pinu, Abiete, Quercu, Junipero, Acere, Olea, Ficu, & aliis plantis nonnunquam reperitur.

Ratione consistentiæ, formæ, loci ubi colligitur, & arborum ex quibus exsudat, Manna diversa est. Alia enim liquida est & mellæ consistentiæ: alia solida in grana concreta, quæ mastichina: alia in grumos aut massulas, quæ *Manne en marons*: alia in lacrymas aut stillas coacta, vermicularis vel bombycina dicta: alia Orientalis, Persica & Arabica: alia Europæa, Calabra, Brigantiaca: alia Cedrina, Fraxinea, Laricea, Alhagina, &c.

Ratione loci dividitur Manna in Orientalem & Europæam. Orientalis quæ in India, Persia, & Arabia reperitur, duplex est; liquida quæ melli similis est, & concreta. De liquida plurimè mentionem faciunt. Robertus Consentinus & Bellonius eam in Arabia, voce quidem antiqua, Tereniabin nuncupari referunt. Existimant esse *Kaspiron meli*, Hippocratis, seu Mel cedrinum, & rorem montis Libani, de quo Galenus mentionem facit.

Bellonius enim, in suis observationibus, annotat, Monachos sive Calojeros montis Sinai habere Mannam liquidam collectam in suis montibus, quam vocant Tereniabin ad differentiam duræ Mannæ. Eandem quoque apud Indos, necnon etiam apud Italos in Apennino reperiri, melli albo purgato similem Garzias & Cæsalpinus scribunt, quæ tamen facile corrumpitur. Hæc liquida Manna a solida nonnisi consistentia differt, cum solida prius fluida fuerit, nec concrevat, si aeris temperies humida sit. Nunc nobis non affertur. Concretæ Mannæ plures adhuc species Avicenna, Garzias ab horto & Acoſta recensent non accurate distinctas. Attamen tres potissimum illius species distinguuntur; scilicet granulata & mastichina dicta, ex eo quod in granula Mastiches granis similia indurata sit; bombycina, quæ in lacrymas seu grumos longos & teretes concrevit bom-

bycibus similes, in massulas compacta, qualis erat Athenæi Manna, vel Mel aereum veterum quod in glebas afferebatur. Talis est quoque hodie Manna quæ in grumos coacta affertur, vulgo dicta *Manne en marons*.

Europæa multiplex, Italica seu Calabra & Sicula, Gallica seu Brigantia; sed concreta utraque.

Ratione arborum diversarum in quibus colligitur, alia Cedrina de qua Hippocrates, Galenus, & Bellonius mentionem fecerunt: alia Quercina da qua Theophrastus: alia Fraxinea apud nos frequenter usitata: alia Laricea quæ in Brigantii territorio reperitur: alia Alhagina de qua quidam Arabum & Rauvolfius. Ex tot Mannæ speciebus sola Calabra vel Sicula quæ in illis regionibus ex quibusdam Fraxinorum speciebus colligitur, apud nos in usum venit.

Manna Calabra, *Off.* Succus est melleus, modo in granula, modo in lacrymas, stirias aut grumos concretus, friabilis, candicans, dum recens est, & quadantenus pellucidus, per tempus rufescens, & aere humido liquefscens ad mellis consistentiam, sapore grato Sacchari cum aliqua acredine. Probatur Manna candida vel flavescens, levis, in granula vel stirias cavas concreta, sapore dulci nec injucundo, minus sordida. Rejicitur pinguis, mellea, nigricans & sordida. Pinguis & mellea, vulgo *Manne grasse*, perperam a nonnullis antepositur; quandoquidem hæc mellea Manna sæpius depravata est, tum ab humidiori aere, tum etiam ex eo quod cistæ aqua marina, vel pluviali, aut alia madefacta fuerint. Sæpe etiam pinguis hæc Manna nihil aliud est quam Saccharum crassum cum melle, & tantillo Scammonii compactum; unde hæc Manna pinguior & mellea vehementer aliquando purgat. Rejiciuntur quoque massæ quædam candidæ, opacæ tamen, solidæ, graves, non stiriatæ, quæ nihil aliud sunt quam Saccharum & Manna simul cocta ad Electuarii solidi consistentiam: sed facile distinguitur hæc artificialis Manna a legitima, densitate, gravitate, candore opaco, gustu a Mannæ sapore prorsus diverso.

Manna in Calabria & Sicilia sponte vel per incisuras fluit ex duabus Fraxini speciebus, quarum altera dicitur Fraxinus humilior, sive altera Theophrasti, minore & tenuiore folio, *C. B. Pin. 416.* Ornus, *Lugd. 83.* Hæc est varietas potius Fraxini quam species distincta, cujus folia pinnata segmentis dividuntur tenuioribus, strictioribus, acutioribus, perinde tamen serratis, ut vulgaris Fraxini. Rami pluribus & crebrioribus tuberculis foliorum pediculis sedem daturis inæquales.

Alterâ dicitur Fraxinus rotundior folio, *C. B. Pin. 416.* Ornus, *Quorumdam*. Fraxini quoque varietas est, cui conjugatim disposita folia Pistaciorum folia referunt, subrotunda, minora quam Fraxini vulgaris, in ambitu serrata, in quibus medietas interior ad nervi inum brevior quam exterior sæpe conspicitur; id quod in Terebintho & Pistaciis sæpe usu venit.

Ex illarum arborum ramis & foliis in Calabria & in Sicilia æstivis mensibus, nisi pluvie impedimento fuerint, Manna exsudat, & in granula aut grumos folis calore concrevit. Alia autem sponte fluit, quæ spontanea; alia coacta seu per incisuras elicitâ, quæ Calabris *Forzata* vel *Forzatella* dicitur, eo quod ex vulneribus arborum cortici inflictis tan-

tum

tum effluat. Quæ ex foliis Fraxini sponte fluit, *Manna di fronde*, hoc est Manna ex frondibus nuncupatur; alia vero *Manna di corpo*, seu Manna corporis & trunci.

Manna in Calabria cælo sicco a vigesima die mensis Junii ad finem Julii, ex trunco & majoribus arborum ramis a meridie usque ad vespæram sponte fluit liquoris limpidi adinstar, & sensim in varios grumos concrevit, indurefcit, & albescit. Illos postridie mane colligunt, cultris ligneis abradendo, modo nox serena fuerit; pluvia enim aut nebula superveniente, Manna colliquescit & prorsus deperditur. Collectos grumos in vasculis terreis non vitreatis condunt, deinde super mensas in chartis nitidis soli exponunt, donec manibus non adhæreant: & est Manna corporis electa.

Julio desinente, cum hanc lacrymam Fraxini stillare cessant, rustici tum Fraxinorum, tum Ornorum cortices incidunt ad corpus usque lignosum; tuncque a meridie ad vespæram fluit idem liquor, & in crassiores grumos cogitur. Sæpius tanta est hujus succi copia, ut ad arboris imum usque diffuset, ibique in massas grandiores ceræ vel resinæ instar concrevit, quæ ibi per unum aut alterum diem inspissandæ relinquuntur. Postea vero in frustula dividuntur, & soli exponuntur ad exsiccationem: & hæc est Manna coacta, *Forzata & Forzatella*. Ejus color non adeo candidus, rufescit magis, imo sæpe nigrescit ob terram & sordes admixtas.

Tertia Mannæ species quæ supra Fraxini folia colligitur & dicitur *Manna di frondra*, mensibus Julio & Augusto circa meridiem ad instar guttularum humoris pellucidi sponte exsudat, majorum circa foliorum fibras nervosas, minorum circa venulas. Aeris æstu exsiccantur, & in granula concrevunt albicantia Milii vel Tritici granorum instar crassa; ita ut sæpissime circa mensem Augustum Fraxini folia majora albida & quasi nive cooperta appareant. Licet olim frequentissimus fuerit illius Mannæ ex frondibus usus, nunc tamen propter collectionis difficultatem rarissime in officinis Italicis reperitur.

Calabri Mannam distinguunt coactam manantem ex vulneribus arborum, quæ jam spontaneam exhibuerunt, ab illa Manna coacta, quæ fluit ex vulneribus arborum sylvestrium seu Ornorum quæ nullam spontaneam mannâ fundunt. Hæc illa præstantior censeitur, sicuti Manna spontanea ex trunco diffuens cæteris præcellit. Nonnulli quoque apud Calabros incisio fraxinorum cortice paleas, festucas aut virgas tenuissimas vulneribus inferunt. Succus secundum illa corpora dimanans inspissatur, & in stirias concrevit prægrandes, quas, cum satis crassæ sunt, eximunt, & extracta palea soli exponunt, & exsiccant in elegantes lacrymas longiores; cavas, leves, intus striatas, albicantes & nonnumquam leviter subrubentes. Eas rite exsiccatas in cistis ligneis pretiosissime includunt, & plurimi faciunt; nec immerito, cum nullis sordibus inquinata fuerit. Mannæ lacrymæ apud nos dicuntur vulgo *Manne en larmes*. In officinis nostris post eas Mannæ lacrymas Manna Calabria, & ea quæ in Apulia circa Garganum montem, hodie sancti Angeli dictum colligitur, pluris æstimatur, licet non admodum sicca sit, & aliquantulum flavescens: deinde Siccula, quæ alba & sicca magis: tandem ea quæ in agro Romano, *La Tolsa*

dicto, prope Centumcellas colligitur, quæ sicca, opaca magis, & gravior, minoris est pretii.

Analyſi Chymica, Mannæ electæ ℥ij. in B. V. diſtillatæ præbuerunt phlegmatis limpidi, odoris & ſaporis expertis ℥ij. ℥vj. gr. xlvij. quod tamen Heliotropii tincturam ſubrubram effecit. Deinde maſſa reſidua: exſiccata, & in pulverem redacta, & per retortam diſtillata exhibuit liquoris limpidi & manifeſte acidi ℥j. ℥j. liquoris ruſcentis, empyreumatici, tum acidi, tum aliquantiſper urinoſi ℥ik. ℥v. olei tenuiſſimi, ruſcentis ℥ij. olei craſſioriſi reſinoſi & in grumos concreti ℥ij. ℥iiij. Maſſa nigra in retorta reſidua pendeſcit ℥vj. ℥v. gr. xij. dura, compacta & ſaporis expertis, quæ per horas octo igne reverberii calcinata, donec nullum amplius ſumum emitteret, reliquit cinerum fulcorum ℥vj. gr. vj. ex quibus ſalis alcali fixi ℥ij. lixivio extractæ fuerunt. Partium deperditio in hac diſtillatione fuit ℥vij. ℥ij. gr. xij. in calcinatione ℥v. ℥vij. gr. vj. Itaque Manna conſtat ſale eſſentiali ſeu Tartaro copioſo, & exigua portione ſalis Ammoniaci multo ſulphure, tum tenui, tum craſſo involutis.

Mannæ viſ ſolutiva Galeno non innotuit, licet Dioſcoridi non ignota videatur; quippe qui Elaïomeli bilem & crudos humores detrudere pronunſiat. Aduarius inter Græcos primus de Manna ſolutiva mentionem facit, cum ait: „Perquam moderate purgat Caſſia nigra & Manna. Caſſia ſia quidem tribus aut quatuor drachmis ſupra viam moveret alvum: „Manna vero etiam maiore modo quam Caſſia ſumenda eſt, & flavam bilem ſimplici ratione pellit. „Arabes virtutem clementer purgandi ipſi tribuerunt, & guttur thoracemque leniendi, ac ventriculum detergendi. Apud recentiores Medicos frequentiſſimus eſt illius uſus ad alvum blande ſolvendam, ſeroſos humores ſubducendos & ſpiſſam ac viſcidam primarum viarum ſaburram eliminandam. Mitiffimam habetur medicamentum catharticum, quod tuto ſenibus, pueris, ſceminis etiam prægnantibus & delicatis exhiberi poteſt.

Convenit præcipue, inquit Roſſincius, frigidis morbis, complexionibus & regionibus temperatis, humorum acrimoniam demulcet, lentorem diſſolvit. Unde in catharris & tuſſi a pituita tenui & acri initio feliciter exhibetur: illam enim pituitam per inteſtina ſtatim præcipitat. In morbis peſtoris, præſertim ubi pulmones pituita tenaci ac viſcida infarciuntur, ut in aſthmate humoralis, admodum proſeque eſt. In biliſis affectionibus cæteriſque in quibus adeſt inflammatio, ut in pleuritide, peripneumonia, & abdominis tenſione a bile ſpiſſa & æſtuante, valde prodeſt, humorem ſolvendo & per alvum ſubducendo; quidquid in contrarium dicant nonnulli.

Calidis temperaturis nocet, inquit Roſſincius, & morbis calidis, niſi acida illi admisceantur, ut Tamarindi: alias vertitur in bilem, calidæ ſicæque cacochymie fomitem ſubminiſtrat. Picrocholis periculoſam eſſe Rondeletius, & Duretus exiſtimant. Revera illis non exhibenda eſt ſolutiva illa Medicina, niſi adſit purgandi neceſſitas: ſi vero purgationes opus ſit, tunc nullam aliud catharticum tutius, & mitius exhiberi poteſt debite temperaturæ acidis, Tamarindis: nempe, cremore Tartari, ſucto Limonum, vel Nitro purificato, Sale polychreſto, vel etiam pulvere Caſſiæ.

Tardè eam operari scribit Meluzus, unde eam cum aliis purgantibus admittendam esse monuit; quod Medici recentiores observaverunt, qui eam cum Cassia, Senna, Rhabbarbo, &c. præscribunt. Iis quoque stipatur incommodis, quod facile fermentescat, seu, ut loquitur Hofmannus, habeat flatuosum quid: quare consilium decoctam illam exhibendam esse. Interim levis sit oportet decoctio, monente Rolsancio; ne tota evanida reddatur, aerea levi expirante substantia. Obijciunt tandem quod humores colliquet, ferofosque tantum vacuet, quod siccitatem afferat, & sitim; quibus de causis non ita pridem spectatissimis practicis suspecta fuit.

Verum si quis scrupulosius cathartica singula expenderit, nullum occurreret quod suis non obnoxium esset incommodis, utpote cum omnia, teste Galeno, naturæ quandatenus adversari videantur; quod potissimum de hydragogis intelligendum est, quæ non solum intestinorum membranas vellicando actionem suam exerunt, sed etiam massam sanguineam & lympham in primis fermentando & dissolvendo.

At vero quandoquidem purgantibus, imo & aliquando hydragogis opus est, Manna præferenda est; cum inter purgantia efficax sit, & inter hydragoga ejus sit qualitas, ut minus noceat. Si quid habet acrimoniæ, demulceri potest Tamarindorum aut Cassiæ consortio quibuscum paulisper bulliendo temperatur. Si vero stimulo egeat, Senna aut Rhabbarbarum ei admisceantur: potentius adhuc acuitur, & efficacius Tartari stibiati granis aliquot in plures doses distributis, uno pro singula dosi. Sic absque ulla molestia, nausea, vomitione, aut torminibus copiosa feri biliosi evacuatio promovebitur. Itaque Manna commodum satis, & benignum erit medicamentum, modo, sicuti cætera purgantia, occasione opportuna legitimaque methodo exhibeatur.

24. Mannæ Calabræ ℥ij. Cryſtall. Mineral. ℥j. Dissolve in jusculo alterante. Sumat æger ad alvum blande emolliendam.

24. Mann. electæ ℥ij. Tamarindor. ℥j. Bulliant in feri lactis ℥xij. Fiat colatura in duas doses dividenda, unius horæ intervallo propinandas.

24j. Mann. Calabræ ℥ij. Rhei el. & salis vegetab. ana ℥j. Bulliant leviter in decocti radicis Graminis & Cichorii sylvestris ℥vj. Colaturæ adde succum acidum expressum ex Malo Aureo Citreo.

24. Medull. Cass. cum nucl. ℥j. Mann. Calabræ ℥ij. Salis polychrestii ℥j. Bull. in aq. Cichor. ℥vij. Fiat colatura, in qua dissolve Syr. de Pomp. comp. vel florum Persicor. ℥j. Fiat potio mane jejuno ventriculo exhibenda duabus horis ante jusculum.

24. Medull. Cass. recens extract. e siliquis cum nucleis ℥ij. Mann. Calabr. ℥ij. Bulliant in decocti Hord. ℥xij. Fiat colatura, in qua dissolve Tartari stibiat. gr. vj. Dividatur liquor in duos haustus quarta quaque hora exhibendos, interjecto jusculo.

24. Mann. Calabr. ℥ij. Tartar. stib. gr. v. Dissolve in aq. puræ ℥ij. Fiat colatura per cyathos propinanda.

24. Mann. Calabr. ℥ij. vel ℥vj. Lactis vaccini ℥ij. Coquantur, & exhibeatur colatura infantibus.

24. Mann. Cal. ℥ij. Salis comm. ℥ij. Dissolve in aq. comm. bullientis ℥ij.

In dissolutione contunde Amygdalas amaras n. vj. & adde lactis vaccini ℥iij. Fiat colatura cum expressione. Calida sumatur.

℥. Foliorum Oriental. ℥iij. Cinnamomi & Coriandr. ana ℥ss. Glycyrrhiz. rasæ, & contus. ℥ij. Sal. vegetab. ℥i. Macerentur in aq. limp. ℥viij. per sex horas. In colatura dilue Mann. Cal. ℥iij. Clarifica cum ovi albumine & Aceti fortis ℥ss. Fiat potio.

℥. Mann. Cal. ℥ij. Folior. Or. ℥ij. Rhei el. minutim concisi, & Salis polych. ana ℥i. Macerentur per duas horas in iusculi vitulini ℥ss. cum folior. Oxytriphyll Acetosæ, Chærefol. Pimpinell. Lactuc. Portulac. & Cichor. sylv. ana m. j. Fiat colatura, in qua contunde corticem exteriorem flavum plurimum Citreorum tenuiter sectum. Coletur denuo, & calens exhibetur.

℥. Mann. Calabr. & Confection. universalis ana ℥j. Bull. in aq. Plantag. ℥vj. Fiat colatura propinanda in diarrhæis & dysenteria.

℥. Mellis aerei ℥ss. Electuar. Cathol. cum Rh. duplicato ℥j. Bulliant paulisper in decocti Gram. ℥vj. Fiat colatura, cui adde olei Amygdalar. dulcium ℥j. Propinetur in colicis doloribus & viscerum inflammatione, ubi purgatione opus est.

In Opiatis purgantibus & alterantibus loco Conservæ Manna adhiberi potest.

℥. Mann. elect. ℥ij. Pulver. Jalap. gr. xij. Pulver. Cornachin. ℥j. Aquil. alb. gr. x. Syr. de Rhamno cathartico q. s. Fiat bolus hydragogus.

℥. Mann. elect. & Croci Martis eum rore Majali pp. ana ℥ss. Myrrh. Croci Or. & Aquil. alb. ana ℥ij. Aloës lotæ, Cremor Tartar. & Gummi Ammoniac. ana ℥iij. Diagryd. ℥ss. Misce cum Syr. de Cichor. Comp. c. Rh. q. s. Fiat s. a. Massa pilular. mententericar. ad usum, quarum dosis ℥ss. quotidie, vel ℥i. tertio vel quarto quoque die.

Usurpatur Manna in Electuar. Diacarthami, hydragogo eximio *Renaldi*, Confectione Hamech correcta *Charas*.

Præter Calabram Mannam occurrit etiam Manna Gallica seu Brigantia, *Manne de Briançon*, quod prope Brigantium in Delphinatu ex Laricibus fluat: unde Manna Laricea quoque dicitur. Candida est, & in exiguis grumos coacta, modo sphaericos Coriandri crassitie, modo oblongos majoresque, sapore dulci saccharino, grato & tantisper resinoso. Hic Parisiis raro in usum venit, eo quod Italica longe inferior sit: multo minus enim purgat.

Laricea illa Manna est succus nutritius arboris, quæ Larix folio deciduo conifera, *J. B. vulgo Meleze*, cujus descriptionem exposuimus, cum de Terebenthinis egimus. A vigesimo Junii die ad finem Augusti. ex foliis per diversa temporis intervalla exsudat; annis tantummodo, quibus cæli temperies calida & sicca est: pluviosa enim tempestate Manna nulla apparet; difficillime a Laricis foliis, quibus tenaciter adhæret, divellitur. Rustici porro ad Larices mane appulsi falces arborum securibus in terram decutunt, multos ramorum acervos sub arboribus in umbra aservantes. Sic succus ille mollior adhuc quam ut colligi possit, intra viginti quatuor horarum spatium inspissatur & indurefcit: tum colligitur; soli exponitur, ut omnino siccescat, & a foliolis permixtis, quantum fieri potest, separatur.

Hanc

Hanc Mannam roris speciem esse quidam asserunt. Verum Lobelius & Pena tradunt Laricis ramos in vinariam cellam æstivo tempore asportatos, Mannam postero die demonstrasse: quo experimento evidens est Mannam illam esse Laricis succum, non vero cælestem rorem.

Alia autem Mannæ specie in Oriente utuntur, quæ fluit ex tenui frutice qui Alhagi Maurorum, *Rawolfii Hist. Lugd.* 94. Genista-spartium spinosum, foliis Polygoni, *C. B. Pin.* 394. Frutex est cubitalis & altior, cujus ex radice mediocriter longa, fusca, assurgunt furculi recti, tenues, duas lineas circiter crassi, molles, virides, incani, a quibus alterno ordine hinc inde sparsi nascuntur ramusculi innumeri, propemodum ac teretes, densissimo spinarum uncialium acutissimarum, gracilium, flexiliumque stipatu referti. Folia ovata, quatuor lineas longa, sesquilineam lata, colore glauco, singula ad singularum spinarum exortum adherent. Flores ex media spina viridi singuli exeunt parvuli, papilionacei, dilute purpurascentes, cum vexillo retrorsum inflexo. Floris pistillum ab initio in siliquam pollicem circiter longam, teretem, sesquilineam crassam, recurvam, ex multis partibus tumens, quasi articulatione conjunctis compositam, & in totidem loculamenta divisam, Ornithopodii silique similem, coloris punicei, leviter incanans, & in duas partes dehiscens. In singulis ejus loculamentis reconditur semen rubrum, ovatum, vel reniforme, lineam circiter longum. Tota plana sapore adstringente donatur. Abunde nascitur in Ægypto, Armenia, Georgia, Persia, circa montem Ararat & Ecbatanas, & in quibuldā insulis maris Ægæi. Sæpe Cuscuta circumvolute reperitur. Lacrymam rubram adstringentem, narrante Aug. Lippi, nonnumquam fundit in Ægypto Sanguis Draconis similem.

In ejus frondibus, caulibus & ramis præcipue apud Persas, inquit Rauwolfius & Tournefortius, colligitur Manna, quam illi populi *Trunschibin*; Arabes vero *Tereniabin* & *Trungibin* vocant. Hæc mensibus æstivis calidioribus in guttas erumpit, quæ deinde in grana seminibus Coriandri patia rufescentia indurantur. Ex his massa componitur a collectoribus, una plerumque cum foliis, spinulis, & aliis sordibus. Non minoris efficacis foret quam Manna Calabra, si sordibus & foliis purgaretur. Exhibetur ad indigenis ad 24. drachmas seu ad ℥iij. quia sæpissime plus foliorum habet quam succi concreti.

Clarissimus Tournefortius non dubitat quin sit illa Tereniabin *Serapionis* & *Avicennæ*, qui scripserunt ejusmodi Mannam roris instar e cælo cadere in frutices quoddam spinosos.

DE GUMMI-RESINIS.

ARTICULUS PRIMUS.

De Ammoniaco.

Ammoniacum nomen duplici substantiæ concessum fuit, scilicet salivæ cuidam tum nativæ, tum arte factæ, & concreto cujusdam plantæ succo. De sale inter mineralia mentionem fecimus; nunc de succo nobis agendum est.

Ammoniacum & Gummi Armoniacum, Off. *Amuqiaxon*, *Dioscoridis* : *Amuqiaxon* *Suavia*, *Galen* : Gutta Hammoniaca, *Latinorum* : *Raxach* & *Assach*, *Arabum* : vulgo *Gomme Ammoniaque*. Succus est concretus inter gummi & resinam medius, dum manibus tractatur lentore mollescens, modo in majores glebas coactus, & ex grumis congestus, unguibus lactei coloris nitentibus aut rufis disseminatis per substantiam coloris obsoleti & fere fusci, ut Benzoini mixtionem amygdaloidæ non inopie possit comparari, modo in lacrymas seu grumulos densos solidosque concretus, Thuri non dissimiles, foris flavescences vel fuscos, intus candidos aut flavescences, nitidos & splendentes; sapore primum dulci, postea amariante; odore fragranti, ad Galbanum accedente, sed virosiore. Sub dentibus facile diducitur sibi coherens, magisque albescit: carbonibus arcentis injectum in flammam exardet, & aceto vel aqua calida solvitur. Ex Alexandria Egypti afferitur.

Lacrymæ pro usu integro glebis anteponiuntur. Eliguntur majores, puræ, aridæ, quæ nullis arenis, terra, aut aliis rebus extraneis sordescunt. Glebæ vero probantur sinceræ, quæ multa grana pura permixta habent. Si sordibus coquinatæ fuerint, ab illis purgantur, solvendo in aceto, percolando, & inspissando; sed hæc præparatio multum de partibus ejus tenuibus & volatilibus aufert.

Dioscorides *Ἰνδία* dicit illud Ammoniacum, quod nunc est & in lacrymas concretum; & *ῥαχά* quod impurum est, terræ arenularumve particeps. Narrat liquorem esse Ferulacæ cujusdam arboris, quæ nascitur in ea Lybiæ parte quæ est juxta Hammonis templum. Ule frater, inquit, *ἡρακλῆς*, dicitur illum vero Plinius *Metopion* nominat.

Revera Ammoniacum lactis instar vel sponte vel per vulnera fuit ex quadam nondum descripta planta umbellifera, ut manifestum est ex seminibus, quæ in glebis hujus gummi sæpe reperiuntur, foliaceis nempe & anethinis similibus sed majoribus. Planta vero nascitur in ea Africæ parte quæ Egypto ad occasum adjacet, quæque hodie dicitur Regnum de Barca, in quo fuit olim templum celeberrimum Jovi Ammoni dicatum, unde gummi nomen.

Analyti Chymica, ex gummi Ammoniaci selecti ℞ij. distillaverunt phlegmatis limpidi, rufescentis, odorati & subacidi ℥vj. ℥j. gr. xxxiiij. phlegmatis urinosi ℥j. ℥vj. olei limpidi, flavescents, odorati ℥ij. ℥v. gr. xlvij. olei rufescentis & fusci, spissioris ℥vij. ℥ij. Massa nigra in retorta resti-

residua pendebat ℥viij. ℥vij. quæ per horas xx. in crucibulo calcinata reliquit cinerum fulcorum ℥j. gr. xij. ex quibus per lixivium extracta sunt salis alcali fixi gr. lx. In hac distillatione partium iactura fuit ℥v. ℥ij. in calcinatione vero ℥viij. ℥vj. gr. lx.

Per hanc analysim liquet, Ammoniacum multo sulphure, cum crasso, tum tenui, componi cum sale Tartareo & Ammoniaco, pauca vero terra.

Ammoniacum partes duras emollit, humores crassos incidit, lentos ac tenaces resolvit, collectos discutit. Asthmaticis prodest, cruda pulmonum tubercula dissipat, hepatis, mesenterii, lienis & uteri scirrhus resolvit, menses suppressos promovet, obstructions aperit, articulorum tophos discutit, & alvum nonnumquam blande subducit. Ejus substantia intus exhibetur a ℥ss. ad ℥j. Sub forma emulsionis, electuarii, boli vel pilularum extrinsecus in scirrhis, tophis, scrophulis & tumoribus durioribus aut contumacibus resolvendis adhibetur.

24. Gumm. Ammon. elect. ℥ss. Dissolve in mortar. cum aq. Hyssopi, ℥iiij. vini albi ℥ij. Colatura sit pro duabus dosibus in asthmate.

25. Gumm. Ammon. & Flor. Benzoin. ana ℥ss. Balsam. Sulphur. anis. q. s. M. F. bolus ad pulmonum infarctus dissolvendus.

26. Gumm. Ammon. purissim. ℥ss. Flor. Benzoin. ℥j. Pulver. Milleped. ℥ij. Extract. Croci, Balsam. Peruv. ana ℥ss. Balsam. Sulphur. Terebenth. q. s. M. Fiant Pilulæ a Rich. Morton. in phthisi scrophulosa incipiente plurimum commendatæ. Dosis gr. xij. ter die.

27. Gumm. Ammon. Aloes lotæ ana ℥j. Myrrhæ folior. Senn. pulver. Croci ana ℥ss. Syr. de Absynth. q. s. M. Fiant Pilulæ in uteri & vicerum obstruct. Dosis ℥j. quotidie mane jejuno ventriculo.

28. Gumm. Ammon. pulv. Milleped. ana gr. xx. Æthiop. Mineral. ℥ss. Conserv. flor. Calendulæ q. s. M. F. bolus singulis diebus exhibendus ad scrophulas, purgando quarto quoque die cum bolo sequenti.

29. Gumm. Ammon. Aquil. albæ ana gr. xvi. Trochiscor. Alhandal gr. x. Syrup. flor. Persicor. q. s. Fiat bolus.

30. Gumm. Ammon. Aloes, Croci Martis aper. ana ℥j. Cinnamon. Nuc. Mosch. ana ℥ss. Tartar. Vitriol. ℥ij. Conserv. florum Calendul. ℥ij. Syr. de Absynth. q. s. M. F. Electuarium. Dosis ℥j. bis die in mensium suppressione, & in hepatis, uterique obstructionibus.

31. Gumm. Ammoniaco & cremori Tartari ana ℥j. Sennæ pulver. ℥vj. Diaphoretic. Mineral. ℥ij. Agaric. Trochiscor. ℥ij. Trochiscor. Alhandal ℥j. Diacryd. ℥j. Electuar. Catholic. vel Benedict. laxativ. ℥ij. Syr. flor. Persicor. q. s. Fiat Electuar. cujus dosis erit ad ℥ij. alternis diebus exhibenda in mesenterii obstructionibus inveteratis.

32. Gumm. Ammon. & Emplastri de Cicuta ana. Misceantur, & fiat Emplastrum extrinsecus scirrhus hepatis, lienis aut mesenterii admo- vendum.

33. Gumm. Ammon. q. lib. Olei Caryophyllor. aromaticor. & olei Amygdalar. dulcium ana q. s. Fiat limentum ad tumores scrophulosos & articulos tophos resolvendos.

Oleum flavum vel rufescens per reortam ex Gummi Ammoniaco extrahitur, in asthma & difficili respiratione commendatum. Oleum vero nigrum ultimo prodit, ad tumores scurpulosos resolvendos utile.

Ammoniaccum usurpatur in Pillulis de Ammoniaco *Quercetani*, Pilulis foetidis, Tartarei *Bontii*, Pilulis de Sagapeno *Camilli*, Melentericis *Charas*, Electuar. aperiente cathartico, & Electuar. antihydopico *Ejusdem*, in Emplastro Diachilo cum Gummi, de Cicuta, de Meliloto, Divino, Oxyroceo, Magnetico *Angeli Sala*, & Opodeltoch *Paracelsi*, cujus hæc est descriptio.

4. Olei commun. Bjs. Tithagyrri præparati ʒix. Lapid. calaminar. præparati ʒij. Coquantur ad Emplastri duritiem. Tunc adde ceræ flavæ ʒj. Olei Laurin. ʒiiij. Gummi Galbani, Opopanacis ana ʒiiij. Myrrhæ, Thuris, Mastiches ana ʒij. Ammoniacy, Bdellii, ana ʒj. Radic. Aristolochiæ rotundæ ʒij. Croci Martis adstringentis, Mumia, Magnetis præparati, Magister. Corallior. albor. rubior. Terebenthin. Venetæ ana ʒss. Olei Succini crassioris, Camphoræ ana ʒj. Croci Oriental. ʒss. Fiat Emplastrum s. a.

ARTICULUS SECUNDUS.

De Asa fetida.

Assa nomen duobus succis concretis tribuitur in officinis, quorum unus Asa dulcis dicitur, & est Benzoinum de quo inter resinas jam actum est: alter Asa foetida ob vehementem graveolentiam dicitur. De hoc nunc agimus.

Asa Foetida, Off. *Σκῆτσον*, *Dioscoridis* & *Theophrast.* *Οσος*, *Hippocratis*; *οσος* *Mudinos*, *παραδινος*, *κρυπταίνος*, *Nonnullorum*: *Laser* & *Laserpitium*, *Plinii* & *Latinorum*: *Althit*, *Avicennæ* & *Συοδῆζαρον*, *Quorundam recentior.* *Græcorum*: *Hingh*, *Persarum* & *Indorum*: *Stercus Diaboli*. *Nonnullorum*. Est Gummi-resinæ species compacta, ceræ instar lenta & lequax, ex variis splendentibus grumis, partim albicantibus aut flavescens, partim rufescentibus, incarnatis aut violaceis, in glebas grandiores coacta; odore viroso, ad Allium accedente, sed vehementiore; sapore amaro, acri, mordace. Hujus duæ species prostant in officinis: una impura, turbida ac fordescentis; altera pura, subrubens, translucens, quæ multas elegantes, albas lacrymas habet. Ex Persia & India orientali ad nos transportatur. Probatum recens, fragrans & foetida, non nimis pinguis lacrymæ seu grumis puris & translucidis referta. Verus, unctuosus, nigra, opaca, arena, corticibus, similibusque coinquinata rejicienda est.

Celebris fuit ille succus apud veteres non solum ad medicamenta, sed etiam ad intinctus & embammata. Ejus duæ species distinguebantur, ratione loci ubi nascebatur: alius Cyrenæicus, qui in Cyrenæica Africa Provincia colligebatur præstantior: alius Mediæ & Persicus, qui ex Mediâ & Perside afferebatur, vulgatio, & minoris pretii. Cyrenæicus odorem Myrrhæ vehementem spirabat, teste Dioscoride: Persici odor magis virosus, ad Allii vel Porri odo-

rem

rem accedens, unde Scordolafarum dictus fuit. Non multum a Sagapeni odore discrepabat; quandoquidem Dioscorides Sagapeni odorem medium esse inter Silphii, & Galbani odorem, & Silphium Sagapeno adulterari narrat Cyrenaicus itaque a Persico differebat, quod odorem minus viriosum haberet, halitum oris, sicut vulgaris, non adeo inficeret, nec diu odorem in ore superstitem relinqueret.

Succus Cyrenaicus jam Plinii tempore non amplius reperiebatur. Unus tantum caulis Laserpitii tunc temporis in Cyrenaica Provincia repertus Neroni Principi missus fuit. Nec jamdiu Romam aliud invehabatur Laser, quam quod in Perside, Media aut Armenia large nascebatur, sicut hodie adhuc ibi nascitur.

Magna fuit inter scriptores controversia de Asa foetida, Off. utrum illa esset Silphium, Laser, & Succus Cyrenaicus veterum, necne? Hæ autem fuerunt eorum dubitandi rationes.

1. Quod Laser apud veteres tanta esset in exultimatione, ut Cyrenæi Batto fundatori suo, obsequii & gratitudinis causa, Silphii plantam obtulerint; & numisma eum fuisse, in quo ex una parte Battii effigies expressa erat, ab altera Cyrenæi regnum, & Silphium Batto offerentes apparebant. Unde proverbia: Battii Silphium, & Silphio dignus. Idemque Cyrenæi Delphis Apollini quorannis Silphii caulem ex agri sui opibus offerebant.

2. Quod inter condimenta palato magis grata, & inter medicamenta præstantiora, tum Cyrenaicum, tum Persicum, & Medicum Laser recensere. Quod Plinius testatur, *Lib. 19. cap. 15. § 70. T. 3.* Ab his (tuberibus nempe & fungis) proximum dicitur auctoritate clarissimum Laserpitium, quod Græci Silphion vocant, in Cyrenaica Provincia repertum; cujus succum vocant Laser, magnificum in usu medicamentis; que, ad pondus argenti denarii pensum. Multis jam annis in ea terra non invenitur, &c. Dique jam non aliud ad nos invehitur Laser, quam quod in Perside aut Media, & Armenia nascitur large, sed multo infra Cyrenaicum, &c.

3. Quod præstantissimum Silphium, Cyrenaicum nempe, odore blando, & gustu grato donatum fuisse a pluribus diceretur; in quo longe videretur discrepare ab Asa foetida nostra, utpote graveolente, foetidissima, & omnibus nunc præsertim Europæis adeo execranda, ut Stercus Diaboli nominetur.

Verum si tanti fuerit pretii Silphium apud Cyrenæos, Græcos & Latinos; non minor est apud Persas, & Asiaticos: populos ferme omnes Asæ foetidæ æstimatione: ea enim cibus Deorum, ab ipsi nuncupatur. Nec ad illam obtinendam durum illius messis labore recusant, super aspera montium juga, sub deurentis solis ardoribus per plures dies pererrantes.

Nec Asa foetida Silphium palato magis gratum fuit, cum odorem adeo virosum & vehementem exhalaret, ut *Κακοσμία θυμάρια* a nonnullis dictum fuerit. Econtra Indi, quibus Asæ foetidæ usus familiaris est, suaveolentem eam judicant, & pro re lautissimi saporis habent.

Præterea non exigenda hæc res est ad gustum nostrum. Multa enim, qua odore, qua sapore placuisse antiquo ævo liquet, quæ hodie ingrata sunt ac

scæ.

ferent. Mali Citri odorem plerosque veterum execratos esse scimus. Hæc gustuum morosa diversitas hodie quoque regnat. Multi ab Alio in tantum abhorrent, ut halitum eorum pati nequeant, qui id esitaverint, tantum abest, ut ipsi gustare sustineant. Aliis tamen adeo lapidum condimentum est, ut in carnes quibus vescuntur, illud passim infarciant: adeo verissimum est super saporibus non movendam esse disputationem. Eandem in odoribus levitatem nostra vidit ætas. Tam grata ante quinquaginta annos ex Moscho aromata ita obsoleverunt, ut posteris forsitan illius indoles obscura futura sit, quibus scilicet ejusdem graveolentiam seu noxium odorem cum pristina suavitate componere difficillimum videbitur.

Nec aliter judicandum est de illo Silphio præstantissimo Cyrenaico, cui nonnulli comparative sane odorem blandum, & saporem gratum assignaverunt. Dioscorides succum Cyrenaicum Persico minus virosum esse dicit; sed odorem virosum non omnino illi denegat. A Persico in eo tantum differre pronuntiat, quod animum non adeo inficeret, nec diu odorem in ore supersitem relinqueret, & quod lenissimum halitum daret.

Cum igitur de Persia ut loco natali Laferis, & Assæ fœtidæ hodie fere omnes conveniant; cum usus hodie idem sit apud Indos Assæ hujus, qui apud veteres Laferis fuit, existimatio eadem; cum Assa in Perside hac ætate eodem prorsus modo præparetur, quo olim Silphii Succus; ac denique cum Cyrenaici Silphii succus a Persico non differat nisi fœtoris remissione: ideo concludendum est, Silphium, Lafer, & succum Cyrenaicum veterum, atque fœtidam Assam officinarum, non esse succos diversi generis, & inter eos perparum interesse discriminis.

Planta, quæ Græcis Silpium dicebatur, Latinis vero Laferpitium, secundum Theophrastum, & Dioscoridem, radice erat multa crassaque; caule, qui Maipetum vocabatur, simili Ferulæ; folio Apio simili; semine lato, & foliaceo: unde a quibusdam *ουλλιον*, folium dicebatur; succus vero ex caule & radice profluens a quibusdam Græcorum *Οζον* per excellentiam, & *Οζον Σαρον*, a Latinis Lafer nominabatur.

Omnes hujus plantæ partes in usum medicum, & culinarium veniebant. Non tantum autem succum distinguebant ratione regionum ex quibus advehebatur, sed etiam ratione partis ex qua prodibat; sic alter ex caule *καυριον*, alter ex radice *ριζιον* dicebatur: vilior hic est. Sunt, inquit Theophrastus, veluti certæ mensuræ cædendæ radices, quibus quantum conferre putant ad futuram cæsuram reservantes, reliquum abscindunt; quæ quidem cædendæ radiis mensuræ adhuc observantur in Persia, ut paulo post videbimus.

Verum enimvero quæ ab illis auctoribus de illo succo ejusque planta scripta sunt, tantum abest ut illius historiam dilucidarent, ut e contra illam majori obscuritatis caligine involverint. Garcias ab horto folia Coryli ipsi tribuit. Jacobus Bontius eundem succum ex duplici planta extrahit, scilicet ex planta quadam samentosa, Sali aquaticæ fere similis, & ab alia radicebus crassissimis Raphanos referentibus, & foliis Thymali. Quidam Mandessio unam esse fruticosam plantam, samentosam, foliis parvis Orizæ similibus dicit; alteram

ram vero Rapi folio, colore viridi folia Ficuum referente. Alii Phyllirex speciem esse volunt. Ullusque nihil certi de hac planta pronuntiaverat, donec Engelbertus Kämpferus, dum Persiam, & Indiam peragraret indagandæ hujus herbæ cupidine motus; 40. vel 50. milliarium iter emettiretur laboriosa peregrinatione, ac tandem genuinam, & acuratissimam illius historiam, & descriptionem in *amanitatibus exoticis* promulga-
verit.

Planta, sicut & succus in Persia *Hingiseb*, & per Indiam *Hing* sæpe indiscriminatim nuncupantur. Usitatus tamen est vocabulo *Hingiseb* plantam, *Hing* ipsam lacrymam exprimere. Itaque *Hingiseb Persis*: Umbellifera, Levistico affinis, foliis instar Pæoniæ ramosis, caule pleno maximo, sensine sossaces, nudo, solitario, Brancæ ursinæ vel Pastinacæ simili, radice Assa foetida fundente, *Kämpfer. aman. exot. fasciculo* 3. 33. Radicem habet ad plures annos restibilem, magnam, ponderosam, nudam, extus nigram, in solo limoso lævem, in sabuloso scabram, & quadantenus rugosam, ut plurimum Pastinacæ instar simplicem, sæpe paulo a capite duabus vel pluribus divaricationibus brachiatam, cujus fastigium e tellure prominens fibris setarum instar surrectis, ex fusco rufis, rigidis confertim striatur velut in Peucedano: cortex ei pinguis est succosus, facile, dum radicem solo extrahis, abscedens, concavitate glabra, & humida: substantiam obtinet ponderosam, instar Rapæ solidam candidissimamque, plenam succi pinguis, albissimi, foetidissimi, porraceo odore nares horride ferientis, qui ex ea collectus, Persis *Hing*, Europæi. Assa foetida appellatur. Folia sero Autumnos ex vertice progerminant sex, septem, & pro radiceis magnitudine plura vel pauciora, quæ per brumam luxuriose vigent, adustoque Vere exarescunt. Folium autem est ramosum, planum, longitudinis cubitalis, folii Pæoniæ, ut plurimum figuram, Levistici substantiam, colorem, & lævitatem exhibent: odorem obtinet succi odore remissiore, saporem cum amaritie, & aromatica acedine hircosum. Structura constat ex scapo & ramo: scapus pithamalis, & amplius longitudinis est, humano digito tenuior, quadantenus striatus, nervosus, coloris herbacei, circa basim ex mutuo complexu canaliculatus, cætera teres. Ramus alas refert impariter adversas quinque, rarius septem, palmaris, & amplius longitudinis; oblique surrectas, imas superioribus longiores: atque utrinque in lobos dividuntur incerto numero plures, inæqualis magnitudinis oblongos, & quadantenus ovatos, in aliis plantis perangustos, longiores, ad costam usque, & largiori intervallo distinctos, adeoque pauciores, & solitarios, quasi singula folia referant; in aliis vero latiores, breviores, & ob pauciorum divisionem contitidos: sinibus sive incituris plerumque ovatis vel orbiculatis, pro vario naturæ ludentis genio, qui sæpe in foliis diversarum ejusdem speciei plantarum adeo discrepat, ut ejusdem speciei folia esse vix appareat. Lobi autem oblique surrecti sunt, subtus angusto ductu per costæ latera demissi, coloris ex glauco virentis, læves, exsuccis, rugidi, fragiles, prona facie subconcavi, nervo donati unito tenui, qui a costâ per longitudinem inæqualiter decurrit, raro lateralibus aliis sociatus: magnitudo incerta est, quam reducere ad longitudinem triuncialem, latitudinem plus minus pollicarem liceat.

liceat. Ante radicis interitum, qui ut plurimum sera ætate evenit; una cum foliorum fasciculo emergit caulis simplex, rectus teres, quodammodo striatus, glaber; herbaceus, in orgyæ (*brasse*), sesquiorgyæ vel majorem longitudinem luxuriose exurgens, crassitie in imo quantam manus complexum superat, ex qua paulatim factus tenuior in ramos paucos, hi vero in umbellas, ferulaceorum lege, divelluntur. Foliorum vestitur rudimentis per intervalla palmaria alternatim confitis, quorum bafes latæ, membranofæ, turgidæ, caulem inæqualiter & utcumque decussatim amplexantur; dilapfæque imprefsis signat vestigiis genicula mentientibus. Medulla facitur geniculis haud intercepta, copiosissima, candidissima, fungofa, paucis permixta fibris brevibus, vagis, in longum exporrectis. Umbellæ pedali, aliæ spithamalli vel breviori stylo nixæ in radios explicantur plusculos 10. 15. 20. in orbem difperfos, qui finguli quasi subalternas umbellas reddituri in radiolos paucos alios 5. vel 6. biuncialis longitudinis terminant, axillis brevibus tenuiffimisq; sustentantes femina nuda ac furrecta. Semen est planum, foliaceum, ex fusco rufum, figuræ ovatæ, phondylii vel Paffinacæ hortensis femini non abfimile, hoc tamen paulo majus, & nigris, quadantenus pilofum five afperum, tribus notatum ftriis, una per mediam longitudinem, reliquis per fimbriam arcuato ductus ad apices utrinque productis: odore donatur exiguo, porraceo, fapore gravi, acute amarefcente: medullam feu verum femen in medio foveratram, compreffam, figuræ ex ovato mucronatæ. Flores Kæmpferus non vidit, fed ex aliorum relatione præparvos dicit, & in albidum pallentes: auctor pentapetalos effe non dubitat.

In Perfia hæc planta nafcitur, & omnis Affa fœtida, quæ in Europam affertur, ex fola Perfia venit. Non ubique tamen reperitur, in duobus tantummodo hujus Regni locis crefcit, nempe in campis, montibusque circa Heraat emporium Provinciae Choraſaan, & in Provincia Laar fupra montium jugum quod a flumine Cuur ufque ad urbem Congo fecundum Perfici finus tractum extenditur, duobus, tribus, pluribusque paraſangis (3600. *pas*) a littore. Utrobique tamen fucci ferax quocumque loco planta non eſt, fed circa Heraatum, faltem, quæ campeſtre defertum occupat; in tractu Laarenſi, tantum illa, quæ crefcit in montibus vicinis territorio & tepido Diſguun, quæ his regionibus ultra citraque germinat, vel fucci inops eſt, non redditura colligenti operæ pretium; vel ſi redditura fuerit, non colligitur. Ultra Diſguunum herba dulcere dicitur, & fœtorem pene exuiſſe; adeo ut caprarum greges foliis veſcatur avide, & eorum eſu mire pingueſcant. Solum amat fabuloſum, cum interſperſo limo aridum, & faxoſum. Raro in ſolo humido aut terra pingui reperitur.

Plantæ duplicem nonnulli conſtituunt ſpeciem; unam quæ lacrymam ſillat parcam, macriorem, odoris & virtutis debiliorem, quæ *Hun ſeb* dicitur; alteram quæ ſuccum uberiorem profundit, pinguiorem, fœtidiorem, ideoque præſtantiorem. Verum Kæmpferus illas plantas non differt niſi ratione ſoli natalis aſſerit.

Longævitatē radici miram eſſe narrat, & æmulam vitæ humanæ; ex quo mon-

monstrosam aliquando magnitudinem consequitur. Si loci conditio ferat, nec in Ferulam (quod aliquando accidit) prima ætate efferatur, longitudinem ulnæ & peræ humanæ crassitiem assequi affirmant: cum mediæ ætatis est; suræ vel brachiî; annuam vero pollicis crassitiem exhibere, cui longitudine proportionem semper respondeat. Nulla radix invenitur, quæ ante Ferulæ productionem succum non fundat: si vero suo relinquatur fato, in caulem serius ocius assurgit, & semen gignit; quo producto, exhaustur radicis succus, arescit planta, atque radicitus moritur.

Omnis Asia fœtida nunc ex radice manat sauciata. Nulla autem ex caulibus, vel sponse fluens, vel arte expressa amplius colligitur; ac proinde nulla est amplius in scapariam & radicariam veterum divisio. Radix quadriennio minor parum lactescit, & nunquam secatur: quo autem vetustior & major, eo majorem impertitur lacrymæ copiam. In transversum dissecta summum discum perfundit lacteo suo succo; inspecta attentius duplicem prodit substantiam, aliam firmiorem & fibratam, aliam magis spongiosam, congenerem & molliorem: Exsiccatæ radici evanescit omnis mollior substantia; fibrata remanet, & in stupream quasi medullam contrahitur, dum rugosus cortex de amplitudine sua parum amittit. Succus ex utriculis suis recens emanans, candidissimus, liquidus, & pinguis est, cremori lactis exacte similis; adeoque omnis exors lentoris: ad aeris vero solivæ contactum colorem subfuscum induit, & coalescens lentorem quoque. Fœtor virtutis index quo major est, eo meliorem Asiam testatur: at ille in recenti lacryma vehementissimus est, & cum eo quem concretæ & antiquior redolet, qualem Europa recipit, nullo modo comparandus. Kæmpferus affirmat unam recens effusæ drachmam majorem spargere fœtorem quam centum libras vetustioris, quem siccum aromatarum nostrates venendant.

Theophrastus in sua Plantarum Historia refert certas esse cædendæ radicis mensuras. Et revera certus modus certæque mensuræ in cæssione radicis ad succi extractionem adhuc in Persia observantur. Ea est autem illius collectionis ratio a Kæmpfero relata, quæ absolvitur quatuor actibus seu excursionibus ex vicinis pagis ad Hingiferorum montium juga.

1. Collectores ad montes assuunt medio Aprilis, quo tempore hujus plantæ folia pallefcunt, & à vigore suo in marcescem declinant; & per vastâ montium spatia secedunt, procul sese dissociantes: ita ut qui ex compacto in communem censum colligere proposuerunt, seu singulæ domus, seu familiæ cognatæ, seu vicatim & a pluribus initæ societates, alium occupent montis tractum, quem ad messem inibi instituendam sibi assignant. Solet societas quatuor vel quinque hominum sibi vindicare circiter bis mille stirpes. In hoc tractu plantas unusquisque æmula alacritate adortus, primo terram quæ radicem in circuitu proximè ambit, compactam videlicet, ope ligonis, quo aratur, ad palmi spithamæve profunditatem eruit; ita ut modica longitudine radix nudam se prodât. 2. Scapos foliorum transversa manu apprehensos intorquendo a radice avellit; ab impedimento quoque fibrarum quæ hirsutam mitram referunt, radicis fastigium repurgat, quo remoto rugosam calvariam exhibet. 3. Terram manu vel ligone rarefactam

radici rursus ad verticem usque circumponit. Tum avulsa folia, & si quod aliud herbæ genus adest, in fasciculos aptata his radicibus imponunt, superaddito lapide, ne a vento hic sæpe vehementissimo longe lateque auferantur & dispergantur. Hoc opus est tegumento, quo a radiis solaribus radix nuda tueatur; quia ab iis semel percussa intra diem putrescit. Radicibus sic præparatis (quod intra triduum fere absolvitur), collectores relictis montibus Jares repetunt.

Elapso triginta vel quadraginta dierum intervallo, turba colligentium ad montes affluens socialiter secedit in loca quæque sua, ut ex radicibus priori actu præparatis liquoris tributum exigat. Instrumentis ad hoc necessariis muniri debent, scilicet cultro acutissimo pro radice rescanda, spathula pugillari ferrea lato fronte ad abradendam lacrymam, patella seu calyculo fœmori affixo, in quo succi ablatam portionem subinde recondant, & gemina corbe ex humero bajulanda pro reponenda, & reportanda collecti succi annona. Notandum est societatem unamquamque loci illius tractum quem messi suæ diligit, atque ideo omnem in eo radicum copiam in duas classes dividere, circa quas, missa alterutra, alternis diebus occupetur, quandoquidem, ablato succo, radix unius diei integri intervallum requirit, tum pro recuperando quem transmittat liquore novo, tum pro effusi necessaria quadam inspissatione.

Collectores statim atque ad hunc locum pervenerunt, singuli singulas accurrunt ad radices, remotisque umbraculis, egerunt manu aliquam terræ ambientis portionem, quanta operationi obstat. Quo facto, radicis verticem, quousque hirsutus fuerat, per transversum abscindunt; ita ut truncus discum exhibeat planum, in quo exsudans liquor post bidden excipiendus sine defluvi periculo subsistere possit.

Tum ut in priore actu sauciaram radicem a sole rursus defendunt ea cautione, ne fasciculus herbaceus impositus discum attingat, hoc sine in arcum quodammodo cogendus, emanantem succum alioquin discursurus.

Postero die in alterum locum migrant, atque eodem modo radix truncatur, omni que studio rursus operitur. Tertio die in priorem locum regressi, remotis umbraculis, liquorem in superficie depositum spatha extergunt, & subinde deponunt in receptaculum quod fœmori inhaeret. Tunc remota terræ accumbentis portione quanta sectioni obest, arescentem disci superficiem rescant, ablato tantum orbiculo tenuissimo vix culmum avenaceum crasso. Satis enim est, si vel extima, quæ poros clauderat, superficies auferatur, quo possint præ seccitate oclusi ductus succum dimittere. Collectores subinde patellas deplent, & in receptacula majora, vel in folia humi strata gummosum succum deponunt, ut soli expositus magis indurescat. Sic diversum a nativo candore colorem induit pro partium mollitie, & situ diverso qui torrentes radios inæqualiter admittit: radice cooperta, labor finitus est. Quarto die ad alterius loci radices redeunt. Gummosus succus colligitur; remoto terræ obstaculo, radices rescinduntur, rursumque coneguntur. Sicque secundus actus peragitur, singulas radices alternis diebus ter secando, & succum bis colligendo. Tunc radices per octo vel decem dies intactæ relinquuntur; & annona omnia in corbes congesta, humeris incumbente per-

peritica, domum transportatur, singulis quatuor vel quinque hominum societatibus spodium librarum circiter quinquaginta referentibus. Hujus primæ collectionis lacryma non habetur pro Assa optima, sed inferioris notæ.

3. Postquam radicibus mora octo vel decem dierum pro recuperando succo indulta est, ad novam messem iterum auspicandam accedunt, ad radices primæ classis; remotisque umbraculis, & impedimentis terræ, nova colligitur lacryma; abscissoque summo orbiculo, vulnerata radix herbis operitur. Postero die secundam classem adeunt; & sic alternis diebus eadem operatio per tres vices in eadem radice instituitur, ac tandem radices denuo cooperatæ relinquuntur.

4. Exacto domi triduo, collectores ad radices redeunt; & ambæ radicem classes ter alternis diebus relecantur. Denique sectione intermissa, radicum reliquæ non operatæ relinquuntur, libero aeri, & radiis solaribus expositæ, & brevi intermorituræ: sic Hingifera messis ut plurimum absolvitur. Nam si radices grandiores, idest, vicensarii majores reperiantur, non tam cito dimittuntur, nisi postquam fere exhaustæ fuerint.

Analysi Chymica, ex Assæ foetidæ electæ ℞ij. prodierunt phlegmatis lactescentis, Allii odore perfusi, acidi ℞v. ℞iij. rufescentis, tum acidi, tum urinosi ℞j. ℞vij. olei foetentis, flavescens, fluidi, & limpidi ℞ij. ℞ij. gr. xxxv. rufi, & spissioris consistentiæ ℞xj. ℞v. gr. xxiii. Massa nigra in retorta residua pendebat ℞ix. ℞ij. quæ per horas 30. in crucibulo calcinata reliquit cinerum leucophæorum ℞ij. ℞iij. gr. xxvj. ex quibus salis fixi falsi gr. xij. extracta fuerunt. Partium in distillatione deperditarum quantitas fuit ℞ij. ℞iij. gran. xij. in calcinatione ℞vj. ℞v. gran. xxxvj.

Per hanc analysim patet Assam foetidam componi ex sulphure foetido, tum tenuiore, tum crasso copioso, non mediocri salis acidi portione, exigua volatilis urinosi salis quantitate, modica terra; unde compositum exsurgit salino-sulphureum, cujus portio non mediocri spiritu vini solvitur, & major pars aqua calida.

Prisci Medici multas, & præclaras virtutes Laseri tribuerunt: narrant illud intus sumptum paralyti, & nervorum vitis mederi; menses, & urinam ciere, concoctioni ciborum plurimum conferre, mentem ab ægritudine recreare, venena telorum, & serpentum extinguere; corpora pinguefacere, pesti, & malignis morbis mederi, hydropi, ictero, pleuritidi, contractionibus spasmodicis, asthmati, respirationi difficili, tussi, & ræcedni conferre, externe admotum lienes tumidos resolvere, admotum vulvæ menses movere, pedum clavos ferro circumscissificatos mixtum ceræ extrahere, venenatis vulneribus, animalium venenatorum ictibus, ulceribus non maturescentibus, carbunculis excrecentibus circa sedem, podagricis doloribus, & rheumaticis plurimum conducere.

Garcias ab horto, & alii asserunt nullum medicamentum simplex per totam Indiam majore in usu esse quam foetidam Assam, tum in Medicina, tum in condiendis cibis. Eam enim solent Indi fere omnes, & præsertim Baneanes suis jusculis, & oleribus commiscere, conficato primum ex ea lebere; nec alio condimento utuntur omnibus in cibis.

Sumunt quoque Assam tanquam medicamentum ad dejecti appetitus fastidia tollenda, stomachum roborandum, flatus discutiendos; & venerem excitandam.

Galenus tamen, *L. 8. de Simpl.* omnes Silphii partes flatulentæ essentia esse pronuntiat, ac proinde coctu difficiles; foris tamen impositas corpori efficaciores esse, & potissimum succum, cui admodum attrahentem facultatem tribuit, & præterea vim excrementiæ emolliendi, & liquandi.

Plinius quoque Laser cum cibis mixtum difficilis coctionis accusat: inflationes, & ructus producere, & urinæ noxium esse dicit. Insuper illius usum in odontalgia timet, magno experimento hominis qui se ea de causa præcipitavit ex alto. Addit etiam Laser tauros inflammare naribus illitis. Unde nec temere externe admovendum est.

In Europa Assa fœtida non solum ex condimentis procul rejicitur, sed etiam in medicamentis propter odoris gravitatem rarius usurpatur: utiliter tamen in colicis flatulentis, in hystericis affectionibus, cum externo, tum interne præscribitur. Convenit quoque pro pellendis mensibus, lochiis, & secundinis: diaphoresim, & sudores potenter movet: humores malignos a centro ad circumferentiam pellit, unde plurimum confert in febribus malignis, variolis, & morbillis: nervorum quoque affectionibus, sicut & paralyti medetur. Præscribitur a grānis xij. ad ℥j. vel etiam ad ℥ij. usque. In asthma cum ovo sorbili sumpta commendatur, & tanquam efficacissima prædicatur contra vim Opii, & costeorum narcoticorum: odore mulieres a suffocatione hystERICA liberat: externe admota potenter emollit, & resolvit; unde ad lienis tumores resolvendos commendatur.

Tinctura antihysterica ex Assa fœtida cum spiritu vini tartarizato præparatur; cujus dosis ad ℥ij.

℥j. Assæ fœtid. ℥ss. Salis Ammon. gr. xvij. Extracti Papaver. Rhæad. q. s. M. F. bolus ad diaphoresim provocandam.

℥j. Assæ fœtid. & Myrrhæ ana ℥j. Extract. Croci gr. ij. cum conserv. flor. Calendulæ q. s. ad menstrua provocanda.

℥j. Assæ fœtid. ℥j. Castorei gr. vj. Succini pp. xx. Extracti Melissæ q. s. Fiat bolus in passione hystERICA.

℥j. Assæ fœtid. granor. Juniper. & Castor. ana ℥ss. Mellis ℥iijss. Fiat Electuar. cujus dosis ℥j. adversus soporem nimium ab Opio aut aliis narcoticis assumptis.

Assa fœtida usurpatur in Pulvere hystérico Charas, Trochiscis de Myrrha, Balsamo uterino, & Empl. pro matrice.

ARTICULUS TERTIUS.

De Bdellio.

Quid sit Βδελλίο Βδελλίου veterum Græcorum ; & utrum ad nos usque pervenerit , non plane constat . Triplex Bdellii genus Dioscorides distinguit . Primum est lacryma arboris Sarracenicæ , & est Gummi translucidum , taurini glutinis in modum , intus pingue , liquefcens facile , ligni ac fordis expers , gustu amarum , suffitu odoratum , ungui simile . Alterum sordidum est , nigrum uberioribus glebis in offas convolutum , Aspalathi odore , ex India advectum . Tertium ex Petra oppido , siccum , resinofum , livescens , sed facultate secundum .

Galenus , *L. Simplicium medicamentorum* , de duplici Bdellio mentionem facit : Scythico uno , quod attritus est & resinofum magis ; Arabico altero colore dilucidiori & humido , & facile mollescente .

Plinius de Bdellio hæc tradit . „ Vicina est Bactriana in qua Bdellium , nominatissimum . Arbor nigra est , magnitudine Oleæ , folio Roboris , fructu Caprifici naturaque . Gummi alii Brochon appellant , alii Malachran , alii Maldacon , nigrum vero & in offas convolutum Hadroboilon . Esse autem debet translucidum , simile Cerae , odoratum , & cum fricatur , pingue , gustu amarum citra acorem . Nascitur & in Arabia , Indiaque , & Media , ac Babylone . Aliqui Peraticum vocant ex Media advectum , fragilius hoc & crustosius amariuscque ; at Indicum humidius & gummosum . “

Ex his liquet quam increta sit Bdellii historia in veterum scriptis . Nec ab Arabibus magis illustratur , quandoquidem Serapio duo Bdellii genera constituit : unum Judaicum , quod Avicenna Mochel Judaicum nominat , & ipsum Dioscoridis Bdellium videtur esse ; alterum cuiusdam plantæ Palmæ similis fructum esse tradidit . Hoc Mochel Mecchenfe ab Avicenna dicitur .

Nec super hanc rem neoterici consentiunt . Quidam enim Myrrham legitimum Bdellium esse existimaverunt , teste Matthiolo . Sunt qui Anime verum Bdellium esse putant , inquit Clusius . Alii , Olivo teste , pro Bdellio carbunculos , alii crystallum intelligunt . C. Bauhinus apud Matthiolum sex Bdellii differentias habet .

1. Majoribus glebis rufum , & cum frangitur , in plurimos granulos diffiliens , mediocriter splendens .

2. Minoribus glebis subfuscum , intus rufum , cum frangitur , in duas partes quasi dissectum se dividens , translucens , densum , lentum , glutinosum , pingue , & lacrymas albas calido in loco emittens .

3. Nigrum , intus in nigro rufum , glutinosum , mediam inter Thus & gummi Cerasorum qualitatem respiciens .

4. Nigrum quoque , sed intus fulvum , purpureo colore , maxime translucens , molle , glutinosum , Cerasi gummi simile , ejusdemque saporis .

Geoffroy Tom. I.

K k 3

5. Co-

5. Colore & sapore priori simile, sed intus pallidis aut candicantibus maculis distinguitur.

6. Pallidum aut candidum, grumis oblongis, mediocribus, multis, longis, guttis densatis concretum, amarum, ingratum, omnibus speciebus acerrimum.

Samuel Dale duas Bdelii species, in sua *Pharmacologia* describit. Primum, inquit, est substantia gummosa & resinosa, pinguis, Cere instar, tenax, glutinosa, coloris ex ferrugineo nigricantis, ad Myrrham accedentis, cujus saporem & odorem æmulatur. Ex Arabia, Media, & India advehitur. Secundum est substantia resinosa, duriuscula, nigricans, friabilis, in guttas concreta & indurata, sapore & odore præcedentis, Ex Ganea affertur.

Petrus Pomet, in sua *rei medicamentaria Historia*, observat plurimas gummi species sub Bdelii nomine in officinis reperiri, modo resinam Americanam ex arbore *Courbaril* manantem & Anime dictam, modo resinam alterius arboris Caningæ seu Cassiæ caryophyllatæ, modo costî corticosam resinam, quam Gummi *Alouch* nominat, aut alias minus notas.

At vero quod in officinis nostris pro genuino Bdelio habetur, a priori specie a Samuele Dale descripta non differt: & est Gummi-resina in glebas diversæ figuræ & magnitudinis concreta, extus Myrrham vulgarem aliquando referens, coloris ferruginei rubentis, aliquando ex fusco nonnihil rufescentis, intus quodammodo pellucida, & taurino glucini aliquatenus similis, fragilis, in ore mollescens & dentibus adhærens, sapore subamaro, longe remissiori quam in Myrrha; odore non insuavi, præsertim dum incenditur: flammam concipit & quidem pertinacem licet cum crepitu, cujus in superficie granula exsudantis glebæ hinc inde nonnunquam apparent. Sæpius cum Myrrha in Cistis permixtum reperitur, & nonnunquam cum Gummi Senegal. Hæc substantia, si non est præstantius Dioscoridis Bdelium, saltem ad illud proxime accedit.

De arbore Bdelifera nihil certi traditur. Describente Plinio, nigra est, magnitudine Oleæ, folio Roboris, fructu Caprifici. Alii arbori Myrrhæ eam valde similem faciunt: & Thevetus affirmat se bis mille Myrrhæ & Bdelii feraces arbores in eadem sylva simul crescentes vidisse. Lobelius & Pena inter alias merces se multos hujus ligni furculos expiscatos tradunt, solida substantia, cortice duro, nigricante, spinis multis rigidis & crassiusculis horrentes. Unde quærit Samuel Dale an sit arbor lactescens aculeata, foliis quernis, Americana, (Bdelifera forte,) sive arbor Bdelium ferens in America, *Plukni Physogr. tab. 145.*

Bdelii altera pars aqua solvitur, pars altera spiritu vini aut oleis. Accenditur, & flammam emittit luculentam & durabilem, licet comburendo crepitus aliquos edat propter partem salino-aquosam cum resina permixtam. Tota ejus substantia spiritu vini tartarizato, alcalinis liquoribus, vino aut aceto solvitur.

Bdelio vis emolliendi tribuitur; & ea quidem potentior, dum recens est. Insigniter etiam discutit, aperit, atque abstergit, sed alia atque alia ætate: si discutere velis, mediæ ætatis sumendum est; si abstergere tantum, quo vetustius, eo melius. Interne rari est usus. Commendatur tamen in affectibus pectoris, tussi, respiratione difficili, pul-

pulmonum apostemate, ad urinam ciendam & calculos expellendos. Pilulæ de Bdellio in fluxu hæmorrhoidali valde laudantur a plurimis, præsertim Solenandro, Foresto, & Riverio, si ʒj. exhibeatur. Potenter enim fluxum inhibet, in primis si accedat suffusus Bdellii receptus per anum. Externe tumores mollit & resolvit, abscessus maturat, vulnera recentia sanat.

ʒ. Bdell. optimi ʒij. Sem. Ammeos ʒij. Myrobalanor. Chebular. Indor. Belliricor. Emblicor. Conchar. Venerear. ustar. Succini pp. ana ʒijss. cum Mellis rosati q. s. Fiat massa Pilular. Dos. ʒj. in fluxu hæmorrhoidali.

Usurpatur in Mithridatio *Damocratis*, Trochiscis Cyphæos, Pilulis scætidis, Ungento Apostolor. Emplastro diachilo, gummato, divino *Paracelsi*, stiptico, diabolano *D. Blondel*.

ARTICULUS QUARTUS.

De Euphorbio.

Euphorbium, *Off. Euphorbion, Dioscoridis*: Euforbion, *Arabum*. Est gummi-resina concreta in guttas vel lacrymas ex pallido flavescens aut coloris aurei, splendoris, modo rotundas, modo oblongas, ramosas & cavernosas, saporis acerrimi, exurentis, nauseosi; odoris expers. Affertur ex Africæ regionibus a mari remotissimis per Sclam urbem, vulgo *Salé*, in Barbariam; unde in Europam transportatur.

Eligitur purum, siccum, pallidum vel flavescens, & acre, quod levi lingue contactu totum os accendit.

Dioscorides refert Euphorbium tempore Jubbæ Lybiæ Regis detectum fuisse. Plinius vero dicit ab ipso Rege Juba compertum, & nomen sui Medici Euphorbi fratris celeberrimi Antonii Musæ, Cæsaris Augusti Medici, impositum fuisse. Observat tamen Salmasius *Tractatu de Homonymis*, Euphorbium auctoribus mentionem esse apud auctorem longe quam Juba est antiquiorem, Meleagrum scilicet Poetam æqualem Menippi Cynici, in quodam poemate Græco inscripto Στεφανος.

Planta dicitur Euphorbium antiquorum verum, *Commel. H. Med. Amstelred.* 23. Schadidacalli, *Horti Malabar.* 2. 81. Frutex est altitudine duorum hominum & amplius, nascens in arenosis; radice crassa, recta in terram descendente, fibras hinc inde emittente, intus lignosa, cortice exterius fusco, intus candido & lacteo circumvestita. Stipes qui e radice simplex oritur, trigonus vel tetragonus, quasi articulatus seu diversis nodis distinctus, marginibus inter nodos sinuosis, angulosis, & in angulis spinis rigidis, acutis, rectis, fulcis & nitentibus, binis munitus; cortice crasso, viridi, fusco constat & pulpa humida, albicante lacte turgida absque ullo ligno. In plures ramos expanditur sine frondibus; nisi particulas quasdam seu appendices, quæ in oris solitariae &

spinis adstæt prodeunt parvæ, rotundæ, crassæ, lacteæ, & parvis; crassis, planis, viridibus ac lacteis pediculis innixæ, foliorum nomine insignire quis vellet. Flores in oris nascuntur maxime ex sinibus cavis inter angulos extuberantes seu spinarum ordines intermedii, ex parre eorum profundiore terni, ut plurimum simul in uno pediculo parvo, ferme semiunciali, rotundo, viridi, lacteo, crasso, recta exsurgente. Medius flos & major primo sese expandit, cæteris consequentibus priori adnatis, & ex adverso positis, pedicellisque minimis aut nullis, fultis. Constant autem calyce monophyllo, ventricolo, rugoso, colorato, ore quinque-dentato & persistenti; petalis vero quinque, turbinatis, gibbis, crassis, cum dentibus calycis alternis, unguibus margini calycis impositis. Ex eorum medio stamina plura, quinque vel sex bifurcata, superne rubra, inordinate assurgunt: pistillum simplex breve germen gerit subrotundum, triquetrum, cum stigmatis tribus: floribus prodeuntibus, appendices foliaceæ seu foliola decidunt. Floribus succedunt fructus seu vascula seminaria, tricocca, plana, lactea, primum virentia, dein ex parte rubentia, saporis adstringentis; in quibus tria semina rotunda, extus cinerea, intus albicantia continentur. Sæpe in saccis coriaceis cum Euphorbio hujus plantæ fragmenta, capsulæ seminales & flores exsiccata reperiuntur. Tota planta succo acri, lacteo turget, qui, quacumque parte læsa, copiose ex ea profluit. In Africa, Malabara, & India orientali crescit. Videtur autem illud Gummi colligendi modus Malabaribus incognitus.

Analysi Chymica, Euphorbii ℞ij. exhibuerunt liquoris limpidi, perfusi odore ingrato, qualis ex oleo Olivarum distillato exhalat, saporis acris & aliquantisper urentis absque acido aut alcali manifesto, ℞ij. Zij. ille sapor a subtili quodam spiritu analogo illis liquoribus qui ex Elleboro, Croco, & aliis extrahuntur: phlegmatis acidi, limpidi, rufescentis, empyreumatici odoris, saporisque, ℞ij. ℞vij. gr. liij. humoris rufi, qui partim acidi, partim alcali volatilis urinosi valentioris notas præbuit, ℞j. ℞ij. gr. xij. olei fulci, tum fluidi, tum spissioris consistentiæ ℞xj. gr. xxvij. Massa nigra compacta in retorta residua pendebat ℞vij. Zij. quæ per 19. horas in crucibulo calcinata cinerum rufescentium ℞ij. ℞ij. reliquit; ex quibus salis alcali fixi ℞ij. gr. lviiiij. extracta fuerunt. Partium jactura in distillatione fuit ℞ij. ℞vj. gr. lx. in calcinatione ℞v. ℞vij.

De medicis plantæ Euphorbii viribus veteres nihil referunt. Malabares, narrantes horti Malabarici scriptoribus, ex ejus radice addito auxilio Asæ foetidæ emplastrum præparant, quod ventri puerorum pro lumbricis enecandis commode superimponitur. Cortex radice contritus & sumptus cum aqua alvum solvit. Stipes & rami contriti & aqua decocti juvant in doloribus podagræ, si pars affecta ejus fumo vel vaporibus exponatur.

Nulla apud Hippocratem de Euphorbii succo mentio est. Galenus & Dioscorides de ejus purgandi facultate nihil memoriæ prodiderunt. Græci recentiores & Arabes insignem serum ex toto corpore trahendi virtutem ipsi tribuunt. Est autem acerrimum omnium ardentissimumque hydragum; adeo ut non sine labore, animi defectu, ac sudore frigido alvum deiciat, & sæpe intestina exulceret. Hinc monet C. Hoffmannus non

tutum esse Euphorbii usum interiorem, nequidem in visceribus refrigeratis. Mesues quoque illud tanquam noxium medicamentum intus exhiberi vetat, nisi prius iis commisceatur medicamentis, quæ acerrimam ejus vim retundere valeant. Fernelius scribit pericula ejus emendari, si diem unum maceretur in oleo Amygdalino, deinde exceptum mergatur in Citro Malo acido, quod deinde massa obductum coquitur; cumque usus exposcit, datur a gr. vj. ad x. cum Mastiche, Cinnamomo, & Spica: at ubi corpus perturbari cœperit, danda subinde potio, quæ & refrigeret, & leniat. Alii illud tenuiter pulveratum in Malo Cydonio includunt, & coquunt in clibano. Alii aceto, succo Limonum vel Granatorum, aut phlegmate Vitrioli illud temperant. Verum enimvero cum parum tutæ sint illæ correctiones, cum Ludovico, Hoffmanno, Vvedelio, Timæo, & aliis, ab hoc cathartico abstinendum esse censemus, vel saltem in illis tantummodo affectibus usurpandum esse, in quibus viscerum membranæ paralyti affectæ nonnisi valentioribus, & irritantibus medicamentis commoveri possunt, ut in soporosis affectionibus, letargo, apoplexia, paralyti: tuncque a gr. ij. vel iij. ad vj. vel viij. Serapio, & Avicenna observant drachmarum trium pondere haustum potantem interficere, trium dierum spatio, erosus ab eo intestinis, & ventriculo.

Adeo tenujum est partium, ut vel odore solo sternutatorium sit: ejus oleo etiam perunctæ nares aquoso multo stillant humore: ejus pulvis naribus exceptus tantam excitat irritationem, ut sæpius hæmorrhagiam nimium provocet, & nonnumquam cerebri membranas inflammaret.

Externe admotum humores lentos & crassos incidendo digerit, imo ruborem infert, inflammationem excitat, & nonnumquam exulcerat. Quapropter a Mesue commendatur tanquam proficuum resolutis, convulsis, stupidis, tremulis, cœterisque nervorum morbis a frigore oriundis, si ex Leucoii oleo lævigatur exterius inungatur. Jecori lienique inunctum eorum dolores a frigore, & flatibus provenientes tollere, occipiti confricatum veteranos obliuiofosque juvare asserit.

Ex Fernelio quoque coxendicis & paralyticis confert. Ad hæc linimentis, & unguentis permisceatur. Hermannus tumores scirrhusos paucis diebus Euphorbio oleo soluto dissolvit.

Euphorbii usum egregium prædicant in carie ossium, & nervorum puncturis. Pulveratum inspergitur ossibus cariosis, vel solum, vel permixtum cum æquali portione radices Iridis Florentinæ, vel Aristolochiæ rotundæ, aut cum aliis similibus.

℞. Euphorb. select. ℥j. Terebenth. Venet. ℥j. Cere parum. Fiat unguentum calide applicandum loco puncturæ nervi.

Ex eo paratur Oleum de Euphorbio dictum. Usurpatur in Pilulis de Euphorbio *Querquetani*, Pilulis scætidis, & in Philonio magno seu Romano.

Ob ejus vehementem acrimoniam nonnisi magna cum molestia pulveratur; cujus rei gnari Pharmacopolæ rusticis quibusdam, & conditionis infimæ viris terendum committunt, monentque ut a pila in aqua teritur, vultum avertant. Numquam tamen ab ejus feritate intacti redeunt: nam ejus polline, & vapore sur-

fursum elato, tam importune feriuntur nares & cerebrum, ut sternutatio, acrimonia, calor, dolor confestim & simul ingruant.

ARTICULUS QUINTUS.

De Galbano.

G Albanum, Off. *Χαλβάρν*, *Dioscoridis*: Chene, *Arabum*. Substantia est pinguis, ceræ instar ductilis, semipellucida, splendens, mediæ quodammodo naturæ inter gummi, & refinam, siquidem accenditur igne ut refina, & ut gummi humore aqueo solvitur, non oleis; colore albicante, fere translucido, dum recens est, postea flavescens aut rufus; sapore amaricante, acris; odore vehemente cum gravitate quadam virosa. Ejus duæ species occurrant in officinis. Aliud in grumos seu lacrymas concretum, vulgo *Galbanon en larmes*: aliud in massas coactum, vulgo *Galbanon en pains*. Probatur Galbanum recens, purum, pingue, mediocriter viscosum, inflammabile, ex albicantibus & splendentibus grumis compactum: Fuscum, sordidum, arena, terra, lignove permixtum rejicitur. Ex Syria per Massiliam affertur.

Veteribus Græcis hæc lacryma cognita fuit. Illam Dioscorides ex quadam *Ferula* stillare scribit, quæ *Meropion* dicebatur. Revera sponte vel vulnere fluit, ex ferulacea seu umbellifera quadam planta, quæ dicitur *Oreoselinum* Africanum, *Galbaniferum*, frutescens, Anisi folio, *Inss. R. H.* 319. *Ferula* Africana, *Galbanifera*, *Ligustici* foliis, & facie, *Paradis Batavi*: Anisum Africanum frutescens, folio & caule rore cæruleo tinctis *Plukn. rom.* 12. *Oreoselinum* Anisoides arborescens, *Ligustici* foliis & facie, flore luteo, Capiris-bonæ spei, *Breyh. 2. Prodr.* Ex radice crassa; lignosa, pallida, in aliquot fibras brachiata, caules pollicari crassitie assurgunt ultra tres quatuorve cubitos, perpetui, lignosi, rotundi, geniculati, albidula, duriuscula medulla farcti, & ramos aliquot brachiati. Singula caulium & ramorum internodia reguntur foliaceo quodam involucro, ex quo frondes egrediuntur Anisi folia referentes, sed ampliores, firmiores, acute incisi, glauci, saporis & odoris acris. Caules, rami & folia glauco rore obducuntur. Flores in caulium cæminibus umbellatim dispositi nascuntur pusilli, pentaperali, rosacei, lutei, quibus succedunt femina tenuia, pene orbiculata, compressa, e fusco spadicea, striata, & in ambitu tenuj membranacea ala marginata; saporis acris, aromatici, pungentis. Tota planta succo viscido, lacteo, diluiori turget, in lacrymam *Galbano* omnibus notis respondentem concretescentem, quem sauciara fundit, licet paucum. Ex trimuli quadrimulive caulis geniculis sua sponte nonnumquam emanat. Sed caulem scindentes solent duobus vel tribus transversis digitis a radice, unde secus guttatim stillet: aliquot post horas concretescit, induratur, & colligitur. In diversis Africæ regionibus, Maturitania præsertim nascitur, & in Persia.

Longe alia planta est, quæ *Ferula Galbanifera*, *Lobellii Icon.* 779. dicitur,

tur, seu Ferulago latiore folio, C. B. P. 148. Ea enim Galbanum non profert, ut Cl. Tournefort. observavit, sed aliud Gummi genus intense rubens, nec vehementer olens.

Analysi Chymica, ex Galbani electi ℥ij. prodierunt phlegmatis rufescentis, odorati, subacidi ℥ij. ℥ij. liquoris acidi, rufi ℥ij. ℥v. gr. xxxiiij. liquoris fusci, empyreumatici, partium acidi, partium alcalini ℥vij. gr. xxxvj. olei fluidi, fusci ℥j. ℥vij. gr. xxx. spissioris, & ex viridi fusci ℥v. ℥v. mellæ consistentiæ ℥vij. Massa nigra in retorta superstes pendebat ℥vij. ℥j. gran. xxxvj. quæ per horas 20. in crucibulo calcinata reliquit cinerum ℥v. gr. xlvij. ex quibus salis fixi non mere alcalini gr. xlij. lixivio extracta sunt. Partium jactura in hac distillatione fuit ℥ij. ℥iiij. in calcinatione vero ℥vj. ℥iiij. gr. lx. Oleum per iteratas distillationes purgatum, colore cæruleo elegantissimo tinctum apparuit.

Galbanum vino, & aceto solvitur, sicut etiam aqua calida; non facile oleis, aut spiritu vini. Constat sale tartareo, & oleo crasso foetido.

Galbanum intus sumptum viribus cum Ammoniaco convenit, licet paulo sit debilius. Pituitam tenacem dissolvit; unde asthma conducit, & tussi veteri: status discutit, & colicis affectibus medetur: uteri obstructions referat, menses promover, & purgamenta post partum, foetum, & secundinas pellit: hystericos affectus ab uteri obstructione sublevat. Commendatur quoque adversus venena coagulantia. Ejus suffitus in uteri suffocatione, & epilepticis paroxysmis utilis est. Externe incidit, potenter attrahit, emollit, & maturat; eam ob rem plurimis emplastris admiscetur ad bubones, & anthraces maturandos, & scirrhusos tumores resolvendos. Affectiones hystericas umbilico admotum mitigat: spasmodicos intestinorum motus, artuumque convulsionem, & paralysem sedat super alutam extensum, & parti affectæ applicatum.

℥. Galbani & Gummi. Ammon. ana ℥ij. Vitriol. Martis Riverii ℥ß.

Diacyd. ℥x. Syrup. de Rhamn. cathartico q. s. M. Fiat massa pilular. Dosis a gr. v. ad ℥j. in mensum suppressione, & retentis post partum purgamentis, modo absit inflammatio.

℥. Galban. Assæ foetid. Myrrh. ana ℥j. Camphoræ, salis Succin. ana ℥ß. Boracis ℥ij. Syrup. de Arthemisia q. s. M. F. massa pilular. Dosis ℥j. in hysterica passione & purgamentis post partum suppressis.

℥. Galbani, Assæ foetid. & Myrrh. ana ℥ß. Castorei ℥j. M. F. Trochisci pro suffitu in hysterici paroxysmis.

℥. Galbani q. s. Dissolve in olei Succini & ol. Spicæ ana q. s. Fiat linimentum, quo partes convulsæ vel paralyticæ inungantur.

Ex Galbano paratur Galbanetum Theophrasti Paracelsi, quod præstantissimum habetur medicamentum in nervorum contracturis, spasmodicis affectionibus, colicis doloribus convulsivis, & membrorum paralyxi externe illitum. Sic autem confici debet.

℥. Galbani ℥j. Gummi. Hederæ ℥iiij. Ol. Terebenth. ℥ß. Olear. Laurini & spicæ Lavandul. ana ℥j. Digerantur per duos tredecim dies: postea distillantur ex retorta. Liquor distillatus servetur ad usum.

Gal-

Galbanum usurpatur in Theriaca, Mithridatio, Diafcardio, Unguentis Apostolor. Balsamo uterino *Charas*, Ung. de Althæa, Emplastro de Galbano, dyachylo gummoso, de mucaginibus, diaphoretico, Manus Dei dicto, magnetico *Angeli Sale*, divino, pro matrice, oxycroceo, styptico, diabotano *D. Blondel*.

ARTICULUS SEXTUS.

De Myrrha.

PLurima Myrrhæ genera veteribus fuerunt recensita, & ab illis parum accurate descripta, aut ab invicem distincta. Necnon etiam nunc hodie in Myrrhæ cistis plurimæ deprehenduntur glebæ sapore, odore, & consistentia diversæ, modo odore Myrrhæ non insuavi, modo gravi & ingrato, modo intense amaræ, & nauseosæ, modo levi amaritie persusæ, præter Bdellii, & Gummi Arabici glebas permixtas. Unde liquet aliquid interesse discriminis inter Myrrhæ lacrymas, prout ex diversis arboribus, vel ex diversis earundem arborum partibus, vel ex iisdem arboribus pro diversa anni tempestate, pro cultura diversa, sponte vel insitictis vulneribus promanant.

Fuchsius Myrrham *Off.* non esse Myrrham veterum legitimam suspicatur, sed eam esse speciem deteriorem, quæ Caulalis, & Ergasine a Dioscoride cognominatur. Verum, ut opinor, illa diversa Myrrhæ genera hodie consula nobis afferuntur.

Brassavolus alique Myrrham nostram pro veterum Bdellio habuerunt. Verum Myrrha facile discernitur, quod amara sit, minus lenta, odoris acrioris & magis pungentis, quam Bdellium. Langius & alii Myrrham nostram reprobantes, Benzoinum pro veterum Myrrha usurpant. At ipso consistente, in Benzoino desideratur amaritudo, quam Dioscorides in Myrrha requirit. Itaque cum J. Bauhino, & aliis censemus legitimam Myrrham adhuc hodie nobis afferri, quamvis cum Gummi sæpius permixtam. Nec obstat quod a veteribus Myrrha inter aromata suaviora numeraretur, cujus odore vina pretiosissima condiri solebant. Nam, ut jam alibi diximus, de saporibus & odoramentis non est disputandum; cum maxima sit circa illa hominum mutabilitas.

Myrrha duplex a veteribus distinguebatur; liquida seu Staße, & solidida seu glebosa. Myrrham liquidam seu Staßtem duplicem adhuc constituunt; unam nativam, quæ vel sponte sudat ex arboribus, priusquam incidantur, cui nulla præfertur, inquit Plinius; vel ex recentibus exprimitur glebis, quarum interior substantiam nondum induruit, sed liquida adhuc, & oleaginosa deprehenditur. Tales quandoque occurrunt in officinis glebæ recentis Myrrhæ succo oleoso turgidæ, quam aromatarii Staßtem etiam dicunt. Altera vero arte facta, quæ a veteribus præparabatur, erat recentis Myrrhæ cum modica aqua contusæ, & per organum expressæ liquamen hodie fere ignotum, & inusitatum. Sunt qui affirmant Syracem liquidum *Off.* stillatitiam ex Myrrhæ arboribus lacrymam esse, quæ Staße veteribus dicebatur; quod cum

eum veritate nullo modo convenit. *Styrax* enim liquidus *Off.* succus est, ut diximus, a *Myrrha* prorsus diversus.

Solidæ *Myrrhæ* seu glebæ genera complura a veteribus recensentur. Inter hæc *Troglodytica*, a *Troglodytarum* regione unde afferebatur sic dicta, præstantior a *Galeno* censetur; sequens *Minæa*, a *Minæarum* pago. Hanc tamen *Dioscorides* videtur improbare; nisi, ut quidam volunt, *Myrrha Aminea* *Dioscoridis* diversa sit a *Myrrha Minæa* *Galeni*; quod quidem decernere difficile est.

Nec præmittendum est quod *Galenus* refert de *Opocalapso* seu *Opocarpaso*, quod *Myrrham* optimam mentiebatur, cum illa suo tempore permixtum sæpius reperiebatur, nec ab illa facile distingui poterat. Succus erat venenatus, soporem, & strangulationem præcipitem inducens. Et *Galenus* in ætatis suæ decursu se multos vidisse refert mori; quod *Myrrham*, cui *Opocarpasum* admixtum esse neiciebant, sumpsisset. Cujusnam plantæ, arborisve, an herbæ succus esset *Opocarpasum* dictus, nemo veterum nos docet, nec recentiorum quisquam adhuc novit.

De *Myrrha* quadam *Bæotica* *Dioscorides* mentionem facit, quæ arboris cuiusdam in *Bæotia* nascentis concisa radix est. Hæc hodie omnino non cognoscitur.

Myrrha itaque, *Off.* *Σύμυρα*, *Dioscor.* *Μύρρα*, *Hippocratis*: *Ler*, *Mur*, seu *Mor Arabum*: vulgo *Myrrhe*. Succus est resinoso-gummosus, in fragiles concretus glebas variæ magnitudinis, modo *Avellanæ*, modo *Nucis* magnitudine, modo majores; colore flavo, rufo aut ferrugineo; quodammodo pellucidus, nitentes, quæ contractæ venas albidas semicirculares seu lunares ungulum modo ostendunt; sapore amaro, subacri, aromatico, nauseoso tamen; odore gravi, nares feriente, dum conteruntur, nec insuavi fustitu, dum comburantur. Probatur friabilis, levis, undequaque concolor, amara, acris, odorata. Nigra rejicitur, ponderosa, & sordibus inquinata. Desertur *Myrrha* ex ea *Æthyopiæ* parte, quæ regio *Troglodytarum* olim dicebatur.

De arbore quæ *Myrrham* fundit, nihil certi traditur.

Analyti *Chymica*, ex *Myrrhæ* electæ ℥ij. per retortam distillatis prodierunt phlegmatis rufescentis, odore, & sapore *Myrrham* referentis ℥ij. ℥iij. liquoris acidi austeri ℥iij. ℥vij. gran. xxxiij. liquoris, tum acidi, tum urinosi ℥j. ℥v. olei rufi, limpidi, & odorati ℥j. ℥vij. gran. xxxij. olei fusci, aliquantisper empyreumatici, & spissioris consistentiæ, syrupi instar ℥iij. ℥vj. gran. xxxvj. Massa nigra in retorta superstes pendebat ℥ix. ℥vj. gran. liv. quæ per 26. hos calcinata ruforum cinerum ℥ij. ℥ij. gr. xxxvj. exhibuit; ex quibus salis fixi salis gr. xvij. lixivio extracta sunt. Partium perditio in distillatione fuit ℥vj. ℥ij. gr. lxx. & in calcinatione ℥vij. ℥ij. gr. xvij.

Myrrha flammam concipit, sicut *Resina*: non tamen perfecte oleaginosus, resinarum more, dissolvitur, sed partim grumescit; nec etiam, gummi adinstar, aqueis facile, & expedite diluitur, sed in aqua relictæ major pars non dissoluta limi instar diffluit. Spiritus vini rectificatus diuturniore digestionem extrahit tincturam seu partem resinofam, gummosa tantum remanente portione, odoris, & amaroris prorsus experte, quæ aqua dissolvitur aut saltem mollescit, & in mucum lentum ac viscidum convertitur.

Tota

Tota dissolvitur spiritui vini tartarizato, aut consociato cum spiritu urinoso salis Ammoniaci.

Itaque Myrrha est concretum ex Resina, Tartaro, & Ammoniacali sale adeo accurate permixtis, ut a se invicem separari vix possint.

Myrrha vim exsiccantem, & absterforiam moderatam Galenus tribuit: alii in ea virtutem insigniter resolvendi agnoscunt. Reipsa sanguinem crassum ac viscidum, bilem grumescentem, & humores glutinosos, & concretos potenter dissolvit. Unde intus sumpta commendatur in uteri, & viscerum obstructionibus. Menses, puerperarum purgamenta, & fluxum hæmorrhoidalem movet: placentam uterinam, & fœtum mortuum pellit: pulmonum infarctus discutit. In asthmate, tussi, & ad pulmonum tubercula, in ictero, & in scorbuticis, & cachecticis affectionibus utiliter præscribitur. Vermes interimit, tum insigni amarore suo; tum etiam humorem viscidum, quo ventriculi, & intestinorum parietes interni obducantur, & ubi horum animalculorum ova reconduntur, solvendo, & foras amando. Ventriculum roborat, ciborum concoctionem juvat, status discutit. In febribus malignis, putridis, & pestilentialibus, in variolis, & morbillis confert, putredinem arcendo, blandam diaphoresim excitando, & cutaneam eruptionem accelerando. In ulceribus, tum internis, tum externis tanquam Balsamum singulare commendatur. Corruptionem, & putredinem ulcerosam in quacunque corporis parte corrigit: unde in empiemate, ulcere pulmonum, hepatis, renum, uteri, aut cæterorum viscerum, & in dysenteria feliciter usurpatur. Exhibetur ejus substantia sub forma boli vel pilularum, raro soluta ob insignem amaritiam, a ʒss. ad ʒß.

Externe attenuat, discutit; & egregium est traumaticum. Vulnura inveterata, quæ jam in ulcera convertuntur, a putredine verminosa præservat, & mundificat. Gangrænæ, & corruptioni vulnerum quæ ex defectu spirituum in parte læsa supervenit, atque cariei ossium medetur, sive cum decoctis aut tincturis, sive cum emplastris aut unguentis misceatur.

Verum Myrrha non semper innoxia; siquidem Myrrhæ odor, ut J. Bauhinus post Galenum observat, plurimis etiam sanis dolorem capitis inducit. Præterea Myrrha non solum menstruas foeminarum evacuationes pellit, sed etiam quascumque quocumque in loco sanguinis eruptiones excitat aut auget: quapropter illius usus in illis, qui sputo aut mictui cruento, aut aliis quibuscumque hæmorrhagiis obnoxii sunt, malum sopitum revocat. Neque etiam temerarie, & incaute gravidis mulieribus exhibenda est, ne abortum provocet.

Myrrhæ præparationes usitiores sunt tincturæ, & olea.

Tinctura extrahitur cum spiritu vini rectificato; vel solo, quæ pars resinosa sola dissolvitur, remanente gummosa, insipida, & inodora; vel consociato cum spiritu volatili urinoso salis Ammoniaci: & tum tota Myrrhæ substantia dissolvitur. Exhibetur utraque a gutt. v. ad ʒß.

Oleum fit, Myrrham per retortam igne blando, & gradatim aucto distillando: sic enim oleum cum spiritu acido extrahitur spissum, quod ab humore spirituosissimo separatim iterum cum multa aqua distillandum est,

ut

ut limpidum obtineatur, tenue, & odorum. Alius quoque humor Oleum Myrrhæ per deliquium in officinis improprie dicitur, cum nihil aliud sit quam Myrrhæ liquamen, mediante humore sulphureo, salino albuminum ovorum. Sic præparatur. Ova recentia ad duritiem cocta per mediam longitudinem in duas partes æquales incidantur; exen- priisque vitellis, Myrrha electa pulverata cavitates albuminum imple- antur. Albuminum medietates iterum junctæ, & filo leviter constrictæ, in cella vel alio humido loco suspendantur; ita ut Myrrhæ liquamen in vas aliquod vitreum sensim distillet. Humor ille blando igne in vase aperto ad quartæ partis diminutionem exhalet, & servetur ad usum. Commendatur ad lentigines, rugas faciei, & deformes vulnorum cic- atrices delendas, si sæpius illinatur.

℥. Myrrhæ elect. gr. xij. Croci Martis aper. & Gumm. Ammon. ana gr. x. Syr. de Absynth. q. s. Fiat bolus mane, & sero exhibendus in mensium suppressione.

℥. Myrrh. gr. xv. Boracis ℥j. Cinnamom. gr. xvij. Fiat pulvis Con- servæ Absynth. vel Calendulæ q. s. excipiendus. Fiat bolus ad menses suppressos, aut puerperarum purgamenta provocanda, & ad foetum mortuum expellendum.

℥. Myrrhæ & Oliban. ana gr. xv. Croci pulver. gr. vj Balsam. Egyptiaci q. s. Fiant pilulæ, incipiente phthisi, ad pulmonum tubercula resolvenda, ulcuscula sananda.

℥. Myrrh. Elect. ℥ss. Diaphor. minor. Viperinæ Virginian. ana ℥ss. M. F. bolus cum s. q. Syrup. Caryophyllor. horient. in variolis, morbillis, & febrisbus maligni moris.

℥. Rad. Aristoloch. rotund. Ireos Florent. Euphorbii ana ℥j. Myrrh. Aloes ana ℥ss. M. F. pulvis ossi carioso inspergendus. Vel ex eodem pulvere extrahatur tinctura ope spiritus vini, ad putredinem carniū arcendam.

Trochiscis de Myrrha nomen fecit. Usurpatur etiam in Theriaca *Andromach.* Theriaca Diatesaron, Mithridatio *Damotr.* Conf. de Hyacinth. Philonio, Pilulis *Rufi*, de Agarico, catholicis *Poterii*, Elixir pro- prietatis *Paracelsi*, Oleo Scorpionum comp. Unguento martiato, Apo- stolor. mundificativo, de Resina, Emplastro de Meliloto, divino, oxy- croceo, stupico, & aliis.

ARTICULUS SEPTIMUS.

De Opopanace.

Opopanax, & Opopanacum, Off. *Οποπαναξ*, *Græcorum*. Succus est gummosus, & resinotus, concietus in grumos, Pisi circiter magni- tudine, nunc majores, nunc minores, foris rufescentes, intus vero ex flavo albicantes, intense amaros, acres, graveolentes, aliquantisper nau- seosos, pingues, friabiles tamen. Sordidissimas in glebas compactus subinde affertur ex rufo nigricantes, caulium festucis aut quicquiliis permixtas. Eliguntur lacrymæ nitidæ, pingues, friabiles, colore foris croceo, interne albi.

albido aut subfulvo, sapore amaro, odore gravi: niger improbatur, & sordidus. Affertur ex Oriente; sed ignoramus plane ex qua planta exsudet. Græcis notus fuit. Ex Papanace Heracleo dicto extrahitur, inquit Galenus, radicibus, & caulibus ipsius incisis. Quinam vero sit ille Panax Ileracleus, incertum est apud auctores.

Analysi Chymica, ex Opopanax purissimi ℥ij. prodierunt phlegmatis limpidi, odori, & subacidi ℥iij. ℥iij. humoris subruhi, acidi, empyreumatici ℥iij. ℥v. gr. xij. humoris, tum acidi, tum urinosi ℥j. ℥vj. gr. lx. olei limpidi, tenuis, levis, rufescentis ℥j. ℥j. gr. lxxvj. olei crassioris, spissioris, aqua gravioris, fusci ℥iij. ℥j. gr. xij. Massa nigra in retorta superstes rara, & spongiosa pendebat ℥xj. ℥j. quæ per horas 26. in crucibulo calcinata reliquit cinerum fusciorum ℥j. ℥iij. gr. xxxvj. ex quibus lixivii ope salis alcali fixi ℥ij. gr. xlij. extracta sunt. Partium deperditio in distillatione fuit ℥iij. ℥ij. gran. lxxvj. in calcinatione vero ℥ix. ℥v. gr. xxxvj.

Opopanax flammam concipit sicut Resinæ, aqua solvitur ut gummosæ substantiæ; sed aquam efficit lacteam ratione olei copiosi. Constat igitur ex Tartaro, sale Ammoniicali, & oleo arte conjunctis.

Imus sumptus humores viscidos, & crassos incidit, & dividit, status discutit, & alvum citra molestiam purgat. Unde in cetebris, & nervorum morbis, paralyti, epilepsia, asthma: humoralis, veteri tussi, menses terii, & viscerum obstructionibus, & mensium suppressione utiliter exhibetur a ℥ss. ad ℥j. Externe tumores emollit, & discutit, scirrhus, nodos, & ganglia resolvit.

℥j. Opopanacis ℥ss. Croci gr. vj. Cinnamomi ℥j. cum Syr. de Absinthio q. s. M. F. bolus in mensium suppressione.

℥j. Opopanac. Rad. Irid. Florent. Agarici levis ana ℥ss. Syr. de Erysimo q. s. M. F. bolus in asthma:.

Usurpatur in Theriaca, Mithridatio, Hiera diacolocynthida, Trochyscis de Myrrha, Pilulis de Opopanace dictis, Pil. scetidis, El. antihydopico Charas, Unguento Apostolorum, Empl. de mucaginibus, Manus Dei dicto, divino, stiptico, & diabotano, *Collectan. Pharmaceuticor. Penicher.*

ARTICULUS OCTAVUS.

De Sagapeno.

Sagapenum, & Serapinum, Off. *Σαγαπένον*, Græcor. Sachabenigi sive Sechbenigi, *Arabum*. Succus est medius inter gummi, & resinam, modo guttis magnis constans veluti Thuris, modo in glebas magnas compactus, externe rufescens, intus corneo quodam colore præditus, subdente vel etiam digito lentescens, albescensque; mordax, & acri sapore, odore viroso, gravi, ad Porri, & Pinus saporem accedente, & quasi medio inter Asiam scetidam, & Galbanum. Candelæ admotus flammam concipit, & aqua, vino vel aceto super pruna incoctus totus resolvitur. Impuriore occurrunt in officinis glebæ concretæ, & veluti fusæ, colore obscuro aut fordido, sapore, & odore simili.

Com-

Commendatur Sagapenum pellucidam, foris rufum, intrus, cum frangitur, candidantibus aut flavis guttis compactum, quod inter digitos, si tractetur, lentescit, odorem fragrantem gravem emittit. De quodam Sagapeno foris, & intus albo Charas mentionem facit, quod recens & optimum fuisse existimat: sed tale rarissime in officinis aromatariorum reperitur.

Græcis veteribus notum fuit: Dioscorides Fetulacæ herbæ succum esse dicit, quæ in Media nascebatur. Hodie ex Persia & Oriente nobis adhuc affertur.

Planta ex qua stillat, ignota est. Ferulæ speciem esse conjiciunt ex caulibus partibus & seminibus cum hoc succo sæpius intermixtis.

Analysi Chymica, ex Sagapeni purissimi ℥ij. prodierunt phlegmatis rufescentis, acidi, porracei odoris, saporis resinosi ad Juniperum accedentis, ℥vj. ℥ij. gr. xvij. humoris acidi, fusci aut crocei coloris ℥ij. ℥j. gr. xxxvj. liquoris alcalini urinosi ℥j. ℥j. olei limpidi, fluidi, viridis ℥j. ℥vj. gr. xlij. olei cæreulei ℥ij. ℥j. gr. xlij. olei spissioris & ex fusco rufi ℥ij. ℥ij. gr. xij. Massa nigra in retorta superstes pendebat ℥vij. gr. lxxj. quæ per 20. horas in crucibulo calcinata cinerum ruforum ℥j. ℥ij. gr. xxxvj. reliquit; ex quibus per lixivium salis fixi salis ℥j. gr. ix. extracta fuerunt. In distillatione partium jactura fuit ℥vij. ℥vj. gr. xlij. in calcinatione ℥vj. ℥v. gr. xxx.

Sagapenum itaque constat ex sulphure, sale acido & volatili urinoso cum pauca terra: quæ compositum constituunt resinofum, & salinum Ammoniacale.

Arabice familiæ auctores inter purgantia medicamenta Sagapenum referant; quamquam ex Sagapeni facultas a Græcis silentio fuerit prætermissa. Reipia alvum movendi virtute donatur, sed adeo debili & ignava, ut cæterorum catharticonum stimulo egeat. Potentissime aperit, discutit, & attenuat, non leviter etiam abstergit. Inde commendatur in affectibus thoracis a crassa pituita oriundis, item in tumoribus duris, & callosis, præcipue partium nervosarum, necnon in capitis morbis diuturnis: in summa ubicumque humores crassi inspissati, & coagulati solvendi sunt & attenuandi. Intus sumitur a ℥j. ad ℥j. Usus obtinuit ut numquam solum usurperet, sed semper cum aliis medicamentis propriis, & convenientibus mixtum, & quidem sæpius in pilulari forma ob ingratum saponem. Utiliter præscribitur in asthma, obstructione, & tumore splenis, hydrope, nervorum morbis, spasmo, epilepsia, artuum tremore, & paralysis. Menses movet, at fortum enecare dicitur: quare ab eo gravidæ mulieres abstinere debent. Præterea Mesue illud ventriculo, & hepatis nocere assertit: quomobrem adstringentibus & roborantibus stomachicis temperatur, ut Spica, Mastiche, Cinnamomo, & aliis. Commendatur quoque ad quartanam, & ex eo Pilulæ parantur a Quercetano descriptæ, & dicuntur Pilulæ de Sagapeno Camilli, a quodam nempe Camillo Medico Genuensi celeberrimo.

24. Sagapeni electi ℥vj. Ammoniaci purissimi ℥ij. Extracti Trochiscor. alhandat ℥j. Bræmmonii præparati ℥j. Salis gemm. ℥ij. Misce cum Syrupio violato acidulo tincto. Fiat massa ex qua Pilulæ conficiantur. Pili aut Ciceris magnitudine. Unica Pilula exhibetur initio paroxysmi, Geoffroy Tom. I. Ll conti-

continuando per aliquot dies . Conducunt etiam pertinacibus affectibus debellandis, hypochondriacis, & viscerum infarctibus a crassis & glutinosis humoribus oriundis.

Tantam Sagapeno obstructions tollendi potentiam Rolsincius tribuit, ut exterius etiam admodum, inquit, incantamenti instar, viscerum obstructions tollat. Laterum dolores mitigat, scirrhusis lienis affectibus medetur, viscerum duritiem & obstructions tollit.

Usurpatur in Theriaca *Andromachi*, Mihridatio *Damocratis*, El. aper. cathartico *Charas*, & Elect. antihydopico *Ejusdem*. Hiera diacolocynthis, Trochilicis de Myrrha, Pilulis foetidis, Emplastro diachylo, gummato, de mucaginibus, Manus Dei, magnetico *Angeli Sala*, supposito *Crollii*, diabolano *D. Blondel*.

ARTICULUS NONUS.

De Sarcocolla.

Sarcocolla, Off. *Σαρκοκόλλη*, *Græcorum* : Anasarot, Anazaron & Anzarut, *Arabum* : vulgo *Sarcocole*. Succus est gummosus, aliquantisper resinolus, minoris, & veluti friatis constans, grumis albicantibus, aut ex albo rufis, aut rubentibus, spongiosis, friabilibus, micis lucentibus subinde mixtis; saporis subacris, amari, cum quadam ingrata dulcedine obicura, nauseam provocantis. Globularum Pisi aut Avellanæ magnitudine lacrymarum fragmina videntur, quæ seminibus, Papaveris non multo majora sunt. Sub dentibus lentescit, in aqueo humore dissolvitur, & candelæ admota primum ebullit, postea in claram flammam exardet. Eligenda est rara, spongiosa, candida, amara. Ex Persia & Arabia affertur.

Alia est Sarcocollæ species fusca, sordida & in glebas compacta, de qua Pomerus mentionem facit; sed prorsus rejicienda.

Planta quæ hunc succum fundit, a nullo vel veterum, vel recentiorum, descripta fuit; hodieque adhuc ignota est.

Analysi Chymica, ex Sarcocollæ ℞ij. prodierunt phlegmatis limpidi, flavescantis, saporis subfalsi, satui, quod alcali urinosi notas sed leves præbuit, ℞ij. ℞vj. humonis acidi rufescentis ℞v. ℞vj. gr. xxxvj. humoris, tum acidi, tum urinosi ℞ij. ℞ij. gr. xxxvj. olei fluidioris & fuscij ℞ij. ℞vj. olei spissioris ℞ij. gr. xxxvj. Massa nigra in retorta residua rara, spongiosa pendebat ℞vij. ℞vj. gr. lxvj. quæ per xxiiij. horas in crucibulo calcinata reliquit cinerum ex rufo fuscorum ℞vij. gr. liiij. ex quibus lizivio salis fixi falsi ℞i. gr. ix. extracta sunt. Partium jactura in distillatione fuit ℞v. ℞ij. gr. xlij. in calcinatione ℞vi. ℞vij. gr. xij.

Itaque Sarcocolla constat oleo copioso, mediocri salis acidi portione, sale alcali, tum volatili, tum fixo, uberrimo, & terra; ex quibus exurgit compositum gummosum seu saponaceum, & aliquantisper resinolum.

De Sarcocollæ viribus auctores inter se non conveniunt. Ejus purgatorię vir-

cutis veteres Græci non meminerunt, eaque nonnisi extrorsum utebantur. Arabes pituitam crassam & glutinosam purgandi facultatem illi tribuunt, Galenus refert, eam citra morsum exsiccare & vulnera glutinare. Serapio inter cathartica medicamenta illam recenset: extus comedere carnes ulcerum, intus exulcerare intestina, & inducere calvitium asserit. Nihilominus internum illius usum proponit a ℥j. ad ℥ij. modo sicut Euphorbium oleo Nucum vel Amygdalino temperetur. Verum C. Hofmannus internum illius usum prorsus damnat & rejicit.

Attamen fere omnes Sarcocollam commendant maceratam in lacte asinino vel muliebri in ophthalmiis seu oculorum fluxionibus, quas lymphæ acrimoniam demulcendo compescit. Præterea abstergit, consolidat, & cicatrice obducit. Unde nomen adepta est.

℥j. Sarcocollæ lacte nutritæ ℥j. Tuthiæ pp. ℥ss. Mucilag. Semin. Cydonior. in aq. Rosar. extract. ℥ij. M. F. collyrium in oculor. inflammationibus.

℥j. Myrrhæ, Aloes, & Sarcocollæ ana q. l. M. F. pulvis pro consolidandis vulneribus.

Usurpatur in Unguento mundificativo de Resina.

CAPUT OCTAVUM.

De Succis arte quadam e plantis extractis.

Iam recensitis succis liquidis vel concretis, qui ex plantis, vel sponte, vel per illata vulnera dimanant; superest ut de aliis quibusdam succis concretis differamus, qui arte quadam extrahuntur; sive extracti solidi consistentiam servant, quales sunt Aloe, Scammonium, Gutta gummi, Opium, Acacia, Hypocistis, Catechu, sive satis speciem induant, quales sunt Saccharum & Tartarum.

ARTICULUS PRIMUS.

De Succo Aloes.

Aloe & succus Aloes, Off. *Άλόν*, *Dioscoridis*: Liber & Cebus, *Arabum*. Succus est inspissatus, cujus diversa genera in officinis distinguuntur, tum ratione regionum, tum ratione plantarum, tum ratione substantiæ.

Veteres duo tantum genera distinguebant, teste Dioscoride; unum arenosum, crassum & impurum: quod purissimi sæx erat: alterum purum, hepaticum dictum, seu ad jecinoris colorem ex rufo rubentem vergens.

Hodie vero vulgarissima est in officinis Alces distinctio, ratione substantiæ puræ vel impuræ, in Soccorinam, hepaticam & caballinam. Soccorinam, vel ut alii volunt, Sycotinam & hepaticam disjunxerunt neoterici, licet una & eadem fuisse videatur apud veteres. Enimvero Aloe he-

parica a veteribus Græcis *Ἡπατική* & *Ἡπηνίσσα* nominata; a Barbaris Syccotina a recentiorum Græcorum vocabulo *συκωτά*; siccum dicebatur. Cum autem præstantior Aloe hepatica ex insula Soccotora afferretur, itam pro Syccotina Syccotinam & Succotrinam dixerunt; quo nomine non amplius hepatica ut olim, sed solummodo Aloe præstantior designatur; scilicet Aloe purissima, rufa aut subrubra vel crocea, nitens, & pellucida & unda Aloe lucida quoque dicitur, sapore amaro adstringente, aliquantisper aromatico; odore gravi, non ingrato. Hepaticam vero nuncupant Aloem densam, aridam, opacam, ad hepatis colorem accedentem, sapore amaro magis, & adstringente, gravioreque odore.

Caballina tandem deterior est Aloes species, ponderosa, densa, nigra, terra, arenulique plena, amarissima, nauseosa, virisque olens, veterinariis relinquenda.

Nos autem cum Botanicis accuratioribus, post J. Commelinum, Aloem distinguemus in præstantiorem seu Soccotrinam, vulgarem seu minus præstantem & foetidam seu caballinam. Vulgaris iterum pura est, & hepatica dicitur; vel impura seu vilior, & caballina nuncupatur: sicut foetida, quæ iterum in hepaticam seu puram dividitur, & sordidam seu caballinam.

Aloe præstantior, seu Soccotrina & lucida, purissima est, nitens, pellucida, pinguis, hyemē friabilis, æstate molliuscula, in manibus lente scens, fulva seu ex purpureo rufescens, pulverata, colore aureo nitens, aromaticam amaritudinem respiciens; odore gravi aromatico tamen, nec adeo ingrato, Mirrhæ proximo.

Non ex eadem planta elicitur, ex qua hepatica & caballina, sicut post Joann. Commelinum Samuel Dale in sua *Pharmacolog. supplemento* observavit.

Hæc planta dicitur Aloe Succotrina, angustifolia, spinosa, flore purpureo; *Bryn. 2. Prodrom. Commelin. Horti Amstel. rarior. 91.* Aloe Indiarum orientalis serrata, sive Succotrina verâ, floribus Phœniceis, *Horti Barmont: Aloe Americana. Ananæ folio, floribus suaverbentibus, Plukn. Phytograph. tab. 240. fig. 4.* Ex radice tuberosa cortice cinereo obducta folia emittit saturate virescentia, sesquipedalia, angusta, crassa, succulenta, extremo in mucronem desinentia, sentibusque exiguis, pallidis dense stipatis, mollioribus armata. Ex horum medio thyrsus seu caulis emittitur sesquipedalis & altior, teres, lævis, parte superiore foliolis amictus colore fusco, cujus cacumen floribus ornatur densissime stipatis & spicatis, liliaceis, monopetalis, veluti tubulosis, in sex partes sectis, dilute purpureis, nutantibus, cum staminibus sex rubicundis receptaculo, non vero corollæ, ut in cæteris monopetalis, insertis, extra flores emicantibus; quibus succedunt fructus triangulares & triapfulares, seminibus foeti. Caule evanido novæ foveles aut germina producantur e lateribus plantæ; quibus multiplicatis, uno eodemque tempore plures thyrsi simul exeunt. Folia transversim secta succum emittunt luteum atque amarum, qui odore gratior est, quam vulgaris Aloes succus.

Ex foliis & radice avulsis manu vel instrumento leviter compressis succus distillat in vas recipiens. Subsidere debent partes crassæ per noctem, aliæ vero supernatant. Postero die in aliud vas infundunt, & insulant ut concresecat & exsic-

exsicceetur . Tunc fulvum acquirit colorem . Ex insula Soccotora in coriis ad nos transportatur .

Aloe minus præstans seu hepatica obscurior est , minus splendens , magis densa & arida , jecinoris colorem referens , odore graviore , sapore intensius amaro .

Extrahitur ex planta , quæ dicitur Aloe vulgaris , C. B. Pin. 286. Radice est pedali , duas uncias superante , fibris leviter flavescensibus munita , ex qua oriuntur folia in orbem digesta , cubitalia , tres quatuorve pollices lata , unciam crassa , in acumen sensim desinentia , in ambitu dentata , leviter aculeata & cæsis pulvere aspersa . Caro interior mollis , subdulcis , glutinosa , Gelatinæ translucide similis , quam trajiciunt hinc inde vascula nonnulla flavum succum intense amarum fundentia . Cortex autem foliorum similibus vasculis contextitur eo turgidis succo qui concrevit in massam aridam , obscure rufescentem . Caulis ad duos cubitos assurgit rectus , plerumque bifidus vel trifidus , in quo flores longa serie disponuntur monopetali , penduli , unciam superantes , posterius tubulati , anterioris in segmenta sex divisi , flavescencia , lineis quibusdam virecentibus distincta : pistillum quod occurrat in fundo floris , mutatur in fructum trigonum , & in tria loculamenta divisum seminibus planis foeta . Hæc planta in Oriente & in Occidente crescit : & succus ejus non solum in plurimis Indiarum locis ut Cambaja , Bengla paratur , sed etiam in plurimis Americæ regionibus , ut Mexicano Regno , nova Hispania , Brasilia , Barbadosibus insulis , &c.

Folia minutim secta & confusa in vas oblongum & cylindricforme reponunt per dies 25. Spuma attollitur inutilis & abjicienda . Tum superior succi pars sumitur , a fecibus separatur , & calore solis concrevit in Aloen hepaticam : feces vero inspissatæ impurum præbent extractum quod caballinæ Aloes nomine donatur .

Aloe foetida vilior , & caballina proprie dicta , odore suo ingrato , ac vehemente a cæteris Aloes speciebus facile distinguitur , licet cum vulgari cæteroquin sat bene conveniat : imo nonnunquam adeo lucida & pura præparatur , ut a Soccotrina nonnisi odore tetro distingui possit . Caballina dicitur quia solis veterinariis ad brutorum usum relinquitur , ob odorem & saporem teterrimum . Sicut vulgaris pura est , vel sordida .

Aloe Soccotrina fere ab omnibus ad usum internum expetitur , ad externum hepatica ; licet contra sentiant nonnulli , qui hepaticam , tum ad externum , tum ad internum usum præstantiorem esse asserunt .

Reipsa clarissimus vir Simon Boulduc Reg. Scientiar. Academ. Socius multum discriminis inter diversas Aloes species observavit ; quandoquidem in Aloe Soccotrina lucida minus resinæ seu sulphuris , plus substantiæ gummosæ seu salinæ , quam in hepatica , contineri per illarum substantiarum extractionem deprehendit : siquidem in Aloes Soccotrinæ ꝑiii. affusa aquæ bullientis q. s. & igne arenæ maceratis tota Aloes substantia dissoluta fuit . Verum solutione in loco frigido per aliquot horas reposita , portio quædam resinosa spissior , & gravior vasis fundum petiit , liquore aqueo supernatante . Separatis liquoribus ,

resinosum sedimentum solis radiis expositum & exsiccatum pendebat ℥vij. gr. xij. Hanc resinofam substantiam exsiccatam spiritu vini dissolvit, remanente quadam quasi arenosa & terrea portione non dissoluta ponderis ℥x. granor. Vini autem spiritu blando ignis calore exhalato, resinofum extractum residuum, & prorsus inflammabile pendebat ℥vj. gr. xxxij. Li- quor aqueus vel gummosus balneo cinerum exsiccatu relinquit extracti gummosi ℥ij. ℥i.

Similiter Aloes hepaticæ ℥iiij. in aqua bullienter prorsus solutis, & solutione refrigerata, portio quædam gravior, spissior & resinosa per tempus vasis fundum petiit. Utroque liquore separato, resinofum sedi- mentum exsiccatum pendebat ℥ij. ex quo ope spiritus vini resinæ inflam- mabilis ℥xi. extraxit, remanente salino-terrea portione ad pondus ℥iiij. gr. xxxvj. quam saleem essentialem Tartaro fere similem suspicor. Ex aquosa solutione evaporata extracti gummosi ℥xi. obtinuit.

In his solutionibus & extractionibus magna fuit partium deperditio, sci- licet pro Aloë Succotrina ℥vij. gr. ℥x. & pro Aloë hepatica ℥v. Unde concludere liceret Aloë Succotrinam majore partium volatilium, tum salinarum, tum sulphurearum copia donari quam hepaticam; resinosa portionis dimidio minorem quantitatem, gummosæ substantiæ fere du- plam, perparum vero terræ & salis fixi.

Idem auctor experientia compertum habuit resinam seu sulphuream par- tem vi dejectoria fere destitui, solam gummosam purgare; & quidem vehementius, cum a substantia resinosa separata fuit. Asserit Succotri- nam vehementius purgare quam hepaticam. Reipsa Succotrina majori partium volatilium & actuosarum copia instruitur, a quibus potissimum vis cathartica pendet. Insuper salina pars in hepatica a resinosis debite temperatur, non item in Succotrina. Nec Succotrinam ad usum exter- num præstantiorem, imo longe inferiorem esse hepatica quæ majori sulphurearum & balsamicarum partium copia donatur: necnon etiam expertus fuit resinofam Aloës substantiam insigni balsamica virtute dona- ri, & in vulneribus exterijs admodum efficacissimam fuisse. Ex quibus sequitur hepaticam Succotrinæ anteponeendam esse, tum ad usum exter- num, tum etiam ad usum internum. Quod jam nonnulli contra vulgi opinionem tueri ac probari conati sunt, ut Jubera Pharmacopæus Hispa- nus apud Zacutum Lusitanum; & alii apud Rossincium, p. 36. *De pur- gantibus*.

Analyti Chymica, ex Aloës hepaticæ ℥iij. per retortam distillatis prodierunt phlegmatis limpidi, saporis & odoris expertis ℥iiij. gr. xxxvj. humoris limpidi, subadstringentis, quod tamen alcali volatilii notas præbuit, ℥v. gr. xxvj. liquoris, tum acidi, tum urinosi, primum coloris limpidi, & odoris bituminosi; deinde rufescentis & empyreuma- tici, ℥x. ℥iiij. gr. xvij. olei spissioris ad Syrupi consistentiam, saporis acris, pungentis sine amarore, & aquæ gravioris, ℥j. ℥vij. gr. xlvj. Massa nigra rara, levis saporis expertus, in retorta residua pendebat ℥xv. ℥ij. quæ per aliquot horas calcinata relinquit cinerum ℥ij. ℥v. gr. xlij. ex quibus salis fixi salis ℥iiij. gr. xxxij. lixivio extracta sunt, lartium jactura in distillatione fuit ℥ij. gr. xvij. in calcinatione vero ℥xij. ℥iiij. gr. xxx.

Ex

Ex hac analysi sequitur Aloen constare ex sulphure crasso, & copioso, salis Ammoniaci portione non mediocri, Tartari vero modico, cum multa terra conjunctis. Unde compositum exurgit salinogummosum & resinosum.

Aloe medicamentum fuit ab omni ævo commendatissimum, tum ad usum internum, tum ad externum: Veteres purgandi, viscera roborandi, venas aperiendi, vulnera & ulcera glutinandi, & sanguini profluvia sistendi facultatem huic succo tribuerunt, non tamen abique controversia.

Primi quidem dubitant, an inter *εξοπηωτικα* Aloe sit recensenda, an inter *αδρυστικα*? Galenus, L. 6. *De simpl. Medicamentor. facultatibus*, cap. de Aloe, eam medicamentis stercorea educentibus annumerat, eique Paulus Ægineta assentitur. Idem Galenus, 8. *De compositione Medicamentorum secundum loca*, cap. 2. debilem purgatoriam vim Aloen obinere scribit, atque illam tantum purgare quæ circa alvum reperiuntur. Idem quoque 6. *De sanitate tuenda*, cap. 10. bilem solam purgare ait in ventre: & alibi excludit pituitam, dum docet Aloen non conducere illis, quibus in tunicis ventriculi pituita est impacta.

Contra vero Arabes aliter sentiunt: & Mesue hoc medicamento bilem, pituitam, viscidoque alios, tenaces & crassos humores purgari asserit, caput & ventriculum mundari, jecurque ab infarctu liberari.

Reipsa Aloe non solum alvinas feces dejicit, sed etiam bilis vitii medetur, crassiorem dividendo & attenuando, inertem aciendo, ita ut postea facilis & uberius per intestina fluat. Si vero majori dosi exhibeatur ad uberiores catharsim promovendam, tunc non tam humores quam sanguinem prolicit, illum in vasis hæmorrhoidalibus fermentando & rarefaciendo. Itaque Aloe parva dosi sumpta in ecoproticorum medicamentorum numero adscribenda est: sed majori dosi exhibita non tam veluti vehemens quam noxium catharticum se præbet. Si vero catharticam ejus vim intendere velimus, aliorum purgantium consortio indiget, quæ pro re nata eligenda & ipsi consocianda sunt.

De roborandi viscera, ventriculum & jecur, aliaque purgantia emendandi virtute auctores inter se non magis conveniunt. Dioscorides Aloen mixtam cum aliis purgantibus minus stomacho noxia ea reddere refert. Galenus, 6. *De simpl. Medicamentor. facultatibus*, statuit eam gratam stomacho, ut si quid aliud. Idem sentit Paulus Ægineta. Omnia, inquit, purgantia stomacho inimica, sola Aloe grata. Mesue luculentum salutaris ejus operæ testimonium præbet: Aloen enim proponit veluti Medicinam purgantem cæteris longe præstantiorem; quæ tantum abest quin corpus debilitet, sicuti cætera purgantia, illud contra roborat; quæ aliorum purgantium vitia emendat, læsionibus medetur, effectus juvat. Alii tandem hunc succum salutis naturæ Balsami titulo insigniunt, utpote qui humores naturales conservat, præternaturales evacuat, medios emendat, & universos putrefieri & corrumpi prohibet; unde tritum illud adagium: *Qui vult vivere annos Noë, sumat pilulas de Aloe.*

Non omnes tamen de Aloes virtutibus in eadem sunt sententia; cum

econtra ventriculo, jecori nocere, imo vitam abbreviare nonnulli afferant. Galenus 3. *Aphorismor.* 15. frequentiore purgantium etiam lenientium usum damnat his verbis: „ Qui veritus, ne multa in corpore „ excrementa cumulentur, purgationem bis aut certe semel in mense „ adhibeat, is præterquamquod in malam consuetudinem corpus adducet, „ etiam ipsum labefactabit, deteriusque reddet. “ Quod licet de Aloe speciatim non sit prolatum, non minus de hoc medicamento quam de cæteris intelligi debet. Qui vero cum Galeno respondent, Aloem esse stomacho amicissimam, a Cardano & Scaligero vehementer redarguuntur. Afferunt enim eo errore infinitos homines sperantes hoc auxilio ad senectutem se perventuros, illius usu ante maturam ætatem interiisse, aut in gravissimos morbos coniectos fuisse.

Nec mitius de Aloe Fernelius fert iudicium, *L. 3. Methodi medendi*, cap. 9. Aloe, inquit, nocet hepati, cujus venas tenues amarore & acrimonia vellicat, podicem corrodit, aperitque hæmorrhoidas. Adversissima illis, qui sanguinem vomunt, aut excreant, aut quovis modo ex alvo aut utero profundunt: inutilis naturis calidis & siccis, extenuatisque corporibus, nisi cum ingens est humidiorum excrementorum proventus; nec puero apta, nec prægnanti tuta, nec seni excrementis vacuo conveniens.

Caspar. Hoffmannus, *de Medicam. officinalib.* scribit post Helidæum, interiorum Aloes usum suspectum esse, nisi sanguinis ciendi gratia exhibeatur. Idem etiam sano sensu intelligi debere existimat immanes illas laudes a Mesue & aliis decantatas; præcipue quod ventriculo grata esse dicatur, non sola constrictione, verum etiam occulta proprietate. Primo enim purgans est proprie dictum, quo ipso affert secum aliquid naturæ adversum, quod dum corrigere volunt Mastiche, Croco, Cinnamomo, tacite fatentur culpam. Non igitur, ut jam diximus, inter lenientia annumerandum est, sed inter purgantia collocandum, licet in inferiori gradu, ut Manna & Rhabarbarum.

Verum has lites sic componere tentabimus. Aloes usus assiduus immoderatus & illegitimus nocet: moderatus ac legitimus prodest, præsertim magnatibus & opulentis civibus qui laute & opipare viventes tot diversis ciborum & condimentorum speciebus indefinenter farciuntur & saginantur; ita ut ventriculus assiduo digestionis labore & enormi ciborum copia oppressus & debilitatus, hujus amari medicamenti stimulo nonnunquam indigeat, tum ad illuviem crudam, tenacem, parietibus suis adhærentem, incidendam, resolvendam, tum etiam ad eam foras cum fœculentis sordibus quæ in intestinis turgent, eliminandam. Aloe, inquam, his quibus per vita desidem & inexercitam humores in abdominalis vasis stagnant crassi, viscidii, lutulenti, & magis magisque concrelescent, apte prime conducit.

Tunc ventriculum & intestina juvat, fœces quibus obruuntur dejiciendo, & concoctionem perficiendo: hepati conducit, sanguinem spissum & bilem viscidam solvendo, fluidiores efficiendo, eorumque motum concitando. Si quid vero detrimenti a frequentiori Aloes usu helluonum corpus patitur, nihil faciendum est præ noxa quam superfluum redundantia inferret. At vero de aliorum corporibus aliter sentiendum est. Corpora enim excre-

excrementis vacua lædit : sicca , & biliosa magis , ac magis exsiccat , & in atrophiam inducit : viscera jam præfervida inflammat , & in hæmorrhagias inducit , æstuantemque sanguinem magis accendit.

Vis *ἀναισθητική* , seu venarum orificia aperiendi , & sanguinem eliciendi succo Aloes ab Arabibus , & neotericorum plurimis tribuitur . Græci autem de illa alte silent : econtra Dioscorides cruentas excretaiones sistendi potestatem ipsi tribuit . Verum quotidiana experientia confirmat , diuturnum Aloes usum hæmorrhoidum fluxum promovere , menstrua mulierum profluvia excitare , & fœtum pellere . Quapropter Medici omnes Aloem utiliter adhibent , vel solam , vel cum aliis medicamentis idoneis , si menses vel consuetus hæmorrhoidum fluxus substiterint , ad illas solitas evacuationes restituendas .

Quæ cum ita sint , quærent utrum Aloe , quæ inferiora sanguinea vasa aperire valet , superiora quoque aperiat , & potissimum pulmonum vascula ; necne ? Dioscorides Aloem cum aqua aut lactis sero sanguinis excretaiones sistere scribit : idem quoque Plinius refert . Verum Galenus , licet vim adstringentem & ulcera , glutinantem in Aloe externe admota agnoscat , non tamen illam intus sumptam in sanguinis sputo proponit . Inter Arabes Serapio Dioscoridem secutus , illius opinionem tuetur : at Mesue de illius intus sumptæ virtute mentionem non fecit . Neotericorum nonnulli , ut Monardus , utramque virtutem Aloes succo devorato tribuunt ; scilicet orificia venarum inferiorum , uterinarum nempe , & hæmorrhoidalium , aperiendi , & aperta pulmonalium vasa occludendi : quæ quidem contrariæ virtutes in pluribus medicamentis observantur . Verumtamen prætos Medicæ peritiores , post Fernelium , internum Aloes usum in vomitu cruento aut sanguinis excretaione reformidant . Saltem ab eo abstinere tutius esse cum illis censemus , cum alia sint medicamenta minus periculosa , & præstantiora .

Quarta , quæ huic succo tribuitur qualitas consideranda venit , nempe vulnera , & ulcera glutinandi , & sanguinis profluvia sistendi . Nullus fere in dubium revocat virtutem vulnerum , & ulcerum glutinandorum , & ad cicatricem perducendorum , quæ Aloes succo externe admoto tribuitur , necnon sanguinem ex vulneribus vel etiam ex hæmorrhoidibus promanantem sistendi . In eo consentiunt Arabes , & neoterici cum Græcis . „ Aloe , inquit Galenus , *L. 6. de simplicium Medicamentorum facultatib.* medicamen est , quod sinus glutinat , sanat ulcera , quæ ægre ad cicatricem duci queunt , & maxime , quæ sunt in extrema principis , intestini ora ac pudendo . „ *Iridem* , §. *Method. medend. cap. 4. & 5.* miram in sistendo sanguine . Aloï vim inesse indicat . „ Thuris , inquit , pars una Aloes parti dimidiæ miscetur , cum ovi albumine subigatur , ut Mellis crassitudinem reddat : deinde leporinis pilis mollissimis excipiantur , & vasi aut ulceri imponatur . „ Avicenna idem medicamentum probat in hæmorrhoidibus . Nec minus recentiores eam ut balsamicam , & summe vulnerariam prædicant . Magni enim est usus apud Chirurgos pro mundificandis vulneribus externis , quæ in ulcera solent mutari ; sive decoquatur in vino cum Aristolochia , Nicotiana , Myrrha , &c. sive misceantur cum emplastris , & unguentis idoneis , sive ejus tinctura cum aqua vitæ aut spiritu vini adhibeatur pro sordidis ulceribus eluendis .

Præ-

Præter vires jam recensitas, virtus quoque vermes intestinorum necandi ipsi, tum intus sumptæ, tum umbilico admotæ tribuitur.

De Aloes dosi veteres cum neotericis, saltem cum harumce regionum Medicis, non conveniunt. Dioscorides 3ß. vel ʒj. proponit pro dosi ad alvum solvendam, & ʒiij. ad catharsim perficiendam. Hodie vero hæc dosi nimia videtur. Exhibetur tantum a ʒj. ad ʒij. substantia sub forma boli vel pilularum: adeo enim amara est, & nauseosa, ut palatum vix reperiatur, cui Aloë soluta possit exhiberi.

Nec de utendi tempore minus dissentiunt. Paulus Ægineta Aloë mane, scilicet jejuno stomacho, sumendam esse pronuntiat. Qui enim vespere dant, inquit, aut post cibum, lædunt: corrumpit enim alimentum. Hodie tamen Aloë præscribitur vel jejuno ventriculo, & optime purgat; vel cum alimentis, ineunte prandio vel cœna, & alvum tardam stimulat, ac deijcit.

A veteribus raro præscribatur, nisi lotione vel nutritione præparata. Sic lavari solet Aloë lævissime pulverata; vel sola, vel cum Creta tenuissime trita, ut vult Jacobus Sylvius, ex aqua fontana purissima agitetur aliquamdiu radícula lignea: deinde sinatur per quadrantem horæ aut amplius subsidere; tunc quod clarius supernat, inclinato, vase in aliud transfusetur, & per se insolatu siccetur. Quod si nondum pura, & perlucens satis appareat, iterum teratur & lavetur ut prius; idque, si liber, tertio & quarto fieri potest. Nam toties lotam Aloë acrimonia & vi purgatrice prope tota destitui veteres existimabant. Contra tamen sentiunt neotericorum nonnulli: inter quos Ettmullerus duas substantias in Aloë agnoscit, mucilaginosam unam ex qua vis purgans atque laxans pendet, resinosam alteram in qua adstringens seu ventriculi & intestinorum fibras roborandi vis latet. Unde ubi purgatione sola opus est, mucilaginosam substantiam speciatim convenit: tuncque Aloë lota, seu gummosum extractum aquea lotionem præparatum, illoræ Aloë præstat, aut valentius purgat. Ubi autem opus est, ut substantia resinosa, & balsamica retineatur, sive ad vim purgantem contemperandam, sive aliam ob causam; cum illoræ Aloë erit usurpanda. Quod etiam experimentis D. Boulduc confirmatur. Quod si Aloë more veterum præparata & lota minus purgaret, fortasse ex eo quod salinæ hujus succi particulæ alcalicis Creatæ partibus retulæ inertes, & ad intestinorum fibras sollicitandas prorsus ineptæ evaderent. Itaque cum D. Boulduc concludemus aqueam lotionem inutilem esse ad catharticam Aloë vim mitigandam, imo illam potius augere. Sufficit ergo ut Aloë sive Soccorina, sive hepatica pura, & ab heterogeneis particulis munda seligatur.

Non idem dicemus de nutritione, seu, ut vocant, insuccatione, alia nempe Aloë præparatione in officinis usitata. Aloë electam & pulveratam solvunt in succo Rosarum, Violarum, Endiviæ, Fumariæ, aut alio vel in decocto medicamentorum purgantium aut aromaticorum, aut aliorum; & absque colatura insolant aut blando igne exsiccant; idque secundo aut tertio reperiunt, sicque obriunt Aloë rosatam vel violatam, idest, extracto Rosarum vel Violarum permixtam, & temperatam. Quidam hanc Aloë præparationem, lotionem quoque, sed improprie vocant.

Aloë

Aloe usta quoque a quibusdam expetitur, ut alvum magis roboret, & fluxus sistat. Sed inutilis est hæc præparatio, quæ Aloes substantiam destruit, non emendat.

Aloe itaque intus sumpta biliosos, & pituitosos humores purgat: menses, & hæmorrhoidas promovet obstructions uteri, hepatis, mesenterii aperit: ventriculum, & intestina firmat, & roborat: ciborum concoctionem juvat, & appetitum excitat: vermes necat, & expellit, & putredinem arceat. Convenit in morbis a viscerum atonia, & obstructione oriundis, cachecticis, frigidis, humidisque corporibus: nocet vero illis quorum prætervicia sunt viscera, sanguis biliosus, & æstuans, hecticis, phthisicis, & illis, qui sanguinem vomunt aut excreant, aut ex quacumque corporis parte profundunt. Infestissima est in morbis acutis, & inflammatoriis & ab ea gravidae mulieres abstinere debent. Externe ad ulcera sordida abstergenda, & sananda utiliter præscribitur. Commendatur quoque in oculorum ulceribus.

℥i. Aloes electæ subtilissime pulver. ℥ss. Succ. Rosar. ad eminentiam quatuor transversor. digitor. Miceantur, & in pulvem redigantur. Cribro setaceo testa solis radiis exponantur, & ad Mellis consistentiam inspissentur. Novus succus affundatur, & evaporetur; idque novies repetatur. Tandem exsiccatâ massa vesica excipiat, & ad usum servetur: est Aloe rosata. Ex ea formentur pilulæ exiguæ. Quo minores sunt, eo melius operationem suam absolvent. Eodem modo Aloe violata præparari potest.

℥i. Aloes rosat. & Extarct. Rhabarbari ana ℥j. Mastiches ꝑ. Extractor. Gentianæ, & Absynth. ana ℥ss. Fiant pilulæ ad alvum solvendam, ventriculum roborandum, & ciborum concoctionem juvandam. Dosis ℥j. ante cibum.

℥i. Aloes hepaticæ, & pulver. Jalapæ ana ꝑss. Trochiscor. Alhandal gr. ij. Agarici trochiscati, gr. x. Olei Anisi gutt. ij. Syrup. flor. Persicor. q. s. M. Fiant pilulæ purgantes, & cephalicæ, mane jejunio ventriculo exhibendæ.

℥i. Aloes lucidæ gr. xv. Gummi guttæ gr. ij. Aquil. albæ gr. vj. Syrup. de Rhamno cathartico, q. s. M. Fiant pilulæ hydragogæ; cum olei Cinnamom. gutt. j. aromatizandæ.

℥i. Aloes hepaticæ & Scammon. ana ℥ij. Mastiches, & succi Glycyrrhizæ ana ℥ij. Syr. Rosar. solut. q. s. M. Fiant pilulæ purgantes, cum oleo Caryophyllor. aromatizandæ. Dosis ℥j. vel ℥ss.

℥i. Aloes lucidæ ℥j. Myrrhæ ℥ss. Croci gr. xv. cum Syr. de Absynth. q. s. M. Fiant pilulæ ad alvum solvendam, ventriculum roborandum & menses provocandos. Dos. ℥ss.

℥i. Aloes Soccotrinæ, & Gummi. Ammon. ana ℥vj. Croci Martis aper. ℥v. Extracti Centaurii minor. ℥iiij. Syrup. de Absynth. q. s. M. F. Massa pilular. aper. in Chlorosi, & cachecticis affectionibus. Dosis ℥j. mane & vespere.

℥i. Aloes Soccotrinæ ℥ss. Vitrioli albi gr. v. Aquar. Fœniculi, & Ephrasæ ana ℥iiij. Fiat ex arte collyrium.

Ex Aloe Tinctura, & Elixir proprietatis Paracelsi præparantur.

Tinctu-

Tinctura Aloes extrahitur, pulveri Aloes affundendo spiritum vini ad eminentiam duorum vel trium digitorum, digerendo in balneo arenæ, donec colore intenso rubicundo spiritus tingatur. A fœcibus tinctura separatur, & servetur ad usum. Vi purgante donatur, sed debiliori quam aquea Aloes solutio: ventriculū roborat: vermes necat. Externe vulneraria est insignis, & putredinem arceat.

Elixir proprietatis *Paracelsi* conficitur ope spiritus vini, vel absque acido, vel cum acido, vel cum spiritu volatili, urinoso.

℞. Aloes Soccorinæ, Myrihæ electæ, & Croci optimi minutim secti ana ℥j. Sp. vini rectif. ℥xx. Digerantur simul in B. M. vel fimo equino per 15. dies: dein liquor supernatans effundatur, & in loco calido per diem unum aut alterum detineatur, donec fœces omnes subsederint, deinde reponatur ad usum.

Nonnulli huic tincturæ addunt sp. Sulphuris per campanam extracti ℥j. Digerunt adhuc per tres septimanas, & liquor a fœcibus, si quæ sint, separatur; & est Elixir cum acido paratus. Alii in locum acidi spiritus spiritum salis Ammoniaci volatilem sufficiunt ad ℥j. & sic præparant Elixir proprietatis cum alcali. Hoc Elixir alvum blande subducit, vermes necat, subdres pellit, fibrarum ventriculi, & viscerum tonum firmat & roborat, menses pellit, & hæmorrhoidales venas aperit. Præservativum est egregium in putredine scorbuto, peste, morbis malignis, & contagiosis, præsertim cum acido paratum: uterinis, & hypochondriacis proficuum est. Dosis ad alterandum, & roborandum a gutt. vj. ad xx. semel atque iterum die, ad debitam evacuationem a ℥j. ad ℥ij. Eadem cautiones, ac pro Aloës usu adhibendæ sunt.

Usurpatur Aloe in Hierâ picra *Galenî*, Hierâ de Agarico, *Nicol. Myrepsi*, Hierâ Logudei *Nicol. Myrepsi*, Pilulis Aloephanginis *Pb. Lond.* de Hierâ simpl. de Hierâ comp. aggregativis seu polychrestis, de Ammoniaco *Quercetani Ruppi*, cochiis, fœtidis, aureis, sine quibus, Romachicis seu ante cibum, Angelicis, Mercurialibus, *Rudii Pb. Lond.* Imperialibus *Lugdunensium*, hystericis, & mensentericis *Charas*, hydropicis, & Tartareis *Bontii*, Tartareis *Schroderi*, Extracto panchymagogo *Charas*, in Oleo Scorpionum comp. *Matthioli*, in unguento de Arthanita *Mesues*, Unguento mundificativo de Apio, in Emplastro *Paracelsi*, de linamento, stiptico *Charas*, Colyrio *Lanfranci* ad ulcera venerea detergenda, & in Pulvere ad implendas cadaverum cavitates.

ARTICULUS SECUNUS.

De Scammonio.

Scammonium, Scammonia, & Scammonea, Σκαμμόνια, *Dioscoridis*: Διὰ πύδινον, *Tralliani*, & quorundam Græcorum recentiorum: Diacrydium *Cæli-*

Calli Aureliani : Scammonia & Sachmunia, *Arabum*, vulgo *Scammonia*. Succus est concretus, resinofus & gummosus, purgans, apud veteres & neotericos maxime usitatus; cujus duo genera in officinis reperiuntur; unum Alepenie, alterum Smyrnaeum.

Scammonium Alepenie est succus concretus, levis, rarus, fungosus, friabilis, e cinereo nigricans, & splendens, dum frangitur; in pulverem albidum aut cinereum abiens, cum digitis tractatur; saporis amaricanus cum quadam acrimonia, & odoris virulenti. Ex Alepo affertur, ubi colligitur.

Scammonium Smyrnaeum nigrum est, magis densum ac ponderosum. Ex Smyrna asportatur: illuc vero affertur ex urbe Gallo-Græciæ sive Galatiæ Contejo nunc *Cute* dicta, & ex Iconio nunc *Coggi* dicto Licaoniæ seu Cappadociæ Provinciæ, non procul a flexu Tauri montis; ubi ampla hujus mercedis seges est, ut viridatissimus & rei Botanici peritissimus D. Sherard Anglus, qui Smyrnae per 13 annos nationis Anglicæ consularum gessit, mihi narravit. Alepente Smyrnae anteponitur.

Scammonium eligitur tenerum fractu, & pulveratū facillimum, utens linguam parum vehementer urgens, quod fractum linguæ salivæ tactu vel humoris alicujus albescit & lactescit. Rejicitur adustum, nigrum, ponderosum, arenulis, lapillis aut aliis heterogeneis repletum.

Planta quæ hunc succum profert, dicitur Convolvulus Syriacus & Scammonia Syriaca, *Morisson. Histor. Oxon. part. 2. 12.* Ex radice crassa Bryoniæ forma, carnosa, intus albida, foris pulla, fibris quibusdam donata, & lacteo succo turgente, viticulas emittit triebitales, seu caules tenues, scandentes, & circa vicinas plantas se convolventes. Folia in his alterno ordine disponuntur, Convolvuli minoris arvensis foliis similia, triangula, glabra, cum basi sagittata. Ex eorum alis flores nascuntur campaniformes, ex candido purpurascens aut flavescens. Horum pistillum abit in capitulum seu capsulam acuminatam, seminibus foetam nigricantibus & angulosis. Nascitur in Syria, & solo pingui delectatur circa Alepum.

Doctissimus Tournesortius observat, Dioscoridem alter Scammoniam plantam describere. „Scammonia, inquit, ab una radice ramos emittit, trium cubitorum, multos, pingues, & qui nonnihil crassitudinis præferunt; foliis Helixinæ aut hederaceis, mollioribus tamen, hirsutis & triangulis; flore candido, rotundo, in calathi modum cavo, graveolente; radice prælonga, crassitudine cubitali, candida, gravi odore, succo graviora.“ Laudat idem Dioscorides Scammoniam ex Mysia Asiæ regione delatam: improbat vero Syriacam & Judaicam, quæ suo tempore gravis erat, densa, levi farina & Tithymalo adulterata. Hanc Convolvuli hirsuti speciem Cl. Tournesort. observavit in Mysiæ campis inter montem Olympum & Sipylum, sed etiam circa Smyrnae & in insulis Lesbo & Samo, ubi hodierna die succus concretus etiam colligitur Scammonio Syriaco longe inferior. Itaque Cl. Tournesort. nos inducere videtur, ut credamus Scammonium *Off.* ex plantis, si non diversis generis, diversæ saltem speciei oriundum esse, Syriacum nempe seu Alepente ex Scammonia folio glabro; Smyrnaeum & Dioscorideum, ex Scammonia

monia foliis hirsuto : quod tamen non affirmat . Cum tamen hac de re clarissimum D. Sherard. percontarer, retulit, seipsum quoque circa Smyrnam eundem Convolvulum hirsutum, observavisse, sed nullum ex illo succum extrahi ; tanta copia Scammoniam Syriacam seu Convolvulum glabrum ibi ubique nasci, ut solus sufficiat ad Scammonium, quo utuntur, præparandum ; nec ad hunc succum extrahendum Scammoniam quocumque in loco natam seligi, sed eam præcipue quæ in declivi montis sub Smyrnæ castello crescit, expeti, ubi aliquantisper remota terra radicem detectam incidunt, & vulnere Mytulorum conchas apponunt, quibus succus lacteus excipitur, & exsiccatum asservatur . Hoc Scammonium in conchis ad incolarum usum reservatur, rarissime ad externos mittitur . Omne Scammonium quod per Smyrnam ad nos venit, ex Contejo & Iconio, ut jam dixi, affertur ; arque mercatores his in locis ex eodem Convolvulo glabro colligi asserunt .

Diversæ sunt illius succi legendi rationes a Græcis & ab Arabibus recensitæ . Dnas Dioscorides proponit. 1. Capite exempto, radix in testudinis inversæ speciem cultro excavatur, quo fit, ut in cavum confluat succus, qui conchis demum excipitur. 2. Alii scrobes in terra concamerato sinu fodiunt, in quas subjectis Juglandium foliis profundunt succum, siccaturumque extrahunt. Quatuor autem a Mesue recensentur, quæ quidem diversa quoque succum exhibent. Primo, cum primum radix super terram extiterit, pars ejus quæ terræ supereminet incisa succum gummeum quotidie remittit, qui siccatus servatur. Deinde radix omnino evulsa inciditur, lacque inde profluens siccatur, vel igne lento, vel sole ; & in offas quasdam formatur & obsignatur : colore autem est subalbo vel vario. Postea taleolæ radicum tritæ exprimentur, & succus siccatur, sigilloque notatur : est autem hic crassus, niger, gravis . Sunt etiam qui ex foliis & caulibus tritis succum extrahunt, siccant, coguntque : sed hic ex nigro virescit, estque odoris ættri. Hodie Scammonii massæ sigillo notatæ non amplius asferuntur .

Scammonii lacryma quæ ex radice incisa sponte fluit, qualis circa Smyrnam in conchis colligitur, licet præstantior sit, rarissime vel nunquam ad nos venit. Colore est pellucido, albicante vel flavescente, resinæ vel glutini Taurini instar. De tali Scammonio pellucido Lobelius & Pena in *adversariis* mentionem faciunt. Scammonium autem, quod nobis hodie asportatur, est in glebas compactum, opacum, & cinereum. Quisnam autem sit illius succi colligendi modus plane ignoramus. Sed verisimile est illas glebas esse ex succis, tum incisione, tum expressione extractis coagmentatas ; unde tanta in eadem gleba varietas deprehenditur .

Analysi Chymica, Scammonium fundit nonnihil liquoris acris, tenuis, qui primus in distillatione elevatur, nec acidi, nec alcali notas præbet ; deinde liquoris acidi portionem non mediocrem ; humoris, tum acidi, tum urinosi aliquantulum ; tandem multum olei crassi & empyreumatici, modicum terræ & salis fixi. Ex his exurgit compositum gummosum & resinofum, ita tamen ut ex Scammonii ℥vj. Resinæ ℥v. ope spiritus vini extrahantur. Major ejus pars spiritu vini solvitur, relictis mucaginoso salino-terreis quibuldam partibus. Verum tota ejus substantia aqueis menstruis

struis solvitur; sed lacteo colore tingitur solutio, ob resinosas partes salinis & aqueis intermixtas.

Scammonium, tum Græcis, tum Arabibus cognitum fuit & usitatum. A Mefue habetur tanquam medicamentorum purgantium maximum, adeo ut Purgatorii nomine simpliciter pronuntiato per *αὐτοπύαον* Scammonium intelligatur, & ab Oribasio omnium purgantium violentissimum. De illo tamen Galenus libro de simplic. Medicamentor. facultatibus non meminit; licet alibi hujus medicamenti sæpe mentionem faciat.

Nec de Scammonii viribus neoterici a veteribus dissentiunt. Nec etiam minus frequentis est usus apud eos, ad humores biliosos & pituitosos seu serofos & partibus remotis educendos. Vires ejus laudantur in corporibus frigidis & serosis, in febribus intermittentibus, cruditatibus; magis autem in robustis & ætate consistente; minus in infantibus, imbecillioribus; puerperis, gravidis, febribus ardentibus, calidis morbis, aut constitutionibus.

Duplici autem ratione catharsim moliri mihi videtur, tum fixis suis partibus acrioribus ventriculi & intestinorum membranas irritando & ad contractionem sollicitando, tum etiam volatilibus, oleosis particulis acribus nervos convellendo, sicque omnes viscerum abdominis glandulas paululum exprimendo. Cœterum massam sanguineam & lympham viscidam non æque solvit sicuti Manna, Jalapium, & cœtera hydragoga; unde tanta seri tenuis & fluidioris copia ab illo non educitur. Hæc vero Scammonii operatio a Fernelio accurate & eleganter depingitur *Methodo medendi l. 3. cap. 9.* his verbis: „Bilem tenuem atque citrinam ex universo corpore, „ simulque aquam citrinam ac serofos humores trahit. Cumque vis ejus „ quasi furens & effrænata sit, prompte quidem ac cito & e distantiori „ bus vacuat, neque tamen crassiusculos ullos humores, seu pituitosos, „ seu biliosos, qui circum præcordia ac viscera concreverunt & obhzrent, „ evellit; sed effectum quasi præcipitans & accelerans, eos dumtaxat, qui „ tenues sint & fluxioni apti, humores secum rapit: idque tum ex ab „ domine ut hydropicis, tum e venis & summo corpore, ac inde pauca „ succedit emictio.

Verum enim vero tum omnia purgantia medicamenta corpori sint insensa, Scammonium ut inter valentiora est valentissimum, sic inter insensa est infestissimum. Reipsa Medici de eo multa & gravia proferunt incommoda; ex quibus quinque vel sex potissimum vitia illi exprobrantur, 1. Quod sit medicamentum maxime insiduum, & cujus operatio admodum incerta est; quandoquidem ab exigua dosi hypercatharsis nonnumquam excitatur, & dosi debita ac requisita sæpe irrita est ac inanis. 2. Quod status quosdam mordaces gignat usque adeo stomachum lacerantes, ut sumentibus nauseam commoveat. 3. Quod vehementi acredine partes inflammet; quo fit ut situm inexplebilem accendat, & febris excitet, iis præcipue qui viscerum obstructionibus & humoribus putrescentibus obnoxii sunt. 4. Quod eadem acredine sua recludat ora venarum, adeo ut sequantur evacuationes nimie, hypercatharses dictæ. 5. Quod acrimonia abradat intestina, reliqua viscera exulceret, & dysenteriam aut tenesimum excitet. 6. Quod malignitate quadam speciali principibus

bus Partibus bellum inferat; & cor, ventriculum, hepatis, &c. graviter lædat.

Hæc autem Scammonii vitia quibusdam cautionibus emendari possunt: 1. Si tempore opportuno exhibeatur, id est vel ineunte morbo; si materia turgat & quidem statim ab initio, vel secus cum humoris concocti fuerint & fluidi facti. 2. Si dosi congrua sumatur. 3. Si rite fuerit præparatum.

De hujus medicamenti dosi auctores inter se non conveniunt. Græci veteres cathartica medicamina summa cum prudentia & cautione, sed lætæ manu, exhibere solebant. Nos vero in purgando audaces, sed in medicamentorum dosi timidiore, non eundem ex catharticis medicamentis fructum obtinemus. Revera fluxiora nostra corpora hoc sub climate purgantibus medicinis facilius etiam resolvuntur, quam robusta & exercitationibus, laboribusque assueta Græcorum & calidarum regionum incolarum corpora. Dioscorides itaque ad bilem & pituitam ducendam per inferna cum Mulla exhibet ℥j. seu obolorum quatuor pondus. Paulus Ægineta & Aetius usque ad ℥ij. ascendunt, Meisæ a gr. v. ad gr. xij. vel xv. tantum. Bodæus a Stapel scribit se sæpissime gr. xx. etiam xxv. cum violaceo syrupo felicissimo successu exhibuisse; pueris vero octo decem vel duodecim annorum gr. xij. aut xv. quinquennibus gr. vj. vij. Distinctione utitur Vedeius. Datur, inquit, vel ut basis, vel ut stimulus & adjuvans. Ut stimulus datur ad gr. ij. iij. & si autem primaria dosi, vel ut basis detur, ad gr. xv. aut ℥j. a nonnullis exhibetur. Tandem Fallopius de dosi controversiam dirimit. Consulo, inquit, ut semper exhibeatis paucam quantitatem, quæ quantitas sit potius pro caldari. Vocatur autem calcar pauca Scammonii quantitas addita medicamentis purgantibus pro rusticis, vel pro aliis robustioribus cervicosis hominibus, aut etiam monachis, cucullatis. Ego vero Scammonium eleatum & rite pulveratum a gr. ij. vel iij. ad gr. x. vel xij. ad summum exhibeo, sed rarissime, nec absque sollicitudine de operatione quæ semper incerta est. Nam quando ventriculi & intestinorum parietes mucosæculoento uberrimo & tenaci obducuntur, tunc Scammonium hoc mucum involutum irritum & iners per intestina permeat. Cum e contra nullo scie ni mucosæ intestinorum membranae illiniantur, Scammonium, vel in rugis ventriculi, vel in intestinorum cellulis in hærens & membranis adhærens ob resinosas suas partes, membranarum fibras irritat & convellit, inflamat, exulcerat; unde etiam ab exigua dosi superpurgatione, tenesmi & dysenteria. Cum Scammonium, ut jam diximus, sit substantia resinosa & gummosa, sed sit quæ resina præpollat, in aqueosis liquoribus non perfecè solvetur, sed resinosa pars paulatim grumescit & subsidet, ideo in aqueis liquoribus solum tuto propinari nequit. Quapropter sæpius sub forma boli vel pilularum sumitur, raro autem in potionibus; tuncque non exhibetur, nisi spiritibus, oleis aut salibus dilutum. Præterea ad ejus acrimoniam temperandam, cæteraque ejus vitia emendanda plurimæ excogitata sunt, hujus medicamenti correctiones & præparationes habet.

Primus Scammonii corrigendi modus a Galeno, *Lib. de Alimentor. facultatibus*

ratibus sic refertur. Mali Cydonii medullarum & semina exscalpebant : deinde cavitatem Scammonio implente, farina ex aqua subacta circumlineabant, assabant, atque ita Malum mandendum exhibebant. Nunc vulgo pulpa remouetur, & Scammonium coctum retinetur. Alii pulpam retinent, Scammonium remouentes. Alii cum Galeno utrumque retinent.

Scammonium quocumque modo præparatum, hodie in officinis Diacrydium, Diagridium, & Diadagrydium dicitur, & a Scammonio erudo sic distinguitur. Hæc vero præparatio Diacrydium Cydoniatum nuncupatur.

Veteres illud etiam pitænz cremore temperabant, ut videre est apud Galenum loco supra citato. Mesue Scammonium cum seminibus Dauici, Fœniculi & Galanga coquit sub prunis vel in clibano : Valerius Cordus illud oleo violato aspergit & macerat, deinde in excavato Malo Cydonio massa farinacea obducto assat ; tandem affuso Cydoniorum succo in quo Myrobalani infusæ fuerint, loco calido sensim exsiccatur. Nonnulli miscent illud cum succo Cydoniorum expresso, sensimque evaporant.

Neoterici vero malignam Scammonii qualitatem succo Glycyrrhizæ aut sulphure emendare contenderunt, unde Diacrydium exsurgit glycyrrhizatum, ut ajunt, & sulphuratum. Primum sic sufficientem Glycyrrhizæ quantitatem in aqua communi decoquendo, pereolando, & inspissando ad mellaginem. Tum addunt Scammonii electi & rite pulverati q. s. & assidue agitando in B. M. ad extracti consistentiam exsiccant.

Alterum sic conficitur. Scammonium tritum extendunt super chartam bibulam, & supra prunas sulphure injecto fumantes exponunt, continuo spatula agitando & commovendo, donec calore Scammonium liquefcere videatur. Quod diutius Scammonium sulphuris fumo imbutum est, eo melius præparatum censetur.

Hoc sulphuratum Diacrydium basis est maxime decantati & in officinis usitati Pulveris de tribus dicti, pro numero medicamentorum ex quibus componitur. Dicitur quoque Pulvis Comitæ Varvicensis, ab illustrissimo Anglo Roberto Dudlejo Comite Varvicensi ejus inventore, & Pulvis Cornachini, ab ejus præcone Marco Cornacchinio ; Medicinæ in Pisano gymnasio Professore, tractatu cujus titulus est : *Methodus quam omnes humani corporis affectiones ab humoribus copia vel qualitate peccantibus generant, tuto, cito, & jucunde curantur*. Componitur ex Scammonio sulphurato, Antimonio diaphoretico, & cremore Tartari. Doses diversæ sunt apud auctorem, ratione humorum peccantium : nam præscribit Diagridium a gr. vj. ad xxij. Antimonium diaphoreticum a gr. ij. ad xx. cremorem Tartari a gr. ij. ad vj. Verum hodie apud Pharmacopœos Parisienses hic Pulvis in officinis asservatur præparatus ex æqualibus Diacrydii, Antimonii diaphoretici & cremoris Tartari partibus : sicque variis ætatibus, & constitutionibus dosi facilius & tutius accommodatur ; cognoscendo quantum sit Scammonii in singula Pulveris dosi præscriptæ. Præscribitur hic Pulvis a gr. vj. aut ix. pro lactentibus, ad ℥i. vel ℥ss. pro adultis. Laudatur a Cornacchinio veluti Panacea ad omnes morbos profligandos vel præcavendos. Illam exhibet in febribus intermittentibus, putridis, acutis, delirio sine febre, cholera, hydrope, pleuritide, diarrhæis,

dysenteria, arthritide, variolis, & adversus lumbricos. Sed ne quid nimis. Eadem enim cautiones in hujus Pulveris administratione adhibendæ sunt, quæ in Scammonii & cæterorum purgantium exhibitione requiruntur. Considerandum est tamen Scammonium sic præparatum supradictis nocuentis minus esse obnoxium, a Medico tutius præscribi posse, & absque fastidio ab ægrotantibus hauriri.

Chymicorum industriæ debentur tinctura & extractum resinofum, improprie Magisterium dictum. Tinctura fit solvendo Scammonium in spiritu vini, & a fecibus residuis liquorem limpidum separando. Extractum autem seu resina fit tincturam ad medietatem evaporando, & aquam communem vel aliam odoratam aut convenientem huic affundendo: sic spiritus vini resinam quam solutam, & fluidam sustinebat, deserit; & resinofæ particulae sub Terebenthinæ specie aquæ fundum petunt. Hæc resina pluribus aquis abluitur, ac tandem solis calore exsiccat. Sed resina minus purgat, quam Scammonium eadem dosi exhibitum; atamen intestina vehementius irritat, & sæpe inflammat. Quapropter tutius est Scammonium electum, quam resinam Scammonii usurpare; quod jam de nonnullis purgantibus resinosis observavimus.

Scammonium quoque acidis liquoribus corrigere tentant; vel succo Citri, illud dissolvendo in balneo fervente, per lineam solutionem transeolando & exsiccando ad extracti consistentiam; vel spiritu vitrioli aut sulphuris Scammonium pulveratum irrorant & exsiccant. Sed hæc correctiones Scammonii substantiam aliquantisper destruant, ac proinde illius effectum minuunt. Satiuseffet Scammonium pulveribus quibusdam commiscere; ut fit in Pulvere Cornachini.

Longe laudabilior est Scammonii corrigendi ratio in pluribus compositionibus pharmaceuticis observata, in quibus Scammonium plantarum succis, fructuum aut seminum pulpis, aromatum & odoratorum seminum oleosis partibus extenditur & demulcetur, qualia sunt Electuaria solutiva & Pilulæ purgantes. In his Scammonium usurpatur, vel tanquam basis & fundamentum, vel sicut cæterorum purgantium stimulus solummodo, & calcar; ubi observandum est Scammonii usum sub pilularum forma minus tutum esse, cum in illis resinosa ejus partes non sufficienter extendi possint, sed tantum pro stimulo cæteris purgantibus admiscendum esse.

Tandem æquissimum quod de hoc medicamento judicium vir doctissimus D. Nécquet *Traicté de Purgantibus* tulit, hic addam; scilicet nullum esse medicamenti genus, quod in medente plus consilii, in ægro plus opportunitatis, & in utroque plus requirat ordinationis, & apparatus.

Apud veteres usurpabatur exterius in linimentis & unguentis ad scabiem, ad affectus capitis frigidos, ad tumores duros & scirrhopos resolvendos, ad ischiadicos dolores, &c. & lana subditum, ad menses movendos. Hodie vix alio usu est quam ad purgationes.

℞. Scammonii electi & subtilissime pulverati gr. viij. Vitelli ovi aliquantulum, seu ℥ij. Terantur per aliquod tempus in mortario marmoreo cum pistillo ligneo, donec Scammonium solutum appareat. Adde Syrup.

Syrup. Capillor. Vener. ℥j. Accurate simul mixtis sensim affunde decoct. Hordei ℥vj. Aq. flor. Aurantior. gutt. aliquot. Fiat potio purgans palato grata.

℥. Scamm. elect. & pulver. gr. xv. Amygdalar. dulcium excorticatar. ℥iiij. Contundantur & terantur simul in pulvem tenuissimam, sensim affundendo decocti Hordei ℥xij. Fiat colatura cum expressione, in qua dissolve Syrup. Violarum vel Capillor. Veneris, ℥ss. Aq. Cinnamom. vel Naphæ ℥ss. Fiat emulsio purgans pro duabus dosibus.

℥. Diagryd. glycyrrhizati pulver. gr. vj. Sacchar. albi ℥j. Tartar. solubilis ℥ij. Terantur simul & accurate misceantur. His affunde aq. comm. ℔j. expressum Malor. Citrior. duorum succum, & aq. Naphæ gutt. x. Fiat limonatum catharticum per cyathos propinandum.

℥. Scamm. pulver. ℥v. Sp. vini ℔j. Digerantur per novem dies, & fiat colatura per chartam bibulam. Liqueor distilletur ad dimidium. Adhuc calenti adde Sacchari albiss. ℔ss. Fiat Syrupus olei Cinnamomi guttis aliquot aromatizandus. Dosis ab ℥ss. ad ℥j. in quovis li- quore conveniente.

℥. Scamm. ℥iiij. Cinnamomi ℥ij. Caryophyllor. ℥ss. Sp. vin. rect. ℔j. Digerantur simul sub sole per 9. dies, indentidem agitando. Liqueor limpidus sensim effundatur Huic adde Syrupi Cydonior. ℔j. Misce- antur, & mixtura servetur ad usum. Dosis ab ℥ss. ad ℥ij.

℥. Diacryd. glycyrrhizati gr. vj. Rhabarbar. pulver. ℥j. Mivæ Cydo- nior. q. s. Misce. Fiat bolus.

℥. Diagryd. glycyrrh. gr. vj. Pulver. Jalap. gr. xv. Aquilæ alb. gr. x. Medull. Cals. recens extract. ℥ij. M. F. bolus.

℥. Sennæ pulver. Rhei & cremoris Tartar. ana gr. xv. Diacryd. gr. iij. Conserv. Rosar. q. s. M. F. bolus.

℥. Diagryd. sulphur. & diaphoretici mineral. ana ℥ss. Croci Martis a- per. & Cinnamomi ana ℥ij. Gummi. Ammoniacy ℥j. Syrup. de Ab- synth. q. s. M. F. massa pilularum mesentericar. Dosis a gr. vj. ad ℥j. in cachexia & obstructionibus mesenterii.

℥. Diacryd. Cydoniar. ℥j. Aloes lucidæ ℥ij. Trochiscor. Alhandal ℥j. Mastich. Macis ana ℥j. Croci ℥ss. Syr. flor. Persicor. q. s. M. Fiant pilulæ purgantes. Dosis a gr. x. ad ℥j.

℥. Diacryd. Cydon. Aquilæ albæ ana ℥j. Extractor. Fumariz & Gen- tianæ ana ℥j. M. Fiant pilulæ. Dosis a ℥ss. ad ℥j.

Scammionum usurpatur in Pilulis aggregativis seu polychrestis, coctiis, foetidis, aureis, sine quibus, mesentericis Charas, Mercurialibus, hy- dropicis Bontii, de Sagapeno Camilli, hiera diacolocynthidos Pachii, Benedicti laxativa, Diapruno solutivo composito, diaphœnico, Confe- ctione Hamech, Electuar. de Psyllio, Caryocostino, Opiata mesenterica, laxativa Paris. Medicor. Electuar. diacarthami, de Citro solutivo, de succo Rosar. &c.

ARTICULUS TERTIUS.

De Gummi Gutta.

PRæstantissima naturæ dona, inquit Rolsincius *Tractatu de Purgantibus*, sæpe latent in obscuro, imo abjectissimis calcantur pedibus; dum mediocritas sæpe magni sunt, imo ad sydera extolluntur. Talia dicere possumus de illa re, de qua nunc agitur; quæ plurimarum appellationum honore decoratur; hos vero titulos mediocriter meretur.

Gummi Gutta, Gummi Gotta, Gummi Gutte, Gummi Gitta, Gummi Gamandra, Gummi de Gamandra, Gummi de Goa, Gummi de Peru, Gummi Peruanum, Gummi de Jemu, Gummi laxativum, Guttu Gamandra, Gutta Gamu, Gutta Geman, Ghitta Jemon, Catta Gamma, Catta Gemu, Gutta ad podagram, Scammonium orientale, Chrysopum, Cambodiu & Cambogium, *Offic. vulgo Gomme Gutte*. Succus est concretus; resinofus & gummosus, inflammabilis, siccus, densus, durus, nitidus, opacus, ex croceo flavescens, in massas orbiculares vel in baculos cylindraceos compactus, odoris nullius, saporis fere expers. (Saltem cum in ore detinetur nullum alium saporem primo refert, quam Gummi Arabicum, sed paulo post in facibus levem relinquit acrimoniam cum quadam succitate.) In spiritu vini dissolvitur sicca in aqua, quam lacteam efficit vel potius turbidam, & flavescens colore tingit. Dubitant nonnulli utrum genuina sit dissolutio, an partium segregatio; quandoquidem illius succi partes paulatim subsident in aquam, illamque limpida relinquunt. Ex Cambaja, Siamesi Regno, China, necnon etiam ex quibusdam Americæ Provinciis affertur. Tot obtinuit nomina, tum ab arthritide, vulgo *Goutte*, quam sanare dicunt, tum a regione Cambaja, Cambodja, vel Cambogia, prout a diversis nationibus pronuntiat, & ab aliis regionibus, unde affertur.

Veteribus prorsus ignotus fuit, nec nisi paucis abhinc annis cognitus fuit & usitatus, multo quidem magis apud pictores quam apud Medicos. Anno 1603. primum Clusius missus fuit, postea in Europa sensim coepit ad usum adhiberi. Probatur purus, sabulo carens, sordibus nullis infectus, coloris fulvi seu ex croceo flavescens, qui ad lignem ardet, qui salivam vel aquam flavo vel sulphureo colore inficit.

De illius succi origine auctores diu incerti fuerunt. Carolus Clusius Euphorbii succum esse suspicatur. Alii ex Rhabarbaro recenti succum expressum, & inspissatum esse opinantur: alii succum Beidellar *Pros. Alpini*; nonnulli compositum quoddam ex Tithymali succo & Scammonio. C. Bauhinus in *Pinace* Ricini Indici expressum succum esse credit. Joann. Carolus Rosenbergius, P. 2. *Rhodolog.* c. 22. asserit lacrymam esse ex vulneratis illius Ricini radicibus stillantem, postmodum Indica Croco infectam & exsiccatam. C. Hoffmannus conjicit esse succum seminis Ricini succo Rhabarbari tinctum. Jacob. Bontius *de Medicina Indorum* cap. 9. lacrymam hanc

hanc flavam fluere dicit in Cambodia regione Chinæ vicina, ex planta cujusdam Tithymali speciei simili, quæ excrefcit in altitudinē tantam, ut omnes proceras arbores quas inflar Hederæ amplectitur, æquet, imo superet. Verum Bontius ex aliorum relatione loqui videtur, nec plantam Cambogium fundentem unquam vidit; siquidem illius succi origo ab arboribus duabus Carcapulli nuncupatis deducitur.

Prima dicitur Carcapulli, *Acoftæ Hiftor. Aromat. cap. 46.* Coddam-Pulli, *Hort. Malabar. T. 1. 41.* Ghoraka Cingalensibus dicta, *Hermans not. ad H. Malab.* Arbor est procera, patula, frondosa, cujus radix crassa brachia seu ramos subtus & super terram late diffundit. Caudex, quantum duo homines amplecti possunt, ligno albicante, cortice intus albicante, subflavo, extus rubefcente, cum nigricante crusta circumvestitur. Folia conjugatim bina furculis adnascuntur, petiolis brevibus, oblongo-rotunda, in medio latiora, ad utramque extremitatem sensim contractiora, cuspidē versus unam partem nonnihil inflexa, oris versus exteriora nonnihil incurvatis, testura crassa, spissa ac solida, superne obscuro virore nitentia, inferne dilutiora, nervo medio & venulis paucis oblique versus extremam tendentibus, inferne prominentibus, sapore acido. Flores in summis furculis brevissimis insident pediculis incarnati & flavescētes, inodori, subacidi, quatuor petalis rotundis, parum oblongis & concavis, crassis & densis sine venis. In medio florum viridis emicat globulus, rudimentum fructus, in octo latera oblonga per strias distinctus, in vertice capitulo seu umbilico, quod ex gemmis albican- tibus constat, donatus; quem stamina surrecta albicantia circumstant, apices ex flavo rubros sustinentia. Calyx quatuor pallidis concavis foliis constat. Fructus uncialibus petiolis appensi grandes sunt, rotundi, Mali aurei magnitudine, octo, novem, decemve costis extuberantes, capitulo in vertice parvo, quod etiam costulis striatum est, primum virides, deinde flavescētes; cum maturi, albescētes, sapore acido dulci. In medio pulpæ semina oblonga magnitudine unius articuli, compressa, colore cœruleo nigro.

Altera species dicitur Carcapulli *Linschot*: Carcapulli *de Bry*: Kanna-Ghoraka, id est Ghoraka dulcis Cingalensibus, *Hermans notis ad H. Malab.* Differt a priori, flore & fructu dulci, rotundo, Cerasi magnitudi- ne, licet in reliquis conveniant.

Casp. Bauhinus in *Pinace* utramque arborem sub eadem specie perpe- ram comprehendit. Binæ illæ arbores, inquit P. Hermans, ex trunco inciso Gummi Gutta fundunt. Præstat autem illud, quod ex Kanna-Gho- raka; mistic enim est. In Cambaja, China, & insula Ceylan crescunt.

Arborem Quercu non minorem Gummi Guttam fundentem in quibus- dam Americæ locis D. Richer observavit, sed potissimum in Cayenna in- sula. An eadem sit cum præcedentibus, an diversa, nescio.

D. Paulus Hermans *Mater. Med. Mss.* refert, succum lactescētem, flavum, ex arborum supradictarum vulneribus stillare, calore solis primo inspissari, & quando manibus tractari potest, in massas orbiculas grandiores aut in baculos cylindræcos efformari, atque perfecte ex- ficcari.

Arnoldus Syen, in suis *Commentariis in Hortum Malabaricum*, hoc Gummi Guttæ genus distinguendum putat a Guttæ Gummi vulgari, quod ex Etulæ Indiæ affini plantâ *Bontin* colligi credit. Sed Paulo Her-
mans tanquam oculato resti potius, quam D. Syen fidem adhibemus. Gum-
mi Guttâ apud Indos usui Medico non intervit: illis tantum pro pigmen-
to est. Illud in oleo Lini dissolvunt; & quando alvo adstricta laborant,
hauriunt pigmentum. Fructus Coddam-pulli siccus ex Malabar in alias
Provincias fertur. Eo utuntur in cibis, magnaque apud Incolas illius est
laus in curationibus: sed inter omnes quæ experientia comprobata sunt,
prominet profluxui albi cujuscumque generis constrictio, in illis præser-
tim qui nimio veneris usu hoc malum contraxerunt. Mirum sane quod
in fructu sit vis adstrictoria, & in succo purgandi vis.

Analysi Chymica, ex Gummi Guttæ lbij. prodierunt primo humoris
aliquantisper turbidi, subacidi, austeri, & Amygdalas amaras sapore &
odore referentis ℥ij. ℥ij. liquoris rufescentis acidi, austeri & linguam
pungentis ℥iij. ℥j. gr. xviii. liquoris fusci, tum acidi, tum urinosi ℥ij.
℥iij. gr. vi. olei limpidi, fluidi, fusci ℥iij. gr. lx. olei crassioris & aqua
gravioris ℥j. ℥iij. Massa nigra in retorta residua rara & spongiosa pende-
bat ℥xj. ℥vj. quæ per 38. horas in crucibulo calcinata exhibuit cinerum
leucophæorum ℥j. ℥v. gr. xxiii. a quibus salis fixi salis gr. xxiv. lixivio
extracta fuerunt. Partium deperditio in distillatione fuit ℥vj. ℥iij. gr. lx.
in calcinatione vero ℥vii. gr. xlvij.

Gummi Gutta flammæ admotum accenditur & ardet lucida flamma,
sicut resina, fumum copiosum spargens. Solvitur in spiritu vini, sed
non totum: sexta enim circiter ejus pars non dissoluta remanet, gum-
mosa nempe, quæ aqua calida vel oleo Tartari promptè resolvitur. Sol-
vitur quoque in menstruis aqueis in lac albicans aut flavescens, sed non
accurate; quandoquidem resinosa particula sensim concresecunt & vasis
fundum petunt, aqua remanente liquida. Unde liquet, hunc succum
esse concretum salino-sulphureum seu resinosum & gummosum, constan-
tem ex sulphure tenui quod amarorem & odorem phlegmati primum pro-
deunti impertitur, sulphure crasso quod nonnisi igne vehemente & aper-
to elevatur, & a terra separatur, & sale tartareo aliquantisper Ammonia-
cali, qui distillationis ope partim in acidum, partim in urinosum resol-
vitur. Aquea Gummi Guttæ solutio ab oleo Tartari per deliquium vel
aqua Calcis affusis colorem sanguineum acquirit, ob sulphurearum partium
expansionem, sicut videre est in dissolutione sulphuris mineralis per forte
lixivium alcalinum.

Purgantem Gummi Guttæ virtutem a tenuiori sulphurea substantia pen-
dere existimo, cum salibus volatilibus certa proportionem temperata; qua-
renus scilicet illæ particulae salino-sulphureæ succo stomachali evolutæ,
& a crassioribus & fixis principiis segregatæ, ventriculi & intestinorum
membranas vellicant, nervorum poros subeunt & convellunt: unde in
ventriculo nausæ & vomitiones excitat, in intestinis alvi expressiones &
dejectiones.

Quidam uberrimum salem alcali in hoc Gummi contineri, ex eo quod
aquea ejus solutio cum syrupo violaceo mixta viridem colorem susceperet,
existimaverunt. Sed non ab alcalino sale in eo latente ille color
ori-

oritur ; sed exurgit ab intermixtione flavescentium & cœrulearum molecularum in eo liquore : quod pictores quotidie experiuntur , pulveres flavos & cœruleos miscendo , & Physici vitra flava & cœrulea conjungendo .

Gummi Gutta inter valentiora purgantia hydragoga recensetur . Humores in primis ferosos , ac biliosos tenues per superiora & inferiora evacuat , idque cito , non diu moram in corpore trahens , & absque molestia aut torminibus . Hinc ejus usus creber est in hydropse , cachexia , tussi , dyspnœa , asthmate , ictero , catarrho , arthritide , scabie , & ejuscemodi morbis . Quidam in illius medicamenti usu timidi primum fuerunt , ejus violentiam reformidantes . Ex his fuit Gregorius Horstius qui *Sect. 9. Epistolarum* ab ejus usu , ne per aliorum dolores experientia faceret , abstinendum esse putavit . Idem tamen postea Ulmæ archiater constitutus , mitius de illo sentire cœpit , variis additis correctionibus . Alii felicem experti successum , larga manu illud exhibere non dubitaverunt , etiam pueris , senibus , prægnantibus & phthisicis : quos inter Philippus Hechsterus Medicus Augustanus , qui intra novennium ad libras plures ægris innumeris præscripsit . Revera qui hoc medicamentum caute & opportune administrare norunt , illud commodi in eo deprehendunt , quod sit saporis & odoris expers , parva dosi exhibeatur , intra breve temporis spatium operationem suam exerat , & quod succos viscidos , ac tenaces in quacumque corporis parte stagnantes & adherentes potentissime dissolvat , eosque qui in ventriculo sunt , per vomitum expellat , cœteros vero per inferiora uberrime propellat .

Doses diversæ ab auctoribus proponuntur . Americani , referente Nicolao Monarde , illius Gummi non pulverati fragmentum , Nucis Ponticæ magnitudine seu circiter Zij. in aquei cujusvis liquoris Zij. per noctem integram macerant , postea mane percolant & bibunt . Revera non totum fragmentum solvitur ; nihilominus tamen hæc dosi pro nobis nimia foret . Differt natura a natura , & regio a regione . Americani naturæ robore purgantium medicamentorum virtuti magis resistunt . Præscribitur a gr. ij. v. vel vii. ad grana xv. ad summum , licet Clusius dosim ad grana xx. extendat . Sæpius Gummi Gutte exhibui a gr. ij. ad liij. absque vomitu . Nonnulli vero ex granis iv. ventriculi perturbationem passi sunt , sed pauci . Eisdem vero eadem dosi si per plures dies reiteretur , post primam aut alteram vicem ad vomitum non amplius provocat . A granis iv. ad viij. vel x. per superiora & inferiora blande atque copiose & absque violentia purgat ; nec ea dosi exhibitum correctione eget , si præsertim copioso liquore diluatur & extendatur . Si sub forma boli vel pilularum exhibeatur , facilius vomitum excitat , rarius vero cum Mercurio dulci conjunctum .

Iisdem nocuentis obnoxium censetur atque validiora purgantia , nempe ventriculi subversioni , vomitioni , & superpurgationi : quibus occurrunt iisdem cautionibus , quæ in cœterorum purgantium & emeticorum administratione adhiberi solent . Ph. Hechsterus , ut vomitum impediatur , & stomacho aptius medicamentum reddat , addit aquam Betulæ cum paucis spiritus Varioli guttis . Alii illud corrigere tentant spiritu Vitrioli ,

succo acido Citri , succo Cydonior. fumo Sulphuris , oleis Cinnamomi , Macis aut aliis , aqua Cinnamomi , aut syrupis & salibus . Verum his correctionibus materiæ in ventriculo inhærentis ejectio per superiora non impeditur . Præterea correctione , ut jam dixi , non est opus ; modo debita dosi exhibeatur , & satis dilutum . Quibus autem facile vomitum natura negavit , & qui ad vomendum sunt insueti , ab eo abstinere debent .

Chymici illius succi resinam & magisterium præparant . Sed inutiles sunt illæ elaboratæ præparationes , quæ plus nocimenti afferunt quam commodi : purgantium enim resinæ minus purgant , & majorem æstum in visceribus accendunt .

Idem Hechsterus insuper observavit sincerum & solum plus agere , quam cum aliis purgantibus mixtum , in pilulis parum , & cum infuso plurimum operari .

24. Gumm. Gutt. gr. vij. Dissolve in decoct. Hordei ℥xij. Adde Syr. Violar. ℥ij. Fiat potio viridis in duas doses distribuenda , in anasarca & serosa colluvie .

24. Gumm. Gutt. gr. vj. Aq. commun. ℥vj. Succum ex Malo Citrio expressum. Sacchar. albidissim. ℥ß. M. F. f. a. Limonatum hydragogum .

24. Mann. Calabr. ℥jß. Dissolve in aq. ebull. ℥vj. Fiat colatura , in qua dissolve Gumm. Gutt. gr. iv. Adde aq. Cinnam. ℥ß. Fiat potio hydragoga .

24. Gumm. Gutt. gr. vj. Mann. Cal. ℥jß. Dissolve in aq. Endiviæ ℥vj. Adde Sp. Vitrioli gutt. iij. Sp. Citri ℥ß. Fiat potio .

24. Gumm. Gutt. gr. iij. Aq. Nucum & flor. Aurantior. ana ℥iij. Sacchar. alb. ℥ß. Fiat haustus hydragogus .

24. Gumm. Gutt. gr. vij. Aquil. albæ gr. x. Conservæ Rosar. q. f. M. F. bolus in scabie & affectibus cutaneis .

24. Gutt. Gumm. gr. vj. Eleosacchar. Cinnam. ℥ij. M. F. pulvis purgans .

24. Gutt. Gumm. gr. x. Olei Juniper. gutt. ij. Mithridatij q. f. M. F. pilulæ hydragogæ .

24. Pulver. Jalap. gr. xij. Cambogii gr. iv. Cremor. Tartar. ℥ß. Syr. de Rhamno cathartico q. f. M. F. bolus hydragogus .

Usurpatur in Electuario antihydropico *Charas* , Extracto catholico *Sennerti* , Extracto catholico & cholagogo *Rosincii* , Pilulis hydropicis *Bonarii* , Pilulis de Gummi Gutta *Lemore* , & Pilulis de Gutta *Gamandra Pharmacop. Londinens.*

ARTICULUS QUARTUS.

De Opio .

Opium & Meconium , Offic. Ὀπιοῦ & Μηκωνίου , Græcor. Affion & Amfion , Arabum . Succus est concretus , resinofus simul & gummosus , ponderosus , densus , lentus , inflammabilis , ex fulvo nigricans , odo-

ris viroſi, ſporiferi, ſaporis amari, aeris, in placentas compactus ſubrotundas, depreſſas, unciam circiter craſſas, ſemilibram vel libram ponderantes, & papaverinis foliis involutas. Ex Natolia, Ægypto, & India aſſertur.

Arabes, & officinæ Thebaicum, ſeu quod in Ægypto circa Thebas colligebatur, Opium præ cæteris commendarunt. At vero hodie non amplius diſtinguitur, ex quocumque loco veniat Opium, probatur ſincerum molliusculum, ſub digiti lentelcens, inflammabile, colore fulco aut nigricante, odore vehemente, & viroſo ſtupefaciente. Rejicitur aridum & friabile, aut combuſtum, terra aut arenulis permixtum, aut aliis ſordibus inquinatum.

Apud veteres duplex ſucci papaverini genus diſtinguebatur. Unum erat lacryma ex incifis Papaveris ſativi capitibus diſfluens, *Μυκωτος δ'πιος*; vel apud Medicos per Antonomaſiam *Ὀπίον* dicta fuit, alterum, *Μυκωρεον* vel *Μυκωρίον* dictum, ſuccus erat ex tota planta contuſa extractus, & inſpiſſatus. Meconium Opio longe ignavius dicebant: Hodie vero unum tantum genus nobis aſſertur ſub Opii nomine, ſuccus nempe ex vulneratis Papaveris albi capitibus ſtillans; neque ulla alia ſpecies apud Turcas, & Conſtantinopoli reperitur præter illud idem, quod in placentas nobis aſſertur. Apud Perſas tamen lacrymas ex vulneratis capitibus proſmanantes diſtingunt, & primo prodeuntes ſedulo excipiunt, & tanquam viribus præſtantiores plurimi faciunt, ut infra dicemus.

Planta ex qua ſuccus ille extrahitur, dicitur Papaver hortenſe ſemine albo; ſativum Dioſcoridi, album Plinio, C. B. P. 170. Radice eſt digito circiter craſſa; amaro lacte, ſicut & tota planta turgente, caule bicubitali; in alas diviſo, lævi plurimum, nonnumquam modice hirsuto; cui folia adnaſcuntur Lactuæ æmula, oblonga, laciniata, criſpa, colore glauco, flore roſaceo, quatuor plerumque petalis candidis brevi deciduis, in orbem poſitis conſtante: ex cujus calyce biſolio ſurgit piſtillum ſeu capirellum ſtatim ab initio multis ſtaminibus ſtipatum, quod deinde abito in fructum unicapſularem ſeu teſtam ovatam, capitello ornatam radiato ſeu ſtellato, variis per longitudinem intus munitam lamellis parietis pericarpium adnatis, quibus tanquam placenti adhærent numeroſa ſemina minutiffima, ſubrotunda, candida; & ſapore oleoſo dulci. In diverſis Aſiæ minoris Provinciis agri conſeruntur Papavere albo, ut apud nos Triticis. Ubi capitula producit, leviter inciduntur; & effluunt aliquæ guttæ humoris lactei, quas concreſcere ſiunt, & colligant. Clariff. Tournefortius reſert, majorem Opii quantitatem extrahi ex contuſione, & expreſſione eorundem capitum, At Bellonius de illa capitum contuſione, & expreſſione nihil proſert, neque Kæmpferus de Opio quod in Perſide colligitur, diſſerens. His triplex eſt Opium ſed incuſione tantummodo extractum, ut mox dicemus.

In Perſide Opii collectio celebratur ineunte Æſtate, propinqua maturitati capita decuſſatim ſauciando per ſuperficiem. Culter huic negotio inferviens quintuplici acie inſtructus, una ſeſſione quinque inſigat vulnera longa parallela. Ex vulnuſculis proſmanans ſuccus poſtridie ſcalpro abſtergitur, & in vaſculum abdomini præligatum reconditur. Tum altera capitum facies eodem modo vulneratur, ad liquorem pariter proliciendum.

Primæ

Primæ collectionis lacryma *Goban* dicta præstantior censetur, & majori pollet cerebrum demulcendi virtute, colorem exhibens albidum vel ex luteo pallentem, sed qui ex longiori insolatione & ariditate infuscarî solet. Altera collectio succum promit proprii, ut virtute, ita & pretio inferiorem, coloris plerumque obscuri vel ex rufo nigrescentis. Sunt qui & tertiam instituunt, qua obtinetur lacryma nigerrima, & exiguae virtutis.

Opium scalpro abstersum, & asservatum præparant, illud aquæ pauxillo humectando vel melle, spatula crassa lignea continuo & fortiter tractando in parva lignea & plana, donec elaboratissimæ Picis consistentiam, tenacitatem & nitorem induat. Ita diu multumque subactum, ultimo manu nonnihil tractatur nuda, & demum in cylindros breves rotatum venale exponitur, forcipe dividendum, cum particulas emptores petunt.

Hac serie pertractatum a Persis nominatur *Theriacak malideh* idest Theriaca molendo præparata, ve *Therjoack asium*, idest Theriaca opiata ad differentiam Theriacæ Andromachi, quam *Theriacak faruuk* vocant. Nam his populis Opium est Poetarum illa *γὰρ δὲ μὴν, ἰατρὴν & σὺν δὲ*, idest Medicinam animo tranquillitatem, hilaritatem, & serenitatem conferens, quo olim tergemino elogio Theriacale Antidotum Andromachi appellatum legimus.

Hic Opii præparandi labor perpetuus est propolarum quorundam, qui in foris; & quadriviis sedentes in eo brachia sua strenue exercent.

Nec una est illius succi præparandi ratio. Septenúmero non aqua, sed melle Opium subigitur ea copia admisso, quæ non siccitatem modo, sed etiam amaritiam temperet. Et hæc specialiter *Babrs* appellatur.

Insignior præparatio est, quæ ex Nuce Myristica, Cardamomo, Cinnamonomo, subtilissime præparatis, & cum Opio accurate mixtis conficitur, quæ cordi, & cerebro insigniter prodesse creditur: Polonia, vel ut alii pronuntiant, Pholonia dicitur, pura Philonium Persicum seu Mesuar. Alii, omisiss aromatibus, enoceo, & Ambra tantummodo massam infarciunt. Multi suam præparationem ipsi pro libitu in usum proprium domi conficiunt.

Præter has præparationes, quæ sola pilularum forma deglutuntur, de liquore quodam apud Persas celebri *Coconar* dicto Kæmpferus mentionem facit qui assatum & per intervalla propinatur.

Parant hunc liquorem alii ex Papaveris foliis aqua simplici per brevem moram coquendis; alii ex capitibus confusis & aqua macerandis, sicut ex iisdem supra colatorum repositis, aquam ceandam septies ostiense superfundendo, admixtis pro cuiusque placito, quæ saporis gratiam conciliant.

Tertium Opiati genus Kæmpferus addit, quod Electuarium lætificans, & lætificando inebrians nominat. Illud Electuarium cuius basim idem Opium etiam constituit, a Septasariis, & Medicis varie elaboratur, ac diversis medicaminibus ad roborandos, & exhilarandos spiritus dirigunt. Unde diversæ ejus exstant descriptiones, quarum primaria, & celeberrima est, quæ debetur Hasjem-begi; quandoquidem comedentis animum miris perfundere gaudium, & magicis cerebrum demulcere ideis & voluptatibus dicitur.

Capita Papaveris teneriora aceto condita a nonnullis in mensa secunda appetuntur.

Instituta plantæ Papaveris albi analysi, e foliorum cum thyris recentium ℥v. prodierunt primo phlegmatis limpidi, flavescents, subacidi, odoris, & saporis ingrati, virosi, narcotici, qualem folia contrita emittunt, ℥j. ℥vj. gr. iij. deinde liquoris limpidi, rufescents, intense acidi, austeri, odoris empyreumatici ℥ij. ℥xv. ℥i. tandem humoris obscure fusci, alcali urinosi, cum salis volatilis tantillo ℥j. ℥j. gr. liij. olei spissioris consistentiæ ℥j. ℥ij. gr. lxxvj. Massa nigra in retorta superstes pendebat ℥iiij. ℥ij. quæ igne reverberii calcinata reliquit cinerum ℥j. ℥ij. gr. xlvij. ex quibus lixivio extracta fuere salis fixi mere alcali ℥iiij. gr. lx. Partium jactura in distillatione fuit ℥iiij. ℥j. gr. xxj. in calcinatione ℥ij. ℥vij. gr. xxxij.

Ex capitulo seu fructuum Papaveris albi recentium nec perfecte maturorum ℥ij. ℥xv. per retortam distillatis prodierunt primo phlegmatis limpidi, subacidi, odoris, & saporis ingrati, virosi, qualem folia plantæ contrita emittunt, ℥xj. ℥vij. gr. xliij. deinde liquoris initio limpidi, sub finem rufescents, saporis acidi, & austeri, odoris empyreumatici ℥j. ℥xij. ℥i. gr. xj. terrio humoris obscure rufescents vel fusci, alcali urinosi cum salis urinosi tantillo ℥ij. gr. xxiiij. Massa nigra in retorta residua pendebat ℥ij. gr. xxxvj. quæ igne reverberii calcinata reliquit cinerum ℥ij. gr. l. ex quibus lixivio salis fixi mere alcali ℥j. gr. xvij. extracta fuerunt. Partium jactura in distillatione fuit ℥iiij. ℥vj. gr. vij. in calcinatione ℥j. ℥iiij. gr. lvij.

Ex his analysibus liquet hæc Papaveris partes constare ex salè Tartareo, & Ammoniacali simul junctis, & oleo admodum crasso; minus autem terræ esse in capitibus quam in foliis, & caulibus.

Opii vero analysi instituta, hujus succi puri & sinceri ℥ij. præbuerunt liquoris, tum acidi, tum urinosi ℥xij. ℥i. olei crassioris ℥ij. ℥ij. Caput mortuum in retorta superstes pendebat ℥xv. ℥iiij. quæ igne reverberii calcinata reliquit cinerum fulcorum ℥ij. gran. lx. ex quibus lixivio salis fixi mere alcali ℥iiij. gran. xlv. extracta fuerunt. Deperditio partium in distillatione fuit ℥j. ℥vij. in calcinatione ℥xij. ℥ij. gran. xij.

Itaque in Opio plus inest salis volatilis urinosi, quam in foliis, aut capitibus. Sed non solum sal alcali urinosus in Opio reperitur, ut Pitcarnius existimavit; verum etiam acidus sal, & quidem potens: quod probatur tum per analysim, tum etiam si solutio Opii in Heliotropii tincturam affundatur; colorem enim rubrum igneum huic tincturæ conciliat.

Ex sale, tum acido, tum alcali, & oleo conjunctis compositum exsurgit resinofum, & gummosum, quod igne inflammabile est cujus maxima pars aqua solvitur, & portio mediocris spiritu vini. Sulphur crassum quod in Opio deprehenditur, admodum rarefiscibile est, ut liquet ex Opii distillationibus vehementi odore Opii resperis: & ab hoc sulphure condensato, & summæ raritatis capaci ejus virtutem pendere existimo, ut postea dicemus.

De Opii qualitatibus non unus est omnium consensus. Alii considerantes Opium

Opium paucorum granorum dosi exhibitum caput gravare, somnum conciliare, doloris sensum obtundere, respirationem intercludere, hominemque dormientem vita privare, illud non modo frigidum, sed quarto recessu esse tale pronuntiaverunt. Alii ad ejus saporem amarum, acrem & causticum attendentes, illud calidum esse constituerunt; nec magis de illius virtute inter se conveniunt. Alii illud virulentiae, & narcoticos accusantes culparunt & rejecerunt. Alii illud magni faciunt, & pluribus titulis ac elogis cumulant. Veterum Græcorum plurimi, narrante Dioscoride, illius usum vel etiam externum reformidarunt. „Raro cogimur, inquit Galenus *Lib. 2. de compositione Medicamentor. secund. locos* „(de dolore capitis agens,) pharmacis ex Opio uti; cum videlicet „præ doloris vehementia homo de vita periclitatur: quamquam & tunc „solidæ partes ex ejus usu offendantur, adeo ut posthac correctione opus „habeant. Sic ex Opio collyria multis detrimento fuerunt, ita ut debilem oculum reddiderint, & visus hebetudinem: velut etiam auditus „gravitatem inducunt, quæcumque ad vehementem aurium dolorem ex „Papaveris succo sunt composita. Pharmaca enim ex Papaveris succo „omnia sensum stupefaciunt: & ob id sane cogimur ipsis uti, ubi nullum aliud mitigativum opem tulit. „Galenum secuti sunt plurimi veterum & neotericorum; Fernelius, Matthiolus, Ruellius, Tabernæmontanus, Rhodius, Renodæus, Zacutus Lusitanus, Quærcetanus, Schroderus, &c. Dioscorides tamen illius usum non adeo reformidavit. „Opium, inquit, sumptum Ervi magnitudinem dolorem finit; concoquit, & somnum allicit: tussi atque coeliacorum valetudini auxiliatur. Verrum si copiosius hauriatur, nocet, cum lethargicos efficiens interimit. „Ad dolores capitis cum rosaceo oleo persusum efficax est: aurium dolori cum Amygdalino, Myrrha, & Croco instillatur. Inflammationibus oculorum cum torrefacto ovi luteo proficit; igni sacro, & vulneribus cum aceto; podagris cum lacte mulieris, & Croco. Somnum accersit subditum sedi pro Balano. Inter recentiores felix Platerus diu neglectum Opium, ut ait, sub scamno reiectum, in usum revocavit; quem securus est Franciscus Sylvius Batavus seu De le Boe, qui dixit se nolle Medicinam exercere, si careret Opio: unde Doctor Opiatus dictus est. Sed ut Opii natura, & vires melius innotescant, considerandum est, quinam sint illius effectus modica dosi exhibitæ, quomodo ægri a nimia dosi afficiantur, ac tandem quæ symptomata diuturniorem illius usum sequantur.

Opium vel interne usurpatur, vel externe. Externe admotum tumores incidit, resolvit, & discutit; emollit, & relaxat; maturat & supurationem promovet. Diu cuti admotum illam pilis nudat; pruritus in ea excitat; eandem nonnumquam exulcerat, & in vesiculas attollit, si recens sit, & tenerioris sit texturæ caro. Perinæo applicatum ad venærem quandoque proritat: nonnumquam extinguit, harumce partium sensus stupefaciendo. Sæpe externe admotum soporem inducit, & dolores sedat, licet hi effectus admodum incerti sint. Capitis suturis applicatum nonnumquam interimit: nervos relaxat, stuporem, & paralytim inducit.

Opium intus sumitur, vel iusta dosi, vel nimia. Iusta dosi grana duo vel tria

tria raro superat, licet nonnumquam ad drachmam unam & ultra extendatur. Substantia sub pilularum forma exhibetur, vel quovis liquore dissolutum. Intra breve spatium, postquam assumptum fuit, operationem suam exerit; semihoræ circiter, si dissolutum; & sesquithoræ plus minusve; si sub forma solida in ventriculum injectum fuerit.

Debita dosi exhibitum quamdam circa præcordia gratam sensationem excitat: animum ad hilaritatem promovet, sicut fit ex modica vini potatione: curas & mœstitiâ remover, sæpe animum ad sua munia obeunda alacriorem ac vegetiorem reddit; unde audacia, sui fiducia, fortitudo, magnanimitas & periculorum contemptus ut plurimum sequuntur. Eam ob rem Turcæ ampla ejus dosi sese ad prælium accingunt. Sanguinis & spirituum motus effertur compescit, dolores demulcet, corpus laboribus gravatum sublevar, hæmorrhagias ab æstuante sanguine oriundas sistit: cœteras evacuationes saltem per tempus cohibet; exceptis sudoribus & insensibili transpiratione; late enim promovet: arteriarum pulsuum magnum, elatum & tardum efficit, oris siccitatem affert: in cute ruborem & levem pruritum excitat; semen auget, & venereum appetitum stimulat, præsertim si larga dosi hauriatur. Majorem effectum sortitur in calida & humida tempestate, & in corporibus laxioris texturæ, ut in mulieribus & infantibus.

Alii quidem sunt effectus, qui opium juxta dosi sumptum frequentissime sequuntur, licet non constanter. Sic soporem sæpius inducit, sed non semper; quidam enim ab assumpto Opio minus dormiunt. Somnia grata ac jucunda ut plurimum provocat: vomitum & singultum sedat, quandoque excitat, sicut & spasmos & convulsivos motus: tardiores efficit in ventriculo ciborum concoctionem: ciborum appetentiam minuit: sudores excitat: muliebrium menstruum, & post partum suppressarum a fibrarum erethismo & convulsione purgationum fluxum nonnumquam promovet: placentæ evacuationem aliquando juvat: arenularum & calculorum expulsionem sæpe conducit: hæmorrhagias quasdam cohibet: lac nutricum auget: mammarum intumesceniam, penis erectionem, somnia venerea, & in somno seminis emissionem, cutis ruborem & pruritum, urinae profluvium, & nonnumquam suppressionem inducit; licet illi effectus non constanter subsequantur.

Quidam vero sunt alii effectus minus frequentes; videlicet fugaces paralytes, præsertim vesicæ, balbuties, maxillæ inferioris relaxatio, sudorum suppressio, alvi solutio, aquarum hydropicorum evacuatio, ut VVilis observavit, stuporis artuum a frigore externo concitati curatio, suffocationes, anxietates circa præcordia, singultus, vomitus, spasmodici motus, syncopes & lipothymia, & quandoque mors, quæ tamen rarissime, nec nisi in corporibus summe plethoricis, aut in corporibus summe debilitatis, & jam a longo tempore attenuatis accidit: unde illius usus post enormes hæmorrhagias aut quascunque vacuationes nimias metuendus est. Econtra mira quandoque virum & vitæ recreatio in quibusdam semimortuis, ut ita dicam, & ad extrema redactis percipitur. Nonnumquam etiam Opium diutius in ventriculo moratur absque effectu, humoribus nempe spissis & viscidis involutum.

Cessan-

Cessante narcotici operatione, hæc ut plurimum, subsequuntur : regressus affectionum & dolorum quæ sedaverat, & sæpe graviorum quam antea, nisi beneficio sudoris aut alio modo eorum causa ab Opio expulsa aut deleta fuerit; sudor licet non semper superveniat; mictio frequens, nonnumquam alvi solutio, tristitia, & spirituum defectus, pulsus languidus ac depressus cutis pruritus.

Nimiam Opii dosim sequuntur fere iidem affectus, qui a vini ingurgitatione produci solent, scilicet animi hilaritas, risus immoderatus, artuum relaxatio & debilitas, mentis alienatio, memoriæ defectus, vertigines, oculorum caligines, corneæ laxitas, pupillæ dilatio, balbuties, sopor, pulsus magnus & tardus, faciei rubor, maxillæ relaxatio, labiorum intumescencia, spirandi difficultas, furor, ventriculi ardor, & nonnumquam gravitas, æstus venereus, priapismus, cutis calor & pruritus, nausea, singultus, vomitus, pulsus inæqualis, modo depressus, modo elatus, convulsiones, sudores frigidi, syncopes, hypothyriæ, mors. Quæ quidem symptomata non omnes omnia aggrediuntur, neque æquali vehementia, sed alios alia plus minusve pro varia corporis constitutione, Opii dosi diversa, & aliis circumstantiis.

Qui non pereunt, liberantur ut plurimum uberrimo alvi profluvio, vel sudoribus copiosis, qui Opii odorem referunt, magno cutis pruritu stipatis. Equidem observandum est alvi profluvium tutius ab Opio dosi nimia affectos liberare; periculosus illos ægrotare, quorum cutis laevioris est texturæ & ventriculus debilis: & ut illorum alii furiosi sunt, alii vero stupidi, ita furiosos mortem facilius declinare quam stupidos & comatosos.

Immoderatus & diuturnus Opii usus procreat partium omnium relaxationem & debilitatem, incuriam, languorem, desidiæ, laboris incertiam, corpus torpidum, animum stolidum & hebetem, sicut in ebriosis observare licet, illo tempore excepto quo recens injectum in ventriculum Opium digerunt. Deinde ciborum inappetentiam, difficilem & tardam concoctionem, hydropem, motuum & sensuum imminutionem, corporis incurvationem, artuum tremorem, præmaturam senectutem, sanguinis acrimoniam & depravationem, frequentem micturitionem, in venere propensionem, priapismum, atque frequentes inter dormiendum seminis emissiones.

Qui vero Opio assuefacti post diuturnum & immoderatum illius usum illud derepente relinquunt, his afficiuntur symptomatibus gravioribus vel levioribus pro diversa hominis constitutione, & plus vel minus longo & immoderato ejus usu; scilicet summa & intolerabili mœstitia; anxietate, languore, & spirituum defectu, quibus ægrotans dire cruciatus ad extrema ducitur, & nonnumquam ad mortem usque ipsa vita magis illi exoptata, nisi ad Opii usum redeat vel vini, cujus vis Opii virtuti nos est comparanda. Sæpius quoque cum illis affectionibus pristina mala ab Opio palliolata & coercita, majori cum vehementia regrediuntur.

Præcipuis Opii operationibus recensitis, nunc nobis liceat de ejus operandi ratione aliquid conjicere. Supra recensiti Opii effectus ab insigni illius actione in sanguinem proficisci videntur. Opium autem sanguineum lati-

laticem mirum in modum dissolvit, expandit, & rariorem efficit. Inde tot phænomena diversa vel sæpe etiam contraria oriuntur. Sanguinis dissolutionem & rarefactionem arguunt pulsus magnus, elatus, mollis tamen & infrequens, facies tumidior cum rubore, calor per totum corpus diffusus, fluiditas sanguinis eorum, qui Opio assidue utuntur; vix enim refrigeratus concrevit. Et observantur cruorem ex Turcarum & Indorum in præliis occisorum cadaveribus post unum aut alterum diem æque fluidum dimanare, ac si novissime fuissent enecati.

Sanguine sic expanso, arteriæ per totum corpus distenduntur; & pro diversis visceribus in quibus hæc subita sit sanguinis rarefactio, scenæ diversæ, effectus varii apparent. Statim atque sanguis per arterias cerebri permeans rarefcit, arteriolæ distensæ & majus spatium occupantes nervos canales intertextos comprimunt, plus minusve pro majori vel minori sua dilatatione. Nervos compressos nimis minor succi nervosi e glandulis effusi copia subit, & ad partes pervenit; unde corporis functiones minus belle se habent, arteriæ tardius vibrant, licet a rarefacto sanguine plus solito distendantur; unde pulsus magnus elatus, sed minus frequens. Calor præternaturalis per totum corpus accenditur, ex eo quod imminuto sanguinis motu circulari seu progressivo & aucta fluiditate, motus ejus intestinus seu fermentatitius augeatur, a quo calor pendet. Ab imminuto succi nervosi ad partes affluxu, & ejusdem refluxu a partibus ad cerebrum, artuum torpor, motus & sensus imminutio subsequuntur. Somnus quoque excitatur plus minusve profundus, quo plus vel minus nervi seu nervorum principia functionibus animalibus dicata ab arteriis comprimuntur. Mors denique nonnumquam evenit, si ex nimia & subita arteriarum intumescencia nervosarum fibrarum cerebri major pars adeo coarctetur, ut illas postea succus nervosus permeare nequeat. Eadem prorsus ratione dolores sublevantur ab Opio aut sedantur, non quod doloris causa tollatur, sed quod nervosi succi in nervos influxum inhibendo, impediatur quominus irritationis sensatio a parte læsa ad nervorum principium seu animam usque perveniat.

Defectu succi nervosi seu spirituum animalium, secretiones & excretiones imminuuntur aut prorsus deficiunt: quod potissimum observare est in hepate & renibus. Idem insuper illis in visceribus accidit ac in cerebro. Arterilis scilicet præter modum distensis, excretoria bilis aut urinæ vasa comprimuntur, & horumque humorum excretio sistitur. Sola post assumptum Opium per cutis membranarumque poros perspiratio viget, imo vires acquirit ab eo; quandoquidem nulla sunt vasa secernentia perspirationi dicata: sed perspirationis materia per vasorum quorumlibet poros membranarum extensione dilatatos exitum sibi quærit. Sudor quoque nonnumquam supervenit ex eo, quod sudoriferi meatus in extimis vasis & cute collocati nullis sint impliciti arteriis vasivæ aliis dilatatis, quorum compressio huic evacuationi obstare queat.

Revera quædam evacuationes suppressæ nonnumquam restituuntur ab Opio; si nempe illa suppressio oriatur a vehementiori nervosarum membranarum irritatione, ita ut assiduo & uberiori spirituum animalium ad par-

partes affluxu fibræ continuo & vehementer crispentur & convellantur. Hoc spirituum animalium affluxu ab Opio cohibito vel imminuto, fibræ nervosæ relaxantur, & suppressæ evacuationes saltem per aliquod tempus restituuntur. Sic nonnumquam ab assumpto Opio catharsis, diuresis mensium & lochiorum fluxus, secundinarum ejectio, necnon calculi renalis excretio, aut aliæ promoventur evacuationes: nec dispari ratione motus spasmodici hystericorum aut hypochondriacorum ab eodem medicamento sedari solent.

Qui per longum tempus Opiatis remediis utuntur, sæpe experiuntur eandem illam dosim, quæ ad soporem inducendum initio sufficiens erat, post aliquod tempus inutilem & irritam fieri; majorem requiri, vel etiam ad somnum conciliandum quotidie ampliandam esse. Illud autem evenit ex eo, quod ex primis Opii dosibus assumptis sanguis certum quendam fluiditatis gradum adipiscatur, quem eadem dosis augere nequit. Superfluis enim sanguiniscrementis per sudores vel per transpirationem exhalatis sanguinea moles imminuta; non amplius arterias adeo distendit, ut nervos comprimere valeat ad somnum inducendum. Nec eadem Opii portio sufficit ad arterias ad æqualem amplitudinem attollendas; major Opii quantitas requiritur ad sanguineam molem ulterius solvendam & rarefaciendam, & quidem magis ac magis, donec omnem fluiditatem possibilem acquisiverit: tunc enim ampliores Opii doses magis ac magis cretcentes non amplius somnum arcerunt.

Quæret aliquis quænam sint principia, quibus Opium hanc insignem sanguinis dissolutionem & expansionem excitare valet? Cui respondeo, Opium salibus, tum acido, tum alcali urinoso & sulphure crasso plurimum condensato, sed summæ divisibilitatis & expansioni capace, componi. At vero non tam a salibus, quam a sulphure ejus vim soporiferam pendere existimo; quandoquidem observamus corpora simili sulphure turgida, ut sunt Crocus, Nux Moschata, Castoreum, &c. in soporem inducere.

Opium autem & aromata soporifera in ventriculo injecta, a fermentativo ventriculi liquore solvantur, & fermentationem suscipiunt. Hac fermentatione semiexpansa sulphura narcotica ad massam sanguineam deveniunt: non solum fermentativum motum in ventriculo susceptum conservant, sed etiam a spirituosius sanguinis partibus in majorem motum concitantur, cum sulphureis sanguinis partibus permiscetur, easdem in fermentationem secum trahunt, dividunt, attenuant, sicque totam massam dissolvunt ac rarefaciunt: unde sopor. Nec prius operatur Opium, quam ejus sulphura divisa ad massam sanguineam pervenerint. Revera paulo post quam Opium in ventriculo injectum fuit, quidam nec ingratus calor sensus in ventriculo percipitur, ex blanda titillatione partium salino-oleosarum a stomachali saliva explicatarum; sed somnus non invadit, nisi post semihoram aut horam unam, tempus nempe requisitum ut sulphureæ Opii particulæ ad massam usque sanguineam deferantur.

Si forte Opii particulæ diutius in ventriculo retineantur, aut si majori quam par est copia ingerantur; tunc nimia & incommoda fibrarum nervearum ventriculi titillatione & irritatione oritur nausea, singultus; vel etiam vomitio.

His

His rite perpenſis, cœterorum Opii effectuum ratio ſatis eluceſcet: quæ propter in illis explicandis diutius non immorabor.

Opio nimia doſi aſſumpto, & mortem gravioribus ſymptomatibus minitanti medetur, primo venæ ſectiōe & emetico medicamento. Hoc non ſolum Opii reliquæ in ventriculo ſuperſites rejiciuntur, ſed etiam vomitus conatibus nervosæ ſuccutiuntur membranæ, & illis ſuccuſibus ſpirituum ad partes affluxus inhibitus reſtituitur: illa vero vaſa ſanguinea a ſanguine rariore facta ultra modum diſtenſa vacuantur, & ad ſolum diametrum reducuntur. De utroque id in primis cavendum, ut vires naturæ adhuc conſent; alias pejus fortaſſe foret malo remedium. Deinde potionibus acidis, ex ſuccis Citri, Mali Aurantii, granorum Ribeflorum, aceto, ſpiritibus Vitrioli, aut ſulphuris: ſulphurum enim expanſioni obſtant, illorum vim coercent, & rariorem factum ſanguinem cogunt. Clyſteres acriores injiciuntur, Pyrethri aut Euphorbii pulviſculus naribus inſufflatur, ſalia volatilia intus ſumuntur: veſicatoria, ſinapiſmi, & epipſastica medicamenta plantis pedum aut imæ cervici impoſita, item cucurbitulæ, ſcarificationes, uſiones, punſiones & friſtiones dolorificæ, ſeciliter adhibentur. His enim remediis membranas nervoſas fortiter ſtimulantibus villi concutiuntur, ſpiritus ad partes majori copia allabuntur, partium tonus reſtituitur, fluida carnalium renum fortius preſſa, qua data porta ruunt, ſecretiones & excretiones reſtituuntur.

Circa epipſasticorum operationem in deliriis ab Opio natis Alexander Thomſon Anglus, *Diſſertationibus medicis de Opio*, obſervat, ægros, cum prima epipſaſtici operatione inter delirandum coqueruntur de frigido a ſincipite per cervicem delapſu, conſeſtim a delirio ſanari. Maximum ſane argumentum, ſtimulum ab epipſaſtico nervæ cerebri compagi inditum, eandem a nimia liquidi copia depleviſſe; unde delirii ſolutio.

Veteres, qui Opium frigidiffimum eſſe arbitrabantur, illud corrigere tentarunt calidis medicamentis; & coagulatum ſanguinem ſolventibus. Hinc Theriaca Mithridatium, Philonium, & aliæ Opiatæ compoſitiones. Recentiorum vero unusquiſque, prout de Opio diverſe ſentiebat, diverſas illius temperandi rationes inſtituit. Alii Caſtoreo, & Croco ejus vim narcoticam emendant: alii aceto, ſucco Citri, ſpiritu Vitrioli vel ſulphuris, aut ſimilibus acidis liquoribus: alii ſalibus alcalicis, tum fixis, tum volatilibus: alii ſpiritu Vini, aqua vitæ, vino, aut aliis fermentatis liquoribus: alii ipſa fermentatione: alii igne, & torrefactione. Verum, quandoquidem Opium non præſcribitur niſi ad ſomnum conciliandum & dolores demulcendos, fruſtra illam vim anodinam & ſomniferam corrigere vel minuere tentant. Sibimeptiſi contrarii ſomniſerum expectant, ſomniſerum timent; ſomniſerum ingerunt, & illud, ſi poſſent, ejus virtute ſoporifera ſpoliarent. Nihil equidem in Opio veneni reconditur præter hanc virtutem; non igitur correptione opus eſt. Sola purgatio a ſordibus, terra, arena, aut aliis inquinamentis, quibus conſpurcatum ad nos ſolet pervenire, requiritur; nihilque ab eo reformidandum, modo juſta doſi & rito exhibeatur.

Purgatur autem a ſordibus, vel, ut ajunt, præparatur ſolutione in liquore quovis idoneo & tranſcolatione. Sæpe colatura ſervatur & exhibetur

per guttas sub nomine tincturarum Opii vel Laudani liquidi : nonnumquam etiam liquor ad extracti solidi consistentiam exsiccat, & sub forma pilularum vel pulveris exhibetur.

Cum duæ sint in Opio substantiæ, gummosa una, & resinosa altera, ille succus non æque ab omnibus liquoribus solvitur. Aqueis gummosa tantum substantia liquatur, remanente resinosa integra; spiritui vini sola extrahitur resinosa: vino aut aceto vel aqua vitæ ambæ simul dissolvuntur. Ex hac mensurorum diversitate diversæ Opii tincturæ exurgunt, non solum natura discrepantes, sed etiam effectibus. Opii enim tinctura cum spiritu vini extracta, omnium fere consensu vi narcotica intensiori donatur, caput vehementius afficit, & sæpe delirium inducit; ut in hypocondriaco sæpius observavi, qui in somniis affectus usu tincturæ Opii cum aqua paratæ somno placido corripiebatur; e contra vero phrenitide mire divexabatur; cum tincturam Opii cum spiritu vini paratam sumebat.

Opii tinctura cum aceto parata urinas nonnumquam suppressit, ut Medicinæ, & Chymici peritissimus Jacobus Le Mort observavit. Quæ cum alcalinis salibus conficitur ad somnum conciliandum, parum utilis est; quandoquidem sales acrimonia sua membranas nervosas sollicitando, soporem ab Opio excitatum discutiunt. Revera Opii tinctura cum salibus urinosi volatilibus consociata sudores movet, sique præparatum quibuscumque in affectionibus convenit. Opium vero cum aqua præparatum omnium turpissimum, & efficacissimum censemus cum doctissimo VVedelio, & peritissimo Chymico, & Medico supra nominato. Nihil enim ex hoc menstruo pertimescendum est; & Opium sic præparatum non solum hæterogeneis partibus purgatur, sed etiam sua resina nonnullis Medicis reformidanda spoliatur: ita ut apud Joannem Jones Medicum Londinensem, *Tractatu Anglico de detestis Opii mysteriis*, hæc tinctura Panacæ titulo insigniatur. Revera, quandoquidem constat Opium non esse frigidum, nec sanguinem coagulare, ut putabant veteres; quid opus est tot calidis aut aromaticis substantiis, quibuscum consociari solet? An ad juvandam Opii virtutem? Sed quæso, quid Opium adjuventi recipere potest a Croco, Castoreo aut cæteris aromatibus quibus longe præstat, tum ad soporem inducendum, tum ad sudores movendos. Aliis quoque de causis hæc aromata in præparationibus usitatis a nonnullis admittuntur, scilicet ad virosi Odorem emendandum, vel etiam ad illud magis extendendum, ut facilius in parvas doses distribuatur. Eandem ob causam quoque Sydenham Opium liquidum extracto sicco anreponit, quod granum unum Opii solum facilius in quindecim vel viginti guttulas dividatur, quam extractum siccum in viginti partes grani unius.

Opii purgatio vel præparatio cum aqua sic instituitur.

2. Opii minutim sectiq. l. Dissolvatur in aq. limpid. stillatitiæ q. s. digerendo in B. aren. Solutio a massa superstite separatur. Refrigerata per chartam bibulam transcoletur. Nova aqua massæ residuæ affundatur, digeratur, Secernatur a fecibus, & transcoletur; sique aqua affusiones iterentur, donec nulla amplius extrahatur tinctura. Solutiones confusæ evaporentur in B. M. ad extracti solidi consistentiam. Dosis exhibetur a quarta grani parte ad gran. j. aut alterum.

Cum

Cum Opium liquidum desideratur, extracti hujus granum unum in aq. convenientis q. l. dissolvitur, & postea partitis vicibus pro libitu propinatur.

Tinctura Opii cum aqua parata in officinis non diu servaretur, sed brevi mucronem contraheret. Quapropter si Laudanum liquidum servandum sit, hæc tinctura paratur vel cum vino, vel cum aqua vitæ; unde duæ Laudani opiatæ præparationes hic Parisiis maxime usitatæ, nempe Laudanum liquidum Sydenhamii, & Guttæ anodinæ Equitis Talbor vel Tabor. Ad Laudanum liquidum Sydenhamii conficiendum

℥. Opii in taleolas tennes secti ℥ij. Croci minutim concisi ℥j. Cinnamon. Caryophyllor. contusor. ana ℥j. Vini Hispan. ℥xvj. Digerantur simul in B. M. per dies duos vel tres. Fiat colatura; servetur ad usum.

Guttæ anodinæ Talbot sic præparantur.

℥. Opii lamellatum secti ℥ss. Corticis Sassafras ℥ss. Rad. Azari ℥ss. Aq. vitæ ℔j. Digerantur sub radiis solaribus in vase clauso per novem dies. Colatura servetur ad usum. Dosis a gutt. iiij. ad xv. vel xx.

Opium præparatum Laudani nomen in officinis obtinuit a Paracelso, qui primus illud sic nominavit quasi laudandum medicamen.

Opii torrefactio a nonnullis proponitur ad virus narcoticum auferendum. Revera minor est Opii torrefacti virtus, non ob sulphuris narcotici, ut ajunt, exhalationem, sed quod plurimæ Opii particulæ combustionem destruxerint, & in carbores redactæ. Inutilis itaque hæc emendatio nobis videtur.

Alii fermentatione crassum Opii sulphur dividere, & attenuare conantur. Reipsa fermentatum non adeo consopit, & potius sudores movet, & diaphoresim; aromatum more, sanguinem, & humores exagitando. Sic autem illam perficiunt fermentationem.

℥. Opii ℔j. Aq. comm. ℔ij. Fiat dissolutio. Tum

℥. Mellis optimi ℔iiij. Aq. comm. ℔xij. Fiat dissolutio, quæ cum Opii solutione permixta, & in vase idoneo recondita, reponatur in hypocausto calido ad fermentescendum. Cum liquor fermentans odorem vinosum exhalat, spuma, & fecibus separatis, distillatur, & spiritus extrahitur. Liquor in alambice residuus percolatur, blando igne evaporatur, & ad extracti consistentiam reducitur; solvitur denuo cum humore spirituosio prius elicitio, & tinctura ad syrupi dilutioris consistentiam redacta servatur ad usum.

Equidem hæc tinctura majori dosi exhiberi potest, quam Opii tinctura simplex, cum aqua vitæ: sed parum commodi ex hac operosa præparatione refertur. Nec magis utilem aut prosequam esse existimamus hanc Helmontianam Opium cum succo Cydoniorum fermentati præparationem.

℥. Succu Cydonior. recentem expressi ℔x. Opii in tennes lamellas dissecti ℔j. Stent in leni calore, ut fermentescant per septimanas ij. vel iiij. Fœcibus postea subsistentibus liquor limpidus effundatur, cui adde Cinnamomi ℥ij. Caryophyllor. Macis, Nuc. Mosch. Cardamom. ana ℥j. Galang. minor. ℥ss. Digerantur simul per duos, tresve dies. Liquor per chartam emporeticam transcolatus evaporetur ad extracti solidi consistentiam.

Quidam virosum Opii odorem diuturna digestionē, & iteratis dissolutionibus & distillationibus auferunt, & sic veneno narcotico illud spoliari existimant, hac ratione.

24. Opii q. l. Dissolve in aq. comm. q. s. solutio per chartam emporeticam tranſcoleatur. Colatura in baln. aren. digeratur per octiduum, & postea blando ignis calore per alambicem vitreum distilletur ad melleam consistentiam. Melleo huic extracto novam aquam affunde. Digerantur per octiduum, & iterum distillantur ad mellaginem. Irerentur novæ aquæ affusiones, digestionēs & distillationes, donec aqua inodora prodeat, & massa residua nullum amplius odorem emittat. Tunc nova aqua ultimo solvatur, percoleatur, & evaporetur ad extracti solidi consistentiam, cujus vis adeo debilis est, ut ad grana iij. iv. v. viij. vel x. tuto exhiberi possit.

Iteratis Opii digestionibus & distillationibus, sulphura dividuntur, & attenuata volant cum salinis partibus volatilibus. Unde molecule terrestres cum sulphuribus & salibus crassioribus remanent fere inertes. Idcirco hanc præparationem parum utilem censemus.

Recensitis Opii præparationibus frequentius usitatis, nunc quædam monita circa illius usum exponamus.

1. Tinctura aut extractum Opii cum aqueis menstruis præparata, cæteris præparationibus præstant.

2. Opii tincturæ & extracta resinosa cum spiritu vini præparata rejiciuntur. Intensiori enim vi narcotica donantur, caput gravant, sanguinem & spiritus inflammant, nonnunquam etiam ventriculi membranis in hærent; ibique gravitates, nauseas, singultus, & vomitiones excitant.

3. Rejiciuntur Opii præparationes cum acidis, quæ ipsius vim retundunt & destruunt. Neque utiles censentur cum salibus volatilibus, quorum acrimonia somnus removeretur, nisi sudores promovendi sint; tunc enim Opio opem ferunt: neque cum salibus alcali fixis, qui urinas promovere, sed somniferam Opii virtutem admodum minuant.

4. Opium sub pilularum forma minus conducit, incertæ enim est operationis. Satiùs est illud sub forma boli debite cum aliis pulveribus permixtum & sufficienter extensum exhibere, vel quovis liquore saporis non ingrati dilutum: citius enim actionem suam exerit, & minus frequentes nauseas excitat.

5. Nunquam in ventriculum cibus repletum ingeratur. Quapropter quatuor horarum intervallum a pastu, si solidi fuerint cibi, requiritur; & saltem duarum horarum post jusculum ad illud propinandum. Neque etiam alimenta solida exhibeantur, nisi absoluta Opii operatione; nec juscula propinanda sunt, nisi urgente necessitate, & tribus tantum horis post narcoticum exhibitum.

6. Non exhibeatur, dum fluunt menstruæ mulierum purgationes, puerperarum purgamenta, periodicæ hæmorrhagiæ, aut criticæ evacuationes: nec nisi caute post enormes evacuationes quascunque, ne spirituum defectu ægrotautes ad somnum jam proclives in somnum diuturniorem & fortasse sempiternum inducantur, aut paralyti afficiantur.

7. Summa cum cautela exhibendum hominibus debillioris constitutionis, laxio-

laxioris texturæ, longo morbo debilitatis, infantibus, mulieribus prægnantibus & senibus, illis quorum ventriculus debilior cibos difficillime concoquit, illis quoque, qui summam patiuntur sanguinis plethoram, ne, a subita sanguinis expansione, vel somnus letalis vel hæmorrhagia superveniat; rarissime in morbis acutis & inflammatoriis præsertim, ne simulata morbi sedatione, & Medicus & æger simul decipiantur.

8. Illius usus identidem intermittatur, ne assiduo usu prorsus irritum aut noxium evadat.

9. Tres sunt potissimum Opii exhibendi indicationes, scilicet, vigiliæ nimix, dolores acervi & diuturni, enormes vomitiones vel dejectiones.

10. Addit quoque Thomas Sydenham insigniores spirituum animalium ataxias: unde nonnunquam in spasmodicis nervorum affectibus & passionibus hysterice plurimum juvat.

11. Ab ea potissimum virtute pender illa quæ in Opioprehenditur facultas quasdam evacuationes provocandi a convulsis nervorum crispaturis suppressas. Sic idem Sydenham *Epistola ad Cole*, p. 488. ad suppressa hac ratione puerperarum purgamenta restituenda, aliis remediis frustra tentatis, proponit Laudanum una saltem vice tentandum. „Hic, inquit, Laudanum quantumlibet sua indole adstringat, cum tamen spirituum perturbationem, a qua solemnis lochiorum evacuatio fuerat interrupta, compescat, quandoque plurimum juvare, & emmenagogis nihil proficientibus, lochiorum fluxum revocare potest. Sedulo interim animadvertendum est (pergit idem auctor) quod si telo hoc semel misso scopum non attingamus, nec sequantur lochia, Opium nullo modo est repetendum.“

12. Opium in quibuscumque morbis, tum chronicis, tum acutis non solum ut soporiferum, sed ut insigne alterans medicamentum a plurimis Medicis prædicatur, & hoc nomine multis laudibus cumulatur. Verum quam infida sit & illusoria hæc praxis, brevi experientur illi qui naturæ motus in morbis per aliquod tempus attente perpenderint. Opium enim non modo fugitivum levamen affert, symptomata tantum sedando brevi regressura, intacta morbi causa, sed etiam signa ex quibus Medicus & morbum dignoscere & indicationes suas depromere debet, spissa caligine obnubilat, alia & morbi prorsus aliena symptomata suscitât, naturæ conamina ad crîsim perficiendam infirmat vel potius extinguit, & diuturno usu morbos periculo vacuos in gravissimos & sæpe exitiales convertit. Sic soporifer ille succus fallacibus induciis ægrotanti & Medico imponere solet; quandoquidem morbus est sæpe naturæ conatus ad peccantem causam superandam, & ipse dolor est nonnunquam illius conaminis sensatio, sed sæpius partis affectus simulatio, ab humore peccante, qua natura ad hanc causam expellendam vehementer concitatur. Sane ille succus remedii nomen non meretur, qui hoc naturam orbat incitamento. Sic ex. gr. in nephriticis doloribus a calculo ureteres, obstruente oriundis non inutiles ceniendi sunt dolores quibus æger divexatur. Renes enim, ureteres & musculi abdominis his irritationibus sollicitati modo convelluntur, modo laxantur: sic quandoque calculus conteritur, comminuitur, vel vehementer protruditur, ac tandem iteratis illis conaminibus, & medicina obstericante, tandem in vesicam expellitur. Idem dicendum de arthri-

hriticis doloribus : humor enim in peculiaribus articularum vasis concretus & hærens ab irritata & inflammata parte paulatim conteritur & resolvitur ; ita ut tandem ex minoribus in majora vasa transvehatur , vel a calore partis per dolorem accenso blandam concipiat effervescentiam , qua tenuior fit & per cutis poros perspirandi capax . Si in his Opii usus noxius , quid in aliis ? Frustra felicem opiatricorum Medicorum praxim nobis opponunt . Attendamus aliquantisper ad eorum methodum rædendi tor acris medicamentis , spirituosus , stimulantibus , salibus nempe volatilibus , oleis essentialibus , odoratis , & aromatibus innixam : nec difficile erit judicare vel hanc methodum ad pravos Opii effectus emendandos , soporosas nempe affectiones discutiendas & torpescentem ab Opio naturam excitandam , excogitatam fuisse ; vel Opium utiliter ab his adhibitum fuisse ad tumultus ab illegitima & ad hoc usque tempus inaudita methodo excitatos inhibendos quodammodo , & refrænandos .

13. Opium cum clysteribus in intestina injectum eodem producit effectus ac per os sumptum , imo sæpe majores ; & graviora nonnunquam inducit symptomata . Quare raro in clysteribus dissolvitur : sed potius infusa vel decocta ex Papaveris albi capitibus exhibentur , nec nisi cum summa cautela usurpanda sunt , & solummodo ad immoderatos & acerrimos alvi fluxus sistendos , aut in atrocissimis colicis doloribus .

14. Externe admotum dubiæ & incertiæ est virtutis : quapropter rarissime ad soporem inducendum applicatur , quod quidem nec temere fieri debet . Sæpius ad odontalgiam sedandam Opii granum unum aut alterum temporum arteriis applicatur , nec absque levamine . Verum Galenus monet opiata pharmaca auribus & oculis admodum noxia esse : visus enim hebetudinem & auris gravitatem inducunt . In vulnera quoque gangrenam sæpius inferunt .

15. Idem ferendum est judicium de Papaverinis ac de Opio , licet eorum vis soporifera longe remissior sit .

Ex Papaveris albi partibus capita fere sola hic in usum veniunt . Matura colliguntur & exsiccata servantur . Ex his disruptis & laceratis , rejecto semine tanquam inutili , infusa & decocta præparantur sicut & syrupus , Diacodium vulgè dictus . Semina vero somnifera non sunt , sed oleosa & nutrientia : ex illis olim , teste Dioscoride , pagem conficiebant . Nec solum Papaveris albi , sed etiam nigri semen esculentum est ; siquidem scribit Matthiolus eos , qui Tridentinas valles , Stiriam , & superiorem Austriam incolunt , placentalis vesci cum utriusque Papaveris seminibus & farina paratis , oleoque expresso in cibis continuo uti , non tamen venternos fieri aut diuturniori somno capi . Nuperrime quoque , cum oleum Olivarum , necatis perfrigida anni 1710. hyeme Oleis , nobis fere deficeret , oleo ex seminibus utriusque Papaveris expresso in olei Olivarum vicem nostrates in cibis innoxie usi fuerunt . Præterea Cl. Tournefort . Genuæ observavit nobilissimas matronas & puellas semina Papaveris albi saccharo obducta assatim vorare , neque in veternum incurrere . Quapropter in emulsionibus præparandis ad humorum acrimoniam demulcendam aut æstum compescendum , cum quatuor seminibus frigidis frequenter . Papaveris albi semen usurpatur : ex eo quoque oleum extrahitur ad usum externum in linimentis & unguentis adhibendum .

24. Papaveris albi caput unum minutim concisum , rejecto semine . Co-
quæ

que in aq. fontis ꝑij. ad medias . Fiar colatura . Capiat æger hora somni , ad somnum conciliandum .

24. Capituli Papaver. alb. n. ij. Concisa coquantur in aq. limpid. ꝑij. ad tertiæ partis diminutionem . In colatura sensim contunde semin. Papaver. alb. & semin. Melon. ana ꝑß. Fiar expressio , in qua dissolve Syr. Nenuphar. ꝑj. Dividatur emulsiō in duas doses per noctem quatuor horarum intervallo propinandas .

24. Quatuor semin. frigidior. major. ꝑß. Contrunde in decoct. Hord. & rad. Althææ ꝑvj. Fiar colatura , in qua dissolve Diacodii ꝑß. vel ꝑvj. Fiar emulsiō hora somni & longe a palatu exhibenda .

24. Diacodii ꝑv. Aq. stillatit. flor. Papaver. erratic. & Portulacæ ana ꝑij. Aq. flor. Aurantior. ꝑß. Fiar potio in duas doses distribuenda : altera hora somni propinetur ; altera aliquot post horis , si somnus non superveniat .

24. Extracti Opii solidi granum unum , oculor. Cancror. pp. ꝑß. Terantur in mortario marmoreo & accurate misceantur . Dividatur pulvis in sex partes æquales sexta quaque hora sumendas ad tussim vehementem demulcendam .

24. Laudan. opiat. gr. s. Extracti Croci gr. j. Syr. de Althæa ꝑß. Dissolve in infusione flor. Papaver. rhæad. ꝑvj. Fiar potio hora somni exhibenda ad tussim per noctem sedandam & somnum conciliandum .

24. Laudan. opiat. gr. j. Coralli. rubri & terræ Japonicæ ana ꝑß. Terantur , & accurate misceantur . Tum adde pulver. Cinnamomi & Nucis Mosch. pulverat. ana ꝑj. Extracti Juniperi ꝑi. Syr. de Absynthio q. s. M. F. opiata in quatuor doses distribuenda , & per vices oggerendas in alvi profluviis immoderatis cum torminibus , aut in superpurgationibus .

24. Castorei gr. v. Opiati Laud. gr. j. vel Laudani liquid. Sydenhami guttas xij. Dissolve in aq. flor. Aurantior. atque Arthemis. ana ꝑij. Solutioni add. Syr. de Arthemisia ꝑj. Fiar potio cochleatim exhibenda ad affectus hystericos compescendos .

Opium usurpatur in Theriaca *Andromachi* . *Mithridatio Damocratis* , Electuar. Dialecordio , Antidoto Orvietano *Peder. Hoffmanni* . Philonio Romano *Nicolai Salernitan* . Philon. Persico *Mesues* , Pilul. de Cynoglossō , Pilulis Matthæi vel Starkei *Ph. Bat.* Balsamo hypnotico *Charar* , Pulvere *Requies Nicolai Alexandrini* dicto , Trochiscis de Karabe . Semina Papaveris albi usurpantur in Syrupō Jujubino *Mesues* , Pulvere Diarrhodon *Abbat* . Pulver. Haly. Diarraganthi frigidi *Nicol. Alexandr. Requies Nicolai* dicto , Philonio Persico *Mesues* , Trochiscis Alkekengi *Mesues* & Trochiscis *Gordonii* .

ARTICULUS QUINTUS.

De *Acacia vera* , & *Acacia nostrate* .

A Cacia vera & succus Acaciæ , Off. *Ακανία* , *Galen* , *Damocratis* & *aliorum* : *Ακαν'ας* , *Dioscor.* *Δάκρυον χυανώδες ἀκαν'ας* , *Andromachi* .

N n 4

Suc-

Succus est inspissatus, gummosus, colore extus fuscus aut nigricans, intus rufescens seu subfulvus, consistentiæ firmioris, duræ, in ore lente scens, saporis austeri adstringentis, non ingrati, in massulas subrotundas 4. 6. vel 8. unciarum pondere, & tenuioribus vesicis involutas compactus.

Probatum recens, purus, nitidus, qui aqua facile dissolvitur: Nigerrimus & siccissimus improbatum, sicut etiam sordibus conspurcatus. Ex Ægypto per Massiliam nobis affertur.

Exprimitur ex siliquis immaturis plantæ quæ dicitur Acacia folio Scorpioides leguminosæ, C. B. P. 392. Acacia tant, & Akakia, P. Alp. de Pl. Ægypt. cujus descriptio *Articulo de Gummi Arabico* exposita fuit, quandoquidem eadem arbor Gummi Arabicum & hunc succum suppeditat. Siliquæ nondum maturæ, aqua persulfæ contunduntur, exprimuntur; & succus expressus coctione inspissatur, & in massulas cogitur.

Constat ex mediocri salis acidi portione, paululum salis alcali, terra adstringente copiosa, & oleo tum tenui, tum spisso plurimo: ex quibus conjunctis compositum exsurgit salsum, aluminosum, mucaginosum.

Inter incrassantia, adstringentia & repercurentia medicamenta numeratur. Venter firmat, vomitum sedat, & alvi profluvia, hæmorrhagias quascunque sistit, sanguinem inspissando, humorum acrimoniam demulcendo, & solidas partes roborando, ac firmando. Intus exhibetur, vel sub forma pulveris aut boli, vel conveniente liquore dissolutus a ʒss. ad ʒj.

Ægyptii, referente Alpino, sanguinem spuenteribus Acaciæ drachmam singulo mane aliquo liquore dissolutam potandam offerunt. Idem mulieribus, quæ immodicas uterinas patiuntur hæmorrhagias, hunc succum dissolutum & in uterum injectum proponit. Frequentissimum est in collyriis apud Ægyptios illius usus ad oculos roborandos, atque ad inflammationibus, quæ ibi frequentissimæ sunt, tuendos. In gargarismatibus repercurentibus, in angina ad fluxionem incipientem cohibendam utiliter usurpatur. Ad anum uterumque procedentem succo dissoluto cum foliorum florumque decocto nihil præstantius esse idem Alpinus asserit. Ab eodem ad podagricos dolores in fotu commendatur, sed adstringendo repercutit: quare his in affectibus minus tutum est; quandoquidem humoris fluxum coercet, sæpiusque versus interiora repellit.

ʒl. Acaciæ veræ ʒss. Conserv. Rosar. rubrar. ʒj. Coral. rubr. ʒss. Syr. de Symphyto q. s. M. F. bolus in cruenta exspiratione.

ʒl. Acaciæ Ægyptiacæ ʒj. Dissolv. in succor. Plantag. & Heder. terrest. ana ʒiii. Adde Syr. Rosar. siccar. ʒj. M. F. potio cochlearum exhibenda in hæmorrhagiis.

Usurpatur in Theriaca, Mithridatio, Trochiscis de Karabe, Ung. stipitico Charas.

Cairi, inquit P. Alpinus, Coriarii ad denigrandas pelles multam copiam illius succi absumunt.

In officinis Acaciæ veræ defectu alium succum extractum sæpe substituant, quem Acaciam nostratam seu Germanicam nominant, licet viribus ab Acacia vera paulo diversum. Quapropter ad Theriacæ confectio-nem Pharmacopæi curare debent, ut veram & genuinam Acaciam conquirant, quæ magni est usus in Ægypto, & facile apud nos reperitur.

Acacia

Acacia nostras, & *Acacia Germanica*, *Off.* Succus est inspissatus, siccus, durus, ponderosus, niger, intus nitens, in massulas vesicis involutas compactus, sapore acido austero. Ex Germania affertur, necnon etiam in officinis nostris præparatur.

Planta ex cujus fructu succus ille elicitur, dicitur *Prunus sylvestris*, C. B. P. 444. vulgo *Prunellier* vel *Prunier sauvage*. Arbor fruticosa est, sepibus notissima, multis ramis donata, & spinosa, cortice subpurpureo, & cinereo circumvestitur. Folia profert lanceolata, in ambitu ferrata, sapore adstringente. Flores ante folia e ramulorum tuberculis nascuntur conferti, niveo candore insignes, teneri, amari, aliquantisper odorati, rosacei, pentapetali, in quorum medio stamina alba alpicibus intense croceis ornata stylum viridem longiorem circumdant, ex calyce exurgentem; qui calyx deinde in fructum abit. Flosculis pari fertilitate succedunt fructus parvi, ex rotundo oblongi Cerasi vulgaris minores, primum virides, paulo ante maturitatem glauci, tandem maturescentes atro-cerulei, insigni adstrictione præditi, ossiculum continentes Cerasi ossiculo par aut paulo minus, sed longius, cum nucleo simili. Radice nigra est.

Folia, cortex & fructus immaturi refrigerant, exsiccant & adstringunt: unde usus eorum in hæmorrhagiis, & alvi profluviiis frequens.

Licet Matthiolum omnibus sylvestris Pruni partibus adstringentem facultatem tribuat, flores tamen fructus maturi excipiendi sunt qui alvum laxandi virtute pollent. Unde flores ad alvum subducendum in vino macerati aut in syrupo crebris infusionibus parato a quibusdam exhibentur. Quin etiam eisdem exsicatos in Cerevisia calida propinatos alvum movere Simon Paulli refert. Aquam e floribus distillatam & potam ad laterum dolorem & pleuritidem Tragus commendat: eamque multo efficaciorē asserit, si flores recentes vino generoso macerati in B. M. distillantur; quandoquidem spiritus ille sudorificus est ab ℥iij. ad ℥vj. propinatus.

Fructus bene maturi alvum laxant; sed immaturi refrigerant, & adstringunt: quapropter melle conditi dysentericis, & alvi profluviiis laborantibus exhibentur. Ex Prunis sylvestribus immaturis in clibano exsiccatis, & postea cum musto vel Cerevisia fermentatis apud Germanos vina & Cerevisiæ præparantur in alvi profluviiis & immoderato mensium fluxu proficua.

Ex iisdem immaturis & recentibus succus exprimitur, coquitur & inspissatur ad extracti solidi consistentiam sub *Acaciæ Germanicæ* nomine, & *Acaciæ veræ* succedaneum habetur. Majori tamen aciditate donatur, quapropter magis refrigerans & adstringens censetur: multo minus olei continet; idcirco humorum acrimonia non æque ac vera *Acacia* temperare valet. Adversus hæmorrhagias & alvi profluvia ad ℥j. sub forma boli vel in potionibus dilutus nonnumquam exhibetur: ad anginam statim initio in gargarismatibus utiliter miscetur.

℥j. *Acaciæ nostratis* ℥j. Sal. Prunell. ℥ss. Mellis rosati ℥j. Aquar. still. Rosar. & Plantag. ana ℥iij. M. F. gargarisma in angina incipiente.

Pruni sylvestris folia in Unguento Comitissæ usurpantur.

ARTICULUS SEXTUS.

De Hypocistide.

Hypocistis, Off. *Υποκίστις*, Dioscor. Tarasith, *Arabum*. Succus est exsiccat, niger, nitens, saporis austeri. Ex Gallo-Provincia, Gallia Narbonensi, & Orientalibus plagis nobis affertur. Eligatur purus, nitidus, niger, non adustus.

Planta, ex qua extrahitur, dicitur Hypocistis officinar. C. B. P. 465. E variorum Cisti generum radicibus veluti furculus erumpit, Orobanches forma: caule infima parte quatuor vel quinque lineas, suprema pollicem vel duos pollices crasso, tres quatuorve alto; carnosio, succoso, disrupto facili, candicante, purpurascente aut sublutei coloris, saporis amari & summe adstringentis, foliolis seu squamis crassis, semipollicem longis, duas tresve lineas latis, obtuse acuminatis, diversi coloris in diversis speciebus, undique obstituto. Multos gerit in summitate flores congestos cum foliolis, squamis plurimis similibus crassis intermixtos & circumseptos. Flos mali Punicæ cytino similis monopetalus est, campanulatus, septem vel octo lineas longus, cujus pars infima pro calyce est, suprema in quinque dividitur segmenta duas lineas longa, subrotunda; quorum medium pistillum occupat duas lineas longum, in globulum desinens striatum, cujus striæ statò tempore dehiscences tenuissimum pollinem emittunt: sicque hæc pars pistilli staminum & apicum vices gerit. Infima floris pars paulatim intumescit ad semiunciam crassitiem, & fructum constituit subrotundum, ejusdem cum flore coloris, mollem, intus veluti radiatim in sex vel octo partes divisum, succo turgidum lento, glutinoso, limpido, saporis fatui, & seminibus sæctum pulveris adinstar tenuissimis. Sphariceo huic fructui striatus pistilli globulus supereminens semper adhæret. Caulis a Cisti radicibus, quibus innascitur, facile avellitur; & scrobiculum reliquit in radice lævem absque ullo fibrarum vestigio. Cl. Tournefortius in Creta Insula observavit Hypocistidis species colore diversas ut videtur est in *Corollæ Insit.* R. H. Sola Hypocistis flore luteo odorata erat, & odorem Liliæ convallium referebat; cæteræ species erant inodoræ.

Ad succum præparandum, cytinus seu fructus recentes contriunt, & succum eliciunt, qui subinde insolatur, & densatur ad extracti solidi consistentiam. Præter hanc Hypocistidis præparationem nonnulli tempore Dioscoridis plantæ furculos exsiccabant, fractos macerabant, incoquebant, percolabant, & ad extracti consistentiam indurabant.

Hypocistis ex iisdem fere constat principiis, ex quibus Acacia, & iisdem virtutibus donatur. Potenter adstringit, & ad omnes fluxionum affectus, puta sanguinis rejections, profluvia muliebria, cœliacos, dysentericosque affectus commendatur. Quin si quam partem roborare consilium sit, inquit Galenus L. 7. de *simpl. Medicam.* quæ videlicet plusculo humore exsoluta fuerit, robor & firmitatem illi non imbecilliter addit. Sic sane stomachicis epithematis, hepaticisque commiscetur, & ex viperis confecto antidoto inditur, nimirum quo corpora confirmet ac roboret. Intus sumitur a ʒß. ad ʒj. In gargarismatibus repercutientibus sicut Acacia usurpatur.

24. Hypocistid. ʒij. Syr. de Symphyto, & Berberis ana ʒj. Mucag. Gumm. Tra-

Tragacanth. ʒj. Aquar. Plantag. & Portulac. ana ʒij. Fiat looch. l. a. quo utatur æger ex cochleari frequenter, in hæmoptoe.

4. Hypocistid. ʒj. Corall. rubr. Terr. sigill. Lapid. Hæmatit. pptorum ana ʒj. Syr. Hederæ terrestris ʒj. Aq. Plantag. & Portulac. ana ʒij. M. F. potio cochleatim exhibenda.

2. Hypocistid. & Acaciæ nostrat. ana ʒj. Conserv. Rosar. & Cynorhod. ana ʒij. Syr. Berber. q. s. Fiat opiata in quatuor doses quarta quaque hora exhibendas distribuenda, ad ventriculū debilem roborandum & diarrhæam sistendam, observatis observandis.

Usurpatur in Theriaca *Andromachi*, Mithridatio *Damocratis*, Trochiscis de Karabe, & in Emplastro regio ad hernias.

ARTICULUS SEPTIMUS.

Ec Catechu, & Lycio veterum.

Catechu, & improprie Terra Japonica, Off. vulgo *Carbon*. Est succus gummosus, resinofus, induratus, extrinsecus e-ruso nigricans, intrinsecus e rubro-fuscus, saporis adstringentis, subamari, postmodum dulcioris & grati, odoris expers. Duplex est: unus defœcator, qui in ore cito liquescit; alter magis crassus, terrestris, & quasi fœculentus, qui sæpe terra, arena, lapillis, aut aliis heterogeneis permixtus reperitur, & nonnumquam adustus. Hic deterior censetur: ille rarior, sed præstantior, & cum reperitur, elgiendus. Ex Malabar, Suratta, Pegu, & aliis Indianis oris affertur. Improprie Terra Japonica dicitur, cum in Japonia non reperiatur nisi aliunde illuc advectus.

Mercatores ab hujus succi ariditate & friabilitate decepti terram esse crediderunt: verum nullus in dubium hodie revocat, quin sit succus ex Vegetabilium familia extractus & inspissatus; siquidem in aqua communi facile dissolvitur, & nulla terra ab eo transcolatione separatur, igne accenditur, & comburitur, & paucos cineres post se relinquit. Sed de illius succi origine, seu de planta, ex qua extrahatur, apud auctores non plane constat. Imo ex pluribus, & diversis plantis hic succus coctione elicitur, qui his nominibus *Khaath*, *Cate*, *Catechu*, *Caetebu*, & *Castioe* insignitur.

Si enim Garciam audiamus, arbor ex qua succus Cate extrahitur, magnitudine est Fraxini, folio minuto Ericæ, aut Tamarisci similimo, perpetuo virente, multis spinis horrida. Sic autem illius succi extrahendi rationem refert. Ramos hujus arboris minutim concisos elixant, deinde contundunt; postmodum cum farina Nachani, & cujusdam nigri ligni, quod isthic nascitur scobe, (interdum etiam sine eo) pastilli, & tabellæ formantur, quas in umbra siccant.

Jacobus Bontius eandem describit arborem creberrimis in trunco & ramis spinis obsitam, foliis fere Sabinæ vel arboris quam vocant Vitæ, sed non tam pinguibus, & grassis. Fabas fert rotundas, inquit, punicei coloris, in quibus tres aut ad summum quatuor nuces clausæ latent tanta duritie ut dentibus frangi nequeant. Ex ejus radice, cortice, & foliis extractum *Cate* dictum excoquitur; quod illi auctores ambo Lycium Indicum Dioscoridis esse existimant.

Verum Herbetus de Jager, *Ephemerid. German. Decad. 2. Ann. 3.* scribit
Ly-

Lycium Indicum, seu *Cate Garciz*, vel *Khaath* ut Indi nominant; & *Reng* ut Persæ dicunt, succum esse extractum non ex una arbore, sed ex fere omnibus *Acaciz* speciebus, quæ cortice adstringente, & rubescente præditæ sunt, multisque aliis plantis ex quibus similis succus excoqui potest; qui omnes succi eodem nomine *Khaath* ibi designantur, quamvis bonitate & virtute dispares. Unam tamen observat esse arborem, quæ præstantissimum, & optimum *Khaath* reddit.

Ab ipso dicitur *Acaciz* species ex qua *Khaath* seu *Lycium Indicum* conficitur, *Khair Indor*. & *Decanor*. *Khadira Brachman*: *Tlaanra Golcondens*. *Karang-galli*. *Patti Malabarum*. *Acaciz* species est spinosa, ramosa, cujus rami majores cortice albicante cinereo veltiuntur; surculi autem qui folia producant, cute rufescente obducuntur, & ex majoribus ramis erumpunt inter spinulas binas hamatas, ex adverso oppositas. Folia alata ad costam unam adhærentia *Acaciz* foliis similia sunt, sed minora. Flores & fructus non vidit. Ex hac arbore in regno Pegu succus coctione extrahitur, quo suum *Khaath* per totam Indiam adeo celebre conficiunt.

Necnon etiam inter plantas, quæ extractum *Khaath* seu *Catechu* præbent, insignis est quoque *Areca* arbor, referentibus eodem *Herbeto de Jager* loco supra citato, & *Joanne Otthone Helbigio Ephemerid. Germ. Ann.* 9. 10.

Palmæ species est, quæ dicitur *Palma* cujus fructus sessilis *Faufel* dicitur, *C. B. P.* 510. *Fisfel*, & *Fusfel*, *Avicenna*: *Faufel* sive *Areca Palmæ* foliis, *J. B. I.* 389. *Areca* sive *Faufel*, *Clusi exot.* 188. *Pinung*, *Bontii*: *Caunga*, *H. Malabar. I.* Arbor est procera, radice nigricante, oblonga, spithamam crassa, cum plurimis radiculis albicantibus & rufis; caudice ad radicem spithamam crasso, in summitate paulo minore; cortice obducto dilute viridi, adeo lævi ut nullum ascensum præbeat nisi aptatis ad pedes compedibus & laqueis, aut cincto per intervalla caudice vinculis quibusdam ex *Sparto*, aliave materia confectis. Frondes seu palmites ex caudice decussatim bini, superiores ex inferiorum sinu emergentes, ima sui parte summitate caudicis instar vaginæ seu capsæ rotundæ & clausæ circumplectentes, caput oblongum in summitate arboris ipso caudice crassius constituunt. Exteriores pede hiso ac rupto, postea successive suo tempore decidunt. Palmites exeunt e costa media, superius nonnihil cava inferius rotunda, & pinnis seu foliis binis ordine oppositis, tres quatuorve pedes longis, quatuor plus minus pollices latis, ac instar flabellorum complicatis, viridibus & nitentibus. In summa arbore e foliorum sinubus exeunt vaginiformes capsæ quatuor plus minus spithamas longæ, e singulis foliis singulæ, surculos floribus & fructibus onustos includentes, parte inferiore, quæ palmitum medium seu centrum respicit, concavæ, & exteriore convexæ, superficie glabra & æquali, in medio partis cavæ stria lacunosa sulcata, secundum quam rumpuntur & aperiuntur, exterius primum e viridi albicantes, per tempus flavescentes, interius candidæ. Surculorum in capsis inclusorum alii crassiores ima parte fructibus teneris dorati sunt, alii tenuiores gemmis floribus in duabus oppositis partibus obducti: sunt autem gemmæ istæ parvæ, angulosæ, albicantes, in tria petala rigida, cuspidata & crassiuscula se aperiennes; contingentque in medio stamina novem albicantia, tenuia, tria longiora, ex flavo albicantia, quæ a sex minoribus magis flavis cinguntur. Fructus adhuc teneri, & molles candidi sunt ac niten-

tentes, albicantibus furculis appensi, forma non rotunda, sed angulata, maxima parte foliis calycis oblongo rotundis & muris, circumvolutis comprehensi: humorem multum & limpidum saporis adstringentis in medio pulpæ continent: pulpa per tempus aucta, humor minuitur, donec nullus superfit: deinde medulla albicans nascitur, pulpa indurefcens; & cortex tandem aureo-flavus fit. Fructus justam magnitudinem adepti, antequam siccati sint, perquam similes Dactylis sunt, oblongo-rotundi: in una & superiori parte strictiores constant ex cortice crasso, glabro, membranaceo, pulpa e fulvo rubefcente, quæ per siccitatem fibrosa evadit seu lanuginosa & flavescens; intus in medio medulla albicante, seu potius nucleo aut semine. Cum jam fructus exsiccatus est, nucleus a pulpa fibrosa facile separatur, Avellanæ vel Nucis Moschatæ magnitudine, turbiniatus ut plurimum, vel una parte compressus & fessilis, ex altera convexus, rugosus, striatus extrinsecus, coloris rufi aut Cinnamomei, materie dura non admodum cedenti cultro, venis candicantibus, rufis & rubentibus intus respersa, saporis nonnihil aromatici & paulisper adstringentis. In maritimis & arenosis tantum locis hæc arbor nascitur.

Maximam hujus arboris fructui famam conciliavit quotidianus ejus apud Indos usus, qui eum sive mollem, sive durum cum Lycio Indico sive Khaath, & foliis Betel, addito momento Calcis, assidue masticant, succum sive salivam his rebus tinctam deglutiendo, cætera expuentes. Hæc est ex Areca extracti, Khaath quoque dicti, præparandi ratio, referente supradicto Herberto de Jager, *Ephem. Germ. Dec. 2. Ann. 3.* Nucem Ariacam vel Fausel, quando adhuc viridis nec plane matura est, in duo triaev frustra secant, & ita in aqua, addito parum Calcis ex testis ostrearum ustis, per quatuor horarum spatium excoquant, donec segmenta colorem obscuro rubrum contraxerint. Calx multum juvat. Tum adhuc calens decoctum percolatur, & refrigeratum sensim detrahitur a materia spissa & sæculenta in fundo relicta. Hæc sæcula sola inspissata Khaath quoque dicitur, & eodem modo ac extractum Cate usurpatur. Sed ut illud extractum præstantius efficiant, addunt corticum Tsiang-tæ seu Acaciæ prædictæ recentium & viridum tusorum & per tres dies maceratorum aquam, & coquant ad extracti molliusculi consistentiam. Tandem massam inspissatam super storeas soli exponunt, & in massulas vel pastillos redigunt.

Magistræ & ditiores hoc Lycio sive Catechu haud contenti, illi Cardamomum, lignum Aloes, Moschum, Ambarum, & alia admiscunt, quo gratius & luxuriosius evadat. Talis est compositio quorundam pastillorum apud Indos paratorum, rotundorum, planorum, Nucis Vomicae magnitudine, a Batavis in Europam allatorum sub nomine *Siri Gata Gamber*. Tales sunt quoque pastilli nigri sub diversis formis, modo pilularum, modo seminum, florum, fructuum, muscarum, insectorum, modo muscerdæ, aut aliorum ad libitum, a Lusitanis in urbe Goa efficti; quique ob vehementiorem aromatum fragrantiam, a nostris ut plurimum respiciuntur. Verum ut nationes illæ valde fraudulentæ sunt, sæpe contingit ut arenam, argillam aut alia heterogenea huic extracto permisceant quo massam & pondus augeant; ideo ut raro mera illa pura & sincera ex illorum manibus haberi possit.

Ateca, observantibus García, & Jacobo Bontio, nondum matura, masticata vertiginem cerebro subitam inducit, non secus ac si sumpto vino quis ebrietatem contraxerit. Sed hæc alteratio, sumpto pauco sale, & haustu aquæ gelidæ, breviter evanescit.

Hanc masticationem orientales populi commendant adversus fœdum oris halitum, ad firmandos dentes, & gingivas, ventriculorum roborandum, vomitiones, & diarrhæas sistendas, ciborum appetentiam excitandam, concoctionem adjuvandam. Interim os masticantium volat eructare delibutum, fœdo aspectu squalet.

Catechu sincerum, & sine aromatibus modice adstringit, dentes, & gingivas firmat, aphthas, & oris exulcerationes sanat, tonsillis, & anginae medetur, cruentam exspuitionem sedat, catarrhos inhibet, tussi, & raucedini conducit, pituitam acrem demulcet, ventriculum roborat, ciborum concoctionem juvat, alvi profluvia, diabetem, hæmorrhagias sistit, & menses immoderatos minuit. G. Volfgang. Vedelius in *Ephem. German.* refert observationem herniæ varicosæ in juvene usu Catechu sanata.

De terræ Catechu dosi nimia nihil timendum mihi videtur: frustula enim assidue in ore detineri possunt, nova dissolutis substituendo absque ullo malo eventu. Observandum est quo minutiora sunt frustula, eo palato graviora deprehendi: fragmenta in os ingeruntur, seminis Anisi vel Coriandri magnitudine. Substantia sub forma boli vel tabellarum deglutitur a ʒss. ad ʒss. Ex eo Vedelius tincturam sic extrahit.

ʒi. Catechu q. v. Pulverato affunde Sp. vini. rectif. sexcuplum vel octuplum Digerantur; & extrahitur tinctura elegantissima, quæ sensim effundendo a fœcibus separatur, & servatur ad usum. Dosis a gutt. xx. ad lx.

Hæc tinctura sicut etiam Catechu substantia felicititer usurpantur in garrismatibus adversus anginam.

ʒi. Catechu ʒi. Sacchar. ʒi. Exacte pulverata misceantur, & excipiantur mucagine Tragacanthi cum oleo Cinnamomi gutta una vel altera. Formentur pastilli sublinguales, in tussi catarrhali, & diarrhæis.

ʒi. Catechu ʒss. Nuc. Mosch. Coralli rub. pp. ana ʒi. Syr. Cydonior. q. s. M. F. opiata. Dosis ʒi. ter die exhibenda in hypercatarrsi, diarrhæa, & dysenteria.

ʒi. Terr. Catech. ʒi. Hæmatit. pp. ʒss. Diacod. ʒss. Syr. e rosis siccis ʒi. Aquæ Portulacæ, & Spermi. Ranar. ana ʒiij. M. F. Julap. in hæmoptoe, & hæmorrhagiis.

ʒi. Catechu pulver. ʒiij. Mucilag. Gumm. Tragacanth. & Syrup. de Symphyto ana ʒi. Aq. Plantag. ʒiij. M. F. lohoc, adversus hæmoptoem, & tussim catarrhalem.

Num Catechu idem sit cum Lycio Indico *Dioscoridis* dubium est non facile solubile. Dioscorides, Galenus, & Plinius duplicis Lycii meminerunt; Cappadociæ nempe, & Indici. Primum erat succus extractus ex arbore quadam spinosa, virgis trium cubitorum aut longioribus, cortice pallido, foliis Buxi densis, fructu Piperis instar nigro, lævi, amaro, densoque, radicibus multis, obliquis, lignosis, nascente in Cappadocia, Lycia, pluribusque aliis locis. A Græcis *Λύκιον*, & *Πύγμαδα* dicebatur. Lycium seu extractum pasabant ex ramis cum radicibus tuis, &

per dies multos in aqua maceratis, denique coctis: tum quidem lignis abjectis, liquor iterum coquebatur, donec Mellis crassitudo fieret. In massulas compactum erat extrinsecus nigras, intus, cum frangerentur, rufas, cito nigrescentes, odore spinime viroso, cum amaritudine adstringentes. Simili modo quoque fieri solebat Lycium, semine expresso, & insolato.

Alerum seu Indicum Lycium, colore croceo, illo præstantius, & efficacius. Tradunt, inquit Dioscorides, fieri ex frutice Lonchitide vocato. Est is e spinarum genere, virgas habens rectas, tricutiales aut etiamnum majores, a radice numerosas, & Rubo crassiores. Ruptus cortex rufescit; folia vero Oleæ similia visuntur.

Hæ descriptiones cum Catæ Garciz, & Bontii, aut cum Herberi de Jager Acacia Indica minime conveniunt: unde concludere possumus nos Græcorum Indico Lycio carere. Lycium autem Cappadocium in officinis non amplius reperitur.

ARTICULUS OCTAVUS.

De Succo Glycyrrhizæ.

Succus Glycyrrhizæ, & Succus Liquiritiæ, Off. Γλυκυρρίζης χυλίσμα; *Dioscoridis*, & *Galen.* Succus extractus, & inspissatus in massulas aut laterculos ℥iij, vi, vel viij. foliis laurinis involutos, compactus, niger, siccus, fragilis, intus, cum frangitur, splendens, in ore deliquescent, sapore dulci cum quadam acredine. Optimus censeretur, qui dulcissimus, recens, purus, & linguæ subditus totus liquefcit. Rejicitur adustus, amarus, arenulis aut sordibus conspurcatus. Ex Hispania Massiliam, & ex Hollandia affertur.

Planta ex qua extrahitur, dicitur Glycyrrhiza siliquosa vel Germanica, C. B. P. 352. Glycyrrhiza radice repente, vulgaris Germanica J. B. 2, 328. Glycyrrhiza vulgaris, *Dodon. Pempt.* 341. cujus descriptionem, & vires *Cap. de Radicibus* exposuimus. In Creta insula, Italia, Germania, Gallia crescit; ibique locorum succus extrahitur. Sed laudari solet qui ex Hispania affertur, ubi magna copia præparatur, præsertim circa Dertusam, & Ilerdam Catalauniæ civitates. Ibi, referente viro rei herbariæ, & historiæ naturalis peritissimo D. Ant. de Jussieu, radices recentes Julio mense colliguntur, purgantur, in aere fere exsiccantur: deinde minutim concisæ ex aqua coquantur, colantur, & exprimuntur. Expressus succus igne inspissatur, donec manibus tractari possit: tum in massulas compingitur, foliis laurinis involvitur, ac tandem sole perfecte siccat, & servatur.

Succus ille ad eadem valet ac Glycyrrhiza. Bechicum est eximium; quod per se utiliter ad pulmonum, & thoracis affectus sumitur, & aliis medicamentis commiscetur. A Dioscoride ad vesicæ scabiem, & renum dolores commendatur.

℥i. Succi Glycyrrhizæ Hispanici ℥ij. Sacchar. albi ℥iij. Opii ℥ss. Mucilagi.

lagnis Gummi Tragacanth. q. f. M. Piant Trochisci sablingales, ad
tussim vehementem compescendant, & Catarrhum discutiant.

2. Succi Glycyrrhizæ ʒj. Croci minutim secti ʒj. Vinis Catarini ʒiij.
Digerantur frigide per 9. dies. Deur hujus tincturæ cochlear unum
aut alterum sæpius die, ad pituitam viciadam incidendam, & expe-
ctorationem promovendam.

2. Aq. fontan. ʒiij. Aq. Calcis ʒij. Croci minutim concisi ʒj. Succi
Glycyrrhizæ Hispan. in tennes lamellas redacti ʒj. Mellis Narbo-
nensis ʒij. Digerantur calide in vase clauso per 24. horas. Fiat cola-
tura. Exhibeatur calida ad ʒiij. tertia vel quarta quaque hora, in
tussi vehementiori, in catarrho, & asthmate, ad pituitam acrem
demulcendam, crassam incidendam, & expectorationem promo-
vendam.

Succus Liquiritiæ usurpatur in Theriaca Andromachi, & Trochiscis be-
chicis nigris Charas.

ARTICULUS NONUS.

De Saccharo.

Saccharum, Off. Σάκχαρος Dioscoridis: Σάκχαρ, Galeni: Μέλι ἐν κα-
λάμῳ, Theophrasti: Μέλι καλάμῳ, Arriani: Ἀπὸ Ἰνδῶν, Pauli
Æginetæ: Zuccar Arabum: Saccharon, Plinii. Est sal essentialis, pin-
guis, oleaginosus, rufus aut cinereus, si nondum purgatus fuerit; colo-
re & splendore niveus aut crystallinus, siccus, & sub dente friabilis, si
optime depurgatus; qui cum aqua dissolvitur & rufus ad crassitudinem
coquitur: Mellis instar pinguis est, & in longum filum ductilis, sapore
dulci grato, odore fere nullo, ex Arundine saccharifera extractus.

Veteribus notum fuit, non tamen apud eos ut hodie apud nos usitatum.
Quod quidem ex plurimis auctorum testimoniis manifestum est; licet olim
sicut hodie ex diversis plantis eliceretur, ut mox dicemus.

Strabo L. 15. Geographiæ aperte scribit in India Arundinem Mel sine api-
bus gignere. Lucanus huic quoque suffragatur hoc carmine:

Quique bibunt tenera dulces ab Arundine succos.

Necnon Marcus Varro his versibus:

Indica non magna nimis arbore crescit Arundo.

Illius e lentis premitur radicibus humor;

Dulcia cui nequeant succo contendere Mella.

Seneca Epistolar. 85. de hac Arundine sic loquitur: „Ajane inveniunt
apud Indos Mel in Arundinum foliis, quod aut ros illius cœli, aut ip-
sius Arundinis humor dulcis & pinguis gignat. „ Mellens ille succus
modo Mellis; modo Salis; modo Sacchari nominibus donabatur. „ Est
aliud concreti Mellis genus, (inquit Dioscorides, cum Mellis diver-
sa genera recenset) quod Saccharon nominatur. In India vero & fe-
lici Arabia in Arundinibus invenitur: Salis modo coactum est, den-
tibus ut Sal fragile. „ Archigenes ait Salem Indum esse colo-
re & consistentia Salis communis, gustu Mellis, magnitudine Len-
tis aut ad summum Fabæ. Galenus 7. simpl. Medicam. Sacchar ex India
& felici Arabia afferri scribit, & in Arundinibus concretere: esse au-
tem

tem & ipsum Mellis genus, & minus quidem dulce quam nostrum Saccharon, & Plinius Arabiam ferre narrat, sed laudatius Indiam: esse autem Mel in Arundinibus collectum, gummeum, modo candidum, dentibus fragile, amplissimæ Nucis Avellanæ magnitudine, ad Medicinæ tantum usum. Idem Plinius *Lib. 6.* Cannas Sacchariferas nostras in insulis Canarinis nascentes indicasse videtur, dum refert ex Jubæ testimonio in Fortunatis insulis crescere arbores similes Ferulæ, ex quibus aquæ exprimuntur, ex nigris amaræ, ex candidioribus potui jucundæ.

Ex his liquet, Arundines quasdam hisce temporibus humorem melleum dulcem expressione fudisse, necnon etiam sponte manasse succum lacrymas duras & fragiles concretentem, qui Saccharum nativum dici potest. Verum fatendum est nullam apud priscos mentionem reperiri Sacchari arte facti seu ex hoc succo excocti, & in massas grandiores compacti, quale nobis hodie adferri solet. Sane verisimile est tunc temporis illos populos hanc artem latuisse. Saccharum itaque priscis notum fuit. At vero quænam sunt illæ Arundines, quæ Saccharum seu melleum hunc liquorem fundebant, res adhuc in controversia est: quandoquidem duo Arundinum genera Saccharum ferentia in India & Orientalibus regionibus hodie reperiuntur; scilicet Arundo Saccharifera vulgaris, & Arundo arborescens quæ Mambu, vulgo *Bambu* aut *Bamboe* dicitur. Ex hac Saccharum sponte exsudat, sed parva quantitate; & solis calore exsiccat & concrevit, quod ab Indis jam a longo tempore *Saccar Mambu* nuncupatur: nullam vero Saccharum ex succo illius expresso conficitur. Ex illa vero succus exprimitur & coquitur in salinam duritiem. Quod quidem eruditissimo Salmasio ansam præbuit censendi Saccharum veterum fuisse tantum lacrymam Arundinis Mambu, innixo præsertim auctoritate Marci Varronis qui illius Arundinis dulci succo prægnantis magnitudinem cum arbore non alta nimis comparat, & Solini qui *Cap. 32. de India ol. 58.* hæc verba refert: Quæ pallustria sunt, Arundinem creant ita crassam, ut fissis internodiis „ lembo vice vestiget navigantes. E radicibus ejus exprimitur humor dulcis ad melleam suavitatem „. Verum enim vero, licet ea quæ de arboretescente Arundine hic proferunt, ad Arundinem Mambu referenda sint, non idcirco tamen excluditur Saccharifera Arundo nunc vulgaris, quæ multo majori succi Saccharei copia turgida Sacchaream hanc lacrymam longe uberius suppeditare debebat. Imo hanc ipsam Lucanus sub teneræ Arundinis nomine designasse videtur.

Quærent nonnulli, quare illud Saccharum nativum seu sponte exsudans ex Arundine Saccharifera non amplius in officinis reperiatur, aut adferri desierit? Quibus facilis est responsio: Quod hodie paucum admodum proveniat. Siquidem Dioscoridis, & Galeni tempore quo copiosum convehebatur, cum illius succi exprimendi, & coquendi ratio nondum innotuisset, necesse quidem erat ut Arundines Sacchari liquore prægnantes, cum annis pluribus adolevisent, & falcem nunquam expertæ essent, per se liquorem exsudarent, veluti ex innumeris arboribus gummi & resinæ emanant. Proinde non mirum si hujus nativi Sacchari antiquis fuerit ubertas. Sed postquam lucri dulcedo fulgentique auri sitis docuit homines artem modumque quo Saccharum concisissimis pressisque Arundinibus copiosius elicerent, & decoquerent, factum est

est ut Indi quotannis universos inciderint calamos atque iterum quotannis severint. Hinc igitur evenit, ut, nullis remanentibus quas saccharo plurimum annorum ætate turgant, naturæ impedita sit operatio, deperditumque hac de causa sit nativum antiquorum Saccharum.

Qui Saccharum veterum a nostro diversum fuisse putant, objiciunt Plinii testimonium qui Saccharum ad Medicinam tantum utile refert, nihilque de ejus utilitate ad culinam & condimenta profert. Sed id evenit quod Plinii tempore Græci & Latini Saccharum in cibis addere nondum curaverint, fortasse ob ejus penuriam, qua fiebat ut ad medicamenta vix sufficeret illud omne, quod tunc ad eos conferebatur. Nihilominus tamen Indi, ut jam diximus, ex dulci Arundinum succo poriones tunc temporis præparabant, tum ad sitim extinguendam; tum etiam ad palati delectamentum.

Arabes de triplici Sacchari specie mentionem fecerunt; scilicet Sacchar Arundineum aut ex Cannis, Tabaxir, & Sacchar Alhusar.

1. Sacchar Arundineum *Avicenna* & Cannis resudare dicitur, & super eas inveniri tanquam sal: Non ab antiquorum Saccharo ex Arundine Saccharifera exsudante discrepasse videtur. Idem illud Saccharum quod candidum reperiebatur, *Tabarzed* titulo insigniebatur.

2. Tabaxir *Avicenna*, quod interpretes spodium improprie seu cinerem venterunt, fortasse quia cineris speciem referebat, nihil aliud est hodie apud Persas, Turcas, & Arabes quam Sacchar Mambu Indorum seu Saccharum nativum veterum ex arborecente Arundine, de quo postea. Confitebor tamen non levem oriri suspicionem Arabes hoc nomine primum Saccharum excoctum, & ignem expertum designasse, cum ad *Avicennæ* verba attendo. Tabaxir enim cinerem esse dicit Arundinum quarundam exustarum, de quibus hanc fabulam vulgo tradi narrat; scilicet summitates Arundinum vento compulsante invicem confligere, & ex mutuo collisu ignem creare quo adurantur. Hæc fabula aliquod veritatis fundamentum habuisse videtur. Cum scilicet Saccharum excoctum primo allatum fuisset, non adeo depurgatum, sed griseum seu cinereum, facile est deprehendere cinereum hujus Sacchari colorem, qualis est hodie quoque in Moscovato, ipsis imposuisse, & pro cineribus illud Saccharum accepisse, non quidem igne combustum; sed relictus ignem expertum aut excoctum, quo a veteri Saccharo nativo sponte manante differebat. Quod tamen conicere tantummodo licet, non asserere.

3. Saccharum Alhusar *Avicenna* & Alhaster *Serapionis*; quod Manna quoque dicitur, a prioribus Sacchari speciebus reconstitit, & sapore, & viribus differt, ut postea dicemus.

Saccharum vulgare seu apud nos maxime usitatum, ex Arundine Saccharifera desumitur, & varias Sacchari species præbet pro diversis conditionis & purgationis gradibus.

Planta, ex qua extrahitur, dicitur Arundo Saccharifera, C. B. P. 4. *Sloannes Hist. natur. insul. Jamæ, fol. 108. Tab. 66.* Arundo Saccharina, J. B. 2. 531. Arundo & Calamus Saccharinus, *Tabern. Icon. 157.* Canina mellea, *Cesalp. Vitis & Tacomures, Pison. 108.* Ex radice obliqua, crassa, geniculata, fibrata & succulenta calamus seu culmus geniculatus levis; nitens, ad octo vel novem pedum altitudinem assurgit, pollices duos, tres

fres quatuorve crassus pro bonitate soli in quo crescit. Geniculorum seu nodorum quilibet quatuor circiter digitorum interstitio distat ab altero : & quo magis distant nodi, seu internodia longiora sunt, eo melior judicatur Arundo.

Colore Arundinis ex viridi vergit ad flavedinem : ad nodos ex una parte albescit, ex altera flavescit, quasi duo annuli, alter flavus, alter albus circumdarent nodum, qui ipse elevatus est. & canescit vel nigrescit, cum medulla fungosa, succulenta, dulci, alba. Folia ex quolibet internodio promit longa, acuminata, bicubitalia ac interdum longiora, sursum erecta, Arundis sativæ foliis angustiora, palustri Typhæ tam figura quam positu similia, ex viridi flavescentia, scabra & secundum longitudinem striata, stolones amplectentia. Summus culmi vertex multis foliis condecoratus paniculam producit duos tresve pedes longam, ramosam, in multos ramulos aut spicas adhuc divisam, tenues, fragiles, geniculatos, quorum geniculis alternatim innascuntur (flores calyce destituti, at singuli lanugine ipso flore longiori inclusi; corolla bivavis est, alvulis constans oblongo-lanceolatis, acuminatis, erectis, concavis, æqualibus, muticis. Filamenta tria capillaria, longitudine corollam æquantia, antheris instructa oblongiusculis, germen stipant subularum, duos sustinens stylos cirriformes : corolla pericarpium vicem gerit, & fovet semen unicum, oblongum, angustum, acuminatum.) Sponte nascitur in India, Canarinis insulis & calidis Americæ regionibus. Seritur etiam alibi multis in locis : solum amat pingue, & humidum. In Provincia Rio de la Plata Cannas Sacchari sponte nasci adolescereque in arboris proceritatem, atque crystallam saccharæ æstu solis exsudare, ex Pisonis testimonio constat.

Plantatur autem hoc modo. In terra exarata sulci fiunt paralleli opera lagonis; his in sulci Arundines disponuntur, ita ut initium sequentis attingat finem antecedentis : quo facto hæc talæ inhumantur. Ad singula internodia germina sua protrudit hæc plantata Canna, adeo ut quodvis internodium det novam Arundinem. Postquam sic progerminaverit Arundo, singulis tribus vel quatuor mensibus pro ratione soli ab herba luxuriante purganda est, ne illa plus incrementi capiat quam ipsa Canna : isque labor tamdiu repetendus, donec Arundo in aliquam altitudinem adoleverit. Spatio octo, decem, vel duodecim mensium a plantatione Arundo justam acquirit magnitudinem pro ratione soli, ita ut tunc apta sit ad Saccharum ex illa conficiendum.

Hæc est Sacchari conficiendi ratio. Cannæ maturæ factæ circa radicem & in ipso geniculo abscinduntur; mundantur a frondibus, in fasciculos coguntur, & ad moletrinam deferuntur. Moletrina ex tribus gravissimis axibus erectis, ex solidissimo ligno confectis, circulisque ferreis obductis componitur. Inter axes se contingentes, & magna vi convolutos Arundo continenter inserta & compressa liquorem fundit dulcissimum. Axes vero vel aqua vel jumentis versantur. Expressus liquor qui postea in Saccharum excoquitur, ad viginti quatuor horas dumtaxat asservari potest, postea acefcit, & ad conficiendum Saccharum prorsus fit ineptus; sed si diutius servetur, bonum inde nascitur acetum. Axes assersque per quos succus fluit, his die lavari debent; ne humor quo imbuantur acefcens, succum supervenientem ad acefcientiam inducat. Lique-

rem expressum per canales & ductus ligneos in cortinas aheneas amplissimas derivatum, igne blando supposito, per diem integrum, nunc vehementius, nunc lenius effervesce sinunt, aquam identidem affundendo, ut intensior ebullitio coerceatur. Ab hoc succo in prima cortina fœculenta & copiosa spuma auferitur, quæ pecoribus escam potumque suppeditat. Despumatus liquor in proximum cortinam effunditur, in qua igne fortiori, adeo ut vehementer ebulliat, coquitur & prægrandi cochleari crebris foraminibus pertuso a sordibus liberatur. Ut accuratius purgetur ab immunditie, forte lixivium ex cineribus lignorum & Calce viva paratum injiciunt, assidue despumando: tunc per pannos transcolatur. Fæces apud quosdam mancipiis victum sufficiunt. Vinum quoque ex illis nonnulli, aquam intermiscendo, consiciunt. Percolatus humor in tertiam cortinam infunditur, & igne intenso ad debitam spissitudinem decoquitur, cochlearibus assidue agitando, concutiendo, despumando.

Dum Saccharum excoquitur, & ebullit, diligenter attendunt ne supra cortinarum oras intumescat: cui præcavent. 1. Amplissimis cochlearibus humorem agitando, quatiendo, attollendo & ex alto in vasa rursus effundendo: sic enim humor nimis fervidus refrigeratur, & temperatur. 2. Statutis temporibus butyri aut olei modicum guttatim instillando: sic enim Sacchari intumescencia subito sedatur. Observatu quoque dignum est, quod si momentum succi Limonii aut alterius acidi injiciatur, Saccharum numquam solidam vel granulatam consistentiam acquirit.

Debite coctus humor, id est, cum humoris portio cochleari desumpta, & in aerem projecta statim concrescit in telam vel plumulam; tunc ex tertia cortina in cacabum aheneum transfunditur, in quo blando calore fovetur, donec in granula concrelescere incipiat. Statim effunditur calens adhuc in figulina vasa quasi infundibuliformia, (formas dicunt) ex latiori basi in acumen desinentia, utrinque aperta, & quibus os angustum in acumine paleis, vel ligno est obturatum; ibique per viginti quatuor horas, ut concreseat, relinquitur. Postea formæ illæ fictiles innumeræ in amplissimas ædes transferuntur, & aliis vasis fictilibus superimpositæ, ordine disponuntur; & reterato uniuscujusque foraminulo, ibi per 40. dies plus minusve relinquuntur, ut syrupus aut mellagineus humor facilius exeat. Deinde lurum ex argillacea terra & aqua subactum dilutius Saccharo jam concreto superaffunditur ad duorum trium quatuorve digitorum supereminentiam. Aqua e luto sensim defluens, & per massam Saccharinam transiens, lavat ejus granula, & expurgat ab humore melleo, pingui, subfusco, quem una secum per foraminulum devehit extra formas in vas recipiens subiectum: terra in superiori formarum parte remanet arida. Omni humore exhausto, Saccharum, quantum fieri potest, exsiccatum e formis excutitur, in frusta scinditur rufa, cinerea, vel ex cinereo albicantia; & Moscovatum, rufum, vel cinereum dicitur. Ex cinereo albicans, siccum, non pingue aut unguinosum sit, & quantum fieri potest, nullum sapore empyreuma prodatur, si bonum velit haberi.

Saccharum ira crudum seu Moscovatum, si præsertim rufescat, non adeo frequenter usurpatur; sed materia est, ex qua cæteræ Sacchari species præparantur omnes.

Humor crassus, pinguis, rufus aut subfuscus, e formis delapsus inspissari nequit, nisi ad Mellis consistentiam: unde Syrupus Saccharinus dicitur, Mel Saccharinum, Mellago, Remel, vulgo *Melasse* & *Doucette*, in re cibaria & pharmaceutica inutilis rejiciendus. Ex dulciariis tamen nonnulli hunc syrupum rite defœcatum ad fructus rubros condiendos usurpant, sed perperam, ob saporem minus gratum. A quibusdam ad aquam ardentem seu aquam vitæ conficiendam reservatur. Qui hanc aquam vitæ Saccharinam conficiunt, calentis aquæ partibus octo hujus syrupi unam vulgo affundunt cum spumæ Cerevisiæ tantillo. Cuncta accurate mixta in vasis clausis fermentescere sinunt, donec mixtura odorem subtilem, spirituosum & vinosum exhalet. Tum materiam ignis ope distillant, & aquam ardentem obtinent.

Moscovatum vel in insulis Americanis purgatur, vel purgandum in Galliam ad officinas purgatorias transvehitur: & ex eo fit Miscellaneum Saccharum, Saccharum purgatum, & Saccharum, ut ajunt, finale aut Regium.

Saccharum Miscellaneum seu, ut ajunt, Cassonatum vel Castonatum, vulgo *Cassonade* vel *Cassonade*, Saccharum est in frustra vel micæ confectum, candidum, nonnihil pingue, odoris aliquantisper mellei non ingrati, ad Violas nonnunquam accedentis, saporis dulcedine Mel superans. Eligitur a Pharmacopœis ad Syrupos, Electuaria, & alias Confectiones conficiendas, tanquam præstantius, tum sapore dulci, tum propterea quod Confectiones candidiores & elegantiores efficiat, & Syrupi ex eo parati debitam consistentiam diutius servant, nec in crystallas seu in Cantium, ut ajunt, tam facile concrevant. Præstat candidum, siccum, odoratum. Ex Moscovato fit hac ratione.

In catinam aheneam Moscovati quantumlibet immittunt, lixivii fortis quantum despumationi suffecturum sit, affundunt: tum agitatione, scopulisque tumidas multorum albuminum ovorum spumas sensim injiciunt, vicissim despumando & rursus affundendo, donec probe purgatus & limpidus fiat syrupus: humore nondum absumpto, Syrupum transmittunt per colum, in quo festucas, quisquiliaeque relinquat. Tum igne supposito fervet denuo, donec omnis superfluous humor exspiraverit. Jam syrupo ad duritiem excocto & adhuc calente formas figulinas prius fontana imbutas opplent, obrurato prius foraminulo; reconduntque primo cella aut hypocausto sicciorē repidioreque.

Cum induruerit Saccharum, in formarum ordine dispositarum latiorembasim affundunt lutum ex argilla hîc in Gallia prope Rothomagum effossa, qua ad fistulas Nicotianæ fumo hauriendo destinatas conficiendas utuntur, & aqua subactum & dilutius ad duorum triumve digitorum altitudinem supra Saccharum. Quæ massa ubi partim loci, partim Sacchari tepore sicco & bibaci aruerit, demunt, novam apponunt: id bis terve repetunt. Sed singula in mutatione fusi macronem in foraminulum immittunt, ut facilis effluat crassamentum pinguius, quod syrupum vulgo vocant. Massas pyramidales, seu metas Saccharinas, e formis eductas colore inæquales in tres partes vulgo dividunt; imam nempe, mediam, & supremam partem. Unamquamque seorsim ponunt, quarum postrema, seu metæ vertex, est vilissima: quo facto, Cassonatum magnis super linteis dispergitur, in aere siccatur, postea cistis & orcis inditum ad nos transvehitur.

Si vero Saccharum pyramidale & ulterius purgatum obtinere velint, ex forma erutum bis aut ter fontana liquefaciunt, coquunt, rursumque in metas infundunt; referatōque subrus foramine, lutum addunt, cœtera ut de Cassonato diximus observando: sicque parant Saccharum pyramidale, quod pro diversâ puritate & candore diversas species constituit. Præstantissimum est, quod inter cœtera candore, puritate, splendore, siccitate emicat, & quod percussum digito sonat sicut marmor. Finale dicitur, quod ad summam puritatem perductum sit, ita ut arte nulla purius & albidius reddi possit, vulgo *Sucre fin*: Saccharum quoque Regium, vulgo *Sucre Royal*, ob præstantiam nuncupatur.

Olim ratione regionum in quibus Saccharum conficiebatur, distinguebatur in Maderense, Canarium, Brasiliense, Thomæum, &c. Nunc vero illud omne quod in Galliam transfertur, ex insulis Americanis Gallicæ ditionis originem trahit, ubi Arundo Saccharifera magna copia colitur.

Saccharum Candum, Cantum vel Canticum, *Off. Κάρι vel Κάντιον*, *Nicolai Myrepsi*: vulgo *Sucre Candi*. Saccharum est durum, pellucidum, angulosum, unde nomen. Quod duplex est, aliud crystallo simile; ideoque crystallinum dictum, quod ex Saccharo optime purgato, & ut ajunt, finali paratur: alterum subrusum, quod nunquam clarum redditur, & ex Moscovato aut Cassonato conficitur. Eligendum durum, siccum, translucentum, crystallinum; licet a quibusdam rufescens utpote pinguius, & ad pulmonum affectus mitigandos præstantius censeatur.

Cantum crystallinum hoc modo conficitur. Liquatur Saccharum optimæ notæ cum paucâ aqua, & coquitur, ut cassus fiat Syrupus qui in ollam fistilem injicitur, in qua bacilli lignei cancellatim decussatimque aptati fuerunt. Reponitur olla super illere in loco calido, ibique per 15. vel 20. dies relinquitur. Tunc qui non concrevit, syrupus effunditur: paucâ aqua calida affunditur ad eluendam syrupi pinguedinem; qua denovo effusa, reponitur vas in loco calido ad crystallos exsiccandas, & die sequente frangitur, inventiunturque bacilli Saccharo Cantu instar crystalli collucentes onusti. Crystallina ac pellucida Sacchari Cantu glebæ a vasis lateribus & bacillis adhærent, separantur, & probe exsiccantur servantur.

Cantum subrusum eodem modo præparatur ex Saccharo Miscellaneo rufescente, vel ex Moscovato.

Saccharum rubrum, *Off. vulgo Chypre vel Sucre rouge*. Saccharum est rufescens vel fulcum, nonnihil pinguescens, ex syrupis post Cassonati purgationem residuis & excoctis confectum: rarioris nunc est usus in officinis, nisi pro elysteribus.

Analysi Chymica, ex Sacchari albißimi ℞ij. prodierunt phlegmatis limpidi, inodori & insipidi ℥j. gr. xxxvj. liquoris primo limpidi, deinde rufescentis tenuioris ℥vj. spissioris ℥ij. ℥ij. gr. xlviij. Massa nigra in retorta residua pendebat ℥viij. ℥i. gr. lxviij. quæ per horas quindecim igne reverberii calcinata reliquit cinerum fuscorum ℥j. ℥j. gr. x. ex quibus salis alcali fixi ℥ij. gr. lx. lixivio extr. a sunt. In distillatione partium deperditio fuit ℥viij. ℥vj. in calcinatione ℥viij. gr. liij.

Saccharum est sal essentialis constans ex acido sale, oleo, & terra. Cum optime purgatum est, ut in Saccharo Cantu, concrevit in crystallos prismaticas, ex octo superficiebus planis constantes, quarum duæ bates opposi-

oppositæ æquales sunt & parallelæ , cœteræ sunt parallelogrammata . Nullas , aut acidi , aut alcali notas præbet : flammam concipit , & luculenter ardet : aqueis menstribus facillime solvitur , ægre spirituosus & oleosis : aqua dilutum fermentationem subit , & vinosum saporem primum acquirit , postea acetosum .

Ex Saccharo itaque rite fermentato vinosus liquor obtinetur , si nempe Sacchari libra una in aquæ sex vel octo libris soluta & recentis fermenti Cerevisiarii cochlear unum accurate misceantur , & lento calore exponantur in vase idoneo clauso , sed non omnino repleto : paucis horis fermentescere incipiet magna cum vehementia , & post tres quatuorve septimanas plus minusve pro quantitate liquoris , & loci tepore fortissimum liquorem præbet vinosum , hydromeli non abssimilem . Ex eo distillato fortissimus spiritus ardens extrahitur . Si vero tota fermentans materia continuo calori diutius exponatur , intra breve temporis spatium in fortissimum acetum mutabitur aceto vini prorsus simile .

Saccharum , licet veteribus non ignotum , ab his tamen parce & laudatum & usurpatum fuit . Posteriora vero sæcula pretiosissimum hoc naturæ munus plebi commune fecerunt in officinis pharmaceuticis , in culinis , in secunda & adversa valetudine , in quavis ætate , regione , in esu & potu . Tanta nunc copia ex occidentalibus oris in Europam advehitur , ut inter primarias illius orbis opes numeretur , & ejus commercium cœtera quæ ex oleo , vino , sale , serico , lana , fieri solent , commercia æquet vel superet . Mirum quantum in culina & in Medicina Sacchari absumatur ! Nulli cibi grati , nisi Saccharo temperati vel conditi , præsertim in mensis secundis . Hinc Saccharoconditores novum genus hominum priscis incognitorum . Nulla Medicina sine Saccharo , tum ad medicamenta ingrata demulcenda & palato gratiora efficienda , corruptibilia conservanda , vehementiora temperanda & corrigenda ; acria siquidem lenit , acida retundit , austera suaviora efficit , & saporibus omnibus majorem gratiam conciliat . Frequentissimus est usus Sacchari ad syruporum , conditorum , electuorum , tabellarum , & aliorum confectio-nem . Varia quoque ex eo potuum genera cum aqua , vino , spirituosis liquoribus fructuum succis , decoctis innumeris parantur , tum ad oblectamentum , tum ad Medicinam .

Veteres medicamenta Melle condire solebant . Actuarius Medicorum primus videtur in suis compositionibus in locum Mellis Saccharum substituisse , & succos medicatos Saccharo excepisse .

Saccharum cum cibis moderate sumptum satis laudabile nutrimentum subministrat . Afferunt enim ex Arundinibus contritis & jam expressis sues mirum in modum pinguescere , eorumque carnem adeo teneram &apidam effici , ut caponis carni præferatur . Ciborum concoctionem promovet , si post largius assumptum cibum frustulum ejus in fine comedatur .

Medici fere omnes illud ad pectoris & pulmonum vitia commendant . Præscribitur ad pituitæ acrimoniam demulcendam , tussim sedandam , guttoris & pulmonum asperitatem emendandam , vel Saccharum album , vel Saccharum Cantum in ore detentum : sic enim saliva madefactum

colliquefcit, illarumque partium parietes obducendo ab acri pituita defendit. Expectorationem promovet, præfertim fi in fyrupi confiftentiam redactum cum oleo Lini vel Amygdalarum dulciori permifceatur. Idem quoque eodem modo fumptum in colica coli dolores fedat, & infantium tormina compelfcit. Porus faccharari pectus expurgant; tuffim, pituitam eluendo, fedant; raucedini medentur; pulmonum ulcera abftergunt, urinas pellunt; ventrem folvunt, & in pleuritide ac peripneumonia falutares funt.

Si autem folum & majori copia fumatur Saccharum, nocet, & præfertim cholericis. Fermentefcit enim vehementius in ventriculo & inteftinis, flatus excitat, bilemque fermentatione attenuando fluidiorem efficit: unde Saccharum & dulcia bilem producere dicuntur. Salinis Sacchari fpi- culis onufta bilis acrior evadit: unde æftum non folum in inteftinis accendit, fed etiam per totum corpus, dum in maffam fanguineam tranfvehitur. Infantibus vermes ingenerat. Dentibus fi quid aliud inimiciffimum exiftimatur; affert enim nigredinem & rubiginem, eofque tremulos efficit: quare poft ejus ufum os & dentes aqua diligenter colluere prudentiores folent.

Leviore equidem funt hæc Sacchari immoderate fumpti nocumenta. Longe graviora vitia illi exprobrantur, cum Vvillifius, Simon Pauli, Joan. Rajus fcorbuti & tabis Anglicanæ populariter graffantium caufas immoderato illius in cibo & potu ufui imputent. „ Et ne quis inquit J. „ Rajus, humidiori potius aeris conftitutioni Anglicanas eas peltes deberi „ fufpicetur, in Lufitania, ajunt, regione callida ob eamdem rationem „ tabes epidemica facta eft: Lufitani enim plus Sacchari confumunt quam „ quævis alia gens, præter Anglos“. Vvillifius vero, C. 10. *Trañatus* „ *de Scorbuto*, fic loquitur: „ Saccharo condita ut plurimum imbuta in „ tantum vitupero, ut illius inventionem & ufum immodicum Scorbuti „ in nupero hoc fæculo immani augmento plurimum contribuiffe exifti- „ mem. Enimvero concretum iftud fale fati acri & corrofivo cum ful- „ phure tamen delinito conftat, prout ex analyfi ejus fpargirice facta li- „ quido patet; quippe Saccharum per fe diffillatum exhibet liquorem „ Aqua Regia vix inferiorem. Quod fi ipfum in vefica plurima aqua per- „ fufum (& rite fermentatum) diffillaveris, quamvis fal fixus non adeo „ afcendit; prodebit tamen liquor inftar aquæ vitæ acerrimæ urens, ac „ fumme pungitivus. Cum itaque Saccharum quibufvis fere alimentis „ mixtum, ita copiofe a nobis affumitur; quam verifimile eft ab ejus „ ufu quotidiano fanguinem & humores fallos & aeres, proindeque fcor- „ buticos reddi. Auctor quidem insignis (Theophilus de Garencieres, T. „ *de Tabæ Anglicanæ*) tabis Anglicanæ caufam in immoderatum Saccha- „ ri apud noftros ufum retulit: nescio annon potius etiam hinc Scorbu- „ ti increbrefcentis fomes derivetur. Hæc Vvillifius.

Verumenimvero Fredericus Slare Medicus Londinenfis, & Regiæ Societatis Socius, in Sacchari defenfione Anglico idiomate fcripta his argumen- tis optime refpondet: 1. Quidem Scorbutus in feptentrionalibus regionibus longe ante graffabatur, quam Saccharum illuc afferretur. Præterea morbus ille plebem & pauperes potius afficit, apud quos rariffimus eft Sacchari ufus, quam divites & magnates, quibus frequens & familiaris eft.

De tabe quam Theophilus de Garencieres Angliæ flagellum nominat, manifestum est Londinensem aerem lithantracum fuligine coinquinatum primariam esse causam illius morbi, qui in primo morbi stadio sola aeris mutatione sæpe sanatur. Insuper epidemica hæc tabes apud Lusitanos non tam ad Sacchari aut saccharatorum abusum referenda foret, quam ad acidorum esum fere assiduum, nisi ad virus quoddam venereum ab eodem Friderico Slare referretur.

Sed obijciunt illi, quibus hæc dulcia esculenta displicent, saltem salern acidum maxime corrosivum, & proinde noxium in Saccharo contineri. Fatemur equidem spicula acida potentissima in Saccharo fermentatione evolvi, aut distillatione ab aliis principiis segregari, licet non tanta copia ac ex Nitro vel Vitriolo eliciuntur: sed proinde concludendum non est Saccharum ab hoc acido noxium fieri. Si enim ista ratio quid ponderis haberet, nullum cibum homo sine detrimento caperet: nam nullum datur mixtum in cibis, in quo hoc acidum principium non reperiatur. Nonne idem acidum & copiosius in musto, & vino reconditur? Nonne in Hordeo & Cerevisia, in frumento & pane, in fructibus quibuscumque latet, quod fermentatione aut ignis operatione manifestum sit? An ideo hæc alimenta prava & noxia censentur? Nequaquam. Ex Saccharo, sicut ex aliis succis vegetabilium spiritus ardens extrahitur post debitam fermentationem; sed non ideo deterius est alimentum: imo eodem spirituosus liquore acidi liquores potentiores & magis corrosivi temperantur & mitescunt. In Saccharo itaque sicut in lacte, & cæteris in edulis vegetabilibus, acidum oleosis & terreis particulis ita implicatur & irretitur, ut sapidum salutareque alimentum & condimentum præbeat gratissimum, non vero escam corrosivam, & infestam, ut auctores, alioquin de re Medica bene meriti, paulo inconsultius protulerunt. Idem Frid. Slare dulcem illum Salem Indicum pluribus nominibus commendat, illumque tanquam medicamentum bechicum, stomachicum, cor & cerebrum recreans, ophthalmicum, odontalgicum, sternutatorium, & vulnerarium proclamat. Non alio pulvere, quam Saccharo albisimo dentes suos perfricuit, & sanos ac nitidos per multos annos servavit, contra opinionem eorum, qui ab eo dentes corrodi aut rubigine deturpari asserunt. Balsamicam illi tribuit virtutem, seu viscera a putredine præservandi, sicut vim obtinet flores, fructus, radices, & cæteras partes vegetabilium aut animalium integras & incorruptas per longum tempus servandi. Tantâ vires duabus insignibus observationibus confirmat, altera Angli perillustri Ducis de Beaufort, qui septuagenarius febre obiit, quique per annos fere 40, Sacchari libj. & amplius singulis diebus comedere solebat; hujus aperto cadavere viscera sana, & illæsa reperta fuere, dentes integri, & firmi: altera ejusdem Dni. Malory ipsius Friderici Slare avi. Hic centum annos vixit, sanus ac vegetus; Saccharo, & Melle delectabatur, & omnes cibos, carnes, fructusve his, Saccharo præsertim, condire solebat.

Ex his concludere possumus nihil ab usu Sacchari moderato metuendum esse: contra vero censemus ab hoc condimento gratiam quamdam alimentis conciliari, qua ventriculus ad debitam ciborum concoctionem perficiendam disponitur; ab eodem stomachale fermentum adjuvari, & alimenta ad requisitam fermentationem, tum in ventriculo,

tum

tum in intestinis subeundam disponi, ac proinde sanguinis & cæterorum humorum, totiusque corporis crassa prima digestionem dependentem optimam effici.

Tantum abest vero ut Saccharum tabis pulmonalis causa censi debeat, ut contra Saccharum rosatum phthisicis utilissimum, & huius morbi veluti specificam Medicinam plurimi in Medicinæ praxi versatissimi pronuntia-verint. Saccharo rosaceo se quosdam vidisse curatos testantur Montanus, Valeriola, Forestus, quo ægri in maxima quantitate utebantur, Riverius novit pharmacopœum quemdam phthisicum, qui ingentem Sacchari rosacei quantitatem sibi ipsi præparabat, idque perpetuo comedeat; & hoc solo remedio sanatus est, ut refert *Capit. de Phthisi*.

Observandum tamen est ex unanimi Medicorum consensu biliosos, melancholicos, scorbuticos, necnon hystericas mulieres ab eo abstinere debere: facile enim fermentescit, & æstuantium aut fermentantium humorum effervescentiam & ardorem auget, eorumque morborum symptomata graviora efficit.

Externe Saccharum egregium est vulnerarium, putredini resistit, præsertim si cum tantillo aquæ vitæ diluatur. Turcæ, inquit Etmullerus, quotidie solent vulnera recentia abstergere vino, & post ablutiones inspergere Saccharum pulveratum: & sic non inconcinne seipsos curant.

Saccharum aqua vitæ vel spiritu vini non rectificato solum, a quibusdam oleum Sacchari dicitur, ad expectorationem promovendam commendatum: externe quoque utile prædicatur ad vulnera glutinanda, ulcera mundanda & derergenda, & putredinem arcendam.

Saccharum Cantum aut Saccharum album tenuissime pulveratum & oculis insufflatum cornuæ albuginem dissolvit. Idem præstat in aqua Euphrasie, Chelidonie aut Foeniculi dissolutum; ejusdem quoque ulcera detergit & sanat. Capitis defluxiones, si carbonibus imponatur olfactu, vel suffitu arceat.

Ex Saccharo præparantur Saccharum penidium, Saccharum hordeatum, Saccharum rosatum, Manus Christi perlata; Julapium Alexandrinum &c. Uno verbo usurpatur in omnibus fere medicamentis internis compositis; ita ut Pharmacopola sine Saccharo dici mereatur ille, quicumque sit, cui necessaria desunt.

Quidam distillatione spiritum & oleum empyreumaticum ex Saccharo extrahunt, sed nullius fere usus.

Aliæ sunt Sacchari species ex diversis plantis extractæ, inter quas præcipua est Arundo, de qua mentionem jam fecimus, quæ veteribus non ignota fuisse videtur. Dicitur Arundo Mambu; *Pison. mantiss. aromat.* 185. Arundo arbor, in qua Humor lacteus gignitur, qui *Tabaxir* Avicennæ, & Arabibus dicitur, *C. B. P.* 18. li. *Hort. Malabar.* r. 16. E radicibus geniculatis & fibratis caules in excessam altitudinem attolluntur, teretes, cortice viridi, durius geniculati, lignosi & albicantibus filamentis constantes, & ad geniculos intersepimento lignoso clausi, & geniculis novos ramos surculosque emittentes, & ad geniculos spinis oblongis, rigidis, una, duabus, pluribusque muniti, inter fistulosi; ad duorum triumve hominum altitudinem assurgunt, priusquam ramos emittant. Cum teneri & novelli sunt, ex fusco virides, sermo solidi, medulla lævi, spongiola & liquida repleti, quam vulgus grati saporis gratia avidè exsu-

exfugit. Vetustiores ex albo flavi & nitentes, intus cavi quodam calcis genere obducuntur: humoris enim contenti substantia, color, sapor, & efficacia mutantur; atque paulatim protruditur foras, & juxta internodium vi solis sæpe coagulatur, ac instar Pumicis albi indurefcit: mox nativæ suavitatis expertus factus peculiarem saporem cum parvâ adstrictione Eboris vlti æmulum acquirit, vocaturque apud indigenas Sâtar Mambu, Tabaxir, *Garzie*, & *Acoffe*, qui quo levior & albicantior, eo præstantior; quo magis inæqualis atque cinerei coloris exadit, eo deterior habetur.

Folia ad genicula brevissimis petiolis insident, spithamam longa, latitudine ad petiolum digitali, versus apicem strictiora, striata, oris aspera viridia: flores in spicis squamosis tritici similibus, minores tamen, quæ nodulis caulium congregati insident, staminei, filamentis tenuissimis dependent.

Quidam inter illas Arundines tantæ reperiuntur amplitudinis, & soliditatis, ut cymbæ exinde parentur, inquit G. Piso, eæque non quidem excavatæ, sed relictis solum duobus utrinque internodiis; per medium sectæ.

Novissimi stolones qui maxime succulenti sunt & sapidi, in Indiis maxigisunt; quod bases sint celebris istius compositionis *Acbar* dictæ, quæ ibi & in Europa in deliciis habetur.

Licet omnes illæ Arundines in principio liquore suavi scateant, succus tamen ille induratus ad internodia, non in omni Arundine, nec in omni terra apparet; sed pro solis vi, & soli natura felicius vel infelicius produci-tur. Verum licet pretium hujus Sacchari pro anni fertilitate variet, Piso tamen refert in Arabia utcumque pari argenti pondere divendi; idque potissimum, quia Medicorum, tum Indorum, tum Arabum, Maurorum, Persarum, Turcarum unanimi testimonio & experientia constat externis & internis convenire ardoribus & inflammationibus, ut & dysenteris biliosis si Trochiscorum vel potus forma exhibeatur. Indii ipsi contra strangurias, gonorrhæas, & hæmorrhagias utuntur.

Hæc Sacchari species veteribus non ignota fuit, licet cum indurato Sacchariferæ Cannæ succo confusa. Tabaxir adhuc a Persis, & Arabibus dicitur, quod cinerem seu spodium Græci, Latini Arabum interpretes verterunt. Qua in re observandum est spodium Arabum a spodio veterum Græcorum longe discrepare: hoc enim cinis æreus intelligitur; illis Sacchar Bambu vel etiam Saccharum vulgare intelliguntur.

Altera Sacchari pinguis, rufescentis, & dulcis saporis species ex Canadensis Americæ septentrionalis Provincia nobis affertur, quæ ex quibusdam Aceris speciebus colligitur.

Harum præcipua est Acer montanum candidum C. B. P. 430. Acer major multis, falso Platanus, J. B. I. 168. Acer major; Dod. *Pemptad.* 840. Speciosa ac procerâ arbor est, cortice mediocriter lævi, materia interiore tenera ac tractabili. Ramos expandit in omnem partem complures, circa quos folia magna, lata, angulosa, vitigineis satis similia, sed læviora mollioraque, supra atro-virentia, infra pene incana, & pediculo longiore eoque rubente annexa. Flores rosacei, ex albedo herbacei racematim dependent. Fructus succedunt ex duabus, quandoque tribus capsulis com-

compositi, in alam foliaceam, Ephemeræ aut interiorum cicadæ alarum similem desinentibus, & semine tætiis subrotundo, candido, & exiguo. Humectis, & montibus propria est. Majo floret, fructum maturat Septembri.

Veris initiis, cum germina novella turgescunt, antequam explicentur in folia, arbor hæc in trunco, ramis aut radicibus vulnerata dulcem & potulentum succum copiose effundit; quin & Autumno quoque post lapsa statim folia, & per totam Hyemem. Succus hic Saccharum gustu apprimè refert. Canadenses Americani, vulneratis arboribus sub finem Hyemis, hunc succum recipiunt ad potulenta inde paranda, illumque Sacchariferarum Canarum succi in modum excoquunt in Saccharum ab Arundino non dissimile. Ex octo libris hujus succi remanet libra una Sacchari fulci, quod eodem modo purgari potest & candidum fieri velut Saccharum vulgare.

Ex hoc Saccharo rite despumato & foliis Adianti Canadensis seu Americani cornuti Syrupum præparant a plurimis etiam in Gallia in pectoris affectionibus expetitum.

Nec solæ plantæ terrestres Saccharum præbent, sed etiam marinæ. Olaus Borrichius, in *Adis Hafniensibus annor.* 1671. & 1672. mentionem facit de quadam Alga Saccharifera in littore Islandico reperta. Nascitur, inquit, in mari Islandico Algæ species nulli, quod sciam, auctori descripta, neque tamen valde dissimilis Algæ vitrariorum angustifoliæ, nisi quod paulo pinguiori se folio commendet, & colore flavescente naturam diversam fateatur. Hæc ipsa ubi a marinis fluctibus in litus rejecta aliquandiu jacuit, sensim proliciente solis calore, salinis hinc inde grumis obducitur; qui, cum dulcedine sua gratissima linguæ blandiantur, ab accolis colliguntur sollicitè, ut inter epulas Sacchari vicem impleant. Quin cum notissima sit Islandis maritimis Alga hæc Saccharum parturiens, anticipant frequentè conatum naturæ; ipsamque Algam, nondum dulci illo spissamento foliis conspicuo, acetiæ locum mensis inferunt, ne sic quidem insuavem.

Antequam huic articulo finem imponamus, nobis de Saccharo Alhaster vel Alhufar *Arabum*, aliquid conicere liceat; cui modo Mannæ, modo Sacchari nomen imposuerunt, incerti ad quam speciem referrent.

Avicenna a Saccharo Arundineo Zuccarum Alhufar distinguit. Zuccar Alhufar, inquit, est Manna cadens super Alhufar, & est sicut frusta salis; & in ipso quidem est cum abstersione pauca & resolutione ponticitas & amaritudo: & de ipso aliud est Jamenum, album, & aliud est Agizium, ad nigredinem declinans. Visum acuit, confert pulmone, aquæ intercuti cum lacte camelæ noviter factæ, stomachi, hepatis, renibus & vesicæ; nec facit sitim sicuti reliquæ Sacchari species, quoniam ejus dulcedo est parva.

Quamvis illud Saccharum ab Avicenna Manna de cælo cadens dicatur; fortasse quod granulis concresecat Mannæ similibus; illud tamen haudquam ex rore; sed gummium, & ipsius Mannæ modo a planta Alhufar dicta manare Serapio manifestè ostendit his verbis.

Alhaster, inquit Serapio, *Cap. de Saccharo*, habet late folia, & habet Zuccarum quod egreditur ab oculis ramorum suorum, & a locis foliorum ejus & colligunt de eo homines rem convenientem. Et in Zuccaro ejus est amaritudo, & egre-

& egrediuntur ab hac planta Mala quædam sicut testiculi camelorum, e quibus liquor quidam emanat adarens stypticæque facultatis, ad cauteria peridoneus. Et lignum quidem Alhaffer est leve, crassum, rectum, pulchrumque: & ideo assimilaverunt cantilenarii in cantilenis suis brachia & crura dominarum suarum ligno ejus.

Illud Saccharum Alhaffer nostris in officinis hodie non reperitur: nihilominus tamen in Ægypto & Arabia non ignotum; siquidem lacryma est exsudans ex planta Ægyptiaca, quæ Beld el Ossar, *Prosp. Alpin. de Plantis Ægypt.* 86. Apocynum erectum, incanum, latifolium Ægyptiacum, floribus croceis; *Herman. Parad. Bat.* Apocynum Ægyptiacum lactescens, siliqua Asclepiadis, C. B. P. 303. Beidellar Alpini, sive Apocynum Syriacum; J. B. I. 136. Est planta herbacea, fruticosa, multis stolonibus ab radice rectis, sursum ad duorum fere cubitorum altitudinem se extollens, foliis latis, oblongis, subrotundis, crassis & candidis; ex quibus dissectis lac manat. Flores fert croceos. Fructus bini invicem alligati pendent, oblongi, pugni crassitudinem æquantes, pediculo singuli hærentes unciali, crasso, tereti, duro, incurvo. Cortex externus membranaceus, viridis; interior croceus, qui tenuem alutam elaboratam emulatur. Utrumque committunt filamenta villos Musci arborei referentia. Integrum denique sinum totius fructus implet tomentum velleri serico mollitie neutiquam cedens; colore candidum, semine involuto Cucurbitini forma, dimidio minus, compressiore, fusco, pulpa albicante, sapore amaro. Caulis & folia incana sunt; lanugine quadam tecta; ac crassiore quapiam farina tota planta conspersa videtur. Stolonum cortex & foliorum nervus copioso lacte amaro & acri abundat. Planta hæc in Ægypto vulgariter Ossar appellatur; fructus vero Beid el Ossar, hoc est ovum ex Ossar.

De Saccharo, quod super hanc stirpem inveniri scribunt aut ab ipsa manare, nihil compertum habuit Honorius Bellus; cum in novellis plantis, quas excoluit, illud observare non poterit. Hoc tantum animadvertit, quod lac detracto folio emanans successu temporis circa vulnus concrevit instar gummi cujusdam albi Tragacanthæ valde similis, dulcedinis tamen expers. Hanc lacrymam seu Sacchari speciem calidioribus tantum in regionibus sponte manare verisimile est. Hæc planta nascitur, auctore Alpino, in humidis locis prope Alexandriam in ramo Nili Calig vocato, & Cairi prope Mathaream, loco fere perpetuo humido ac palustri ex aqua Nili ibi diu remanente.

Folliis contusis, inquit Alpinus, tum crudis, tum in aqua coctis utuntur emplastrum modo in frigidis tumoribus & doloribus. Ex lanugine parant cubilia seu pulvinaria in suum usum. Utuntur etiam ea ad excipiendum ignem ex silice excussum, tanquam esca & pabulo. Tota planta lacte calidissimo ac exurenti scater, quod plures in quibusdam vasis colligunt ad expilandam coria; ea siquidem, si in eo lacte aliquo tempore maneant, pilis nudantur. Lac quoque siccatum corpora solvit, necnon etiam fluxus dysentericos letales gignit. Præstantissimum est remedium ad impetiginem curandam & ad plures alias cutis affectiones aut maculas tollendas, eo si partes inungantur. An lacryma sponte fluens, quæ Saccharum dicta fuit, eadem acrimonia donetur, tempus fortasse nos edocebit.

ARTICULUS DECIMUS.

De Tartaro, ejusque, præparationibus.

Tartarus & Tartarum, Off. vulgo *Tastre*. Est substantia salina, indurata, saporis acidi subansteri, quæ fundo & lateribus vasorum vinariorum accrescit, & ex quibus abraditur. Duplex est: alba, & rubra.

Tartarus albus ex dolis quibus vinum album diu asservatum fuit, extrahitur. Ex Germania affertur, & rubro purior est: minusque terrestris. Tartarus ruber ex dolis quibus vinum rubrum diu reconditum fuit, avulsus, crassiorque ex Gallo Provincia & Italia affertur.

Tartarus eligitur albus porissimum, ponderosus, durus, ab ea qua vinum tangit parte vel superficie, plurimis apicibus crystallorum instar acuminatus qui contractus non apparet instar spongiæ vel pumicis porosus aut terra refertus, sed substantia densus, solidus, splendens.

Veteres Tartarum a vini fecibus non distinguunt. Reipsa eamdem habent originem, nec multum inter se discrepant: siquidem multum in dolis post absolutam fermentationem asservatum, per tempus duplicem deponit fœculentam substantiam; primam in fundo vasis subsidentem, liquidam, lutosam, turbidam, quæ fœx vini proprie dicitur; alteram duram, densam, doliorum fundo & lateribus lapideæ crustæ instar adhærescentem, quæ Tartarus. Fœx vini est ipse Tartarus, seu sal essentialis vini continuata hujus liquidi fermentatione attenuatus, & humore spirituosus solutus ita ut major spiritus vini quantitas ex vini fecibus, quam ex ipso vino per distillationem extrahatur; Tartarus vero plus terræ contineat, minus vero partium spirituosarum.

Tartarus raro ad usum internum usurpatur, nisi purificatus. Sic purgatus dicitur Cremor vel Crystallus Tartari; quæ quidem nomina olim diversis præparationibus assignabantur, hodie vero confunduntur & indiscriminatim usurpantur. Sic autem hæc purgatio olim perficiebatur. Tartarus crudus crasso modo contusus, aqua simplici aliquoties lavabatur, deinde in aqua limpidissima unius horæ spatio coquebatur. Deinde decoctio frigidiori loco exposito, supercrescens cuticula ligula collecta exsiccabatur pulveri similis, & dicebatur cremor Tartari. Ab aliis decoctum Tartari serventissimum in vas figulinum purissimum, cujus in medio bacilli cellatim dispositi erant, effundebatur, aerique frigido exposebatur, donec pars Tartari bacillis immissis adhæreret ad instar crystallorum, quæ a bacillis separatæ Crystalli Tartari dicebantur. Hodie prior præparatio neglecta, posterior tantum servatur, & indiscriminatim Crystalli vel Cremoris Tartari nomine insignitur.

(Alia est Tartari purgandi ratio, quæ in Gallia Narbonensi prope MonsPELLIUM obtinet, in locis præsertim *Calvisen* & *Aniane* dictis; Tartari pulverati decoctum servidum per manicam trajectum in vasis idoneis deponunt. Mox vasorum parietes Tartari crystallis obducuntur, quæ aqua limpida lavantur, ut oleosis exuantur partibus: postea terra quadam utuntur saponacea, Cretæ nonnihil simili, quæ prope locum, *Merviel* dictum repe-

reperitur. Hujus portionem in aqua diluunt, cui colorem lacteum im-
perit, & in ahenum aqua plenum conjiciunt. Ignem aheno adhi-
bent, & in aquam fervidam Tartari crystallos injiciunt, ut sordium
reliquis purgantur. Hac ratione cremorem Tartari longe puriorem ob-
tinent.)

Tartarus multum salis acidi continet, & olei, tum tenuioris, tum cras-
si: aliquantulum salis alcali volatilis urinosi distillatione suppeditat, & fa-
lis alcali fixi portionem non mediocrem, cum terra post distillationem in
capite mortuo relinquit. Verum sale alcali, tum volatilis, tum fixus ignis
factus esse videtur; siquidem neque in Tartaro neque in aliis mixtis cor-
poribus hæc substantiæ manifestas se præbent, nisi obstetricante igne, vel
artificiali, in Chymicis fornacibus, vel naturali, in fermentationibus.
Tartarus itaque sal medius seu salsus est compositus ex acido sale, oleo
& terra, in quo acidus sal longe majori copia continetur, quam ut ejus
spicula terra absorberi aut involvi possint: unde acidus ejus sapor salsum
longe superat. Aqua nisi ferventissima difficile solvitur, ob oleosas partes
quibus salinæ involvuntur. Ille autem sal acidus in alcali, tum volatile,
tum fixum; ignis vel fermentationis ope convertitur: inde variz oriun-
tur præparaciones ad salem alcali fixum vel volatilem ex Tartaro elicien-
dum, vel potius consueiendum.

Cremor Tartari minorem terræ portionem quam Tartarus continet.

Tartarus & Cremor Tartari bilis æstum ac fervorem reprimunt; si-
tim in febribus ardentibus mixtunt; appetitum deperditum restitunt;
stupidos ac tenaces humores attenuant, resolvunt, & blandissime edu-
cunt; viscerum obstructions reserant: quapropter commendantur
in hepatis, lienis, mesenterii obstructionibus, in cachecticis & hypo-
chondriacis affectionibus. Cum debilioribus laxantibus medicamentis sti-
muli loco, & felicissimo cum successu admiscuntur. Angelus Sala in
Tartarologia de seipso narrat, quod, cum passione colica multoties
miserrime discrucietur, multis aliis medicamentis frustra tentatis, sum-
psit Tartari pulverati ℥vj. ex quo purgatus fuit & a cruciatibus solu-
tus, tandemque post idem aliquoties repetitum remedium perfecte sana-
tus fuit.

Exhibetur intus Cremor Tartari potiusquam ipsum Tartarum a ℥ss. ad
℥ij. si aperiendi tantum sit animus, vel cum aliis purgantibus stimuli vi-
ce permisceatur: verum quando absque ullo alio additamento aut stimulo
purgantis munere fungi debet, ab ℥ss. ad ℥vj. aut ℥ij. sumitur.

Observandum est, cremorem Tartari in aqua frigida non dissolvi sed
in calida tantummodo: ac proinde in jusculis aut potionibus calentibus
prescribendum esse, aut in Opiatis sub forma boli vel pilularum exhi-
bendum esse.

Cremor Tartari cum chalybeatis optime consociatur, & ad obstructio-
nes resolvendas Martem plurimum adjuvat: quapropter in opiatís mesente-
ricis & cachecticis remediis sæpius cum eo usurpatur.

℥. Cremor. Tartari ℥ij. Diacrid. gr. iij. M. F. pulvis purgans in ca-
chectis affectionibus.

℥. Crystallos. Tartar. folior. Sennæ ana ℥ij. Cinnamomi ℥ij. Caryo-
phyllor. ℥ss. M. F. pulvis ad alvum blande subducendam; & obstru-
ctiones resolvendas. Dosis a ℥ss. ad ℥ij.

24. Rubiginis Martis rore Majali pp. gr. xv. Cremor. Tartar. ℥j. Croci gr. iij. Cinnamom. ℥j. M. F. pulvis in chlorosi & cachexia bis die exhibendus.

24. Cortic. Peruvian. ℥j. Cremor. Tartar. ℥ß. Pulver. Jalap. ℥ß. Syrup. de Absynthio q. s. M. F. Electuar. cujus dosi ℥j. vel ℥ß. ter quaterve die exhibenda in febribus intermittentibus, cachecticis, cum œdemaute aut leucophlegmatia.

24. Cremor. Tartar. ℥v. Rosar. rubrar. siccatar. & pulveratar. ℥j. Sp. Vitrioli gutt. aliquot. Fiat pulvis. Dosis ℥ß. bis terve die in febribus intermittentibus, & ad biliosos humores in ventriculo suffusos & salivam instantes contemperandos, ad nauseam aut inappetentiam sanandam, oris amaritiam emendandam, ciborumque concoctionem excitandam.

Ex Tartaro diversæ substantiæ extrahuntur, diversaque præparantur medicamenta. 1. Quidem spiritus & oleum fœtidum distillationi ope extrahitur hac ratione.

24. Tartari contusi ℔ij. Distilla ex retorta fictili igne reverberii gradatim aucto. Prodebunt primo phlegma insipidum ad ℥ijj. prorsus inutile & abjiciendum; deinde spiritus rufescens sub nebulæ specie ℥viij. ac tandem olei, tum tenuioris, tum crassioris, & admodum fœtentis ℥ijj. In fundo retortæ massa nigra remanebit ℔ij. pondere, quæ igne aperto combusta & calcinata, aqua diluta, percolata, & exsiccata salis alcali fixi albicantis ℥xij. exhibebit. Spiritus ab oleo per chartam bibulam secernitur; sic enim spiritus transiit, remanente super chartam oleo. Spiritus rectificatus, ut ajunt, seu ab oleosis & fuliginosis particulis purgatus obtinetur nova distillatione per ignem arenæ: acidi & alcalini liquoris notas præbet, quandoquidem cum spiritu salis & cum sale Tartari aut sale volatili urinæ effervesceat. Revera acidum & alcali in eodem liquore consociata, illæsa & absque tumultu hic continentur. Sales enim alcalici oleosis partibus involuti acidorum vim & actionem declinant.

Spiritus Tartari diureticus est & diaphoreticus, & in obstructionibus referendis quasi Panacea a Chymicis laudatur. Dosis a ℥j. ad ℥j. Ex hoc spiritu fit mixtura simplex Paracelsi seu diaphoreticum in peracutis, quod sic præparatur.

24. Sp. Tartari rectificati ℥vj. Sp. Vitrioli volatil. ℥ij. Sp. Theriacal. Camphor. ℥x. Digeratur in vase vitreo in balneo cinerum per tres hebdomadas. Servetur liquor ad usum. Dosis a ℥ß. ad ℥ß.

Oleum empyreumaticum, iteratis cum aqua vel cum Calce viva distillationibus, minus fœtidum, imo odore non injucundum efficitur. Intus sumptum sudores movet: externe tumores potenter resolvit. Rheumatismo & paralyysi medetur, & in cutaneis affectionibus commendatur.

Sal Tartarifixus fit, vel ex massa nigra post Tartari distillationem residua & calcinata, vel ex Tartaro ipso igne aperto calcinato. Tartarum calcinatum aqua solvitur, solutio per chartam bibulam transcolatur, ad siccitatem evaporatur in massam salinam candicantem; quæ, si nondum satis purgata fuerit, iterum calcinatur igne reverberii: solvitur aqua & exsiccatur, ac tandem in crucibulo aliquantisper calcinatur, donec ad cæruleum vel ruben-

bentem colorem accedat. Tunc in vase optime clauso reconditur: humido enim ab aere facillime colliquescit.

Ex hoc sale oleum Tartari per deliquium paratur, cum nempe salem humidum aeri exponendo, ubi intra breve temporis spatium in liquorem resolvitur.

Sal Tartari fixus est alcali acre & causticum valentissimum: quapropter ad usum internum rarioris est usus, licet a quibusdam vis diuretica ipsi tribuatur. Plurimis operationibus Chymicis inservit, præsertim ad resinosorum & sulphureorum mixtorum tincturas extrahendas. Cum purgantibus nonnumquam admiscetur, tum ad eorum partes sulphureas explicandas, tum etiam ad eorum actionem juvandam, crassos viscidosque humores attenuando. Ejus dosis a gr. xij. ad ʒß. præscribitur. Magna aquæ copia solvi debet; ne gulæ, œsophagi, & ventriculi membranas a credine sua lædat.

Ex sale Tartari tinctura extrahitur ope spiritus vini, quæ a nonnullis plurimum commendatur. Ad hanc tincturam præparandam spiritus vini sali Tartari optime calcinato, ita ut fusioni proximus sit, & adhuc candenti affunditur, & cum illo in vase clauso per aliquot dies digeritur. Spiritus colore croceo intenso tingitur, postea a sale residuo secernitur & servatur. Observandum spiritum aut nullam aut tenuissimam tincturam extrahere, si sal Tartari candidus fuerit; intensiorem vero, si rufescens, nec optime lixivio purgatus, vel si in calcinatione tenuissimo carbonum pulvere aut fuligine inspergatur, aut si spiritus vini aliquantulum olei essentialis cujuscumque, v. g. Anisi; Lavandulæ, Thymi, aut alterius hujuscemodi contineat. Illa enim tinctura aboleosis partibus, vel in sale, vel in spiritu reconditis oritur.

Spiritus ille seu tinctura quasdam salis alcalici partes in sinu suo continet: quare salinum oleosum se præbet aptum & idoneum ad viscidos tenacesque humores ventriculi parietibus inhærentes aut in renibus vel mesenterii glandulis incidendos. Exhibetur in vehiculo conveniente a gutt. x. ad xxx. Præterea sulphureis & oleosis tincturis ex mineralibus vegetabilibus & mineralibus extrahendis inservit.

Ad fixum Tartari salem volatilem efficiendum Chymici plurimum insudarunt. Duplex autem sal volatilis Tartari efficitur; urinosus nempe, & salus.

Sal Tartari volatilis urinosus fit; vel Tartarum fermentando fere usque ad putrescentiam, vel salem Tartari fixum cum oleis quibuscumque digerendo.

1. Sal volatilis urinosus ex Tartaro fermentato conficitur, Tartarum contusum & aqua mādum in cella vel in loco tepido reponendo, donec odorem aliquantisper fœtidum emittat. Tunc aeri expositum & probe exsiccatum per retortam distillatur, & non mediocrem salis urinosi quantitatem præbet.

Copiosior ille sal urinosus extrahitur ex vini fœcibus quæ nihil aliud sunt quam Tartarum in vino diutius fermentatum. Exprimuntur per lineum fœces vini, perfecte exsiccantur ac tandem distillantur: copiosum præbent salem volatilem urinosum, cujus vires cæteris salibus volatilibus ex animalium familia desumptis non inferiores sunt, licet non superiores aut tantæ virtutis, & præstantiæ, quantum Chymici de hoc sale prædicarunt.

2. Sal Tartari fixus volatilis quoque evadit, cum digeritur cum ipso oleo Tartari fœtido, vel cum alio quocumque: recipiunt nempe olei Tartari fœ-

vidi partem unam, salis Tartari fixi partes duas. Rite mixta per aliquot menses blando cinerum calore digeruntur. Instituta postmodum distillatione, sal volatilis copiosus prodit urinoio similis. Minus volatilis est alter ille sal, quem salem Tartari volatilem falsum dico. Terra foliata Tartari & Magisterium Tartari arcanum nuncupatur. Sic præparatur. Sali Tartari purissimo affundunt aceti distillati q. s. ad punctum saturationis. Mixtura ad siccitatem usque distillatur. Prodit liquor saporis expers, nempe phlegma aceti. Sali exsiccatum novum acetum affundunt, solutio distillatur: sicque iterantur novæ aceti affusiones & distillationes, donec tandem liquor distillatus acidus prodeat, id est donec acetum quale affusum fuit, regrediatur; tunc enim sal Tartari sufficienti quantitate acidi aceti saturatus est. Salina hæc massa in optimo vini spiritu dissolvitur: solutio per chartam bibulam transcolata distillatur, exsiccat; exsiccata iterum spiritu vini dissolvitur, percolatur & exsiccat; tertio & ultimo novo vini spiritu solvitur; & lenissimo cinerum calore abstracto spiritu vini, massa salina remanet rara & quasi semivolatilizata, aliquantisper unctuosâ, nivea, nitens, & foliata, Talcî adinstar. Tunc terra foliata dicitur. Metallorum Tincturas mirum in modum extrahit, quo nomine a Chymicis plurimum commendatur: insuper prædicatur tanquam præstantissimum remedium, ad viscerum obstructions resolvendas, crassosque humores attenuandos; unde in cachecticis affectionibus, paralyti & hydropes utiliter præscribitur. Urinas movet, alvum laxat, & medicamentorum purgantium operationem plurimum auget ac promovel. Dosis a ℥ss. ad ℥j. præscribitur.

Inter medicamenta ex Tartaro præparata usitatiora sunt Tartarus solubilis, Tartarus vitriolatus, Tartarus emeticus, Tartarus chalybeatus. De his duobus jam egimus, ubi de Stibio & Ferro.

Tartarus solubilis, sal vegetabilis officinarum, & Balsamum Samech paracelsi sic præparatur.

℥j. Crystallor. Tartari ℥viij. Salis Tartar. ℥iiij. Simul mixtis affunde aq. bull. ℥iiij. Bulliant per semihoram circiter. Solutio refrigerata per manicam hippocraticam transcoleitur, & ad pelliculam usque evaporetur. Postea in loco frigido ad crystallos producendas reponatur. Liquor a crystallis abstractus ad pelliculam iterum evaporetur, & in crystallos reducat; quod eo usque repeti debet, donec liquor pinguis nimis & oleosus in crystallos non amplius concreascet. Crystalli optime exsiccatæ ad ℥xij. circiter ferventur ad usum. Aperiens est & laxans medicamentum. In cachecticis morbis & in viscerum obstructionibus plurimum confert. Purgantium medicamentorum vim adauget: quare in potionibus catharticis sæpius usurpatur. Dosis a ℥j. ad ℥ij. vel etiam nonnunquam ad ℥vj. & ℥j. Præscribitur in juscule vel in apozematis aperientis ℥ij. ad catharsim promovendam: tunc enim sine molesta purgat.

Tartarus vitriolatus vel magisterium Tartari officinarum fit spiritus Vitrioli q. s. affundendo super oleum Tartari per deliquium paratum ad punctum saturationis, liquorem percolando & ad siccitatem evaporando. Idem quoque sal fieri potest ex Vitriolo & sale Tartari hac ratione. Solvant Vitriolum in aquæ s. q. Huic solutioni affundunt oleum

Tar-

Tartari per deliq. Turbidus fit liquor partium metallicarum præcipitatione: cum olei Tartari affusione liquor non amplius turbatur, per chartam emporeticam transcolatur & in salem exsiccat, qui genuinus est Tartarus vitriolatus. Isdem denatur virtutibus ac sal vegetabilis, & eadem dosi exhibetur. In Opiatis mesentericis, aperientibus, cachecticis, & in apozematibus, tum alterantibus, tum purgantibus frequenter usurpatur.

CAPUT NONUM.

De Tuberibus, Fungis, & adnatis quibusdam vegetabilibus.

ARTICULUS PRIMUS.

De Tuberibus cervinis.

Tubera cervina & Boleti cervini, Off Tuberum genus quibusdam cervi Boletus, J. B. III. 851. (Lycoperdastrum tuberosum, arthizon, fulvum, cortice duriore, crasso, & granulato, medulla ex albo purpurascens, semine nigro, crassiore, Mich. Nov. gen. p. 220. n. 10. Tab. 99. Fig. 4.) Tuberum genus est magnitudine Juglandis, interdum Avelanæ & minore, subrotundum, tuberosum & inæquale, substantiæ callosæ, inter duritiem & molitiem mediæ, atro-purpureæ, cortice rectum coriaceo, ex cinereo ad fulvum inclinante, in superficie granulatum, cujus medullium fungosa quædam substantia ex albedo purpurascens occupat, (per cellulas non nitidas ac tenaces, sed molles & lanuginosas subdivisa ac distributa: cellulae vero feminibus minutissimis in massam compactis & filamentis alligatis replentur. Eadem substantia, ubi semen jam maturum dimisit, in parvum globulum contrahitur.) Saporis est & odoris, dum recens, gravis, muriatici, spermatici; dum siccum & jam dudum repositum, fere nullius evidentis.

Sub terra nascitur sicut cætera tubera, absque radicibus saltem conspicuis. In præruptis & opacis montium sylvis in Germania & Hungaria reperitur.

De his tuberibus nulla apud antiquos exstat memoria. Cervina dicuntur, inquit C. Bauh. quia reperiuntur in locis, ubi cervi libidinem exercent: & Matthiolo narrante fungum hunc, tuberum vulgare modo, sub terra nasci affirmant venatores, ubi cervino semine in coitu inscitur solum. Sed hæc meræ sunt fabulæ a J. Bauhino & aliis rejectæ. Magis verisimile est hoc obtinuisse nomen ex eo quod cervi horum tuberum avidissimi sint, adeo ut gravi eorum odore alliciti terram ubi delitescunt pedibus scalpere non desinant, donec illa detexerint. Sale volatili copioso surgent.

Hæc tubera, quamvis in ciborum usum non venerint, magnis tamen exornantur elogiis: illis enim in medicamentis quæ venerem movent, usitata sunt; in quem usum siccata & pulverata ℥j. vel ℥ss. pondere ex vino propinantur. Lactis quoque ubertatem afferri ajunt ex pitana vel muliebri lacte potum, & valentius si Piperis longi aliquid misceatur. Suffu

fitu oculos fœminarum locos referare tradunt, & vulvæ strangulatus avertere. Non defunt superstitioſæ mulierculæ, quæ iis abutuntur in quibusdam poculis amatoriis, prius obmurmuratis nonnullis incantationibus: verum aphrodiſiacam virtutem Lonicerus & Cordus illis denegant. Et revera nihil aliud illis adſcribi poteſt quam quod ad modum omnium fungorum, craſſum ſuccum gignant, ſtatus excitent, paulum inflent, & hac ratione membrorum genitalium erectionem promoveant.

ARTICULUS SECUNDUS.

De Fungo Sambucino.

Fungus Sambucinus ſive Auricula Judæ, *Off.* Agaricus Auriculæ forma, *Inſt. R. Herb.* 562. (Agaricum Auriculæ forma, *Mich. p.* 124. *n.* 1. *Tab.* 66. *Fig.* 1.) Fungus membranaceus Auriculam referens ſive Sambucinus, *C. B. P.* 372. Spongia Sambuci, *Schroder.* Gummi Sambuci veteris, ſpongioſa, (nullis foraminulis, denticulis & lamellis intercepta, ſed lævis,) coriacea & membranacea, ſinuola & complicata Auriculæ inſtar, ſubtus incana & cinerea, ſupra nigricans, inodora, ſaporis terrei & fatui: breviffimo vel potius nullo pediculo nititur; ſed caudici arboris inhæret aut ſingularis aut geminus.

Viſ adſtringendi & exſiccandi ipſi tribuitur. Interne raro ſumitur. Infuſus in vino vel in aqua conveniente fortiter alvum laxat & hydropicorum aquas miro modo pellit, ut reſert Simon Paulli. In aqua Roſarum aut Plantaginis, vel in decocto ſummitatum Roſarum rubr. aut Capriſolij, vel in lacte decoctus aut aceto maceratus, in angina, gutturis tumoribus aut inflammationibus incipientibus exhiberi ſolet ad gargarizandum & guttur eluendum. Ophthalmiæ quoque medetur, ſi infundantur in aquam Roſar. Cyani, ſpermatis ranar. aut alterius.

24. Fungi Sambuci q. v. Infunde in aq. ſtill. flor. Sambuci q. ſ. Mace-
rentur per noctem; & aqua ſeparata ſervetur ad inflammationes
oculorum ſiſtendas.
24. Fung. Sambucin. ʒij. Hordei mund. Glycyrrhizæ ana ʒß. Flor.
Malv. arboreſcent. pagill. ij. Coq. in aq. Plantag. ʒxviii. ad ter-
tizæ partis diminutionem. Fiat colatura, in qua diſſolve Salis
Prunell. ʒj. Mellis roſati ʒij. Fiat gargarifma ad faucium inflam-
mationes.

ARTICULUS TERTIUS.

De Agarico.

Agaricum & Agaricus, *Off.* Ἀγάρικον, *Græcorum*: Agaricus ſive fun-
gus Laticis, *C. B. P.* 375. Agaricus, *Dodon. Pemptad.* 486. vulgo
Agaric. Eſt ſubſtantia fungoſa, ſubrotunda, anguloſa, inæqualis, nunc
majoribus, nunc minoribus maſſis conglabata, pugni & nonnumquam ca-
pituli humani magnitudine, leviffima, candoris nivei, in farinam digito-
rum attritu friabilis, paucis fibris intertexta cortice, qui removeri ſolet
callo-

calloso, cinereo, subrufo circumtecta, (cujus pars inferior modo late, modo anguste perforata, seminibus minutissimis in ipsius foraminulis adherentibus;) saporis primum subdulcis, mox amari, acris & nauseosi cum levi quadam adstrictione. In Laricibus trunco adnascitur, rarius in ramis invenitur. Si crescit in his arboribus, tum Terebinthinam non amplius reddunt, referente Hermanno.

Probatur candidum, leve, friabile; rejicitur ponderosum, nigricans, minus friabile: improbatum etiam quod stirpi proximum est; quia trahit aliquid de nigredine corticis; quin fere liquosius est, ideoque minus friabile. Cortex removetur tanquam inutilis aut noxius.

Agaricum Dioscoridi & Plinio duplex habetur, mas & femina. Mas rotundus est & undique sibi similis, Plinio crispior amariorque: femina rectas intus habet pectinum modo venas & quasi divisuras: Plinio femina solutior est, initio dulcis, mox in amaritudinem transit. Hæc præfertur, ille reprobatum. Hanc distinctionem officinæ hodie non observant. Candidius & levius eligunt, & feminam dicunt. Mas econtra dicitur aliud Agarici genus magis ponderosum & nigricans. Nuncupatur Agaricus pedis equini facie, *Inst. R. H.* 562. Fungus in caudicibus nascens unguis equini forma, *C. B. P.* 372. Fungi igniarii, *Tragi* 943. Hoc nullius est usus in Medicina. Arti insectoriæ intervit. Annolis Juglandium, Quercuum aliarumve arborum truncis adnascitur, substantia callosa lignosaque in ambitu, & fibris rectis contexta, in medullis molliore, colore foris cinereo, intus obscuriore ad fuscum inclinante. Mollius fit, & ignis rapacissimum hoc modo. Decoquitur in lixivio, & siccatum tunditur; postea in aqua nitrosa rursus coquitur & exsiccatum.

Agaricum nostrum idem est cum Agarico veterum, licet aliter sentiat Salmasius. An radix, an fungus sit ex arborum putrefactione nascens, veteres Græci non satis noverunt. Plinius & Mesue fungi speciem esse suspicati sunt: Agarici enim & fungorum non ab similem esse generationem putabant; arborumque magnarum, cum putrescere aut senescere incipiebant, sætum esse crediderunt: unde Agaricum non secus ac apostema per modum putrefactionis nasci opinabantur. Inter hos Plinius: Agaricum comiferas Galliarum arbores ferre memoriæ prodidit. Brassavolus aliique scribunt se Agaricum Quercui adnascens vidisse; alii Ilici, Abieti, Piceæ; Matthioli vero & Bellonius Agaricum nunquam alii arbori præter Laricem innascens se vidisse asserunt: & re ipsa constat folius Laricis fungum esse. Fungi autem quos Quercubus aut aliis arboribus adnascens alii viderunt, Agaricorum species sunt a genuino officinarum Agarico diversæ, tum colore, tum forma & viribus.

Itaque Agaricum est planta sui generis parasita, seu quæ aliis plantis innascitur, & ab eorum succo nutritur; cujus flores fructusque aut semina nondum penitus innotescunt.

Dioscorides refert Agaricum in Agaria Sarmatiæ regione nasci, unde nomen ei inditum. Hodie in Delphinatu Galliæ, in Alpibus aliisque montibus supra Larices colligitur.

Analysi Chymica, ex Agarici candidissimi ℞ij. ꝥxj. prodierunt humoris, primo, mere aquei; translucenti, deinde rufescentis, acidi, postea fusci, empyreumatici, linguam Piperis instar exurentis ꝥxvj. ℞iiij. gr. xxxiiij.

Geoffrey Tom. I.

PP 3

liquo.

liquoris rufescentis urinosi fale volatili prægnantis, & tantillum acidi Zij. Zvj. gr. xxxvj. olei fluidi ℥xvj. Zvj. gr. xxv. Massa nigra densa, dura, in retorta residua pendebat ℥xij. quæ per horas 19. in crucibulo calcinata reliquit cinerum ex fusco rufescentium Zij. Zijj. ex quibus lixivio salis fixi acris & mere alcali Zij. extractæ fuerunt. Partium deperditio in distillatione fuit ℥x. Zvj. gr. lix. calcinatione in fumum & flammam abierunt ℥x. Zv. Ex hac analysi liquet, Agaricum constare ex Tartareo & Ammoniacali sale cum oleo copioso conjunctis, & exigua admodum terræ portione: quæ principia ita inter se miscentur, ut mixtum constituent salino resinofum; quandoquidem Agarici Zij. ope spiritus vini præbuerunt extracti resinosi saporis nauseosi & ingrati Zvjss. aqua vero perparum ex Agarico dissolvit & extrahit, sed illud in mucaginosum magna convertit. Unde patet, quam parum utilis sit Agarici maceratio vel decoctio in menstruis aqueis. Ejus tamen infusum in aqua chartam coeruleam purpuream reddit. Præcipua vis purgans hujus medicamenti pendere videtur ab illo spiritu vel oleo tenui, acris, & exurente, qui in primis portionibus prodit, & a quo acris oritur hujus medicamenti sapor.

Dioscorides & Galenus cum veteribus Græcis illud medicamentum ad varios diversosque affectus commendarunt; sed præsertim istericis, epilepticis, asthmaticis, ichthadicis, & arthriticis; nec nisi leviter de ejus vi cathartica aliquid tetigerunt: ita ut conjecturæ locus sit veteres usurpasse Agaricum, non tam ad purgandum, quam ad incidendum & aperiendum. Avicenna quoque inter Arabes laudat Agaricum exiguo pondere sicut medicamentum incidens & digerens, cum Opii modico mixtum. Vis anthelmintica & alexiteria illi concedebatur. Hac ratione Theriacam ingreditur & alias compositiones alexiterias, ut videre est apud Scribonium Largum: attamen ab Arabum plurimis inter evacuantia recensetur. A neotericis hodie inter Medicinas purgantes numeratur, & commendatur potissimum ad pituitam evacuandam, ea forte ducti ratione quod ab assumpto Agarico excrementa albidia esse soleant. Cathartici nomine in plurimis compositis evacuantibus medicamentis usurpatur. Ab iisdem quoque adhiberi solet ad serum quod in coagulum primum erat, fluxile reddendum, & ad excretionem præparandam: hinc in morbis catarrhalibus, coryza, distillationibus, asthma, tussi, cachexia, fluore albo, mensum suppressione, febribus quotidianis & lentis, si crudorum humorum cingeries earum somes sit, prodesse putatur. Datur non robustis modo & validis, sed & infirmioribus, puberibus, senibus, ac etiam gravidis; idque nullo periculo, si morbi conditio expostulat.

Nonnulli vim catharticam ipsi denegant. Massaria enim propria edoctus experientia asserit Agarici infusum nullam habere purgandi virtutem. Re quidem ipsa aqua perparum de Agarico extrahit, ut jam observavimus. Sed tamen ipsa Agarici substantia alvum subducit, licet non vehementer; & ea de causa cum aliis purgantibus medicamentis consociatur, quibus multum adjuvat, humores spissos ac tenaces attenuando & incidendo.

Alexiteriam quam ipsi tribuebant veteres virtutem, C. Hoffmannus, aut nullam esse, aut perexiguam censet. Si quid autem in Theriaca aut cæteris Antidotis eorum operationi conferat, incidendo & abstergendo illud efficere existimamus.

Agaricum sua etiam habere incommoda, suisque patere discriminibus plures Medicorum observationes ostendunt. Tria hæc vitia in illo redarguuntur, quod ventriculum gravet & lædat, unde nausea & vomitus; quod viscera distendat, unde hypochondriorum aut abdominis intumescenzia, & nonnunquam inflammatio; denique quod tardæ admodum & testudinez sit operationis, unde parum levaminis ab hoc medicamine ægrorantes accipiunt: hinc de causis Daniel Ludovicus illud a suo Myrotheficio rejicit. Verum medicamentum a veteribus magnopere commendatum, & a neotericis frequenter & utiliter usurpatum, non adeo contemnendum est. Cautus & opportunus esse debet illius usus. Catarrhosi affectus, in quibus curandis potissimum prædicatur, ii sine oportet, a quibus febris abest, in quibus serum concretum arque lentescens ejusmodi indigeat medicamento a quo liquecere possit. Idem dicendum de morbis pectoris, asthma præsertim & respiratione difficili ab infarctu pulmonum oriundis. Ab eo abstinendum in morbis acutis, & in illis omnibus, in quibus dominatur utraque bilis, vel quos urget sanguis actuosus nimis, & quorum præservida sunt viscera, cujus sunt indolis melancholici non pauci; biliosi, phthisici, hysterici, ut recte observavit vir doctissimus, celeberrimusque saluberrimæ facultatis Parisiensis Doctor Philippus Hecquet, *Tractatu Mfr. de Purgantibus*. Infusi vel decocti exigua admodum est virtus. Substantia efficacius operationem suam exerceat. Ejus pulvis præscribitur solus, vel trochiscorum forma præparatus, a ℥ss. ad ℥ij. ℥ij. infusum vel decoctum a ℥ij. ad ℥ss.

Agarici incommoda & vitia veteres corrigere tentarunt stomachicis calidis & aromaticis, Zingibere præsertim, incidentibus, ut sale gemmeo, oxymelite, quo ipsius acrimonia retunditur. A neotericis diversimode emendatur. Plurimi Agarici pulveris intus sumpti levitatem reformidant, cujus ratione esophagi & ventriculi parietibus adhæret: ideoque illud in trochiscos redactum sumunt. At, quæso, quis hunc pulverem solum & siccum deglutire posset? Si vero quovis liquore vel syrupo subactus fuerit hic pulvis, non amplius sua siccitate membranis ventriculi adhærebit, saltem non adeo facile. A quibusdam uffulatur ad ejus vim deleteriam & emeticam temperandam aut extinguendam; sed sic destruitur, & in inertem terram aut carbonem convertitur. Ab aliis extractum resinosum proponitur quasi pulvere præstantius: sed hæc resina saporis est ingrati admodum & nauseosi, ventriculum & intestina vehementius lædit quam ipsa substantia; sique correctio pejor est medicamento.

Porro nulla tutior est correctio quam trochiscorum præparatio, in quibus Agarici sapor ingratus ac nauseosus, & acrimonia ventriculi nociva aromaticis emendatur.

Nonnulli Agaricum, pro diverso cui destinatur scopo, medicamentis convenientibus illius virtutem dirigere opinantur. Sic ut felicius ad caput ejus virtutem ferant, addunt Stæchadem Arabicam, Nucem Moschatam, lignum Aloes, spicam: ad pectus ejus ducunt virtutem Capillo Veneris, radice Ireos, Hyssopo; ad hepar Cichorio: ad lienem cortice Tamarisci, Asplenio; ad uterum Matricaria, Myrrha; ad vesicam & renes quinque radicibus aperientibus. Quid de illis directionibus sentiendum sit facile judicabunt, qui Arabum scholæ nimis addicti

non sunt. Agaricum trochiscatum in officinis Parisiensibus sic præparari solet.

24. Zingiberis albi contusi ℥ij. vini albi ℥iiij. Macerentur frigide horis xxiiij. & colentur postmodum.
24. Agarici electi radula rasi & in tenuissimum pulverem redacti ℥ss. Prædicto vino medicato humectetur, ut in massam solidiorem coeat : & ex illa fingantur trochisci in umbra exsiccati.
24. Decoct. folior. Agrimon. & Pimpinell. ℥vj. Dissolve Agaric. trochiscat. Electuar. de Citro solativ. ana ℥j. Syr. flor. Persic. ℥j. Fiat potio.
24. Senn. mund. Agaric. trochisc. & Turbith gummos. ana ℥j. Cinnamon. contus. ℥j. Sal. Tartar. gran. xv. Infund. per noctem in aq. fluviatil. ℥vj. In colatura dissolv. Syrup. de Rhamno cathartic. ℥j. Fiat potio in hydropo.
24. Agaric. radula comminut. ℥iv. rad. Irid. Florent. ℥ij. folior. exsiccator. Nicotianæ ℥j. folior. Hyssop. Thym. ana m. j. Coquantur in aq. comm. ℥iiij. ad tertiæ partis diminutionem. In colatura dissolv. Oxymel. simplic. ℥iiij. Capiat æger duos trefve haustus calidos quotidie ad ℥vj. pro singula dosi.
24. Agaric. trochisc. ℥ss. Mercur. duleis gr. viij. Diaeridi gr. iij. M. Fiant pilulæ purgantes cum Syrupo flor. Persicor.
24. Trochiscor. Agaric. ℥j. Jalap. pulver. & Aloes notæ ana gr. xij. Aquil. alb. gr. x. Olei distill. Succin. gutt. ij. Majoran. gutt. j. Conserv. flor. Salv. q. f. M. F. pilulæ catarrhales.

Agaricum externe raro adhibetur, licet ad morsus & ictus venenosos animalium a veteribus commendetur.

Ursupatur in Theriaca, Mithridatio, Confect. Hamech, Hiera picra cum Agarico, Hiera diacolocynthidos, Syrupo rosato cum Senna & Agarico, Syrupo helleborato *Quercetani*, Pilulis de Agarico *Mesues*, Pilulis sine quibus, Pilulis Mercurialibus *Charas*.

ARTICULUS QUARTUS.

De Gallis.

Gallæ, Off. *Κεράδες*; *Græcorum*: *Hafæ & Hafus*, *Arabum*: *vulgo Noix de Galle*. Corpora sunt Quercubus adnascencia, quorum genera traduntur multa, magnitudine, colore, lævitate aut asperitate superficie, pondere, figura differentia. Quercubus adnascuntur seu arboribus glandiferis, sed non in omnibus regionibus; siquidem in frigidioribus non reperiuntur. Observat enim J. Rajus Quercus in Anglia nunquam Gallas protulisse; cujus rei hanc rationem affert, scilicet insecta illa, quibus Gallæ ortum suum debent; ibi non reperiri. Arboris fructus non sunt, ut quidam opinantur; sed tumores præter naturam, qui insectorum quorundam animalium moribus, lancinationibusve originem suam debent. Insecta enim & in primis mulsæ quædam hujus arboris gemmas, folia, surculos teneriores pungentia, (tenuja vasa dila-

dilacerant : succus inde effluit , copiosior appellit ob minutam resistantiam vasa ab humore uberius appellente ampliantur magis ac magis ; inde tumores illi multiformes ,) qui licet arboris respectus præternaturales sint , a natura tamen destinantur , ut sint velut matrices & uteri insectorum eorumdem ovis excipiendis , tuendis , fovendis , sætibus excludendis editisque alendis inservientes . Dum Gallæ maturæ atque recentes aperiuntur , vermiculi vel potius nymphæ , modo unica in centro , modo plures in totidem cellulis reperiuntur , quæ post aliquod temporis intervallum in muscas evolvuntur ejusdem vel etiam diversi generis . Paulo post viam sibi quærunt Gallæ substantiam erodendo , ac tandem in superficie foramen rotundum aperiunt , per quod exeunt & avolant . Si Gallæ foraminibus perforatæ non sint , vermiculus aut musca in illisprehenditur : si vero apertæ sint , vacuæ reperiuntur , aut aliis animalculis refertæ , quæ forte fortuna foraminulum subjerunt , & in hoc cuniculum se receperunt .

Gallarum genera duo in officinis distinguuntur , scilicet Alepenses seu orientales , vulgo *Noix de Galle d'Alep.* vel *Alepines* ; & nostrates .

Alepenses subrotundæ sunt , Avellanæ vel Nuculæ magnitudinem æquantæ , angulosæ , tuberculis interdum paucis , interdum multis asperatæ , ponderosæ , colore albicante , glauco , aut nigricante , intus densæ , & resinosæ , gustu adstringente , & acerbæ . Nostrates rotundæ sunt , subrubræ vel rusæ , superficie leves , pondere leviores , fractu faciles , substantia rariore , fungosæ , nonnumquam cavernosæ . Minus præstant , tum in arte insectoria , tum in Medicina nec veteribus ignotæ fuerunt , *δυσπηκτικὴ* , altera *δυσπηκτικὴ* quasi asinina dicta fuit .

Analysi Chymica , ex Gallarum Alepensi probe exsiccatum ℥v. prodierunt humoris aliquantis per flavescens , subacidi ℥vii. ℥vijs. humoris rufescentis , acidi , nonnihil empyreumatici ℥vj. ℥vij. liquoris fusci , subalsi , acris empyreumatici , tum acidi , tum urinosi ℥xiiij. ℥ij. olei lentæ spissiorisque consistentiæ veluti piceæ , odoris exigui & parum sætidi ℥ij. ℥v. gr. liij. Massa nigra in retorta superstes pendebat ℥xxvij. ℥v. gr. liij. quæ calcinata reliquit cinerum fuscorum ℥ij. gr. ij. ex quibus salis alcali valde acris ℥vij. gr. l. lixivio fuerunt extracta . Partium deperditarum quantitas in distillatione fuit ℔j. ℥ij. ℥iij. in calcinatione ℥xxvj. ℥v. gr. liij. Per hanc analysim liquet , Gallas multum sulphuris fixi & crassi continere cum sale Ammoniacali conjuncti .

Observandum præterea Gallas Vitrioli solutionem nigram vel potius intense violaceam efficere , dum nempe alcali Gallarum salis acido vitriolico conjungitur , metallicas partes ab eo disjiciendo : tunc enim metallicæ particulæ liquoris fundum non petunt ; sed cum sulphureis Gallarum particulis in fluido natantibus consociantur , & ab iisdem sustententur . Eam ob causam Gallarum infusum vel decoctum Chymicis , & Physicis infervit ad aquas minerales examinandas .

Si enim salem vitriolicum , vel quid martialis , aut veneri continet , ab hoc infuso vel decocto , nigro violaceo , purpureo , vel subpurpurascens colore insciuntur , prout plus vel minus salis metallici continent .

Gallæ vehementer adstringunt . Hinc in dysenteris , alvi fluxu , hæmorrhagiis

giis intus sumptæ a plurimis laudantur. Nuperrime vero febrisfuga virtus in illis detecta fuit, & a peritissimo viro Facultatis Medicæ Parisiensis Doctore Michæle Ludovico Renealmo, in *Regiæ scientiarum Academia commentariis anni 1711.* promulgata fuit. Exhibetur a ℥ss. ad ℥j. ineunte paroxysmo, in febribus intermittentibus, illis præsertim inquit D. Renealmus, quæ a nimis laxo fibrarum ventriculi tono pendunt.

Externe quoque ad adstringendum, reperiendum, & partes laxiores firmandas ac roborandas adhibentur. Ad infessus uteri, contra vulvæ & sedis procidentias fluxionesque decoctum earum usurpatur.

℥j. Gallar. Malicor. ana ℥j. Fol. Salvixj. Lauri, Chamæmel. flor. Balsauktior. ana p. ij. Coquantur in vino auster. & aq. chalyb. Applicentur pro foru ad procidentiam ani.

Usurpatur in Emplastro ad herniam, vulgo contra rupturam *Charas*.

Insectoribus familiaris est earum usus, necnon etiam ad atramentum scriptorium præparandum, cujus præstantior hæc est conficiendi ratio.

℥j. Aq. fluviatilis ℥iiij. Vini albi ℥ij. Gallar. Alepens. contusarum ℥iiij. Macerentur per 24. horas, identidem agitando. Deinde bulliant per semihoram, cum pluma despumando. Vase ab igne remoto, adde Gumm. Arabic. ℥ijss. Vitriol. Hungar. ℥ij. Alum. rup. ℥ss. Sacchar. Candi ℥ss. Digerantur denuo per 24. horas, postea bulliendo per horæ quadrantem coquantur. Decoctum per linteum transeoletur.

ARTICULUS QUINTUS.

De Grano Kermes, & Coccinella.

Kermes, Chermes, Granum Kermes, Granum insectorium, Coccumbaphicum, Coccum insectorium, Off. *Konnes Szauw, Dioscoridis = Kermes, & Karmes Arabum*: vulgo *Graine de Kermes, Graine d'Ecaille, Vermillon*. Folliculus est membranaceus, Pisi magnitudine, lævis, splendens, ex rubro-fuscus Prunorum adinstar, tenuissima lanugine vel pulvisculo cinereo tectus, innumeris turgens ovulis rubenubus vel etiam animalculis, quæ digitis attrita liquorem fundunt coccineum, saporis subacris, subamaricantis, odoris non ingrati. Foliis & teneris furculis cujusdam Illicis adhæret: non quidem in omnibus regionibus, sed in calidioribus solummodo, nec omni tempore reperitur, sed mensibus Majo, & Junio, & quidem calidioribus annis.

Planta, cui hoc granum adhæret, dicitur *Ilex aculeata cocciglandifera*: C. B. P. 425. *Ilex coccigera* J. B. I. 106. (*Quercus foliis ovatis, dentato-spinosis, Van-Royen flor. Leyd. Prodi 81. 8.*). Frutex est, qui ex radice lignosa, longe lateque serpente, cortice tecta coloris diversi pro ratione soli, modo nigricante, modo rubente, tenuj, quatuor vel sex lineas crassa, nonnumquam fibrata, plures stolones emittit ad trium quatuorve palmorum altitudinem, lignosos, cortice tenuj albicante vel cinereo circumvestitos, & in plures ramos divisos, onustos foliis inordinatim positis, sinuosis, & undulatis oris spinisque armatis, Aquifolii proximis, sed minoribus, octo decemve lineas longis, sex septemve latis, utrinque gla-

glabris, lacte & semper virentibus, pediculo innixis lineam circiter longo. (Flores profert masculinos, & foemininos in eodem individuo. Flores masculini in amentum laxum digesti perianthio donantur monophyllo, quinquifido vel quadrifido, lacinulis bifidis acutis, absque corolla; staminibus vero pluribus (octo circiter) brevissimis, quorum antherae magnae, & didymae. Foeminini vero in gemma sessiles constant perianthio monophyllo, coriaceo, hemisphaerico, scabro, integerrimo, in flore vix manifesti, etiam absque corolla. Germani ovato minimo stylduo vel quinque insident, setacei, calice longiores, stigmata simplicia & persistentia gerentes. Fructus Nux est ovaliscrusta gaudens coriacea, univalvi basiderasa, affixa brevi calyci, & quasi spinoso, teres, & glabra.) In collibus saxosis circa MonsPELLUM, Nemausum, Avenionem, & alibi in Gallia Narbonensi hic frutex oritur, ubi praecipuus Cocci proventus, necnon in Gallo-provincia, Hispania, Italia.

(Praeter genuinos fructus, glandes nempe, quidam veluti folliculus Mayo mense, variis in hujusce fruticis partibus conspicitur, magnopere celebratus, Coccum insectorium dictus, de cujus origine inter auctores diu certamen fuit. Alii enim fructum esse opinati sunt; alii quoddam recrementi genus ex vulnere ab insecto quodam arbori inflicto natum; alii denique aliud senserunt. Verum sagacissimus naturae arcanorum scrutator D. De Reaumur (a), quo diligentiore accuratiorémve reperire est neminem, detexit tandem Coccum insectorium insectis quoddam esse genus illorum ex familia, quae Gallo-insecta (vulgo *Gall insectes*) ipsi dicuntur.

In hujus Cocci acremento tria cum Emerico Aquifextiensi Medico (b) tempora distinguit.

1. Ineunte Martio, animalculum quoddam semine Miliis minus, Milledeparum forma oblongo-ovata, versus caudam paulo acutiore parte, supina convexum, rubrum, punctulis plurimis aureis micantibus insignitum, & rugis aliquot transversis distinctum, sex donatum pedibus, duobus antennis facile mobilibus, & totius corporis longitudinem fere aequantibus oculis nigris & duplici cauda immobili ejusdem cum corpore longitudinis, Ilicis truncis, ramis, & foliis adhæret, ibique torpidum & immobile fit & sensim intumescit. Si tunc temporis in Ilicis ope microscopii animalculi corpus observetur dum intumescit, coccineum apparet punctulis aureis nitens, tomento quodam involutum albicante, quod in quibusdam dorsi locis, sub ventre & circa ventrem in floccos erigitur, ac nidi speciem repræsentat. Dorsum in hemisphaerum multum intumescit rugosum; & in anteriore corporis parte capitis vice protuberantiae tres percipiuntur, media crassior subrotunda, duæ laterales exiliores, & versus mediam incurvae.

2. Alterum accretionis tempus est circa mensem Aprilem; tunc animal prorsus mutatum Pisi figuram & magnitudinem aequat. Ejus membrana seu cutis firmior est, & tomentum quod initio fasciatum tantum in ejus cutim nascebatur, totam grani superficiem pulvisculi adinstar tergit; tuncque non amplius animalculum, sed folliculus videtur sanguine pallido & feroso repletus.

3. Cir-

(a) Mémoires pour servir à l'Histoire des Insectes Tom. 4. Mem. 1.

(b) Histoire des Plantes qui naissent aux environs d' Aix, par M. Garidel.

3. Circa Maij medium vel finem, tertium occurrit tempus, quo in interiore folliculi parte sub animalculi ventre tenuissima reperiuntur granula ovata, seminibus Papaveris albi dimidio circiter minora, colore pallide rubentia, & punctulis aureis distincta. Constant est membrana tenui, candida, pellucida & liquore pallido rubente. Duo millia circiter in singulis folliculis continentur. Prioris animalculi ovula sunt, ex quibus excussis prodeunt ejusdem generis animalcula prorsus similia, quæ per Ilicis ramos & folia vagantur, donec Vere sequente ad trunci ramorum divisiones sedem figant suos foetus editura.

Dum hoc animalculum seu Kermes ad debitam magnitudinem intumescit, tunc ventris, cutis seu corporis pars prona intus circa deorsum convellitur, & vacuum quoddam spatium inter ventrem & tomentum, cui insidebat, relinquit: sicque Millepedæ semiconvolutæ similis fit. Hoc in spatio vacuo ovula sua deponit: quo facto, animal moritur, & exsiccatur.

Excussis ovulis, animalcula aliquamdiu sub matris cadavere desistunt deinde in lucem prodeunt, pabulum in foliis quaesitura, non rodendo ut erucæ, sed illorum succum proboscide sugendo.

Duplicis sexus inter ea distinguit D. de Reamur; fœminas nempe de quibus hactenus, & mares a prioribus distinctissimos. Sunt enim, juxta Emericum, muscæ exigue culicibus quadantenus similes, sex pedibus instructæ, quatuor anterioribus brevioribus & duobus posterioribus longioribus, quatuor articulationibus divisæ & tribus unguiculis curvis armatis. Duæ sunt antennæ in capite sesquilineæ longæ, mobiles, oblique striatæ, articulatæ. Cauda quædam posticæ corporis parti subnectitur, semilineam longa, quæ identidem in duas partes dehiscit. Totum corpus duabus alis translucidis obtegitur. Ad instar pulicum magno impetu saliant, & fœminis fœcundandis destinantur.

Messis, prout Hyems sævior mitiosve fuerit minus vel magis fertilis est. Mulieres ante solis ortum unguibus Coccum deradunt; & ne jactura fiat insectulorum exclusione, illud aceto inspergunt, ac deinde soli exponunt siccandum; unde colorem rubrum acquirit.

De alia Kermes specie albicante Garidellus & Emericus mentionem faciunt, quam vermiculi matrem a rusticis nominari referunt. Sed asserunt hanc speciem ova parturire albicantia, ex quibus albicantia quoque animalcula maculis argenteis notata nascuntur, non vero rubra, ut Quinquenarius narrat; ita ut secundum eorum sententiam, alia species sit Kermes a rubra parum discrepans.

Aliam Coci speciem nigricantem Hyacinthus Cestonius in Hetruria circa Liburnum observavit super Ilices pumilas, Cocco insectorio similem. Hoc maturitatem adeptum succo albicante & albidis ovulis turget; ex eo erumpunt animalcula Kermesinis haud dissimilia, sed albicantia; quorum historiam fuscè enarratam legere est in operibus Antonii Vallisneri. Ex his itaque concludere licet plurimas esse horum animalculorum Coccorumque species colore tantum diversas, quatum rubra sola in usum medicum, & insectorium venit.

Botanicis plurimi Coccum insectorium in sola Ilice nasci opinati sunt. Verum vir doctiss. Martinus Lister, narrante J. Rajo ejusmodi grana etiam in Anglia Cerasorum aliarumque arborum furculis tenellis adnascantia observavit.

Coc-

Coccum baphicum duobus usibus infervit, nimirum Medicinæ, & lanis aut sericis tingendis.

Pro Medicinæ usu grana recens collecta & bene matura in mortario marmoreo tunduntur: contusa digerentur in loco frigido per septem vel octo horas, ut succi tenacitas tantisper dividatur: postea succus exprimitur, per aliquot horas in loco remoto reponitur, ut crassiores partes in vasis fundum subsideant. Sensim effunditur liquor, & a fecibus crassioribus separatur. Succo defœcato Sacchari albi æqualis portio admiscetur, & blando ignis calore ad spissioris syrupi consistentiam excoquitur. Mixturem hanc Conservam appellant, aut succum syrupumve de Kermes, ex quo celebris illa Confectio Alkermes præparatur. Alii eundem syrupum sine igne præparant hac ratione. Unicæ contusorum granorum Kermes parti tres Sacchari partes permiscuntur, & per diem integrum macerantur in loco frigido. Succus cum expressione transcolatus syrupi consistentiam obtinet. Præstantior censetur priore, cui non mediocrem volatilium partium portionem ignis ademit. Ex Occitania sub nomine succi vel syrupi Kermes ille succus sic paratus, ad exterarum nationum magna copia transvehitur.

Si vero grana integra servare velint, matura illa colligunt, & in cubiculo undique aperto acri libero super linteamina exponunt. Initio, quamdiu humore abundant, bis terve in die versant; ne increscant nimium. Si vero animalcula, incitato calore, propere & effugere nitantur; tum a custode qui continuus assidet, concussu lintei in medium usque rejiciuntur, donec emoriantur. Tunc animalcula sub coccinei pulveris specie cribro a folliculis separantur; deinde digitis leniter prehensa comprimuntur, & in pilas seu pastillos rediguntur sole exsicandos. Pastilli dicuntur Scarlatini, vulgo *Pastel d' Ecarlatte*, vel *Ecarlatte de graine*. Folliculi vero semivacui seorsim exsiccati servantur.

Pro insectorum usu Coccum eodem supradicto modo præparatur; eo tantum discrimine, quod evacuati folliculi & corbibus excepti bis terve in acetum acerrimum immerguntur, ac tandem super lintea expansi exsiccantur; unde colorem rubicundum, & magis nitentem acquirunt. Pulvis quoque rubens seu animalcula, statim atque se incipiunt movere, forti aceto irrorantur, donec in massam redigantur, ex qua formantur pastilli seu massulæ probe exsiccandæ, & ad exterarum nationum transmittendæ. Hodie in Gallia rarioris est usus apud insectores, ex quo tempore Coccinella nobis allata fuit.

Analyti Chymica, ex granorum Kermes recentium libj. prodierunt non parum phlegmatis primo, odoris & saporis expertis, deinde empyreumatici: salis volatilii concreti ʒvj. olei Citrini aliquantulum; ac tandem olei spissioris & butyrosæ consistentiæ, coloris rufescentis, odoris empyreumatici, non tamen adeo fœtentis portio non mediocris: quæ nullas acidi salis notas præbuerunt. Ex massa nigra post distillationem superfluite nihil salis fixi lixivio fuit extractum; ita ut ex animali prosapia Coccum illud oriundum videatur.

Veteres Græci, testibus Dioscoride & Galeno, in Cocco insectorio vim adstringentem tantum agnoscebant: cujus ratione vulneribus nervisque sauciatis, ex aceto tritum imponebant. Arabes primi ejus virtutis cardiacæ mentionem fecerunt. Mesues illud ad cordis palpitationem, syncopem,

men-

mentis alienationem & melancholiam commendavit. Nunc vero in difficili partu ad collapsas vires sustinendas restituendasve, ad vomitum sedandum, & ventriculum roborandum ejus pulvis, vel ex vino aut aqua cordiali, vel ex ovo forbili intus sumptus plurimum celebratur. Mulieribus prægnantibus læsis, vel ad abortum pronis, ad abortum præcavendum feliciter exhiberi solet. Quin etiam prægnantes abortum metuentes sericum Cocco tinctum sæpe deglutiant. Pulvis exhibetur a ℥ss. Syrupus vero ab ℥ss. ad ℥j. Plurimas novi mulieres, quæ nunquam ad ultimum graviditatis terminum pervenerant sine abortu, & tandem sequentium pilularum usu per novem menses absque ulla noxa fructum suum gestaverunt, & vivacem prolem feliciter enixæ sunt.

℥j. Granor. Kermes recentium pulver. Confect. de Hyacinth. ana ℥j. Ovor. Germin. exsiccat. & pulverator. ℥j. Syrup. Kermesin. q. s. M. Fiant pilulæ novem pro tribus dosibus.

Mulieres gravidæ casu læsæ, aut aliæ de causa abortum metuentes, statim tres pilulas deglutiant, superbibendo haustum vini generosi aqua temperati, vel aquæ cordialis convenientis, aut vulnerariæ. Eadem dosi post sex horas iteretur, eademque tertio post alias sex horas; ita ut pilulæ novem intra duodecim horarum spatium devorentur. Deinde singulis mensibus, tribus ultimis deficientis lunæ diebus, mane jeuno ventriculo tres similes pilulas pro dosi devorabunt, sic continuando usque ad puerperium, cum debitis cautionibus.

℥j. Granor. Kermes pulverator. ℥j. Santal. rubr. & Sang. Draconis ana ℥ss. Corall. rubri pp. ℥ss. Germin. ovor. exsiccat. & pulver. ℥j. Confect. de Hyacinth. ℥ij. Syrup. Granacor. q. s. M. F. opiata. Dosis ℥j. quotidie mane per novem dies, ab abortum præcavendum.

℥j. Syrup. Kermesin. ℥ij. Sacchar. Candi ℥j. Pulver. lætificat. Galen. ℥ij. Olei Nuc. Mosch. still. ℥ij. Ag. Cinnamom. ℥ij. Ag. Rosar. ℥ij. Vini Hispanici Aloneensis, vulgo *Alicante*, ℥ss. M. propinentur ℥ij. mane & vespere contra abortum & difficilem partum, aut ad vires longo morbo fractas, vel senio labantes restituendas.

Quidam cardiacam virtutem Cocco baphico denegant, solam adstrictionem ei concedentes. Verum si ad ejus analysim attendere velint, intelligant sane tinctorium granum salibus volatilibus turgere, ac proinde massæ sanguineæ spiritibus destitutæ actuosas partes posse suppeditare.

Garidellus in historia Plantarum Aquilexientium observat, columbas grana Kermes avidè expetere, suisque oggerere pullis; at vero eascā illam ei'dem esse infestam, ita ut juniores intendant; vetustiores vero alvi profluvio rubro afficiantur. Ex qua quidem observatione non prorsus innoxium esse hoc granum concludere possemus, nisi contrarium frequentissimo illius usu satis, superque probaretur. Columbibus autem noxium esse potest, quod hominibus quibusdam in circumstantiis salutare compertit. At vero quod Simon Paulli post Rondeletium refert; quemdam in dysenteriam ob nimium & frequentem Confectionis Alkermes usum incidisse, non grano Kermes tribuendum censemus, sed potius lapidi Lazuli, qui in ea Confectione usurpatur.

Syrupus Kermesinus iisdem ac grana Kermes virtutibus donatur. Usurpatur in celeberrima Confectione Alkermes.

Grana Kermes usurpantur in Confessione de Hyacinthis, Pulvere diamar-
gariti frigidi, &c. Præter granum Kermes alia sunt grana similia, quæ ad
diversarum plantarum radices reperiuntur, qualia sunt Coccum radicum,
Coccum Polonicum, quibus Poloni ad elegantem tincturam coccineam se-
ricis aut laneis pannis conciliandam utuntur. Radicibus cuiusdam herbæ
Knavel dictæ adhæret. Similia quoque reperiuntur in radicibus Pimpinellæ
saxifragæ, Plantaginis, Parietaræ, Pilosellæ, & aliarum. Hæc grana
in usum medicum nunquam aut rarissime usurpantur.

Quandoquidem Coccinella & grana Kermes maxima inter se affinitate
conjunguntur, hanc ab illis separandam non esse visum est.

Coccinella, Cochinilla & Cocciniglia, *Officin.* Cochenilla Hispanis, *Bre-
yn. Hist. Cor.* 6. Cochinille, sive Fici Indici grana, *Park. Theat.* 1498.
Ficus Indiæ grana, *C. B. P.* 458. Nocheznopalli seu Nopalnochazilli, id
est, Coccus Indicus in Tunis quibusdam nascens, *Hernand. Hist. Mexic.
Plant.* 78. Scarabeolus hemisphæricus, Cochineelizer, *Gaz. Petrv.* 1. fig.
5. & *Sloane Hist. Jam.* 2. 208. vulgo *Cochénille*.

Grana Coccinea Indica, qualia vulgo in officinis prostant, figuræ sunt
prorsus irregularis, hinc convexa, inde compressa, vel etiam parumper
concava, striis utrinque transversis ceu rugis notata, coloris intus puni-
cei, extus vero modo atro-rufi, modo leucophæo-cinerei rubro nonnihil
permixti. Quæ hunc colorem obtinent, præstantiora censentur. Adspor-
tantur nobis ex Mexicano Regno, ubi maximi sunt proventus.

Pro fructibus diu habita sunt; at recentiorum industria tandem com-
pertum est, insecti quoddam esse genus Opuntia arbori Americanæ inhæ-
rentis, quodque vir clarissimus D. de Reaumur inter *Progallo-insecta*
(*Progalloinsectes*) recensendum esse existimat.

Coccinella itaque insectum est ovatum, Pisi exigui crassitie, viviparum,
hexapodum, proboscide instructum, qua succum plantarum sugendo ali-
tur, cujus corpus ex annullis constatum est, plantis, quibus pascitur im-
mobile adhærens, ubi semel sedem fixit, nulli mutationi obnoxium.

Duplex vulgo distinguitur: altera domestica & præstantior (*Cochénille
mesteque*), quæ tincturam puriorem copiosoremque suppeditat, & cariori
pretio venit; altera sylvestris, & ignobiliorem colorem largiens: has vero
specie inter se distingui non debere verisimilimum est. Quod enim inter
illas intercedit discriminis, inde repetendum videtur, quod hæc sponte sua,
& nulla hominum industria, arbores depascat incultas; illa vero summa
cura, & stato tempore, arboribus admoveatur studiosissime cultis, unde
puriorem & aptiorem succum fugit. Quibus enim curandarum Coccinella-
rum demandata est provincia, illi Opuntias certo ordine disponunt, atque
studiose colunt, ab aliorum insectorum injuriis eas defendunt; & si quæ
irreperierint, diligentissime deturbant, arbores vulpinis caudis detergendo,
ne simul novella insectorum seminaria lædant.

Præterea non absque veri specie a nonnullis censetur, istud discrimen a
vario tempore messis, variave Coccinellæ conditione, prout nempe vel
prægnans, vel connixa lecta fuerit, exurgere posse; ita ut quæ aptiori
tempore lecta fuerit, præstantior sit habenda.

Exeunte anno, cum imbres & frigora imminet his animalculis cocen-
tissima, Opuntia ramos sive folia (utrum enim dixeris, parvi refert) Coc-
cinellis onusta ultimum incrementi gradum nondum adeptis decerpunt,
quæ

quæ domi affervant, donec Hyems præterierit. His interim soliis copioso succo turgidis vescuntur & crescunt. Cum mitior tempestas rediit, & animalcula fœtus suos jamjam exclusura sunt, Indi nidulos avium nidis similes, sed minores, ex mulco arboribus innascente, vel fœno molli, vel ex tomento Nucis Cocos construunt: in singulis quibusque nidis duodecim, quatuordecimve infestula recondunt; nidos Opuntis admovent, & spinis appendunt. Tribus vel quatuor elapsis diebus, Coccinellæ fœtus suos excludunt, qui paucis post diebus e nidis exeuntes, arboribus sese applicant, per ramos vagantur, ac tandem sedem figunt, ubi adolescent, & succum alibilem exsugant, & ubi a maribus fœcundatæ fœminæ novam sobolem deponant.

Triplex in anno, si tempestas opportuna fuerit, fit Coccinellæ messis:

Ac primo quidem post exclusos fœtus colliguntur matrum, quæ in nidis reconditæ fuerant, cadavera: deinde post trium vel quatuor mensium intervallum fit altera messis, cum scilicet Coccinellæ, quæ super arbores veluti satæ fuerant, incrementum adeptæ sunt. Tunc enim priusquam suam edant progeniem, Indi eas penicillo exiguo ab arboribus molliter excutiant, nonnullis tamen parcendo, quæ ex se nascenda sobole tertiam messem suppedient.

Ubi Coccinellas Indi collegerunt, illas enecant; vel in crocibus reconditas in aquam ferventem immergendo, quas deinde soli siccandas exponunt; vel in clibanum, ut par est calefactum, eas storeis impositas immittunt; vel tandem super laminas calefactas. Ex varia hac enecandarum Coccinellarum ratione petendi varii illarum colores. Quamdiu vita gaudent, albo pulvere conspersæ sunt: quæ aqua fervida enecantur, pulverem hunc amittunt, & colorem acquirunt atro-fuscum: quæ vero in clibanis, pulverem istum conservant, & colore nitent leucophæo-cinereo; tandem quæ super laminas torrentur, nigræ evadunt.

Coccinella iisdem virtutibus gaudet ac grana Kermes, Cardiacum insignè habetur, sudorificum, alexipharmacum & antifebrile medicamentum, febres omnes quantumvis malignas sanans; ideoque in peste & febribus petechialibus exhibetur. Illam ex aceto tritam adstringere, admodumque in forma emplastri vulneribus opitulari asserit Hernandez, cor, caput, atque ventriculum roborare, ac dentes egregie extergere. At rari usus est in Medicina. Ingreditur Confectionem Alkermes. Melius inservit pictoribus & tinctoribus, ad colorem non tantum purpureum *lacca* dictum; sed & vividissime sanguineum, qui coccineus vulgo dicitur, extrahendum, quo cum cæruleo commixto violaceus producitur.)

Finis Tomi primi.









